










DE VITA

2 vols

$\frac{27}{30}$







ANTIQUITATES  
BENEVENTANÆ.



THESSALUS

ANTIOCHUS

BEATRICE

ANTIOCHUS

BEATRICE



# THESAURUS ANTIQUITATUM BENEVENTANARUM



ROMÆ MDCCLIV.  
EX TYPOGRAPHIA PALLADIS

---

EXCUDEBANT  
NICOLAUS, ET MARCUS PALEARINI  
TYPOGRAPHI, ET BIBLIOPOLÆ ROMANI  
PRÆSIDUM FACULTATE.

THE  
ANTIOUITATUM  
BENEVENTANARUM



R. O. M. E.  
EX TYPOGRAPHIA  
DE REGIA BIBLIOTHECA  
VATICANA  
MCMXIV



V

# BENEDICTO XIV.

PONTIFICI OPT. MAX.

JOHANNES DE VITA  
BENEVENTANÆ ECCLESIE CANONICUS



Tua, BEATISSIME PATER, divina  
Virtus, & Operis mei ratio, atque institutum, jure  
optimo postulabant, ut, quum in lucem hominum prodire illud  
debuisset, ex Tuo inscripto Nomine, tum perspicuum Tibi ob-  
servantiæ meæ testimonium exhiberet, tum etiam sibi pretium, ac  
Tutelam



Tutelam compararet. Æquum quidem fuit, ut quæcunque Beneventanæ Urbis Decora, quæ vetustis consignata monumentis, variisque antiquioris ævi celebrata Scriptoribus, disiecta hætenus, ac penè oblitterata, pulvere tandem, ac squalore deterfso, in unum Corpus, me auctore, coaluerunt, Tibi PATRI DOMINOQ. se sisterent, eoque redirent omnia, unde post Græcorum, Samnitium, Romanorum, Langobardorum subortos sibi Principatus, postremum maximumque omnium Decus, cum summa, ac perpetua rerum omnium felicitate conjunctum, Apostolicæ Sedi subdita Beneventum sibi arcessit. Quæ ratio etsi deesset, fecisset tamen Virtus Tua, quæ, ut aiebam, id mihi suscipiendum consilium præcipuè commonebat. Quæ enim faustiora sibi Auspicia THESAURUS hic comparare potuisset, aut quo augustiore alio Nomine præfulgere, quàm Tuo, ex quo uno id commodi in alios promanat, ut quæ Tibi inscribi finis, novam induant dignitatem, atque immortalem sibi lucem mutuari videantur. Quæ itaque, & quanta hæc Virtus Tua, quæ, quum Christi Ecclesiam, immo Orbem Terrarum universum tam assiduè, copiosèque colustret, adhuc ad alieni operis patrocinium evocata, privatis rebus, atque studiis splendorem affundat: Atque novum exinde mihi accedit emolumentum; nam, quum (quod è re mea esse videbatur) Virtutem hanc Tuam enarrare, deprædicareque deberem, ab hisce partibus suscipiendis, quibus vix suffecissem, jamdiù pervagata quòcunque gentium Fama, ac celeberrima illa, quæ de Te est, omnium hominum existimatio, abstinere permittunt. Neque verò tum primum, quum in excelsò summi Pontificatus culmine Tecum confedit, Te ubique Terrarum suspicendum ostendit: Noscebaris antea; neque in Magni Tui Nominis partem singularis Lambertinæ Gentis claritudo se obtulit, sed amplissimi Honores Tui, maximo Ecclesiæ universæ bono, in Urbe gesti, Pastoralia Munera, quibus in Anconitana primum, in Bononiensi dein Ecclesia egregiè perfunctus es, luculentissima denique, ac satis spissa Ingenii Tui monumenta, in quibus omnibus Iustitia, Pietas, Liberalitas, Sapientia, rerumque maximarum, ac difficillimarum feliciter, celeriterque expediendarum Consilium, & quicquid tandem cæterorum Bonorum divisim, sigillatimque alios clarissimi Nominis gloria beatos efficit,



cit, omnia simul in Te collecta, atque omnium oculis, immo omnium utilitate assidue comprobata, maximam Nomini Tuo celebritatem pepererunt; adeò ut, quum in inferioribus, ubi consistebas, Honorum gradibus, jam tum Virtutum merito Optimus, Maximusque essem, ut ita tandem vocarere, summus duntaxat gradus Tibi detulisse videatur. Talem sibi Pontificem Dei Providentia delegit, præsens illa quidem, cui soli in Pontificia Creatione Eminentissimorum Patrum suffragia obsequuntur, præsens adhuc, tum quum post longa Sacrorum Comitiorum interval- la, dum alius, atque alius Pontifex designaretur, subita luce, atque instinctu Te creandum ostendit. Tunc Virtuti Tuæ datum est, non ut Pontificatu Maximo augesceret, sed ut quanta esset, ex Pontificatu pateret, eique explicandæ ipse Pontificatus deserviret. Edideras jampridem præclarissima Operum Tuorum Volumina, ingenti quidem mole, sed majore rerum gravitate, atque incredibili solidissimæ eruditionis ubertate præstantia, quibus Catholica Fides, Ecclesiastica Disciplina, universa demum Christiana Resp. Te Vindicem, Instauratorem, Illustratoremque habere lætabantur; sed eadem Sapientia Tua factum est, ut Pontificatum adeptus, quæ antea docendo præstiteras, jubendo demum perfecisse videreris; ita ut solis Legibus Tuis, pro re nata hætenus promulgatis, quibus Ius Ecclesiasticum penè universum, præsentibus temporum, ac personarum rationibus mirè, ac saluberrimè accommodatum continetur, tum laxioris Ethices compressa licentia, ac profligata documenta, tum malorum non rami tantum excisi, sed ipsæ etiam evulsæ radices, tum denique omnium ordinum Pietas, Religioque constabilita est, novis jam, validisque in omne ævum, ac quoscunque adversus hostes comparatis subsidiiis, Christiana Respublica æternum stare jam possit. At in conferendis Honoribus dixerit fortasse aliquis, ex Summa rerum Potestate usu Tibi tum primùm venisse, ut idoneos, dignosque deligeres; immo vero familiarissimam Virtutem Tecum comitem attulisti, tamque Tibi propriam, quàm Tu Tibi es, ex quo uno jamdiù omnibus probaveras, non Generis nobilitate, non Principum gratia, non ipsa demum meritorum mediocritate, sed diuturnis laboribus, eximiisque Virtutibus partos Tibi per omnes gradus Honores eò demum Te evexisse, unde alios

## VIII

ad Honores electurus perpetuum ex Teipso exemplum & Tibi petis, & aliis præbes, ut Tu sic eligas, illi sic eligendos se sciant: Hinc admirandum illud, ac jam solenne (quod peculiare Monimentum, ac velut Insigne Pontificatus Tui Posterius agnoscent) electionum tuarum institutum, quo Pastoralia Munera, amplissimosque alios Honores non modo non petentibus, sed neque opinantibus tribuis, ac recusantes plerumque, reluctantesque compellis; ut jam vetusta Ecclesiæ Sæcula nobis restituas, atque eligendorum Sortes, quas Tibi Deus concedidit, è manibus tuis, non secus ac è Cælo delapsas ostendas. Tantus interea Tuus est Sapientiæ amor, ut non modo aliis faces subdas, sed planè eos incendas: Parum enim est, exemplo ciere, hortari voce, laudibus, præmiisque incitare: Dux præis, & Magister; dum celeberrimæ illi abs Te institutæ Academiæ non Tuo tantum Nomine, ac Patrocinio, sed Præsentia quoque assiduus ades, nec tam augustam Oris majestatem, quàm opportunam iudicii tui gravitatem impertis; lætarisque jam, ad Ecclesiasticam Antiquitatem illustrandam magna illustrium Virorum ingenia, crebris luculentisque Dissertationibus publicè pronunciatis, id maximè eniti, ut se Tibi probent; nam à Te probari maxima omnium merces est, qua illi & perfectæ Sapientiæ se laudem assequutos, & in maiora Ecclesiæ commoda feliciter allaborasse congaudeant. Neque verò inter hæc Sanctioris Disciplinæ, quæ tam longè provexisti incrementa, cæteras Bonas Artes, ac Liberalia Studia negligenda pateris: Norunt omnes, (ut alia præteream) quanti reliquam Antiquitatem omnem facias, cuius quæcumque in dies egregia prodeunt monumenta, ab imperitorum manibus vindicanda, ac in præclarissimo Capitolino Cimeliarchio recondenda curas; quare, non modo iustum his gazis pretium statuis, verum etiam Sæculi diligentiam probas, quæ in illis explicandis illustrandisque tantopere fervet; fervebitque adhuc, Te æquo æstimatore, & Patrono, non ea inani opera, quam in sordidis ruderibus, pulverulentisque faxis, infinitisque de litterula una exponenda quæstionibus, quæ in Logomachias quam frequenter profiliunt, otiose collocatam putant quidam obesæ naris homines, sed ingenti illo, ac plane singulari honestissimorum studiorum emolumento, quo non excoluntur ingenia tantum, sed etiam locupletem



pletem omni ex parte eruditionis penum sibi comparant , & , quod rei caput est, in Ecclesiasticæ Antiquitatis Sacrarium non tam viam sibi sternunt , quam sensim , ex ipsa rerum , studiorumque affinitate , se inserunt , jamque illic familiarius versari , seseque exercere contendunt : Quod quum ego in Patriis Antiquitatibus illustrandis pro virili parte exequi conatus sim , jam in spem illam ingredior , ut Opus meum Tibi probari queat , Tuoque , quod omnium instar est , probatum judicio , maximam sui pretii accessionem assequatur : Sin aliter res erit , ingens adhuc ex inscripto Tuo Nomine æstimatio manebit ; mihi vero illud satis fuerit , quod obnoxii , gratique animi intererat , publico Patriæ meæ nomine Tibi exolvissè ; itaut , dum Vetus Beneventum sese Tibi dicat , jam simul recens Beneventum sua Tibi officia depromat : Ea enim , Te Auctore , honoris amplitudo , ea temporum felicitas nuper Benevento accessit , ut Franciscum Pacca , Archiepiscopum obtinuisse lætetur , Virum , inquam , illum , quem summo loco , immo Patriæ bono natum , ita Patriæ reddidisti , ut alterius Virtuti , alterius vero Felicitati prospexissè videaris : Sed pergis adhuc Beneventum decorare , dum Civem optimum alterum ex eodem Patriciorum Ordine , Ianuarium de Simone , inter Rom. Curia Prælatos dudum , meritoque cooptatum , gravioribus ejusdem Curia Honoribus statim admovisti : Atque istud quidem , P. O. M. , singularis , ac prope divini Beneficii genus est , in Beneventanorum commoda a Te profectum , ut aliorum merita dignis Honoribus prosequutus , aliis merendi contentionem injicias , animosque acrius ad virtutes incendas , quibus ornatissimi Cives sibi , ac Patriæ prodesse enitantur : Ad hæc , innumera alia , ac prope quotidiana in Beneventanæ Reip. bonum , & tranquillitatem sunt a Te collata Beneficia , quibus impetrandis Vir Eminentissimus , Amplissimi Ordinis Ornamentum , Tuique Principatus primarius , meritisissimusque Administer Cardinalis Silvius Valenti Gonzaga consilium , opemque suam ita contulit , ut , quum perpetuum in posteritatem omnem illorum fructum , utilitatemque habeamus , immortalis etiam Munificentia Tuæ , Laudumque Tuarum apud Nos , serosque Nepotes nostros extaret memoria. Quibus igitur , quantisque de causis Opus meum dicandum Tibi esset , jam ostendi ; quibus singulis quum satis hac una re nequaquam

X

quaquam fecisse fatear , reliquum est , ut mea ad Deum Opt.  
Max. pro incolumitate Tua ferventiora sint vota , quorum si com-  
pos ero , & justas pro Meritis Tuis vices reddidisse , & quam-  
diutissima universæ Reipublicæ Christianæ Felicitati consuluis-  
se videbor .



TOTIUS



# TOTIUS OPERIS CONSPECTUS

## PRAELOQUIUM

Pag. I

DISSERTATIO PRIMA. De Urbe Beneventana .	13
CAP. I. De Beneventana Urbis Origine , ejusque nominum ratione .	ibid.
CAP. II. De variis diverso tempore Romanorum Coloniae Beneventum deductis .	29
CAP. III. De fure Beneventanae Coloniae , ejusque Tribu .	41
CAP. IV. In lapidem Juliae Augustae a Beneventana Colonia dedicatum Commentarius .	53
DISSERTATIO II. De Rebus Sacris Veterum Beneventanorum .	62
CAP. I. De Diis Patriis Veterum Beneventanorum .	ibid.
CAP. II. De Superstitiosis Ritibus Veterum Beneventanorum .	86
CAP. III. In veterem Inscriptionem GENIO COLONIAE BENEVENTANAE dedicatam Commentarius .	99
DISSERTATIO III. De Tempore , quo primum Beneventi suscepta est Christiana Fides .	110
DISSERTATIO IV. De Veteribus Magistratibus Urbis Beneventanae ,	123
DISSERTATIO V. De Collegiis veterum Beneventanorum .	159
DISSERTATIO VI. De Via Trajana .	175
DISSERTATIO VII. De Augustis Viris , qui Beneventanam Urbem frequentarunt , eorumque Elogiis a Beneventanis dedicatis .	187
DISSERTATIO VIII. De Re Litteraria Veterum Beneventanorum .	204
DISSERTATIO IX. De Re Militari veterum Beneventanorum .	221
CAP. I. De Viris , qui Romanae Militiae Muneribus illustres fuerunt .	222
CAP. II. De Legionibus , in quibus Beneventani Milites censi fuerunt .	235
CAP. III. In militarem Lapidem C. Luccii Beneventani Commentarius .	241
DISSERTATIO X. De Operibus publicis veteris Beneventi .	253
CAP. I. De Arcu Triumphali Imp. Trajani .	ibid.
CAP. II. De Caesareo veteris Beneventi .	264
CAP. III. De reliquis Operibus publicis , quae olim Beneventi exstant .	271
DISSERTATIO XI. De Monumentis Veterum Christianorum Beneventi exstantibus .	290
CAP. I. Mamercii Marcellini VI. Curatoris sepulchralis Titulus explicatur .	ibid.
CAP. II. Vera atque constans Ecclesia Disciplina , ostendens de sepeliendis apud Aedes Sacras Christianis defunctis .	307
JOH. BAPTISTAE PASSERII V. C. De Veteri Anaglypho Beneventano Epistolae Disseratio .	323
PAULI M. PACIAVDI Cl. Reg. De Beneventano Cereris Augustae Mensore ΕΞΗΓΗΣΙΣ .	329
ANTIQUAE INSCRIPTIONES Beneventanae in decem Classes distributae , ac notis illustratae cum VIII. indicibus .	Pag. I

## ADPROBATIONES.

**L**egenti mihi seduloque expendenti jussu Reverendiss. P. Jos. Augustini Orfi S.A. Palatii Magistri **THESAURUM ANTIQUITATUM BENEVENTANARUM**, nihil omnino occurrit, quod orthodoxam Religionem, morumque sanctimoniam vel minimum temerare possit, multa vero se obtulerunt, quæ Cl. Auctoris omnigenam eruditionem, diligentiam, & præclara in Patriam merita uberrime commendent, maximamque illi pariant nominis celebritatem: ideo ut litterarum commodo typis tradatur excudendus, decere censeo, Romæ ex Ædibus S. Silvestri Montis Quirinalis xiv. Kal. Septembris MDCCCLIV.

*Paulus Maria Paciaudius Procurator Generalis Congr. Cler. Reg.*

**N**ovum præstantque opus, cui titulus, **THESAURUS ANTIQUITATUM BENEVENTANARUM** AUCTORE JOANNE DE VITA METROP. ECCL. CANONICO, Reverendissimi P. Josephi Augustini Orfi Sacri Palatii Apostolici jussu perlegi. Nihil in eo deprehendi, quod Orthodoxæ fidei, bonisque moribus adversetur. Quare dignum censeo quod publica luce donetur: sacra siquidem, ac profanæ antiquitatis cognitio plurima inde suppetit, quam subacti ingenii Auctor e situ eductam, studio, atque opera ingenti in apicem protulit. Pergratum apprimè futurum puto Apostolicæ Sedi, quæ sui juris civitatem tot insignem nominibus, novo hoc antiquarum rerum examine, coque acerrimo illustriorem fieri sentiet. Utile autem omnibus fore arbitror, qui Augustei ævi monumenta quædam, aliaque non pauca mediæ ætatis adhuc delitescere in ea civitate haud ignorant: omnia enim aureo demum isto sæculo vir selectæ doctrinæ, atque eruditionis sub eorum aspectum reducit, maximeque illustrat. Ex meo Domicilio in Civitate Leonina xv. Cal. Martias A. MDCCCLIV.

*Cajetanus Cennius.*

## IMPRIMATUR

Si videbitur Reverendissimo Patri Magistro Sacri Palatii Apost.

*F. M. de Rubéis Patriarcha Constant. Vicefg.*

## IMPRIMATUR


Fr. Jos. Augustinus Orfi Ord. Præd. Sacri Pal. Apost. Mag.



TABULA MARMOREA AD FONTEM S. SOPHIAE SABINARVM RAPTVM EXHIBENS



## PRAELOQUIUM.



NON ambitiosa fortasse BENEVENTANÆ URBS laus illa videri potest, si, quæ unquam in præclaras alias divisa Urbes satis illustrem quibusque singulis nominis famam compararunt, ea prope omnia in eam unam collecta prædicentur. Ad Regium, quem ipsa jactat conditorem, vetustissimam quoque, ac Trojanæ Urbis fato supparem adjungit originem: Maleventi nomine orta mox, nequaquam adversantibus malefautis natalis sui nominis auspiciis, magna esse cæpit, atque amplitudine sua, inter varias fortunæ vices, diversaque sibi persæpe succedentia dominantium imperia semper sibi constans, assiduusque pacis,

bellique ornamentis illustris, nunquam defecisse visa est. Prior ætas, dum Diomedæ Ætolix Regi paruit, brevior quippe, ac remotior, præter ipsum Regii Conditoris Decus, cetera omnia posterorum memoriæ invidit. Sed jam e Græcis in Samnitium ditionem translata, dum Samniticum staret Imperium, Samniticarum Urbium facile princeps, certe suæ Gentis Arx, & Propugnaculum, diu de Terrarum Orbis imperio cum Romanis decertavit, sed collapsis Samnitium rebus adhuc ipsa superstes, illorum nomen, sanguinem, gloriam, jura omnia, etiam post Syllæ furores incolumis, sola servavit: at (posteaquam Romanorum Virtuti, an Felicitati concedendum tandem fuit) recens, quod modo retinet, faustumque nomen adepta, in florentissimam eorundem Romanorum Civium evasit Coloniam, eoque potita jure non tam Romanis subesse, quam communibus sibi Romanorum Juribus, Majestæteque ipsa effulgere cœpit: quid, quod irruentibus demum in Italiam Barbaris nationibus, Romanoque Imperio extremum in ipsa Italia fatum jam subeunte, cum plena omnia maximis incommodis, gravissimisque calamitatibus essent, novum adhuc felicitatis genus Beneventanæ Urbi contigisse potuit? Locata enim ibi Longobardorum Ducum, subinde Principum sede, tantum absuit, ut barbarico pressa jugo deterrima quæque subiret, barbarasque cum ipsis foedis moribus vestes indueret, quin potius Dominantium animos, si eorum primum excipias Zotonem, tum ad bellicæ laudis, tum ad pietatis, ceterarumque virtutum omnium studia ita efformavit, ut dominatrix ipsa, haud quidem nomine, sed Regio Jure, & insignibus ad quinque sæcula Italix omni Cisterinæ sua jura dederit; cumque mole sua stare vix posset, Capuanum, Salernitanumque Principatus, magna olim ingentis sui corporis membra in nova corpora abs se propagavit. Extincta

A

postremo

postremo post Landulphi VI. obitum Longobardorum Principum Stirpe, cum Beneventanus ipse Principatus in Apostolica Sedis Jura jamdiu quaesita, Ditionemque pervenerit, Regni quidem investito nomine, (quod aliis ex Summorum Pontificum indulgentia Feudi Rom. Ecclesiae titulo dari coepit) suae olim Principis Urbis etiam appellationem amisit, sed Urbi ipsi servatum decus, nec omnino adempta, qua adhuc fulget, pristini splendoris, ac vetustae Dignitatis Imago: nam in ejusdem Regni *investituris*, ut vocant, ad plenum ejusdem Apostolicae Sedis imperium semper excepta, ita Romano Pontifici parere novit, ut non solum illius in Regnum universum testaretur Dominium, verum etiam eximia praeter ceteris Regni Urbibus Dignitate commendaretur.

Haec quum certis rerum gestarum monumentis satis consent, unum tamen est, quo maximam suo nomini, ac gloriae injuriam tulisse haecenus, queri possit; Inops enim adhuc videtur ejus rei, qua hodie pleraque aliae, mediocris licet nominis, Urbes superfluere prope videntur, ut nempe tot tantaque, quibus adeo locuples est, ornamenta, partim inter ruderum acervos fordescunt, partim denique ingentibus veterum Scriptorum voluminibus sparsim conclusa, ac pene conspulta, e situ tandem, & neglectae vetustatis squallore eruta, in eam lucem educerentur, quae collectos simul in suum veluti orbem radios omnes vividius uno aspectu explicaret; desuit, inquam, quod haecenus aliis invidere duntaxat debuit, non esse partes, aut frustra divulsa, sed ornamentis suis omnibus in unum corpus coalescentibus, tota sui Majestate effulgere posset, absolutumque aliquando, quod omnium oculis praesto esset, sui simulacrum exhiberet. Fuere ante hanc aetatem, eaque etiam, in qua versamur ipsa, qui hujusmodi operi adlaboraverint (a): quorum tamen litterarios conatus aut in lucem jam editos, aut in scriptis adhuc latentes ex eo duntaxat laudandos crediderim, quod feliciora ingenia, (quod mihi haud omnino blandiar) ut aliquid tandem pro rei dignitate praestarent, excitasse vixi sint.

Quae quum ego singula mecum animo aliquando reputassem, jamque mihi id omnino unum esse videretur, quod Beneventanae Urbis ad suae gloriae cumulum immortalitatemque desiderandum supererat, exarsi statim, atque aliquid tandem pro Patria audendum mihi esse duxi. Antea vero quam tanto operi manus admovebam, multa animo obversabantur; atque, ut est ipsius animi vehemens in ea proclivitas, quibus primum imbutus fuerit, Jurisprudentiali studiis dum juventam transegissem, Municipale Jus Beneventanum ita commentariis illustrandum decreveram, ut quum prius de jure Samnitium, dein veteri Romanorum Colonico, tum de Longobardico (servata ab Benevento condita succedentium sibi Temporum, ac Dominationum serie) suis cuique tribus Dissertationibus egissem, ad ipsum denique recens Jus, quod *Statutarium* vocant, fuisse commentandum accedens, cum patrii Fori utilitate vetusta quoque Patriae ornamenta conjungerem. Ea, quibus singulae operis partes justa mole exurgerent, jam prope paraveram omnia, quum honestissima, quae sane ingenitae meae mentis indoli accommodatior videbatur, occasio praesto fuit, qua forensibus curis, quibus aegre distinebar, exolvere aequum, mihi etiam gratissimum fuit. Excidit itaque animo statim, quod conceperam, ac cum novis vitae meae rationibus novum simul elaborandi operis consilium suscepi, ubi nihil omnino de municipalibus Legibus, claritate, aequitateque sua satis se commendantibus, quas etiam, ut de Juris Communis libris Justinianus recte sanxit (b), intactas abire melius, quam supervacuis Commentationibus fovendarum potius, quam dirimendarum litium invitas auctrices efficere; nihil, inquam

(a) Inter hos, haud omnino necessitudini indulgisse videbor, si Patrum meum magnum Marcum de Vita S. Metropolitanæ Ecclesiae Canonicum Bibliothecarium recenseam, cujus antea superiori saeculo cum laude jam meministi tum Episcopus Pompejus Sarnellius in sua Basilicographia lib. 3. tum quoque Abbas Ferd. Ughellius Ital. Sac. Tom. VIII. & quidem ei debuit Ughellius, ut in ea praeclari sui operis parte Beneventanorum Antiquitatum nomina, genus, seriem communicatis ex Bibliotheca Beneventana vetustis monumentis, accuratius, quam olim Viperæ, ediderit: at non ea sola viri solertia, qui, ut Historiam Sacram Beneventanae Ecclesiae absolutissimam aliquando ederet, apparatus (quod mihi haecenus ignorabatur) opipare lucubravit: Manuscriptum volumen satis spissum, cui auctoris nomen, descripta prima pagina, aberat, apud summum Virum nostratem biennio ante mihi vidisse contigit, quod avi-

de evolutum pluribus etiam paginis in decursu operis imminutum dolui; sed major dolendi, an letandi fuit causa, dum in ima pagina 27 haec manu, apud nos vulgo ipsi notissima, ven. mem. Card. Ursini Archiepiscopi, dein Benedicti XIII. P. O. M. adnotata inveni: *Mancano i fogli 28 fino al 62 inclusive: in questi è disputata, e provonta l'esistenza del Corpo di S. Bartolomeo in Benevento: questo stesso trattato, che manca qui, è in altro volume a parte dello stesso Autore Marco de Vita Bibliothecario di questa Chiesa Metropolitana. Ita ex Viri laboribus suos tulit honores laudatus Ursinus in luculenta Dissertatione de eadem re edita ann. 1694. quam habes in Synodico Provinciali pag. 56. & seqq., ac subinde Bassius Jannellus, qui rem actam iterum egit. Quod reliquum vero in Manuscripto fuit, Plagiatorum manus haud effugere valuit.*

(b) De confirmatione Digestorum §. 21.



quam de *Statutario Jure*, omnia vero, quæ ad patrias Antiquitates pertinent, operæ meæ pretium factura malui: quod tamen, ne citius pro meo, meorumque amicorum voto, ne etiam pro amplissima materiæ dignitate numeris omnibus absolutum exequerer, tum adversa valetudo diu obstitit, tum præsertim antea acti muneris mei sollicitudo, quæ vix paucis subsecivis horis quas mihi, privatisque meis literariis exercitationibus impenderem, frui hæcenus patiebat. Quicquid tandem illud sit, non uni mihi Patria debebit, quam mecum, hac etiam parte, exornandam fategit Illustrissimus, & Reverendissimus Dominus Franciscus Pacca, ex Marchionibus Matricis, Patricius Beneventanus, quem diu pluribus, amplissimisque honoribus in Romana Curia egregie functum, nuper Patriæ suæ, Archiepiscopali Munere meritissime sibi collato, ita restitutum lætamur, ut unius Viri dignitate, ac virtutibus cum vetere Benevento recens Beneventum ipsum æquis decertare ornamentis, parique gloria haud alterum esse videatur. Eum itaque, cum Romæ aliquando essem, non modo consilii mei fautorem habui, sed qui etiam plurimis ab se olim collectis monumentis qui ad rem lapidariam pertinerent, mihi communicatis, currenti jam calcaria adderet. Is etiam postremo fuit, qui Metropolitanæ huic Sedi suæ coram adsidens selectam Bibliothecam suam (qua non ita pridem publici juris effecta, utilissimo, ac pernecessario ad honestissimarum disciplinarum studia incitamento, munificentiam suam erga Cives auspiciatus fuit) statim patere mihi voluit, postquam traditam mihi Decennalis S. Seminarii regiminis caussariam simul, honestamque missionem, ejus lateri generalem Auditorem me deligens, veteribus nova, ac præclara beneficia cumulavit. Sed nec Illustrissimus, & Reverendissimus Dominus Januarius de Simone Beneventanus Patricius, clarissimi quondam Patru Nicolai Episcopi Marcianensis, Vaticanæ Basilicæ Canonici, & Congregationis Disciplinæ Regularis a Secretis eximias virtutes jamdiu ab ipso juventutis flore æmulatus, munera quoque ipsa, amplioraque alia pro egregiis, satisque in Romana Curia spectatis meritis mox subiturus, silentio mihi prætereundus est; qui ope, ac consilio in hujus Operis editione, quam celeriter, eleganterque expedienda, humanissime mihi adfuit. Amicorum tandem litteratorum meorum haud semel in Opere honoris causa meminisse contingeret: At sileamne heic Clarissimum Paciaudium? Sileam, inquam

*Animam qualem neque candidiorem*

*Terra tulit, neque cui me sit devinctior alter.*

Publicas Viri summi laudes non exequar, quæ audito tantum magno nomine omnes ubique norunt: privatas vix tangam: ab eo enim studiorum quæ huc pertinent, meorum profectus mihi multus, emolumentum ingens. At de Mecœnatibus meis (an enim una tantum re Mecœnas quis erit?) satis, quod Lectori, mihi vero non unquam.

Opus itaque in tres distribuitur partes, tum propriis voluminibus, tum rerum materia inter se secretas, atque distinctas, itaut earum quælibet seorsim sibi constare, atque absoluta videri possit. Prior hæc in ea omni antiquitate versabitur, quæ ab condita Benevento exordium faciens, mox longo emenso intervallo ad Romani tum Reipublicæ, tum Imperii ætates progressa post quintum postremo sæculum cum ipsa Romani Imperii declinatione consistet.

Prioris hujus partis veluti Appendix posterior erit, in qua peculiari volumine de Triumphali Arcu Trajani agetur. Digna profecto res, atque omnibus jamdiu exoptata, ut singulare opus, quod pretio suo vere auro contra æstimando, jure meritoque *Portæ Aureæ* nomen sibi peperit, in universo tandem terrarum Orbe spectandum, suspiciendumque se præbeat. Et mirum illud quidem, ut quum ubique terrarum alia passim omnia temporis injurias ita senserint, ut vix in iis venerandæ antiquitatis vestigia quædam spectasse detur; Beneventano tamen Arcui ipsum pepercisse tempus, sive (dicere fas sit) illius majestatem reveritum fuisse videatur. Hinc erit fortasse, ut qui innumeris aliis veterum monumentorum reliquiis ingenti voluptatis, admirationisque sensu hæcenus affecti fuere, quum oculos in hocce opus demum conijciant, unum esse id fateantur, quo nec veteres magnificentius aliud moliri potuerint, nec posteris quid majus mirari super sit. Ac ne plus æquo, patriarum antiquitatum commendandarum studio abreptus de hocce opere judicasse videar, rem ipsam probabit Ichnographia, quam maximo hujusce primi voluminis ornamento (adjecta etiam Dissertatione, quæ de ipso eodem Arcu, Prologuii instar, generatim aget) exhibuisse consilium fuit. Paratam eam habebam, atque heic in antecessum edendam duxi, tum, ut quæ breviter sed magnifice de ipso Arcu pro universi mei operis indicanda ratione attigisse opus fuit, argumento aliquo probarentur, tum etiam, quale posterioris voluminis futurum sit pretium, jam inde liqueret; cujus etiam peculiarem rationem paucis aperuisse non abs re erit. Non enim ea sola Ichnographia opus contabit, (quæ, ut inquam

molem Arcus confurgit, quæque sit ejus forma, atque majestas, uno obtutu inspiceretur primum efformanda fuit) sed octodecim præterea aereæ Tabulæ subsequeuntur, in quibus singulæ ejusdem Arcus partes excellentiores (quæ in eadem Ichnographia in brevissima spatia contrahi, ibidemque nonnisi leviter adumbrari potuerunt) latioribus obtentis areis ad integram Archetyporum fidem expressæ sigillatim exhibebuntur. In iis præter eximias Trajani res gestas, quæ utramque Arcus faciem in principales conjectæ Tabulas exornant, quicquid in universum ad res sacras, militares, civiles pertinet, quod veteres Scriptores ad nostram memoriam mandarunt, jam oculis spectare licebit, itaut absolutissimum universæ antiquitatis Thesaurum in uno Beneventano Arcu invenisse jam promptum sit: Unicuique autem Tabulæ peculiaris addetur Dissertatio, qua & illi necessaria illustratio, & justa volumini moles accedet. Dissertationes in scriniis paratas habeo: Tabulas propediem incidendas Sculptor accipiet.

Postremo volumini amplissimam, præclarissimamque materiam Longobardica sæcula suppeditant; Longobardica sæcula rectius vocavi, quæ *sequioris*, sive *medii*, atque infimi ævi appellationem passim obtinent; quis enim nescit, eam præ aliis barbaris Gentibus Longobardorum felicitatem fuisse, ut, postquam Italiam invaserint, non, ut alii pretiosioribus quibusque direptis, reliquis vero ferro, atque igne vastatis, ad patrias sedes opima spolia retulisse contenti, libertatem vix oppressam, mox restitutam in maximum præteritarum calamitatum solatium, ut olim fruendam reliquerunt, sed perpetuam sibi sedem in ea locantes, novi Imperii jecere fundamenta, quo universa Italia Longobardis ad plura sæcula dominantibus parere jam didicit. Regnum Longobardicum ad tria pene sæcula stetit, quæ proinde Longobardica vocari jure queunt; magis autem mihi Beneventanas res ex instituto pertractanti, ita cognominandi temporis ratio fuerit, cujus, si Beneventanum Longobardorum Principatum inspicias, longius ad quinque & amplius sæcula assurgit, quibus in omni pene Cistiberina Italia, quum nihil nisi Longobardicum occurrat, Longobardicam & ipsam ætatem omnem appellare licebit. Quam vero ingens rerum seges, non tam varietate, quam magnitudine insignis iis sæculis continetur! Florentissimum mirabimur Principatum, qui nulli per universam Europam Dynastiæ ulla re concedebat: cujus proinde felicitatem Græci primum Imperatores, mox Francici, ac demum Germanici quasi propriæ majestatis æmulam inique ferentes, inlatis sæpius armis avertendam aggressi, nonnisi cum virtute conjunctam experti, ad ejus augendam gloriam laborasse visum sunt. Hinc Constantio Beneventanam Urbem suo ductu oppugnante in turpem fugam adacto, Carolo Magno honestissimis conditionibus foedus fanciente, Ludovico Principatus jura intra Beneventi moenia sibi arripiente in vincula conjecto, ac receptis, quas ipsemet fervaret, legibus, tandem dimisso, non stetit tantum visus fuit, sed Longobardici Regni jamdiu everfi dignitatem, fortunam, splendorem in se traustulisse. At qui tot, tantorumque hostium vim fre-gisse valuit, Divino potius fato, quam humano adnidente consilio, in Sedis Apostolicæ jura concedens, ita certe defecit, ut sub augustiore regimine constitutus ampliorem gloriam assequeretur. Debent certe Longobardicæ res viro doctissimo, ac perspicacissimo Camillo Peregrinio, ut in apertam lucem proferrentur. Ediderat ille egregium opus, in quod monumenta omnia, quæ ad manus habere potuit, collegit, unde Longobardorum res, quæ ad Beneventanum Principatum pertinent, ex synchronis iisdemque vernaculis Scriptoribus maxime illustrarentur. Novam lucem, qua omnino dignum erat, opus ascepit curante V. Cl. Muratorio, qui in Scriptorum Italicorum censum Peregrinium retulit, quem rursus haud satis felici conatu Neapolitanis Typis tertio recudendum suscepit Franciscus Pratillus. Sunt equidem in eo præclaro opere ejusdem Peregrinii perbreves notæ aliquot carptim interjectæ, quibus etiam suas adjecit Muratorius, sed quæ omnes vix novi aliquid afferant, ad loca quædam obscuriora eorundem Scriptorum explicanda dumtaxat institutæ. Præstitit deinde idem ipse Muratorius (cui jamdiu Carolus Sigonius Italici Regni tempora, resque gestas executus viam straverat) ut in suis mediæ ævi Antiquitatibus plurima de Longobardicis rebus satis apte, eruditeque differeret, sed quæ in spisso opere, interque innumera alia, quæ pro universa ejus ævi ratione, quod Vir summus illustrandum susceperat, ad externarum gentium, morumque monumenta pertinentia, alieno lumine commixta, neque suo satis nitent, neque materiam omnem exhaustisse probantur. Paratam itaque magna ex parte Longobardicæ Historiæ materiam habemus, sed Longobardicam Historiam nondum propriam, absolutamque obtinemus; quam profecto mihi ex patriis Longobardici ævi Antiquitatibus uberius expromptam, luculentiusque adornatam perficere institui, institutoque meo id maxime enitar, ut in ea re nihil desiderandum sit, quod ejus perfectio, fides, dignitas postulasse videantur: atque pauca hæc tum

ut inte-



ut integram universi operis a me suscepti rationem exponerem, tum ut eruditorum expectationem demererer, de secundo, & tertio volumine praefari libuit.

Redeam modo ad primum, cui jam edendo Typographi operæ fervent; deque eo paulo fufius mihi præloquendum erit. Quæ temporum intervalla hoc primo volumine continebantur, superius jam dixi: de quibus autem rebus præcipue sermo instituetur, ex ipso Libri titulo facile quis deprehendat. Beneventanas enim Antiquitates illustraturus, haud historico illas stylo prosequi volui, continuaque serie, servataque temporis ratione in unum veluti corpus redigere, sed satius habui rerum singularum delectum instituere, iisque in proprias classes distributis peculiare Dissertationes adjicere, quibus de qualibet proposita re quicquid memoria dignum, aut observatione aliqua illustrandum occurreret, in medium proferrem. Hinc quum primum de Beneventanæ Urbis origine, nominibus, ac primæva regiminis, indigenarumque conditione, dein vero de variis Romanorum Colonorum deductionibus in eam Urbem sequutis fufe actum fuerit, jam de Rebus sacris, quas Politicæ subsequenter, de Collegiis, de Viris vel armis, vel literis illustribus, de Operibus Publicis, de Augustorum in eam Urbem adventu, benevolentiaque, ejusdemque vicissim Urbis in eos studio, de Christianæ demum Religionis suscepta professione ita agetur, ut rebus hisce, aliisque id genus singulis Dissertationibus conclusis, nihil de quaque re supersit, quod ad omnigenam sive patriæ, sive etiam universæ antiquitatis eruditionem rite non habeatur, luculenterque explicatum.

Quumque apud Ciceronem (a) aliquando legisse memini, quod vere ab eo traditum experimur omnes, *expectari nempe ab iis, qui audiunt, exempla ex vetere memoria, & monumentis, & literis plena dignitatis, plena antiquitatis, eaque plurimum solere & auctoritatis habere ad probandum, & jucunditatis ad audiendum*; id mihi enitendum omnino duxi, ut quæcumque dissererem, non solum allatis veterum Scriptorum testimoniis, verum etiam adhibita in primis literatorum lapidum fide comprobarem. Ejusmodi literatis lapidibus præ aliis omnibus Urbibus locuples est Beneventum, adeo ut ex iis demum, qui temporis injurias, Barbarorumque, ac terræmotuum pares, frequentesque vastationes, ipsas denique imperitorum hominum manus effugerunt, is numerus hodie dum habeatur superstes, qui privatæ suppellectilis nomine haud contentus, ingentem exæquet Thesaurum, cui nec dignitas, nec pretium deesse videatur. Hinc illud mihi consilium, quod servatum semper a me erit, ut singulis Dissertationibus lapidem aliquem, quendam veluti titulum inscriberem, eumque præ ceteris insigniorem, qui ad propositam materiam in ea Dissertatione pertractandam viam veluti sternere, ac quodammodo præire videatur. Præter autem selectos eos lapides, qui singulis Dissertationibus præfixi habebuntur, plurimi etiam erunt, qui quum res opportune postulaverit, in iisdem Dissertationibus passim interjiciuntur, non tantum materiam aliquam, de qua tum agetur, illustraturi; sed & peculiarem ipsi, ubi opus fuerit, illustrationem accepturi. Hos autem, quos memoravi lapides, nonnisi domesticos intelligo, quorum quum ingens, ut dixi, copia suppetat, in eaque omnia illa ferme præsto sint, quæ non ad patrias tantum res, sed universam antiquitatem illustrandam, tum egregia exempla, tum optima documenta suppeditare possint, peregrinos tamen, seu exoticos lapides alicubi adhibendos quoque censui, duplici quidem ex causa: ut nempe locupletior propositæ rei cuiuspiam probatio redderetur, utque iis aut vera lectio, aut rectior, quam ab aliis traditam invenissem, interpretatio restitueretur. Ex iis etiam lapidibus operæ pretium accessurum intellexi, si domesticis lapidibus opportune intermissis latioremi mihi campum exhiberent excolendum, ubi ipsa frugum varietas majorem afferret voluptatem: quo sane fiet, ut libentius privatæ Beneventi res legendæ fulciantur, quas inter non adfectata, ac veluti præter opus adsuta, sed sponte sua, ac pro re nata, selectiora quælibet universæ antiquitatis monumenta ita locum sibi vindicabunt, ut vicissim, quem illis addent, novum & ipsa ab iis splendorem obtineant.

Abolutis tandem Dissertationibus, quæ propositam hujus voluminis materiam omnem exhauserint, sequetur statim omnium Beneventanorum lapidum Thesaurus, qui huic met volumini postremam partem, seu coronidem præstabit; in iis edendis optimam, quam in aliorum editionibus servatam quisque probat, methodum sequutus sum, ut nempe eorum omnium delectum haberem, quo plures eorum classes efficerentur, itaut in singulas ii tantum conjecti haberentur, qui ad statum ejusdem classis materiam pertinerent: qui autem in Dissertationibus allati fuerint, iterum in eodem Thesauro in suas classes distributi inter alios continua serie dantur; hoc addito, ut, quum in Dissertationibus explicationem obtinuerint, locus, aut quidem pagina cuique inscripta erit, ubi in hoc volumine eum contigit explicari. Erit enim fortasse

(a) Lib. 3. in Verr. c. 29.

tasse quispiam, cui omnia legisse haud otium sit, aut certe cæteris neglectis, ac fastidio habitis, nonnisi ejusmodi lapidum Thesaurum percurrere libeat; habebit itaque is alicujus lapidis ex indicata pagina, quam statim adire poterit, promptam paratamque, quam forte desiderat, audireque curiosus velit, explicationem: In cæteris autem lapidibus, ingenti sane numero reliquis, quorum nulla in Dissertationibus mentio fuit, id tantum a me præstabitur, ut brevibus aliquot notis, ubi aliquid vel dubium, vel obscurum, vel demum aliqua observatione dignum occurrerit, illos carptim exornem, quumque ad eorum vel pretium agnoscendum, vel intelligentiam addiscendam plurimum prodesse animadverterem, si ad exactissimam archetyporum, fidem exemplaria ob oculos haberentur, illud etiam mihi curæ fuit, ut characterum formas, nexu, siglas, symbola, aliaque id genus, quæ Typographi operam, atque artem excederent, æreis, aut ligneis tabulis adamussim insculpta prodirent: atque id quidem postulare videbatur tum eruditi sæculi genius, tum operis conditio, cui amplius exornando aliæ quoque æræ tabulæ accedent Archetypos suos hodie dum extantes summa fide, parique elegantia repræsentantes, quæ ipsis literatis lapidibus fortasse eloquentiores patrias Antiquitates maximopere illustrabunt.

Hæc quidem erit præsentis voluminis materia, atque ratio, ex quibus quam ingens campus mihi emetiendus, latissimeque excolendus patuerit, jam quisque videt: inde & liber crevit (verba Plinii usurpare mihi liceat) dum ornare patriam, & amplificare gaudemus, pariterque defensionem ejus deservimus, & gloria; non adeo tamen crevit, ut si otium fuisset, non in enormiorem molem assurgere potuisset; sed ab explicandis lapidibus omnibus, aliisque, quæ cuiquam rei latius illustrandæ suppetere poterant, observationibus congerendis quantum fieri potuit, abstinendum mihi duxi: quoties enim ad fastidium legentium, delicatasque respicio, intelligo nobis commendationem etiam ex ipsa mediocritate libri petendam (a); quod ut amplius præstari a me posset, plurimum passim, ad rem quidem pertinentia, sed fortasse non pro omnium gustu, in subjectas notas, cui libuerit legenda seposui.

Sed adhuc plura de hoc Volumine sunt præmonenda. Quum enim mihi haud frustra spes sit, pergratum meum fore opus, quod tot egregiis Antiquitatis Cimeliis (quæ hodie eruditum omnium delicias appellaveris, summa tamen, ut longe res probavit, cum Reipublicæ Literariæ utilitate conjunctas) refertum proferam, non mediocrem etiam apud Viros doctos gratiam initurus, quod magnam illorum partem quantivis æstimandam, in lucem nunc primum edam, verendum tamen mihi simul intelligo, ne austerioris cujuspiam ingenii judicium subire cogar, qui domesticos me adhibere testes opponat, qui omnibus absentes, ac nemini adhuc de facie visi meo tantum ore loquantur. Laudaverim certe hominum vigilantiam, ne quid sibi imponatur, adeo in hac parte necessariam, cui egomet in hoc opere studuisse ostendam; eam tamen optaverim, quæ nihil agat intemperantius, aut præcipiti feratur judicio. Quis enim asperrima non censeat, quæ adhuc Pyrrhi Ligorii (ut alios sileam) literariis conatibus tolerantur fata, Viri, inquam illius, qui superiore sæculo in colligendis undique prisca ævi monumentis, iisdemque delineandis, describendis, in certum ordinem redigendis, & pro captu etiam explicandis, illustrandisque incredibilem quamdam sedulitatem adhibuit, ita ut ejus lucubrationes

(a) Verba sunt ejusdem Plinii eadem epist. 5. lib. 2. qui sic scribere pergit ad Luperum, cujus judicio actionem pro Novocomensibus lucubratam, probandam miserat: Tu tamen hæc ipsa, quantum ratio exegerit, referta. Idem tamen, qui a te hanc austeritatem exigo, cogor id quod diversum est postulare, ut in plerisque frontem remittas: sunt enim quedam adolescentium auribus danda, præsertim si materia non refragetur. .... quod tamen si quis exciterit, qui putet, nos lausius fecisse, quam orationis severitas exisset, hujus, ut ita dixerim, vixitiam reliquæ partes orationis exorare debebunt. Admixti certe sumus, ut quamlibet diversa genera lectorum per plures dicendi species teneremus: Ac sicut veremur, ne quibusdam pars aliqua secundum suam cujusque naturam non probetur, ita videmur posse considerare, ut universitatem omnibus varietas ipsa commendat, nam ut in ratione Convivialium, quamvis a plerisque cibis singuli temperemus totam tamen cenam laudare omnes solemus, nec ea, quæ stomachus noster recusat, adimunt gratiam illis, a quibus

capitur: Quanti autem habenda sit in hac re Plinii auctoritas, atque exemplum nemo non videt; atque utinam viderint quoque eruditi illi homines, qui (ut de Gronovio aiebant Jo. Heineccius in Præfat. ad Orb. Rom. Spanhemii) nescio quo morbo ingenii, præter seipsum neminem fere probantes, dum recosiam crambem ipsi nobis plerumque offerant, ceteros non fastidiant modo, sed etiam ad tineas amandandos decernant, si non omnia nova, quæque nemini antehac explorata, aut comperta sint, in lucem educant, quasi nova ipsa quæ in dies ex Antiquitate prodire possunt, pervulgatis aliorum observationibus explicari, confirmarique non egeant, aut in sola novitate rerum, materiæque [quæ in solis librorum titulis plerumque continentur] sua feribenti laus stare debeat, quam tutius, immo rectius ex Iliaco Carmine quisque sibi querere laborabit, dum

Publica materies privati juris erit, si

Non circa vilem patulumque morabimur orbem.



triones (quæ publicam lucem asperere nunquam) ad quadraginta & amplius volumina digestæ recenseantur, cujus tamen fides, propterea quod in antiquis Inscriptionibus recitandis, aliisque id genus afferendis monumentis, spuris plerumque, ac commentitiis, aut ipse deceptus, aut alios ipse decipere voluisse detectus est, labat & in reliquis omnibus etiam post æquissimum Illustris Spanhemii judicium (a), quod Is scilicet nec fidem ubique decoquat, nec ubique mereatur, & in amplissima messe

*Infelix lolium, & steriles dominantur ariste.*

Sed quod mea interest, non fidei modo, verum sedulioris etiam operæ laudem mihi comparandam satagi, quam demum promeruisse viri docti judicabunt, dum leges quasdam, quas de utraque re mihi statui servandas probe exequutus videbor.

Primum itaque illud fuit, ut quos commentitios Beneventanos lapides ab aliis jam editos, pervulgatosque comperissem, non modo pro veris, ac genuinis non obtruderem, aut pro eorum vindicanda fide longa, atque otiosa certamina inirem, sed acrius ipse, quam unquam alii, insectarer, rejiceremque. Commentitios autem eos omnes facile censui, qui, quum in nostra Urbe non extent, quid etiam insuetum, ac præter veterum genium sonare videantur. Libet ex pluribus exemplum hæc afferre: lapis olim circumferebatur, hisce verbis conceptus

PATRI AMMONI ET HERCVLI  
FRATRI ET MINERVÆ PALLA  
DIAE ET IOVI OLIMPIO ET  
SAMOTRACIBVS CABIRIS  
ET INDICO SOLI ATQ APOLLI  
NI DELPHICO.

Beneventi extitisse olim hunc lapidem ex schedis Langermanni didicit, in suumque opus retulit Reinesius p. 172. n. 143. ac cum frustra ejus fidem defendi posse animadverteret, aliorum lapidum exemplo in quibus plures Dii nominatim habentur, inter Beneventanas Ineptias rejiciendum tandem statuit. De commentitio lapide Reinesio libenter assentior, immo potiores quam ipse affert arguendæ falsitatis rationes, afferre ego possem; at Beneventanas ineptias quis feret? non adeo inopes Beneventani, ut ejusmodi merces venditare cogerentur, immo potius quum veterum lapidum satis locupletes sint, hinc fortasse externus homo, qui ejusmodi confictio lapide eruditus imponere studuit, ad conciliandam illi fidem ex optima Beneventanarum Antiquitatum penu depromissee simulavit. Sed leve istud tamen, quod de Beneventanis malemereri Reinesius voluit, nam hominis ingenium eruditi omnes norunt (b), quo is adversus alios intemperantior, audax etiam, ac prope effræni usus licentia, nullius fere antiqui lapidis fidem probavit, nisi, qui, ut Reinesius emendasset, loqueretur. Cæterum si a Beneventanis ineptiis vir doctus abstinisset, de solo commentitii lapidis judicio haud profecto Beneventanis dolendum erit, quibus si eorum numinum, quæ lapis memorat, antiquus cultus auferatur, non exigua certe laus accedet, tot peregrinas, insanasque superstitiones nusquam adoptasse. Sed, quod ad rem attinet, non hunc solum lapidem, sed quotquot erunt manifeste commentitii, vel etiam dubiæ fidei, clarissimorum virorum morem secutus, proferam quidem, sed nullo usui, ac subsidio mihi futuros, quorum etiam in fronte commenti notam inscribam: ita enim reliquis lapidibus sua stabit fides, quam adhuc tutiorem efficient tum Auctores ii ubique indicati, ex quibus Beneventanos aliquot lapides jam editos descripsi, tum prænotata singula Beneventanæ Urbis certa loca, ubi plures ineditos etiamnum extantes spectare cuique licet.

Sed & illud fuit diligentius animadvertendum, ne in ipsis aut primum describendis, aut dein recitandis lapidibus mendum aliquod vel ex oscitantia, vel ex imperitia in eorum exemplaria irreperet; quantum in re lapidaria hoc malum grassetur, quantumque inde detrimenti Republica Literaria capiat, vix dici potest. Torquentur aliquando eruditorum ingenia in vocabulo aliquo rite interpretando, nec semel inter eos eandem ob rem concertationes, & jurgia, quæ tamen pulveris exigui jactu compressa quiescunt. Nam illud fere semper evenire solet, ut lapis fidelius descriptus, aut inspectus attentius, planam præbeat significationem, litæque om-

(a) De Præstant. & usu Numism. Dissert. III. p. 141. Edit. Elzevir. an. 1671.

(b) Tum alii clarissimi viri, inter quos Spanhemius ipse, tum præcipue Fabrettus pene pro instituto Reinesii passim taxat in præclaro opere Inscriptionum Antiquar.

nes, quæ tam acriter fervere videbantur, statim compescat. Quantum vero absurdi in mendosis lapidibus contineatur, quod aures abhorreant, quantum denique non rei tantum literariæ, verum etiam historiæ veritati, ac monumentorum dignitati damnum exinde promanet, facile quisque sibi persuasum habebit; quod quum aliis externis exemplis adhuc probare promptum mihi sit; domesticis tamen duobus ostendisse contentus ero. Ac primum insignis noster lapis quantivis æstimandus, apud Ecclesiâ S. Modesti sic se habet:

C. CATIO C. F. MEN. BALBO  
D. PETREIIAE C. F. PAVLAE  
HOS DECVRIONES FVNERE  
PVBLICO DE FORO ET TRIBVNALI  
EFFERENDOS ET HIC HVMANDOS  
CENS.

FVFISIA A. L. VIOLA  
C. CATIVS C. F. MEN. GALLVS  
PARENTIBVS ET VXORI

quid vero Manutius? quid etiam Panvinus? Alter in *Ortogr. V. Catius*; alter de *Civitat. Rom.* in *Tribu Menenia* p. 509. sic habent:

C. CATIO C. F. MEN. BALBO  
OPE TREIICIAE C. F. PVLLAE  
HOS DECVRIONES FVNERE

PVBLICO DE FORO ET RIODIALI &c.

Bis habes apud Gruter. p. 386. 5. & p. 725. 7. atque utrobique tentatæ a summis viris emendationes, haud tamen Manutiano lapide meliores. Vides igitur, non verba, sed monstra in Manutianum exemplar irreplisse; ita ut præclarum hunc lapidem tot menda, imo sordes propria fronte tandiu gestasse jam pudeat. At excusandus aliqui Manutius, cui, cum lapides, quos offert omnes, haud propriis oculis spectandi facultas fuerit, aliorum nonnunquam fides sequenda fuit. Jure vero de iis queremur, qui quum corruptos lapides nobis exhibeant, suis tamen probasse oculis, propriisque adhuc manibus descripsisse testantur, sed tantum abest, ut aliis fucum faciant, quin potius turpissimam aut mendaciam, aut oscitantiam notam suis sibi manibus incurrunt. Extat adhuc Beneventi præclarissimus lapis, qui titulus olim fuit magnificentissimæ Curiae seu Basilicæ, quam P. Veidius Pollio in ea Urbe extruendam curavit, stratusque hodie legitur (pessimo tamen suo fato, nam literata facies introeuntium pedibus sensim conterenda exponitur) in ipso limine Januæ majoris Ecclesiæ S. Dominici in hæc verba:

P. VEIDIVS P. F. POLLIO  
CAESAREVM ... CAESARI AVG.  
ET COLONIAI BENEVENTANAI

Habuit olim hujus lapidis exemplar Lipsius sed mendosum, dum descriptoris negligentia in secunda linea illud CAESAREVM mutatum fuit in CAESAREM; quid inde, inquis, mali? maximum profecto: Vide enim quid ex mendoso lapide statuerit Lipsius (a): Pollionem ait, non aliud, quam effigiem Caesaris Imperatoris dedicasse, consecrassetque Augusto, & Coloniae suae, ejusque lapidis auctoritate, ac præterea ex locis Taciti, Strabonis, Dionysii, & Diogenis morem illum notavit, haud etiam notum statuas effigiesque dedicandi certis Diis. En igitur unius litterulae detractio quam ingens veteri Benevento detrimentum, ut pro amplissima, ac splendidissima Curia a Pollione ædificata vix ullius momenti effigies, seu statua eo lapide nunc ei ostentanda relinqueretur: sed quum jamdiu Benevento restitutam cum vera lapidis lectione Pollionis Curiam debeamus eruditissimo Card. Norisio (b), qui eo lapide allato, ex *Caesari* vocabulo ipsam Curiam

(a) In 111. Ann. Tacit. num. 150.

(b) In *Cenotaph. Pisan. Dissert. I. cap. 4. e Verdeschedis* habet etiam Gruter. p. 277. n. 3. qui tamen ad illud *Caesarem* secundæ lineæ hæc notat: Sic Lipsius vulgo *Caesareum*.



Curiam significari comprobatur, quam non absimili *Augustei* appellatione usurpant lapides Pisani; adhuc tamen non ita pridem unus prodiit Franciscus Pratillus, qui in *De Via Appia* l. 4. c. 3. de Beneventana Urbe agens (erga quam quod in pluribus vel minus aequae, vel satis oscitanter se gesserit, non aliam ego malim causam, quam Beneventanarum rerum homini extero facile condonandam ignoracionem, a qua nec sibi in statuendo pro suo instituto per Beneventanum Agrum Appie ductu, omnino cavit) cum aliquot lapides in ea Urbe extantes referre instituerit, affirmavitque omnes, atque singulos sibi probe perspectos, ac summa fide diligentiaque descriptos, quod Pollionis lapidem tamen attinet (nam de aliis suo loco videbimus), nonnisi Lipsium solum vidisse manifeste convincitur. Non secus enim, ac Lipsius, mendosum lapidem ipse exhibet, iisdemque, quibus Lipsius, exemplis illustrare pergit: atque utinam Lipsii locum, quem solum describere satis habuit, diligentius attendisset Pratillus, non enim in eundem rursus errorem incidisset, quo Julium Caesarem pro Octaviano accipere solet, de qua re notatum fuit ab Auctore Diarii Romani Litteratorum Mensis Junii 1748., non, inquam Augusto ipsiusmet Augusti statuam dedicatam dicere debuit, qui Caesaris prioris, idest Patris effigiem illam fuisse tum Lipsio, tum ipso lapide praesentibus didicisse omnino potuit.

Quid, quod lapidum fide plura, quae ad veterem scribendi rationem pertinent, pro certis aliquando statuuntur, quae nonnisi a minus cauta, vel male fida recentium Descriptorum manu promanant. Mitto de Manutii Orthographia dicere, qua non omnia nobis tuto praestari posse, praeter alios plures, noster C. Catii lapis paulo ante monuit; utque a domesticis exemplis non discedam, *Fortianum* heic tantum *Pontanum* meminisse libet, qui in *De Hapiratione* Veteres litteram M, in fine dictionum rejecisse solitos plane affirmat testimonio Beneventani Lapidis cujus exemplar in haec verba profert

INFELIX FATV

PRIOR DEBVI

MORI MATER

breviorem habet Donius, qui Clafs. x. n. 31. primâ lineâ sola dictione *Infelix* contentus est cum hoc titulo: *Beneventi in muro anteriori Aedis B. M. Annunc. utrimque imago Juvenis, & Femina.* In Turri Ecclesiae SS. Annunciate, ubi schedae apud me servatae extantem indicabant, quum frustra conquisissem, suspectum habui, jamque docti ingenii lusum fuisse arbitrabar; sed nuper, quum ad aggerem laudatâ Ecclesiae construendum terra egereretur, prodiit iterum lapis, quem praeter spem redivivum mihi gratulatus, Aeditui permisso, in atrium Aedium mearum transferendum, ibique perpetuo opere parieti affigendum, ac praeterea buxo, ut vides incidendum curavi.



At quid causae fuerit, ut in Pontani (nam Donius integram dictionem omittit) exemplari litera M, in primâ lineâ sine exciderit? (adeo enim integra dictio FATVM apud Gudium p. 337. n. 15. nisi quod secunda linea pro DEBVI habet DEBVI) (a), In ea parte, qua

B

extremâ

(a) Gudius laudatum lapidem recitat cum hac inscriptione: *Beneventi sub Stemmata Viri rogati, & Mulieris scilicet*: Virum rogatum jam videmus, Mulierem non item, cui nullus in lapide locus: Epigraphes autem non subest, sed viri simulacro adjacet tum verbis, tum ver-

borum situ notanda: nam vulgaris illa formula: *Contra votum*, qua Parentes superstites sepulcrales titulos defunctis filiis ponentes passim usurpabant, elegantius multo, eadem brevitate servata, atque significantius in nostro lapide expressa habetur; cui praeterea locus, ubi inscripta

extremæ omnium linearum litteræ extant, lapis detritus fugientes easdem litteras reddit, quas Descriptior omnino a Marmorario omiffas putavit. At ita quidem se res habet, ut neque illud heic fileam, non ita facile (quod eruditioribus, emunctæque naris Viris usu venit, quibus menda ipsa facilius comperta, nunquam fere incastigata præteriri solent) veteres quadratarios vapulare debere, quorum diligentiam utinam Descriptores nostri imitari satagerent. Frequentius enim nobis illud, quod de Africani Statuæ subscripto titulo Cicero dixit (a), verissime pronunciare continget: *Erratum fabrilè putavi, nunc video Metelli*.

Quod autem de lapidibus dixi, haud secus de Nummis intellectum velim. Parem iis, ac lapidibus præstantiam satis æquo iudicio tribuimus, ex quibus non mediocriter nobis subsidium ad rite excolendam, penitusque illustrandam Antiquitatem experimur. Summam itaque in iis exprimendis fidem, ac diligentiam adhibere par est, contra quas non semel ab aliis peccatum fuit, aliorum vero exactiores operas omnino desideremus. Certe, quod Beneventanas Antiquitates attinet, quibus exornandis præter lapides, nummorum quoque ope mihi aliquando utendum fuit, plura ab Etyporum fide aliena comperi, quæ mox restituenda curavi (b). Sed ut ad lapides redeam, id a me præstitutum Lector pro certo habeat, quotquot etiamnum ætatem tulerint incolumem Beneventani lapides, tum veterum Schedarum, nostrorumque MSS., tum exoticorum Auctorum fide neglecta, meis iterum oculis inspexisse: mendaque omnia, quamvis levissima, quæ in vulgatas editiones hætenus irrepere, opportune adnotasse; in reliquis vero, qui literatam faciem vel temporis injuria prostritam, vel inverso, ut pluries videre est, ad superficiem dorso, interiori parieti abditam habent, quique tandem disperiere omnino, fidem eorundem tum MSS. tum clarissimorum Virorum, qui eos edidere, ita sum sequutus, ut variantes, si quæ occurrerent, lectiones omnes offerrem, quam vero verisimiliorem ipse censere probaremque, in perpetuo ejus lapidis exemplari, seu textu, legendam retinerem.


Sed

scripta sunt verba majorem adhuc vim addit; siquidem Mater audientis quasi filii simulacro propius iis verbis accedens, tum sibi, tum illi solatium aliquod quaestura, amantis, morientisque animi sui affectus vivo veluti, ac præsentis testatur.

(a) Epist. ad Artic. 6. r.

(b) Intra ætatis illius fines, quibus hujus voluminis materiam circumscribi placuit, præter *Putealis Scribani* argenteum nummum, quem Dissert. t. c. l. exhibui, alterumve Augusti Beneventanæ Coloniz Præturam gerentis Dissert. xv. *De Magistrat. Vet. Benev.* a me prolatum, non alius suppetit rei, quam in præfens ægo, probandæ idoneus; dabit libenter Lector, ut ex inferioris ævi monumentis, (quandoquidem universum Beneventanarum Antiquitatum opus hæc speñet Præfatio) huc aliquid obiter deducam, vel etiam præcipiam. Itaque V. G. Muratorius Antiq. Ital. medii ævi Tom. 2. Diss. 27. cui titulus: *De Moneta, sive jure condendi nummos* p. 617. quum de Principum Beneventanorum nummis agere instituit, de aureo nummo Principis Grimaldi hæc habet: *Ejusdem Grimaldi nummum Le Blancus produxit, quo Salernitani Scriptoris sententia confirmatur: Eum conspice n. 2. Ibi habet effigiem Principis Crucem supra caput gerentis cum litteris GRIMALD.* In altera facie stemma Crucigerum more nummorum temporibus iis Constantinopoli cuforum; hinc G, vel S, et

inde V, subius VII in circuitu NOMS CARLVS R. idest Dominus Carolus Rex: liceat tamen dicere, nummum hunc non satis exactè expressisse videtur Le-Blancus. Ejus Etypon accuratius descriptum antea dederat Breve-tannus: Illustrissimus etiam Eques Pius Nicolaus Carellius Augustiss. Imp. Caroli VI Bibliothecæ Præfessus, ejusque Archiatrus, et a consiliis, nummum eundem aureum in suo Museo adservans, simile alterum ejusdem Etypon ad me misit: sed et eundem accepi ex Museo Sabbatino Romano, quare nummum ipsum percussum circiter An. Chr. DCCLXXXVII. rectius expressum n. 3. Lector accipiet. In altera facie legitur: NOMS. CAR. R. idest Dominus Carolus Rex: quum in aliis Christiana Religio occurrat, vel si mavis: Salus Regni: in imo non VII, sed VIC legitur, idest: Victoria. Hætenus Muratorius, cui, quod ejus nummi exactiorem formam speñat, tot gravissimis testibus, repetitisque ex ejus Etypo descriptionibus comprobata n, quis fidem negare unquam auserit? imo post Muratorii solertiam, nullam amplius de Le-Blanci nummo rationem habendam eruditi omnes plenè suffragiis pronuntiabant. At Le-Blancum eum esse ego ajo, qui suam nummo fidem servavit: Unde sciam, quærit? ex ipso aurei nummi Etypo, quem ego nactus, penes me nunc servatum, atque exactissime expressum, heic conspiciendum exhibeo.



Ac quum semel in nummariam rem inciderimus, inferiorisque ævi monumenta obiter heic attigisse opus fuerit, laudem, quam præfati nummi occasione, Muratorii diligentia, quamvis inviti imminuere visi sumus, integram, summamque ex aliis nummis libentissime serva-

tam volumus, quos ipse ad eosdem Beneventanos Principes pertinentes eodem loco protulit. Iis unum & alterum, qui viri doctissimi diligentiam effugerunt, hætenus mihi addidisse contigit, spes etiam fide locupletiore hanc nostram Gazam me effecturum, ut tertii voluminis materia



Sed leviora fortasse isthæc, quibus secundarum dumtaxat partium idoneus Actor probari queam. Illud vero mihi omnino verendum, ne primas pari felicitate egisse videar. Erunt certe, qui, quum Antiquitatis studium adeo nostro ævo fervere visum sit, ut innumeris Virorum clarissimorum vulgatis lucubrationibus, absoluta undequaque res censei debeat, opus meum elato supercilio, summo etiam cum fastidio sint excepturi, nec deerit fortasse, qui vix tantum lecto titulo, præpostero iudicio, de futuro libri fato Horatianum illud edicet (a).

*Contractatus ubi manibus fordescere vulgi*

*Caperis, aut tineas pascet taciturnus inertes,*

*Aut Uticam petet, aut unctus mittetur Herdam.*


Unum tamen est, quo nec consilii mei, nec laboris mihi unquam poenitendum fuerit, spes etiam sit, ut & alii probare debeant; me scilicet pro illustranda Patria laborasse.

Qua quidem in re nullam cum A. Albino veniam mihi exoraverim (b), sed potius cum Cicerone audere malim, qui cum Commentarium Consulatus sui græce compositum ad Atticum misisset, in eo, inquit, si quid erit, quod homini Attico minus græcum, eruditumque videatur, non dicam, quod tibi Lucullus de suis historiis dixerat, sed quo facilius illa probaret Romani hominis esse, idcirco barbara quadam, & σόλοισα dispersisse: apud me si quid erit huiusmodi me imprudente erit, & invito (c). Ac mihi quidem, ne quid minus latinum, eruditumque excideret, omnis est adhibita diligentia, non autem vernaculo, quem nostratum aliqui maluissent, sermone, sed latine loqui libuit, lingua nempe illa, quæ materiæ cognata mirum in modum ejus dignitatem, sua veluti facie vividius expressam, augustiorem exhibet, Antiquitatesque ipsas, licet unius loci, vel gentis, toto prope orbe, quem adhuc lingua Romanum dicere fas erit, spectandas ostendit. De eruditione autem, non ego is sum, qui opere in longo nunquam somnum obrepisse mihi blandiar, quin etiam gravius alicubi peccantem censoria virga me eruditiores excipient: at nos qui sequimur probabilia, nec ultra id, quod verisimile occurrerit progredi possumus, & resellere sine pertinacia, & reselli sine iracundia parati sumus (d). Quicquid igitur in me fuerit ingenii, quicquid etiam sollicitioris industriæ; id totum ad Patrias Antiquitates præclare illustrandas collatum fateor; quod si res ipsa pro voto, ac labore non cesserit, itaut nec materiæ amplitudini opus, nec operis majestati dicendi elegantia respondisse videatur, ejusdem materiæ conditioni, operisque rationi id tributum velim. Illa enim præ sui amplitudine, temporumque longinquitate exhauriri tota vix potuit; operis vero ratio ea est, ut non eloquentiæ

B 2

materia isthæc absolutissima reddatur. Interim, quos Muratorius collegit, cum tertii ejusdem voluminis usus uturos iterum exprimendos jam curaverim, pergra-

tum lectori, cui Muratorii opus haud promptum sit, fore existimavi, si ad majorem hujus primi voluminis ornatum heic ei spectandos præberem.



(a) Horat. lib. i. epist. ult.

(b) Cum A. Albinus Res Romanas oratione græce scriptisset, in ejus historiæ principio non jure ab aliquo sibi succedendum dixit, sed veniam sibi omnino tribuendam, si homo Romanus, natus in Latio, cui græca oratio alienissima erat, aliquid in suis libris aut parum compositæ, aut minus eleganter scripseret: Iuste enim, ac perculere Albinum reprehendit Cato: Næ 14

[inquiens] Aule nugator es, cum maluisti culpam deprecari, quam culpa vacare: nam petere veniam solemus, aut cum imprudentes erravimus, aut cum compulsi peccavimus: Tibi, inquit, oro te quis perpulsi, ut id committeres, quod priusquam faceres, peteres, ut ignosceretur.

A. Gelius lib. xi. cap. viii.

(c) Epist. ad Att. i. 19.

(d) Cic. Tuscul. l. 2. c. 2.

ostentationem, sed noscendorum congeriem polliceatur; & boni consulat Lector oportet, si notitiam Vetus-  
tatis modo nostris non obscure, modo ipsis antiquorum fideliter verbis cognoscat, prout quaque vel enar-  
randa, vel transferenda suggererint (a).

Cæterum non id præcipue ago, ut in commune universæ Reipublicæ litterariæ bonum, atque utilitatem lucubrationes meas edam, publicæque in causa pro publica laude decertem; quæ tamen si consequetur, mihi erit aliorum iudicio perjucunda; sed privata Patriæ meæ monimenta, res gestas, decora omnia persequi propositum mihi fuit. Digna sane res, atque, si ex externis quoque hominibus laus ulla manare debeat (nam ex nostratibus mihi certam vindicaverim,) non quod Patriam duntaxat pro viribus exornaverim, tribuendam mihi velim, sed quod magnum illud simul animo intenderim (uberrimum certe laborum meorum, atque optatissimum fructum,) ut patefacta, ac veluti ob oculos posita Patriæ dignitate, omnium Civium animos, ut ea perpetuo dignos se probent, vehementius excitarem. Si enim unius Civis publice commendata, præmioque affecta Virtus ceteros ad bene faciendum in Re-  
PUBLICA PROVOCARE debet, ut ex Aquilejensi lapide initio auditum fuit, onerosus magis uni-  
versis Civibus esse videtur suæ Patriæ splendor, ut dum ex illa quoddam privati decoris genus sibi tribuere gestiunt, illam vicissim rebus pro cuiusque loco, munere, ingenio bene gestis ornare amplius enitantur.

DISSER-

(a) Macrob. Saturn. l. i.





## DISSERTATIO PRIMA

## De Urbe Beneventana.

IVLIAE . AVG. IMP. CAESARIS  
 SEPTIMII . SEVERI . PII . PERTINACIS  
 AVG. ARAB. ADIAB. PART. MAX  
 MATRI . AVGVSTI  
 ET . CASTRORVM . COLONIA . IVLIA  
 CONCORDIA . AVG FELIX . BENE  
 VENTVM . DEVOTA . MAIESTATI  
 AVGG. IN . TERRITORIO . SVO . QVOD  
 CINGIT . ETIAM . CAVDINORVM  
 CIVITATEM . MVROTENVS



ILLUSTRANDIS Beneventanæ Urbis Antiquitatibus operam daturus, quum id potissimu m literatorum marmorum ope, atque fide mihi exequendum constituerim, Lapidem hunc (qui in universo opere solennis mihi mos erit) priori huic Dissertationi quendam veluti titulum inscripsi. Ut autem ex amplissimo Beneventanorum lapidum Thesauro eum præ insignioribus aliis primo loco selegerim, non tam suasit eorum, qui in eo celebrantur Augusta dignitas, quam honorificentissima, quæ ibidem opportune occurrit, mentio Beneventanæ Urbis omnino effecit. Ex ea enim, quandoquidem longa rerum percurrenda

series, amplissimaque temporum gradatim mihi erunt metienda intervalla, ostium veluti patere animadverti, quod inobservatum transilire nefas fuerit, ejus vero limine non ante deferere deberem, quam de ejusdem Urbis Origine, Colonia, Nominibus, Fortuna, Rebusque generatim aliis, quæ ad Beneventanas Antiquitates universas dignum necessariumque apparatus præstabunt, accurate disseruissẽ. Prior itaque hæc Dissertatio in tria capita dividetur, quorum primum originis tempus, conditorem, ac diversorum Nominum rationes explicabit: in secundo de Romanorum Colonorum deductionibus pluries eo factis, novisque ejusce rei causa assumtis cognominibus agendum erit: atque his omnibus, quæ ad Beneventanas res attinet, rite absolutis, ipse tandem lapis, unde hactenus differendi occasionem mihi paravi, peculiaries quasdam observationes postremo capite sibi jure merito vindicabit.

## CAPUT PRIMUM

*De Beneventanæ Urbis origine, ejusque Nominum ratione.*

**L**icuit olim Ethnicis Scriptoribus suarum Urbium origines ad Deos auctores plerumque referre, ac miscendo humana divinis, ut illarum primordia augustiora facerent, plura poeticis magis decora fabulis, quam ex incorruptis rerum gestarum monumentis deprompta in vulgus proferre: at quum id tandem vera, quæ Dei Opt. Max. beneficio mortalibus affulsit, religione vetaretur, nihil apud omnes omnium ætatum, quæ ab Christianæ Fidei ortu hactenus effluxere, Scriptores antiquius fuit, quam, quum de quapiam Urbe ex instituto agendum sibi esset, refutare quidem, aspernarique quicquid in illius originibus Idololatriæ labe foedatum, commentitiumque invenissent, ea tamen omnia retinere, ac probare omnino, quibus ex origines splendidiore efficerentur. Hinc quod temporis vetustatem spectat, quandoquidem priorem

rem mundi ætatem, quæ generalem Cataclysmum præcessit, pervadere haud liceret, jam ad ipsum usque Noeticum ævum quarundam Urbium origines a plerisque extolli cœptæ: inter quas Beneventum (Beneventanis tamen ea re nunquam sibi blandientibus) numerasse exotico Scriptori aliquando libuit (a): quod vero attinet ad Conditorum nobilitatem, quot ex unius Trojanæ Urbis everfione, ejusque cineribus exortas per univerfam Italiani Urbes cum ipsa Urbium principe Roma celebravit Antiquitas, hodieque Posteritas jactat? *Quid interest* (ajebat Seneca (b) *enumerare Antenorem Petavii conditorem? Quid Diomedem, aliosque, quos Trojanum bellum victos simul, victoresque per alienas terras dissipavit? Romanum Imperium auctorem exulem respicit, quem profugum, capta patria, exiguas reliquias trahentem necessitas, & Victoris metus in Italiam detulit: Hinc a Trojano Capy, Capua, in cujus agro ipsa quoque erga nascentem Cæsaris tyrannidem adulatio vetustissimum conditoris sepulcrum invenire, aut potius comminisci olim sci-*

*vit (c), quid plura?*

*Tu quoque litoribus nostris Æneia nutrix  
Æternam moriens famam Cajeta dedisti. (d)*

Cum vero ex Trojanis Heroibus non alii fortasse suppeterent, ad Græcos quoque res ipsa se vertit, qui illustrem apud posteros famam ex eodem Trojano bello sibi pepererunt. Horum certe agmen Diomedes ipse ducit, quem ex eodem bello reducem, inque Italiæ oras secedentem, plures quidem Urbes (quod speciatim Seneca paulo ante observabat) sibi vindicant conditorem. At in ejusmodi rebus selecto quodam, quod mediocritatem præcipue amet, judicio opus erit, vitanda vero temeritas illa, quæ in alterutra plerumque extremitatem dilabi solet. Cum enim ex remotissimis illis, ac fabulosis ætatibus nihil plane certi, quod ad populorum, urbiumque origines pertinet, parum etiam, quod ad veri similitudinem accedat, novisse detur, non omnia arbitratu nostro comminiscenda erunt; contra vero nemo, nisi intemperantioris critices, vel aliena carpendi libidini plus æquo indulgeat, jure egisse videbitur, qui rem ita, ut audit, fuisse, ex indubiæ profus fidei monumentis, sibi ostendi postulabit. Danda est hæc posteritati venia, ut solis conjecturis, quibusdam veluti admotis faculis magnum aliquid ac præclarum, quo patrias origines nobiliter extollat, in summa Antiquitatis caligine sibi quærat: quod si ad conjecturas ipsas aut deducendas, aut confirmandas Veterum Scriptorum accedat auctoritas, nihil profecto deerit, quo minus confecta res esse videatur: hos certe non solum Paronos optimos, sed locupletissimos etiam quosdam veluti prædes habemus, ut de qua re statuerimus, fidem nostram omnino liberaffe videamur: quanti enim illorum testimonia fecisse oportebit, quos ipsa nobis commendat antiquitas: neque vero in iis omnibus, quæ posteriorum memoria digna esse censebant, aliquid privato ex ingenio, Poetarum more, deprompsisse, sed majorum commentarios, publica tabularia, gravissimas conjecturas, perpetuam, atque in omnium ore pervulgatam rerum famam sequutos putare debemus: atque hæc breviter in antecessum animadvertisse opus fuit, ut quæ de Beneventanis originibus probanda magis videretur, tutius sententia constaret.

Beneventanæ itaque Urbis conditorem, Diomedem Ætoliz Regem fuisse, veterum monumentorum fide, receptissimorumque auctoritate Scriptorum satis certum, vulgatumque tradit C. Julius Solinus (e), confirmantque Servius, Stephanus, Procopius (f), reliquique ad unum pene omnes posterioris ævi Scriptores. Is cum e Trojano bello rediret, in quo fortitudinis laude

(a) Rei narrationem exequitur Mazza De reb. Sacerdotum, quam tamen, cum ex nescio quo Rabino Helino auctore excepta fuerit, merito inter Rabbinicas, sive nugas, sive fabellas rejiciendam censuimus.

(b) De Consolat. ad Matrem. cap. 7.

(c) Vide Sveton. in Jul. c. 81.

(d) Virg. Æneid.

(e) Polyhist. cap. vii., ubi illustriorum Italiæ Urbium origines luculenter explicat, de iisque fidem sibi demereri jam ante in Præfat. Operis sategit; hæc enim ibi sunt: *Addita sunt nonnulla etiam memoratu digna, quorum auctoritas de scriptoribus manas receptissimis: quid enim proprium nostrum esse poterit? Cum nihil omiserit antiquitatis diligentia, quod intactum ad hoc usque ævi perseverat; quapropter queso te, ne de præfati tempore editionis hujus fidem libes, quandoquidem ve-*

*stigia veteris monetæ persecuti, opiniones universas eligere maluimus, potius quam innovare.*

(f) Servius Æneid. viii. v. 9. hæc habet: *Diomedes, postquam reperit ira Veneris a se vulneratæ uxorem Ægialeam apud Argos turpiter vivere, noluit reverii ad Patriam, vel, ut dicitur ab adulteris perturbatus, sed tenuit partes Apuliz, & edomita omni montis Gargani multitudine, in eodem tractu Civitates plurimas condidit, nam, & Beneventum, & Equumtuticum ipse condidit, & Arpas, quæ & Agrippa dicitur, ad quam nunc Venulus mittitur: Eadem ferme repetit Servius Æn. xi. v. 246. atque ad memoratas antea Urbes Venusiam quoque, nec non Canusium, & Venusium ab Diomede conditas addit: Stephanum, & Procopium, opportuniore loco mox proferam.*



de cumprimis ab Homero celebratur, nihil tamen commilitantibus suis felicius fuit, quos æqua omnes asperissima fors a patriis laribus extorres, in varias peregrinasque regiones iactavit. In Apuliæ oram appulisse Diomedis contigit; ac primum, ejectis indigenis, aut verius hospitii jure a Rege Dauno exceptus in Gargano monte confedit; ex cujus finibus paulatim in propinquas regiones pervadens, novas Urbes, quibus suæ gentis propagatæ coloniæ consisterent, certis locis exædificandas curavit. Inter has, post Argos, quam Agrippam de Patriæ suæ nomine appellavit, Beneventum eminet, quod tum Maleventum vocari Conditore suo placuit: has autem Urbes omnes (ne cui fortasse mirum id, aut etiam inverisimile videri possit) satis virium ut construeret, nec minor suæ gentis numerus, cui incolendæ traderentur, Diomedis aderat, qui sociorum, militumque non exiguam multitudinem Trojano bello superstitem, novasque secum sedes quærentem, fortunæ, peregrinationisque suæ comitem habuit. Præterea, haud certe ejusmodi fuisse tum eas Urbes nobis persuaserimus, quales deinde, prolatis cum ipsa simul propagata Civium multitudine pomœriis, optime instructas vidit posterior ætas: quaslibet enim Urbes cuncti scimus, exiguis profectas initiis longo post tempore ad magnitudinem suam pervenisse; qua in re folius Romæ exemplum attulisse sufficiat, quam, dum Romulus Pastorum aliquot collecta manu condendam curat, exordia profecto sua pueret aspicere; quæ tamen sequenti tempore, tum aliis rebus omnibus, tum præsertim ingenti Civium numero, moenium amplitudine, ædificiorum denique majestate universi Terrarum Orbis imperio digna prorsus sedes fuit visa.

Et sane Diomedis opus Beneventum fuisse, non sola probat veterum Scriptorum auctoritate, sed ipsæ quoque, nec certe leves confirmant conjecturæ. Harum priorum vetustissimum ipsum, quod etiamnum obtinet, Beneventanæ Urbis Stemma suppeditat, Apri videlicet simulacrum. De qua re antea audire præstat Procopium lib. 1. Bel. Got. ita differentem; *Hæc sane Ciroitas (Beneventum) post Troje captivitatem a Diomede Tydei filio Argis pulso fuit edificata: in qua monumentum gratia Apri Calydonii dentes dereliquit a Meleagro patruele suo olim interfecti, qui temporibus etiam meis illic spectantur, oppidoque mirabiles, quum eorum circumferentia tribus haudquaquam minor sit spithamis, & in lunarem formam sunt retorti.* Hæc postrema, quæ habet Procopius fidem sibi mutuari videntur ex antiquioris ævi Scriptore Pausania, qui in Arcadicis cap. 46. ex ejusdem Apri dentibus unum in Bacchi delubro asservatum quoque refert, qui falcata forma, tanta insuper præstabat longitudine, ut trium pedum regionum mensuram excederet (a). Si quis autem has veluti fabulas rideat (b), dignasque censeat, ut poetis solis celebrandæ reliquantur, quod de eodem Apro eleganter præstitit Ovidius *Metam.* 8., non ægre id tulerim. Scio commentitia plura in Græcorum Historiis (cujusmodi semper fuit ejus gentis Scriptorum ingenium) ac plane fabulosa misceri: *Apud Herodotum Patrem Historia* (ut ipse Cicero aliquando observabat (c),) & *apud Theopompum sunt innumerabiles fabulae*: quid igitur? nutabunt in cæteris omnibus ejusmodi Scriptorum fides, ac tota spernetur auctoritas? non ita quidem si æquissimum; ejusdem (d) Ciceronis judicium de hac ipsa re sequi velimus: immo & sub fabulis ipsis latentem aliquando rerum gestarum veritatem deprehendere facile fuerit, & perscrutari omnino licebit. Hinc mihi ex Procopii loco verum, certumque illud novisse juvabit, ab ejus nempe ævo, de Diomede Beneventi conditore non solum exploratam, quæ ab omnibus literis mandaretur, rem haberi, verum etiam insigni monumento, præsentem veluti teste, rem ipsam confirmari: siquidem Calydonii Apri dentes ibi a Diomede relictos non iactare solum Beneventani, sed plane apud

(a) Et cautior sane Procopius, qui tribus solis contentus spithamis verisimiliora nobis tradere voluit: *Spithama* enim Græcis, quæ Latinis Dodrans, duodecim constat digitis, unde apud Plin. l. 7. 12. *Tripsithamæi* Pygmæi narrantur ternas spithamæ corporis altitudinis, hoc est, ternos dodrantes dumtaxat æquantes.

(b) Tum Pausania, tum Procopii non fabulosam, sed veram narrationem accepisse videtur Ill. Spanheimius, qui in de Præst. Numism. Diss. 1. p. 10. edit. Elzevirianæ 1671. postquam ejusdem Apri dentes, qui, teste Pausania in Arcadia servabantur, ex eodem auctore in Urbem dein ab Augusto delatos confirmat, non eisdem tamen ipsos fuisse animadvertit: qui Procopii ætate Beneventi adhuc visebantur, quippe quos ille a Diomede in eam Urbem translatos refert.

(c) De Leg. l. 1. cap. 1.

(d) Sane Cicero quum in libris de Rep. commentitium quid asseverasse notaretur, sic se excusat apud Atticum lib. 6. ep. 1.: *Illud de Flavio, & Fastis, si secus est, commune erratum est, & ut belle inique, & nos publicam prope opinionem secuti sumus; ut multi apud Græcos: quis enim non dixit Eværat τὸν τῶν ἀρχαίων, ab Alcibiade navigante in Siciliam, dejectum esse in mare; & darguit Eratosthenes, adfert enim, quas ille post id tempus fabulas docuerit: num idcirco Duris Samius, homo in historia diligens; quod cum multis erravit, irridetur? Quis Zeleucum leges Locris scripsisse non dixit? num igitur jacet Theophrastus, si id a Timæo familiari tuo reprehensum est?*

apud se ad eam ætatem incolumes servatos exteris ostentare solebant: de hujus rei fide non certo; dubium tamen nullum esse debet, quin non aliunde, quam ex ipso Apro Diomedæo Beneventanæ Urbis stemma, suam originem non heri, aut nudius tertius, neque etiam ab ipsa Procopii ætate, sed a vetustissimis usque temporibus habuisse videatur.

Atque hunc plane Aprum etiamnum spectare licet, qualem Veteres Beneventani splendidissimum ac venerandum prope suæ Originis monumentum effigiendum curarunt; atque ære incisum in hujus Voluminis fronte, seu titulo præsentem cernis, Hoc insigne e Pario marmore Toreuma inter vetusta plura monumenta, quæ terræmotum, barbaricarum vastationum, aliisque causis pessumiere, bono Beneventanæ Urbis fato servatum, ne detrimenti aliquid caperet, optimo majorum nostrorum consilio in marmorea Turri Campanaria Ædis majoris cum aliis antiquitatis reliquiis affixum habemus. Sculpturæ elegantia, quam vix ad Archetypi excellentiam ærea hæc tabula expressam simulare valuit, summæ illius vetustatis argumento esse potest, quæ non modo de sequioribus sæculis cogitare vetat, immo etiam cultissimæ ætatis opus nobis exhibet. Amplius vero id certum suadet tum sertum illud, quod e capitis vertice in utramque faciei partem concinne pendet, tum etiam stola, quam medio tergo impositam, ac per latera descendentem Aper ipse gerit: consueta in his ornamenta agnoscere proclive est, quibus victimæ ad gentilium sacrificia immolandæ instruebantur; ut jam de prioribus sæculis, quæ ubique Idololatria obtineret vix erit dubitandum. Nec tamen ex iisdem argumentis, unde ejus tabulæ remotissimam antiquitatem conjectare jam licet, illud modo consequenter incertum, an rectæ in Apro ipso Beneventanæ Urbis stemma contineri videatur, vel potius, quo ritu, quove ornatu victima quæpiam ad Sacrificium admoveri solet, eadem nobis tabula conspiciendum exhibeat: etenim nullus, ut jam video, in tabula Sacrificii apparatus, sed unice Aprum simulacrum rem totam complet, ut exinde quale fuerit Sculptoris consilium manifeste appareat; Aprum nempe ipsum ita efformandi, ut ex ejus effigie Beneventanæ Urbis origines non memoriæ solum, sed posterorum quoque oculis commendarentur; neque etiam temere illud fuit, sertum, stolamque Apro adjungere, cui sacrum aliquid, ac religione dignum inesse putabatur, propterea quod ingens præter naturam moles, monitri instar illum commendaret, immo divinitus in Ætoliam immissus vulgo traderetur.

Alteram conjecturam ex his Festi verbis desumere modo licebit: *Ausoniam*, inquit, appellavit Auson Ulysses & Calypsus filius eam primam partem Italia, in qua sunt Urbes Beneventum, & Cales, deinde paulatim tota quoque Italia dicta est Ausonia ab eodem Duce: Scio in hoc Festi loco posteriori Pauli Diaconi manum agnoscere a nupero Scriptore (a); neque etiam illud me latet, antiquiores Trojano bello Ausones jamdiu Italiani tenuisse, a plerisque affirmari; at quod Ausonum originem spectat, non video, cur a Festi sententia discedendum sit, quam non solum Suidas confirmat, sed Servius quoque, qui eam opinionem veterum quorundam Scriptorum fide probatam fatetur (b): quod quum ita sit, verisimile quoque illud videri debet, Beneventanam Urbem, in cujus situ eam primævam Ausoniam fuisse omnes consentiunt, constituisse jam tum, quum Ausonia ipsa esse cœperit: etenim, ni Græci, Diomedæ qui sem auctore, eam regionem obtinentes, suas ibi Urbes constituissent, vix Græcus homo, paterno saltem nomine illustri, non solum hospitii jure, verum etiam perpetui incolatus communionem in illorum lares ita demum fuisset receptus, ut post Diomedis obitum, vel dominatione sibi tradita, vel rebus egregie gestis novum Ausoniæ ab se nomen in eandem regionem invexerit.

Hæc vero Beneventanarum originum, quæ hætenus jecimus fundamenta, nequicquam everti, aut saltem labefactari poterunt contrariis tum Eusebii, tum Eutropii auctoritatibus, quandoquidem Beneventi initia serius ab utroque statuuntur. Ac prior quidem condita a Romanis Beneventum an. 281. ante adventum Domini, & ab U. C. 471. tradit in Chronico: Alter vero Hist. lib. 2. temporis ratione accuratius supputata, sub Consulatu P. Sempronii Sophi, & Ap. Claudii Pulcri, scilicet ab U. C. 486. condita simul a Romanis Civitates, Ariminum in Gallia, Beneventum in Samnio affirmat. Et sane manifestum utriusque Scriptoris errorem refellere abstinissem,

(a) Notum est eruditis, in id Paulum Diaconum incubuisse plurimum, ut Veteres scriptores aliquos, interjectis in eorum contextu, atque adfutis, quæ prætermissa, aut non satis explicata sibi viderentur, quampluribus narrationibus, observationibusque, locupletare, seu verius interpolare laboraret: id quod præter Festum, in Eutropii quoque historia præstitit, quam

ubiorem concinnavit, continuavitque ad suam usque ætatem in gratiam, ut ait, *Adilberghe Desiderii Regis filia, & Conjugi Arechii Beneventani Longobardorum Principis*.

(b) Suidas in selectis Historicis edit. Basilæ 1564. v. *Ausonius Pontus*, Servius *Æn.* l. 3. v. 171. & rursus l. 8. v. 32.



sem, nisi alieno doctus exemplo, mea plurimum interesse animadverterem, ne omnino intacti abire permitterentur: verendum enim fuit, ne incautis, aut antiquitatum non satis gnaris Eusebius imponeret, qui aliquarum Urbium primordia cum subsequenter Coloniarum deductionibus plerumque confundens, doctissimis quoque viris fucum aliquando fecit (a). Errandi itaque occasionem tum Eusebii, tum Eutropio fortasse præbuit diversitas nominis, qua diversas etiam sibi Urbes pari ambo oscitantia effecerunt: certe ipso eodem anno 486., quo primum (ut inferius late observabimus) Colonia deducta fuit, quæ ad id temporis Maleventum semper audiverat, tum etiam primum Beneventum esse cæpit: quamquam & illud dici possit, ut Eutropio hæc scribenti in mentem venerit antiquus ille deducendarum Coloniarum ritus, qui non fecus ac in condendis Urbibus servari consueverat. De eo ritu ita Varro de l.l. lib.4. *Oppida, quæ prius erant circumdata aratro, ab Orbe Urbes, & ideo Colonia nostra in literis antiquis scribuntur Urbes, quod item condite, ut Roma, & ideo Colonia, ut Urbes conduntur, quod intra Pomarium conduntur.*

Ut ut autem meliorem in partem Eutropii verba accepisse libeat, adhuc promptum mihi erit, ut longe ante illam, quam ipse statuebat ætatem, Beneventum Maleventi tamen nomine celebratam satis Urbem ex optimis antiquitatis monumentis extitisse probem: utque a posterioribus ordiar, sub Consulatu C. Sulpitii, & M. Poetillii, qui fuit ab V. C. annus 440. antiquissimæ, quæ tum in Samnio floreret, Maleventanæ Urbis mentio apud Livium occurrit, memorandique præclaram occasionem Livio dedit asperrima illa pugna inter Romanos, Samnitelque eo anno commissa, ex qua victi Samnites Maleventum, cui postea Beneventi nomen, profugerunt: sed jam ad ipsa Romanæ Reipublicæ primordia ascendisse licet, ubi illustriores Romanorum res literis consignatæ, ejusdem Maleventanæ Urbis insigne monumentum nobis servarunt: Celeberrima sub consulatu K. Fabii, ac T. Virginii an. V. C. 275. Fabiorum omnium cædes fuit, qui a Vejentibus ad Cremeram circumventi, trucidatique unum (ut inquit Livius) *prope puberem ætate reliquerunt, stirpem Gentis Fabie, dubiisque rebus Populi Romani sepe domi bellicæ vel maximum futurum auxilium.* Huic quidem, ut illustres Fabii deinceps essent, Romana Respublica debuit; sed & reviviscentem Fabiorum progeniem Maleventanæ illustri foeminæ acceptam simul retulit, quæ Numerii Ottacilii Maleventani civis opulentissimi filia superstiti Fabio iustis nuptiis copulata fuit. Testes hujulce rei satis locupletes habemus Valerium Maximum, atque Festum, quorum verba non pigebit audire: Valerius itaque, five quicumque is fuerit auctor Epitomes (b) de nominibus Romanorum, qui post librum ix. Valerii in pluribus editionibus adjectus proficit, hæc habet: *Numerii prænomen sola familia usa est Fabia, ideo quod cccvi. apud Cremeram flumen cæsis, qui unus ex ea stirpe extiterat, ducta in matrimonium uxore filia Numerii Ottacilii Maleventani sub eo pacto, ut quem primum filium sustulisset, ei Numerii prænomen imponeret, obtemperavit.* Haud aliter Festus, cujus item hæc sunt: *Numerius prænomen nunquam antea in Patricia familia fuisse dicitur, quam quum Q. Fabius, qui unus post sex & trecentos ab Etruscis interfectus superstit, inductus magnitudine divitiarum uxorem duxit Ottacilii Maleventani filiam ea conditione, ut qui primus natus esset prænomen avi materni Numerius appellaretur.* Atque ex binis hisce monumentis (quæ de nostra Urbe dum Maleventum olim esset, hæcenus mihi comperta habui) jam profecto liquet a primis usque Reip. temporibus non modo Maleventum (quod Eusebio, & Eutropio ignoratum videtur) jamdiu extitisse, verum etiam illud observatione dignissimum præclare constat, Maleventanos

C

cives

(a) Dionys. Petavius in Rat. Temp. p. i. l. 4. c. 20. Lugdunensis Urbis conditorem statuit L. Munatium Plancum, dum is a U. 711. Galliæ Proconsulatum gerebat, & quidem fidem Eusebii satis oscitanter sequutus: reclamantibus tamen Lugdunensibus, qui, teste Ferrario, suæ Urbis initia ad ann. post Diluvium 680. fuisse prædicant: at quicquid de ea remotissima ætate videri possit, certum illud est, tum ex Senecæ epist. 91. tum ex antiquo lapide [ de quo mihi fusc alibi agendum ] non Lugdunensis Urbis conditorem, sed Coloniam deducitorem Plancum fuisse.

(b) Valerii maximi genuinum sætum hanc esse Epitomen, quæ proinde ejus scriptoris librum x efficiat, tenuerunt olim Viri doctissimi, quos inter Manutius: ex antiquis mss. qui varie de eadem epitomæ præfari deprehensi sunt, modo C. Titum Probum, modo Julium Paridem auctorem præferentes, suspicio postea apud

recentiores eruditos esse cæpit, quæ tandem in communem sententiam cessit, opus omnino ad Val. Maximum non pertinere. De C. Tito Probo omnia obscura, imo ex postremis verbis ejusdem epitomæ librorum igno- rantiam ejus commentitii Auctoris efformandi occasionem arripuisse acute conjicit Steph. Pighius in not. ad Val. edit. Plantiniana 1574., ubi de Julio Paride, veterum mss. fide, verosimilius sentit, qui doctus fortasse Libertus aliquis Domus Juliæ decem libros Valerii non tamen Maximi, sed alterius, qui de lingua latina scripserat, in epitomem contraxit, cujus tantum hunc decimum superstitem habemus, haud certe contemnendum, quippe qui eodem scholio judice, antiquitatem non ineruditam sapit, & scholiorum loco studiosis servare potest ad linguæ, & historiæ Romanæ cognitionem, ritulque veteres addiscendos.

cives affinitate cum Romanis tunc fuisse conjunctos (a): quin etiam non temere id affirmasse erit, ex Maleventanis primum in Romanorum Remp. cum ingenti divitiarum Numerii prænomen simul invecum. Et sane (quo Valerii, & Festi fides magis conficitur) ejusmodi prænomen Samnitium Primoribus frequens, ac prope familiare fuisse ostendit Numerius alter Decimus, qui domo Samnis, genere, ac divitiis inter suos princeps celebratur a Livio lib. 22. Quod si non honori, haud certe probro sibi duxissent Romani, quorum tunc nomen, viresque angustis adhuc finibus continebantur, ex Samnitico populo matrimonia sibi quærere, quem omnium, qui in Italia fuerint, populorum fortissimum sibi hostem futurum, omnibus tunc etiam & opibus, & potentia præstare jam noverant.

Sed ne ad Samnites præpropere transisse videar, rerum, temporumque ordinata series postulat, ut ad Aufones redeam; atque hos quidem Græcos & ipsos origine, Aufone Ulyssis filio eorum Duce, post Diomedis adventum, conditasque ab eo Urbes, mox eò, ubi inter gentiles suos quiescere possent, convenisse jam constat. An vero Maleventum Aufoniis deinde cesserit, itaut in eorum possessionem perveniret, id quidem latet: certum tamen est, ut superius probavimus, in ea regione, quæ deinde de illorum nomine Aufonia dicta est, Maleventum exiitisse; neque enim sine ulla Urbe regio illa esse debuit, in qua Aufones consistere satis commodè potuerunt, neque præter Beneventum, & Cales, vetustiorum ibi Urbem aliam fuisse constat. Illud etiam mihi verisimile fit, non eos solos, quos Aufon secum duxisset, sed Græcos omnes, qui Diomede auctore eas Urbes, regionemque universam tenere jam coeperant, in unum populum, qui communi Aufonum nomine appellaretur, coaluisse: steterunt autem Aufones, donec adventantibus Samnitibus & regionem, & nomen concedere sunt coacti: unde de Sabellis seu Samnitibus Philargirii illa habentur: *Hi sunt, qui olim Aufones dicebantur* (b): non quod eodem manente populo nomen tantum mutari contigerit, sed, quom ad novos possessores ea regio pertinere cœpisset, vetus Aufoniorum nomen in Samnitium tum demum translatus fuerit. Atque pauca hæc de Aufonibus, quæ post conditam nostram Urbem ad sequentem ejus statum cognoscendum pertinerent, ex abditioris antiquitatis tenebris observasse licuit: feliciora jam hinc tempora & populi nobilitate, & rerum amplitudine, & monumentorum tum copia, tum certitudine, quibus præstant, aggredimur.

Samnites ex Sabinis prodiisse Veteres pene omnes tradunt (c), *Sabellus* propterea ad genus ipsum suo quoque nomine indicandum initio appellatus: sed quom ejusmodi nomen in Samnitium deinde versum fuerit, unde & novum eorum regioni Samnii nomen factum, novi nominis causam vel a colle *Samnio*, ubi primum confederunt, vel ab *Hastæ* genere, quæ *ravvta* Græcis dicta fuit, recentiores omnes Festi auctoritatem sequuti affirmant: ego vero (nisi mea me fallit conjectura, quam dubiæ Festi opinioni licebit opponere) tum *Sabellus*, tum ex eadem prorsus causa *Sabinites* olim appellatos dixerim, quod ipsa utriusque nominis Samnitium, & Sabinium affinitas manifeste suadere videtur: nihil autem Romanis tam suetum, qui elegantiori, dulciorique vocabulorum sono maxime delectabantur, ut pro *Sabinibus* Samnites eos vocare cœperint, quod postea nomen perpetuo mansit. Protectionis, aut potius secessionis a Sabinis genitoribus causam prolixè refert Strabo, quem heic recitare non vacat. Natali itaque deducti solo, novasque sibi sedes quærentes, quom id nonnisi vi agendum sibi esse animadverterent, Aufonios primum armis aggressi, eam sibi regionem incolendam constituerunt, in quam etiam de proprio nomine Samnii nomen intulerunt. Exiguus primum contentam finibus, intra quos Beneventanam Urbem, ex qua Aufones ejecti fuere, verisimile est constituisse, mox viribus pro eorum numero paulatim auctis longe lateque protulerunt, itaut Samniticum nomen, atque Imperium in plures circumjacentes regiones sese diffuderit; donec & ipso Samnio in duas postmodum regiones diviso, altera sub eodem Samnii nomine, & Urbibus, & viribus optime instructa permanens, altera vero accepto *Hirpinorum* nomine suis primum distincta finibus, mox etiam iuribus constitit, a principali Samnio divulsa. Utriusque regionis fines heic certos describere super-

(a) Quamquam Populi Romani Quiritium proprium, inter alia plura, *Jus Connubii* fuerit, quo Romanos inter, externosque Connubia prohibebantur: ut ex Liv. l. 8, 14. & 9, 43. unde illud Senecæ De Benef. l. 4, 35. *Permissi tibi filiam in matrimonium, postea Peregrinus adparuisse, non est cum externo Connubium*. Attamen Populi, aut Senatus permissu id jus plerumque communicatum constat, ut ex eod. Liv. l. 38, 6., docetque

Ulpian. Fragm. v. 4. *Connubium habent Romani cum Civibus Romanis, cum Latinis autem, & Peregrinis ita, si concessum sit*.

(b) In Georgic. Virgil. l. 2. vers. 167.

(c) Hæc fuit Varronis sententia in de L. L. vi. Strabonis Georg. l. v. A. Gellii lib. xi. c. 1. adeo ut merito rejiciendus sit Justinus Græcæ originis Samnites arbitrat.



superperfedo, quippe opportunitiori loco de iis fortasse differendum mihi erit. Samniticæ autem Gentis res egregie gestas, laudesque speciatim percurrere post tot tantaque tum Veterum, tum recentium Scriptorum testimonia, non tam supervacuum, quam & ipsum difficile opus fuerit: omnium vero laudum veluti summam audire ex Eutropio, Orosio, aliisque sufficere: quod nempe si fidem foederis, quam sibi Romani servari a subiectis volebant, ipsi subiecti Samnitibus servassent, aut omnino non fuissent, aut Samnio dominanti servissent. Nec certe Samnitibus aut vires deerant, aut pares viribus animi virtutes, quibus Orbis Terrarum imperio, pro quo tamdiu decertare visi sunt, digni haberentur: præclarissima namque sunt, quæ de eorum fortitudine, bellicæque laudis studio Veteres omnes memoriæ tradiderunt, quæ apud Livium, Florum, aliosque passim celebrantur; ad hæc autem, quod erat potissimum, honestissimis imbuti moribus ad virtutes omnes colendas publicis legibus (a), rarissimoque eo exemplo, quod apud æmulos quondam Romanos temperantioris Reipublicæ ævo haud invenire promptum erit, juventutem omnem instituendam maximopere curabant. At de Samnitibus majoribus nostris pauca hæc attigisse satis sit.

Illud vero heic erit omnino observandum, an facta, ut modo dixi, inter Samnites, Hirpinosque regionum quas seorsim incolerent, divisione, ad Hirpinos deinde Beneventum pertinere cœperit, vel potius in ipso, ut olim, Samnio locata constiterit. Interest enim, ne a majoribus suis Samnitibus, quorum alumna eadem, & parens dici poterat, Beneventum avulsa, inter Hirpinos detrudatur. Hoc decus Benevento adimere conatus olim fuit Camillus Peregrinus, qui in de Campania Felice Dissert. i. cap. viii. Hirpinorum eam Urbem fuisse statuit. Peregrini sententiam, suam quoque nuper fecit Franciscus Pratillus, qui in de Via Appia lib. 4. cap. .i. hoc etiam addidit, neque sibi hoc tutum videri, ut ejus regionis Urbium principatum Beneventum olim sibi vindicare potuerit, quem Abellinenfis Urbs æquo, vel potiore jure ei contendere videbatur: quas postremo nugas adjecit Pratillus, postquam Peregrini sententiam falsam ostenderimus, nugacissimas merito appellandi locus erit. Quod igitur ad rem attinet, Peregrino fucum scilicet videtur Plinii locus in H. N. lib. 3. cap. ii. ubi hæc leguntur: *Cetera intus: in secunda regione Hirpinorum Colonia una Beneventum, auspiciatius mutato nomine, quæ quondam appellata Maleventum: quanta vero tum in aliis, tum maxime in præsentia re Plinio habenda sit fides, non eruditorum dumtaxat, sed ejusdem Plinii judicio novisse sufficeret (b).* Mihi tamen illa speciatim exequi libet, quæ falsam hujus loci lectionem, vel falsum Plinium manifeste demonstrant. Primum igitur mendum in Plinii verbis jampridem suboluit Cluverio, qui pro: *Hirpinorum Colonia una Beneventum* legendum putavit: *Hirpinorum Colonia nunc Beneventum*, ut sequentibus responderet: *quæ quondam Maleventum*: at non is omnino rem acu tetigisse videtur. Alia enim, post dictionem *una* in Plinio erant ante Beneventi vocabulum, quæ quum excidissent, ne lacuna aliqua intercederet, facile eum eadem dictione *una* Beneventum coaluit. Cur ita ego judicem, verisimilis ratio in promptu est: non enim Plinius unam tantummodo Coloniam

C 2

(a) De Samnitum legibus ad mores pertinentibus hæc habet Strabo l. i. *Legem honestam quidem, & quæ ad virtutem vehementer excitet, Samnitibus extare ferunt; haud enim filias suas quibus collibuerit, nuptum dare fas est: Verum quotannis decem præstantes decerni Virgines, ac optimos totidem adolescentes: ex iis primam primo locari, secundam secundo, & ita deinceps: hoc pacto, quod si is, qui primam accepit, honestam institutionem mutaverit in deterius, habitus contemptui per ignominiam est, & ei locata adimitur.*

(b) Scaligerorum [verba sunt Reinefii in App. Epist. cap. 4. edit. Jenæ 1670. p. 316.] de Plinii in naturali historia fide & auctoritate judicio, quod passim repeti sciunt docti, nimirum laudem multæ lectionis, & laboriosarum conversationum merito ei tribui, eruditionis, & rerum, quas proficitur cognitionis non item, nemo temere contradixit, non enim adhibuit in excerptendis auctoribus diligentiam competentem, & narrationes sæpe suas ex diversis etiam pugnantibus, incertis, fabulosis, superfluitiosis contextit, unde nonnisi inconditis Cuius sententiarum, & falsimoniarum construi potuit: peccavit etiam alia, quæ notasse nos lib. 3. c. 5. satis sit:

Hæc enim Reinefius: At Plinio nuper strenuum se præstare Patronum Etruscæ Cortonenfium Academiæ socius in Dissert. De lapidibus relata in Tom. v. edit. Rom. dissert. i. cuius initio præjudicatam veluti adversus Plinium opinionem ab eruditorum mentibus removere satagit, nihilque contra illius auctoritatem gravius, ac fide certius, experientia ipsa habendum esse contendit. Diverfarum partium de Plinio judicium ita transfigendum esse ego ducere, ut ne illa, quæ Antiquitas omnis digna est reverentia, omnia indiscriminatim, atque inconsulto excipiamus, sed ea dumtaxat reprobassem, ac, dum opus fuerit, reprehendisse quoque liceret, quæ fidem omnem manifeste excedere, vel melioribus testimoniis refelli posse videntur. Atque hanc plane sententiam prior ipse contra se tulit Plinius, cuius de Geographia jam agere instituentis illud in proemio d. lib. 3. effatum est: *haud ullo in genere veniam justioram esse: recte enim noverat non alia scribendi materia frequentius errari posse, erratumque ab se fortasse non abnuic, maxime quum ex aliis auctoribus [ut c. v. subdit] nec scius, originisque persequi facile sibi fuerit.*

niam in Hirpinis adeo signate statuere poterat, cui omnino compertum esse debuit alteram in eadem regione Coloniam extitisse Abellinum (a). Cur etiam Plinius Hirpinorum regionem memorasse contentus, nullum de Samnio verbum, quæ celebrior regio erat, eo loco facere prætermisisset? Plura itaque, ne Plinium aut mendacii, aut oscitantæ redarguamus, is eo loco scripserat, quæ fortasse post commemoratam Hirpinorum Coloniam *unam Abellinum*, ad finitimam Samnii regionem, in qua Beneventana Colonia sita erat, pertinebant.

Hæc si cui non probantur, sinceraque eo loco Plinii lectio haberi velit. jam deterior erit Plinii causa, cujus testimonium facile erit falsitatis convincere: utque rem altius repetamus, stetit in Samnio Beneventum tum ante, tum post Hirpinorum a Samnitibus secessionem satis constat: certe Livius l. 9. c. 27. quum prælium illud inter Romanos, Samnitesque acerrime commissum C. Sulpitio, & M. Poetilio Cof. an. U. 440. retulisset: *Omissis*, subdit, *certamine cedit, capique Samnites, nisi qui Maleventum, cui nunc Urbi Beneventum nomen est, profugerunt*: qua ex re adeo certum haberi debet, ad Samnites ipsos Beneventum pertinuisse, ut nihil contra ineptius putari queat, quam eosdem e prælio fugientes in externa Urbe ab victoribus Romanis se se tutos existimasse, atque aliorum, quam propriæ Gentis fidei tam facile se commississe. At ne solis conjecturis res confici videatur, fuisse in Samnio Beneventum tum quum in eam Urbem Romani primum Coloniam deduxissent, præclare testatur Livius epit. xv. *Colonia deducta: Ariminum in Piceno, Beneventum in Samnio*: nec secus habetur ex Eutropio lib. 2. Et sane plurimum, sua interesse Romani putarunt, ut ea primaria Samnii Urbe aliquando potiti, Colonorum deductione reliquam regionem ab instaurando bello detererent, in suoque obsequio continerent: hinc cum Samnium ipsum sub secundi Belli Punici initia Hannibal devastaturus ingrederetur, satius habuit Beneventanam expugnasse Coloniam. Polybium audire præstat: *Pœni, inquit lib. 3., devastatis prædictis locis, superatoque Apennino Samnium transiunt in facundissimam Italia oram* (b) & longo jam tempore bellorum expertem, ubi tantam commeatus rerumque necessarium copiam nacti sunt, ut nec quotidiano usu, nec continua devastatione absumere prædam possent; hinc & Beneventum Romanorum Coloniam depopulantur. Vides igitur non priore tantum, vetustillimaque Samnitum dominantium ætate, verumetiam post deductam ab victoribus Romanis Coloniam, nunquam inter Hirpinos, sed intra ipsius Samnii fines Beneventum perpetuo recenteri.

At, inquires: non antiquiora hæc tempora spectabat Plinius, qui in Italia describenda novam formam ab Augusto institutam sequendam sibi proposuit: *qua in re* (inquit lib. 3. cap. v.) *præfari necessarium est auctorem nos Divum Augustum sequuturos, descriptionemque ab eo factam Italia totius in regiones undecim.* Quocirca verum illud esse potest, quæ in Samnio hæctenus steterat, Beneventanam Coloniam in hac Augusti recenti descriptione intra Hirpinorum fines fuisse conjectam. At si unius Plinii testimonio de hac re judicandum esset, facile illi fides esset accommodanda: sunt tamen quæ de ejus fide non suspicari tantum nos sinunt, verumetiam manifestam ipsius falsitatem ostendunt. Enimvero quum Augustus rerum potitus novam Romani Imperii formam constituens, Italiam omnem in regiones undecim divisisset, nullam de Hirpinis, qui cum aliis populis in quarta regione accendi erant, bene vero de Samnitibus solis mentionem iniecit, quos cum Frentanis, Pelignis, Marfis, & Vestinis in eadem quarta regione conjunxit, ut ex descriptionis forma (c) plane constat. Cur autem Hirpinos præterierit Augustus, verisimilis illa causa videri potest, quod vix ejus Gentis superstes tum nomen fuerit, quam sensim defecisse etiam ex aliorum, præter Plinium, ejus ætatis Scriptorum silentio conjectura mihi est, itaut ea regio, quæ post factam a Samnitibus progenitoribus secessionem Hirpini incolebant, eidem rursus accessisse Samnio, coaluisseque censenda sit. Id certe suadet quoque ardens ille Cornelii Syllæ conatus, quo is in universam Samniticam Gentem, ad quam Hirpinos pertinuisse constat, extremam cladem inferre aggressus, regionem illam cum reliquo Samnio immani

(a) De Abellinensi Colonia hæc sunt ex Frontino: *Abellinum muro ducta Colonia lege Sempronia. Iter populo non debetur: Ager ejus Veteranis est assignatus.*

(b) Infecundissimam Italiae oram habet Veneta editio Aldi an. 1521. ac aliæ, quas vidi editiones; sed perperam omnino: si enim infecundissima Samnii ora fuerit, cur tantam commeatus, rerumque copiam invenissent Pœni? Præterea Samnitium agri suapte natura ferulissimi, quos hodie dum spectamus, manifestum ostendunt. Hinc illud in aut in Textu Polybii redundat, aut præpositionis loco fungi debet, a se-

quenti ditione separatim scribendum.

(c) Populos in hisce xi. regionibus ab Augusto definitis contentos ita exhibet Panvinus de Imp. Roman. pag. 685. edit. Ven. an. 1558. *Quum Italiam Caesar Augustus in xi. regiones distribuit: quarum prima Latium vetus, novumque cum Campania fuit, II. Picentes. III. Lucani, Bruttii Sallentini, Apuli. IV. Frentani. Maritimi, Peligni, Maris, Vestini, Samnites, & Sabini. V. Picenum. VI. Umbri. VII. Etruria. VIII. Gallia Cispadana. IX. Ligures. X. Venetia, Carni, Iapides, Istrique. XI. Gallia Cispadana.*



immani furore delevit. At tenuiores illi & numero & viribus, & regione facile labefactati, extinctique sunt, Samnites vero, quorum ampliores copiae, laxioraque regionis spatia, in pristinum statum, adjecta sibi Hirpinorum regione, facile sunt restituti.

Fuerint vero, si cum Plinio mavis, Hirpini post Augusti quoque ævum superstites, falsum tamen illud omnino erit, ut intra illorum fines Beneventana Colonia consisteret, quam ex locupletissimis ejusdem ætatis testibus in ipso vetere Samnio perpetuo stetit liquet. Prior itaque Strabo inter Samnii Urbes Beneventum præclare statuit, tum quum Syllæ adversus Samnites immanes crudelitates referens, præter Beneventum, & Venusiam, reliquas omnes Samnii Urbes ab eo deletas memorat. Præclarissimum Geographi locum longiusculum licet, multa tamen de Samnitibus luculenta habentem, heic recitare non piget: *Qui (Sylla) postquam Italorum rebellionis multis dissipavit præliis, hos (Samnites) ferme solos consistentes, & in unum adversus Romam conspirantes conspicatus, ante illorum moenia castris locatis eos in pugna obruncavit, nullis vitæ impertiens captis: alios vero, qui arma projecerant ad millia tria, vel, ut alii quatuor in Campo Martio ad ovilia coactos immixtis militibus triduo jugulavit: factis inde proscriptionibus non antea destitit, quam Samnitium nomen deleverit, aut ex Italia finibus omnes ejecerit. Quum autem de tanta incuaretur iracundia respondebat, magistra sese experientia didicisse, ne ullam quidem pacem Romanis fore, quoad per se Samnites ipsi subsisterent. Itaque per vicis constituta fuere Civitates, aliqua vero radicibus defecere Bojanum, Esernio, Thelesia Venafro conjuncta, & alie tales, quarum ne unam quidem pro dignitate censueris Civitatem; tamen Beneventum, & Venusia probe, & feliciter consistebant. Hactenus Strabo, qui, quum post Augustum statim scripserit, nihil post hujus descriptionem in Italia nuperrime factam immutatam tradit de Beneventanæ Urbis situ, quam intra Samnium conjectam nobis exhibet. Quid? quod statim post ipsius Plinii ætatem illustriore adhuc testimonio istud idem probare possumus? Straboni igitur non insignem minus Geographum alterum adjungimus Ptolemæum, qui non solum in Italia tabula Beneventum intra Samnii fines locatum repræsentat, verum etiam quum ad Tabulam VI. Europæ de Italiæ situ cap. I. sermonem habet, in Samniticarum Urbium numerum eam discrete recenset, atque ab iis, quæ Hirpinorum olim fuerant omnino discernit in hunc modum.*

## Samnitum Civitates

Bovianum  
Esernia  
Sepinum  
Alifa  
Tuctium  
Telesia  
Beneventum  
Clusum.

## Hirpinorum Civitates

Aquilonia  
Abellinum  
Aculanum  
Fratuolum

Vides igitur inter duos optimos antiquitatis Geographos medium stantem Plinium, qui quum ab utriusque auctoritate diversus omnino abeat, haud sibi eam fidem demereri amplius aulerit, quam Straboni, Ptolemæoque negasse non stultitiæ solum, verum etiam piaculi loco habendum est.

Age nunc, si ad Samnii regionem omni plane ævo Beneventum pertinuisse jam constat, illud quoque experiendum mihi erit, an eadem Urbs Samnii princeps fuisse dicenda sit. Quum vero Beneventanarum rerum, quas hoc volumine illustrandas suscepi, certus temporum status sit terminus, quem ab ipsa origine ad postremam Romanorum ætatem conclusum præterire haud licebit, non omnino ad rem hanc conficiendam opportunum duxerim Pauli Diaconi testimonium, qui in De Reb. Longob. l. 2. c. 14. universi, quæ latissime tum patuit, Samnii Provincias ad Longobardicum Principatum pertinentes recensens, earum omnium caput esse *ditissimam Beneventum* affirmat. Non enim antiquiores ætates illas, quæ Longobardica sæcula anteverterunt, spectasse videtur Paulus, cui quum Longobardorum duntaxat res ex instituto pertractare propositum fuerit, satis profecto fuit intra ejus ævi spatium se continere, quo Beneventum Longobardorum Ducum, ac Principum delecta sedes, præclarissima deinde ejusdem Principatus Metropolis perpetuo mansit. Ad superiora igitur, ac ipsa quidem vetustissima tempora, de quibus heic quaerimus, quum res isthæc sit deducenda, clarius ea certe procedet, si in duas præsertim ætates eadem tempora distribuentur. Dum itaque priorum Samnitum res florent, non ita prompte pronunciarim universi Samnii principatum Benevento obtigisse: universum autem appellavi Samnium, quod Samnites ipsos ex situs, locor umque varietate, cognomine

mine quoque inter se diversos continebat. Alios enim Samnites *Pentros*, alios vero *Caudinos* intra unius Samnii fines appellatos fuisse video. Priorum Bovianum extitisse caput facile Livio concesserim, qui lib. 9. cap. 31. Junii consilio res adversus Samnites feliciter gestas referens hæc habet: *Victor exercitus Bovianum ductus: caput hoc erat Pentrorum Samnitum longe divissimum, atque opulentissimum armis virisque*. At quæ tum Caudinorum Samnitum Urbs princeps? Caudinos enim Samnites a Pentris diversos, quod nemini hæcenus observatum fortasse fuerit, ex eodem Livio discere licet, qui lib. 23. cap. 42. sub Marcello Consule a *Samnitibus Caudinis* Legatos ad Hannibalem missos tradit; quumque is Pentrorum Samnitium Bovianum caput commemorarit, an nullum Caudinorum fuisse debuit? non ita quidem: sed quod certis monumentis affirmari nequit, gravissimis tamen conjecturis pronunciare jam possumus, horum Samnitium caput Beneventum fuisse: suadet id quidem loci propinquitas, nam juxta Itinerarium Antonini vix *xii. m. passuum* Beneventum a Caudio distabat, neque Caudium suis potius *Furcis*, quam Urbis amplitudine famosum, neque alia Urbs ea regionis parte ita præstabat, ut cum Benevento de Caudinorum Samnitium principatu contendere posset. His accedit, quod jam superius memoratum fuit, ex pugna illa, quam a. U. 440. Samnites cum Romanis adverso Marte commiserunt, non in aliam eisdem fugientes, sed in Beneventanam Urbem se recepisse, ut proinde illa, dum suæ Gentis Arx, ac propugnaculum haberetur, caput etiam extitisse videatur.

Atque hæc quidem, dum Samniticum staret Imperium, satis verisimilia attulisse licuit: collapsis vero Samnitium rebus, imo excisis jam implacabili Syllæ adversus Samnites furore, illorum viribus, promptum jam fuerit affirmare, universi Samnii principatum in unam Beneventanam Urbem concessisse. Privatum enim Beneventanorum erga Syllam studium, de quo alibi fermo erit, hanc inter communes Samnitium calamitates felicitatem ei peperit, ut (quod ex Strabone modo audivimus) furentis hostis immanitatem evaderet; datumque ei fuerit, ut pristina forte felix, ac incolumis consisteret. Idque profecto satis fuit, ut contra ipsius Syllæ votum, extincto tunc, ut videbatur, undequaque Samnio, sola Samnio superstes, hujus extincti decus antiquum, nomenque servaret, reviviscens deinde principatum jure sibi vindicaret. Quod ut certum affirmaremus, duo potissimum effecerunt: primum quidem, quod nulla ex antiquis, celebrioribusque Samnii Urbibus, quæ olim de ejusmodi principatu decertare videbantur, vigente iterum post Syllanæ tempora Samnio, in pristinum splendorem, dignitatemque restituta fuerint, sed labefactæ earum status accepta semel, magna deinceps ex parte mansere damna, ut de Boviano, Aliphibis, Thelesia satis conitat, quarum post eam ætatem nihil florenti Urbe dignum memorie subest, atque hodieque, eas quondam fuisse, sola fere nominis, locique restatur memoria. Alterum est, quod jam tum Romanorum Colonia Beneventum deducta esset; quod quum ei omnium florentissimæ, ornamentisque omnibus instructissimæ Urbi, totius Regionis principatum facile comparare debuisset, amplius id eidem a Romana Republica præstandum fuit, cujus plane intererat, universi Samnii Coloniam illam caput esse, cujus tum dignitas, tum Fides erga Populum Romanum satis spectatæ habebantur. Quæ quum ita sint, non mediocriter Beneventanis consultum esse arbitror, si unquam antiqui Samnii principem sese Populum fuisse deprædicaverint, neque antiquitatis ignari, neque omnino ambitiosi, de ea laude redarguantur, quam jure sibi, atque merito vindicasse videntur.

Sed jam de diversis pro temporum varietate Beneventanæ Urbis nominibus agendum mihi erit. Sunt enim, qui præter *Maleventi*, ac postmodum *Beneventi* celebrata fatis nomina, & *Samniam* aliquando, nonnunquam etiam *Maletram* appellatam velint. At quum de singulis hisce nominibus sermonem instituere, eorumque rationes explicare debeam, a posterioribus antè me expediam, quæ nunquam Benevento indita, sed plane fabulosa, ac commentitia esse constans mihi semper fuit sententia. Quod enim ad *Samnia* nomen attinet, quamvis Festus inter alias Samnitium nominis origines illam quoque afferat, ut ita appellati fuerint a *colle Samnio*, ubi ex *Sabinis* adventantes confederunt, atque exinde conjectura deduci facile videatur, Urbem de illius collis nomine fortasse nuncupatam, ipsis & sedem, & nomen primum tribuisse, vel etiam eundem collem & Genti, & Urbi proprium nomen peperisse, attamen non sibi recte Festus (pro quo potius Paulum Diaconum in iis verbis agnoscendum malim, ut mox ostendam) conitare videtur, dum non in ea sola nominis origine omnino quiescit, sed verosimiliorem aliam eodem loco ab certo scilicet *Hastæ* genere fuisse tradit. Neutram autem Festi sententiam probari posse jam superius observatum, ubi rectiorem de Samnitium nominis origine conjecturam dedimus, ita ut nec ad hastam, neque ad inauditum hæcenus *collem Samnium* confugiendum sit. Quis enim sibi persuadeat, si unquam a sui primordio *Samnia* nomen Urbi inventum fuerit, quod aut ei tradere



tradere Samnites, aut ex eo ipsi accipere debuissent, ita subito excidisse, ut ne levissimum illius quidem vestigium in omni antiquitate nobis appareat; stetit vero, aditibus tum maxime Samnitibus ipsis, ut ex ejus Urbis servato nomine tum eorum appellationis, tum originis monumentum ad posteros perveniret. Restat igitur, ut *Samnia* nomen soli Paulo Diacono relinquamus, qui illud prior usurpavit, non alicujus certe veteris, probatque fide monumenti, sed (quod recte observat *D. Bruzen la Martiniere in Lex. Geogr.*) omnino male intellectis Flori verbis, qui quum *lib. 1. cap. 16.* Samnitium clades Samnitiique vastationes eoque pervenisse scripserit ut hodie *Samnium* in ipso *Samnio* requiratur, Samnium non pro ipsa eademque Samnii provincia, sed pro certa Urbe ejus nominis (quam pronum fuerat Beneventum putare) accepit Paulus; nihil vero tam facile fuit, quam sciolos, recentioresque quosdam obesse naris Scriptores in Diaconi verbis conquiscescere, qui vulgi quoque sermones sequuti statuerunt, ita olim Beneventum fuisse appellatam, quasi, quod regionis nomen erat, Urbis quoque esse debuerit, quæ stantis Samnii facile princeps, collapsi deinde decus sola sustinuisse visa fuit.

Haud secus de *Maletia* nomine judicandum erit, quod unde ortum habuerit, nondum satis intellexi, nisi quod fortasse quispiam, quum in mendosam aliquam Festi editionem incidisset, ex corruptis ejus auctoris verbis illud hausisse videatur. Festi certe locus genuinus ita se habet: *Beneventum Colonia, quum deduceretur, appellari ceptum est melioris omnis causa, quum eam Urbem Græci incolentes ante Maleventum appellarent*: quæ sane postrema verba aliter exhibet ipsius Festi editio Veneta an. 1483. ubi sic leguntur: *Quum eam Urbem Græci antea incolentes maletion malaition appellarent*; quod vocabuli monstrum prius Latinis mox Græcis literis repetitum, inque se uno partim Latina, partim Græca dictione compactum, rudissimæ ætatis foetum rudior quisque ita fortasse excepit, ut jam *Maletia*, vel ut alii libebat, *Milethæ* nomen ab aliis diversum arbitratus, illud Beneventanæ Urbis proprium quondam fuisse affirmaverit. Et certe non una quondam circumferebatur mendosa Festi editio, nam præter Venetam vetustissimam, quam ad manus habeo, alias quoque indicare videtur Salmasius in exercit. *Plin. cap. 2.*, quæ habent *Maleton*, aut *Maletion*, & *Μαλοῖτιον*, ex quibus pari facilitate sciolus quispiam *Maletia* vocabulum confingere potuit; sed, ut dixi, *Μαλοῖτιον* a Festo scriptum fuit; neque secus a Stephano, cujus hæc sunt *Περὶ πόλεων seu de Urbibus*, quæ ad nostram Urbem pertinent verba: *Βενεβουτὸς χωρίον Διομήδης ἐν Ἰταλίᾳ. οἱ ὅτι καὶ Διομήδης ἡ καὶ Μαλοῦντος ἐδευέτο. τὸ ἐθνικὸν Βενεβουτίνος, ἐστὶ καὶ ἄλλὰ καμπανίας ἔξ' τοῦ δ' ἡ τοῦ ἐθνικοῦ Βενεβουτίνος*: Salmasius l. l. pro *καὶ* legit *πρὶν*. Stephanum autem ita loquentem excipio: *Beneventus Prædium Diomedis in Italia: quidam existimant, quod Diomedis possessio* (vel ut Salmasio placet *Constructio seu Edificium*) etiam *Maleventus* dicere-tur. *Gentile Beneventinus. Est item alia (a) Campania Urbs, qua per D scribitur, cujus gentile Benebendensis*.

Rejectis igitur commentitiis Samniæ, Maletiaque nominibus certum Maleventi ab sua origine, postea vero Beneventi suum stabit Urbi nomen. Prioris nominis causam sunt, qui ex paulo ante memorata Samnitium cæde, quam ad triginta illorum millia fuisse tradit Livius, Urbi primum contigisse asserentes, ex eodem Livio satis probari posse contendunt; at de ea re nihil in Livio est, qui pro optimi Historiographi munere, ne Maleventum ab Benevento diversam olim fuisse Urbem Lectores putarent, Beneventi nomen sua jam ætate eidem Urbi esse subdit, quæ Maleventum olim vocabatur tum quum fugientes ex eo bello Samnites excepit. Quod si ea

(a) Manifestum Stephani errorem recte reprehendit Salmasius, dum is alterum Beneventum in Campania locet, diversum ab oppido quod a Diomede constructum antea nominavit: & sane *Βενεβουτὸς*, & *Βενεβουτίνος* unum, atque idem, quo modo *Βενεβουτὸς* & *Βενεβουτίνος* dupliciter scribebatur, ut etiam notat Berkelius ad eum Stephanii locum n. 75. Illud ego quoque adnotaverim, quo magis pateat Stephani hallucinatio, non in Samnio priorem Beneventum ab eo locari, sed in Italia, posteriori vero in Campania, quasi non in Italia fuisset Campania. Non unus autem fuit Stephanus, qui Beneventum multiplicavit, vel suo solo moverit: turpius enim lapsus fuit Suidas, qui de Benevento hæc habet in Historicis edit. Basilæ 1564. ex versione Hieronymi Wolphii: *Beneventum: Diomedes in reditu ab expeditione Trajana a suis non receptus, sed expulsus, in Calabria Urbem Argyrippam condidit, post Beneventum*

*didit*. Argos enim Urbem, Argyrippam a Virgilio vocatam, quam idem condidit Diomedes, cum Benevento confundit: quid demum sibi velit Itinerarium Hierosolymitanum, qui novum Beneventum in Cenomanis statuit, nemo hætenus definiit: iter enim inter Bergomum, & Veronam sic metitur.

Vergamo  
Tollegatæ xii.  
Terellus x.  
Brixia x.  
Ad Flexum xi.  
Beneventum x.  
Verona x.

Supposititium, aut certe mendosum in hoc Itinerario novi hujus Beneventi vocabulum jam novit, restituen-dæ tamen veræ lectionis incertus Gluverius Ital. antiq. lib. 1. cap. 26.

de causa Maleventi tunc primum nomen accepisset, jam ipsa historiae ratio, extollendaeque amplius Romanorum victoriae occasio postulabat, ut de mutato ob eam hostium cladem Urbi nomine ad eo insigne monumentum ad posteros Livius commendaret: at nec is meminit, nec meminisse ejus rei potuit, qui potius iis verbis antiquissimum illud, ac cum ipsa Urbe ortum nomen satis clare indicasse videtur. Et sane, si recenti cuipiam causae novum Maleventi nomen tribuendum esset, jam quae fuerint antea Urbi nomina contra omnis Vetusitatis fidem, comminiscenda nobis erunt, aut prorsus ignorare fatendum erit.

At ineptior profecto, quam quae superius confutata fuit, altera ejus nominis causa affertur a Procopio in de Bell. Goth. lib. 1. ad cujus opinionem, auctoritatemque refellendam sola ejus audisse verba erit satis. Beneventum Civitas (inquit) antiquitus appellata Maleventum: In Dalmatia enim Regione, cujus ex opposito hac Civitas est locata, ventus quidam dominatur saevitiae, ac feritatis eximia, qui cum primum flare incipit omnes intra domum se continet, nam ea vis huic vento natura ingenua est, ut eum pariter, & sessorem in altum extollat, & per aera saepius volutatum, quocumque fors ferat cadere in terram sinat, atque interimat. Cum igitur Beneventum e regione, ut dixi, Dalmatiae sit in edito constitutum, malignitatis partem hujusmodi asperissimi flatus excipiat necessum est, atque ob id Civitati ipsi nomen hoc impositum. An absurdus quicquam, vel mendacius hoc esse potest? An risum tenuistis Amici? Si enim ea vis (quod inauditum haecenus) huic vento naturam ingenuam, quid causae deinceps fuerit, ut omnino defecisse videatur, quid autem Dalmatiae cum Benevento Mediterranea Urbe, quae neque in edito alicujus montis cacumine, sed in humili protius colle sublimioribus aliis circumsepto inter binos moenia prope alluentes fluvios exurgit? Quis denique non mirabitur graecum hominem adeo ingenio suo indulsisse, ut quam rem in Italia ipse diversatus, sub Belisario Duce annonae Curator propriis oculis spectare, aut saltem propinqua fama noscere potuit, tot nugis, fabulisque contextam posterorum memoriae exhibere maluerit?

Sed non leve demum in ejusmodi nominis etymologia statuenda negotium nobis exhibebit Salmasius: Praestat omnino eum audire (a). Non erat Beneventum cum a Diomede condita est, sed Maleventum: Plinius &c. .... Sed nec Maleventum graecam originem de specie ipsa ostendit: quae ratio Procopium induxit, ut Maleventum crederet dictam a malo vento, quo infestatur, quod est ineptissimum. Sed deceptus est inflexione latina qui Maleventum dixerunt, quod erat grece Μαλόεντος; sic enim Urbs illa vocabatur .... Graeca vox Μαλόεις απο το Μαλον Aelice hoc est Μαλον ab ovibus. Apuliam ovibus, & lana nobilem esse, quae inde Apula dicebatur, satis notum est. Hinc Μαλόεις Urbs illa, quam ibi condidit Diomedes ο Μαλόεις τῷ Μαλόεντος Aetoli vero more suo ο Μαλόεντος, τῷ Μαλόιντι, nam ex genitivo casu aliorum suum nominandi faciebant; ut ο Μαρτυρος τῷ Μαρτυρι. Haecenus Salmasius, cujus speciosam quidem conjecturam cum Gronovio (b) libens appellaverim, sed non continuo satis verisimilem dixerim. Duo enim gravissima obstant, quin in doctissimi viri conjecturam concedendum sit: atque ægre primum tam longo circuitu a vocabulo Μαλον (quod etiam graecis æquivocum, tum ad oves, tum ad poma significanda adhibetur, unde ortam de Hesperidum Pomis fabulam satis erudite observat Servius Aen. 4. 484.) ad Μαλόεντος inveniendum manduci tandem nos patiemur. Præterea nullo pacto illud Salmasio permittendum, ut e suo natali solo Maleventum aufugiat, atque e Samnii gremio, ubi perpetuo locata fuit, inter medios Apulos longo intervallo transgressa, ut sui prisca nominis rationem aliquam inveniat, inventa sese coniciat.

Maleventi itaque nomen Urbi, quum primum ab Diomede conderetur, a malo evento contigisse quum certum sit, ejus tamen nominis causa si quaeratur, nonnisi ad ipsius conditoris, suæque gentis calamitates commode referri posse crediderim; nihil enim verisimilius, quam post gravissimas illas ærumnas, quæ confecto Trojano bello Graecos omnes consecutæ, tum aliis passim Scriptoribus, tum ipsius Diomedis ore apud Virgil. Aeneid. xi. v. 255. memorantur, in quibus illam quoque sibi propriam Diomedes conqueritur

Invidisse Deos, patriis ut redditus oris

Conjugium optatum, & pulcræ Calydonæ viderem,

quum tandem in his regionibus constitisset, Urbem ab se conditam eo nuncupasse nomine, quo Malum sui, suorumque Eventum posteris testaretur: quod quum verisimile dumtaxat a me traditum sit, certa tamen ejus nominis a malo evento, quæcunque tandem fuerit causa, derivatio statuenda omnino est, idque ex verbo ipsius mali in bonum eventum nomine luculentius patebit.

Beneventi itaque novum, faustumque nomen Urbs accepit, quum primum in eam Romanam

(a) Exercit. Plin. in C. Julii Solini Polyhist. c. 2. edit. Parisi. 1629.

(b) In not. ad Stephanum de Urbibus n. 23.



mani Coloniam deduxerunt. Cur autem ita tunc appellari coepta non solum instituti mei novisse erit, sed multae esse eruditionis testatur Quintilianus lib. 1. cap. 6., ubi de aliquorum nominum etymologiis perquirendis agens *Continent*, ait, *in se multam eruditionem, sive illa ex Graecis orta tractemus, sive ex historiarum veterum notitia, nomina hominum, locorum, gentium, Urbium requiramus; unde Brutii, Publicolae, Pici: cur Latium, Italia, Beneventum &c.* quod igitur nostra interest (nam de aliis alii viderint) de huiusmodi nominis origine ita Plin. lib. 3. cap. 11. *Colonia Beneventum auspiciatus mutato nomine, quae quondam appellata Maleventum.* Id quod iisdem prope verbis superius recitatis Festus confirmat: ex utriusque autem auctoritate jam ab *Evento* Urbis nomen deductum posthac dubitaverit nemo, adeo ut quum in *Bonum* deinde *Eventum* ob Colonorum deductionem antiquum nomen translatum fuerit, utique non aliud, quam *Malum*, ipsum *Eventum* Urbi nomen olim fecisse censendum est.

Nec profecto mirum, quod Romanis post eam Urbem e Samnio captam, ereptamque cum ea simul Samnitibus magnam suarum virium spem, ac munimen, quum in ipsam Colonos deducerent, rejecto Maleventi nomine Beneventum appellari placuisset. Scimus enim funesta si qua essent, ac male ominosa nomina ad summam usque superstitionem Veteres Romanos exhorruisse, ita ut illis abolitis, obliteratisque, nonnisi faustis, ac felicibus delectarentur. Hinc solenne illud, ac veteri instituto firmatum, ut in militum delectu primus miles fieret bono nomine meminit Cic. de Divin. lib. 1. cap. 45. latiusque explicat Festus v. *Lacus Lucrinus*, ubi: *in delectu, ut & in censu primos boni omnis gratia nominatos Valerium, Salvium, Statorium, eos videlicet, qui ejusmodi nominibus valere, salvere, stare significabant, bonum delectui, aut censui faciendo eventum portendebant: & quidem nulla omnino res publice, aut privatim a Romanis gerenda suscipiebatur, nisi prius adhibita solenni illa precationis formula, ut res bene, ac feliciter eveniret; nec tamen his contenti ipsum Bonum Eventum peculiare sibi numen effinxerunt, divinoque cultu, atque etiam Templo donarunt (a): Boni Eventus enim Templum in Regione IX. a tergo Panthei statuit P. Victor, & Donatus de Urb. Rom. lib. 2. cap. 16., ejusque posteriore quoque aetate an. A. Chr. 374. meminit Marcellin. lib. 29. cap. 6. quum inter alia publica opera Tyberis inundatione eo anno disiecta, instauratam quoque a Claudio Praef. Urb. ingentem porticum memorat, *Eventus Boni cognominatam, ea re, quod hujus nominis prope visitur Templum: Perrenne igitur Romani Maleventanae Urbis, quam sibi primum Coloniam condebant, infelix istud infaustumque superesse nomen? ipsi inquam Romani, qui eod. Cicerone teste l. l. non tam moribus, quam Religioni ducebant, ut nonnisi bonis essent nominibus Viri illi, qui ex S. C. ad Colonias deducendas eligerentur.**

Atque quum ex his manifestum sit, sive Maleventi, sive postea Beneventi nomen non aliunde, quam ex evento (b) Urbi factum, libet tandem de ea re praecleara alia, quae mihi occurrunt,

## D

(a) De Deo Bono Evento peculiarem, & satis amplam Dissertationem vulgavit D. Moreau de Mautour, quam habes tom. 3. *Memoires de l'Academie Royale des Inscriptions &c.* Amstelod. 1731. cap. 5.: Ejus cultum non apud solos Romanos, verum etiam apud veteres Germanos, Hispanos, & Graecos plurimum obtinuisse probat. Inter praecleara, quae Romanis translata fuere, Praxitelis opera, Boni Eventus statuam recenset Plinius l. 36. c. 8. atque antea lib. 34. c. 8. alteram ejusdem Numinis statuam memorat, Euphranoris Graeci item, eximique sculptoris opus, quam ita describit: *Hujus est Simulacrum Boni Eventus dextra parvam, sinistra spicam, ac papaver tenens; qua, nempe forma etiamnum in antiquis nummis Boni Eventi effigiem spectare licet.*

(b) Non ullum nobis Ludovicus Vives negotium facessit, qui in comment. ad S. Aug. de Civ. Dei l. v. c. 22. pro *Eventibus*, quod habent vulgatae editiones, *Eventis* dandi casu a neutro *Eventum* in mss. aliquot legisse asserit; hanc tamen vocabuli declinationem per neutrum genus raro usurpata, imo ex Vallae judicio dubiam arbitrat. Si ita res esset, dubiam quoque Beneventi, quam modo statuere laboravimus aetymologiam fieri oporteret; non enim in recentis Coloniae natali

cum novo nomine esset condecoranda, ab consueta, quae Latio familiarior esset, optimorumque scriptorum usu probata ejus nominis declinatione Romani recessissent: At Ludovicum Vives summopere falli jamdiu observavit laudatus D. De Mautour in eadem Dissert. De Deo Benevento, ubi Ciceronis, Lucretii, ac majoris Plinii allatis auctoritatibus, *Eventi* vocabulum neutro genere probe latinum, imo ab optimis hisce scriptoribus passim usurpatum demonstrat, quod & ipse Vives facile animadvertere poterat, si potius, ut par erat, manuscriptorum veterum, quam novit fidem, quam vulgatas editiones attendisset: Mirari tamen subit, cur D. De Mautour singularem appellet Vespasiani nummum, in cujus epigraphe legerat: *Pacis Eventum*; quod, cum accusandi casu accipi nequeat, nominativum neutri generis esse debet; non enim ea de causa tanti aestimandus erit nummus iste, cujus lectionem non tuentur solum, sed plane usu receptam docent tot scriptorum de eo vocabulo testimonia, quae ipsemet Vir doctus congererat, nisi forte ad publica aliorum nummorum, lapideumque monumenta respiciens eum in binis lapidibus, quos avertit *Bono Eventus*, in aliis vero nummis *Boneven*, vel *Bonevent* scriptum reperisset, quod simili modo ac in lapidibus per eandem declinationem

currunt, uberius observare, quo magis ejusmodi nominis etymologia constare videatur; ac primum Lapis est apud Gudium p. 56. n. 14. qui inter Beneventanos refertur in hæc verba:

BONO EVENTO CONCORDIAE PIETATI P. R.

SCRIBONIVS LIBO M. AEMILIVS PAVLVS TRIBVNAL

NOVV. AEDIL. CVRVL. LEPIDVS SCRIBONIVS LIBO DD.

Inter Beneventanos, inquam, hunc lapidem retulere olim plerique, idque pluribus de causis persuasum sibi habebant; congruit enim præter *Boni Eventi* etiam *Concordiæ* nomen, quod Benevantanæ Colonix aliquando tributum præclare ostendit Lapis huic Dissertationi præfixus, cui mox alterum addemus: De Scriboniis verò, licet inter illustriores Romanorum familias eos fuisse constet, plura adhuc extant in Benevтана Urbe antiqua monumenta, de quibus loco opportuniore agendum erit. Sed non ego hisce conjecturis facile concesserim, immo si de eo lapide judicium mihi ferendum esset, non alium profecto fuisse censerem, quam ipsummet Titulum Tribunalis Romæ olim extantis, quod passim ab antiquis Scriptoribus *Puteal* dictum fuit, cui extruendo operam, mandante Senatu, præstitit Scribonius. Præter enim eum lapidem, quem illius Tribunalis titulum agnoscendum dixi, quo magis apud præsentis potestatosque Libonis opus celebraretur, etiam ea de causa argenteos numos cufos fuisse scimus: memorat eos Sigon. de Judic. l. 1. c. 28., in quibus Aræ imaginem esset ait, cum his verbis: *Puteal Libonis*: exhibet vero ad Libonem simul, Lepidumque pertinentes Ant. Augustin. Dialog. IV., apud recentiores vero, ut Goltzium, Patinum, aliosque satis notus hic numus, cuius etiam effigiem nuper reculit laudatus in superioribus notis D. de Mautour in d. Dissert. de Deo Bonevento, ac multis observationibus illustravit: ejusdem argentei numi archetypum aliquando ego nactus, quum ejus icones hæcenus vulgatas non adamussim eidem respondentes animadverterim, sitque ipse numus eo, quod refert, *Boneventi* vocabulo nostræ Urbis nomini omnino affinis, iterum heic summa fide expressum, non solum exhibendum, verum etiam novis observationibus (a) locupletandum curavi,



Redeo nunc ad lapides, ac præter eum, quem superius a Gu dio relatum *Boneventi* quidem vocabulo insignem, haud tamen Beneventi extantem probavi, præsto est alter, quem inter

nem supplendum putavit, in Vespasiani numo singularitatem notare voluit: sed tam pronum illud erat, *Boneven.* vel *Bonevent.* in nummis pro Bonevento supplere exemplo ipsius nummi Vespasianæ, quam verisimile satis illud suspicari, non *Eventui* in illis lapidibus sed *Evento* fuisse, quod mihi omnino probatur ex duobus aliis lapidibus, de quibus mox agam; ex his enim, ut eque ex numis non dubitabimus, quin frequentius per neutrum, quam per masculinum genus, eadem licet significatione, *Eventum* in omnibus fere publicis monumentis scribi consueverit.

(a) De hoc numo ita crebro Veteris rei nummarie scriptoribus celebrato novam commentationem insinquare libenter abstinuissem, præsertim post nuperam D. De Mautour explicationem, nisi plura in ea legenda deprehenderim, quæ castigatione aliqua indigere videantur. Ac primum frustra illud erit, ad antiquum *Puteal*, quod in Foro situm erat, hoc Scribonii *Puteal* referre: qui etiam Augustini, Nardini, atque etiam Vaillantii error fuit, notatus a Spanhemio Dissert. x. tom. 2.: Illius vetustissimam originem laudant Cic. de Divin. c. .... Val. Max. l. 1. c. 6., qui ad Regum ætatem extollunt,

tum cum sub Tarquinio priore desolæ ab augure Navio cotis, ac novacula ædificio ad Aræ formam extructo, quasi operculo, quod *Puteal* dictum fuit, fuere contestæ. *Cotem autem illam* [inquit Cicero] *et novaculam desolam in Comitio, supraque impositum Puteal accepimus*: an igitur, quod Scribonius Libo antiquissimum ædificium illud fortasse instauraverit, ideo, ut vir doctus putat, Scribonii *Puteal*, quale in numo est, appellari ceptum? at nullo pacto id probabimus. Constat enim, novum omnino opus fuisse, quod Scribonius, mandante Senatu, construxit, dedicavitque; Illud autem, aut loci, aut formæ affinitate cum antiquiore altero pene simile, pari quoque *Putealis* nomine donatum fortasse fuit: aut enim antiquum *Puteal* pro contegenda Nævii cote, & novacula, aut ad expiandum religione locum fulmine aliquando tactum adhibitum fuit, nulla re ad Scribonii Tribunal pertinere potest, cujus diversus omnino usus, recentiora quoque fuerunt initia.

De forma autem Scriboniani *Putealis*, quamquam ejus nummi ope nostris adhuc oculis servata sit, mirum tamen, quantum inter se non modo veteres, sed etiam

recen-



inter præclara nostræ Urbis vetera monumenta procul dubio recenseri debet: extat enim adhuc incolumis sub arcu Pontis Caloris, hisque legitur verbis:

**BONEVENTO**  
PROFECTIONIS ORIENTALIS ET  
REDITVS AVGVSTORVM L. SEPTIMI  
ET M. AVRELIi ANTONINI COL. IVLIA  
AVG. CONCORDIA FELIX BENEVEN  
TVM DEVOTA MAIESTATI AVGG.

in quo lapide illud Beneventana Colonia Septimio Severo Imp. ejusque filio Bassiano (qui sub nomine M. Aurelii Antonini latere videtur) præstitisse studuit, quod sub Cæsariibus frequen-  
tissimi moris erat, ut neque pro felici illorum proficiscentium reditu tum privatim, tum  
etiam publice vota susciperentur: ex Augusti ævo Principum majestas id adulandi genus inter  
alia recepit, invaluitque magis erga sequentes Principes, ut in antiquis lapidibus, numis-

D 2

que

recentiores hæcenus decertaverint. *Puteal* [inquit Acro ad Horat. Satyr. l. 2. c. 6. v. 35.] *locus Romæ, ad quem veniebant generatores, alii dicunt, in quo Tribunal solebat esse Prætoris*: Præclarius Porphiro ad eund. Horat. l. 1. ep. 19. *Puteal Libonis sedes Prætoris fuit prope arcum Fabianum, dictumque, quod a Libone illic primum Tribunal, & Subsellia locata sunt*: Donatus etiam de Urb. Rom. l. 2. c. 12. locum esse affirmat: in quo fuit Tribunal Prætoris, vel ædificium, in quo jus dicebat Prætor a Libone ædificatum, dictumque a Puteo, quod inibi esset. Horum auctoritatem sequuti non aliud ædificium illud Putealis inscriptum nomine in numo expressum, quam ipsum Prætoris Tribunal ea forma fuisse censuerunt Borrichius Antiq. Urb. Rom. Constantius Landus Select. numism. p. 33. edit. Lugd. Bat. 1695. & Marlianus Topograph. Rom. l. 3. c. 4. cujus tantum verba hæc afferre libet: *Est apud nos numisma argenteum, in cujus altera parte Libonis imago est calata cum Inscriptione LINO BONEVENT.* in altera vero Tribunal, supra quod est PUTEAL, infra vero: SCRIBONI. Quæ Marliani verba licet clarissima, haud assequutus Academiæ Etruscæ Cortonenfis Socius tom. v. Dissert. v. n. 38. *Io non so* [inquit] *che Medaglia sia quella del Marliano, la quale egli ci descrive così; est apud nos &c.; mostrando che vi fosse il Tribunale scolpito distintamente dal Puteale*: At Marlianus neque alium nobis exhibuit numum, quam ipsum istum, quem modo terimus, ac satis clare, feliciterque quid in eo contineretur descripsit, explicavitque; nunquam itaque illud dicere somniavit fuisse in eo numo Tribunal scorsim insculptum a Puteali, sed quod supra ipsum Tribunal (ut in ipso numo quisque spectare statim potest) inscriptum fuerit *Puteal*: in altera vero [inquit Marlianus] *Tribunal, supra quod est Puteal, infra vero Scriboni*: Si enim, quod infra est Scriboni non diversam rem in numo representabat, sed Epigraphis pars erit, neque etiam quod supra est *Puteal* quicquam aliud, quam reliquam ejusdem Epigraphis partem exhibebit: quæ quidem verba diversis formis inter reliqua Marliani verba ab ipsomet socio Academico notata, satis eum quantumvis æcutionem monere debebant, non diversum a Puteali Tribunal a Marliano fuisse ostensum: Ad nunquam fortasse in numum vidit, verumque illud esse docuit, dum fidenter nimis, incon-

sultique aliena carpere videri volumus, turpius nos aliquando in gravissimos errores incidere.

At quod rem attinet non Tribunalis, sed potius Aræ formam in numo expressam esse contendunt Sigonius, Augustinus, Nardinus, Laurentius, alique plures tum Acronis testimonio moti, tum etiam Festi auctoritate; qui *Puteal Scribonii ad ædificium illud, quod in loco fulmine tacto ritu veteri construi solebat, manifeste refert*: quibus etiam ad stipulari ajunt formam illam, quæ in numo exhibetur; quam nonnisi ad Aræ similitudinem expressam accipiunt: id quod laudato de Maoutour ita persuasum videtur, ut certa illa ex ipso ædificio pendencia nonnisi ex lauro fuisse conciat, propterea quod ejus arboris frondes ad arcendos fulminum ictus plurimum valere putarentur: sed frustra hi omnes ex ea ædificii forma, quæ in nummo repræsentatur, Aram sibi fingunt: cum contra verum omnino sit, ædificium illud ad Tribunalis formam accedere, in quo Prætor jus dicturus accumbere solet: Si enim Tribunal idem ac *Puteal Scribonii* fuisse constat ex veteri lapide superius recitato, idque Acronis, Porphyronis, Donati confirmet auctoritas, nulla erit ratio, ut pro Tribunali Aram comminiscamur: neque mirum, quod Tribunal ipsum in Aræ formam exurgere videatur, nam quadrati, sublimiorisque subsellii instar esse debuit, multis etiam pro Prætoris dignitate, ornamentis decoratum: quod ita omnino nobis persuasum esse debet tum ex superius dictis, tum etiam ex Horatii loco, cui Ovidium tandem adjungimus, qui de Rem. Amor. 565. *Puteal*. pro ipso Tribunali usurpat, de usurarum debitore ita canens.

*Qui Puteal, Janumque timet, celeresq. Kalendas.*

Sed majus certe dissidium inter recentiores in effingendis, explicandisque ornamentis illis, quæ ipsius Tribunalis angulis affixa veluti coherent: Fulvius Ursinus, qui prior teste Spanhemio, in Scribonia familia binos numos *Puteal* exprimentes vulgavit, in altero quædam veluti *vasa*, in altero quosdam veluti *clypeos* in ipsius Putealis angulis insculptos exhibuit: Ant. Augustinus *Fenestras*, seu *Transfennas* videre affirmat. *Situle* Lando visa sunt; *Sacculi* vero Harduino [in Plin. l. 36. c. 15.] hinc inde dispositi, servandis Actis judicialibus idonei; & miror; cur non etiam in ejus mentem venerit, potius *sportulas* fuisse, quas paratissimas haberet

Præ-

que passim occurrit, eoque tandem processit, ut quum pro levissimis causis, ac plerumque, ut otio, voluptatibusque indulgerent, in secessum aliquem abirent, vota pro reditu suscipi consueverint; quod aliquando ab ipso Senatu sedissima in Caligolam adulatione factum fuisse narrat Sveton. cap. 14. Aequiores certe Beneventani, qui nonnisi pro gravissima, qualis in lapide expressa fuit causa, in qua ob edomitos Orientis hostes, prolatoque Imperii fines summa Reipublicae utilitas continebatur, Imperatori Septimio, ejusque filio Bassiano post res feliciter, egregieque gestas sua vota publico monumento isto posterorum memoriae commendanda curarunt; illudque, quod rem nostram modo spectat, in eodem lapide nobis observandum exhibuerunt, ut falsis illis sive votis, sive gratulationibus, quae solo *Boni Eventi* vocabulo expressa voluerunt, proprium Urbis nomen ita accommodasse visi sunt, ut quod re ipsa illo significabatur, in eorum quoque erga eos Principes obsequentis animi significationem opportune satis, atque eleganter verteretur.

Quid vero, ut aliis Principibus, ita quoque Imperatori Severo pro suo more non praestitisset Beneventana Colonia? quam Augustorum nemo fuit, qui non summa benevolentia, maximisque beneficiis exornandam fategerit; neque id tantum pro suis illa erga eosdem Augustos perpetuis studiis, obsequiisque promereri videbatur, sed pro summa etiam loci nobilitate, eximiaque rerum omnium, quae florentissimam Urbem efficerent, praestantia: Quod sequenti capite mihi erit exequendum.

## CAPUT

Prætor, ut nummos pro ipsis actis judicialibus a litigatoribus sibi solvendo colligeret; sed Harduini explanationem non sine risu excipiendam dicit Morellius, sive Havercampus tom. 2., haud tamen ipse felicior, qui non aliam, quam *Lyræ* formam in utroque Putealis angulo agnoscendam statuit: quid denique D. De Mautour? *Simula* esse affirmat, quæ tamen nonnisi ad Clypeorum formam in ejusdem numi iconem, quam exhibet, nobis spectanda offert: At habes tu Læstor novam ejusdem numi iconem, quam cum suo archetypo omnino convenire ne dubites: integrum tibi relinquo, ut post tot inter se dissidentes sententias, de hac re, si tibi tibi habebitur, curiosus inquirens judicium feras: mihi quidem si dicere fas sit; risisse certe putarem artificem, qui inani sui ingenii lusu tantum negotii præclaris posteritatis ingenii exhiberi videret, ut quod fortuita manu ad ornandum Puteal ipse adjecerit, ad certam illi rem designandam insculptum contenderet.

Illud mihi potius inquirendum duxi, quis hæc fuerit Scribonius Libo tot inter Scriboniarum Gentis viros, qui passim Lucii prænomine, Libonisque cognomine ex antiquis monumentis prodire: at obscurum id quidem: Inter nostros lapides, qui ad Scribonios pertinent, hunc adest Gudius p. 133. n. 4. quem ego adhuc extantem descripsi nuper in oppido Montis Herculis prope Beneventum in hæc verba.

L. SCRIBONIVS L. F. LIBO PATER  
L. SCRIBONIVS L. F. LIBO FIL  
PATRONEI TVRREIS EX D. D.

Vides jam tres simul Lucios Scribonios Libones, nam qui Pater prima linea est, Lucii quoque filius ipse dicitur: Nolim igitur, nisi levissimæ conjecturæ loco haberi, quæ adest D. De Mautour de L. Scribonio Libone

illo, quem Bello Civili Pompeii partes sequutum constat, Consulatumque cum M. Antonio an. v. 730. deinde iniisse: Tutius namque fuerit antiquiorem aditæ ætatem, Libonumque aliquem, qui florente adhuc Republica, persecrari, id enim ipsum Puteal, idque numus, inscriptisque Puteali titulus indicare videntur.

At demum Dei Beneventi effigiem, eo capite in posteriori numi parte efficta, D. De Mautour certam ostendit, eumque ideo in numo expressum notat, quod illius opem causarum Patroni, aut litigatores sibi presentem flagitare solerent, cum in Puteali jus sibi a Prætoris reddendum expectarent; sive etiam, quod Libo ille peculiarem eidem Deo cultum præ aliis exhiberet, aut demum inter privatos Scriboniarum Gentis Deos *Beneventus* accenseretur. Hæc tamen omnia non ita facile probari posse video: nihil enim in eo numo de Deo Benevento, cujus veram, uti repræsentari solet, effigiem ex Plinio jam didicimus, quam frustra in eo numo nunc quaerimus: nam caput illud [quod in anteriori parte supra frontem latior fasciæ diadematis instar circumdat, quæ tamen cum supra aures perveniat intra caesariem mox se abscondit] non Deum Beneventum, sed potius ipsum Libonem refert: quod clare indicat illud LIBO, quod ex ipsa posteriori parte eodem capiti insculptum adjacet: quid vero, inquis, illud BONEVENT. quod ad faciem inscribitur? Non aliam eo vocabulo, quam solennem illam faustæ precationis formulam contineri dicendum est, de qua plura superius observavi: eademque usus Libo sua vota expressit, ut quod opus jam extruxerat, *Bene eveniret*, idque iterum in marmoreo Titulo Operi affixo inscriptum voluit, non in *Bonum Eventum* dumtaxat, verum etiam in *Concordiam Pietatemque Populi Romani* opus ab se extructum cessurum auspiciatus.



## CAPUT SECUNDUM

*De variis diverso tempore Romanorum Coloniai  
Beneventum deductis.*

**B**ENEVENTUM primum deductam a Romanis Coloniae constat P. Sempronio, & Appio Claudio Cos. A. V. 486. Hanc deductionem referunt Vellejus, Polybius, ac Livius epit. 15. Quominus tamen prima isthac Coloniae deductio a Romanis Beneventum facta statui posse videatur, verba efficiunt Samniticæ legationis ad Hannibalem: *Per centum prope annos* (inquiunt Samnites legati apud Liv. l. 23.) *Bellum cum Populo Romano gessimus nullo externo adjuti neque duce, neque exercitu, nisi quod Pyrrhus per biennium nostro magis milite suas auxit vires, quam suis viribus nos defendit.* Legationem hanc An. U. C. 540. accidisse constat, cum eo anno M. Claudius Marcellus Cos. apud Nolam contra Hannibalem feliciter pugnasset; Bellum autem Samniticum M. Valerio Corvino III., & A. Cornelio Cossio Cos. anno nempe 411. cæptum constat ex eodem Liv. l. 7.; quæ cum ita sint, verumne putabimus anno 486. dum scilicet illud centum annorum spatium efflueret, quo assidue Bellum Romanos inter, ac Samnites exarxisse ex ipso Samnitium Legatorum ore mox audivimus, id fieri potuisse, ut florentissima Samnitium Urbs Maleventum, in media Samnii Regione locata vel ad Romanas partes defecerit, vel ita Romanorum armis subacta fuerit, ut vel invita deductos ab Roma Colonos in suos lares exciperet, propriisque agris, opibusque locupletaret. Sed si illum unius sæculi Bellum non rei veritati, sed legatorum jactantiæ tribuamus, jam certe de deductæ Coloniae tempore, atque anno nulla supererit dubitatio: ipsum enim Samniticum Bellum vix illius, quod legati jactabant sæculi dimidium tetigit: ita Eutropius l. 2. P. Cornelius Rufinus, M. Curius Dentatus ambo Cos. contra Samnites missi ingentibus præliis eos confecere: tum Bellum cum Samnitibus per annos novem, & quadraginta actum sustulerunt; neque ullus hostis fuit intra Italiam, qui Romanam virtutem magis fatigaverit. Eo temporis intervallo re vera de Imperio orbis terrarum paribus armis decertatum fuit, una Samnitibus superlitate virtutis fama, quod victos Romanos sub jugum misisse satis habuissent; sed dein violato ab Romanis federe, quæ secuta fuerunt bella, adversa plerumque Samnitium fortuna gesta sunt, itaut fractis illorum viribus, facile Romanis fuerit in subactam Samnii partem Colonos mittere, atque ita eorum, qui anno 486. Beneventum Coloniae deductam scripsere, Veterum Auctorum optima fides constare jam debet.

Eam autem Coloniae non sine consilio Romanos deduxisse putandum est, dum vera sunt illa Ciceronis (a). *Hec in genere, sicut in ceteris Reipubl. paribus, est opera pretium diligentiam Majorum recordari, qui Colonias sic idoneis in locis contra suspicionem periculi collocassent, ut non Oppida Italiae, sed propugnacula Imperii esse viderentur.* Hinc sicuti id. Cicero (b) Narbonem Marcium Coloniae Civium Romanorum, speculum P. R. & propugnaculum Gallis oppositum, atque objectum affirmat, Tacitus etiam (c) Cremonam refert propugnaculum adversus eosdem Gallos trans Padum agentes, si qua alia vis per Alpes irrueret, Coloniae constitutam, ita Romani Beneventum Coloniae deducta, id maxime egerunt, ut ipsam Samnitium Urbem ad ipsos Samnites, si quando hostilia sumisissent arma, prompte coercendos paratam, atque intrusam haberent.

Libeat nunc mihi, quod & locus opportune postulat, & instituti jure factum a me erit, earum meminisse rerum, quas post priorem hanc Coloniae deductionem a Beneventanis Colonis in gratiam subsidiumque Romanæ Reipublicæ præclare gestas veterum scriptis commendatas invenerim. Primum itaque constat, quarto & quadagesimo post Colonos deductos anno illustrem satis erga Romanos grati, obsequentisque animi significationem Beneventanam dedisse Coloniae. Cum enim Romani milites ab immani illo prælio, quod Tiberio Graccho duce cum Pænis ad Calorem fluvium prope Beneventi mœnia feliciter commiserant, victores reverterentur, summa lætitia, ac gratulatione, conviviiisque magnifice, atque opipare instructis a Beneventanis fuerunt excepti; rem jucundissimam pari elegantia narrat Livius l. 24. *Signum* (inquit) *deinde Gracchus colligendi vasa dedit, militesque prædam portantes agentesque per la-sciviam ac jocum ita ludibundi Beneventum rediere, ut ab epulis celebrem festumque diem actis, non ex acie reverti viderentur; Beneventani omnes effusa turba cum obviam ad portas exissent, complerent milites,*

(a) In Agrar. c. 27.

(b) Pro Fontejo c. 1.

(c) Hist. 3. 34.

milites, gratulari, vocare in hospitium: Apparata convivia omnibus in propatulo adium fuerant, ad ea invitabant, Gracchumque orabant, ut epulari permitteret militibus, & Gracchus ita permixti, in publico epularentur omnes: ante suas quibusque fores prolata omnia; pileati, aut lana alba velatis capitibus Volones epulati sunt, alii accubantes, alii stantes (Gracchus enim hanc multam iis, qui segniores in pugna fuerunt, indixit, ut deinde stantes semper epularentur), qui simul ministrabant, vescebanturque. Digna res visa, ut simulacrum ejus diei Gracchus, postquam Romam rediit, pingi juberet in aede Libertatis, quam Pater ejus in Aventino ex multatitia pecunia faciendam curavit, dedicavitque: Cum igitur ejus rei memoriam Gracchus publico, perpetuoque monumento consignaverit, Liviusque quod pluribus celebraret verbis dignam putaverit, summa equidem Beneventanae Urbis laus erit, ut quae florente Samnitium Rep. diuturnioribus, acrioribusque armis una fuerit, quae tamdiu Romanis imperium Orbis retardaverit, in eorum tandem genus imperiumque, deductis Colonis, adscita, fide, ac liberalitate Colonias omnes Romanas superaverit.

At ne quis putet, ea re Beneventanos Romanorum, qui ex eo praelio victores revertebantur, felicitati fuisse blanditos; (fatiis enim fuerat spontanea liberalitatis gratiam ab victore exercitu ultro promereri, quam illius, ut saepe contigit, insolentiae debitum tribuere) id etiam paulo post evenisse constat, quod non solum eo tunc Beneventanorum erga Romanos integram, atque ex animo benevolentiam fuisse ostendit, verum etiam summam in dubiis Reip. rebus obsequii constantiam omnino declarat. Etenim quinquennio post Q. Fabio Max. v. & Q. Fulvio Cos. an. U. 545. Beneventana Colonia una ex illis recensetur, quae reparatis adversus Hannibalem Romanorum viribus, in extremo Reip. discrimine, aliis Colonis detrectantibus, ipsa auxilium, opesque perlibenter conferens, fidem suam, ac virtutem magnopere comprobavit. Rem magnifice celebrat idem Livius l. 27. quem proinde audire non pigebit: Trīginta hinc Colonia P. R. erant, ex eis duodecim, cum omnium legationes Roma essent, negaverunt Consulibus esse, unde milites, pecuniamque darent. . . . Pro duodeviginti Colonis M. Sextilius Fregellanus respondit, & milites ex formula paratos esse, & si plus opus esset, plura duros, & quicquid aliud imperaret, velleque Populus Romanus enixe facturos, ad id sibi neque opes deesse, animum etiam superesse; Consules sibi parum videri praefati pro merito eorum sua voce collaudari, eos, nisi universi Patres in Curia gratias egissent, sequi in Senatum eos jusserunt; Senatus quam poterat honoratissimo decreto allocutus eos, mandat Consulibus, ut ad Populum quoque eos producerent, & inter multa alia praecara, qua ipsis majoribusque suis praestitissent, recens etiam meritum eorum in Reip. commemorarent: Ne nunc quidem post tot saecula sileantur, fraudenturque laude sua, Signini fuere, & Nolani, & Norbani, Satriculanique, & Brundusini, & Fregellani, Lucerini, & Venusini, & Adriani, & Firmiani, & Ariminenses, & ab altero mari Pontiani, & Pestani, & Cassani, & Mediterranei BENEVENTANI, & Aesernini, & Spoletani, & Cremonenses, & Placentini: Harum Coloniarum subsidio tum Imperium Populi Romani stetit.

Atque haec quidem vigente hac primae Beneventanae Coloniae deductione memoranda mihi fuere, ut quae ejus in Principem Reip. merita, quae etiam fuerit dignitas, atque rerum omnium tum civilium, tum militarium florentissimus status, veterum testimonio probatum haberemus: non itaque mirum, si ad ipsius principis Urbis instar, Natalem diem, quo primum deducta fuit, undequae magnitudinem, quo pervenerat, suam fausto tum etiam novi nominis omine auspiciata fuit, memorandum sibi habere, magnificeque celebrare consueverit. Natales Urbium dies celebrandi morem servavit antiquitas; ad extrema usque Imperii tempora tum Romae, tum Constantinopoli id obtinuisse manifestum est ex Valentiniiani lege, data an. Chr. 389. (a) De Colonis vero insignis est Ciceronis de Brundusina Colonia locus (b), quem heic recitari lubet: Brundisium veni nonis Sext.; ibi mihi Tulliola mea fuit praesto natali suo ipso die, qui casu idem Natalis erat & Brundusinae Coloniae, & tua vicine salutis; quae res animadversa a multitudine summa Brundusiorum gratulatione celebrata est. Sed quod Beneventanam Coloniam attinet, solennem pariter Natalis sui diem ab ea fuisse habitum locuples tellis est antiquus noster lapis

ATTINI

(a) L. 2. Cod. Theod. de Feriis, quam dederunt | (inquit) adjicimus natalitios dies Urbium maximarum Romae, atque Constantinopolis.  
Valentinianus, Theodosius, & Arcadius Timasio, & Promoto Cos. Statutis enim ferialibus aliis diebus, his

(b) Ad Attic. iv. 1. & iterum Orat. pro Sext. c. 63.



ATTINI SACR. ET MINER  
VAE PARACENTIAE  
L. SONTIVS PANGIVS IVSTI  
NUS EQ. ROMANVS PRINCI  
PALIS DVVMVIR ET MVNERA  
RIVS NATALIS COLONIAE &c.

Integrum lapidem habebis tum in Dissertatione De Rebus sacris, tum in Appendice: quæ huc pertinent verba retulisse satis fuit, ex quibus discimus non modo Natalis memoriam a Beneventana Colonia quotannis celebratam, verum etiam eum diem (de quo tamen nondum mihi constet) gladiatorii ludis fuisse insignem; id enim L. Sontius expresse commemorat, dum summi honoris causa *Munerarii* titulum sibi tribuit; at cur ad primam de qua hæctenus egimus, Beneventanæ Coloniae deductionem, Natalis hujus celebrationem referendam putaverim, dum alias scimus sequenti Ævo Colonorum deductiones Beneventum factas, quas potius respexisse videtur lapis posteriorem & ipse ætatem præferens: Verum haud temere fecisse mihi videor, dum verum illud sit Ciceronis *negantis in eam Coloniam, quæ esset auspiciato deducta, dum esset incolis, Coloniam novam jure deduci* (a): quod tamen non ita erit intelligendum, ut cum Colonia aliqua semel deducta esset, nefas deinceps fuerit novos in eam Colonos deduci, quos in veteres Colonias deductos jam constat; sed in novis hisce Colonorum deductionibus non eos ritus, ceremoniasque ex instituto iterari fas erat, quæ, cum primum deducenda fuit Colonia, adhibita pro more fuerunt; ut proinde, novis Colonis deductis, stare adhuc vetus Colonia videbatur, cujus exordia, variantibus licet Colonis, communem omnibus Coloniali Juris possessionem pepererant: Hinc Natalem Beneventanæ Coloniae eum esse ajo, quem cum primum A. U. 486. deducta fuerit, etiam post sequutas alias deductiones, celebratum in nostro lapide habemus.

Sed quamdiu hæc prior Beneventana Colonia steterit, & quo demum auctore, quave de causa novos Colonos acceperit, modo erit inquirendum: Itaque Beneventanam Coloniam cum ipsa Rom. Rep. stetisse, atque ea labente ipsam pariter labefactatam constet, eodemque Cæsare auctore veterem utriusque statum mutatum. Novum id plerisque fortasse videri potest, postea quam V. C. Alex. Mazochio semel placuerit inter Syllanas Colonias Beneventum adnumerare; si enim Viro perspicacissimo id concesserimus, jam secunda Beneventanæ Coloniae deductio haudquaquam Cæsari (ut a me statutum fuit) sed Syllæ videtur tribuenda, itaut quæ a Cæsare postea facta fuerit, tertium in locum sit rejicienda: At, quid hac in re habeat Mazochius, jam inspiciamus: Is itaque in præclaro ad mutilum Amphitheatrum Campani titulum Commentario *Felicitis* illud, quod inter alia Capuanæ Coloniae cognomen fuit a *Sylla Felice*, qui eam deduxit, derivatum affirmans, dum Sigonium errantem pene increpat, quod (b) aliis Syllæ actis rescissis, hanc etiam Capuanæ Coloniae Syllanam deductionem labefactatam fuisse verisimile scripserit, eo quoque devenit, ut Colonias omnes, quæ *Felices* quondam appellatæ fuissent, ab eodem Sylla deductas statueret: Inter illas itaque Beneventanam Coloniam præcipue recenset, propterea quod non solum *Felicitis* cognomen habuerit, *verum etiam* (inquit) *quod, cum Samnites olim acerrime contra Syllam stetissent, verisimile sit Beneventanos agris fuisse mulctatos, adscriptamque eo Coloniam.*

Revera erravit Sigonius: nam præter Capuanæ Coloniae deductionem, quam mansisse satis constat, cætera etiam Syllæ acta post ejus obitum rata a Senatu fuisse habita optime ostendit Ciceronis, qui Mazochium fugerat, locus in Verrina 5. ubi hæc de Sylla: *Unus adhuc fuit post Romam conditam (Dii immortales faxint ne sit alter) cui Resp. totam se tradidit temporibus coacta, & malis domesticis . . . ejus omnes res gestas non solum obtinemus, verum etiam propter majorum incommodorum, & calamitatum metum publica auctoritate defendimus:* Bene itaque ad suam rem Mazochius, cujus sententiam ex allato Ciceronis loco contutari etiam sumus; male tamen is, cum de Beneventana Colonia obiter agere instituens, sive ex *Felicitis* cognomine, sive ex Syllæ in Samnites odio, eam aliquando ab Sylla deductam affirmavit.

Utque a postremo ordiar, deceptus fortasse Mazochius fuit, ut, cum Samnites perpetuos Syllæ adversarios fuisse inveniit, quos proinde ille ingentibus præliis ad internicionem pene

(a) Philip. II. 40.

(b) De antiq. Jur. Ital. cap. 4

pene cum ipso nomine tandem delevit, Beneventum præcipuam Samnitium Urbem in victoris Syllæ, atque exinde in Syllanorum Colonorum potestatem redactam crediderit; At e contra nihil verius, quam Beneventanam Urbem inter cognatas Samnii Urbes haud communis, quod sua Gens fovebat in Syllam, odii partes aliquas unquam suscepisse, quinimo nihil habuisse tam antiquius, quam, ut suo bono felicitatique consulere, Syllæ amicissimam, obsequentissimamque se præstare.

Atque id quidem promptum mihi esset ex hoc lapide, quem olim Gaudii extantem MSS. schedæ testantur,

L. SYLLA CON.

FAVSTA

BENEVENTVM

FELIX

ubi si prima linea priorem Syllæ consulatum, ut lapis ipse postulat, statuamus, jam longe ante Beneventum *Felix* dici capit, quam ejusmodi cognomine Sylla donatus fuerit: sed cum vehemens mihi commentitii lapidis suspicio fubeat, in quo, præter alia, infuetum illud con. occurrit, tum Syllæ ævo, tum ejusdem numo apud Spanhemium p. 544. ubi rectissime legitur SYLLA eos; nefas mihi duxi, dubiæ saltē fidei lapide ad rem confirmandam uti, quam præclariora nobis monumenta satis certam efficere queant.

Summam itaque Beneventanorum fuisse cum Sylla amicitiam luculenter testatur Cicero (a) cujus verba referre præstat: *Ipse Sulla, cui adventus ipsius (Verris) gratissimus esse debuit, ab se hominem, atque ab exercitu suo removit: Beneventi esse jussit apud eos, quos suis partibus amicissimos esse intelligebat; ei postea premia tamen liberaliter tribuit: bona quædam proscriptorum in agro Beneventano diripienda concessit: habuit honorem, ut proditori, non ut amico fidem: quæ postrema verba turbare nil debent, cum non civium bona ea fuisse censenda sint; sed aliorum fortasse, qui in agro Beneventano eorum possessionem aliquando nacti fuerant, itaut, ipsis proscriptis, promptum fuerit Syllæ, nullo Beneventanorum damno, aut injuria ex exterorum spoliis Verrem locupletare; tantum enim abest, ut adversi quicquam civibus evenerit, ut potius inter eos (ut ait Cicero) sibi amicissimos, quorum propterea fides maxime perspecta sibi erat, tutus fuerit Sylla, ne detrimenti aliquid Verres contra eum moliri auderet. Ciceronis testimonium confirmat Strabo, qui post immanes illas adversus Samnites, illorumque loca, quas Sylla exercuit crudelitates superius memoratas, tamen Beneventum, & Venusiam feliciter constitisse tradit. Cum igitur, Cicerone teste, Beneventum Syllæ partibus amicissima Urbs esset, eaque ex Strabonis fide in Samnio universo, quod jam Syllæ furor vastaverat, sola cum Venusia feliciter confisteret, rectene, verisimiliterque putare quis possit deductam eo a Sylla Coloniam, qui non amicorum, fœderatorumque, sed hostium loca militibus possidenda distribuit? nam, ut ipse fatetur Mazochius: Cum esset acerrimus suorum hostium insectator, plerasque civitates, quæ contra se arma sumperant, proque inimicis suis steterant, agro multavit, quem suis militibus divisit, quos in eos Colonos adscripsit.*

Quid igitur, inquires, causæ fuerit, ut inter alia cognomina *Felix* quoque Beneventana Colonia nuncupata fuerit? Facile ex hoc nostro lapide didicisse erit, qui literis Augustæo ævo dignissimis hodie dum in atrio Beneventani Augustei extat

BENEVENTVM FELIX

M. FLAVIVS MARCELLVS

RVTILIVS

PRO HONORE IIVIRATVS

L. D.

D. D.

Hoc enim Duumviro ejusmodi Magistratus honorem adepto, Beneventum *Felix* nuncupatur, quod profecto non ad ipsum M. Flavium referri debet, qui nonnisi per summam arrogantiam futuram Urbi ex sui muneris administratione felicitatem deprædicasset, sed ei potius felicitati tribuendum est, qua undequaque Beneventana Urbs frueretur, aut quam pro communi hominum voto proprio sibi cognomine affectabat: atque hæc quidem vera videri debet ratio, at-

que

(a) In Verrina 111. seu in Verr. l. 1. c. 17.



que causa, cur tam sæpe *Felix Beneventum*, sæpissime etiam *Felices* tot Urbes, Coloniaeque cognominentur. Nunquam vero illud verisimile, ut Colonias plerasque ideo *Felices* appellatas credamus, quod eas aliquando Sylla deduxerit; etenim si solas lex, quæ *Felices* appellarentur, Colonias invenisse Mazochius fatetur, nempe *Capuam*, *Nolam*, *Beneventum*, *Suessam*, *Luciferium*, *Pisaurum*, de reliquis sane pluribus, quas Sylla deduxit, quid actum dicemus? Et sane plerasque is *Cof. 1.* deduxit, ut ex *Livii Epit. 77.* manifestum est, quem autem deinde novarum Syllanarum Coloniarum numerum in posteriori deductione fuisse putabimus, tum, cum septem & quadraginta legionibus agri ab Sylla divisi tradantur in *Epit. 89.* si, quemadmodum refert *Appianus*, non minus duodeviginti Coloniarum opus fuerit sequenti ævo, ut duodeviginti tantum legiones in Triumviratu deduci possent; cum igitur in tam ingenti Syllanarum Coloniarum numero solæ sex *Felices* appellatae fuerint, (neque enim reliquarum sane plurium monumenta omnia perire facile poterant) certum inde sequitur, quod cum hæ reliquæ omnes ab eodem licet Sylla deductæ, haud tamen *Felices* fuerint nuncupatae, nec profecto illæ sex in eo assumto cognomine Syllam auctorem respexerint. Quid, quod ab illis sex *Beneventum* demi debet, quam nunquam deductam ab Sylla Coloniam aliis argumentis jam superius probavi. Quid, quod præter sex illas aliæ etiam *Felices* cognomine illustres fuere, Coloniae, quæ *Mazochii* diligentiam effugerunt? Itaque *Berytus* *Pheniciæ* Urbs, *Jurisperdentia* postmodum studiis *Justiniani* ævo celebris *Felices* olim Cognomine gaudebat, quod tum ex *Plinio* discimus, qui *l. v. c. 20.* *Berytus* (inquit) *Colonia, quæ Felix Julia appellatur*, tum etiam vetera *Gordiani*, & *Elagabali* numismata docent apud *Card. Noris. (a)* ubi hæc epigraphes leguntur: *Col. Jul. Aug. Fel. Ber.* Alias vero suppeditat *Spanhæmius (b)*, apud quem ex antiquis nummis hæ nobis occurrunt: *Felix Jadera*: *Octaviola Felix*: *Felix Ravenna*: item: *Col. Aur. Kar. Komm. P. F.* idest *Colonia Aurelia Carrenorum Commagena Pia Felix*: Sic etiam: *Felix Karthago*: *Dacia Felix*: Cui respondet lapis *Trajani* apud *Gruter. p. 294. 4.* *Cujus virtute Dacia Imperio addita Felix est*: quibus addi potest *Olysipto*, quæ posteaquam a Romanis restituta fuit, *Felicitas Julia* nuncupari coepit, ut est apud eundem *Plin. IV. 22.* & sexcenta ejusmodi, quæ ex vastissimis Antiquitatis latebris, si paulo diligentius per otium perferutari liceret, prodire cerneremus, ut proinde non ex exiguo Coloniarum numero, quæ *Felices* audiebant, ullum *Viro* doctissimo argumentum superfit, ut illas ad Syllam auctorem referre possit, sed ex uberrima tot *Feliciarum* Coloniarum, quas indicavimus, messe, ubi nihil juris sibi Sylla unquam vindicaverit, id demum statui certo possit, nonnisi ad propriam notandam felicitatem ejusmodi Cognomen adhiberi consueffe (c).

Rejecta igitur *Beneventanæ* Coloniae Syllana deductione, eaque de medio jam sublata, certif-

E

(a) *Cenotaph. Pisân. Dissert. I. cap. 2.*

(b) *De Præst. Numism. Diss. VIII. p. 727.*

(c) Atque hæc quidem jam scripseram, quum *Marmora Pisaurænsia* fuerunt ad me allata, quorum collectionem, editionemque nuper curavit *V. Cl. Eques Oliverius* brevibus, sed egregiis adjectis notis: Itaque *Eques eruditus* in nota *XLIII.*, ubi *Coloniarum* deductiones *Pisaurum* factas enumerare instituit, jam ex *Julia Felix* cognomine, quo *Pisaurensem* Coloniam insignitam mox diximus, *Mazochii* conjecturas passis ulnis suscipiens, postquam ejus locum ex *Camp. Amphit. c. 1. §. 3.* integrum recitasset: *Huc usque* (inquit) *Vir Clarissimus*, *cujus ita mihi ardet de Sullana deductione opinio*, *ut ubi ea ne latum quidem unguem discedere mihi fas esse censam*: atque hæc quum ego legissem hæsi animo, jamque ego causâ cecidisse mihi videbar, contra quem *II Viri* magno nominis unanimi judicio conspirabant; at quum omnia [ne sola auctoritate perterrefactus concederem] iterum prepedissem, ab *Oliverii* quoque sententia discedere fas mihi duxi; etenim novi nihil ab eo allatum, quam quod *Mazochius* tradidisset; nisi quod, quum *Mazochius* ex certis monumentis *Colonos a Sylla Capuam deductos* nactus, exinde *Felices* cognomen ei Coloniae factum conjectasset, ut idem ex eadem causa cognomen suo *Pisauo Oliverius* comprobaret, id maxime egit, ut *Syllanam* deductio-

nem, quam nulla monumenta testabantur, vel ex loci opportunitate, vel quod *Pisaurenses* *Catilinæ* partes fovissent, omnino verisimilem probaret. At licet id *Viro* docto permittamus, ut *Pisaurum* Coloniam Sylla deduxerit, non illud tamen necessarium consequitur, ut ea de causâ *Felix* illa dicta fuerit, ut multis rationibus contra *Mazochium* probavimus, quibus adhuc hæ addi possunt: nam nonnisi cum ipso Principatu mos ille coepit, Colonias ab *Deductoris* nomine appellandi, ex eoque dumtaxat ævo factum fuit, ut primum Coloniae *Julia*, *Augusta* &c. audirentur; non igitur antea, nullo exemplo præeunte, poterat id in *Syllæ* mentem venire, ut quas is deduxisset Colonias, suo *Felices* Cognomine appellandas voluerit: minus etiam verisimile illud, sua sponte *Syllanas* Colonias ejusmodi Cognomen assumpsisse, vel assumtum post *Syllæ* obitum, aut saltem post novas deductiones *Juliam* scilicet, & *Augustam* [quod etiam iis Principibus injuriosum] adhuc servasse, extinctis tum maxime *Syllanis* *Colonis*, novisque per eos Principes deductis, qui non *Sullæ*, sed utriusque *Cæsaris* beneficium agnoscebant. Atque ex his manifesta patet causa, cur deinceps *Coloniarum Felices* dici coepissent, quod nempe eosdem *Conditores* simul, & *Principes* haberent, quibus non modo *Julia*, *Augustæ* accepto nomine, verum etiam *Felices* adjuncto Cognomine blandiri staderent.

certissimum illud statuissē jam licet, primam Beneventanæ Coloniz deductionem, quam P. Sempronio, & Ap. Claudio Cos. a. v. 486. factam superius probavimus, ad tempus usque C. Julii Cæsaris stetisse, a quo iterum Beneventum deductam Coloniam præclare satis videtur ostendere ipsum JULIÆ cognomen, quo inter alia Beneventana Colonia in nostris antiquis lapidibus passim legitur appellata. Et quidem horum dumtaxat monumentorum beneficio secundæ hujusce deductionis servata nobis memoria est, quæ aliis omnibus Scriptoribus, monumentisque silentibus jam jam periisset. Scio tamen non unam esse eruditorum sententiam, quorum alii Colonias eo Cognomine insignes ad ipsum C. Julium auctorem referendas omnino velint, alii vero Octaviano Augusto malint attribuendas (a). Quum enim Is testamento Cæsaris adoptatus in illius familiam transierit, ex C. Julii Cæsaris Octaviani, quod exinde assumptum sit, nomine factum est, ut Coloniz ab eo deductæ nomen idem, quo is ad illud suæ dignitatis fastigium pervenerat, ipsæ quoque ad ejus captandam gratiam, propriamque dignitatem ostentandam sibi assumerint. Hinc Plin. l. 5. c. 1. *Colonia Augusti Julia Constantia*: & statim: *Alia Augusti Colonia est Baba Julia Campestris appellata*: atque hinc postea factum videri debet, ut pleræque Coloniz *Julia Paterna* nuncuparentur, quod scilicet ab Julio Patre deductæ ab illis diversæ dignoscerentur, quæ solo *Juliarum* cognomine illustres Augustum deductorem ostendebant. At mihi semper placuit Sigonii de hac re judicium (b), videlicet, eas quoque Colonias, quarum tempora, & auctores nulla veterum monumenta produnt, dum Julias appellatas constet, id satis esse, ut ad auctorem Cæsarem recte referamus, quod maxime de Beneventana Colonia affirmandum est, quæ non Juliz solum, sed Augustæ quoque cognomen habuit, adeo ut ex eo duplici cognomine binæ deductiones inter se diversæ statuendæ sint, quibus utrique Cæsari, Julio scilicet, & Augusto sua indubiè jam stet diversa deductio.

Probat itaque nova Beneventanæ Coloniz deductione a Cæsare facta (nam de Augusto deinceps), de illius tempore, atque occasione modo videtur quærendum. Plures a Cæsare factas Coloniarum deductiones constat; nam post priorem illam, qua is in primo Consulatu non sine maxima Senatus, Collegæque Bibuli in cassum adversantium contentione, Stellatem, Campanumque agrum ingenti Plebejorum Colonorum deducto numero distribuit, posteriorem alteram perfecit tum, quum domesticis, externisque hostibus superatis, quinisque actis jam triumphis, Veteranis suis dilargitus est præmia: *Veteranis* (inquit Sveton. c. 36.) *legionibus præde nomine in pedites singulos super bina HS, in Equites vicena quaterna millia nummum dedit; assignavit et agros, sed non continuos, ne quis possessorum expelleretur*: Sed quamvis Cæsar in ea agrorum assignatione possessorum gratiam tenens militum aviditati haud satis fecerit, ingentem tamen fuisse tunc Veteranorum in Colonias deductorum numerum ex eo jam patet, quod Octavianus post majoris Avunculi cædem (ut habet Egit. Liv. 117.) sibi, & Reip. vires contra Antonium paraturus Veteranos ipsos in Colonias consistentes præcipuo, maximoque sibi robori futuros statim evocaverit. Postremam tandem Coloniarum deductionem in transmarinas regiones a Cæsare factam refert quoque Sveton. c. 42. *Octoginta* (ait) *civium millibus in transmarinas Colonias distributis, ut exhausta quoque Urbis frequentia* (c) *supperet, sanxit, ne*

(a) Card. Noris. Cenot. Pis. Diss. 1. c. 2.

(b) De Antiq. Jur. Ital. lib. 3. c. 4.

(c) Præter hanc postremam Colonorum deductionem nonnullæ ac diuturnæ satis fuerunt causæ, ut infrequentior in dies Urbs effecta prope ad solitudinem redigeretur: *Duo enim bella funestissima* [inquit Orosius l. v. c. 22. qui hæc fere ex Eutropio l. 5. excepit] *socialis Italicum, & Syllanum civile per annos decem eructa plusquam centum quinquaginta millia Romanorum consumserunt, tantumque lætissimorum virorum, verna- culorumque militum hoc civili bello Roma perdidit, quantum in ea superiori tempore, cum se jam adversus Alexandrum magnum circumspiceret, indiscretis atatis census invenit; præterea viros Consulares 24. Prætorios 6. Aedilicios 60. Senatores fere 60. absque innum- vis totius Italiae populis, qui passim sine consideratione deleti sunt. Sed hæc adhuc pauca reputabimus, si subsequens civile alterum bellum a Cæsare constatum inspicatur, cui etiam Cæsari, quasi id parum esset, constans semper mens fuit superstitem civium numerum adhuc*

diminuere, quod tandem assiduis Coloniarum deductionibus ita perfecit, ut non minorem, quam qui antea bellis amissus fuit, civium numerum novæ eâ causâ defuisse liqueat. Enimvero in solum Campanum, Stellatemque agrum, quem prima lege agraria xx millibus, qui ternos, pluresve liberos haberent distribuit, si ultra præstatum Colonorum numerum liberi ipsi, uxoresque computentur, centum & amplius millia tunc deducta invenientur. His deinde addendi sunt Veterani, quorum ingentem quoque numerum in posteriori deductione Cæsar concipit. Acceditque deum postrema illa octoginta millium in transmarinas regiones deductio: adeo ut his de causis eò jam Urbis infrequentia deveniret, ut non longo temporis intervallo vix tertiam suorum civium partem superstitem contineret. Et quidem facile deminuti numeri rationem inire poterimus, si ipsum recensum a Cæsare actum cum anteriore conferamus, in quo, quum an. U. 682. ex Egit. Livii 98. ccccl. civium millia censu fuissent, a Cæsare vero, ut traditur in Egit. 115. cl. millia in



quis civis major annis 20. minorve 10, qui Sacramento non teneretur, plus triennio continuo Italia abesse.

Ad rem quod attinet, ex tribus his Coloniarum deductionibus a Cæsare factis, si priorem, ac postremam excipias, quarum alteram ad solam Capuam, alteram vero ad transmarinas Colonias pertinere jam constat, superest, ut in secunda deductione, qua solis veteranis agri assignati sunt, Beneventum Coloni a Cæsare adscripti affirmantur, atque ex eo tempore Beneventana Colonia Juliae cognomen adepta, in certum ejus rei argumentum semper retinuit.

Sed præter ipsum Juliae cognomen, adest etiam aliquid aliud, quo hujusmodi Cæsarianæ deductionis certitudinem confirmare possim. Lapis est prope Cajetam, quem affert Manut. Ortoyr. v. Ræti, & Gruter. p. 439. n. 8. in hæc verba:

L. MUNATIVS L. F. L. N. L. PRON.

PLANCVS . COS. IMP. ITER. VII VIR

EPVLON. TRIUMPH. EX . RÆTIS . AEDem . SATVRNI

FECIT . DE . MANVBIIS , AGROS . DIVISIT . IN . ITALIA

BENEVENTI . IN . GALLIA . COLONIAS . DEDVXIT

LVGDVNVM . ET , RAVRICVM

In quo lapide, id quod ad propositam rem omnino pertinet, præfari mihi opus est, hunc nempe illum esse, cui lapis dedicatus fuit, Munatium Plancum, qui An. U. 712. Consulatum Tiberii navitate insignem egit, vir tam muneribus, quam rebus gestis in Rep. clarus ante ipsius Augusti ævum, cujus nascentem potentiam Antonii partes secutus primum ita distulit, ut ipsius causa Augustus pacem cum Antonio, & Lepido iniret, Triumviratumque constitueret, firmatam vero ita blanditus est, ut inter Augusti amicissimos locum obtineret; auctor quoque ipse, ut Augustus ita vocaretur, us ex Svetonio discimus (a). Quo igitur præcise anno Beneventanorum agrorum divisio a Munatio facta fuerit, quamquam e lapide expresse non constet, recte tamen ex subsequutis aliis Coloniarum deductionibus, quas lapis ipse refert deprehendere licet. Lugdunum enim, & Ravricum Colonias in Gallia ab ipso Munatio, dum an. Urb. 711. qui ejus Consulatum præcessit, Proconsulatum Galliae ageret, fuisse deductas ex Strab. l. 4. & Hieronymi Chronico docet Petavius (b), qui tamen in eo omnino fallitur quod, ut alibi notavi, recentiorum illam Coloniarum deductionem pro Lugdunensis Urbis initio accipiat. Quum itaque divisio Beneventani Agri, si rerum gestarum ordinem in lapide servatum sequamur, ante

E 2

dedu-

suo recensu inventa fuerint, (quamquam Cxxv. millia Plutarchus afferat), jam ad ccc. millia ad minus usque tunc defecisse constat. Recensum Cæsaris, Urbis-que infrequentiam testatur quoque Dio l. 43. *Quoniam [ait] infrequens admodum Urbs erat, quod ex recensu. & ex ipso aspectu apparebat, iis, qui multos liberos haberent, præmia proposuit.* Ne vero lussisse Cæsarem, aut inconsulto se fessisse putemus, dum prius exhaustire Urbem admodum impatiens, eandem postea frequentiorum reddere propositis præmiis, aliisque ea de re editis sanctionibus, æquè fuerit sollicitus: duplicem enim ex ea re utilitatem sibi consecuturam summo consilio considerabat; ita enim Plebs urbana diminuebatur, quæ, quum nimium in Rep. posset, ejusque vires potius Reip. damno valere solerent, tanquam Urbis *senina*, ut appellatur a Cic. ad Att. l. 1. ep. 19. exhaustienda sæpe erat, exhaustaque a Cæsare eo libentius fuit, quo major sibi ex ea ob mutam Reip. statum ad tumultum facile excitanda imminerebat periculum. In locum autem ejusdem plebis [quæ altera erat utilitas] qui ad reituendam Urbi frequentiam succedebant novi homines nihil de antiqua Rep., quam ignorabant, curantes, melioremque sui conditionem Civitatis donatione Cæsari acceptam referentes, ad ipsius obsequium devinciebantur; ipsæ namque Cæsar, [ut prosequitur Svet.

c. 42.] omnes medicinam Romæ professos, & liberarum artium doctores, quo libentius & ipsi Urbem incolerent, & cæteri appeterent, civitate donavit. Sed cum id totum e re sua esse Cæsar optime arbitraretur, publici etiam boni rationem aliquam inisse fatendum est; nam quum Peregrini in Civitatem, Cives in Colonias deducerentur, quid aliud erat, quam totum ipsum Orbem efficere Romanum? Hinc verum illud Senecæ in Consol. ad Helviam matrem c. 7. *Populus Romanus quot Colonias in omnes Provincias misit? ubicunque vivit, Romanus habitat:* itaut non tantum unius principis Reip. dominatione, prolatisque undequaque Imperii finibus, verum etiam Romanorum habitatione, propagatoque in omnes terras genere Romanus Orbis appellari potuerit.

(a) Sveton. Aug. c. 7. *Postea C. Cæsaris, & deinde Augusti cognomen assumpsit, alterum testamento majoris avunculi, alterum Munatii Planci sententia, quum, quibusdam consentibus Romulum appellari oportere, quasi & ipsum Conditorum Urbis, prævaluisset, ut Augustus potius vocaretur non tantum novo, sed etiam ampliore cognomine, quod loca quoque religiosa, & in quibus augurato quid consecratur, augusta dicantur.*

(b) Rationar. Temp. p. 1. l. 4. c. 30.

deductas Lugdunum, & Rauricum Colonias, a Munatio facta sit, proindeque ante ipsum annum Urbis 711., profecto sequitur nedum praedictam divisionem ad Augusti Imperantis aevum non pertinere, qui non prius anno Urbis 726. Imperio (de quo abdicando simulate reculit) Senatus populique suffragio sibi firmato, rerum potitus est; sed neque etiam ad Triumviratus tempus referri posse: quippe qui, licet inter Scriptores non conveniat, an A. U. 712. atque ideo ante proscriptionem, qua inter alios Cicero interfectus fuit, vel demum post eam, imo post Philippensem pugnam, qua Brutus, & Cassius victi sunt, institutus fuerit, semper tamen huic, de qua modo agimus agrorum divisioni Beneventi factae posterior erit. Quod si Triumviralium Coloniarum deductiones non in Triumviratus initia, sed in tempus longe jam progressum, ut par est, rejiciamus, nam pleraque etiam Coloniae, ut tradidit Appianus (a), instante Triumviralis quinquennii fine deductae demum fuerunt, jam certius constabit hanc Beneventanorum agrorum divisionem nequaquam Triumvirali lege, cujus tempora praecessit, atque eo minus Augusti post Triumviratum imperantis jussu Munatio mandatam; ut proinde ea ipsa fuisse omnino putanda sit, quae Julianae deductionis temporis optime congruens Beneventanam Coloniam Julianam ab Julio Caesare deductam jam satis demonstrat.

Sequitur nunc tertia Beneventanae Coloniae deductio, quam brevi admodum temporis intervallo in Triumviratu evenisse testatur Appianus (b), qui postquam ingentia narraverit praemia, quae militibus alliciendis Triumviri promississent, *Promissae* (subdit) *etiam sunt eis Colonia XVIII. Italicarum Urbium tam opibus, quam agri bonitate, & aedificiorum pulchritudine praecellentium, quarum urbana, & rustica praedia non secus, quam bello capta dividerentur. Inter has eminebant Capua Rhegium, Venusia, Beneventum, Nuceria, Ariminum, Vibona; atque ita pulcherrima Italia pars militibus adscripta est.* Harum deducendarum Coloniarum munus, curamque suscepit Octavianus Caesar, qui (ut refert Sveton. c. 13.) quum eisdem Veteranos in Italiam reducendos, & municipalibus agris collocandos recepisset, neque Veteranorum, neque possessorum gratiam tenuit, alteris pelli se, alteris non pro spe meritorum tractari querentibus. Hinc durior in hac, quam quae in Julianae deductione tum Beneventanae, tum caeterarum Coloniarum fors fuit, quarum omnium damna, aërumnaeque, quae non tam Imperatoris in milites indulgentia, quam effraeni deductorum militum licentia consecutae sunt, distincte recenset Appianus.

Post hanc deductionem Triumvirali lege factam, dubium videri potest, num iterum Beneventanam Coloniam deduxerit Augustus, postquam rerum potitus sit, ac proinde quartam statuere liceat sub Augusto Beneventanae Coloniae deductionem. Id primo affirmat Sigonius (a), nam inter duodeviginti, quas praeter duodeviginti triumvirales, sequenti tempore Augustus Svetonio teste deduxit, Beneventum recenset innixus Frontini loco, cujus haec sunt verba: *Caudium muro ductum. Iter Populo debetur ped.x. A Caesare Augusto Colonia Beneventana cum Territorio suo est adjudicata.* Sed quod ad rei certitudinem adducitur, ne quidem conjecturam praebere video: quid enim tum ab Augusto factum sit Frontinus satis dilerte explicat, Caudium nempe (quod ne tum quidem ex ipsis verbis deductam Coloniam affirmare tuto poteris) cum suo Territorio Beneventanae Coloniae ab Augusto adjudicatam, quod perinde est dicere, ac Caudium Beneventanae Coloniae Praefecturam fuisse ab Augusto constitutam. Ac quum, quod Beneventum attinet, sub Augusto res ita se habuerit, inane illud erit, ut (quia Frontinus non omnes ab Augusto deductas Colonias recenset) cum caeteris Coloniiis praetermissam quoque a Frontino Beneventum putemus; nam quid de illa sub Augusto omnino actum sit, jam ipsemet dixit, & nos proxime audivimus; ac tanti est, ut, quum Caudium Coloniae Beneventanae ab Augusto adjudicatam dumtaxat commemoret, novam in Beneventanum agrum Colonorum deductionem nunquam fieri potuisse existimemus, siquidem ne glebam quidem ex Triumvirali assignatione vacuum Augustus inveniens satis habuit Caudinum agrum novis Colonis fortasse assignatum, cum suo Territorio Beneventanae Coloniae Triumvirali lege nuper constitutae adjudicare.

At quae, inquires, causa Augusti cognominis, quod inter alia Beneventanae Coloniae proprium enituit? Scio Sigonium, uti de Julis, ita de Augustis Coloniiis certum quoque pronun-  
ciasse, ut nempe ex ejusmodi cognomine Coloniae illae ostendantur, quas Octavianus post Actiacam pugnam, tum quum jam diceretur Augustus, in Italia deduxit. Sed non id mihi Sigonius facile persuaserit. Res enim explorata satis, omnes ab Augusto deductas in Italia Colonias, (nam quae in Provinciis, haec querere nihil refert) ad sex, & quadraginta fuisse. Duodeviginti in Triumviratu primum deduxit, quod jam diximus, reliquas quum solus Remp. nomi-

ne

(a) Lib. 5.

(b) Lib. 4.

(c) De Jur. Ital. lib. 3. c. 4.



ne Principis administraret; ac de postremis his intelligendus Sveton. c. 46. dum ait, Augustum Italiam duodeviginti Coloniarum numero deductarum ab se frequentasse, operibusque, ac vectigalibus publicis plurifariam instruxisse. Hinc nihil verosimile magis, quam eas omnes Coloniae Augustae appellatae sint, tam scilicet posteriores, quas Princeps, quam praecedentes, quas Triumvir deduxit. In his enim Triumvirali quamquam lege deductis solius tamen Octaviani deductis beneficium, & auctoritas agnoscebatur. Praestat audire Appian. l. 5. p. 678. *Aliis largitionibus egenos milites solabatur Caesar e Fanis mutuo sumens pecunias, quo facto conciliavit sibi eorum animos prompta erga largitorem gratia, cui agros, urbes, pecunias acceptas ferebant, invidiose acclamantibus qui spoliantur, illo vero fortiter hoc ferente in gratiam militum. His animadversis Antonii frater Lucius, & ejusdem uxor Fulvia, & qui absentes bona procurabat Marcius, ne Caesaris videretur totum hoc beneficium, neve soli deberetur gratia, & alter Imperator fraudaretur favore militum, vassamentis agebant, ut Coloniarum deductio differretur in adventum Antonii. Sed, ut Appianus prosequitur, eorum artes elusit Octavianus, qui superesse Antonianis legionibus suos agros, ab ipso met Antonio in posterum distribuendos dictans, deducendarum Coloniarum munus quanto citius implevit, id quoque postulantibus enixe militibus, qui, ut idem Appianus narrat: *perebant optimam quamque Urbem tota Italia, ut ante bellum selecta erant: quique jam eas Urbes Octaviano opera assecuti, ipsum beneficii auctorem agnoscentes, de collato postmodum eidem Octaviano Augusti nomine, suas quoque Colonias Augustas appellasse censendi sunt.**

Atque hoc ipsum fuit, ut, cum nullo ex alio monumento certa res constaret, Coloniam Beneventanam ex solo Augustae cognomine non ad ceteras Augusti deductiones, sed ad Triumviralem, quam is primum peregit, referendam omnino existimarem; idque tum magis persuasum mihi habui, quum veri haud simile videri possit, paucis admodum interjectis annis post triumviralem deductionem iterum Beneventum deductam ab Augusto Coloniam, in eam scilicet Urbem, quae inter praecipuas alias lege triumvirali paulo ante distributis inter milites agris omnibus, tota in harum possessionem devenerat. Neque enim Augustus novos Colonos in eam Urbem deducere potuit, cujus nulla pars agri, aut etiam gleba sine possessore vacua remanserat, nec, ut novos Colonos deduceret, veteres possessores triumvirali lege ab semet deductos, quos proinde suos reputabat Colonos, sibi quoque obsequentissimos, eorum praediis per summam injuriam exturbasse dici potest: Hinc nemo, ni fallor, erit, qui non in meam concesserit sententiam, frustra iis Urbibus gratulandum, quae levibus quibusdam conjecturis repetitas Coloniarum deductiones ultro jactare gestiunt (a); dum non aliò hoc ipsum tendat, quam ut Deducentium impotentiam, injuriosaque veterum Civium ejjectiones prodidisse videantur. Satis itaque Benevento fuerit, semel ab Augusto triumvirali lege Colonos accepisse, ab eoque deinde Caudina Praefectura fuisse auctam, ut Augusti cognominis, quo in vetustis lapidibus celebrari gaudet, justam causam, rationemque asferre possit.

Longe igitur post Triumviratus tempore progrediendum nobis erit, ut novam, quae Triumviralem ipsam consequetur, Colonorum deductionem tertio Beneventum factam inveniamus. Erit itaque tertia, quae Imp. Neronem auctorem habuit. De ea sic Frontinus: Bene-

ventum

(a) Liceat certe V. C. Mazochio (neque enim hac de re decernere libet) ut ter ab Octaviano Caesare Coloniam Capuam deductam statuatur in Amph. c. 1. p. 34. semel ex lege triumvirali, iterum post devictum Sex. Pompejum, ac tertio post Victoriam Aetiacam: Illud tamen nullo pacto Viro doctissimo permiserimus, quod eas dumtaxat duodeviginti Colonias ab eodem Octaviano post Aetiacam pugnam deductas, Augustus audisse velit, haud vero duodeviginti illas triumvirali lege antea deductas, nam si cum praecedentibus, inquit, etiam Auguste cognomen communicare perges, vix ulla profecto invenitur Italicarum Urbium, quae non Augusta diceretur. Mirum enim, quod Viro summo Coloniarum omnium ab Augusto in Italia deductarum numerus haud perceptus fuerit, aut certe sibi optime notus cum fuerit, ut nempe ad quadraginta sex in universum eas Colonias pertingerent, de universa Italia, quae florentissimarum Urbium frequentia maxime praestabat, adeo demisse judicaverit, ut eo solum exiguo Urbium numero, quas in una, vel altera Regione invenire praesto

erat, integrum undecim Italicarum Regionum spatium impleri posse putaverit. Ceterum Capuam Coloniam ter ab Augusto deductam non abnuemus, si modo vera sint, quae à Vellejo, Plinio, ac Dione allata sunt, in singulis nempe deductionibus id praecipue ab Augusto propositum, ut citra veterum possessorum injuriam, novi Coloni agris, redditibusque donarentur. Scimus enim, quam invidiose olim fuerint leges agrariae. Hinc maximae illae fuerunt in Senatu contentiones adversus Pompeii legem, qua agros suis militibus post Mitridaticum Bellum distribuendos postulabat, quam in ipsis Pompeii gratiam ita temperandam Cicero suadebat: ut omnia tollerentur, quae ad privatorum incommodum pertinebant, omnium privatorum possessiones confirmarentur, agrisque publica adventitia pecunia emerentur. (ad Att. l. 10.) Certe Octavianus ipse cum triumvirali lege agros divideret, agere quidem, sed tamen injuriose se gerere coactus fuit; itaut, Svetonio teste c. 13. *Nec possessorum, nec militum gratiam tenuerit, alteris pelli se, alteris non pro spe meritum tractari querentibus.*

ventum muro deducta Colonia Concordia : Deduxit Nero Claudius Cæsar : Iter populo non debetur : Ager ejus lege Triumvirali veteranis est assignatus . Porro Frontino debet Beneventum , ut Colonos a Nerone adscriptos aliquando accepisse nunc sciat , quod non alio monumento compertum fuit : nam apud Svetonium , & Tacitum Puteolos dumtaxat , ac præterea Tarentum , & Antium invenire est deductas a Nerone Colonias ; quas tamen solas haud fuisse , optimæ fidei testis , qui ex instituto hæc egit , sufficiet Frontinus ; ex quo etiam præter Beneventum , Samniticas alias Urbes Sepinum , & Ælerniam inter Neronianas Colonias recensitas habemus ; certe de Beneventana Colonia a Nerone deducta manifestum Frontini testimonium comprobare etiam videntur gravissimæ conjecturæ , quas frequens in Beneventanam Urbem ipse Neronis adventus , mora , beneficia denique præclara suppeditant . At de his fule a me alias agendum erit .

Post relatum Neronianam deductionem iterum Beneventum Colonos a Trajano deductos probari contendit Pratill. Via App. l. 4. c. 3. p. 451. ex quodam lapide , quem sibi ex ea Urbe transmissum refert in hæc verba :

FELICIBVS. AVSPICIIS  
CAES. DIVI. NERVAE F.  
TRAIANI. AVGVSTI  
GERM. DACICI. P. P.  
CONDITA. COLONIA  
BENEVENTANA  
PERT. IVL. PHI.....

Idque sexto ejus Consulatu nempe anno 112. quo Trajanus T. Sextium Africanum Collegam habuit evenisse subdit Pratillus , ita fortasse interpretatus postrema lapidis , ac Faistorum verba *Sextium* pro *Julio* mutavit , ut sit : *condita Colonia Beneventana PER T. IVLIUM AFRICANUM* . At vix credibile erit eam Coloniae deductionem Collegæ Consuli Trajanum mandasse , quem nullibi toto Imperii tempore , ac tum maxime posteriori Dacico bello intentum Colonias in Italia deduxisse constat . Et quidem tædet jam longius hunc lapidem morari , quæ nunquam Beneventi extitisse fidem faciunt Schedæ omnes Mss. antiquorum lapidum , inter quos non reperitur , itaut non recens inventum , sed potius confictum arbitrer , quod facile patet ex eo , quod iisdem fere conceptis verbis elucubratus videatur , quib. Zermenium Coloniae lapis in suâ factam Daciam a Trajano deductæ affertur a Cujac. observ. l. 10. c. 35.

I. O. M. ROMVLO. PARENTI  
MARTI. AVXILIATORI  
FELICIBVS. AVSPICIIS  
CAESARIS. D. NERVAE. TRAIANI  
CONDITA. COLONIA. DACICA. ZERMIS  
PER. M. SCAVRIVM. PROPRAETOREM (a)

Quem etiam Zermenem lapidem commentitium esse arbitror , itaut nisi Zermenium Coloniae a Trajano deductæ certa extaret memoria apud Ulpianum l. 1. §. 6. de *Censibus* , frustra rei fides ex eo lapide probaretur ; ut de nostro omnino affirmandum quoque erit , cujus quum non incerta solum , sed omnino nulla sit fides , commentitiam , quæ solo ejusdem lapidis documento innixa est , Colonorum deductionem Beneventum a Trajano factam censebimus . Atque ut demum ejusmodi deductiones in summa repetam , quæ unquam Beneventum factæ certis rerum gestarum monumentis hætenus sunt a me comprobatae , primum florente Rep. , deinde a Julio Cæsare . postea in Triumphatu ab Augusto , postremo a Nerone , quatuor in universum fuisse jam constat .

(a) Paulo aliter habet Gruter. p. 6. n. 3. qui in duodecim lineas dividit , & pro *Zermis* legit *Sarmiz* ; Præferendam tamen putaverim Cujacii lectionem , quam

Age  
tuetur Ulpiani textus , qui a Gothofredo ita afferitur :  
*In Dacia quoque Zermenium Colonia a Divo Trajano deducta juris Italici est.*



Age nunc quæ propria fuerint Beneventanæ Coloniae nomina, quæque eorum ratio, paulò curiosius inquiramus. Coloniam *Juliam Felicem Augustam Concordiam Beneventum* nuncupatam antiqui nostri lapides plane docent. Jam vero cur *Julia Felix Augusta* sit dicta, ex iis omnibus, quæ quum de singulis ejus deductionibus agerem, superius disserui, causas unusquisque cognosceret. *Julia* enim, quod Julius Cæsar, *Augusta*, quod eam Augustus in Triumviratu deduxerit, *Felix* demum appellata est, ut eo quoque nomine suæ fortunæ, ac dignitati quodammodo blandiretur. Restat *Concordiæ* nomen, cujus quoque causa explicandâ erit, quod ut recte fiat, prius nosse quænam propria Coloniarum fuerint nomina, fortasse intererit: Etenim aut ea retinebant, quæ ante deductionem Colonorum habuerunt, ut Colonia *Julia Parma*, Colonia *Julia Fanum fortune*, Colonia *Julia Hispellum* &c. quæ omnes Coloniae *Julia* singulæ veteri suo nomine inter se distinguebantur, aut quidem novum accipiebant, quod tamen cum veteris nominis loco succederet, singularum etiam proprium erat, non aliis commune. Sic *Pisana* Colonia nuncupata fuit *Julia Obsequens*; *Sutrium Julia Coniuncta*, *Tarraco Julia Victrix*, *Arretium Julia Fidens*, *Baba Julia Campestris*, *Augusta Emerita*, *Augusta Prætoria*, & sexcentæ aliæ, quæ passim occurrunt, ita illa *Obsequentis*, *Coniuncta*, *Victricis* &c. nomina, earum Urbium, cum eò Coloniae deducerentur, veteribus abjectis propria evaserint: sed ea nomina, quæcunque fuerint, assumere Imperatoris, seu Deductoris injussu, aut certe sine Senatus Consulto haud olim licuisse tradit Dio l. 54. ad an. v. 739.: *Cognomina (ait) etiam Urbium honoris causa Senatus eis imposuit, & non, quod nunc fit, ipse sibi nomina quotquot vellent, delegerunt*: ubi non de Coloniarum *Juliarum*, *Augustarum* &c. appellationibus, loquitur auctor; quis enim vetuisset eam Coloniam *Juliam*, aut *Augustam* jam appellari, quam Julius, aut Augustus deduxisset; sed ea nomina plane intelligit Dio, quæ ostendendæ dignitatis, captandique honoris gratia, aut aliis de causis singulis Coloniae nova tribuebantur: quod cum Benevento actum fuisse constat; Beneventum enim abjecto veteri *Maleventi* nomine, cum primum in ipsam Coloni deducti fuissent, vocari cœpit, in eaque nominis mutatione S. P. Q. R. auctoritatem accessisse verisimile est.

Sed quid nunc dicendum de novo *Concordiæ* nomine? Illud posteriore ævo Beneventanæ Coloniae, cum iterum deducerentur, impositum plane constat, non ut ipsius Coloniae honorarium prorsus, seu, ut loquitur Fabrettus Inscr. cap. 2. fol. 105., additum esset, quod pariter putat de aliis tribus Coloniae eodem *Concordiæ* nomine appellatis, nempe *Nertobrigense*, quam ipse affert, necnon *Julia Concordia*, & *Concordia Ulpia Trajana Augusta Frugifera Hadrumentina*, quas è Grutero pag. 362. & 547. 7. exceperit; etenim, quicquid de hisce aliis videri possit, Beneventanæ Coloniae novum hocce nomen eo fortasse consilio datum crediderim, ut in propriam illius nuncupationem deinceps transfiret, adeoque Beneventum solo Coloniae *Julia* Augustæ *Concordiæ* nomine vocanda esset. Sed quo tempore id acciderit, quæve novi ejus nominis existerit causa non æque constat. Si igitur in re obscurissima conjecturis utendum, cum nec primam deductionem florente Rep., in qua novum dumtaxat *Beneventi* nomen, nec postremam sub Nerone opinari fas sit, satis ergo ad Triumviralem Deductionem nominis origo referri posse videtur; de causa autem dicam, quod sentio. Beneventum una ex iis Urbibus erat, & quidem præclarissima, quò Triumvirali lege Coloni deducendi erant, re postmodum effecta tunc primum *Concordiæ* nomen fortasse recepit, ut eo potissimum foedus illud significaretur, quo, Triumviratu constituto, pax Reip. restituta videbatur: certe foedus illud *Concordiæ* nomine expressit Epitomator Livii l. 127. cum ait: *M. Antonius cum ad Bellum contra Cæsarem gerendum incitaretur, uxore Fulvia dimissa, ne Concordiæ Ducum obstaret, pace facta cum Cæsare sororem ejus Octaviam in matrimonium duxit*: ut proinde ejusmodi nomen, futurum illius *Concordiæ* monumentum, Beneventanæ Coloniae eadem Triumvirali lege tum deductæ tributum verisimile sit; cujus rei simile fere exemplum in Rep. non deerat, nam *Furius Camillus Dictator* *Ædem*, quam *Concordiæ* voverat post sedatam popularem seditionem extruxit; quod refert Plutarchus in *Camill.* f. 151. & pulchre canit Ovid. Fast. 1. 637.

*Furius antiquam populi populator Errucæ*

*Voverat, & vori solverat ille fidem;*

*Causa, quod a Patribus sumptis secesserat armis*

*Vulgus, & ipsa suas Roma timebat opes.*

Eaque *Ædes Concordiæ* fuit, in qua postea Senatus haberi cœpit, habitumque tradit *Salustius Bell. Catil.* cap. 36. *Curiamque* vocavit *Lamprid. Alex. Sev.* cap. 6.: Verum itaque esse potuit, ut sicuti *Plebe*, quæ armata secesserat, ad Patrum obsequium redeunte in ejus rei memoriam *Ædes Concordiæ* titulo quondam extrui, dedicarique placuisset, ita quoque, extincta jam, ut videbatur, quæ

quæ tandiu, tamque gravi Reip. detrimento conflagraret, bellorum civilium funestissima face, una ex Colonis Triumvirali lege deducendis ad notandam Triumvirorum *Concordiam*, qua universæ Reip. pax restituta putabatur, novo *Concordia* nomine veluti dedicata constitueretur.

Restat modo, ut de antiquæ Beneventanæ Colonie, ejusque Territorii finibus agatur; Id quod institutæ rei ratio exposcit, postulatque jure suo lapis Dissertationi huic inscriptus, in quo Beneventana Colonia perpetuum illud erga Juliam Augustam obsequii, honorisque monumentum certo, designatoque loco erexit, videlicet: IN TERRITORIO SVO QVOD CINGIT ETIAM CIVITATEM CAUDINORVM MYRO TENVS: quod ut recte exequatur, aliqua de Territorio generatim prænotasse oportebit.

Territorii itaque nomine non Agri illi significantur, qui in privatam Colonorum utilitatem pro modo cuique factæ distributionis cedebant, licet ii intra Territorii fines continebantur; sed Territorii nomen est Jurisdictionis, quæ in eisdem fines universæ patebat: Loquendi proprietatem hujusmodi rei accommodatam ab optimis quibusque Scriptoribus servatam constat, nam cum de privatis Colonorum possessionibus agerent, Agros dicebant, ut *Agrum Campanum*, *Agrariam legem*, & similia, cum vero de Colonici Magistratus Jurisdictione sermo esset, Territorium appellabant: Hinc J. C. Pomponius l. 239. §. 8. de Verb. Sign.; Territorium (inquit) est universitas agrorum intra fines cujuscumque civitatis, quod ab eo dictum quidam ajunt, quod Magistratus ejus loci intra ejus fines terrendi, idest submovendi jus habet: quamquam vero in statuenda ejus vocabuli derivatione secus sentiat Varro l. 4. de L. L. tradens, Territorium esse locum communem, qui prope oppidum relinquitur, a terendo propterea dictum, aliterque doceat quoque Isidor. l. 4. orig. 15. Territorium, quasi Tauritorium dici volens, idest tritum Bobus, & aratro, quod accepisse videtur a Servio, quid ad illud Virg. Æneid. v. 755. Urbem designet aratro: postquam ritum condendæ Urbis ex Varrone describit, ita (subdit) sulco ducto loca murorum designabant, aratrum suspendentes circa loca portarum, unde Territorium dictum est, quasi Tauritorium tritum bobus, & aratro: congruentior tamen, ipsaque omnibus verior censei debet Pomponii de hac re sententia, optimorum Scriptorum, ipsorumque literatorum lapidum loquutione comprobata, cui etiam accedit antiquus Ecclesiæ mos, quæ hac voce Territorii olim uti consuevit ad designandas, quas nunc græco vocabulo novimus appellari Dioeceses, itaut idem Territorium, quo Colonici Magistratus jurisdictionis significabatur, pro Ecclesiastica, seu spiritali potestate, quam singuli Episcopi intra certos propriæ Ecclesiæ fines habebant, etiam usurpatum legamus in C. 1. & 2. Caus. xvi. Quest. v. & alibi passim.

Cum igitur Beneventana Colonia lapidem illum Julix erectum in Territorio suo statuisset declaret, non dubium est, quin & hoc testatum voluerit, quod nempe opus illud intra fines, qui suæ jurisdictioni subdebantur, extruendum curasset; cumque adhuc addat, Territorium suum ipsum esse, quod Civitatum Caudinorum muro tenus cingit, hoc amplius voluisse videtur, ut etiam certus finis, quod sua jurisdictionis proferebatur, ab omnibus nosceretur, quasi & ipsum lapidem non solum ut Julix elogium, verum etiam ut sui Territorii terminalis quodammodo esset, eo loco collocari placuerit: Sane in Colonici Territorii finibus inscriptos, qui eos demonstrarent, lapides apponendos docet Higginus: Cerris locis (ait) aras lapideas ponere debemus, quarum inscriptio ex uno latere pertica applicato finem Colonie demonstrat, ex altero, qua foras exit, affines: ejusmodi inscriptarum ararum exempla pleraque exhibet Gruterus; sic p. 199. 4. HINC PACENSES: & a fronte altera ejusdem aræ: HINC EBORENSES: atque ut alia omittam, p. 174. 6. plures Beneventi adesse lapides dicit, quibus sic inscriptum: COLONIA BENEVENTANI: adeout ex eorum haud exiguo numero, eaque perbrevis ipsis inscripta epigraphe, terminales fuisse conjici possit. Sed quoniam hi lapides perire omnes, sola, quod aliquando fuerint, memoria apud Gruterum superstiti, non satis certum affirmari potest, eosdem ad determinandum Beneventanæ Colonie Territorium fuisse adhibitos; tunc enim in ejusdem Territorii finibus (ut de lapide Julix inscripto accidit, qui prope oppidum Arpadii duodecimo a Beneventana Urbe milliario, ubi antiquum Caudium fuisse jam constat, repertus fuit,) non vero in ipsa Urbe inventi, ibidem extare dicerentur; quod si unquam intra Urbem fuerint, vel longiorum fortasse inscriptionum fragmenta censei debent, vel, quum ea solum constarent epigraphe, quam pro COLONIA BENEVENTANÆ sive COLONIA BENEVENTANAI: interpretari æque quis possit, publicorum quorundam operum ad ipsam Coloniam spectantium tituli fuisse videntur; Cum vero ea verba, ut sint: Colonia Beneventana: explicari libeat, jam Colonia Beneventanæ nomen singulis ejus portis inscriptum putari potest eodem plane exemplo, quo in Veronenfi Urbe, Colonia Augusta Verona, etiam nunc in ejus Arcu inscriptum lapidem servari tradit Card.

Noris



Noris in Cenot. Pis. Diff. 1. c. 2. : sed ne plura de his lapidibus, qui quamquam terminales affirmari queant, cum tamen suo loco moti cum innumeris quoque aliis disperiere, non ullum hodie certum, quem quærimus Beneventani Territorii finem nobis demonstrare nunc poterunt.

Solum itaque, atque unum Beneventani Territorii finem lapis Juliae inscriptus nobis demonstrat: Eum enim Beneventana Colonia diserte fatetur locasse in Territorio suo, quod cingit Caudinorum Civitatem muro tenus; Caudium igitur usque, quinimo ad ejus Civitatis muros Coloniæ Beneventanæ Territorii sui fines explicuisse perspicua res est; quod tamen posteriore dumtaxat ævo, ac nonnisi post omnium postremam Neronianam deductionem evenisse putaverim; latiores enim ea ex parte fines olim fuisse constat Augusti ævo, cujus lege Caudium ipsum Beneventanæ Coloniæ olim adjudicatum fuit, ut propterea Caudinum quoque Territorium ad Principis Coloniæ jurisdictionem pertineret; quod demum irritum a Nerone factum videri potest, nam Caudinæ Præfecturæ, quæ ad Beneventanæ Coloniæ ex Augusti lege pertinebat, sublatâ, jam deinceps Beneventana Colonia antiquos Territorii sui fines coercuit, quos ex nostro lapide ad ipsos Caudinæ Civitatis muros constitutos fuisse agnoscimus: quod cum ita fuerit, haud jure Caudini queri poterant, ut olim querebantur Capuani apud Ciceronem Phil. 2. xi. hæc Antonio exprobrantem: *Castellinum Coloniæ deduxisti, quo erat paucis annis ante deducta, ut vexillum tolleres, & aratrum circumduceres, ejus quidem vomere portam Capuam penè perfrinxisti, ut florentis Coloniæ Territorium minueretur*: Satiùs enim Caudinis erat, ut qui antea lege Augusti in Coloniæ Beneventanæ Præfecturam redacti erant, ab ejus tandem jurisdictione subtraherentur, ejusdem Territorii fines ad suos usque muros pertingere paterentur.

## CAPUT TERTIUM

## De Jure Beneventanæ Coloniæ ejusque Tribu.

PVILLO . AVGVRI . TR. MILITVM

..... VIRO

C. FIRMILIO . C. F. PVB. RVFO

L. TERENTIO . L. F. STEL. RVFO . FIRMILIANO.

Quater deductam Beneventum Coloniæ superiori Capite præclare satis probatum, arbitror: cujus autem Juris, ac præterea in quam Tribum adscripta fuerit, non ibi observasse placuit, tum ne fusiùs, quam par esset, eam operis partem producerem, tum quod materia isthæc satis digna videretur, ut peculiari Dissertatione donaretur. Lapidem de more inscripti, quo non opportunior alter ad propositam rem pertractandam: quandoquidem ea parte, qua integer ad nos evasit, in postremis nempe duobus lineis eos nobis exhibet Viros, qui Prænomine, Nomine, Cognomine, Tribu insigniti certissimam Civium Romanorum notam præferre videntur.

Ac quod primùm attinet, vulgata satis res est, Colonias omnes, quotquot unquam ab Romanis ante Legem Juliam deductas constat, non eodem quaque Jure fuisse potitas. Multiplex ejusmodi Jus fuisse recentiores aliqui tradunt, novis tum ex quibusdam nummorum veterum signis deductarum Coloniarum occasione cufis, tum ex levibus quibusdam conjecturis aliis, ejusdem Juris adinventis differentiis, itaut præter eas, quæ *Civium Romanorum*, & *Latini Juris* aliæ fuerint, quæ *Togate*, postremò quæ *Militares* dicerentur. De Togatis, quas & *Plebejas* fuisse affirmat Eruditus Heineccius (a) promptè sententiam tuleris commentitium id nomen, quod Colonias aliquas spectet, videri. Quare enim togatæ? quia non Primores solum sed etiam Romana Plebs Toga uteretur, unde Augustus teste Sveton. c. 40. visa quondam pro concione Pullatorum turba indignabundus, & clamitans, *en ait*

*Romanos rerum Dominos, Gentemque Togatam.*

At si Toga omnibus communis, quomodo de solis Plebeiis Togatæ intelliguntur? non magis igitur Togata Colonia, quam Gallia Togata, in quo sane cognomine non jus aliquid contineri patet, sed hominum quorundam genus, qui Romanos ea vestimenti forma imitarentur,

F

quo

[a] Antiq. Rom. in Append. c. 5. 126.

quo fit, ut quaecumque Romanorum Coloniae, propterea quod Toga eorum propria esset vestis, Togatae dicendae sint: nisi, ex admissa Togatarum Coloniarum appellatione, quae Plebem, civemque alios complecterentur, novum etiam *Sagatarum* Coloniarum, quae e contrario illis respondeant, vocabulum satis importune comminisci in mentem alicui veniat, cum nimirum milites, propterea quod *Sago*, consueta militiae veste uterentur, in Colonias deducerentur; sed de *Militaribus* Colonias, quarum prior Sylla institutor fuit, inanis quoque differentia videri potest, quandoquidem non ex certo hominum genere, ut puta *militarium*, qui in Colonias deducebantur, diversum aliquod jus ei Coloniae querebatur, sed ejusmodi futurum esset jus a deducendis arbitrio, vel eorum, quorum auctoritate deductio mandabatur, omnino pendebat. Quod tandem Jus spectat Italicum, quamquam illud aliquando extitisse certum sit, eoque signanter jure donatas plerasque Colonias memorent Veteres Jurisconsulti (a), non id tamen ad rem propositam magnopere pertinere videbitur, nam cum in veteri Italia, ejusque penes populos ejusmodi jus vigeret, nullas certo constat tum deductas in illam Colonias, quas serò admodum, sub ipsis Caesaribus, ac nonnisi in Provinciis, cum antiqui juris Italici jamdiu per legem Juliam sublatis renovato beneficio deductas praefati Jurisconsulti docent: quod si ulla extra Latium, ac proinde in ipsa veteri Italia, deducta unquam fuerit Colonia, non magis Jus Italicum ad eam Coloniam, quae in Italia constituta ejus juris particeps sine ulla indulgentia evadebat, quam ad singulas Urbes pertinuisse dicendum est, ita ut certum nullum, ac particulare jus aliquod Colonicum Italicum ab ipsa rei origine, de qua modo quaerimus, statui posse videatur.

Ad priorem itaque certis veterum monumentis satis probatam differentiam res omnis deducenda est, ut non alias teneamus Colonias, quam, quae aut Civium Romanorum, aut Latinarum olim fuerint: rem planè determinat Livius l. 39. 56. ubi Aquilejensis Coloniae deductionem narrans (quod accidit M. Claudio, Q. Fabio Coss. an. U. C. 570.) illud agitabant (subdit) uti Colonia Aquilejam deduceretur, nec satis constabat an Civium Romanorum deduci placeret, postremo Latinam potius Coloniam deducendam Patres censuerunt. Alios Livii locos dabit Sigonius (b), ubi neque longiorem invenies hujus Colonicus juris divisionem, nisi quod jus Latii Juri Quiritium, Latinas vero Colonias Civium Romanorum Colonias opponi velit Sigonius.

Quid igitur inter Latinas, ac Civium Romanorum Colonias discriminis haberetur modo est demonstrandum: Civium Romanorum Colonias jus dumtaxat Quiritium concessum censet Sigonius (c), qui cum antea ejusmodi jus in privatis tantum rebus concludat, nempe Libertate, Dominio, Testamento, Tutela, Militia, Gentilitate, & si quae sunt hujus generis alia, quandam veluti viam sibi stravit, ut quale ejusmodi Coloniarum jus esset, facile pronunciaret, nimirum ut privato tantum, non vero publico Romanorum jure haec Coloniae fruerentur. Sed nullo pacto ipse mihi persuaserit quod in hoc jure Quiritium jus tantum Romanorum privatum contineretur, nisi novum in rebus, ac nominibus discrimen ex proprio potius ingenio, levibusque quibusdam conjecturis, quam ratione aliqua, auctoritateque innixi comminisci velimus; si quid enim minus esse, quam quod ipsum universum optimumque sit Romanorum Civium jus, in jure Quiritium modo statuamus, jam primum evertatur oportet scædus illud quod Romulum cum Sabinis primum inisse constat, quos in Urbis communionem receptos, ita Romanæ genti inferuit, ut ex utroque populo unam eandemque Civitatem, unumque Quiritium nomen effecerit: quæ res ita deinceps valuit, ut nullo unquam tempore Quiritium nomen a Romanis discesserit, qui illud semper sibi adjiciebant, quod liquet ex formula illa precationis: *Populo Romano Quiritibus*: de qua latè Briffon. l. 1. c. 104., imò & solo Quiritium nomine utpotè augustiore Romanos appellatos in publicis concionibus, & orationibus passim occurrit: non igitur video, cur Quiritibus pars illa optima Civitatis Romanæ, quæ in jure publico consistebat, tam facile detrahi possit, sicque in privatas tantum res Jus Quiritium concludatur: constat enim jus illud publicum ad Censum, Militiam, Suffragia, Magistratus, Sacra pertinuisse; quibus dum Quirites omnino gauderent, manifestum quoque est ea omnia in jure Quiritium fuisse comprehensa; illudque consequetur satis clarum, dum eodem jure Quiritium Coloniarum aliquæ potirentur, quæ Civium Romanorum ea de re vocabantur (d), æquum profecto jus cum ipsis Romanis Quiritibus ejusmodi Colonos obtinuisse.

Quod

[a] Ulpianus, Celsus, Cajus, Paulus in leg. 1. 6. 7. & 8. Dig. De Censibus.

[b] De antiq. Jur. Ital. l. 2. c. 3.

[c] De ant. Jur. Civ. Rom. l. 1. c. v. ad 13. in fin.

[d] Et certe Cives sæpe vocantur ejusmodi Coloni apud Liv. l. 6. 21. 8. 14. Ipsi quoque Latini, qui nomina in Coloniam Romanam dederant Cives Romani dicuntur facti ab eodem Liv. 34. 24. qui demum l. 19. 37. ejus



Quod tamen cum de Colonis Civium Romanorum verum sit, secus verò de Latinis dicendum. Harum enim licet eadem origo, atque causa, diversa tamen erat conditio. Jam supra dictum fuit, Latinos Colonos nonnisi ex Magistratuum Romanorum indulgentia, & veluti precario ad ferenda suffragia admitti solitos, quod ubi ultrò, atque temerè attentare voluissent, plerumque Consulum jussu ex Urbe, quò ea de causa adventarant, exire jussos refert Dionys. Halic. l. 8. Cic. in Brut. c. 26. cujus etiam pro Sext. c. 13. hæc sunt: *nihil acerbius Socii Latini ferre soliti sunt, quam id, quod perrarò accidit, a Consulibus juberi ex Urbe exire*. Sicuti autem ab hoc ordinario suffragiorum jure submovebantur, ita a militia, in qua nonnisi mediam militum classem, seu conditionem tenebant, ut *Auxiliis* potiores dignitate essent, *Legionariis* vero inferiores, *Sociorum* dumtaxat nomine contenti. Privatorum vero jurium nec omnimode participes fuisse Latinos Colonos ex pluribus veterum monumentis apparet, adeo ut rectè pronunciaverit Boethius in Top. Cicer. II. Cives Romanos, qui in Latinas Colonias commigrassent, amisso Civitatis Romanæ jure, mediam capitis diminutionem subire compulso; quo argumento usus est Cicero, Agrar. 2. c. 27. ut Plebem Romanam adhortaretur; ne se deduci pateretur in Coloniam. *Vos vero (inquit) Quirites retinete istam professionem gratiæ, libertatis, suffragiorum, dignitatis, Orbis, Fori, ludorum, dierum festorum, cæterorum omnium commodorum (a).*

F 2

Hoc

37. ejus generis Colonos Romæ fuisse censos affirmat; unde rectè omnino Manutius *De Civitate Romana* statuit, eos quos ferendi suffragii, magistratuumque Romæ gerendorum jura retinuisse; quod vel ex ipso invito Sigonio amplius mihi probari posse videtur: Is enim cum de Latinorum, sive Latii jure agit *De Jur. Ital.* l. 1. c. 4. jus illud publicum suffragiorum, & honorum, ut nullum habuisse eos negari non posse, sic non optima lege habuisse ascendendum censet, ac cum pluribus exemplis jus illud apud Latinos aliquando fuisse demonstrat, illud demum ad precarium Magistratuum Romanorum beneficium referri debere concludit; quod cum peribenter admitterimus, illud ex his verum certumque jam sequitur, quod si Colonia Latine, quæ deterioris juris erant ad publica Romanorum Civium jura, inter quæ præcipuum suffragiorum, honorumque jus exilimari debet, utcumque Romanorum Magistratuum arbitrio, sive indulgentia frequenter admitterentur, procul dubio eodem jure, Colonia Civium Romanorum, quæ potioris erant juris quàm Latine, pro sua nobiliori, quæ eadem ac Civium Romanorum erat, conditione, gaudebant; idque ordinario jure sibi competere ex eo magis magisque patet, quod nullibi mentio sit, eas aliquando, sicuti cum Latinis periculis adsum fuit, jus illud suffragii a Magistratibus Romanis impetrasse; quod si nusquam impetratum, concessumque legimus, utique nulla ejusmodi Colonis impetratione, concessioneque opus fuisse dicendum est, qui universa Civium Romanorum jura retinebant.

An vero Romani suis Civibus in Colonias deductis negallent, quod ultrò peregrinis gentibus jure municipii donatis tam sæpe elargiebantur. Coloniarum, Municipiorumque discrimen tam verè, quàm eleganter affert Gell. noct. Att. l. 16. c. 13. *Municipes*, inquit, sunt Cives Romani ex municipiis legibus suis, & suo jure utentes, muneris tantum cum Pop. Rom. honorarii participes, a quo munere capeffendo appellati videntur ... Sed Coloniarum alia est necessitudo, non enim veniunt extrinsecus in Civitatem, nec suis radicibus nituntur, sed ex Civitate quasi propagatæ sunt, & jura institutaque Populi Romani non sui arbitrii habent; quæ tamen conditio cum sit magis obnoxia, & minus libera, potior tamen, & præstabilior existimatur propter amplitudinem majestatemque Populi Romani, cujus istæ Colonie quasi effigies parvæ, & simulacra esse quædam videntur. Hanc

illustrem Coloniarum conditionem apud Livium l. 37. præclare expressere olim Romani Consules, dum eorum XII. Coloniarum, quæ secundo bello Punico muneris militiæ detestabant, legatos his verbis compellebant. *Admonerent non Campanos, neque Tarentinos eos esse, sed Romanos, inde oriundos, inde in Colonias, atque in agrum Bello captum stirpis augendæ causâ missos: quæ liberis parentibus deberent, ea illos Romanis debere, si ulla pietas, si memoria antiquæ Patriæ esset*. Si igitur Romanorum Progenies Coloniae erant, atque, si hoc parum videatur, cum ipsimet legibus, institutisque Romanis Civium quoque Romanorum appellatione decorarentur, non eo equidem antiquo, originarioque jure multatæ videntur, quod peregrinis passim in municipium receptis tam liberaliter patere consuevit.

(a) Quod de Latinis Colonis cum ita sit, illud mirum videri potest, quare, quum quis optimo Civis Romani jure frueretur, in ejusmodi Colonias semel deductus eo pristino jure mox privatus censeretur; adeo tunc solum ejusmodi juris redintegrationem obtineret, si in ea Colonia Latii jure donata magistratum gessisset, ut intelligendus est Alconius subobscuris verbis id tradens in Præm. Pisonianæ, & diserte docet Appianus de Bell. Civ. l. 2. & Strabo l. 4., vel demum si id sibi beneficium singulari jure a Magistratu Romano, vel quopiam alio, qui ejusmodi auctoritate polleret, denuò demereret, ut de C. Mario meminit Cic. or. pro Balbo, cui lege a Saturnino Apulejo in Tribunatu lata datum fuit, ut in singulas Colonias ternos Cives Romanos facere posset; cur, inquam, ex sola in Colonias deductione id detrimenti Romanus Civis capere debuisset, ut Civitatis Romanæ jura sibi essent amittenda? Hanc quæstionem tum quoque, cum hæ vigerent Colonie, agitari solitam indicat Cic. pro A. Cæcina c. 33. dum inquit: *Certe quæri hoc solere, me non praterit, quemadmodum, si Civitas adimi non posset, in Colonias Latinas sæpè Cives nostri profecti sint? aut sua voluntate, aut legis multâ profecti sunt; quam multam si sufferre voluissent, tum manere in Civitate potuissent*: Et certe ea erat Civium Romanorum illustris conditio, ut excepta criminis causa, cujus cognitio tum ad Magistratus, tum verò præcipue ad Censores pertinebat, invitis Civitas adimi non posset, adeo ut L. Sulla victor, ut memorat id. Cic. pro Domo c. 30. Comitibus centuriatis Civitatem Volaterranis eripere non valuerit; *hodieque Volaterrani (inquit)*

Hoc itaque inter Civium Romanorum, ac Latinas Colonias discrimen aliquando fuisse constat, quod tamen lege Julia sublatum tandem videtur: ejus legis auctor L. Julius Cæsar qui an. U. C. 663. P. Rutilium Lupum in Consulatu Collegam habuit, non vero Sex. Julius Cæsar, qui anno præcedente cum L. Marcio Philippo Consul fuit, ut falsò putavit Gravina (a), qui in hac re Sigonium sibi in omnibus serè præeuntem oscitanter fortasse legit, quamquam & turpius erraverit Augustinus (b), qui eam Legem Cæsari Dictatori attribuit. Occasionem ei legi dedit funestissimum omnium, quod unquam Reip. contigit, Italicum Bellum, quod & Sociale, & Mariscum appellatum fuit; in eo suscipiendo, gerendoque Latinorum simul, & Italicorum studia, atque arma adversus Remp. conspirarunt: quorum (ut pulchrè inquit Paterculus l. 2.) ut fortuna atrox, ita causa fuit iustissima; perebant eam Civitatem, cujus Imperium armis rutabantur; per omnes annos, atque omnia bella duplici numero se militum Equitumque fungi, neque in ejus Civitatis jus recipi, quæ per eos in idipsum pervenisset fastigium, per quod homines ejusdem & gentis, & sanguinis, ut externos, alienosque fastidire possent. Hinc primum, cum jam id bellum exardere cepisset, lex, ut ait Appianus, est lata: ut qui Populi ad eam diem in fide mansissent Cives Romani essent. Sed postmodum eo tristi bello, quod innumeros penè Romanos Cives, quos inter, P. Rutilium Cof. aliosque summi in Reip. loci absumpserat, defatigata per integrum quinquennium Remp. id tandem probè intelligens non de auferendo, minuendove sibi imperio, sed de communicandis Civitatis jurbus eosmet vi agere, qui prius meritis ad eam diem frustratis decertare studuissent, optimo, quamvis fero consilio, Italos omnes, lege Julia, quam L. Julium Cæsarem, P. Rutilio Collega jam extincto, tulisse verosimile est, in Civitatem recepit: quod beneficium nec discrimine illo octo novarum Tribuum ad veteres xxxv. tum adjectarum, in quas novi cives adscripti, nec ullis deinceps Syllæ conatibus aut minui, aut omnimodè adimi potuit.

Hac igitur lege Julia differentiam inter Civium Rom. & Latinas Colonias sublatam videri, paulò ante dixi, non enim undequaque certum constat; etenim errabimus certè, si eos Italos Civitatis Romanæ jura affectos pro universis ejus, quæ paulatim ad naturæ terminos, idest Alpes, prolata est, Italiæ populis accipiamus, cum inspectato ejusmodi legis tempore, Rubicone fluvio Italiæ fines continebantur; reliquum autem tractum ad Alpes usque præter Venetos Cisalpini Galli præcipuè incolebant, quorum ex interficiente Pado alii Cispadani, alii Transpadani vocabantur, ad cujus Galliæ Cisalpinae terminos eodem anno, quo primum Beneventum Colonia fuit deducta, Ariminum, quæ Civitas in Cispadanorum Gallorum finibus consistebat deductam simul Coloniam ex Eutropio, aliisque superiori Capite observavimus; Priores itaque, utpote veteri Italiæ propiores Cispadani Civitate donati, dein & Transpadani, quibus, cum primum Pompejus Strabo jus Latii largitus fuerit, ut ex Afconio in Proem. Pison. jam antea didicimus, postremo C. Julius Cæsar teste Dione (c) integrum Civitatis jus impertitus fuit: ex quibus omnibus illud quoque animadvertere jam quisque poterit, inter Civium Romanorum, & Latinas Colonias sublatum lege Julia discrimen nonnisi cum temporum, ac Coloniarum distinctione esse intelligendum, itaut non omnes, quotquot in veterum monumentis occurrant Coloniae æquo jure fuisse ex ea lege existimentur, sed quas tantum rectè constat intra Latii, veterisque Italiæ terminos ante eam legem deductos; nam quæ postea intra eosdem fines, vel in reliquis recentis Italiæ Regionibus conditæ fuere, juris Latii, ac Civium Romanorum, ut quæque alterutro jure deinceps deducta essent, antiquum inter se discrimen habuere; ac de his

(inquit) non modo Cives, sed optimi Cives fruuntur nobiscum simul hac Civitate. Sed cum eundem Ciceronis locum latius inspiciamus, ejusmodi rei causam invenisse præsto erit; hæc enim initio cap. 30. pro Domo habet Cicero: Qui Cives Romani in Colonias Latinas proficiscebantur, fieri non poterant Latini, qui non erant auctores facti, nomenque dederant. Si igitur Cives Romani Civitatis jura inviti amittere non poterant, nonne cum ipsimet ita vellent, sive, ut loquitur Cicero, essent auctores facti, Civitatis jurbus sese abdicare potuissent? atque ita planè in ejusmodi Latinarum Coloniarum deductione res se habuit: Etenim si quando in aliquam Latii Urbem esset deducenda Colonia, Cives, qui definitum deducendorum numerum impleverant, deligebantur, nec profecto inviti, qui cum eò commigrassent, locatisque laribus nomen sponte in eam Urbem dedissent, nihil secum iniquè actum queri poterant, si

amissis Civitatis Romanæ jurbus, a qua jam discesserant, ejus Latinae Urbis, quam sibi novam Patriam delegerant, in jura, atque instituta transfrent. Illud enim in Senatus Populique Romani arbitrio positum erat, quas ipsi vellent aut Civium Romanorum, aut Latii jure deductas censei Colonias, itaut Cives Romani ejus Urbis, in quam se Colonos adscribi patiebantur, statutam conditionem sequerentur; Quod tamen amissæ Civitatis Romanæ detrimentum pluribus, quæ sibi obveniebant, novis commodis satis compenlabatur, præsertim agris sibi distributis, ex quorum reditu non tam inopiar, qua fortasse in Urbe laborabant ob ingentem Civium numerum, verum etiam vitæ tranquillitati consulebant.

(a) De Rom. Imp. cap. 47.

(b) De Legibus, & Sen. Consultis.

(c) Lib. 41. An. U. C. 707.



his profecto Coloniis intelligenda sunt posterioris Ævi monumenta, quæ post legem Juliam Latinitatem adhuc nobis memorant, quod & Trajani adhuc Ævo legere occurrit in Plinii Paneg. c. 37. Vix autem eorum jurium discrimen omnimodè sublatum dixeris, posteaquam Antoninus non Pius, neque Marcus, sed, (ut excerpta Dionis Valesiana prodidere) Caracalla celebri illa constitutione, relata in l. 17. D. De statu Hom. (cui ferendæ non munificentia, sed quemadmodum subdit Dio, avaritia occasionem dedit, ut scilicet aucto Civium numero, ex vectigalibus, quæ Peregrini non penderent, suus Fiscus augetur) statuit, ut, in Orbe Romano qui essent, omnes Cives efficerentur, adeout, quâqua longe latèque Romanus pateret Orbis, unius Romæ evasisse municipium videretur (a). At vix tuto, ut aiebam, affirmari poterit ad omnes personas, omnemque ditionis Romanæ Urbes sese extendisse beneficium, aut extensum semel, semper valuisse. De Personis certè constat ad ingenuos tantum, non vero ad libertinæ conditionis homines eam Antonini constitutionem pertinuisse, nam his demum quos prius impetrato anulorum aureorum jure singulare Principum beneficium ad Civilium Jurium communionem aliquoties extollebat, generali postmodum beneficio æquum cum ceteris Civibus omnibus jus largitus fuit Justinianus Imperator Novell. Const. 78. (b) ubi cum Antonini, quem cognomine Pium appellat Justinianus, egregium exemplum in antedicta Leg. 17. contentum expressè sibi imitandum proponit, jam ex eodem Justiniano, seu potius Triboniano error apud doctos quoque Viros invaluerat, ut Antoninus aliquando non Caracalla, sed Pius ejus constitutionis auctor traderetur. De locis vero, pro quibusque aliis sufficere posset Constantinopolitanæ Urbis exemplum, in qua Antiqui Juris Italici non vestigia solum inspicere datur, sed effectus servati adhuc noscuntur ipso ævo posteriori, quo ea Urbs jamdiu Imperiali Sede decorata, digna fuit visa, ut eo jure ab Imperatoribus donaretur; quo argumento, ut Romanæ Urbis Principatum nunquam ablatum tueretur, optimè, sed adversus Gothofredum paulò intemperantiorem styllum Gravina exercuit (c).

Sed quorsum, inquires, hæc omnia? Propositum initio mihi jam fuit de Beneventanæ Coloniarum Jure sermonem instituere, quod ut rectè demonstrarem, singulorum Colonicorum Jurium differentias in antecessum exponere opus fuerat: quod igitur rem attinet, cum longe ante Legem Juliam Beneventanam Coloniam deductam fuisse constet, nimirum an. U. C. 486. ut superiori Capite demonstratum est, Civium Romanorum, an Latii, vel demum Italico Jure donatam affirmabimus? De postremo hoc jure, sicuti nullum supererit dubium, ita de eo heic quæsisse supervacuus labor erit; Etenim anne negari possit, quod post deductam Coloniam eo jure Urbs Beneventana fruereetur, quod inter Italicos populos præcipuè constituta jamdiu obtinebat? atque hoc ipsum est, quod initio contendebam, non rectè jus Italicum inter vetera Coloniæ jura recenferi posse, quippe quod Italicis Urbibus seorsum a Coloniæ jure deductis inhærebat, tantumque posteriore ævo in provincialibus Coloniis recenter deductis revixisse potuit; satiùs enim a plerisque Augustis, qui eas Colonias in Provinciis deductas voluerunt, existimabatur, si non optimo Civium Rom. aut Latii, sed veteri Italico jure eas donarent, quod licet prioribus durius, meliorem tamen, quàm quæ antea erat, provincialium conditionem efficiebat. Alterutrum igitur jus, aut Civium scilicet Romanorum, aut Latii Beneventum, cum primum eò Colonia deducta fuerit, obtinere debuit: & sane par erat, ut cum ea Colonia a Senatu, Populoque Rom. in Italicam Regionem deduceretur alterutro eorum jurium augetur: Inter Latinas autem Colonias Beneventum recenset Sigonius (d), idque quasi manifestum assert ex Livii loco l. 27., quem paulò curiosius heic licebit expendere.

Narrat eo loco Livius, quid posteriori bello Punico egissent triginta Coloniarum tum in Latium, tum in Italia constitutæ, quibus milites, & pecuniæ ad subsidium Reip. imperata fuerant; Triginta tum (inquit) Colonia Pop. Romani erant, ex iis duodecim, cum omnium Legationes Romæ essent, negaverunt Consulibus esse, unde milites, pecuniamque darent. Dixerat paulò ante, fremitum inter Latinos, sociosque in conciliis ortum ob frequentes delectus, assiduasque cædes, quibus jam se querebantur exhaustos, proptereaque nullum posthac imperium subituros dictitabant, quod consilium cum mox duodecim Coloniarum reipia implessent, jam eas, & quotquot ad integras triginta simul memoratæ fuerant, nonnisi Latinas fuisse sequitur. Id quod ipse cum

(a) De ejus Legis Auctore diù res obscura, itaut Justinianus ipse in eo tradendo errasse compertus fuerit: At utriusque tum Legis, tum ejus Auctoris illustrata sunt omnia ab Illustri Spanhemio luculentis editis Exercitationibus, quibus Orbis Romanus titulum fecit.

(b) L. un. Cod. Theod. de Jur. Italico Urb. Constant. & l. un. Cod. Just. De Priv. Urb. Const.

(c) De Rom. Imp. c. 48.

(d) De antiq. Jur. Ital. l. 2. c. 3.

cum omnino falsum dicere non ausim, illud tamen verisimilius affirmari posse putaverim, ple-  
rasque ex iis Coloniis, ni fortasse omnes, non Latii, sed *Civium Romanorum* jura habuisse: cu-  
jus rei non leves conjecturas præbent ipsiusmet Livii verba: Cum enim de iis Coloniis specia-  
lem sermonem instituens non *Latinas*, sed *Populi Rom. Colonias* appellet, jam dubium relinquit,  
an *Latinæ* potius, quam *Civium Coloniae* intelligendæ sint; Res autem ad posterius jus ex se-  
quentibus verbis propendere videbitur, si iterum audire non pigeat Consules, duodecim Colo-  
niarum Imperium detrectantium Legatos ita alloquentes: *Admonerent non Campanos, neque Taren-  
tinos eos esse, sed Romanos, inde oriundos, inde in Colonias, atque in agrum bello captum stirpis augenda  
caussa missos, qua liberi parentibus deberent, ea illos Romanis debere, si ulla pietas, si memoria antiquæ  
Patriæ esset.* Ad hæc satis eas Colonias a sociis distinxisse videtur Livius, nam cum earum in  
abnuendo Imperio obstinationem referret, magnum in Senatu pavorem factum subdit, cum pu-  
taret *idem alias Colonias faciuras, idem Socios consensisse omnes ad prodendam Annybali Urbem Romam*;  
nihil autem certum magis, quam Socios, quos Livius memorat ipsos intelligi Latinos, qui  
iidem ipsi diversis sæpe nominibus, nunc *socii tantum*, nunc *socii Latini*, *socii nominis Latini*,  
*socii nomenque Latini*, *socii ab nomine latino*, *socii ac Latium ipsi Livio*, Salustio, Val. Maximo  
dicuntur. Dum igitur diversam omnino *Coloniarum*, atque *Sociorum* mentionem ingessit Livius,  
discretè omnino de utrisque locutus, amplius juris. quam quod Socii Latini tum haberent, pe-  
nes Colonias illas fuisse dicendum est; idque nonnisi ad *Civium Romanorum* jus referendum vi-  
detur. His accedit, quod qui pro duodeviginti Coloniis, quæ in fide manserant, Consulibus  
respondit, & *militis ex formula paratos esse, & si pluribus opus esset, plures daturus, & quicquid aliud  
imperaret, velletque Populus Romanus*, is M. Sextilius Fregellanus nomine appellatur a Livio,  
unus ex illis Legatis, quos singulæ Coloniae in Urbem miserant: Licet autem Fregellani haud  
proprium cognomen acceperis, sed potius adjectum. ut Fregellanae Coloniae, quæ inter eas  
duodeviginti a Livio numeratur, Civis Legatusque esse demonstraretur, nonne Marci præno-  
men, Sextilique nomen, quibus is vocabatur, Romanum Civem statim nobis proderet? Ex  
prænominis enim, nominisque usu, eorumque vocabulis nullam barbariem foecantibus opti-  
mum argumentum sumi poterit, ad Romanum Civem indicandum, ut mox a me dicetur. Po-  
stremo has saltem duodeviginti Colonias, in quarum numero Beneventum fuit, nonne præcla-  
ram *Civium Romanorum* conditionem præ se tulisse apparent, quæ non solum aliarum impe-  
rium detrectantium exemplum haud fuerunt sequutæ, verum etiam suo subsidio fecerunt, ut  
tum Imperium *Populi Rom.* staret? Nonnisi ex summa illa necessitudine, quæ ex Juris com-  
munione manabat, tam promptè, obsequenterque suum exhibuisse officium putandæ sunt;  
quid enim? post tam egregium meritum si unquam eo jure caruissent, utique tum donatæ fuis-  
sent, ut eadem ac iusta magis liberalitate cum Colonis optime de Rep. meritis ageretur, qua  
Peregrinis in municipium ad id tempus receptis Senatus P. Q. R. usus fuerat; at ejus rei nihil  
occurrit, sed gratiæ dumtaxat a Senatu Populoque Rom. illis actæ leguntur; neque enim quic-  
quam aliud, dum *Civium* jure fruerentur, præstandum supererat, & sane (ne solum Livium  
vel invitum videar adhibere) hanc Civitatis communionem ut aliis Coloniis, ita quoque Be-  
nevento, tum cum Colonia primum deducta fuerit, concessam non obscure tradit Paternulus  
lib. 1. Cum enim singulas Colonias a Romanis post Urbem a Gallis captam deduci cæptas, enu-  
merare instituat usque ad Syllana tempora, quas inter Colonias suum Benevento locum, atque  
originem tribuit, Sempronio Sopho, & Appio Cæci filio Cos., nondum nullum in iis deducen-  
dis jus distinguit, ut nempe aliæ Latii, aliæ *Civium Rom.* jure donatæ fuerint, sed potius om-  
nibus Civitatem communicatam indiscriminatim videtur tribuere, sic initio ante *Coloniarum*  
recensum præfatus. *Huic rei per idem tempus Civitatem propagatam (a) autumque Rom. nomen  
communionis juris haud intempestivè subtexturi sumus.*

Atque hæc conjecturæ loco accepta velim, ut quaqua fieri posset ratione, ex remo-  
tissimæ vetustatis latebris verisimile aliquod de Beneventana Colonia primævo jure af-  
ferri posse videretur: siquidem non exiguo ejus ornamento, ac decori esse putabimus, si non  
Latii, sed ipso optimo *Civium Romanorum* jure ab suis primordiis donata fuerit, adeo ut ante  
Legem Juliam Rom. civitatis communionem jam diu gavisa cæteras Italicas Urbes non tam ejus  
juris nobilitate, quam reliquis, quibus aliunde enitebat, ornamentis antecelleret; Postea  
vero, quam Lex Julia fuit lata, non amplius dubitabimus, quin, ut cæteris Italicis, ita Bene-  
ventanae

[a] Sic rectè legit Lipsius, nam prius plurali nume-  
ro *Civitates propagatas* habebatur contra Paternuli men-  
tem, atque manum, qui non *Civitates propagatas*,  
quæ jamdiu erant, sed Romanam ipsam Civitatem Co-  
loniarum deductione in alias Urbes propagatam intel-  
ligit.



ventanæ Urbi Civitatis Jura concessa sint, quod non solum ex Julia Lege certum, verum etiam ex certa Tribu, cui Beneventanos adscriptos fuisse constat: de qua re jam mihi agendum erit.

Tribus, quarum nomen Livius a Tributo, Varro vero, quod primum in tres partes Pop. Romanus distributus fuerit, deducunt, Romanæ Gentis, atque Urbis conditor Romulus instituit; instituendique initium, & causam, confecto Sabino bello, ejus Gentis cum Romanis initum confortium dedit; Rem totam, earumque Tribuum nomina paucis complectitur Asconius Divinat. in Verrem. Principio, ait, Tribus tres fuerunt, Tatiensum a Tatio Rege, Ramnensis altera ab Romulo, Luceres altera (cujus nominis & originis incertam causam asserit Livius) ab Lucumone sive Lucero, sive a Luco, quem Asylum vocaverat Romulus. Aucto postmodum civium, numero quarta etiam Tribus, ut Livius, Varro, ac Dionys. tradunt, adjecta a Servio Rege, qui eam, veteresque alias suis nominibus spoliata ab locis Urbis appellandas maluit; eaque sunt quatuor urbanæ Tribus, Palatina, Suburrana, Esquilina, Collina, quæ eodem deinceps numero ac nomine intra Urbem perpetuò constiterunt: tum nova & civium, & agri accessione novæ quoque Tribus extra Urbem institui cceptæ, Rusticæ ad Urbanarum differentiam appellatæ, quarum omnium prior videtur fuisse Claudia ab Ap. Claudio, qui cum suis Clientibus Regillo Romam adveniens cum civitatis jure etiam agri partem, ubi ea Tribus de suo nomine appellata est, obtinuit, quamquam veterem fuisse eam Tribum novo tum Claudie nomine insignitam indicare videatur Livius 2. 46., ex quo rursus anno ab V. C. 369. aliarum Tribuum initia discimus, dum ait: Tribus quatuor ex novis civibus additæ Stellatina, Tromentina, Sabatina, Narniensis; quod de aliis sequenti tempore, dum in rem incidit, idem auctor narrat, donec ad xxxv. Romanas Tribus perventum fuisset, quem numerum omnino retinendum suadet non ipse tantum Livii, sed etiam Ciceronis auctoritas, qui passim (a) eum solum numerum admittit, cui recentioris ævi lapides assentiuntur, nempe Tiberii apud Fabrett. p. 395. Trajani apud Gruter. p. 246. 8., itaut frustra ex aliis quibusdam Tribubus diverso nomine inter veterum monumenta repertis (nam binomines aliquando Tribus fuisse, vel veteri abjecto novum ex loco nomen, vel in alicujus personæ gratiam assumfisse satis verisimile exempla aliqua probant) de numero ipso statuendo viri docti laboraverint. Ex his autem illud, quod mihi proposueram, præclare sequitur, nullam fuisse Tribum, quæ non Romanis civibus constituta esset, neminem vero in Romanam Tribum relatum, qui non Civis esset Romanus: unde ex Verrio Flacco recte docuit Gellius l. 18. c. 7. Tribus & Decurias dici & pro loco & pro jure, & pro hominibus.

Cum igitur inter Romanos Cives quis adscisceretur, vel etiam Populus quispiam peregrinus in Civitatis Romanæ communionem admitteretur, postquam triginta & quinque Tribuum numerus expletus fuerit (non enim plures augeri placuit, dum octo illæ, Civitate post Bellum sociale Italicis concessa, additæ, mox abolitæ fuerunt) in earum Tribuum aliquam ascribi mos erat (b); quod quum factum esset, statim jus ferendorum suffragiorum, honorumque petendorum, æquo prorsus optimoque ipso Romanorum Civium jure, illis patebat; itaut absentes licet, suisque in Urbibus degentes, ejus tamen certæ Tribus, in qua censu fuissent, jura omnia assequuti, Comitiorum tempore Romam contenderent, suaque cum reliquis Tribulibus suffragia ferrent.

Beneventanos itaque, postquam Civitatem Romanam adepti fuere, Tribum etiam sibi propriam obtinuisse non est dubium; quod quum vel Municipii collato jure, vel Colonie deductione contigisse potuerit, videndum, an aliquando ex Municipii causa (quandoquidem ex Colonie jam constat) Beneventani Romanarum Tribuum communionem assequuti fuerint: quærendi occasionem præbent bini nostri Lapides, ex quibus insigniorem (alibi tamen uberius illustrandum) heic afferre libet.

## C. OCTA-

[a] In Verr. 1. 5. Agrar. 11. 7. Philip. vi. 5.  
[b] Livius l. 38. 36. Regatio pe. rata est, ut in Æ-

tes ferrent, atque in his Tribubus tunc primum ex Valerii Plebiscito censi sunt.

milin Tribu Formiani, & Fundani, in Cornelia Arpina-

C. OCTAVIO C. F.

PAL. MODESTO

AVGV. II VIR. I. D. QVAEST. II.

PRAEF. FABR. ROMAE. PRAEF.

COH. II. PANNONIOR. PRAEF.

COH. III. ITVRAEOR. TRIB. MIL

LEG. III. SCYTHIC. CVRAT. REI

P. AECANOR. ITEM HONORA

TO AD CVRAM KALENDARI

REIP. CANVSINOR. A. DIVO TRA

IANO PARTICO ET AB IMP. HA

DRIANO AVG. HIC OPVS QVADRI

GAE CVM EFFIGIE IMP. HADRI

ANI AVG. CITRA VLLIVS POSTV

LATION. CVM MVNICIPIBVS

SVIS OBTVLISSET EX ARGENTI

LIBRIS ∞ ADIECTIS AMPLIVS

LIBRIS D VII. VIRITIM PO

PVLO \* SING. DISTRIBVTIS

DEDICARI CAVIT

P. D. D.

ubi vides ab hoc C. Octavio Modesto Cives suos Municipum nomine appellari: at si hos lapides excipias, Beneventum aliquando Municipium fuisse novi nunquam (a): Scio eruditum Equitem Oliverium ad Marmor Pisarense mutilum num. 45. ubi occurrit: *Pisaur. Municip.* Pisaurum vere Municipium appellatum existimasse, quin nempe ex Colonia in Municipii statum aliquando redactum fuerit, idque sibi persuasit ex eo, quod in publicis monumentis vocabulorum proprietas maxime servaretur, praesertim extremis Reip. vel primis Imperii temporibus, ad quæ ejus marmoris antiquitatem ob Cognominum defectum extollit: sed ut sit de Pisauo, quod Beneventum attinet, dum alia hujus rei monumenta desint, haud sane auferim sola horum lapidum fide, ubi Beneventani Municipipes appellantur, id ipsum de Benevento affirmare; notissima enim res est, etiam melioris ævi Veteres hujusmodi vocabulum contra propriam significationem usurpasse, quod longe ante Gellium (b) notavit Ulpianus (c) qui post traditam Municipum significationem, sed nunc (inquit) abusive municipipes dicimus sua ejusque Civitatis Cives, ut puta Campanos, Puteolanos, Colonia nempe utriusque incolae.

Itaque misso Municipii jure, ad Coloniae conditionem, quæ initio semel accepta, nunquam a Beneventanis mutata videtur, Tribum, in qua illi censui fuerint, referendum esse arbitror: sed quæ propria Beneventanorum Tribus extiterit, ex plurium, quæ in nostris lapidibus memorantur, Tribuum diversitate non satis constat; itaut potius, quæ ex tot Tribubus, Beneventanorum propria fuerit, quam ut in Romanam Tribum eos adscriptos probemus, jam nobis sit laborandum: & sane in Palarina adscriptus legitur C. Octavius Modestus, cujus lapidem modo

[a] Quod de propria Municipii significatione intelligendum est, nam sera ætate præter dictum lapidem Municipipes Beneventanos etiam abusive usurpatos invenio in Epistola Gelasii Pontificis ad Epiphaniam Episcopum Beneventanum, qui floruit an. 499. En verba ex Gratiano *Caus.* 17. q. 4. c. 10. *Frater & Coepiscopus*

nostr Epiphanius sua nobis relatione suggestit, Beneventum, & Maurum Beneventanæ Municipipes Civitatis in Contumelia Religionis acerbam nimis, & inestibili contumacia profluisse &c.

[b] Noët. Aët. l. 16. c. 13.

[c] L. 1. Dig. Ad Municipal.



modo recitavimus, quem etiam *Municipes suos* appellantem Beneventanum Civem fuisse non dubitabimus, ut de sequentibus dicendum est, quorum Lapides in hanc rem consulto selegi: Sic C. Luccius C. F. Stellatinâ Sabinus, qui dicitur *Beneventi Decurio*; item C. Catus C. F. Meneniâ Balbus, nec non Q. Plautius Q. F. Quirinâ Romanus, & quod incertiore rem facit, in eodem ipso Lapide, qui hujus Dissertationis est titulus, duæ diversæ Tribus duobus Civibus junctim commemoratis sese simul produnt nam C. Firmilius in Pupiniam, L. Terentius in Stellatinam adscripti leguntur: Adde, quod de hisce Tribubus, nimirum Palatina, Stellatina, Quirina, Menenia, Pupinia æquè frequens in aliis nostris Lapidibus, (ut in Thesauro spectare est) habetur mentio; itaut utra earum ad Beneventanos in univsum spectaverit, vix etiam conjectare detur; At de hac re, quam observasse præstat, prius quid alii, dein dicam ipse quid sentiam.

Ex loco quidem Livii, qui universos Formianos, & Fundanos in Æmilia, Arpinates in Cornelia censo narrat, jamdiu Viris doctis ea infedit sententia, ut omnes cujusquæ Colonix, aut Municipii Cives in unam eandemque Tribum adscriberentur, quæ uni Civium propria, omnibus deberet esse communis: Quod & ratio, & necessitas ita fieri postulabat, ne aliter qui unius loci essent Cives, in diversis Tribubus censi, Comitiorum tempore inter se segregati fuæ quique Tribui se consociantes fraudi locum facerent, aut Comitia ipsa perturbarent: Hinc in Urbe una non nisi unam, cui adscripta esset, Tribum agnoscit Sigonius (a), qui ex L. Æmilii Mutinensis, qui dicitur Polliâ, M. Apicii Veronensis, qui dicitur Publiâ, C. Umbricii Florentini, qui dicitur Scaptiâ, & sic ex aliorum Lapidibus, omnes Mutinenses in Polliâ, omnesque Veronenses in Publiâ, ac Florentinos in Scaptiâ censo affirmat; quod de Pilanis quoque statuit Card. Norisius (b) qui aliquot Lapidum fide, Galerix eos docet adscriptos: Quid, quod de Beneventanis idem tulisse judicium invenio Viros clarissimos, noitrique Ævi eruditissimos Muratorium (c) atque Gorium (d), quorum pari sententia, unius vel alterius Lapidis testimonio, Stellatinæ Tribui Beneventani omnes adjudicantur.

At quam fallax sit ejusmodi judicium, Lapides ipsi manifestè declarant: dum enim ex altero ejusdem Urbis Lapide altera prodeat Tribus, aut si ex pluribus ejusdemmet Urbis Lapidibus, ut de Benevento jam constat, plures appareant Tribus, quæ ejusdem loci Civium propriæ fuerunt, jam nesciet quis, (si modo de unâ velit tantum contendere) quæ tandem illa fuerit, in qua universi Cives olim conserentur: Itaque sic ego statuebam.

Primum distinguendum esse animadverto illum Tribuum numerum, qui in singularem personam, ab eo, qui in diversos ejusdem loci homines sese effundit: nam, quod unus idemque Civis in binas, aut plures Tribus adscriberetur, in iisque omnibus uno tempore, unisque Comitibus sua ferre suffragia posset, nullo pacto concesserim: sunt quidem ex universa Antiquitate tres Lapides, qui hujus rei testes proferri queunt, quorum prior ad Augustum pertinet his verbis apud Grut. p. 226. 3.

## G

## C. IV-

(a) De Jur. Ital. l. 3. c. 3.

(b) Cenotaph. Pil. Diff. t. c. 1.

(c) Murator. p. 842. n. 4. ad insignem Inscriptionem repertam in Opp. Ostroe Comitatus Hadzgez. in Transilvania, ubi initio sic legitur: *Sex. Pilonius Sex. F. . . STE. Modestus Benevento*: hæc subdit: *Beneventani adscripti fuere Tribui Stellatinæ.*

[d] Gorius Inscr. Etrusc. T. 2. p. 191. ad Lapidem L. Petronii ab Atretinis dedicatum ita commentatur: *In Sabatina Tribu Petronium censum fuisse constat, quare suspicari aliquis posset, eum Volaterris originem duxisse, nam, ut vidimus, Sabatina Tribus propria Volaterranorum fuit. . . . Sed id cerèd affirmari non potest, eum una, eademque Tribus pluribus municipiis, & Colonis communis non raro fuerit: libet id confirmare corundem lapidum testimonio: Probd omnibus eruditis perspectum in Stellatina Tribu Cortonenfes suffragia tulisse, ut inferius constabit, & tamen eam quoque Beneventanis communem fuisse indicat sequens sepulchralis ineditus titulus ibidem erutus, qui extat in Ecclesia S. Felsi ex*

*MSS. Cod. Regii: id etiam clarissimè liquet Ordini Amplissimo splendidissimoque Decurionum . . . haud accensus nisi ejusdem Colonix, aut Municipii Cives . . . sed ecce prælaudatus titulus: C. TVCCIVS C. F. STELL. SABINVS BENEVENTI DECVRIO VIVVS SIBI ET OFILLIAE VXORI ET TVCCIO VERECVNDIO FRATRI POSTERISQ. SVIS FECIT. Exhibet etiam hunc Lapidem Muratorius p. 1032. n. 7. iisdem verbis, iisdemque mendis scitentem, imo, & æquè mutilum, nam plurima desunt, quæ in nostro Thesauro habebis: nunc, quod attinet, Beneventanos omnes in Stellatinam fuisse conjectos ex eo Lapide persuasum fuit Gorio, cui etiam questio illa [ut id obiter notem] supervacua esse debuit, an scilicet una eademque Tribus pluribus Municipiis, Colonisve communis aliquando fuerit: De ista enim re nemo unquam vel leviter dubitaverit, quam certam exploratamque omnino efficit exiguus Tribuum numerus, qui ad xxxv. attingebat; quo enim modo innumeris Colonis, Civitatis jure donatis consulendum erat, nisi plures in eadem Tribu conserentur?*

C. IVLIO . C. F.  
FAB. . . . . SCAPT  
CAESARI  
A V G V S T O

Posteriores duos ex Grutero eodem p. 435. 1. & 918. 16. exhibet Grævius in Cic. ad Att. 4. 16.

L. MANLIO A. F. . . . . Q. MINVCIO  
AN. GAL. BOCCH. . . . . Q. F. FAB. POP.

MACRO

Quibus, si cui lubet, addi posset *Opimius VEIEN. TRO.* *Antius* qui in eadem Epistola occurrit, quam lectionem in multis libris depravatam, atque ab aliis variè correctam, ita Grævius restituendam putat, ut *Opimius*, *Vejentinæ* *Tromentinæ*que *Tribus* simul adscriptus fuerit, ut *Augustus Fabiæ*, & *Scaptiæ*, *L. Manlius Annix*, & *Galeriæ*, *Q. Minucius Fabiæ*, & *Popiliæ*, quorum exemplis restitutam lectionem tuetur: At de ipso Ciceronis loco cum non rectè constet, itaut dubio exemplo uti nefas sit, adhuc etiam de posteriorum *Lapidum* fide suspicari licebit: quorum alterum, ex cognomine *Bocchi*, quod a Romanis prorsus abhorret, vix credibile habet, ut peregrinus homo in Civitatem adlectus duplicem *Tribum*, quod nulli etiam ex primoribus veterum Romanorum concessum, obtinere potuisset; alterum verò mendosum esse constat ex eodem Grutero, qui antea pag. 438. 8. pleniorum, & correctiorum exhibet ex *Manutii*, & *Verderii* schedis in hæc verba: *Q. MINICIO Q. F. POP. MACRO* &c. ut jam *Tribus Annia*, quæ *Popiliæ* adhaeserat, omnino evanescat. Reliquus est *Augusti lapis Brixix* repertus, cujus fidem libenter ego amplexus ex *Sveton. c. 40.* qui *Fabianos*, & *Scaptienfes* *Augusti* tribules disertè memorat, nullum tamen ex eo exemplum rectè peti posse contendo; quid enim? minimum omnium hoc profecto fuit, quod *Augusti* fortunæ, & auctoritati obtigisse potuit, ut ambæ *Tribus*, quarum *Scaptia* gentilis ei fuit, in quam *Octavia* Familia censcebatur, *Fabia* vero, quæ *Juliorum*, in quam adoptionis jure transivit, ambæ, inquam, *Tribulem* æquè suam jactarent; ita enim suo potius, quam illius honori consuebant, in quem summis honoribus libertatem quoque Reip. lædentibus afficiendum omnium studia ad adulationem usque jamdiù fervebant: neque ex ea re minuendorum *Populi* suffragiorum metus erat, cum jam antea (a) a *Julio* *Cæsare* dictatore perpetuo divisus pro dimidia parte inter se, ac *Populum* suffragiis, ea suffragiorum jura sibi adempta *Resp.* ferre consueverat, quod tamen exemplum continuato, imo firmato jam Principatu imitari noluit *Augustus*, qui *Populo* restituit suffragia, reducto pristino comitorum jure (b): non retinerent autem *Tribulem* suum *Augustum* ex duæ *Tribus*? cum jam *Tribus* ipsæ ex Principum nomine novum sibi, mutui honoris causa, nomen facere cepissent: sic de *Julia* *Tribu* inter alios honores *Cæsari* Dictatori habitos testatur *Dio l. 44.* & *Lapides* apud *Grut. p. 540. 4. & 924. 15.* De *Augusta* *Lapis* apud *Fabrett. c. 4. n. 513.* quod erga sequentes Principes non semel factum est; nam ex *Trajano* *Ulpiani* *Tribum* cognominatam docet *Lapis* apud *Grut. p. 802. 9.* ex *Domitiano* *Flaviam* p. 566. 5. quas haud novas *Tribus* ex integro constitutas, sed veteres ipsas, veteri abjecto nomine, recens id nomen, ut Principis nomini blandirentur, sibi assumisse omnino credendum est.

Quæ cum ita sint, ex uno *Augusti* exemplo rem totam definire, ut nimirum fuerint aliquando qui in duplicem *Tribum* nomina darent, absurdum est, eoque gravius, dum, si audiatur *Heineccius* (c), ex eodem *Augusti* exemplo jam in adoptivis omnibus jus idem statui placeat, sicque unus idemque *Civis* in duplici *Tribu* ferebat suffragia, si se dedisset alteri in adoptionem; hunc enim & *Patris* naturalis *Tribum* retinebat, & *Tribui* *Patris* adoptivi adscribebatur: quod omnino falsum censei debet, nihil enim apud Romanos antiquius, quàm, cum quis per adoptionem in alterius Familiam transfiret, nulla in eo veteris Familiæ jura amplius agnosci, cujus vix nomen in cognomen derivatum, solius memoriæ causa servare permittebatur; cætera enim omnia, quæ *Civis* *Romani* erant, ut puta, *Hereditates*, *Sacra*, quæ in sua naturali Familia obtinebat, integra amittebat, ex quo cum ipso nomine eadem adoptivæ Familiæ jura affectus esset: Præclarè id explicat *Cicero* (d), ubi fictam adoptionem, qua *Clodius*, ut *Tribunatum* gerere posset, in *Plebejam* Familiam *Fontejam* simulatè se transfudit, his verbis ei exprobat:

[a] *Sveton.* in *Jul.* c. 41.  
[b] *Sveton.* in *Octav.* c. 40.

[c] *Antiq. Rom.* in *Append. l. 1. c. 1. n. 64.*  
[d] *Pro Dom.* c. 13.



bat: *Tu neque Fonteius es, qui esse debebas: neque Patris Heres; neque amissis sacris paternis in hac adoptiva venisti*: Amittébantur igitur ad adoptato veteris familiæ jura omnia, ac proinde Tribus illa, in qua olim cum suis gentilibus censēbatur, quum in adoptivæ familiæ nomen, jura, ac Tribum translatus esset. Id quod disertis verbis, quod Tribum spectat, confirmat P. Scipio (a) in ea oratione, quam Censor habuit ad populum *de moribus*, ubi inter alia simulatarum adoptionum, quæ contra majorum instituta tum fieri solebant, fraudes ostendens, non solum Patri adoptatori filium adoptivum inter præmia Patrum prodesse querebatur, verum etiam in alia Tribu Patrem, in alia Filium suffragium ferre: quod ita intelligendum est, ut ob simulatam adoptionem adoptivus non in adoptantis Tribum transfret, sed in sua gentili Tribu etiam post adoptionem permaneret, cum tamen, ut ex ipsius Scipionis verbis optimè colligitur, in eadem adoptantis Tribu adoptivus censi debuisse: tantum abest, ut utramque Tribum adoptivus retinere posset, quæ maxima omnium fraus fuisset, nunquam profecto, ut Scipionis silentium probat, committi solita, tametsi facili negotio patrari poterat, si unquam in legitimis adoptionibus institutum illud de duplici retinenda Tribu viguisset.

Atque hinc (quod hæcenus nemini fortasse animadversum fuit) patet causa, cur veteri Romanorum Jure (nam Rep. eversa privilegium hocce, quamquam etiam rarò, a Principibus dabatur) nemo posset Romanæ (b), alteriusque Civitatis simul Civis esse; in alterutra enim Civis esse debebat, itaut si Civitati alteri nomen datum esset, statim Romanam amitti oportebat: Ita Cic. pro Balb. c. 28. *Duarum Civitatum Civis esse nostro jure civili nemo potest; non esse hujus Civitatis Civis, qui se alii Civitati dicavit, potest*: & rursus pro A. Cæcina. c. 34. Unde T. Pomponius Atticus Ciceronis familiarissimus Atheniensium Civem cum suum acclamantium studia neglexit: quod nonnulli (inquit Corn. Nepos in ejus vita) ita interpretantur, amitti Civitatem Romanam alia adscita; Causa, inquam, ea, ni fallor, fuisse videtur, quod cum inter Romanam Civitatem, aliasque nullum Juris discrimen esset, quippe quæ æquo Principis Urbis jure jam donatæ fuissent, fieri inde poterat, ut unus, idemque Civis, proptereaquod in pluribus Civitatibus, earumque propriis Tribubus adscriptus esset, eo prætextu, aut ratione in diversis Tribubus suffragia ferre posset, quod nullo jure, exemplove licuisse constat. Neque Attici exemplum hanc meam conjecturam excludit ex eo, quod Athenienses nihil cum Romanis commune haberent, a quibus, teste Strabone, libertate donati, legibus Magistratibusque suis, ut antea, vivere permittebantur, nam Sylla, ut tradit Appianus, Piræum concremassè contentus pristina libertatem concessit, quam etiam indulgènter Cæsar, licet adversus se pro Pompejo steterint, ut id Appian. & Dio testantur: Etenim non illud omnino certum, quod Atheniensis factus Civitatem Rom. statim Atticus amittere debuisset, cujus qualis in ea re mens fuerit, non constat, sed aliorum tantum interpretationem opinionemque affert Nepos, neque unquam ab eo Civitatem Romanam amissam legimus, quamquam contra Neporem stet optimus testis Cicero, qui in pluribus ad eundem Atticum epistolis, præsertim l. i. ep. 16. & l. 2. ep. 1. nunc Athenienses, nunc Demosthenem illius Cives apertè vocat; ut certe non diuturno tantum, ut plerique ex recentioribus opinantur, domicilio, quo nonnisi incola dicendus fuisset, sed adlectione Civis demum fuisse credendus sit, nullo amittendæ Civitatis Romanæ periculo, dum ex diversis utriusque Civitatis juribus ratio illa duplicandarum Tribuum, augendique suffragiorum juris omnino cessare videbatur. Quod ubi abesset, illud ego quoque tutus affirmaverim, potuisse Romanum Civem, in duabus Civitatibus Romano jure æquè pollentibus nomina retinere, quod præclare satis explicat idem Cicero dum in *de Legibus* l. 2. c. 1. duplicem cuique Patriam esse posse ostendit, ut Catoni Tusculum, & Romam, ut sibi Arpinum, & Romam, nimirum, unam naturam, alteram Civitatis: at de his hæcenus.

Ad eum Tribuum numerum, seu diversitatem quod attinet, quæ inter plures ejusdem loci Cives frequentius spectabatur, non ego abnuerim in una omnes Tribu censos dici oportere tum, cum alicui Oppido in universum Civitatis Romanæ jura primùm concessa fuerint, aut Romanorum Civium Colonia sit illuc deducta; priorem partem spectat Formianorum, Fundanorum, & Arpinatum exemplum, quod nuper e Livio accepimus, cum enim ii Populi Civitate jam fuissent donati, singuli propriam Tribum Valerii plebiscito acceperunt, in qua universi

G 2

[a] Apud Gell. l. v. c. 19.

[b] Apud Græcos sæcūs res se habuit, ubi passim mos tenuit, unum, eundemque Hominem plurium Urbium simul Civem fuisse, idque præsertim Viris arte aliqua, aut doctrina clarissimis sæpe contigit. Vide de hac re

Spanhem. Orb. Rom. Exercit. i. c. 4., cujus inter alia, pulcherrima ac satis verisimilis conjectura, cur adeò de Homero Cive tot Græciæ Urbes inter se certaverint? cum enim singulæ in suum Civem adlegissent, jam quæ natalis ei Urbs fuerit, oblivioni datum.

universi censi sunt: idem cum Sabinis factum credere par est, quibus cum primum Civitas sine suffragio data fuerit, postea vero, (ut inquit Paterc. l. 1.) *Suffragii ferendi jus datum*, ea de causa Sabini omnes in unam Tribum coniecti fuere: Haud secus in Coloniarum deductionibus servatum verisimile satis est: Licet enim non ex una, sed diversis e Tribubus deducendorum Colonorum delectum fieri consueisse rectè existimemus, omnes tamen, si Civium Romanorum optimo jure ea Colonia deduceretur, in unam translatos Tribum non ineptè arbitramur; id enim postulare videbatur ratio novæ illius ab Romana propagatæ Civitatis, quæ nunc primum ex integro constituta, seu etiam, ut aiebant, condita satis commodè uni Tribui adscribi poterat: sed his demum exceptis, nihil ob stare videbatur, quin ex aliis plerumque causis plures ejusdem loci Cives in diversis Tribubus censerentur.

Prima illa esse videtur, quam ex iisdem Coloniarum deductionibus rectè petimus, dum tamen plures in eundem locum deductiones factas esse constat. Quis enim sibi verisimile persuadeat, aut in subsequentibus deductionibus veterum Colonorum omnium familias fuisse extinctas, aut, si quæ veteres essent priorum Colonorum familiæ novis supervenientibus in statum istorum Tribum transisse? Imo nihil contra verisimilius, quàm veteres Colonos in sua quosque Tribu sese continuasse, qui agro plerumque animo in suos lares atque agros recentes Colonos excipiebant, cum quibus nonnunquam ea de re dissidia erant, & jurgia; quod (ne alia exempla quæram) inter Pompejanos, & novos Colonos a P. Sulla deductos, evenisse testis est Cicero (a). At quid moror? Plures alias, quæ passim hanc Tribuum inter ejusdem loci Cives diversitatem inducebant, causas Viri docti notarunt (b); nempe Adoptionis, Habitationis, Censûs, quibus aliam ego addiderim, *Accusationis*, dum Tribum *Damnati*, si ea nobilior suâ esset (c), tanquam accusationis præmium *Accusator* consequeretur, teste Cicerone *pro Balb. c. 25*. Verùm hæc omnia Cl. Oliverio minime probari video, qui ejusmodi causas de Romanis indigenis duntaxat certas agnoscit: *poterant enim* (inquit (d) *Romani occasione adoptionis, habitationis, Censûs, vel similis de una in aliam Tribum percommode transire, in omnes enim Tribus Romani distribuebantur; verùm alia causa querenda est in Colonia, & Municipiis, quæ integra cum universis Civibus uni ex Tribubus adscribebantur: Hinc Pisaurenses suos modò in Camilia, modo in Palatina, modo in Sabatina censo nactus, sic statuit: ut primùm in Camilia post bellum sociale censi, postea*

verò,

[a] Pro Sulla c. 21. ubi Pompejani non alii, quam Cives Pompeii Campaniæ Oppidi propè Neapolim.

[b] Reinesius Class. 2. 24. Sponius Miscell. sect. 2. art. xi. Capponius apud Malval. Mar. Fels. p. 118 qui Bononienses modo in Lemonia, modo in Stellatina census ob novos Colonos ab Augusto Bononiam deductos conjectavit; atque ad has iteratas deductiones Tribuum diversitatem omnino requirit Fontaninus in Antiq. Hortæ l. 1. c. 2.

[c] Quæ causa, ut dixi, inter alias fuit Tribuum diversitatis inter ejusdem loci Cives: Constat enim, præcipuum illud Censorum munus fuisse, ut veluti Magistrum morum constituti in eos Romanos Cives, qui turpiter viverent, variis pro modo culpæ poenis animadverterent: *Censores* (inquit Livius l. 24. c. . . .) *vacui ab operum locandorum cura propter inopiam Ærarii, ad mores hominum regendos animum adverterunt; castigandaque vitia, quæ veluti diutinis morbis corpora ex sese gignunt, nato bello erant: Pœnarum autem summa illa erat, ut qui Cives flagitiosam, Romanoque Viro indignam vitam ducerent, Civitate privarentur; quod tamen non uno modo eveniebat, nam præter Senatores, qui Senatorio ordine tunc morti censebantur, si in Collegarum recensu alicujus Senatoris nomen consultò præteriretur, præter etiam Equites, qui publicum, privatumve, quem alerent equum vendere jussi, ex eâ re equestri ordine privati censebantur, reliqui omnes, qui universum Plebis nomine Cives habebantur, Censorum sententiâ, vel adempta penitus Civitate in Cærium tabulas, aut inter Ærarios refererentur, vel saltem ex honestiore, in qua erant Tribu ad minus honestam*

aliam transire cogebantur: ex Tribubus enim aliam aliâ honestiorem fuisse sive Auctorum, five Tribulum nobilitate, imprimisque Rusticas Urbanis præstitisse jam constat; cum enim Urbanæ Libertinis referre fuerint, quos antea ab Ap. Claudio Censore per omnes Tribus distributos, dein a Q. Fabio, & P. Decio Censoribus in Urbanas simul coniectos narrat Livius l. 19. 46., jam illa ejusmodi hominum conditione moribusque sedatæ plurimum detrimenti ingenæ Romanæ virtuti intulere, ut hi propterea in rusticas Tribus secesserint: Hinc ab Rusticis ad Urbanas Tribus transferri infamæ, ac magno supplicii loco habebatur, unde Plin. l. 18. 2. *Rustica Tribus laudatissima eorum, qui rura haberent: Urbana verò, in quas transferri ignominia erat, desidia, & probro: Ut igitur Romæ, ita quoque in Colonia Censores Quinquennialium sæpe nomine appellati; ac de Coloniciis quidem Censoribus diserte Livius l. 29. c. 15. ubi Censum commemorat in Colonia actum eadem Populi Romani formulâ, quam deserri Romam mos erat à juratis Censoribus Coloniarum, priusquam Magistratu abirent: An igitur nunquam fieri potuisse existimabimus, ut Censores Colonici eos Cives, qui turpem vitam ducere convincebantur, nobiliore Tribu motos in deteriore aliam detruserint? Liv. l. 45. 15. Negavit Claudius Censor suffragii lationem injussu Populi Censorem cuiquam homini, nedum universo ordini adimere posse: neque enim si Tribu movere posset, quod nihil sit aliud, quam jubere mutare Tribum, ideo omnibus quinque & triginta Tribubus movere posse.*

[d] Marm. Pisaur. Not. xxxi.



verò, eà Tribu dissolutà, in Palatinam translata, restitutà demum Camillia partim in eam Veterum Tribum ad generis sui ostentationem sint regressi, partim Palatinam retinuerint; Sabatinam autem ad postrema Imperii tempora deducit, quando scilicet Comitibus sublati Cives Romani Tribum, quam maluissent, solius honoris causa sibi addebant: atque hæc quidem doctus Eques de Pilaurenibus suis ingeniosissimè excogitavit, quæ tamen an rectè consent non quæro, ad reliquas autem Colonias omnes trahi posse omninò nego, in quibus, ut diversarum Tribuum peculiare cuiquæ causas quæramus, frustra erit laborasse: Hinc nihil tutius, aut etiam certius, quàm iis satis obviis, manifestisque rationibus rem definire: neque enim inter Romanos indigenas, & Colonos discrimen ullum agnoscere licet, dum Jus Tribuum nunquam loco, aut habitationi affixum fuisse constat; imò quum Romanis indigenis fas esset promiscua Tribuum adscriptione uti, quid vetat ut ex iisdem ferè omnibus, quibus illi, causis etiam alii, qui extra Romam æquo atque optimo Civium Rom. Jure potiebantur, in diversas Tribus adscribi potuerint?

At sicuti id verum putabimus, ita etiam in ea Tribuum diversitate, quæ in eadem Colonia fuit, aliquam ex tot Tribubus, in quas Cives distribuebantur, extitisse verisimile est, cui ab sua origine Colonia adscripta fuit, nomenque suum Cives pro magna parte dare deinceps solebant: Hinc licet in Stellatinà, Papirià, Menenià, Palatinà, Quirinà Beneventanos æquè Censos nostri Lapidibus testentur, non abnuerim tamen primum locum Stellatinæ tribuere. Hanc A. U. 369. ortum habuisse constat ex Livio, qui l. 6. §. *Et anno, ait, in Civitatem accepti, qui Vejentium, Capenatium, Falisiorum per ea bella transfugerant ad Romanos, agerque iis novis Civibus assignatus: Tribus quatuor ex novis Civibus addita, Stellatina, Tromentina, Sabatina, Narniensis: Stellatina* initium notare volui, ne cui fortasse in mentem veniat eam a Stellate Campo prope Capuam nomen duxisse, cum enim in eos fines nondum eo tempore Romani suum Imperium protulissent, illud semper verum erit quod tum Cato in Originum fragmentis, ac Fabius Pictor a Sigonio testes adducti, tum etiam Festus tradidere, a Stellatibus Hetruriæ populis in Civitatem Romanam commigrantibus ejusmodi nomen Tribui factum; non igitur a Campaniæ campo Stellate, quod Benevento propior esset, conjectura ulla esse potest: Cum autem, si in nostros Lapidibus universos oculos sedulo intenderimus, non alia frequentior, quam Stellatinæ Tribus occurrat mentio, in eaque (quod in aliis non item constat) omnium fere ordinum professionumque viri adscripti habeantur, probabile tandem videri potest eam Tribum inter Rusticas satis præstantem præcipuè a Beneventanis fuisse frequentatam: quod si in solam militarem professionem res deduci velit, universi plane (si unum, aut alterum, demas) qui militiam sequuti sunt summis etiam in illa muneribus perfuncti inveniuntur, qui in Stellatina Tribu censeri gaudent, ut militares Lapidibus excurrenti (quos ad xxv. superstites noster thesaurus exhibebit) statim compertum erit; qui sanè Beneventanorum militum in ea sola Tribu recensentur, vel potius ex ea sola Tribu Beneventanorum militum delectus, (& quidem ut in Romana militia pro jure Civium, quod obtinebant, Legionarii essent, in qua etiam per omnes gradus ad Tribunatum aliquando pervenisse constat) non aliam, quàm Stellatinam Beneventanis Civibus aut frequentiore, aut antiquiore, aut certe nobiliore fuisse demonstrat.

## CAPUT QUARTUM

*In reliqua Marmoris verba Commentarius.*

Postquam Beneventanæ tùm Urbis tùm Colonæ origines, nomina, fortunæque vices longo, ac difficili emenso spatio percurrisse jam fategerimus, superest modo, ut, qui hujusmodi exequendis rebus opportunam dederit occasionem, ipsiusmet lapidis reliquis verbis illustrandis operam aliquam postremo loco impendamus: quod tum ex prædictis jure meritoque ipse sibi Lapis præstandum expostulat, tum quoque ex eo, quod pleraque adhuc observanda exhibeat, quæ nec me profecto piguit paulo diligentius animadvertisse, nec alios jam animadvertenda novisse fortasse poenitebit. Priusquam tamen rem hanc penitus exequi institui, aliqua de ipsius Lapidis fato, quæ hætenus comperta habui, dicam. In MMS. antiquis schedis, quæ apud me asservantur Lapidem hunc ann. 1670. prope Arpadii oppidum, ubi antiquum Caudium fuisse constat, effossum fuisse habetur; sed ante eum annum hunc Lapidem in numerosiores tamen lineas distributum protulit Cam. Peregrinus in Camp. Fel. Diff. 2. c. 5. quod opus vulgatum

tum fuit an. 1651. ubi illud etiam Peregrinus testatur, eundem Lapidem olim eluvionibus imbrum detectum *Arpaja*, sed mox eodem casu denuò humi conscriptum dispersiisse: Potuit igitur Lapis ipse rursus dicto anno 1670., ut nostræ schedæ habent, lucem aspexisse: sed tamen Peregrini exemplar sequuti videntur tum Gudius p. 93. n. 4. tum etiam Fabrettus cap. 2. p. 105., de quo illud mirari subit, quod extantem eum dicit: *In Pradio D. Aequitis Sylva sub Tusculo tribus prioribus lineis abrasis*: Lapidem, quem Fabrettus affert eundemmet omnino esse, ac qui a me initio exhibetur, dubitaverit nemo, iisdem enim conceptis verbis uterque constat, & quod magis est, utrobique certus, idemque locus exprimitur, quo olim Beneventana Colonia erigendum curavit, idest: *In Territorio suo, quod Caudinorum Civitatem cingit muro tenuis*: At quid causæ fuit, ut ejusmodi Lapis ex patriis sedibus eam tamen veluti certam alieni Domini notam fervorum more, propria fronte manifestam circumferens Tusculanum aufugeret? Aut eum Lapidem Fabrettus nunquam vidit, sed a quopiam alio falsæ loci mentione, & quod pejus est corrupta versum, ac verborum aliquot serie exceperit; aut si umquam sub Tusculo aliquando extiterit, eodem (tanti præclarus Lapis æstimatus fuit) asportatum fateri oportebit. At si priores tres lineas abrasas fatetur Fabrettus, unde posthac ipse habuit, ut ad fidem nostri Lapidis supplere potuerit? Sed nunquam abrasas tres priores lineas fuisse videri potest, sed verius quarto, atque octavo versu lacunam aliquam noscere licet ex nostrarum schedarum exemplo, quod ad exactissimam ipsius Lapidis fidem descriptum fuit: cujus quidem lacunæ rationem inferius ostendam.

Nunc, quod attinet, marmoreum hocce laudis obsequiique monumentum *JULIÆ AVG. IMP. CÆSARIS L. SEPTIMI SEVERI* erexit Beneventana Colonia; atque hac scribendi formula priscam illam, nec posteriori quoque ævo obsoletam scriptionem, locutionemque usurpavit, qua nempe per solius mariti nomen adjectum eadem Julia Septimii Severi uxor jam satis intelligeretur: Et quidem prisca homines cum *Terentiam Tullii, Liviam Drusi*, dicerent, aut scriberent, uxorem indicabant, ita certe præter *Lipsum ad Tacit. hist. 4.* ipsi docent lapides, in quibus sæpe occurrunt *Antonia Drusi, Domitia Bibuli, Messalina Neronis, Domitia Domitiani*, de quibus *Rupert. epist. 41. ad Reines. lap. 156. 235. & 237.* sic etiam in *Gruter. p. 584. 11. 628. 9. 879. 7.* & de *Lucilla Veri* plures dat lapides *Fabrett. pag. 514.* antiquam denique numisma *Plotinæ uxoris Trajani* ita inferibitur: *Plotina Aug. Imp. Trajani*: His etiam exemplis addidisse lubet insignem lapidem, quem prope Puteolos nuper repertum refert *Pratillus De Via Ap. l. 2. c. 8. f. 202.*

## DIANÆ CVSTODI

## SAC

## ANNIA FAVSTINÆ AVG

## PII CÆS LIB.

## V.

## S.

Ita enim lapidem omnino explicandum censeo: *Diana Custodi sacrum. Annia Liberta Faustine Augustæ Pii Cæsaris* (hoc est Uxoris M. Antonini Pii Cæsaris) *Votum Soluit.*

At unde isthæc loquendi, scribendique formula manarit, non adeo certum constat: neque enim eorum video probari posse sententiam, qui quod mulier per Consecrationis Ritum (quem primum, atque omnium arctissimum connubii vinculum erat) Marito juncta ei Filix loco haberetur, inde esse putant, ut post proprium nomen sine ulla conjugis expressione alia, illud mariti sibi assumeret; quo sane nominum veluti nexu summam illam eandemque, quæ Patrem inter, liberisque viget, conjunctionem, inter utrumque Conjugem pari modo adesse demonstrabatur: plura enim sunt, quæ contra ejusmodi sententiam manifeste pugnant: & sane quamquam illud verum sit, quod in individua illa vitæ consuetudine, quæ in conjugio continetur, ea promanet animorum corporumque conjunctio, quæ Parentum, Filiorumque naturalem propinquitatem non æquare solum, sed etiam superare videatur; ut proinde eo loquendi exemplo declarari haud opus sit, falsum tamen illud esse patet, quod eadem formulâ, in qua solus contineretur duorum nominum nexus, quorum alterum alteri patrio casu esset appositum, in nuncupandis, dignoscendisque filiis aliquando uterentur Veteres, nullum profecto ejus rei vestigium in omni antiquitate Romana, (Græcam non heic moror) invenietur; quid enim tam novum, atque insolens afferri poterit, quam si Cajum, Luciumque Augusti, Trajanum Ner-



væ dicemus, cum hunc Nervæ, illos Augusti filios aliis demonstrare velimus: Scio, dum apud Scriptores de mulieribus mentio habenda fuerit, eas aliquando solo Patris adjecto nomine, cuius haud *Filia* exprimuntur, jam esse Filias recte intelligi. Sic apud Ciceronem de Divinat. l. 1. c. 46. *Cæcilia Metelli* occurrit quam Q. Metelli Cretici filiam fuisse constat, sed ni mendum eo Ciceronis loco suspicari velimus, ut pro *Cæcilia Metelli*, ut habent editiones omnes, quas hactenus vidi, restituendum sit *Cæcilia Metella*, quod ex inferius a me notandis vera fortasse lectio apparebit, cum adhuc tamen stet *Cæcilia Metelli*, id nonnisi rarissimi res exempli habenda erit, atque aliquando ita cum mulieribus actum videri potest, quod cum prænومine, ac plerumque cognomine carerent, nomen Patris, quo certius innotescere possent, suo nomini copulabant: Sed in hac re statuenda nulla tutior fides, nulla gravior auctoritas, quam quæ nobis ex antiquis lapidibus jam præsto esse videtur: ex antiquis, inquam, lapidibus, inter quos eadem, *Cæcilia Metelli* mox prodibit, huiusce rei ratio omnis excipienda erit, in quibus nihil tam frequens, atque obvium, quam quod in commune omnium ætatum, omniumque veterum more positum constat, ut scilicet, eorum nemo, qui ingenuæ conditionis fuisse appareat, post suum prænomen, nomenque, adjecto statim Patris prænومine, singularem literam F. non apponeret, qua sese illius esse Filium expresse profitebatur, quæ quidem F. si umquam in lapide desit, vel temporis injuria, vel marmorarii negligentia omiſſa cenſeri debet.

Rem satis pervulgatam pluribus exemplis illustrare supervacaneum puto, uno dumtaxat contentus, quo res ipsa mirifice confici videtur: Is porro est lapis, seu titulus *Cæcilix* (quæ paulo ante memorata est) *Metellæ* sepulcræ prope Romam inscriptus ap. Grut. p. 377. 7.

## CAECILIAE

## Q. CRETICI F.

## METELLAE CRASSI.

ubi vides jam, *Cæciliam Metellam* Patris infimul ac mariti nominibus inter propria nomina satis eleganter interiectis distinctam memorari. Q. enim *Metelli* a subacta insula Creta Cretici appellati, fuit *Filia*, M. vero *Crassi* cognomento *Divitis* Uxor: at quæne de causa factum fuit, ut prioris filiam, adhibita F. tam præclare se ostendat, de posterioris vero conditione omnino fileat? Si enim uxor filix exæquaretur, vel ipsa F. in utraque parte fuisset repetenda, aut in utraque potius prætereunda: Neſas tamen fuit post Patris adjectum nomen illam præterire, cum a recepto jamdiu more recedendum non erat; præterita tamen post mariti nomen jam demum aliam, quam, ut loco filix eſſet, conditionem demonstrabat: At quæ tandem fuerit *Conditio* isthæc? Dicam quod sentio.

Quandam servitutis imaginem in uxoribus olim fuisse dubitari nequit, ut proinde illas a servis non ipsam tantum conditionem, verum etiam propriæ appellationis formulam, seu morem mutatas crediderim: Ac, quod primum attinet, jam satis constat, uxores quantumvis ingenuas, Mancipiorum tamen instar apud viros haberi solitas: quod cum ex Divina illa lege, quæ legitur *Genes. cap. 3.* promanasse videatur, ubi mulierem sub potestate viri, qui ei dominaretur, constitutam manifestum habetur, unde & *Sara eod. lib. c. 18.* Abrahamum maritum solo *Domini sui* nomine appellabat, & Apostolus eandem legem respexisse visus, mulieres *subditas viris suis* esse monet; libet tamen ex solis gentium moribus rem ipsam definire; atque cum inter veteres Romanos præcipuè res versetur, notum sane est, quid juris apud illos ea in re fuerit: Mulier sane per Conſarreationis Ritum viro juncta in ejus manum convenire, in potestatem nempe, ut interpretantur omnes, transire dicebatur: Imo *Gellius (a)* præclare satis, ejusmodi uxorem in *mancipio fuisse* affirmat; In Mancipio vero esse procul dubio includit potestatem, & ipsum dominium juris Quiritium, ut ex *Ulpiano*, aliisque probat *Heinnecius (b)*, quem proinde miror in nuncupandarum Uxorū formula transversum ivisse, priorem, quam superius retuli opinionem sibi adoptando; atque de hoc dominio locuti manifeste videntur optimi quique Antiquitatis Scriptores, quando uxorem marito servire dicunt; inter quos *Virgil. Æn. iv. 103.*

*Liceat Phrygio servire marito:*

aut quando maritum uxoris dominum appellant; ut paulo post id. *Virg. v. 214.*

..... *Connubia nostra*

*Reppulit, ac Dominum Æneam in Regna recepit.*

ubi

(a) Noſt. *Adic. l. 10. c. 6.*

(b) *Antiq. Rom. l. 1. tit. 10. §. 6.*

ubi plura congerit Servius, qui licet Coemptionis Ritum alterum nuptialem ejus rei caussam commemoret, adhuc mulierem in potestatem viri cedere, atque ita conditionem liberae servitutis substinere ait; Hinc Uxores non modo maritum agnoscebant Dominum, sed vocabant quoque, ut in lapide apud Reines. Claf. 14. n. 146.

D. M.

L. VIRGINIO VIRGINIANO  
A MILITIIS DOMINO  
MARITO SANCTISSIMO  
CAVNIA TARSIS  
FECIT ET SIBI.

ex qua nuptiarum Conditione optimum ducebat argumentum S. Cyprianus (a) ut Virginum felicitatem ostenderet ajens: VIRGINITAS quid aliud est, quam soluta libertas: Maritum non habet Dominum:

Servorum autem nuncupandorum mos ille plurimum valuit antiquitus, ut post expressum ipsius servi proprium nomen illud, quod etiam Domini proprium erat, patrio casu adnecteretur; atque ita nullo Servi, Domini vocabulo adjecto, quis servitutem servare intelligebatur. Exempla innumera habentur in Tesseriis Gladiatoriis apud Gruter. p. 334., quibus alia congerit tum ex ipsis Tesseriis, tum ex lapidibus Fabrett. cap. 1. p. 39., a quo tamen acriter reprehenditur Boldonius, quod is l. 2. Epigramm. C. p. 104. in Artemisia Caesaris (de qua lapis apud Gruterum p. 607. 4. 2.) uxoris titulum latere dixisset: Peccavit fortasse contra historiam Boldonius, ubi nullius Caesaris nulla Artemisia uxor occurreret, sed mitius agendum erat cum viro docto, qui rectissime noverat communem hanc esse in nuncupandis servis, ac uxoribus formulam, Artemisiamque Caesaris servam potius, quam uxorem fuisse non satis animadvertit: Atque huc ego rem omnem deducendam existimo; Cum enim uxores ad mancipiorum conditionem quodammodo accederent, inde factum esse profecto crediderim, ut quorum non absimilis videretur conditio, una etiam, atque eadem in utrisque nuncupandis formula usurparetur: sed de hac re haecenus.

Juliam Severi uxorem fuisse, spemque Imperii pro sua dote attulisse refert Spartianus in Severo: „Cum amissa uxore, inquit, aliam vellet ducere, genituras sponсарum requirebat, ipse quoque mathestos peritissimus, & cum audisset esse in Syria quamdam, quo id genitura haberet, ut Regi jungeretur, eandem uxorem petiit, Juliam scilicet, & accepit interventu amicorum, ex qua statim Pater factus est, „ Sed cum duo filii Severo fuerint, Bassianus, & Geta, uter ex Julia susceptus sit, quæ unius tantum Augusti mater in nostro lapide dicitur, haud facile constat: Scio nonnullos in ea fuisse sententia, Severum ex eademmet Julia tum Getam, de quo nullatenus ambigitur, tum Bassianum, de quo res incerta manebat, filios habuisse, proindeque haud recte Juliam Bassiani novercam ab aliis putari velit Fabrettus c. 9. f. 680. qui justam potius naturalemque fuisse Matrem certus statuit, recitatis tum Lapidum, tum Scriptorum veterum testimoniis: Ante Fabrettum id ipsum propugnauerant Spanhemius, (a) atque Sponius (b): Itaque Spanhemius hanc Juliam (cum qua Bassianus post Patris obitum incestas nuptias contraxisset traditur), perperam, ait, ab Eutropio, & Orosio ejus Novercam appellari contra fidem lapidis, quem affert, ubi eadem Julia Augusti mater vacatur, qui utique Bassianus esse debet, ac præterea adversantibus Oppiano, Herodiano, Dione, qui omnes Matrem diserte appellant; neque enim, inquit, summi sceleris loco id fuisset, Novercam Privigno matrimonio copulari, cum teste Procopio (c) id apud Varnos minus insolitum accidisset: Quid Varnorum exemplum ad rem faciat, non satis video: De lapidis auctoritate mox videbimus: Interim Spanhemium, ac Sponium, & subinde Fabrettum dum veriolem, quam ipsi putarent, sententiam tueri conantur, omnino falsam amplexos ajo: Id unico argumento satis erit manifestum demonstrasse: Bassianum, Juliam sibi uxorem duxisse certum videri debet, & quidem ejus specie captum, quæ plurimum, vivo adhuc Severo, non sine famæ detrimento floruisse constat: Potuerint igitur Bassianus ita hominis verrecundiam exuisse, ut belluarum more, quibus nulla necessitudinis lex, nullus ex sanguinis pro-

[a] De Bono Pudicitiae. [b] De Præst. numism. |

[c] Recherches d'Antiquité Diss. 12. p. 183.  
(d) Bell. Gothic. l. 4. c. 20.



propinquitate pudor, in naturalis matris nuptias prorueret? (a) at non adeo grave Privigni facinus fuerit affinitatis jura violasse; verum, quid opus conjecturis? Post sextum Imperii annum Bassianus a Macrino inter Edeffam, & Carras caesus fuit quadragesimotertio suae aetatis anno: ita Spartianus: *Bassianus* (inquit) *vixit annis XLIII. imperavit annis VI.* (b): ex his necessario consequitur, cum is trigesimo octavo aetatis anno post Severi obitum imperare cepisset, nonnisi sequenti anno post patratam Getæ fratris necem, aut saltem eodem anno ad parricidium eas incestas nuptias adjunxisse: quis igitur sibi persuaserit, feminam, quæ ad minus quinquagesimum quartum aetatis annum ageret (qualis jam tùm Julia fuisset, si Bassiani mater statuatur) ea adhuc floruisse formâ, qua virum, eundemque filium ad incestas nuptias pellexisse potuerit: Tantum subsidii ad Historiæ res in apertam lucem proferendas Cronologiæ ratio, quam heic Viri docti non adverterunt, asserere valet, itaut ea demum duce, quàm falsum videri debet Bassiani matrem fuisse Juliam, tam contra verum, Novercam extitisse, quippe quæ cum Getam filium vigesimo tertio aetatis anno a Bassiano fratre cæsum amiserit, vix quadragesimum annum tum attigisse potuit, qua ætate vigere adhuc ea forma potuit, qua Privignus nefariè allectus turpiori icelere illam sibi uxorem acceperit.

Atquæ hæc quidem ad hujus rei veritatem probandam sufficerent; sed quo magis illa liquet, contrariis Lapidum, Scriptorumque veterum auctoritatibus occurrendum quoque duxi: Et sane, quod Julia Bassiani mater prælaudatis monumentis dicta fuerit, nil obstat, quin cum revera Noverca esset, eo jucundiore nomine appellaretur; etenim invisum, atque insuave Novercæ nomen fuit semper, quod vix semel, atque iterum in antiquis Lapidibus obvium novit id. Fabrett. p. 202., qui ex frequentiori Lapidum copia magis erga Privignos benevolos Vitricos animadvertit: exinde igitur videri potest, Novercas, quas memorari aliquando oporteret, Matris nomine fuisse honestatas: quod & jure factum apparet, cum quæ Noverca sit, haud omnino falsò Mater dici potest illius, qui proprio Patri justis nuptiis copulatam loco Matris habere debet; quod cum ita se habere possit, non Dio, non Herodianus, aut quicunque alii Juliam Bassiani Matrem dixerunt, Spartiano adversantur, qui ex summa Historiæ fide propalam Novercam, quippe quæ erat, affirmavit, a quo duriori nomine in Matrem translatò, atque verso illi abstinuisset putandi sunt: Id quod ex ipsius Spartiani verbis magis probatum habemus, qui cum passim Juliam Bassiani Novercam statuatur, dùm incestas inter ipsos memorat nuptias, hæc notanda subdit: *Matrem (non alio dicenda erat nomine) duxit uxorem; ad Parricidium junxit incestum; squidem eam matrimonio sociavit, cujus filium nuper occiderat.* Quod vero Lapides attinet, frustra Spanhemius fidem ejus Inscriptionis advocat, quam Scaligero, aliisque eruditissimis Crucem fixisse dicit. Inscriptio ita se habet.

I. O. M. ET

IVNONI REGINAE

PRO SALVTE IMP. M. AVR. ANTONINI

PII AVG. ET IVLIAE AVG. MATRIS

AVG. M. VLPIVS MVCIANVS

MILES LEG. XIII. GEM. &amp;c.

Recte quidem Spanhemius eam Crucem refixit, dum hanc Juliam, quam Soæmiam Elagabali Matrem perperam statuerat Reinesius, Severi uxorem intelligendam censet, male autem ex eo, quod *Mater Augusti* dicatur, ipsius Bassiani qui sub M. Aur. Antonino nomine præcedenti linea memoratur, Matrem demonstrasse putavit: non adhuc Spanhemio innotuerat, quod postea viris doctis compertum fuit, Lapides fere omnes, qui huic Juliæ inscripti fuerint, citra ullam temporis injuriam, data opera, ac plane ipsius Bassiani jussu, aliquibus dictionibus multatos fuisse

H

fuisse

(a) Ex Dionis silentio frustra Spartiani, aliorumque fides, qui diserte de incestis hisce nuptiis meminere, labefactari potest: Laudandum profecto doctissimi Fabretti studium, quo ut tantum facinus ab Orbe Romano amoliretur, ex Jocaestæ nomine, quo vulgo Julia a plerisque appellari solet, incestarum ejusmodi nuptiarum opinionem occasionem scdam, dein vero eadem opinione deceptos Historiographos rem uti certam in sua scripta retulisse conicit: sed haud tanta vel Dio-

nis silentio, vel Fabretti conjecturis vis tribuenda erit, ut manifeste mendacem, aut saltem dubiis, incertisque rerum gestarum monumentis innixum Spartianum redarguamus: non id certe ausus est Spanhemius, qui has incestas nuptias veras agnovit, & Varnorum exemplo minus insolitas comprobavit.

(b) Eandem ætatem, cum Bassianus necatus fuit, eidem tribuit Sponius Miscell. Dissert. 24. p. 395.

fuisse; Abrasum autem in hisce Lapidibus omnino constat Getæ fratris nomen, aut quicquid ejus memoriam servare posset, cujus loco, aut aliud quidpiam superinscriptum, aut lacuna remansit. Itaque, ne a nostri Lapidis exemplo discedamus, vides quartam lineam medio cursu deficere, ubi illæ solæ dictiones *Matri Augusti*, quas sibi statim arripuisset Spanhemius, ut suam confirmaret sententiam, nonnisi ex posteriore manu sunt, cum non *Augusti*, sed *Augustorum*, noster lapis habere debuit, adjectis tum ipsius Bassiani, tum Getæ nominibus, quorum posterius omnino abractum fuit, ut etiam tertium G, in dictione AVGG. octavæ lineæ, quo idem Geta significabatur; Id ipsum, quovis pignore contenderem, in Spanhemiana Inscriptione evenisse, quod manifestum declarat quartæ lineæ brevior cursus, qui præcedentes non exæquat, itaut ante *M. Ulpius Mucianus*, non ibi fuerit *Aug.*, sed *Augustorum*: quod cum non animadvertum fuisset (non enim lapis spectatus fortasse fuit) factum proinde fuit, ut reliquis dictionibus ad *Aug.* . . . . coeuntibus, brevior ea linea evaderet; At sive *Augusti*, inquit, sive *Augustorum* Mater dicatur Julia, nonne eadem uti Getæ, ita quoque Bassiani Mater exinde probabitur? Jam superius dixi, Juliam, quamquam Bassiani Novercam, ejus Matrem haud improprie appellari potuisse: & sane absurda, Augustorum præcipue publicis monumentis Novercæ vox, tum maxime in Lapidibus hisce in Juliæ honorem erectis, ut alterius Augusti Mater, nempe Getæ, cui Severum collato etiam Antonini nomine, ut olim Bassiano natu majori, *Imperium participasse* tradit Herodianus; alterius vero Augusti, nempe Bassiani Noverca appellaretur: Novercam autem revera fuisse, temporum, rerumque rationibus paulo diligentius animadversis, jam superius luce clarius demonstravimus.

At quoniam ejusmodi abrasionis, quæ in hisce Lapidibus Juliæ Augustæ inscriptis perpetuo occurrit, jam superius non meminimus modo, verum in nostro Lapide spectandam dedimus, de ea re agendum mihi esset; & quidem plura in eam rem diserveram, quæ tamen heic præterisse facile passus sum: Novercam sane, id jamdiu a viris eruditis Fabretto, Nardino, Vailantio, aliisque pluribus observatum, nuper etiam demonstratum a Cl. Ficorono (a), qui non solum in Inscriptione Arcus Septimii Severi ad radices Capitoli, sextam lineam, ubi Getæ filii nomen insculptum erat, manifeste abrasam substitutis verbis aliis, quæ in ejus lineæ ductu ab antecedentibus, subsequenterque lineis profundius abscedunt, verum etiam id ipsum in Arcu altero eidem Septimio, ac Juliæ conjugii ab Argentariis erecto evenisse affirmat; sed cum V. C. Oliverii Pisaurensis marmora pervolverem, rem hanc octo ejus egregii operis paginas impleisse comperi: Cum igitur non solum res absolutissime illustrata fuerit, sed etiam id præclare egerit Oliverius, ut Fontanini sententiam non Getæ, ut apud omnes convenit, sed Fulvii Plautiani Patris Plautillæ Augustæ nomen ex publicis hisce monumentis erasum contententis erroneam demonstraret, satis mihi erit eruditissimi auctoris cum laude, ut par est, meminisse, ad eumque ablegasse lectorem: unum mihi tamen, quod nostrum Lapidem spectat, notandum, incertum scilicet, videri posse, an Beneventani Coloni Bassiani mandato, cui obtemperandum etiam ab invitis fuisset, an verò exemplum dumtaxat sequuti, quod assentionis genus constitisset, Getæ nomen ex eo monumento eraserint; postremum hoc nollem, sed potius præstantissimi Civis Papiniani exemplum sectatos optaverim; cujus animi æquitatem æque ac constantiam proprio capite probatam ætates omnes mirari nusquam desinent, nam ideo a Bassiano interfectum fuisse constat, quod ei mandanti, ut in Senatu, & apud populum patratum facinus dilueret, respondisset: *Non tam facile parricidium excusari posse, quam fieri*: petentique eidem Bassiano dictare, noluisse orationem, qua in fratrem Getam jam extinctum inveheretur, subdens: *aliud est parricidium accusare innocentem*.

Haud tamen assentionis excusationem facile dabimus Beneventanis, qui ut Juliæ Augustæ gratiam captarent, publicum hocce monumentum honoris causa non solum eidem dedicarunt, sed insigni illo *Matri Castrorum* cognomine decoratam voluere; quamquam & moderatores Romanis Beneventani; Fædior enim Romanorum adulatio, qui in laudata Inscriptione Arcus Argentariorum, non *Castrorum* tantum, verum etiam *Senatus*, & *Patriæ Matrem* appellarunt: Ita lenius post ortum Principatum invaluit adulatio, nam cum initio *Principis Senatus* titulo contentus fuisset Augustus, cohibuissetque Claudius Vipianum Consulem, ut nimium assentantem, quod sibi *Patris Senatus* appellationem ob nova in Remp. merita deferendum retulisset (a); restitissetque antea Tiberius, (b) ne plus æquo erga Liviam adulandi studium progrediretur, quam alii *Parentem*, alii *Matrem Patriæ* appellandam censebant, jam nullus deinceps ejusmodi adulationibus modus, ut qui antea Augustis ipsis intolerandi (verà, an simulata mo-

deratione

[a] In vestigiis Rom. Antiq. l. i. c. 4. &amp; 10.

[b] Tacit. Ann. l. xi. c. 25.

[c] Id. Ann. l. i.



deratione) adeo viderentur hi tituli, ut ab iis abstinendum sibi ducerent, jam demum in unam Juliam simul collecti confluerent; At quod attinet *Matris Castrorum* titulum, quo eam honestasse satis habuerunt Beneventani, frequenter admodum, ut pene in peculiare cognomen transierit, Juliae tributum docent Lapidés apud Gruter. (a): eo solo titulo ornatam quoque invenies in Pifaurensi marmore iterum edito ab Oliverio n. xix. qui V. Cl. Gorii adnotationem adscribit, qua is eundem Lapidem in Doniana editione illustravit: At qua praesertim de re ejusmodi titulus promereri soleret non satis haecenus explicatum. Caesarum primum Caligulam ita tuit doctissimus Gorius, qui, quod in castris natus, & educatus esset, *Castrorum filium*, & *exercituum Patrem* sese appellabat: sed ante Caligulam notum est ex Tacito (b) Gn. Pisonem apud Tiberium, inter alia, hoc quoque crimine notatum, quod novarum rerum studio, nimia erga milites indulgentia, *Parens Legionum* ab iis appellaretur: Quod Augustas spectat, non ante Faustinam auditum *Matris Castrorum* titulum Gorius censet, de qua re audiendus Jul. Capitolinus: *Divam etiam Faustinam* (inquit) *a Senatu appellatam M. Antoninus gratulatus est, quam secum & in Aethiopia habuerat, ut Matrem Castrorum appellaret.* Aethiopia autem, quae Capitolinus memorat, ipsa esse Castra, in quibus exercitus aetate consistere solebat, nemo nescit, sicut solo Hibernorum vocabulo ea significabantur Castra, inter quorum septa milites hieme sese colligebant. At dubium videri potest, num prior Faustina, quod maritum in Castris comitata esset, novo huic honoris titulo causam dederit: non siluisset Capitolinus, qui nec novam causam deferendi tituli attulit: constat enim jamdiu Ducum uxores (de militum heic non quaero) ad bellum profectas, suis viris comites adhæsisse. Stante adhuc Rep. ejus rei non desunt exempla: Siquidem Pompejus Corneliam conjugem in castra prope Apulum secum duxit, diuque retinuit, quam demum instante praelio nonnisi ob periculi metum in Lesbium removit, ut praeter alios a Lucano discimus (c). Sed eversa jam Rep. mox, si ab ipso Octaviano incipias, Augustorum mos fuit Augustas conjuges secum in castris habere, & mirum quidem de Augusto ipso, qui teste Svetonio (d) cum disciplinam militarem adeo severe regeret, *ut ne legatorum quidem cuiquam, nisi gravate hibernisque demum mensibus permiserit uxorem interficere*, ipse tamen nunquam ab Livia sua divelli potuit; ita ut Cæcinæ Oppias leges ad usum revocare studentis apud Tacitum (e) irritos conatus reddiderit Drusus eo exemplo usus. *Principibus adeunda sapientia longinqua Imperii: quoties Divum Augustum in Occidentem, atque Orientem meavisse comite Livia?* Sic Caligulam in castris natum superius audivimus, sic demum Plotinam una cum Trajano in nostro Triumphali Arcu spectare licet, Dacorum pueros obfides ante se humi provolutos habentem; qua de re sic ego statuebam; ut nempe non ex eo solum, quod Principes foeminae aliquando in Castris morarentur, *Matris Castrorum* titulum sibi necessariò, compararent, nam si ita esset, nulla fere Augustarum eodem caruisset, quod omnino falsum, sed ea potius occasione, vel quæ ambitiosiores essent, vel certe, (ut de Gn. Pisone jam observavimus) comitate, muneribus, aliisque beneficiis militum animos sibi devinxissent, præclaro eo titulo decorari consuebant. Ex utraque autem causa Juliae assidue apud Severum in Castris manenti partum *Matris Castrorum* titulum facile dixeris.

His omnibus de Julia Augusta ex nostro lapide observatis, eam tandem dimisisse debueram, nisi quod post honoris cognomina de ejus quoque proprio nomine, (ut nihil de Augusta hac scitu dignum superfit) paucis adhuc mihi agendum esse putarim: Fallitur enim quicumque hanc Augustam cum natalibus Juliae nomen fortitam credat; neque etiam cum Severo conjugium dedit, sed, cum demum Is ad Imperium evectus Thori simul, & Majestatis consortem sibi fecerit: non recens autem ea res, sed cum ipso orta principatu; nam postquam Livia in familiam Juliam assumpta fuit, priore eo nomine abjecto, non amplius Liviam, sed fere semper Juliam in nummis, & lapidibus appellatam dein fuisse recte notatum a Lipsio est (f): non illa tamen mens tum fuit, ut in eo nomine aliqua dignitatis, auctoritatisque nota constitueretur, quod solum ad Juliae familiae indicandam communionem assumptum fuit, sicuti nec ipsum Augusti cognomen eo consilio Octavianus accepit, ut in Principatus insigne transiret; at, posteaquam Principatus jura in Rempublicam semel inuenta perpetua successione firmata consistere, jam Augusti cognomen in peculiare sequentium Principum titulum adhiberi soluit, quod, cum Principibus quoque foeminis commune fuisse constat, adhuc hæc tamen Julia, ad amplioris veluti majestatis indicium ostendendum appellari satagebant: quasi, cum Viri eo Augusti cognomine Octaviani, Imperii absoluta jura jam adepti

H 2

con-

[a] P. 32. 3. 102. 8. 2667. 7.

[b] In Ann. Tac. l. 3. c. 13.

[c] L. v. vers. 722. &amp; 699.

[d] Cap. 24. n. 2.

[e] Ann. l. 3.

[f] In Tacit. Ann. l. 1. n. 54.

continua successorum serie superstitem auctoritatem demonstrarent. Augustæ quoque, Julium nomen assumentes non tam Livie exemplum, quam ipsam respicerent familiæ Juliae majestatem, ex qua C. Cæsar ejusdem Principatus prima jecerat fundamenta. Hinc post Liviam solennis Augustus fæminis plerumque mos fuit, Juliae prænominem sese insignire, ut de Julia Drusilla, Julia Agrippina, Julia Titi observat Spanhemius (a), qui sequenti ævo intra Severi, & Alexandri tempora sex Augustas Julias statuit contra aliorum sententiam, qui usque ad octo enumerabant, illudque demum animadvertit, ut Augustus Antoninos, ita eadem ætate Augustas vulgo Julias fuisse appellatas. Cum igitur in nostra Julia ejusmodi nomen non originis, sed dignitatis fuisse plane constet, cujusmodi natale eius nomen fuerit antiquorum lapidum, nummorumque subsidio novisse licet, in quibus post *Julia* nomen, *Domna* alterum inscriptum habetur. Lapidem habes apud Fabrett. p. 679. n. 50. & 52. nummum exhibet Sponius miscell. dissert. 12. p. 180. : sed hos solos indicasse satis habui.

Mirum autem, quantum in hoc, (quod fortasse non ante Juliam veterum monumenta prodidere) *Domna* nomine vel recipiendo, vel explicando jamdiu viri docti laboraverint: Fuere namque plerique, qui mendum in eo suspicantes modo in *Dominam*, modo in *Dominam* transferendum putarunt: idque non solum in lapidibus, nummisque Juliae Aug. inscriptis, sed in aliis quoque, ubi ejusmodi nomen occurrebat, perperam obtinuit: Hinc illam *Juliam Dominam* (ab hac Augusta tamen diversam) Julii Agrippæ Primopilaris neptem, cujus mentio est in l. 38. §. 4. D. De Leg. 3. quam ita appellatam observabat Cujacius l. 3. c. 18. quod non respectu maritorum dumtaxat, sed etiam per se mulieres Romanæ *Domina* vocarentur, emendato vulgatæ lectionis errore rectius *Domnam* scribendam censuerunt viri doctissimi Pancirolus, & Menagius. Familiare autem *Domna* nomen fæminis fuisse in Syria, Ægypto, univerſoque Oriente, ex vetustis Scripturibus observarunt demum Salmasius, Spanhemius, Sponius, Fabrettus, alique; ut proinde, cum Juliae Augustæ in vetustis monumentis *Domna* nomen adjectum legeretur, ipsamque domo Syram fuisse certum esset, jam proprium illud ei fuisse nomen omnino liquet: quæ autem ejus nominis significatio fuerit, non satis tutè ex sequioris ætatis usu decerni posse arbitror. Notum sane est, *Domni*, aut *Domna* vocabulum medio ævo frequentissime usurpatum, eoque præsertim viros Ecclesiastica dignitate fulgentes, aut sanctitate insignes appellari solitos, sed & aliis quibusque illustribus viris, atque fæminis tribui consueſse vel unus probasse sufficiat S. Gregor. M. l. 6. ep. 27. ubi hæc ait: *Gloriosissimas autem filias meas Domnam Dominicam, & Domnam Eudochium vice mea salutato*: Illud quoque certum, ex ejusmodi ætatis recepto more non aliam eidem vocabulo significationem tributam, quam quæ *Domini* esset; invecam autem utriusque differentiam, ut *Domini* vocabulum soli Deo fervaretur, eodem vero per syncopem contracto (ut ex apice uno rejecto quædam veluti inferioris dignitatis nota constitueretur) ceteros vocarent; Ita præter alios auctor Græcissimi.

*Cælestem Dominum, Terrestrem dicito Dominum.*

Et hæc quidem, ut dixi, sequiori ætate; priori vero, quæ scilicet Julia Augusta floruit, quam *Domnam* appellatam jam novimus, eo nempe nomine Syris fæminis tum familiari, num, quod postea obtinuit, eandem, ac *Dominæ* significationem ejusmodi nomini rectè tribuendam censebimus? Ita certe Cangius (b): qui ad comprobendam ejus vocabuli significationem a *Dominæ* voce deductam, ipsam quoque Juliae Augustæ *Domna* exemplum affert; sed rectius de hujusmodi significatione dubitandum erit ætate illa, qua nomen illud vix apud Romanos notum (c), nulli

vero

[a] De Præst. num. Diss. 7. p. 630.

[b] Glossar. latin. med. æv. v. *Domna*.

[c] Lapis antiquus extat Aquilejæ, relatus a Bertolio Antiq. Aquilejæ p. 108. n. 91. his verbis.

DOMNAE B  
SACRVM  
SEX. BEBIVS  
BAI. FIL. VET. EX CLASSE  
VESTIARIVS  
V. S. L. M.

sacrum esse lapidem verba ipsa indicant, sed de Numinis non satis constat: Dominus Archiepiscopus de Turre in Antiq. Antiat. [ab eodem Bertolio relatus p. 311. nel libro di Anzio] postquam primæ lineæ verba de Dea Bellona intelligenda dixisset, ut sint: *Domna Bellone*; verisimilius putavit ad nostram Juliam Domnam

referri posse, quæ divinos sibi honores arripuisse constaret: At quæ fides huic lapidi habenda sit, ex eodem Bertolio facile conjectabimus, qui eundem lapidem ad se missum testatur a Cl. Muratorio in hæc diversâ verba, quæ refert p. 432. n. 642.

DOMNO B  
SACRVM  
SEX. BAEBIVS  
...FVIT IN CLASSE  
VESTIARIVS  
V. S. L. M.

neque aliter habet Donius class. viii. n. 74. ubi Gælius: *Domno B. sacrum*: Hoc est: *Domno Beleno sacrum*. Apollo Belenus proprium Aquilejensium Nomen tutelare, & Urbis Præfex, de quo eruditissime differt V. C. Phil. a Turre Episcopus Hadriensis.



vero Romanorum usurpatum, apud Syros dumtaxat, aliosque Orientis populos adhiberi solet; Amplius de ea re dubitabimus, si in omnibus Juliae Augustae monumentis nonnisi raro eam *Domna* nomine appellatam inveniemus: cuius rei causam non aliam putaverim, quam quod haud decoris multum ex adjecto proprio *Domnae* nomine Juliae accessurum putarent Romani, quod imo nonnihil ejus Augustae gloriae detrahebat, quam nomen ipsum non solum obscuro genere ortam, verum etiam natione Syram prodebat, ex eo nempe populo, quem ad servitutem natum vulgo putabant Romani: non igitur in *Domnae* nomine, si de Julia agatur, Dominam agnovisse tutum erit, quod profecto summæ potestatis nomen in cæteris, quæ prope innumera sunt, Juliae monumentis haud Romani neglexissent; Fateor equidem Constantini ævo, ac deinceps, ut Augustos Dominos, ita Domnas Augustas appellari consueisse, sed cum non ante eam ætatem ejusmodi appellationis exordia sint consignanda, major ex hoc ipso erit statuendi ratio, nullam nisi proprii nominis vim *Domnae* appellationi inhæsisse, ac propterea perperam in Dominæ significationem transferendum, ineptius autem ex eo Juliae exemplo, mox sequentes Augustorum Matres, Domnas, aut Dominas appellari cæptas, quem recentis Scriptoris errorem repræhendit Sponius l. l.

DISSER-



## DISSERTATIO II.

## De Rebus Sacris Veterum Beneventanorum.



Ostulat instituti ratio, ut Beneventanas Antiquitates, quarum veluti fundamenta superiore Dissertatione jacta sunt a Rebus Sacris exordiar: Eas enim (quandoquidem pro temporum, hominumque, quos hoc opere complector, conditione, sua ipsis dignitas adhuc stare debet) ceteris sive publicis, sive privatis Veterum Beneventanorum Rebus ordine præstare certum est; quas etiam accuratius observasse, nonnihil fortasse proderit; dum enim præcipuam illam eruditionis partem, quæ in superstitiosa Antiquitate perlustranda continetur, comparabimus, fædam simul ipsius antiquæ superstitionis faciem spectasse dabitur, quâ nostrorum temporum felicitas libentius commendetur: quandoquidem (ajebat S. Isidorus Pelusiota (a)) Illud intelligere libet, cuiusnam sceleris convictus Mars supplicio affectus sit, pudet quidem me narrare; sed tamen exponam: nam ejusmodi sermo perspicua gentilium resutatio erit: id quod ex iis omnibus, quæ mihi præsentī loco differenda erunt, factum a me videri velim, daturus etiam operam, ut ex antiquis Beneventanis Lapidibus ad Res Sacras pertinentibus ea mihi duntaxat observanda proponam, quæ aut novi, aut rari sint exempli, aut clariorem sibi lucem affundi desiderent: atque ut ordine, quæ dicturus sum, consent suo, de Diis prius agam, quibus veteres Beneventani peculiarem cultum exhibuerunt, eorum etiam Templis, Ædibus, Signis, quorum superstes memoria est, indicatis: tum certos Ritus quoque illam, superstitiosasque Ceremonias celebrari consuetas adiciam, postremo de Sacrorum Ministris, ubi pro re nata licebit, verba faciam.

## CAPUT PRIMUM

## De Diis patriis Veterum Beneventanorum.

Divinam extare naturam omnium gentium, atque omnium ætatum agnovit Religio (b); idque ex ipso illo, atque ejusdem supremæ naturæ munere humanis mentibus affulgente lumine factum fuit, quod inter offusissimas perpetuarum de omni re dubitationum tenebras obstinacioribus Academicis vel invitis præsto esse fatebatur Cicero (c), dum ea de re cum Academico certans: quid dubitas, inquit, negare Deos esse? non audes: sapienter id quidem: etsi hoc loco non populum metuis, sed ipsos Deos. At in hanc Divinæ Naturæ opinionem humanis mentibus insedentem varii mox irrepererunt errores, quos subacta sensibus rationis vis, succrescensque veritatis ignorantia invexit; quibus præsertim factum est, ut homines passim, atque ubique plures sibi Deos comminiscerentur, quorum numerus, eandem licet Divinitatis opinionem favere videretur, ipsam tamen Divinitatem destruebat, quæ cum omnis defectus expers, atque omnium perfectissimi natura concipienda esset, vel ipsa sola ratione duce nonnisi Una statui debebat: Posteaquam igitur Deorum Familiæ, Prosapie, Monstra esse cæperunt, supremum Numen excogitari opus fuit, qui ceteris Diis auctoritatis vi, excellentiaque naturæ præstaret: Hunc autem Jovem fuisse constat, quem non modo Poetæ, verum etiam omnes uno ore Sapientes Gentilitatis, Deorum Patrem, & Re-

(a) Lib. II. Epist. 91. & 92. ad Theodosium Presbyterum, qui Atheniensis Areopagi etymologiam quærebatur, ac subinde quo de crimine Mars judicium illud subiecit.

(b) Præclara sunt, quæ in hanc rem habet Cicero Tuscul. lib. I. c. 13. Firmissimum hoc asserri videtur, cur Deos esse credamus, quod nulla Gens tam fera, nemo hominum tam sit immanis, cujus mentem non imbuatur

Deorum opinio: multi de Diis prava sentiunt; id enim vitioso more effici solet; omnes tamen esse vim, & naturam divinam arbitrantur; non vero id collocutio hominum, aut consensus efficit; non institutus opinio est confirmata, non legibus: omni autem in re consensio omnium gentium lex naturæ putanda est.

(c) De Natur. Deor. I. I. c. 30.



& Regem scriptis suis passim celebrarunt. *Jovis* autem nomen, quod præstantissimæ *Illius* naturæ conveniret, qui omnes potissimum *juvare* credebatur, homines quoque fecerunt, addita simul *Patriis* appellatione, qua omnia ab eo gigni, paternæque servari cura demonstrarentur, unde *Juppiter* factum est, in cujus vocabuli origine Romanorum agnoscendus tum sermo, tum perspicacia: licet autem aliter alii appellarent, ut de *Afris*, aliisque barbaris populis constet (a), cum tamen nullum Deo, quem colerent, nomen apud externas gentes invenissent Romani, statim *Jovis* nomine illum donabant: quod cum vero ipso *Judæorum* Deo (cujus nullum esse certum nomen putabatur (b)) a *Varrone* factum *S. Augustinus* observavit (c).

Ex his generatim prænotatis illud jam promanat, ut cum ad sacras Veterum Beneventanorum res illustrandas accedamus, & vetustissimam iis Deorum Religionem fuisse, & supremum *Jovis* habitum numen facile probemus: non enim Romanæ primum deductione Colonæ, sed longè antea, cum Samniticum staret Imperium ea res obtinebat: manifestum id ex *Livio*, qui l. 10. sub Consulatu *L. Papirii* an. U. C. 461. enixissimum Samnitum studium referens, quo adversus Romanos sese munire satagebant, quorum post *Caudinum* Fædus arma viresque ad eam diem plurimum, mutatæ belli fortunæ, valuisse noverant, illud tunc memorandum subdit ab iis gestum, ut novi belli magnificentissimos apparatus Religionem quoque validiores efficerent: Præterea quid coacto jam ab *Aquilonia* exercitu, ab *Sacerdote* *Ovio Paccio* cœremoniæ adhibuitur fuerit ex vetusta Samnitium Religione, nam ipsa quoque res Religionem solenniori cœpta, dum initio opes Deorum adhibuerant Ritu quodam Sacramenti vetusto velut initiatis militibus, delectu per omne Samnium habito nova lege: ut qui juniorum non convenissent ad Imperatoris edictum, quique in jussu abisset, Caput *Jovi* sacratum eras.

Amplius tamen *Jovis* cultus invaluit, cum Romanos Colonos Beneventum accepit: Horum enim adventu, qui eundem *Jovem* pluribus cognominibus ab ipsius Romæ exordio, vario cultu, distinctisque Templis, *Aris*, atque Signis venerari consueverant, factum puto, ut apud Beneventanos *Juppiter* ipse pro variis, quæ habere cœpit, cognominibus divinos honores multipliciùs obtineret: sed jam inscriptis *Jovi* marmoreis Titulis, qui ad nos pervenerunt, rem demonstrabimus.

## I.

IOVI TVTATORI MAR. ....

## 2.

LIMEN AD HOC POPVLI PERSOLVITE VOTA TONANTI

## 3.

IOVI VICTORI PACIFERO

SACRVM

M. SVTORIO M. F. MEN. VERO

VETERANO VOT. VOV

BELLO GERMANIC. DAC

SVTORIA VLPIANA ET TITVS

SVTORIVS M. F. MEN. HONORATVS

FAC.

CVR.

V. S. L. M.

De *Tutore*, & *Victore* omnia sunt pervulgata: Tonantis *Jovis* religionem libet curiosiùs obser-

[a] *Lucan.* Pharf. l. 9.Quamvis *Æthiopum* populis *Arabumque* beatis Gentibus, atque *Indis* unus sit *Juppiter Ammon*.(b) *Idem*.

..... Dedita Sacris.

Incerti *Judæa* Dei .....(c) *S. August.* de *Consens. Evangel.* l. 1. c. 22. *Varro* ipforum, quo doctiorem apud se neminem inveniunt, Deum

*Judeorum Jovem* putavit, nihil interesse censens, quo nomine nuncupetur, dum eadem res intelligatur, credo illius summitate deterius: nam quia nihil superius solent colere Romani quàm *Jovem*, quod *Capitolium* eorum satis aperteque testatur, eumque Regem omnium Deorum arbitrantur, cum animadverteret *Judeos* summum Deum colere, nihil aliud potuit suspicari quàm *Jovem*.

observare: Sunt enim (a) qui ad ejus Numinis religionem pertinere putant ea ipsa omnia, quæ de variis Tonitruum generibus atque effectibus differuit Cicero in de Divinatione l. 2., ubi etiam suo illum appellare nomine videtur sic: *Jove Fulgente Tonante*: & ex intervallo: *In nostris Commentariis scriptum habemus: Jove Tonante Fulgurante Comitia Populi habere nefas*: Et fateor quidem vetustissimam omnium fuisse Fulgurum superstitionem, quæ ab Etruscis in Romanos vix ortos statim permeavit (b): addam quoque illud, quod potissima Idololatriæ causa ex Fulguribus ipsis repetenda videatur, cum enim illa primum, longo post generale Cataclysmum annorum intervallo, audiri cepissent, mox rudes homines quorum mentibus veri Numinis scientia abscesse- rat, terror invasit, qui superioris Vis, Naturæque Divinæ Cœlo insidentis opinionem statim peperit: hinc vulgatum illud Petronii

*Primus in Urbe Deus fecit timor, ardua Cælo  
Fulmina dum caderent . . . . .*

At non ibi Cicero de Jovis Tonantis religione, & cultu agit, sed in id duntaxat incumbit, ut Jovem ipsum non aliud, quam ipsum Cælum esse probet, quod tum Ennii, atque Euripidis ver- sibus, tum Augurum verbis confirmat (c).

De Tonante igitur Jove sic statuendum puto, ut nulla illius ante Imperii tempora peculia- ris religio extiterit, qua proprio Tonantis cognomine agnitus, cultusque fuerit: sed cognomen, & Religionem primum Augustum inexistisse verisimile habeo, dum Is, teste Svetonio (d) *Tonanti Jovi Ædem consecravit liberatus periculo, cum expeditione Cantabrica per nocturnum iter læticam ejus fulgur perstrinxisset, serenumque prælucentem exanimasset*: non enim ante Augusti ævum de Tonan- tis titulo, atque cultu monumenta habemus, nam & Lapides apud Gruterum (e), qui *Jovi To- nanti, Fulminatori, Fulguratori* dicati leguntur posteriorem, aut parem Augusto ætatem ferunt, ut etiam de simili Brontontis titulo (f) dicendum est.

Ubi vero recens hæc antiquissimi licet Jovis religio esse caput, mox ob Auctoris dignita- tem, quam præfens novi Numinis vis, metusque augebat, ubique recepta fuit: suscipere Be- neventani, amplius etiam in eo Augustum æmulati, quod Jovi Tonanti illius exemplo Ædem ædificaverunt: Hujus Ædis testis est lapis ipse, quem iterum asserere libet: *Limen ad hoc populi per- solvite vota Tonanti*: & sane cum Limen audimus, Ædem quoque extitisse jam discimus, sive quòd

[a] D. de Tilladet in Dissert. de Cultu Jovis Tonan- tis, cujus epitomen habes vol. 2. Histoire de l'Academie Royale pag. 13.

[b] De hac re plura habet Eq. Oliverius Marm. Pi- saur. not. 27. atque ex instituto differit Socius Academiæ Etruf. Corton. in Dissert. de Bidental nuper Romæ ef- fuso tom. v. Diss. v.

[c] Hunc etiam (ait Cicero) *Augures nostri cum di- cunt Jove Fulgente, Tonante: dicunt etiam, Cælo Ful- gente, Tonante: Euripides autem ut multa præclare, sic hoc breviter.*

*Vides sublime fufum, immoderatum æthera,*

*Qui tenero terram circumjeffo amplectitur,*

*Hunc summum habeto Divum hunc perhibeto Jovem.*

Quæ ideo attuli, ut obiter de Ethnicorum Sapientum secretiore Theologia mentionem injicerem, qui etiam ante Christi legem secus ac reliqui de Plebe universi, de Diis sentiebant: suæ enim religionis mysteria fabulis involuta ad phycas res deducebant, cujus instituti au- ditor Zeno, qui teste Cic. ib. l. 3. magnam molestiam pri- mus suscepit, deinde Chrysippus, commentitiarum fa- bularum reddere rationem, atque ita ex Stoicorum do- ctrina Aer inter mare, & cælum interjectus Junonis no- mine consecratur, quæ erat Jovis, & foror, & con- jux, quia summam cum æthere conjunctionem similitu- dinemque haberet, & quòd *nihil eo mollius effet, cum ef- feminarunt*, Junonique tribuerunt: Similia asserit Var- ro, ac tandem de eadem re plura Porphyrius, qui post Christianæ Religionis ortum, ut ab suis Diis quæ sæ- da, absurda, sceleratque vulgo doceantur, averteret, ad naturales causas omnia referre studebat: utrumque

præclare resellit S. Augustinus *De Civ. Dei* lib. 7. c. 7. 27., & alibi passim; neque enim ejusmodi doctrinæ sus- cepta ratio aut ipsos, qui Cælum, atque Astra inter Deos numerabant, ab veræ Idololatriæ labe excusabat, aut alioqui Reip. proderat, in qua cum religionis my- steria tam nefariis Deorum flagitiis representata popu- lo arcanas illas significationes ignorantia demonstaban- tur, ad scelera omnia, quæ auctores Deos, & patronos haberent, illum facilius impellebant.

[d] In Aug. c. 29. hincque factum subdit, ut Augustus Tonitruum metum nunquam deponeret, itaut utique pellem Vituli marini circumferret, atque ad omnem majoris tempestatis suspicionem in abditum, & conca- meratum locum se reciperet; ridiculum etiam illud hac in re Svetonius narrat, cum enim ipse Augustus dedi- catam in Capitolio Ædem Tonanti Jovi assidue frequenta- ret, somniavit queri Capitolinum Jovem Cultores sibi ab- duci, seque respondisse Tonantem pro Janitore ei ap- positum.

[e] Grut. p. 21. n. 3. & seqq.

[f] Deum Brontontem eundem esse, & significare ac Jovem Tonantem satis constat: sic apud Gruter. p. 17. n. 12. *Jovi Sancto Brontonti Aur. Poplii*: & p. 34. n. 3. Fl. Septimius Zosimus V. P. dicitur *Sacerdos Dei Brontontis*: ejus Simulacrum exhibet Io. Dom. Bertolius Antiquitatum Aquilejensium eximius illustrator p. 98. n. 73. Trucem vultum in eo spectare est, a cu- jus mento non admodum proluxa, sed spissa barba pen- det; caput vero pileo opertum habet, qui diademate circumdatur: In imo pectore, ubi Simulacrum definit hæc habentur inscripta: BONO DEO BRONTONTI.



quod eo vocabulo Templum ipsum, ut etiam Domus significata videatur (a), sive quod nulla Domus, nullumque Templum sine Limine esse possint; idque duplex, quod Plautus memoravit (b)

*Limen superum, inferumque salve, simul autem vale:*

In supero autem (quod superliminare appellavit Plinius l. 29. 4.) hic Titulus inscriptus esse debuit; & sane liminibus Templorum peculiaris religio inesse putabatur, eademque Vestæ Sacra fuisse tradit Servius Aneid. vi. 273. *Vestibulum dicunt a Vestâ dictum per imminutionem; nam Vestâ limen est consecratum;* Hinc illa non solum solennibus diebus frondibus, floribusque ornari, sed perpetuo opere vel e marmore, vel ex aere construebantur; Aenea quidem Templo Junonis Carthaginienfis tribuit Virg. Æn. l. 452., ita etiam Cn & Q. Ogulnios ædiles ex foeneratorum multâs Aenea in Capitolio limina fecisse refert Liv. x. 23. At cur in ejus Templi limine vota Tonanti Jovi persolvenda erant? ex eo certe recepto more, quo pleraque alia in Templorum liminibus in religiosioris erga Deos cultus argumentum agebantur; sic limina osculari solebant supplicantes, quod inter alios docet Tibull. i. 5. 44.

*Et dare sacratis oscula liminibus.*

In publicis quoque supplicationibus, quæ avertendæ Deorum iræ causa habebantur, aut cum hostili aliquo nuncio perculsa Civitas ad Deos, & vota confugiebat, Templorum limina passis crinibus verrere Matronæ consuebant, ut tradit Lucan. ii. 30.

*Hæ lacrymis sparsere Deos, hæ pectora duro*

*Affixere solo, lacerasque in limine sacro*

*Attonite sudare comas.*

Meminitque Arnobius l. 1. Cum Deorum ante ora prostrati limina ipsa converterent osculis: At de Tonante Jove, ejusque Templo jam satis.

Restat Paciferi titulus, qui nusquam alibi fortasse Jovi tributus invenietur (c). Quid igitur causæ fuerit, ut ejusmodi titulo Juppiter a Beneventanis coleretur, nonnisi ex eodem Lapide, unde primum prodit, verisimili explicatione assequi poterimus. Belli Germanici Dacici in eo Lapide mentio est, quod non aliud fuisse arbitror, quam quod ab Imp. Trajano aliquando sit gestum: Germanico Bello eum præfuisse constat, cum a Nerva adoptatus cum Germanici titulo Imperii consortium, mox successionem adeptus fuit, quo sane bello ad difficillimum alterum, quod Dacicum fuit, viam jam sibi straverat; Dacorum gens Germanorum sævissima, ut qui remotiorem, rigidioremque Germaniæ partem incolerent; quos satius habuit Augustus per Lentulum ultra Danubium olim repulisse: efferatioris tamen, tum cum Trajanus bello eos est aggressus, ob summam Decebalæ eorum Regis barbariem cum rei militaris solertia conjunctam: Binas autem expeditiones in Daciam suscepit Trajanus, quarum prior pace cum Decebalæ viribus fracto nonnisi durissimis conditionibus compositâ finem habuit; omnia enim Decebalus, quæ sibi imperata tunc fuere, non præstitit solum, verum etiam ad Trajanum mox deductus (ut refert Dio Cassius) illum humi procumbens suppliciter adoravit; idque, quod Trajani gloriam maxime adauxit, jam nunc spectare quoque nobis licet in ejus Arcu Triumphali, qui posteriore hujus Operis volumine suis Commentariis illustratus exhibebitur, ubi inter alia plura Trajani egregia facinora, res isthac pari magnificentia, elegantiaque repræsentatur: Posteriori causam dedit violatum ab Decebalæ foedus, cujus dignas tandem luit pœnas, nam post diuturnum, ac periculosum bellum, ne captâ postremo Regia, in Victoris manus incideret, mortem sibi conscivit, tumque Dacia omnis in Romanorum jus, ditionemque redacta Imperii Provincia, deductis quoque eò Colonis, a Trajano est constituta: Post hæc (ut de præcedente etiam tempore observatum a me fuit) nullum aliud in Daciam susceptum absequentibus Imperatoribus bellum, quam sane Provinciam dimittere Hadrianus cogitavit, quem tamen (ut ait Eutropius) ab eo consilio amici deteruerunt, ne multi Cives Romani Barbaris traderentur; sed dimisit tandem Aurelianus qui (teste Vopisc. c. 39.) Provinciam trans Danubium Daciam a Trajano constitutam, sublatò exercitu, ac Provincialibus, reliquit, desperans eam posse retinere, abductosque ex ea populos in Moesia collocavit: ut propterea certum illud videri jam possit, Bellum Germanicum Dacicum in nostro Lapide memoratum ad solum referri posse Trajanum, qui

I

[a] Cic. pro Cæcin. c. 12. Virgil. Æn. vii. 579.

Horat. Epist. l. i. 19. 36.

[b] Plaut. in Merc. v. 1. 1.

[c] Jovi quidem insuetum cognomen; non item Dis

aliis: nam Mercurio tribuit Ovid. Metam. 14. 291.

Herculi lapides apud Grut. p. 49. & p. 1013. 4. item

Apollini apud eundem Grut. p. 58. 7. Paciferi demum

vocantur Genii apud Reines. Cl. i. n. 294. & Donium

Cl. i. n. 139.

qui unus proinde Cæsarum Dacici nomen (quod ejus proprium fuisse ex antiquis Lapidibus, nummisque recte monet Spanhemius (a) jure, ac merito sibi comparavit: At quid hæc, inquires; cum Jove Pacifero? M. Sutorius Verus, qui Beneventanorum Civium unus priore Dacico bello Legionariam militiam secutus fuit, ut sibi Victoris Jovis opem conciliaret (b), aut etiam in aliquo, quod fortasse subit vitæ discrimine, præsentem demereret, votum suscepit, postea verò quam ejusmodi bellum, statuto inter Duces foedere, feliciter confectum fuerit, ipseque emensis stipendiis jam Veteranus effectus, atque honesta missione donatus ad patrios lares incolumis remeasset, non Jovi Victori tantum, cui primum signum aliquod voverat, at æque Pacifero, quem novum titulum ejus belli suis pepererat, votum solvisse putandus est.

Exinde igitur Victori Jovi Paciferi quoque titulus accessit, quo apud Beneventanos coli coepit; etsi enim initio privato fortasse jure Sutorius Jovem Paciferum sibi colendum suscepisset, ut inter Sacra familiaria sive domestica id numen contulerit, cum tamen erectum Lapidem, qui alicujus signi Paciferum Jovem repræsentantis, & titulus, & basis esse debuit, publico loco posuisset, jam in omnes Cives publicus illius cultus, ac religio diffundi potuit; neque enim in ea re contra legem, quam assert Cicero (c) actum videbatur, quâ cautum erat ne quis separatim haberet Deos novos, aut advenas, nisi publicè adscitos, privatim coleret; etenim Diis veteri jam religione receptis novos titulos aut honoris causa, aut in recentis beneficii memoriam tribui, imo nova illorum signa, simulacrave novis adinventis formis utramque rem referentibus dedicari rite potuisse privata auctoritate exempla plura manifestant: Hinc Dii plerique cognomina aliquando sortiti sunt ab iis, qui peculiarem in ipsos cultum impendebant, cujus rei inter alia plura, quæ Antiquitas nobis servavit, elegans exemplum habere licet ex nostro Lapide paucis ante annis prope Portam Rufinam effosso, ubi sic legitur

DEAE VENERI  
C. ENETRI C. L  
SACRVM

Simile exemplum in hoc altero Lapideprehenditur prope Arpadium ex Gudio p. 57. n. 7.  
*Ab uno latere* *Ab altero latere*

MESIAE SACRVM  
M. COMPITIVS VALENS  
M. F. STEL. EQ. ROM  
CVRATOR VIARVM

MESIAE ET  
SETIAE  
COMPITIANAE  
D. D

Quenam olim fuerit isthæc Dea Metia, & Setia adhuc ignoro: In Gudiani Operis Indicum Supplementis p. 6. in fine hæc ad hunc Lapidem observata invenio: *Ligorius Lapidem Dea Sementis, Deaque Messis in Territorio Compitiano dedicatum esse adnotavit*: Deas Sementem, Messemque Setiæ, Metiæque nomine appellatas Ligorio non invitum dederim, nunquam verò Compitianum Territorium permiserim: quovis enim pignore contendo, *Compitiana* cognomen, quod in altero Lapidis latere eidem numini tribuitur, neque a Compito, a quo Compitalitium effertur solet (ut Compitalitii Lares, Compitalitiæ Feriæ) sed a gentili *Compitii* nomine derivatum, ita ut peculiaria ea Numina essent, quæ inter privata Familiæ *Compitiæ* sacra colebantur (d).

Atque ne a nostris discedamus, celebris quoque Romæ fuit Juppiter cognomine *Carvilianus* ita dictus teste Plinio (e), quod illum in Capitolio fecerit Sp. Carvilius, victis Samnitibus sacrata lege pugnantis, e pectoralibus eorum, ocreisque, & galeis, cujus amplitudo tanta fuit, ut conspiceretur a Jove Latari, exque limæ reliquiis Carvilius ipse suam Statuam fecerit, quam ante ejus Simulacri pedes locavit: ex quibus plane constat, *Venerem C. Enetri* non aliam fuisse, quàm ipsammet, cui ex vetusta Religione divini honores publicè tribuebantur, ita tamen appellatam, quod Libertinus ille peculiaris in eam cultus testem posuerit Lapidem erecto quoque fortasse signo (nam Lapis ipse in basis formam affurgit), quod speciali notâ aliquâ, aut insignibus

[a] De Præf. Numif. Diss. VIII. p. 710. Amstelod. 1671.

(b) Jovi Victori vota plerumque nuncupare solebant Milites, ut apud Grut. p. xxiii. n. 8. Gudium p. vii. n. 8 & 10.

(c) De Legibus l. i. cap. 8.

[d] Sic in veteri Ræfianorum familia apud Gruterum parum nota peculiare Dianæ Numen fuit ejusdem familiaris nomine appellatum, ut notavi obiter in antiquo Lapide penes Spanhem. De Præf. Num. diss. 6. p. 521. in hunc modum: *Dianæ Ræfianæ Q. Ræfius Q. F. Sardinus cum Ræfia Erculaniola Sacrum.*

(e) L. 34. 7.



in signibus distinguebatur, unde ad aliarum Venerum differentiam suam Venerem C. Enetrus ab se appellatam publicè colendam exposuerit: Sic etiam ignotam Deam illam, unam, an plures? Meliam, & Setiam de suæ Familiæ nomine Compitiam appellavit M. Compitius Valens; quod de suo Jove præstitit quoque Sp. Carvilius, quasi parum esset unius Jovis religionem tenuisse, itaut multiplicatis in Capitolio tot Jovibus, jam inter ipsos (ut postmodum de Jove Tonante Suetonius retulit) de abductis invicem cultoribus querimoniam audirentur: Idque demum Sutorius egit, ut ad Jovis *Tutatoris*, *Tonantis*, *Victoris*, quibus titulis numen illud a Beneventanis colebatur, ob eam, quam superius verisimilem satis probavi, aut quampiam causam aliam, *Paciferi* quoque titulum adjiciens, novam ex eo amplificandæ Jovis religioni occasionem Beneventanis præbuisse videatur: At de Jove hæcenus.

Nunc Jovis & soror, & conjux adest Juno, cui quidem numini præ aliis, Joveque ipso veteres Beneventanos addictos fuisse Lapidum copia argumento est. In iis variis cognominibus, tituli que decorata Juno conspicitur, inter quos, qui haud hæcenus fortasse innotuerunt, solo nostrorum Lapidum beneficio. nunc demum in lucem prodeunt.

I.

IVNONI REGINAE.....

2.

IVNONI  
VERIDICAE  
.....  
.....

3.

IVNONI QVIRITEI SACRA  
C. FALCIDIUS L. F. CONSOL  
DEDICAVIT

4.

SACERDOTI  
IVNONI REG  
LICINIAE  
LICINIANAE  
LICINIANI TRIB  
FILIAE  
..... NIA MEIANAE sic  
MATER

5.

IVNONI STYGIAE  
CRESCENTINA  
MATRILIA CVM  
FIL. SV. V. S. L. M

De Junone Regina, quæ veteribus, novisque Scriptoribus passim celebratur, non est cur verba faciam; illud dumtaxat ex Lapide IV. non omnino novum, etiam num observasse licebit, fuisse nempe aliquando feminas Sacerdotio perfunctas (a) quod in Junonis sacris curandis frequens esse debuit, ut quæ præcipuum foeminarum numen iis nubentibus, parientibusque adesse credebatur; unde *Cinxia*, *Domiduce*, *Lucina*, *Matrona*, *Opigena*, aliisque fane pluribus ejusmodi munera indicantibus titulis colebatur, quin & illud jam ex vetustis monumentis satis observatum, ut qui viris singulis juxta communem Ethnicorum Theologiam Genius præflet, alio nomine, sed eadem significatione in mulieribus *Juno* vocaretur, ut non solum Lapidibus, sed etiam Scriptoribus exploratum habet Fabrett. Inscr. c.2. p.73. & inferius latè observabimus.

I 2

Sed

(a) Sic interpretor, ut illud *Sacerdoti Junoni Reginae* cum Licinia concordet, ad eamque sit referendum, parum usitata quidem, sed non impropria loquutione, quæ munus præcedat, inde personæ nomen sequatur: *Junoni* namque in Lapide pro *Junonis* stat, ultima litera *S*, ut ego attentè inspexi, ex nullo superfluo ad sequentem distinctionem spatio prorsus deficiente, adeo ut temporis injuria detrita putari nequeat; at ne Lapidicæ negligentiam in ejus literæ omissione causetur, vetat certè ejus rei simillimum exemplum, quod legere est in Lapide apud Spanhemium de Præst. Num. diff. 2. f. 83. in hunc modum

M. AMIVS M. F. PAL. BALBUS  
SACERDOS IVNONI REG. SISP  
ITAE LANVMVIANAE FECIT  
VIVENS ET AMIO IVNIO FI  
LIO SACERDOTE IOVI SISP  
ET AMINE MATRI PIISIM  
IN FR. P. XIII. IN AGR. PED. XXVI.

Ubi jam vides Amium Sacerdotem Junoni Reg. Scribi, ac præterea ejus filium Sacerdotem Jovi.

Sed jam de ceteris Junonis titulis, qui ex nostris Lapidibus prodire, agendum erit: & quidem *Veridica* cognomen, quod in secundo Lapide Junoni tribuitur, non alibi fortasse occurreret; ita ut ad ejus causam explicandam, nullam etiam opem afferente Lapide reliquis lineis omnino detricto, nonnisi divinatione opus erit. *Veridici* itaque Epitheton cum cuipiam, Numini concedatur, nonnisi aliquid ex eo acceptum oraculum designare videtur, cujus veritas, quam probasset eventus, jam ei Numini *Veridici* elogium fecisse valuit: non legimus autem Deos omnes, quos Ethnici colerent, effundendorum oraculorum vi passim praestitisse, sed aliqua tantum apud eos Oracula celebrata, quae ad certos Deos, ac praesertim Apollinem pertinebant; nil tamen vetat, ut ab singulis Diis aliquando fundi possent oracula, ut heic de Junone verisimile ducimus, quae, ut Helenum vatem, ne ventura Trojanis praediceret, prohibuisse fingitur a Virgilio (a), ita & ipsa aliis nunciare, quae vellet, credi poterat; quod duobus ferme modis evenire solebat; aut enim de aliqua re quaerentibus Sacerdotis alicujus ministerio respondebat, qualem in Apollinis oraculis Pythiam fuisse legimus, Carmentamque Evandri matrem eo munere functam memorat Livius l. 1., qui illam *Veridicam Deorum Interpretem* appellat, aut idem per somnium praestare videbatur; nam superstitiosum ejusmodi morem divina oracula per quietem captandi, apud Aesculapii, Serapive Templum Aegris solennem fuisse satis constat (b). Potuit igitur Juno quoque (his enim artibus Dæmones in Idololatriæ obsequio homines cohercebant, ut a quopiam alio Numine sibi oracula dari crederent) suo cultui addictos in somniis de quapiam re monuisse videri, cum id facile Numinis praecipue ab se culti (cujus opes se se maximè commendare soleret) oraculo tribuere quisque poterat, quod nonnisi ex re vehementer optata, diuque, dum vigilaret, in animo volutata sibi, ut affolet, dormienti in mentem occurreret, atque huc omnino referendam esse formulam censeo in veteribus Lapidibus persaepe obviam, qua quis aliquid facere ex visis, aut ex visis testetur; nam, cum omnes, Dis sacri ii Lapides sint, quisquis eos dedicabat eam formulam non aliud plane significatum ostendebat, quam quod sibi per somnium alicujus Numinis nutu contigisse sibi falsò suaderet. Sed an per Somnium, aut per Vatem, Sacerdotemve oracula sua fundere crederetur Juno, mirabimur sane; an etiam ridebimus eximium illum *Veridica* titulum sibi comparasse apud Ethnicos ipsos, qui de suorum Deorum Oraculis experientiâ ipsâ edocti tam male sentiebant (c).

Aggredior modo *Quiritis* explicationem, qui titulus in III Lapide Junoni quoque accessisse probatur: Ex hoc Lapide, qui vetustate sua non Beneventanos tantum reliquos, sed quotquot post Duellianæ Columnæ inscriptionem aliorum Thesauri exhibent, fortasse praestare videtur, *Quiritis* primum nomine Junonem Beneventi cultam fuisse verisimile satis judicabimus: non enim facile fuerit in veterum monumentis Junonem cognomento *Quiritem* invenisse: Hinc si nostrum Lapidem excipias haecenus ineditum, nullibi omnino, nisi semel in Thesouro Gruteriano p. 308. n. 1. Juno *Quiritis* (d) occurrit; ibi enim *Cincius Priscus Pontifex Sacrariorum Junonis Quiritis* legitur: De Junone *Curite* idem pronunciavit V. Cl. Gorius, rarum scilicet hunc etiam Junonis titulum, quem primum prodixisse inquit ex Lapide Doniano Claf. II. n. 26. ubi Duo Publii Nigrini, Martialis Pater, & Dexter filius *Viam Sacram a Calcediaco ad Lucum Junonis Curitis*

(a) Aeneid. 3. 379.

(b) Aegroti in Templis ad accipiendam curationis responsa dormiebant, quod *incubare* dicebatur: sic Plaut. Curcul. act. 1. sc. 1. 61. *Leno aegrotus incubat in Aesculapi Fano*. Hujus rei testes plurimi sunt, inter quos Strab. Geogr. l. 17. Aelianus hist. anim. l. x1. c. 31. Tacit. hist. 1. 4. c. 8. Herod. 1. 14. c. 14. Sveton. in Vespas. c. 7. ac demum Interpretes ad Petronii Satyr. c. 17. At Tullius in *De Divinat.* l. 2. c. 59. ejusmodi oraculorum per somnium genus licet deridens, aliis quoque Diis quam soli Aesculapio, Serapive tribui commodè posse concludit. An Aesculapius (inquit) an Serapis potest nobis praescribere per somnium curationem valetudinis, Neptunus Gubernantibus non potest? & sine medico medicinam dabis Minerva? Musae scribendi, legendi, ceterarum artium scientiam somniantibus non dabunt? Certè Jovis hoc quoque fuisse munus ut oracula, visionesque dormientibus praestaret, docet Plaut. in Curcul. Neque incubare se fuit satis Jovi, qui tibi jure jurando auxilio fuit: Acciam Augusti matrem in Apollinis ædibus una

cum domesticis Matronis obdormisse, ut per somnium divina comprehenderet responsa, testis est Sveton. in Oclav. cap.

(c) Fraudem subesse solitam indicavit Demosthenes; dum, ut refert Plutarch. in Demosth., Pythiam autem a Philippo corruptam faceret dicebat; Vanitatem verò aperte fatetur Porphyrius apud Euseb. Praep. Evan. vi. 5, quamquam is librum de Philosophia ex oraculis petita scriptasset. Chrysippum redarguit Cicero l. 2. de Divinit., quod oraculis totum volumen impleverit, partim casu veris, ut sit in omni oratione sapientissime, partim flexilocus, & obscuris, ut interpretes egeant interprete, & fors ipsa referenda sit ad sortem.

(d) Non tanti ea res est, ut cum Reinesio decertem, qui *Quiritis* (quod in eo Lapide notatum invenio) non esse nominativum casus, sed genitivi a *Quiris* contendit, ut sit Juno *Haesta* i. e. *Haesta*. Sed quis dubitaverit, quod cum *Quiris*, aut *Curis* sit *Haesta*, rectius sit, ut ab ea *Haesta*, aut *Haesta* per nominativum *Quiritis* derivetur?



*Curitis restituerunt*: Sed Vir doctissimus, Antiquitatis explorator, atque illustrator eximius nonnisi vetustos Lapidés in mente habebat, nam apud Scriptores frequens, ut mox videbimus, Junonis *Curitis* mentio; Illud tamen (si mihi liceat) Viro summo objecerim, importunam, quam excogitavit, *Curitis* in *Curetis* emendationem, videri; non enim hæc Juno (ut asserit) eadem est ac magna *Deum mater Cybeles*, quam *Curetes*, a quibus denominata est, seu *Corybantes Phrygiae Populi coluere*: Verius enim omnino illud est, hanc eam esse Junonem, quam, teste Dionysio (a), post initam Romanos inter ac Sabinos civilium omnium, sacrarumque rerum communionem T. Tatius ex Sabinis Romam advexit, ita appellatam, quod ejus Imaguncula in hastæ culmine ab iis circumferri solet; quare de hac re sic ego statuendum arbitror, ut nimirum Juno *Curitis* non alia quàm Juno ipsa *Quiritis* censenda sit. Primum, id ex ea Hastâ, cui Junonis Smulacrum imponebatur, rectè conjici poterit, quæ cum *Curis* a Sabinis vocaretur, *Curitis* nomen inde Junoni factum suadet: Certe Festus licet id nomen Junoni, non quod hastæ immineret, sed quod illam gestaret, deductum velit, ab eadem tamen hastâ illud omnino deducit: *Curitem*, inquit, Junonem appellabant, quia eandem ferre hastam putabant: & rursus, *Cœlibari hastâ caput nubentis comebatur*, quæ in corpore Gladiatoris stetit abjecti, occisique, ut quemadmodum illa conjuncta fuerit cum corpore Gladiatoris, sic ipsa cum viro sit, vel quia Matrone Junonis *Curitis* in tutela sint, quæ ita appellabatur a ferenda hastâ, quæ linguâ Sabinorum *Curis* dicitur. Sed quod *Curis* Sabinis, Romanis *Quiris* vocabulum fuit, propterea quod illi literâ Q. carerent, quæ Romani utebantur: Ita Cato in Origin. *Quirinalis Collis*, ait, a Junone Sabinorum Dea, quam illi *Curitem*, idest Hastatam Junonem vocant, etenim hastam *CURIM*, & *CURINAM* proferunt, quia his simul, & *Hetruscis* non est litera Q. sicut Romanis; ad rem iterum Festus: *Curis* est Sabinorum hastâ, unde *Romulus Quirinus*, qui eam ferebat, est dictus; id, quod etiam affirmavit Ovidius, qui ejus nominis etymologiam (quamquam an Quirini nomine ipse Deus appellatus esset Romulus, aut, quicumque is fuerit, alius, non adhuc constat) variè exponens ab hastâ inter alia derivatum canit (b). Patet itaque, quæ tandem ea sit in nostro Lapide Juno *Quiritis* nomine appellata, quo quidem nomine illud singulare eidem nostro Lapidi pretium accedit, ut cum ejusdem Junonis cultus, ac memoria non alio quam *Curitis* nomine Sabinorum olim proprio, celebrari deinceps placuerit, *Quiritis* tamen, qui Latini erat, titulus pene intermortuus nostri Lapidis ope servatus videatur; ex qua profecto re ipsius Lapidis vetustatem conjectare licet, ac antiquissimum simul Beneventanorum cultum erga Junonem, cujus religionem tum cum *Quiritis* ipsa initio cognominaretur, nec dum in *Curitem* dein passim translata esset, ab prioribus Romanis excepisse verisimile est. Ceterum utriusque rei vetustas ex reliquis hujus Lapidis verbis comprobari videtur; nam C. Falcidius L. F. nullo cognomine, sed Consulari dumtaxat munere notatus (c), ipsius præterea vocabulum *Consul*, quod Duellianæ Columnæ sermonem præfert, non obcuras Archaismi notas offendunt, cujus tandem *Quiritis* titulus, de quo hæcenus verba feci, Junoni appositus manifesto argumento esse potest.

Postrema est in nostris Lapidibus Juno Stygia, quam inter nostras Junones non ulla Lapidis ratio, sed munus, inferiorque aliis dignitas in ultimum locum conjicendam suavit. Ejus autem notionem facile hauriemus ex Servii loco in *Æneid.* iv. v. 638., ubi in illud Virgilii. *Sacra Jovi Stygio*, quæ rite incepta paravi; perficere est animus: *Jovi Stygio* (ita commentatur Honoratus) hoc est *Plutoni*; & sciendum, Stoicos dicere unum esse Deum, cujus nomina variantur pro artibus, & officiis, unde etiam duplicis sexus nomina esse dicuntur, ut cum in actu sunt, mares sunt, femina cum patiendi habent naturam: Ab actibus autem vocantur, ut *Jupiter Juvans Pater*; *Mercurius*, quod mercibus præest; *Libera* a *Libertate*; sic ergo & modo *Jovem Stygium* dicit inferis sacrificatura, ut alibi: *Junoni Infernæ dictus Sacer*. Juxta quam disciplinam non unus Jupiter habebatur, sed plures eodem nomine, diversis tamen cognominibus propriam cujusque potestatem demonstrantibus discreti, vulgò coli cœperunt: Hinc tandem intelligimus rectè, quid sibi velit illud epitheton *Cœlestini*, quod Jovi

(a) L. 2. p. 85. Plutarch. in *Quest. Rom.* καὶ Κυβέλης  
„ ὅτι ἀνέστησαν.

(b) Fast. xi. 475. Ac siuti *Curitis* pro *Quiritis* accipitur, & e contra, ita inter ejusmodi alias cognatas voces alterutra usurpatio frequens erat, cujus rei exemplum inter alios præstat Virgilius Carpentis, seu Mediceus, qui l. 7. v. 612. ita scriptum præfert. *Ipsæ Cyriali trabea*, cultuque *Gabino*: ubi illud *Cyriali* pro *Quirinali* (quod editiones omnes habent) more Græcorum positum est, qui pro Latino Q. litteram K adhibent; hinc in

S. Luca, qui græcè Evangelium scripsit, servata est ab Interprete c. 2. vox *Cyri*ni Syriæ Præsidis, quem Quirinum nuncupatum Latini Scriptores omnes prodidere.

(c) De C. Falcidii Consulatu nihil in Fastis, unde suspectum ne Romæ Consulatum, aut Municipalem gesserit, incertum est: de Municipalibus Consulatibus variæ fuerunt Clarissimorum Virorum Sententiæ, & concertationes. Vid. Card. Noris. Cenot. Pis. diss. 1. c. 3., necnon Fabretum cap. x. p. 723. contra Reinsum de more certantem.

Jovi Optimo Maximo tribuitur in quadrifonte Epigraphe apud Gruter. (a), quam emendatam recudit in suo Opere Fabrettus (b) : Jovem Coelestinum non alium quam Jovem Olympium, propterea quod unus alterum *ad verbum reddit*, explicavit Fabrettus, sed veram prioris epitheti rationem non satis aperuit, quam non aliam in eo Lapide crediderim, ut nempe illius Jovis Numen indicaretur, qui Diespiter, Altitonans, Divum Pater, atque Hominum Rex, cui denique

*Fulgmina post ausos Coelum affectare Gigantes*

*Sumpta . . . . .*

Sic ad differentiam ejus Dianæ, quæ

*Montium custos, Nemorumque Virgo*

vocatur Horatio (c), & Nemorensis appellatur in veteri Lapide apud Gruter. (d) jam *Coelestis* altera vocari consuevit, quæ (ne externa quæram) occurrit in nostro Beneventano Lapide

### DIANÆ CELESTI

SACRVM

CRESCENTINA

CVM SV. LIBER

Coelestinus igitur, seu Coelestis Juppiter ita appellatus, ut ab ceteris ejusmodi vocabuli Diis secerneretur, nam Jupiter quoque dicebatur tum is, qui Maris imperium (e), tum qui Inferni, (f) accepisse credebatur.

Quæ de Jove dicta sunt, eadem disciplina, rituque ad Junonem quoque transferri possunt. Præter enim eam Junonem, quæ sic de se ipsa jactabunda personabat (g).

*Ast ego, quæ Divum incedo Regina, Jovisque*

*Et Soror, & Conjux . . . . .*

Junonem alteram Stygiam (nam de Æquorea, seu Maritima nihil hæcenus compertum habui) omnino fuisse noster lapis manifeste probat. Eam autem *Profundæ* titulo, quod sub terræ ima consideret, donavit Claudianus; (h) *Infernam* autem cognominavit Virgilius (i); at *Stygiam* Crescentina in nostro lapide appellatam maluit, & optime quidem, ut eodem isthæc Juno epitheto insignis esset, quo *Stygiū* Jovem scriptoribus, ac lapidibus celebratum jam audivimus: non omnino vero a me divinatum erit, si eandem ipsam Crescentinam acceperim, quæ in utroque nostro lapide modo Junoni Stygiæ, modo Dianæ Coelesti, ut vidimus, votum solvit cum liberis suis. Locus enim utrique lapidi communis, simillimum mulieris dedicantis nomen, eadem fere utrobique concepta verba optimam ejus rei conjecturam suppeditant; Quod cum ita sit, mirabimur certe hujusce mulieris religiosam solertiam, quæ Superis non contenta, Inferos quoque Deos sibi colendos suscepit: Cur vero Junoni Stygiæ votum a Crescentina cum filiis solutum fuerit, non alia videtur fuisse causa, quod ejus præcipua ope se, suosque filios præsentī vitæ discrimine liberatos putaret; hoc enim Infernæ, sive Stygiæ Junoni munus cæca Gentilitas tribuebat, ut quam Juno Lucina vitam nascentibus impertiretur, ipsa demum Juno Stygia morientibus adimeret: ita ut crinis sectione, quam in morituri vertice perageret, mortem tandem inferret; sic ex Statii loco Servius (k): *Tum Juno omnipotens: aut pronuba, aut inferna. Statius: Jam complexa manu crinem tenet Infera Juno.*

Inferorum autem Numinum cultum (quod heic non abs re erit subnotasse) Ethnicos frequentasse

[a] P. 18. 2.

[b] C. 6. p. 430.

[c] Od. l. 3. 22. 1.

[d] 41. 7. 8.

[e] Hunc Secundum Jovem appellat. Stat. Achill. r. 48.

. . . . . dextramque secundi

*Quod superest completa Jovis . . . . .*

Tridentiferumque, ut a Fulminatore, seu Fulguratore distingueret, jam dixit Sidon. c. 22. n. 159.

*Sacra Tridentiferi Jovis hic armenta profundo*

*Pharnacis immergit genitor . . . . .*

(f) Sed jam tertius ipse erat Juppiter, qui inferna regna moderari credebatur, cui Nigri Epitheton fecit Sil. Ital. vii. 116.

*Nigro forte Jovi, cui tertia regna laborant.*

Stygius vero non solum Virgilio, ut paulo ante audivimus, fuit dictus, sed etiam Ovid. Fast. v. 448.

*Sæpe tibi est Stygii Regia visa Jovis.*

In Lapide etiam apud Gruter. p. xxlii. n. 6. 7.

(g) Virgil. Æneid. i. 46.

(h) De Rapt. Proserp. l. 1.

. . . . . Calignanteque profunda

*Junonis talamos audaci promere cantu*

*Mens cogesta jubet . . . . .*

(i) Æneid. vi. 138.

. . . . . latec arbore opaca

*Aureus & foliis, & lento vimine ramos*

*Junoni infernæ didus Sacer . . . . .*

(k) Æneid. iv. 693.



quentasse fatis constat, qui tamen in iis colendis diversos, ac qui erga Superos adhibebantur, ritus, superstitionesque servabant (a); Stultissimam Religionem impiissimus error invexit, quo bina simul rerum omnium Principia, Bonum scilicet unum, alterum vero Malum statuebantur, atque posteriori huic, a quo omnes in humanum genus calamitates ex propria sui natura, insitaque nocendi mente manare credebantur, sui quoque veluti Satellites, quos Deos malos appellabant, adesse putabantur; ab his nec ipsos Deos *Manes* exceperis, quos in innumeris passim lapidibus insculptos, eo honorifico vocabulo, quod *Bonos* significabat, non quod ejusmodi essent, sed ut quodammodo eorum adversa vis mulceretur, vocabant; eos enim, quos jam inferos esse constabat, suppliciter propter metum mortis venerari solitos homines testatur Felius: ed res devenit, ut ab ipso supremo malo Numine, ejusque ministris, quasi longum ad eos imperviumque precibus iter esset, serioresque ex iis suppetiæ pervenirent, ad ipsas perniciosas res, quæ molestiam hominibus propius asserere videbantur, religio se converterit, dumque in iis vim aliquam Mentis, imo & Divinitatis inesse homines somniarent, se se omnino amentes ostenderent: Deridendum, imo detestandum ejusmodi errorem ipsi sapientes Ethnici aliquando censuerunt; de eo enim præclara sunt illa Ciceronis de Nat. Deor. lib. 3. 25.: *Qui tantus error fuit, ut perniciosi etiam rebus non modo nomen Deorum tribueretur, sed etiam sacra constituerentur? Febris enim sanum in Palatio, & Orbone ad adem Larum, & aram mala Fortuna Exquilis consecratam videmus: at ita olim se res habuit, ut ærumnarum metu, quarum auctores Demones putarentur, ipsi ab hominibus tristitia omnia suapte natura vitare cupientibus adorationem, qua placari posse falso ostendebant, passim extorquerent; quod etiam Christiana lege ubique recepta apud improbos etiam Christianos suo ævo (utinam ne deinceps) S. Augustinus querebatur, perniciosissimum errorem luculentis his verbis infectatus (b): Putant [inquit] pravi homines, quod hoc Demones præstant, quos adorant . . . . timendum est, ne irati noceant: non nocebunt, nisi ille [Deus] permittat: Ipsi semper habent voluntatem nocendi, nec si placentur, nec si rogentur, desinunt nocere velle; hoc enim malevolentia illorum proprium est: ergo quid facies eos colendo, nisi ut illum offendas, quo offenso in istorum potestatem daberis? Et qui tibi nihil possunt facere illo placato, facient quicquid volunt illo irato: Sed jam ceteros Deos, quos veteres Beneventani patrios habebant, exequamur.*

Hercules quoque inter præcipuos fuisse videtur, cui non Lapides solum, atque Tituli, aut honoris, aut voti causa, sed Tempia etiam dicata fuere. Primus itaque in lucem prodeat Votivus Titulus a L. Tarquinio Herculi positus cum Oris imagine. Affert hunc lapidem quoque Gruter. (c) in eoque Suam sculptam esse indicat, nec tamen exhibet; at Ovem potius in eo spectare licet, ut etiam heic exprimendam curavi.



(a) Manibus in Cælum sublatis Superos, at Inferos in humum projectis orare mos erat; præterea ut ex Labrone notavit S. Aug. de Civit. Dei l. 2. c. xi., & l. 7. c. 13. hi cædibus, & tristibus supplicationibus propitiari, illi lætis, & jucundis obsequiis coli consuebant; quem morem omnino respexit videtur Virgilius Æneid. III. 118. dum ita canebat.

Sic fatos inritos avis machavit honores,  
Nigram Hiemi pecudem, Zephyris felicibus albam.  
Quo loco Servius causam quoque prodit, cur homines

At  
inferorum, seu malorum Deorum religionem proficerentur: Bono [inquit] usus est ordine, ut prius averteret mala, sic conciliaret optanda: Frustra enim profutura possuntur adversis sequentibus; nam & Romani veteres Diis asperioribus sacrificabant, ne nocerent: & in Æneid. IV. 58. Sicut prosperis Diis, ut juvent, ita adversis, ne ob sint, sacrificandum est.

[b] Enarration. 2. in Psalm. 26.

(c) P. 44. n. 11.

At quid huic L. Tarquinio in mentem venerit, ut Herculi Votum solvens Ovem sacratam vellet, cuius etiam effigiem in lapide sculpendam curavit? nihil enim ab Hercule alienum magis, quàm ipsummet animal, quod imbellis, omniumque mitissimum haud Numini congruit, cuius robur in monstrosis belluis extinguendis maxime celebratur, nec nisi Leonis ab se interfecti exuviis ornari gaudet. At nihil temere hanc in re gestum videri potest, aut Hercule indignum. Quid enim? Inter Herculis labores non infimum locum tenet, quod is Greges rufam lanam habentes, quæ ad Hesperides Nymphas Atlantis filias pertinerent, occiso eorum custode abegisse tradatur, ad eamque rem fabulam Malorum aureorum, quæ in pervigilis Draconis tutela essent, referendam tradit Servius, cuius verba mox opportuniore loco a me proferentur: Præterea Hercules ad Tyberim armenta pavisse memoratur, quorum partem ab Caco subreptam, eo occiso, tandem recuperasse fuisse canit Virgilius (b). Alterutram, aut certe utramque rem L. Tarquinius fortasse respexit; aut enim ea Ovis effigie priorem Herculis laborem indicatum voluit, aut potius, cum ejus Numinis ope abactas sibi suas pecudes recuperavit [quod feliciter ipsi Herculi olim eveniret] Ovem ei vovisse, votamque nedum sacrificasse, sed etiam in marmoreo votivo titulo effingendam curasse putandus est. Sed ne longius hunc votivum titulum morari liceat, dum præclariora alia de Hercule jam sunt proferenda.

Insignis inter vetera Beneventi monumenta habetur hæc Tabula Herculi sacra.



Primus omnium, quos sciam, hanc Tabulam ære quam eleganter incisam vulgavit Jo. Baptista Ferrarius Senensis e Societate Jesu in libro, cui titulus: *Hesperides, sive de malorum aureorum cultura, & usu*: pag. 27. edit. Rom. 1646. cui Tabulæ hæc tantum verba subscripta: *Hercules cum Hesperide Beneventanus*: Ex eodem fortasse Ferrario, nulla licet illius facta mentione eandem Tabulam excepit Donius, qui etiam Beneventi extantem memorat. Habetur autem in ejus opere, cuius editionem adjectis eruditissimis notis nuper curavit V. C. Gorius inter prævias Tabulas Tab. vii. n. 2. pag. 4. Sed in græcum titulum irrepsit error, nam in prima dictione pro ΗΡΑΚΛΗΣ adeft ΗΡΑΚΛΗΣ: at hunc, quem malecauti Calcographi vere dixeris errorem jam animadvertit, correxitque in nova ejusdem Tabulæ editione V. C. Muratorius, qui rursus ex eodem Donio eam dedit Tom. I. antiq. Inscript. p. lxxv. n. 8. Gorius in Adnotationibus ad Aras Deorum, ceteraque egregia Monumenta addita operi Doniano, quam brevissime in eandem Tabulam commentatus perelegantem sculpturam appellat, quam [inquit] *Herculi Servatori dedicavit Publius Junius Januarius Augustalis, ut arbitror, Colonia Beneventana*. De hoc igitur præclaro Beneventano Anaglypho tot clarissimis viris celebrato, haud tamen satis illustrato, jam mihi erit differendum.

Utque



Utque a Græco titulo eidem Tabulæ inscripto ordiar, sic latine is se habet

HERCVLI  
SERVATORI  
P. IVNIVS  
IANVARIVS  
AVGV  
POSVIT

Simillimum latinum titulum exhibet V. C. Marchio Maffejus in Museo Veronensi pag. 349. ubi inter alias veteres Inscriptiones Regni Neapolitani, quas nulla adjecta locorum mentione a V. C. Sebastiano Arnolinio sibi missas testatur, eum primo loco recenset: Num a nostro diversus fuerit hic titulus iisdem licet verbis latine conceptus? vix puto: sed verisimilius illud censuisse erit, descriptum ex nostro marmoreo Anaglypho titulum, ac latinitate donatum, amissâ paulatim & loci, & monumenti memoriâ, per aliorum manus circumferri solitum. Sed jam *Servatoris*, quod Herculi tribuitur, cognomen observasse præstat.

Cum itaque Hercules ingentia in omnes gentes beneficia contulisse, proque eis conservandis, aut juvandis maximos labores, molestiasque suscepisse traderetur, postquam hominum fama beneficiorum memor in Concilio Coelestium ipsum collocavit, summis etiam honorum titulis celebrasse pro more habuit: hinc passim in vetustis lapidibus, nummisque *Comitis*, *Custodis*, *Defensoris*, *Conservatoris* titulis decoratum legimus; nec secus *Servator* in nostra Tabula nuncupatur. quo maxime titulo Cicero eum laudibus extollit, ejusque, ad imitandum, exemplum ceteris proponit (a); qua de re Viris aliis summis, qui Heroes vulgo habebantur primi Urbium, aut Imperiorum conditores, sive qui de Rep. optime meriti essent, *Soteres* populorum vocibus, publicisque monumentis audiebant; quem tamen titulum plerisque aut ambitio, aut subditorum metus largiebatur, ut de Ptolomæo Lagi jam constat, cui Rhodios primum ΣΩΤΗΡΟΣ cognomen concessisse contendit Josephus (b), quale dein successoribus tum Lagidis, tum Seleucidis adhæsit. Ridebimus certe, an etiam cum Cicerone indignamur Verri, quod a Siculis, quorum fortunas, dignitatem, vitam tam nefarie in sua Prætura divexaverat, ejusmodi magnificum titulum publico monumento sibi inscribendum curaverit. Audiamus Tullium (c): *Itaque Eum* (Verrem) *non solum Patronum istius insule, sed etiam SOTERA* inscriptum vidi: *Syraculis beu quantum est! ita magnum, ut latino uno verbo exprimi non possit; Is est enim SOTER, qui salutem dat: Sed quod Herculem attinet, non solum in nostro lapide, sed etiam in nummis Thasiorum, ac aliis plerisque, ut Stymphaliorum Arcadum ΗΡΑΚΛΕΩΣ ΣΩΤΗΡΟΣ Herculem Servatorem inscribi jamdiu notavit Spanhemius (d), nuper etiam Jo. Henricus Schulze (e).*

At jam ex titulo ad ipsam Tabulam progrediamur: Tres Tabulas huic nostræ aliqua ex parte conformes protulit Fabrettus (f). Prima puerum equitantem, dexteraque pateram ferentem exhibet ante aram accenso igne dumtaxat instructam, quæ arbori subjacet quinque poma inter folia ferenti, anguem trunco circumflexum habenti, hoc titulo ima parte græcè inscripto: *Glycon Euhemero filio memoria gratia vixit anno 1. mensibus x.* Secunda Juvenem pariter equitantem repræsentat ante rotundam aram, ex qua arbor prodit, cujus rami foliis ornati anguem interfertum habent; adstat præterea aræ mulier capite velata bovem ante se procumbentem habens. Tertia denique arborem sine pomis cum angue tamen eodem, truncum circumplexo ostentat, ex cujus dextero latere mulier adstat, dexterâ vas gerens, lævâ puerum adducens, ex sinistro vero Hercules visitur Leonis pelle ex contexto capite in humeros descendente, qui etiam

K

sinistrâ

(a) De Offic. l. 3. c. 5., & De Finib. l. 3. c. 20.: *Sic ii, inquit, qui valent opibus, atque id facere possunt, ut de Hercule, & de Libero accipimus, ad servandum genus humanum natura incitantur.*

(b) Origin. l. 7. c. 1. (c) Verr. 2. c. 63.

(d) De Præst. numism. Dissert. v. p. 388. edit. Amstel. 1671.

(e) De iisdem Thasiorum nummis, præcipue illis, in quibus Hercules *Soter* conspicitur, satis amplam, atque eruditam Commentationem edidit Jo. Henricus Schulze Halæ Magdeburgicæ an. 1737.

(f) Inscr. Ant. c. 3. p. 161.

sinistra tricipitem Cerberum laqueatum post se trahit. Putavit Fabrettus in prima Fabula (nam reliquas uti ad primam *alludentes* profert) Euhemeri infantis tum primum ad inferos descendens ingressum significari, qui, ut sibi cum piis beatisque optata sedes contingat, sacrificat angui illi arborem quinque pomis onustam custodienti, quem Draconem in Hesperidum horto poma aurea custodientem interpretatur; id ex Strabone confirmari posse ratus, qui Hesperidum hortos cum Elysiis confundere videtur, dum in ultima Hesperia Elysius Campos terræ terminum constituit: At quid dicemus de arboribus aliis, quæ in reliquis tabulis nulla habent poma, ita ut frustra Draco ad eorum custodiam vigilare videatur? Ad hæc, Hesperidum hortis cum Elysiis nihil unquam commune; hos enim, ut Servius animadvertit, aut in Inferorum medio Poetæ locarunt, aut apud Insulas fortunatas statuerunt Philosophi, aut demum in Lunari circulo positos Ethnicorum Theologia commenta est; Invaluit tamen Poetarum opinio, quam etiam Fabretti tabulæ confirmant, nam viri docti explicationi facile adhæserim, qui eorum puerorum animas dum inferos adirent, ut cum piis (nam illorum ætas adhuc culpæ ignara) sibi Elysius incolendos demerent, sacrificium instituisse putavit. Addo ego, non alia de causa Herculem, qui Cerberum laqueatum sinistrâ duceret in tertia Tabula expressum, nisi ut puero illi a muliere adducto, ne ab ipso Cerbero interceptus ad Tartareos sinus raperetur, inoffensum paratumque ad Elysius iter præberet; quod sanè præstari ab Hercule Parentum pietas arbitrabatur, quem aliquando Cerberum domuisse, catenæque ab inferis extractum interfecisse ferebat fama. At quid demum, inquires, anguis ille, qui perpetuo in singulis tabulis arborem circumplectitur, cui potissimum pueri illi sacrificium instituere ostendunt? Hac enim præsertim re Fabrettianæ Tabulæ hujus nostræ similitudinem referunt, in qua anguis idem pomiferi arboris trunco circumhæret: De nostra Tabula mox dicemus, ad Fabrettianas quod attinet, nunquam illic Hesperidum Draconem expressum acceperim, sed potius Elysiarum Genium: Locis omnibus suos Genios attribuit Ethnicorum Theologia, nullum arbitrata locum, cui alicujus proprii numinis tutela deesset, de qua re alibi a me fusè: non igitur suos deesse Genius Elysius debebat, quem, ut aliorum locorum, plerumque anguis formam prætulisse constat. Certe Æacæ (a) ad Anchysæ genitoris apud Elysius jam degentis tumulum sacrificaturus, anguem exinde erumpentem vidisse fingitur, qui

..... agmine longo  
Tandem inter pateras, & levia pocula serpens  
Libavitque dapes, rursusque innoxius imo  
Successit tumulo .....

Ceterum Genius Infernus non semel occurrit in antiquis lapidibus apud ipsum Fabrettum (b), atque Donium (c). Vides igitur quis ille sit anguis, cui in Fabrettianis Tabulis pueri ipsi Elysius adeuntes sacrificant. Res plane tota ad hanc, vel aliam, quancumque malis, causam referenda est, quam ad Hesperidum Draconem significandum, cui neque Elysi, neque alia omnia in hisce Tabulis repræsentata vel leviter respondere videntur.

At si Hesperidum hortos, Herculemque demum, frustratâ Draconis custodiâ, aurea poma auferentem intueri jam lubeat, a Fabrettianis Tabulis, quas hactenus derivimus, ad nostram oculos convertisse satis fuerit: Sed antequam ad eam ego manum, præstabit audisse Servium (d). Hesperides Atlantis filia, Nympha, secundum fabulam, hortum habuerunt, in quo erant aurea mala Veneri consecrata, que Hercules missus ab Eurystheo, occiso pervigili Dracone, sustulit: Revera autem nobiles fuerunt puellæ, quarum greges rufam lanam habentes abegit Hercules, occiso eorum custode, unde mala fingitur sustulisse, hoc est oves, quæ græce μύδα dicuntur, unde μυδῶπος dicitur pastor ovium: Propter ruborem autem lanae, quæ similis auro est, existimasse eos, qui audierant, mala aurea in Africa nasci. Est & alia fabula: Cum nuptiæ Junonis celebrarentur, omnesque Dii in honorem ejus offerrent munera, terra in extremis Regionibus edidit arborem poma aurea ferentem; hæc cum deceperent Hesperides, Atlantis, sive Hesperii filia Custodes ejusdem arboris, Juno offensa munus spoliari suum in metum earum misit Draconem insomnem, qui omnibus noctibus, diebusque custodiret ramos; Hoc postmodum ab Hercule interempto, qui ab Eurystheo ad hoc missus fueras, mala sublata sunt: Hesiodus has Hesperides, Aglem, Aretusam, & Hesperusam noctis filias, ultra Oceanum mala aurea habuisse dicit. Habes Servii verbis recitatam fabulam, quam modo in nostro Anaglypho oculis spectare libet. Vides igitur primum Herculem, quem a Clava, quam sinistra gerit, illico agnosces: Is porro dexteram protensam, atque in altum sublatam habet, propiusque in adversam arborem

[a] Æneid. v. 85.  
[b] Cap. 3. p. 72.

[c] Class. xv. n. 19. p. 440.  
[d] Æneid. iv. v. 484.



arborem attollit, ut poma, quæ ex illa pendent, decerpere conetur. Porro in eadem arbore Serpens, seu Draco adstat, qui toto corpore truncum circumplectens, ex ipsius trunci suprema parte, qua in ramos dividi incipit, caput attollit, quasi assidue ejus arboris tutelæ additus admotam alicujus manum mordere paratus, accedentes quoque aspectu suo deterreat. Quæ autem sub ipsa arbore mulier corpore ab umbilico deorsum velato procumbens somno dentata apparet, Hesperidum unam facile judicabimus, quam solam satius fortasse habuit representasse sculptor, reliquas aut ex loci angustia, aut laboris sibi levandi gratia prætermittens, vel potius ex ea ceteras facias prompte subindicatas arbitratus.

Num vero ea erit nostri Anaglyphi fides, ut cujusmodi ea res olim se habuerit, jam certe statuamus? Et sane mirum quantum in narranda re inter se discrepent veteres Historiographi; nam nec de Hesperidum genitore sive Hespero, sive Atlante, nec de illarum numero conveniunt, quas alii duas, alii tres, alii demum usque ad decem commemorant: De regione, ubi Horti essent, de aureorum pomorum, de Draconis custodis natura, magna quoque sententiarum varietas: Quid vero Poetæ? Effrænem, quam suo sibi veluti jure vindicant quilibet audendi licentiam, si aliis rebus unquam, in hac certe una magis mirabimur; nam in iis, quæ verisimilia videri possunt, diversi ab Historiographis plerumque abeunt; fabulosa vero multa de more interferunt: Quæ Historiographorum inter sese, quæ ab his Poetarum discordia, quæ demum ad eam rem Poetis comminisci placuit, non minus fuse, quam erudite explicavit Dominus Maffieu in Dissertatione singulari de Hesperidis (a). At si rei veritas nostræ Tabulæ testimonio dijudicanda erit, habes jam ex ea, quo modo ab Hercule poma aurea Hesperidum ablata fuerint: Cum verò in ejusdem rei simulacro, quale in ipsa Tabula exhibetur, nonnihil latere videatur, quid illud tandem sit, explicare modo pergam.

Fac etenim, ut ex ipsa Tabula inscriptum titulum demas, nonne ex rebus singulis ibi representatis Adami, atque Evæ facinus, quod ex pomorum esu Serpentis maxime consilio evenisse constat, cuique statim in mentem venit? Manifesta res est, quam fateri vel invitus cogis, neque enim alibi ejusce rei simulacrum accuratius expressum adspexeris (b). At res sit integra, maneatque in Tabula titulus Herculi ab Augure positus, ajo ego; Adami quoque, atque Evæ facinus in ea fortasse demonstratum, ita ut qui eam effinxerit artifex, aut potius, qui ita efformandam curaverit Augur ipse P. Junius Januarius, dum Hercules, cui Tabulam sacram voluit, rem gestam referendam consulto studeret, id etiam consilii susceperit, ut ad alterutram rem æque representandam Tabula ipsa satis apta videretur; & sane non est qui ignoret, omnem, si doctissimi Huetii judicium sequi libeat, vel certe magnam Ethnicorum Theologiæ partem ex Divinis Scripturis, præsertim vero ex Pentatheuco manasse; ex eo enim quicquid de suis Diis, rebusque eorum gestis veteres Poetæ cecinere, aut Philosophi tradiderunt, haustum fuisse declarat manifesta illa ratio, quod nihil in Ethnicorum Theologia habetur, cujus præclara exempla, aut saltem vestigia aliqua in sacris Libris non invenisse detur: Ad rem quod attinet, ut cetera aliqua pro suo instituto, sic etiam Serpentem malorum aureorum Custodem Serpentis ejus, qui Evam ad peccatum pellexit, Symbolum esse manifestum affirmat laudatus auctor (c), atque ubi in vindicanda libri Josue fide, Divinaque auctoritate, in eo totus est, ut, quod antea demonstraverat Vossius (d) Josue ipsi impositam fuisse Herculis personam adhuc ipse novis argumentis confirmaret, jam denuo Draconem Hesperidum mala servantem, atque ab Hercule interfectum ad Serpentem Evæ seductorem referendum omnino statuit, ejusque rei opinionem etiam apud Ethnicos infedisse probat ex insigni loco, quem profert ex Clementis Protreptico, qui de Bacchi mystis sic disserit: *Hædinarum carnum distributionem celebrant, coronati Serpentibus, ululantes Evam illam, per quam error cum morte subssecutus est, & insigne Orgiorum Bacchicorum Serpens consecratus: Igitur juxta accuratam Hebraicæ vocis significationem nomen Eva, si aspietur, exponitur Serpens Femina: Clementi ego quoque addo Eusebium, qui (e) Serpentis tentatoris, lapsusque Adami, & Evæ historiam a Platone interpolatam probat; At, ut antea jam dixi, ad ejusmodi rem demonstrandam omnium instar argumentorum nostra sufficiet Tabula, in qua præter ipsam arborem poma præferentem, Serpentemque ejus*

K 2

trunco

(a) Quam habes in Tom. iv. Memoires de Litterature de l' Academie Royale &c. p. 38. edit. 1731.

(b) Extat quidem in *Hercule Begeri* pag. 12. Tabula marmorea, quam ex *Galleria Giustiniana* ipse exhibet, sed præter Herculem, qui tantum Comes est, vir alius barbatus poma decerpit, alius tandem sub arbore quie-

scit: Si eam Tabulam ad Hesperidum poma referre libeat, nescio an descriptoris oscitantiam, vel potius marmorarii incertitiam causemur.

(c) Demonstr. Evang. Prop. iv. cap. x. n. 6.

(d) De Idololatr. l. i. c. 46.

(e) Præpar. Evang. l. 2. c. 14.

trunco circumvolutum, vides Evam sub ipsa decumbentem, Adamumque malefuadæ conjugii obsequutum ad decerpenda, quæ jam ederet, mala dexteram admove (a).

At quæ, inquires, huic Auguri mens fuerit, ut cum infano, quem profiteretur, Herculis cultu, ejus quoque rei monumentum, quæ ad veri Dei Religionem pertineret, tam accurate simularit? Non una potuit esse causa: ac primum illam conjectasse promptum erit, hanc nimirum Tabulam Christianorum olim opus fuisse, quos tum rei, de qua modo agitur, tum insignes alias veteris Testamenti historias, aut sacrarum Ædium parietibus pingi, aut etiam marmore insculpi pro antiquitus recepto, probatoque habuisse more satis constat; (b) Hanc vero Ethnicus hic homo aliquando nactus (nam sub idolatris Principibus non solum in Christianam Religionem, ejusque assecras, verum etiam in sacras illius Ædes, ceteraque monumenta sævientibus, facile id fuit) talemque animadvertens, ut satis apte ad Herculeum Hesperidum, mala auferentem referri posset, in profanum ejusmodi usum, representationemque convertit: Hujus conjecturæ non levis ea ratio præsto est, quod inscriptus titulus intra ipsam Tabulæ aream ex ejusque latere, quod vacuum patere repertum fuit, nonnisi posteriori manu insculptum fuisse videtur; qui certe titulus, ut ipsa insignis Tabula ferebat, aut in ejus suprema fronte, aut ima parte, ut alia passim ejusmodi monumenta exemplo sunt, ab ejusdem Tabulæ effigiata area scorum, aut ejus coronam, aut basem efformare debuisset: An vero dubitabimus, ab Ethnico homine patratum facinus, dum contra eorundem Ethnicorum profana, quæ superstitionis quoque notis haud carerent, monumenta sibi olim Christiani vindicasse inveniantur? (c)

Verifi-

[a] Ex nummo, qui ad nostri Anaglyphi similitudinem accedit, ubi nempe arbor pomifera serpente circumvolutum habens, Hercules ad decerpenda poma manum attollens, & mulier cubans visuntur, jamdiu Illustris Spanhemius in notis ad Callimachum Adami, Evæque rem gestam sub ea fabula contineri putavit; Spanhemii conjecturam satis verisimilem probavit D. De Maffieu in dicta Dissertat. de Hesperidis tom. 3. Memoires de Litterature &c. cujus verba afferre libet: „D'autres „pretendent avec plus de vraisemblance encore, que „le jardin des Hesperides, leurs pommes, & leur Dragon, ont été saints d'après le paradis terrestre. En „effet, si on jette les yeux sur le Medaillon dont j'ai „de „ja parlé, on sera tenté à la première inspection de croire „qu'il représente la desobéissance du premier homme. „On voit au milieu un grand arbre, sur le quel parmi „plusieurs pommes en paroît une plus belle que les autres. Un long serpent environne le tronc. Hercule est „debout à côté de l'arbre, & lève la main vers le fruit. „De l'autre côté sont les Hesperides, & si au lieu qu'elles „les font trois, il n'y en avoit qu'une, il n'y auroit „personne qui ne crût voir Eve, & Adam, & tout ce „qui est rapporté au Chapitre troisième de la Genèse il y „a donc beaucoup d'apparence que les Poètes en fabriquant la fable des Hesperides ont eu devant les yeux „ce point de l'Histoire Sainte &c.

[b] Usus quem habuere Veteres Christiani sculptendi Anaglypho opere figuræ Adami, Evæ, Arboris, Serpentinaque illius, qui eisdem primos hominum parentes, ut fructu ejus arboris vescerentur, induxit; notavit quoque vir eruditissimus P. Mamachius in præclaro opere, cui perficiendo, summo tum Christianæ. tum literariæ Reipublicæ emolumento, adhuc adlaborat. Origin., & Antiq. Christianar. l. 3. p. 28. Ea Historia in Sarcophago marmoreo Junii Bassi exhibetur apud Aringhium l. 1. Romæ subterraneæ l. 11. c. 10. p. 277., & apud Bottarium: *Sculpture, & Picture sacræ chræstie da i Cimiterj di Roma* t. 1. p. 36. edit. 1737. apud quos alios Sarcophagos non semel reperies, in

quibus iidem primi Parentes cum arbore, & serpente representantur.

[c] De Saxi sepulcralibus nota res est, cujus etiam meminit Mabillon. de cult. SS. Ignot. § 9., ut quæ olim Ethnicorum tumulos ornarent epitaphiis proinde, aliisque symbolis superstitionem præferentibus insculpta, ad suorum defunctorum monumenta excitanda, additis ex adversa facie novis inscriptionibus, non adhiberent solum Christiani, sed etiam in ipsa sacra Cœmeteria invehenda curarent, locarentque. Quod non lapidum, artificumque, sed ad facultatem, quæ in Christianis considerari potest, tenuitatem retuleris, aut verius ob Persequutorum metum, quo clam suos defunctos efferre, eorumque memoriam tumultuario opere, ex istis saxi sepulcralibus gentiliis, quæ secus vias, atque in agris passim occurrerant, quoquo possent modo servare studerent, atque id fortasse tolerandum dixeris; quid vero dices ubi parva Ecclesiæ pace, in Christianorum Ecclesiis sepulcrales urnæ ad condenda fidelium cadavera translatæ fuerint, quibus gentiliis cadavera olim condita; adeo ut insculpta ornamenta superstitionis ritus testantia adhuc retinerent. Id plane fatetur antedictus Mabillon. Itin. Ital. p. 84. de Templo S. Constantiæ Via Nomentana I. ab Urbe lapide, ubi: *Vas*, inquit, *Porphireticum*, quod pene *Altare* in angulo modo cernitur, olim in medio erat; continebatque corpus S. Constantiæ: In ipso, atque in fornice ex marmo passim exhibentur Genii uvæ demetentes, ferentes, & calcantes, unde *Bacchi sepulcrum*, & sanum esse plerisque perusum est: pauloque post: Itaque Constantiæ, seu Constantinae Mausoleum illud ipsum est, quod hodie conspicitur ad Basilicam S. Agnetis: quod cum a Paganis forte Archiepis constructum fuerit, non mirum si quid Paganici ritus in fabricæ ornamentum admiserint: De Mabillonio quaeritur Fabrettus c. 8. p. 565. Et rursus p. 581. quod temere suam tulerit sententiam, qua ornamenta Templi Constantiæ, seu Constantinae via Nomentana aliquid paganici ritus præferre pronunciarit; nam vites, aliaque ad vindemiam pertinentia pro-

pria



Verisimilior autem ( ne hæcenus iussisse videar ) altera erit caussa ; quid enim nos credere veritat, ut P. Junius Augur totum id optime norit, quod de primi hominis lapsu Scriptura commemorat ; si enim ex Divinis Libris, qui Hebraismi ævo haud facile patebant, plurima sapientiores Ethnici sibi vindicarunt, ut suam Theologiam statuerent, facilius multo orta Christiana Religione, quæ iis libris continebantur, vulgata apud ipsos Ethnicos putabimus, quandoquidem, præter Rabinorum lucubrationes prioribus Christianis seculis, multis licet refertas fabulis, in vulgus emissas, constat primo ipso sæculo Judæum Philonem floruisse multis editis voluminibus, præsertim vero legatione, qua apud Cajum Imperatorem functus est, illustrem, cui supparet Josephus Imperatoribus Vespasiano, ac Tito plus æquo studiosius, qui Judaicas Antiquitates pluribus libris, interpolatas tamen, est persecutus. At quid inde ? num Ethnicus homo, qui etiam Augurem profitebatur, iis, quæ de Adamo, atque Eva audiverat, aut etiam legerat, fidem suam accommodaverit ? non ita : sed cum is apud Christianos satis celebratam animadverteret historiam, haud esse aliam sibi facile persuadebat, quam quæ de suo Hercule mala aurea Hesperidum, quæ in Draconis erant tutela, auferente Ethnicorum Theologia deprædicabat. Hinc ejus studium, ut in effingenda tabula ita res repræsentaretur, ut ad utramque partem facile posset aptari : qua ex industria nonnihil emolumenti suæ superstitioni accessurum putabat, quæ veræ Religionis ( quam merito, ac jure Christiani sibi vindicabant ) monumenta fuissent, sublata tantum nominum differentia cum Idololatriæ commentis convenire probarentur : Hanc Ethnicorum mentem, consiliumque ipse quoque Diabolus maximopere fovere visus est, postea enim quam de nefandissimis illis flagitiis, quæ in abditis locis, nocturnoque tempore a Christianis patrentur, rumor evanescere coepit, tum ex Apologiis, quas Justinus, Athenagoras, Tertullianus vulgaverunt, tum maxime ex habita a Plinio, dum Bythiniam regeret, diligentissima quæstione, qua vetus in Christianis calumnia prorsus detecta est, putavit is e sua re fore, si Christianæ Fidei mysteria, ritus, sacramenta ipsa, quo magis Ethnici in veteri errore retinebantur, inter Idololatricas superstitiones similitudo aliqua servanda institueretur, ut iisdem illi rebus, quibus Christiana Religio probari maxime conitabat, detenti, quæ ejusdem veræ Religionis, rectæ fidei, optimorumque morum disciplina esset, haud penitus novisse satagerent, vel supervacuum esse existimarent : hinc nihil, mea sententia, Hadriano Imperatori debuerit Christiana Religio, quod is de Templis, quæ soli Christo sacra essent, ædificandis cogitaverit ; [a] nihil etiam Alexandro, quod in Larario suo non solum Divos Principes, sed optimos electos, & animas sanctiores, in quibus Apollonem, sed etiam quantum scriptor suorum temporum dicit, Christum, Abraham, & Orpheum, & hujusmodi Deos habebat, ac majorum effigies (b) : Artem hanc Diaboli tum fuisse patet : cujus ( ut loquitur de suo ævo Tertullianus (c) sunt partes intervertendi veritatem, qui ipsas quoque res Sacramentorum divinarum in Idolorum mysteriis amulatur : utque cum ipso Tertulliano ad conjecturæ meæ probationem propius accedam, ejusdem verbis, quæ paulo post habet, ipse loqui pergam : qui ergo ipsas res, de quibus Sacramenta Christi administrantur, tam emulante affectu exprimeret in negotiis Idololatriæ, utique idem, & eodem ingenio gessit, & potuit instrumenta quoque Divinarum rerum, & Sanctorum Christianorum sensum de sensibus, verba de verbis, parabolas

pria etiam Christianorum fuisse symbola tum ex Junii Bassi Sarcophago, tum ex iis, quæ ad eam rem congefferat Aringhius Rom. sub. l. 6. c. 45. satis certum contendit. Ego vero neutri concesserim : nam neque vites, vindemiaque inter ea, quæ crebro usurparent Christiani, symbola referri possunt, uti censet Fabrettus, aut saltem abhorruissent Christiani tam magnifice eodem uti symbolo, ut ad Bacchi repræsentanda mysteria facile detorqueri posset ; neque pariter [quod Mabillon. ajebat] id certum constat, aut etiam verisimile videri potest, urnam illam, quam Fabrettus *admirandam* prædicat, ejus ævi fuisse opus, quo Constantia Constantini filia decessisse constat : Quis enim tunc tam probus potuit floruisse Artifex, cui tam ingne opus jure tribuendum erit ? Scimus autem jam longe antea, & quarto maxime ineunte sæculo, ut ceteras artes, ita præsertim sculpturam antiquâ suâ elegantia excidisse, quod & ipsi Constantino erectus tunc, qui stat adhuc, triumphalis arcus, satis demonstrat, quem non tam hostilibus, quam domesticis spoliis erectum

tropheum dixeris, quicquid enim optimi in eo effulget ex direpto Trajani arcu derivatum est ; Itaque veteris ævi opus sepulchralis Constantiæ urna omnino fuit, tum cum optimæ artes cum Idololatria simul vigerent ; & quidem Principi cuipiam viro Ethnico tumulum ea aliquando præbuit, quam postmodum pro sui elegantia, tumulandæque mulieris dignitate ad condendum Constantiæ corpus adhibitam fuisse pro certo habeo : Ex his ( ut ad propositum redeam ) non omnino inepte factum quoque putaveris, ut quæ e contrario Christianorum Tabula esset ad Ethnicos translata in eorum Religionis argumentum superaddita Herculis inscriptione, postremo cessisse videatur.

(a) Lamprid. in Alex. c. 43. de Adriano hæc habet : *Templa in omnibus Civitatibus sine Simulacris jussu fieri, sed prohibitus est ab his, qui consulentes sacra reperebant omnes Christianos futuros, si id optato evenisset, & Templa reliqua deferenda.*

[b] Lampridius. c. 29.

[c] De Præscript. c. 40.

*rabolas de parabolis, profane, & amula Fidei attemperare*: ex quibus propterea fiebat, ut ipsi Ethnici non solum quicquid ad Christianæ Religionis sacra pertinerent, sed amplius quæ ejus de causa bona in Remp. manerent, suis ab se Diis pari cultus ratione impendi, iisque accepta referri debere opinarentur: Sic M. Aurelius adversus Marcomannos bellum gerens, pluviam Christianorum militum præcibus in sperato impetratâ, qua exercitus jam pene confectus convaluit, dum suis ad Senatum datis literis rem, ut acciderat, dissimulare haud voluit, Numinum tamen beneficium agnovisse visus est, ita ut jam demum, cum rei monumentum inter præclara Imperantis facinora in ejus Columna celebrari placuisset, ad *Jovem pluvium* ipsius rei summa deducta fuerit: quid quod etiam in sanctioribus Christianæ Religionis rebus Ethnici sese cum Christianis ipsis consentire, nec ab Christianis alios sub diversis licet signis, mysteriisque, quam ipsosmet quos ipsi haberent Deos coli sibi persuaderent. Sic in Eucharistiæ sacramento panem, ac vinum a Christianis adorari cum animadvertissent, in altero Cererem, in altero Liberum ab illis veneratos putabant: cujus rei locuples testis est S. Augustinus, qui adversus Faustum l. 2. c. 3. ita hunc impium Manichæum alloquitur: *Pejus despicis, quam nonnulli, qui nos propter Panem, & Calicem, Cererem, ac Liberum colere existimant*: Ex his igitur omnibus, quæ hæctenus per compendium disserui, intelligis profecto, quare Herculis Tabulam P. Junius Augur ad Adami, Evæque historiam ita accommodavit, ut in alterutram rem exprimendam satis valere videretur: quæ tamen si cui non probantur (conjecturæ enim loco haberi volo, quandoquidem id totum, quicquid illud tandem fuerit, quod ad Tabulam illustrandam pertinere videretur, prætermittendum haud erat) habuit jam is primo loco de solo Hercule aurea Hesperidum mala auferente, traditam nostræ Tabulæ explicationem, in qua conquirere possit, atque interim de ipso Hercule, quod ex nostris antiquis monumentis reliquum est, bono erga me animo jam demum accipiat.

Suum quoque Herculi Templum, & quidem magnificentissimum Beneventi fuisse nunc primum certo scire datum fuit ex insigni lapide, cujus, ut & ipsius Templi memoriam hæctenus intermortuam, nuper excitatam debemus clarissimo Muratorio; is eum lapidem in Schedis Ambrosianis servatum, atque hæctenus delitescentem in sua veterum lapidum nuper edita Collectione in hunc modum protulit tom. I. p. 116, n. 4.

TEMPLVM HOC SACRATVM HER.....

..... VOE... CE... AVGVSTI NOMEN FELIX

REMANEAT STIRPIS SVAE LAETATV....

PARENS NAM QVOM TE CAESAR TEM.....

EXPOSCET DEVM CAELOQVE REPETES SEL..

MVNDVM REGESSINT HEICTVA QVOI SORTE

HVIC IMPERENT REGNENTQVE NOS FELICIBVS

VOTEIS SVEIS

L. AVRELIVS L. F. PAL. RV... PRIMOPILARIS

XVI. MILITANS ST.....

IMP. CAESARIS.....

Ac quum, quantivis precii lapide, quem olim Beneventi extantem Muratorius ex schedis eisdem testatur, nostrum Thesaurum locupletiozem factum maximopere lætemur, dolendum tamen erit, eum tot mendis, lacunisque refertum accepisse, ut postquam in ejus explicatione operam meam collocaverim, verear, ne non omnia rite videar exequutus. At tam præclarum monumentum protulisse solum sat fuerit Muratorio perbrevis hac nota dumtaxat adjecta: *Agghe hic videretur de Templo Herculi Sacrato ob incolumitatem Caesaris Augusti, ejusque Proli, Diphthongus EI antiquitatem elogii indicat*; mihi vero patrias res ex instituto tractanti enitendum omnino erit, ut quæ verisimiliora eidem lapidi supplendo, explicandoque suppetere videantur, in medium afferam, non tam eruditorum desiderio facturus satis, quam eorum judicio cuncta subiecturus: Ac primum (quod rei caput est) ex prima lapidis linea satis certum cum Muratorio pronuncia-verim, ad Herculem nimirum Templum hoc pertinuisse, seu fuisse sacratum *HERculi*; ita enim



ea postrema dictio supplenda erit, postquam, num alia dictio in eadem linea fuerit (nam ut sequentium longitudini respondeat desideranda videtur) postea viderimus.

Nunc de Augusto illo quaerendum erit, cui demum in Caelum redeunti, interque Divos relato superstitem sobolem, quæ paternum Imperium in terris subeat, auguratur *L. Aurelius L. F. Palatina Rufus Primipilaris*: atque utinam hujus *Primipilaris* potius nomen, quod non-tanti fuerit, quàm ipsius Augusti nomen intercidisset; Sed vel ex ipsius *L. Aurelii* nomine fuit aliquando, ut ad cognoscendum quis fuerit Augustus ille, cui is lapidem dicavit, sic conjectabam: Gentem Aureliam, Aufeliam prius dictam, ad quam *L. hunc Aurelium Rufum* pertinere ex ingenuis nominibus, militaribusque muneribus certum definiri potest, inter Romanas nedum summis conspicuam honoribus, sed mira sui propagatione in innumeras pene familias diffusam fuisse constat; Florente Rep. Cottæ, Orestæ, Scaurique ex illa prodire, qui omnes de augendis communis Familiæ ornamentis decertasse visi sunt; At rerum summâ ad Principes redactâ, ut humanarum rerum sunt vices, non nihil detrimenti cum ipsa Reip. libertate, suo veteri quoque splendori detractum tulit, donec in Cæsarum familiam jure adoptionis adscita non refloruit modo, sed ad Imperii usque fastigium pervenit; Hadrianus enim cum *T. Aurelium Antoninum* Pium adoptasset, eidem Familiæ Imperii successionem aperuit, quæ ad Commodum usque perseveravit; Nullius autem magis, quam Aureliæ Familiæ crebra ad nos monumenta pervenerunt. Innumeros prope, qui ad ejusdem familiæ viros, qui militaribus muneribus plerumque inclaruerunt, lapides exhibet Gruterus, (a) quorum censum auxit quoque Malvasia (b). Hos autem omnes, quod ex ipsis lapidibus facile nosci potest, orto jam Principatu floruisse crediderim, tum cum Aureliorum gens veteri sua, qua stante Rep. fruebatur, auctoritate defecerat, quandoquidem Imperatoriæ militiæ nomen dare, in eaque ad dignitates aliquas propria virtute partas gradus sibi facere Aurelii viri contenti essent: quod utique, eadem Familia ad Imperium evectâ, factum quoque affirmaverim; quid enim? quod Imperatoria dignitas in una ex tot Familiis, in quas Aurelia Gens propagata fuerit, constiterit, non ideo reliquæ omnes, quæ non in Urbe solum, sed multis in Italiæ locis, atque etiam in Provinciis Lares suos jam collocassent, privatæ esse desierunt; sua cuique Aureliorum omnium, quæ olim, mansit fortuna, nisi quod verisimillimum illud fuerit eorum aliquos ad gentilitatis vinculum, peculiaris obsequii argumentum aliquod, quo suorum Aureliorum Imperantium gratiam demerent, adiendum studuisse, atque ex his unus fuisse videtur hic noster Aurelius, qui exedificato Beneventi Herculis Templo, aut (quod verisimilius est) ejus veteris Templi, quod Herculi dicatum jamdiu vigeat, superstructis, aut etiam restitutis operibus, eum titulum posuit, quo ignoti adhuc nobis Augusti illius numini majestatique devotus fausta illa, ac felicia tam magnificis auguriis precaretur? Dum igitur ex Aurelio isto ad aliquem ex Aurelia Familia Augustum referri lapidem placeret, jam ad Commodum Imperatorem eum lapidem pertinere, ibique Commodum insculptum olim extitisse plura erant, quæ prope certum mihi persuadebant.

Ac primum ejus rei conjecturam præbebat Lapis alter eidem Herculi dicatus, in quo Beneventana Colonia publica vota pro salute Commodi Imperatoris testata voluit his verbis

HERCVLI SERVATORI SACRVM PRO SAL. IMP

M. AVREL. COMMODI PII AVG. COLON. BENEVENTAN

Lapidis hujus, quem in ejusdem, aut alterius fortasse Templi coronide, ut ejus longitudo, ac palmares literæ indicabant, locatum credere par est, in frustra dein redacti, quæ etiam disperi-  
ri, vix servata habemus verba, ex quibus tamen plura, ut statim vides, habentur, quæ priorem quoque lapidem eidem Commodu tribuendum ostendunt; ut jam satis verisimile illud sit, vel publico Colonorum exemplo permotum Aurelium, vel hujus illos secutos consilium (utrumque enim stare potest) suo erga Commodum obsequio decertare voluisse.

Et sane (quæ altera erat conjectura) cum ex solo Hercule, cui ejusmodi monumenta, ac ipsum Templum dicata habemus, ad Augusti illius notionem, cujus nomen in priore lapide desideratur, argumentum sumi jam placeat, certe ad ipsum Commodum tota res deducenda videbitur. Eo enim hujus Augusti insaniam processisse constat, ut sibi non Herculis solum cognomen, & insignia, sed Divinos quoque honores arriperet: Nam appellatum Romanum Herculem, quod feras interficeret: accepisse etiam Statuas in Herculis habitu, eique immolatum ut Deo: narrat Lampridius; amplius etiam Herodianus lib. i., qui: *Eo recordia, petulantiaque Commodum*

(a) A p. 526, ad 533.

(b) Marm. Felsin. Sect. v. c. 13.

dum processisse, ait, ut paternum primo cognomen repudiaret, ac pro Commodo Marci filio Herculem se Jovis filium jussisset appellari, depositoque Principum Romanorum cultu Leonis pellem substerneret, manumque clavam gestaret: Idemque mensium nomina demutavit, ac pro vetustis appellationibus novas de suis cognominibus imposuit, quorum ad Herculem pleraque tamquam scilicet ad fortissimum referebantur; quin Statuas quoque sibi tota urbe poni jussit, inque iis unam pro Curia, quae Arcum contenderet, ut etiam imagines ipsa terrores, atque minas praeferrent: Ex quibus, si illud quoque animadvertas nihil esse in Lapide, quod non summam, imo foedissimam assentationem praeferat, ejus Principis ingenio praecipue accommodatam, jam ipsum Commodum eo lapide celebratum satis apte judicaveris.

Atque ita quoque judicandi non leve accedit demum judicium ex ipsius Commodi deletio nomine quod bis, ut apparet, in eo lapide expressum, utrobique detritum evanuit, quae res (dum reliqua ferme omnia mendose licet inscripta in marmore sint integra) non ad casum aliquem, aut temporis injuriam deducenda videtur, sed datam fortasse operam ostendit, quae etiam posteriorem lapidem, de quo modo dixi, a Colonis Beneventanis eidem Commodi dedicatum e suo loco disjectum, atque in frustra comminutum putare possumus: Hoc enim praeter dirissimas illas conclamationes in defunctam Commodum factas, quas fute recitat Lampridius, fuit Senatus judicium, ut ejus statuae omnes ubicumque posita abolerentur, nomenque ex omnibus privatis, publicisque monumentis eraderetur: Hinc dum ex hisce conjecturis in lacunis illis secundae, atque ultimae lineae, ubi peculiare Augusti nomen desideratur, Commodum restituisse consilium fuerat, jam illud quoque praesto erat, quo primam lineam, suppleto licet Herculis nomine, adhuc tamen sequentibus lineis breviorum amplius supplerem, ut nimirum Herculi ipsi cognomen (quale Commodum sibi proprium fuisse ex Lampridio didicimus) olim inscriptum restituerem: Ita enim, praeter Lampridii testimonium in antiquis numismatis ejusdem Commodi non alio quam *Herculis Romani* nomine eum appellari etiamnum constat, ac si tandem idem Herculi cognomen in nostro marmore adfuisse itatuamus, quod ipsius primae lineae spatium ex postulare videtur, ut integra sic legatur *TEMPLUM HOC SACRATUM HERCULI ROM.* aut si quod amplius excurrit spatium, extense habeat: *ROMANO*, jam conjecturis haecenus traditis, quae eum lapidem ad Commodum pertinuisse suadent, major constabit fides, primaeque ipsi lineae cetera omnia, quae in sequentibus habentur, recte videbuntur respondere, ad eamque primam lineam satis apte referri, in qua ipse potius Commodus sub Herculis Romani nomine, quam qui vulgo inter veteros Deos habebatur Hercules, intelligendus apparet.

Haec, ut dicebam, ad hujus lapidis explicationem mihi aliquando occurrebant, quae non nemini iri probata vix dubitabam: Sed quo minus rata haberem in primis effecit illa, quae in lapide adest, scribendi, seu orthographiae ratio, in qua ea manifesta elucet majoris vetustatis facies, quae Commodiano aeo haud probe congruit; quis enim sibi persuadeat secundo jam in finem vergente saeculo, aut *Quom* pro *Cum*, aut diphthongum *Ei* ter in hoc lapide pro omni *I* longa adhibitum, haecenus in scribendi more fuisse; jamdiu enim, ut ejus posterioris aevi monumenta ostendunt, vetus illa orthographia obsoleverat, quam in suo lapide Aurelium nostrum restituere voluisse, aut affectasse inepte quis opinabitur: & certe, quod *Quom* spectat (nam diphthongum *Ei* loco simplicis *I*, licet diutius post Accium durasse, ut eadem ratione qua Graeci, etiam Latini uterentur, tamen ut non supervacuum modo, sed etiam incommodum ab usu recessisse testatur Quintilianus (a), qui sub primi saeculi exitum florebat) praestat de ipso *Quom* eundem audire: Illa quoque servata est multis differentia... *Cum*, si tempus significaret per *Q*; si comitem per *C*, si vero causam per *Q*, ac duas sequentes *VV*, scriberetur, verum haec jam inter ipsas ineptias evanuerunt: Ad rem magis Cassiodorus (b) haec habet: *Cum quando prepositio erit per C. scribi debet, . . . quando autem adverbium est per Q. scribendum: Veteres enim quando quum dixerunt, ut est: quum navis ex Asia venerit: Constat igitur Fabii, Senatorisque testimonio ad veteres dumtaxat emendandum esse illud Quom, ubi tempus, aut causam, ut in nostro lapide denotaverit; atque haec quidem ex Grammaticorum officinis delibasse opus fuit, dum inter eruditos satis convenit ex varia diversorum temporum orthographia, ad dijudicandam lapidum aetatem optimum sumi argumentum.*

Cum igitur ipsa nostri lapidis orthographia duce, ab ipso Commodiano Aeo sursum assurgendum sit, nec tamen ultra Augustorum aetatem, quos lapis commemorat, conscendere liceat, experiendum etiam mihi erit, an ex ipsomet L. Aurelio Rufo, unde priorem de Commodio Imperatore conjecturam mihi faciebam, aliquid nunc quoque subeat, ex quo ad Augustum

(a) L. 1. c. 7.

[b] Orthogr. c. 3. ex Curtio Valerio.



# DISSERTATIO SECUNDA. 81

sum alterum dignoscendum lux aliqua effulgere possit : De hoc L. Aurelio certe accipiendus est Lapis alter Hispanienſis apud Gruter. (a), qui ſic habet

L. AVRELIUS L. F.

PAL.

R V F V S

PRIMOPILARIS

LEG. XVI.

H. S. F.

omnia enim, ut vides, inter ſe adamuſſim conſonant, ut non alius proſecto hic, quàm ipſemet noſter Aurelius fuiſſe appareat, nam præter prænomen, nomen, Patrem, Tribum, cognomen, quæ mirè utrobique ſibi reſpondent. etiam militiæ munus conſentit (b); at quid inde ſubſidii habebimus, dum hunc L. Aurelium in Hiſpaniis agentem, ibidem mortem oppetiſſe ſtatuumus? vide quid primum conſecerim: non ante Octavianum Auguſtum Hiſpani in Romano Imperii jura ceſſere, idque unum ex externis bellis fuit quod [teſte Sveton. c. 20.] Auguſtus poſt Actiacam victoriam, Cantabris perdomitis. per ſe adminiſtravit (c); atque ex eo tempore tres ibi haberi Legiones placuit, quarum viribus, conſpectuque eæ gentes in obſequio continerentur: in Romanarum Legionum recenſu, quæ imperante Tiberio in Provinciis diſtributæ erant, eas Legiones etiam tum ordinarias in Hiſpania fuiſſe reſert Tacitus (d), at id non diu manſit; nam uſque adeo imminutum deinceps in Hiſpania Romanum militem conſtat, ut ſub Galbæ Imperatoris initia una vix Legio (eodem teſte Tacito (e), ac præterea Svetonio (f)) apud Hiſpanos conſiſteret: Quis autem reliquam hanc Galbiani ævi, Hiſpanicam Legionem, ipſammet Legionem XVI., in qua Aurelius noſter Primopilaris fuit, diviſaſſe audeat; itaque longe veriſimilius putaverit, eam Legionem XVI. inter tres illas numerandam. quæ Auguſto, ac ſubinde Tiberio imperantibus in Hiſpania conſtitere: jam igitur ad Auguſti ævum hunc noſtrum Aurelium pertinuiſſe ſuſpicabimur, ac quidem recte ſe habere illud poteſt, ut Primopilaris ipſe Beneventi aliquando conſtitutus Urbe celebri, florentiſſimæque Colonia, quæ in obſervando Auguſto nulli concedebat, eum Lapidem Auguſto, cujus ipſe Caltra jam ſenis denis ex actis ſtipendiis ſequēbatur, dedicaverit, poſtmodum vero cum in Hiſpania cum ſua Legione maneret, ibidem extremum clauſerit diem; Ac de ætate quidem Aurelii tum ex ſepulchrali titulo, quo ejus obitus in Hiſpania accidiſſe demonſtratur, tum ex primo pilo, quem in Legione XVI. duxiſſet, non obſcura accepta ſunt inditia, quæ vel clariora efficiet ipſius Lapidis Orthographia ad ipſa, ut diximus, Auguſtæ ætatis initia omnino referenda. Sed quid adhuc moror? De Cæſare Auguſto Lapidem loquutum ajo; idque non ex iis tantum, quæ modo allata ſunt, verum ex aliis etiam conjecturis omnino mihi fuit perſuaſum.

Prima igitur Lapidis linea, quæ grandioribus fortasſe inſculpta literis ſequentium longitudinem æquabat, jam ſuperius facili negotio ſuppleta fuit: *Templum hoc ſacratum Herculi*. Hæc tamen verba ſolitaria in Lapide fuiſſe veluti pro titulo principali poſita, nec eorum ſenſum cum ſequenti linea cohæſiſſe crediderim: In ipſa autem ſequenti linea, ubi integra tantum ea verba ſunt: *Auguſti nomen ſelix*: non aliud expreſſum accipio, quam ſauſtum omen ex Auguſti nomine tum recens accepto, C. Cæſari factum: quid enim veriſimilius (quandoquidem quæ hæcenus obſervavimus, quæque adhuc obſervanda remanent, hunc Lapidem ad Auguſtum pertinere

L

tinere

[a] Pag. 531. n. 4.

[b] At vero, quod hunc lapidem ſpectat, ultimam ejus ſiglam F. quovis pignore contendo, mendosam eſſe, atque omnino in E corrigendam, ita ut in iis ſiglis expreſſa ſit vetus illa formula: HIC SITUS EST, in iis ſepulchralibus titulis adhiberi ſueta, qui ſupra deſuncti cadaver locabantur; indicabat enim ibi eum quieſcere, cui titulus inſcriptus fuit, ad eorum monumentorum differentiam, quæ Cenotaphia græcis appellata honoris tantum cauſa deſunctis ſtruebantur, quo nomine perperam Piſanos lapides Cajo, & Lucio Auguſti filiis ereſtos inſignitſe Cardinalem Noſſium notavit V. C. Marchio Maſſejuſ hiſt. diplom. f. 22. qui ea potius Co-

loniæ Piſanæ *Senatusconſulta*, ſeu *Decreta* nuncupanda cenſet. Promptius autem fuit illi literæ F. ſubjacentem ductum tranſverſarium ſupplere (quem aut ſcalptor, ut sæpe factum, non integre extulit, vel injuria temporis detrivit, vel ſcriptoris negligentia prætermiſit), quam alias parum lapidi conſonas ſiglorum interpretationes comminſci.

[c] Livius l. 28. de Hiſpania agens: *Prima*, inquit, *Romanis inita Provinciarum. quæ quidem continentis ſunt, poſtrema omnium noſtra ætate ducta, auſpicioque Auguſti Cæſaris perdomita eſt*.

[d] Annal. l. 4. [e] Hiſt. l. 1. [f] In Galb. c. x.

tinere monent) quàm ipsius Augusti nomen, firmato jam Principatu, tunc primum auditum, hoc marmore celebratum fuisse; atque utinam integra ea modo extaret, quæ solum ex reliquis verbis ejus rei conjecturam præbet; vel saltem ea, quæ detrита desideramus verba, superstites literas, aut suis locis dispositas, prout olim marmor exhibebat, aut mendo carentes (quod in in illo voc suspicari licet) certas omnino indubiasque obtinuissimus, nam in iis supplendis tutius agerem, quod tamen ita præsto: QVOD NOVVM SIT C. CAESARI AVGVSTI NOMEN FELIX: nisi pro NOVVM substituere malis FAUSTVM, ut illa solemnitas formula a L. Aurelio expressa habeatur, veteribus Romanis familiaris: quod *Bonum, Faustum, Felix, Fortunatumque sit*: cujus exemplum (ut alia præteream) de ipso Augusto tum cum Pater Patriæ salutatus fuit, exhibet Svetonius (a). Legiturque in insigni Lapide Narbonensi, quo votum pro eodem Augusto publice susceptum fuit (b); atque cum semel incœperim, jam integrum Lapidem a me suppletum proferam, rationes subinde, (nam commodius id erit) observationesque alias, quibus singula illustrantur, adjecturus; illud dumtaxat præmoneo, non singulis dictionibus me puncta inseruisse, quæ fortasse, ut ejus ævi mos erat, continua serie interjecta fuere, sed quibusdam tantum locis adjecta volui, quo clarior Lectori, certiorque Lapidis locutio haberetur.

### TEMPLVM HOC SACRATVM HERCVLI

QVOD NOVVM SIT C. CAESARI AVGVSTI NOMEN FELIX

REMANEAT STIRPIS SVÆ LAETATVS SVCCESORE

PARENS. NAM QVOM TE CAESAR TEMPLVM

EXPOSCET DEVM. CAELOQVE REPETENS SEDEM

MYNDVM REGES. SINT HEIC TVA QVQI SORTE

HVIC IMPERENT. REGENTQVE NOS FELICIBVS

VOTEIS SVEIS

L. AVRELIVS L. F. PAL. RVFVS PRIMOPILARIS

XVI. MILITANS STIPENDIS SVB AVSPICIIS

IMP. CAESARIS DIVI F. AVGVSTI DD.

Antequam vero ad illustriora progrediar, ratio a me primum reddenda erit, cur inter leviores alias emendationes septimâ lineâ illud *Regnentque* in *Regentque* commutaverim. Demenda enim fuit litera N, tum quia verbum *Regno* sequentem mox casum nos admittere nequeat, tum vero præsertim, quod, cum Augustus tunc primum Remp. administrandam suscepit, nullo pacto illud verbum, quod ad Regiam potestatem manifestius indicandam usurpatum semper fuit, in eo monumento adhiberi potuit; scimus enim ab ejectis usque Regibus, quam invidiosum Romanis semper fuerit *Regis* nomen, & proinde, quod ab ipso est, *Regnandi* verbum; quod etiam manifeste contra Augusti consilium fuisset, qui re ipsa contentus, ad minuendam sibi invidiam ab hujusmodi vocabulis constanter abhorrens, Domini etiam appellatione rejecta, *cuncta* (ut ait Tacitus) nomine *Principis sub imperium accepit*; unde quodvis aliud vocabulum, dummodo ad eam rem remotius se haberet, ut est verbum *Regere*, atque ex ipso *Rektor* admitti debet; neque aliter Narbonenses in laudato Lapide Augustum appellare ausi sunt, dum annum Sacricium in ejus die natali faciendum decernunt.

VIII. K. OCTOBR. QVA DIE EVM SECVLI

FELICITAS

ORBÎ TERRARVM RECTOREM DEDIT

Nunc quod ad novum ipsum Augusti cognomen attinet, præstabit audire Svetonium (c):

C. Casa-

[a] Svet. in Aug. c. 58. *Mox in Curia Senatus neque decreto, neque acclamatione, sed per Valerium Messalam id mandantibus cunctis: quod bonum (inquit) faustumque sit tibi; domuique tue, Caesar Auguste, Senatus te cum Pop. Rom. consensiens consulat Patrem Patriæ.*

[b] Apud Gruter. p. 229. ubi Plebs Narbonensis sic orditur: QVOD BONVM FAVSTVM FELIXQ. SIT IMP. CAESARI DIVI F. AVG. &c.

[c] Cap. 7.



# DISSERTATIO SECUNDA. 83

C. Caesaris, & deinde Augusti cognomen assumpsit, alterum testamento majoris avunculi, alterum Munatii Planci sententia, quum quibusdam censensibus Romulum appellari oportere, quasi & ipsum Condito rem Urbis, prevaluisset, ut Augustus potius vocaretur non tantum novo, sed etiam ampliore cognomine, quod loca quaeque religiosa, & in quibus auguratio quid consecratur, Augusta dicantur ab auctu, vel ab avium gestu, gustuque, sicut etiam Ennius docet dicens

*Augusto augurio postquam incluta condita Roma est.*

Aliam quoque causam asserre videtur Paternulus (a), qui ob Orientem, Occidentemque Octavianum operam jam Romanis servientem pacatumque, ei demum Augusti cognomen Planci sententia, consensu universi Senatus Populique inditum narrat. Utramque tamen causam eleganter complexus est Ovidius (b)

*Sancta vocent Augusta Patres: Augusta vocantur*

*Templa Sacerdotum rite dicata manu.*

*Huius & Augurium dependet origine verbi;*

*Et quodcumque sua Juppiter augeat ope,*

*Augeat Imperium nostri Ducis, augeat annos.*

Haud igitur mirum huic tanto cognomini, in quo quicquid Sacrarum, humanarumque rerum excellentius videretur, omnino inerat, cui colendo, celebrandoque omnium studia tum fervebant, etiam L. Aurelium suos plausus addidisse, eosque ad posteritatis memoriam eo Lapide consignare voluisse.

Ex ipso autem Augusti cognomine, cui primo loco felicitatem L. Aurelius precatus fuit, pergit ipse, ut Augusto Successorem, quem is genuerit, exoptet; ita ut Parens remaneat laetatus Successore stirpis suae, inde statim Augustum ipsum alloquens vota sua latius prosequitur: Nam cum (inquit) Caesar Templum exposcet te Deum, & repetens Sedem Caelo, reges mundum, sine hic, qui forte tua imperent huic (Mundo), & regent nos suis felicibus votis: Ad quae quidem vota, sive fausta preces si animum intendamus, magis erit, ut Augusto Lapis tribuendus videatur: Ipsae enim non Augusteo tantum aeo, verum etiam Augusto ipsi plane conveniunt: ac, cum libeat hanc rem multis comprobare, a posterioribus exemplis ordiar, ut ad Augustum deveniam. Plinius ut alia semper de Traiano, ita haec praeclearissima habet [c], quo maiore fiducia iisdem illis votis, quae ipse pro se nuncupari jubet, oro, & obtestor, si bene Remp., si ex utilitate omnium regit, primum ut illum Nepotibus nostris, ac Pronepotibus servet; deinde ut quandoque ei Successorem tribuas, quem formaveris, similemque feceris adoptato. Jam & olim Seneca (d) his conceptis verbis, quae ad nostrum Lapidem accedunt fausta omnia Imp. Claudio precatur. Dii illum, Deaque omnes terras diu commodent: Acta Hic D. Augusti, & annos vincat, ac quamdiu mortalis erit, nihil ex domo sua mortale esse sentiat; Rectorem Rom. Imperio filium longa fide approbet, & ante illum Consortem Patris, quam Successorem accipias: Sera, & Nepotibus demum nostris dies nota sit, qua illum gens sua Caelo asserat. Quid, quod proxime post Augustum Imperanti mox Tiberio iisdem votis blanditur Vellejus [e]. Juppiter Capitoline, & auctor, ac stator Romani nominis Gradive Mars. . . . Vos publica voce obtestor, atque precor, custodite, servate, protegit hunc statum, hanc pacem, hunc Principem (f), eique functio longissima statione mortali, destinate Successores quam serissimos, sed eos, quorum cervices tam fortiter sustinendo terrarum Orbis Imperio sufficiant, quam huius suffecisse sensimus. At haec universa (ne sequioris aevi succrescentes adulatorias voces tantum putes) orto vix Principatu, deque ipso Augusto jamdiu usurpabantur. Praesse omnibus videtur Cicero, qui adolescentis adhuc Octaviani virtutem, aut fortunam non tam Reip., quam privatis suis commodis profuturam, pessimo tamen, ut eventus monstravit, utriusque fato, arbitratus, plura passim de eo, ac praefertim in Philippicis, foedissima adulatione plena effudit; nam velut numen alterum e Caelo delapsum agnoscendum praedicabat, divinumque adolescentem a Deo Reip. oblatum, ac subito praeter spem omnium exortum (g). Quin si Svetonio fides (h); nec ipsum Ciceronem quondam puduit som-

L 2

nium

[a] Lib. 2. [b] Fast. I. 609. (c) Panegy. in fin.

(d) De Consul. ad Polyb. c. 26.

(e) Lib. 2. in fin.

[f] Hunc Principem non habent exemplaria, supplevit tamen recte Lipsius, ut sequentia conflarent. Edit. Antwerp. Plantini 1607.

[g] Philipp. v. cap. 16.

[h] In August. c. 94. M. Cicero C. Caesarem in Capitolium

prosequutus somnium pristinae noctis familiaribus forte narrabat: Puerum facie liberali demissum Caelo catena aurea ad fores Capitolii confluisse, eique Jovem flagellum tradidisse, deinde repente Augusto viso, quem ignotum adhuc plerisque Avunculus Caesar ad sacrificandum acciverat, affirmavit ipsum esse, cuius imago secundum quietem sibi observata sit: Quamquam igitur Octavianus ipse rerum potius neque Domini appellationem, neque divi.

nium sibi factum evulgare, quo Augusti Divinitatem manifestius assereret. Plurima de ea re præter Virgilium, Horatiumque legere quoque est passim apud Ovidium, ex quo ea tantum loca recitasse præstat, quæ nostro Lapidi mire respondent. Hæc itaque Naso de Augusto canit.

*Tarda sit illa dies, & nostro senior Aëvo,  
Qua Caput Augustum, quem temperat, orbe relicto  
Accedat Cælo, saveatque precantibus absens.*

Et lib. 1. de Pont. Eleg. 2. v. 99.

*Di faciant igitur, quorum illustrissimus ipse est,*

*Alma nihil majus Cæsare Terra ferat:*

*Utque diu sub eo, sic sit sub Cæsare Terra,*

*Perque manus hujus tradita Gentis eat.*

In quo postremo versu eandem, quam L. Aurelius in Lapide precabatur, Augustæ Gentis successiōnem exoptat Ovidius, ex cuius demum utroque loco facile intelligimus quid in nostro Lapide illud sit. Cum te, Cæsar, Templum exposcet Deum, Cæloque repetens sedem Mundum Reges. Nam jamdiu Romanorum mentes opinio pervaserat, divinam Augusto esse e Cælo originem, cui tandem statione terrena perfuncto, non tamquam recens, adventitiumque Numen Cœlestibus inferis, sed eò regredi, notæque sibi Sedes repetere daretur. Hinc ejus jam sequutum obitum referens Vellejus pro suo adulandi more, quo Tiberii gratiam iniret, hæc in eam sententiam usurpat. In sua Augustus resolutus initia, Pompejo, Appulejoque Cos. septuagesimo sexto anno Animam cœlestem Cælo reddidit.

Atque jam illud confectum arbitror, ut noster Lapis ad ipsum Augustum verisimilius pertinere videatur; quod si postremo quis quærat, cur Herculi potius, quam alteri cuiquam Numini Templum illud dedicatum fuerit, ibique L. Aurelius Augusti nomen tum primum receptum, ejusque felicitatem celebrare maluerit, non unam, neque omnino inverisimilem causam asserere possem; ex iis enim, quæ hæcenus de Hercule differuimus, quanto in honore apud Beneventanos Is fuerit, manifeste patet, cui præter monumenta alia passim occurrentia, Templum etiam adesse voluerint. Quid ni igitur in ejus Numinis Templo, quod præcipue Beneventani colerent, digniore præ ceteris loco, ampliore quoque Augusti honorem ex eo Lapide accessurum putarent. Illud etiam præsto est, Herculis quoque studiosum fuisse Augustum; nam & Romæ Herculis Aedem ædificandi Marcio Philippo auctorem fuisse narrat Svetonius c. 29., ut exinde non abs re fuerit, nec Augusto injucundum, ut eo sacro loco ejus memoria perpetuo monumento celebraretur; quid, si tunc primum eaque de causa Templum ipsum a L. Aurelio, eodem Augusti, quo Romæ Marcii Philippus, suasu fuerit Beneventi ædificatum? non levis hæc ex nostro Lapide haberi poterit conjectura, quam indicasse tantum sufficiat.

Illud potius operæ pretium tandem erit, sicubi ejus Templi vestigia aliqua supersint, in medium attulisse: Extat igitur prope Pontem Caloris vetusti Aedificii non exigua pars lateritio opere constructa, quam antiqui Templi formam præferentem heic etiam spectandam exhibeo.

Hanc

divinos honores sibi præsentī tribui passus sit, nec Templo in Provinciis [ut notat Sveton. c. 32.] nisi communi suo, Romæque nomine receperit, ultro tamen atque ubique (ut simulatam in eo moderationem agnoscas) cuncta hæc certatim ab omnibus in eum fuere collocata: hunc adhuc viventem inter Deos ab Urbibus relatum refert Appianus l. v. Bell. Civ., cui optimam conciliant fidem veteres Nummi Græcarum præsertim Civitatum, in quibus Dei appellationem viventi Augusto tributam docet Spanhem. Dissert. v. de præst. Num. f. 416. Edit. Amstelod. 1671., atque ex iis unum exhibet ab Amphibolicis Macedonibus cufum cum inscript. ΤΕΟΣ ΚΑΙΣΑΡ ΣΕΒΑΣΤΟΣ, ac ne putes serviles Provincialium ani-

mos, ut suis commodis prospicerent, in ejusmodi adulationem solum effusos; jam apud Romanos ipsos summi etiam in Rep. loci, atque in ipsa Urbe Roma res eadem obtinuit: ita sane Virgil. Ep. 1. v. 6. Deum vocat Augustum. Deus nobis hæc omnia fecit: namque erit ille mihi semper Deus, ubi ad rem optime Servius. Iteratio (ait) ipsa exclusit adulationis colorem. Semper idest, & post mortem, & dum vivis: Alii enim Imperatores post mortem in numerum referuntur Deorum, Augustus Templo vivus emeruit. Horatius. Præsentī tibi maturos largimur honores. Jurandaque tuum per nomen ponimus aras.





RELIQUIAE VETVSTI TEMPLI HERCVLIS  
EX OPERE LATERITIO AD PONTEM CALORIS.

Hanc S. Marciani Beneventani Episcopi, qui medio sexto seculo floruit, vetustam olim Ecclesiam fuisse vulgi opinio est, quam ejusdem circumjacentis agri, cui *S. Marciani* nomen est, servata adhuc appellatio confirmat. De S. Marciani Ecclesia haud Populares nostri fortasse errant, sed qui eam tum primum in illius honorem ædificatam putant, omnino falluntur; quis enim sibi unquam persuaserit medio sexto seculo, cum omnia barbariem jamdiu induissent, hanc publicorum extruendorum Operum, quorum magnificentia florentis Romæ ætate digna esset, curam, ingeniumque adhuc stetit; an illud etiam verisimile videri possit, Beneventanos eodem elegantissimo operi ædificando studium, opesque suas contulisse, quos scimus eodem profusus tempore, circa annum nempe 542. a Totila Gothorum Rege tam misere divexatos, ut illius furorem non solum in caput, fortunæque Civium, verum in ipsa quoque ædificia, debaccharum constet, ita ut muri omnes, qui Urbem circumvallarent, solo tum fuerint æquati. Jamdiu igitur illud Templum extitisse debuit, in cujus reliquiis etiam nunc spectandam se offert veneranda quædam remotioris antiquitatis facies, quæ Romanam majestatem undique spirat; ita ut inter sacras ædes, quas Gentilitas Beneventi unquam erexerit, magnificentior ipsa fortasse fuerit, quæ post hostiles vastationes, ac tam diuturnas temporis injurias, suas adhuc reliquias ostentare possit; satis autem explorata res est, post redditam Ecclesiæ pacem, Gentilium Tempia clausa quidem, non tamen diruta, mox etiam superstitione omni, aliisque Idololatriæ monumentis sublatis, ad usum publicum fuisse vindicata, plurium Augustorum de ea re leges probant in *Cod. Theod. De Paganis Sacrificiis, & Templis*: Sed plura ex iis in meliorem veræ Religionis usum transisse, ac Christiano ritu in Dei, ejusque Sanctorum honorem fuisse sacrata, Ecclesiastica monumenta passim testantur (a): utque alia præteream Romanum Pantheon at-

tendisse

(a) Evertenda Fanorum ædificia prius edixerat | gem recens ad fidem cum sua gente conversum lib. xi)  
S. Gregorius PP. in Epist. ad Edilberthum Angliæ Re- | epist. 66. sed re melius perpenſa epist. 76. *Fana* (inquit.  
idolo.

tendisse fatis erit, ubi, cum prius M. Agrippa auctore, Pagana Religio omnes Deos augusta quidem sede consistentes, colendos constituerit, initio tandem seculi septimi S. Bonifacius PP. IV. Christiana sacra rite locavit: Atque id quidem de nostro Templo affirmandum quoque erit, ut quæ olim Idololatriæ ædes fuerit, in Christianæ dein Religionis usum concesserit, ac tandem, cum S. Episcopi Marciani memoriam (illatis fortasse illius Lypsanis) celebrandam Beneventani instituerint, ejus nominis appellationem habere cœpit.

An vero istud ipsum putemus Herculis Templum, quod nostro lapide memoratum habemus, incerta res est; conjectasse tantum erit ex altero lapide *pro salute Imp. Commodi Herculi* dicato, cujus frustra, ut jam dixi, ad ripam Caloris, ubi hujus Templi reliquiæ extant, aliquando videbantur. At non tanti res isthæc, ut diutius pro Hercule, ejusque Templo mihi sit laborandum.

## CAPUT SECUNDUM

### *De Superstitiosis Ritibus Veterum Beneventanorum.*

CUM omnis licet falsa Religio sua sacra, ritus, cæremonias, externoque alios cultus quosdam habere soleat, quibus tamquam manifestis argumentis hominum mentes se se produnt, ac quibusdam etiam veluti adminiculis ad Religionem ipsam vehementius excitentur, hoc etiam (cum semel de rebus sacris agere instituerimus) apud veteres Beneventanos pro temporum, quibus Idololatriæ studerent, ratione, observasse nunc liceat: Rem hanc libens præterissem, unde & infamiae illius recordatio excitari possit, qua olim (an hodieum?) Beneventani, Christianis rebus jamdiu florentibus, tamquam superstitiosi apud vulgus laborarunt: At nimirum Popularibus meis silentio potius obsuisse viderer: Hinc posteaquam de iis Sacris, atque Ritibus differuerim, quæ publica Gentilitatis Professio sacrilega quidem, sed communi omnium Populorum errore, minus indecora, atque turpia efficiebat, illud pro re nata postremo capite a me agetur, ut quæ jamdiu susceptâ Christiana Religione adhiberi soleant, scelestissima sane, atque impiissima, falsò tamen, & calumniose omnino de Beneventanis pervulgata ostendam.

Quod igitur ea Sacra, Ritusque attinet, quos, dum adhuc Gentilitas obtinebat, Beneventani frequentarunt, præcipuum Taurobolio dabimus locum, cujus celebrandi morem plurimum apud illos inolevisse docet veterum, quos fere omnes nunc primum edimus, lapidum numerus; Eos heic omnes simul subjiciendos censui, ut priori, quem illustrandum suscepi, reliqui, uti opus fuerit, opportunam lucem sint allaturi.

## I. ATTI-

*Idolorum destrui in eadem gente minimè debeant, sed ipsa, quæ in eis sunt Idola destruantur: Aqua benedicta fiat, in iisdem Fanis aspergatur: Altaria construantur; Reliquiæ ponantur; quia si Fana eadem bene constructa sunt,*

*neceste est, ut a cultu Dæmonum in obsequium veri Dei debeant commutari. Eadem fuit S. Augustini sententia epist. 47. ad Publicolam.*



# DISSERTATIO SECUNDA. 87

I.

ATTINI SACRVM  
ET MINERVAE BEREINT  
CONCORDIA COLLIB. IANVARI  
CIMBALIOCO SECVNDO OB  
CRIOBOLIVM FACTVM M. D  
M. I. TRADENTIB. SEPTIMIO  
PRIMITIVO AVGVRE ET SAC  
SERVILIA VARIA ET TERENTIA  
FLAVIANA SACERD. XV. VIR  
PRAEVNTE MAMIO SECVNDO  
HAEC IVSSV MATRIS DEVM  
IN ARA TAVROBOLICA DVO  
DENA CVM VITVLA CREM  
SVB DIE V. IDVS APRILIS  
MODESTO II. ET PROBO COS

2.

ATTINI SACR. ET MINER  
VAE PARACENTIAE  
L. SONTIVS PANCIVS IVSTI  
NVS EQ. ROMANVS PRINCI  
PALIS ET DVVMVIR ET MVNERA  
RIVS NATALIS COLONIAE OM  
NIBVS HONORIBVS PERFVNCT  
ET SACERDOS MATRI DEVM M. I  
IN PRIMORDIO SVO TAVROBO  
LIVM A SE FACTVM TRADEN  
TE SIMVL COSINIA CELSINA  
CONSACERDOTE SVA  
PRAEVNTE FLAVIO LIBE  
RALI HAR. PVBL. PRIMARIO

3.

ATTINI SACRVM  
ET MINERVAE  
PARACENTIAE  
TERENTIA FLAVIANA  
SACERD. SECVNDO LOCO XV  
VIR. OB TAVROB. TRA  
DITVM A SERVILIA  
VARIA SAC. PRIMA

4.

ATTINI SAC.  
ET MINERVAE  
PARACENTIAE  
TREBVLANA IVS  
TINA EVMANIS  
TA.....OBOL  
TR.....MA SER  
VILIA VARIA SAC  
.....XI. K. AVG.

Solennes operosissimi huiusce Sacri ritus, & caeremonias fusc describit Prudentius (a); ætea vero tabula jamdiu spectandas dedit Socius Academiæ Regalis Gallicæ (b), iterumque simili tabula, consimilibusque observationibus excudit cl. Auctor marmorum Taurinensium (c). Atque hi quidem plura de ea re post Reinesium, Van-Dalium, Fleetwoodum, Fabretum; sed qui pleraque minus recte observantes, multa etiam observatione digna prætermittentes non exiguum spicilegium reliquisse videntur, quod mihi percurrendum insignes nostri lapides superius recitati omnino postulant.

Ut igitur a Diis illis ordiatur, quibus colendis hoc Sacrum institutum habebatur, quamquam perpetuum illud nostris lapidibus sit, ut Minervæ inscribantur, ne dubites tamen primas partes Matri Dei tribuendas, cui præcipue Criobolii, Taurobolique sacra dicabantur. Jam quod Attin attinet, res satis nota ex aliis quoque antiquis Inscriptionibus, quas omnes congestit Fleetwoodus (d), qui etiam compendariam explicationem addidit; sed ex Fabret-

[a] In Martyre Romano.

[b] Dominus de Boze tom. 3. Mémoires de littérature &c. pag. 150. explication d'une Inscription antique, ou sont decrites les particularitez des sacrifices

appellés Tauroboles. Amstelodami 1731.

[c] Parte 1. num. 2. pag. 13.

[d] Antiquarum Inscriptionum Sylloge a p. xi. Londini 1691.

to, qui earum censum augere studuit, duo exempla dumtaxat indicasse succederit, quorum alter ita se habet pag. 666. num. 54.

SACERDVS . MAXIMA . M. D. M. I. TAVROBOLIO . CRIOBOLIOQ. REPETITO  
DIIS OMNIPOTENTIBVS . MATRI DEVM . ET ATTI ARAM DICAVIT .

alterum vero num. 522.

M. D. M. I.

SVMMAE PARENTI HERMAE  
ET ATTIDI MENOTYRANNO INVICTO &c. (a)

Ex quibus vides varie ejusmodi nomen scribi inflectique solitum; nam & Attini, & Atti, & Attidi lapides habent, quibus & Atys addi potest ex S. Augustino (b) qui physicam, sed ineptam ex Porphyrio ejus nominis, atque numinis interpretationem profert: Is autem ex Pessinunte Phrygiae Urbe Pastor fuisse traditur, de quo Tertullianus (c) *Vidimus (ait) aliquando castratum Atyn illum Deum ex Pessinunte*: Communis cum Cybele Matre Deum cultus inde manavit, quod ipse primus Sacrorum ritus, quibus Cybeles colebatur, instituisse, a qua etiam quod promissam ei castitatem non servasset, virilitate fuit multatus (d). Quid vero de Minerva dicendum, quam nulli, quos hactenus vidi, nisi soli praeferebant nostri lapides? Eam non alia de causa in Beneventanorum Tauroboliis adhibitam putaverim, quam quod ejus quoque ope felicius ea sacra profutura crederentur, atque exinde factum, ut Berecynthiae cognomen, quod ipsius Matris Deum proprium erat, novo, quod sciam, exemplo Minervae ipsi adjiceretur: Non illud tamen novum in ejusmodi Sacro aliorum numinum favorem exorari, uti ex secundo lapide Fabrettiano paulo ante relato, in quo praeter ipsam Matrem Deum, atque Atyn Mercurius graeco Hermæ vocabulo memoratur. Absit vero, ut cum Guthrio (e), atque Vossio (f) Taurobolica sacra Dianae praecipue tribuantur, quorum errorem ex male intellectis siglis illis M. D. quas *Matris*, vel *Magne Dianae* interpretabantur, jamdudum Grævius obervavit (g).

Ejusmodi igitur Criobolii, & Taurobolii Sacro peculiaris Matri Deum cultus exhibebatur, cujus sane recentiora, ut mox dicetur, initia fuisse, uti etiam non ipsius Numinis satis antiquam apud Romanos Religionem fuisse constat: ex Pessinunte enim, ubi primum institutam jam audivimus, demum in Urbem cum ipso quoque Simulacro transtulit Scipio Nafica, translationique causam effecere Decemviri Sacris faciundis, qui ex Carminibus Sybillinis ad Senatum retulerunt, praesentis ejus Numinis opem futurum, ut victis, pulsisque Italiae hostibus non solum eam, quam tum vigeret magnitudine staret Respublica, sed ampliores adhuc Imperii fines proferret (h). Miram simulacri materiam atque formam, plura etiam, quae prodigii instar in ea translatione accesserunt, fuisse commemorat Herodianus in vita Commodi, accepta occasione, quod ille festivius, quam unquam Sacra ejus numinis aliquando celebrasset; at spes ex divino responso accepta ipsam Nasicam, & optimum quemque mox fessellit, nam cum ipsa novi Numinis Religione simul in Urbem invecita fuit maxima vitiorum colluvies, quae ex ipsius sacris maxime fovebatur: *Vixit enim* (ut ait S. Augustinus (i)) *Matris magne omnes Deos filios non numinis magnitudo, sed criminis*; adeo ut prisca Romanorum virtute labefacta, gliscentibus vitiis, ex his utique ingens minuendo Imperio periculum imminere, cujus vetera incrementa solis virtutibus parta agnoscebantur: Certe non id fuit Nasicæ consilium: *Absit*, (inquit idem S. Augustinus) *ut Senator Populi Romani ea mente praeclusus, qua Theatrum adificare in Urbe fortium virorum prohibuit, sic vellet coli Matrem suam, ut talibus Dea sacris propitiaretur, qualibus Matrona Urbis offenderetur*: At cur tantus vir, ut novae Religionis auctor esset, ipsius Deae oraculo electus? Causam ex eodem Augustino audiamus: *Romanas occupatura mentes quassavit optimum virum, non quem monendo, & adjuvando faceret, sed quem fallendo deciperet, ut ille magne indolis*

[a] Menotyrrannum explicat Fleetwod. adnotat. 8. Mensium Rex, & anni moderator proprie dicitur Sol, qui sub Attidis involuero heic cultus est.

[b] De Civit. Dei lib. 7. cap. 25.

[c] Apolog. cap. 17.

[d] Lactantius Div. Inst. l. 1. c. 17. Arnobius lib. v.

[e] De Veter. Jur. Pontif. IV. 19.

[f] De Idol. II. 53.

[g] Thef. Antiq. tom. v. Prolegom. c. 3.

[h] Livius lib. 29. cap. 21.

[i] De Civitate Dei lib. 7. cap. 26.



indolis animus hoc velut divino testimonio sublimatus, & vere se optimum existimans, veram pietatem, Religionemque non quaereret: Atque hac quidem Diaboli arte deceptus Nafica; quid vero ab aliis obtinuisse putabimus, quibus aut virtus infirmior, aut etiam corrupti mores? Satis nota res est, quot novas gentes Romani subegerint, tot novas Religiones suscepisse, ita ut quibus sua jura jam darent, iisdem sese, eorum accepta Religione, obstrictos efficerent. Hinc inundatio illa Deorum, quos Victores Romani ex omnibus, quas pervasissent, Orbis partibus, licet peregrinos Civitate donarunt, arisque, delubris, ac templis sibi colendos instituerunt (a).

Quæ cum ex his, aliisque, quæ in subjecta nota attulimus, gravissimorum Scriptorum testimonio ita esse videantur, haud ita facile in Viri clarissimi, eruditissimique Mamachii sententiam concesserim, quâ is statuit (b), Romanos, cum Principatum in orbe terrarum obtinerent, id magnopere enixos, ut quo tandem cumque possent, eam, qua ipsi tenebantur, Religionem introducerent. Nam ex Strabonis loco, qui Geogr. lib. 4. postquam efferos quorundam Gallorum, Germanorumque mores narrat, qui e prælio decedentes cervicibus equorum hostium capita suspendentes, domumque delata, ut essent spectaculo, vestibulis affigebant, ac præterea hominem divinationi destinatum in tergo ferientes ex ipso impatientiæ afflictandique modo vaticinium capiebant: Ab hisce (ait) rerum obscenitatibus fœdisque sacrificiorum, & divinationum ritibus mori nostro contrariis Romani prorsus eos averterunt: Non, inquam, ex hoc uno testimonio, res, de qua quaerit Vir summus, definiri poterat, neque etiam ex aliis pluribus, quæ mihi adhuc præsto sunt (c): Id enim unum ex hisce evincitur, maximum scilicet inter alia plura ab Romanis dominantibus in perdomitas nationes emolumentum hoc promanasse, ut Barbaros pene omnes, quos vel armis domuissent, vel societate sibi devinxissent, nedum ad humanitatem, sed ad cultiorum plerumque morum rationem, institutumque revocarent. At aliud profecto est, ab ipsis Barbarorum sacris crudeles quosdam, fœdosque Ritus abjiciendos curasse (quamquam, & eorum plerosque suos fecisse, Romanos aliquando non pudit,) aliud vero ex Patria Religione Barbaros ipsos ad Romanorum Sacrorum communionem summo studio traduxisse; quod sanè ipsis Romanorum juribus, institutisque, quorum tenacissimi erant, omnino vetabatur: Jus enim Sacrorum, quod aliis Civitatis Romanæ juribus præcipue adnumerabatur, haud facile Romani cum aliis communicari patiebantur, quin adeo sibi peculiari servabant, ut (tantum abest, ut ipsorum præsertim opera Barbarorum gentes iis uti, aut docerentur, aut juberentur) vel ideo Municipales non viderentur optimo jure Cives esse, quia non iisdem, ac ii, qui Romam incolebant, Sacris uterentur, ut fusc ostendit Sigonius (d); quin & ipsi Coloni, qui quondam Cives fuerant, si quando, ut alibi a me demonstratum fuit, Colonia non Civium Romanorum esset, Sacrorum jus ita amittebant, ut eorum exercendorum nulla sibi amplius superesset facultas; Quæ omnia non solum stante Republica, verum etiam sub ipsis Principibus ex veteri instituto nunquam defecerunt. Fateor quidem etiam citra Romanam Civitatem datam, aliquos Populos Romanorum Deos, atque Sacra sibi usurpare potuisse; at hoc profecto nunquam ex enixa, quam ejus rei Romani ipsi habuissent, cura.

M

fed

[a] Quod sane nec primæva Numæ instituta prohibere valuerunt, quibus, ut ait Tertull. Apol. 25. Frugi Religio, & pauperes Ritus, & nulla Capitolia certantia Culo, sed temeraria de Cespite Altaria, & vasa adhuc famia, & nidor exilis, & Deus ipse nusquam: Neque cum semel in Reip. perniciosæ res obtinuit, ab incepto deteruit summorum Magistratuum auctoritas; quid contra Bacchica sacra, quorum nefandissimos Ritus distincte retulit Hispala ad Postumium Consulem apud Livium l. 39. c. 13. Postumius ipse cum Marco Collega sanxissent, nedum ex eodem Livio cap. 18. plane constat, verum etiam ex ipso S. C. de ea re factò, quod ex ærea tabula adhuc supersitite exhibet Fabrett. Inscript. c. 6. pag. 427. & nuper præclaro Commentario illustravit V. C. Matthæus Egyptius Neapol. 1729. ac frustra id fuit, quod inter cetera alia Romanis Antiquitatibus exprobat idem Tertullianus: Etiam (inquit) circa ipsos Deos vestros, quæ perspete decreverunt Patres vestri, iidem vos obsequentissimi rescidistis: Liberum Patrem cum mysteriis Consules Senatus auctoritate non modo Orbe, sed universa Italia eliminaverunt, Serapi-

dem, & Isidem, & Harpocratem cum suo Cynocephalo Capitolio prohibito inferri, idest Curia Deorum pulso Piso, & Gabinio Consules non utique Christiani everis etiam aris eorum abdicaverunt, turpium, & ociosarum superstitionum vitia cobidentes: his vos restitutus summam majestatem contulistis: Sic etiam Lucanus Bello Pharf. l. 8. v. 83.

Nos in Tempia tuam Romana accepimus Isin, Semideosque canes, & sistræ jubentia luctus.

[b] Orig. Christ. l. 2. c. 2. §. 5., & rursum c. 3. §. 1., cui titulum inscribit: Quemadmodum Romani subactis variis gentibus, earumque ditionibus in Provincias redactis curaverint, ut illæ Romanis sacris assuecerent.

[c] Nam: Infantes penes Africanam Saturno immolatos palam usque ad Proconsulatum Tiberii tradit Tertull. Apolog. c. 9. Lactantius præterea Div. Inst. l. 1. c. 21. Apud Cypro Salaminam (ait) humanam hostiam Jovi Teucrus immolavit, idque sacrificium posteris tradidit; quod est nuper Hadriano Imperante sublatum.

[d] De Antiq. Jur. Civ. Rom. l. 1. c. 8.

sed aliunde potius, præsertim vero ex frequenti cum Romanis commercio, accidisse potuit, quo factum fuit, ut Barbari Romanorum Deos, ac sacra didicissent; quod si huc res, ut videtur, deducenda sit, magis profecto fuit, quod foedi etiam, ac sævi Romani ex ipsis Barbaris in suam Religionem transtulerint, ut initio manifestum videbamus, quam quod hi ex illis accepissent; sed hæc obiter.

Quod autem ad rem attinet, non peculiare minus quam frequens Matris Deum Sacrum habebatur, quod Taurobolium, aut Criobolium appellabatur. Idem utriusque Ritus, eadem causa: nominum diversitas ex victimæ diversitate derivata fuit; priore enim Taurus, Aries posteriore immolabatur: Ritus autem ejusmodi erat: qui eo Sacro inaugurandus erat, quod proprie Tauroboliari, aut Taurobolium accipere dicebatur, in altam scrobem consulto factam demittebatur, super quam foraminatis tabulis coopertam Taurus auratis cornubus, seu Aries adigebatur; cumque ibi jam consisteret, mactabatur, non antea remotus, quam totus ejus cruor in eam scrobem per tabularum foramina illapsus, eum, qui illic pene tumulatus jacebat, capite, naribus, oculis, & toto denique corpore ablueret.

Summam ejusmodi Sacro virtutem inesse putabant Ethnici: non solum enim, eo percepto, ab omni labe se expiatis, sed etiam in posterum, aut certe per viginti annos (quo intervallo haud uni eidem semel Tauroboliato Taurobolium repetere licebat) novæ labis futuros expertes se crederent, quin in æternum renatos jactitarent: hujusmodi formulæ in antiquis lapidibus frequentes sunt. Sic apud Gruter, pag. 28. num. 2. *Taurobolio in æternum renatus: & num. 5. Iterato viginti annis ex perceptis Tauroboliis v. l. aram constituit: & apud Fabrett. fol. 666. num. 522. Taurobolio, Criobolique perficito xiv. Kal. Aug. Diis animæ suæ, mensisque custodiis aram dicavit:* Hinc cum quisque Tauroboliatus esset, non solum aliorum salutationes, gratulationesque publice accipiebat, sed pene Numinis instar adorabatur, ut inter alia de Taurobolio plura, id quoque Prudentius in Romano notavit vers. 1046.

*Hunc inquinatum talibus contagiis  
Tabo recentis sordidum piaculi  
Omnes salutant, atque adorant eminus  
Vilis quod illum sanguis, & bos mortuus  
Fœdis latentem sub cavernis laverint.*

Hinc mos quoque ille, ut, quod de aliis sacris nunquam obtinuit, rei gestæ memoria lapidibus tam magnifice celebraretur, etiam die, ac Consule in monumento signatis, ut indubiæ fidei res apud præsentis, posterisque commendaretur; quod tum in aliis, tum in nostro lapide factum apparet, in cujus fine sic legitur: *Sub die v. Idus Aprilis Modesto II., & Probo Cos:* Scilicet anno 228., quo Modestus iterum (a), & Probus Consules processerunt: Hinc denique erat, ut non solum pro sua quisque privata incolumitate Taurobolium faceret, sed etiam ejusmodi Sacrum pro Augustorum salute, aut Reipublicæ felicitate, seu pro publico bono celebraretur. Sic Taurobolium dicti lapidis Lugdunensis dicitur factum *pro salute Imperatoris Caesaris T. Ael. Adriani Antonini Augusti Pii P. P. Liberorumque ejus, & Status Colonia Lugdunensis:* Præterea id quoque observandum, quod ejusmodi sacrum non ab Plebeis solum, privatique aliis personis, sed a Viris clarissimis, atque summi in Republica loci frequentaretur, ut ab illo etiam non abhorrerent Augusti, inter quos de Antonino Elagabalo hæc refert Lampridius: *Matris etiam Deum sacra accepit, & Tauroboliatus est, ut Typum eriperet, & alia, quæ penitus habentur condita (b):* At præter Elagabalum, plures Viros clarissimos, etiam Præfecturæ Urbis infi-

[a] Secundum hunc fuisse Vettii Modesti Consulatum, de quo Fasti silent, dumtaxat ex nostro lapide discimus. Fuerit igitur is oportet ante hunc annum Consul fuisse, atque ideo priorem Consulatum in fastis neglectum putare debemus, in quibus il præcipui Consules signari solent, qui solennibus Comitibus, ut olim, vel ut postea, a Principe creati, anno initium dabant, ita ut, licet infra annum ipsum Magistratu abissent, aliosque pro reliqua anni parte suffectos acciperent, integrum tamen annum tam in fastis, quam publicis aliis monumentis suis inscriptis nominibus occupabant, quod optimo more, rationeque institutum fuit, ne incerta fieret annorum series, temporumque signandorum ordo turbaretur.

[b] Hanc veram esse Lampridii lectionem jam viri docti observarunt; nam in antiquis editionibus, quarum duas ad manus habeo, Aldinam Venetam 1519. & Frobenianam Basilicæ 1533. pro *Tauroboliatus*, legitur *adeo debacebatur*. Cave autem, ne cum Jac. Constantio in Collectaneis cap. 20. *Cyphum*, seu *Scyphum* pro *Typo* reponas, quod ille inepte satis emendandum putavit, quasi Deum mater eo simulacro sitellam dextra gestaret, Isis Ægyptiæ instar, quam cum Cybele confundit, neque enim *Scyphum*, seu *Sitellam* auferre Elagabalus tanti habuisset, qui revera *Typum* ipsum, seu simulacrum eripere gessit, quod e rudi, ac pene informi lapide effictum Lampridius refert; quod autem *Typi* matris Deum erigendi Elagabali fuerit consilium, jam



insignes Tauroboliatos nobis exhibent antiqui lapides, & quod mirum magis videri posset usque ad IV. seculi exitum, ac sub ipsis Christianis Principibus ab ejusmodi viris celebratum id Sacrum ostendunt (a).

Quam igitur causam putabimus, ut tam sera hujusce sacri origo fuerit, ac cum semel obtinisset, diu quoque post receptam ubique Christianam Religionem, abolitōsque publica auctoritate superstitiones ritus, summo studio, summosque apud Viros perseveraverit: Non aliam certe causam, quam consuetam Diaboli æmulationem, de qua plura ex Tertulliano superiori capite observavimus, agnoscendam crediderim: Certe Julius Firmicus (b), qui prior, uti diximus, Criobolii, ac Taurobolii meminit, in Criobolio ipso Abrahami sacrificium repræsentatum putavit: Vide (inquit) quid sibi ludibriosus hostis invenerit, Abrahæ immolaturō filium jussu Dei Aries supponitur, & in vicinæ arboris radicibus immolatur: Mihi vero utriusque Sacri institutionem ex verbis S. Pauli hostem sibi arripuisse congruentius videtur; atque Apollolus quidem ad Hebræos sic se habet cap. 9. : Si enim sanguis Hircorum, & Taurorum, & cinis Vitula aspersus inquinatos sanctificat ad emundationem carnis, quanto magis Sanguis Christi emundabit conscientiam nostram ab operibus mortuis: Conjunctum quippe Diabolus in utroque Sacro nunc Arietis, nunc Tauri immolationem, ejusque ablationibus expiandi, renascendique virtutem inditam persuadere conabatur tum exemplo veteris piacularis Hebræorum Sacrificii, tum præsertim ex novi Testamenti sanguine, quem Deus ipse Homo factus reparando humano generi in Ara Crucis Hostia simul & Sacerdos effudit: Erant quidem ante Taurobolii institutionem aliæ, quas eodem æmulandi studio Diabolus invexerat, lustrationes, ac sacrificia, quæ non Christiani solum Baptismi, ut idem Tertullianus testatur (c); sed etiam ut ex S. Justino accipimus (d), Eucharistiæ quoque virtutem sibi falso effingerent, atque usurparent; sed quæ haud tanti apud ipsos Ethnicos putarentur, ut miram illam, quam ex Taurobolio virtutem sibi deinde blandiri cœperunt, inesse crederent: Nota sunt illa, quæ Zosimus Religionis Christianæ, proindeque Imp. Constantini insectator acerrimus contra eundem Augustum, quem nefariorum criminum infamiâ calumniose notaverat, sibi usurpat lib. 2. Horum nempe criminum sibi conscium Constantinum, ad Flamines accessisse admissorū lustrationes poscentem; illos vero respondisse, non esse traditum lustrationis modum, qui tam fœda piacula possit eluere: At jam demum in uno Taurobolio illud Ethnicis persuaderi cœpit nihil non sibi propitium, omnisque plenum felicitatis in corpora, animosque exinde manare: hinc illa omnium veneratio, aut etiam, ut Prudentius agebat, erga Tauroboliatos adoratio, quos veluti naturam divinam induisse, vel præcipuâ Deorum gratiâ, præsentique custodia donatos credebant; id quod Tauroboliatii ipsi plane testabantur solennibus illis formulis in vetustis lapidibus obviis: Taurobolio in æternum renatus Diis anima suâ, mentisque cunctis &c. & hujusmodi aliis, quæ cum Christianorum propriæ essent, ab iis profecto cum Christianorum Sacramentorum æmulatione Ethnici mutuari, mentiebantur. E re autem sua fore putabat Diabolus, ut, cum II. seculo Christianæ res feliciter augeri cœpissent, tum ma-

M 2

xime

jam antea asseruit idem Lampridius, quem etiam audisse lubebit: Heliogabalum in Palatino monte juxta Aedes Imperatorias consecravit, eique templum fecit, studens, & Matris (Deum) Typum, & Vestis ignem, & Palladium, & Ancilia, & omnia Romanorum veneranda in illud transferre Templum, & id agens, ne quis Romæ Deus, nisi Heliogabalus celebraretur. Dicebat præterea Judæorum, & Samaritanorum Religiones, & Christianam devotionem illuc transferendam, ut omnium culturarum secretum Heliogaboli sacerdosium teneret.

[a] Nam vir ille Clarissimus, cujus nomen in lapide apud Fabrett. intercidit pag. 665. num. 520. Taurobolium consecisse dicitur 111. Kal. Maji El. Anicio, & Nigriano Cos., nempe anno 350. Sic apud eundem Fabrett. n. 521. Hermogenianus Præfectus Urbi Taurobolium, Crioboliumque consecisse dicitur xiv. Kal. Aug. Gratiano Cos., & Equitio Cos., nempe anno 374. Clodius demum Rufus Valusianus ex Præfecto Prætorio, & ex Præfecto Urbi in lapide apud Gruter. pag. 28. Taurobolium post viginti annos iteravit x. Kal. Junii D. N. Valentiniano Aug., & Neoterio Cos., nempe anno 390.

[b] De error. profan. Relig. pag. 36.

[c] De Baptismo cap. v. Sed enim Nationes extraneæ ab omni intellectu spiritualium potestatum eadem efficacia Idolis suis subministrant, sed viduis aquis sibi mentiuntur; nam & sacris quibusdam per lavacrum iniciantur, Idis alicujus, aut Mitræ, ipsos etiam Deos suos lustrationibus efferunt: Ceterum villas, domos, totasque Urbes adspersione circumlatæ aquæ expiant passim. Certe ludis Apollinaribus, & Eleusinis tinguntur, idque se in regenerationem, & impunitatem perjuriorum suorum agere præsumunt. Item penes veteres quisquis homicidio se infecerat, purgatrice aqua se expiabat. . . . hic quoque studium Diaboli cognoscimus res Dei æmulantis, cum & ipse Baptismum in suis exercet. Edit. Venet. 1744.

[d] In Apologia prima cap. 66. Quod quidem (id est Corporis, & Sanguinis Sacramentum, quod paulo ante commemorat (etiam in Mitræ mysteriis, atque initiis fieri docuerunt per imitationem pravi Dæmones: quod namque Panis, & poculum aquæ in sacrificiis ejus, qui initiatur, ponatur, verbis quibusdam additis, aut certe scitis (ethnicos alloquitur) aut cognoscere potestis: Edit. Venet. Græco-Latin. an. 1747.

xime nova, ac firmiora Idololatriæ compararentur subsidia, quò magis Ethnici a Christiana Religione suscipienda averterentur; itaque eo celebriore invento Sacro, quo sacrilegus sanguis Divino Sanguini veluti opponeretur, magis magisque Ethnicorum mentibus persuadere studuit nihil esse Christianæ Religionis proprium, quod non apud ipsos Ethnicos majorum Religio præstare posset: Hinc etiam factum, ut a clarissimis quibusque, summique in Rep. loci Viris (quorum exemplum apud reliquos omnes plurimum valere solet) præcipue Taurobolium celebrari curaret; neque aliam novimus superstitionem pestem seriùs, ut ex Lapidibus manifestum est, ex orbe jamdiu Christiano sublatam.

Atque hæc de Taurobolio post aliorum tractationes, partim nova, partim luculentius explicata, generatim concessisse libuit: Sunt etiam, quibus prior Lapis indigere videtur, explanationes aliquæ opportune heic addendæ, ex quibus plura singularia habebimus, quæ in aliis omnibus hæctenus editis Taurobolicis Lapidibus, nunquam invenies. Primum autem sigla illa animadvertisse proderit M. D. M. I., quæ inter quintæ linæ finem, initiumque sequentis distribuuntur; quod igitur illorum explanationem attinet, fallitur certe V. Cl. Mazochius, qui (a) *Magne Deum Matri Isidi* interpretatur. Fortasse Viro perspicacissimo (cui uni ex abditis quibusque locis omnis se se proderet gestit Antiquitas) hæc scribenti in mentem venerit patrius Lapis Capuanus TE TIBI VNA, QVÆ ES OMNIA DEA ISIS ARRIVS BALINVS V. C. quo etiam inter alia utitur Huetius (b), ut in Iside Cybelem, aliaque Numina contineri probet, adducto etiam Apuleii loco Metam. XI., qui Isidem esse significat Rerum Naturam, eamque Deorum, ac Dearum faciem uniformem appellat, eamque ipsam esse ait, quam *Phryges Deum Matrem*, Attici Minervam, Cretes Dianam, Siculi Proserpinam, Eleusini Cererem &c. appellant; Sed non hæc heic quærimus; quod enim rem attinet, satis constat, origine, nomine, cultu, loco, templis, discreta omnino inter se ea fuisse Numina; quod vel ex eo manifeste liquet, quod diverse, ac longe inter se distitis temporibus utriusque cultus, ac Religio Romam pervaserit. Stabit itaque vera illa explicatio, quam passim Lapidēs, Scriptoresque veteres nos docent, ut nempe *Magna Deum Mater Idea*, siglis illis habeatur. Sic apud Fleetwoodum p. 15. n. 1. M. D. M. IDEÆ, & rursus ejusdem Lapidis lin. 5. M. D. M. ID. Quod vero Scriptores attinet, De Cybele ad rem hæc sunt Lucretii l. 2. 610.

Hanc varia Gentes communi more Sacrorum

Ideam vocitant Matrem

ab Ida nimirum monte, ubi peculiariter culta fuit, ut vulgo notum.

Virgilius etiam (c)

Alma Parens Idea Deum, tui Dindyma cordi,

Turrigeræque urbes, bisjunque ad frena leones:

ex quo Maronis loco non solum res ipsa conficitur, sed præisse is quodammodo videtur formulæ illi postea receptæ, quæ Cybele in Taurobolicis Inscriptionibus invocatur.

At quemadmodum ei formulæ præisse videtur Virgilius, ita certe in Taurobolico tradendo haud defuisse debuit ejus Sacri administer, qui peculiare præiundi munus obibat: Qualem fuisse Mamium Secundum noster Lapis discrete commemorat linea decima in hunc modum, PRAEVNTE MAMIO SECVNDO. Quid fuit præire, dum Ethnici Sacra quæpiam operarentur protrita res est, quam docet Plinius (d): *Vidimus (inquit) certis precatationibus obsecrasse summos Magistratus; & ne quid verborum prætereat, aut præposterum dicatur, de scripto præire aliquem, rursusque alium custodem dari, qui attendat, alium vero præponi, qui favere linguis jubeat.* Et sane nihil fortuito, aut ex privato consilio in Rebus sacris agendis effari fas erat, sed omnia conceptis verbis pro Sacrorum, Numinumque diversitate statuta erant, atque in Sacerdotum libris exposita, ut Gellius testatur (e); quod si solo verbo aberratum ex ipsis libris fuisset, non modo non rite factum censebatur, sed Dii graviter offendi, iique irasci credebantur, ut ex Ciceronis loco colligitur (f).

Sed præter eum, qui præiret, alios quoque Sacerdotes in eo Sacro adfuisse constat, quorum opera Taurobolium, aut Criobolium alicui tradebatur; unde haud dissimulandam duxi hallucinationem D. De Boze in dicta explanatione Lapidis Lugdunensis, ubi Sacerdotem illum Q. Sam-

[a] Tom. I. Comment. in Kal. Neapol. ad diem 13. Junii not. 331. pag. 603.

[b] Demonstr. Evang. Prop. IV cap. x. num 3.

[c] Æneid. x. v. 252.

[d] L. 28. c. 2.

(e) Lib. 13. cap. 22.

[f] De Harusp. Respon. c. x. Si Ælibis verbo, aut Simulo aberravit, Ludi sunt non rite facti; eaque errata expiuntur, & mentes Deorum immortalium Ludorum instauratione placantur.



## DISSERTATIO SECUNDA. 93

Q. Sammum Secundum cum nostro Mamio, seu verius M. Amio Secundo quodammodo affinem, non tradidisse, sed accepisse Taurobolium affirmat. Sed manifeste is erravit; postquam enim in Lapide illius Taurobolii causa indicatur, nempe *pro salute &c.* sic pergit Lapis: L. *Æmilius Carpus* III<sup>vir</sup> Aug. item *Dendrophorus vires excepit*, & a Vaticano transulio, ara & bucranium suo impendio consecravit. Sacerdote Q. Sammio Secundo ab xv. Viris occabo (a) & Corona exornato &c. En igitur L. *Æmilius Carpus*, eum ipsum nempe, qui vires excepit, idest Tauri sanguinem, qui pro ejus viribus satis commode, ac probabili magis ratione explicari solet, in Scrobe positus accepit; eum denique, qui Tauroboliatu est: Ipse vero Sacerdos Q. Sammius Secundus, is, inquam, ipse fuit, qui Taurobolium L. *Æmilio Carpo* tradidit: quod manifestum quoque fit ex ejus nomine (ut in aliis Taurobolicis Lapidibus) auferendi casuposito sic: Sacerdote Q. Sammio &c. quo quidem casu non solum tempus, quo is Sacerdotioungebatur, indicari videtur; (eadem nempe scribendi formula, qua Consules per eundem casum indicantur in iisdem, aliisque passim Lapidibus) verum etiam peculiare munus ostenditur, quod in tradendo Taurobolio eo tunc gessit.

At Sacerdotum, qui ejusmodi Sacro interessent neque certus numerus definiri, neque etiam sexus statui potest, nam in principali nostro Lapide tres numerantur, qui tradiderint, nimirum: *Tradentibus Septimio Primitivo Augure, & Sac. Servilia Varia, & Terentia Flaviana*. XIV<sup>vir</sup>: in secundo Lapide sola tradidisse memoratur *Cosinia Celsina Consecrator*; in tertio vero, & quarto sola pariter, quæ in primo occurrit *Servilia Varia* ejusmodi ministerium obivit, ut jam mirari subeat in ejusmodi sacro foeminas frequentius præ Viris fuisse delectas, interque illas tot Taurobolis a se una traditis assiduam operam *Serviliam Variam* navasse, suamque tum in Sacerdotio fedulitatem, quam insignem erga Matrem Deum Religionem in dictis Lapidibus apud præsentem, posterisque vulgandam curasse. Certe Beneventana hæc Mulier non mediocriter, ut apparet, apud suos nominis, & loci se se publicis monumentis crebro celebrari curasse probatur tum ex antedictis Lapidibus, tum ex alio, quem ipsamet, (ut verisimile mihi fit) defuncto filio dedicavit in hunc modum.

C. VMBRIO  
SERVILIO IVSTO  
IVSTISS. ABNEPOT  
DECVRION. BEN  
VIXIT ANN. XXX  
SERVILIA VARIA  
MATER

at de hoc Lapide alias.

Ad eos modo progrediar, qui in nostris Lapidibus Taurobolium, aut Criobolium accepisse memorantur; in quibus illud etiam observandum occurrit a foeminis quoque ejusmodi Sacrum frequentatum; nam præter secundum Lapidem, ubi *Pancius Justinus Eq. Rom.* Taurobolium fecit, reliqui tres omnes nonnisi foeminas Tauroboliatas nobis exhibent; ex qua re non illud cuiquam in mentem veniat, Sacerdotes foeminas, ut superius notatum fuit, tum adhibitas, cum a foeminis Taurobolium accipiendum esset, nam *Pancio Justino* tradidit *Cosinia Celsina, Concordia* vero *Septimius Primitivus*, ut inde certum colligas in tradendo suscipiendoque Taurobolio alterutrum sexum indiscriminatum adhiberi consueisse: Quod autem ad *Concordiam* attinet, ita de ea Lapis loquitur: *CONCORDIA COLLIB. JANUARI CIMBALIACO SECUNDO OB CRIOBOLIUM &c.* At primum singulare fortasse hoc erit, ut *Concordia* isthæc, nullo adjecto cognomine, ex eo solum se noscendam maluisset, quod fuerit Colliberta Januari, ut non solum ambo libertinæ conditionis fuerint, sed etiam inter se se olim Contubernales, uni eidemque Domino olim fervierint, a quo tandem simul manumissi antiquum Contubernium in Conjugium, quod Libertinis conveniret, transulerunt: Eà enim loquendi formulâ conjugium omnino constat expressum; ut scilicet eadem *Concordia* olim *Conserva*, dein *Colliberta*, tandem uxor fuerit Januari nullo Mariti adjecto vocabulo, sed dumtaxat proprio ejusdem Mariti generandi casu adjuncto

[a] De raro *Occabi* vocabulo, ejusque significatione legendus idem D. De Boze, qui post varias observationes eruditè congestas, non aliud fuisse conjectat, quàm aureum circulum, qui aut collo, aut brachio annebatur.

adjuncto sibi nomine juxta veterem morem illum, de quo latissime in Dissert. 1. c. 4. differui. At quid sibi velit illud *Cimbaliaco Secundo*, quod statim in Lapide sequitur, non ita facile patet. Putabam aliquando integrum versum ita restituendum: *Concordia Coliherta Januari Cimba loco secundo*: ita ut *Cimba* cognominis loco sit, quod ad ipsam *Concordiam* referatur; illud vero loco *secundo*, aut ab altero in faciendo *Criobolio Concordiam* eo tunc præventam fuisse, aut iteratum ab ipsamet *Concordia* *Criobolium*, quasi *Secunda vice* indicare videatur: Sed illud *Cimbaliaco Secundo* in *Cimbaliaca Secunda*, quæ item ad ipsam *Concordiam*, ejusque munus designandum pertineret, verosimilius emendandum censui: Et sane Cymbala inter Matris Deum insignia fuisse constat: In suis enim Simulacris Cymbala manu gestare effingitur, cujus rei causam aperit Servius, qui ad illud Virgilii (a)

*Tinnitusque cie, & Matris quate Cymbala circum.*

quæ (inquit) in ejus tutela sunt, idcirco quod similia Hemyciclis Coeli, quibus cingitur Terra, quæ est Mater Deorum. Habes jam veterem Cymbalorum formam, quæ ex aere constabat. Hinc Propertius (b)

*Qua numerosa fides, quaque aera rotunda Cybelles:*

Bina igitur ex ære erant formâ rotundâ, ac concavâ, quæ dum invicem colliderentur, tinnitum edebant, quod tradit etiam S. Augustinus in Psalm. cxxx. *Cymbala invicem se tangunt, ut sonent; ideo a quibusdam labiis nostris comparata sunt* (c): Ex eo itaque, quod Cymbala Matris Deum insignia essent, antiquus obtinuit ritus, ut in ejus sacris celebrandis Cymbala adhiberentur, quæ Ministri aliqui ad rem delecti pulsarent: notum id ex Apulejo (d), aliisque, quos laudat Vossius (e). Quid igitur? Ad eorum numerum, qui in Matris Deum sacris Cymbala pulsandi munere fungerentur, Concordia recte potest referri, unde Cymbaliaca in Lapide appelletur, vel si malis Cymbalistria, qualis rectiore vocabulo dicenda esset. *Cymbaliaca* autem *secunda*, quod, ni fallor, in Cymbalistriarum Choro secundas partes agebat Histrionum more, quorum alii primas, alii secundas agere dicebantur. Haud vero satis Concordiæ fuerat Taurobolium fecisse, sed amplius, ut celebriorem rem ipsam efficeret IVSSV MATRIS DEVM Sacrum egisse lineâ undecimâ testata est. Solenne fuit Ethnicis, cum Sacrum aliquod perageretur, vel quodpiam Religiosum opus dedicaretur, tum ad augendam apud præsentem Religionem, tum ad conciliandam ejus rei fidem, ac dignitatem, quæ publico monumento consignabatur, captandamque sui reverentiam, illam cuiuspiam Numinis jussu gestam deprædicare; quod tum in aliis passim vetustis Lapidibus, tum præsertim in Taurobolicis ad magnificandam ejus sacri Religionem sæpius usurpabatur. Sic in Lugdunensi Lapide Taurobolium illud ex Imperio Matris Deum factum dicitur: apud Fleetwodum pag. 12. num. 1. Taurobolium acceptum quoque dicitur ex Vaticinatione Pisoni Juliani Archigalli.

Pergit lapis nobis indicare, quid præsertim a Concordia jussu Matris Deum gestum sit; videlicet IN ARA TAUROBOLICA DUODENA CUM VITULA CREM idest *Cremavit*, sive thus, sive potius Arietem ipsum, quo Criobolium perfecerat, quod promptum est; illud autem non satis obvium, quænam fuerit Ara illa *Taurobolica Duodena*: Simile quid invenio in Gruteriano lapide paulo ante indicato ex pag. 28. num. 5. ubi Cejonius Rufus Volusianus: *Ex perceptis Tauroboliis VI. Aram constitui* dicitur: Ex quibus quidem verbis, nullimode sequitur uno eodemque tempore sex simul Aras a Volusiano fuisse constitutas, quod alioqui per *Sex*, aut *Senas Aras* dicendum omnino fuisset, sed *Sextam*, seu VI. Aram ita in eo Lapide accipiendam censeo, ut eam sexto jam demum loco, atque tempore post quinque alias ab aliis antea, ac diverso tempore Tauroboliatis erectas fuerit constituta; quo sane modo *Ara duodena* in nostro Lapide intelligenda videtur, adeout iis numerus non ad aras a Concordia in suo Criobolio, peculiari aliquo ejus Sacri ritu, simul constitutas referri debeat, sed id tantum indicat, undecim, ante Concordiæ Criobolium, extitisse jam aras, quas quisque suas pro antea actis Crioboliis, aut Tauroboliis erexerat. Sic apud Reinesium Cl. I. n. 42. *Emilia Serapias* post factum Taurobolium, *Petram Taurobolicam posuisse* dicitur, idest Lapidem ipsum inscriptum, futurum Posteritati omni percepti Taurobolii monumentum. In

[a] Georgic. IV. 64.

[b] IV. 7. 61.

(c) De veterum Cymbalis post Pignorium, Rubenium, Sponium, Tillium, Perizonium, Lampium, Rhodium, aliosque præclare agit Zornius Opusc. Sacr. tom. 1. c. 8. §. 4. ubi egregiam Commentationem in-

stituit de usu æreorum Tripodum, & Cymbalorum in Sacris Græcorum ac singularem verborum S. Pauli explicationem in 1. Corinth. XIII. 1.

[d] Metamorph. VII.

(e) De Idololatr. l. 2. c. 53., & c. 56.



In ea autem Ara Duodena Concordia cum *Vitula cremavit*, idest cum Vitulatione: *Vitulationem* enim Sacrorum verbum fuisse constat, quod in solennioribus, lætissimisque Sacrificiis teste Macrobio (a) usurpabatur. A vitulis sane vox probe desumpta, quorum præ aliis, saltibus, voce, aliisque corporis motibus lascivior in pratis lætitiæ; quod jam docuit Festus, qui *Vitulantem* eum appellari vult, qui sit *lævus gaudio*, ut *prato vitulus*, atque ad denotandam summam illam, quæ ex Taurobolio consequbatur, lætitiæ, opportune satis *Vitulationis* vocabulum usurpatum videtur: Si tamen ea dictio completa statui velit, jam illud sequitur, *Concordiam cum Vitula cremasse*, minus probe quidem, sed quod idem significat, *vitula fecisse*, ut olim optimis Scriptoribus mos fuit (b).

At misso jam demum Taurobolio, ad alios superstitiosos ritus veniamus, quos non ut antea in Libertinæ conditionis muliere, sed quod mirum sit, in ingenua, ac planè clarissima Romana Matrona inspexisse erit. Nihil certe ex aliis hisce ritibus ad veteres Beneventanos; sed cum hi Lapidem in sua Urbe dicaverint, satis eosdem ritus probasse videntur. Lapis igitur sic se habet.

FABIAE . ACONIAE . PAVLLINAE . C. F  
FILIAE . ACONIS . CATVLINI . V. C  
EX . PRAEF. ET . CONSVLIS . ORDIN  
VXORI . VETTI . PRAETEXTATI . V. C  
PRAEF. ET . CONSVLIS . DESIGNATI  
SACRATAE . APVD . ELEVSINAM  
DEO . BACCHO . CERERI . ET . CORAE  
SACRATAE . APVD . LAERNAM . DEO  
LIBERO . ET . CERERI . ET . CORAE  
SACRATAE . APVD . AEGINAM  
DEABVS . TAVROBOLITAE . ISIACAE  
HIEROPHANTRIAE . DEAE . HECATAE  
GRAECO SACRATAE DEAE CERERIS

Binos iidem verbis conceptos Lapidem exhibet Gruterus (c), quorum alterum Romæ, alterum Beneventi extare notat: An igitur Beneventanos, cum hanc illustrem foeminam publico honoris monumento ornandam constituerint, Romani Lapidis verba descripsisse putabimus? At non geminum, sed singularem eum Lapidem fuisse crediderim, quem etiam verosimilius mihi sit, Beneventi extitisse. Et sane si antiquiores veterum Inscriptionum Collectores, consulamus, præter Manutium, qui Ortogr. v. Paullus n. 6. sine ulla loci adnotatione eundem Lapidem affert, certe ex Libro *Antiq. Europ. Inscr.* p. 153. n. 5. non alibi quam Beneventi extantem vulgavit Alex. Niger apud Malvas. Marm. Felsin. Sect. v. c. 13. p. 278. ibidemque, nulla alterius Romani Lapidis mentione facta, positum agnovit Fleetwoodus p. 131. n. 3. Ex toties autem repetita hujus Lapidis editione id, quod plerumque assolet, factum fuit, ut plures nempe in ejus verba errores irreperint, & quod magis est, in exemplaribus fere omnibus, quæ circumferuntur, ut Gruteriano, Manutiano, Fleetwoodiano, aliisque, postrema linea auctior vulgatus fuit contra ipsius Lapidis fidem, quam ex nostratum schedis restituere aggrediar.

Fabia igitur Aconia Paulina (ut a personis ordiar, quæ in Lapide memorantur) appellatur primum C. F. idest *Caj Filia*, ac mox iterum *Filia Aconis Catullini*, ita ut bis ejusdem Filia dicatur, semel post Patris prænomen, servato veterum more (unde ipsius Catullini prænomen, quod a Fastis abest, ex nostro Lapide novissime datur) mox rursus dicitur *Filia Aconis Catullini &c.* Raro quidem exemplo, quod sequiori ætate invenire tantum erit; cujus etiam eam fuisse causam

[a] Saturnal. 1. 3. 2. *Vitulari dicit*, idest voce latari. Varro enim in lib. xv. *Rerum Divinarum* ita refert, quod Pontifex in Sacris quibusdam vitulari solet.

(b) Virgil. Ecl. 3. 37. *Cum faciam Vitula pro frugibus*

ipse venit: ubi Servius l. e. *Cum sacrificavero, & signare cum faciam Vitula*, ait, ut *faciam Thure*, ut *faciam Agna*. Horatius, seu poscat *Agna*, seu malis *Hædo*.

[c] Pag. 309. n. 2. & 3.

sam crediderim, quod, cum paterna decora, quæ Aconix Filix novum decus addere videbantur, recenseri in Lapide consilium fuisset, iterum Aconis, ut hujus demum munera post proprium nomen adjicerentur, dicta fuit Filia: Aconis autem munera ad Urbanam Præfecturam, & Consulatam redeunt, summa quidem Dignitatum fastigia, quæ privatorum meritis, votisque contingere unquam possent. Quod vero ad Aconix virum attinet, Vettium nempe Prætextatum, iisdem quoque muneribus illustrem fuisse patet, in quibus obeundis Aconem Socerum proxime sibi decessorem habuit, nam sicuti Aconi ex Præfecto Præfectus mox ipse successit, ita cum Aco ordinarium gereret Consulatam, ipse jam ad eandem Dignitatem designatus in Lapide memoratur: Cum vero post ann. 349. quo Aco Catulinus Consul processit, Vettius hic (nam alios Vettios secundo, tertiove Seculo floruisse constat) vixisse debuit, mirari adhuc subit, summos Reip. honores in Ethnicum hominem tam liberaliter collatos: est apud Gruterum p. 1102. n. 2. de hoc Vettio Lapis Valentiniano Aug., & Eutropio Cos. idest ann. 387. dicatus, in cujus area omnia tum Sacra, tum Civilia illius munera distincte inscribuntur; nam ex uno latere *Sacra* recensentur, quibus ex altero *Civilia* respondeant. Quæ ad rem attinet referre satis erit.

VETTIO AGORIO  
PONTIFICI VESTAE  
PONTIFICI SOLI  
QVINDECIMVIRQ  
AVGVRI  
TAVROBOLIATO  
CVRIALI  
NEOCORO  
HIEROPHANTAE  
PATRI SACRORVM

PRAETEXTATO V. C.

*Heic contra munera  
civilia recensentur*

Dignus plane Vir, qui superstitiosorem fortasse Conjugem sortiretur, aut efficeret, qualem Aconiam Paulinam ex nostro Lapide fuisse constat.

Aliquas nostri Lapidis partes parum feliciter interpretati olim fuere Gutherius *De Vet. Jur. Pont.* l. 4. cap. 19., & Jos. Scaliger in Indice Gruteriano, quorum sphalmata cum jam detexerit, ac simul emendaverit doctissimus Grævius in Prolegom. Tom. V. *Antiq. Rom.*, adeo libenter viro summo suam integre manere laudem volo, ut ipsa ejus verba heic recitare decreverim: Ex nostro igitur Lapide hæc sibi accepit Gutherius.

AFVD AEGINAM DEABVS TAVROBOLITAE ISI  
ACAE HIEROPHANTRIAE DEAE HECBTAE  
GRAECO SACRANEAE DEAE CERERIS

Sed audiamus Grævium: aut Taurobolitae scribendum est, ut & in precedente, aut pro Taurobolitæ est positum, quod rarius: Quid magno (Scaligero) Indicis Inscriptionum Gruterii in mente fuerit, cum ex hoc titulo Taurobolitam Deam esse statuat: Sic enim in illo habetur. Taurobolita Dea 309. 2., & Isiacæ Taurobolita 309. Cum revera Isiacæ, & Taurobolita dicatur Fabia Aconia Paulina: Isiacæ, quia erat Isidi Consecrata (a), Taurobolita vero, quia in Taurobolii Sacro erat initiata. Nescio quid viderit Gutherius, quum ipsa Inscriptione doceri ait, ut modo monebamus, Marri magne Dianæ hæc Sacra facta esse, quæ tribus nominibus celebrata, triplexque Taurobolium illi uno, eodemque Sacro fieri consuevit apud Aeginam: Hac nemo intelligit, quid sibi velint. Unum erat Taurobolium, quod ubi acceperit, nec hæc, nec

(a) Quod scilicet Isidis Sacerdotio initiata fuerit: notum illud Domitiani ex Svetonio c. 11. quod nempe is in Bello Vitelliano, ut necem sibi paratam vitaret: mane Isiaci celatus habitu, interque Sacrificulos vana superstitionis ira latuit, ut depræbendi non potuerit: unde etiam discimus proprias Isiacis, de quorum corpore

Aconia erat, fuisse vestes, & quidem, quæ non solum nota aliqua insignes, sed quæ totum corpus, & præcipue caput obnubarent, ut sic Domitianus se ipsum celare posset; quas etiam non solum dum sacra Isidis operarentur, sed adhuc continuas adhibere Isiaci solerent.



precedens tertia (a) significat; sed hæc docet, Aconiam sacratam fuisse Deo Iaccho, Cereri, & Coræ, i. e. Proserpina (b) apud Eleusinam, dein eandem sacratam apud Æginam DEABUS, quæ nulle aliæ sunt, quam Mater cum Filia, Ceres, & Proserpina: Præterea Aconiam fuisse Taurobolitam, fuisse Iliacam, fuisse Hierophantiam Deæ Hecate; sic enim legendum, ut in precedente (c) non Hecate, ut perperam editur, fuisse sacranam Deæ Cereris (d). Illud GRÆCO, quod interponitur, quid sit non intelligo; hinc in tertio (Lapide n. 3.) GRÆCO punctis subscriptis notatum est, tanquam suppositum verbum, nisi forte dicas subaudiri, vel excidisse (nam in tertio habetur lacuna) GRÆCO RITV consecranea Cereris, non Asiatico: non miraberis eisdem Deabus sacratam esse Aconiam apud Æginam, quibus sacrata fuit apud Eleusinam, cum in tertia tertius locus commemoretur, ubi iisdem Deabus fuit sacrata, ut & Baccho: hæc enim ibi leguntur

SACRATAE APVD LAERNAM DEO  
LIBERO ET CERERI ET CORÆ

Ut diversis in locis diversis ritibus initiata se devoverint cultui eorundem numinum; quod & ostendunt ultima verba utriusque Inscriptionis, ubi repetitur Consecranea Deæ Cereris, ut legitur in hac tertia Sacratæ Deæ Cereris: Cum tamen jam antea bis in illa dictum sit eam Cereri fuisse Sacratam, & in Eleusina

N

na,

(a) Intellige Inscriptionem apud Gruter. ead. p. 309. n. 3. quam Beneventi extantem Gruterus affert, nam quæ n. 2. iisdem licet verbis, Romæ tribuit, ut superius notavi. Itaque pro *precedens* volebat Grævius scribere *sequens*, qui nondum stridit, sed etiam obfure, ut vides, in omnibus se habet. In Scaligeri errore lapsus olim fuerat Jul. Cæs. Capacius *Antiq. & Hist. Neapolis.* c. xv. edit. latin. Lugd. Bat. an. 1723. quam curavit Petrus Burmannus Tom. 9. p. 2. ubi sic ait: *Taurobolitam quoque Deam cum Iliaca conjunctam in antiquo Lapide Beneventi legimus.* At nugæ sunt.

(b) Nam Proserpina græco κῆρ, ut observat Fleetwood, ad nostrum Lapidem dista p. 131. n. 3. Coram vero καὶ κῆρ appellatam Proserpinam ex græco κῆρ, quod significat *Filia* observavit in extrema, quæ assert nostri Lapidis verba D. De Boze Regalis Academiæ Socius *Memoire de Littérature* tom. 6. fol. 445. edit. Amsterdam. 1731. Veteres Siciliæ nummi, in qua Proserpinae raptus accidisse traditur, eandem passim exhibent cum nomine κῆρ, aut κῆρ: quod postremum Latinitate jam donatum in nostro Lapide habemus.

(c) Nempe in Romana Inscriptione, quæ exhibetur num. 2.

(d) Ter Cereris mysteriis initiatam Aconiam memorat Lapis, diversis tamen in locis, ubi separatim ex veteri instituto, peculiarique cultu Sacra Cereris peragebantur; nempe apud Eleusin, Æginam, & Laernam, ut ex Lapide manifestum patet. Celeberrimum fuisse in Græcia Cereris cultum, vel ex hoc uno patere posset, quod tribus in locis, illuc Græciæ insignioribus ejus Sacra, initiationesque summa Religione celebrari solerent. Sed & apud Romanos vetustissimum, ut Cereri initiarentur, fuisse morem diserte tradit Cic. de Leg. l. 2. c. xi. ubi hæc leguntur: *Neve quem initiant, nisi, ut asselet, Cereri, græco sacro;* unde & illud quoque certo scimus, non solum ex Græcia, ut superstitiones fere omnes, ita hanc quoque in Urbem permeasse, verum etiam ejus Sacra nonnisi eodem græco ritu recepta, ac servata: Eiusmodi ritum ex parte nobis aperit Laëtant. D. I. l. 1. c. 21. ubi postquam Osiridis sacra recensuisset: *Sacra* (inquit) *Cereris Eleusinae non sunt his dissimilia, nam sicut ibi Osiris puer planctu Matris inquitur, ita hic ad incestum Patris Matrimonium rapta Proserpina, quam quia facibus ex Æt-*

*ne vertice accensis quæssisse in Sicilia Ceres dicitur, idcirco Sacra ejus ardentium tædarum jactatione celebrantur.* Sed & illud Sacrorum Cereris peculiare, ut eadem per feminas Sacerdotes curarentur: Hinc Servius ad Æneid. iv. 99. nobilissimas Atheniensium Virgines Eleusinæ Cereri Sacra fecisse notavit; quod idem Romæ obtinuisse docent antiqui Lapides apud Gruter. p. 308. 4. *Calponia P. F. Maxima Sacerdos Cereris publica Populi Romani*, ubi notandum, quod Calponia isthæc non solum in Sacris Cereris publico Sacerdotii munereungebatur; sed inter Sacerdotes reliquas *Maxima* (quod non Calponiæ cognomen, ut falsò ibi notatum lego) fuisse dicatur; ut inde accipiamus quanti Cereris Religio Romæ haberetur, dum in ejus Sacerdotio Sacerdos Maxima ad instar Pontificis Maximi constituta fuerit. Item pag. 1065. *Claudia Craita Macesteri sui Cereri Sanctissima DD.*, ubi illud Macelleri corrupte pro Magisteri Sacerdotium ipsum non insuetum vocabulo significat: quo quidem sui Magisterii, seu Sacerdotii tempore aliquod signum tanquam gestæ Dignitatis perpetuum posteris monumentum a Claudia Cereri dicatum Lapis indicat. Sic etiam apud Fabrett. Inscript. e. 4. f. 342. n. 524. *Flavia Annia: Sacerdoti Cereris: Ob honorem: Cæremoniorum: Honestissime prebitorum: Decreto Ordinis*, ubi vides Senatam, seu Decuriones (nam ambo Ordinis vocabulo æque intelligi possunt) eum Lapidem Flaviæ Sacerdoti Cereris publice decrevisse, quod ea Sacrorum Cereris Cæremonias honestissime curasset: Hinc haud mirum, dum Aconia, quæ non majorum solum imaginibus, sed etiam Patris, Virique Præfecturis, ac Consulatus præfulgebat, se quoque Cereri Sacratam voluerit, interque ejus Numinis Sacerdotes recenseri.

Haëtenus de Cerere, ejusque filia Proserpina. At quid cum illis Bacchus? Præter nostrum Lapidem etiam Pausanias in Atticis tradit, Eleusi insigne Templum fuisse Cereri Sacrum, ubi præter ipsius Cereris, ejusque Filiae Proserpinæ Simulacra etiam tertium Bacchi, quem Iacchum appellat, Simulacrum communi cultu sociatum fuisse affirmat: quod apud Laernam quoque ita fuisse ex eodem nostro Lapide discimus. Itaque cum de re satis constet, ratio quoque querenda est, quam facile ex Virgilio, ejusque interprete Servio excipimus. Sanè Servius ad illa verba Eclog. v. vers. 79. *Ut Baccho,*

Cereris

na, & apud Lernam, ubi erant quoque initia Laernea, quorum meminit Pausanias in Corinthiacis aequae Eleusina in Attica. Haecenus Grævius, cujus breves, nec satis perspicuas in nostrum Lapidem observationes quum adjectis notis illustraverim, adhuc tamen quod ad postremam Lapidis lineam attinet, quandoquidem is acu rem non tetigerit, quid de ea linea ipse sentiam paucis aperiam. Postrema igitur Lapidis linea apud Gruter., Manut., Fleetwood., aliofque plures ita se habet: *Græco Sacrate Dea Cereris*: quæ cum explicanda Grævius suscepisset, putavit primum, illud *Græco* addititium esse, ejusque rei conjecturam sibi fecit ex punctis, quæ eidem dictioni in Gruteriano Lapide n. 2. subscripta habentur: Dein cum post eandem dictionem *Græco* in eodem Lapide a Grut. repetito n. 3. lacunam esse animadverteret, putavit dictionem *ritu* in eadem lacuna supplendam esse: nisi forte (inquit) dicas subandiri, vel excidisse (nam in tertio habetur lacuna) *Græco ritu Consecrata Cereris*, non *Asiatico*. Quis ritus iste Asiaticus unquam fuerit, atque unde illum acceperit Grævius, ignoro prorsus: Illud plane scio non alio, quam *Græco* Sacro, seu Ritu Cererem coli consueisse tam apud Græcos, quam in ipsa Urbe Roma teste, Cicerone l. l. Sed non adeo se Grævius torfisset, si, ut de prima dictione *Græco* suspicatus fuit, reliquas etiam omnes ejusdem postremæ lineæ dictiones, ut par erat, supposititias animadvertisset; quod uti factum sit, jam dicam. Habuit fortasse ejus Lapidis exemplum Vir quispiam doctus, qui cum extrema verba: *Hierophantia Dea Hecate* haud facile legenti cuilibet intelligi posse videret, brevem illam explicationem, seu adnotatiunculam adiecit, ac primum per illud *Græco* id prænotare voluit, dictiones illas ex *Græco* idiomate derivatas, sive latinis litteris Græcam adhuc locutionem in iis servatam fuisse: Deinde explicationem aggressus ita reddidit: *Sacrata Dea Cereris*, in eo tantum falsus, quod Matrem pro Filia, idest Cererem pro Proserpina, quæ Hecate est, accepisset. Nihil autem tam facile, quam ut Lapidis exemplum cum adnotatiuncula illa in ejus sine apposita in aliorum manus pervenerit, qui, cum nihil tale suspicari potuerint, Lapidis partem arbitrati, tamquam postrema ipsius verba cum antecedentibus annexa deinceps ediderunt; atque ita factum fuit, ut quæ e posteriori manu adnotatiuncula dumtaxat enata, mox in ipsius Lapidis seriem, atque contextum irrepserit. Ita quidem se res habuit, quam satis confirmant antiquiora, ac sinceriora ejus Lapidis exempla non solum in nostris Schedis antiquis exarata, sed etiam edita a Malvasia l. l., apud quem eadem postrema linea (quam propterea diversis characteribus exprimendam curavi) omnino deest. At de Aconia Lapide, superstitiosiusque veterum Beneventanorum Ritibus, quod præsentis Capite mihi constitueram, hac differuisse satis habui.

## CAPUT

*Cererique. Hæc enim (subdit) duo sunt Numina, quæ & Rustici maxime colunt, & quorum numina communia sunt mortalibus cunctis, & rurius, atque præclarius ad illam Virgilii invocationem, qua Georgicis initium dedit. Liber, & alma Ceres: Simul, inquit, Liberum & Cererem posuit, quia iis Tempia simul posita sunt, & iudi simul eduntur. Pindarus in vii. Isthm. Bacchum appellat Πατήρ Δαυάρεος ἢ ἑ Adfessorem Cereris: nam vinum, cujus ipse inventor, cum frumento, cujus cultum Ceres docuit, lociari semper solet; utrique vero ad sustentandam humanam vitam, satis opportuni, gratique semper habiti.*

Ut autem omnia Aconia munera in summa perstringamus, ter ipsa in tribus Græciæ locis Cereri, Proserpinæ, & Baccho Sacrata fuit; ad hæc Taurobolii Sacris initiata, dein in Corpore Iliacarum adlecta, postremo vero Hierophantia Deæ Hecate in Lapide appellatur, de quo pauca observanda supersunt. Varia pro Numinum diversitate Sacerdotum fuisse nomina, eadem licet omnium munia plerumque essent, notat Fleetwood. adnotat. ad Lap. Taurob. p. 17. n. 6. Sic Archibuculus in Sacris Dei Liberi, Pater Sacrorum in Mithracis, Tauroboliatas in Matris Deum, Hierophanta de-

um in Hecates Sacris.

Ac quidem de Hierophanta id satis certum videri potest non solo Lapidum exemplo, sed etiam frequenti Scriptorum usu. Sic apud Scholiastem Theocriti Idyll. xi. Apollodorus Athenis Hierophantem, cum Hecate invocatur, pulsare crepitaculum æneum. Arnobius l. 5., ubi de Eleusinis Sacris agit, quæ, ut jam vidimus, Cereris, ejusque Filia Proserpinæ, sive Hecate, communia erant Eumolpi mentit; a quo gens fuit Eumolpidarum & ducitur clarum illud apud Cecropios nomen, & qui postea floruerunt Hierophantæ; unde non aui, quamquam Hecates nomen haud adiceretur, Hierophantæ simpliciter appellati, intelligendi sunt apud eundem Arnob. d. l. cum inter Caduceatores, & Iriæones eos recenset, iidemque accipiendi in l. 14. Cod. Theod. de Pagan Sacris, ubi Imp. Arcad., & Honor. Privilegia si qua concessa sunt antiquo jure Sacerdotibus, Ministris, Præfatis, Hierophantis agorum aboleri mandant; ita ut Hierophanta, aut Hierophantes, græcum vocabulum latinitate donatum, quod Sacrarum Ceremoniarum Magistrum, aut Interpretem dixeris, de Hecates Sacerdote propriè diceretur.



## CAPUT TERTIUM

In Veterem Inscriptionem GENIO COLONIAE BENE-  
VENTANAE dedicatam Commentarius.

# GENIO COLONIAE BENEVENTANAE

SEPEA . C. L. FIDELIS

SVA . PECVNIA . FECIT

LOCO

D. D. D

**A**Ntequam ab instituta Rerum Sacrarum tractatione manum submoveam, operæ pretium me facturum existimavi, si Auctarii loco (quod earum rerum fastidiosius, aut minus cupidis non injucundum fortasse erit) hunc præclarum Lapidem peculiari commentario illustrandum suscipiam: neque enim me patrias Antiquitates exornantem pigere debuit, de Beneventanæ Coloniae Genio disseruisse, cujus olim religio tanti habita, ut apud externos, ultraque Beneventani Territorii fines celebrari solet: Lapis in Urbe Ariano prostat in statuariæ Basis formam, quæ Genii signum olim impositum ostendit: Jam vero de Geniis aliqua præfari libet, quæ excellentiorem eruditionem nondum aliis (a) observatam continebunt, ut (quod mihi superiori capite constitueram) ex iisdem tandem Geniis, unde recentium superstitionum causa promanasse videtur, vulgi rumorem, quo Beneventanorum nomini infamia creari consuevit, manifestæ falsitatis convincam.

Genios, vel quos novo vocabulo (ut Cicero notavit (b)) *Deos Genitales* appellare mos fuit, in Deorum censum non Poetarum commenta, adulationum impudentia, aut vulgi infania, sed Sapientum omnium, quos antiqua Gentilitas jactat, consensus invexit: Præclara illa sunt, quæ habet Plato in Symposio (c), ubi cum Socratem adduxisset Diëtima interrogantem, cuiusnam naturæ Amor esset, quem inter mortale, & immortale medium jam illa dixit,

N 2

rat,

[a] De Geniis post Lipsium Physiolog. Stoic. L. i. Dissert. 19. 20. & 21. disseruit Fabrettus Inscr. antiq. c. 2. p. 72.: Eidem materiæ pleraque selecta adstruxit Vir doctissimus ac penitioris Antiquitatis eximius illustrator Jo. Bapt. Passerius in Dissert. de Genio Domestico, & rursus in Dissert. Acheronticus post monumenta Etrusc. Mus. Guar-nac. edita a V. C. Corio Florentiæ 1744. Rem totam confecisse conatus est nuper eruditus Jo. Franc. Madrisius Oratorii Presbyter: *Lexione sopra i Genj: Miscellanea di varie operette Tom. VII. Venetiis 1743.* i quæ cum omnium manibus teratur, mox cuique observationes meas adhuc lecturo compertum faciet, quid tandem a me in eadem materia præstitum modo sit.

(b) De Orator. l. 3. c. 28.: *Sæpe*, inquit, *sine conjunctione verba novantur, ut ille Genius, ut Dii Genitales* &c. ut facile sit, non ante Ennium ejusmodi vocabulum Latio inestum, ipsumque Ennium ab Cicerone ejus vocabuli, & aliorum, quæ ibi recenset auctorem agnosci; occurrit enim in ejusdem Ennii versu, quem recitat Servius Æn. vi. 764.

Romulus in Cælo cum Dis Genitalibus ævum

Deget . . . .

quæ licet ita sint, importunam tamen censebimus Ur-  
sini emendationem in altero Ciceronis loco Orat. pro  
Cluent. c. 14. ubi *Genialem lætium in Genitalem vertit*,  
uti Ciceronem scripsisse credit, ac præterea Horatium

ep. 1., idque persuasum sibi habet ex nummo Crispinæ  
Commodi, in quo lætus, seu ara effingitur cum inscrip-  
tione: *DIS GENITALIBVS*: Nam *Geniale* recte adjici-  
tur rebus iis ad Genios quoquo modo pertinentibus,  
quibus tamen non, ut Geniis ipsis, suapte natura gene-  
randi vis inesse putabatur, quæ solis Geniis tribuebatur:  
Hi itaque soli *Genitales* erant, quorum naturam, &  
munus ita describit Censorinus De Die Natal. c. 3. *Ge-  
nius est Deus, cujus in tutela, ut quisque natus est, vivit,  
sive ut genamur curat, sive quod una genitur nobiscum,  
sive quod nos genitos suscipit ac tuetur, certe a genendo  
Genius appellatur*: ubi vide Lindenbrogium, & Barthium.

(c) Socrati interroganti ita Diëtima respondet: *Ma-  
gnus o Socrates, Dæmon: omnis enim Dæmonum natura  
inter Deum, & mortale est intermedia: Ecquam vero,  
inquam, illa vim habet? Interpretis & Portitoris quasi  
munere fungitur, ut res humanas ad Deos, divinas ad  
homines transmittat: Horum quidem preces & sacrificia,  
illorum præcepta, & sacrificiorum remunerationes, &  
præmia. Ipse enim in medio sit, utrumque omnino com-  
plet, ut universum ipsum cum seipso hujusmodi vincula  
conectatur: Hujus Dæmonum naturæ ductu, & auspiciis  
omnis divinatricis progreditur, & omnis sacrificiorum vis,  
& procuratio, quantum videlicet vel in sacrificiis, vel  
expiationibus, vel incantationibus versatur, denique  
quantum ad omnem divinationem, præstigiis quoque moli-  
tione*

rat, in dictam responsione copiose satis ac luculenter cuiusdam, quem omnino esse docebat, magni Genii naturam, ac munera declarat: In hoc autem Platonis Genio, quem, ut notat Lactantius (a), *δαιμονιαρχον* Trisnegitum vocabat, facile deprehendi posse opinatur Jacobus Bruckerus (b) arcanum illud futuri Messiae, qui utraque contans naturam, Dei propterea Hominumque mediator constituendus aliquando esset; quam quidem eventuram rei veritatem cum ex sapientiorum Hebraeorum consuetudine Plato didicisset, ita, ut superius audivimus, interpolatam, in sua dogmata retulit: sed de hac re mox videbimus.

Illud tamen certum constat huic Platonis doctrinae plura ejus scholae sectatores ex proprio ingenio addidisse: nam innumerabiles alios commenti sunt Genios, quibus eandem mediam inter Caelum, & Terram regionem incolentibus, in idemque magni illius Genii munus administrandis, singulorum hominum locorumque curam, atque tutelam attribuerunt: Itaque Genii non solum mediam inter Deos, Hominesque Sedem, sed etiam Naturam fuisse arbitrabantur, itaut cum Divinam non omnino attingerent, Humanam tamen excellentiores putarentur, *Medioximi* proinde appellati: De eorum munere plurima ex Platoniorum placitis concessit Rhodiginus (c), quorum summa eo redit, ut nempe animis omnibus in vitalem hanc lucem prodeuntibus suis cuique detur Dæmon, qui sit actionum omnium, ipsarumque mentis cogitationum inspector: Is vero religiosum sibi cultum impendentibus per somnia aliave signa, mala averruncando, bona inferendo, praesentem utique opem ferens, preces, & vota Deo exhiberet, cui demum, animis corporis nexu exolutis, antea vitae opera judicanti testis assisteret. In his igitur Platoniorum Geniis, verisimile magis, quam quod de ipso Platone Dæmoniarcha opinabatur Bruckerus, Christianae Religionis dogma de Custodibus Angelis agnoscere erit. Scimus enim, quae post ortum Christianam Religionem (non enim antiquiora tempora moror) fuerit Platoniorum aemulatio: De Plotino, ac Porphyrio satis constat: Sed infestiores Platonici illi, qui tum alibi, tum praesertim Alexandriae ejus Philosophi doctrinam sectari profitebantur: Ut enim Christianae Religionis dignitati detraherent, supervacuum illam dictitabant, quae nihil traderet, quod non antea Plato docuisset: quod ut offenderent, plura ejus libris assuerunt, quae vel a Christianis certa fide teneri, fervarique, vel divinis Scripturis contineri noverant: quae tamen res nullo adversus Christianam Religionem successu, in ipsius potius Platonis injuriam cessit, cujus genuina opera ea de causa sunt nobis modo desideranda.

Sed ut ad Platonem redeam, non is certe sui magni Genii doctrinam ex Socratis praeceptis duntaxat hausit, sed sui quoque praeceptoris experimento probatam accepisse videtur: Etenim Deus ille, quem Socrates assiduam sibi Comitē n. adesse iactabat, non alius, quam ejus fuisse Genius putabatur, quem tanti postmodum sapientiores viri fecerunt, ut plura de illo Plutarchus, integrum etiam opus Apulejus conscripserit: At quae olim ejus rei fides extiterit, ex Cicerone (d) colligi potest, qui de Socratis Dæmonio (ut appellat) multa affert exempla, quae vehementem Commentii suspicionem inducunt: Id enim enunciat naris sapientibus Ethnicis persuasum plerumque erat, ejusmodi Deorum cum Homini bus consuetudines a praeclaris Viris simulari, atque in vulgus effundi consueisse, ut sibi, suisque dictis divinam è caelo auctoritatem conciliarent: Id quod de Numae cum Aegeria colloquutionibus idem Cicero si leniter pronunciat (e) quas inter Poeticas Fabulas rejiciendas omnino censet; Quamquam verum id esse potuit, ut Socrates Dæmonem aliquem sibi assidue illudentem, Deo permittente, habuerit, quod tum aliis, tum praesertim S. Augustino (f) probatum videtur, atque exinde suum Plato Dæmoniarcham, suos demum Dæmones, seu Genios Platonici constituerint.

Sed

*sionem refertur: Deus autem cum homine non miscetur, sed per hunc Dæmonem naturam commercium omne, atque colloquium inter Deos, Hominesque conficitur, & vigilantibus nobis, & dormientibus.* Editionis Graecolat. Henr. Stephani 1578.

(a) Div. Inst. l. 2. c. 14.

(b) Hist. Crit. Philos. Dissert. Praelim. Lipsiae 1742.

(c) Lestion. Antiquar. lib. 1. c. 31. Basilae 1507.

(d) De Divinatione. lib. 1. cap. 54.

(e) De legibus lib. 1. cap. 1.

(f) De Civ. Dei l. viii. c. 14.: Non est, inquit, Socrati amicitia Dæmonis gratulanda, de qua usque adeo et ipse Apulejus erubuit, ut de Deo Socratis praevaricaretur li-

brum, quem secundum suam dissertationem, qua Deus a Dæmonibus tam diligenter, copioseque distinguit, non appellare de Deo, sed de Dæmone Socratis debuit: maluit tamen hoc in ipsa dissertatione, quam in titulo libri ponere: Ita enim per sanam doctrinam, quae humanis rebus illuxit, omnes, vel pene omnes Dæmonum nomen exhorrent, ut quisquis ante dissertationem Apuleii, qua Dæmonum dignitas commendatur, titulum Libri De Dæmone Socratis legeret, nequaquam illum hominem sanum fuisse sentiret: & sane licet Dæmonis nomen, spectata origine non honestum modo, sed magnificum plane esset, unde summi honoris causa Aristoteli inditum fuit, postea vero, cum ejusdem naturae spiritus aliqui omnino improbi comper-



## DISSERTATIO SECUNDA. 101

Sed neque alia, ut de Platonicis modo vidimus, Stoicorum de Geniis fides, atque doctrina: *Unicuique nostrum* [ajebat Seneca epist. 110.] *Pædagogum dari Deum, non quidem ordinarium, sed hunc inferioris notæ, ex eorum numero, quos Ovidius ait: De Plebe Deos: Ita tamen hoc seponas velim, ut memineris Majores nostros, qui crediderunt hoc, Stoicos fuisse; singulis enim & Genium, & Junonem dederunt: ut jam videas infanum illud ipsi quoque Senecæ fuisse probatum, ut in innumerabili illo, pro hominum multitudine, Geniorum Censu, diversus etiam, pro utroque humano sexu, Geniorum sexus distingueretur, itaut (quod passim omnibus erat persuasum (4)) ad viros Genii, Junones ad mulieres pertinerent.*

Præter verò infinitum numerum, diversumque Geniorum sexum, in iis etiam alium alio præstantiorem Ethnici agnoscebant: Cumque unicuique hominum suum Genium attribuerent, jam non eos temerè, aut indiscriminatim ad singulorum tutelam dari, sed, qui excellentiores essent, summis item viris custodes delectos arbitrabantur: Hanc Geniorum differentiam probavit Plutarchus (b) qui, *ut inter homines, ita etiam inter Genios gradus esse, & discrimina virtutis, & naturæ affirmavit: quod ex ipsomet (c), qui rei exemplum alibi narravit, confirmasse præstat: Tradit enim, M. Antonium, & Augultum, dum amicitia vigeat, otiumque suppetere, diversis inter se lusiis transmittere tempus solitos: Verum in iis cum semper victus abiret Antonius, quidam apud eum divinandi peritiâ clarus, ita submonuit: Antoni quidnam tibi cum Adolescentæ isto? refuge ipsum, & vitæ: tu quidem illustrior es, natu item grandior, sed pluries quoque Imperator: sed nescio, quo pacto hujus ipsius Dæmonem Damon reformidat tuus: Utrique autem proprium Dæmonem, seu Genium adfidentem Vates ille significabat, sed Augulti potentiorẽ præstantioremque esse, cui, ut eventus probavit, Antonii Genius aliquando concedere debuisset: Hinc jam orta cum ipso Principatu peculiaris illa erga Genios Principum veneratio, de qua cum nihil hæctenus accuratè observatum fuerit, paulo copiosius mihi erit differendum.*

Ac primum non satis constat, an hujusmodi Genio numen illud, quod cuique mortalium dari solet, excellentioris tamen virtutis, ut superius notavi, Principi adfidentis, vel ipse, Principis animus significaretur: Posteriorẽ sententiam tenuit Apulejus, qui animum humanum adhuc in corpore positum satis propriè Dæmonem, i. e. Genium nuncupari posse docuit: Id etiam S. Augultino affirmari putat Fabrettus, qui postquam Apuleii verba recitasset: *Conformia (inquit) sunt prædictis S. Augustini verba lib. 7. De Civit. Dei c. 13. Genius est uniuscujusque animus rationalis: Sed Vir doctus longè fallitur, qui aut nunquam, aut oscitanter S. Augultini locum legisse videtur; etenim non esse Augultini verba satis liquet, sed ejusdem Apuleii, quæ,*

comperti essent, jam iis sensim Dæmonum appellatio duntaxat adhæret: De Christianis omnibus id omnino certum, apud quos ejusmodi nominis significatio ex divinis libris nota erat, ubi in malum semper sensum usurpatum notarunt Euseb. Præp. Evang. l. 4. c. 5. & Origen. contr. Cels. l. 1. c. 5: Apud Ethnicos autem id saltem obtinuit, ut id nomen nunquam sere sine adjectivo adhiberetur, unde ab ipso Dæmone malignitas, quæ ei inesse cæperat, tolleretur: Sic Philo apud Euseb. Præp. Evan. l. 1. Phænices Draconem coluisse tradit, quem ΑΓΑΘΗ ΔΑΙΜΟΝΑ Εόνου Genium vocabant: Servius etiam Georg. 3. 417. Sunt, inquit, αἰσθητὰ δαίμονια, quos latini Genios vocant: quibus accedit nomen Egyptius apud Spanhem. Diff. 3. p. 188. in quo illinc Heronis effigies, hinc Draco coronatus cum inscriptione: ΝΕΟ. ΑΓΑΘ. ΔΑΙ. Hinc haud recte se gessisse videtur Plutarchi Interpretes: quum enim is in Conv. hæc scripserit: *quid utilissimum? Deus. quid damnosissimum? δαίμων.* in hac postrema voce Dæmonis vocabulum retinendum erat, haud vero in Genium vertendum, quod contra Plutarchi sententiam videtur, qui improbam in Dæmone naturam indicare volebat. Cæterum quod Dæmones, seu malos Genios attinet, de his experientia docti jamdiu Ethnici judicabant: notus enim iis fuerat Libantis Genius, qui ut refert Pausanias Eliac. 2. 6. in Temessensibus sæviebat, cui placando Virgo omnium pulcherrima quotannis devovebatur. *Calore fuit vobementer astro, omnique reliqua specie maxime formidabilis,*

*cujus amictus lupi pellis erat: quo modo è Temessensium finibus ejectionis fuerit legere est apud dictum Pausaniam, imo & spectare in Tab. x. Mulei Etrusc. Guarnac., quam, ut reliquis omnes egregie illustrat clarissimus Gorius. Hos etiam Dæmones Larum nomine vocabant Ethnici, quorum à Geniis differentiam pluribus eruditè observavit doctissimus Passerius in Acherontico c. 12.*

(4) Qui Viris Genius, feminis Juno appellabatur, ut pluribus probat Fabrett. Inscr. cap. 2. p. 73. ubi aliis Scriptoribus vetustos lapides addit, quibus ille quidem superaddi dignus, quem affert Gruter. p. 24. n. 2.

IVNONIBVS SACRVM  
M. MAGIVS M. L. AMARANTVS  
IIIII VIR ET  
MAGIA M. F. VERA MAGIA M. L. ILIAS  
AEDEM. SIGNA &c.

ubi vides plurali numero Junones inscriptas, easque in hoc lapide binas, quarum altera ad Magiam Marci Filiam, alteram ad Magiam M. Libertam pertinebat, ut perinde rectissime V. C. Passerius in Acheront. cap. xiv. observavit, nihil has Junones cum eo, quæ Jovis putabatur & Soror, & Conjux, nisi commune nomen habuisse. Laudanda etiam Viri doctissimi conjectura, qui Mafculorum Genium Junum etiam olim fuisse appellatum ex loco Dionysii Halicarnassæi ab se emendato notavit.

[b] De Oracul. defect.

[c] De Romanor. Fortun.

quæ, ut erronea, ac falsa probaret, Augustino recitanda erant: sed jam illud audiamus: & cum alio loco (Apulejus) [a] Genium dicit esse uniuscujusque animum rationalem & ideo esse singulos singulorum &c. Sed si omnis Genius Deus (en Augustini responsionem.) & omnis Viri animus Genius, sequitur quod sit omnis Viri animus Deus, quod abhorre absurditas ipsa compellit: Sinamus itaque absurdum istud, putidumque errorem Apulejo dumtaxat, ac solis Ethnicis, nec quidem omnibus, sed aut iis, qui sædissima ducti adulatione vivos adhuc Principes in Deorum Censum referentes, Templis, Aris, Signis, cæteroque divino Cultu donabant, aut etiam Poetis, qui his non contenti, etiam in Principum statutis sensu omni, nedum ratione carentibus suum inesse Genium comminifcebantur, ut de Domitiani Statua Statius canebat (b).

..... Inseffaque pondere tanto  
Subter anhelat humus, nec ferro, aut are laborat,  
Sed Genio .....

At non Principis animum, sed potius numen, in cujus tutela Princeps esset, pro ejus Genio, Ethnicis passim accepisse videntur: Certè non alium intellexit Plinius (c), dum Trajanum alloquens Simili (ait) reverentia, Caesar, non apud Genium tuum Bonitati tue gratias agi, sed apud numen Jovis Opt. Max. pateris: non enim inquit, ipsi Trajano gratias agi consueffe, quasi is ea re Deus haberi voluisset, quod certè nullam moderationis laudem contineret, imò pessimis Principibus, coram ipso Trajano, passim exprobat Plinius; sed quod Augusti (d), aliorumque bonorum Principum exemplo in solennem veluti morem, ac Principatus jura transferat, id certè de Trajano Plinius eo loco intellexit (e), ut ille videlicet Genio sibi adfidentem, divinis licet honoribus opinione omnium satis digno nullam præ Jove reverentiam exhiberi sit passus.

Nec sane alio sensu veteres Christiani Genium Principis intelligebant: etenim illam juramenti formulam, quæ per Genium Principis jurari mos erat, utpotè superstitiosam, idololatriæque speciem præferentem, omnino detestabantur: Hinc præter Tertullianum (f) & Origenem (g), qui ejusmodi juramentum Christianis vitandum monuere, præclarum ejus rei exemplum præbuit S. Polycarpus (h), qui idem juramentum a Proconsule sibi delatum constanter recusavit: & quidem solenne id fuit Proconsulibus præter ipsius Principis Imagines, (ut ex celeberrima Plinii epistola, in superiore nota probatum fuit) ejusmodi juramentum per Genium Principis Christi Confessoribus præstandum offerre, ut ad Idololatriæ partes transisse probarentur: Notissima res, quæ passim occurrit in Martyrum Actis a Cl. Ruinartio collectis (i); ut proinde mirum sit Genium Principis memorari in illa juramenti formula, quam S. Gregori ævo Episcopus quidam suam hæresim anathematizans usurpavit: Unde jurans (inquit) dico per Deum Omnipotentem, & hæc S. quatuor Evangelia, quæ in manibus teneo, & SALUTEM GENIUM, QUE illustrum Dominorum &c. (k); nisi Genius heic pro Principum honore, quem cum eorum salute conjungi placuit, intelligeretur, ut alibi dicam: Cæterum si Genii nomine ipse Principis animus, sive ejus vita, aut salus, seclusa omni Divinitatis fide, significatus tum fuisset, non adeo juramentum

[a] Inscr. ant. p. 73.

[b] Sylv. 1. 1. 17.

[c] Panegy. cap. 52.

[d] De Augusto hæc narrat Suetonius cap. 60. Reges amici, atque socii. Eodem Jovis Olympici Athenis antiquitus inchoatam perficere communi sumptu destinaverunt, Genioque ejus dedicare.

[e] Illud moderationis exemplum inter Trajani laudes præteritis nefas fuisset Plinio, qui ea Panegeri non tam Trajanum laudandum, quam etiam futuros Principes sibi instituendos propoluerat. Cæterum & ipse in turpissimo aliorum errore versabatur, aut eadem, quæ cæteri, adulatione erga Trajanum tenebatur, ut ex ipsius ad Trajanum epistola lib. x. 97. manifeste patet. Præpositus est, inquit, libellus sine auctore multorum nomina continens, qui negarent se esse Christianos, aut fuisse; cum præeunte me, Deos appellarent, & Imagini tuæ, quam propter hoc jussæram cum simulacris numinum afferri iubere, ac vino supplicarent: & ex intervallo: omnes & Imaginem tuam, Deorumque simulacra venerati sunt: Temperantior certe in ea re Trajanus, qui Plinio mox respondens nihil de adoranda Imagine sua, sed de solis

Diis venerandis rescriptit: Qui negaverit, inquit, se Christianum esse, idque reipsa manifestum fuerit, id est supplicando Deus nostris, quamvis suspectus in præteritum fuerit, veniam ex penitentia impetret.

[f] Apolog. c. 28.

[g] Contr. Cels. 1. 8.

[h] Apud Euseb. Hist. Eccl. l. 3. c. 14.

[i] Inter alia, quæ S. Sperati sunt, hæc habent: Saturninus Proconsul dixit: Dicente te de mysterio non inferam mala; tantum jura per Genium Regis nostri: Speratus dixit: Ego Imperatoris Genium nescio, sed cælesti Deo meo servo.

[k] In Appendic. Epistolæ S. Gregorii PP. n. x. Tom. II. edit. PP. S. Mauri: ubi hæc adeit inscriptio: Promisso cujusdam Episcopi hæresin suam anathematizantis, quam solvi facit in nomine Domini Imper. Constantinopolis sub die 10. Mens. Februarii Indiæ. v.; ea verba, quæ salutem, Geniumque habent, male inserta huic promissioni fuisse retur Guffanvillæ in notis ibidem, sed eandem, quam olim, ibi fuisse Genii significationem jam dixi, & paulo infra ex eod. S. Gregorio uberius ostendam.



juramentum illud exhorruissent Christiani, quibus alioqui fas esse, per Vitam, aut Salutem Principis jurare, docebat idem Tertullianus (a), exemplo quidem Josephi per salutem Pharaonis jurantis (b); quin imo eam juramenti formulam Sæculo IV. inter Christianos satis usitatam manifestè probant orthodoxi Imp. Arcadius, & Honorius, qui in l. 41. Cod. De Transact. : Eos, inquit, *hujus legis vel factura dignos esse jubemus, vel munere, qui nomina nostra placitis inserentes, SALVTEM PRINCIPVM confirmationem initarum juraverint esse passionum*: Ad IX. autem Sæculum obtinuisse, Caroli Magni Capitularia testantur, ubi districte vetitum, ne deinceps per Salutem Regis, & Filiorum ejus juraretur, Ant. Contius observavit (c).

Quod autem Ethnicos spectat, summam ejusmodi juramento Religionem inesse, persuasum illis fuisse ostendit Tertullianus, dum eisdem alloquens (d) Majore, inquit, *formidine, & callidiorè timiditate Casarem observatis, quam ipsum de Olympo Jovem: citius denique apud vos per omnes Deos, quam per unum Genium Caesaris pejeratur*: (e) ex quibus jam illud apparet, majorem omni Religione fuisse pœnam metum, qui ejus juramenti reverentiam extorqueret, omnemque ei vim conciliaret; quod jam tum a Principatus initio obtinuit: & quidem falsus videtur Suetonius, qui priorem Claudium neque sanctius, neque crebrius juramentum quam per Augustum, instituisse refert (f); id enim, jam longe antea in more institutisque fuisse scimus ex Tacito (g) qui sub Tiberio, Rubrio crimini datum narrat, *violatum perjurio nomen Augusti*: Ejus autem perjurii pœnas temperasse videtur Imp. Alexander non autem sustulisse, ut de aliorum perjuriarum crimine declaravit, quorum vindictam ad Deos ipsos pertinere dixit; qua vero pœna Perjurus per Genium Principis afficeretur ex Ulpiano ejusdem Alexandri Adlesso audire præstat (h): *Si quis juraverit in re pecuniaria per Genium Principis dare se non oportere, & pejeraverit*: ..... Imperator noster cum Patre rescriptis, fustibus eum castigatum dimitti, & ita ei superindici: ΠΡΟΓΕΤΩΣ ΜΗ ΟΜΝΥΕ (i): Sed præter mitiores, quas statuit pœnas, illud etiam in Imp. Alexandro laudandum, quod impune pariter idem juramentum sperni voluerit, quo servato improbi mores foverentur: Egregium hujus rei exemplum ipsemet nobis reliquit in l. 2. Cod. ad Leg. Jul. Majest. cujus aurea verba recitare jam libet: *Alienam (ita Alexander ad Faustianum rescribit) scilicet mea sollicitudinem concessisti, quasi crimen majestatis sustineres, si servo tuo iratus esse non sustineres, quod semper te facturum in consilio jurasti*: ubi vides etiam in Ethnico Principe servatas Christianæ Ethices regulas; pluris enim apud illum Justitiæ, quæ Juramenti comes esse debet, quam propriæ Majestatis ratio valuit.

Sed jam ex excellentioribus hujus Geniis, qui ad tutelam Principum deligebantur, si Madrisium sequamur (k) sublimiores nobis sedes conscendendæ essent, ac in cælesti Deorum Concilio, quot ipsos Deos, totidem cuique Genios adfidentes numerare oporteret: at non id mihi otium,

[a] Apolog. cap. 32. [b] Genes. cap. 42.

[c] Prælect. ad l. 2. Cod. ad Leg. Jul. Majest.

[d] Apolog. l. 1.

[e] Quæ verba, ut alia imitatus Minutius Octav. c. 29. est, ait, *illis tutius per Jovis Genium pejerare, quam Regis*. (f) In Claud. cap. xi.

(g) Annal. lib. 1.: Eò res processit, ut etiam nunquam per Genium Principis dejerare criminofum esset; nam Caligula, referente Sueton. c. 27. plerosque honesti ordinis stigmatum notis prius deformatos ad metalla, & bestias condemnavit, quod nunquam per Genium suum dejerassent.

(h) L. 13. §. ult. D. De Jurejuran.

(i) Id est Petulanter ne juro, ut est in Textu Gothofredi, sive Perperam ne jures, ut vertit Ant. Contius l. l., qui etiam illud recte docet verbum superindico à Ulpiano usurpatum, non titulum, aut tabellam iis verbis inscriptam denotare, quæ capiti, aut fronti perjurii affigeretur, ut falsò putavit Duarenus, sed non aliud esse, quam superclamari, & præconis elogio, itaut plebs audiret, prædicaret; quod aliis exemplis confirmat.

(k) Madrisius Lezione de Genj §. 4. suos Diis singulis Genios attribuit, non ut illorum administratos, sed eodem plane, quo erga homines fungi solerent munere

omnino adfidentes: Id sibi ex Petronii loco suatum habuit, ubi Genius Priapi memoratur, ex Arnobio, qui Jovialis Genii meminit, atque ex verusto lapide, ubi legitur GEN. PLVT.: At non hic sistit: Pergit enim, & ubicumque Numen alicujus Dei memoratum invenit, hunc ejusdem Dei Genium, utique ab eo diversum affirmat: Virgilio (ita post alios scriptorum locos, quos undique consarcinavit) pure hausto tal distinctione l. 7. Eneid. faciendo dire da Giunone v. 297.

..... Mea Numina tandem

Fessa jacent. ....

e più sotto v. 310.

..Vincor ab Ænæa, quod si mea Numina non sunt Magna satis. ....

ancor Apulejo Asin. Aur. l. 6. distingue il nume di Giunone da Giunone stessa: Supplicanti statim sese Juno cum totius sui Numinis augusta dignitate rappresentat... Il che meglio apparisce dal vedere gli stessi Dei sollecitati per erezione di Altare ad esso loro Nume, come abbiamo da Solino Polyst. c. 2. di Ercole: Suo quoque Numini idem Hercules insinuat Aram, quæ maxima apud Pontifices haberetur: At virum doctum, qui ex prædictis Scriptorum locis Numinis significatio nem probè noscere poterat, falli quisque videt.

otium, neque certam, quâ sequar, mihi viam video demonstratam; tutiori itaque itinere inferiora petere malim, atque ex Hominum Geniis, ad Locorum Genios descendam.

Ejusmodi fuisse Genium satis constat, quem noster lapis initio præfixus exhibet, dum Coloniâ Beneventanâ in sua tutela habuisse credebatur: cui etiam alterum addidisse libet, quem noster item antiquus lapis commemorat.

## GENIO

LOCI ET

NUMINI <sup>(a)</sup>

CERERIS

CONCOR

DIVS COZ <sup>(b)</sup>

HARR

Ex quo discimus, singulis quibusque locis adeo propriam, necessariamque Geniorum præsentiam fuisse creditam, ut quanquam loci ipsi in alterius certi Numinis tutela essent, haud tamen suo quisque Genio carere putaretur: Sic præter nostrum lapidem, ubi non solum adest Ceres, peculiare quidem segetum numen, quæ in Horreis publicis condebantur, sed etiam ejusdem loci Genius expressus legitur, occurrit etiam apud Fabretum <sup>(c)</sup> lapis inscriptus: *Jovi Custodi & Genio Thesaurorum*: quasi ipsius summi Jovis custodia haud satis tuti in Thesauri fuissent, nisi peculiaris quoque Genius illorum tutelæ præesset.

Hinc fuit, ut tantam non singulis duntaxat hominibus, sed locis etiam attributam Geniorum multitudinem ipsi Ethnici deriderent, festivumque illud Petronius dixerit <sup>(d)</sup>: *Utrique nostra Regio tam presentibus plena est numinibus, ut facilius possis Deum, quam hominem invenire*: <sup>(e)</sup> Id quod Symmacho exprobat Prudentius lib. 2.

*Quamquam cur Genium Roma mihi fingitis unum?*

*Cum Portis, Domibus, Thermis, Stabulis soleatis*

*Assignare suos Genios, perque omnia membra*

*Orbis, perque locos Geniorum millia multa*

*Fingere, ne propria vacet angulus ullus ab umbra.*

Et sane

<sup>(a)</sup> Ubi vides Numen Cereris non esse ejusdem Cereris Genium, ut falso opinabatur Madrisius: alioqui lapis *Genio loci, & Cereris* dixisset: addidit vero *Numini Cereris*, ut a Genio loci omnino distingueret, solamque Cereris potentiam, auctoritatem, divinitatem demonstraret.

<sup>(b)</sup> Hujus dictionis *coz* multiplex explicatio dari potest: ac primum CONSERVATOR interpretor exemplo lapidis apud Grut. p. 75. 1. ubi legitur: *Genius conservator Horreorum Galbianorum*: ut Concordius lapidem *Genio loci, ac Numini Cereris Conservatoribus Horreorum* dicasse videatur: quod si dictio ipsa ad Concordium pertineat, recte & ipse *Conservator Horreorum*, quod ejus munus esset, dici potest: quanquam eodem modo atque munere & CONSVL Horreorum, & COMES Horreorum appellari potuit, ac fortasse in lapide usurpatum fuit: Comitibus Horreorum munus occurrit in *l. un. Cod. De Pistoribus*, ubi Leo Imp. Pistoires, qui Comitibus Horreorum dignitatem adepti fuerint, Pistrino reddendos mandavit: & quidem (licet a Sæculi v. moribus Christianis Genii, Cererisque religio abhorreant) ejus ævi faciem ostendit lapis, ubi & barbarum ipsum *coz*, & unico ipso suo contentus nomine Concordius occurrit.

[c] Inscr. ant. p. 77. n. 88. <sup>(d)</sup> Satyric. p. 12.

<sup>(e)</sup> Cave tamen, ne cum Madrisio §. vi. & vii. Genios alios confingas, qui rebus præstare intellectu duntaxat notis, *ehe nei loro essere* [ut ait] nulla hanno di fisico: non enim hanc alteram Geniorum Plebem ipsi

quam Ethnici agnoverunt: *Genius Famæ* apud Martialis. l. 7. 84. & *Genios Librorum* apud eund. l. 6. 60. non est Numen aliquod, sed potius *Gratia*, ac *Venus*, quam libro, ut vivat, seu per omnes ætates legentes habeat, necessariam dicit Poeta: Apud nos Italos etiam num familiari sermone illud usurpatur: *Andare secondo il Genio*, aut: *essere contro il Genio*: quo animi de quâpiam re vel voluptatem, vel aversionem significamus: At pergit adhuc Madrisius & ipsis Virtutibus Genium adstantem attribuit: nam suum *Justitia Genium* adesse colligit ex Eusebio loco *Vigoris* etiam Ecclesiastici *Genium* ex S. Gregorio PP. penè admiserat, nisi tandem illud rectè animadvertisset: *ma il Santo non credo voglia dir altro qui, se non indole, costume*: Nec tamen S. Gregorii phrasim omnino cepit, quam miror etiam doctissimo Christiano Lupo haud cognitam fuisse: Is enim in Append. ad Ephesium Latrocinium A. 8. 1. ubi Eusebius Dorylæensis postulavit legi suum Libellum adjurans per Sanctam Trinitatem, & per salutem Theodosii, & Valentiniani Augustorum, dum formulæ illius meminit, quam superius recitavimus ex App. Epist. S. Gregorii. per salutem Geniumque illustrium Dominorum: quam etiam ipsius Gregorii factum esse putat, hæc addit: *Omitti debuerat vox Geniumque, utpote Pagani, atque Idololatriæ juramenti significativa, ideoque cum vocibus, Dies Lunæ, Dies Martis, Mercuri, Me-Castor, aliisque id genus variis etiam hodie nimium græstiantibus, ab omni ore Christiano præscribenda. Uti ex pravo sæculi nostri more*



Et sane hanc vulgarem superstitionem magni habuit Prudentius refellere adversus Symmachum, qui idololatriæ acerrimus propugnator post ademptos Imp. Gratiani lege (a) sumptus, qui de publico sacerdotibus gentilibus ad sacrificia, Templorumque operas ministrabantur, in relatione, quam ad Imperatorem de ea lege abroganda, restituendoque Deorum cultu habuit, eo præter alia plura argumento utebatur, *suum cuique morem, suum cuique ritum esse: varios Custodes urbibus cunctis Mentem Divinam distribuisse, ut anima nascentium; ita populis fatales Genios dividi, & obsecris Hierosolymis auditam vocem: Numen Orbis alio migrare, idest Genium: Ex quo Symmachi loco plura ad rem, quam agimus, egregiè illustrandam observare jam licet.*

Ac primum noscitur jam, disertissimi Senatoris callidissimum ingenium, dum innumeris aliis exemplis posuit, quæ ex Ethnicorum doctrina, atque scriptis prompta sibi erant, unius Hierosolymæ meminisse maluit; nam dum res apud Christianos Imperatores ageretur, fati propriæ causæ consultum putabat, si quod ipse de Geniorum Religione suadere satagebat, domesticis exemplo probaret: Etsi autem de rei veritate constitisset, perperam tamen ejusmodi exemplum ad suam causam pertrahebat Symmachus: Quæ verò ejus facti sit fides, quod ex Josepho, ac Tacito ipse exceperat, definire non ausim, nisi quod rei gestæ veritatem S. Hieronymus (b) agnovisse videatur.

Sed & eodem exemplo alteram Ethnicorum doctrinam comprobare nitebatur Symmachus: Siquidem, cum oppidum, aut Urbs ab hostibus oppugnaretur, inque eorum potestatem, jamjam redigenda esset, Genius ille, qui loci tutelam habebat, illinc excedere, novæque sibi sedes quærere putabatur: Sic Trojâ jam conflagrante;

*Excessere omnes adytis, arisque relictis*

*Di, quibus Imperium hæc steterat . . . . . (c)*

Hinc ortus mos, sive ritus, quo hostes obsidionem facturi, Numen illud, in cujus tutela locus esset, ut eum desereret exorabant, amplioremque templo in sua Urbe promisso, ad se precibus evocabant: Formulam dat Livius, atque ex antiquo lapide exhibet quoque Fleetwoodus (d): Qua in re superstitionis omnia videbantur Romani, nam qui hostium arma, viresque omnes flocci

O

face-

more nos etiam hodie Sacerdotes frequenter hæc voces sine idololatria usamus, tu & istam Gregorius: Absit vero, ut Sanctissimo, Sapientissimoque Pontifici hanc injuriam inferamus, ut in ejus vocis usu pravum sæculi morem sectatus fuerit, qui tandem Fati vocem damnavit Hom. 2. in Evang.: quoniam verò incertum, an ea juramenti formula à manu Gregorii sit, adhuc tamen Genii vocem eidem familiarem fuisse non abnuimus: Sic ad Sabinianum laderæ Episc. lib. viii. ep. 24. al. 25.: quicquid ad honoris vestri reverentiam, & Genium præfatæ Ecclesiæ perrinere &c. Et ad Syagrium Augustodun. Episc. l. ix. ep. 108. al. 113.: Pallium te non ad superflue elationis pompam, sed pro Genio, & honore tua arbitramur Ecclesiæ petivisse: At sicuti in ea formula dignitatem, ita in præfatis Epistolis ornatum, splendorem, decus ea voce probè significata, satis patet.

[a] Gratiani legem memorant, confirmantque Imp. Honorius, & Theodosius in l. 20. Cod. Theodof. de Pag. sacrific.

[b] Tacitus hist. v. ubi Hierosolymorum obsidionem à Tito factam susceperat, hæc habet: *Vise per Cælum concurrere acies, rutilantia arma, & subito nubium igne collucere Templum: expansæ repente Delubri fores, & audita major humanæ vox: Excedere Deos: simul ingens motus excedentium: Josephus autem de eadem re ista refert De Bello Judaico lib. 7. cap. 12. Effe die; quam Pentecostem vocant, nocte Sacerdotes intimum Templum more suo ad divinas res celebrandas ingressi primum quidem motum, quemdamque strepitum senserunt, postea verò subito vocem audire, quæ diceret: Migremus hinc: Quid verò S. Hieronymus? ipsum quoque audiamus in epist. lib. 2. 7. edit. Rom. 1731. Postquam velum Templi scissum est, & circumdata ab exercitu Hierusalem, & Dominico Cruore violata, tum ab ea Angelorum præsidio;*

*& Christi gratiam recessisse: Denique etiam Josephum, qui vernaculus scriptor est Judæorum, asserere eo tempore, quo Crucifixus est Dominus, ex adytis Templi virtutum caelestium erupisse voces dicentium: Transmigremus ex his sedibus.*

[c] Ubi Servius sic commentatur, *Excessere*: quia ante expugnationem evocabantur ab hostibus numina propter vitanda sacrilegia: Inde est, quod Romani cælum esse voluerunt, in cuius Dei tutela Urbs Roma sit: & jure Pontificum cautum est, ne suis nominibus Dii Romani appellarentur, ne exaugurari possint: & in Capitolio fuit clypeus consecratus, cui scriptum erat: GENIO VRBIS ROMÆ SIVE MAS SIVE POEMINA.

[d] Livius lib. v. Camillam Vejos expugnaturum ita precantem tradit: *Te nunc Juno Regina, quæ nunc Veos colis, precor, ut nos Victores in nostram, tuamque mox futuram Urbem sequare, ubi te dignum amplitudine tua Templum accipiat. Quod vero ea de re solenne carmen affert Fleetwood. pag. 49. num. i. his verbis conceptum est: Si. Deus. si. Dea. est. cui. Populus. Civitas. que. Karthaginiensis. est. in. tutela. te. que. maxime. ille. qui. Orbis. hujus. Popoli. que. tutelam. recepisti. precor. veneror. que. veniam. que. a. vobis. peto. ut. vos. populum. Civitatem. que. Karthaginensem. deseratis. laca. templa. sacra. Urbem. que. eorum. relinquantis. absque. his. abeat. ei. que. populo. Civitati. que. metum. formidinem. oblivionem. iniciatis. proditi. que. Roman. ad. me. meos. que. veniat. nostra. que. vobis. Templa. sacra. Urbis. acceptior. probatior. que. sit. mibi. que. Populo. quo. Romano. militibus. que. meis. prepositi. sitis. ut. sciamus. intelligamus. que. si. ita. feceritis. voveo. vobis. templa. ludos. que. facturum.*

facere didicissent, jam de hujusmodi religiosi illorum precibus sibi pertimescendum putabant: Id itaque, ut rei periculo occurrerent, fuit consilium, ut Deum Urbis tutelarem, omnino ignotum esse vellent, itaut ne quidem ejus nomen cuiquam, nisi solis Pontificibus sciri sine- rent, quod si quis forte sciens enunciaffet, capite damnabant, si tamen fides Servio, qui eo cri- mine *quendam Tribunum in crucem levatum fuisse* refert (a).

Age nunc, quæ Geniorum effigies esset, inquiramus; id enim postulat noster lapis in statuariae Basis formam elaboratus, postulant etiam frequentissimæ olim Geniorum imagines, quæ pro recepta omnibus eorum Religione proprios habebant artifices, qui effingendis Ge- niorum imaginibus Geniarii appellabantur (b): Non unâ autem, eâdemque figurâ Genii effin- gi solebant; Humanam speciem plerunque præferebant, modo pueri, modo juvenes, non- nunquam senilem aspectum (c) repræsentantes, seminudi tamen dextrâ pateram, sinistrâ cor- nu copiam gestantes, caput aut calathò, aut velo, aut etiam galea (d) opertum habebant. Al- tera Geniorum effigies non Humana tantum deterior, sed quæ plane horrorem injiceret, Ser- pentis, seu Draconis formâ constabat.

Quod posteriore effigiem attinet, non eam pro ipsius Genii veluti symbolo adhibitam, sed reipsa qualis naturali forma Genius esse putaretur, intelligendam malim: Frequens enim illud in veteri historia occurrit, non sola infra humanam speciem animalia, sed monstra quo- que ipsa in Deorum censum relata, quibus etiam Aræ, ac Delubra dedicarentur: ac, ne ab instituta re discedamus, plura quidem sunt, quæ ex nostris divinis libris Ethnici, pravo, ut semper, suisque moribus accommodato intellectu, ad superstitionis Serpentum cultum sibi exempla arripere: nam præter Serpentem illum, qui primos Homines ad peccandum pelle- xit, celebris profecto apud omnes fuerat æneus alter Serpens, qui a Moyse exaltatus præsen- tissimam in summo discrimine opem Hebræis attulit, atque his quidem in idololatriam satis pronis, ea de re divinam illi inesse naturam, potestatemque ita persuasum fuit, ut per lon- gissima temporum spatia nullo pacto ab ejusdem adoratione removeri potuerint (e): Quid, quod Diabolus ipse, qui primum serpentis specie malorum omnium, quæ humani generi con- tigere, olim auctor, non Hebræos tantum ad superstitionis serpentis cultum traduxisse conten- tus, hanc quoque insaniam, post receptam Evangelii lucem, Christianorum aliquot menti- bus persuadere aliquando potuit: Sanè Hæretici quidam S. Epiphano (f) memorantur, a Ser- pente, qui græce *ὄφις*, quem in suis sacris Ædibus in Cistula asserabant, allatisque dietim cibis entritum adorabant, Ophitæ appellati.

At si ex veteribus Hebræis, ipsisque demum Pseudochristianis ad reliquas nationes Idolo- latriæ fervientes rem deducamus, jam latius obtinuisse Serpentum cultum observare erit: Præ- tereo fabulas, quæ Mercurii caduceum binis serpentibus insignitur, neque etiam celeberrim- um apud veteres Æsculapii serpentem moror; præclariora enim, ac certiora alia præsto sunt exem-

[a] In Georgic. l. 498.

[b] Sic in Romano lapide apud Gruter. pag. 25, n. 1. occurrit M. Canulejus Philonicus, qui dicitur *Genia- rius post Ædem Castoris*, cujus scilicet officina erat post Ædem Castoris region. ix. in circo Flaminio. more illo, quo artificibus, & negotiatoribus in vetustis faxis appo- ni solet locus, ubi negotiarentur, artemve exercerent.

[c] Marmoreum anaglyphum exhibet V. C. Gorius Infer. Etrusc. tom. 1. pag. 185. ubi præter Herculeum a dextra, Jovem Cælium in medio, adest a sinistra Ge- nius lenili forma barbatus, & seminudus, quem quod- dam numen aliud putare omnino vetat subiecta imagini inscriptio: *Genius Calimontis*: id est Genius Cælii montis, ut rectè explicat Gorius, qui hunc Genium eâdem, quæ fluvii describuntur, formâ expressum ideo arbitrat- ur, quod a montibus aquæ oriantur.

[d] Galeatum Genii caput videre est in nummo Dio- cletiani (Tab. II. num. 9. post orat. vet. orat. edit. Venet. 1719.) cum inscriptione: *Genius Exercitus Illyri- ciani*: ex quo illud opinari proclive est, has diversas opendiendi capitis formas, diversæque ætates pro diver- sa rerum, quibus singuli præerant Genii, ratione fuisse usurpatis; sic Genius is, in cujus tutela exercitus

esset, rectè ex ipsa militia insigne aliquod sibi proprium efficiebat, ac proinde abjecto velo, aut calathò, ga- leam ad sui capitis operimentum adhibuit.

[e] Regis Ezechizæ laudi vertitur, quod serpentem æneum tandem confringes, ejus cultum ad ea usque tempora apud Hebræos retentum sustulerit. Reg. iv. cap. 28. *Ipse dissipavit excelsâ & contrivit statuas, & succidit lucos, confregitque serpentem æneum, quod fe- cerat Moyses: siquidem usque ad illud tempus filii Israël adolebant ei incensum.*

[f] Lib. 1. contr. Hæres. Ophitarum meminerunt quoque ante Epiphanium S. Irenæus lib. 1. cap. 34. Sed Tertullianum audire præstat, qui in de Præscript. c. 47. hæc de Ophitis habet: *Serpentem magnificant in tantum, ut illum etiam ipsi Christo præferant: Ipse enim, in- quiunt, scientiæ boni, & mali originem dedit: Hujus animadvertens potentiam, & majestatem Moyses, in- quiunt, æneum posuit serpentem, & quicumque ipsum aspexerunt, sanitatem consecuti sunt: Ipse, ajunt, præ- terea Christus in Evangelio suo imitatur ipsius serpen- tis sacram potestatem dicendo: Sicut Moyses exalta- vit &c.*



exempla, quorum initium ducit Draco ille sacris libris (a) celebratus, quem vivum Babylo-  
nii adorabant: Ægyptios autem divinam serpentibus tribuisse naturam, quos suos Genios af-  
firmabant, tum Philo testatur, cujus verba superioribus notis recitavimus, tum etiam mani-  
feste ostendunt eorum nummi, percussi sub Cæsaribus Nerva, Trajano, Hadriano, Pio, aliis-  
que, in quibus aut Dracones coronati, aut iidem cum caduceo, sistro, spica, aut etiam  
cum venerabili eorum Serapide representantur: At ex his, aliarumque gentium nummis non  
apud Ægyptios solos, verum etiam apud innumeros alios populos Serpentis familiarem cul-  
tum fuisse, egregièque probavit Ill. Spanhemius (b), cui integram actæ rei laudem servantes, ni-  
hil ex ejus locuplete penu nummaria nobis excerpimus, vetusto tantum lapide (c) (quod nostri  
instituti est) rem amplius ipsam illustrasse contenti.

At quæ, inquires, ratio fuerit, ut Genii alterutra modo humana, modo serpentis specie  
constare crederentur? Latet quidem causa, quam nulli veterum tradidere, conjectare tamen  
possumus, dum ex rerum diversitate, quibus Genii præerant, diversam eorum formam dedu-  
cere liceat: Itaque Personis, ac præterea Civitatibus, Colonis, Collegiis, aliisque id gen-  
us, quæ hominum cœtu componebantur, jam illud passim observabimus, Genios plerumque  
humanam formam præferre; quasi pro majori rerum dignitate, earum quoque Geniis præstan-  
tior species deberetur: Pro locis vero, aliisque rebus sensu, rationeque carentibus jam vi-  
deas frequentius Genios serpentis formam obtinere (d). Quâ quidem conjecturâ de Serpente  
Capuani Anaglyphi, qui tandiù Fabretti, Mabilionii, Mazochii præclarissima ingenia exer-  
cuit (e), *Theatri Genium* eum fuisse veriùs pronuntiabimus.

O 2

Atque

[a] Ita Daniel. cap. 14. habetur: *Erat Draco magnus in loco illo, & colebant eum Babyloii, & dixit Rex Daniël: Ecce nunc non potes dicere, quia iste non sit Deus vivens: adora ergo eum.*

[b] De Præst. Numism. Dissert. 3. pag. 187. & seqq. edit. Elsevir. 1671.

[c] Donius claf. 1. num. 59. pag. 16.

CARPVS AVG. L.  
PALLANTIANVS  
SANCTIS  
DRACONIBVS  
D. D.

ubi Cl. Gorius incertus primùm, an eos Cereris Dra-  
cones, vel Æsculapio, aut Hyææ sacros esse putet,  
demum pro Geniis locorum verisimilios intelligendos  
arbitratur, quod & certum deinde ex eodem lapide sta-  
tuit pag. 44.: Facit ad rem omnino Propertii versus  
lib. 4. eleg. 8.

*Lanuvium annos vetus est tutela Draconis.*

[d] Virgilius post elegantem colubri, qui Ænææ  
apparuit descriptionem ita subdit Æn. v. 95.

*Incertus Genium ne loci, famulum ne Parentis  
Esse putet.* . . . .

nullus enim (ita etiam Servius ibid.) locus sine Genio,  
qui per anguem plerumque ostenditur: Persius:

*Pinge duos angues, pueri, sacer est locus, extra  
Meiite.* . . . .

[e] Dum de hoc rudi Antiquitatis monumento lo-  
qui adhuc non pigeat, vulgavit illud prior Paschalis,  
dein Mabilionius Itin. Ital. pag. 103. tandem Fabrettus  
Inscr. ant. pag. 78.; ac misso Paschale, hi quidem serpen-  
tem inter alia simulacra in marmore expressum pro  
Genio acceperunt, præeunte etiam inscriptione supra  
ipsum serpentem extante: *Genius Theatri*: Verùm Ma-  
zochius in Camp. Amphit. pag. 158. frustra in eo ser-  
pente *Theatri Genium* queri putat, quem veriùs in  
Sacrifici, qui proximè serpentem antecedit, effigie  
representatum contendit: Certum id sibi suadet ex  
eadem, quam Genii præferre solent effigie, quæ  
cum Sacrificio illo rectè convenit, quem ipsum Genium

esse eadem inscriptio indicat, quæ ab eo incipiens in  
sequenti serpentis simulacrum desinit: At nimis sibi  
fortasse blanditum Mazochium putaverim, dum rem  
demonstrasse putat: etenim leve illud videri potest,  
quod inscriptio a sacrificio initium faciat, quasi illi in-  
dicando superposita; nam cum extrema Anaglyphi  
pars lateralis, ubi serpentem Marmorarius locavit, non  
ita in serpentis spatio pateret, ut separatas ab aliis si-  
mulacris binas illas dictiones capere posset, hinc fieri  
potuit, ut ab interiore altera sacrifici imagine diction-  
es ipsæ, quæ ad serpentem referuntur, insculpi cœ-  
perint: Præterea non ea sacrifici effigies feminandum  
exhibet, neque calathum vertice ostendit, quæ, ut  
alibi diximus. Geniorum præcipuè sunt notæ: At quid  
moror? Anaglyphum alterum Capuano propè simile ha-  
bet Sponius *Recherch. d'Antiq. Dissert.* 29. pag. 479. In  
eo tres Nymphæ Fontinales mediæ stant inter erectum  
Serpentem a dextra, & Sacrificum libantem a sinistra:  
quid sibi vellet serpens, haud curiosius querendum  
sibi duxit Sponius: at Fabrettus eo serpente salubritate  
aquarum indicatam ait Diss. r1. De Aq. & Aquæd.  
pag. 99. Rem demum acu tetigit doctissimus Gorius,  
qui in Doniano lapide cl. 1. num. 126. cujus hæc sunt  
verba:

DEMETRIVS C. N. S. EX VISO  
HVIC LOCO TVTELA POSVIT.

cum illud observasset, *Tutela* nomine Genios ipsos  
plerumque appellari, eosque anguium figura a Veteri-  
bus exprimi solitos, id tum aliis exemplis, tum etiam  
ex Sponiano Anaglypho confirmat, ubi serpentem pro  
Genio accipiendum statuit. Vides igitur, an jure in  
Capuano Anaglypho Sacrificus ille, qui in Sponiano  
pariter adstat, Genius esse possit, qui sua demum Ser-  
pentis forma utrobique a Sacrificio omnino distinctus ha-  
betur: At cum semel Mazochius a sui Anaglyphi Serpente  
Genium [quem VV. CC. Mabilionius, & Fabrettus cer-  
tum voluere] abjudicasset, ne otiosè sculptus putare-  
tur, jam ad vetustas Capuæ origines ostentandas, aut  
verisimiliùs, ut ejus aspectu homines ab urinis, aliis-  
que immittendis sordibus detererentur, appositum ar-  
bitratur:

Atque hæc de Geniis ex Ethnicorum disciplina, institutis, superstitione differuisse sit satis: Quid de illis ex sanæ Religionis Canonibus sentiendum sit, satius erit ex uno Davide didicisse, qui breviter ita edixit: *Omnes Dii Gentium demonia* (a), quàm ex vetustis aliquot Ecclesiæ Patribus, qui Davidicæ sententiæ (qua omnis ejus rei veritas absolutissimè continetur) plura à recta fide aberrantia de Geniis astruxere (b): Illud tamen, quod antea Plauto de Geniis docuerat, ac postmodum Christiani Patres confirmarunt, experientia ipsa satis probatum semper fuit, Divinationum, Præstigiarumque, Magorum denique, Sagarumque artem omnem, ac potestatem Genios hos, seu Dæmones auctores, ac magistros habere: Quod cum ita sit, ad eam, quæ Beneventanis vulgò exprobari solet, veneficiorum infamiam abolendam deveniam. Scio, mihi cum solo fortasse hominum vulgo rem esse; docti siquidem, ac cordati quique sub omni cælo fabulam, ac rumorem risere semper: Intererit tamen a Beneventana Urbe, cujus gloriæ laboramus, omnem abesse notam, quam licet sola falsitas invexerit, præjudicatæ tamen opiniones nonnunquam fovere solent: Nostræ itaque Urbis vitio, an calamitati tribuitur, vigere in ejus agro *Nuceam* arborem, sub qua nefarii sagarum tum nostratum, tum externarum nocturni conventus, ludi etiam, choreæ, ac convivia agitentur; præterea Aniculis quibusdam Urbem vexari solitam,

..... Carminibus quæ versant atque venenis

Humanos animos .....

etque nudis pedibus passoque capillo noctu per domos vagari &c. .... simul ac vaga luna decorum  
*Prorulit os, tunc ossa legant, herbasque nocentes* (c)

Hujusce rei rumor a septimo sæculo initium habuisse videtur, tum cum Langobardis dominantibus superstitiones aliquæ adhuc Beneventi servarentur: Harum causâ sive illa fuerit, quòd antiquæ gentilitatis nondum radices omnes initio, cum Evangelica lux nostris oris affluis, penitus evulsæ fuerint, sive veriùs (ut alibi fusiùs dicam) quòd ex Langobardorum moribus, (quorum satis recens tum Christianæ Fidei professio, tum Beneventani Ducatus institutio) ejusmodi labes in Beneventanam Urbem irrepsit, aureum Viperæ simulacrum sui Ducis exemplo observabant ea ætate Beneventani, quibus etiam illud solenne erat, ut sub quadam arbore, quam sacram habebant, supersticiosos ludos certis quibusdam ritibus institutos celebrarent: ac primùm quidem in illius Viperæ cultu superstitem adhuc vetustæ Geniorum Religionis imago quædam agnosci potest; in Viperis enim, ut in Serpentibus olim cæteris, etiam *Bonos Genios* adesse notat *Servius in Georg.* 3. 417., nec profecto, nisi in eo aureo Viperæ simulacro divini aliquid inesse, sibi opem ex illo, tutelamque præstari posse putassent Langobardi, retinendæ ejusdem Religionis tam studiosi fuissent: sed de hac rem jam plura superiùs: Ex iis vero ludis, qui sub ea arbore supersticioso ritu celebrabantur manifestam jam vides originem, vulgaris illius opinionis, qua sacrilegam arborem nefariis Sagarum coitionibus infamem, adhuc in Beneventano agro extare creditum sit.

Utramque superstitionem tum aurei Viperæ simulacri (ex quo conflato calix ad sacra Christianæ Fidei mysteria peragenda extructus fuit), tum ludorum illorum, exectâ radicitus arbore, flammisq; combusta, eodem septimo sæculo sustulit S. Barbatus Beneventanus Civis, ac deinde Episcopus, incassum apostolico ejus zelo primùm adversante, tandem obsequuto Grimoaldo I. Langobardorum Beneventi Duce, deinde Italiæ Rege: Res satis nota ex vetustis ejusdem S. Barbari actis, quæ a Bollandi Sociis exhibentur ad diem XIX. Februarii, & autographa asservantur in Bibliotheca Metropolitana. Utramque, inquam, superstitionem sustulit S. Barbatus, at non item sublata simul, quæ vulgariarum hominum mentes pervaserat opinio, sub

bitratur: at novum hoc de serpente judicium alii viderint: illud mihi mirum, tantam uni Serpenti aut religionis, aut terroris a summo viro tributum ad servandam loci munditiam, quantum obtinere non potuisse putaverit, nec cum sua hasta Dianam, nec cum suo fulmine Jovem, in eodem Anaglypho simul cum Sacrificio, ac Serpente insculptos.

[a] Psalm. 95. 5.

[b] Plures sunt præclarissimi Christiani Patres secundi, & tertii sæculi, qui in ea opinione fuerunt, quam etiam scriptis tradidere; ejusmodi Genios ex iis Angelis fuisse procreatos, qui ad hominum custodiam a Deo delecti, mox a Principe Dæmone terræ domina-

tore pellesti, ex mulierum congressu hanc Geniorum lobolem, median ex diversæ naturæ parentibus naturam sortitam susceperunt: qui error ex pravo intellectu loci Genesios cap. VI. manavit. Ita præter Philon. de Gigant. Josephum Antiquit. lib. I. cap. 4. planè senserunt Athenagoras orat. pro Christian. Clemens Alexand. Strom. 3. Tertullianus de Veland. Virgin. cap. 2. Origenes contra Cels. lib. V. 12. S. Cyprianus de Vanit. Idolol. Lactantius Div. Instit. I. 2. 14.

[c] Utar Horatii versibus in *Gratidiam Vespescam Neapolitanam* Serm. lib. I. sat. 8. edit. Venet. 1549. cum notis Acron. Porphyri. aliorumque.



sub eadem adhuc arbore, quæ Dæmonum operâ iterum germinasset, clam ab indigenis, advenisque Sagis veteres ludos celebrari, veneficiorumque omnium disciplinas exerceri.

Et sane postquam inter Carolum Gallia Regem cognomento Magnum, ac Grimoaldum III. Beneventi Langobardorum Principem sub ejusdem sæculi exitum bellum icto fœdere quievisset, fors fuit, ut Boum pestis in Galliis grassari cœperit: ex ea re statim rumor in vulgus sparsus fuit; Grimoaldum veterem Caroli hostem transmisisse veneficos homines cum pulvere, quem spargerent per campos, montes, prata, & fontes, huncque pulverem bobus mortem inferre: Multi, qui hujusmodi veneficii accusabantur, fuerunt comprehensi, & cum se talem habere, & spargere pulverem falsi fuerint, partim affixi tabulis in flumen projecti, necatique: Horum confessio, ac supplicium rei fidem confirmabat apud omnes, quibus tandem absurdissimam esse ostendit S. Agobardus Lugdunensis Episcopus (a); edito enim libello falsum id esse probavit, quod nusquam humanis viribus, etiam Dæmonum ope suffultis patrari posset, atque ab Gallorum mentibus eam adversus Beneventanos opinionem amoliri pergens, non illud etiam rationi consonum subdit, unde talis pulvis fieri posset, de quo sibi Boves morerentur, aut quomodo portari posset per tam latissimas regiones, quas superspargere pulveribus homines non possent, nec si Beneventani viri, & famina, senes & juvenes cum ternis carris pulvere caricatis egressi de regione fuissent: Eos, qui id falsi fuerant, iusto Dei judicio a Diabolo seductos docet, ut ipsi contra se essent testes fallaces ad mortem: Dolet postremò Agobardus tantâ tunc mortales stultitia oppressos, ut Christiani earum rerum fidem tam facile admitterent, quas nunquam antea quicquam poterat suadere Paganis: Vides igitur, quàm vetusta, quibusque eventibus apud diffitarum etiam nationum vulgus confirmata de Beneventanorum veneficiis opinio: sed jamdiù S. Agobardo debemus, quod nulla mercede postulatus Patronus, non ulli necessitudini, aut partium studio, sed uni veritati serviens Beneventanos a falso vulgi rumore, quo veneficiorum insinulabantur, non tam strenuè, quam feliciter vindicaverit.

Quod vero Nuceam arborem spectat, frustra eam post decem sæcula quæsisse erit, nisi in vulgi mente adhuc consistam dicamus; itaut de ea satis congruè usurpare jam possimus, quæ de C. Marii Quercu in Agro Arpinate agebat Cicero (b): *Quercus huic loco non deerit, quæ Mariana dicatur, nisi foris Athena sempernam in arce Oleam tenere potuerunt, aut quod Homericus Ulysses Deli se proceram, & teneram Palmam vidisse dixit, hodie monstrant eandem, multaque alia multis locis diutius commemoratione manent, quam natura stare potuerunt.*

Sed de falso, quod Beneventanis impingi solet, superstitionum crimine alia, quibus res conficietur, in sequenti Dissertatione opportuniùs afferemus.

## DISSER-

[a] Bibliot. Patrum tom. xiv. edit. Lugduni 1677. Inter opera S. Agobardi liber de *Grandine*, & *Tonitrui* inscriptus, ubi is *Magos Tempestarios* inanes, ac commentitios esse probat, in easque sinit omnium penè Patrum, ac Theologorum sententia, nullo pacto videri homines ex diffitis locis in certam regionem Dæmonis opera coire posse, aut etiam clausas privatorum domos, & cubicula penetrare, quod tantùm læsa a Dæmone, perturbatæque eorum phantasia fieri contingit: ut do-

cuit S. Augustinus, aut quisquis ille sit, auctor operis de Spiritu, & anima cap. 28. relatus in can. Episcopi 26. qu. 5. quem locum, si cui libet, adire potest, ac præterea Canonum xiv. ejusd. quæstionis, ubi de hac re præclarè, ac fusè agitur: Non enim præsentis instituti est, ut id a nobis heic disceptetur, quibus satis fuit, solo facti veritate proposita Beneventanos ab hujusmodi veneficiorum calumnia, aut rumore vindicasse.

[b] De Legibus lib. 1. cap. 1.



## DISSERTATIO III.

De Tempore , quo primùm Beneventi  
suscepta est Christiana Fides.

ELICIOREM materiam lætiore calamo tandem aggredior : postea enim quam inter Idololatriæ feces, numinum monstra, superstitionumque insanias versari diù contigit, ad veram demum Religionem, cujus triumphatrix Gloria illorum everfione, substratis veluti hostium spoliis, augustior se extulit, sermonem convertam : De tempore itaque agendum mihi nunc erit, quo veteribus Beneventanis Christianæ Religionis illuxere primordia; atque ea quidem de re illustrior quàm hætenus, subindeque rebus aliis, Vetus Beneventum videri gestiens, optaret sanè præcipuum hoc decus certis potius, luculentisque rerum gestarum monumentis, quam conjecturis comprobare : At nullam ex antiquis literatis lapidebus opem nobis adfuturam speramus, quorum subsidio cetera pene omnia, quæ hoc volumine continentur, exequi datum fuit : Enimvero qui apud nos extant Veterum Christianorum lapides ( de quibus posthac separatim agetur ) cum seræ admodum Christianæ Ætatis manifesti sint foetus, nihil, quod de prioribus, quæ heic quærimus, sæculis, certum, atque opportunum statuamus, suppeditant : Verisimilibus igitur conjecturis, traditionibusque plerumque utendum erit, quæ profecto ( ut doctissimus Archiepiscopus Petrus de Marca satis rectè observabat (a) ) non evertendæ, sed omninò retinendæ erunt, præcipuè cum in Ecclesia Romana, ac toto in Orbe Christiano jam olim receptæ fuerint; adeo non egeamus prava illa diligentia, quam adhibuerunt illi, qui etiam falsis, atque confictis sub nomine Veterum Auditorum monumentis vetustatem Christianæ Religionis sibi arrogare nituntur.

Ab Apostolorum itaque ævo, immo & ipsius Apostolorum Principis ministerio, prædicationeque Evangelicæ legis lucem Benevento affulxisse memoriæ proditum est; non exiguus vero eorum, qui tunc Christo nomen dedissent, numerus fuisse ex eo probatur, quod nascens tum primùm Beneventanæ Ecclesiæ Episcopum constitui mox oportuerit, juxta morem illum, quem in singulis Urbibus ad fidem recens conversis servatum docet S. Epiphanius (b), in quibus non continuò Episcopalis sedes erigebatur, nisi fidelium, sacrarumque Ministrorum copia haberetur : Primum autem Beneventi Episcopum, contra quàm hætenus creditum vulgò fuerit, S. Marcianum Martyrem discipulum S. Petri, Civibus suis prorsus ignaris patefecit nuper Franciscus Pacca Archiepiscopus in Encyclica Epistola, quam ad Pastorale Patriæ suæ munus evectus de more conscripsit; causam, cur a recepta sententia recessisset, hanc mihi humiliter sciscitanti benignè reddidit, quod scilicet in Usuaro S. Sophiæ in Bibliotheca Vaticana asservato, cui x. aut xi. sæculi antiquitas tribuitur, hæc in mense Junio aliquando se legisse meminerit : *Beneventi S. Marciani Episcopi, & Martyris discipuli S. Petri* : At, fateor, non id mihi statim persuadere potui, quod ex dubiæ fidei monumento vix verisimile conjectare sinit perpetuum apud omnes ejus rei silentium : quis enim credat, cum longo tempore Ecclesia S. Sophiæ ejus Codicis quotidiana pene lectione uti debuisset, atque adeo vulgatum apud omnes Beneventanos S. Marciani primi Episcopi nomen jam fuisset, ejus tamen rei ita perisse memoriam, ut nullum vel leve vestigium ad posteros permeaverit.

Donec igitur meliora afferantur, tutius mihi erit communem illam, vetustissimamque sequi

[a] In Epistola ad Henricum Valesium, quæ est Dissertatio ultima post Tractatum de Concord. Sacerd. & Imper. edit. Roboreti 1742. cui titulus : *De Tempore, quo primum in Galliis suscepta est Christi Fides* : Queritur ibi eruditus Archiepiscopus de ipso Valesio, aliisque recentioribus, quod facile concessisse viderentur Gregorio Turonensi scribenti sub Aurelio Antonino visa primum in Galliis Martyria, Dei Religione trans Alpes seu susceperat : Contrarium ipse probat, initiumque Chri-

stianæ Fidei in universa Gallia ab ipsis Apostolis repetendum ostendit.

[b] S. Epiphanius Hæresi 79. Præbysteris, & Diaconibus in primis opus erat : a quibus videlicet ambobus Ecclesiastica negotia administrari possunt : ubi nondum Episcopatu dignus aliquis occurrebat, nullus eo loco positus est Episcopus, at ubi & necessitas postulabat, nec eorum, qui Episcopatu digni erant, copia deerat, ibi Episcopi constituti.



# DISSERTATIO TERTIA. III

qui traditionem pluribus non mediocri notæ probatam Scriptoribus, quæ S. Photinum primum Beneventi Episcopum a S. Petro ordinatum fuisse testatur: Et sane traditiones omnes, quæ ab remotissimis usque sæculis de ejusmodi re per manus veluti mandatæ ad nos pervenere, in dubium revocare, intemperantioris critices licentia illa esset, qua acerrima ingenia singularis potius eruditionis cupidine, quam veritatis studio illecta, abuti solent: Jam quod Italiam spectat, cum pleræque in ea illustres Urbes (a) non de suscepta solum, in ipsi Christianæ Religionis primordiis, Christi fide, verum etiam de constitutis sibi eodem tempore Episcopis adeo gloriantur, non invidenda certe iis erit ejusmodi gloria, quam diuturna tuetur possessio; quod si certum adhuc desideretur monumentum, stabit profecto pro justæ ejusdem possessionis titulo tum S. Petri, tum S. Pauli in easdem regiones adventus, ac diuturna commoratio: Ac de Paulo quidem non solum testatam rem faciunt Acta Apostolorum, sed divina plane fide credendam exhibent: De Petro autem, nemo sanæ mentis, ne dicam mediocri ingenii, qui a limine Ecclesiasticæ antiquitatis monumenta salutavit, id contenderit, quandoquidem veterum, gravissimorumque Scriptorum consensus, quicquid Salmasio multo, sed tamen irrito conatu laboratum contra fuerit (b) binas illas Reip. Christianæ funestissimas faces, Lutherum videlicet, ac Calvinum ad rei gestæ veritatem fatendam coegerit (c): quod cum ita sit, nihil profecto verius, certiusque affirmari potest, quàm Petrum in eo itinere, quo ter (d) Cistiberina Italia sibi fuit peragenda, illustrioribus saltem locis, quâ pertransisse oportuit, Evangelii prædicandi munere non sine felici successu omnino fuisse functum (e). Fateor quidem, plurima tum in quædam eorumdem Episcoporum Acta, quæ circumferuntur, tum in ipsas Traditiones commenta irrepisse, at non ea profecto illius rei veritati officient, qua in plerisque Cistiberinæ Italiæ Urbibus, ipsius Petri prædicatione ac labore, Christi Fidem susceptam fuisse constat: Ac, quod Beneventum attinet, sincerior fortasse, quia cæteris simplicior ad posteros ejus rei traditio pervasit, dum de suo primo Episcopo Photino, ac de Petri in sua mænia adventu nihil magnificum, ac quadam miraculorum pompâ illustre jactat, eo dumtaxat contenta, ut eundem Photinum primum sibi ab eodem Petro Episcopum constitutum velit: Cur autem Beneventi & Christi Fidem prædicasse, & in florentissima Urbe Episcopum (de cujus nomine, an Photinus fuerit, an Marcianus, vel quocumque is demum nomine vocaretur, non certo) qui ad fidem jam recens conversos confirmaret, regeretque, aliosque convertendos curaret, constituisse non debuit Petrus? qui cum ter terrestri itinere (quod verisimilius mihi sit) Cistiberinam Italiam, ter quoque Beneventum, (quæ rectâ ex Hierosolymis Romam venientibus, ex eaque illuc redeuntibus via fuit) invisere opus habuit, itaut nullum, ut eò diverteret, novi itineris laborem perferre debuerit: Cæterum non obscuro, contemptique nominis tum Beneventum erat, quin potius inter Cistiberinarum regionum Urbes præclarissima, neque ipsa etiam longo terrarum spatio ab Urbe remota; Hinc utrâque de causa, cum Petrus Romæ sibi sedem constituisset, pari quidem studio curare debuit, ut tum in Urbem ipsam, tum in finitimas regiones, illustrioresque earum Urbes, Evangelii prædicatio effunderetur, quod non solum per suos discipulos, verum etiam per se ipsum præstitisse S. Epiphanius testatur (f).

Quid vero causæ fuerit, ut post Photinum ipsum, (qui prior ab Apostolo Petro Beneventi Episcopum ordinatus, Beneventani Episcopatus Religionisque Christianæ in eam Urbem invectæ fundamenta jecit) nullius subinde Episcopi usque ad tertii sæculi exitum, non dicam acta, sed

[a] Non Beneventani solum Photinum sibi Episcopum ab Apostolo Petro constitutum affirmant, sed consensans quoque Neapolitanorum de Aspreno, Capuanorum de Prisco, Svesanorum de Sisinio &c. Episcopis in eadem loca ab eodem Apostolo ordinatis est opinio: De certis locis (sunt verba Card. Baronii ad ann. 44. num. 27.) ad quæ Petrus Romam veniens divertit, nobilia in his remanserunt antiquitatis vestigia, sed traditio potius, quam scriptura firmata.

[b] Salmasius in Apparatu de Primatu Papæ.

[c] Martinus Lutherus tom. 2. pag. 66. Jo. Calvinus Institut. l. 4. cap. 16. §. 23.

[d] Bis Romam adventasse Petrum satis constat; Primum sub Claudio, cujus editio, quo Judæi Urbe excedere jussi fuissent, rediit in Hierosolymam, ubi cum

cæteris Apostolis Concilium celebravit: sed Claudio defuncto iterum Romam petiit, ubi demum sub Nerone Martyrium accepit.

[e] S. Dionysius Corinthius apud Eusebium lib. 2. cap. 23. de utroque Apostolo hæc habet: *Ambo simul advenientes, & per omnem Italiam simul docentes...*

[f] S. Epiphanius Hæresi 27. cum non sibi constare dicat, an S. Clemens superflite adhuc Petro ordinatus fuerit Episcopus Romanus, affirmare tamen id videtur hac ratione: *Quod poterat viventibus adhuc Apostolis Petro scilicet, & Paulo, Episcopi alii subrogari, quod iidem illi, prædicandi Evangelii gratia, in alias Urbes, regionesque professionem susciperent, cavere autem Episcopo Roma non posset.*

sed ipsum nudum nomen in Beneventanæ Ecclesiæ Fastis occurrat : & sane mirum id cuiquam fortasse videbitur , cum ne illud quidem in mentem venire queat , aut ex hoc trium pene sæculorum silentio ea omnia labefactari , quæ de S. Petri in nostram Urbem adventu , prædicationeque , ejusque discipuli Photini ordinatione optimis conjecturis superius statuta sunt , aut potius vix orta exaruisse statim Beneventi Fidei germina , quæ Petrus , Photinusque plantassent ; itaut hoc demum veteribus Beneventanis summo vitio verti possit , quod susceptam semel Christianam Religionem mox perire in sua Urbe passi sint , aut certe quibusque barbaris nationibus rudiores , obstinatoresque trium fere sæculorum spatio , nunquam aures , animumque Evangelicis Præconibus accommodarint ; quæ cum nemo facile sibi persuaserit , imo nullum vel eadem leviter suspicandi argumentum appareat , non equidem turbare nos debet tam diuturnum sacræ antiquitatis silentium , cujus etiam satis verisimilis causa præsto esse videtur .

Rarissima ubique esse Ecclesiastica priorum sæculorum monumenta , resque Christianorum per eam ætatem gestas magna ex parte intercidisse nemo ignorat : sive quod priores Christiani parum literas callerent , aut non curarent res suas in tabulas referre , sive quod sævientiis tum in Christianam Religionem Ethnicis Principibus , se , suasque res , si scriptis mandassent , vulgari pertimescerent : Illud autem omnino certum constat , postrema simul , atque omnium , quæ Ecclesiam vexarunt , Diocletiani persecutione tum in Christianorum vitam , tum in sacros Codices immani furore sævitum ; ea enim infensissimi Christianæ Religionis hostis mens erat , ut extinctis , atque ad internecionem usque consumptis Christianis universis , omnes quoque Codices , scriptaque monumenta igne absumerentur , ut vel hoc pacto cum ipsis Christianis & nomen , & Religionis memoria omnino deperiret : Christiani itaque multi vel ex uno eo capite , quod Codices tradere nollent , sævissimis cruciati tormentis martyrio affecti fuere : Horum omnium memoriam una die Romana Ecclesia etiamnum celebrat (a) , legitimamque martyrii eam fuisse causam statim post persecutionem ipsam agnovit Concilium Cirthense Diocletiano VIII. , & Maximiano VII. Cof. nempe ann. 303. in Africa celebratum , ubi secundus Tigistanus Episcopus ita fatur : *Quid ergo facturi sumus de martyribus , quia non tradiderunt , ideo , & coronati sunt* ? Eadem acta Cirthenfia summatim recitantur ab Optato Milevitano contra Parmen. lib. I. ; insigne vero eorumdem fragmentum nobis servavit S. Augustinus cujus partem , quæ ad rem nostram facit , utpote longiusculam in subjectam notam (b) rejiciendam censui , Cum igitur per omnes Provincias , earumque Urbes , oppida , vicos , Codices Christianorum omnes conquirendos , comburendosque publicis edictis juberetur , factum inde fuit , ut maxima illorum copia pessum ierit ; cum enim alios Ethnici in Christianorum domibus , aut cryptis , aut sacris ædibus servatos invenissent , alios etiam Christiani ipsi tormentorum vi , metuve devicti tradidissent , *Traditores* , ut ex dicto Concilio Cirthenfi liquet , proinde appellati , pauci admodum , vel etiam nulli alicubi ( ut de Benevento affirmandum erit ) reliqui fuere Codices ad Christianos pertinentes , qui impiorum manus , indicatasque flammæ effugerint .

At cum domesticis monumentis caremus , adest tamen , quod alienæ diligentia Ecclesiæ Beneventana debeat , ne omnes suorum Christianorum res inter offusissimas prioris ætatis tenebras omnino conspultæ deperierint : Habemus enim , labente primo Christi sæculo S. Piatum , seu Piatonem Beneventi floruisse , qui claro genere ortus , eximia tamen sanctitate , Christianæque Fidei dilatandæ zelo clarior , Romam adiens , Sanctoque Dionysio in Gallias proficiscenti cum aliis comes adjunctus , Tornaci , quam sibi Galliæ Urbem , ejusque finitimam regionem elegit , adeo felici successu Evangelium prædicavit , ut Tornacensium , Apostolus jure dictus , etiamnum in ea Ecclesia summa veneratione colatur : Beneventum S. Piatum Patriam fuisse affirmat locuples , optimæque fidei testis Sanctus Fulbertus Carnotensis Episcopus , qui Rythmico carmine (c) satis fuse , ac luculenter ejus res gestas exequitur .

Ac de

[a] Martyrolog. Rom. die 2. Januar. *Rome commemorat plurimorum Sanctorum Martyrum , qui spreto Diocletiani Imp. edicto , quo tradi sacri codices jubebantur , potius corpora carnificibus , quam sancta dare canibus mactarunt .*

[b] S. Augustinus contra Cresconium lib. 3. cap. 26. & 27. ex Actis Concilii Cirthenfis hæc inter alia plura recitat : *Secundus Marinus dixit : Dicitur & te tradidisse : Marinus respondit : Dedi Pollo chartulas , nam Co-*

*dices mei salvi sunt : Secundus dixit : Transi una parte . Secundus Donato Calamensi dixit : Dicitur te tradidisse : Donatus respondit : Dedi codices medicinales : Secundus dixit : Transi una parte : Et alio loco Secundus Vidori a Rusgate dixit : Dicitur te tradidisse quatuor Evangelia : Vidor respondit : Valentinianus curator fuit , ipse me coegit , ut mitterem illa in ignem igne .*

[c] Extat hoc carmen inter opp. S. Fulberti t. xviii. Bibliot. Patr. edit. Lugdun. ann. 1677. ubi post Epistolæ ,



Ac de Piat patria nemini dubium esse potest; an vero ejusdem ætas in primi sæculi fine sit consignanda, non æque certum facit ejusdem Fulberti auctoritas, qui eum, ut ex carmine constat, sub Maximiano passum postremo asseruit: nec secus Romanum Martyrologium, quod sub die 1. Octobris, postquam a S. Dionysii sociis illum abjudicat, ac S. Quintino comitem adscribit, eadem Maximiani persecutione coronatum commemorat: an igitur in eo falsus fuerit S. Fulbertus, quod pro Quintino Dionysium substituerit? vix puto: nam Piatum Dionysii socium præter Fulbertum, commemorat quoque Martyrologium Egyptiacum in shedis Antonii Caraccioli, ac Martyrologium Molani secundæ editionis (a) hisce verbis: *Tornaci S. Piatonis Presbyteri, qui cum B. Dionysio ejusque sociis abiit de Roma, & Gallias predicationis causa petiit, ac postea consummato martyrio migravit ad Dominum*: Rem denique ita se habuisse persuasum fuit Petro de Natalibus l. ix. cap. xi.: Hinc, cum in laudatis Martyrologiis martyrii tempus non fuerit designatum, quod tamen facile ex Dionysii ætate intelligi poterat, vel memoriæ lapsum in Fulberto agnoscere debemus, vel in ejus carmine mendum irrepisse, ut pro Trajano (sub quo Dionysii martyrium consignat Card. Baronius ad an. 109. n. 38) Maximianus scriptus habeatur: neque enim in ipso Dionysio errasse potuit Fulbertus, qui plura in Carmine addidit, quæ nonnisi Areopagitæ convenire, eundemque omnino demonstrare videantur.

Utut autem de S. Piat Beneventani civis, Tornacenſiumque Apostoli ætate aliis judicare libeat, illud tamen omnino certum constat longo ante partam Ecclesiæ pacem, dominantibus adhuc Idololatri Principibus, Christianam Religionem jamdiu Beneventi receptam; nam, qui ex Martyrologii Romani fide S. Piatum seriùs floruisse contenderit, haud tamen is negabit, illum a pueritia (quod Fulbertus speciatim meminit) Christiana Fide fuisse imbutum; quod si in ea re vel suos parentes, aut quosvis alios Magistros, ut par est, ei dederimus, magnam certe priorum sæculorum partem habebimus, Christianis viris, qui Beneventi extarent, jam satis illustrem; cur vero Beneventi non extarent Christiani, ubi post Photini ordinationem a S. Petro factam, aliorum (quorum dumtaxat nomina nobis invidit antiquitas) Episcoporum electiones peragi consuebant? cujus plane rei optimæ, quæ etiamnum suppetunt conjecturæ, erunt mihi modo proferendæ.

Celeberrimum sane est non in unius Beneventanæ Ecclesiæ Fastis, sed toto Christiano Orbe, omniumque sæculorum memoria commendatum S. JANUARIi Beneventani Episcopi nomen, qui in Diocletiani persecutione sanguinem semel effundens, adhuc in eo redivivus admirabile Fidei testimonium reddere pergit: Ex hoc autem nostro Sanctissimo Episcopo primum illud pro certo statuendum erit, nullatenus Beneventanis expectatum tempus, quo sub Christianis Principibus, quam veram demum agnovissent, suscepissentque, Christi Fidem non impune solum, sed summi quoque honoris causa profiterentur: Jamdiu enim, ut dixi, sub Ethnicis Principibus, iisque etiam in Christianos furentibus palam Christianam Religionem sectabantur; itaut tantum absuit, ut, post Sancti Januarii martyrium, cum quo Festus ejusdem Beneventanæ Ecclesiæ Diaconus, & Desiderius Lector simul coronati sunt, ab eadem Religione perterrefacti

P

desce-

stolas, & sermones, ejusdem quoque Profas, & Versus invenies, inter quos S. Piat carmen, seu hymnus, cujus verba heic recitare non piget,

*In Tellure Beneventi, clarus ortus Patribus, Insignis Mundo Piat, sacris fultus moribus.* (pro fultus, legendum puto fultis)

*Mox Puer Christum sequendo admirandis nixibus insignis, Post adultus vilipendit vanam Mundi gloriam, De suis nil reservans præter vestem simplicem.*

*Sed quæcumque possidebat dans sementis Pauperum, nescius Roman pergit jam vir extans, illic & conjungitur Dionysio, suisque Sanctis Confodilibus.*

*Sic in cætum tantorum virorum lumen viget additus Dionysio, his præfatis prædicare Christum Genti Gallicæ.*

*Tornacum versus Piatum se direxit inclutus, cum Parisium iret Beatus Dionysus.*

*Tornaco ergo diffundendo latè sancti Verbi semina, Christo conversis virorum terdena millia.*

*Præter parvos & secundi sexus turbam maximam Christicolum genuinis inter hæc coruscans virtutum miraculis.*

*Edomabat parcitate duras vires corporis, ut frangendo roboratus, hosti non succumberet, & illum debellaret fortiter.*

*At Cæsar Maximianus, ut Piat hausti famam virulentis auribus, comprehendi jussit Eum ad necandum protinus.*

*Utque fama est, ille militare promptus, atque vincisci nescius, nexus vicit, flagra vicit, & omnes impetus.*

*Decollatur namque tandem, lato cætu Martyrum, Palmam gessit laureatus, ad Celi Palatium.*

*Dumque gleba conderetur gloriosi corpus Martyris, fusus odor est superni circumcirca nebulæ.*

*Ne quid Mundus basistaret de salute spiritus, cuius cara tunc probabat, hunc regnare cælitus.*

[a] Franciscus de Aste in not. ad Martyrolog. Rom. sub die 1. Octobris.

defciverint, ut potius, ne Christianorum Res quid detrimenti caperet, novum sibi Episcopum mox eligendum curaverint: Theophilus is fuit (a). S. Januarii successor, cujus tempore, Licinio Maxentioque Romanum Imperium in Italia moderantibus, dirè adhuc Christianorum res vexabantur: sed & S. Januarium Episcopum alios decessores Episcopos habuisse vix erit dubitandum: cum enim is, Idololatria adhuc dominante, imo fervente in Christianos persecutione, Episcopatum Beneventanum administravit, ad quem nonnisi sub tertii sæculi exitum electus videtur, neque verò omnia, quæ de eo extant Acta primum Beneventi Episcopum fuisse tradant, nihil profecto vetat, quin longe ante ejus ætatem, & Christi fidem Beneventanos amplexos, & suos Benevento fuisse antea Episcopos credamus, quorum nomina, atque acta ex superius allata, vel quavis alia de causa modo desiderantur.

Sed ad eandem rem uberius, certiusque comprobendam alia quoque argumenta in medium afferre præstat, quæ ejusdem S. Januarii Episcopatus nobis opportune suppeditat: Horum caput illud esse fateor, sanctum nempe martyrem nedum Beneventi Episcopum, verum etiam Civem fuisse: Natale S. Januarii solum, five naturalem Patriam Beneventum univèrsa agnovit antiquitas; at ex tam diuturna possessione pluribus titulis etiam comprobata Beneventanos exturbare Neapolitani conati sunt; quibus etiam, qui blandiretur inter alios inventus est Ughellus, cui amplius libuit stemma Januariæ gentis, quæ hodie summo loco Neapoli floret, S. Januario Episcopo Beneventano affictum exhibere (b): non siluere tamen Beneventani; quam ob rem inter utriusque partis literatos viros lis exaruit; nam superiore sæculo Vipera, ac Bilocta ornatissimi Patrii, doctique viri cum Caracciolo, & Tutino eruditissimis strenue decertarunt; nostro vero hoc sæculo progrediente etiam pro Beneventanis *ense armatus* prodiit Nicastrus Episcopus Claudiopolitanus, in cujus opere pro eruditi sæculi genio accuratorem rerum, orationis, monumentorumque delectum desideraveris, cui tamen pretium fecisse videtur Nicolaus Carminius Falco [nunc Sanctæ Severinæ Archiepiscopus], qui edita anno 1713. Sancti Januarii Historia, Neapolitanorum, Neapolitanæque Januariæ Gentis clarissimæ causam postremò ita egit, ut præter ridicula plura, quæ passim habet, putidissima commenta ex antiquissimis monumentis divinitus, nec sine miraculo, ut ait, sibi uni tandem compertis nobis obrudat: Sed quod attinet, meum heic erit (quandoquidem pro re nata id pertractare contingit) rei ipsius momenta in medium afferre, non omnia tamen, sed tutiora, ac graviora, atque ab aliis nondum observata, quæ simul omnia unam, vel alteram paginam vix implebunt; nam in optima causâ levibus quibusdam, incertæ fidei argumentis uti supervacaneum erit, neque lectorem plus æquo gravari decet, cui ea dumtaxat exposuisse satis est, quibus is rectum de ejusmodi re judicium ferre possit.

Primum itaque erit argumentum illud, quod ex Gente Januaria, quæ prioribus sæculis Beneventi floruit, S. Januarium Beneventi Episcopum omnino progenitum nobis demonstrat: ejusmodi argumentum viris doctis satis probari video, ut de alicujus viri patria rectè definiri queat; ac ne a re proposita longius digrediar, satis erit eruditi Equitis Oliverii judicium attendisse, qui cum inter marmora Pisaurina *Terentiam Philusam* n. 117. invenisset, de *Terentia gente* Pisauri olim extante non modo certum pronunciat, sed etiam suam sententiam *mirifice confirmari* ait, *qua S. Terentium Pisaurensem Patronum, quem apocrypha ejusdem martyris acta Pannonum fuisse tradunt, non solum martyrio, sed etiam natione vere Pisaurensem fuisse statuit*: At ex eo amplius Beneventanis argumentum istud favere omnino debet, quod ii non ex unius, vel alterius lapidis fide Januariæ Gentis inter suas extantis monumenta repetant, sed ad octo usque lapides superstitis adhuc numerant, primi vel alterius sæculi ætatem ferentes, qui Januarios præferunt haud mediocris in Beneventana civitate loci viros mulieresque: non heic lapides iitos afferendos censui, ne diutius lectorem morer, cui promptum erit in Thesauro huic volumini adjecto, perlegere: scio eodem omnino argumento Neapolitanos aliquando usos, qui ex vetustis lapidibus suos æque Januarios ostentare conantur: sed paris argumenti non eadem vis, atque ratio, quæ solis inest Beneventanis lapidibus; nam, ut mittam dicere de Neapolitanorum lapidum fide, cum sexcentos pene Januarios ex totius Europæ Urbibus, ac universo pene orbe, antiquorum lapidum testimonio collegerit Falconius (c), ita profecto Neapolis, ut aliarum Urbium, ubi Januarios

[a] Theophilum Beneventanum Episcopum initio quarti sæculi floruisse manifestum est ex Actis Lateranensis Concilii, sub Melchiade Papa celebrati an. 313. ubi is interfuit; de quo Optatus Milevit. advers. Parmen. l. 1.

[b] Tom. VIII. Ital. Sac. edit. Roman. an. 1662.

[c] Cui bono Falconius Januarius omnium, quot-

quot antiqui lapides habent, censum instituire laboraverit, non satis video: An ut S. Januarium Neapolitanum civem fuisse probet? quàm ineptum ejusmodi sit argumentum, superius demonstravimus? An Januariæ familiæ ornameto? quippe quæ olim ubique gentium propagata constitit: at nullum exinde decus, quod sæpe,



nuarios floruisse jam constat, Januarius Civis cenferi posset; non ulli autem earum Urbium id hactenus in mentem venit ut Januarium Civem sibi vindicet, quod si unquam contenderent,

P 2

eodem

sæpe, ut sit, ex propagatione ipsa vilescit, Innumeris Januarii libertinæ conditionis, aut ex plebis sæpe nobis patefactis: An demum, ut in illustrandis, quos omnes exhibet, Januarius lapidibus eruditionem ostendet? Ita scilicet: A Tarraconensi lapide orditur (nam Geographorum more ab Hispania in reliquis Europæ regiones progreditur) quem hic exhibet lib. Geneal. della famiglia di S. Gennaro cap. 13.

Q. AELIO IANVARIO . . .  
P. ROC. HEREDITAT. . . XX  
PROC. CHOSDROE . . . REG  
SYRIAE. COELES. . . YRI  
AD . . . VECT. ILLYRIC. PRAES  
PROV. HISP. CITE  
RIORIS TARK. PRAE  
SIDI PROV. TING. PRAE  
SIDI PROV. MAV. . . . RITA

An autem literæ illæ, quæ ex utroque latere solitariae sunt, quæque cum dictionibus linearum, quibus respondent, coire omnino debent, ut easdem dictiones perficiant, Quadratarum, vel Falconii lusus fuerit, non liquet; certe apud Cruter. pag. 346. num. 1. unde lapis descriptus, nihil ejusmodi occurrit: ipsum tamen Falconium audire præstat. *Benèd non possa congetturarsi, da ch'egli fosse inalzato un tal marmo, se non se da Tarraconesi, nulla però di manco chi non vede dagli orrevolissimi posti, che egli (Q. Elio Januario) dall' Impero Romano ottenne, il gran talento che ebbe per sostenere cariche così vaste, tutte ad un tratto? Abbit, ut Falconio credamus, munera omnia, quæ cuique in veteribus inscriptionibus tribuuntur, uno eodemque tempore administrata: At quid de muneribus ipsis Falconius? E che quella procuratoria delle Redità, non bugatella, o di poco decoro, ma qualche gran cosa (anche perchè prima scritta) dovesse essere: Imo quia primo loco scripta primum ad posteriora munera fuisse gradum satis docent tum aliorum lapidum sexcenta exempla, tum muneris ipsius conditio, quod Falconius magnum quid fuisse suspicatus in eo adhuc laudandus videtur, quod ingenue nescire fateatur, quod quilibet et trivio docere eum potuisset, Procuratores nempe Hereditatum, seu Vicefinae Hereditatum (ut omnino lapis habet illo duplici xx. eidem linearum dictionibus e latere respondentibus) in omnibus Provinciis olim fuisse, unde magnus Fisco reditus proveniebat; quorum præter leg. 1. Cod. De Usur. Rei Jud. & leg. 32. D. De Jur. sic. frequens in antiquis*

lapidibus occurrit mentio: Utinam vero Falconius ipse, qui protritum rem ignorabat, a cæteris difficilioribus explicandis abstinuisset; nisi fortasse leviorum scientiam despiciens, se in maximis tantum veritatum probare voluerit: sic itaque pergit: *Egli fu Cristiano, e visse intorno al DC. della nostra salute: cioè chiaramente si vede, perchè ebbe per Clientolo appo il Romano foglio (come ancora si costumava a' suoi tempi) Cosfaro Re di Persia: fu questi amico, e confederato de' Romani, ma irritato dall' Imp. Maurizio . . .* At quid adhuc moror nugacissimas hæc Falconii nugæ: facile Falconio succum fecisse potuit illud CHOSDROE tertie linearum, atque in eo Regem Persarum sibi videre visus, ita ejus nomine perterrefactus extitit, ut ridicula omnia, atque ineptissima illuc derivare potius, quam Regem Chosroem, quem solum sciret, iratum e lapide eicere voluerit; sed is eiendus erat omnino, qui per summam injuriam lapidem invaserat: Sic igitur in Cruteriana, editione lapidem emendandum censeo, ut pro *Chosfaro*, quod corrupte legitur, non aliud, quam Provincie Romanæ nomen illic scriptum fuerit, quæ *Ostroene* Dioni, *Ostroene* Appiano appellatur, Regio Syriæ, in Mesopotamiæ confinio, quæ inter 40. Præfidiales Imperii Orientalis Provincias recensetur a Panvinio (de Imp. Rom. pag. 300.), in eaque P. Elio Januarius, ut in cæteris, quæ in lapide sequuntur, Provinciis primum Magistratum gessit, itaut neque is circa sexcentimum æræ Chr. annum vixerit, eo scilicet tempore, quo omnes fere Provincie in lapide numeratæ jamdiu a Romano Imperio defecerant, neque Rex Chosroës de Stillicidiis, aut de Fidei-commisso apud Solium Romanum, seu ad Tribunal Prætoris Peregrini agere judicio debebat, ut ipse Elio Januarii Clientus esset, ille verò ipse Procurator deligeretur; neque tandem, ut Falconius ajebat Januarius Christianum dicere liceat.

Falconianæ eruditionis specimen hoc dedisse sufficiat; quam melius mirari subit in ejus lapidis explicatione, quem ad S. Januarium ipsum refert. Sic igitur Falconius lib. 3. cap. 1. *In un marmo di porfido nericante si osserva cavata una bella Croce; di S. Gennaro reliquie furen locate da S. Silvestro: ve le posò egli nella Consecrazione che fece in Napoli della Chiesa di S. Gio. Maggiore: Ivi, dico, su detto marmo antichissimo il nome, e cognome del Santo vi fu scolpito . . . Il nome del Santo, come ancor nelle sue antiche Medaglie si legge, è quel SCS IAN, cioè S. Januarius, a cui col nome di FAUSTO Napoli viene raccomandata: egli è questo appunto:*



De

eodem omnino pacto, quo modo Neapolitani, sibi inaniter blandiri judicarentur: stabit igitur pro solis Beneventanis argumentum, quibus, cum S. Januarium Episcopum nemo denegare auit, ut Civem quoque probare possint, optime favet cum ipsa (ut mox videbimus) Episcopali dignitate juncta simul plura ipsa, quæ diximus pervetustis lapidibus consignata Januariae gentis monumenta; His addam quoque, quod rem omnino conficere videtur, insigne alterum, ac omnium præclarissimum monumentum ex Ecclesiæ Beneventanæ Fatis optima fide depromptum, in quibus ante medium sæculum quartum, cujus plane sæculi initio S. Januarius Episcopus, & Martyr extitit, adhuc S. Januarius alter Episcopus, & Confessor floruit, de quo in Dissert. iv. plura a me dicta invenies: An vero ex Januaria gente Neapolitana, suis omnino neglectis civibus, posteriorem hunc Januarium adhuc sibi Episcopum accersere Beneventani voluerint? Non id certe Neapolitani sibi tribuunt, qui, dummodo priorem sibi vendicent, posteriorem Januarium Beneventanis libenter concedunt: at cum liberales in altero videri volunt, alterum vel nolentes coguntur amittere: Ex hoc enim Januario altero, quem Beneventanum Civem Neapolitani omnino admittunt, quique a priore vix quadraginta annorum spatio remotus fuit, jam tuto affirmari poterit, non solum Januariam Gentem satis illustrem Beneventi extitisse, verum etiam posteriorem hunc Januarium, tum prioris Gentilis sui meritis, tum suis virtutibus satis probatum, ad Episcopale Patriæ munus a suis Civibus electum fuisse.

Sed & argumentum alterum ad probandam Januarii Patriam satis luculentum suppeditare nobis videntur ejus Martyris Acta, quæ aliis omnibus, quæ hæctenus circumferebantur, antiquitate, ac sinceritate præstantia, nuper Bononiæ inventa, nunc primum vulgavit V. G. Alex. Mazochius in calce tom. i. Comment. in Kalend. Neapol.: multa in hisce actis absunt, quæ vel nimis admiranda, vel minus verisimilia in aliis legi consueta, virore doctorum judicio non immerito reprehendebantur, adeo, cæteris neglectis, hæc eadem tandem esse sincera, ac primigenia S. Januarii Acta, antiquitate, breviloquentia, simplicitate, nec non gravitate se mirifice commendantia recte Mazochius pronunciaverit: sed & in hisce actis, de quibus nunc demum in lucem erutis tantopere sibi gratulantur Neapolitani, desiderandum ipsis modo est, quod ex Apocryphis, seu interpolatis aliis, ad S. Januarium sibi civem vindicandum, suppetere posse arbitrabantur (a). At, quod nostra interest, Matrem S. Januarii eadem acta

[qui-

De nomine, seu cognomine *Fausi*, quod S. Januario Falconius ex hoc lapide attribuit, somnia sunt, nam dum monumenta omnia de ea re silent, illud *Fausse* adverbii loco scriptum fuit: quis vero Falconio concedet illud STS IAN. ad S. Januarium referri, & non potius ad S. Johannem, in cujus Aede lapis adhuc aservatur? Unde demum Falconio comperta fuit antiquitas, usque lapidis? Ab ipomet libenter audimus, qui æreæ ejus monumenti Tabulæ sic subscribit: *Au tres fort celebre, au tres fort glorieuse S. Janvier pour avoir fait connoître a l'Auteur Falcon que cette memoire sia de la dedication du Temple de S. Jean avec les reliques de lui, le mesme Auteur cette marque eternelle de connoissance: Cœlitus itaque accepit Falconius lapidis antiquitatem, atque usum; & ne res tanta in profanum vulgus effunderetur, gallico sermone testatum voluit; at præter revelationem Falconio soli factam, majus illud obstruimus miraculum, quo lapis, qui XII. aut ferioris ævi sæculi erat, tam cito senescere potuit, ut quatuordecim sæculorum ætatem modo ferre cogatur, imo & ante ipsam Ecclesiæ S. Johannis Majoris natus statuatur, quæ nonnisi medio sæculo v. i. a Vincentio Episcopo (ut Cl. Mazochius in Præf. Kalend. probat) primum edificata fuit.*

[e] In postrema sectione Actorum S. Januarii, quæ Baronius vulgavit de translatione corporis ejusdem Martyris (quam circa an. 432. sub S. Joanne I. Neapolitano Episcopo consignandam putat Mazochius) hæc habetur. *Postea vero quieto jam tempore (i. e. sub Christianis*

*Principibus pace Ecclesie reddita) venerabiles Episcopi una cum omnibus ex genere beatiss. Martyris Januarii, cum Plebe Dei sancta, cum hymnis, & laudibus corpus ejus tollentes juxta Neapolim transfulerunt: qui autem ex genere beatissimi Martyris memorantur, nonnisi ex Urbe Neapoli, quod sacrum corpus transferendum erat, ad eam translationem celebrandam confluisse contendebant Neapolitani, quasi quod pari modo non item illud verum esse queat, ut Benevento, quod celebrandæ translationis fama ex locorum propinquitate mox pervadere poterat, illuc concedere facile potuerint; eoque vel magis, quo Acta ipsa non unum, sed plures Episcopos fuisse designent, qui eam translationem curassent, adeo ut præter Neapolitanum, Beneventanum quoque, atque alios ejusdem Regionis Antistes, si hinc ad s. fides habenda esset, præsentis sane fuisse verisimile videatur: At cum ex Baronianis Actis utraque pars eam rem ad se traheret, jam Mazochiana Acta, solennem formulam neutri manifeste pronunciant, Nullam eaim illorum hominum, qui ex genere S. Januarii ad eam translationem convenerint, vestigium in hisce actis apparet, quorum verba ita se habent. *Postea vero quieto jam tempore venerabilis Episcopus una cum plebe Dei sancta cum hymnis, & laudibus tollentes juxta Neapolim transfulerunt, & posuerunt in Basilica, ubi nunc requiescit: quæ cum ita sint, videant Neapolitani, ne de aliorum actorum, vel potius de suorum hominum mala fide iuste redargui possint, qui in iis actis ea verba (nullo tamen, ut a me ostensum est, suæ causæ emolumento) ad-**



[quibus illa, quæ a Card. Baronio vulgata fuere, omnino consonant] Beneventi degentem, ibique sancto sine quievisse præclare testantur (a): Ex quo fit, universam S. Januarii familiam Beneventi confedisse: Quid enim? an tunc primum, cum S. Januarius Beneventanum Episcopatum adeptus fuit, eò quoque illius Mater, cum reliquis agnatis commigrasse putanda erit? Nunquid Neapoli Urbe persecutionum experte, vel cum vitæ discrimine, vel non sine gravissimis incommodis aliis Christianam Religionem profiteretur, ~~ut~~ tanta fortasse rei familiaris, qua se sustentaret, premeretur angustia, ut Mater filium Episcopum longe a patris laribus sequeretur? At pudet jam absurda hæc tantum commemorasse, quæ nec sanæ mentis quisque sibi audienda permiserit: Dum igitur certo constat, Beneventanam Urbem Matri S. Januarii domicilium præstitisse, cum eaque reliquam familiam ibidem suos habuisse lares verisimile omnino sit, jam illud sequitur, ut, cum non ullæ aliæ nisi ineptissimæ subsint causæ, domicilium ad solam originem, qua communis Januariæ Gentis Beneventum Patria erat, referendum esse videatur.

Quæ tandem de causâ [quod postremo loco invictissimum omnium mihi argumentum feposui] non suorum civium aliquem, qui in Cleri censum adscriptus esset, constituendum sibi Episcopum curassent Beneventani? Notissima sane est, quæ tum maxime vigeat, Ecclesiæ disciplina, ut in singulis Urbibus, ubi Episcopales sedes constitutæ essent, Episcopus ipse, qui in defuncti locum succederet, nonnisi ex ejusdem Ecclesiæ Clero esset omnino eligendus: Plures vetustissimæ ejusmodi disciplinæ testes habentur Summorum Pontificum, qui ineunte sæculo v. floruerunt, decretales Epistolæ, ut Zosimi, Hilarii, Cælestini I. Leonis Magni (b): sed præstabit ætatem, de qua agimus propius attingere, cum nimirum disciplinam hanc servari magis interesse videretur: Hinc, ut alia exempla præteream, Julius PP. in ea ad Orientales epistola, quam S. Athanasius Apologiæ II. intexuit (c) perspicuè demonstrat, Arianos tum ex aliis, tum præsertim ex eo capite gravissime in Ecclesiæ leges peccasse, quod Georgium, qui nec Alexandrius civis, nec illius Ecclesiæ Clero adscriptus esset in Athanasii locum præfecissent: *Ubi* [inquit] *istiusmodi Ecclesiasticus Canon, aut traditio Apostolica, immittere Georgium peregrinum, & externum hominem, nec Alexandria baptizatum, neque Plebi cognitum, neque postulatum a Presbyteris* (d): Ex quibus Julii verbis non modo illud discimus nefas tum fuisse extra Cleri gremium loci Episcopum aliunde adsciscere, verum etiam disciplinam illam, qua Sacerdos, vel Diaconus propriæ Ecclesiæ præficiendus erat, ex Apostolica traditione promanasse, Ecclesiasticis vero Canonibus fuisse confirmatam: nec profecto secus se habere res debuit; cum enim in Episcopi electione Plebis præsentiam testimoniumque adhiberi oporteret, ut inter alios præclarissime testatur S. Cyprianus (e), quonam pacto peregrini externique hominis virtutes perspectas habere Plebs poterat, ut verum, rectumque de eo testimonium ferre posset, maxime cum Idololatria vigente, persecutionibusque exardescitibus nulla, aut rara admodum inter diversarum Urbium Christianos erant commercia,

quibus,

adjuvenda curarunt: Dixi tantum de actis antiquis, nam fabulas Emanuelis nescio cujus Monachi Basiliani non moror, quas miraculose compertas, sen potius sub eo nomine confictas Falconius jactitat in Proemio, & tot. lib. 3.: ubi ex hujusmodi actis S. Januarii genus, patriam, dissindaque ætatis, virtutumque serie vicam ab nativitate ad Martyrium commentitiis, ridiculisque narrationibus contextit. Græculi alicujus hunc esse factum infimo ævo editum nemo non videt: de quo tamen more suo Falconius ita pronunciat: *L'Auteur di tal legenda, come vili nel fine di essa, fu un tal Emanuele Neapolitano Monaco Basiliano del monastero Gazarese di Napoli appunto nel 500. di Cristo*.

[a] Actorum sect. 7. hæc sunt: *Mater quoque S. Januarii in civitate Beneventana posita vidit in somnis antitriduo, quod Januarius Episcopus in aera ad Cælum volabat: & cum de somno suo excitaretur & interrogaret, quid vellet esse, subito nuntius est ei a quodam, filius Januarius Episcopus pro Dei amore in vincula teneretur; at illa perterrita prostrans se in oratione reddidit spirituum*.

[b] S. Leo epist. 84. cap. 6. inter alia statuit, ut Epi-

scopus: *Omnium Clericorum, atque omnium Civium voluntate discussa, ex Presbyteris ejusdem Ecclesiæ, vel ex Diaconibus optime eligeretur*.

[c] Habes etiam eamdem Julii PP. epistolam ordine tertiam apud Labbeum Coll. Conc. tom. 2. pag. 527. edit. Venet. ann. 1728.

[d] Rem eandem acrius subinde inculcat idem Pontifex hinc verbis: *Si enim in culpa fuisset deprehensus Athanasius, nos tamen oportuit creationem novi Episcopi ita illegaliter, & præter Ecclesiasticum Canonem fieri, sed in ipsa Ecclesia, & ex ipso sacerdotali ordine, & ex ipso Clero Episcopos Provincie constituere, nequaquam autem Apostolorum Canones violare*.

[e] S. Cyprian. lib. 1. epist. 3. edit. Erasmi: *Propter quod diligenter de traditione divina, & apostolica observatione tenendum est. & servandum, quod apud nos quoque. & fere per Provincias universas tenetur, ut ad ordinationes rite celebrandas ad eam Plebem, cui Prepositus ordinatur, Episcopi ejusdem Provincie proximi quique conveniant, & Episcopus deligatur Plebe præsentie, quæ singulorum vitam plenissima novit, & uniuscujusque adum de ejus conversatione perspexit*.

quibus, ut Persecutorum sævitiam effugerent, satius erat domi se continere, adeout sacros conventus in cryptis, cœmeteriis, aliisque abditis locis, clam, ac vix quidem sibimetipsis noti agere consueverent.

At quid, inquis, causæ fuerit, ut contra ejusmodi legem aliquando peccaverint Beneventani, qui medio quinto sæculo S. Tamarum, non Campanum quidem, aut saltem Italum, sed domo Aſum ( qui Vandalica persecutione navigio fatiscienti cum sociis impositus ad Campaniæ oras appellens, Christianis virtutibus, vitæque sanctitate conspicuus esse coepit ) Episcopum sibi elegerunt: quin ego ajo non ea solum ætate, qua Christianorum res maxime florebant, verum etiam prioribus tribus sæculis, tum Beneventi, tum alibi, atque in ipsa etiam Romana Ecclesia ab ea lege aliquando fuisse recessum; cujus tamen rei non una esse causa videbatur; vel quod nemo civium ad pastorale munus subeundum idoneus tum adesset, vel is Episcopus postularetur, qui licet externus homo, diu tamen in eodem loco moratus, ac præterea in Cleri censum adscriptus ceteris digniorem se probasset, vel certe ( ut ferè semper accidit ) miraculo aliquo, visibili veluti forte e Cælo delapsa divinitus probaretur: At nihil hujusmodi in Januarii electione contigisse, in ejus actis omnibus legere est, [ nam de commentitiis Graculi Monachi Basiliani, seu Falconii narrationibus acta res est ] ut proinde nulla appareat causa, cur Beneventani eam legem, quam centum quinquaginta pene annorum spatium in novem S. Januarii successoribus, qui omnes Cives fuere ad S. Tamarum usque, adeo religiose servarunt, in S. Januario ipso contemnendam existimarent. Quid vero opus Beneventani tum haberent, ut extra suæ Ecclesiæ Clerum Episcopum sibi quæsisse debuerint, quasi non inter suos, qui digni essent, reperirentur? Aut quid tandem boni ex Neapolitanis sibi poterant polliceri? Utrumque cum demum probaverimus, confecta tandem res erit.

Ac primum, quod Neapolitanos spectat, ægre postremum hoc argumentum a me tractari fateor, quo eorum gloriæ, quam alioquin multis spectatam nominibus non mirari solum, verum etiam fovere potius, tuerique in animo semper fuit, nonnihil modo detractum videatur: At dum rei ratio postulat, Patriæ, ac veritati erit inserviendum. Quid igitur? an Beneventani Episcopum sibi quæsituri in Neapolitanorum quempiam oculos, mentemque coniecissent? qui fuerit tum Neapolitanæ Ecclesiæ status, atque conditio ex sequioris ævi monumentis ( nam ad ejus ævi exempla adversus Beneventanos provocare video Neapolitanos ) facile intelligemus: quantum enim, dum Idololatria stare, Christianam Religionem averfos fuisse Neapolitanos putabimus, qui, exciso jam Idolorum cultu, adhuc ejusdem fuere tenacissimi? Certe quarto labente sæculo non alio, quam Religiosæ Urbis nomine Neapolim commendavit Symmachus, atque eo sane nomine, quod perperam ad Christianæ Fidei cultum, vel aliam quampiam causam plerique interpretari conati sunt, nonnisi veteri Ethnicorum Religione, præ aliis Urbibus Neapolim solum excellere notavit Symmachus Christianæ Fidei infensissimus hostis (a): quale igitur fuerit Beneventanorum consilium petere sibi Episcopum ex ea Urbe, quæ adeo gravi laborabat infamia, quam omnino id augebat, quod toto trium sæculorum intervallo,

[a] Symmachi verba ex lib. 8. epist. 28. hæc sunt: *Quam primum Neapolim, petita Civium suorum visere studeo: Illic honori Urbis Religiosæ biduum deputabo: Peregrinus in Camp. Felic. Dissert. 4. prior hunc Symmachi locum observavit, atque ex illius enixissimo in Idololatriam studio, implacabili vero in Christianos odio, Neapolim Ethnicæ Religionis tum additissimam eo Epitheto denotari ratus, nodum hunc literatis Neapolitanis solvendum reliquit: An vero post Peregrinum solutus unquam fuerit, audire præstat nuperum Hist. Civil. Neap. Scriptorem Peregrino consentientem to. 1. pag. 621. Tra le città Greche di queste nostre Regioni Napoli certamente fu la più superstiziosa, e la più attaccata agli errori degli Etnici. . . . Per la gran superstizione de' Napoletani, e per la somma lor venerazione a' Patrj Numi, eziandio dopochè Costantino diede pace alla Chiesa si pensò gran tempo innanzi che il falso culto potesse abolirsi. . . . ac postquam rem ipsam laudato Symmachi loco confirmasset, hæc subdit: Ciascuno sà, che Simmaco fu fiero, ed avaro nemico de' Cristiani: onde chiamando Napoli Città religiosa non poteva a parso veruno intendere*

*re della Cristiana Religione, ma solamente rovinando d' ogni parte il Gentilismo riputò egli Napoli cospicua, e Religiosa per quella falsa Religione, che da lui costantemente si professava. . . . Camillo Pellegrino lascio a' Letterati Napoletani la cura di sciogliere il nodo, che questo passo di Simmaco gli metteva fra le mani: Il nostro accuratissimo Chioccarelli s' impegnò di superarlo, volendo, che Simmaco intendesse della Religione Cristiana. . . . Un Erate Carmelitano Scalzo ( P. Hieronymus a S. Anna Vit. S. Januarii ) a' nostri tempi ha voluto anche egli prendersi questa briga, ma non erano di ciò le sue penne. . . . ma niun nodo vi sarà, quando si voglia per mente allo stato di allora di questa Città, ed a queste nostre Regioni, dove non si finì di abbattere l' Idolatria fino a' tempi di Arcadio, ed Onorio: Post horum celebrium Scriptorum sententiam rem recoquere voluit P. Troylus in tom. 4. part. 1. pag. 169. Hist. Neap. distamque Epitheton ad Neapolitanorum comitatem, hospitalitatemque referendum arbitratus fuit: An vero huic quadret, quod de Religioso altero Auctor Hist. Civ. pronuntiavit, alii judicent.*



10. cum tot persecutiones in Christianos exarissent, nullus Neapolitanorum inventus fuerit, qui Christianæ Fidei veritatem proprio sanguine, vel leviori aliquo supplicio confirmarit.

An vero deteriores Beneventani? vel saltem par fuerit eorum causa? Vicem certe Beneventanis Neapolitani rependunt, quod seriùs, quam alibi Idololatriæ radices Beneventi evulsæ fuerint, eamque laudem etiamnum Beneventana Ecclesiæ canat S. Barbato Episcopo, qui septimo declinante sæculo eam administravit; sed de hac re mox videbimus: Illud interim observasse præstat, præcipuum, ac prope singulare Beneventanæ Ecclesiæ fuisse decus, quod in sui Cleri censu Viros Sanctitate illustres perpetua quadam successione enumeraverit: non hùc solos referam Episcopos, qui pene omnes sanctimonia præclari a S. Januario ad S. Tammarum ex eodem Clero ad Episcopale munus assumpti Ecclesiam ipsam, ac Patriam summo opere illustrarunt; supererant enim in ipsa Ecclesiâ, quos eodem munere satis dignos, acceptus rite sanctitatis honos etiam nunc manifeste declarat: ac ne longius quam par est, extraque Romanæ ætatis fines progrediamur, mitto heic Beneventanos illos Cives sanctitate illustres, quos sexto sæculo ac deinde Beneventana Ecclesiâ recenset, de quibus consulendus noster Vipera (a): Vix etiam moror vel S. Paulum Beneventanæ Ecclesiæ Diaconum, vel S. Benignum ejusdem Archidiaconum præclarissimæ quinti sæculi lumina (b): sed ad quartum sæculum, imo ad illius tandem initia rem deducere maxime juvabit, unde & illustriorem, uberioremque segetem, solidioremque nostro argumento vim facile colligere promptum erit: Felicem, fecundissimamque Martyrum Matrem Beneventanam Ecclesiam tum fuisse constat: Eadem Diocletiani persecutione, qua S. Januarius coronatus fuit, duodecim Beneventanos Cives, ex eisque quinque sacris initiatis martyrio fuisse decoratos, ipsorum Neapolitanorum fide testatum habemus (c); His adjungendus est S. Stephanus, & ipse in eadem Persecutione Martyr (d): qui tamen si omnes deficerent, nonne Beneventanæ Ecclesiæ, præclarissimos S. Januarii socios, *Festum* inquam Diaconum, & *Desiderium* Lectorem ostendisse sufficiet? Hos tum suo gremio fovebat Beneventana Ecclesiâ sacrorum ministros, quorum virtus adeo excellebat, ut illos pastoralis munere dignissimos vel ex hoc uno abunde probaret, quod martyrio demum coronari digna fuerit.

Atque ex his quidem brevi licet sermone conclusis, satis habet æquus lector, ut quam justa sit Beneventanorum causa, facile judicet. Utinam vero recentiores ipsi Neapolitani non præjudicatis opinionibus, sed potius veritati, imo & Majorum suorum judicio aliquando famulandum sibi esse censerent: non omnia hi viderant momenta hæc, quæ protulimus, adhuc tamen talia sibi suppetere probe noverant, ut Beneventanis non solum hoc decus invidendum esse haud putarent, verum etiam assererent, atque ultrò deferrent: Hinc factum fuit, ut in tot tantisque publicis monumentis, quibus S. Januarii memoriam, laudes, beneficia celebrare ante superioris sæculi ætatem tantopere curarunt, nusquam civem suum (quod omnino promptum erat, imo gratum, atque apprime honorificum) commemorarint: Certè in vetustis Neapolitanorum Nummis quibus solenne fuit, S. Januarii Episcopi effigiem perpetuò insculpere, nihil tale in eorum inscriptionibus legisse est, quod illorum Civem fuisse ostendat: Apostolum potius Januarius legas in eorum uno, cui hæc græca epigraphes est: ΑΓΓΕΛΟΝ. ΙΑΝΟΥΑΡΙΟΝ (e): Sed neque (quod adhuc observandum mihi duxi) posteaquam Neapolitanos æmulatio tenere coepit Januarius sibi Civem jactandi, eorum studium fovisse voluit V. C. Mazochius

[a] In Catalogo SS. Beneventanorum, quem edidit Neapoli an. 1635.

[b] De S. Paulo Beneventanæ Ecclesiæ Diacono, qui S. Æmilii Episcopi sui comes in legatione Innocentii PP. I. ad Arcadium Imp. ob causam S. Jo. Chrysostomi, locupletes testes sunt Palladius, & Theodorus in Dialogo de vita Chrysostomi, ubi sanctitatem illius extolles illud etiam singulare de eo referunt, quod in eo itinere S. Paulus Apollolus ei apprensus ita allocutus sit. *Videte, ut caute ambuletis, dies enim mali sunt*: Videndus etiam de nostro Paulo Card. Baron. ad cap. de S. vero Benigno Beneventanæ Ecclesiæ Archidiacono, qui ad extremum ejusdem sæculi floruit, quod simul cum S. Sophio Episcopo suo, Odoacre Rege Ariano in catholicos furente, Martyrium constanter subierit, præter Martyrologium Anglicum servatum in Anglie. Collegio de Urbe, testatur antiquissimus codex Archivi S. Sophiæ Beneventi in Bibliotheca Vaticana asservatus.

[c] Auctor Hist. S. Januarii l. 4. c. v. pag. 365. & Remondini in Hist. Nolana . . . .

[d] De S. Stephano Martyre Beneventano agit Episcopus Cabilonen. in Topographia SS. Martyrum V. B. & noster Chronologus Falco, qui ad an. 1119. ejus corporis simul cum aliis SS. Civium corporibus, quorum locus memoria exciderat, summa Urbis læritia inventum refert.

[e] Cur in eo nummo S. Januarius Martyrem titulo *Apostoli* donare voluerint Neapolitæ divinare nondum potuisse fatetur V. C. Muratorius *Antiq. Med. Ævi Dissert. xxv. 1. De Moneta, seu Jure condendi nummos*, ubi vetustos Neapolitarum nummos exhibet pag. 621. At facile (ni fallor) rei causa patet, si ex ejusdem nummis, aliisque monumentis eximium Neapolitarum erga S. Januarius cultum arguamus, quo factum fuit, ut ea Civitas Martyris præsentia, qui in ejus Lypianis aderat, in Christianæ pietatis officiis religiosius contineri didicisset;

chius Neapolitanæ Ecclesiæ, Neapolitanique Lycei principale sidus: quid enim? Haud ipse quidem in *Commentar. ad Kalend.*, neque in *Dissertatione De Neapolitana Ecclesia semper unica*, cum utrobique de S. Januario pluribus, ac pene ex instituto agat, Neapolitanum Civem unquam appellat: Quod de summo Viro haud mirum, qui (ut de se fatetur in *Canonicorum Neapolitanorum origine pertractanda*) *veritati uni litare semper animum inducens suum*, de Martyris Patria optimo consilio tacere satis habuit: quo tamen silentio populares suos de falsa, commentitiisque monumentis nuper quæsitæ laude monuisse, Beneventanorum verò possessionem ratam habuisse visus est; vel saltem utrorumque gratiam, re intacta, tenuisse maluit: Sed non solo ipsorum omnis ævi Neapolitanorum silentio (quod magni habendum fuit) Beneventanorum caula juvatur: Adfunt etiam Neapolitanorum testimonia, qui demum Beneventum S. Januarii Patriam olim affirmarunt (a): Quod si ex Martyris corpore, & sanguine, quæ Neapoli asservantur, in Neapolitanorum mentem modo venerit, ut Civem quoque suum esse credant, caveant ne in Beneventanorum mentem illud veniat, ut Neapolitanis objiciant, *Divino admonitu* (b) opus omnino fuisse, ut consummato Martyrio sacra Lypfana sibi præriperent: Quid enim? Cum Martyrii locus prope Neapolim fuerit, adeo Christianum sanguinem erubuisse, recentisque gloriæ, quæ nusquam eis antea contigerat, ignavi æstimatores Neapolitani fuissent, ut de gloriosissimi Civis sepeliendo corpore divinitus admonendi essent? an etiam, si modo Civis ille fuisset, mox post Martyrium in Marciani pago, subinde extra Neapolis moenia tumulandum curassent? Observantiores certe Beneventani, qui quum sæc. ix. sub Principis Siconis auspiciis Neapolitanos armis sibi subdere molirentur, maximæ Victoriæ laudi duxere, ut illos sibi tributarios effecisse contenti, solum S. Januarii corpus (satis opima spolia) domum reportarent: Aportatum illud quidem Neapolim rursus; at dum solis Beneventanis S. Januarius Civem jure habere sinant, habeant modo Neapolitani pretiosissimum Thesaurum, quem non sibi solis habent; quandoquidem non unius Neapolis, aut Beneventi, sed universi Regni tutelæ, totius Ecclesiæ decori, ac Fidei Christianæ gloriæ servari videatur.

Sed ut tandem institutum iter, a quo paululum, neque abs re omnino divertendum fuit, repetamus, longe ante quarti sæculi initium Christi Fidem Beneventi susceptam satis ex eo probatum jam credimus, quod quamplurimi ejus Urbis Cives, quos inter S. Januarius Episcopus fuisse jam liquet, Christianam Religionem eo tempore profiterentur, imo tanta fidei constantia, cæterisque Christianis virtutibus imbuti essent, ut pro Fide eadem sanguinem, atque vitam profunderere non dubitarent.

At damnato jam Idolorum cultu, cum Principum auctoritate Christianæ Religioni pax, honoreque haberi cœpisset, quam bene, & feliciter Christianorum res Beneventi deinceps se habuerint, superius non obscure demonstravimus; summam enim sollicitudinem, quam propria virtute, suoque munere satis serventem publica tum quoque fovebat auctoritas, eos Episcopos habuisse haud erit dubitandum, qui quarto sæculo sanctitatis laude etiam illustres Beneventanam rexere Ecclesiam, ut ingentem illorum civium numerum, quos avitæ Religioni deditos, Ethnicorumque, quos cum lacte imbibissent, erroribus adhuc detentos reperissent, ad Christi fidem sectandam perducerent; Præclarum certe hujus rei testimonium vel invitum pro Beneventanis ille ipse Symmachus tulit, a quo paulo ante Neapolitanos ob falsam Religionem celebratos audivimus: Præstat Viri Cl. (qui ann. 384. Præfecti Urbi munere fungebantur) proferre verba, quæ ex ejus Epistolarum auctario epist. vi. ad Patrem ita se habent: *Primo Neapolim, dehinc brevi intervallo Beneventum me recepi: ibi summo cultu omnium plausque susceptus, tanto honore celebrabar, ut jam graverer officiis. . . . Et Urbs cum maxima sit, singuli ejus optimates visi sunt mihi Urbe majores, amantes sui, literarum, morumque mirabiles: DEUM MAGNA PARS VENERATUR. Privatam pecuniam pro civitatis ornatu certatim fatigant, nam postquam terra movetur, nihil pene illis reliqui factum est, sed fracta opes infractos animos reperiunt: per se quisque operam*

cisset; præsentemque ejus opem a Vesuvii incendiis protulisset, unde & Apostolus ipse dici meruerit: An etiam vivens Januarius vicinus Neapolitanos, gentem utique superstitionis (ut vidimus) tenacissimam prædicatione illustravit? Sed utrum malis, dum *Apostolus* tantum a Neapolitis antiquis dicitur Januarius, non ibi natum, sed eò missum semper judicaveris.

[a] Fr. Bernardinus Siculus, qui floruit an. 1496. in Carmine, quod de translatione Corporis S. Januarii e Monasterio Montis Virginis Neapolim, vernacula

lingua lucubravit. Paulus Regius Episcopus Vici Equensis in vita S. Januarii edit. Neap. an. 1592. David. Romæ De Septem Divis Custodibus Urbis Neapolis edit. Neapolit. 1771. Fr. Ægidius Scaglione Regii cœvus &c.

[b] Breviarium Romanum, Acta Baroniana, & Jo. Diaconus; quanquam de hoc divino admonitu Acta Mazochiana sileant, nec nisi ex conjectura illud deducere conetur Mazochius, quod non inviti ei concedimus.



## DISSERTATIO TERTIA. 121

*speram boni civis affectas, nox diei jungitur ad laborem: unde nobis summa cura fuit abire citius, quam volebam, ne aut mihi diu dediti ab opere desiderant, aut eos occupatio geminata distenderet:* Pares certe gratias, ac fortasse majores pro officiis erga se impensis hoc multiplici, præclarissimoque encomio, quod posteritati commendavit, Beneventanis reddidit Symmachus; nunc quod attinet, *magnam illorum partem Deum venerari* is affirmat; quibus verbis, (secus ac de Neapolitanis, quorum Urbem *Religiosam* alibi appellabat) nonnisi de Beneventanorum Christiana fide loquutus censei debet: ac primum si quis ea verba ad falsam Religionem detorquenda velit, haud sane multum Beneventanis detrahet, quorum quum magna pars (ut soli fortasse Symmacho videbatur) Ethnicorum errores adhuc sequeretur; qui reliqui erant, haud certe Athei tum fuisse censendi sunt, sed omnino Christianæ Religioni addicti, quos pro suo veteri in eam odio satis habuit Symmachus silentio præterisse: Atque hæc quidem præmittere malui, ut quoquo modo ostenderem haud frustra Symmachum mihi testem advocasse: Ceterum non ita se res habet; aliterque ea verba accipienda sunt, quibus non alia, quam unius Dei, quem Christiani colebant, Religio fuit indicata: Fateor, nullum Christi expressum certumque vocabulum ex Symmachi calamo eo loco excidisse, sed tamen neque Deos commemorat, quos, si unquam Beneventani pro magna parte Idololatrarum tum fuissent, Idololatrarum vindici, ac patrono promptum omnino jucundissimumque fuerit, familiari Ethnicorum vocabulo, multitudinis videlicet numero usurpasse: Dei igitur singulari nomine, quem Beneventanorum magna pars venerabatur, ipsam Christianam Religionem significabat Symmachus, sed non propalam omnino manifesteque indicare volebat; ut exinde incertum sit, an hominis ingenium miremur, quod adeo doctam calliditatem adhibuisset, vel animum potius indignemur suis erroribus adeo pertinaciter indulgentem: testanda utique inter cæteras Beneventanorum egregias dotes res isthæc ipsi erat, sed tamen, quod invite præstabat, subobscurum quodam, ancipitique sermone exequi studuit: cujus etiam mira brevitate usus, in cæteris rebus alioqui erga Beneventanos effusus a sola Religione commendanda, quæ virtutum omnium, atque laudum caput esse debebat, uno, aut altero verbo, ne eam probare videretur, se expedit.

Cum vero in alterutram partem Symmachi verba referri possint, jam si magna (inquis) Beneventanorum pars Christianam fidem profiteretur, erant itaque pro minori licet parte qui sub quarti sæculi exitum adhuc Idololatriam sectabantur; hoc enim eodem argumento ipse usus initio fui, ut, si cui suspicari, aut etiam opinari libuisset, de falso numine Symmachum eo loco loquutum, reliquam saltem Beneventanorum partem demonstratam haberem, quæ Christianorum esse debuisset; Ex alterutra parte, alterutrum quoque necessario consequi fateor; at dum mihi magnam illam Beneventanorum partem Symmacho memoratam, in veri Dei (quod & verisimilius, & gloriosius videri debet) veneratione constituisse concedatur, haud certe grave illud erit, quod ea ætate, quæ Idololatria vires suas nondum omnes amiserat, neque solum in Italiæ Urbibus, sed etiam in ipsa Roma manerent adhuc & Delubra Deorum, & sacrorum Ministri, ipseque Symmachus pro restituendo publico Deorum cultu adeo enixè laboraret, Beneventi etiam superessent, qui nondum ab ejusmodi errore discesserint.

Turbare magis nos debet, quod diutius, quam fortasse alibi, is error Beneventi retentus septimo sæculo ita gliscere coeperit, ut magnam loco infamiam creasse visus sit: Ad aureum Viperæ simulacrum, loci veluti Tutelam, thus adoleri consuebat; ingenisque arbos, in agro prope Urbem confita, vetusta Religione sacra habebatur, cui, veluti numini, vota perfolvi, sacrilegosque exhiberi ludos solenne erat: Utramque tamen pestiferam labem, ut modo dixi, S. Barbatus nondum Episcopus crebris sermonibus, quos plurima a Deo signa confirmabant, delevit omnino, itaut superstitiones omnes, quæ veteris Idololatrarum germina supererant, tum demum Beneventi esse desierint; At si veram ejus rei causam animadvertamus, vix erit, quod Beneventanis jure queat exprobari: Distinguenda enim omnino erit a Beneventanis indigenis pars illa novorum civium, Langobardorum nempe soboles, quæ paulo ante septimum ipsum sæculum, firmato ejus Gentis Ducatu, Beneventi confederat: quid autem mali tum in aliis, tum in Religionis rebus in eam Urbem non invexissent Langobardi, qui patrio solo paulo ante egressi, nondum ingenium ad humanitatem, neque ad veram Religionem animum componere fati didicerant: Certe in vetustis S. Barbatæ Actis, quo ex fonte res tota ad posterorum memoriam manavit, nihil est, quod Beneventanorum vitio veretur, sed Langobardorum dumtaxat, qui Beneventi manebant, sit mentio, quorum etiam Duci privata quædam aurei Viperæ simulacri veneratio tribui videtur, propterea quod non publico illam loco, aut Æde coli, sed ab ipsis Ducibus in Larario servatam Acta ipsa non semel commemorant: Ac de ejusmodi Viperæ Reli-

gione, ejusque origine superius, quum de Geniis differerem, dixisse me memini: Ad superstitionem Arbores quod attinet, patriam Longobardorum Religionem in ejus cultu facile licebit agnoscere: Constat enim natale Longobardis solum Germaniam ejusmodi religione maxime insignem fuisse: Hanc universis Germanis peculiarem attribuit Tacitus, cum de eorum moribus scribens: *Ceterum (inquit) nec cohibere parietibus Deos, neque in ullam Humani oris speciem assimilare ex magnitudine celestium arbitrantur: Lucos, ac nemora consecrant, Deorumque nominibus appellant secerum illud, quod sola reverentia vident*: Hanc quoque ejus Gentis Religionem tangit, contemnitque Claudianus de Laud. Stilic. lib. i.

*Ut procul Hercynia per vasta silentia sylva*

*Venari tuto liceat, lucosque vetusta*

*Religione truces, & robora numinis instar*

*Barbarici, nostra feriant impune secures.*

ubi quænam fuerint robora numinis instar docebit Celtarum exemplum, qui, ut Tyrius Maximus refert, excelsam quercum colebant, & Jovis nomine solenniter appellabant (a): At quid moror? Patriis licet sedibus longe abscefferint Longobardi, patriam tamen Religionem hæsisse diu eorum animis præclare liquet ex Luitprandi Langobardorum in Italia Regis lege, quam ad coercendam suæ gentis insaniam, quam adhuc servabant Religionem, in hæc verba tulit: *qui ad arborem, quam rustici Sanctivum vocant, adoraverit, vel incantationes fecerit, componat medietatem pretii sui in sacro Palatio*: qua ex lege, quibusque aliis illustrioribus sequioris ætatis monumentis anteferenda, quantum per Langobardica sæcula error ille obtineret, exploratissimum omnino fit; ut proinde nonnisi per summam injuriam ea de re Beneventani insimulandi videantur, quam solis Langobardis non Beneventi solum, sed per universam Italiam manentibus familiarem fuisse probavimus; At ne de Langobardis suis diu Benevento querendum fuit, nam quos barbaris adhuc moribus imbutos, superstitionumque studiosos acceperat, mox unius Sanctissimi Beneventani civis Barbati opera ad optimam frugem institutos aspexit, itaut, quæ Urbs sub ejus Gentis Principatu (cujus inter virtutes alias Pietas deinceps, ac Religio perpetuæ comites, atque administræ fuerunt) ad summum gloriæ, dominationisque fastigium pervenit, Langobardis aliquando paruisse etiam nunc lætari possit.

DISSER.

[a] Arbores supersticioso ritu vittis redimere adhuc sub sæculi iv. exitum, qui supererant Ethnici, pro more habuisse discimus ex leg. xii. Cod. Theod. de Pagan. lata an. 392. ubi inter alia Imppp. Theod. Arcad. & Honor. hæc habent: *Si quis vero mortali opere facta, &*

*ærum passura simulacra imposito thure venerabitur, ac ridiculo exemplo metuens, subitoque ipse vel redimita vittis arbore, vel erecta effusis ara Cespitibus vanas imagines honorare tentaverit, is utpote violatæ Religionis Reus ea domo, seu possessione multabitur.*





## DISSERTATIO IV.

De Veteribus Magistratibus  
Urbis Beneventanæ.

N bene, ritèque constituta Republica, qualem omnino Coloniarum Romanarum fuisse constat, quæ (ut ait Gellius 16. 13.) Principis Reipublicæ quasi effigies parvæ, simulacraque esse quædam videbantur, non solum leges, sed legum etiam curatores fuisse oportebat: Atque, quum eæ partim ad Religionem, partim vero ad Politiam pertinerent, priorum cura Sacerdotibus, posteriorum Magistratibus mandari consuevit: Hinc post res Sacras Veterum Beneventanorum, de quibus superioribus Dissertationibus uberrimè egi, ut ad eorundem Civiles Magistratus gradum faciam, & rerum ordo, & instituti ratio jam postu-

lat: quanta autem in hac res olim fuerit Beneventanæ Urbis dignitas, atque splendor, vetusta, quæ nobis sunt reliqua, tum numero, tum pretio præclarissima monumenta declarant: Sed adhuc res ipsa novum, ac planè singulare decus sibi quæsisse visâ est, quum, C. Cæsare Augusto sub *Prætoris* nomine Magistratum aliquando Beneventi obeunte, summus Urbi, ejusque Magistratibus honos accesserit. Id planè certum fide veteris nummi statuisse jam licebit, cujus auctoritatem quibuscunque aliis monumentis, aut Scriptorum testimoniis anteferendam disitebitur nemo, neque alium etiam opportuniorem locum fuisse censebit, quàm ut heic pro re nata, de ejusmodi Nummo sermonem instituerem: Ad propositam enim materiam omnino pertinet; ad ejus etiam augendam dignitatè maxime intererit, si de Beneventanis Magistratibus verba facturus, ab eis, honoris speciei, capessendis Augustum non abhorruisse in ipso exordio probaverim.

Nummus itaque æreus est in hanc omnino formam, quam ab optimis exemplaribus ab aliis hæcenus editis exceptam, iterum, ut vides, ære exprimendam curavi:



Eum prior, quod sciam, vulgavit P. Har duinus ex Thesauro Nummario D. Foucavlt; simillimus alter spectabatur olim in Thesauro Farnesiano, nisi ipsum eundem (ut vir doctus me monuit) esse malis, qui ex Cimelio *Foucavlt* inter cæteras eruditi illius viri divitias industria multa, atque auro non minori comparatas Farnesiano accessit. Ejus Eclypon habetur in Thesauro Morelliano tom. 1. in familia Vipsania lit. B, ipsumque præterea exhibet Geshnerus in Imper. Roman. Tab. xxix. num 14. in Augusto.

Ac quum in egregio singularique monumento versetur, cujus (ut in aliis id genus magnum aliquid, ac inusitatum præferentibus evenire solet) fides ab eruditis in suspicionem vocari possit, sintque fortasse momenta aliqua, quæ alioqui levia, ab intemperantioris tamen critices ingenii pro gravissimis habeantur, id mihi primum enitendum erit, ut ab eodem Nummo omnem falsitatis, suppositionisque opinionem submoveam, veram deinde illius explicationem producturus.

Non itaque de suppositio Nummo, sive recentioris opera lusuque confiato, vel leviter suspicari sinit eorundem, quos modo memoravi, gravissimorum Scriptorum auctoritas, ac perspicacia, qui nummarie rei, quam ex instituto egregiè pertractarunt, peritissimi, optimam illius fidem probe agnoscetes, in suos Thesauros retulerunt: neque turbare debet generalis illa, quæ Vaillantii animo quodammodo infedit, ejus passim scriptis confirmata sententia, quod nempe Imperatorum Nummos in Italiæ Colonis signatos vix, ac ne vix quidem reperiri con-

ingat, propterea quod nullum ejusmodi Coloniis monetæ eudendæ jus fuerit: Falsum enim in hac statuenda sententia Vaillantium ex ipsomet Vaillantio facile demonstrare possum, apud quem earundem Coloniæ Nummos haud semel reperies, quos, aut dissimulavit, aut, ne suæ obessent sententiæ, perperam explicavit; Placet tamen ex iis, quæ a doctissimo Spanhemio observata fuere in *De Præst. Numism. Dissert. 6. pag. 554.* rem hanc conficere: Et sanè licet jus eudendæ monetæ inter Principatus præcipuè jura ab illius exordio vindicatum fuisset, constat tamen primum, nunquam eodem, quod antea obtinebat, jure Senatûm spoliatum fuisse, cujus rei manifesto argumento sunt innumera illa ex ære Numismata, cum perpetuis, ac solennibus siglis illis S. C.; Quod autem Coloniæ Urbesque alias Rom. Imperio subjectas spectat, jus idem iis servatum æquè probant tot Nummi ejusmodi, & Coloniæ adhuc superstitibus cum Cæsaris, quorum ætate percussis, effigie: quibus addi possunt alii, Duumviros iisdem Coloniis deducendis delectos exhibentes, quos in ipsis Coloniis cufos fuisse omnino dicendum est: At quoniam in plerisque Coloniæ Nummis Inscriptionem illam legi solere notat Spanhemius, qua Augustorum indulgentiæ, ac permiffi jus monetæ eudendæ acceptum referebatur, ut in Nummo Patrensis Coloniæ: *Indulgentia Augusti moneta impetrata*, & in alio Coloniæ Romulensis: *Perm. D. Aug. Col. Rom.* & demum (ut ceteros præteream) in alio: *Munic. Ital. Perm. D. Aug. i. e. Munic. Ital. Permissu D. Aug.*, jam ex more hoc illud dumtaxat consequetur, antiquum eudendæ monetæ jus penes Coloniæ, firmato jam Principatu, non fuisse semper integrum, sed ex ipsorum Principum Indulgentia, ac Permissu eo utendi jure ad certum tempus, proque certa causa factam Coloniis potestatem: Quid igitur vetat, saltem certum illud ex nostro Nummo opinari, hanc etiam, quam aliis passim Coloniis concessam constat, Indulgentiam Beneventanæ Coloniæ ab Augusto factam, quam is adeo sui studiosam ingentibus aliis honoribus auxerat: Neque enim ex vindicata ejus Nummi fide eò rem deducere mihi mens est, ut passim, ac pro libito Nummos eudere Beneventanæ Coloniæ licuisset, quasi communia, ac cum ipsis Principibus æqua majestatis jura affectare consuerit, sed nihil tam verum hodie nunc videri potest, quam facile olim esse debuit, ex Honorario Magistratu, quem in Beneventana Colonia gesserat Augustus, curasse Beneventanos, ut quam rem inscriptis lapidibus, aliisque publicis monumentis deprædicare omnino poterant, eandem quoque percussis ex ipsius Augusti Indulgentia Numismatibus adhuc celebrare fategerint, quò facilius apud præsentis, posterisque ejus rei, quam sibi, ut par erat, singulari honori ducebant, perpetuum servare possent monumentum: Atque hæc quidem de optima Nummi fide.

Ad ejus modo interpretationem quod attinet, præstabit jam aliorum sententias antea recensere; siquidem a duobus Viris Clarissimis, Sigeberto scilicet Havercampo, ac Joanne Harduino Nummum explicatum inveni: ac quum prior nihil omnino de Benevento cogitasset, posterioris perspicaciæ debemus, ut verisimiliori interpretatione Nummum ipsum Beneventanæ Coloniæ vindicatus haberetur; cujus certe sententia eò magis verum attigisse probabitur, quo falsa planè, ac prorsus inepta alterius explicatio ostendetur: Havercampus igitur tom. II. Thesauri Morelliani pag. 452. postquam ejus Nummi Epigraphas in hunc modum, explicasset: *IMperator Cæsar Benigno Præfecto: Caput Cæsaris Augusti nudum: Hiberio Præfecto: Tropæum*: hæc statim adjecit: *Nulla est, unde dignosci queat, ubi locorum æreus hic Nummus cufus sit: Credo tamen in Hispania cufum fuisse propter duas causas: quod inveniam Præfecti titulum in Nummis in Hispania cufis, quodque Victoria, & Tropæum Augusti de Cantabris, & Asturibus debellaris in Nummo exprimi videantur*: At quovis pignore contenderem haud magis motum Havercampus, ut Nummum Hispanicum suspicaretur, quòd in ejus Provinciæ Nummis Præfecti occurrere soleant, quam quòd *Hiberi* nomen in postica illius parte inscriptum legerit; nam si de Præfecti titulo agatur, non in Nummis tantum Hispanicis, sed aliarum quoque Provinciarum, præsertim vero Græcarum Urbium, Coloniæque passim, obvium illum fuisse recte nosse debuit Havercampus: ex *Hiberi* autem nomine seu cognomine, quod, dempta aspiratione, Iberiæ potius, quam alterius Regionis conjecturam suppeditare videtur, haud minus ineptum erit Nummum in Hispania cufum opinari; nam si in illo: *Hiberio Præfecto*, quod in postica Nummi parte est, non utique loci (quod esset absurdus) expressa Præfectura, sed personæ nomen, quæ eo munere fungeretur, indicatum dici debet, jam nulla erit, vel levis causa, cur a privatorum nominibus, aut cognominibus, quæ postrema arbitraria plerumque erant, ad locorum statuendas conjecturas argumentum trahi possit: Tam igitur ad Hispaniam Hiberus Præfectus, qui in nostro Nummo memoratur pertinere debet, quam ridiculum videretur aliquam cum Hispania causam, rationemque habuisse *Hiberum* illum, qui solo hoc nomine Romanus



manus Consul cum Julio Sylano Sifentia signatur in Fastis ad an. 113. (a) Sed levia isthæc: Absurdum omnino illud quod Havercampo excidit, ut in utraque Nummi parte duos Præfectos seorsim statueret: Sat enim fuerat unum suo loco manifestum novisse, Hiberum scilicet, cui si alter unquam in eo munere adfuisse Collega, communem etiam inscriptionis locum, ut munus, habuisset. Nullibi enim in Nummis quod sciam ex una parte unum, ex altera item alterum Præfectum, inscriptos extare ostendi potest; quæ autem ratio fuerit, ut qui in antica Nummi parte *Benignus* Præfectus sit, cum Imperatore Cæsare ita copuletur, ut nihil ab eo diversum in Epigraphe intelligi sinat: At undenam huius *Benigni* nomen, quod in universa antiquitate vix unquam occurret, in Havercampi mentem venisse potuit; quis tandem probabit, ut in illo BEN-BENIGNUS contineri possit, contra omnis antiquitatis morem, cui nihil solenne magis, quam nomina propria, præsertim quibus nullum prænomen, aut cognomen adderetur, per sua vocabula integrè expressa tum in lapidibus, tum in Nummis inscribere. Sed jam tædet pluribus Viri docti hallucinationem demonstrare cui libenter pepercissem, nisi ex falsa atque inepta Havercampi interpretatione, congruentiorem, imo vetiorem Harduini interpretatione probari posse animadverterem.

Hæc itaque sunt Harduini (b): *Cusum in Sicilia certe nullum quoque nummum reperies impresso Imperatoris alicujus nomine: Verum id ex alia causa factum esse non ignoras, quoniam Sicilia videlicet æque ac Italia non Provincia Augustorum esset, sed Senatus Populique Romani. Itaque nullo unquam ævo nummis suis Italia, Siciliae Cæsarium vultum vel nomen insculpsit, uno fortassis Augusti excepto, qui æreus est mole mediocri à Cimelio D. Foucault, inscribiturque IMP CAES. . . . BEN. PRAE. capite nudo, ut nunc quidem interpretor: Imp. Caesar Augustus Colonia Beneventana Praefes, vel forte Praetor: in avertina pagina: HIBERO PRAEF. Hiberno Praefecto.*

Nolim tamen, ut audito Harduini Interpretis nomine, præposterum de interpretatione ipsa ab eruditissimis aliquot feratur iudicium. [c] idque fortasse Beneventanis officiat, quod ita eum nummum explicaverit Harduinus: sed nullum veritati detrimentum præjudicatæ fortasse aliquorum opiniones asferre debent; Sano enim æquissimoque iudicio [ut mihi modo conjectare licet] usus est Harduinus, ut suam de eo nummo sententiam ferret, quam, cum multa sint, quæ maximopere probent, eruditorum omnium suffragio confirmandam haud dubito. Ac primum insueta quidem res, sed quæ non sine exemplo, ut Principes viri, Augustique ipsi singularium Urbium Magistratus obiverint: Prompta enim, atque omnino indubia ejus rei habemus exempla, non solum ante, sed multo magis post ipsius Augusti ævum; Bini apud Vaillantium extant nummi, quorum alter Neronis, ac Drusi Cæsarium in Cæsarea Augusta Colonia Duumviratum signatum exhibet hac quidem epigraphe: *Colonia Cæsarea Augusta Nero Caesar Drusus Caesar Duumviri*: alter vero eorundemmet Cæsarium in Carthagine nova Quinquennialitatem memorat in hæc verba: *Nero, & Drusus Cæsares Quinquennales Colonia victoris Juliae nova Carthaginis* (d) De Hadriano autem Augusto vulgata satis res est tum ex Spartiano cap. 19. qui non solum eum apud Neapolim Demarchum, in Patria sua Quinquennalem, & item Hadria quasi in alia Patria, & Athenis Archontem, verum etiam per Latina Oppida Dictatorem, & Aedilem, & Duumvirum fuisse testatur, tum quoque ex antiquo lapide apud Gruter. p. 421. n. i. ubi monumentum illud in L. Julii Acilianii honorem erectum signatur eo anno, quo in Confaburense Colonia optimus Imp. Hadrianus Duumviratus honorem suscepit: Atque hi quidem, ut eas Urbes Coloniae sui observantissimas eo honoris genere amplius decorarent, Augusti exem-

[a] Hiberi Romani Consulibus verum nomen ex veteri inscriptione vindicavit Fabrettus cap. 7. pag. 506.: Ut (inquit) Ruperti, & Reinesii altercationibus de reformatione cognominis Hiberi in Vibium Varum ep. 34. pag. 224. & 35. pag. 267. intercederet.

[b] In specimine primo Chronologiae ex Nummis Antiquis restitutæ, quod habes inter opera selecta edit. Amstelod. an. 1709. pag. 441.

[c] Acerimas inter Harduinum, & Cardinalem Norisum concertationes de Interpretatione Conf. 1. in Nummo Imp. Probi alibi jam memoravi; sed de Harduino eodem hæc habet Petrus Zornius opusculi sacri. tom. 1. cap. v. Familiam & Genealogiam Herodiadum, cujus cognitio ad plurima Evangelistarum loca summe intelligenda necessaria videtur, illustravit Jo. Harduinus, sed cum præposterum esset huius viri iudicium in Nummis tradan-

dis virgulam censoriam strinxere Bagnius lib. 1. cap. 2. & 3. de Hist. & Relig. Judæor. Deylingius par. 2. observ. 5. pag. 251. & Cellarius in Dissertatione, qua Flavii Josephi de Herodibus historia a variis suspitione contra Joan. Harduinum iustis vindiciis asferitur, & Nummis antiquis conciliatur.

[d] Ad eos nummos referri etiam potest alius, quem asfert ex Sereotissimi Regis Neapolitani Gaza D. Marchio Venuti in Antiq. Herculi. edit. Rom. 1748. p. 71. In una medaglia di Nerone del Museo del nostro Re si vede un Tiberio Claudio con tal Magistrato in Corinto: Potrebbe essere dell' Imperiale famiglia. Vedeasi la Testa radiata: Nero Caesar Germ. Aug. e nel rovescio COR TI. CLAUDIO IVIR. Q. ADV. AVG. Corinthus Tiberio Claudio Duumviro Quinquenniali Adventus Augusti.

exemplum sequuti videntur, quem in Beneventana Colonia Prætura functum jam noverant; Haud vero ejus rei primus auctor Augustus, cui recens, quod imitaretur exemplum suppeditabat Cn. Pompejus; *Hunc enim in Colonia nuper constituta (Capua scilicet) magistratum gessisse locuples testis est Cicero tum in Orat. post Red. in Sen. cap. xi. tum in Orat. pro Milon. c. xv. ubi ab eodem Pompejo de eo ab exilio revocando decretum, illius Magistratus jure, Capuæ factum commemorat (a):* quid vero Colonia Beneventanæ non præstitisset Augustus, cujus ipse (evocatis Veteranis Triumvirali lege eò deductis ad debellandas M. Antonii vires, firmandumque sibi Principatum) & fidem optime probaverat, & opem feliciter fuerat expertus? Statim igitur post Actiacam pugnam (ut juvenilis admodum ejus vultus in Nummo expressus demonstrat) Rerum potitus, hoc, inter alios, honore Beneventanam Coloniam afficiendam duxit, ut Prætoris munere in ea fungeretur.

Ac Prætoris potius, quàm alio nomine (b) eum magistratum suscepit, in quo amplior quædam Dignitas, atque auctoritas fulgere videbatur, ut ad arguendam Colonia Campanæ superbiam notavit Cicero in Agrar. 1.1. ubi Prætores vocari ait, qui in aliis Colonis Duumvirorum nomine contenti essent; At non invidiosum profecto id nomen Octaviano, cui quum Resp. ipsa se submisisset, debebatur certe, ut ejus dignitas honestiore, quàm in Colonis suetus esset, magistratus titulo ornaretur; atque hinc plane intelligimus, quid sibi in averfa Nummi facie velit Hiberus ille, qui Præfecti titulo insignis est: Postea enim quàm Beneventanæ Colonia Præturam suscepisset Augustus, haud certe Beneventi consistere debuit, ut munus illud exerceret, quod nonnisi honoris specie ejus Colonia potius, quàm sui accepisse dicendus est; At cum is semel Prætor esset, non alii certe eo anno creati, ut moris erat, Colonici Magistratus, tum ob ipsius Augusti Prætoris reverentiam, tum quia per ejus Præturam Colonia regimini satis consultum videretur: quid igitur? Debuit omnino esse qui absentis Prætoris vices substitueret, atque is quidem Præfectus Juridicundo, qualem in nostro Nummo non infueto titulo, neque more (a) Iberum fuisse constat; a quo tandem eam susceptam curam recte putabimus, ut idem Nummus ad servandum non tam sibi, Augustoque, quam Beneventanæ Coloniae eximii honoris monumentum cuderetur. Atque hæc de eodem Nummo paucioribus fortasse, quàm rei materia, atque dignitas postulabat, disseruisse libuit, ut eam, quam hic tractandam suscepit Beneventanorum Magistratum materiam ex Augusti Prætura illustriorem efficere.

Ad ordinarios igitur Beneventanæ Coloniae Magistratus quod attinet, an Augusti exemplo, qui deinceps supremum Magistratum in ea gesserint, Prætores vocari ceperint, an etiam Consules (quod ambitiosius fuisset) aliquando appellati fuerint, haud curiosus mihi inquirendum duxi: Non deessent plane utrique rei conjecturæ, ac posteriorem quidem opportune satis probare posset lapis in Dissert. 1. c. 1. relatus, & quem habes in nostro Thesaurio Cl. 1. n. 8. ubi C. Falcidius Consul occurrit, quem Romanis Fastis ignotum, ac propterea Consulem suffectum eo loco a me habitum, verosimilius fortasse pro municipali Consule accipiendum ostendere posset, suaderetque id etiam præclarum ejusmodi Magistratus nomen, quod ex prioribus sæculis derivatum, ac perpetuò servatum, etiamnum Octoviri retinent, qui Reip. Beneventanæ curam gerunt: At ne nimium conjecturis indulgere, neve illa recoquere videar, quæ de hisce municipalibus Consulibus, aut admittendis, aut rejiciendis jamdiu observata fuere a Reines. Ep. 28.

&c 31.

[a] De summo Magistratu a Pompejo Capuæ gesto, ut de L. Pisonis Campano Consulatu multa habet Mazochius in Amphit. cap. 1. pag. 24. & seq.

[b] Missam libenter facio alteram Harduini interpretationem, qui illud Præ. in antica nummi parte etiam pro Præfres accipere videtur; Præsidis enim ut Magistratus titulus esset, Augustæ ævo, in quo versamur, pene inauditus nomen, non item Prætorum, qui tunc passim obvii, ut ex superius dictis jam patet.

[a] Nunquam Præfecturarum conditionem subivit Beneventum, in quas Præfectos quotannis Roma missos fuisse constat: Præstat tamen audire Festum de Præfecturis juxta Brissonii lectionem in de Verb. sign. l. 14. ita scribentem: *Præfectura illæ appellabantur in Italia, in quas legibus Præfecti mittebantur quotannis, qui jus dicerent, quarum genera fuerunt duo: Alterum in quas solebant ire Præfecti quatuor sex virum pro Populi suffragio creati erant in hæc Oppida, Capuam, Cumas ....*

*Alterum in quas ibant, quos Prætor Urbanus quotannis in quæque loca miserat legibus, ut fundos Formias &c.* Eodem igitur exemplo, quo Prætor Urbanus Præfectos in eas Urbes mittebat, potuit etiam Augustus jam Beneventi Prætor, cum sibi per absentiam illud munus exercere non liceret, Præfectum ei Urbi præficere, sed longe dispari jure, non enim deterrima, quæ erat Præfecturarum conditio tum Benevento in vecta dici debet, cui potius ex eo Magistratu, ob Præturam ab ipso Augusto susceptam, præ cæteris Colonis dignitas atque honos accesserat. Cæterum, ut rem conficiam, qui in Municipalibus Præfecturam Magistratibus sufficiebantur, Præfectos de more appellatos jam observavit Vaillantius in altero nummo Neronis, ac Drusi Cæsaris, & aperte docet Fornianus lapis apud Grutenpag. 491. num. 10. ubi Arrius Solanus: *Præf. Quinq. Ti. Cæsaris. Præf. Quinq. Neronis & Drusi Cæsaris*: in scriptis habetur.



& 31. Card. Noris in Cenotaph. Dissert. 1. p. 41. & a Fabretto Inscript. cap. x. p. 723. Magistratus dumtaxat illos persequi Consilium fuit, quos certos nostri lapides nobis exhibent.

Primum igitur locum Decuriones obtinebunt, quippe quorum cœtu suprema Civitatis Majestas atque auctoritas continebatur; Qui enim (loqui jam liceat sequioris ævi auctore Justiniano in novell. Const. 38. de Decurionibus) olim nobis Remp. disposuerunt, existimaverunt oportere secundum Regiæ Urbis instar adunare in utraque Civitate nobiles viros, & unicuique Senatus dare Curiam, per quam debuissent agi, quæ publica sunt; quare & minorem Senatuum, & nervos, ac viscera Civitatum Decuriones meritò appellabat Cassiodorus Var. lib. 9. cap. . . . Hinc licet plures in quaque Civitate Civium Ordines essent, *Ordo* tamen sine ulla adjectione alia pro ipso Decurionum cœtu per excellentiam intelligebatur, cui etiam *Splendidi* epitheton sequior ætas titulorum feracissima invenit, ut ex pluribus nostris lapidibus, aliisque posterius patebit: De Decurionibus autem, quoniam omnia pervulgata sunt, haud longum faciam, id tantum non satis ab aliis hactenus observatum explicaturus, quemnam scilicet Ordinem in Coloniarum Rep. ipsi constituerent, atque ex quo ordine ad Decurionatum adlegi solerent; ac de posteriori re dubitandi occasionem præbet locus Plinii lib. 1. ep. 19. ubi hæc sunt: *Esse tibi centum millium censum satis judicat, quod apud nos Decurio es, igitur ut te non Decurione tantum, verum etiam equite Romano perfruamur, offero tibi ad implendas equestres facultates ccc. millia Nummum.* Si enim veterum Civium, in quos Civitas distribuebatur, ordines spectentur, jam post Patritios Equitesque postremus locus Plebi dabatur, ex qua Decuriones adlectos indicare videtur Plinius, qui ejusmodi munere jam fungenti eum censum supplet, qui ad Equestrem ordinem gradus esset: At vero Decurionum honoribus Plebejos fungi prohibitos diserte docet Paulus in leg. 7. §. 2. D. De Decurionibus, quem tamen haud Plinio adversari crediderim, dum ejus verba laudatæ legis initio attendantur; ait enim *honores, & munera non ordinationis, sed potioribus quibusque iungenda esse*, quibus verbis (a) ut in aliis honoribus, ita in Decurionatu capiendi non ordinum gradus (pro quibus, ut ego explicaverim, *ordinationis* vocabulum usurpavit Paulus) sed potiores, idest, qui magis opibus valerent ex ordine quolibet adlegi debere, ac proinde magis censum (b) quam conditionem spectari consueisse tradit Jurisconsultus; ex quo etiam id clarè intelligimus ex unoquoque Civium ordine, neque Plebeis exceptis, quibus tamen centum millium census fuisset, Decuriones creari potuisse, quorum coetus diversum quidem ab aliis ordinem constituerebat, ita tamen, quod ad ceteros Civium ordines haud propriè referri videretur, quum in illis privata tantum Civium jura, ac prærogative continerentur, hujus vero diversa omnino ratio erat, quæ in jure publico erat posita, cum scilicet apud ipsos Decuriones administrandæ Reipublicæ cura auctoritasque resideret.

Atque ex hac quidem auctoritate manabat, ut quidquid è Republ. esse videbatur, ordinario jure Decuriones providerent, itaut ea omnia, quæ Romæ Senatus, in Colonis Decuriones statuere æquè possent, sola quoque nominum diversitate servata, cum illa Senatus Consulta, hæc vero Decurionum decreta appellarentur: ac quum in reliquis rebus, quibus tranquillitas, aut utilitas publica continebatur, decreta sua ferrent Decuriones, haud etiam eam partem, quæ maximum Reipublicæ bonum respiciebat, negligendam putabant, ut Civibus nempe de Rep. bene-

[a] Mirum quam variè ea Jureconsulti verba legantur: Adnotationem doctissimi Gothofredi describere placet: *Ordinationibus.* (Vulgata editio) *ordinatione:* Haloander. *Ordinariis omnibus.* Hugo a Porta. *Ad munera potiores nominantur, idest, locupletiores, & de Rep. benemeriti: non tam vires, quam vires spectantur; non gradus generis sed substantia, non proximior, sed locupletior.*

[b] Censum autorem Regem Servium Tullium tradit Livius l. 1. propterea quod is primum pro diverso facultatum modo diversos Civium ordines constituit: Servii institutum post extinctos Reges adhuc mansit: quin etiam stante Rep. pro quolibet ordine census auctus, itaut quæ centum millium sub Servio summæ Romanorum fuerant opes, quibus primus Civium Ordo statutus fuit, vix ejusmodi census in Decurionibus, seu Colonico Senatu tolerabilis fuit; quod enim Romanos Senatores spectat, eorum censum Augustum ampliassè, ac pro ottingentorum millium summa, duodecies HS. taxasse, suppluisseque non habentibus testatur Svet. Aug. c. 41. Eò res

processit, ut ad Magistratum quemlibet, ipsumque Judicis munus nemini præsumto censu carenti aditus pateret:

An vero in bene constituta Rep. ratio probari isthæc unquam possit, qua Cives ad opes magis, quam virtutes comparandas incitarentur, satis erit unius Plinii judicium audisse, qui in Proem. lib. 14. H. N. de ejusmodi instituto in maximam Reip., bonorumque morum, atque honestissimarum disciplinarum perniciem inveſto ita queritur: *Posterioris laxitas Mundi, & Rerum amplitudo damno fuit, postquam Senatus censu legi ceptus, Jure fieri censu, Magistratum ducemque nihil magis exornare, quam census, passum iere vitæ pretia, omnesque a maximo bono liberales diſciæ artes in contrarium cecidere, ac servitute sola profecti ceptum: Quod jure Romanis exprobat Arnobius his verbis: Quis ad extremum Deum Pecuniam esse credat, quam velut maximum Numen esse vestræ literæ indicant, donare annulos aureos, loca in ludis, ac in spectaculis priora, bonorum suggestus summos, amplitudinem Magistratus?*

benemeritis, aut virtutibus, aut dignitate præclaris, publici honores decernerentur: ejus rei plures lapides adhuc testes ex nostro Thesauro proferre possem; sed non heic in iis legendis lectionem morandum duxi, qui facile eos in propria Classe percurrere poterit; memorandus tamen videtur lapis ille quem in Præloquio attuli C. Catio Balbo & C. Petreii erectus, quos Beneventani Decuriones Funere publico de Foro & Tribunali efferendos, & certo loco humandos censuerunt: Cæterum nec privatis personis monumentum aliquod in privati alterius honorem dedicare, sine Decurionum decreto fas erat, quod siglis illis L. D. D. D. passim in antiquorum lapidum extrema linea occurrentibus exprimi consuebat, atque expressum sane voluit in hoc lapide M. Flavius Marcellus Rutilius, quamquam is ampliori Duumviratus potestate jam polleret.

## BENEVENTVM FELIX

M. FLAVIVS MARCELLVS

RVTLIVS

PRO HONORE DVIRATVS

L. D.

D. D.

Atque ex hoc lapide, qui elegantissima literarum forma insignis etiam num affixus legitur in Atrio publicæ Aedis, missis jam Decurionibus ad Duumviros aditum mihi faciam: Summum hunc fuisse Coloniarum Magistratum, soloque hoc nomine sine Duumvirum adjectione per excellentiam vocatum ante alios jamdiu observavi, atque erudite probavit Ant. Augustinus in Libro singulari ad Modestinum (a) ubi etiam pro Duumviris *σπαργυρῆς*, quos idem Modestinus, nec non Theophilus habet, rectius contra quam aliis visum fuerat, explicandos contendit; certè ut Decurionum ordinem Principi Senatui respondere jam diximus, ita Duumviros, quos nonnisi ex eodem ordine creari oportebat (b) Romanorum Consulum imaginem prætulisse contat (c). Non solum enim, quod Magistratus nomen apertè ostendit, bini ad illorum exemplum constituebantur (d), sed & annuus (e) utrisque præciebatur Magistratus, & iisdem fere ac Consules insignibus Duumviri præfulgebant; ac primò Togæ Prætextæ usum habuisse testatur Valerius Tribunus Plebis, eo exemplo usus, ut fæminis Romanis Purpuram gerendam facilius impetraret (f): Purpura, inquit, viri utemur prætextati in Magistratibus, in Sacerdotiis, Liberi quoque nostri prætextis purpura togis utuntur, Magistratibus in Colonis municipiisque togæ prætextæ habende jus est; nec ad viri solum habeant tantum insigne, sed etiam ut cum eo crementur mortui, fæminis dumtaxat purpura usu interdicens: Præterea Consulum instar Duumviris fasces, licet non eodem numero præferre licebat: Hinc Cicero postquam Campani Magistratus superbiam ex Prætorum usurpato nomine probare cœpisset, mox & illud adjecit (Agr. 2. cap. 34.) Anteibant lictores non cum bacillis, sed, ut hic Prætoribus antecunt, cum fascibus duobus: At, quod initio solius Campani Magistratus adfectatio videri potest, mox in aliis Municipalibus Magistratibus bacillos, de quorum legitimo usu dubium nullum est, etiam in fasces mutatos indicare videntur Arcadius & Honorius

[a] Capite illo: Magistratus Municipales tutela, & cura vacant: pag. 295. edit. Venet. 1543.

[b] Paulus in d. l. 7. D. De Decur.

[c] Cujacius in Comment. lib. 1. Pauli ad edictum.

[d] Fuerunt tamen aliquando non Duumviri, qui summum Magistratum gererent, sed III Viri & IIII Viri, ut notat Sigon de Jur. Ital. lib. 2. cap. 4. Imò Sevirose seu VI Viros in Bononiensi municipio ad eum Magistratum delectos probare nititur Malvasia Marm. Felsin. sect. 4. cap. 9. Ita etiam alio, quam Duumviratus nomine summus idem Magistratus alicubi vocabatur, ut de Arpinatæ Municipio testatur Cicero lib. XIII. Epist. x. ubi Aedilis tantum creabatur, qui universam rem Municipii publicam administrabat; ex quo Ciceronis loco lux affunditur Spartiano, qui, ut paulo ante meminimus, refert Hadrianum per latina Oppida Dictatorem & Aedilem, Duumvirum fuisse; non omnes scilicet eos honores in singulis oppidis gessisse, sed summos Magistratus, qui variè pro Oppidorum more eo nomine vocabantur.

[e] Quinquemestrem, ac semestrem aliquando Duumviratum fuisse observavit post Pighium Annal. Rom. Card. Noris. in Cenot. Pis. Dissert. 1. cap. 3. ex Inscriptione Capuana, quod tamen rarum, imò singulare dixeris, dum de annuo Duumvirorum Magistratu obvia plerumque sunt antiquorum testimonia: ex quibus tamen libet Canonem LVI. Concilii Illiberitani in medium afferre: Magistratum uno anno, quo agit Duumviratum, prohibendum placuit, nisi ab Ecclesia prohibeat: ejus decreti causam si obiter quæras satis erit ex Natali Alexandro Hist. Eccl. sæc. 3. Dissert. 21. art. 2. didicisse: Sacrificiis enim Idolorum auctoritatem præstare, sumptus ad Idololatriam spectantes procurare, spectaculorum curam gerere ex ipsa sui muneris ratione hujusmodi Magistratus, Ethnicorum Imperatorum tempore tenebantur: Unde ipsos in proxima Idololatriæ occasione positos, Ecclesiæ arcendos ingressu prudenter admonendum ac pie judicaverunt Illiberitani Patres.

[f] Liv. lib. 34. cap. 7.



rius Imp. in leg. 53. Cod. De Decurionibus, qua Duumvirum impune non licere extollere potestatem *fascium extra metas Territorii propriæ Civitatis* decernunt (a).

Quum igitur tam ingens fuerit ejus Magistratus honos, atque dignitas, qua item ipse potestate polleret, paucis observare jam licebit. Et sanè, quibus viribus Duumvirorum potestas fuerit prædita, non satis constat, neque inter veteres Jurisconsultos, recentioresque eruditos omnino convenit: Sigonius quidem lib. 2. cap. 4. non aliam, quàm in Juredicundo, Duumvirum potestatem agnoscit, ejusque rei certum sibi argumentum adesse putat ex veteribus lapidibus, in quibus sæpissime *II VIR I. D. idest Duumvir Juredicundo* occurrit; & sanè præter lapides Sigonii sententiæ etiam J. C. Paulum suffragari animadverto: ait enim in leg. 1. D. ad Municip. *Ea, quæ magis Imperii sunt, quam Jurisdictionis, Magistratus Municipalis facere non potest*: Ac non sola Jurisdicundi potestate Duumvirum munus contineri rectius alii existimant: Quæ enim ratione maximus hic Magistratus ab inferioribus aliis differre debuit; si enim solo ordine, ac insignibus præcelluisset, inane hoc quidem; dum reliquos sibi potestate pares, imo potiores haberet; & certè *Ædilibus* (quos inter minores Magistratus ex Messallæ testimoniis retulit Gell. lib. 13. cap. 14.) non Juris dicundi tantum in iis quæ ad eorum munus pertinerent, ut iidem antiqui lapides probant, ubi *Ædiles I. D. idest Ædiles Juredicundo* passim memorantur, verum etiam coercitionis potestatem aperte tradit J. C. Callistratus lib. 6. Cognitionum, cujus hæc sunt in leg. 12. D. De Decurionibus: *Ne quidem arcantur honoribus, qui ab Ædilibus flagellis cæsi sunt, quamquam jure suo ita Ædiles officio isto fungantur*, imo & multæ dictionem *Ædilibus* fuisse memorat Liv. lib. x. cap. 31. qui etiam lib. 25. cap. 2. aliquot Matronas apud Populum probris accusatas, ac deinde damnatas, *Ædiles Plebis* in exilium egisse narrat; Latius igitur Duumvirum potestas patuisse dicenda est, nam & Duumviro (ut rectè observat Cujacius ad leg. 1. D. De V.S. tom. 8. pag. 478.) publicum Judicium est, & Tribunal, & Fasces: Uno verbo ad Imperium res reducenda est; & sanè cum duplex fuerit Imperii ratio, seu species, *meri* scilicet, ac *mixti* (b), non utique Paulus ita loquutus videri debet, ut quodcun-

R

que

[a] Scio, Fasces ab Imp. ea lege memoratos haud propriè pro ipsis Magistratus insignibus, sed metaphoricè ad indicandam Duumvirum Jurisdictionem usurpatis, nonnullos accepisse, nec omnino inepte: favere videtur Virgilius Georg. 2. v. 497.

*Illum non Populi Fasces, non Purpura Regum  
Flexit* .....

Ubi Servius Populi Fasces pro honoribus, qui a Populo præstabantur, Poetam significasse dicit, distinctos quidem a Purpura, quæ Regiam dignitatem præcipuè indicare solebat, ut re utraque proprietates sermonis servata videatur: Fasces etiam pro cuiusque in quaque re, dignitate, auctoritate, ac præstantia dici consuetos satis ostendit vetus illud proverbium, quo dum alicui cedendum nobis esse fatemur, *ei fasces nos submittere* dicimus; quod usurpatum legimus a Cicerone in Brut. cap. 6. iis verbis: *Cum Tibi ætas nostra jam cederet, fascesque submitteret*: Ortum autem habuisse facile constat ex celebri illo Valerii Poplicolæ facto, qui, ut refert Liv. l. 2. 7. Plutarch. in Poplicol. Quintilian. Inst. l. 3. primus in concionem ascendens, Populo Romano fasces submisit, idest non surrectos sed depressos, inclinatosque a listeneribus teneri iussit: *Quod gratum* (inquit Livius) *multitudini spectaculum fuit, submissa sibi esse Imperii signa, confessionemque suam Populi, quam Consulis majestatem, vimque majorem esse*: At hæc, ut dixi, ad Imperatorum verba illustranda haud inepta, sed vix vera videri possunt: non enim unicum videri potest ejus legis exemplum, quo *Fasces* Duumviris vindicentur, ita ut ad metaphoricam locutionem fugiendum sit, ne novum quid atque singulare nunc demum ex additis Antiquitatis locis in lucem prodeat, unius legis subsidio, quæ extremè pene Imperii temporibus lata fuit; sed alia jam præsto sunt, quæ summa fide, & antiquitate præ-

stant ejusdem rei monumenta: Fasces enim Magistratui Municipali discretè attribuit Apulejus Metam. 1. pag. 33. & rursus Metam. x. pag. 335. Præstat autem audire Cujacium, qui in Comment. ad lib. 1. Pauli ad edictum expendens verba laudatæ Legis: *Et potestatem fascium*, inquit, *quia Duumviri, & jus virgarum in severita habebant leg. 12. Hoc rit. a. si privatus 17. D. qui, & a quibus manum huc. & fasces aut Bacilli eis præferantur*, M. Tull. Cic. 2. Agrar. Addiderim ego, ex ejusdem legis verbis, ubi *extollere*, & *Territorii metas* leguntur, proprios ac veros fasces omnino ibi esse intelligendos: nec quicquam quod ad Jurisdictionem pertineret fuisse ab Imperatoribus consideratum: alioquin non tam punitione dignos Duumviros, quam quicquid extra propriæ Jurisdictionis fines decernere ausi fuissent, irritum declarassent: *Sed non liceat*, inquit, *Duumviros impune extollere potestatem fascium extra metas Territorii propriæ Civitatis*, idest crimini eis vertebatur, si sui Magistratus insignia per alienum Territorium publicè deferrent, quod in alienæ Jurisdictionis turbationem, vel manifestam injuriam cedere videbatur: Proprietas igitur verborum in ea lege omnino retinenda erit, quam optime suadet tum nimia, quæ ea in re succreverat, Duumvirorum adrogantia, quæ ejusdem legis serendæ occasionem præbuit, tum ipsa res omni ævo, omnique jure fieri vetita, ut pluribus exemplis probare promptum esset, si id modo agerem.

[b] Ulpian. in lib. 3. D. De Jurisdic. *Imperium aut merum aut mixtum est, merum est Imperium habere gladii potestatem ad animadvertendum facinorosos homines, quod etiam potestas appellatur. Mixtum est Imperium, cui etiam Jurisdictio inest, sive ut rectè explicat Gravin. de Legg. l. 3. cap. 4. Vis civilis & legitima, si atrocioris pene facultate polleat, Imperium merum; si vera levio-*

vis

que Imperium Municipali Magistratui adimere voluerit: Non habuisse *merum* sanè verum est, ac *mixto* quoque caruisse falsum omnino; quia Jurisdictionem habuit, quæ nunquam sine *mixto* Imperio esse potest; unde & *mixto* Imperio nomen, quod perpetuò Jurisdictioni permixtum sit, eamque perpetuò comitetur, eique perpetuo commisceatur; alioqui ridicula esset Jurisdictio, si nullæ essent Imperii vires Jurisdictioni permixtæ. Constituamus igitur cum eodem doctissimo Cujacio in Comment. ad d. l. Pauli (quæ est in illius lib. 1. ad edictum) Magistratus Municipales Jurisdictionem non quidem nudam, quæ solum in judicando versabatur juxta discrimen illud inter Jus dicentem, ac Judicem optimè a Gothofredo animadversum in leg. 1. D. De Jurisdic. sed *mixto* Imperio pollentem habuisse, quæ *Fascium* potestate indicata, variis modis, pluribusque in rebus legitime explicabatur.

Quod certè nisi statuamus, non solum inferioribus Magistratibus Duumviri concedere potestate viderentur, ut de Ædilibus paulo ante ostensum fuit, sed etiam attributâ, ut par est, cuique Magistratui de rebus ad proprium munus pertinentibus Jurisdicundi potestate, parum admodum supererit, quod Duumvirum Jurisdictioni, si aliorum instar Magistratum illius vim metiamur, subjici continget; Præter enim Ædiles i. d. fuere quoque *Prætores Cereales*, & *Censores* seu *Quinquennales* in Colonia Beneventana, ut in cæteris Colonis, qui ex proprii muneris ratione jus dicerent; ad hæc Decurionum auctoritatem in condendis Senatufconsultis, seu Decretis satis valuisse jam vidimus; ac, quod reliquum jam videri potest in Jurisdictione exercenda, id certè viris illis, qui *Stilitibus* *judicandis* deligi consuebant, potestremò mandabatur. Horum in binis hisce nostris lapidibus superstes adhuc, ac præclara admodum extat memoria:

M. MARIO M. F.  
STEL. TITIO RVFINO  
COS. (a)  
CVR. COL. CLAVD. AVG.  
AGRIPPINENSIVM  
PROCOS. PROV. SICILILIAE  
CVR. AMERINOR. PRAET.  
TR. PL. Q. PROV. MACEDON  
SEVIR. TVRMAR. EQ. ROM.  
TRIB. LATICL. LEG. I. ADIV. P. F.  
IIIVIRO STLITIB. IVDIC.  
FIDES CVM HELLADE ET  
TERTIO PARENTI B. M. FEC.

...VNDIS PRATORI (b)  
CANDIDATO LEGAT  
PROVINCIAE AFRIC. DIOE  
CESEOS HIPPONENSIS  
ADLECT. INTER PRAET  
A DIVO COMMODO ET IN  
TER PATRICIOS TRIB.  
LATICL. LEG. V. MACED  
XVIRO STLITIB. IVDIC.  
OB SINGVLAREM ERGA PA  
TRIAM CIVISQVE AD FEG  
TIONEM P. D. D.

Ordinarium hunc fuisse Magistratum diserte tradit Pomponius in leg. 2. §. 29. D. De Orig. Jur. ac Dio lib. 54. B, quem etiam Xvirorum numero constitutum, tum ipsi, tum noster postea-

ris coercionis potestate finiatur *mixtum* appellatur, quorum hoc Jurisdictioni semper, & Magistratui, illud Principi & supremæ Potestati coheret.

[a] M. Marius Rufinus cum Ap. Claudio Laterano Consul processit an. Chr. 197. ut ex Petavianis fastis apparet. Discimus amplius ex nostro lapide Tribum cui fuit adscriptus, atque alterum Titii cognomen; sed & non levem idem lapis conjecturam præstat, ipsumque Beneventanum Civem fuisse: Congruit enim Stellatina Tribus, in qua perquam frequenter Beneventani censebantur; Præterea Rufinorum Gentem Beneventani inter primarias floruisse probant duo alii antiqui lapides, quos habes in nostro Thesaur. cl. vi. n. 1. & 2. Etiamnum Beneventi Porta extat Rufinus nomine, quod cum anti-

quissimum sit, nec alia originis causa subeat, ab ea gente indicum videri potest: Quam tandem verosimiliorem putabimus causam, cur ejus liberi Beneventi potius quam alibi eum lapidem dedicandum curarint, nisi quod ibi originem, domiciliumque habuerint? Eorundem autem liberorum nomina corrupta in lapide omnino videntur, ac nisi Parentis vocabulum adesset, libertorum magis, quam liberorum esse nomina dixeris; sed ea restituere tam difficile erit, quam aliis facile conjecturam meam de Rufini Consul. Patria respuisse.

[b] Præclarissimi hujus Beneventani Civis nomen corruptissimum in lapide exhiberi nemo non videt: Fortasse in lapide fuit. C. UMBRIO PRATORIO; Ita enim restituendum mihi visum ex literarum affinitate, & ex

Umbria



posterior lapis, cui reliqui omnes respondent, apertè testantur, ut mirum sit ab eo numero priorem nostrum lapidem, quem Gruterus affert, discrepasse, dum pro  $\bar{x}$  viro  $\bar{iii}$  virum Stilitibus judicandis M Marium Rufinum nobis exhibet; mendum igitur in eam numeralem notam irrepsisse facile arbitramur, nam labente secundo sæculo, ejusmodi  $\bar{x}$  viros ad  $\bar{iii}$  viros redactos conjectare omnino vetat posterior ipse noster lapis, qui post Commodianum ævum dedicatus, in idem fere tempus incidit, quo ipse Rufinus floruit. De Xvirorum Magistratu, quibusque Stilitibus judicandis præcipuè incumberent, agit Sigon. De Judic. lib. 1. cap. 8. & cap. 28. eosque ex Consilio Prætorio extitisse affirmat, idest Prætorem gravioribus curis distentum litium ad suum Tribunal pertinentium cognitionem judicationemque Xviris ad id institutis mandare consueisse; quod Pomponii verbis satis ostendi potest; nam cum is Prætores, Urbanum primum, dein Peregrinum ad supplendas in Urbe Consulium partes, qui finitimis bellis advocabantur, creatos tradit, mox Prætoribus ipsis rerum multitudini haud sufficientibus: *Cum esset (inquit) necessarius Magistratus qui hasta præfesset, Decemviri in litibus judicandis sunt constituti*: Atque jam demum ex his omnibus, dum Principis Reip. formam ad minorum Rerump. demonstrandum statum trahere jam liceat, manifestum satis apparet, non vulgarem quandam nudamque Duumviris Jurisdictionem adhæsisse, quæ minorum Magistratuum propria erat, sed cum maximus is esset in Coloniae Magistratus, non imaginem solam, nomenque aliquando Consulium, sed etiam quæ Coloniae juri par erat, auctoritatem, aut certè Prætorum potestatem (servata tamen Provinciarum Præsidibus, seu Proconsulibus  $\bar{x}$ im Imperii meri, tùm graviorum rerum Jurisdictione) cum ipsis etiam, ut modo notatum fuit, Consulibus, ac Prætoris insignibus obtinuisse videri debet. Ac de Duumviris hæc tenus.

Quod minores spectat Magistratus, præcipuum Ædilibus locum dabimus cum Cicerone in de legib. 1.3. c. 3. *Suntque Ædiles Curatores Urbis, Annona Ludorumque solennium, illisque ad honoris amplioris gradum is primus adscensus esto*: Celebriora, ac frequentiora Ædiliū officia attigisse satis fuit Ciceroni, non tamen omnia, quæ recensuit, & illustravit Lipsius de Magistrat. Rom. cap. 12. Gravin. de Orig. Jur. lib. 1. cap. 39. De Ædilibus, qui ad Romani ejusdem Magistratus exemplum, in Coloniae, & Municipiis creabantur, plenissimè egit V. C. Everardus Otto libro singulari: non aliud igitur reliquum mihi faciam, quàm insigniores ex pluribus, qui ea de re extant, lapides asserre, ut non solum Ædiles in Beneventana Colonia extitisse, verum etiam, quæ Ciceroni præcipua ejus Magistratus visa sunt officia, exercuisse probentur, utque a postrema Tullianæ legis parte ordiari, Ædilitatem ad alios Magistratus, velut aditum fuisse in Beneventana Colonia ostendit lapis iste:

## R 2

## L. IAE-

Umbria familia, quam ex pluribus lapidibus Beneventi olim floruisse constat. An vero civis accusandi casu pro CIVES vere scriptum sit in lapide, parum refert, cum eam lectionem, quamquam nostri lapidis ævo importunam optime probare possint notata a Card. Noris in Cenot. Pis. Diss. xv. in vocabulo *Finis pro Fines*; notandum tamen in hoc lapide DIOCESEOS vocabulum ab extremo usque secundo sæculo in latum investitum, & quidem ad significandam ex Græco *Διοκλεια* plurium Provinciarum Præfecturam; Dioceces, enim, ut rectè explicat Brisson de V.S. appellabantur, administrationes multarum simul Provinciarum, quæ in unum coactæ per Præfectos Prætorio, eorumque Vicarios regerantur, quas apud eundem enumeratas invenies; fusius vero apud Jacob. Gotofredum ad l. 13. Cod. Theod. De Medicis, & in Topographia ejusdem Cod. part. 1. Cur vero in nostro lapide videatur potius Dioceces in Provincia contineri, dum Dioceces Hipponensis in Provincia Africa statuitur modo accuratius inquirere non vacat: Illud tantum addam, Dioceces vocabulum in antiquioris ævi monumentis non ita obvium, quod vel

ex Brissonio, atque Cangio apparet, quorum illa diligentiam effugerunt; nam quæ uterque in eo vocabulo scriptorum exempla congerit, posteriorem omnia ætatem ferunt: At non omnino ex eo vocabulo singulare erit nostro lapidi pretium: cui jamdiu præivit Cicero, qui (ep. fam. 1.3. 8 & 13. 67.) dum Provinciam regebat, *Dioceces* memorat suo muneri commissas: quid? quod idem Cicero belli Civilis initio eum se a Pompejo delectum fuisse scribit (ad Att. 7. 11.) *quem tota Campana, & maritima ora haberet celsorum*. Hinc vides utrique vocabulo ab sui origine potestatis, jurisdictionisque vim inesse, quam cum iisdem omnino vocabulis in Ecclesiasticum Ordinem translatam jure suo non dubitabis; quamquam a priore significatione paululum deinde mutatum; nam quum Diocesium nomine nonnisi Provinciæ illæ rectè appellari cœpissent, quibus Metropolitanæ, aut Archiepiscopales præerant, postmodum qui Episcopi suos districtus Parochiæ nomine appellare contenti erant, ampliori Dioceces appellatione significandos curarunt.

L. LAETICIO L. F.  
 STEL. RVFO  
 TRIB. MIL. LEG. XII.  
 DON. HASTA PVRA  
 CORONA VALLARI  
 AEDILI. QVAES. IIVIRO  
 I. D. PRAEF. FABRVN  
 ATTEIA Q. F. PRISCA  
 VXOR. B. M. F.

Vides jam in hoc lapide munera omnia L. Laeticii domi militariaeque gesta enumerari, ac primum quidem militaria, quibus cum egregie, ac praclare functus esset, militaribus donis, idest *Hasta pura*, & *corona vallari* fuit auctus; cum vero a sexta linea Civilia munera memorentur ab Aedilitate initium est, postquam Quaesturam assequutus Laeticius, ad viratus demum honorem ascendit: Gradus igitur honorum, ut Romae, ita Beneventi servatos fuisse constat, ut exinde etiam legitimae ad honores singulos capeffendos aetatis rationem spectatam affirmare tuto possimus; nam utilem illam, & salutarem legem Annariam, quae in Romanis Magistratibus constituta erat, in Municipiis etiam, & in Colonis locum habuisse observat Lipsius l. l. cap. 6. aperteque testatur Plinius lib. x. epist. 83. ubi Bythinis legem fuisse memorat, ne quis caperet Magistratum, neve esset in Senatu minor annorum xxx., neque ante gestum Magistratum in Senatu esse posset.

At quod Aedilium officia spectat, eos primum *Curatores Orbis* statuit Cicero, qui istud idem (a) sibi ipsi Aedili jam designato, inter alia jactanter attribuit, *Sacrarum nempe adium procurationem, totamque Urbem tuendam fuisse commissam*: Papinianus etiam in l. un. D. De Via Publ. Aediles ipsos perpetuo *curatores* vocat, quod non aliud, Lipsio interprete, quam Curatores Urbis: at eo nomine non omnia, sed quae ad Urbis ornatum, aut ordinem pertinebant, contineri satis constat: Aedilium enim erat, Opera publica, & Deorum Tempia suspicere, ac tueri, curareque, ut non tam illa, quam etiam balnea, aquae ductus, cloacae, plateae, popinae mundae, & sine sordibus essent, quae proinde lota, Aedilem metuentia eleganter appellat Senec. De Vir. Beat. cap. 7. Viarum praeterea publicarum curam habuisse Aediles docuit jam Papinianus in libro singulari de officio Aedilium, cujus praecipua capita Tribonius retulit in d. l. un. D. De Via Publica; non enim solum illarum munditiam procurare Aedilium munus, de qua re pulchre Plautus (b), egregiumque exemplum apud Svetonium habemus (c), verum etiam illas sternere ac munire, quod ex nostro lapide probasse sufficit:

G. ENNIVS M. F.  
 G. BERGONIVS Q. F.  
 AED.

VIAM STRAVERVNT  
 ET LACVVS FECERVNT.

In Arce Beneventanae Urbis extat hic lapis, quem affert Gudius pag. 72. num. 5. ac de stratis ab hisce nostris Aedilibus Beneventanae Urbis viis, quod ad illorum munus praecipue

[a] Verr. v. cap. 14.

[b] In Stich. 2. 2. 29. ubi cum Servus imperasset: Cape illas scopas, tu hoc converte Oec. Paralytus subjicit: Sine suffragio Populi Aedilitatem hic quidem gerit.

[c] In Vespas. cap. 5. Mox cum Aedilem cum Vespasianum C. Caesar succensens propter curam verrendis viis non adhibitam, iusto iussisset impleri, congesto per milites in praetextatum, non desierunt, qui interpretarentur, quandoque proculcatam, desertamque Rempublicam aliquam perturbatione, in tutelam ejus, ac velut in

gremium deventuram: Ex quo loco etiam illud constat, curandarum viarum munus etiam ad Aediles pertinuisse, postquam Augustus Curatores viarum, qui olim veluti Aedilium adjutores, nec nisi extraordinarie, & ad tempus, ut res exigebat, S. C. constituti fuerant, ad ordinarii Magistratus dignitatem evexit, delectis etiam ad id muneris nobilissimis Viris, quibus & suo exemplo praebat, ut seduliores ejus rei curam gererent; teste Sveton. in Aug. cap. 30. & 37.



puè pertinebat, clara res est; illud tamen quod sequitur, non satis obvium, quod nempe *et Lacus fecisse* dicantur; ac primò *Lacus* litera v geminata pro *Lacus* in lapide scriptum esse facile affirmaverim aliorum lapidum nummorumque exemplo, in quibus aliquando *Felix* pro *Felix*, *Honorem* pro *Honorem*, *Vaurus* pro *Varus* usurpatum observat *Manut. Ortogr. v. Felix*; at quosnam *Lacus* a nostris *Ædilibus* factos putabimus? Lapidem invenio apud Muratorium p. 611. n. 4. quem è schedis Ambrosianis excerptum extantem dicit *Beneventi* in Muro Claustris S. Modesti in hæc verba:

P. CERRINIVS  
L. CRASSICIUS  
II VIR. I. D.  
VIAM STRAVER  
ET LACVS FECER  
PRO LVDIS.

Ad quem Vir Cl. sic breviter commentatur: *Lacus heic fortasse loca profunda, in quibus fera ad ludos enutrita stabulabantur*: De Muratorii Commentatione mox viderimus; meam interim conjecturam proferam, a vertice scilicet ad calcem mendosum hunc lapidem in schedas Ambrosianas relatum fuisse. Quæ sint ea menda inquis? Docebit utique lapis, quem superius ante hunc, a me editum, non alium a Muratorii lapide accipiendum puto: Non enim alius Beneventi extat, ac pro nominum mutatione falsi crimen dissimulabimus: Quid tamen causæ fuerit, ut viarum sternendarum cura ab *Ædilibus*, quorum multa paria Beneventi erant, ad Duumviros Juridicundo translata sit? Illud tandem PRO LVDIS, quod in sincero lapide deest, aut a posteriore alicujus sciolii manu in Ambrosianum exemplar irrepsit, aut PRO LVIS legendum erit, ut mox observabimus, nunquam vero pro *ludis*, ut exinde lacus in lapide memoratos pro ferarum receptaculis accipiamus: Luisse certe videtur Muratorius, in cujus fortasse mentem, dum hæc scriberet, venerit lacus ille leonum memoratus *Danielis cap. 6. et 14.* Sed indulgendum Sacro Interpreti tantum erit, ut Hebræum vocabulum ea versione donarit, quæ congruentior loco illi esse videbatur, ubi a Rege Babylonio leones custodiebantur; quamquam quum lacui ipsi ostium fuisse Scriptura dicat, quod Regis, ac Optimatum anulis obsignatum fuit, non illud in superna parte, sive ejus lacus summitate, sed in ima parte, exteriori aræ lacus respondente statuendum erit; id, quod clarius Scriptura ipsa ostendit, quæ non projectum Danielem, ac post eum accusatores calumniæ damnatos, sed *missos*, aut etiam *inromissos* in ipsum lacum refert; ex quibus fit, hujusmodi locum haud fuisse in profunda terra excavatum, sed in ædificii formam omnino assurgere debuisse, in qua vix lacus similitudinem reperisse erit; sed hæc obiter: Quod rem attinet, nullibi apud Latinos Scriptores id, de quo agimus vocabulum ea significatione unquam usurpatum constat, neque illam modo ex edendorum ludorum cura, quam *Ædiles* gererent, ut comminiscamur noster lapis efficiet; Est enim verius quidpiam aliud, quo *Ædiles*, quod lacus fecerint, suum munus summo opere implevisse videntur: & sane quamquam lacus propriè dici videantur de locis profundis, in quibus sunt aquæ refides, sed perpetuæ, unde rivi oriantur & flumina, est tamen lacus pariter *Fossa*, ut docet *Vossius Etymol. v. lacus* a Græco *λακίς*, quod inter alia, *Hesychio* testè, notat *σπίσμα*, hoc est *scissuram* seu *fissuram*, ac speciatim, ut idem *Hesychius* ait, signat *χασμα γῆς* *hiatum terræ*: quo modo propriè lacus videntur esse *Terra fissa recipiens aquam*, atque hinc ob similitudinem transferuntur ad cætera rerum liquidarum receptacula, ut pluribus, ex optimis Scriptoribus adductis exemplis, idem *Vossius* confirmat: Cum igitur nostri *Ædiles* vias itravissent, ut ejusmodi operi perpetuò, atque omni ex parte tuendo prospicerent, optimo consilio lacus etiam secus vias ipsas fecerunt, idest hiatus, seu scissuras post earundem viarum margines subjacentes, quò aquæ pluvie reciperentur, ne in viis ipsis intermortuæ, eas aut lutulentas efficerent, aut certe corrumperent: At Tulliana lege duce, cætera *Ædiliū* munera persequamur: Annonæ enim Curatores quoque eos fuisse constat, atque hujusmodi munus omnino spectare hic noster lapis videtur.

M. TANONIVS  
FIRMIANVS AED.  
I. D. BASEM CVM  
STATERA ET PON  
DER. AENEIS  
DE SVO FEC.

Non enim solum rerum venalium æstimationem, & probitatem curabant Ædiles, de quibus Ædilitium Edictum (quod postmodum non mediocrem, neque contemnendam Juris Civilis partem constituit, & nomine Ædilitiarum Edictionum invenitur apud Plaut. in Capt. 4. 2.) proponebant, multas inferebant, improbasque merces jactabant, ut ex eodem Plauto, & Papiniano jam patet (a); sed etiam mensuris & ponderibus præerant, de quorum æquitate, ut continuo constaret, exempla è marmore, aut ex ære in loco publico constituiebant, è quibus, si quid fraudis a vendentibus patratum esset, statim nosci poterat: Qui sanè laudabilis mos ad Colonias ex Principe Urbe manavit, ubi mensuræ publicæ in Capitolio custodiebantur, & quidem Jovi, ut inviolabiles essent, sacratæ, ut inde, quoties res exigeret, & de legitima mensura dubitaretur, veritas peti posset, unde Fannius: *Pes longo spatio, latoque noetur in anglo:*

*Angulus ut par sit, quem claudit linea triplex,  
Quatuor e quadris medium cingatur inane;  
Amphora sit cubus, quam ne violare liceret  
Sacrare Jovi Tarpejo in Monte Quiritis.*

Non leve igitur illud fuit, quod a nostro olim Ædili M. Tanonio pro suo munere præstitum fuit, dum Basem cum statera, & ponderibus aneis de suo fecit, ejus proinde diligentia cum liberalitate conjuncta digna profecto fuit, ut eo publico monumento commendaretur: Cæterum hac in re non ego plura, quæ si quis nosse cupit, habebit in subjecta nota ex doctissimo Gorrione, quem describere satis habui (b).

Id potius mihi modo agendum erit, ut quis olim Ædilitium numerus Beneventi creari so-leret, in medium proferam: Dubium enim faciunt lapides modo allati, in quorum altero nonnisi unus Ætilis, nempe M. Tanonius, bini in altero, scilicet C. Ennius, & C. Bergonius prodire visi sunt, nec alii nostri lapides desunt in propriam nostri Thesauri Classem con-jecti, qui etiam modo unum, modo duos Ædiles nobis exhibent: at lapis quoque extat, qui ad quatuor usque Ædilitium numerum Beneventi fuisse aperte docet: lapis eleganter insculptus, multisque etiam ornamentis ex utroque latere insignis, etiamnum affixus legitur in Porticu novi Conventus PP. Carmel. Excalceatorum in hæc verba:

L. AVI-

[a] Papin. in l. un. D. De Vi Publ. Plaut. in Ru-  
den. 2. 3. 42.

. . . . . Neptunus ita solet: quamvis fastidiosus  
Ædilis est: si quæ improbæ sunt merces, jactat omnes.

[b] Donius clas. v. n. 26. lapidem Tullulanum assert in  
hæc verba:

G. CANINIVS AMIRO  
ET P. AELIVS FELIX  
AEDILES  
MENSURA ET PON  
DERA INIQU...  
IVSSERVNT

Ubi hæc Gorius pag. 167. *Mensuras & pondera iniqua  
tollii jusserunt: Mensuras & pondera decernere ac probare  
in Municipiis & Colonis Ædilitium munus fuisse docet hæc  
Inscriptio, ita mensuras & pondera iniqua amovere ( seu  
potius frangere, nam omnino dispendenda erant ) ut  
fraudibus vendentium occurrerent. Ita in Colonia Ostiensis  
P. Lucillus Ædilis pondera ad macella cum M. Turrano*

*sua pecunia fecit; ut habetur clas. 2. num. 4. apud Gruter.  
pag. 233. i. memorantur Mensuræ postea lege Civitatis.  
In alio item lapide a me edito clas. 2. num. 67 legimus a  
C. Cæso Silvestro proprio sumptu factum ponderarium lo-  
cum scilicet, in quo pondera probata legitima custodie-  
bantur; item Chabisionem æreum, stateram, pondera,  
& Mensuras liquarias, quæ cæteris vendentibus uti re-  
gulæ essent certissimæ: Vid. Reines ad xv. clas. vii. Ita  
Gorius; sed in lapidis lacu 12. 171 tolli, sed potius frangi  
supplendum malim, ut in hac re optime usurpavit Ul-  
pianus in lib. 13. §. 8. D. Locati conducti: Si quis [ in-  
quit ] mensuras conduxerit, easque Magistratus frangi  
jusserit, siquidem iniquæ fuerint &c. Ita etiam Juvena-  
lis sat. x. 101.*

*Et de mensura vis dicere vasa minoræ  
Frangere pannosæ vacuis Ætilis ulubris  
Neque aliter Persius sat. 1. 128.  
Se se aliquem credens; Italo quod honore Supinus  
Frægerit Æminas Areti Ædilis iniquas &c.*



L. AVIDIO L. F. STE  
 IIII VIRO AED  
 L. AVIDIO L. F. PATRI  
 CATIAE VIBI F  
 MATRI.

Quid igitur statuendum erit? Censebimusne pro temporum diversitate diversum quoque (cum sua lapidibus stare debet fides) Beneventi fuisse Ædilium numerum, ita ut modo unum, modo plures, ut res ad ejusmodi Magistratum pertinentes postulare videbantur, creari mos fuerit; non id quidem absolum, sed neque mihi omnino verum persuaserim: nam quod unus tantum Ædilis in lapidibus aliquot, vel etiam duo memorati videantur, non inde sequitur, haud plures eo tunc esse Ædiles potuisse: Cum enim præclarum aliquid ab uno ex pluribus Ædilibus gestum esset, illius tantum nomen ad posteritatis memoriam commendari æquum erat, nullâ certè, quòd silentio præterirentur, Collegarum injuriâ, qui nihil, vel diligentia, vel liberalitatis in eam rem contulissent; neque, quod in proximo lapide factum fuit, per Duumviratus, vel Quatrumviratus adjectionem saltem Ædilium tum extantium numerum exprimi opus fuit, quum id tantum in Magistratibus iis, qui certo ac peculiari nomine carerent fieri consueverit, haud verò in aliis, quorum proprium vigeat nomen, ita ut cum plures, idest duo essent Consules, Prætores &c. si unus tantum memoratus inveniatur, non propterea unum tum fuisse Consulem, aut Prætorem putandum erit: Ex proximo itaque lapide verisimilius mihi fit, III viros initio fuisse Beneventi Ædiles, quem numerum perpetuò servatum, optime suadet Beneventanæ Colonie magnificentia & amplitudo, unde non illud solum fieri poterat, ut Principis Urbis majestatem æmuleretur, ubi quatuor Ædiles, bini nempe Cures, totidemque Plebei deligebantur, sed omnino faciundum postulabant varia, gravissimæque ejus Magistratus munera, quibus in florentissima Colonia rectè, opportunèque administrandis, vix unus & alter Ædilis sufficere poterant: eoque magis, quò Magistratum ipsum suos etiam administratos ad jurisdictionem exercendam adhibuisse constat ex hoc nostro lapide, ubi de scriba Ædilium mentio est:

M. GAVIVS  
 M. F. PALAT.  
 SABINVS  
 SCRIBA AED  
 I. D. PRAEF FABR.  
 SIBI ET  
 NASENNIAE M. F  
 IVSTAE VXORI B. M.

Quid? si sex deinceps Ædiles Beneventi constitutos affirmaverim? Binos scilicet alios præter quatuor illos, de quibus superius fuisse disserui, quibus rei frumentariæ cura peculiariter mandabatur; ut jam illud optimè pateat Beneventanam Coloniam Magistratuum omnium, qui Romæ vigerent, formam atque ipsa fere nomina in se transtulisse.

Sequitur igitur post III viros Ædiles novus Magistratus ad Romanæ quidem Urbis exemplum Beneventi institutus, cujus tamen exemplum extra Beneventanam Coloniam vix alibi invenisse erit: Romæ illum Cæsar primus instituit: Deinde (inquit Pomponius in lege 2. §. D. De Orig. Jur.) C. Julius Cæsar duos Prætores, & duos Ædiles qui frumento præessent, & a Cerere Cereales constituit: ita duodecim Prætores, sex Ædiles sunt creati: Novi ejusmodi Magistratus instituendi causam refert Dio (a). At quod pro sola Urbe, certa que de causa fuit institutum, perpetuum

[a] Dio lib. 43. pag. 239. post Africam a Julio Cæsare captam hæc subdit: Jussi viginti Myriades Medimnorum Atticorum frumenti, idest CC. millia ad alendum Populum Romanum adhiberi: & olei librarum Myriades CCC

idest triecies centena millia, duosque Curatores, & totidem Ædiles Cereales instituit, qui hoc frumentum Romanam adhibendi, & Populo eribendi curam haberent.

tua deinde manfit, atque ab ipsa Urbe ad Beneventanam Coloniam manavit. Rem hanc certa veterum lapidum fide manifestè probatam habemus, quos propterea heic omnes descripsisse præstabit:

C. ADIECTIO  
C. F. STEL  
MACEDONI  
PR. CER. IVRID  
C. ADIECTIVS  
NARCISVS ET  
CEIA LVCILLA  
NEPOTI L. D. D. D.

VERZOBIO  
C. CAELIO  
C. F. STE. BASSAEO  
DONATO  
PR. CER. I. D. QQ  
ADLECT. IN ORD.  
DEC. EQ. R.  
C. CAELIVS DONA  
TVS P. BASSAEA TANNARIA  
MATER

Sed antequam horum lapidum explicationem aggrediar, juvabit primùm Clarissimi Fabretti lapsum notare, ne ipsius in præcipuis notis illis PR. CER. interpretandis iudicium eruditus le-  
ctoribus amplius imponat: Lapis est apud ipsum cap. 8. pag. 572. n. LVI. in hæc verba:

C. IVL. FLORENTIN  
MIL. COH. VI. PR. CER  
EUFROSINE CONI. B. M  
Q. V. M. A. IX. M. III. D. XIII  
IN. D. V.

Ad quem lapidem Fabrettus ita commentatur: *Nota illi CER., quæ secundam lineam claudit, explicationem parare videtur Inscriptio Patavina apud Gruter. pag. 561 num. 2. in qua Silvius dicitur CEROM. LEC. XI. quasi CEROMATISTES. . . . & quidem Ceromate ungi milites ad natatus, & pugilationis exercitia, in Castrensi præsertim apud Urbem otio, atque ad indurandos artus, non insolens, neque inutile fuisset: At fallum profectò fuisse Fabrettum nunc demum nostrorum lapidum fide edocemur: quid enim magis ineptum, quàm notam illam CER. in Ceromatisten deducere, quam interpretationem Patavini lapidis exemplum, ubi CEROM. non CER. legitur, improbare, adhuc videtur? quod vero de præcedenti nota PR. de qua Fabrettus haud sollicitus fuit, iudicium feremus? An fortasse ad Cohortem referatur, quæ fuerit Cohors VI. Prætoria? nullo pacto concesserim: nam cum sequenti CER. conjuncta, ad hanc omnino pertinere dicenda est. Fuit itaque Patavinus iste Miles, ut semel dicam, non Ceromatistes, ut commentabatur Fabrettus, sed revera Præfectus Cerealis, quod munus (nec enim a militari C. Julii Florentini professione discessisse opus erit) ab eo utique in ipsis Castris gestum optime suadet exactissima illa, quæ semper fuit frumenti comparandi, interque milites dividendi cura, quæ probatæ fidei, & solertiæ uni, aut pluribus militibus mandabatur, adeout qui ad ejusmodi munus deligebatur satis congruè præfecti cerealis titulo appellaretur (4): At unde mihi, quæris, quod tam certo, fidenterque eas notas sic explicandas docuerim? Non ex ipsis tantum, quos jam attuli, lapidibus didicisse datum fuit, sed adhuc præclarior ex tertio nostro lapide, qui eandem rem egregiè illustrat, manifestum id habui:*

L. STAIO

[4] Præter pecuniam Frumentum etiam Romanis serè tradit Polybius De Roman. Milit. Vide Liphum Militibus dimensum in mensem distribui consuetum di- lib. v. Dialog. xvi.



L. STAIO L. F.  
STEL SCRATEIO

MANILIANO PRIMO

CER. I. D. QQ

FILIO EQ. ROMANI

ARCHIATRI BENEV

HIC PRIMVS OB HONO-

REM CEREAL. TESSERIS

SPARSIS IN QVIBVS AVRVM

ARGENTVM AES VESTEM

CAETERAQ. POPVL

DIVISIT

L. STAIVS RVTLIVS MANILIVS

Vides jam in hoc insigni nostro lapide *CEREALIVS* honorem memorari, idest ipsam *Præfetti*, sive *Prætoris Cerealis* dignitatem, novum quidem, nec quod alibi occurreret vocabulum, non absurdum tamen, quandoquidem a Consule est Consulatus, & *Ædilatus* (ut notat Festus) dicitur *Ædilis dignitas*, sicut *Pontificatus*; ut exinde jam certum sit, quid in eodem lapide illud CER. I. D. QQ., quid in binis aliis nostris lapidibus aut PR. CER. IVRID., aut demum PR. CER. R. D. QQ. significare omnino debeant; *Cereales* enim *Juridicundo quinquennales* iis omnibus lapidibus evidentissimè expressi habentur. Sed jam eximia quedam ex iisdem lapidibus paucis observasse liceat.

Ac primum illud sit, eundem Magistratum in Urbe ipsa *Ædilium Cerealium* nomine olim vocatum, neque alio deinceps nomine tum veteribus monumentis, tum recentioribus quibusdam passim cognitum, augustiori titulo apud Beneventanos insignitum fuisse: non enim *Ædilium* ipsi appellatione contenti, ad augendum ejusmodi muneris splendorem, *Præfectorum*, aut potius *Prætorum Cerealium* nomine decoratum voluere: quod tamen haud omnino ambitiosè factum censebimus, si Pomponii locum superius recitatum diligentius attendamus; ibi enim non *Ædiles* tantum duo, sed totidem simul *Prætores* (quos ex verborum contextu non ad aliam rem, diversumque munus referre unquam possumus) ad eundem *Cerealiatum* a Cæsare sunt instituti; nec secus Dio ipse, qui non binos dumtaxat *Ædiles*, sed totidem pariter *Curatores* ad id muneris delectos narrat, hoc solo discrimine, quod *Curatores* is appellat, quos Pomponius *Prætores*: Cum igitur novus hic Magistratus Beneventi institueretur, quid ni speciosiores quidem, splendidioresque, qui non arbitrato suo, sed Principis Urbis exemplo inductus fuerat, ejusdem Magistratus titulum usurpare maluerint Beneventani? atque hoc amplius ex nostris lapidibus novisse promptum est, non vacuum, nudamque ejusmodi *Prætorum Cerealium* dignitatem fuisse, sed ordinarii, qui in quinquennium perduraret, Magistratus auctoritatem obtinuisse peculiari Jurisdictione pollentem.

Duas autem potissimum causas putaverim, cur ejusmodi Magistratus singulari propemodum exemplo in Beneventana Colonia fuerit institutus, loci videlicet conditionem, & muneris amplitudinem. Ea enim semper fuit Beneventani Agri fertilitas, ut maxima ex eo frumenti copia colligeretur, is etiam Urbis situs, ut veluti Emporium a finitimis populis haberetur, quò frumentum, aliasque merces transvehentes, nundinas agere consuebant: *Ædilibus* certè pro veteri sui muneris ratione, universæ Annonæ cura incumbere, sed dum aliarum æque gravissimarum rerum ad suum item munus pertinentium administratione eos fungi opus esset, vix erat, ut huic rei, nisi cæteras neglexissent, probe, ac indefinenter prospicere valerent: Maxime igitur è Republica visum fuit, Romanæ Urbis exemplo novum hunc Magistratum instituire, qui rei frumentariæ præfesset, atque hanc præcipuam Annonæ partem collatâ etiam peculiari Jurisdictione curaret. Cur vero, etiam ejusmodi novi Magistratus institutio haud omnino necessaria fuisset, non illum tamen in suam Urbem transtulissent Beneventani, ut recens ex eo Urbi decus, summusque Civibus ad id muneris delectis honos gigneretur?

Et quidem, eximii honoris loco habitum quondam apud veteres, tum annonæ, tum præcipuè rei frumentariæ curandæ munus, satis constat: Ii etiam, qui ad frumentum in frumentariis Provinciis emundum, & ad Urbem mittendum Senatus Consulto extra ordinem creabantur, viri erant summi in Rep. loci, quales Brutum, & Cassium fuisse patet, quorum alterum in Asiam, alterum vero in Siciliam ad eam rem a Senatu legatos scribit Cic. ad Att. lib. 15. ep. 9. (a); qualem itaque putabimus ordinarii Magistratus fuisse dignitatem? Ex doctissimo Spanhemio, ut alios præteream, discimus haud semel ea de re cufos Nummos, qualis ille est Gentis Livinejæ, in quo modius frumento plenus cum duabus hinc inde spicis assurgentibus exhibetur; alter quoque Gentis Fanniae, qui Cereris caput habet spicis redimitum; quos ego Nummos, quod a viro perspicacissimo non satis animadvertum fuit, non ad designandum indistincte *Ædilium* munus, sed ad indicandum *Prætorum*, seu *Ædilium Cerealiæ* peculiarem Magistratum, ac omnino in eorum honorem, qui tum eo munere fungebantur, percussos fuisse censeo: At quid opus aliis exemplis rem hanc comprobasse, quam uberrimè confirmat, ac mirum in modum tertius noster lapis illustrat, in quo L. STAIUS ad *Cerealiæ* honorem evectus, non intra vulgarem illam liberalitatem se continuit, qua privatos homines Magistratum quempiam in Patria affectos aut Epulum dare, aut Denarios viritim distribuere pro more habuisse antiqui lapides passim nos docent, sed [quod Regiæ dumtaxat (b) munificentiae exemplum videri potest] Tesseras (c) sparsis, in quibus *Aurum*, *Argentum*, *Æs*, *Vestes*, aliaque id genus continerentur, eximiam muneris dignitatem singulari splendidissimæ largitionis exemplo comprobavit.

At hæc quidem de maioribus, seu præclarioribus Beneventanæ Coloniz Magistratibus mihi fuerunt observanda; nunc de Censoribus, seu Quinquennialibus, de Quæstoribus, de Curatoribus Kalendarii, cæterisque inferioribus Magistratibus agendum esset; at, cum vulgata satis eorum nomina, atque munera sint, omnia etiam, aut certè illustriora, quæ eos spectant, jamdudum ab aliis abunde pertractata habeantur, non huc aliorum scripta convolare, remque eandem recoquere mihi duxi; nam ut alios, de quibus jam differui, ita hos reliquos Magistratus Beneventi creati solitos, non est, cur dubitet quisque, aut cur ego heic probare pergam, quandoquidem ex nostro Thesaurio præclare res ipsa erit manifesta: Age vero, num eorundem Magistratum, quotquot florentibus sub Romano Imperio Beneventanorum rebus, ex antiquis monumentis constituisse compertum hætenus fuit, perpetua manserit forma, an etiam potestas, eadem nomina demum ipsa steterint, observasse præstabit: Et sanè, si in ipsum Imperium novas tum sub Augusto, tum sub Hadriano, tum demum sub Constantino, ut mox a me dicetur, regiminis formas fuisse constat, ita ut novis Magistratibus institutis, veterum jura, atque nomina in Orbe Romano, ipsaque præcipuè in Italia aut abolita, aut immutata lequior ætas aspexerit, quid ni inferioribus civitatibus id quoque factum arbitrabitur? Jam si Hono-

rianam

[a] *A Balbo redditæ mihi literæ, fore nonis Senatam, ut Brutus in Asia, Cassius in Sicilia, frumentum emendum, & ad Urbem mittendum curarent: O rem miseram!* &c. Sed quare miseram exclamat Cicero, qui etiam Ep. seq. *Frumentum imponere* . . . . quod munus in Rep. sordidius? Spectabat certè non ipsum munus, sed Bruti, Cassique dignitatem, qui cum Provincias fortiri debuissent, M. Antonii opera factum fuit, ut ejus muneris prætextu Urbe abessent, ac velut in exilium ejicerentur: quare non facile Ill. Spanhemio Diss. vi. pag. 546. concesserim, Numum, quem exhibet, ubi duo extant Togati sedentes, quorum lateribus duæ spicæ assurgunt cum Inscr. AD. FR. EM. EX. S. C., iidem Bruto, atque Cassio esse tribuendum: Vix enim verisimile sit, in summa Reip. perturbatione, de ea re, quæ per Antonii impotentiam magno Bruti, Cassique dedecori quoque erat, numos percutiendos Senatui voluisse.

[b] Ab Augusto, qui primus Principatus fundamenta jecit, aut potius stabilivit, res cœpta; nam non solum frumentum in annonæ difficultatibus sæpe levissimum, interdum nullo pretio viritim admenum est, verum etiam, ut subdit Sveton. cap. 41. *teseras nummarias duplicavit*: Eundem morem sequentes Principes tenuere passim; nam de Nerone testatur id. Sveton. cap. x1. *Sparsa Populo missilia omnium rerum per omnes dies*, ...

*Tessera frumentaria, vestis, aurum, argentum, gemma, margarita, sabula pisse, mancipia, jumenta, atque etiam mansuetæ fera, novissimè naves, infule, Agri*: De Domitiano autem hæc habet cap. 4. *Omne genus rerum missilia sparsit*, & quia pars major intra popularia deciderat, quinquagenas tesseras in singulos Cuneos Equestræ, & Senatorii ordinis pronuntiavit: Hadrianum tandem (ut alios præteream) *Dona per Tesseras separatim viris, separatim mulieribus in Theatro, & in circo dedisse*, refert Dio Cassius.

[c] Quid fuerint hæc Tesserae [varias enim ad varios usus Tesseras apud veteres in more fuisse constat] audire præstat ex Dione, qui tum de Nerone agens l. LXI. tum præclarior l. LXVI. de Titi munificentia ita loquitur: *Parvos globos ligneos de superiore loco jecit in Theatrum, qui symbolum continebant alicujus esculenti, vestisve, aut vasis argentei, aut aurei, equorum, jumentorum, mancipiorum, quæ oportebat eos, qui rapuissent, ferre ad Curatores ludorum, & ab iis accipere quancumque rem inscriptam*. Vel igitur globulis hisce ligneis symbola quædam impressa erant accipiendæ rei speciem significantiæ, vel certe pertulsi erant, inscriptamque rei notulam in foramine continebant, quam qui deinde exhiberet, statim rem illam, quæ inscripta erat, assequeretur.



rianam legem excipias, de qua superius fusè egi, ubi quinti sæculi initio (data enim legitur Honor. VIII. & Theod. V. Cos. idest anno 412.) adhuc Duumvirum municipalium occurrit mentio, dum universos antiquorum lapidum excurras Thesauros, aut ejusdem ætatis scriptores evolvas, desiderabis certè ejusdem Magistratus, aut etiam aliorum legisse nomina, quæ prior ætas ad fastidium usque tibi undique commemorare solebat: Audies jam *Correctores*, *Juridicos*, *Defensores*, *Curatores*, & cæteros ejusmodi Magistratum titulos, quæ propria declinantis Imperii, collabentiumque jam in Italia Romanarum rerum fuere vocabula: De singulis hisce sequioris ævi Magistratibus differere haud est otium, neque ad institutum meum pertinere putavi, unum, vel alterum attigisse contentus, quibus opportunè illustrandis Patriæ Antiquitates operam meam jure videntur postulare.

A postremo igitur eorum, quæ commemorasse satis habui, munerum nominè incipiam, atque ad *Curatores* rem pene omnem deducam, quorum munus posterioribus sæculis ad extremam usque Romanorum ætatem, Beneventi ulu receptum, ejus quoque Urbis præcipuum extitisse, luculentissime testantur hi nostri lapides:

## SATRIUS CRESCENS

V. C. CVR. R. P. BN. EX

LOCIS ABDITIS

VSVI ADQVE SPLEN

DORI THERMARVM

DEDIT.

## FL. CLAVDIO

IULIANO NOB

AC BEATISSIMO

CAESARI

CVRANTE TICIO

MAXIMO V. C. CVR. REI

BENEVENTI

CVRAT.....

NVMISIO.....

CVRATORE V....

BENEVEN.....

Ut autem de Curatoris munere rectè constet, rem paulo altius repetere opus erit. Curatorum nomen latissimè patet, diversaque eorum pro diversis rebus, seu personis, ad quarum curam deligebantur, fuisse genera, tum ex Juris libris, tum ex aliis antiquitatis monumentis passim liquet; at eorum, quos heic quærimus, Curatorum sub eodem vulgari nomine, non vulgaris ratio fuit, quippe qui Curatores cæteros quotquot unquam eo muneris titulo quàm frequenter agnovit, & appellavit antiquitas, dignitate antecederant; hinc, quum alii peculiaris muneris, cujus curam gerebant, adjectum nomen præferrent, ut puta *Kalendarii*, *Vicorum*, *Viarum*, *Operum publicorum* &c. hi tamen sine alia adjectione per excellentiam *Curatores* dicebantur: atque de his quidem plurima nobis Veteres reliquere monumenta, ut mirer, nihil hæcenus ab eruditis pro muneris dignitate fuisse observatum, imo, quod intolerandum erit, ejusmodi Curatores non alios ab iis, qui *Kalendarii*, aut *Vicorum*, aut denique *Viarum*, & *Ædificiorum* curam gererent, fuisse persæpe putatos (a). Curatores itaque primùm ab Alexandro Severo in Urbe institutos refert Lampridius cap. 33. eo quidem consilio, ut Præfectum Urbi in juredicundo adju-

S 2

varent,

[a] Jac. Cujacius observ. lib. 22. cap. 31. quæ fuerit inter *curatores* & *curatores* differentia, explicare aggressus, illos viarum, & ædificiorum publicorum, privatorumque Curatores fuisse, ad hos vero curam rerum venalium proprie pertinuisse ait: quod eò tendit, ut quod olim erat unius Ædilis munus jam in duo munera dissectum dici debeat: Fieri hoc aliquando potuisse Viro doctissimo haud egrè concesserim; at non id mihi persuaserit *Assynomos* illos, de quibus Papinianus singularem librum conscripsit, ad id solum operam suam adhibuisse, ut vias, ædificiaque curarent, eoque eo munere contentos, magnifica, ac speciosa nomina illa sibi adoptasse, quibus & *Curatores Reip.* & *Patres Civitatum*, aut *Patres simpliciter* sæpe dicuntur in *Juris*

*libris*: Majus aliquid splendidissimi hi tituli offende-  
bant, quamquod angustam illam viarum, ædificiorum-  
que curandarum potestatem continerent. Plura certè  
*Assynomis*, quos Curatores Reip. appellat, tribuisse  
videtur Papinianus, cujus quum opus illud cum cæteris  
aliis desideremus, quæ tamen in Digestorum libros  
Tribonianus sparsim retulit, augustioris Magistratus  
speciem nobis exhibere videntur; nam præter multarum  
ditionem, quam olim habebant, [ademit vero Gor-  
dianus in lib. 3. Cod. De modo multarum] Adse-  
ssores Curatoribus Reip. in juredicundo adstitisse di-  
sertè docet Papinianus idem in l. ult. D. De Officio Ad-  
sefforum.

varent, quod ei ob negotiorum multitudinem haud expeditum esset. *Fecit* (inquit) *Roma Curatores Orbis quatuordecim, sed ex Consularibus Viris, quos audire negotia Urbana cum Praefecto Orbis iussit*. At Lampridii fide impunè spreta, antiquiorem ejusmodi Curatorum originem ad Augustum referendam monet locupletior testis Sveton. qui cap. 33. diserte ait Augustum *Spatium Urbis in regiones, rivosque divisisse, instituisseque, ut illas annui Magistratus sortitò tuerentur*; ac ne ejusmodi Magistratus pro singulis regionibus institutos Curatorum nomine etiamtum appellatos dubitemus, eosdemque eodem quoque numero agnoscamus, quos Lampridius ab Alexandro institutos voluit, en optimum & ipsum testem Dionem, qui lib. lv. pag. 554. inter Augusti res gestas, id præclare commemorat, quod nempe *Urbs tota in regiones divisa fuit quatuordecim, quibus sorte divisis Curatores praessent*; quibus præterea addit, vestè, quam Magistratus gerebant, ac licitoribus binis uti, certis diebus ab Augusto concessum. Manfit autem post Augustum ejusmodi Curatorum Magistratus, cujus insigne præter alia monumentum sub Consularu L. Cejonii Commodi, & Sex. Vetuleni sc. an. 136. exhibet Gruterus pag. ccl.: Inscriptæ enim marmore Urbis Regiones, vicique omnes, qui iis continebantur, *Curatorum* singulorum propria nomina inscripta habent. At ante quoque id tempus Curatorum Urbis mentio occurrit, qui an pro ipsis Regionum Curatoribus accipi debeant, certum affirmare non auserim; extitisse tamen diserte probat locus Plinii H. N. lib. 14. cap. 24. qui sub Tiberio Principe L. Pisonem Urbis Romæ Curatorem memorat: *Eaque* (inquit) *commendatione* (ebrietatis scilicet) *credidere L. Pisonem Urbis Romæ Curatorem ab eo delectum, quod biduo duabusque noctibus perpotationem continuasset apud ipsum jam Principem (a): Lusum etiam quandam Curatorem Urbis sub Gallo Imp. memorat Ammianus lib. 14. Atque hic quidem recens sub Principibus in Urbe Magistratus, cui non insignia tantum vestium, lictoresque binos fuisse constat, verum etiam Jurisdicundi potestatem.*

Ex Urbe autem in Colonias, (ut fere in ejusmodi re evenire consuebat) Magistratus ipse permeavit; at quum extra Urbem semel constituisse coepit, eas sensim vires accepit, ut progressu temporis Magistratus reliquos, qui Municipalium Rerum administrationem ex veteri instituto obtinebant, non splendore tantum suo obrueret, sed etiam eorum vim, munera, potestatemque pene omnem sibi vindicaret: Rei causam novo M. Antonini consilio, quo Italiae regimini pro sui temporis ratione prospectum voluit, facile tribuendam putaverim: Non enim is dumtaxat: *Daris Juridicus Italia consuluit ad id exemplum, quo Hadrianus Consulares viros reddere jura præcepit*, sed singularium quoque locorum utilitatem haud negligendam ratus, *Curatores* (ut Capitolinus pariter refert) *multis Civitatibus, quò latius Senatorias tenderet dignitates, a Senatu dedit*: Ex quo quidem Capitolini loco duo sunt nobis præcipue observanda; ac primum illud est, ut facile conjectemus, sicut in Consularibus ab Hadriano institutis, ita in omnibus fere Italicis Municipalibus Magistratibus collapsam auctoritatem, aut etiam improbitatem aliquam Antoniao fuisse exploratam; neque enim ex levibus causis prudentissimus Princeps antiquis abolitis, novos Magistratus, quorum etiam delectum sibi servavit, instituendos curasset: Alterum, quod Civitatum Curatores nonnisi Senatorii ordinis viros constituerit, quo latius, inquit Capitolinus, *Senatorias tenderet dignitates, id est Romanis Senatoribus id munus tribueret, quo extra Urbem propriam dignitatem proferrent, ac re præclare gesta laudem sibi compararent*; ex quo etiam, (ut mox animadvertēbam) illud manavit, ut muneri ipsi ingens accesserit decus, multaque etiam amplificandæ ejus auctoritati, tribuerentur, quæ ad alios Municipales Magistratus quondam pertinebant: quamdiu autem Antonini institutum manserit Curatorum Civitatibus a Senatu dandorum, omnino incertum: Nobiles tamen viros ad ejusmodi munus deligi solitos sive ex Civitate eadem, sive aliunde, satis constat ex Spartiano, qui cum de Pescennio Nigro agere instituat, ejus generis nobilitatem ex eo probatam quibuldam fuisse refert, quod illius Avus *Curator Aquini* fuisset: Simmarii Felicis Flaminis perpetui *Curatoris Coloniae Cirrhenfis* Diocletiano VIII. & Maximiano VII. Cos. nempe an. 303. meminit S. Augustinus lib. 3. contra Cresconium cap. 29. & paulo post Constantino (eod. lib. cap. 70.) Saturninum proferit

[a] Scio, hanc vulgatam Plinii lectionem a plerisque mendosam habitam: Lippius sane ad Tacit. an. vi. num. 42. non Urbis Romæ Curatorem Pisonem, sed Urbis Romæ Curæ delectum legit, ut non alius, quam Praefectus Urbi is fuerit iis verbis a Plinio demonstratus, nam de Praefectura Urbana Pisonis clare ex eodem Tacito, qui ejus muneris originem, & progressum ea occasione describit: Brissotius etiam in De V. S. v. Cu-

stos: ubi Plinius Pisonem Urbis Curatorem vulgo habet, *Custodem* scribendum credit, ut ad eandem Urbis Praefecturam multis ex Horatio, Juvenale, Albinovano collatis locis, ipsum Custodis vocabulum deducat: *Lectionem tamen* (inquit) *vulgatam ferri posse non ignoro*: Quid Harduinus sentiat, nondum consulere licuit, nec magni refert.



profert Abtugnitanorum *Excursorem*, & Calibium ejusdem Civitatis *Curatorem*; unde etiam discimus temporarium fuisse munus, quo quum quis functus esset, *Excursor* aliorum insignium Magistratuum exemplo, appellari gauderet. Sed non aliis exemplis opus erit, dum locupletissimos ejus rei testes jam habemus nostros lapides, ubi tum *Satrius Crescens*, tum *Tocius Maximus*, qui ambo *Curatores Reip. Beneventanæ* dicuntur, ambo etiam siglis illis V.C. hoc est Virorum Clarissimorum titulo decorantur: quis autem nesciat *Clarissimi* titulum Senatorii ordinis olim proprium fuisse; atque quum sequiori ætate, *Clarissimus dignitas* (ut ejusdem ætatis vocabulo utar) aliis quoque ex Principum indulgentia patere cœperit, nonnisi tamen summis Magistratibus, ut Consulibus, Præsidibus Provinciarum &c. vel iis, qui præcipua munera in Imperiali Aula exercerent, concedi solebat; ut exinde jam pateat in *Curatoribus Reip.* (quamquam Antonini institutum de Romanis Senatoribus ad ejusmodi munus deligendis haud diu constituisse videri possit) Senatoriæ tamen dignitatis imaginem quamdam in eo *Clarissimi* titulo fuisse servatam.

Nec profecto impar ejusmodi titulo munus: Etenim ad *Curatores Reip.* (qui etiam *Curatores Civitatis* dicebantur, aut *Curatores Urbis*, ut tertii nostri lapidis tertiam lineam, in qua est CVRATORE V. . . . supplendam arbitror) non solum, quod minimum erat, viarum, operumque publicorum cura pertinebat, verum etiam rebus venalibus ipsi pretia imponebant, Curialibus præerant, vectigalibus, ac tributis perfolvendis invigilabant, publica prædia, & vectigalia locabant, pecuniam administrabant, Judices demum, Censoresque erant rerum omnium ad Civitatem pertinentium, ac *Reip.* nomine causas apud Principem, Præsidemve pro suo munere agebant: quod postremum munus si excipias, alioqui præstantissimum, in cæteris aliis in plures Magistratus olim divisum, ac dein in unum *Reip. Curatorem* collectis (a) non solum ipsi Jurisdictionem, sed & in juredicendo, majorum Magistratuum exemplo, Adfessores fuisse, paulo ante ex Papiniano didicimus.

Ac cum civilia munera pene universa *Curatori Reip.* adhærere jam cœpissent, ipseque rerum omnium ad Civitatem pertinentium curam, administrationemque suscepisset, novum ea de causa sibi nomen peperit, maximi quidem pretii, ac speciosissimum ipsum, ut *Pater Civitatis* appellaretur: *Patris Coloniae* Beneventanæ insigne monumentum hætenus ignoratum nuper vulgavit V. C. Muratorius in hoc Beneventano lapide, quem profert pag. 1172. n. 7.

HIC SIT . . . . .

. . . MV. . . . .

PRIMA INVENTA FVIT . . . . .

DVM VARIAS CVPIT SPEC. . . . .

. . . . . MVSEO FIGERE IN ALTO

DECIDIT ET HERMAS HOC NVNC EST PONDERE CLAVSVS

AETERNASQVE LACRIMAS RELIQVIT CARPO PARENTI

QVI VIXIT ANNIS XXI. M. VIII.

DIEBVX XX. CARPVX COLONIAE

PATER INFELICISSIMVS FECIT.

ad quem lapidem Vir summus hæc breviter notavit: *Colonia Pater illustre munus*: satis ampla ea quidem, quibus id præclarum, & prope singulare ex patriis antiquitatibus in lucem prodeat, ut *Patres Coloniae* (qui non alii, quam *Patres Civitatum* fuisse videntur) olim quoque dici consueffe, Beneventanæ Coloniae exemplo, quod non alibi fortasse occurret, ejusque lapidis fide nunc demum discamus: utinam vero, id omne Eruditis probetur; ac duo simul illa Viro Clarissimo Beneventani accepta referre possimus, & quod novo lapide nostrum Thesaurum, & quod singulari eo titulo veterem nostram Coloniam ditaverit: at vereor, ne aliter in lapide legendum sit, quam quod Muratorius vidit. Vix enim crediderim illud: *Coloniae*: quæ postrema penultimæ lineæ dictio est, ad primam ultimæ lineæ dictio nem i. e. *Pater* referri, cum

[a] Videbis leg. 9. D. De oper. publ. leg. 37. D. De Pañis leg. 3. §. 1. & §. penult. D. De administ. rer. ad Civit. pertin. leg. 2. Cod. De Sent. quæ sine cert. quant.

leg. 30. cod. De Decurion. & alibi passim in iisdem Juris libris.

cum eaque conjungi posse, ut demum *Carpus Colonia Pater* evadat. Potius enim in illa dictione *Colonia*, (quam, quum sola itare haud posset in lapide, ad sequentem dictionem, *Pater* pertinere putavit Muratorius) mendum subesse putandum est, ut fortasse illud *Carpi* cognomen fuerit, vel, quod verosimilius videri potest, post illam dictionem *Coloniae* Magistratus aliquis in eadem linea sequebatur, quo tum *Carpus* fungeretur, evanuitque postea eadem temporis injuria, quâ aliæ ejus lapidis insigniores partes detrîtæ aspiçiuntur: rem ita se habere monet illud: *infelicissimus*: quod *Pater* statim habet sibi adjectum, ut proinde *Carpus* incongruè satis *Colonia Pater infelicissimus* dici videatur, aptè vero *Pater infelicissimus Adolescentis* illius, qui (ut lapidis fragmenta indicant) dum *Tabulas*, aut signa aliqua in Musei pariete figere, aut suspendere satagebat, præceps extinctus fuit.

Ut ut igitur de Patre *Coloniae Beneventanæ* Eruditorum judicium fuerit, quod Patres Civitatum spectat, diversam tum a Curatoribus, tum ab aliis muneribus ejusmodi dignitatem distinguunt Græca Constitutio relata in leg. 1. Cod. lib. x. *Quibus muneribus excusentur &c.* ubi inspectio operum publicorum, Ratiocinium, Defensio Civitatis, Patris Civitatis munus, Curatio Reip., & Curatio Annonæ discriminatim recensentur; at Patris Civitatis munus, seu titulum ad Curatores Civitatis, vel Reip. præcipuè pertinuisse nedum colligere possumus ex Collat. 5. Synodi Mopuestanæ in quinta Synodo Constantinopolitana an. 547. sive an. 550. ubi occurrit: *Comitas Agens in Rebus, & Pater Civitatis*; sed certum addiscimus ex Novell. 160. Justiniani, ubi Imperator Aristocratem pro auro Aphrodisiensibus legato apud se agentem, (quod Curatoris fuisse munus jam constat) semel ac iterum Aphrodisiensis Reip. Patrem appellat: Patrem quoque Civitatis Justinianus idem memorat in Novell. 128., eumque esse Curatorem Reip. recte ibi notat Gothofredus; ut omnino Accursium errasse liqueat, qui ad titulum Codicis *De Ratiociniis operum publicorum, & de Patribus Civitatum* hos cum Defensoribus Civitatum eosdem arbitrat: Patrum enim Reip. vel Civitatum commune Curatoribus fuisse titulum, seu dignitatem pluribus ostensum fuit, at Curatores ipsos cum Civitatum Defensoribus confundi posse omnino verat tum diversus utriusque muneris gradus, quem manifestè distinguit Justinianus in Novell. 85. de Armis, ac in l. ult. Cod. De Infant. expos. ubi legis a se latè observantiam committit tam *viris clarissimis Præsidibus Provinciarum*, quam *viris Religiosis Episcopis*, nec non officiis *Præfidalibus, & Patribus, & Defensoribus Civitatum*, tum quoque diversa a Defensoribus Curatorum Civitatis officia, quorum munerum diversas omnino formulas nobis exhibet Casiodorus Var. l. 7. cap. xi. & xii.

Habes jam, quod mihi propositum fuit, de Curatorum munere, qui sequioris ævi Magistratus esse cœpit, præclara multa, aliis haud hæcenus observata, ex quibus eò sensim res processit, ut jam simul ad extremam usque Imperii ætatem illud reliquis Civilibus muneribus tum dignitate, & auctoritate, tum quoque diuturnitate præstitisse probatum sit: Adhuc tamen ex nostro Thesaurò lapidem proferam, quo res ipsa magis comprobari videatur: Ante quinque annos, dum Palatii Principis Morræ fundamenta effoderentur, Inscriptio hæc sepulcralis eruta in lucem fuit non cippo (ut assolet) quadrato, sed Tabulæ e Pario Marmore insculpta his verbis:

+ HIC REQUIESCIT MAMER  
CIVS MARCELLINVS VI<sup>S</sup> CVRA  
TOR QVI<sup>S</sup> VIXIT<sup>S</sup> ANN PM XXX  
DEPOSITVS SD<sup>S</sup> J<sup>III</sup> NONAS NOVEMBR<sup>S</sup>  
FLAVIIS S<sup>M</sup>MMACHO ET BOETIO VV  
CONSS

De hoc insigni lapide aliàs pluribus, quum de veterum Christianorum monumentis agendum erit; nunc, quod attinet, munus Mamercii Marcellini quod per illud: VI<sup>S</sup> CVRATOR in lapide legitur, observasse satis fuerit; Fuerunt, qui notam illam VI<sup>S</sup> pro *Viarum* explicandam censerent, nec defuit, qui Vlcorum interpretaretur, itaut alterutrius rei cura a Marcellino gesta eo loco significari videretur; sed multa mihi, nec sane levia tum prælo erant, ut neutram probarem sententiam: Frustra enim (ajebam) sexti sæculi initio (quam certam temporis notam præfert lapis ex Consulatu Symmachi, & Boetii, qui anno 522. signatur in Fastis) Viarum cura in Urbe Benevento, adde etiam, in ipsa Roma, & universa Italia mansisse, atque



atque adeo vixisse putanda est, ut ex Majorum instituto Magistratus ad eam rem creari adhuc mos esset: Scimus enim omnes, quam foeda per eam ætatem Italiæ fuerit facies, non tam perpetuâ Principum absentia, quam assiduis Barbarorum incursionibus: Non corrupti tantum mores, labefactataque Magistratum auctoritas, sed ædificia ipsa temporum infelicitatem experta: Gladem, quam operibus publicis Barbarorum furor inchoavit, Indigenarum negligentia pene complevit, qui privatis confecti ærumnis tot Romanæ magnificentiae monumenta ante suos oculos in dies ruentia jam ferre didicerant; tantum abest, ut Viarum curandarum eos studium teneret, aut creandi ea de re Magistratus morem ullum servarent. Ineptum autem & illud videbatur *Vici*, aut *Vicorum* Curatorem Mamercium statuisse, cum non extra Romana moenia munus queri debeat, intra quæ sola ob miram Urbis amplitudinem, Regiones etiam in Vicos divisæ, quibus qui præessent non utique Curatores, sed Magistros appellatos veteres lapides passim docent. Atque hæc quidem quum ita esse videantur, ad Curatorum munus, de quo hæcenus egi, anceps olim, sed posteaquam rem penitus perlustrassem, tutò Marcellini Magistratum in lapide memoratum deducendum putavi: Stare enim rectè potest, ut nota illa VI. pro numerali potius, quam ad vocem aliquam significandam usurpata in lapide videri possit; dum lineam illam convexam (quam pro stigmate, seu puncto post plerasque dictiones marmorarius in lapide adhibuit, juxta sequioris ætatis morem, quo in ejusmodi punctis efformandis marmorarios variè luisse jam notavi in Præfatione Operis) nunquam post literas VI. quæ vocabulum continerent, adhibitam invenimus, quam sapissime autem, imo semper post Senarium numerum iisdem notis expressum adesse demonstrant sexcenta antiquorum lapidum exempla. Itaque, cum VI. VIR. quod in antiquis lapidibus passim occurrit, non aliud sit, quam Sexvir; seu Sevīr, idem plane de nostra formula VI<sup>s</sup> CVRATOR censendum erit, ut *Sex Curator* in eo expressus intelligi debeat, novo quidem, ac singulari exemplo, quod tamen mirum videri nequeat; licet enim notas illas dictio *Vir* haud sublequatur contra universæ antiquitatis morem, quæ Magistratibus sua certa nomina obtinentibus, post numerales notas eam vocem adhibere solebat, ut II VIR AEDILIS, rudi tamen, luteræque illi ætati facile dandum erit, ut in nostro lapide post notas VI. ea vox omiſſa, & neglecta intelligatur, dum id quoque factum extrema ejusdem lapidis parte aspiciamus, ubi illud geminatum VV post Consulium nomina adjectum, quum non aliter, quam *Viris* explicandum sit, ridiculum ne illud putabimus, Consulium sexum demonstrare tantum nobis marmorarium voluisse? non ita: sed duplex CC sequi debebat, ut *Viris Clarissimis* in marmore esset, quorum tamen quum nullum omnino vestigium appareat, pronum est, ut illas a marmorario prætermiſſas dicamus, atque oſcitantiùs quidem, quam quod in VI<sup>s</sup> CVRATOR factum antea fuerat, ubi haud interjecta dictione VIR, satis de eorum numero judicium ferri poterat, qui Curatorum munere fungebantur, ut nempe *Seviri Curatores* tùm essent, è quorum numero Marcellinus fuit, haud perinde ineptà, neque obscurà loquendi formulà *Sex Curator* appellatus: quod si, quum de ipſo munere omnino jam constet, haud fortasse quis probet, ut unius nostri lapidis fide *Seviroſ Curatores* comminiscamur, tamque amplo numero eum Magistratum fuisse constitutum, qui Beneventanæ Urbi sequiori ætate præesset. jam in illo VI<sup>s</sup> marmorarii erratum agnoscere opus erit, qui VI. loco VR. in marmore sculpsit, sicque demum VRbis Curatorem, de quo munere tantopere diſſeruiſſe libuit, Marcellinum nostrum fuisse non erit amplius dubitandum.

Atque hic quidem, dum Romanum statet Imperium ad ejus usque extremum in Italia factum Langobardis rerum potitis, Beneventanorum Magistratum status, series, splendor, ut jam in iis non florentissimæ solum, atque optimè institutæ Reip., verum etiam liberæ Civitatis imaginem præclare expressam intueri quisque possit: At Beneventum Romanorum fuisse Coloniam jam meminisse debemus, ut propterea Beneventanis meliori, quam quod Præfecturarum erat, jure gaudentibus, dum suos sibi proprio ex corpore legere Magistratus liceret, suprema tamen Principis Urbis, ac Dominantis Romanæ Reip. majestas, atque Imperium ita agnoscendum fuit, ut non solum pro obnoxia illa, ac minus libera Coloniarum conditione jura institutaque omnia Populi Romani non sui arbitrii haberent, verum etiam certis quibusdam pro varia loci, ac temporis ratione statutis Romanorum Magistratibus parere tenerentur: Hos vero Romanos Magistratus non alios heic intellectos volo, nisi qui per universam Italiam certis Regionibus, seu Dioecesibus divisam, earum singulis a Populo Rom. aut à Principe ea potestate præſcribentur, ut locorum omnium, qui intra earundem fines continerentur, quum certa plerumque sede ipsi consisterent, supremam Populi, aut Principis nomine,

mine, seu vice, jurisdictionem haberent: itaut cum de levioribus rebus, ac criminibus Coloniali Magistratus cognoscerent, graviora tamen ad illorum Prætorium ex quaque Urbe judicanda deferrentur. Intererit itaque id, quod heic res omnino postulat, novisse, in quam nempe Italiæ regionem Beneventum conjuncta olim fuerit, quaque potestate, atque titulo Magistratus ille Romanus, qui eidem regioni præesset, in Beneventanos suam jurisdictionem, seu Imperium explicuerit.

Ac, quod stantis Reip. tempora spectat, cum certum illud sit, intra Samnii fines, uti ab sua origine, ita deinceps Beneventum mansisse, dum tamen Romanorum Colonia An. Urbis 486. jam demum evaserit, incertum sane erit, quisnam Magistratus esse cœperit, qui Populi Romani nomine supremam illam, quam modo quærimus, Jurisdictionem exercuisse videatur: Appianus quidem, Belli Marfici temporibus Italiam ita a Romanis administratam scribit, ut plures essent Proconsoles, qui partes ejus cum Imperio obtinerent; At scio, Sigonius Appiano, *quamquam* (ait) *auctori bono non assentiri, siquidem Prætoribus, aut Proconsulibus, nisi gravius alicujus belli causa, Italiam nunquam esse decretam non invenisse affirmat* De Jur. Ital. lib. 1. cap. 21.; atque ita Magistratus, quos ordinarios Appianus statuebat, non nisi extra ordinem delectos jam putet Sigonius: Ut ut autem de hac re videri possit, difficilius profecto erit in ipso Samnio per eam ætatem Magistratum aliquem Romanum præesse potuisse, propterea quod in universa ea Provincia, si Beneventum, ac paucas alias Urbes exceperis per longa temporum, locorumque intervalla in Romanorum ditionem redactas, reliqui Samnites omnes usque ad labentis Reip. tempora inter acerbiores, atque hereditaria, avitæque bellandi pertinacia insignes Romanorum hostes recensebantur, donec L. Sulla captas Samnitum Urbes diruit, gentemque pene universam ad internecionem usque delevit.

Ad Principatus igitur tempora progrediendum, aut potius transiliendum erit: ac primum illud non abs re fuerit notasse, nulli unquam Imperatorum, aut Principum ab initio Italiam paruisse: quod idem contigit, quod nemo unquam Imperatorum, ac nequidem, Triumviri ipsi de Italia, quæ domina erat omnium Provinciarum, sed pro Italia certare se ostendebant, ideoque in divisione Imperii inter Lepidum, Antonium, & Octavianum nulli eorum Italia fuit attributa, sed in Senatus potestate remansit; neque ad eos pervenit, qui tantum pacandarum Provinciarum causa, quibus Italia præerat, militare Imperium retinebant: Ratum id habuit etiam postquam rerum potitus est Augustus, qui non solum nullam sibi in Italia auctoritatem vindicavit, sed, quò magis illius honori, ac dignitati consultum iret, indicto per Romanum Orbem censu, quum Provincias, alias tributo in caput, alias tributo in solum onerasset, Italiam tamen utriusque census immunem reliquit, idque deinceps Jus Italiæ, seu Jus Italicum appellatum, quo plures Colonias extra Italiam ab quibusdam Augustis donatas recenset Ulpianus in leg. 1. D. De Censibus: satagebat certe Augustus, ut omnem a se invidiam, affectatæque Tyrannidis suspensionem amoliretur, salvam omnino, atque integram veteris libertatis imaginem in Italia ipsa præsentem conspici, qua Civium oculi ita detinerentur, ut quæ reliqui Imperii esset conditio haud recte cernerent, vel parùm curarent: adde, quod nec ipsius Imperii universam sibi curam attribuit, sed Provinciarum omnium Populi Romani, quæ pacatæ erant, & imbelles, neque militaribus prædiis indigebant, Senatui, Populoque permisit, qui veteri more Rectores suos, idest Proconsoles, Prætoresque in eas mittebat, quæ vero militaribus copiis instructæ essent, propterea quod adhuc tumultuantes, nec omnino domitæ, sibi retinuit, earumque administrationem vel per se, vel per Legatos, Procuratoresque suos suscepit: In hac autem Provinciarum divisione, quâ XIII. Provinciæ Augusto ipsi, XI. vero Senatui P. Q. R. cesserunt (a) nulla Italiæ mentio facta fuit, ut proinde nihil de veteri ejus statu immutatum fuerit, quo cuncta, ut olim, pro Senatus P. Q. R. arbitrio intra ejusdem fines administrabantur.

At hæc fide haud integra gesta esse constat, nec nisi specie tenus vera fuisse rerum exitus probavit. Nihil enim Augustus sibi deesse passus fuit, quo non plenam in Italia ipsa auctoritatem exerceret. Ac primum novam ejus divisionem excogitavit, statuitque, ut in undecim deinceps regiones distingueretur, teste Plin. lib. 3. cap. 5. Eam præterea non frequentare solum consuevit, ut tradit Sveton. cap. 46., verum etiam in Colonias ab se deductas, inter quas Beneventum adnumerabatur, ea contulit beneficia, ut & illarum opulentiam, & dignitatem simul, quibus Urbi Romæ quodammodo adæquarentur, augendas curaret: quid tandem

[a] Harum Provinciarum nomina juxta novam distinctionem ab eodem Augusto factam exhibet Panninius de Imperio Rom. pag. 805. edit. Venet. 1558.



non in Italia potuisset Augustus, qui in Urbe ipsa eorum Magistratum jure, quos in se unum collegit, sacras, civilesque res omnes administrabat: Reliquos autem Magistratus, quos suæ vel fovendæ auctoritati, vel decorandæ dignitati impares novit, ita aliis administrandos reliquit, ut nulli, nisi quos ipse probasset, deligerentur; quin etiam veteribus aliquot subblatis novos ipse in Urbe Magistratus instituit; qui verò ad rem nostram propius accedere videtur, Præfectus Urbi fuit, ab eodem Augusto ex Mæcenatis consilio institutus juxta Dion. l. 52. pag. 478. & Sveton. Aug. cap. 37. restitutus verò, ut placet Tacito *Annal.* 6. 11. (a): In hoc enim Magistratu jam observare incipiemus, quo pacto Italia, cujus Urbes, Coloniaeque suis quæque Magistratibus regerentur, Romanorum adhuc Magistratum Jurisdictioni pareret: *Omnia omnino crimina* (inquit Ulpianus lib. singulari De officio Præfecti Urbi relatus in leg. 1. D. eod. tit.) *Præfectura Urbi sibi vindicavit: nec tantum ea, quæ intra Urbem admittuntur, verum ea quoque, quæ extra Urbem intra Italiam, Epistola Divi Severi ad Fabium Cilonem Præfectum Urbi missa declaratur.* Quæ quum de atrocioribus criminibus intelligenda sint, servato Municipalibus Magistratibus leviora crimina coercendi jure, ut de minoribus Urbis Magistratibus aperte constat ex leg. ult. D. De officio Præfecti Vigilium; ita de civilibus Judiciis, quæ subinde eidem Præfecto Urbi Ulpianus attribuit, non intra Urbem dumtaxat illius cognitionem fuisse censendum est, sed per ipsam quoque universam Italiam, ex cujus item Urbibus, Coloniaeque ad ipsius Præfecti Tribunal deferrebantur, itaut gravioribus iis exceptis, reliqua Magistratus ipsi minores, municipalesque exquerentur. An igitur Præfecto Urbi Beneventum suberat? non omnino certum pronunciarerim: quamvis enim ipsius Italiae terminis Præfecturae Urbanae imperium desioire videatur Ulpianus, neque ab Augusti ævo Italiam, quæ prius Rubicone terminabatur, ad Alpes usque perductam dubitari possit, verius tamen, constat, non ultra centesimum ab Urbe lapidem Præfectum Urbi suum Imperium protulisse; atque hos quidem terminos ab ipso Augusto Præfecto Urbi constitutos indicat Dio ipse lib. 1., eisdemque paulo post agnoscit Ulpianus ipse, quem etiam audire libet: *Quicquid igitur intra Urbem admittitur, ad Præfectum Urbi videtur pertinere, sed & si quid intra centesimum milliariarum admissum sit, ad Præfectum Urbi pertinet: si ultra ipsum lapidem (id est centesimum), egressum est Præfecti Urbi notione.* Neque aliter sequiori ævo res se habuisse diserte docet Cassiodorus in formula Præfecti Urbi lib. 5. cap. 4. ubi hæc sunt. *Ditioni tuæ non solum Roma commissa est, (quavis in illa contineantur universa) verum etiam intra centesimum milliariarum potestatem te protendere antiqua jura voluerunt.*

Atque hæc loci spatia Magistratus hic non arbitrario quodam Institutorum beneficio, qui ejus dignitatem pro finium laxitate promovere voluissent, sed, suo veluti jure sibi vindicabat; nam simul ac Præfectus Urbi quis foret, in eam omnem, quò Urbis contentia ædificia extendebantur, amplitudinem, imperium obtinere oportebat; Urbem autem Romam non muro tenus exilimandam esse jam docuit Marcellus in l. 87. D. De V.S., quamquam vero inter Urbem, & Romam discrimen fuisse appareat ex

T

hæc,

[a] Videbis Brisson. de V.S. lib. 14. ubi hæc res egregie illustratur.

[b] Pauli verba relata in l. 2. D. eod. tit. hæc sunt: *Urbis appellatio muris; Romæ autem continentibus ædificiis finitur, quod latius patet: Quod sane discrimen ex Urbis etymologia probare conatur V.C. Heineccius ad legem Jul. & Pap. lib. 2. cap. 8. §. 1., id nihilominus ad verborum potius proprietatem, significationemque pertinere videbatur, quam quod ex consuetudine quotidiana servaretur; quis enim credat, cum Præfectus non Romæ, sed Urbi appellatus omni ævo fuerit, illius Imperium Urbis muro circumseptum; neque etiam ea placere, quæ Heineccius idem ex Dionysio Halicarnasæo, & Aristide observat, quod nempe ea fuerit Romæ magnitudo, ut nemo facile digno ceret, quousque sit hæc Urbs progressa, aut ubi Urbs esse definat, cum Urbanis enim ædificiis ipsa suburbia nexu quodam perpetuo cohaerebant, eaque spectantibus Urbis in infinitam longitudinem porrectæ speciem præbebant; Descendebat usque ad mare, ubi commune Emporium, communique omnium, quæ e terra pro veniunt, dispensatio, ac demum quacunque in parte Urbis con-*

stitisset, quis in medio semper esse videbatur: Rhetoris enim hæc danda sunt stylo, qui in amplificandis rebus plus quandoque sibi tribuit, quam quod res ipsæ videantur postulare: Frustra autem his utendum fuerit, ut res vera, atque certa probaretur. Itaque, si ea unquam Urbis Romæ amplitudo fuisset, incertum omnino erit quousque Urbs Roma protenderetur, atque adeo qui vere hi fuerint, quibus cum Romæ tres liberi essent, [de hoc enim in eo legis Papie Poppæ capite agitur] munerum personalium immunitate gaudebant, ut ab iis qui in Italia essent secernerentur; quod, si Urbem ipsam Romam pro vero continentium ædificiorum spatio dimetiatur, amplissimam quidem ejus fuisse amplitudinem, sed paucis tandem milliariis definitam inveniemus, ut angusta nimis eorum, qui tres liberos haberent, privilegia fuisse videantur: Res igitur aliò deducenda erat, deduxitque jam Heineccius idem, qui cum spatium Urbis ad centum milliaria protensum jam dicat, ejus tamen rei rationem non explicavit, originem vero ad postrema tempora falsò retulit, ut jam a me ostensum est.

hæc, quodvisque continentia ædificia progredierentur. significata fuerit, verius tamen est, utrumque vocabulum non ad ædificia sola sive Urbana, sive Suburbana omnino pertinuisse, sed quid amplius plerumque significasse: ut enim Coloniae, Municipiisque sua erant Territoria certis limitibus definita, in quos municipalis Magistratus Jurisdictio protendi poterat, qua ipsius Coloniae, municipiisque nomina continebantur, ita etiam sua Urbi Romæ spatia, postquam ejus ædificia esse desierint, adjacere debebant, tanto equidem ampliora, quanto angustior cæteris una omnium Princeps, atque Domina Urbs ipsa erat; Hinc prior, ut ex Dione observatum fuit, Augustus, institutâ Urbanâ Præfecturâ, eos Urbi terminos constituit, qui centesimo milliario completerentur, nec solam Romæ Dioecesium efficerent, verum etiam Urbis Romæ quendam veluti continentem progressum, appellationemque demonstrarent. Quod deinceps post Augustum mansisse satis patet, nam ad Prætorianos milites, quos Severus exaudivit, apud Herodianum lib. 2. (a) ita Imperator ipse loquitur: *Edico, juroque, ac denuncio capite poenas daturum, si quis vestrum posthac intra centesimum ab Urbe lapidem conspicietur: ita ut quum illos facessere juberet ultra centesimum lapidem, non aliud, quàm ne eos terminos, quibus Urbs continebatur, claudereturque, ingredi auderent, edixit: haud secus Imp. Constantinus petendæ in integrum restitutionis beneficium post expletum xxv. annum iis, qui in Urbe Roma, & intra centesimum Urbis Romæ milliariis essent, ad quinquennium prorogavit in l. 2. Cod. Theod. De in integr. restit.*; Atque hæc quidem Urbis spatia, quum Augustum habere auctorem videantur, eaque mox sequutis Principibus servata fuerint, veteris sane instituti atque Urbis Romæ appellatione olim contenta fuisse jam constat: novum tamen iis dumtaxat nomen postrema tempora indiderunt, nam *Regiones Suburbicarias* toties memoratas Imperatoribus, & Scriptoribus mediæ ævi de hoc ipso spatio intra centesimum circa Urbem lapidem conclusio, jamdiu viri doctissimi observarunt, & præclare exposuerunt (b).

Quum igitur tam laxi fuerint Urbis termini, rectè sequitur, ut tam latè etiam Præfecti Jurisdictio patere debuerit, cui Urbs curanda mandabatur; ita ut quicquid minorum Urbium, Coloniarumque intra illud spatium contineretur, ita Magistratibus suis parebat, ut tamen in rebus gravioribus Præfecti Urbi Jurisdictioni subderetur: quod tamen de Beneventana Urbe affirmare haud licebit, quippe quæ extra statutos Urbis terminos locata esset, atque, si Antonini Itinerarium attendatur, ad centesimum quinquagesimum septimum ab Urbe lapidem remota consisteret. Quærendus itaque nobis erit Magistratus alius, qui post eos Urbis terminos, in universa Italia ad instar Præfecti Urbi summum Imperium exerceret; ita enim Urbi Romæ ad centesimum lapidem progredienti Italia opponebatur, ut Italia ipsa a Provinciis fecerneretur, quod ex d. l. Constantini apertè constat, aliisque pluribus a Gothofredo collectis. Sed, quod caput erat, cum jam id ex prædictis omnino probatum sit, in ipsa Urbe Roma, ejusque Dioecesi ad centesimum lapidem producta, latius auctoritatis sibi Augustum vindicasse, quam per Præfectum ab se institutum exercere videbatur, nonne ipsum idem ab eo factum putabimus de reliqua Italia, quàm per alios Magistratus ita administrandam curaret, ut suæ auctoritati obnoxiam retineret; certè dum civilia bella arderent, *Clinium Maccenatem equestris ordinis cunctis apud Romam, atque Italiam præpositum* ab ipso Augusto testis est Tacit. An. 6. 11.; novam autem regiminis formam, cum jam rerum potius esset, instituens, an de sola Urbe, ejusque Præfectura cogitare, reliquam verò Italiam neglexisse voluit? Haud sane: nam certè falluntur ii, qui Hadrianum primum Italici Magistratus auctorem faciunt ex Spartiani verbis, qui *quatuor Eum Consulares per omnem Italiam Judices constituisse* refert; nomen enim Magistratus, non ipsum Magistratum, aut certè viros, qui illud obirent deinceps, tum excogitavit Hadrianus, ut nempe, qui alio nomine haud satis noto antea vocarentur, *Consulares* in posterum appellationem obtinerent, unde *Consularitas* ipsa deinde dignitas dicta fuit, diversa quidem ab ea quæ Consulatus erat, sed quæ illam prope attingeret, ut patet, ex formula, quàm exhibet Cassiodor. Var. lib. 6. 20.: quamquam & Consulares viros, qui nempe Consulatu perfuncti jam essent, ad id muneris (quod fortasse antea ab inferioris ordinis, aut dignitatis personis administrari solebat) delegisse Hadrianus videri possit, ut majorem ejusmodi Magistratui splendorem compararet; non, inquam, de novo instituit, quod Antonini, ejus in Imperio successoris, exemplo etiam patet, qui, ut refert Capitolina. cap. 11. *Datis Juridicis Italiae consuluit ad id exemplum, quo Hadrianus Consulares viros reddere jura præceperat*:

[a] Inter scriptores Hist. Aug. edit. Basileæ Frobenii ann. 1533. pag. 416.

[b] Jac. Gothofredus Dissert. De Suburbicariis re-

gionibus cap. 4. & v. Salmasius ad Trebelli. Poll. De xxx. Tyran. cap. 24.



rar: Ut enim, qui Hadriani instituto *Consulares* dicebantur, *Juridicos* Antoninus appellari maluit, ita eisdem *Consulares*, veteri Magistratus abjecto nomine, Hadrianus ipse nuncupavit: Atque jam, quum ab Augusto in successores omnes (neglecta quidem divisione illa Provincia- rum initio facta cum S. P. Q. R.) Urbis, atque Italiae administratio ita manarit, ut dati citra ullum Senatus, Populique suffragium Magistratus Principis nomine, ac jure praesent, accedamus demum ad certam illam Romani Magistratus formam, qua prioribus saeculis tum Italia cuncta in partes, seu Regiones divisa, tum Beneventana Urbs, quae ad illarum alterutram pertinere debebat, regerentur.

Intererit autem, non solum Regionum omnium, in quas Italia divisa olim fuerit, numerum, verum etiam Magistratum, qui illis praeficerentur, novisse nomina: ac, quod huc attinet, non soli *Consulares*, *Juridici*que, quos jam audivimus, sed *Correctores* quoque fuere: Horum non tam antiqua origo (quod alii corruptis vetusti lapidis Ariminensis verbis decepti falso putarunt (a)) statuenda erit, atque ad Augusti aevum referenda, neque tam fera, ut ad Constantini tempora producat, ut ex J. C. Hermogeniano (b) alii opinantur, qui eorum meminunt in l. 10. D. De officio Praefidis, sed secundo saeculo *Correctorum* nomen, & munus jamdiu vigere coepisse docet Papinianus noster (c), qui eos ita memorat in l. penult. D. eod. tit. ut veterem Magistratum eo jam usu recepto nomine satis notum ostendat: *Correctores* autem per solam fere Italiam institutos fuisse constat, ut certis Regionibus, seu Provinciis praesent ad earum differentiam, quibus *Consulares*, aut *Juridici* praeficiebantur; ac, licet his honore pares fuisse haud certum affirmari queat, eandem tamen, quam illi, in regionibus sibi creditis potestatem obtinuisse, imo sublati *Juridici*, in horum demum locum successores vetusta probant monumenta: De *Consularibus*, *Juridicis*, & *Correctoribus* nostris, qui extant, lapides heic simul collectos exhibere libet, ut eorum subsidio universae, de qua agimus, rei capita praeclearius illustrentur: ac primo loco *Consularium* lapides hi sunt:

T. ANONIO MARCELLINO  
V. C. CONS. CAMP. PATRO  
NO DIGNISSIMO OB IN  
SIGNIA BENEFICIA QVI  
BVS LONGA POPVLI TAR  
DIA SEDAVIT VNIVER  
SA PLEBS BENEVENTA  
NA CENSVIT PONENDAM

CLAVDIO IVLIO (d)  
PACATO V. C. CONS  
CAMP. OB AEQVITA  
TEM IVDICIS ET  
PATROCINIA IAM  
PRIVATI ORDO  
BENEVENTANVS  
PATRONO POST  
FASCES DE POSI  
TOS CENSVIT CON  
LOCANDAM.

T 2

DIVO

[a] Pitiscus in Lex. v. *Correctores*.

[b] Sub Constantino claruisse fertur Hermogenianus, de quo Menagius quaerit in Amoenit. Jur. cap. 11. Gravin. de Orig. Jur. l. 1. c. 103.

[c] Sub Severo, atque ideo sub secundi saeculi exitum floruisse Papinianum norunt omnes.

[d] Bis inscriptio isthaec exhibetur a Cl. Muratorio ac primum pag. 376. num. 1. in haec verba: C. Claudio Julio Pacato V. C. COS. Camp. ob Aequitatem Judicii, & Patrocinia jam [fort. Juris] Privati Ordo Beneventanus Patrono post Fasces depositos censuit conlocandam: Eandem, vel jam antea edidisse oblitus, vel ab edita diversam ratus, rursus proferit pag. 1032. n. 6. e schedis Cyriaci, atque apud Gruterum mendis deformatam esse notat, nihilo tamen minus, ut antea, mendosam iple utroque loco exhibet: Ac primum Cui praenomen, & COS. pro CONS. non habentur in lapide; & sane, res utraque ejus aetatis non erat, qua lapis dictus fuit, quarta vero linea scribitur *Judicii pro Judicis*, ex quo mendosum fuit, ut quinta linea illud jam in *Juris* ver-

tendum existimaverit, quasi *Aequitati Judicii* respondere debuerint *Patrocinia Juris Privati*; ac importune omnino: nam Pacatus ab ordine Beneventano celebratur tum ob aequitatem Judicii, tum ob *Patrocinia* jam *Privati*, idest, quod quum publico Judicis munere olim fungeretur, aequitatis studiosus fuerit, quum vero Magistratum obierit, ac privatam jam personam repetisset, *Patrocinia* sua Beneventanis Civibus impendere non destitit; Hinc post *Fasces depositos*, idest expleto Magistratus tempore, quum Privatus Patronum Beneventanis sese adhuc exhiberet, utriusque rei, status, atque temporis laudem eo monumento est affectus: quod tandem ad hunc lapidem conjecit Muratorius, quod nempe Pacatus iste Consul successus fuerit an. 336. quo Fasti habent *Nepotianum*, & *Facundum*. Lex vero 16. Cod. De Don. ant. nupt. data dicitur a Constantino *Nepotiano*, & *Pacato Consulibus*, non omnino, inquam, hanc conjecturam contemnendam putaverim, ac quum nulla sit *Consulatus* mentio in Inscriptione nostra, eam propterea ante *Consulatum* a *Pacato* gestum dedicatam fuisse, statuendum erit.

DIVO VALENTI PARENTI REIP (a)

PIO FELICI VICTORI

SÆMPER AVG.

NAERATIVS SCOPI V. C.

CONS. CAMP.

NVMINI EIVS MAIESTATI Q. DEVOT.

AMANTI OMNIVM ET AMATO OMNIBVS  
NOBILI PARITER AC IVSTO VALERIO PVBLI  
COLAE V. C. CONS. CAMPANIAE AB ATAVIS  
PATRONO SPL. ORDO BENEVENTANVS  
ET HONESTISS. POPVLVS STATVENDAM (b)  
DECREVIT.

Atque hos quidem, qui Consularium meminere, habemus lapides, quibus alii bini addendi essent, ubi Anicius Auchenius Bassus, non Consularis, sed Proconsul Campaniæ dicitur; sed, cum de istis opportuniore loco agere propositum mihi sit, ad Juridicos modo accedam.

L. RAGONIO L. F. PAP. VINATIO (c)

LARTIO QVINCTIANO COS

SODALI HADRIANAL. LEG. LEG. XIII GEM  
DONIS MILITAR. DONATO AB IMP. COMMODO

ANTONINO AVG

PROCOS. PROV. SARDINIAE IVRIDICO  
PER APVLIAM PRAET. AED. PL. Q. PR. PR.

PROV. AFRIC. SEVIR

M. ACCIVS ENNIVS SERGIANVS

AMICO

Apud

[a] Gudius pag. 95. n. 3. VALENTI, mendosè scribit VALERIO contra fidem non solius lapidis, sed etiam universæ Antiquitatis, quæ neminem Valerii nomine Augustum nobis exhibet; at tu cum legis: Divo Valenti, ne putes ex eo prænomine Valentem jam tum defunctum, cui, ut manifestè apparet, viventi lapis dedicatus fuit. Jamdiu adulatio morem illum corruerat, quo Principes nonnisi mortui, ac rite consecrati, Divi appellarentur; Audi Tacit. Ann. XV. 74. Reperi in commentariis Senatus, Cerialem Anicium Consulem designatum, pro sententia dixisse, ut Templum Divo Neroni quam maturrimè publica pecunia poneretur; quod quidem ille decernebat, tanquam mortale fastigium egresso, & venerationem hominum merito; quod ad omnia olim sui exitus verteretur; nam Deum honor Principi non ante habetur, quam agere inter mortales desierit: Tertullianus Apolog. cap. XXXIV. ubi plurima lectu digna in hanc rem, pulchrè, & appositè hæc subdit: Si non de mendacio erubescit ejusmodi adulatio, hominem Deum appellando, timeat saltem de infauso: maledictum est ante Apollinis Deum Casarem nuncupare: At quid, inquires, Divi appellatio cum Valente Principe Christiano: Sed nosti simul Catholicæ Fidei hostem, multisque

insignem criminibus, quem facile de ea sacrilega appellatione alios sibi blandientes non erubescibat.

[b] Muratorius pro statuendam habet statuendum, atque hæc notat: Pro statuendum scriptum reor statuam, aut statuam ponendam, at neutrum horum; neque statuendum, ut ipse edidit, sed statuendam exhibet lapis, cui verbo subintelligendam statuam satis pater exemplo aliorum lapidum, quos superius ob oculos habes, ubi est: Censuit ponendam; Censuit conlocandam: id est statuam, quæ eidem Basi, ubi inscriptio insculpa erat, superposita, reipsa expressa, manifestèque significata habebatur.

[c] Pro VINATIO legendum est VRINATIO fide tam alterius nostri lapidis, tum Fastorum, in quibus L. Ragonius Urinatius Quintianus Consul signatur an. 235. L. Ragonius Quintianus alter occurrit in iisdem Fastis Consul an. 289. Sed priori, qui hujus fortasse Pater fuit, lapides dedicatos fuisse constat ex eo, quod is ab Imp. Commodus donis militibus donatus dicitur; & quidem a Commodi ævo non longe se habet, ut abest alter, qui integro fere sæculo Commodi posterior fuit.



# DISSERTATIO QUARTA. 149

Apud Panvin. in Fast. ad a. v. 988. & Gru-  
ter. pag. 45. num. 9. a quibus locus retice-  
tur, sed Gudius ex iisd. nominibus, ut in  
proxima, Beneventi extare censet.

In Ædibus DD. de Cardone, &  
apud Sponium sect. IV. pag. 124.  
Fleetwood pag. 162. n. 1. & Mu-  
rator. pag. 1033. n. 2.

HERCVLI CONSERVATORI  
PRO SALVTE  
L. RAGONI L. F. PAP. VRINATI  
LARTI QVINCTIANI VIR. COS  
SODAL. HADRIANAL LEG. LEG.  
XIII GEM DONIS MILIT. DONAT  
AB IMP. COMMODO ANTONINO  
AVG. PRO. COS. PROV. SARDINIAE  
IVRIDIC. PER APVLIAM PRAEF.  
I. D. PRAET. AED. PL. Q. PR. AFRIC  
VL. VIR AVG. EX TESTAMENTO  
M. ANTIVS ENNIVS SERGIANVS  
AMICO V. CVR.

M. CAECILIO (a)  
NOVATILIANO  
C. V. ORATORI ET PO  
ETAE ILLVSTRI AL  
LECTO INTER CON  
SVLARES PRAESIDI  
PROV. MAES. SVP  
IVRID. APVL. ET CA  
LAB. PRAET. TRIB. PLEB.  
Q. PROV. AFRIC.  
SPLENDIDISSIMVS ORDO  
BENEVENTANORVM  
PRIVATIM ET PVBLIC  
PATROCINIO EIVS  
SAEPE DEFENSI P. DD.

Reliqui sunt *Correctores*, de quibus etiam praesto sunt hi nostri lapides.

ADELFI CLODIO CELSINO  
INSIGNI ET C. V. PRAESTANTI BENIVOLEN  
TIA AVCTORITATE IVSTITIA  
CORR. REGIONVM DVARVM (b)  
MEMORABILI ET PRAETERITORVM  
IVDICVM EXEMPLA VIRTVTIBVS  
OMNIBVS SVPERGRESSO ORDO SPLEN  
DIDISSIMVS BENEVENTANAE CIVITATIS  
PATRONO DIGNISSIMO

MARCELLINVS
FL. CORNELIO MARCELLINO
V. C. CORR. APVL. ET CALA
BRIAE . . . . . CATO
RI CVR B. . . . . V
P. PL ILAE . . . . .
FORO COMMVNI . . . . .
COMMO . . . . .
RVM QVI . . . . .
OB INSIGNIA . . . . .
ET AMOREM . . . . . PA
TRIA NE . . . . .
VR. . . . . BENEV. . . . .

Habes jam ex nostris lapidibus *Consulares*, *Juridicos*, & *Correctores* Italicis regionibus, seu Dioe-  
cesibus praepositos, quibus & *Praesides* adjungendi videntur, qui eo titulo aliquam Italicam re-  
gionem

[a] Pudet hunc insignem lapidem adeo deformatum, & mutilum a Sponio fuisse editum, ut praeter aia *Juridici* munus in eo desideretur: Sic enim habet: *M. Caecilio Novatiliano cur. Poetae & Oratori illustri V. C. allesto inter Consulares Praefidi Prov. Moes. Quaestori Africa Praefecto Jurisd. Hispan. cit. & Calabriae splendidissimus Ordo Beneventanorum privatim, & publice patrocinio ejus saepe defensi P. DD.* Ex Sponio excepit Fleetwood, qui & haec in fine observat: not. *Jurisdicund. Hispania*

*Citerioris*: at de Hispania citeriore ne jota quidem in lapide: Novatiliani munera sic lego ex lapidis fide: *Praefidi PROVINCIAE MAESIAE SVPERIORIS IVRIDICO APVLIAE, & CALABRIAE PRAETORI TRIBUNA PLEBIS Quaestori PROVINCIAE AFRICAE.*

[b] Duas hasce regiones, quarum nomen in lapide reticetur, Apuliam, & Calabriam fuisse observat Muratorius, cujus de hac re judicium inferius expen-  
demus.

gionem aliquando administrasse ostenduntur tum in nova illa Imperii divisione ab Hadria. no facta, tum etiam in novissima divisione altera quam Constantinus instituit: Utramque exhibet Panvinius (a), ex quo Italicarum regionum numerum, nomina, earumque proprios Magistratus audire poteris: Illud tamen mihi observandum erit, *Juridicos* ab Antonino institutos, sive potius ejus Magistratus nomen haud diu iterisse, sed post ejus obitum pro *Juridicis* iterum *Correctores* fuisse substitutos: quod ex nostris lapidibus invicem collatis omnino patet; nam L. Ragonius per Apuliam, M. Cæcilius Novatillianus Apuliæ simul, & Calabriæ *Juridici* fuere, quarum deinceps regionum Clodius Celsinus, & Fl. Cornelius Marcellinus *Correctores* dicuntur: In recensu etiam Italicarum regionum, quem Panvinius exhibet nullimode *Juridici* memorantur, quorum proinde nomen in Italia statim defecisse apparet.

At, quod rem nostram attinet, quum jamdiu illud quaeramus, intra quos nempe Italicæ regionis fines Beneventana Urbs contineretur, ac cui propterea Magistratui subderetur, ex nostris lapidibus, quos jam retulimus, id certo statuisse haud promptum erit: Scio, D. de Bruzen la Martiniere in *Lexic. Geogr. v. Benevent.* (quum in Camilli Peregrini sententiam concesserit, qui, ut Campaniæ suæ & fines, & decora pro viribus ampliaret, Beneventum eidem regioni aliquando adjudicatam contendit) hoc amplius sibi probatum affirmare ex pluribus Inscriptionibus, Statuitque, quas Beneventani Consularibus Campaniæ dedicare consueverunt: At nihil ea re incertius videri debet; nam non Consularibus tantum Campaniæ, sed finitimarum quoque aliarum regionum Magistratibus, nempe *Juridicis*, mox *Correctoribus* Apuliæ, & Calabriæ eadem honoris monumenta pari modo a Beneventanis dedicata, lapides modo a me relati manifestè docent, adeout, si docti viri conjectura valeret, jam ignorabimus, utri Magistratui Beneventani subderentur, qui inter Campaniam, Apuliamque positi utrumque Magistratum, nempe Consulares Campaniæ, & Apuliæ *Juridicos* æquis honoribus prosequi studuerunt; At, ne longum faciam, frustra ex lapidibus ipsi Jurisdictionis conjectura deduci potest, ex quibus manifesta habetur causa, cur a Beneventanis dedicati fuerint: Fuit igitur causa, quod ipsorum Consularium aliqui fuerint, quos Beneventani sibi *Patronos* adoptarint, itaut non Magistratus jure, atque causa, sed sola *Patronatus* ratione, ut Inscriptiones præclare ostendunt, Statuæ ipsæ fuerint dedicatæ; Patronos autem eos, qui in Rep. summi essent loci, a Coloniis, & Civitatibus adoptari vetus mos fuit, dabaturque ab iis assidue opera, ut quos in sua clientela accepissent omni re juvarent, quod quum egregiè præstiterint T. Anonius Marcellinus, Claudius Julius Pacatus, & Valerius Publicola Consulares Campaniæ, *Patronis* proinde optime de se meritis insignia ejus honoris monumenta Beneventani dicarunt.

Age nunc, quæ sint *Peregrini* momenta videamus: multus certè is fuit, omnemque conatum adhibuit, ut quod semel sibi statuit, amplificatos pene in immensum Campaniæ fines aliis

[a] Panvinus de Imperio Romano p. 884. & p. 892. edit. Ven. 1558. hæc habet:

Provinciæ, vel Dioceses in Italia, & tribus ejus Insulis XVI. r. ab Hadriano institutæ.		Provinciæ Italicæ juxta Constantini Aug. Institutionem.	
I. Venetia & Histria.	Hæ octo Dioceses habebant Consula- res.	Venetia & Histria.	Consulares subVi- cario Italiæ.
II. Æmilia.		Æmilia.	
III. Liguria.		Liguria.	
IV. Flaminia, & Picenum.		Flaminia, & Picenum annonarium.	Consulares subVi- cario Urbis Ro- mæ.
V. Tuscia, & Umbria.		Tuscia, & Umbria.	
VI. Picenum Suburbicarium.		Picenum suburbicarium.	
VII. Campania.		Campania.	
VIII. Sicilia Insula.	Hæ duæ habebant Correctores.	Sicilia.	Correctoriales sub Vic. Urbis Romæ.
I. Apulia, & Calabria.		Apulia, & Calabria.	
II. Samnium, & Bruttii.	Hæ septem habebant Præfides.	Lucania, & Bruttii.	
I. Alpes Cottiae.		Alpes Cottiae.	Præfidentiales sub Vic. Italiæ.
II. Rhetia prima.		Rhetia prima.	
I. Rhetia secunda.		Rhetia secunda.	
III. Samnium.		Samnium.	Præfidentiales sub Vic. Urbis.
V. Valeria.		Valeria.	
VI. Insula Sardinia.		Sardinia.	
VII. Insula Corfica.		Corfica.	



aliis persuaderet (a). Ac primùm satis firmum suæ opinionis fundamentum invenisse putavit in nova illa regendæ Italiæ forma, quàm Hadrianus instituit, ut scilicet Italia quatuor Consularibus administranda committeretur: Perpetuam eam formam post Hadrianum ratus, Appiani Alexandrini de ea re præfagium deridet, falsumque eum vatem fuisse pronunciat, quod l. i. De Bell. Civil. Hadriani institutum non diu duraturum post ejus obitum edixisset; quasi non Appiano, qui post Hadrianum scribebat, jam ea res comperta fuerit, labefactatamque Hadriani formam plane ostendat plurimum sane, quàm quatuor Magistratuum numerus, ac diversum nomen; quod modo ex Panvinio probatum fuit: Ex hac igitur quatuor Consularium administratione per universam Italiam instituta id manasse putat Peregrinus, ut Italia ipsa novam regionum divisionem acciperet, quæ quidem numero pauciores, finibus tamen ampliores Consularium numero responderent: Adeout, quæ undecim olim ex Augusti instituto numerabantur Regiones, inter quatuor illas recenter ab Hadriano institutas conjectæ, in earum fines, & nomen translatae fuerint: Hoc Peregrini commentum promptum mihi refellere esset ex aliis Italiæ Regionibus, quæ post Hadrianum suos peculiare Magistratus accipere solebant, de qua re sufficere posset divisio illa, quam veteri formâ paucis immutata, peregit Constantinus; sed cum ille rem totam ad Campaniam deducat, quid certi asserat, audiamus: Præter utrumque Latium, Picentinos, partemque Samnii, quam Campaniæ ab Augusto adjunctam asserit, Hirpinos etiam, majoremque conjuncti Samnii partem Campaniæ ab Hadriano addita fuisse arbitratur, sicque Campaniam ipsam ad equum Tuticum & fines, & nomen protulisse, atque Apuliæ conterminam evasisse. Plura sparsim, & nullo ordine ad conciliandam suæ sententiæ fidem adducit, quæ ad duo potissimum referri queunt. Primùm ex veterum scribendi more argumentum desumit, quo illi Apuliæ Campaniam adjungere solebant; sic Taciti locum notat Ann. l. 3. ubi Germanici cineres ex Asia Brundisium transeptos, cum inde Romam afferrentur, *Magistratus Calabria, Apuliæque, & Campani* supremis muneribus fuere profecti: *Quo in itinere* (inquit) *post Apulos non aliorum Tacitus facit mentionem, quam Campanorum, cum tamen inter utrosque medii essent Hirpini, quorum satis nobilis erat Orbis Beneventum, quam non debuisset eum tacere, ratio postulare videtur*: Sed quam infirmum hoc sit argumentum, Peregrinus ipse agnovit, qui ultro ejusmodi Scriptores Hadriani ævo longe antiquiores rectè vidit, ut perinde haud de Campania illa loqui potuerint, quæ suis antiquis finibus deinceps egressa, Hirpinos, Samniique partem sibi adjungens ad Apuliæ fines transilivit: neque etiam, (liceat mihi dicere) si qui essent Scriptores Hadriano posteriores, qui Apuliam Campaniæ conjungerent, Peregrino favere possent; quis enim sibi suadeat exactissimas locorum omnium descriptiones ab iis Scriptoris semper servatas, qui non Geographiam ex instituto pertractarent, sed rerum gestarum narrationes elucubrari: quàm otiosum illud, quod Lectorem summo rædio afficeret, quàm ineptum, atque ab optimi Historiographi more abhorrens, ut dum iter aliquod narrandum sibi sit, singula loca, regionesque omnes interjacentes sigillatim enumerare laboraret? Cæterum si de scriptoribus Hadriano anterioribus agendum esset, Taciti loco, quo Peregrinus abuti volebat, promptum erat Ciceronem opponere, qui in Epistola ad Pompejum hæc habet (b): *Cumque nec mihi, nec fratri meo dubium esset, quin Brundisium contenderemus, a multis qui, e Samnio, Apuliæque veniebant, admoniti sumus, ut caveremus &c.* ubi jam vides, (nam itineris faciendi ratio id quoque postulabat) exactissimè Regionum spatia inter se coherere, Samniumque Apuliæ conjungi.

Ex utroque igitur Itinerario, scilicet Antonini, & Hierosolymitano rem confici putat Peregrinus: Hierosolymitanum non moror, quippe quod sequioris ævi opus tum in omnibus dubiæ fidei, tum in conjungendis Campaniæ, Apuliæque finibus ambigue loquitur: Ad Antonini Itinerarium quod attinet, bina ex eo loca proferuntur, unus est, quo demonstratur iter, quod a Mediolano per Picenum, & Campaniam ad Columnnam, idest trajectum Siciliae ducit: quid sibi velit Peregrinus ex hoc loco, prorsus non video; an fortasse quod hujusce itineris Mediolanum initium, Columnna terminus statuatur, iterque ipsum per Picenum, & Campaniam excurrere dicatur, Picenum, & Campaniam tractum omnem implere debebant, qui a Mediolano ad Columnnam interjacebat? Sed nec in loco altero intelligendo felicius fuit Peregrinus: verba Itinerarii hæc sunt (c)

Item

[a] De Campania Felice Dissert. l. c. 8. edit. latine ex versione Dukerii tom. ix. p. 2. Thesaur. Antiq. & Histor. Ital. Burmanni. Lugduno Batav. 1723.

[b] Post epist. lib. viii. ad Attic.

[c] Ex Florentina edit. ann. 1526. quam curarunt Heredes Junstæ post Poup. Melam, & Jul. Solinum pag. 135.

Item a Capua Equo  
Tutico M. P. LIII. sic  
Ubi Campania limitem habet  
Caudis M. P. XXI:  
Benevento M. P. XI.  
Equo Tutico M. P. XXI.

ad quem locum Peregrinus: *Si igitur in loco, qui appellabatur ad equum Tuticum* (quod juxta Cluverium, ipsumque Peregrinum nunc est Arianum) tum limes erat Campania, qui a Caudis, Urbe secundae Regionis Augusti, in qua Hirpinorum fines continebantur, distabat triginta millibus passuum, & amplius, ecce jam extensionem situs, & nominis ejus, quam ab Hadriano profectam dicebamus: At hominem alioqui perspicacissimum heic dormitasse, aut potius opinionis suae tuendae studio abreptum coecutisse quis non videt? Statuit enim Equum Tuticum esse Campaniae limitem contra fidem ipsiusmet Itinerarii, ex cujus verbis limes ipse Campaniae non Equo Tutico, sed Caudis disertè designatur: illud enim: *Ubi Campania limitem habet*: non conjungitur Equo Tutico, sed ad Caudium, quod proximè sequitur pertinere omnino videtur; quod, ut clarius pateat, Itinerarii locus membratim explicandus erit: Primum igitur demonstrare vult integrum iter, quo Capua Equum Tuticum pervenitur, ejusque distantiam M. P. LIII. esse docet; deinde iter ipsum per plures mansiones dividit, quas cum enumerare incipit, addit particulam sic: ac postea sequitur: *Ubi Campania limitem habet*: Caudis M. P. XXI. idest a Capua usque ad limites Campaniae, scilicet ad Caudium M. P. XXI. At clara satis res est; neque aliter intelligendum esse hunc Itinerarii locum, Itinerarium ipsum alibi docet, nam (pag. 170.) cum rursus iter ab Urbe Roma Beneventum tum viâ Praenestina, tum Lavicana demonstrare instituat, per Theanum, Allifas, Telesiam, Samniticas Urbes, Beneventum usque deducit, itaut in ipso Samnio jam conquiescat (a).

An vero Itinerarium ipsum ab ea Regionum divisione, situque discrepasse potuit, quae post Hadriani ævum viguisse constat? Certe Ptolemæus, qui paulo post Hadrianum, & Antoninum floruit, non solum Campanos, Samnites, Hirpinosque suis finibus distinctos nobis exhibet, sed uniuscujusque regionis Urbes, quæ suo ævo fuerint, adhuc enumerat. Præstat, eundem insignem Geographum iterum audire ex l. 3. c. 1. ubi de Italiæ situ agit.

*Samnitum civitates, qui sub Pelignis, & Caracenis sunt.*

*Bovannum (lege Bovianum)*

Efèrnia

Sepinum

Allifæ

Tucentium

Telesia

Beneventum

Clusium

[a] Ac de Antonini Itinerario absoluta mihi res erat, quum postea fors fuit, ut in cap. v. Dissert. 2. Peregrini inciderem, ubi is de Campaniæ limitibus orientem versus & Septentrionem agere instituit; ac cum ad eam rem statuendam Antonini Itinerario sibi utendum denud esset, lætari simul mihi subiit, eam, quam ipsi Itinerario dedi explicationem, a Petro Bertio probatam invenisse, sed mirari adhuc ejusdem Peregrini pertinax obstinatamque in sententia semel prolata ingenium: *Videamus jam* [inquit] *anne credendum sit Antoninum in Itinerario suo describentem iter a Capua ad Equum Tuticum, & ipsum quoque limitem Campaniæ Felicis possuisse ad Caudium; meque in Dissertatione præcedenti minus velle verba ejus accepisse: atque hæc debuisse distinguere, ut distinguit illa Petrus Bertius in editione hujus Itinerarii una cum aliis Itinerariis antiquis, & Ptolemæi Geographia ad hunc modum:*

Iter a Capua Equum Tuticum M. P. LIII. sic.  
Ubi Campania limitem habet Caudium M. P. XXI.  
Beneventum M. P. XI.  
Equum Tuticum M. P. XXI.

*Et certe Bertium non alia fuisse opinionem de mente Antonini oportet: verum ego huic opinioni subscribere non possum: At videamus quid illud fuerit, quare Peregrinus a sua sententia, quam in Dissert. 1. pronuntiavit, discedere nefas sibi duxerit: Plena pagina id in summa contendit, in eo Itinerarii loco variantes lectiones adesse, eaque verba: ubi Campania limitem habet: a posteriore manu esse, ac postmodum in Itinerarii textum irrepsisse sibi videri; proptereaquod insuetum fuerit, neque necessarium ejusmodi Itinerario Regionis Campaniæ limites ex ea itineris parte recensere, quod neque in aliis ejusdem Campaniæ finibus, neque in aliis Italiæ regionibus præstitit. Quanti habendæ sint hæc Peregrini rationes, facile liquet: Id dumtaxat animadvertam, hisce rationibus non Bertii opinionem, seu potius verissimam Itinerarii locutionem, sed suam imbecillam sententiam, quæ in Dissert. 1. ejus Itinerarii fide præcipue innixa fuit, ipsummet Peregrinum, nolentem licet, manifestè reprobasse.*



Clusium (lego Claudium, nam non est aliud Clusium nisi Herruria, qua ad Samnites nullo modo pertinet)

Campanorum mediterraneæ Civitates

Venafrum

Theanum

Sveſſa

Cales

Casilinum

Trebula

Forum Populi

Capua

Abella

Atella

Hirpinorum Civitates

Aquilonia

Abellinum

Æculanum

Fratuolum &c.

Atque hæc quidem pertinere omnino videtur antiquus Lapis ille, quem Dissertationi 1. hujus Voluminis præfixum multis observationibus illustravi; eum lapidem Beneventana Colonia Juliae Augustæ Imp. Cæsaris Septimii Severi dedicavit. In Territorio suo quod cingit etiam Caudinorum Civitatem muro tenuit: Cum itaque limites Beneventani Territorii Septimii Severi ævo, qui haud ita longe ab Hadriano imperavit, Caudinorum usque Civitatem extenderentur, vix dubitari potest, quin illuc usque Samnii simul Regio suos fines proferret, quos statim Campania excipiebat, quæ Caudinis Furcis terminabatur: Non enim Agri, sed Territorii vocabulum lapis adhibuit, ut exinde intelligeretur utriusque vocis discrimen, de quo l. l. differui; ac propterea quum non ibi Agrorum, qui ad privatos Cives Beneventanos pertinerent, sed Territorii, in quo Magistratus Beneventanus jurisdictionis exercendæ potestatem haberet, limites indicati fuerint, diversa omnino a Campaniæ regione ea locorum spatia, quæ cis Caudium jacebant, fuisse ostenduntur, ac profecto ad Beneventanam Coloniam ita pertinere videbantur, ut veterem Samnii regionem, cujus ipsa Metropolis erat, antiquis suis finibus adhuc continerent; Antiquos autem eosdem fines appellavi, quos Natura ipsa, ut Italiæ a Galliis determinandæ, ita Samnio a Campania sejungendæ constituisse veluti videtur, montes nempe eos, quos Samnitibus attribuens Circum Campaniam jacere ait Strabo lib.v., quorum etiam unum eodem, quo hodieum vocatur nomine Taburnum Samnitum Oliviferum commemorat Vibius Sequester; quos intra montes illæ locorum angustiae sunt, Furcæ Veteribus nuncupatæ, intercepti olim, atque ab Samnitibus Romani Exercitus sub jugum missi memoriâ celebres, ibique Caudium, quod hodie Arpajam vocant, stetisse satis constat; Eos autem fines post Hadrianum integros Samnio stetisse Ptolemæi cum Itinerario Antonini consensus, qui vicissim illustrantur, manifestè probat, ut proinde Beneventana Colonia, quæ in lapide Juliae Augustæ dedicato ad Caudium usque sui Territorii fines pertingere declaravit, haud alios certe, quàm qui Samniticæ Regionis fines essent, expressisse videtur.

Atque hæc satis esse videntur, ut Peregrini argumenta, quibus is ad Equum Tuticum, seu Apuliam Campaniæ limites post Hadriani ævum prolatos contendebat, inania esse, ac erronea demonstrarem; sed pergit adhuc Peregrinus, ac novo ad eandem rem probandam argumento usus, Beneventanam Urbem aggreditur; Eam a Samnio divulsam, ac finitimæ Campaniæ aliquando adjudicatam affirmans prolatos exinde ipsius Campaniæ, quæ Beneventum complecteretur, fines liquere jam credit. Plura sunt quæ ad id peculiare argumentum confirmandum proferre sategit Peregrinus: A levioribus ordiar: nam Campanam Beneventum ab Aufonio appellatam refert in carmine, quod de iis, qui sexum mutaverunt, conscripsit: sic enim Aufonius.

*Nec satis antiquum, quod Campana in Benevento*

*Unus Epheborum virgo repente fuit.*

Eandem etiam fuisse causam addit, cur Stephanus Byzantinus duplex Beneventum statuisse, alteram Samnii ab Diomede conditam, alteram Campaniæ, deceptus, inquit, quod sequiori ævo Beneventum in Campania extitisse legerit, quam ex vetustioribus Scriptoribus in Samnio locatam deprehenderat, itaut duas eas Urbes fuisse putaverit: Ad Stephanum quod attinet, vix est, ut ea fuisse causâ putetur, ut ob mutatos cohærentium Regionum limites ex una duas Urbes tam oscitanter

ter effecerit; Ausonio verò quæ fides? eo epitheto uti is potuit pro Poetæ more, satisque Benevento accomodari posse credidit, quæ juxta Campaniam posita erat.

Graviora illa erunt, quæ de binis Januariis Beneventi Episcopis ad rem suam argumentatur Peregrinus: De Priore hæc habet: *Ita enim Beneventanus ille Episcopus, & Martyr S. Januarius, una cum aliis Sanctis Martyribus antiquioris Campaniæ, imperante Constantio ad mortem fuerunt damnati ab uno, eodemque Judice, seu Preside Timotheo: atque istud non intelligens Caracciolus multum negotii habuit, ut investigaret aliam hujus rei causam: Causam igitur satis certam invenisse putat Peregrinus, quod Beneventana Urbs tum ad Campaniam pertineret, atque inde factum fuit, ut cum de atrocioribus criminibus [quæ tum Christianæ fidei professio putabatur] quæstio habenda esset, Beneventani ad Campaniæ Præsidentem defererentur: At si solis conjecturis res transigenda esset, facile Peregrinus rem ipsam divinasset; sed conjecturis jam nullus erit locus, ubi certa adfuerint monumenta, Peregrino nunquam perspecta, ex quibus ejusce rei causam manifestam omnino habemus: quæ autem ea fuerit, ut Beneventanus Episcopus ad Campaniæ Præsidis Tribunal duceretur, diserte docent tum Bedæ Martyrologium, tum Acta sincera S. Januarii, quæ nuper exhibuit V. C. Mazochius ad finem tom. 1. Comment. in Marmoreum Kalend. Neapol.: non enim Timotheus, aut potius Dracontius (ut præfata monumenta habent) Campaniæ Judex Apparitores suos Beneventum misit, ut ex ea Urbe Sanctum Episcopum vincitum ad se traherent, aut certe Episcopus ipse a Beneventano Magistratu fuit traditus Campano Judici, ut in eum animadverteteret, sed fors fuit, ut Episcopus ipse tum in Campania versaretur, quò contenderat, ut S. Sossium Misenatem Diaconum familiaritate sibi junctum, atque in carcerem jam detrusum ad martyrium constanter subeundum adhortaretur: Bedæ hæc sunt: *Et post non multos dies idem Diaconus (Sossius) tentus, & in carcerem missus est; ad quem visitandum cum venisset Episcopus (Januarius) cum Diacono suo Feslo, & Lectore suo Desiderio, & ipse cum eo simul tentus, ac pariter omnes cum aliis tribus occisi sunt: Acta verò mirifice cum Beda concordant in hunc modum: Detructo itaque Sossio in ardua custodia carceris a militibus custodiebatur; quod cum B. Januarius reperisset, quia B. Sossius Diaconus carceri fuerat mancipatus, statim ad carcerem cum Diacono suo Feslo, & Lectore suo Desiderio, ut eum consoleretur, perrexit; & ingressus ubi tenebatur in vinculis, dicebat: quare sine causa tenetur homo Dei in carcere? statim milites, qui custodiebant Carcerem, nuntiaverunt Judici. . . . mox ut hoc audivit Judex iussit eos teneri &c.* Utriusque monumenti verba ipsa recitare necesse fuit, ut dum veram rei causam compertam haberemus, falsa, quam nobis is obtrudebat, Peregrini conjectura ostenderetur: non igitur mirum, si Campanus Judex hominem jurisdictioni suæ haud origine subditum, sed tamen intra Campaniæ regionis fines in eo, quod putabant, gravissimo facinore deprehensum, propterea ratione (ut ajunt) delicti mox subditum effectum, ac præterea ad interrogationes sibi factas Christianum, atque Episcopum se constanter profitentem suppliciiis affecerit, ac capite demum damnarit.*

Ad posteriorem Januarium quod attinet, qui Sanctitate celebris Beneventanam Ecclesiam sub quarti sæculi medium rexit, cum is Concilio Sardicensi anni 347. ubi interfuit, in hanc formam subscripserit: *Januarius a Campania de Benevento*: exinde probari etiam credit Peregrinus Beneventum ad Campaniam eo tempore pertinuisse, quam Januarius uti Regionem, seu Provinciam, in qua sua Episcopalis Urbs continebatur, in ea subscriptione expressam voluit. Verum non genuina incorruptaque Concilii Sardicensis Acta inspexisse debuit, aut certè dissimulavit Peregrinus, qui eam subscriptionem in mendosis ejusdem Concilii exemplaribus, sive potius fragmentis fortasse nactus, satis habuit ex ea quaecumque suæ sententiæ præsidium comparasse. At ne Peregrinus nobis, ut Ughello, aliisque hætenus, sive potius fragmenta eadem, ut ipsi olim Peregrino, ita aliis imponant, quid de illis sentiendum sit, jamdiu Viri docti judicant: Exhibet post Acta ejusdem Concilii Sardicensis, quæ illius circumferebantur fragmenta V. C. Labbeus ex veteri MSS. Justelliano, quibus etiam ex aliis S. Hilarii fragmentis adjecit nomina, subscriptionesque Episcoporum, qui eidem Concilio interfuere, in quibus tot ferè menda, quot verba numerare est (a); adeo ut nonnisi infimi Aevi foetus appareat, quem sciolus quispiam ex lutulentis fontibus hauriens, lutulentiorum adhuc barbarie sua effecerit, multaque in eo, quæ Episcopales Urbes, earumque Provincias spectant, ex proprio ingenio interpolaverit: Apage igitur nugæ hæc: dum integra ipsius Concilii Actorum constat fides, ex quibus nihil tale legere

[a] Harum subscriptionum Auctorem plura sunt, quæ falsitatis manifestè redarguant; nam multis mendis, quibus nomina ferè omnia deturpavit, plurimos exhibet Episcopos, qui vel solius Episcopalis Urbis, vel so-

lius Provinciæ adjecto nomine designantur: Sic Calepodius Episcopus Neapolitanus prætermisissus Episcopali Urbe solius Campaniæ Provinciæ nomine notatur, ita. *Calepodius a Campania.*



legere est, quod ex fragmentis illis nobis obtrudebat Peregrinus: Ac primum S. Januarium II. Beneventi Episcopum Sardicensi Concilio interfuisse satis liquet tum ex ejus genuina subscriptione, de qua mox agemus, tum ex cap. xviii. (non verò viii., ut Ughellius, alique perperam habent) ipsius Concilii, ubi illius Sanctiois promulgandæ auctor fuit, qua Episcopis omnibus, alterius Civitatis, Ecclesiæ Clericos ordinare interdictum fuit: An verò is Julii Romani Pontificis in eo Concilio Legationem obiverit, dubitarunt plerique (a): Quibus autem conceptis verbis inter alios Episcopos subscriperit, eadem Concilii Acta nos tandem docent, in quorum fine inter aliorum Episcoporum subscriptiones quinto loco sic legitur: *Januarius Episcopus Beneventanus*: ubi nihil de Campania, quam, ne Amanuentium oscitantia prætermittam suspiceris, desiderabis etiam in subscriptionibus Vincentii Episcopi Capuani, ac Calepodii Episcopi Neapolitani, ut proinde jam constet nullum eorundem Episcoporum de addenda Provincia fuisse sollicitum; quamquam verò posteriores hoscæ ad Campanam Provinciam pertinuisse aliunde explorata res sit, satis tamen nobis erit nullam Campaniæ mentionem subscriptioni suæ Januarium Beneventanum Episcopum adjecisse, ut exinde Peregrinum nullo pacto audiamus, qui amplius ex ejus Episcopi Beneventani subscriptione Beneventum intra Campaniæ fines aliquando conclusam falsò conjiciebat.

Tantum verò abest, ut circa ea tempora Episcopatus Beneventanus cum sua Urbe ad Campaniam pertineret, ut vel ipse Peregrinus, quod certè mireris, Beneventum ipsum Metropolim fateatur, cui etiam an Campana Ecclesia subiecta tum fuerit, ignorare se dicit (b): Postquam enim S. Paulini Nolani Episcopi epithalamium expendisset, quo is nuptias filię Æmilii Beneventani Episcopi cum Juliano filio Memorii Episcopi Eclanensis seu Fricentini celebrare instituens, Æmilium patrem, & fratrem Memorii, Memorium vero filium, & fratrem Æmilii vicissim appellat, hæc subdit: *Memorius ibi appellatur Frater, & Filius Æmilii, quibus verborum figuris denotatur Episcopatus ejus dignitas inferior Æmilii dignitate, qui ejus erat Metropolita, prout hodieque Beneventana Ecclesia Metropolitana est Fricentina: Verum eandem Campanæ quoque Ecclesiæ fuisse unquam Metropolitanam, illud equidem ignoramus*: Hactenus Peregrinus (c), quem nollem ita statim summet oblitum, ut suis ipse verbis Beneventanis conjecturam tribuat, quæ aliquando Metropolis jura in Campaniam sibi subditam habuisse contendat: At non ego tam facile de ea re Beneventanis blandiendum velim, quibus satis erit eo Peregrini argumento hoc sibi certum statuisse, sui scilicet Samnii Metropolim Beneventum tum fuisse; ex quo profecto manifestum illud consequitur, nullo pacto ad Campanam Provinciam pertinuisse Beneventum, quæ suæ Gentis, universi scilicet Samnii Metropolis haberetur.

Metropolim autem Ecclesiasticam Samnii (nam de Civili mox quoque) Beneventum per eam ætatem fuisse, præter conjecturam, quàm S. Paulini locus, ipso Peregrino interprete, modo suppeditavit, plura sunt, quæ adhuc probant: Ac primum illud cum Petro de Marca (d) obser-

V 2

vabimus,

[a] Præter Hosium Episcopum Cordubensem, ac præterea Archidamum, & Philoxenum Rom. Ecclesiæ Presbyteros, ejusdemque Ecclesiæ Diaconum Leonem, alios Legatos ad eam Synodum Sardicensem a Pontifice missos negavit P. Lupus in Dissert. de Syn. Sardic. cap. 2. quam post illius Synodi Acta adjecit tom. 1. p. 315. edit. Venet.: Hinc non solum Hincmarum Episcopum Remensem, qui Vincentium Capuanum, & Calepodium Episcopum Neapolitanum Legatos ejus Synodi, sed etiam Gratianum, qui Januarium Beneventanum eodem munere tum functum recensuit, non audiendos putat: Doctissimi Viri judicium non heic expendere locus, neque otium: Gratiani verba recitasse satis erit, quæ in Decret. dist. 25. Can. sexta Synodus sic se habent: *Quarta Synodus Sardicensis, in qua Patres lxx. fuerunt Canonici xx. quorum Auctor maximè Osius Cordubensis Episcopus, & Vincentius Capuanus, & Januarius Beneventanus, & Calepodius Neapolitanus S. Rom. Ecclesiæ Legati existerunt*. Sed non unus Gratiani testimonio res constat, quam probant etiam eorundem Episcoporum subscriptiones, quas in ms. Codice antiquo ejusdem Synodi reperiri observat P. Labbeus in hunc modum: *Vincentius de Capua Legatus S. Ecclesiæ Romana: Januarius de Benevento Legatus Ecclesiæ SS. Ca-*

*lepodius Neapolitanus Legatus Ecclesiæ SS.*: In quibus subscriptionibus id etiam notare subit, nullam quoque Campaniæ mentionem fuisse adhibitam.

[b] De origine Metropolis Ecclesiæ Beneventanæ videlicet V. C. Dominici Georgii Dissertationem Epitollarem, editam Romæ 1725. ubi illud præclare probat, Beneventanos Præsules a prioribus sæculis revera potestate Metropolitanam fundos esse, & Metropolitanam non quidem nomine, sed juribus usos; quod sane nomen a Joanne XIII. tandem affectum, primi [quod frustra Capuana Ecclesiæ sibi proprium jactabat] in suburbicariis regionibus Metropolitanam titulum, atque insignia obtinuerunt.

[c] Ex eo S. Paulini loco, aliisque præterea ejus ævi monumentis jamdiu morem invaluisse rectè notat Peregrinus, ut Metropolitanam, seu Archiepiscopum Patres suorum suffraganeorum appellarentur, atque hi vicissim illorum Filii: ut mihi de doctissimo Mabillonio mirari jam fubeat, quod in Præfat. sæcul. v. Benedict. num. 22. idest Christiano sæculo x. Fulconem Remensem fuisse statuat primum, aut certè inter primos, qui suæ Metropolis suffraganeos Filios appellavit.

[d] De Concord. Sacerd. & Imp. lib. 1. c. 7. §. 4.

vabimus, Urbicariam Dioecesim, quæ Regiones quamplures, seu Provincias intra suos fines continebat, Romano Pontifici immediatè quidem paruisse, suos tamen Metropolitanos habuisse Episcopos, qui reliquis uniuscujusque Regionis, Provinciæve Episcopis præessent. Jure ipso id profectò mandante fieri oportebat, quod speciatim promanabat tum ex can. v. & vi. Nicenæ Synodi, tum ex Innocentii, & Leonis decretis, qui omnes singulis quibusque Provinciis Metropolitanum præficiendum sanxerunt: Re autem ipsa ita factum fuisse demonstrare pergit Vir doctus, atque ejusdem Urbicariæ Dioeceseos Provincias enumerare instituens, *Campaniam* scilicet, *quæ a Consulari, Samnium, quæ a Præfide regebatur, Apuliam cum adjuncta Calabria, quæ Correctori suberat, & Brutiam cum Lucania, quæ alteri Correctori parebat*, quæ in hisce Provinciis omnibus Metropolitanæ Episcopales Urbes fuerint veterum monumentorum fide, Scriptorumque testimonio demonstrat, ac quod Samnium attinet, *Beneventum ejusdem Regionis primariam Urbem* Metropolitanos jure insignem fuisse decernit: quam quidem sententiam præclaro adhuc argumento confirmare nunc suppetit: Neque enim quod in aliis universi Imperii Provinciis omnibus servatum novimus, ut Ecclesiasticæ Metropoles antiquis, quos cuique olim Provinciæ Principes statuisent, terminis definirentur, id in Urbicaria Dioecesi immutatum fuit, ita ut plures ipsas, quas modo recensuimus Provincias, propterea quod uni Rom. Pontifici immediatè subderentur, in unam coaluisse Provinciam suspicari liceat; nam eandem ipsam Urbicariam Dioecesim in veteres Civiles Provincias distinctam nobis omnino exhibet S. Leo PP. in Epist. 80, quæ scripta legitur *Univerfis Episcopis per Campaniam, Samnium, & Picenum constitutis*: Ex quo illustri monumento habes jam in Urbicaria Dioecesi manifestum Provinciarum discrimen, distinctos fines, diversa jura, ita ut qui singulis iis inter se discretis Provinciis continerentur Episcopi, cum sine suo peculiari Primatè esse nequirent, ut alii alium, ita Samnites Episcopi Beneventanum Episcopum Metropolitanum agnovisse debebant.

At cum de Ecclesiastica Samnii Metropoli (quod non ita obvium fuerat) satis constare videatur, ad Civilem modo redeo; atque si Samnium posteriori ætate stetit, imò ipsum suo nomine, suoque jure Samnium inter reliquas Italicas Regiones suum quoque Civilem Magistratum obtinuisse probavero, confecta res erit, ut neque illius, quaqua olim proferebantur fines unquam fuerint imminuti, neque ab ea Regione Beneventum divulla unquam extiterit: Quamvis autem ex utraque tum Hadriani, tum Constantini divisione, Regionumque Italicarum forma ab ipsis instituta manifesta res videri possit, adhuc tamen præclara alia præsto sunt, quæ Samnium inter reliquas Italiciæ Regiones ita referunt, ut integròs, incolumesque ejus fines perpetuò servatos ostendant: Post Hadrianum itaque, ante verò Constantinum de *Correctore Samnii* cum aliis simul Provinciis locupletem habemus testem Trebellium Pollionem in xxx. Tyrannos, nam Tetricum, quem inter xxx. vigesimum secundum numerat, *Correctorem totius Italiæ ab Aureliano factum* refert, idest (inquit) *Campaniæ, Samnii, Lucaniæ, Brutorum, Apuliæ, Calabriæ, Hetruriæ, atque Umbriæ, Picens, & Flaminia, omnisque annonaria Regionis*: At post Constantinum stetit quoque Samnii Provincia, ut ex Cassiodoro discimus, cujus, dum Præfecti Prætorio munere fungeretur, binæ extant Epistolæ (a), altera ad Anatolium *Cancellarium Provinciæ Samnii*, altera ad Lucinum *Cancellarium Campaniæ*, ut jam demum liqueat, nihil inter utramque Provinciam commune tum fuisse, quarum altera ab altera suis antiquis distincta finibus, propriis etiam Magistratibus seorsim regebatur.

Licebit tandem Procopium audire, cujus testimonio non sua tantum ætate, sed quæ a primis usque temporibus Italicarum Regionum situs, numerusque fuerit, præcipuè illustratur: Is itaque, cum Italiæ Regiones describere instituat, sic orditur: *Intra Æonicum Sinum imprimis Hydruntis oppidum est: huic verò a dextra Calabri, Apuli, Samnitesque sunt, & his quidem finitimi sequuntur Picens . . . . ad levam deinde in partem & Calabri, Brutiique præterea, Lucanique habitant, post hos Campani Terracinam usque pertingunt, quos statim Romanorum termini subeunt* (b). Habes primo loco inter Cistiberinæ Italiæ Regiones Samnium recenseri, quæ Regio Apulis adnectitur, quorum fines pertingebat: atque heic non abs re observabimus, eandem omninò Procopii ætate Samnii Regionem nobis repræsentari, quæ intra suos primævos, nativosque fines continebatur, ut nempe inter Apuliam, Campaniam, Picenumque concluderetur: Fuit enim haud semel, ut Samnites suæ Regionis, dominationisque terminos latius proferrent; cujus tamen rei tria tempora erunt distinguenda, quorum si media tantum demas a Procopio spectata, prima, atque extrema Samnium ipsum latissimè ultra suos consuetos fines effusum nobis exhibent; Priora intelligemus tempora, quæ & ipsius Romanæ Reipublicæ exordia fuere, extrema verò, quæ Rom. Imperii

occa-

[a] Variar. lib. xi. cap. 36. &amp; 37.

[b] De Bello Gothic. lib. i. pag. 273. edit. Basilee 1576.



occasum spectant; quod igitur priora illa attinet, veteres Samnites vicinam Campaniam armis aggressos, eandem sibi subiecisse disertè tradunt Strabo (a) atque Livius (b), itaut præcipuæ Campanæ Urbes quum victoribus omnino cecissent, in iisque Samnites sedem, domiciliumque collocassent, jam *Samnitica* dicerentur, Samnioque dominanti adjectæ fuerint; In his ipsa Campaniæ Urbium caput Capua Samnites accepit dominos, a quibus capta, diù etiam in potestate detenta fuit, donec Romanorum ope a Campanis impetrata, conflatoque Samnitico, quod ad quinquaginta ferè annos continuò exarsit, cum Romanis bello, satius Samnitibus fuit antiquos Regionis suæ fines repetiisse, intra quos non solum adversus hostium conatus tutiores esse possent, verùm etiam in ipsa Imperii sede collectas simul vires paratiores haberent, ac felicius explicarent: atque hæc quidem priori ætate Samnitici Imperii, Regionisque amplitudo: sed rursus extrema, quam diximus, ætate, suis egressa finibus Samnitica Gens universas penè Cistiberinæ Italiæ Regiones in suam ditionem redegit: Longobardico enim Ducatu instituto, mox Beneventana Urbs, quæ illius nobilissima sedes delecta fuit, *Caput* quoque (ut rectè a Paulo Diacono appellatur) & Metropolis Provinciarum circumjacentium evalit: Rem de quâ differere neque hujus temporis est, neque loci, leviter heic attigisse opus fuit, ut qui fuerit diversis temporibus Samnii status, ob oculos haberi posset: Reliqua modo est, de quâ tamdiù quærimus, illa ætas, quæ inter Samniticum cum Romanis bellum, ac Longobardorum in Italiam adventum media fuit, in quâ Samnites suos intra fines, quos sibi initio statuissent, sese continuasse semper, non inviti fateamur, at suæ Regionis parte aliqua multatos aliquando, omnino negamus: Quid enim? Cum Procopius Samnii Regionem inter Apulos, Campanos, Picentinosque sitam nobis exhibeat, qui sanè proprii nativeque Samnii fines extitere, an, si unquam Samnium ante Procopii ætatem aliqua parte imminutum fuerit, novam comminiscemur recentioris descriptionis formam, quâ demum, dum Procopius scribebat, redintegrati Samnio fines invenirentur? At frustra novam eam quærimus formam, dum ex prioribus Hadriani, & Constantini descriptionibus nihil immutatum habeamus tum de Samnii, tum de aliarum Italicarum Regionum statu, quæ cum ipso Samnio in utriusque Augusti formâ sigillatim recensentur; nam quod Hadrianus quatuor Conulares universæ Italiæ administrandæ delegit, non rectè sequitur, universam quoque Italiam in quatuor Regiones divisam, sed singulas, quotquot antea numerarentur, in suo pristino statu servatas, inter quatuor eos Magistratus fuisse divisas; itaut non Regionum numerus, atque status, sed Magistratuum dumtaxat forma brevi eo temporis intervallo variari contigerit.

Quod si integri semper, incolumesque Samnii fines fuisse jam constat, nulla profectò erit caussa, ut Beneventum Samniticarum Urbium nobilissimam ab suo Samnio aliquando divulsam vel leviter suspicemur: Atque hoc sanè argumento explorata demum res, atque omnino manifestata erit, quam multis etiam superius illustrare fategeram: utque omnia uno demum verbo concludam, quæ in Samnio erat, dum primùm Colonia ab Romanis deducta fuit, sequutis sæculis intra ejusdem Samnii fines tum Strabo, tum Ptolemæus, tum denique ipsum Antonini Itinerarium concludit; quibus (ne sequioris ætatis tectis deesse videatur) addendus nunc erit idem Procopius, qui (c) hostiles Totilæ per Cistiberinam Italiam excursiones narrans hæc habet: *Amne Tiberino transgresso, non tamen Urbis ingressus confinita, ad Campanos, & Samnites divertit; Beneventum inde munitissimum oppidum nullo in potestatem labore redegit, ejusque muros ad solum mox diruit, ne forte exercitus aliquis ex Byzantio eo se conferens, ut è loco munito, in Gothos impetu facto, negotium*

[a] Strabonis verba ex Geogr. lib.v. hæc sunt: *Præterea Stessula, Abella, Nuceria, Atella* aliaque bis etiam minora oppida, quorum nonnulla Samnitibus attribuant: Prioribus sanè annis Samnites in *Larium, & Ardeam* excursionem facientes, cum deinde ipsam egissent, tulissentque Campaniam, latè Imperium obtinebant, quippe Campani alioqui Dominis parere assueti, facile imperata faciebant.

[b] Non uno loco id tradit Livius, ac primùm lib.4. C. Sempronio, ac Q. Fabio Cons. idest an. v. 331. *Peregrina* [inquit] res, sed memoratu digna traditur eo anno facta; *Volsurnum Eruisorum Urbem*, quæ nunc *Capua* est, a Samnitibus captam; Captam autem Samnites adhuc retinebant in Consulatu M. Papirii, & C. Nautii nempe an. v. 343. quo anno hæc narrat Livius: *Su-*

*perbè a Samnitibus, qui Capuam habebant Cumasque Legati prohibiti Commercio sunt:* Hæc aliaque in Livio vidit Peregrinus, qui in Camp. fel. Dissert. 4. cap. xi. multum in eo laborat, ut Livium nobis mendacem ostendat; sed quàm feliciter sibi res processerit, audire præstabit ex Cl. Dukero ejus interprete (tom.9. part.2. Thesaur. Burmann.) *Miyor* (inquit) *sane nostrum, qui heic, & alibi quoque nonnunquam illud egisse videtur, ut Livium nobis contemptum, & negligentem, suæ supiditatis suspellum redderet, neque ipse animadvertit, quid parum sepe procedant ipsius Conjecturæ, notæque Censorio: & paulo post: Non necesse habebat Peregrinus hujusmodi jejunis cavillationibus insectari Livium &c.*

[c] De Bell. Goth. lib.3.

*tium his exhiberet* : Beneventum itaque non Campanis, quos primo loco memoravit, sed Samnitibus attribuit Procopius, postquam enim ad Campaniam primùm, deinde in Samnium diverterit Totilas, munitissimam ejusdem Samnii Urbem Beneventum in suam redigere potestatem curavit.

Sed de his hactenus differuisse sufficiat; in quibus neque fusiùs, quàm res postulabat, me egisse, neque operam perdidisse æquus Lector fortasse judicabit: Quum enim de politicis Veterum Beneventanorum Magistratibus agere propositum mihi fuisset, haud Municipales dumtaxat exequi debebam, sed ad plenam, perfectamque rei tractationem eos etiam adicere consentaneum visum fuit, qui Principis beneficio, seu *Vice Sacra* (ut sequior ætas loquebatur) Jurisdictionem, seu Imperium in nostris Regionibus exercere consueverunt: Præterea quum Samnio (quam Provinciam semper viguisse, suisque antiquis finibus nunquam defecisse ostendendum fuit) ex utraque Hadriani, ac Constantini forma, aliisque monumentis peculiarem Magistratum præfuisse probaverim, illud quoque necessarium consequi videbatur, ut ab ejusdem Samnii finibus nunquam (quod ab aliis perperam traditum inveneram) Beneventum abscelisse, sed in ea Regione perpetuò mansisse demonstrarem; atque ita tandem sciremus non Campaniæ Consularibus, sed ipsius Samnii Correctoribus, aut Prædidibus Beneventum paruisse.

DISSER-





## DISSERTATIO V.

## De Veteribus Collegiis Beneventanorum.

CRESPINI

C. VIBIO CRIS

PINO AB AVO

ET MAIORIBVS

COLLECIVM CIVI

TATIS PATRONO

COLLEGIVM MAR

TENSE VERZOBIVM.



Urum juris publici partem aliquam attigisse Collegia videantur, quippe quæ Privatorum licet cœtibus constarent, legitimè tamen instituta, quasdam veluti particulares, parvasque Respublicas in ipsa principe Republica repræsentarunt, æquum erit. post exactam Beneventanorum Magistratum materiam, de ipsis Collegiis, quæ Beneventi, pro ejus Urbis dignitate, frequentissima olim fuere, sermonem instituere. Præstat autem pleraque generatim de Collegiis observasse, quæ tum opportunè explicandis, tum etiam luculentius illustrandis vetustis Beneventanorum Collegiorum monumentis viam sternere, ac quodammodo lucem

præferre videantur.

Jus, nomenque Collegii in omni personarum statu, omnique de re, quâ Resp. privatim, publicæque componebatur, olim obtinuit: Nam in Sacrorum, cæterorumque, quæ ad Religionem pertinerent, ministerio erant Collegia Fratrum Arvalium (a), Pontificum, & Augurum (b): Item qui publico aliquo munere pariter fungerentur; si plures essent, Collegii jure, atque nomine aliquando decorabantur, ut Collegia Senatorum (c) Decurionum (d) Quæitorum (e) Tribunorum Plebis (f) Viatorum (g): celeberrima autem omnium, ac frequentissima Professorum, & Artium fuere Collegia, de quibus modo differere mihi propositum erit; Eorum enim ingenti numero, & varietate factum est, ut non alia fortasse crebrior, quàm hujusce rei memoria tum ex Antiquitate universa, tum ex nostris lapidibus ad nos promanarit.

Professorum igitur, Artificumque Collegiis initio Romani caruere, quos ipsius Romanæ Gentis, Reipublicæque conditor Romulus, ne a militari disciplina, quæ præcipua tum cura fuit, averterentur, una excepta agricultura, quæ paucis pro ipsius rei necessitate committebatur, non artibus aliis, professionibusque operam dare passus fuit (h): Sed vel id tum fuerit Principis ingenium, quod maxime ad militiæ studium ferebatur, quo etiam solo Imperium sibi firmari, proferrique posse jam novit, vel ea fuerit temporum, civiumque conditio, vix sub Romulo suscepta,

[a] Plin. l. 18. c. 1. A. Gellius l. 6. c. 7.

[b] Cic. Orat. de Harusp. Resp. c. item l. 2. de Natur. Deor. & Famil. 3. Epist. 9. Liv. l. 5. 29. 31. 38. Val. Max. l. 1. c. 1. Macrob. Saturn. l. 1. c. 16. atque huc referri potest noster lapis, in hæc verba:

L. CESENNI  
SOSPITIANI  
EX ORDINE  
HARVSPIC. LX  
VIXIT ANN. XXV  
PARENTES FILIO  
OPTIMO.

ubi vocabulum: Ordo: videtur planè pro Collegio fuisse usurpatum; quod quidem Collegium sexaginta Viris componebatur, qui publicè Haruspiciam Beneventi facerent.

[c] L. 92. Cod. Thod. De Decur.

[d] L. 6. §. ult. D. De Decur.

[e] Sveton. in Claud. cap. 23.

[f] Val. Max. l. 6. c. 5. Liv. l. 42.

[g] A. Gellius l. 12. c. 3.

[h] Dionysius Halicarn. l. 2. p. 98.

cepta, cum ipſo ſimul evanuiſſe Rom. Reip. inſtituta: Etenim Numa, Regni ſucceſſor, cum rem Romanam ſatis auctam, Populumque numeroſiorem accepiſſet, ut erat Pacis, ac Religionis ſtudioſiſſimus, omnia fere Profeſſionum, Artiumque genera a Romanis Civibus exerceri non modo permixtiſſi, ſed quoque magis ea excolerentur, in propria Corpora, ſeu Collegia ita diſtribuit ut ſuas quibuſque Coitiones, ſuas quoque peculiareſ Religiones haberi voluerit (a). Hanc autem Numæ Inſtitutionem Reip. maxime utilem retinere poſtmodum reliqui Romanorum Reges, inter quos Servius novam melioremque formam inveniit: Ab ipſo enim [ut narrat Florus (b)] Populus Romanus relatus in cenſum, diſteſtus in claſſes, Decuriis, atque Collegiis diſtributus: ſummâ denique ipſius Regis ſolertia ita ordinata eſt Reip., ut omnia patrimonii, dignitatis, ætatem, artium, officiorumque diſcrimina in tabulis referrentur: Liberâ tandem Rep. nihil de ea re mutatum, quin de aliis Collegiis addendis cogitari cœpiſſet; nam A. U. cclxix. Claudio, Servilioque Coſ. Collegium Mercatorum primùm Romæ inſtitutum fuit, quod ab æde Mercurii, in quâ ſacra facere ſolerent, ut innuere videtur Livius (c) vel potius ab eodem Numine, in cujus peculiari tutela Mercatores eſſent, ut canit Ovidius (d), Mercurialium nomen accepit: Acceſſere tandem, leges xii. Tabularum, ex Solonis lege, quam is de Collegiis olim tulerat, ad Romanos manantes (e), quibus ejuſmodi Collegia ita probata fuerunt, ut quicquid hætenus privati iuris pactumque inter cujuſque Collegii Sodales ſtatutum eſſet, publica ipſius legis auctoritate ratum firmumque deinceps haberetur; atque exinde factum fuit, ut non in Urbe ſolum, verum etiam in locis omnibus, ubi Romanorum mores, inſtitutaque ſervarentur, in ingentem numerum exceſſerint Collegia, dum ne viliffima artes, aut profeſſio fuerit, quæ ex artificibus profeſſoribuſque ſuis ſuum ſibi non inſtituerit Collegium.

Multiplicandis autem ubique Collegiis causam præbuerunt plurima illa commoda, honoresque, quibus cuiusque Collegii Sodales afficiebantur; quæ post traditam Collegiorum originem paucis percurramus: ac primum, ut rei dignitas postularet, a Religione ordiari, quam ex Numæ instituto, ut modo dictum fuit, singula Collegia peculiari Ritu, certisque Sacris sibi præscriptis profitebantur; quæ res non in Urbe solum, sed in aliis utique locis, ubi Collegia Romanorum more instituta erant, & pari exemplo, & per ætates omnes jam viget ad Constantini usque tempora; nam inter hujus, quos publicè accepit honores illum quoque relatu dignum putavit Eumenius, aut quicumque is sit præfati Imperatoris Panegyrista cap. 8. sic illum alloquens: *Omnium signa Collegiorum, omnium Deorum nostrorum simulacra sæpius Tibi occursum protulimus*: quæ quidem Collegiorum signa, non alia accipienda sunt, quàm quæ Numen aliquod repræsentarent.

[*a*] Plutarc. in Numa.

[b] L. i. c. 7. vide etiam Livium l. i.

[c] Liv. l. 2. c. 27. Certamen Consulibus incidemat, uter dedicaret Mercurii ædem: Senatus a se rem ad Populum rejecit: Viri eorum dedicatio jussu Populi data esset, cum præesse annonæ, Mercatorum Collegium inflatuere dicit.

[d] Ovid. Fast. v. v. 672. Mercurium alloquens hæc  
subdit :

*Te quicumque suas profitentur vendere Merces*

*Thure dato , tribuas ut sibi lucra , rogant .*

[c] Andiam præfat Cajum in lib. xv. ad l. xxi. Tab. relatum in leg. 4. D. de Collegiis: Sodales sunt (inquit) qui ejusdem Collegii sunt: quam Græci *συντροφία* vocant: His autem porositatem facit lex patrimonem, quam velint sibi ferre, dum ne quid ex publica lege corrumpant: Sed hoc lex videtur ex lege Solonis translata esse, nam illuc ita est: *Si Plebs, vel fratres, vel sacrorum Sacramentales, vel Nauta, vel Confrumentales, vel qui in eodem sepulchro sepeliantur, vel Sodales, qui de multum simul habitantes sunt, enimvero ad negotiationem, et quid aliud; quicquid bi disponant ad invicem firmum sit, nisi hoc publica lege prohibuerint.* Gothofredi [quod Solonis legem a Cajo relatum [p[er]tinet] interpretationem sum sequutus, haud tamen ignarus, aliter eam legem Cujacium, aliter Heraldum, aliter Picium, aliter demum Salsmann legisse, quod notavi Vinc. Gravina De Jur. Nat. Gent. & xi. Tab. c. 45. qui &

Salsaminus reprehendit, *crivius* in *maximus* vertentem, & *Prædonum* Collegio, quod professionis genus inivsum esset, *Circumforaneorum* *Proptularum* Collegium substituentem: De hac re nihil ego quaeram: Id tamen Grævina assentiri non possum. quod facile Gothofredum sequatur, qui *Decemviri* *omnes* *atque* *sub* quibus *leges* *foedatibus* *prodit*, non alios fuisse sententia legis comprehensos arbitrat, & *foedatius* *has* *habuisse*, quàm *Fratres* *Arvales*: Quod enim? rem totam ad omnem ejusmodi *Fratrum* *Arvalium* Collegium deducere solium vetat: tum lex ipsa *Solonis* in *leges* *xii.* *Tabularum*, *Cajo* *teste*, *translata*, quæ plura *Sodalium* genera commemorat, tum vero ipsa *Romanæ* *Reip.* *forma*, in qua plura certe, tum cum a *Decemviris* *libe* *leges* *xii.* *Tab.*, *Collegia* *vigebant*, non *folium* *sub* *Regibus*, sed etiam *libera* *Rep.* *instituta*, ut superius probatum a me fuit: quibus ad artes omnes, Mercataramque pertinentibus non solum *Fratres* *Arvales*, verum etiam, si placet, *Sodales* *Titii*, qui eandem *Arvalium* antiquitatem referebant, addi possunt: Hi enim a *T. Tat.* *retinendis* *Sabinorum* *Sacris* *instituti*, ejusdem defuncti memoriam sacrandæ a *Romulo* fuerunt confirmati, & *Titii* quidem, non *Tatii* *Sodales* appellandi, ut ex *lapid.* & *libris* *monet* *Lip.* in *Tac. ann.* *num.* *194.* ac *Titii* *de.* *mun.* *ut* *quod* *crediderim*, a *Titio* *patri* *prænomine*, quo *Tatius* vocabatur, quod illud proprium ejusdem nomen esset, quàm a *Titii* *avibus*, quos ipsi juxta *Varr.* *l. i. l. v.* *15.* in *auguriis* *certi* *observare* *solebant*.



tarent, in cujus tutela unumquodque Collegium esset, cui propterea certis quibusdam Ritibus, Sacris, Ceremoniis cultum, Religionemque exhibebant, nisi ea fortasse fuerint Vexilla quædam, aut Labara (ut modo piis Christianorum Sodalitatibus mos est), quæ certam cujusque Collegii Sacrorum quorundam professionem; institutorumque suorum, quæ ad propriam Religionem pertinebant, notam præferrent: Cæterum justa equè, ac præcipua Religionis causa erat, ut Sodales coire possent, ut discimus ex Marciano J. C. cujus verba (a) hæc sunt: *Religionis causa coire sodales non prohibentur, dummodo per hoc non fiat contra Senatus Consultum, quo illicita Collegia arcentur*: in quibus coitionibus ea de causa factis non solum ludos a Magistris Collegiorum fieri consueisse constat ex Cicerone (b), sed etiam sacra de more a sodalibus celebrari solita verisimile est, quibus curandis suos quoque peculiare Ministros Collegia habuisse facile conjectabimus.

Magna etiam post Religionem, in condendarum legum, quæ servandæ essent a Sodalibus, auctoritate Collegiorum dignitas effulgebat: Privatum hoc Legislationis jus, quod Solonis lege continebatur, a lege quoque XI. Tabularum Collegiis permissum testatur Cajus, cujus locum in adnotationibus jam superius attuli: Legis autem caput ita recitat Gravina: *Sodales legem, quam volent, dum nequid ex publica lege corrumpant, sibi ferant*. Si igitur Collegiorum leges publico juri non adversarentur, quod ab iis derogari nefas fuisset, ad ipsius publici Juris instar eam obligationem inducebant, ut Sodalibus illas violasse pro piaculo haberetur; Quid vero hisce Collegiorum privatis legibus cautum esset, non satis constat: Præter statos Sacrorum dies, Ludorumque solennium celebrationes, pleraque etiam, quæ ad instituta, moresque Sodalium, professionis quoque, vel artis, cujus aderat constitutum Collegium, exercitationem pertinentia, iis legibus contineri haud dubium est: In his autem certam illam fuisse legem, qua Sodales stipem mensuram conferre debebant, manifestum habemus ex verbis J. C. Marciani relatis in leg. I. D. De Collegiis: atque hæc quidem pecunia in ludos postea, cænas, sacra, aliaque, quæ ipsius Collegii utilitas, aut necessitas postulabat, impendenda servabatur: Hinc privatum ejusdem Collegii Ararium, aut potius Arca, ejusque Curator, non secus ac in ipsa Rep. habebatur; unde Cajus *Quibus, ait, permissum est, corpus habere Collegii, Societatis, sive cujusque alterius eorum nomine, proprium est ad exemplum Reip. habere res communes, Arcam communem, & Actorem, sive Syndicum, per quem, tanquam in Rep. quod communiter agi, fierique oporteat, agatur, fiat*: De Curatore Arcæ Collegii Fabrum & Centonariorum meminit quoque insignis lapis Mediolanensis apud Fabrett. c. 2. p. 73. n. 72. ubi *Magius Germanus Statorius* dicitur:

CVRATOR ARK. TITIANÆ COLL. SS.

ANNI CLI. COLON. C. A. F. MED. (c)

Non solum vero ex mensura stipe a sodalibus collata, sed aliunde etiam Collegiorum Arcæ locupletēs fiebant; nam Collegiis directè legari poterat, eaque de re Senatus Consultum factum refert Paulus in l. 2. D. De rebus dubiis: Legati vero exemplum affert Scævola in l. 93 §. 4. D. De legat. 3. Collegio (inquit) *Fabrorum fundum cum Sylvis, quæ ei cedere solent, uti optimus, maximusque esset, legavit*: atque huc etiam referri potest antiquus lapis apud Gruter. pag. 237. 5. ubi: *Ti. Claudius ob memoriam Patris sui Dec. VII. Collegii Fabr. M. R. H-S. 66. N.* (idest: Decuriæ Septimæ Collegii Fabrum Militiæ Ravennatis sextertia mille numero) *liberalitate donavit sub hac conditione, ut quotannis rosas ad monumentum ejus deferant, & epulentur dumtaxat in v. Id. Julias. Quod si neglexerint tunc ad VII. (idest ad octavam Decuriam) ejusdem Collegii pertinere debet conditio supradicta.*

Cum igitur Collegia quandam Reip. formam, dignitatemque obtinerent, jam ipsis suis quoque Magistratus esse oportebat, & sine Magistrorum titulo ornabantur, qui, ut Sodalibus præessent, juraque Collegii servanda curarent, deligebantur: Septenarium horum numerum, quinquennale vero munus fuisse ostendit lapis in Manutii Orthogr. V. Carus n. 43.

X

Sabinæ

[a] L. 1. §. 1. D. De Collegiis, ubi notanda sunt postrema verba, quibus ea sententia inest, ut neque ea de causa coire liceat, si Senatus Consulto, aut Principum mandato Collegium non fuerit institutum: Apertè Ulpianus in l. 1. D. De extraord. Crimin. *Sub prætextu Religionis, vel sub specie solvendi voti, cæus illicitos nec a Veteranis tentare oportet.*

[b] Orat. in Pison, c. 4. ubi plura ad rem Afconius commentatur.

[c] Quos versus [ut alias ejusdem lapidis quas Fabrettus aggressus fuit interpretationes suppleam] ita explicando censo. Curator Arcæ Titianæ Collegii supradicti Anni CLI. Colonæ Claudie Augustæ Felicis Mediolani.

## SABINÆ AUGUST

MAGISTRI	QUINQUENNALES
COLLEGII FABRUM TIGNAR. LUSTR. XXIII.	
Q. NUMITIUS	MARITIMUS
Q. VALERIUS	FELIX
A. LARCIVS	CARUS
T. FLAVIVS	ONESIMVS
L. NEVIUS L. P. PAL.	PHILIPPVS
Q. HORTENSIVS	TYRANNVS
Q. LOLLIVS	HERMA

## IN MAGISTERIO DEFUNCTVS

Ita etiam apud Gruterum pag. CDXI. num. 2. T. Flavius Hilarion dicitur: *Lustro XVI. Mag. Quinq. Coll. Fabrum*: Eiusdem autem vocabuli, quod ad Collegiorum Magistratos attinet, significationem ita Festus explicat: *Magistrari, moderari: Inde Magistri non solum Doctores artium, sed etiam Pagorum, Societatum, Vicorum, Collegiorum. Equitum dicuntur, quia omnes hi magis cate- ris possunt, unde & Magistratus, qui per Imperium potentiores sunt, quam privati.*

Fuit tandem [ut minora alia præteream] insigne Collegiorum decus, ut in omnibus monu- mentis, quæ ad suam Remp. pertinerent, particularem Epocham ab sua quoque institutione constitutam haberent; ex qua deinde aut annus, aut lustrum, quod in monumento aliquo signa- batur, numerari solebat; De anno ab Collegio instituto meminit Mediolanensis lapis, quem superius ex Fabretto retuli; in eo enim legitur: *Curator Arce Titiane Collegii anni CL. I. Colon. C. A. F. Med.*: quem annorum numerum ad ipsius Collegii institutionem refert Fabrettus, quamquam ipsius potius Colonia Mediolanensis deductionis annum, seu natalem indicare pos- sit: Frequentius autem, ac certius illud invenio, ut per lustra numeratio fieri consueverit; sic præter lapides paullo ante relatos, in quorum altero signatur lustrum XXXIII. in altero vero lu- strum XVI.: Magistri Quinquennales Collegi Fabrum Tignariorum numerant lustrum XIII. apud Gruter. pag. 252. 6. & pag. 261. n. 4., simile Collegium lustrum XXVII. antiquitatem ostendat. Ra- rum autem hocce Collegiorum decus jure celebimus, nam si Vicorum Urbis Magistratos exci- pias, quos ab sua institutione (quam anno v. c. 747. contigit refert Dio l. IV.) annos numera- re consueffe ex binis Inscriptionibus observavit Fabrettus (a), vix alibi ejusdem privatæ Aræ usum obtinuisse invenimus, quam in quibusdam Græcis Civitatibus, quæ Autonomiæ ju- re donatæ, ab accepti ejusmodi beneficii tempore (quod maxime sibi honorificum, memoran- dumque esset) novam, prioribus abolitis, sibi Aram statuerunt (b).

Hactenus de Collegiorum origine, Religione, Magistratibus, Legibus, atque Honoribus: at quum non idem semper manserit earum rerum status, quæ fuerint pro temporum varietate diversa etiam Collegiorum fata, paucis nunc percurrisse libet. Primum igitur id certo statuen- dum erit, nullum hominum cœtum jus, nomenque Collegii sine publica auctoritate obtinere unquam potuisse: Novimus planè ipsius Numæ, a quo Collegiorum originem superius repeti- vimus, etiam iisdem Collegiis regiam accessisse auctoritatem: neque certè Decemviris, ubi in lege XII. Tab. de Sodalibus legem tulerunt, alia Collegia probata fuerunt, nisi quæ legitime fuissent instituta; quod & Cæsarum ævo maxime servabatur: In summa [ait Marcianus in l. 3. §. 1. D. De Collegiis] nisi ex S. C. auctoritate, vel Cæsaris, Collegium, vel quodcumque tale Corpus coi- erit, contra S. C. & mandata, & Constitutiones Collegium celebrat: itaut nisi publica auctoritate per- missum esset, ex nulla vel causæ iustitia, vel personarum dignitate Collegium impunè ce- lebrari posse diserte declaravit Ulpianus (c). Hinc manavit formula illa, quam Collegia in publicis monumentis exprimendam curabant, ut scilicet ejusmodi essent, quibus ex S. C. coire liceret (d): hincque tandem universa ratio pendebat, ut quæ licita essent Collegia, quæve illi- cita

[a] Cap. 11. p. 103. ubi earum Inscriptionum annum patefieri posse recte dicit, si certum utriusque Collegii initium, institutioque haberetur; sed in horum, alio- rumque Collegiorum natalibus perferendis ne otio- sissimus quispiam oleum, operamque amittere vellet.

[b] De hujusmodi Aris Græcarum Urbium ab ea- rum Autonomia petitis egregie fusèque disseruit Nor- tius in Epoc. Syr. Maced. Dissert. 3. c. 3. & seqq. ac post illum Spanhem, in Orbe Rom. c. XI.

[c] In l. 2. D. De extraord. Crimin. Cujus verba su- perius recitavi.

[d] Sic in Orto. p. 469. Collegia Dendrophorum Romanorum, quibus ex S. C. coire licet: Item: Menfori- bus, & Machinariis, quibus ex S. C. coire licet; & alia, quæ observavit Cujacius observ. l. 7. c. 30. cui non id fa- cile assentior, quod Dendrophorum Collegia ad Reli- gionem potius, quam ad Artem quampiam, seu prophana- num munus pertinere putaverit ex leg. 20. Cod. Theod.



eita omnino dignoscere, contra quàm falsò putaverit Gravina l.l., qui dumtaxat licita ea esse censuit, quæ fraude, malisve artibus carerent: non quærimus enim quæ ex delicto illicita fieri potuerint Collegia, sed quæ ex institutione licita, vel ne censi consueverint.

Necesse vero omnino fuit, ut in instituendis Collegiis publica adhiberetur auctoritas, atque ea solum permitterentur, quorum nec ingens numerus, nec sodalium, professionisque conditio detrimenti aliquid Reip. essent allatura: quid enim? Ubi semel in Rep. artium, professionumque Collegia institui coeperunt, nullus deinceps novis in dies instituendis Collegiis modus adhibebatur, ut ea jam numerari vix possent: Non quæpiam Ars, aut professio suo Collegio contenta, sed quotquot sub una arte, professioneque diversa artificum, professorumque genera continebantur, hi omnes peculiaribus Collegiis distingui satagebant; non omnia mihi persequi otium est; sed rei Annonariæ exemplo aliqua facile conjectabimus; mitto Suarios, Sulcutores vini, aliosque Corporatos, seu Collegiatos, de quibus in Iustiniani Codice sunt Tituli; Pistorum certè plura erant Collegia, nam præter eos, qui panem civilem conficiebant, erant Pistores Dulciarii, Lactarii, Siliginarii, quorum propria, interque se distincta fuisse Collegia satis ostendit lapis Romanus apud Gruter. p. 81. n. 10. in hæc verba: *Annonæ Sanctæ Alius Vitalio Mensor perpetuus Corpori Pistorum Siliginariorum*: Quod si soli Pistores tot Collegia habuere, quot reliquæ Annonæ, quot innumerarum artium, professionumque fuisse putabimus? Intererat autem Reip. quàm maximè, ne Collegiorum numerus augetetur, ex quorum frequentia duplex malum in Remp. ipsam promanabat.

Prioris causam ab solennibus Epulis, Conviviisque, quæ ab cujusque Collegii Sodalibus quàm sæpissimè agitari solebant, repetere promptum erit: Desiderabatur enim in ejusmodi Collegiorum frequentibus Epulis temperantia illa, ac frugalitas, cujus formam, exemplarque constituerat olim M. Cato in iis Sodalitatibus, quas ipse Quæstor instituit (a). Hinc præter labem illam, funestamque faciem, quæ honestis moribus inferebatur, quum nulla essent flagitia, in quæ homines ejusmodi voluptatibus plus nimio indulgentes sensim, ac paulatim non ruere forent, nonnihil detrimenti in re Annonaria Reip. capiebat; ita enim a Collegiis Annona abfumebatur, ut eorum innumerabilibus coenis illam incendi dixerit Varro de R. R. l. 3.

Sed & gravior altera causa erat: Quum enim Collegia ex plebeis fere omnibus constarent, qui interfordidas, fellulariasque artes, cæterasque honestiorum virorum indignas professiones paremanium alebant, novarum rerum semper cupidum, & levi aliqua majorum commodorum spe ad excitandas in Rep. turbas satis prouum, facile factioso cuipiam sese adjungebant, qui & facile eosdem, quippe qui coire jure Collegii consueverant, sibi adjunctos habere poterat: Atque hoc quidem consilio novum hominum Collegium instituit Sulla, qui ad x. millia numerabantur, Civitate ab eo donati, Cornelianique ab institutore deinde appellati, ut

X 2

refert

De Pagan. & Templis: verba legis recitare placet: *Omnia loca* (ajunt Impm. Honorius, & Theodosius) *quæ Frediani & Dendrophori, quæ singula quæque nomina, & professiones gentilitiæ tulerunt, epulis, vel sumptibus deputata, fas est hoc errore submoto compendia nostra domus sublevere; Chiliarcas insuper, & Centonarios, vel qui sibi Plebis distributionem usurpare dicuntur censuum removendos*: Non video certe, cur ex hac lege Dendrophorum munus ad Religionem præcipue deduci possit, quandoquidem inter professiones artesque potius lex eadem eos accenseat; quid enim Centonariis eadem lege memoratis cum Religione? Centonariorum Collegium passim occurrit, eorumque munus vulgatissimum, qui scilicet Centones, seu vestes versicolores, quibus præcipue milites utebantur, consuebant; pari modo Dendrophoros, ut qui artifices essent, cum Centonariis conjungit Imp. Constantinus in l. 1. Cod. Theod. De Centonar. & Dendroph. ubi statuit: *ut in quibuscumque opidis Dendrophori fuerint, Centonariorum atque Fabricum corporibus adnectantur*. Dendrophori autem eo nomine appellati ii erant, qui arbores cædebant, ferebant, torrebant, ut nomen, munusque explicat Alciatus de V. S. pag. 155. 6. vel qui materias ad bellicas machinas construendas advehebant, ut voluit Turnebus Ad-

vers. 29. 16.: Non autem mirum, quod in ea lege aliqua de Religione mentio sit; Habebant enim singula Collegia certas *Ædes*, ubi coire solebant tum aliis de causis, tum Religionis causa ad sacra celebranda, quæ plerumque ludis, epulisque agebantur: Nihil autem usitatus, quàm ut Principes Ethnici e Fisco suo ad eam rem impendia constituta haberent: Diu post Constantium res obtinuit, quod submovendum ea lege Theodosius decrevit; non ut tantum Fisci, sed & Religionis Christianæ utilitati consulere.

[a] Apud Cic. De Senect. cap. 13. ubi Cato audiri meretur: Primum habui semper Sodales: Sodalitates autem me quæstorie institutæ sunt sacris Idæis magnæ matris acceptis: Epulabar igitur cum Sodalibus omnino modicè, Sed erat quidem fervor ætatis, qua progrediente omnia fient in dies mitiora; neque enim ipsorum conviviorum delectationem voluptatibus corporis magis, quàm certu amicorum, & sermonibus metiebar: bene enim majores nostri accubitionem epularem amicorum, quia vitæ conjunctionem haberet, convivium nominarunt melius, quàm Græci, qui hoc idem tum *compositionem*, tum *convensationem* vocant, ut quod in eo genere minimum est, id maxime probare videantur.

refert Appianus (a) & meminit Cicero (b) cujus locum sic illustrat Asconius : *Frequenter tum etiam coetus factionum hominum sine publica auctoritate malo publico fiebant ; propter quod postea Collegia Senatus Consultis , & pluribus legibus sublata sunt præter pauca , atque certa , quæ utilitas Civitatis desiderasset , ut Fabrorum , Liſtorumque* (c) : Restituta autem Collegia a P. Clodio non ea solum , quæ Senatus sustulerat , sed innumerabilia quadam nova ex omni fere Orbis , ac servitio concitata quærebatur Cicero in Pison. c. 5. : atque his quidem Collegiis promptum fuit Clodio turbas illas movere , quibus & Cicero Urbe pulsus , & Respublica plurimum detrimenti cepit ; itaut ne gravioribus incommodis Civitas afficeretur , atque in optimorum Civium fortunas & sanguinem nefariorum hominum infania grassari pergeret , eadem nova Collegia pluribus Senatus Consultis factis fuerunt dissoluta (d) .

Sollicitiores verò , quum unius Imperio Resp. administrari cœpit , de abolendis omnino Collegiis fuere Principes : Noverant enim hi , quantum suæ potestati recens quæstæ discriminis imminere facile posset , si Collegiorum coitiones permitterentur , quibus ( ut longo antea experimento probatum fuit ) sicuti olim in Optimatum , ita deinceps in Majestatis perniciem turbas excitari promptum esset : hinc qui prior Romani Principatus fundamenta jecerat Cæsar , Urbem Civibus , quos ad octoginta millia in solas transmarinas Colonias distribuit , exhaustisse non contentus , cuncta etiam Collegia , præter antiqua , & legitima dissolvit ; ut refert Svetonius (e) : quod & subinde ab Augusto factum idem Svetonius memorat (f) , dum post Cæsaris cædem nova bel-lorum civilium occasione plurimæ factiones titulo Collegii novi ad nullius non facinoris societatem coire rursus cœpissent : at inter sequentium Augustorum exempla , quæ passim occurrunt , memoratu digna est insuperabilis Trajani difficultas , qui nullum , etsi Reip. utilitas , aut etiam necessitas postulaſſet , novum Collegium institui permisit : Cum enim Plinius post Nicomediensis Urbis incendium novum Fabrorum cl. Collegium , qui , si qua deinceps fortuito suborirentur incendia , mox extinguere parati essent , a Trajano petiſſet , præter autem ejus rei necessitatem , facile etiam sibi esse addidisset custodire tam paucos , spondissetque adhuc diligentiam suam , ne quis , nisi Faber in illud Collegium reciperetur , neve jure concessio in aliud uteretur , nihil tamen horum Trajanum è sua sententia movit , qui inter alia hæc Plinio respondit : *Quod-*

*cumque*

[a] De Bell. Civil. lib. r.

[b] In Orat. pro C. Cornelio Majestatis reo : & rursus in Orat. in Pison.

[c] An fuerit Liſtorum Collegium valde dubito : Tibicinum , Fidicinumque fuisse docet lapis apud Gruter. pag. 175. 10. : Sed vide annon pro Liſtorum Asconius scripserit *Fidiorum* : non enim Liſtores eo numero , ne que tanti eorum professio (dum populo terrori essent , ac pene infames haberentur , itaut post Bellum Punicum Brutiis , qui ad Annibalem descenderant , ignominia causa id munus mandari toleret) , ut Collegio digni essent : *Utiles* autem , ut Asconius innuit , Civitati Fidiores , qui & ipsi Figuli , quorum antiquissimum Collegium ipsum Regem Numam , teste Plutarcho , auctorem habuit : & quidem Fabris affines *Fidiores* , seu Figulos esse constat , ut utroſque conjunxisset Asconius videatur : Scio V. C. Mazochium in *Comment De Sicilia* pag. 282 *Fidiores* [ quos in Vegetii l. 2. pro *Pidiores* , aut *Pisiores* , ut editiones habent , restituere conatur ] non alios significatos velle , quàm qui *clavis* aliquid figere *penſi* habent : Cum enim Vegetius Fabros , quibus Legio uti soletur , eo loco enumerare instituat , nihil de *Pidioribus* , aut *Pisioribus* loquutus videri debet , sed potius de *Fidioribus* , nam ea ligna [ inquit Mazochius ] quæ *materiarum* ad modulum deradebant , parabantque , *Fidiores* subinde *clavis* compingebant : at num in infingendis *clavis* peculiare Fabrorum munus unquam fuerit , quod a *materiarum* ipsis satis commode hodie præstari videmus . non quæro ; illud Viro summo excidisse nolim , ut a *Figo* , quod *Fixum* habet , *Fidiores* deducat , qui tantum a *Fingo* sunt : cui tamen libentissimè illa largimur , ut sibi canat :

*Dum plura nitent in Carmine , non ego paucis  
Offendar maculis , quas vel incuria fudit  
Vel humana parum cavit natura . . .*

Præstat igitur audire potius V. C. Reinesium , qui de *Fidioris* vocabulo plura vere , atque erudite habet in Epit. 33. edit. Jenæ 1570. Proprie *Fidiores* sunt *αλλοει* , qui è cera , creta , argilla &c. formant simulacra , & sigilla , aliàs *Significes* , Julio Firmico *Plasticatores* . *Figere* est *αὖτις* facere , creare , condere a vetusto *figere* prima brevi , unde *figura* , *figulus* &c. Cic. t. De Nat. Deor. *Fidior* cera utitur . Ibidem : *Divina Providentia fidrix , & moderatrix materis* . In lapidibus nominantur *Fidiores Pontificum* : *Fidiores Virginum Vestalium* : Docti exponunt de iis , qui de pane , vel cera simulatas hostias faciebant pro tenuioribus : Sequar potius Varro-nem l. 6. de l. l. & ministeria Sacrorum interpretabor , id est , qui liba fingerent : Metaphoricè *figere* est simulare , mentiri , dicere vel exhibere , quod cum remiosis conveniat : *Fidior* igitur fuerit falsi rumoris auctor , rei non verè compertæ effusitor *αλαστήρας* , criminis concinator , succentor fabularum *συμψυγνους* .

[d] Duo Senatus Consulta ea de re prodire , quorum alterum memorat Asconius in d. Orat. Pisoniana : dum inquit : *L. Cæcilio , Q. Marcio Cos. , quos & ipse Cicero memoravit , Senatus Consulto Collegia sublata sunt , quæ adversus Rem videbantur esse ; post novem deinde annos , quàm sublata erant , P. Clodius Trib. Pl. lege lata restituit Collegia* . Alterum extat apud eundem Cicero-nem l. 2. epit. 2. ad Q. Fratrem , quod hinc verbis conceptum fuit : *Eodem die S. C. factum est , ut Sodaliciter , Decuriones discederent , lexque de iis ferretur , ut qui non discessissent , ea pæna , quæ est de vi , tenerentur* .

[e] In Jul. cap. 42. [f] In Octav. cap. 32.



cumque nomen ex quacumque causa dederimus iis, qui in idem contracti fuerint, *Hateria* quamvis breves fient: satis itaque est comparari ea, quæ ad coercendos ignes auxilio esse possunt; atque ex his quidem optime intelligemus Tertulliani locum in lib. De Jejun. c. 13. qui postquam ad Montani castra defecit, Catholicos, quos ibi Psychicos impiè appellat, injuriâ agere contra Montanitas contendens, dum, quod ipsi agerent, iis exprobarent, *Nisi forte* (inquit) *adversus Senatus Consulta, & Principum mandata contritionibus opposita delinquimus*: Ut enim Ethnicorum Collegia etiam sub prætextu Religionis (ut ex Ulpiano superius audivimus) nisi Principis accessisset auctoritas, illicita putabantur, haud certe melioris conditionis sub Ethnicis Principibus Christianorum Collegia esse poterant, quæ tamen, si una illa publicæ auctoritatis solennitas exciperetur, nihil reliquum erat, quo minus licita censeri deberent.

At vero, Principibus nequicquam obnitentibus, plura non in Urbe solum, sed in omnibus Colonis, aliisque Urbibus Romana instituta sectantibus numerabantur Collegia; ejus rei manifesto argumento sunt veteres Inscriptiones; in quibus celebris passim est Collegiorum memoria: non levis autem illa (nam alias præteream) servandorum Collegiorum causa, quod ea fere omnia Viros Clarissimos, qui summo loco in Rep. essent, sibi Patronos deligere solebant; atqui hi certe quum plurimum auctoritate valerent, atque a Collegiis ad promerendam gratiam publicis honoribus afficerentur, incolumem eorum statum, integraque jura omnia servanda curabant: Neque suos quæque Patronos peculiares Collegia habebant, sed erat quandoque, qui ab universis ejusdem loci Collegiis horum omnium Patronus deligeretur. Præclarum ejus rei monumentum habemus ex nostro lapide, qui hujus Dissertationis initium, titulumque fecit, ubi C. Vibius Crispinus dicitur: *Ab Avo & majoribus Collegium Civitatis Patronus*: Dictio namque illa *Collegium*, ut lapidis loquutio rectè conitet, nonnisi generandi casu, qui multitudinis est, accipienda erit, quod & quadratarius signis illis in litera V superpositis monere voluit: An vero probe is se gesserit in ea dictione corripienda ad instar *Fabrum*, qui pro *Fabrorum* in hujusmodi Collegiorum inscriptionibus usurpari solebat, vel potius ob lineæ angustiam eam dictionem adhibuit, non diù heic quæram; nam eodem nostro lapide duce, qui generatim Collegia Civitatis Beneventi commemorat, quæ tandem ea fuerint, singulatim distinctèque observasse jam licebit.

A mercatoribus, seu *Mercurialibus* ordiatur, quorum Collegium, ut Romæ antiquissimum, quippe quod A. U. cclix. institutum jam superius probavi, ita quoque inter Beneventanæ Civitatis Collegia & antiquitate, & dignitate præstitisse videri potest: Ejusmodi Collegii Beneventi olim extantis locupletes testes adsunt bini nostri lapides.

## I

L. HELVIO L. L. HILARO  
NVMMVLARIO  
MERCVRIALI  
MESSIAE Q. L. DIODORAE  
L. HELVIO L. L. PAETO  
NVMMVLARIO

## 2

CN. RVSTIVS CN. L.  
FESTIVOS MERCVRIA  
ET MERCATOR SIBI ET  
RVSTIAE CN. L. MA. CONLIB  
FECIT H. M. H. N. S.

Dubium autem in posteriori hoc lapide illud videri posset, [cætera enim, quæ hûc non pertinent alibi, quum de eodem lapide sermo erit, in Thesauro explicabimus] an dictio *Mercuria*, qua secunda linea completur, *Mercurialem* designet hunc Rustium; qui & Mercator tertia linea mox dicitur: at pro certo id habeas; nam inter Mercuriales, Mercatoresque discrimen aliud quod noscere licet, ut qui mercaturam exercerent, non continuo Mercuriarium nomen, qui pecu-

peculiari Collegio adscripti erant, accensebantur, quod ex subjecta nota uberius patebit, & ex hoc nostro lapide in *Turri S. Sophie* manifestè probatur.

Q. CAESELLIVS Q. L. SVRVS

MERCATOR

DOMATIA O L. FAVSTA

C. DOMATIVS O L. PHYLAX

MERCATOR &C.

Pauca ex hoc lapide, quæ ad rem faciunt, proferre heic satis habui, integrum, suisque illustrandum observationibus suo loco daturus: Nunc quod *Mercuriales* attinet, inter eos C. RVSTIVM, de cuius lapide sermo erat, accensendum nullimode dubitandum erit; *Mercuria* vero, quod pro *Mercuriali* *Quadratiarius* ob lineæ angustiam sculpsit, ne te decipiat, ut pro proprio *Fœminæ* nomine accipiendum suspiceris, nam, si ita esset, mercator, qui mox sequitur, pro tertio Viro sumendus esset; quod non solum absurdum est, sed omnino vetat lapis, qui, quum designat in *Fecit*, non tres personas, sed unum Rustium, qui *Mercurialis*, & *Mercator* erat, monumentum illud faciundum curasse manifestè declarat: At cum ex hisce nostris lapidibus quotquot *Mercuriales* prodire, libertinæ conditionis homines sese produnt, nolim enim *Mercurialium* Collegio minus æquum illud ferri iudicium, ut omnes ex *hæce* *Plebis*, quique servi aliquando fuissent, in illud cooptari solerent: *Mercatura* enim inter honestas, maximèque *Reip.* utiles professiones primum obtinere locum semper debuit; neque aliquando Romanis Civibus, qui *Equestri* dignitate gaudebant, testè *Cicerone* (a) indigna visa fuit.

Post *Mercatores*, *Mercuriales*que, nunc *Medicos* collocabimus, quorum Collegium Beneventi fuisse

[a] Non uno loco *Cicero* hanc rem confirmat, ac primum de *Mercatura* hoc is iudicium generatim tulit in *De Off.* l. 1. c. 42. *Quibus* (inquit) *artibus aut prudentia maior inest, aut non mediocris utilitas queritur, ut Medicina, ut Architectura, ut Doctrina rerum honestarum, hæ sunt iis, quorum ordini conveniant, honestæ: Mercatura autem si tenuis est, sordida putanda est, si magna, & copiosa, multa undique apportans, multisque sine vanitate impartiens, non est admodum vituperanda, atque etiam si satiata quasi, vel contenta potius, ut sæpe ex alto in portum, ex ipso portu se in agros, possessionesque contulerit, videtur jure optimo posse laudari: atque hæc quidem generatim pro *Mercatura*: quid, si *Equitem* Romanum in *Mercurialium* numero fuisse ex eodem *Cicerone* habeamus? Ita certe constat ex lib. 2. ep. 5 ad Q. Fratrem. Non prætermittam (inquit) ne illud quidem, M. Furium Flaccum *Equitem* Romanum hominem nequam, Capitolini, & *Mercuriales* de Collegio ejecerunt præsentem, & ad pedes uniuscujusque jacentem. Scio, Manutium in hoc *Ciceronis* loco in eam concedere sententiam, ut Collegium illud, ex quo Flaccus Romanus *Eques* fuit ejectus, non ad *Mercaturam*, sed ad res Sacras in *Mercurii*, Capitolinique *Jovis* ædibus peragendas pertinuerit, cum *Equester* (inquit) *ordo*, quo ex ordine Flaccus erat, mechanicas artes non exerceret: At minus rectè Manutium de *Mercurialium* Collegio sentisse plane constat; mitto enim, quod de Sacris rebus illud præcipuè constitutum putaverit, quas tamen nonnisi aliorum Collegiorum more celebrare consueverit, neque exinde ipsa Collegia Religiosa censebantur; Decepit certè Manutium *Mercurialium* nomen, quod a *Mercurio* deductum non eosdem ejus Numinis Religioni, Sacrisque Consecratos, sed plane in illius tutelam, qui *Mercatoribus* præerat, adscitos efficiebat; confundere sane haud debebat Manutius *Mercatorum* Collegium cum aliis, quæ ad sedentarias, for-*

didias, mechanicasque artes pertinebant, quas Romano Equite indignas nemo ignorat; quod tamen de *Mercatura* haud rectè affirmabitur; Licet enim iis, qui nobiliores natalibus, & honorum luce conspicui, & patrimonio ditiores essent, mercimonium exercere prohiberent *Impp. Honorius*, & *Theodosius* in l. 3. Cod. de *Commerciis*, & *Mercatoribus*, id tamen, [ut ex *Harmenopulo* observat *Gothofredus*] vel sublatum, aut certè desuetum videtur, dum omnibus *Commercia* exercendi potestas fuit; At si priora *Reip.* tempora spectentur, nihil *Equestri* ordini familiaris quidem fuit, quàm *Mercaturam*, negotiationemque exercere tum in Urbe, tum in *Provinciis*, ut fusè ostendit *Sigonius*, qui ex instituto rem hanc agit *De antiq. Jur. Civ.* l. 2. c. 10. & seqq., imo etiam publica P. R. vestigia ubique conducere *Equites* solebant, ita ut *Publicanos* nullos ferè alios, quàm *Equites* Romanos fuisse constat, tum ex aliis, tum præsertim ex eod. *Cic.* cujus tum de *Petit. Confl.* c. 1. tum *Orat. pro Planc.* c. 9. hæc sunt. Adjungam etiam, si vis id, quod tu etiam huic obesse putas, *Patrem Publicanum*, qui *ordo* quanto adjumento sit in honore quis nescit? Flos enim *Equitum Romanorum*, ornamentum civitatis, firmamentum *Reip.* *Publicanorum* ordine continetur: Nec turbare debet, quod plura essent iis, qui *Mercaturam*, negotiationemque exercereut, obunda sordidissima munera non *Equite* tantum, sed *Plebejo* cive indignissima, nam nihil horum per se ipsos *Mercatores*, negotiatoresque præstabant, qui ejusmodi exequendis muneribus *Infiores*, aut *Exercitores*, ex *Servorum*, aut *Libertorum* numero præficere consuebant: Hinc de *Infitoria*, ac *exercitoria* actione plurima sunt in *Juris* libris, peculiaribus titulis cauta: *Infitorum* etiam, *Exercitorum*que nomina non semel in veteribus lapidibus occurrunt, ut latè de ea re diffrens observavit eruditus *Heineccius* *Antiq. Rom. Jurisprud.* l. 4. tit. 7.



fuisse vetus lapis jam docet; Medicinam inter honestas Artes, quæ prudentia majori, atque utilitate non mediocri commendarentur, primo loco a Cicerone numeratam in antecedenti nota audivimus, ut ideo non mirum sit in florenti Urbe aliqua, qualem Beneventum fuisse constet, Medicorum Collegium fuisse institutum; sed ecce lapidem.

M. NASELLIVS M. F. PAL. SABINVS

PRAEF. COH. I. DALMATAR. ET NASELLIVS VITALIS  
PATER. AVG. II QVINQ. PAGANIS COMMVNIB. PAGI LVCVL.  
PORTICVM CVM APPARATORIO ET COMPITVM A SOLO PECV  
NIA SVA FECERVNT ET IN PERPETVVM VI. ID. IVN. DIE NATALI  
SABINI EPVLANTIBVS HIC PAGANIS ANNVS X CXXV. DARI  
IVSSERVNT EA CONDITIONE VT NON. IVN. PAGVM LVSTRENT  
ET SEQVENTIBVS DIEBVS EX CONSVETVDINE SVA CAENENT  
ITEM VI. IVN. DIE NATALI SABINI EPVLENTVR. QVOD SI  
FACTVM NON ERIT TVM HIC LOCVS VT SVpra SCRIPTVM EST  
CVM ANNVIS X CXXV IN PERPETVVM AD COLLEGIVM MEDICOR  
ET AD LIBERTOS N PERTINEAT VT II VI. ID. IVN. DIE NATALE  
SABINI HIC EPVLENTVR.

De hoc nostro lapide pauca mihi observanda reliquerunt VV. CC. Fabrettus, & Mazochius, quorum alter jamdiu e schedis Barbarinis illud edidit Inscript. cap. 3. pag. 232., ac de recta significatione vocis Apparatorium litem, more suo, Reinesio intendit: Alter vero ex ipso Fabretto retulit in egregium opus Camp. Amphit. cap. 8. pag. 154. ubi de solenni Pagorum lustratione plura erudite differit: Uterque tamen in postrema tertiae lineae dictione mendose habet IVOVL. quod certe mendum animadvertens auferre conatus est Mazochius, qui IOVI, aut IOVEI restituit, ut idem fuerit, ac Pagus Campanus Jovis, aut ei certe cognominis. At verum Luculli nomen Beneventano huic Pago extitisse, falsamque Mazochii divinationem fuisse noster lapis diligentiori cura descriptus satis docet. Observandum superest in hoc lapide rarum illud de alicujus die natali celebrando exemplum, de quo plura in subjectam notam (a) rejecisse

[a] De emortuali die quotannis, aut epulo, aut aliis ritibus celebrando frequenter testatores cavebant; Celeberrima sunt in hac rem Cenotaphia, seu Senatus Consulta Pisanæ Coloniz de Lucii, ac Caii Cæsaris obitu; Sic Ti. Claudius Decuriæ VII. Collegii Fabrum HS. M. donavit, ut quotannis rosas ad monumentum deferrent, ibique epularentur, ut ex lapide, quem superius dedimus ex Gruter. pag. 237. aliaque apud eundem Gruterum exempla passim invenies, ut p. 460. 3. p. 715. 10. & p. 713. 4.: Natalis vero diei, posteaquam quis obiisset, celebrationem perpetuò institutam, rarissima sunt antiquitatis monumenta, quæ præferant: Simile quid nostro lapidi apud Ciceronem inveniri in De Finib. l. 2. c. 31. ubi Epicurum de animorum immortalitate minus probe sentientem redarguens: *Quæro* [inquit] *quid sit, quod cum dissolutione, id est morte omnis sensus extinguatur, & cum reliqui nihil sit omnino, quod pertineat ad nos, tam accurate, tamque diligenter caveat, & fiant: Ut Amyntachus, & Timocrates heredes sui de Hemarchi sententia dent, quod satis sit, ad diem agendum natalem suum quotannis mense Gamalione, itemque omnibus mensibus vicefima die lunæ dent ad eorum epulas, qui una secum philosophati sunt, ut & sui, & Metrodori memoria colatur.* Ritum autem ejus cultus ex parte notavit Plinius l. 35. c. 2. ita scri-

bens: *& vultus Epicuri per cubicula gestant, ac circumferunt secum: Natali ejus vicefima luna sacrificant, feriasque omni mense custodiunt, quas Icadæ vocant ii maxime, qui se ne viventes quidem nosci volunt.* At redeo ad Ciceronem, qui Epicuri natalem diem suum celebrari caventis, & fiantis mentem haud assecutus videtur: Interest enim, qualis dies celebrari mandetur, emortualisne, an natalis; de emortuali enim quum cura sit, probe argumentum procedit, non omnia secum interire putare cum, qui post sui obitum aliquid sibi præstandum caveat: Dum vero natalis diei celebratio instituitur, ne is quidem, quid post obitum reliquum sit, excogitare videtur, sed quod in hanc mortalem vitam editus semel fuerit, in eaque versatus, posterorum memoriz commendat; neque enim apud ethnicos idem *Natalis* vox significare unquam potuit, quod apud nos, qui Christiana Fide edocti tunc verò eos nasci dicimus, qui corpore soluti ex hac mortali vita migrantes in æternam jam demum transferuntur: atque hæc [ni mea me fallit opinio] causa fuisse videtur, cur Natalium post obitum celebrandorum adeo rara apud Ethnicos sine monumenta, crebra verò de emortualibus diebus occurrant; dum his quidem immortalitatis animorum manifestior continebatur sententia, quæ Ethnicorum pene omnium mentibus certissima infederat.

jecisse satis fuit, ut etiam nihil heic de Medicis; nam horum causam opportuniori loco, quum de antiquis Viris Literatis Beneventanæ Civitatis sermo erit, commodius agam.

Sequitur modo omnium, quæ Beneventi quondam fuere, celeberrimum Collegium, quod *Martensium* fuit appellatum: Plures de eo lapides habemus superstites, quos heic subijcio, ex quibus etiam in plura eosdem Martenses Collegia distinctos, distributoque fuisse pater. Primum lapidem pro hujus Dissertationis titulo protuli, paullòque etiam ante indicavi, quum de Patronis Collegiorum meminere; in eo enim occurrit *Collegium Martensium Verzobianum*: sed & alios jam proferam.

In Ædibus meis.

VESEDIO RVFINO  
V. P. ADVOCATO FISCO  
SUMMAE REI IUDICIO  
SACRO PROMOTO PATRO  
NO SPLEND. CIVITATIS  
BENEVENTI ET PVTE  
OLANORUM PATRO  
NO STUDIORVM IIII  
MARTENSIVM VERZO  
BIANVM ET MARTEN  
SIVM PALLADIANVM  
ET . . . . .

Prope Ædes DD. De Aquila

C. VMBRIO VIBIO  
NUMISIO DRVSO  
PATRONO REIP.  
GLOSSIMO CIR  
CA OMNES CIVES  
ET LIBERALISSI  
MO SEMPER CIR  
CA SE COLLEGIVM  
MARTENSE  
VERZOBIANVM. (a)

Prope

[a] Præter secundum hunc lapidem, reliqui inediti hætenus fuere; sed eundem lapidem mendis undique refertum exhibuere Donius pag. 531. num. 34. & Gudianus pag. 207. num. 4.: Nam in prima linea pro *Umbrio* legunt *Umbio*, in secunda pro *Numisio* habent *Primisio*, in tertia omittunt *Reip.* in quarta pro *Glossimo*

idest *Gloriosissimo* habent *Religiosissimo*: Postrema tandem linea pro *Verzobianum* legunt *Bobianum*, quam mendosam dictionem nuper Murator. pag. 525. num. 1. ex proprio ingenio mutavit in *Bojanum*, ut importunè illud notaret: *Bojanum in Sannio Romanorum Colonia non procul a Benevento.*



Prope Aedes Principis Morrae

VERZOBI

C. VMBRIO EVDRASTO C. F.  
 STEL. PATRONO COLONIAE  
 BENEVENTANORVM LAR  
 GISSIMO ADQVE HONORIFI  
 CENTISSIMO VIRO  
 QVOD IS A SOLO CANOPVM  
 PROPRIIS SVMPTIBVS PERFE  
 CERIT COLLEGIVM MARTEN  
 SIVM INFRAFORANVM MEMOR  
 LIBERALITATIS ET HONORIFICENT

Qui fuerint Martenses, quibus adeo Beneventum abundavit, ut plura eorum Collegia institui oportuerit, primum omnium inspicere operæ erit pretium: Prior quod sciam, qui fuerint Martenses explicare aggressus est Cl. Muratorius, qui eos obvios habuit in nostro lapide C. Umbrii, quem exhibuit pag. 525. num. 1.: ejus verba referre libet: *Quid sit Collegium Martensium decernere nescio, nisi quod infra videbimus Convivium Veteranorum, sive Martensium, itaut Martenses Veteranorum Collegium fuisse suspicer*: mox n.2. hunc lapidem subjicit:

C. SVRIINVS T. F.  
 ANI. SENECA ARIMINI  
 MIL. COH. VII. VOLVNT  
 MIL. A. XIV. VIX. ANN. XXXII  
 HIC RELIQVIT SODALIBVS  
 MARTENSIBVS IN OSSA SVA  
 TVENDA H-S ∞ ∞ COLLE  
 GIVM IVMENTARIORVM  
 HVIC CIPPO LOCVM DEDIT (a)

Miles iste Arminensis (ita pergit Muratorius) HS ænomilia reliquit sodalibus Martensibus: Ergo Martenses milites fuerint, & quidem veterani, ut in precedenti innui: Fortassis autem Martenses vocabulo appellati, quod Martis numen peculiari quadam Religione, & Ceremoniis in Sodalicio, aut Collegio colerent: Hactenus de Martensibus Muratorius, cujus judicium valde mihi probatur, nisi quod nolum Martenses omnes Veteranorum ordine, seu classe contineri, sed potius aut Milites ipsos, qui actu stipendia facerent, aut qui in Tirocinio essent Martensium nomine fuisse appellatos crediderim: nam unde Muratorio in mentem venerit, ut Martenses ad solos Veteranos deduceret, non satis video: Nulla certe in utroque lapide de Veteranis mentio; quos etiam ipsemet C. Suriinus excludit, qui (nisi eques fuerit, qualem in lapide se fuisse negat) nondum in pedestri militia vicena stipendia emeruisse apparet, sed ad XIV. tantum pervenisse: Contra vero, ut Martenses ipsi Milites fuerint, aut verius qui militiæ tunc primum nomen dederint, plurium Collegiorum distinctio (quod de Veteranis esse non poterat, quorum omnium æqua erat conditio), peculiaria quoque eorumdem Collegiorum cognomina ostendere videntur; ut nempe ea in Beneventana Urbe fuerint Martensium Collegia, quæ alibi Militares Scholæ dicebantur, de quibus Vegetius l. 2. c. 21. *Quasi in Orbem* [inquit] *quemdam per diversas cohortes, & diversas*

[a] Afferit quoque hunc lapidem eruditus Eq. Olivieri in Marm. Pisaur. in not. ad num. 44., ubi nihil de Martensibus: De dictione vero SVRIINVS plura ha-

bet, quæ alibi in nostri Thesauri Commentariis, ubi simile quidpiam occurrit, expendemus.

*scholas milites promovebantur* (a): Scholæ autem ipsæ quum jure, ac nomine Collegii decorarentur, Martemque patronum peculiaribus quibusdam ritibus colerent, non Martensium tantum nomen adeptæ, verum etiam Collegia vocari gaudebant: idque certe suadet lapis *Vesedii Rufini* paullo ante allatus, ubi is dicitur *Patronus studiorum IIII. Martensium Verzobianum, & Martensium Palladianum, et . . .*, ubi jam vides eadem Martensium Collegia, Studiorum nomine appellari, quæ Scholis recte respondere videntur.

Sed jam quis fuerit ejusmodi Collegiorum numerus, quæ Beneventi instituta essent, prædictus lapis manifeste videtur docere: Quatuor enim in eo numerantur Martensium Studia, seu Collegia, ac ni lapis ipse extremis lineis detritus fuisset, omnium etiam distincta cognomina haberemus, binis tantummodo superstitis, quorum alterum, Collegium *Martensium Verzobianum*, alterum *Palladianum* appellantur; de quo utriusque cognomine alii etiam nostri lapides meminere: De ejusmodi autem cognominum origine nihil certum afferre auserim: est verò quod de Verzobiano suspicer, ut a præclaro Viro aliquo, cui Verzbii nomen, ejusmodi appellatio Martensium Collegio facta videatur, sive is fuerit Collegii Institutor, sive Patronus, sive tandem eximium aliquod beneficium in ipsum contulerit: Ad Palladianum quod attinet, num ab aliquo quoque Viro insigni, cui Palladii nomen, ita fuerit cognominatum? Verisimile id quidem; sed neque illud præteream a Pallade potius ita appellatum videri posse: nec certe veteribus Beneventanis deerat peculiaris ratio rei hujus: Nam si Procopio fides (b), jactabant hi, non Apri dumtaxat Calydonii dentes ab Diomede Rege Urbis conditore apud se relictos, verum etiam Palladium Trojanum, seu Palladis simulacrum Trojanæ olim Urbis tutelam, quod is simul cum Ulyssæ Trojanis furripuerat, in ea Urbe ab se conditâ fuisse servatum, donec ejus Deæ monitu Æneæ tradidisset: at, ne fabulis indulgere videamur, quas tamen ex certarum rerum initiis, appellationibusque originem habuisse satis constat, non alienum profecto a Martensibus, ut a Pallade Collegio suo cognomen facerent; Marti enim hanc Deam rite conjungebant, quæ sicut Minervæ nomine artibus iis, disciplinisque, quæ pace exercerentur, præesse credebatur, ita, cum Bellipotens videri vellet, Palladis nomine (c) vocari gaudebat.

At tertii quoque Martensium Collegii cognomen nostræ memoriæ servatum affirmare non ineptè poterimus ex insigni eo lapide superius allato, quem *Collegium Martensium Infraforanum* C. Umbrio Eudrasto dicavit: Illa enim *Infraforani* adjectio, quam ejusmodi Collegium sibi adsumit, nonnisi cognominis loco stare videtur, quo ipsum a ceteris Martensium Collegiis, Verzbiano scilicet, ac Palladiano manifestè distinguebatur: atque, uti hæc a præclaris Viris, seu Numine, ut dictum est, cognomen sibi fecerant, ita *Infraforanum* hoc a loco, quod scilicet *infra forum* situm esset, ejusmodi cognomen accepisse videtur: An vero pro *Infraforano* rectius *Infraforaneum* dici debuisset in lapide, exemplo vocis *Circumforaneus*, quâ tantum Latium uti solet, non tanti est, ut morandum heic Lectorem putem (d): Significationem potius ejusdem vocis, quam attuli, confirmare satius erit ex Subbasilicanorum vocabulo, quo usus est Plautus ex ore Ædilis Captiv. 4. 2. 35. his verbis loquentis: *Tum Piscatores, qui præbent populo pisces fædos, quorum odos Subbasilicanos omnes abigit in Forum*. Non enim Subbasilicanos hoc Plauto memoratos, qui sub Basilicis obambulare, venarique solebant, ut vulgo creditur, accipi velim, sed eos potius, qui juxta Basilicas in posteriore earum parte habitabant: Nam cur non eandem Subbasilicanis significationem dabimus, quæ Suburbanis, Suburranis, aliisque similibus omnino tribuitur; neque alios sanè Plautus intellexisse videtur, dum si venalium piscium locus

[a] Et paulo post id. Veget.: *Principi Centurio postquam in Orbem omnes cohortes per diversas administraverit scholas, in prima cohorte ad hanc pervenit palmam*: De hujusmodi Militarium Scholarum numero præclarum monumentum reliquit Imp. Justinianus in l. ult. Cod. De Locato, ubi hæc ait: *Milites nos appellamus eos, tam qui sub excelsis Magistris militum tolerare noscuntur militiam, quam qui in undecim devotissimis Scholis taxantur*: At de Scholis alibi fusiis, cum de ludis literariis, quæ Beneventi fuere, a me agetur.

[b] De Bell. Goth. l. 1. Hic (Beneventi inquit) prætereà serunt, Diomedem Æneam venientem ex Ilio convenisse, dedisseque illi ex responso Minervæ simulacrum, quod ipse quondam Ulyssæ juvante a Troja stulerat.

[c] Minerva Pallas dicta est (inquit Servius Æneid. 1. 43.) *ἀπὸ τοῦ πάλλειν τὸ δέξαι*: idest ab haste concussione, vel quod Pallantem Gigantem occiderit: Festus: vel a *salutatione in armis*, nam sese aliud a terra attollere, vel manibus aliquid offerre, dicimus *πάλλειν* idest vibrare, agitareque.

[d] Placet mihi, quod omnibus placere, deberet Senecæ monitum ad Lucilium ep. 72. ubi literarios Philosophos eos vocat, qui in apicibus literarum, syllabisque aucupandis operam infundebant: *Erige te (ait) Lucili virorum optime, & relinque istum ludum literariorum Philosophorum, qui rem magnificentissimam syllabas vocant, qui animum minuta docendo, demittunt, & conterunt*.



locus Forum fuit [ deque eorum nomine Piscarium Romæ appellatum scimus ], potius ex Foro in Basilicas [ quæ semper Foris adjunctæ edificabantur ] quàm ex Basilicis in Forum. gravis piscium odos præfentes abigere debuisset : at quomodo, inquires, fieri poterat, ut e Foro ipso ad Subbasilicanos usque fœtor effunderetur ? Non id sanè mirum ; nam cum fœtidi pisces essent, nec publice in foro, quod *inter loca Edilem metuentia* recensetur a Seneca, exponi venales possent, facile erat venditoribus in posteriori Basilicarum parte clam venales servare, sicque Subbasilicani eorum odorem vix ferre valentes in Forum sese recipiebant : Itaque cum Subbasilicani Plauto ii sint, qui post Basilicas habitarent, jam Infraforanum Collegium nobis erit, quod infra Forum propriâ *Æde* ad conventus agendos constructa constitutum erat.

At quænam fuerit Infraforani hujus Martensium Collegii *Ædes* ? Collegiis omnibus proprias fuisse *Ædes*, ubi sacra, ubi convivia, aliaque quæ, cum coirent, agi solebant, satis patet ; Hanc Infraforanis Martensibus peculiari *Canopi* nomine appellatam Beneventi extitisse præclare docet idem lapis C. Umbrio Eudraсто dedicatus ; ejus enim largitas a Collegio Martensium Infraforano perpetuo eo monumento commendatur, quod *is a solo Canopum propriis sumptibus perfecit* : *Ædificium fuisse*, quod C. Umbrius perfecit, verba lapidis manifestè indicant ; At quæ ejus nominis ratio fuerit, non satis liquet : Scio, inter alias hujusce vocabuli (a) significationes, Urbem quoque fuisse in *Ægypto*, cui nomen *Canopus*, ubi Nili ostium statuunt Strab. l. ult. & Plin. l. 5. c. 10. de qua canit Juven. Sat. iv. *Barbara famosa non cedit turba Canopo* : At quid privato ædificio cum Urbe ? Lucem aliquam nostro *Canopo* afferre videtur Spartiani locus, qui de Imperatore Hadriano inter alia hæc narrat : *Tiburtinam Villam mirifice exedificavit, itaut in ea & Provinciarum, & locorum celeberrima nomina inscriberet, velut Lyceum, Academiam, Prytaneum, Canopum, Pacilen, Tempe vocaret* : Addendus heic etiam Seneca, qui Epist. 51. *Canopi* pariter meminit his verbis : *De secessu cogitans nunquam Canopum eligeret, quamvis neminem Canopus esse frangi vetat* : Ubi non ipsam omnino Canopum Urbem intellexit Seneca, sed quempiam locum alium, qui, quanquam non eodem nomine, re tamen ipsa cum Urbe Canopo comparari posset : Eam enim Strabo, & Ammianus ferunt fuisse in *Ægypto* Canopum, quam summa loci amœnitate, agrique ubertate insignem Viri, mulieresque Religionis quidem specie, sed ad impudentissimos conventus agendos frequentare solebant ; hinc in ejusmodi loca, quæ Canopo simillima essent, nemo, inquit Seneca, secedet, qui tranquillam, honestamque vitam procul Urbe ducere cupiat : Nolim tamen, ut ejusmodi sit Canopus ille, quem C. Umbrius Beneventi exedificavit ; quæ enim laus homini fuisset, aut cur illius liberalitas, ac honorificentia perpetuo monumento consignaretur, si opportunum obscænis capiendis voluptatibus locum parasset ? Non itaque turpitudinis, sed solius amœnitatis *Ædes* fuisse hicce C. Umbrii Canopus censei debet, quo Collegium Martensium pro sacris, cænis, ludis, aliisque, quæ celebrari fas esset, coire posset ; quod & de Hadriani Canopo, quem is, ut ex Spartiano didicimus, in Tiburtina Villa construxit, facile judicandum erit, ut nempe in amœniori Villæ loco *Ædes* polita suo quoque nomine *Ægypti* Canopum demonstraret : Hactenus de Martensium Collegiis.

Nunc de Fabrûm Collegio agendi locus esset, quod Beneventi extitisse optimam conjecturam suppeditat lapis in pariete occid. *Ædis* majoris, & apud Panvin. de Civ. Rom. c. 47. ubi : M. Gavius dicitur : *PRÆF. FABR.* : At de Fabris, eorumque Collegiis plura jam a doctis Viris observata sunt, inspexisseque sufficiat Brissonium in De Verb. Signifi., cui meritò adjuvandum V. C. Mazochius in De Ascia pag. 276., qui plures paginas subinde implens rem universam fusè, eruditèque confecit.

Illud tamen quærendum mihi superest, an Præfectura Fabrûm, quæ in prædicto nostro lapide occurrit, ad eos Fabros, qui militiam sequerentur, vel qui Civium commodo, atque usui Fabriles artes domi exercerent, pertinere debeat ; & sanè utrobique tam Fabri, quàm Fabrûm Collegia aderant : Sed quum Urbanis Collegiis, qui præerant, Magistri appellari consueissent, jam non invitum concesserim Præfectos Fabrum ad Castrenses Fabros deduci posse ; ex quo tamen non illud fit, ut nullum Beneventi confederit Urbanorum Fabrûm Collegium, nam qui militares Fabri essent, non omnes castra sequebantur, sed erant omnino alii, qui publicis

Y 2

Fabri-

[a] Nam Canopus etiam Sidus dicitur ingens, & clarissimum, de quo plura habet Plin. l. 6. c. 22. : Præterea Canopus fuit *Ægyptiorum* Deus, qui cum esset Sacerdos divinitate donatus traditur, propterea quod

ignem, qui omnium se Deorum maximum jactabat, illorum simulacra comburendo, callide vicerit ; Fabulosam narrationem habes apud Suidam v. Canopus edit. Basilicæ.

Fabricis addicti intra Urbem perpetuo consistebant: Publicas autem Fabricas Beneventi aliquando constituisse præclare docet noster lapis.

TVLLIDIO ARGOLICO

.....

..... DICIO

SAC. .... SIMO ET

COMITI FABRICARVM

TOTIVS CIVITATIS

BEN. VRBIS OB INSIG

NIA MERITA EIVSDEM

PATRONO VNIVERSI

LEONTIANI STATVAM

PONENDAM ESSE

DUXERVNT

Longe inferioris ævi hunc esse lapidem, itaut extrema prope Imperii tempora attingat, non leves conjecturæ ostendunt: ac primum Viri nomen, cui lapis inscriptus, eorum pariter, qui dedicarunt, non obscurè demonstrant: *Argolicum* Præfectum Urbi initio sexti sæculi extitisse sub Theodorico Rege ostendunt plures ad eundem ipsius Theodorici Epistolæ apud Cassiodorum Var. l. 3. 29. & 33. & l. 4. 22. & 25.; an vero is ipse fuerit, qui nostro lapide memoratur, suspicari tantum licet, nam secundâ, ac tertiâ lineâ temporis injuriâ detritis, quæ nostri Tullidii Argolici munera tum fuerint, prorsus ignoramus, nisi quod illud..... DICIO tertiæ lineæ superites, cui quartæ lineæ initio SAC. .... succedit (quæ IVDICIO SACRO suppleri commodè possunt) vix ad Præfecturam Urbis referri possit, sed potius ad inferiorem quempiam Magistratum, exemplo alterius nostri lapidis, ubi Vesedius Rufinus Advocatus Fisci dicitur *Summa rei Iudicio sacro promotus*; itaut nondum Præfecturam Urbis obtinuerat Argolicus, qui in Beneventana Urbe præter alia Comitum Fabricarum munere fungebatur. Qui vero fuerint *Leontiani*, nondum mihi compertum fuit; quod si divinationi locus, quum plures in lapide Fabricæ dicantur, eorum, qui unicuique Fabricæ adscripti erant, ut alii ab aliis internoscerentur, distincta fortasse, exemplo Martensium, erant cognomina, itaut Leontiani essent, qui in certam Fabricam ex pluribus Beneventi extantibus, operas suas præstarent, ita certe appellati a Leontio aliquo Viro summo, qui vel eam Fabricam instituendam curaverit, vel insignibus beneficiis ornaverit: Plures sanè Leontios a Constantiniano ævo ad Theodosianum fuisse plane constat ex sola Chronologia Codicis Theodosiani, ubi ad decem usque numerantur Præfecturâ Prætorii, Consulatu, aliisque publicis muneribus præclari: An ex tot Leontiorum aliquo ad nostros Leontianos cognomen [quod sequioris ætatis foetus esse nescitur] derivatum fuerit, dum meliora suppetant, verisimile interim dixerim.

Sed & ipse muneris titulus ad seram admodum Imperii ætatem lapidem ablegandum monet. Verum sanè est *Comitis* vocabulum a Principatus pene exordio in Aula receptum, sed non alia plane muneris conditio, quàm quæ nativa vocabuli significatione contineretur; extraordinarium enim, atque honorarium olim *Comitum* munus, qui ex illustribus Viris selecti Imperatorem in Provincias proficiscentem comitarentur: Sic Tiberium in Germaniam iturum Comites sibi legisse memorat Tac. ann. 1. 47. Vespasianus quoque Achaica peregrinatione Neronis *Comes* refertur a Sveton. c. 4. Paulatin vero, etiam cum Princeps in Aula esset, perpetuos ejus lateri *Comites* adhæsisse, ipsorumque consilium in judiciis adhibitum colligimus ex Spartiano in Hadrian. cap. 18. At Constantinus demum, cui perpetuum fuit novæ statuendæ Reip. formæ studium, tum novis institutis Magistratibus, tum etiam novis eorum titulis adinventis, adeo de Comitum vocabulo sibi complacuit, ut nihil non esset Magistratum, in quo Comitum nomen non audiri vellet, itaut omnes ferè tum Civiles, tum Militares, tum Palatinæ administrationes eo titulo ornari jam cœpissent; quumque varii essent Magistratum gradus, factum inde fuit, ut pro cujusque dignitate *Comitum* primi, secundi, ac tertii ordinis instituerentur



reantur (4), cumque ipsis Comitibus, *Comitatus* vocabulum in Latium invecum fuerit. Jam vero munerum certorum catalogum, quibus Comitatus titulus affixus erat, ex Juris libris, aliisque monumentis exhibent tum Brissonus in De Verbor. Signif. V. *Comes*, tum Cangius in *Glossar. med. latinis*, apud quos tamen non invenire est *Comitem Fabricarum*, quem frustra etiam alibi obvium habere laboravi, nisi quod apud Marcellinum l. 14. *Tribunos Fabricarum* memoratos reperi hisce verbis: *Quum Quaestor non hos, sed Tribunos Fabricarum in simul esset, promittentes arma, si nova res agitari cepissent*: Itaque pretium jam nostro lapidi accedet, propterea quod vel ipse unus sit, ex cujus optima fide, inter alios diversorum munerum *Comites* incomperum adhuc *Fabricarum Comitem* fuisse sciamus.

Quum autem nihil privati juris in eo titulo considerari possit, sequitur, ut neque ipsae Fabricae, quarum in nostro lapide mentio est, privatae, sed omnino publicae censeantur debeant: publicas autem intelligo Fabricas, probo quidem, atque antiquitus recepto vocabulo (b), sed serâ institutione, Principumque auctoritate in certis Romani Imperii sedibus locatas, ut in iis arma, ceteraque bellica instrumenta, quae privatis vendi, inque privatos usus converteri vetabantur, tantum militibus ministranda fabricabantur; unde & Sacrae Fabricae, & qui earum operis adscripti erant *Fabricenses* dicebantur, quorum frequens in utroque Codice, & alibi occurrit mentio; de his autem duo omnium observare licet; alterum, quod quum Fabricae primum adscribi vellent, stigmatibus brachio inuistis notabantur, ut ea notâ, si quando aufugissent, detecti facile, ad opus statim revocarentur, ut patet ex l. 4. *Cod. Theod. de Fabricensibus*. Alterum vero, quod eorum sive *Consortium* erat, ut ex l. 6. *ejusd. tit. sive Corpus*, ut appellatur in *Novell. unic. de bonis Fabricensium*, ad Collegae sine liberis, vel legitimo haerede decedentis hereditariam successionem vocabatur, ut in ead. *Novell. Imp. Theod. & Valentin.* sanxerunt, unde in hisce Fabricensibus perfectissimam Collegii formam agnoscere licet, inter quos perpetua vitae, artificii, fortunarumque communio, atque societas colebatur.

At quid, inquires, Benevento cum publicis, seu *Sacris Fabricis*? Scio plurimas in utroque tum Orientis, tum Occidentis Imperio fuisse Fabricas Principum auctoritate institutas, longoque eas mansisse aeo, ad quindecim in Orientali, ad novendecim vero in Occidentali Imperio, atque harum sex in certis Italiae Urbibus locatas enumerat Pancirolus, & Bergierius (c); neque tamen in hisce Italicis Fabricis Beneventanae Urbis mentio occurrit: Recte quidem: sed quum de nostri lapidis fide nemo jure dubitare possit, in quo Tullidius Argolicus dicitur *Comes Fabricarum totius Croitatis Ben. Urbis* (4), non una profecto ratio in promptu est, ut rem ita fuisse judicemus: plura namque sunt, quae prius certò definita videbantur, novis tamen erutis antiquitatis monumentis, novum quoque sibi postulant judicium: Quum igitur Italicarum Urbium, ubi Fabricae olim fuere, numerus nulla certa lege, aliove monumento statutus appareat, quidni, fatente adhuc nostro lapide, fuerit etiam hoc Beneventanae Urbis decus, ut ad reliquas sex Italicas Urbes, quae publicas haberent Fabricas, septima accenseretur? Accedit etiam, quod quum ipsae Fabricae in iis oppidis locari consueverint, quae non longe a limitibus Imperii, ac militaribus stationibus abessent, verisimile illud erit, aliquam in Cistiberina Italia, quae maritimis incurfionibus undique patebat, Ostiumque Romanae Urbi satis proximum praebebat, fuisse locatam; locum autem ejusmodi rei satis opportunum praestabat Beneventana Urbs, quae tum florentis, tum collabentis Imperii in Cistiberina Italia arx, atque propugnaculum habebatur, itaut munitissimum oppidum a Procopio appelletur, quod

primum

[a] Cujacius, & alii observant Comitum gradus in Palatio primum distinxisse Constantinum, quod ex Eusebio in vita ejusd. Imp. l. 3. c. 1. colligunt, quod antea Constantinum nulla Comitum ejusmodi mentio occurrat.

[b] Fabricae vocem tum Varro usurpavit lib. vii. de ling. lat. quo loco Analogiae voluntariae exemplum proponit, tum Plautus in Cistell. 2. 2. 15. & alibi saepe; ut propterea mirum sit, quare praecipuos Quintilianus de ea voce adhibenda adeo dubitarint; Sic enim ipse de verbis novis agens l. 8. c. 2.: *Piraticam quoque ut Muscam, & Fabricam dici adhuc dubitabant Praeceptores mei*. Non solum autem eo vocabulo publicae armorum officinae dicebantur, sed etiam inferioris aevi ea vox usurpari cepit (quod hodie tum apud nos Italos manet) ut publica opera, aedificiaque significaret, ut praeter

ter l. 13. *Cod. Theod. de Praetor. & l. 14. & 30. D. De oper. publ. manifestè patet ex Cassiodor. Var. l. 1. 21. l. 2. 34. l. 7. 5.*

[c] Pancirol. not. Imp. Orient. c. 67. & 71. & Imp. Occident. c. 30. 31. 32. Bergier de viis militar. iv. sect. 21. §. 2. & 9.

[d] Mirabimur certe in hoc lapide singularem hanc loquendi formulam, qua *Civitas Beneventanae Urbis* expressa fuit: vulgatum discrimen est inter Civitatem, & Urbem, quo Latini utebantur feliciter, quam nos Itali, qui ad alterutram rem significandam diversitate vocabuli caremus: an vero ad ejusmodi discrimen attenderit nostri lapidis Auctor, vix potest, neque etiam adhibendi hujusmodi discriminis ulla in lapide adest videbatur necessitas.

primum omnium Rex Torila, quum Cistiberinam Italiam subigere sibi vellet, expugnare sa-  
tegerit, ut alibi a me fuit observatum: Cæterum an initio ut in aliis Italicis Urbibus, Bene-  
venti pariter publicæ Fabricæ fuerint institutæ, vel sera admodum ætate, quam ipse lapis præ-  
fert, id evenerit, aliorum judicio libens permiserim, dummodo stet sua lapidi fides, publicas  
Fabricas Beneventi aliquando fuisse.

Atque hæc habui, quæ breviter de Beneventanæ Urbis antiquis Collegiis certa differe-  
rem: plura autem apud veteres Beneventanos fuisse Collegia, quàm quæ modo superstitum la-  
pidum auctoritate tradidimus, manifestum videri potest: Omnes enim artes, professiones-  
que, quæ in florentissimis Urbibus coli solent, non defuisse Beneventi, etiamnum probant  
nostri lapides, ubi *Tectores*, *Mesores*, *Adificiorum*, *Tibicines*, *Artifices Organorum*, *Ararii*,  
*Vestiarii*, ceterique id genus Artifices occurrunt, de quibus in nostro Thesauro propriâ Classe  
agendum erit: Collegiorum autem Civitatis non solum summatim universimque meminit La-  
pis huic Dissertationi præfixus, quod sanè ingentis eorum numeri clarissimum argumentum vi-  
deri potest; verum etiam lapis alter, quem prioribus lineis detritum non levi conjectura Nar-  
seti tribuendum alibi censui (a), ubi is inter præclara alia, quæ Beneventanæ Urbi post Gotho-  
rum invasionem munificentissimè præstitit, eo quoque laudis titulo commendatur, quod fuerit  
*Collegiorum RESTITUTOR*.

DISSER-


[a] Vide hanc Dissert. x. cap. 111.





## DISSERTATIO VI.

## De Via Trajana.



INTER Beneventanas Antiquitates Via illa jure referri debet, quam Imp. Trajanum Benevento Brundisium pecunia sua fecisse, tres apud nos miliariae Columnae, quamplures item similes, teste Manutio (a) per Apuliae locos extantes manifestè declarant: Certè ad Beneventanae Urbis decus ipsum Opus accedet, cujus initium in Urbe eadem agnovisse licet; cui etiam fortasse debemus, ut de magnificentissimo Arcu eidem Trajano extructo, veterum monumentorum omnium, quae ubique Terrarum spectanda supersunt, facile Principe, etiamnum nobis sit gloriandum: Arcus enim a S. P. Q. R. plerumque iis Impera-

toribus decernebantur, a quibus Viae publicae factae, resectaeque fuerunt, vel etiam Pontes, aut Portus constructi: Res ab Augusto caepa, cui quod, Flaminiam Viam Ariminum usque muniendam curasset (b) Arcum alterum in Ponte Tiberino, ubi ejus viae initium, Arimini alterum, quod desinebat, extructos tum Dio (c) memorat, tum etiam ejusdem Augusti nummus a Spanhemio, aliisque indicatus, in cujus aversa parte duo videntur quadrati Arcus cum Inscriptione: *quod via munita sunt*: De Trajani Arcu, qui Romae olim in Regione Portae Capenae videbatur, eadem fuit Bergierii, ac Modii sententia (d), propterea quod Trajanus Viam Appiam, cujus ex eadem Porta erat exitus, magnificentius restituerit; de hac vero re, quandoquidem cum ipso Arcu etiam Titulus desideretur, non licet rudè affirmare, quemadmodum de Anconitano Arcu certum illud hodie ex ejusdem titulo constat, ideo Trajano extructum: *Quod accessum Italiae hoc etiam addito de pecunia sua Portu tutiorem navigantibus reddiderit*: At de nostro Arcu, cujus Ichnographiam sua quoque Dissertatione generatim illustratam in hoc volumine spectasse sufficiet, peculiari volumine altero, pro materiae ubertate, atque dignitate agendum mihi erit; nunc de Via Trajana, quae extruendi Arcus inter alias plures verisimilis causa videri potest, quaeque suo satis praeclearo Opere plura nobis observatione dignissima sup-  
peditat, differere consilium est.

Nihil itaque hac Via celebrius fuisse constat, quam praeter inscriptos millarios lapides etiamnum supersites, & verus Inscriptio Auximas, & antiqua numismata satis praecclare com-  
mendant;

[a] Ortog. v. Brundisium.

[b] Sveton. in Aug. c. 30.: Quo autem facilius Urb. adiretur. desunta sibi Flaminia Via Arimino tenus munienda, reliquas triumphalibus Viris ex manubiali pecu-

nia sternendas distribuit.

[c] Dio lib. 53. p. 511. D.

[d] Bergierius de viis milit. lib. 1. sect. 25. §. 3. 4. & 5. Modius de triumph. lib. 1. cap. 34.

mendant; At quum lapides ipsi milliarii ignorarentur, nihil eadem Viâ, quo loco fuerit, incertius apud Antiquitatis studiosos aliquando fuit, nam & Pancirolus, & Aringhius, alique, quos de more Pitiscus compilat (a), ubinam illam stravisset Trajanus, adhuc sibi incompertum fatentur: Panvinus (b) vero postquam ex Auximate Inscriptione ad tres usque Trajanas vias fuisse statuisse, præter illam, quam in Pontinis paludibus Trajanum stravisse ex Dione didicerat, de reliquis duabus nihil certi, quod afferat, habere concludit: At Auximatem lapidem, quem apud Gruter. habes pag. 446. num. 4., ut Panvinus ipse exhibet pag. 72. heic afferre præstabit.

C. OPPIO C. F. VEL

SABINO IVLIO NEPOTI

M. VIBIO SOLEMNI SEVERO

COS (c)

ADLECTO A SACRATISSIMO IMP

HADRIANO AVG

INTER. TRIBVNICIOS. PR. PEREGR

CANDIDATO AVG

LEG. PROV. BAETICAE CVR. VIAR

CLODIAE. ANNIAE. CASSIAE

CIMINAE. TRIVM. TRAIANARVM

ET AMERINAE LEG. LEG. XI

CL. P. F. LEG. AVG. PR. PR.

PROVINC. LVSITANIAE

PRO COS. PROV. BAETICAE

PATRONO COL

LEONAS. LIB. (d)

ADCENSVS PATRONI

ET IN DEDIC. STATVAE

COLONIS CENAM DEDIT

Panvintii sententiam de tribus viis Trajanis, quas is ex hoc lapide sibi constare credit, tueri mihi facile, si ad illam, quam in Pontinis paludibus Trajanus primum munivit, atque alteram, quam Benevento Brundisium deinde fecit, tertiam quoque addi libuisset, quam postremo Trajanus ad Pontum Euxinum longissimo itinere, quo facilius extremæ Orientis Regionis adirentur, stravisse traditur: At de hac via non satis explorata res est, quam etiam inter Trajanas vias hoc lapide memoratas referre ineptum omnino erit: Quid enim? Deberet ne C. Oppius, cui Viæ aliæ prope Urbem curandæ mandabantur, ad Euxinum usque se contulisse,

[a] Pitisc. in Lex. antiq. V. Via Trajana.

[b] Panvin. de Urb. Rom. p. 102. edit. Venet. 1558.

[c] Tam numerosa nomina eodem casu posita tres priores hujus lapidis lineas implentia, quibus illud Cos. quarta linea solitarius succedit, mendosa descriptoris vitio censet Reinesius, qui ex secunda, & tertia linea format Julium Gervianum, & C. Vibium Jumentum Varum Consules an. Chr. 134. sub Hadriano: At secundæ lineæ nomina commodius erit pro C. Oppii cognominibus post Velinam Tribum adjectis accipere: In tertia autem linea promptius erit Casilius corruptè in Fastis, at ex hoc lapide Vibium Severum agnoscere, qui an. Chr. cxx. ac Imp. Hadriani IV. Consul processit; quem istum Severum puto, qui in hoc lapide memoratur; unde sic ejusdem lapidis initium commode explicari posse crediderim, si tertiæ lineæ nomina auferendi casu posita,

pro eodem Consule accipiantur, ut exinde pateret, quo anno C. Oppius inter Tribunicios ab Hadriano fuit adlectus.

[d] Notandus est Leonas recto casu positus, qui in Leonidis inflectendus videtur: Ac illud quidem Liberti nomen, qui C. Oppio Patrono suo statum dedicaverit, ejusdemque Patroni sui *Adensus* fuit, hoc est in publicis muneribus, quæ ille obiverat assiduus minister, qui ad Imperium nutumque præsto erat: Libertis autem hoc munus dari mos erat: ut præter alios Cic. in præclara epist. ad Quint. Fratrem in Provinciam proficiscentem l. 1. ep. 1. c. 4.: *Accensus sit eo numero, quo eum majores nostri esse voluerunt; qui hoc non in beneficii loco, sed in laboris, ac muneris, non temere, nisi Libertis deferretur; quibus illi quidem non multo secus, ac servis im-* perabant.



lisse, ut Viam illam curaret? nullimode igitur Panvinii de tribus Viis Trajanis, quam ex hujus lapidis verbis deducebat sententiam probari posse video: neque enim, si eadem verba accuratius expendantur, tres istas Trajanas Vias in eodem lapide invenisse erit; sed nihil magis promptum, nihil etiam magis verum, quàm illud TRIVM, quod in lapide legitur, pro TRIVMphali interpretari, ut scilicet *Viam Triumphalem* (cujus Curatores aliis diversis temporibus antiqui lapides passim nobis exhibent) tunc etiam C. Oppius cum reliquis viis in lapide memoratis curandam suscepit: Illud tandem TRAIANARVM, quod subsequitur, aut mendosum est, cum fortasse in lapide sit TRAIANAE, aut si plurali numero ea dictio scripta sit, nonnisi binas illas Vias, quarum alteram in Pontinis Paludibus, alteram Benevento Brundisium Trajanus munivit, tantummodo continebit: atque utraque quidem Via, præter monumenta alia, peculiarem sibi vendicat nummum ea de causâ percussum; cum enim bini adhuc extent nummi, in quorum altero jacere mulier, rotamque manu sustinere cernitur, cum inscriptione: *Via Trajana*: in altero vero mulier quoque jacens, quæ tamen sinistra ramum frondosum, dextra vero rotam supra genu gerit, cui subtus inscriptum est: *Via Trajana*: supra vero, *Optimo Principi*: jam ex ejusmodi nummorum diversitate, quum de binis Viis diverso tempore, locoque factis aliunde constet, suum cuique nummum attribui oportebit.

At quum diversas eas Vias dixerim ab eodem Trajano factas, nolim tamen id ita accipi, ut ambæ inter se illæ Viæ distinctæ omnino disjunctæque censerî debeant: Altera enim alteram excipiebat, eodemque protensa ducta, in terminum eundem recto itinere definebat: Jam de Appia me loqui intelligis Lector, cujus celeberrimæ Viæ quum multa ad rem meam, plura etiam sibi propria erunt, quæ modo mihi observasse oportebit.

De Appio Claudio, ejus Viæ auctore satis constat, qui primum illam Capuam, usquequo Romanorum fines tunc pertingebant, munivit; qui vero, & quando Beneventum, atque ex ea tandem Urbe Brundisium perduxerit, cur etiam, novis licet auctoribus, quâ longè producta ad sui usque terminum, Appia tota diceretur, non satis convenit: Panvinii, Lipsii, aliorumque errorem, qui vel Gracchum, vel Cæsarem, vel Augustum, aut eorum quemque pro suo ævo, ac munere Appii opus prosequutos statuebant, jam alii notarunt; & certè prolatis iamdudum ad Jonium usque Reip. finibus, quin etiam ab anno v. 443. Romanis, Lævino Cos. mare ipsum ingressis, & tota Græciæ litora, (ut inquit Florus) triumphali classe peragrantibus haud tamdiu expectandum fuisset, ut Via ipsa, quæ Capuâ Beneventum, Benevento Brundisium duce-ret, postremis tandem Reip. temporibus tam sero opere muniretur: Illo igitur centum prope annorum intervallo, qui ab Appio Censore ad Lævinum Consulem effluxere, tum Appii exemplo, tum quod ita Populi Romani majestas, utilitasque postulabat, quò facilius militibus, frequentissimisque viatoribus iter pateret, Via ipsa paulatim sterni debuit, quam postea Gracchus, ac deinde Cæsar, Augustusque, quo loco corruptam reperissent, muniendam curarunt: Illud vero temporis spatium inter angustiores terminos contrahi quoque posse crediderim, si Viam ipsam, cui olim Capua terminus, cum ipso simul Romanorum dominio ulterius progredi faciemus: nihil enim verisimile magis, quàm deducti jam Beneventum Colonia (quod in Consulatu Ap. Claudii, ac Sempronii Sophi an. V. 486. evenisse constat) mox Capuâ Beneventum usque Via ipsa producta fuerit: Ac quum demum in Consulatu Manlii Torquati, Sempronique Blæsi A. V. 510., Vellejo teste, Brundisium, (qua quidem Urbe paucis ante annis in ditionem redactâ Italia omnis, quæ cis Tiberim patet, Romanorum Imperio cecidit) Colonia quoque deducta fuerit, per ea profecto tempora Via eadem Benevento egressa longius sese effundere coepit, ac Brundisium usque munienda fuit, ac proinde, quod sub medium quatuor Romæ sæculum coeptum, eodem exeunte, aut vix lapso, absolutum Opus censerî debet.

Illud tamen obscurius, quod quum nihil ad Appium, si Capuâ discesseris, de reliqua via, hæc nihilominus quaquâ longiore, quàm olim tractu Brundisium protendebatur, uno, eodemque ipso Appia nomine appellaretur. *Censeo* (ita scribebat Pompejus Ciceroni (a) *Via Appia iter facias, & celeriter Brundisium venias*: ubi vides non aliam, quàm unam Appiam rectâ Brundisium duxisse: Sic Horatius (b) Tacitus (c) Strabo (d) Appiæ terminum Brundisium agnoscunt: Rei causam excogitavit nuper Franciscus Pratillus de Via Appia l. i. c. 3., ideo Appiam audisse integram viam ratus, quod eamdem posteriores Appii, quorum alter cognomine *Gras-fus* A. V. 485., alter cognomine *Caudex* A. V. 489. Consulatum iniere, producendam fortasse curaverint; quibus & Ap. Pulcrum, qui A. V. 504. fuit item Consul addendum putavit. Viri conjecturam, quam solertissimis Neapolitani Regni literatis probatam deprædicat, ac de

Z

qua

[a] Ad Attic. l. 8. epist. 9.

[b] Ep. l. 1. epist. 18.

[c] Ann. 11.

[d] Lib. v.

qua tantopere is sibi blanditur, levem admodum dixerim. Id enim divinare facile fuerat ex pluribus Appiis, qui paullo post priorem Appium Censorem Remp. administrarunt; sed ne divinatio ipsa verisimilitudinem aliquam obtinere possit, adhuc in posterioribus hisce Appiis Magistratus ille desideratur, cui pro suo munere sternendarum viarum incumberet cura: non enim ad rem *Consulatus* facit, sed *Censura*: sic prior Appius duobus Consulatus, Dictaturâ, aliisque summis muneribus insignis, nonnisi demum quum *Censura* fungeretur, M. Valerio Maximo, & P. Decio Mure Col. [ut inquit Frontinus (a)] Aquam induxit, & Viam stravit; adeout in publicis operibus, quæ a Censoribus curarentur, horum tantum apud Posteros manebat & nomen, & laus, Consules vero pro sola certi temporis nota adhiberentur: missis igitur Appiis, verisimilius illud existimaverim, reliquam viam a sequentibus Censoribus fuisse munitam; dum vero opus ipsum paulatim, ut ipsa Romanorum Ditio, progredere, atque ideo sexaginta circiter annorum spatio plures, ac diversi Censores eidem adlaboraverint, tum quod breviora viæ muniendæ spatia cuique contingerent, absurdumque videretur eandem viam recto itinere pergradientem in plura, ac diversa nomina dispertiri, tum etiam, quod novum opus veteris Appiæ magnificentiam nullo modo æquaret, haud certe viæ illius spatium, quod quisque stravisset, ut de suo nomine appellaretur, Censores solliciti fuerunt, aut si unquam inditum fuerit nomen, mox intercidisse debuit, solumque Appiæ nomen in universam Viæ ipsius accessionem ob sui excellentiam se se effudit: Et sane adeo vetustate sua, majestateque valuit ejusmodi nomen, ut neque Cæsaris, quem magnam Viæ Appiæ pecuniam prodegisse testatur Plutarchus, neque Augusti, cui maximum viis muniendis fuit studium, æqua ambitio, parque in utrumque Romanorum adulatio illud obliterare potuerit: Id quod Flaminiae Viæ evenisse quoque constat, quam licet Augustus, Svetonio teste, Arimino tenus muniendam curaverit, imo verò Arimino ipso Aquilejam usque productam deinceps fuisse liqueat, perpetuo tamen Flaminiae nomine veteres appellarunt: At ubi Trajanus, ut superiorum Principum Virtutes *Optimi* titulo supergressus, Operum quoque publicorum molitionibus magnificentiam superaret, vias pene omnes in Orbe Romano univervo muniendas suscepit, tum in aliis pluribus, quas generatim Galenus (b) commemorat, tum præsertim in Appia egregiam illam navavit operam, qua demum factum fuit, ut veteri nomine abjecto, Trajana omnium sermone, publicisque monumentis nuncupari coepisset. Nummos ea de re usos superius observavimus, quibus *Via Trajana* inscriptum est; atque ex illorum diversitate quid in veteri Appia tum Româ Beneventum, tum etiam Benevento Brundisium diverso tempore Trajanus præclare præstiterit, leviter attigimus, quod modo accuratius persequi, speciatimque nosse opportunum erit.

Primum igitur Trajanus Viam Appiam, quâ longe in Paludibus Pontinis Terracinam, tendebat, munire aggressus est. Difficillimum hunc viæ tractum loci natura reddebat, qui palustribus aquis perpetuo redundans non lutulentum modo, sed incommodum, ac planè periculosum iter præbebat; Hinc Appiæ curam difficilibus etiam Reip. temporibus nunquam neglectam, vel ex pulcherrimo Ciceronis loco, quo Philippicæ VII. exordium fecit (c) abunde discimus: Dum vero Principatus obtinuit, frequentior validiorque ad viæ improbitatem tollendam conatus; at quam eidem muniendæ superiores Principes non semel adhibuerant, curam omnem loci conditio elusisse visa fuit. Brevi illo, quo Nerva imperavit spatio manum operi & ipsum admovisse constat, si tamen fides bis illis columnis milliariis, quarum alteram ad Forum Appii ex *Corradini Ver. Latio* excepit Prætilius [pag. 23.] alteram iisdem verbis, sed diverso numero inscriptam hic ipse exhibet [pag. 100.]: In iis autem præter leviora alia,

[a] De Aquæ duct. l. 2. Appia aqua indulta est ab Appio Claudio Censore, cui postea Cæco cognomen fuit, M. Valerio Maximo, & P. Decio Mure Coss. anno xx. post initium Belli Samnitici, qui & viam Appiam e Porta Capena usque ad Urbem Capuam muniendam curavit.

[b] Galenus in lib. Method. med. 9. 8. de Trajano, cujus ævo floruit, hæc habet: Vias refecit, quæ quidem earum humidæ, aut lutose partes erant, lapidibus sternens, aut editis ægessionibus exaltans, quæ senticosæ, & asperæ erant, eas expurgans, ac flumina, quæ transiri non possent, pontibus jungens: ubi longior quam opus erat via videbatur, aliam breviorē exscindens, sicuti vero propter arduum collem difficilis erat, per mitiora

loci descendens: Jam si confessa feris, aut deserta ora, ab illa transferens, ac per habitata ducens.

[c] Philippicam VII. sic exorditur Cicero: Parvis de rebus, sed fortasse necessariis consulimur, Patres conscripti; De Appia via, & de moneta Consul; de Lupercis Tribunus Plebis refert; quarum rerum est facilis explicatio videtur, tamen animus aberrat a sententia suspensus curis majoribus: quæ tamen verba veluti indignabundus Cicero protulisse videtur, hanc factionis Antonianæ calliditatem ratus, ut ejusmodi rebus intentus Senatus, de summo discrimine, in quo tum Resp. versabatur, remissius ageret.



alia, insigne mendum legere est in Tribunitiæ Potestatis annis, qui quum numero x. signentur, haudquaquam Nervæ attribui possunt, qui in Imperio (cujus anni Tribunitiæ Potestati respondere consueverunt) haud integrum biennium numeravit (a): At quod hætenus neque pro Auctorum dignitate, neque pro rei necessitate tentatum, perficiendum denique opus Trajano servari videbatur: Etenim *per Pontinas Paludes* [ut inquit Diodorus Siculus] *viam saxo stravit, extruxitque juxta vias ædificia, pontesque magnificentissimos fecit*; neque secus apud Dionem Cassium habetur, *qui viam in Pontinis Paludibus a Trajano saxo constructam refert, secundum quam domus ædificate sunt, Pontes præterea magnificè structi*: qua in re non modo quid opus esset ad perpetuum viæ munimen, Trajanus curavit, verum etiam illud mirari subit, quod ædificiorum, Pontiumque magnificentissimè structorum frequentia summum Operi splendorem adiciendum voluerit: Ejus viæ Columnam milliariam numero x. signatam Terracinæ etiamnum extantem exhibet Gruter. pag. 1019. quam a doctissimo Sirmondo emendatam iterum vulgavit, eruditique observationibus illustravit Fabrett. in Col. Trajan. c.9. p.291.

## X

IMP. CAES  
DIVI NERVAE FIL  
NERVA TRAIANVS  
AVG. GERMANICVS  
DACICVS  
TRIB. POT. XIII  
IMP. VI. COS. V. P. P  
XVIII. SILICE  
SVA PECVNIA  
STRAVIT

In qua tamen inscriptione post Sirmondi, ac Fabretti diligentiam adhuc emendationem desiderari quis non videt? quid enim numeralis illa nota XVIII. initio octavæ lineæ sibi velit, frustra Fabrettus divinavit; nam nihil, ibi nisi VIAM (ex cujus literarum, quæ fortasse detrictæ sint; vestigiis illud XVIII. efformari facile fuit) legendum crediderim, quam quidem dictionem tum ob literarum affinitatem, tum ob rectam, quæ sponte se prodit, inscriptionis intelligentiam, in ea lapidis linea fuisse omnino arbitror.

Sed quum præclarum Trajani Opus insignioribus aliis monumentis, nummo scilicet ea  
Z 2 de re

[a] Nec minus suspensæ fidei eadem de causâ censerī debent binæ aliæ Columnæ ad *Turrem Trium Pontium* prope Forum Appi relatæ a P. Vulpio in Latio tom. 4. pag. 63. in quibus Tribunitiæ Potestas III. cum quarto Nervæ Consulatu conjungitur sic.

IMP. CAESAR  
NERVA AVG. GERM  
PONT. MAX. TRIBVN  
POT. III. COS. IIII. P. P  
SVA PECVNIA CONST

& mox in iisdem Columnis hæc sequuntur

IMP. CAESAR  
NERVA DIVI NERVAE F  
TRAIANVS AVG  
GERM. PONT. MAX  
TRIB. POT. III. COS. IIII  
P. P. CONSTR. GVRAVIT.

In quibus illud etiam: *Nerva Divi Nervæ F. atque etiam illud Constr. & Constr. pro construxit, & construen-*

*dum curavit omnino insueta, ac præterea subjecta statim in eadem Columna Nervæ Inscriptioni altera Trajani Inscriptio contra ejus ævi morem, nulla etiam novi cujuspiam operis, quod Trajanus curasset, facta mentione, commentitias has columnas fortasse declarant: mihi certe nunquam persuaserim præclarum aliquid, aut in Appia, aut alibi Nervam moliri potuisse: Pratillum non audio [pag. 23.], cujus in mentem nescio cur, aut unde venerit, ut Appiæ per Pontinas Paludes munitæ laudem Nervæ præcipuam vindicare conetur, quem inquit non modo opus inchoasse, verum etiam congestas opes perficiendo paratas habuisse, quas demum, quum brevi defuisset, simul cum perficiendi cura Trajano successori reliquerit: At scimus quam turbulentum intestinis factionibus breve illud Imperantis Nervæ spatium fuerit, quod de Operibus publicis cogitare haud sinebat; curandis autem, si mens fuisset, opes certe deerant, quas omnes meliori consilio in civibus sustentandis absumens ed inopiæ, ut refert Dio Cassius, pervenit, ut vestes primum, vasa aurea, atque argentea, pretiosam præterea suppellectilem, suos sua propria, sua publica, & regia foret, auctioni subjecerit.*

de re percussio, ac veterum Scriptorum testimoniis celebratum jam noverimus, hoc tamen singulare ex laudata Columnæ inscriptione nobis præsto est, ut quo prorsus anno viam prædictam Trajanus straverit, certo sciremus: De anno prædicto ex Dionis loco conjectari tantum licebat, nam post secundum Dacicum Bellum, quo, extincto Decebalo Rege, Dacia demum omnis Romano Imperio adjecta est, quum iterum Trajanus Romam regressus, magnificis spectaculis per cxx. dies editis, triumphum egisset, *per eadem tempora (subdit Dio) in Pontinis Paludibus via saxo constrata est &c.* Hunc insignem de Dacis triumphum, quem Romæ peregit Trajanus in Consulatu Ti: Julii Candidi, & A. Julii Quadrati refert Cassiodorus in Fastis, quumque hos Consules in an. Ch. 103. incidisse constet, sequentem annum, aut etiam biennium ex Dionis verbis viæ huic tribuendum videbatur; at serius opus fuisse extractum ex Columnæ inscriptione nunc liquet: Tres temporis notas ibi habemus, nempe Cof. v. Imp. vi. Trib. Pot. xiii. at quum ex duabus prioribus nihil omnino certum statui possit, proptereaquod Consulatus quintus, quem an. 103. Trajanus gesserat, non annum ipsum, sed munus olim gestum ibi designat; Imperatoriarum vero acclamationum numerus obscuriorem temporis rationem contineat, quam aliunde expetere oporteat, jam ex Tribunitiæ Potestatis annis, quos æquo numero cum Imperii exordio profectos apud omnes convenit, annum quem querimus, statuisse promptum erit, ac magis tutum. Itaque si ab initio anni xcviii. vulgaris ære Trajani annos numerare incipias (nam die 21. aut serius 27. Januarii Nervam obiisse statuit Tillemon-tius) in annum cx. ejusdem ære Tribunitiam Potestatem xiiii. incidisse reperies; quamquam (quod Trajanum attinet) ejus Tribunitiam Potestatem, quam vivente adhuc Nerva simul cum adoptione adeptus fuit, uno anno Imperii annos antevertere verisimilius mihi sit: de qua re alibi, quum Arcus Triumphalis titulum illustrabitur, uberius differendum mihi erit.

At quum de anno (five cx, five cx1. is sit) quo Trajanus Viam per Paludes Pontinas stravit, jam constet, jam ex eadem omnino temporis nota, quæ nostræ item Columnæ inscripta legitur, idem quoque annus Viæ alteri, quam Trajanus Benevento Brundisium fecit, erit profecto tribuendus: at uno, inquis, anno utrumque opus perfecisse potuit Trajanus? Nihil certe mirum, si ad consuetam celeritatem illam attendas, qua opera publica statim exurgere Cæsarum ætate, ac potentia videbantur, animumque Trajani simul confersas, qui majora in construendo Istri Ponte (a) molitus pene hominum vires, atque fidem superaverit: adde etiam, quod opus celeriter absolvendum postularet tum utriusque viæ difficultas, tum ipsius Trajani providentia, qui post Dacicam Bellum, quum novas expeditiones in Orientem pararet, militares copias illuc deducendas difficilioris itineris incommodo sublevandas censuit: Quum igitur Viam per Pontinas Paludes stravisset, mox alteram, qua recto itinere Brundisium iretur, muniendam curavit: at priusquam per Viam hanc, quam demum attigimus, iter nostrum instituamus, quo verè loco vetus Appia Beneventum immitteretur, qua etiam Urbis parte ulterius progredi inciperet, observare nunc libet.

Ac quod primum attinet in re fortasse levi haud morandum hæc Lectorem duxissem, nisi quum js, Pratillo duce, Beneventum Appiâ ingredi vellet, errare omnino permitteretur: Itaque Pratillus Appiam per singulos pene lapides, quibus Capuâ Beneventum ducebat, describere pergens post Lapillosæ Pagum vulgo, *Appellossa* nunc vocatum, quem in xxiii. lapides statuit, hæc statim subdit: *Presso al xxv. miliario trovansi in poca distanza tra loro due piccoli villaggi appellati Chianche e Chianchetelle presso l'Appia, così chiamati, come altrorve si è detto dalla dizione latina Plancæ, che sono [secondo Feslo Grammatico] Tabule planæ, & quadrati lapides, quali erano le selci dell'Appia*: Id quod antea in Topographica Tabula initio lib. i. I. posita spectandum quoque dederat, ubi post Lapillosam Appia per præfata oppidula recto itinere excurrens mox Beneventum desinere inspicitur; at hominem, qui Beneventanarum Antiquitatum, quas etiam propriis oculis lustrasse inquit, scientissimum se fatetur, quique hanc saltem rem, quam pro suo instituto agebat, optime callere, vel melioribus testibus addiscere debuisset, mirabimur certe, tam longe ab Appia divertisse, ut Lapillosâ discendens, quum post quartum lapidem, si ipsam Appiam tenuisset, brevi facillique itinere Beneventum pervenire potuerit, jam per medios asperissimos montes sex ad minus confectis milliariis *Plancam, Planculamque* petere maluerit, indeque quatuor aliis milliariis exhaustis, tam longo, difficillimoque circuitu Beneventum tandem se receperit. Quid, quod per imas, atque angustissimas duorum præruptissimorum collium fauces, in quorum altero oppidula isthæc sunt posita, nullum unquam viæ

spa-

[a] Hunc admirabilem Pontem fuscè describit Dio Cassius; ac de illa plura habebis apud Lipsium de magnit. Rom. l. 3. c. 13.



spatium interfluentis Sabati alveus relinquat? Quid etiam oppidulis istis Hirpinorum Regionem Abellinum versus spectantibus, cum Appia, quæ per mediam Campaniam Caudinos Samnites, eorumque oppida Caudium (quod modo *Arpaja*) Montem Sarculum, seu Herculem, Lapillosamque attingens rectâ Beneventum ducebat: Ex his autem oppidulis si Beneventum iter sit, frustra obvius quæretur Pons *Leprosus* (a), qui ex opposita occidentali parte Appiam Lapillosâ dilapsam, atque Urbi proximum Collem cui *Sancti Felicis* nomen circumveniens, mox in Urbem ipsam ducebat: noverat profecto Prætillo ex nostro Falcone, quæ Plancellæ illæ essent, quas Appia pertingere debuisset, quo nomine nusquam Pagus, ut ipse contendit, sed Beneventani agri pars illa etiamnum vulgo *Ciancelle* appellatur, quæ à dicto colle S. Felicis non longe abest; sed quum semel aberrans in bina oppidula illa Appiam rejecisset, has Plancellas alteras eò sibi memorandas duxit, ut ex quadratis lapidibus, quibus Appia sternebatur, inditum fortasse nomen comprobaret. At non tanti res isthæc videtur, ut pluribus de ea agi oporteat, quam etiam quisque de Plebis fæce indigena adeo sibi notam habet, ut externis indigitare statim valeat.

Quum igitur aberranti Prætillo, iisque qui eum ducem sectari vellent, quâ vetus Appia per Beneventanum agrum olim excurreret, jam demonstravimus, Urbem ipsam, quam citò per Pontem *Leprosus* ingredimur, heic tantum salutare licebit; Illud enim propositum nobis fuit, ut qua illius parte rursus Appia protendi inciperet, modo observaremus: id quod nullo labore assequemur, si ad Arcum Trajanum, quæ *Porta Aurea* nunc dicitur, consistere libeat: heic enim novum Appiæ Brundisium attingentis initium statuissè promptum erit; nam & per eam Portam iter etiamnum ad Apuliæ Regionem patet; ipseque Arcus, cujus construendo [ut antea dixi] Via a Trajano munita occasionem præbuit, nonnisi in ejusdem Viæ capite dedicari debebat.

Sed

[a] Supra Sabati fluvium, ubi is extremam Occidentalem Urbis partem alluit, Pons *Leprosus* exurgit, magnifice quidem extructus, tum pro Viæ, quam sibi jungebat, tum præsertim pro ipsius Urbis dignitate, in cuius suburbio inter magnifica ædificia alia ibi olim extantia eminere videbatur; per hunc igitur Pontem Appia Beneventum se immittebat, quæ ut superius dixi, Lapillosam relinquens per agrum Beneventanum rectâ excurrenti post Serretellæ fluvium, quem marmoreo antiquissimo Ponte, qui Pons *Corvi* nunc dicitur, præteribat, sinistra paululum descedens collem S. Felicis circumiens in Pontem *Leprosus* se colligebat: e regione hujus collis pars illa agri jacebat, cui hodie *Ciancelle* nomen, de qua Falco noster ad an. 1138. *Exinde amoto exercitu Rogerius Rex castrametatus est prope Beneventum in loco ubi dicitur Plancellæ: Quod certe nomen Prætillo imposuit, ut has Plancellas, pro Plancellæ, ac Plancellæ oppidis osecitanter acciperet. Sed quem nos verum statuimus Appiæ cursum hodie invenire non erit, etenim post Pontem *Corvi* vetus Appia, quæ circum S. Felicis collem sinistra descedebat, omnino periit, atque ejus loco via altera teri cæpit, quæ etiamnum *viæ novæ* nomen obtinet, commodior quidem, quippe quæ eundem collem dextera tenens nullo itineris flexu breviori intervallo per Portam *Rufinam* in Urbem ducit: quo tempore *via nova* isthæc strata fuerit, in obscuro est: stetit Appiam per Pontem *Leprosus* sæculo xi. omnino constare ex privilegio Landolfi Beneventani Principis [quod exhibet Chronicon S. Sophiæ in Bibliotheca Vaticana servatum, atque ab Ughello vulgatum tom. 8. pag. 745, edit. Rom.] ubi anno 1007. conceditur Dacomario, *Ut licentiam, firmamque potestatem habeatis, quantum esse voluerit, in Ponte marmoreo, quod dicitur de Leprosi tam subitus eodem Ponte, quam desuper eundem Pontem rumpere .... & omnem ædificium, ac laborem .... facere .... verumtamen ut pro eadem ruptura, atque ædificio ipse Pont non decidat, & ædificium, ut sit contrarius ad caros**

oneratos .... quæ inde transturnant: ac concedimus vobis habendum quodcumque ad partem nostræ Reip. pertinere debet de omni negotio per eundem Pontem transturno &c. : Quibus postremis verbis nonnisi vestigia publica intelligenda sunt, quæ a Mercatoribus, aliisque viatoribus per eum Pontem transeuntibus pendi solebant; ac perinde manebat tunc Appia, quæ Beneventum adibat; nam si via altera, quæ modo viget, tunc temporis adfuisset, nullus profecto viator, qui Beneventum peteret, Pontem *Leprosus* attingere, neque etiam, ut modo evenit, longè adspicere potuisset: Sed ut ad ipsum Pontem redeam, quum magnifice extructum dixerim, magnificentius deinde a Septimio Imp. restitutum fuisse constat ex nostro lapide apud Gruter. pag. 1020. n. 2.

IMP. CAES. L. SEPTIMIUS SEVERVS PIVS  
PERTINAX PONT. MAXIMVS TRIB. POT. VI  
IMP. CAES. M. AVRELIVS ANTONINVS  
AVG. IMP. SEVERI AVG. FIL. TRIB. POT.  
PROCOS. PONTEM VETVSTATE DILAPSYM  
A SOLO SVA PECVNIA RESTITVERVNT

Ex solido autem marmore (quod fortasse non antea factum, propterea quod vetustate dilapsus dicatur) a Severo restitutum privilegium Landolfi satis indicat, ostenditque etiamnum antiqui operis pars superstes prope ædificulam SS. Cosmi & Damiani; nam modo Pontem ipsum alluvionibus fatiscentem, lateritio opere recentius restitutum habemus. De *Leprosi* cognomine certum habeo nihil, quod dicam: ita ab initio appellatum non videtur; sæculo tamen xi. eo cognomine vocari solitum docet privilegium Landolfi: quod inde fortasse ortum, quod *Leprosorum* valetudinarium juxta esset, aut potius, quod marmora illa, quibus constructum fuit, satis scabra & aspera, ut videre est, pellem veluti lepra obductam referre videantur:

Sed jam per viam Trajanam fas erit incedere, cujus a Porta Aurea certum licet initium teneamus, cavendum tamen nobis erit, ne in diversum iter nolentes dilabamur. Jamdiu enim ante Trajani ævum binas fuisse vias satis constat, quibus Benevento Brundisium adiretur: Has a Brundisio exorsus ita describit Strabo l.vi. *E Græcia navigantibus, atque Asia longe rectior Brundisium est navigatio: Itaque omnibus, quibus propositum est iter Romam, huc applicant: duæ autem Brundisio Romam viæ sunt: una quid em mulis vestibilis per Pecusios, qui Pedicli vocantur, & Daunios, & Samnites usque Beneventum: In hac viâ Urbes sunt Egnatia, Celia, Nesium, Canusium, Hordonia. Altera per Tarentum paulisper ad levam; etsi quanta est diei unius circuitiorem feceris, Viâ Appiâ offertur plausstris commodior: In ea sunt Oria, & Venusium; illa inter Tarentum, & Brundisium media, hæc vero in Samnitum, & Lucanorum confinibus: Coeuntque ambæ ad Beneventum, atque Campaniam: Has quidem vias Pompejus indicabat in laudatâ Epistola [ad Att. l. 8. 9.] nam nisi binæ illæ essent, non monuisset Ciceronem, ut Appiâ iter faceret, & celeriter Brundisium veniret: At quænam viâ altera? Horatius docere videtur, cujus l.i. ep. 17. illud est*

*Brundisium Numici melius viâ ducat, an Appi.*

quanquam, Numici, vel Minuci legendum sit, ac præterea quonam loco Minucia, seu Numicia viâ constiterit, nondum inter interpretes, ac viros alios eruditos conveniat (a). Hinc quum nihil certi ex Numicia nobis suppetere queat, tutius profecto erit eundem Poetam fidißimum habere ducem ejus viæ, quam is ipse Româ Brundisium aliquando iturus (Sermon. l. v.) distincte eleganterque describit: Ac misso itinere, quod Româ Beneventum usque peregerat, heic paulisper consiliter lubebit . . . ubi sedulus Hospes

*Pene macros arsit, dum turdos versat in igne,*

*Nam vaga per veterem dilapsa flamma culinam*

*Vulcano summum properabat lambere testum;*

*Concoctas avidos canam, servosque timentes*

*Tum rapere, atque omnes restringere velle videres.*

Sed jam Benevento, ubi ridiculam rem, quæ Horatio contigit, mirè depictam potius quàm narratam etiamnum spectasse quodammodo perjucundum fuit, altera die Horatii comites vicina Trivici Villa nos recipiet; Hinc post quatuor & viginti millia passuum oppidulo quod versu dicere non est, idest Equituti manebimus: quo postera die discedentes Canusium pervenimus; inde Rubos petemus, post quem Barium piscosum nobis occurret; ad Gnatiam deinde iter erit, ut exinde tandem Brundisii constitemus: Iter istud, quod cum Horatio conficimus, si cum alterutra earum viarum conferamus, quas nobis Strabo indicavit, per Peucetios profecto, in quorum finibus priorem viam is statuit, incesse nos, atque Hadriatici oras tenuisse compertemus; desiderandum tamen fuisset, ut post Canusium, quod utrique memoratur, non Hordonia,

[a] Qui Minuci pro Numici Horatio restituendum censent, ex Ciceronis loco ad Att. l. 9. 6. id confirmant; narratur enim ibi, Cohortes sex, quæ Albe fuissent, ad Curium viâ Minucia transisse: facit etiam sibi persuadent ejus viæ auctorem invenisse, Minucium nempe Augurinum Livio l. 4. & Plinio l. 18. 3. satis celebratum, quippe qui Sp. Melium affectati Regni detulisset, farrisque pretium ad assem redigens statuam, stipe collata habere promerisset: At nugari omnino videntur, dum putant longe ante quàm Appiâ sterneretur, eam viam, quæ Brundisium duceret, a Romanis, qui posteriori Appiæ ævo vix Capuam attingebant, muniri potuisse; Hinc cum temporis ratio id affirmare omnino vetat, neque etiam aliis concesserim, qui ad T. Minucium Augurinum Cos. a. v. 449. confugiendum putant, ut Minuciam Appiæ posteriorem efficiant: Fateor enim Minucios plures in Rep. floruisse, verum illorum aliquem viæ auctorem conjectasse tum demum fas erit, cum de Minuciæ lectione tuto liqueret: quid? quod in Cicerone pro Minucia Numicia potius ex Horatio legendum censent Manutius, Faernus, & Malaspina: (vid. notas Var. in Cic. l. l.) nec fortasse falsos eos dixerim: Siquidem est, cur ita Numicia appelletur a Numico Agri Laurentis flumine, quod Tribus Sequæster diserte inter flumina commemorat; id

quod observavit Glareanus in eundem Horatii locum: In eo igitur Agro viâ isthac esse potuit, cui propinquum flumen ex suo nomine Numiciæ appellationem fortasse fecit: Proximam autem Urbi Romæ ejusmodi viam tum Cicero, tum Horatius videntur inuere; Nam si Albam, quæ priori in sua Epistola memoratur, pro veteri Latii Urbe accipiamus, ad alterius Albæ differantiam, quæ in Maris erat, quarum discrimen habes apud Varr. de l. l. v. 1. ut ab illa Albani, ab hac vero Albanenses dicerentur, jam non longe Roma, Laurentique Agro abesse contingeret, qua cohortes illæ Albæ discedentes ad Curium Numicia transirent; Horatio vero, cui quæstiones, contentionesque de Iana Caprina reprobare eo loco propositum fuit, duo exempla afferre libuit, quibus illæ uti inanes, ridiculæque vitarentur:

*Ambigitur quid enim? Castor sciat, an Docilis plus Brundisium Numici melius viâ ducat an Appi.*

Quod si supervacuum ea de re contendere Horatio videbatur, jam illud verisimile sit, utramque viam ob oculos versari debuisse, neque quemque de Minucia tantopere sollicitum esse debere, quæ mox in Appiam incidebat: nihil autem refert, quod viciniore Capua, aut Benevento, Brundisium, qui postermus utriusque viæ terminus erat, memoraverit Horatius.



dionia, quæ apud Strabonem occurrit (si tamen ea sit, quam hodie *Ortam* vocant), quippe quæ dexteroribus divertens longiori, quidem, difficiliorique ambitu Beneventum ducere videbatur, sed Equum tuticum potius, Trivicique villa, quâ rectior expeditiorque Beneventum iter Horatio fuit, respondissent: at sua tamen stabit Straboni fides, si illud nobis certum omnino persuaferimus, in veteribus viis statuendis incerta nobis omnia plerumque fieri ex frequentissimis illarum mutationibus, eaque in re neque nos cuiusque Scriptoris, aut veterum, quæ circumferuntur, Itinerariorum testimonia, quæ pro suo quæque ævo Viarum ductus describere debebant, tutos efficere posse; quod quidem, si recentioribus quibusdam Scriptoribus, qui veteres vias demonstrare sibi instituerunt, fuisset animadversum, immani sed otioso aliqui labore non defudassent, ut incertâ plerumque semitâ errantes, alios quoque in suum errorem abducere conarentur: At, quod attinet, relicto Brundisii Horatio, dum rursus ea ex Urbe viâ alterâ Beneventum remeare placeat, jam solo Strabone duce oppositas Jonii oras tenere opus erit, ubi prius *Urias*, (quæ *Oria* nunc dicitur) *Tarento* proximas, dein *Venusiam* invisere dabitur, quam quidem viam, num Appia ea fuerit, ex ipso Strabone non satis liquet, qui eandem describere instituens, si unus (inquit) *diei circuitionem feceris*, mox in Appiam incidere docet, quasi ad binas illas tertia esset addenda Appia, quæ separatim Brundisium duceret: Atque ipse quidem Strabo jam antea (lib. v.) dum maritimas Urbes, quas Appia attingeret, enumerare coepit, præter *Terracinam*, *Formias*, *Minturnes*, *Sinuessam*, ad extremum *Tarentum*, & *Brundisium* fuisse statuit, quum tamen secundæ viæ, quam modo terimus, non *Tarentum*, sed *Urias* Mediterraneam Urbem attribuat; Sed non ita facile, levibus hisce conjecturis indulsim, ut plures quam duas Brundisio Beneventum vias fuisse contendam, sed in alterutra potius Appiam ipsam agnoscendam esse, imo, utra earum tandem sit, quam Trajanus sternendam curavit, querendum modo erit.

Posteriorem viam, quæ Straboni illa est, quæ *Urias*, sive *Tarentum*, ac subinde *Venusiam* protendebatur, Appiam fuisse, eamque propterea muniendam Trajanum curasse, plura mihi persuadere videbantur; Frequentissimam enim Romanorum Primoribus, nec non n. militaribus copiis, quibus Brundisio Romam, aut vicissim in Græciam, atque Asiam, transmittendum erat, ejusmodi viam fuisse, non obscure indicat Cicero, qui in Provinciam profectus, in Epistolis, quas ad Atticum ex itinere dedit, hanc viam tenuisse plane testatur, nam lib. v. ep. 5. *Scito* (inquit) *Id. Maj nos Venusia mane proficiscentes has dedisse: & mox: nos Tarenti, quos cum Pompejo διαλόγους de Rep. habuerimus, ad te perscribemus*: deinde ep. 6. sic incipit: *Tarentum veni a. d. xv. Kal. Junii*: Denique ep. 7. se a. d. xlii. Kal. Junias Brundisium profectum scribit: neque diversum fuisse Ciceronis iter orto jam civili Bello, ut Brundisii Pompejo se conjungeret, satis indicare videntur illa ad Att. l. 16. §. *dubito an Venusiam tendam, & ibi expectem de legionibus*: Legiones autem Brundisii adesse rumor increbuerat, cujus rei certum nuncium expectabat Cicero, qui eas omnino vitare volebat, quemadmodum ex multis locis colligitur, ut ex hoc, qui paulo ante est: *Iter illud Brundisium, de quo dubitabam, sublatum videtur, legiones enim adventare dicuntur*: Et sane via isthæc altera, quæ ad Jonium patebat, longe commodior erat, quippe quæ Plaustrorum usum admitteret, contra vero illam *multis tantum vectabilem* fuisse Strabo testatur; Adde tandem (quod maximum itineris emolumentum) longiorem illam, breviori hanc ductu, eundem terminum attingisse. Quid ni igitur Trajanus hanc, quæ Appia videri potest, sternendam maluerit? qui profecto utiliorem Reip. munificentiam suam probasse debuit, quæ nonnisi commodiorem viam muniendam postulabat.

Sed, quum ex hoc Trajani consilio, quæ commodiorem viam stravisse debuit, in ipsa Appia Trajanam viam agnoscere verisimilius sit, a priorie sententia discedendum omnino fuit; atque in altera potius via Appiam tum ex Trajani opere subsecuto, tum ex melioribus anterioris ævi monumentis statuendam esse censui: Cur enim Horatius Brundisium iturus posteriorem viam non elegisset, ubi non modo ex faciliiori itinere maximum levamen, verum etiam ex *Venusiæ Patriæ suæ*, quam invisisset, suorumque aspectu summam sibi voluptatem fecisse poterat? nisi quod via altera ejusmodi omnino esset, quæ Brundisium adeuntibus magis probaretur: falsum autem Strabonem in eo fuisse video, quod hanc viam tantum *multis vectabilem* dixerit, nam ipse idem qui ante Strabonem peragraverat Horatius, Rhedas se eo itinere adhibuisse saretur hoc carmine

*Quatuor hinc rapimur viginti & millia rhedis.*

quid, quod non privatis tantum hominibus, qualem hætenus Horatium novimus, sed publicos etiam Legatos eandem viam tenuisse solitos ex ipso Poeta jam discimus, cui ejusdem itineris comites Canusium usque se adjunxere

... Me-

..... *Mecenas optimus, atque  
Cocceus missi magnis de rebus uterque  
Legati, aversos soliti componere amicos.*

unde illa, quæ paulo post habet, facile intelligimus

*Proxima Campano Ponti, quæ villula lectum  
Præbuit, & Parochi quæ debent, ligna, salemque.*

Tectum namque, salem, atque ligna publicis Legatis, & Magistratibus iter facientibus oppida singula ex lege Julia præstare tenebantur (a), quæ per suos Parochos, idest Præbites ad id muneris a Magistratibus municipalibus delectos exhibebantur: quis igitur sibi persuaserit, Mæcenatem, aliosque ab Augusto legatos ad Antonium magnis de rebus missos longioris, difficiliorisque viæ laborem non sine sui muneris, quam celeriter exequendi detrimento, tolerare voluisse? Imo potius hanc omnino viam a publicis Legatis, atque a Magistratibus peragrari solitam exemplo suo satis ostendunt: Id quod antea Pompejus itinere suo præstiterat, quod, conflato civili Bello, Brundisium versus instituit; ipse enim [ut optimus testis, qui hostis sui res omnes diligentius scrutabatur Cæsar narrat (b)] cognitis quæ erant ad Corsinium gesta, Luceria proficiscitur, atque inde Brundisium.

At quid opus conjecturis? manifestam rem nobis faciet Pompejus ipse, qui datis per id tempus ad Ciceronem literis, *Censeo* (inquit) *via Appia iter facias, & celeriter Brundisium venias* (c): Quod vero ad hæc Cicero? non audiendus certe Prætilius, qui duplici modo peccasse videtur, nam neglecta per summam oscitantiam Epistolæ chronologiâ, cum posteriore hoc Ciceronis itinere alterum confundit, quod is triennio ante in Provinciam proficiscens confecerat; ex quo priore itinere illud sibi usurpans Prætilius (d): *Scito nos Venusia mane proficiscentes has dedisse*: sic concludit: *Passò egli finalmente da Venosa a Taranto, e di là a Brindisi, onde si vede aver seguito il consiglio di Pompeo: Censeo, ut via Appia iter facias, & celeriter Brundisium venias*; quod turpius alterum peccatum est, nam eo posteriore itinere nunquam Ciceronem Brundisium venisse constat. Audiamus igitur potius Ciceronem ipsum, quid ad Pompejum Appiæ iter suadentem rescripserit (e): *Accepimus tuas literas Canusio a. d. x. Kal. Mart. datas, quibus nos hortaris, ut celerius Brundisium veniamus: Iter autem, cui jam se commiserat Cicero, in eadem epistola sic explicat: Confestim cum Quinto Fratre, & liberis nostris iter ad te in Apuliam facere cœpi: & mox: Quum res in summa expectatione esset, utrumque simul audimus, & quæ Corsinii acta essent, & te Brundisium iter facere cœpisse: Quumque mihi, nec fratri meo dubium esset, quin Brundisium contenderemus, a multis, qui e Samnio, Apuliæque veniebant, admoniti sumus, ut caveremus, ne exciperemur a Cæsare. Si igitur Pompejus Ciceronem monet, ut iter viâ Appiâ faciat, Cicero autem iter ipsum ad Pompejum Brundisii morantem per Samnium, & Apuliam facere jam instituit, profecto jam liquet, Appiam omnino in Apulia fuisse, ibique aunc esse quærendam.*

Quod sanè quum aliis pluribus vetustis monumentis comprobare possem (f), satis tamen erit ex Irajana Via confirmasse: Ipsum enim Trajani Opus manifesto indicio est, non aliam, quam Appiam ab eo fuisse munitam; quippe qui supervacaneum duxisset alterius viæ curam suscipere, quæ ut plurimum per Apennini radices ita subite roebatur, ut per ardua, saltuosaque loca difficillimum præbens iter, jam pene neglecta haberetur: Stravit itaque Trajanus iter illud

..... : quâ limine noto

*Appia longarum teritur Regina viarum,*

quæ quidem non suo se tantum nomine commendabat, verum etiam per patentes Apuliæ campos excurrens, ac magna ex parte per Hadriatici oras sese effundens, longioris itineris moram tum sui facilitate, tum locorum amenitate, nullo tædio, sed potius voluptate afficiebat: neque tamen eam viæ fuisse longitudinem putandum erit, ut, si cum alterâ viâ comparaveris, deterrete nos debeat; nam si Appiam ex Horatii itinerario, ut par est, metiamur, vix diei unius itinere

[a] Cicero quum in Provinciam iret, hac in re ab-  
sinentiam suam deprædicat ad Att. v. 16. *Levantur* [in-  
quit] *Civitates, quod nullus sit sumptus in nos, neque*  
*in Quæstorem, neque in quemquam: Scito non modo nos*  
*sumum, aut quod lege Julia dari solet, non accipere, sed*  
*ne ligna quidem.*

[b] De Bell. civ. l. r. cap. 12.

[c] Ad Att. vi. 11. 11. [d] Pag. 436.

[e] l. l. post exemplum Epistolæ Pompeii.

[f] Cellarius Geogr. l. 2. c. 2. p. 234. *Præcipue Urbes*  
*in Appia erant post Capuam, Caudium, Beneventum, Equo-*  
*uticum, Hordonia, Canusium, Barium, Egnatia, Brundisium*  
*Confer etiam S. Greg. M. ep. 44. lib. xi. cum*  
*Itinerario Hierosolymitano.*



itinere altera longiorem inuenimus: Immo si ad Trajani opus, atque ætatem rem deducamus, non levis mihi ex Galeni verbis superius recitatis conjectura est, in breviora spatia tum fuisse contractam; dum enim Trajanus *ubi longior, quam opus erat, via videbatur, aliam breviorē excidit, sicubi vero propter arduum collem difficilis erat, per mitiora loca deflexit*, idque nonnisi de via ipsa, quam Benevento Brundisium fecit, ac præterea de ejusdem viæ spatio, quod ad Trivici, atque Equitatici loca pertinebat, verum videri potest, jam quæ viam alteram facilitate præstabat, Trajani demum operâ factum est, ut neque illi via hæc brevitate concederet.

Viam autem Trajanam per has ipsas Apuliæ Regiones fuisse stratam satis constat; nihil enim ea re certius esse potest, quam hodie dum demonstrat ingens ad hanc ipsam viam pertinentium milliariarum Columnarum numerus, iisdem omnino verbis inscriptarum (a), quæ suis signatæ numeris, iis in locis, aut eos prope, qui Horatili itinerario, seu veteris Appiæ tractu celebrantur, superstites adhuc extant; ita ut milliarii hi lapides passim Benevento Brundisium usque occurrentes non ipsi modo locupletes viæ Trajanæ testes, imo etiam, dum veteri Trajanâ viâ ire lubear, fidissimi, ne ab ea aberremus, duces quoque nobis esse queant.

Atque optandum quidem fuisset, ut tantum Trajani opus, cui non ex sola magnificentia decus, sed communis Reip. utilitas pretium statuebat, haud Posteritas interire siviſſet: Fa-teor quidem non iisdem, quibus Appia, lapidibus viam hanc fuisse stratam, illo nempe magnificētissimo, ac, si dicere fas sit, æterno opere, quo etiamnum veterem Appiam terentes miramur; nihil enim simile in Via Trajana, quam pro locorum necessitate, & opportunitate partim glareâ, partim saxis, quæ vicinæ regiones suppeditassent, a Trajano munitam censebimus; at ubi opus egregie semel perfectum fuerat, quod neglectum vestigiis etiam suis evanuit, mediocris diligentia Posterorum commoditati servare incolume valuisset. Ac post Trajani quidem obitum ejus viæ curam viguisse constat ex lapide apud Gruter. p. 1091. 8. ubi inter alias vias NOVAE TRAIANAE mentio est, quas simul L. Aurelius Gallus curabat, ac præterea ex C. Oppii lapide, quem initio hujus Dissertationis recitatum illustravimus, ubi is pluri-um viarum, inter quas *Trajana* recensetur, Curator fuisse legitur: quod tamen nonnisi Hadriani erga decessorem suum Trajanum studio tribuendum videtur: Hadriani enim ætatem fert lapis, dum ab Eo Augusto C. Oppius inter Tribunicios adlectus memoratur; atque Hadriani quidem intererat (ut destructi super Istrum Pontis invidiam a se amoveret), recens saltem Trajanæ Viæ opus, quod ob Romanorum oculos versabatur, eorumque assiduis Brundisium itineribus necessarium erat, curandum mandasse: ex quo etiam verisimile illud mihi sit, huc referri posse Viam illam, quam in Beneventi finibus Hadrianum ipsum fecisse etiamnum superites testatur milliaria Columna, ubi hæc inscripta adhuc legimus.

## VIII

## IMP. CAESAR

DIVI TRAIANI

PARTHICI F. DIVI

NERVAE NEPOS

.....

MILLIA PASSV

VM XVI. LONGA

VETVSTATE AMISSAM

ADIECTIS.....C

..... OSSESSORES

AGRORVM CONTVLE

RVNT FECIT

A a

Quam-

[a] Manutius in Orthogr. v. *Brundisium* plures in Apulia ejusmodi milliarias columnas extare affirmat nulla particularis loci mentione adjecta. Pratilius vero de via Appia l. 4. c. 10. quum Viam Trajanam, seu, ut vocat, Egnatiam, quam omnino ab Appia distinguit, describere instituit, hæc columnas passim exhibet, ac primum Aſculi, quæ Trivico proxima est, binas oc-

currere affirmat p. 709. deinde aliam Canusii ipedarii pag. 525. mox aliam Trani pag. seq., in Rubi finibus ad undecim usque extantes enumerat p. 529. postremam denique Barii adhuc superstitem tradit p. 538. At alias debemus Gruter. p. 151. num. 2. nec non Gudius, qui p. 71. n. 2. sex ejusmodi columnas Trani extantes reſert; Donius etiam Claf. 2. n. 96, similem exhibet Bisselli.

Quamquam verò hoc Hadriani opus non ad Appiam, quæ Capuâ Beneventum, neque etiam ad Trajanam, quæ Benevento Brundisium ducebat, pertinuisse videtur ex eo, quod utraque mox post Trajani obitum nequaquam *longa vetustate amissa* dici, aut putari possit, alterutrius tamen lateri adhæsisse debuit, quæ fortasse in regionem aliquam Beneventano Agro proximam commodius diverti possit: Sed de hoc lapide alias: Cæterum illud nobis jam satis fuerit, Viam Trajanam, cui felix quondam faustumque initium Benevento fuit, non modo selectis, eruditisque, quoad potuimus observationibus illustrasse, verum etiam quibus certis locis ad suum terminum duceret, compertum effecisse: Hinc, ut olim Horatio, erit denique nobis.

*Brundisium longa finis chartaque, Viæque.*

DISSER-

selli, pro quo Bitetum legendum erit, quæ Urbs Apuliz est, octo miliaribus Bario remota: Mirum tamen quot sphalmata apud singulos irrepserint; neque enim præpositionem A Benevento præcedere sinunt Grammatices regulæ, quas servat lapis, ubi dicta præpositio omnino deest. Mendosissimum autem habet Gudius, qui pro *Dacius* legit *Ducius*, pro *Trib. Pot.* habet

PRET pro CoF. v. CONSu, ac demum post *Brundisium* reliqua omittit: neque illud melius, quod statim notat: *Extant ibi eodem modo, iisdemque literis Columnæ reliquæ Benevento per viam, quæ ducit Telefam*: quid enim Telefa cum Apulia, ad quam solam Via Trajana spectabat?






## DISSERTATIO VII.

De Augustis Viris, qui Beneventanam Urbem  
frequentarunt, eorumque Elogiis  
a Beneventanis dedicatis.

## BONOEVENTO

PROFECTIONIS ORIENTALIS ET  
REDITVS AVGVSTORVM L. SEPTIMI  
ET M. AVR. ANTONINI COL. IVLIA  
AVG. CONCORDIA FELIX BENEVEN  
TVM DEVOTA MAIESTATI AVGG



UPERIORI Dissertatione, qua de Trajani Via copiosè actum fuit, viam quodammodo sequenti huic Dissertationi stravisse vixi sumus; Quum enim illa utrumque fere iter, quod Româ Beneventum, hinc vero Brundisium erat, complecteretur, non mediocre exinde decus Beneventanæ Urbi comparatum probavimus, quod ejus itineris causâ plerisque Augustis invisendam, aut etiam incolendam se præbuerit: Rem autem altiùs etiam repetere æquum erit; nam longe ante Trajani ævum (qui veterem Appiam tum per Pontinas Paludes, tum demum Benevento Brundisium usque muniendam curavit) Augustos

ipso, aliosque Viros summo Reip. loco natos frequenter excepiſſe, eorumque familiaritatem coram promeruisse jamdiu Beneventani lætabantur.

Utque ab extremis Reip: temporibus ordiar, M. Ciceronem Beneventi fuisse constat tum cum Proconsul Ciliciam administraturus in eam Provinciam a. v. 703. cum Imperio profectus est; Quum enim ex eo itinere quotidianas ad Atticum Epistolas daret, a. d. v. id. Maj in Trebulanum perveniens, *Beneventum* [inquit] *cogitabam hodie: nostra continentia, & diligentia esse satis faciemus* (a): mirum autem quantum postrema hæc verba eruditorum ingenia torserint, quod heic notare abstinuissim, nisi illa ad ipsum Beneventum referenda animadverterem: Omnes quidem verba ipsa variè, ut cuique libuit, vel emendata, vel distincta [in quibus etiam non defuit, qui Græcum *Εξέρδεις* a manu Ciceronis agnoscebat, ab imperitis librariis in *esse satis* mutatum] pari tamen sententia ad continentiam, frugalitatemque illam deducunt, quâ se in Provincia usurum, Ciceroni propositum fuerat: at non in Provincia dumtaxat; fuisset enim tam loco, quam verbis nimis præproperè dictum; etiam in itinere, ejusmodi se præbere Cicero constituerat, ac de præſenti re in hac Epistola locutus mihi videtur: Quum enim eo itinere, quod Româ discedens ad Trebulanum usque confecerat, in amicorum Villas diverſens apud illos exceptus mansisset, ut ex superioribus Epistolis rectè liquet, jam demum ex Trebulano Beneventum petiturus, jure publici Hospitii, cæterisque rebus, quæ a Coloniis Romanorum Lege Julia debebantur, pro sui Magistratus dignitate mox sibi primùm utendum esse animadvertebat: Hinc quum Beneventum progredi jam cogitaret, ibi eâ continentia, ac frugalitate esse, seu manere affirmat, ut nemo quicquam ab eo jure posset desiderare. Eodem igitur die, quo mane è Trebulano laudatam Epistolam dederat, vespere Beneventum venisse Epistola sequenti scribit; ubi biduum saltem mansisse verisimile mihi fit, tum ex Urbis celebritate, Civiumque liberalitate, tum ex mora ipsa, quam is, ut sequentibus epistolis indicat, Pontinum præstolaturus, suo itineri interjiciebat, tum denique ex sequenti epistola, quam post quintum diem, quo Benevento scripserat, scilicet Idibus Maji Venusiâ dedit.

Sed & C. Julium Cæsarem Beneventi mansisse discimus ex epistola Matii, & Trebatii ad

A a 2

Cice.

[a] Ad Att. v. iv. ubi vide notas variorum edit. Venet. opp. Cic. 1731.

Ciceronem (a) ubi hæc habentur: *Epistola conscripta nunciatum est nobis, Cæsarem a. d. viii. Kalend. April. Beneventi mansurum*: Is fuit annus 705. ab V. C., quum C. Claudio Marcello, & L. Cornelio Lentulo Cos. inter eundem Cæsarem, & Cn. Pompejum conflatum jam fuerat civile Bellum, in quo victoriæ præmium ipsa Resp. Romana erat, quæ in alterutrius victoris potestatem funditus erat redigenda: Cæsar itaque Corfinio capta Pelignorum Urbe, ubi Romanorum plurimi sibi, Reip. publicæ propugnaculum constituerant, jam demum a. d. viii. Kal. April. Beneventum venit. Brevem, aut certe solius diei ibi moram ab eo factam ex eo conjici potest, quod ad Urbem quàm ocius properare consilium esset: Liberaliter autem a Beneventanis tum exceptum pro certo habeo, nam si ejusmodi sese paullo ante Beneventani probaverant erga Pompejum, qui fugientis specie, desperatis in Italia rebus, Brundisium, in Græciam cum Consulibus transmissurus, contendebat, amplius erga Cæsarem officiosissimi videri studebant, qui rerum jam potitus videbatur, animosque omnium sibi allidere cœperat, dimissis iis omnibus, quos Corfinii captivos receperat, quam *Clementiam Corfiniensium* amare Cicero appellabat (b). Adde, quod Cæsar nuper Beneventum Coloniam deduxerat, unde & ipsa Juliæ cognomine appellari gloriabatur, ut Dissert. II. fusè a me probatum fuit; quo certè nomine nonnisi pergratum Auctoris sui adventum habere debuit, cujus etiam partes sequi, non tam necessarium, quam omnino utile sibi ducebat: Id quod eidem profecto haud vitio verti poterat, quæ, ut olim res Romanæ starent, suam fidem posteriore Bello Punico, constanter probarat; dum autem extremum Reip. fatum vitari haud demum posset, temporari servandum, suæque incolumitati prospiciendum esse, rectè noverat.

Orto igitur Principatu, Principes dein recensendi nobis sunt, qui sua præsentia Beneventanam Urbem decorarunt: Horum prior Octavianus nondum Augustus perquam frequenter Beneventum accessit; Ac primo quidem quum ante Triumviratum M. Antonio res novas adversus Remp. molienti sese opponere, aut potius suæ, quam mente foveret, ambitioni vires parare studens (c), *veteranos simul in suum, ac Reip. auxilium quanta potuit largitione contraxit*: Ex iis autem, tum qui Casilini, & Calatiæ erant, tum in reliquis Coloniais, exercitum sibi comparasse scribit Cicero (d). *Litteræ (inquit) mihi ab Octaviano: magna molitur. Veteranos, quiq. Casilini, & Calatiæ sunt, perduxit ad suam sententiam; nec mirum; quingenos denarios dat: cogitat reliquas Colonias obire: plane hoc spectat, ut bellum, se duce, geratur cum Antonio*: Et sanè Beneventanam Coloniam propè positam tum Octavianus obisse debuit, ex qua recens a Cæsare deducta, non exiguum Veteranorum manum sibi contrahendam videbat: Manente autem Triumviratu, post Phillippense Bellum iterum Octavianus Beneventum venit; Quum enim victoribus militibus promissa servari placuisset, ut octodecim Italicarum Urbium (e) tam opibus, quam agri fertilitate, & ædificiorum magnificentia præcellerent, urbana, rusticaque prædia non secus, ac bello capta dividerentur, inque earum Urbium numero Beneventum præcipuè recensita fuerit, hinc Octaviano Beneventum adeundi occasio fuit, propterea quod partitis post victoriam inter Triumviros officiis (f) ipse Veteranos in Italiam reducendos, & municipalibus agris collocandos recepit. Ex hac Coloniae deductione Triumvirali lege ab Octaviano Beneventum facta, mox ut, in sui unius potestatem redacta Rep., Augusti nomen ille sibi arripuit, Augustæ pariter nomen sine nova deductione eam sibi adjunxisse, superius a me probatum fuit Dissert. II.; exinde vero, quum inter duodetriginta Colonias illas, quas in universa Italia Augustus deduxit, numeranda sit, sæpius ad illam Augustum convenisse constat, qui (ut inquit Svetonius (g)) Italiam duodetriginta Coloniarum numero deductarum ab se frequentavit, operibusque, ac vectigalibus publicis plurisariam instruxit, etiam jure, ac dignatione Urbi quodammodo pro parte aliqua adæquavit: Inter has vero Augustas Colonias, Beneventum præcipuè Augustus exornasse videtur, nam ad cætera, quæ modo dicta sunt, beneficia omnibus communia, id etiam singulare Beneventanæ Coloniae præstitit, ut *Prætoris* nomine municipalem ejus Magistratum gerere voluerit; Rem ex antiquo nummo etiamnum extante manifestam alibi probavi, quem Dissert. IV. de Beneventanis Magistratibus agerem; nunc vero illud mihi affirmare satis erit, haud quidem perpetuam, (cum ejusmodi munus per suum Præfectum administrasset Augustus, ut ex eodem nummo colligere est), at certe moram aliquam in ea Colonia traxisse, quam tantopere beneficiis, atque honoribus amplificandam studebat: De postremo autem ejus Beneventum adventu sub ipsum vitæ exitum, locupletes

[a] Ad Attic. lib. IX. ep. 15.

[b] Ad Attic. lib. IX. ep. 16.

[c] Sveton. cap. 10.

[d] Ad Attic. lib. I. 16. ep. 8.

[e] Appian. de Bell. civ. I. 4.

[f] Sveton. c. 13.

[g] Cap. 46.



eupletes testes habemus Vellejum (a), ac Svetonium (b), nam quum Tiberium in Illyricum esset dimissurus, eundem Beneventum usque prosequi statuit, quò tandem, peragratis prius, ut valetudine se reficere posset, Campaniæ oris, utpote ad *destinatum locum cum ipso Tiberio contendis*; Inter hunc postremum Augusti adventum, ejusdemque obitum paucos numerare dies licebit ex Velleii verbis: nam profectus [inquit] *filium* [Tiberium], *digressusque ab eo Beneventi, ipse Nolam petiit, & ingravescente in dies valetudine*, revocato ab itinere Tiberio, paulo post in illius amplexibus defunctus est; quamquam non satis compertum tradit Tacitus (c), spirantem adhuc Augustum apud Urbem Nolam, an exanimum Tiberius repperit; Illud tamen certum constat eundem diem XIX. Augusti, qui, ut subdit Tacitus, *accepit quondam Imperii princeps, etiam vite supremum fuisse*: Hinc nonnisi in ejusdem mensis initium postremus ejusdem Augusti Beneventum adventus designandus videtur: annum vero statuisse ex Tillemontio promptum erit, æræ nempe vulgaris XIV. ipsiusque Augusti ab Actiaca victoria XLIV.

Nunc de Tiberii [de quo ex superius in Augusto observatis jam constat] sequentiumque Principum Beneventum adventu continua serie agendum mihi esset; at facile ab iis deinceps supersedendum mihi duxi, quorum nihil, præter ipsum adventum, observatione dignum suppetere visum fuit, ad eosque tantum Principes rem deducere malui, in quorum adventu præclarum aliquid, quod ipsam Beneventanam Urbem spectat, contineri animadvertet: Ab Augusto itaque ad Neronem gradum faciam, qui (ut refert Tacit. ann. xv.) *petiturus maris Hadria trajectus apud Beneventum iterum consedit, ubi gladiatorum munus a Vatinio celebre edebatur*: Neroni domicilium, Vatinio natalem diem præbuisse haud sibi decori Beneventum duxerit, nisi quod quæ turpitudine insignia videntur, non loco parare invidiam, sed famam augere solent: quod igitur Vatinium spectat, ejus conditionem, mores, fortunam idem Tacitus nobis describit, nam Sutrinæ primùm Alumnus fuisse narrat, postea inter foedissima Neronianæ Aulæ offensa, corpore detorto, faciei scurrilibus primò in contumelias assumptum, deinde optimi cujusque criminatione eò usque valuisse, ut gratia, pecunia, vi nocendi etiam malis præmineret: At humano generi nullum sine tempus, nullusque sine monstrosus locus, quæ etiam occulta quadam similitudinis vi inter se consociata facile necessitudinem ineunt: Nullus igitur Neroni carior, quum Vatinius (d), qui nihil Neroni gratius, ut Beneventum acciret, quàm cruentas illas voluptates offerre novit: atque utinam gladiatorio sanguine contentus Nero, crudelius tunc spectaculum Beneventanorum oculis haud exhibuisset; Vatinii enim munus (subdit Tacitus) frequentanti Neroni, ne inter voluptates quidem a sceleribus cessabat: Iisdem quippe illis diebus Torquatus Silanus, qui supra Junie familiæ claritudinem Augustum atavum ferebat, affectati Imperii falsò expostulatus, cum damnationem sibi instare comperisset, brachiorum venas interficiens consuetæ Nerois orationi locum reliquit: *quamvis fontem, & defensionem merito diffusum, victurum tamen fuisse, si clementiam Judicis expectasset*: Silani mortem Beneventi evenisse haud dubium est, quo is vel a Nerone accitus, vel eidem fortasse comes contenderat; Præsentem enim, dum ibi degeret Nero, facit Tacitus, qui non multo post, omisâ in præsens Achajâ, Neronem Urbem revisisse refert: Hunc Neronis adventum vere anni æræ vulgaris 64. ejusque Imperii XI. statuendum esse ex eodem Tacito discimus,

[a] Lib. 2. [b] Cap. 97. & 98. [c] Ann. l. i. 9.

[d] Non Sutoriam solum artem Vatinium quondam exercuisse, sed Vitreorum quoque Calicum Fabrum fuisse constat, quibus quum novæ formæ Auctor ipse fuisset, novum deinceps *Vatiniorum Calicum* nomen fecit, quo satis celebres deinde fuerunt: Hinc Juvenalis Sat. v. 46.

*Tu Beneventani Sutoris nomen habentem*

*Siccabis calicem nasorum quatuor . . .*

ex quo discimus quatuor rostra nasorum instar protensa ejusmodi calices habuisse, quæ circum latera (ut videtur) æque disposita ornatiores eos, & qui manibus sustentarentur commodiores efficerent: Ex hujusmodi nasus, qui Vatinii calicibus peculiare erant, ipsius Vatinii mores argute carpit Martialis l. i. 4. epigr. 83.

*Vitia Sutoris calicem monumenta Vatinii*

*Accipe; sed nasus longior ille fuit.*

cujus Epigrammatis arguam non cepisse Turnebum notavit Liptius ad. l. i. Taciti, nam quum oblongis illis

Vatiniani calicis nasus longiorem Vatinii nasum Poeta dicat, satis manifeste, ac simul callidè eum notat, ut acrem, & sagacem inquisitorem, criminatoremque. Ex Tacito id plane constat: Xiphilinus etiam eum adeo hostem optimatibus fuisse ait, ut semper in ore haberet *μῦθον ἐν Κἀνὰν ἔχει οὐκ ἀνὰνδρὶ γῆ*. Vitreos autem Vatinii calices fuisse ex eodem Martiale omnino liquet, nam præterquamquod laudato Epigrammate *Vitia monumenta* Vatinii calicem appellat, jam præclarus lib. x. ep. 3. Poetæ cujusdam clancularii probrosa carmina deridens, ejusmodi fuisse ait

*Quæ sulphurato nolit empra ramentis*

*Vatiniorum proxeneta fractorum.*

idest ita nullius pretii, ut ne permutatione quidem sulphurati ramenti, quo proxenata Vatinios fractos, idest calices vitreos fractos accipere solet, emere sibi velit: Cui quidem loco major etiam lux affunditur ex ejusdem Poetæ lib. i. ep. 82. ubi hæc habet: *qui pallentia sulphurata fractis permutat vitreis . . .*

discimus, qui C. Lecanio, & M. Licinio Cos. horum omnium, quæ hæcenus observavimus, narrationem auspicatur: Bimestrem autem ad minus moram Beneventi tum traxisse Neronem, ex eo conjicere est, quod cum Achaica profectio simulata fuisset, Neapoli, quò ante contendit, fortuitâ Theatri ruinâ, in quo publice primùm in scænam prodiit, statim excedere compulsum est, ac mox Vatinio invitante Beneventum suarum voluptatum scelerumque sedem delegit: Certè ibi *confedisse* Tacitus dicit, quod diuturnioris moræ spatium ostendit; quam etiam suadet Urbis incendium, quod paulo post Neronis reversionem, ejus opera, evenisse Tacitus narrat; quum enim incendium ipsum in diem xvi. Julii ejusdem anni consignetur (a), Benevento, quò Aprili venisse verisimile est, nonnisi Junio discessisse potuit, ut Romam revertens eundem annum Benevento ob sui adventum, atque moram, Romæ vero ob funestissimam illam cladem celebrem efficeret.

Sed & posteriorem Neronis Beneventum adventum celebriorem fecit Vinicianæ Conjuratio, quæ ibi constata, atque detecta est; Per quam frequenter Beneventum petere, longasque ibi moras Neronem ducere consueisse, res ipsa docet; nam quum Pisoniana, altera Romæ ante inita in irritum cecidisset, non alium novis ausibus opportuniorem locum, quàm Beneventanam Urbem conjurati delegerunt; Optandum quidem fuisset hoc qualecunque Benevento decus, ut quem per xiiii. pene annos *perpeffus Terrarum Orbis fuit*, citius scelestissimum Principem sublatum Benevento deberet; at parem exitum posterior hæc conjuratio habuit, quâ pervulgatâ id demum factum est, ut multo magis, & quasi per justam causam, sæviendi occasione nactus fuerit Nero: Hinc conjurati è vinculis triplicium catenarum dixere causam, quum quidam crimen ultrò faterentur, nonnulli etiam imputarent, tamquam aliter illi non possent, nisi morte succurrere, dedecorato flagitiis omnibus: Damnatorum liberi Urbe pulsi, enectique veneno, aut fame: Atque hoc totum est, quod unus ex omni antiquitate Svetonius (b) jejune admodum de hac conjuratione nostræ memoriæ mandavit. Rei, uti gesta fuit, seriem (in qua multa fortasse ad Beneventum pertinentia) audissemus penitus a Tacito, qui paullo ante de Pisoniana uberrimè conscripsit, nisi magna pars libri xv. ejus Annalium, atque etiam, ut rectè animadvertit Lipsius, integer liber xvi., in quibus postremum Neronis Imperium continebatur, perissent; At quæ in hanc rem illustrandam conjecturis assequi potuimus hæc subnectere jam licebit.

Primùm itaque ex *Vinicianæ*, ut Svetonius appellat, Conjuratōnis nomine, illud profecto consequitur, ut ad Viniciam Familiam deducenda omnino res videatur; ex eaque qui Viniciorum potissimum conjurationis Auctor, atque Princeps extiterit, perquiratur. L. Vinicius (ut pro L. Vicinio legendum rectè monet *Orsinus*) meminit Cælius ad Cic. (c), qui inter alios Tribunos Plebis Senatus Consulto de Pompejo facto intercessit, unde *Orsinus* ipse, ac præterea *Augustinus* Viniciorum familiam inter plebejas recenset. Verum sublimiorem in Rep. locum, amplioremque honorem in ea familia statuere fas erit ex Tacito, qui (d) M. Vinicium commemorat. Equestris quidem familia, Patre tamen, atque Avo Consularibus: Siquidem Pater ejus P. Vinicius Nepos Consul ordinarius anno v. 755. cum P. Alfenio Vato processit, Avus vero Marcus Vinicius Consulatum suffectum gessit a. v. 735.: At Vinicius hic noster familiæ decus longe auxit non Consulari modo dignitate, quum & is M. Vinicius Consul ipse sit, (de quo in Fastis ad an. æræ vul. 40. Tiberii an. 16.) ad quem historiam suam Vellejus Patreculus misit, cuique plus æquo, atque indecorè prorsus blanditur, sed etiam quæsitâ Augustæ domus affinitate; nam ex duabus neptibus, quas Tiberius Imperator ex Germanico filio suscepit, Drusillâ nempe, atque Juliâ, alteram huic Vinicio (ut in eodem Tacito legere est) Tiberius ipse matrimonio conjungendam curavit: Hunc autem Vinicium ad Claudium usque vitam produxisse, ac demum a Messalina, quia pudorem servavit, interfectum discimus ex extremo libro Dionis: Hujus itaque Vinicii filius ex Julia Tiberii nepte susceptus (cui sanè præter Neronis vindicandam improbitatem, iusta etiam querendi sibi Imperii causâ adesse videbatur (e)) in Neronem ipsum conjurasse debuit: Certè T. Vinicius (pro quo T. Vicinius, aut

[a] Vid. Tillemont, in Neron. Art. 18.

[b] In Neron, c. 36.

[c] Famil. l. 5. ep. 8.

[d] Annal. vi. pag. 170.

[e] Quod & in ipsius M. Vinicii Patris mentem aliquando venisse testatur Josephus Antiq. l. 19. c. 3. p. 671. nam & ipse post eadem Cæii Imperatoris, in qua operam suam contulisse creditur, in spem Imperii tum Ju-

liæ matrimonio, tum suis virtutibus, ac Senatus iudicio erectus fuerat; at quum militum favore Claudio res cecidisset, nihil tam verisimile, quam eandem spem, jusque Imperii in Vinicium filium transulisse, qui tandem sub Nerone non tam sibi, quam Reip. scelestissimi Principis eadem profuturam ratus, hanc, de qua agimus, conjurationem molitus fuit.



aut T. Vinius mendosè exhibetur) Consul signatur in Fastis initio Vespasianæ Imperii ad an. æræ vulg. 69. lapsò vix post Neronis obitum triennio: An igitur, si is ipse fuerit, qui in Neronem conjuraverit, furentis Tyranni manus evasisse potuit? aut potius hunc Titum ex Julia eadem Marci fratrem putabimus? utrumque ad summam veri similitudinem accedit, veri namque simillimum erit, Vinicios hocce conjurationis in Neronem Beneventi conflata auctores statuere.

Quo autem modo Vinicianæ isthæc conjunctio pervulgata fuerit, ex Plutarcho audire præstat (a): Quum enim conjuratorum quidam ad Palatii fores confistens hominem, qui vinc-tus, mærensq; ad Neronem traheretur, aspiceret, statim accedens ita in ejus aures alloquitur: Deos roga, ut hunc tantum diem funestum tibi vires, cras enim mihi vitam debebis: quid sibi ista vel- lent, intellexit statim vinc-tus, qui vitæ securiùs servandæ præsentem ratus occasionem, quàm in incertum conjurationis exitum illam committere, continuò ad Neronem deduci postulât, eumque de urgenti periculo, quod ex auditis conjectaverat, monet, monitque præmium vitam sibi exorat. Satis id Neroni fuit, cui leviora alia, imò siqui tantùm fortunis, aut vir- tute, aut genere præstarent, pro justo indicio, sæviendique veluti in hostes manifestos causâ fuere: Vinc-tus itaque, qui vinc-to intempestivè spem vitæ largitus fuerat, abreptusque ad Ne- ronem, inmani tormentorum vi, rem, sociosque aperire adigitur: Reorum autem numerum auxit Neronis suspicio, ac crudelitas, quæ quantum tum flagravît, superiùs ex Svetonio no- ratum fuit: Atque ita sanè Plutarchus: qui licet de hujus conjurationis nomine, nihil etiam de tempore, aut loco addat, nonnisi tamen de Vinicianæ loqui debuit, quam Beneventi con- flatam constat, non enim ad Pisonianam, quæ biennio ante Romæ inita fuit, ea res referri potest, quandoquidem priorem illam conjurationem diverso longe modo detectam fusè accu- ratèque Tacitus narrat.

Restat nunc, ut de Vinicianæ conjurationis tempore perquiramus: In annum æræ vul. xlv. ac Neronis xii. quo C. Svetonius Paulinus, & C. Lucius Thelesinus Consules processere, conjiciendam putat Tillemontius (b), & quidem ante profectionem Achaicam, quam etiam extremo Junio Neronem suscepisse censet: At licet in Tacito rem hanc cum extremi Anna- lium parte desideremus, quum tamen plura adhuc supersint, quibus is hujusmet anni gesta au- spicatur, usque ad Trajæ mortem, plura etiam ex aliorum Scriptorum fide in hunc ipsum an- num subinde referantur, quæ Vinicianæ conjurationi haud locum relinquunt, non ego Tille- montio facile concedendum crediderim. Demamus enim ex hoc anno dimidiam partem ab ex- tremo Junio, quo Nero in Græciam profectus est, reliquos priores sex menses partim res a Tacito narratæ, partim sequutus mox Tiridatis Regis in Urbem adventus, ac longior ibi com- missa mora, integros sibi vindicare videntur, ut ne vacuum temporis spatium inveniri possit, quo Neronem Beneventum advenisse comminiscamur: Ac quod Tiridatis adventum spectat, eum, postquam Italiam appulit, per Anconitanam oram Neapolim primùm, ubi a Nerone exceptus fuit, inde cum ipso rectâ Romam contendisse constat ex Dione (c): In Neronis vero itinere, quod demum in Græciam suscepit, probabile quidem est (ut in superiori profectione evenisse jam dictum fuit) Beneventi ipsum fuisse; at quis sibi persuadeat, eam Urbem tum con- junctioni delectam, quam Nero Achajam properè petiturus vix attigisse debuit: Ipse tandem Tiridatis adventus (quo maximum Romano nomini, Romanisque Civibus decus quæsitum fuit, quibus etiam lætissimum illud fuerat, Armeniæ Regem ad genus admissum spectare, precantique Tiarâ deductâ, Diadema Neronem imponere) publicum odium mulcere fatis valuit, unde & ineundæ conjurationis, si qua tum essent consilia, deferbuisse putanda sunt: Verisimilius ita- que mihi sit Vinicianam conjurationem ad finem sequentis anni 67. aut certè initium anni 68., qui Neronis postremus fuit, rejiciendam esse. Ab extremo enim Junio an. 66. in Græciam pro- fectum, adhuc ibi manentem Septembri anni sequentis tradit Josephus (d), longioremque mo- ram facturum affirmat Dio (e), nisi ab Ælio ejus Liberto de variis conspirationibus monitus, quæ in ejus vitam, imperiumque in Urbe parabantur, fuisset tandem revocatus: Redeunt igitur Neroni post Septembrem an. 67., vel, quum post illud tempus Beneventi aliquando ma- neret, Vinicianæ conjunctio, quam Ælius libertus pene indigitabat, paratam fuisse constat: At hostem, facemque humani generis, ut Plinius jure appellat (f), minus fuisset privatorum manibus trucidari; decebat enim, ut talem Principem, quem per xiiii. pene annos perpeffus fuerat, ipse tandem Terrarum Orbis destitueret (g): nam sequutâ exercituum, qui in Provinciis erant,

[a] In lib. De Garrulitate.

[b] In Neron. art. 25.

[c] Lib. 63. pag. 723.

[f] Lib. 7. c. 8.

[e] Lib. 63. pag. 716.

[d] De Bell. Jud. l. 3. c. 36.

[g] Sveton. Neron. cap. 40. &amp; 47.

erant, defectione, Prætorianis quoque in Urbe ad seditionem actis, mox Senatu universo Reip. hostem declarante, dum a necessariis æque, atque inimicis, qui teterrimi monstri sanguine foedari horrerent, frustra mortem exorasset, sua ipse manu sibi confiscare coactus fuit.

At quod tristior, terrorisque plenus Beneventanæ Urbi frequens Neronis adventus hæcenus haberi consuevit, eo magis læta bonorum Principum, qui subsecuti sunt, præsentia deinceps decorari visa est: Inter bonos autem Principes paullo post Neronis exitum, jure Vespasianum censebimus, qui *nihil habuit antiquius, quam prope afflictam, nutantemque Remp. stabilire primo, deinde ornare* (a): Vespasianum igitur Augustum an. æræ vulg. 70. ejusque Imperii primo Beneventi fuisse constat (b). Alexandriæ enim, ubi Augustus salutatus fuerat, Romam petiturus, Brundisium appellens, rectâ Beneventum properavit, ubi Domitianum filium obvium manere, seque ab illo in ea Urbe excipiendum noverat. Quàm hilares tum putabimus Beneventanorum animos, quàm lætam Urbis faciem, quantam adveniendi Principi apparatus magnificentiæ: quæ quum nonnullibi toto eo itinere ingentia fuisse constet, majora profecto præsentî Vespasiano a Beneventanis pro utriusque dignitate præstanda erant: At inter publicas hæc lætitiis uni Domitiano (quod in hac re primò observandum duxi) dolendum tum maximè fuit, quod (ut Dio notat) multorum criminum sibi conscius (c) Beneventi primum Augusti Genitoris, cujus aspectus pro magno supplicio sat fuisset, justas quoque increpationes acceperit: Cur vero Beneventi potiùs, quam alibi Vespasianum præstolaturus, Domitianus confederit? Id certe secundo loco jam observabimus; non enim casu, aut sine consilio res, sed ex Augusti exemplo, qui (ut ante dictum fuit) Tiberium in Illyricum transmissurum, Beneventum usque fuit prosecutus, ut jam utroque, quod ex veteribus scriptoribus modo suppetat, exemplo, Beneventanam Urbem tum fuisse conitet, quæ dimittendis, excipiendisque Principibus, quod publico quodam sollenni more præstandum erat, delecta videatur.

His autem tum Augusti, tum Vespasiani exemplis tertium quoque addidisse licebit, quod Lapis huic Dissertationi præfixus suppeditare videtur: Habes in eo publicas Beneventanæ Colonæ gratulationes pro *Felici Evento* tum professionis orientalis, tum reditus Imp. Severi, ejusque filii Bassiani, quibus non ipsa modo Majestati Augustorum se devotam profiteriategit, sed plane se ipsam unam indicare voluit, cui, Romanæ Urbis exemplo, professiones Principum, eorumque reditus peculiari jure, publicèque celebrare mos fuerit: Hoc ipsum docere etiam nos poterit Arcus Triumphalis Imp. Trajano a S. P. Q. R. Beneventi erectus, cujus dedicationem quamquam ad Viam, quam Benevento Brundisium usque in fecerat, æquè referri posse alibi a me observatum fuerit, verisimilius tamen eò magnificentissimum Opus spectare dicendum est, ut in ea Urbe, unde Principes suos proficiscentes dimittere, redeuntisque excipere Romani consueverant, Optimum ipsum Fortissimumque Principem e Parthico Bello mox reverfurum præclarissimo eo monumento exornandum duxerint: Ejus autem rei illa videtur fuisse ratio, quod ostium veluti, itemque terminus, quibus Urbis Romæ fines quodammodo designarentur, Beneventum videretur; neque enim Principem aliquem, nisi quibus Oriens petendum esset, Beneventanam Urbem privato itinere prætergressum facillè comperiemus, sed ibi demum, quum extra Urbem otium, quietemque captare libuisset, secessuum suorum metas statuisse.

Nunc ad Lapidem veniam; atque quum Severi, Bassianique Orientalem professionem, atque reditum, ut eo publico monumento celebraret, Beneventana Colonia dignum censuisset, non abs re illud fuerit, ut de utriusque tempore perquiramus. Binas igitur in Orientem professiones Severum instituisse, bis etiam Romam rediisse ex Dione, Herodiano, & Spartiano factis constat; Ac primum fuit, quum Imperium a Germanicis Legionibus apud Carmentum nuper delatum, Romam adveniens sibi constabilivit, moxque ad delendas Pescennii Nigri, Clodiique Albini factiones, Orientisque statum confirmandum profectus, post quatuor pene annos [ab an. nempe vulg. æræ 193. ad 197. ejusque Imperii 14.] suis, ac Reip. hostibus profligatis, victor Romam rediit: Quum vero toto hoc annorum spatio nondum Bassianus M. Aur. Antonini nomine

[a] Sveton. Vespas. cap. 8.

[b] Joseph. de Bel. Jud. l. 7. c. 10. Dio lib. 66. p. 749. Vid. Tillemont. in Vespas. art. 8. §. 7.

[c] Domitiani mores, postquam Vespasiano Patri absenti Imperium, ipsi vero Cæsaris nomen delatum fuerit, summâ infamiâ notantur Scriptores. Notum ex Tacit. Hist. l. 4. in fin. adversus absentem Patrem jam Augustum, manifestius vero in Titum Fratrem multa

illum moliri cœpisse, tentata secretis nunciis Cerialis fide, ut præsentî sibi Exercitum, Imperiumque traderet: Cæterum [ut tradit Sveton. cap. 1.] omnem vim dominandi tam licenter exercuit, ut jam tum qualis futurus esset ostenderet; Præter enim nefarias libidines, uno die xx. Urbana officia, atque peregrina distribuit, mirari se Vespasiano disitante, quod successorem non & sibi mitteret.



nomine, Augustique titulo insignitus fuerit, certâ illâ temporis notâ adhuc carêmus, quam lapis omnino præfert, ubi Antonini, Augustique appellatione Bassianus decoratur: Ad posteriorem itaque profectionem deducenda res est: Quum nempe Romæ aliquandiû moratus Severus civilis vitæ pertæsus, ut erat bellandi studiosissimus, sive [ut Herodianus observat] civilis victoria, adversus Romanos Exercitus habitâ, bellicæ virtutis laudem non sine invidia sibi partam ratus, unde & oblatum triumphum recusaverat, mox sequenti anno 198. ejusque Imperii V. ad Parthicum Bellum gloriæ potius cupiditate, quàm necessitate aliqua profectus est: dum vero hanc expeditionem jam pararet, nondum Urbe egressus, Bassiano, & Getæ filiis [ut Herodianus idem tradit] Imperium participavit; quod quum de Getâ dubium videri possit, de Bassiano omnino certum, tum ex eodem Scriptore discimus, qui eum ex Parthico Bello cum Patre jam reversum, honores Imperatoris adeptum, Severum Antoninum accepto Marci cognomine jam vocatum confirmat, tum ex Spartiani testimonio, qui Severum Romæ adhuc morantem, Bassianum Antoninum Cæsarem a Senatu appellari jussisse refert, decretis etiam Imperatoriis insignibus; quæ tamen nonnisi rei a Severo antea gestæ solennis Senatus confirmatio censeretur debet; nam quum is olim contra Albinum properaret, in ipso itinere apud Viminatium filium suum majorem Bassianum apposito Aurelii Antonini nomine Cæsarem appellavit: Ejus autem appellationis causas ex eodem Spartiano discere est; nam Antonini nomen iccirco filio apposuit, quod somniaverat, Antoninum sibi successurum; unde Getam etiam quidam Antoninum putant dictum, ut & ipse succederet in Imperio; aliqui putant iccirco illum Antoninum appellatum, quod Severus ipse in Marci familiam transire veluerit. Sed Senatus decreto Militum demum accessit auctoritas, nam post res Parthico Bello feliciter a Severo gestas, filium ejus Bassianum Antoninum, qui Cæsar appellatus jam fuerat annum decimum tertium agentem participem Imperii dixerunt milites. Ac tum quidem gratum Severo id fuit, qui ejus appellationis causa donativum militibus largissimum dedit, quos tamen paullo post ejusmodi appellationis, quâ contra ipsum Severum abuti cœpissent, poenitendum fuit; nam quum is pedibus eger bellum moraretur, idque milites anxii ferrent, ejusque filium Bassianum, qui una erant, Augustum fecissent, tolli se, atque in Tribunal ferri jussit: adesse deinde omnes Tribunos, Centuriones, Duces, & Cohortes, quibus auctoribus id acciderat; Sisti deinde filium, qui Augusti nomen acceperat: quumque animadverti in omnes auctores facti, præter filium juberet, rogareturque ab omnibus ante Tribunal prostratis, caput manu contingens ait: Tandem sentitis caput imperare, non pedes: qua ex re illud facile intelligimus, quod Herodiani verba, qui participatum Bassiano Imperium tradit, quod Imperatoria insignia, Antonini, itemque Cæsaris, ac demum Augusti appellationes eidem Bassiano delatæ, referenda sint, ut nempe nonnisi Imperatorem illum, Augustumque designatum, nec nisi post obitum Severi Patris, [qui quandiu vixit, integra Principatus jura, Imperijque administrationem sibi vindicabat] Rerum denique potitum affirmemus; Id, quod re ipsa Bassianus ipse demonstrat, qui tum ex longævo Patris Imperio, tum ex extremæ valetudinis diuturnitate, dominationis impatientior factus, medicis, ministrisque, ut senis ægrotique necem maturarent, præcepit (a); quos impia jussu haud exequi ausos, simul ac Severus mæore magis, quàm morbo consumptus fuit, summam ipse nactus potestatem, supplicio affecit: Quæ quum ita se habeant, non est tamen, cur de Marci Aurelii Antonini, Augustique appellatione dubitemus, quam, præter nostrum lapidem, de quo nunc agimus, Bassiano jam ex anno 197. a Severo Patre delatam probant tum allata Scriptorum testimonia, tum alii bini domestici lapides (b), alii que innumeri apud Gruterum (c); quibus addimus trium legum titulos, quos Imp. Severus, & Antoninus AA. dederunt ex dicto anno 194. ad an. 198. (d) Rem ipsam demum ex Fastorum fide amplius exploratam habemus, ubi ad an. 202. L. Septimius, Severus Imp. r. 11. M. Aurelius Antoninus Imp. signantur.

Sed quum ad dictum annum 202. pervenerimus nondum Augustorum Severi, Antonini-que Reditum, qui simul cum ipsorum Profectione in nostro lapide celebratur, attigimus: Absentes enim tum Consulatum ambos gessisse liquet ex Spartiano, qui Severum Antiochiæ

B b moran-

[a] Herodian. l. 3. in fin.

[b] Quorum alter Julii Augustæ conjugii Severi a Beneventanis dicatus fuit, ubi ea Mater Aug. appellatur, alter Patri, ac Filio Augustis erectus fuit ob restitutionem Pontis, de quo mox sermo erit.

[c] Grut. p. 265. n. 1., ubi inter alias insignis est Inscriptio Arcus Triumphalis Romæ erectus.

[d] Lib. 3. Cod. Justin. tit. 28. ubi Lex 1. legitur data Kal. Jul. Falcone, & Claro Cos., quorum Consulatus quum in an. 193. a Petavio, Tillemontio, aliisque recentioribus conscribatur (quamquam Gothofredus annum 194. ibi notet), jam, si huic Legi fides, Antonini Augusti appellationem ante ipsum annum 194. Bassianum adeptum dicere fas quoque erit.

morantem Antoninum filium secum Consulem designasse, & statim ambos in Syria Consulatum iniisse tradit. Annus hic vacuus a bellando fuit, quem tamen Severus in Ægyptiaca peregrinatione transegit; nam (a) in Ægyptum superiorem navigio per Nilum ascendens, omnia ejus Gentis occultissima perlustravit, itaut nihil divinarum, humanarumque rerum præclarum fuerit, quod non is diligenter pervestigaret; quo quidem in itinere Libros arcanos omnes, quos reperire potuit, ex omnium Templorum adytis sustulit, & Alexandri monumento ita includit, ut neque hujus corpus, neque illi patere ullius oculis deinceps possent: Quale in hac re Severi consilium fuerit, non constat; Dei certè providentia enituisse tum visa fuit, ut quicquid superstitionis omnium Natio penitiorum Sacrorum, abditissimæque Religionis venerabilius haberet, Idololatæ Principis manu tum amitteret: Veri tamen mihi simile fit, nonnisi ex hujusce itineris occasione factum, ut Severus contra Christianos (quæ Quinta Ecclesiæ Persecutio numeratur) tum sævire cœpisset: Ad hunc enim ipsum annum 202., Severi, Antoninique Consulatu insignem Persecutionem prædictam pertinere non levis est conjectura (b), planèque Spartianus ipse testari videtur, qui paullo post initum Consulatum, Severum *Judeos fieri sub gravi poena vetuisse, idem etiam de Christianis sanxisse* ait; qui quum etiam illud addat, *jucundam hanc peregrinationem propter Religionem Dei Serapidis Severo fuisse, ac præterea satis constet, eum Idololatriæ, Superstitionique omni, nec non Matheos, magicæque arti addictissimum extitisse, nihil verius videri potest, quàm Eum hoc anno a belli curis quiescentem; nactumque ea peregrinatione ingentem, ubique locorum, Christianorum numerum, qui Deorum cultum, superstitionisque Gentilium ritus palam contemnerent, primum edictum illud proposuisse, quo quisque Christianam Religionem deinceps amplecti vetaretur: deinde quum nequicquam legibus, ac minis Christianos deterri posse novisset (ejus quoque conceptam ea de re in Christianos indignationem Idolorum ministris, quorum ædes omnes tum in Ægypto perlustrabat, acrius inflammantibus), omni tandem suppliciorum genere per Provincias in eosdem animadverti mandasse: Haud diuturnam hanc Persecutionem fuisse, quin immo Severum, M. Aurelii Antonini exemplo, cujus se affinem jactabat, nomenque Bassiano filio (ut dictum est) imposuerat, mitius deinde cum Christianis egisse, quos etiam publica munera adipisci permisit, ex Ulpini loco (c) satis firma ratione probari potest.*

Sequi-

[a] Suidas &c. hanc peregrinationem, resque in ea gestas non Severo Imperatori, sed Severo nescio cui Sophistæ attribuit; sed ejus manifestam hallucinationem ex textu Dionis, jamdiu notavit Salmasius in Spartian.

[b] Persecutionem populari furore jamdiu cœptam, nonnisi a Severo latis legibus anno 202. publica auctoritate comprobata, acriter, sed non omnino feliciter contendit Jo. Laur. Mosheim in Disquisitione De *Ætate Apologetici Tertulliani*, initioque persecutionis Severi post Opp. Tertull. edit. Venet. an. 1744.

[c] Verba Ulpiani ex lib. 3. de Off. Procons. relata in l. 3. §. ult. D. De Decurion. sic se habent: *Eis qui Judaicam superstitionem sequuntur Divi Severus, & Antoninus honores adipisci permiserunt, sed & necessitates eis imposuerunt, quæ superstitionem eorum non læderent: atque hanc met Severi, & Antonini constitutionem respexisse videtur J.C. Modestinus de Excusationibus, quum ait: Jam vero Judæi quoque non Judæorum tutores erunt, quemadmodum cætera munera subeunt: namque eos Constitutiones solutos esse volunt solis illis rebus, per quas superstitionis eorum pollui videatur: Fateor quidem utriusque Jurisconsulti verbis solos Judæos memorari; Scio etiam Ant. Augustinum (præter alios) ad hunc locum Modestini [cum quo Ulpiani alterum confert] ab Alciano præceptore suo planè dissentire, qui Judaicam superstitionem Christianam interpretatus fuerat Dispunct. l. 3. c. 8.; neque enim (inquit) aliter his verbis Judaica superstitionis intelligenda est, quam quæ memorata quoque habetur apud Justinianum, qui in l. quoniam Cod. De Hæreticis eadem appellatione usus fuit; At ego non*

facile Augustino concesserim; quippe qui ad Justinianum ætatem, legesque provocat; quis enim unquam dubitaverit, quin ea propriè Judaica superstitionis sit, quæ ita a Christiano Principe appelleretur? sic nonnisi ad solos Judæos ipsos referenda planè est *Judaica superstitionis*, quam usurpat Canon 87. Conc. Carthag. iv. relat. in Caus. 26. quæst. v. c. xi. nec non Canon 62. Conc. Toletani iv. relat. in caus. 28. quæst. i. c. x.: At quum de Ethnicorum scriptis res sit, Judaicam superstitionem ex familiarissimo, ac pene solenni, qui apud illos passim obtinebat, loquendi more, nonis pro Christianæ legis professione significatam fuisse constat: Mirro antiquos lapides apud Gruter. p. 238. & pag. 280. quorum alter Neroni, Diocletiano alter ob novam, seu Christianam superstitionem deletam, aut purgatam dicati feruntur; nam haud temere ambos commentitios censere quisque poterit: Res certè optimorum, qui inter Ethnicos florere, scriptorum fide abundè constat; nam Tacitus l. xv. An. c. 44. Christianismum exitiabilem superstitionem appellat; nec secus Sveton in Neron. c. xvi. Christianos genus hominum superstitionis novæ, & maleficæ infimulat; ac Plinius denique junior l. x. ep. 97. ad Trajanum de Christianis scribens: *Nihil aliud [inquit] inveni, quam superstitionem pravam, & inmodicam . . . neque enim civitates tantum, sed vicos etiam, atque agros superstitionis istius contagio pervagata est*; Christianos autem Judæorum nomine passim ab Ethnicis appellatos explorata res est, quam ex Dione in Domitiano, & Ner-va, Lampridio in Alexandro, Rutilio Itiner. v. 395. Arriano in Epictet. l. 2. c. 9. fusiè demonstrant Card. Baron.



Sequitur nunc demum annus 203., quo Augustorum Severi, & Antonini reditus nostro lapide memoratus, consignandus videtur: Ita enim, præter alia, docet Inscriptio Arcus Trium- phalis Romæ extantis, ubi Severus cognomine Parthici, ac Trib. Pot. xi. Bassianus vero M. Aurelii Antonini Augusti nomine, ac Trib. Pot. vi., amboque simul *ob Remp. restitutam, Imperium- que Populi Romani propagatum* celebrantur: ex quo sanè non modo ea confirmantur, quæ superius de M. Aurelii Antonini nomine, Augustique titulo ab anno 197. Bassiano delatis, statui- mus, quippe quia ex eo anno si illius Trib. Potestatem vi. numerare coeperis, ad ann. 203. mox devenies; verum etiam ex Trib. Pot. xi., quæ Severo tribuitur, quum a mense Junii an. 193. ejus Imperii initium fuerit, sub exitum ejusdem anni 203. quo undecimus Imperii numerari jam coeperat, Arcum prædictum dedicatum inveniemus: Atque eo certè magnificentissimo, ac perpetuo Opere nonnisi post eorumdem Augustorum reditum, præsentibus jam Augustis ipsis S. P. Q. R. blandiri satagebat; Quid vero causæ fuerit, ut etiam Beneventana Colonia perpetuo quoque monumento utriusque *Protectionem*, ac *Reditum* consignandum curaverit? Duplex ejus rei causæ in promptu est: Altera, quod tum proficiscentes, tum redeuntis Augu- sti hi Beneventum inviserint; Ac proficiscentes quidem Beneventi fuisse satis constat ex Spar- tiano, qui in Parthica expeditione Severum a Brundisio in Syriam exercitum trajecisse memo- rat; quod & in reditu dicendum videtur, quem per Illyricum evenisse tradit Dio; unde Brun- desium peti, atque exinde Trajanâ viâ Beneventum attingi oportebat: Sed & altera potissi- mum fuisse causæ videtur; nam eisdem Augustos eo itinere Beneventum insigni munificentia exornasse constat, restituto sua pecunia super Sabatum flumen Ponte, quem vetustate dilapsum invenerant: Ejus Pontis Inscriptionem adhuc superstitem superiore Dissertatione, ubi de Via Trajana sermonem habui, allatam, heic iterum exhibere supervacuum duxi; Notanda vero in illa omnino est Severi Trib. Pot. vi., quæ tamen Tribunitia Potestas eadem M. Aur. Antonino filio nullo adjecto anni numero tributa legitur; ut jam certum illud confirmemus ad an. 197. in quem Trib. Potestas Severi cum ejus Imperii annis incidebat, primam Tribunitiam M. Aur. Antonini filii Potestatem referendam esse, quam eo anno, cum M. Aur. Antonini nomine Augustique titulo, ut superius diximus, adeptus fuit; Eo quoque anno statutam a nobis Orientalem protectionem eadem temporis nota comprobatur, nam eo certè itinere Pontem, quem vetustate dilapsum reperissent, iidem Augusti sua pecunia restituendum curant; quod quum in maximum Beneventanæ Coloniæ decus, utilitatemque cessisset, nihil mirum, quod illa accepti beneficii memor, præter eum lapidem, quo Augustorum munificentiam ob res- titutum Pontem testabatur, iis postea feliciter redeuntibus peculiare alterum grati obsequen- tiisque animi monumentum dedicandum curaverit.

Hactenus de Augustis, quorum in Beneventanam Urbem adventus manifestis Scriptorum testimoniis, et ceterisque aliis monumentis, compertus mihi fuit: Reliquos sanè plures nonnisi conjecturâ assequi licebit; nam quum Augustorum ferme omnium, qui ad iv. usque sæculum Imperium rexere, solennes pene fuerint ad Orientalia bella protectiones, atque inde ad Ur- bem reditus, jam rectè consequitur, frequenti illorum præsentia Beneventum gaudere con- fuisse: Singulos igitur Augustos recensere, conjecturamque ipsam adductis veterum Scripto- rum locis confirmare non tanti est, ut laborem hunc suscipiendum mihi ducere: Sati- us igitur mihi, nec lectori injucundum, si eos tantum exequar, quorum Encomia inscriptis lapidi- bus Beneventi adhuc extantibus continentur; nam, præterquamquod ex domesticis testibus conjecturæ ipsi majus robur accedat, quandoquidem non leve illorum adventus argumentum ex lapidum dedicatione deduci videatur, lapides certè ipsi ad propositam Augustorum materiam, quam totam in hanc peculiarem Dissertationem conjecimus, omnino pertinentes rem ipsam satis dignè conficiunt.

Prior igitur [ ut quam hactenus tenuimus, temporum seriem servasse videamur ] prodeat lapis

B b 2

ron. ad an. 94. num. 1. Huetius Demonstr. Evang. Pro- pos. 3. n. 22. & nuper V. C. P. Mamachi Orig. Christ. l. 1. §. 23. Spartiani auctoritatem, quæ mirè in nostram rem, & tempus consentit asserere heic satis erit; hæc enim de Bassiano refert in illius vita: *Septennis puer, quum collusorem suum puerum ob Judaicam Religionem gravius verberatum audisset, neque Patrem suum, neque Patrem pueri, nec auctorem verberum diu respexit; ubi profecto vides Judaicam Religionem pro Christiana pro- fessione usurpatam; facillimum autem id erat, ut Ethio-*

ci, qui Christianos ex Judæorum tum regione, tum gente profectos tantum noverant, Judæorum nomine vocitarent: At ex Spartiani loco illud etiam obiter ob- servabimus in Severi aula, [ ut in Neronis testatur S. Paulus ] Christianorum ministerium adhibitum, ac fortasse Bassiani Nutrix Christiana fuisse colligi potest tum ex puero illo, qui non modo *Collusor*, sed etiam Bassiani collectaneus fuisse videtur, ex Tertulliano, qui in lib. ad Scapulam cap. 4. eundem Bassianum *lascie Christiano fuisse educatum* affirmat.

lapis Imp. Gallieno dedicatus, quem apud Gruterum pag. 274. num. 6. mutilum, locupletiore sextâ lineâ aliquot literis, ex Autographo summa fide, diligentiaque descriptis modo exhibemus.

MAGNO ET INVICTO

GALLIENO

AVG. XI. COS. VI

DESIGNATO VII

PACIS R. . . . .

. . . . .

Lapidem hunc an. æræ vulg. 265. dedicatum fuisse pater, qui medius fuit intertextum, ac septimum Imp. Gallieni Consulatum, nam quum is an. 264. sextum Consulatum cum Saturnino gessisset, nonnisi sequenti anno 265. designatus esse potuit ad eum Consulatum, quem *septimum* cum Sabiniello an. 266. iniisse constat; & quidem in dictum annum 265. incidit ejus Imperii annus XI. nostro quoque lapide initio tertiæ lineæ memoratus. Quum igitur certam temporis notam ex lapide habeamus, tum quum Gallienus ipse, Valeriano Augusto Patre apud Persas captivo, majorem adhuc scelestissimis suis moribus Romano nomini, Imperioque infamiam fecisset, mirari quidem subit, an ridere, in ejus foedissimam adulationem adeo effusos Beneventanos, ut paucis licet verbis, amplissimas laudes perpetuo monumento consignatas pessimo Principi largirentur: *Magnum* itaque primo loco appellarunt Gallienum, quod vix uni, & alteri, Alexandro nempe, ac Pompejo, ac nonnisi ex utriusque rerum egregiè gestarum singulari magnitudine olim partum cognomen; quin dum prænominis loco Gallieno concessum fuerit, in propriam veluti ejusdem appellationem cessurum videbatur: Res certè recenti exemplo non vacabat, nisi summum ex morum diversitate discrimen intercessisset: nam *Magni* prænomen Alexandro Severo Imperatori inter cæteras alias honoris acclamationes delatum (a) respuit optimus Princeps, quod paullo post *pessimus* alter gessit obtinere: At magis ridebimus *Invicti* nomen Gallieno delatum, qui quum Patrem Augustum vilissimum Regis Persarum mancipium haberet, omnesque pene Romanas Provincias amisisset, in quibus quot Romanorum exercituum Duces, tot fere Tyranni Imperium invaserant, ipsaque Italia Barbararum Gentium incursionibus patuisset, se quoque in crudelitatis, libidinis, omniumque scelerum focem abjecerit: Pudet inter hæc numerare [ut cum Trebellio Pollione loquar], quæ sæpe Gallienus malo generis humano quasi per jocum dixerit: Nam quum ei nunciatum esset, *Aegyptum* descivisse, dixisse fertur: quid? sine Lino *Agyptio* esse non possumus? Quum autem devallatam *Asiam*, & elementorum concursibus, & *Scytharum* incursionibus comperisset, quid, inquit, sine *Aphronitris* esse non possumus? Perditâ Galliâ arrisisset, ac dixisse perhibetur: non sine trabeatis sagis tuta Resp. est? An igitur post hæc Gallienus *Invictus*? Sed stomachum magis movere videntur, quæ ex restitutis sextæ lineæ literis facile accipimus, ut nempe post ambitiosissimos *Magni*, & *Invicti* titulos, *Pacis* etiam *Restitutor* a Beneventanis audire meruit: At qua de causâ id demum factum fuerit, ut ad priores titulos postremus hic satis speciosus, ac summæ gloriæ plenus accesserit, facile conjectabimus, si ad Odenati Palmyrenorum Regis, cujus fide, & robore res Romanæ tum paulisper stare videbatur, victorias adversus Persas obtentas, rem ipsam deducamus: Tunc enim fuit (ut inquit Trebellius) ut vincente Odenato Gallienus triumpharet: certè ejusmodi Bellum post an. 264. ab Odenato susceptum Trebellius idem disertè commemorat, a quo etiam habemus paullo post Gallienum Athenis Romam petiisse: quo in itinere eidem Beneventum transeunti, Lapis iste, cujus tempus ad Persicas Victorias proximè accedit, a Beneventanis præfenti Principi blandiri cupientibus dedicatus videri potest.

Sed

[a] Senatus, quod *Magni* prænomen spectat, acclamationes Imp. Alexandro factas, satis pulcras audire libet ex Lampridio, nam quum is Antonini nomen onerosum, quod eadem, quæ Antoninus egregiè gessisset, tacite moneret, repudiasset, tunc Senatus: Si Antonini nomen repudiasti, *Magni* prænomen suscipe: *Magne* Alexander Dii te servant, & quum sæpius dicere: *Alexander Augustus* ait: *Facilius fuis P. C. ut Antoni-*

*narum nomen acciperem; aliquid enim vel affinitati deferrem, vel consortio nominis imperialis: Magni vero nomen cur accipitur? Quid enim jam magnum feci? Quum id Alexander post magna gesta, Pompejus vero post magnos triumphos acceperit? Quiescite igitur venerandi Patres, & vos magnifici unum me de vobis censete potius, quam Magni nomen ingerite. . . . Multo clavior visus est alienis nominibus non receptis, quam si recepisset.*



# DISSERTATIO SEPTIMA. 197

Sed ex infamibus regnantis Idololatriæ sæculis, ad feliciora tempora gradus esto, quum tandem Christianus Orbis Christianos Principes habere coepit; lætandumque profecto Beneventanis erit, qui quale tum apud majores suos fuerit erga Helenam Augustam Imp. Constantini Matrem veneratio, superstitute monumento hodieum ostentare possint: Lapis Helenæ dedicatus sic se habet:

HELENÆ AVGVSTÆ  
GENETRICI D. N. CONSTANTINI MAX  
VICTORIS ET TRIVMPHATORIS SEMPER AVG  
ELPISTICVS V. P. P. P. RERV PRIVATAR  
PIETATI EORVM  
SEMPER DICATISSIMVS

Viventis Helenæ Pietatem, quæ ei mortuæ publicum Sanctitatis cultum ritè in Ecclesia comparavit, non solum hoc lapide commendatam habemus, verum etiam (quod mihi opportunè observandum modo erit) novum ex ea argumentum videtur suppetere, ut omnino iustas ipsius Helenæ cum Imp. Constantio nuptias vindicemus: Fuere namque ex veteribus, qui hanc notam Imp. Constantino inferrent, ut Constantius Pater ex Helena quidem, sed non ex legitimo matrimonio sibi iunctâ suscepit: Ac prior quidem Zosimus lib. 1. Constantium tradit, *natum ex consuetudine mulieris, quæ mater familias non esset, nec in manum Imp. Constantio legitime convenisset*; & mox quum eundem Constantinum Cæsaris dignitate auctum commemorat, iniquissimo id animo Maxentium Maximiani Herculii filium tulisse ait, quod sibi Imperatoris filio is demum anteferri videretur, qui muliere non matrona genitus esset: at si Zosimi dumtaxat testimonio res ipsa constaret, facile hominis Ethnicæ, ac Constantino manifestè infensi suspecta fides haberi posset; sunt tamen, qui in eadem re tradenda consentiunt, Viri gravissimi, qui Doctrina, ac Sanctitate Christianam Religionem, antiquitatemque magnopere illustrarunt; nam præter Chronicon Alexandrinum, & Græcum Eusebii, quod Scaliger edidit, testatam rem in suis quoque Chronicis faciunt S. Hieronymus, S. Prosper, & Beda; ac longam demum ejus rei narrationem instituit Nicephorus (a), vulgatumque id S. Ambrosii ævo fuisse discimus ex illius verbis (b). *Stabulariam* [inquit] *hanc primo fuisse asserunt, sic Constantio cognitam*. Sed contra, magni nominis Scriptores, indubiæque fidei monumenta æque adsunt, itaut jamdiù controversiam, adhæserit ne concubina Constantio, an legitima uxor fuerit Helena, meminit Zonaras (c), qui tamen utramque sententiam indicasse contentus, neutri calculum suum addidit: Rem tamen ita transigendam putat Card. Baronius (d), ut scilicet, quum inter Magistratus militiæ, ac Foeminas ejusdem Provinciæ legibus Romanorum (e) irritæ essent nuptiæ, quæ tamen iisdem legibus (f) iustæ efficiebantur, si post depositum officium, in eadem voluntate conjuges perseverassent, Constantius quidem nondum Imperium adeptus, dum in Provincia ageret, acceptam ibi Helenam tum demum legitimam conjugem habere potuerit, quum post Provinciam administratam vetus inter eos conjugium ratum permanferit; quæ fortasse res opinioni illi occasionem præstitit, ut Helenam Constantii concubinam plerique affirmarint; ita quidem Baronius, qui satis commode litem diremplisse videri potest, haud omnem tamen maculam ab ipsa Helénâ, filioque Constantino deterfisse; quum enim eadem Romanorum lege caveretur, ex nuptiis post depositum officium ratis habitis *liberos* postea natos legitimos esse, quis illud certò sciet, ut post nuptias ritè celebratas, tunc demum Constantinus filius susceptus sit? an vero post diuturnam Constantii, Helenæque consuetudinem, Constantini natiuitas legitimi connubii tempora expectare debuisset? Quin potiùs certum illud videri potest, statim ac Constantius consuetudinem cum Helena inierit, Constantinum filium susceptum, qui an. 306, quo Imperium auspicatus fuit, annum trigésimum secundum circiter ætatis agebat; quo fit, ut injustis ipse nuptiis natus, licet hæc iustæ efficerentur, haud tamen legitimus ipse filius potuerit evadere, ut inferius dicam; Sed & acuta quidem ex allaris Romanorum legibus Baronii observatio, qua dissidentes sententias conciliare conatur, haud tamen iis temporibus omnino congruens; quid enim? Jamdiù eæ leges, eò magis si de Viris Principibus agatur, inanes ea ætate, atque obsoletæ; nam si eæ valuisent,

VIX

[a] Histo. l. 7. c. 18. [b] De Diversis Concione 3. [c] Annal. rom. 3. in Constantin.

[d] Ad an. 306. §. 19. [e] L. 63. D. De Rit. nupt. [f] L. 65. D. eod. tit.

vix ullus Imperator ex iustis nuptiis natus dicendus esset; scimus enim, (ut alios plures præteream) Titum, & Domitianum Domitilla matre libertinæ conditionis muliere, ac Vespasiani conjugē genitos, Severum ex conjugē Julia Syra muliere Getam, atque (ut alii malunt) Bassianum etiam suscepisse; Syram quoque mulierem Eutropiam Maximiano Maxentium, Faustamque Constantini conjugem peperisse; quibus omnibus nemo nuptias, quas privati in suis Provinciis inierint, iniustas, eorumque filiis natalium notam objecerit; erit igitur undequaque res certa, non modo non concubinam, sed initio ipso legitimam Constantii uxorem Helenam fuisse, quod facili negotio probari videtur.

Præstat autem primū rationis vi adversam, quam modo recensuimus, sententiæ fidem tantisper exagitare, quæ, si accuratius rem perpendamus, nonnisi solius Zosimi auctoritate innixa comperietur: Hic enim synchronus dumtaxat Scriptor ejus rei meminit, quam proinde ex suo in Constantinum odio comminisci debuit; sanè quum excisum, deletumque a Constantino Idolorum cultum, Christianamque Religionem propagari iniquius tulisset, ut aliis passim multis calumniosè oblatratis, ita & justorum natalium defectu Christiano Principi invidiam ubique conslare fategit: Res autem ab illustri viro literis semel mandata, ab aliis etiam, qui Idololatriæ tum studerent, libenter recepta, ac pervulgata, omnium ferè sermone, opinio, neque confirmari cœpit; Facile itaque fuit Ambrosio, qui sub exitum ejusdem sæculi floruit, pervagatam rei famam accipere, ac quod alii assererent, non quod certis ipse monumentis didicisset, in sua scripta referre; post quem nil mirum de Hieronymo, qui commentum illud pro vero habens Prospero, Cassiodoro, atque Bedæ, qui illum sequuti sunt, eundem omnibus errorem adoptandi occasionem dedit.

Majus profecto robur huic rationi accedet, si contrarias, quæ Zosimus impudentissimi mendacii redarguant, auctoritates jam demum in medium afferamus. Primū itaque apud omnes veteres convenit, nonnisi uxorem Imp. Constantii fuisse Helenam, cui solam natalium obscuritatem tribuit Eutropius (a), qui Constantinum ex obscuriori matrimonio Constantio natum tradit, atque ipse idem paullo ante jam dixerat, Constantium, ut Theodoram Maximiani Herculei Privignam acciperet, uxorem, quam habebat, repudiare compulsum: Haud secus uterque Aurelius Victor, direptis prioribus conjugii, aut abjecta uxore priori, secundas cum Theodora nuptias Constantium iniisse affirmant; Uxoris autem, Matrimonii, Conjugiique usurpata nomina, iustas omnino nuptias manifestè satis declarant. Nullam autem præter unam Helenam, priorem ipsam Constantii uxorem fuisse ex eo certum videri potest, quod nemo veterum alterius, quàm Helenæ uxoris Constantii meminisse inveniatur; imo & antiquum lapidem habemus apud Grut. pag. 1086. 2. ubi Helena Imp. Constantii conjux inscripta legitur, quem inferius afferemus.

Sed & manifestam rem facit incertus ille, at certè synchronus Constantini Panegyrista (b), qui Constantinum Paternæ continentiae exempla sequutum his laudibus alloquitur: *Neque enim (inquit) forma tantum in te Patris, sed etiam Continentia . . . se se presentant; quo enim magis continentiam Patris aquare potuisti, quum quod te ab ipso sine pueritia illico matrimonii legibus tradidisti, ut primo ingressu adolescentiæ formares animum maritalem, nihil de vagis cupiditatibus, nihil de concessis atati voluptatibus in hoc sacrum pectus admitteres: Neque secus Constantini Panegyrista alter Eumenius (c), qui ad eundem verba faciens, Non fortuita (inquit) hominum consensio, repentinus aliquis favoris eventus te Principem fecit; Imperium nascendo meruisti: & ex intervallo: Sacrum istud Palatium non candidatus Imperii, sed designatus intraisti, confestimque te illi Paterni Lares successorem videre legitimum, neque enim erat dubium, quin ei competeret hæreditas, quem primum Imperatori filium facta tribuissent. Atque hæc quidem Panegyrista uterque, quos Constantini plus æquo, non autem plus vero, aut de re supervacua laudandi studio abreptos suspicari possumus; quum enim tanti res haud fuerit, ut si silentio prætermitteretur, in uberrima majorum laudum segete quæ aliunde suppetebat, nihil desiderandum reliquisset, quis unquam sibi persuaserit, scienti Constantino, scientibus omnibus, qui audientes adstarent, suam illos adulationem manifesto mendacio obtrusisse, quod facti potius memoriam excitare, quàm oblivionem inferre videbatur; Quum igitur alter Constantinum legitima natalium successione Imperatorem deprædicet, alter vero conjugalem Constantii continentiam Constantino filio præcipuo fuisse exemplo affirmet, ut is ab ipso pueritiæ sine matrimonii legibus se subjecerit, nihil profecto ea re certius haberi potest, ut non modo Constantinum ex iustis nuptiis ortum, verum etiam Helenam, nunquam antea, quam quum easdem iniisset nuptias, Constantio fuisse cognitam.*

Accedit

[a] Lib. x. [b] Inter Panegyri. Veter. Pan. vi. c. 1 v. [c] Inter Vet. Paneg. ix. c. 3. & 4.



Accedit demum, ( quod fortasse Viris eruditis in hanc rem observatum nondum fuit ) celebris illa ejusdem Imp. Constantini constitutio (a), quam Fl. Pompilio Nepotiano, & Facundo Cols. idest a. Ær. Chr. 336. Kal. Aug. Carthaginem milit ad Gregorium Præfectum Prætorio: Præstat priora ejusdem constitutionis verba heic recitare: *Senatores, seu Præfectos, seu quos in Civitatibus Duumviralitas, vel Sacerdotii, idest Pheniciarchia, vel Syriaciarchia ornamenta condecorant, placet maculam subire infamia, & alienos a Romanis legibus fieri, si ex ancillis, vel ancilla filia, libertis, vel liberta filia, vel scanicis, vel scanica filia, vel tabernaria, vel tabernaria filia, vel humili, vel abjecta persona, vel lenonis, aut arenarii filia, vel quæ mercimoniis publicè præfuit, susceptos filios in numero legitimorum habere voluerit, aut proprio judicio, aut nostri prærogativa rescripti; itaut quicquid talibus liberis Pater donaverit [ seu illos legitimos, seu naturales dixerit ] totum retractum legitimæ soboli reddatur. . . . sed & si uxori tali quodcumque datum quolibet genere fuerit, vel emtione collatum, etiam hoc retractum reddi præcipimus: Et quidem, si verum unquam illud fuisset, Constantinum ex Constantii Patris concubina susceptum, debuitne is tum Patris, tum Matris damnasse memoriam, eosque perpetuâ notasse infamiâ, seque demum proprio ore, lataque publica lege indignum, atque illegitimum Imperii heredem, ac successorem profiteri? Haud certè id ausus olim Galerius fuerat Constantino, quem Diocletianus Cæsarem designabat, obijcere (b), neque id sanè Galerius prætermisisset, iustam, ac præcipuam Constantini ab spe Imperii deijciendi causam nactus, quam solennes Romanorum leges a paterna successione arcere videbantur. Sed quod Constantini Constitutionem attinet, quam admodum severam, ipsâque celeberrimâ lege Papia Poppea ab Augusto primùm de hac re lata asperiores fuisse patet (c), vides jam, primò Constantinum id velle, ut Constantius Pater notam subiveris infamiae, nec tantum Imperio, quod egregiè pro temporum conditione administraverat, indignus post mortem judicaretur, verum etiam alienus a Romanis legibus fuisse, idest Civitatem Romanam ipsam amisisse putaretur; Habes etiam asperrimam Filii adversus Matrem sententiam, cujus (si stabularia fuerit) conditionem jam prodens, sublecutas etiam cum Constantio nuptias irritas sancire videtur: Severior autem, quàm in suos Genitores, ipse demum in sese fuerit Constantinus, qui vel in Concubinato, vel ex iustis Nuptiis dein sublecutis ex eadem Helena natus, seipsam paternam successione spoliassè videtur, vel saltem contra publicas leges, quæ etiam ante suum ævum obtinebant, in paterni Imperii jura irrepisse, quæ legitimis Constantii filiis ex secunda conjuge Theodora ritè susceptis deberentur. An igitur, dum legem, hanc tulerit Constantinus, horum omnium, quæ in ea continentur, expertem fuisse non dicemus?*

At, inquires, dum is extremis sui Imperii, vitæque annis Religioni Christianæ studiosus se addixisset, pluris certè ejusdem religionis dogmata, quibus has consuetudines, quæ vulgò licitæ habebantur, damnari noverat, quàm suorum Genitorum, qui jamdiu decesserant, famam fecisse debuit; neque vero sibi injustam Imperii possessionem exprobat, cujus regimen non tam paternam successione, quàm Tyrannis extinctis, populorum, militumque consensu, ac suis deinde virtutibus sibi legitime comparavit: Verisimilia hæc quidem, sed quod rem attinet, nihil de Christiana Religione in hac lege ferenda Constantinum cogitasse mihi certum sit, cujus non solum vel minimam mentionem haud injecit, sed quod magis est, aliqua habet, quæ ab Christiano Principe abhorrent, nam Pheniciarchas, & Syriaciarchas, quos a vilis conditionis fœminarum nuptiis cohibet, non probare modo, sed etiam, ne a Sacerdotii, quibus decorarentur ornamentis deciderent, sollicitudinem ostendit; hos autem Deorum cultum in iis Provinciis præcipuè curasse constat tum ex Apostata Juliano ep. 18. quæ ejusmodi potestas restituta fuit, tum ex Justiniani Novell. 89. c. 15., qui hanc Constantini legem, quam non utendo peremptam affirmat, tum ex aliis, tum præsertim ex eo capite, quod Gentilium superstitiones fovisse quodammodo videretur, perimendam omnino declaravit: Quæcumque igitur condenda legis fuerint rationes aliæ (nam de servandis Christianæ Religionis dogmatis nullam prorsus adfuisse probatum est), non tanti eæ fuissent, ut quicquid ea lege con-

[a] Habes in l. r. Cod. De Naturalib. liberis.

[b] Non natalium defectum, quod promptum sibi fuerit, Galerius Constantino objicit, ut legere est apud Caesarem de Mort. Persecut. cap. 18.; quum enim Diocletianus ob egregias animi dotes, virtutesque Imperio dignas Constantinum, ut Cæsarem designaretur, Galerio commendaret, nihil aliud reposuit Galerius:

*Id fiet, ut ego non possim facere quæ velim? Eos igitur oportet Cæsares nuncupari, qui sint in mea potestate, qui timeant, qui nihil faciant nisi meo jussu, ac mox Constantino neglecto Severum, & Dajam Cæsares nuncupavit.*

[c] Hanc Constantini Constitutionem luculentis observationibus uberrime illustrat doctissimus Heinecc. in Comment. ad l. Jul. & Pap. Popp. l. 2. c. 2.

contineretur, sibi exprobari Constantinus pateretur, si ex illicitis Parentum complexibus ipse natus, vel etiam ex damnatis cum *Stabularia* nuptiis susceptus fuisset.

Atque ex his quidem de Ambrosii, atque Eutropii fide jam dubitare fas esset, quorum alter, quod ab aliis offereretur sequutus, *stabulariam* Helenam, alter vero ex obscuriore matrimonio Constantinum ortum refert (a): satis tamen nobis erit antiquiorum lapidum auctoritate rem, de qua tandiù agimus, confecisse: & sanè præter nostrum lapidem ubi Constantini Genitrix Helena appellatur, cui etiam concordant bini alii lapides apud Grut. pag. 284. num. 1. & 2. in quibus *Mater Constantini Aug. & Avia Constantini, & Constanti Beatissimorum Principum* æquè dicitur; adest etiam Neapolitanus lapis apud eundem Gruter. p. 1086. n. 2. in hæc verba:

PIISSIMAE ET CLEMENTISSIMAE DOMINAE

DOMINAE NOSTRAE AVGVSTAE

HELENAE MATRI

DOMINI NOSTRI VICTORIS

SEMPER AVG. CONSTAN

TINI ET AVIAE

DOMINORVM NOSTRORVM

CAESARVM BEATORVM

VXORI DIVI CONSTANTII

ORDO NEAPOLITANORVM

ET POPVLVS.

Hinc jam certum, verumque illud pronunciare demum fas erit, Helenam Augustam, tot luculentis Scriptorum testimoniiis, publicisque monumentis Constantii Uxorem celebratam, nunquam nisi legitimi connubii jure Constantio ipsi adhæsisse.

Atque utinam propagatâ jam demum per universum Orbem nedum Constantini filii, verum etiam religiosissimæ Matris operâ, atque studio Christiana Religione, quum nostrorum lapidum Augustis dicorum commentationes tam lætè, feliciterque ab ipsa Helena auspicati simus, haud statim in improbos Principes denuò inciderimus, quibus Beneventani marmoreis monumentis blandiri studuerunt: Sequitur enim teterrimum illud monitum, Christianæ Religionis olim Alumnus, funestissima deinde fax Julianus, cujus nomen hoc lapide celebratur.

FL. CLAUDIO

IVLIANO NOB

AC BEATISSIMO

CAESARI

CVRANTE TOCIO

MAXIMO V. C. CVR.

REIP. BENEVENTI

Cæsaris

[a] Helenæ genus ab uno ex Britanniae Regulis, Goel nomine, repetit Baronius [d. an. 306 §. 21.], apud quem quum Constantius militiæ Dux divertisset, comperissetque Helenam illius nobilis Hospitis filiam pulchritudine eximiam, ita ejus amore captus est, ut conjugem sibi desponderit: obscurum autem [inquit eruditione, & dignitate Eius Scriptor] existimatum est hujusmodi conjugium, quod cum externa, barbara, & non Romana scemina contractum esset a tanto viro, ab ipso scilicet nepote Imp. Claudii, & Rom. Exercitus in Britannia Duce; sed & obscurius sane redditum, quum creatus est Imperator, & una cum Imperio Theodoram accepit uxorem: Quum igitur, ut accidit iis, qui tem-

poribus, & felicioribus rebus intervniunt, in posteriorem Conjugem, eandemque Augustam omnes converterent oculos, villis admodum, & abiecta visa est illa prior, quæ jussu Herculei Imp. repudiata fuisset, ac proinde contemptus gratia *Stabularia* nominata: At de Helenæ genere, quæ tradit Baronius, levi prorsus conjectura nituntur, neque nos de ea re sollicitiores ipsa Helena facit, quæ Christiana Pietate, ceterisque egregiis virtutibus adeo illustrem se probavit, ut maximos honores perpetuis monumentis consignatos (quod Theodoræ defuit) vivens promerita, venerandam sui Nominis memoriam adhuc sibi apud Posteritatem omnem vindicavit.



Cæsaris dumtaxat dignitate insignem Julianum in hoc lapide habemus, ut etiam *Nobilissimi*, ac *Fortissimi Cæsaris* titulo commendatum legimus in Romano lapide apud Gruter. pag. 284. n. 8., ut proinde non dum ipsi Augusto, sed, vivente adhuc Constantio. Cæsari declarato dicatos hosce lapides intelligamus. De collata Juliano a Constantio Cæsaris dignitate, hæc habet Ammianus l. xv.: *Constantium vero exagitantibus assidui nuntii deploratas jam Gallias indicantes, nullo renitente, ad internecionem barbaris vastantibus universa . . . . reperit tandem consilium rectum, & Julianum Patrualem fratrem, haud ita dudum ab Achaja contractum accitu, etiam tum Palliatum, in societatem Imperii adsciscere cogitabat . . . . moxque indutum Avita Purpura Julianum, & Cæsarem cum Exercitus gaudio declaratum his adloquitur contractiore vultu submœstum &c.* Marcellini verba recitasse opus fuit, ut nedum lapidum fidem, qui Juliano dumtaxat Cæsari inscripti sunt, comprobata haberemus, sed ut causâ etiam verisimilis pateat, cur perpetuo eo honoris monumento Julianum Beneventani exornaverint; ex Achaja enim [nam Athenis eo tempore Julianus cum SS. Basilio, & Gregorio Nazianzeno divinis, humanisque literis operam dabat, eam tamen indolem præferens, ut de ipso Nazianzenus, qualis futurus esset vere divinarit, *terribile nempe monstrum Romano in Imperio ali*] accitus, quum Mediolanum, ubi Constantius confidebat, contenderet, nonnisi trajecto mari, Trajanâ Viâ rectâ Beneventum, indeque reliquum iter confecisse debuit; *Palliatum* Juvenem Philosophicos mores, disciplinaeque ostentantem videre tum Beneventani, ac in spem Imperii jam tum sublatum honoribus affectisse debuerunt; at mox Philosophico Pallio in Purpuram commutato [quod Novembri mense anno 355. evenisse constat] jam Cæsarem declaratum, ut amplius ejus gratiam promererentur, marmoreo monumento celebrandum curarunt.

Sed & adepto demum Imperium Julianum observantiores adhuc Beneventani sese probare conati sunt, erectâ illi Columnâ, cui hæc inscriptio inculpta legitur:

D. N. FL.  
CLAUDIO  
IULIANO AVG  
PIO FELICI INVIC  
TO BONO REIP  
. . . . .

Facile autem inscriptio hæc suppleri potest in duabus lineis detritis, ubi habebatur:

NATO ORDO ET  
POPVLVS BENEVEN

Familiaris enim tum formula illa evaserat, qua Principes summæ laudis, ac assentationis causâ *Bono Reip. nati* esse dicerentur; id quod præter nostrum lapidem omnes, quotquot hactenus prodire, Juliano dicati lapides demonstrant apud Gruter. pag. 284. num. 8. & pag. 285. num. 1. 2. & 3.: non sola tamen assentatio hujusmodi honoris titulum Juliano peperit; nam si ea tempora spectemus, quibus nondum Idololatriæ radices evulsæ erant, nil mirum, illis, Juliani operâ, longe lateque germinantibus, a populis Idololatriæ ob restitutum, quem vehementius exoptarent, Deorum cultum, aliasque egregias Principis dotes, quarum speciem Julianus præferebat, ejusmodi ipsum laude affectisse, qua *Reip. Bono natum* affirmarent: optandum verò fuerit, qualicumque hac excusatione Majores nostros non indigere, quibus tamen ejus criminis macula jamdiu deterfâ videri potest, nam & illud hodie laudi verti debet, quod soli a decem usque sæculis S. Mercurii Martyris, a quo divinitus impius Julianus interemptus fuit, dies festos bis in anno agant, tum Natalis, tum Translationis (a) ejus corporis, Patro-numque Urbis, ac Provinciæ universæ summa veneratione agnoscant, & colant.

C c

Nec

[a] De Translatione corporis S. Mercurii Martyris ex Heremerto, Leone Hostiensi, & veteri Cod. MS. Bibliot. Ben. agit Viperi in Catal. Ben. SS. die 26. Augusti, & 25. Novemb.: Constantium, seu Constantinum Imp. Longobardis Beneventanorum Principibus bellum, obfidionemque facturum an. 663. secum e Græ-

cia S. Militis Corpus, veluti sui exercitus tutelam, in Italiam detulisse constat, sed re infeliciter gesta, ob fugam, quam capere compulsus fuit, de reducendo secum Corpore nulla fuit cogitatio, quod tandem ex Urbe Quintodecimi, ubi servabatur, Arechis Principis operâ an. 778. Beneventum translatus fuit.

Nec vero illud affirmare dubitavimus, S. Mercurium militem, ac martyrem [qui in Decii persecutione passus fuerat] illatæ Juliano necis auctorem fuisse: ita quidem ex Helladio S. Basilii discipulo, qui de Præceptoris sui gestis commentarios exaravit, S. Jo. Damascenus egregie testatur (d), cui etiam paucis immutatis optime consentit Auctor Chronici Alexandrini (b), probantque antiquissimi MS. Codices nostræ Bibliothecæ, pictæque vetustissimæ tabulæ adhuc servatæ in Ecclesia S. Sophiæ, quam sæc. viii. Princeps Arechis, qui illuc S. Martyris Corpus cum aliis Sanctorum Lypsanis transtulit, regiâ magnificentia ædificandam curavit: ejus etiam rei antiquam picturam sæculi ix. extantem refert Cangius (c) in Codice MS. operum, S. Gregorii Nazianzeni, Basilio Macedone imperante, exarato, in Bibliotheca Regia, ubi depictus est Julianus ad terram prostratus, Equite cum lancea instante, supra cujus caput incryptum: ΑΓΙΟC ΜΕΡΚΟΡΙΟC.

Non me latet, de genere mortis, quo Julianus periit, varias omnino fuisse sententias, ut observavit Gothofredus (d); invenio quoque Glicam (e), qui Helladium, ac Damascenum nesciens, utriusque narrationem refellit, quam in libro de S. Basilii miraculis, qui sub Amphilocho nomine circumferebatur, congestam perlegit. Fuit etiam nostro ævo δ κερτακωτος (f), qui Damasceni ex Helladii opere, quod ad nos non pervenit, narrationem fabulæ loco habendam censens, Chronicon quoque Alexandrinum falsitatis redarguit, quod in nocturna S. Basilii visione Juliani necem a S. Mercurio patratam contigisse statuat, quum de die telum Juliani corpori infixum Scriptores omnes consentiant: At in temperioris critices hoc esse judicium nemo non videt; quum enim ex eo vulnere, quod interdum Julianus acceperat, nonnisi quintâ noctis horâ, quæ diem 27. Junii præcessit, ipse obierit, ut oculus teltis Ammianus habet, nihil magis veritati consentaneum erit, quàm ut ea res, quæ aliquo temporis intervallo gesta erat, dum Cælitus nosci debuisset, eâ noctis horâ comprehensa sit tota, quâ tandem ob Juliani mortem perfecta fuit.

Hinc si æquioris critices legibus res isthæc transfigurat, licet sit aliquid, quod de ejus fide dubitationem ingerat [quid enim in universa ferè antiquitate est, cujus recepta fides difficultate omni careat?], plura tamen sunt, quæ ejus veritatem nobis astruant: Primum itaque apud omnes constat, incerta omnino manu Julianum periisse: Incertum [inquit Ammianus] subita equestris hasta, cute brachii ejus perstricta, costis perfoctis hæsit in ima jecoris fibra: Libanius item Sophista, qui Julianum extinctum luculenta oratione laudavit (g), illud quoque memoriæ prodidit, ingentia a Persarum Rege per præconem oblata præmia Juliani percussori, neminem tamen, qui vel facinus jactarit, comparuisse: Nam jaculum [sic ipse Glicas] trajectum constat, auctore facti prorsus incognito: Ad hæc, mira multa Juliani obitum insignem effecere: nam (ut præteream, quæ Juliano ipsi, præcedenti nocte, tristitia contigisse refert Ammianus (h), peculiarem Dei providentiam in Juliani morte enituisse satis manifeste declarant, tum Athanasii vaticinia Julianum Nubecula inani tonitruo perstreptenti, quàm citissimè dissolvendæ comparantis, tum fatidica illa Alexandrini Pædagogi sententia, qui, quid Faber (qualem Christum Julianus vocitabat) ageret, interrogatus, jam parare loculum Juliano respondit: Ipsa autem Juliani mors eodem ferme, quo contigit, temporis momento pluribus Sanctis viris fuit cognita, nimirum SS. Juliano, Sabbæ, Dydimi, aliisque, quos Theodoretus (i) ac Sozomenus

[d] S. Jo. Damasc. De Imagin. or. i. Quod autem Imaginum institutio non nova, sed prisca sit, & apud Sanctos, & eximios Patres nota, & usitata, discite ex his, quæ in vita S. Basilii ab Helladio ejus discipulo, in Pontificatuque successore conscripta sunt. Pius enim Vir (ut ipse narrat) Domine nostræ adstabat Imagini, in qua Mercurii etiam celebris Martyris figura descripta erat, adstabat autem supplicans, ut impius Julianus Apostata tolleretur: ex qua quidem Imago didicit quid esset evenitum: Vidit enim Martyrem ad exiguum tempus obscurum, non multo autem post hastam eruentem tenentem: Chronicon vero Alexandrinum eidem S. Basilio refert noctu pro Ecclesiæ pace contra Julianum oranti Cælos patuisse, ibique Christum spectandum se præbuisse, qui S. Mercurio adstanti Julianum Christianorum hostem interficiendum mandavit, hinc S. Mercurium statim abscessisse, qui paulo post reverius se imperata fecisse affirmavit.

[b] Pag. 692. & 694. edit. Monachii 1615.

[c] De Famil. Aug. Bizant. pag. 51.

[d] Dissert. in l. 7. Philostorgii cap. 15.

[e] Part. 4. Annal.

[f] Tillemont. in Julian. art. 27. & not. x.

[g] Ap. Nicephor. l. 3. c. 34.

[h] Vidit icalidius, ut confessus est proximis, speciem illam Genii Publici, qua quum ad Augustum surgeret culmen conspexit in Galii velata cum cornucopia per aulea tristius discendentem, & quanquam ad momentum hæsit stupore defixus, omni tamen superior metu venturâ decretis cælestibus commendabat, relictoque humi strato cubili, adulta jam excitus nocte, numinibus per sacra depulsoria supplicans, flagrantissimam faciem cadenti similem visam, aeris parte sulcata evanuisse existimavit, horroreque perflatus est.

[i] Lib. 3. c. 19.



menus (a) recentent; quid? quod quæ de Juliani nece ab ipsis Ethnicis, domesticisque Scriptoribus traduntur, rem, quam quærimus, prope indigetant; nam Ammianus, ut jam dictum fuit, ab equestri, sed incerto viro, Julianum perfolsum memorat, Callistus vero (inquit Socrates (b)) *Satelles Imperatoris, qui ejus res gestas carmine heroico conscribit, bellumque id temporis confectum narrat, illum a Demone transfixum interiisse commemorat*: Quæ quidem omnia, incerta nimirum manus, manifesta numinis vis, rei fama apud Ethnicos pervagata [quorum alter Scriptor equestrem virum [ut S. Mercurium albo equo insidentem vetustissimæ Icones referunt (c)], alter vero Dæmonem illatæ Juliano necis auctorem fecere] nonne Damasceni, aut si majoris, Chronographi Alexandrini, qui rem uti vere se habuerit, memoriæ mandarunt, narrationi summam fidem conciliare debebunt? Certe ex Eutychiano Chronographo domo Cappadoce, qui in exercitu Juliani Vicarium Cohortis Primoarmeniorum egit, probatam rem habuit Jo. Malela a Pagio relatus, ex vita vero Beati Basilii (Helladiine, an Amphilochoii non dicit) exploratam omnino habuit, in suumque Chronicon retulit Otto Frisingensis (d).

Illud igitur reliquum dumtaxat erit, ut ex hac Juliani nece, uti vere evenisse jam probavimus, præsentissimum Ecclesiæ Catholicæ adesse Numen fateantur omnes; vulnere etiam Juliano divinitus illato vocem suam inesse agnoscant, quâ assidue clamitet: *Nunc Reges intelligite, erudimini qui judicatis terram* (e); *Dei nimirum fideles ministros esse debere, per quem ipsi regnent, ne is subditorum injurias ulturus, eum se probet, qui aufert spiritum Principum, terribilis apud Reges Terræ* (f); Perpetua demum, veraxque Principum laus illa censenda erit, quam non præsentium adulatio expresserit, sed Religio, ac res egregiè gestæ sua sponte pepererint: maneant enim licet pessimorum Principum elogia marmoreis consignata monumentis, æquum tamen, ut olim præsentium, posteritatis quoque de iis judicium erit; itaut superatis temporis injuriis, nihil aliud præstent, quam illorum memoriam posterorum voce damnari.

## C c 2

## DISSER-

[a] Sozomen. l. 6. c. 2. [b] Lib. 3. cap. 18.

[c] Ortum id ex Sozomeni historia, qui d. lib. 6. cap. 2. Didymi de Juliani nece visionem ita narrat: *co-*  
*dem die Didymus vir Ecclesiasticus, & divinæ sapien-*  
*tiz, ac pietatis studiosissimus. Alexandriæ ætatem de-*  
*gens supra modum dolebat. . . . . qui quum ob hanc*  
*causam animo adeo sollicito, ac mæsto esset, uti se-*

quenti nocte nihil comederet, forte in folio assidens somno oppressus est, ac velut extra se positus, videbatur sibi videre *equos albos in aere cursare, & qui in eis ve-*  
*hebantur, eos ita prædicare: Nunciate Didymo, ho-*  
*die Julianum hac ipsa hora interfectum esse.*

[d] L. 4. c. x. edit. Ursitii 1670.

[e] Psalm. 2. 10. [f] Psalm. 75. 12.



## DISSERTATIO VIII.

De Re Litteraria  
Veterum Beneventanorum.

C. CONCORDIVS. SYRIA  
CVS. EQ. ROM. COMM. REIP  
BENEVENT. MVNERARIVS  
BIDVI. POETA. LATINVS. CO  
RONATVS. IN MVNERE. PA  
TRIAE. SVAE. ET VIBVS  
SIBI. FECIT. QVI. VIXIT  
ANN. LVIII. M. VI. D. XII  
HOR. III.



bat. At ita res profecto se habet, ut in liberalibus studiis, cæterisque omnibus litterariis disciplinis, assiduâ omnium ætatum experientiâ (ne in nostrorum temporum ingeniis quasi lassam, & effoetam naturam causeretur) idem illud probatum sit, plurimos, imo potius (ut etiamnum probè obtinet) innumeros semper fuisse, qui ad eas comparandas improbos, diuturnosque labores, quos aliquando integris vitæ spatiis metiuntur, sibi frustratos querantur, paucos vero ad eam sapientiæ, doctrinæque præstantiam pervenisse, quâ magni nominis immortalitatem assequuti, perpetuis omnium gentium, atque ætatum laudibus celebrentur: quâ quidem in re illam ignorantie pœnam agnoscere licet, quam in humanum genus peccatum iniecit; quum enim occultâ quadam ipsius naturæ vi, quæ ingentis ejus boni pretium, dignitatemque cognoscit, propriam quisque jacturam reparare enitatur, mox gravissimis illis deterretur impedimentis, quæ ex imbecillitate sensuum, vitæque brevitate, atque incommodis, tum etiam ex ingenii hebetatione, animique perturbationibus undique parantur: aut certè ipsa rei sublimitas, inaccesso veluti vertice collocata, audentis, conantisque contentionem omnem eludit: Quum itaque de Viris iis, qui in Re Litteraria olim præclari Beneventanam Urbem illustrarunt, agere instituam, non equidem ipsorum censum veluti agere, aut cohortem aliquam a me numerari debere, jure quis petet: rei causas, rationesque jam novimus, quibus etiam illud accedit, quod, quum ex instituto vetustissimorum temporum recolenda mihi sint monumenta, summi beneficii loco habendum erit, si injuriæ minus ab ipso tempore acceperint, quod plura detrivisse contentum paucis pepercerit: ex his tamen is Beneventanorum Literatorum numerus prodire continget, quem nullibi fortasse parem Romana sæcula proferre nunc possint. Non heic a Poetis, quales Beneventum in Lapide huic Dissertationi præfixo ostentare cœpit, ordiundum mihi duxi; suus enim locus manebit Poetas, quum prius, ut institutæ rei ratio postulat, de inferioribus aliis scientiis actum erit, ex quibus gradatim ad sublimiores devenietur.

Sint



Sint igitur primi in ordine Grammatici, quorum egregium par vetusta Patriæ monimenta nobis exhibent; Prior autem prodeat M. Rutilius Ælianus, cujus memoria sepulcrali hoc titulo celebratur.

D. M.

M. RUTILIO  
ÆLIANO. DE  
CVRIONI. BE  
NEVENTANO  
GRAMMATIC  
O. V. A. LXXV.  
PVTILLA. PRIMA  
CONIVGI. CVM QVO  
V. AN. X. . . . M. . . .

Rutiliam Gentem inter Romanas satis notam in Beneventana Colonia floruisse, ibidemque Duumviratu, Decurionatu, aliisque municipalibus Magistratibus illustrem fuisse ex nostro Thesauro satis constat: non igitur Rutilium hunc, qui Grammaticum audit, ex Litteratorum, seu Grammatistarum grege hominem putare debemus, sed omnino Grammaticum, aut Litteratum, uti ejus conditionem decebat; summum enim inter Litteratos, & Litteratores veteres Romani (ut inter Grammaticos, & Grammatistas Græci) discrimen faciebant, ut posteriores mediocriter docti pueros primis litterarum elementis instituendos curarent, Litterati verò, seu Grammatici ii appellarentur, qui absolute docti, atque omnigena eruditione præditi aliquid diligenter, & acutè, scienterque scriberent, aut dicerent (a); quod Orbilii nostri [qui Beneventanus alter Grammaticus] auctoritate probasse satis erit: *Apud majores (inquit) quum familia alicujus venalis produceretur, non temere quem Litteratum in titulo, vel Litteratorem inscribi solitum esse (b).*

Sed jam ex Orbilii verbis ad Orbilium ipsum veniam, cujus memoriæ, atque honori extitisse olim Beneventi lapidem publico loco positum, ex ejus marmorea Statua satis constat, quæ inscripto (ut moris erat) titulo in Beneventano Capitolio fuit dedicata: At de Lapidis interitu haud magnopere nobis dolendum, dum Statuæ saltem oculatum testem appellare possumus Svetonium, cujus de Orbilio nostro inter alia plura hæc sunt (c): *Statua ejus Beneventi ostenditur in Capitolio ad sinistram latum marmorea habitu Sedentis, ac Palliati, appositis duobus Scriniiis*: & sanè Svetonio debemus, ut vix eam Statuam hodie desideremus, quæ ab ipso memorata, speciatimque descripta, adhuc nobis præsens quodammodo spectanda tribuitur: *Sedentem* igitur illa nobis offert Orbilium, quod quum nunquam, aut rarò in veterum statuis occurrat,

[a] Non igitur illud dumtaxat Grammaticorum munus, ut vel de novitiis, vel de obsoletis verbis judicarent, quod Horatius velle videtur eo versa: *Grammatici certant, & adhuc sub iudice lis est*: vel, ut elegantia, selectaque verba, quæ alios docerent, imprimis ipsi custodire deberent, quemadmodum innuebat Cicero, dum eorum exemplo ad rem suam usus ita loquitur Tuscul. 2. . . *ut si Grammaticum se professus quispiam barbarè loquatur*: Sed certè Grammaticæ Professores, præterquamquod ipsi Rhetorices rudimenta, ac quædam institutionum genera ad eloquentiam præparandam tradere consuebant proprio ipsi jure Criticæ exercebant, unde veteribus Grammatici ipsi Critici dicebantur, quod sibi de omni genere Scriptorum dijudicandi sumebant potestatem, in idque maxime incumbere, ut Poetas interpretarentur; de qua re illustre satis sui ingenii monumentum inter alios nobis reliquit Maurus Servius Honoratus in opera Virgilii, qui sanè Grammaticorum Honos, quantum ipsi doctrina, eruditio-

neque valuisse, quidque audire potuerint, jam satis ostendit.

[b] Apud Sveton. de Illustr. Gramm. l. I. c. 4., quibus etiam verbis se etiam Juris scium proficitur Orbilius, nam dum bona fide agi oportebat, æquum erat ut in titulo, qui ex collo servorum venalium pendere solebat, non solum eorum ætas, patria, mores, valetudo inscriberetur, ut qui emptores advenirent, singula probè nossent, verum etiam qua arte, quave professione præstarent, ita adjiceretur, ut non litteratus pro litteratore denunciaretur, sicque pluris, quam par esset, falsà amplioris professionis præstantià venumisset: Edictum Ædilium Curulium, qua parte de mancipiis vendendis cautum est, his verbis servavit nobis Gellius lib. 4. c. 2. *TITVLVS . SERVORVM . SINGVLORVM . VTEI . SCRIPTVS . EST . COERATO . ITA . VTEI . INTELLEGI . RECTE . POSSIT . QVOD . MORBI . VITI . VE . QVOI . QV SIT . QVIS . FVGITIVVS . ERRO . VE . SIT . NOXA . VE . SOLVTVS . NON . SIT*. [c] De Illustr. Gram. cap. 9.

currat, ad ejusdem munus indicandum factum cenſeo; Litterarii enim ludi Magiſtri ſedentes docere, ac ſublimiori quidem, quàm quæ auditoribus adhibebatur, Sellâ uti conſuebant; quem etiam litteratorum omnium, quibus de re quapiam diſputandum eſſet, morem fuiſſe indicat Cicero, cujus præclara illa ſunt ad Atticum ( IV. 9. ) *Malo in tua illa ſedecula, quam habes ſub imagine Ariſtotelis, ſedere, quàm in iſtorum ſella curuli*: Quid verò Pallium? A Græcis acceptum Pallium Romani ( quorum propria veſtis Toga ) aliquando ſibi uſurparunt, at non quicquæ paſſim, proque libito, ſed ii ferè, qui ſe Philoſophos eſſe proſitentes, tales quoque ejusmodi veſtis indicio videri volebant; non vacat in re nota plura exempla congerere, ex quibus ſplendidiora illa delibafſe ſufficiat, tum M. Antonini, tum Juliani, quorum alter, teſte Capitolino cap. 2. *duodecimum annum ingreſſus habitum Philoſophi aſſumpſit, & deinceps volentiam, quum ſcilicet in Pallio, & humi cubaret*, alter verò ( ut Ammianus reſert ) Athenis ubi Philoſophiæ vacabat, *Palliatuſ* ad Conſtantium Mediolanum contendit, a quo Cæſar designatus ex Pallio ad *Purpuram* tranſiit: At quæ de hoc veſtis genere obſervatione ſunt digna, fuſè ſimul, atque eruditè congeſſit nuper V. C. Johannes Lamius (a): Illud tamen mihi ex Orbilii Statua haud omnino prætereundum, cur nimirum qui Philoſophorum [ nam de Romanis heic agimus ] proprius eſſet amictus, is Grammaticis quoque communis eſſe potuerit: ſed non ita ad Philoſophos Pallium pertinebat, ut non etiam cæteri omnes, qui Litteras inter Romanos proſiterentur, illud ſibi vindicarent: certè Baſilius Preſbyter in Nazianzenum, ac præterea Cyrilli Lexicon hæc habent: *Pallia, amictus quidam, Rhetorum quidem rubra, & purpurea, pulla vero Philoſophorum*: Ex quibus non modo diſcimus, præter Philoſophos, Rhetores quoque Pallium geſtare ſuetos, verùm etiam in communi utriuſque veſtis forma, coloris diſcrimen ſervatum, itaut qui eloquentiæ operam dabant, huic quidem ex auguſtiori, hilariori-que veſtis colore quoddam veluti majoris oblectamenti ſubſidium comparare curarent, qui vero, ut Philoſophis ferè omnibus inſtitutum erat, morum diſciplinæ, cenſuræque ſtudent, pullum colorem, quo humilitas, paupertas, luxuſque contemptus præſerebatur, præcipuè adhiberent: Sed quom de Rhetoribus manifeſta res jam conſtet, de cæteris quoque, qui, ut dixi, litterariis artibus vacarent, quod ſcilicet hi ad unum omnes Pallio uterentur, locuples teſtis adest Tertullianus, cujus in de Pallio hæc ſunt: *Viderit nunc Philoſophia quid proſit: nec enim ſola mecum eſt; Habeo alias artes in publico utiles: De meo veſtiuntur, & primus informator literarum, & primus enodator vocis (b), & primus numerorum arenarius, & Grammaticus, & Rhetor, & Sphiſta, & Medicus, & Poeta*: quod quidem non Tertulliani ævo [ ut Lamius aſſerit ] obtinere coepit, ſed multo ante, ſtante adhuc Republica, in more poſitum manifeſtè docet Orbilii noſtri Statua; cui tamen Pallium geſtaſſe ita Grammatices profeſſio dedit, ut non inter Litteratores illos, quorum turbam Tertullianus enumerat, ſed in illorum cenſu, qui majorum gentium Grammatici eſſent [ de quibus ſuperius diſſerui ] fuiſſe Orbilium, dici debet; Id, quod tum alia plura, tum etiam *Scrinia*, quæ ad ejus Statuam apoſita fuerunt, omnino demonſtrant.

Ad hæc igitur *Scrinia* gradum faciam: quorum uſum, ſignificationem, cur demum ad Grammatici ſtatuam, propria veluti ejus profeſſionis nota, ſeu inſigne, apponerentur, paucis explicafſe jam libet. In Auguſta Domo *Scrinia* ( quamquam nullus adhuc in antiquis lapidibus libertus a *Scriniis* occurrat, ſicut a *Secretis*, a *Studiis*, a *Bibliotheca*, quæ munera *Scriniis* affinia ſunt, niſi forte & illud complecterentur ) fuiſſe ſatis conſtat; In iſtis, declinante maxime Imperii ævo ſingulorum negotiorum ad Principes pertinentium, modo in quatuor, modo uſque in decem Claſſes diſcretorum, acta, & monumenta ſervabantur, unde *Scriniarii*, & *Scrini* Magiſtri paſſim occurrunt in Codice Theodoſiano, idque munus habuiſſe Ulpianum ſub Imperatore Alexandro, teſtis eſt Lampridius: Ad alios quoque uſus *Scrinia* adhibebantur, cujus rei illuſtre exemplum, quod propius rem noſtram attingit, attuliſſe prætat ex Plinio; (c) nam *Alexander Magnus inter ſpolia Darii Perſarum Regis unguentorum ſcrinio capto, quod erat*

aturo,

[a] De Erudit. Apoſtol. cap. 19. ubi de re veſtiaria hominis Chriſtiani primitivi peculiarem Diſſertationem inſtituit.

[b] Ita in editione Veneta Opp. Tertull. 1744. : Jo. Lamius, qui hunc locum producit l. l. pag. 75. habet *adornator*: ſed *edornator* legiſſe videtur Salmaſius, qui hæc notat: *Edornatorem vocis de phonaſco accipiunt, non reſte, nec enim phonaſco pueros olim dediſſe operam crediderim inter prima illa rudimenta literarum, niſi ſi*

qui Cantores tragici vellent eſſe, aut Comoedi: At nihil verius, quam *edornator*, ut ſcripi; nam quum prius informatorem literarum memorat Tertullianus, id eſt, illum, qui ſingularum dumtaxat literarum formas, & enunciationes doceret, *edornatorem vocis poſtea ſubdit*, id eſt, qui ex literis iſtis pueros tandem vocem *edornare*, id eſt integræ, ac perfectæ vocabula ex ſcripto proferre doceret.

[c] H. N. lib. 7. c. 29.



aurum, gemmisque, ac margaritis pretiosum, varios ejus usus amicis demonstrantibus, immo mehercule, inquit, librorum Homeri custodia detur: Tanti habebat Homerum Macedo jure sanè meritoque: magni etiam [sunt enim proprii ingenii foetus summo labore, atque industria parti] sua scripta litterati homines putarunt semper; ut propterea illa in suis quoque scriniis, verè pretiosissimam omnium suppellectilem, quæ haud facile Plagiariis pateret, servare pro more haberent: unde Horatius (a) . . . . & prius orto

*Sole vigil calanum, chartas, & serinia posco.*

& alibi (b)

*Fam satis est, ne me Crispini Scrinia Lippi*

*Compilasse putes . . . . .*

Plinius quoque secundus (c), *Vere* [inquit] & emendata in scriniis tuis esse credebam: ex quibus jam demum intelligi potest, cur ad Orbilii statuam Serinia fuissent apposita; ac bina quidem, ut ejus Ingenii, Scriptorumque ab se elucubrationum copia demonstraretur: sed me pretium rei facturum quisque existimaverit, si (quod ad Patriæ decus omnino accedit) alia plura, quæ de Orbilio habeo, exequi pergam.

Is itaque ex Orbilia Familia Beneventi natus est, ex morte parentum, una atque eadem die inimicorum dolo interemptorum *Pupilli* (ut ego opinor) cognomen adeptus: Primo apparituram Magistratibus fecit, deinde in Macedonia Corniculo, mox Equo meruit, functusque militiâ, studia repetiit, quæ jam inde a puero non leviter attigerat; ac professus diù in Patria, quinquagesimo demum anno Romam, Consule Cicerone, transiit, docuitque majore fama, quam emolumento: namque jam persenex pauperem se, & habitare sub tegulis fatebatur: plurima elucubravit scripta, itaut ingenio suo satis dives, alienas messes non modo non surripuerit, sed magnanimitate summa suis Dominis vindicaret; etenim quum Pompilius Andronicus illustri olim Grammaticus, ut suæ inopiæ, egestatique consuleret, opusculum *Analium Elenchorum* sedecim millibus nummum cuidam vendidisset, eos libros Orbilium suppressos redemisse, vulgandosque sui auctoris nomine curasse, refert Svetonius (d): Librorum, quos ipse scripsit Orbilius, etiam tituli periire, unius tantum superstitie memoria, cui fuit titulus, *Perialogos*, in quo, eodem Svetonio teste, continebantur querelæ de injuriis, quas Professores negligenter ab ambitione Potentum acciperent; fuit autem naturæ acerbæ non modo in antisophistas, quos omni sermone laceravit, sed etiam in discipulos, quod hoc versu Domitius Marfus notavit.

*Si quos Orbilius ferula, scuticaque cecidit.*

unde & *Plagosi* epitheton obtinuit ab Horatio, qui alioqui Præceptoris sui Orbilii, fabulas Livii Andronici in ludo dictantis cum laude meminit his versibus. Ep. l.2.

*Non ego idem insector, delendaque carmina Livii*

*Esse reor, memini, quæ plagosum mihi parvo*

*Orbiliū dictare, sed emendata videri . . . . .*

Sed ne Principum quidem virorum insectatione abstinuit; siquidem ignotus adhuc quum judicio frequenti testimonium diceret, interrogatus a Varrone diversæ partis advocato, quidnam ageret, & quo artificio uteretur, Gibberosos se de sole in umbram transferre respondit, quod Muræna gibber erat: vixit prope ad centesimum ætatis annum amissâ jam pridem memoriâ, ut versus Bibaculi docet.

*Orbilus ubinam est, Litterarum oblivio.*

At superstes ejus nomen, & sapientia nihil mortale passa in præclarissimis ejus discipulis mansit, nam præter Latinæ Lyræ Principem Horatium, nedum Orbilius filium reliquit, & ipsum Grammaticum professorem, sed etiam Scribonium Aphrodisium, quem ipsius Orbilii servum, atque discipulum, mox a Scribonia Libonis filia, quæ prior Augusti uxor fuerat, redemptum, & manumissum, publicè Grammaticam docuisse idem Svetonius memoriæ prodidit (e).

Post Grammaticos ad Rhetores, Oratoresque esse gradus deberet, sed quum Medicos interjiciendos decreverim, haud jure quis mihi succenseat, inter liberales artes Medicinam a me referri, quam servi olim, libertinæque tantum conditionis homines exercere solent: Ex Marmoribus Felsineis, quibus Bononienses Antiquitates illustrat Cl. Malvasia, non aliud, quum de re literaria sermonem instituit Sect.v., illi suppetit, quod in medium proferat, quàm unicum marmor, in quo Medicum, nec quidem universæ ejus artis peritiâ pollentem, sed

*ocula-*

[a] Epist. lib. 2. ep. 1. [b] Serm. l. 1. sat. 1.

[c] Epist. l. x. ep. 71.

[d] De Illustr. Gramm. cap. vii. x.

[e] Cap. xix.

# 208 ANTIQ. BENEVENTANARUM

ocularium dumtaxat nobis offert. An igitur Benevento alii inviderebunt, quod in amplum, quo satis contenta esse posset, suorum veterum Litteratorum Civium censum, Medicos quoque referat? Cæterum non is omnino ego sum, qui cum Sponio (a) Medicinæ plus æquo tributum velim; egit ille pro viribus Medicinæ causam, utque ab ea servitutis, ac libertinitatis notam, aut omnino arceret, aut rariorem efficeret, e pluribus, quos retulit, lapidibus Medicos memorantibus eandem notam mala fide ademittit, ut Viri docti notarunt (b): Qui de Medicis extant Beneventani lapides diligenter descripti ingenuam, ut videtur, eorum conditionem demonstrantes hi sunt:

L. STAIO L. F.  
STEL. SCRATEIO  
MANILIANO PRIMO  
CER. I. D. QQ.  
FILIO EQ. ROMANI  
ARCHIATRI BENEV.  
HIC PRIMVS OB HONO  
REM CERIAL. TESSERIS  
SPARSIS IN QVIBVS AVRVM  
ARGENTVM AES VESTEM  
CAETERAQ. POPVL  
DIVISIT  
L. STAIVS RVT. MANILIVS

M. CASINEIO  
PAETO  
MEDICO CASI  
NEIA ARTEMISIA  
CONIVX CVM QVO  
VIXIT ANN. XXV  
ET MENSEM I.

A. CLODIO. A. F. MEDICO  
DEMETRIVS. LIB. SIBEI. ET  
CLODIAI. A. L. ALEXAND. ET  
CLODIAI. A. L. GLYCERAI  
H. M. H. N. S.

At non hisce nostris lapidibus continuò pro Medicina, liberali nempe arte, quam ingenui exercuerint, sententia ferenda erit: Diuturno tempore inter eruditos de hac re certatum est, ac veterum exemplo, qui non omnino de Medicinæ laude, atque utilitate conveniebant, ut ex Plinio discimus lib. 29. cap. 1., jam recentiorum studia in alterutram partem ita efferbuere, ut non alia fortasse antiquitatis res majori æstu virorum doctorum ingenia exercuisse videatur (c).

Neutri parti calculum meum addam, sed ita rem commode transigi posse putaverim, ut nempe non tam diversa ejus Artis conditio, quam varia temporum ratio spectari debeat. Ad primum quod attinet, plura semper fuisse Medicæ artis ministeria planè constat, quæ si inter se comparentur, quamquam ad unam ipsam artem pertineant, alia tamen planè honesta, ac ingenuo homine digna, cui etiam ornamentum afferant, alia vero foeda, ac servilia cenferi debent: Hinc jamdiu obtinuit, ut Ars ipsa in tres partes divisa fuerit, *ἡγειναι* scilicet, *Φαρμακδοτεῖν*, & *χειρουργεῖν*, aliis aliam tantum partem profitentibus, ut ex Celsi præfatione in lib. 1. & VII. De re medica apparet: qui Pharmaceuticen igitur, magis vero qui Chirurgiam exer-

[a] Miscell. erud. antiq. sect. IV. pag. 144.

[b] Id. Maius pag. 221. Fabrettus Inscr. Antiq. cap. 4. pag. 300.

[c] Prior, ut videtur, Franciscus Robortellus in Medicinam stilum acuens, servilem omnino artem probare conatus, Ferretum, Reinesium, aliosque plures suæ sententiæ sectatores habuit. Ante paucos annos asperiori, quam unquam, stilo Medicinam insectatus fuit Congerius Middleton edita Dissertatione, De Medicorum apud Veteres Romanos conditione, de qua plura in Aëtis erud. an. 1726. p. 266. & an. 1727. p. 127. cò res devenit, ut quicumque Medicus ex antiquis monumentis prodiret, illico proclamaretur *Servus*, itaut Medicinæ ars nullo pacto ex servilis conditionis hominibus esset divellenda: Præstabit audire verba Cavei in vitis Apostolorum pag. 632. Sunt (inquit) qui ex studio Medico colligunt *Lucam præclaro loco ortum esse, sed boni illi viri ignorant, Servos nobilissimam artem vulgò illo tempore didicisse, atque exercuisse: Quamvis igitur Lucas, si ejusdem originem spectes, Syrus fueris, veri-*

*simillimum tamen est Grotio (in not. ad Luc. 1.), Lucam Romæ in sua servitute aliquandiu Medicinam exercuisse, donec manumissus, in patriæ redditus per omnem vitam arti illi præclaræ, in prædicando simul Evangelio vacaret: Vides, quò præjudicatæ opiniones aliquando ferant, ut etiam viri perspicaces transversum agantur. At Cavei, atque Grotii hallucinationes jam reprehendit Petrus Zornius Opusc. Sac. tom. 1. cap. 16., qui post Jac. Sponium Miscell. erud. antiq. pag. 144. Cellarium Dissert. de antiq. Medic. cap. 6. §. 2. Isaac Casaubonum in notis ad Suetonium, Drelincourtium in Apologia Medica, Petrum in Legibus Atticis pag. 300. Zimmermannum in Florilegio pag. 512. rectissime negat Medicinam artem servilem fuisse, idque multis argumentis probat: In utramque partem plurima differuerunt Fontanus Antiq. Hort. l. 1. c. 9. §. 2. Menagius Amoenit. Jur. Civ. cap. 35. Ever. Otto De Edil. Colon. & Munic. c. 6. §. 7. Heinecc. Antiq. Rom. l. 1. tit. 25. §. 19. Albert. Dietericus Treckell. in not. ad Briss. Antiq. Rom. l. 2. c. 3.*



exercerent, quid nī, si vilis, ac passim servilis conditionis olim homines omni ævo fuerint, quos neque hodie, quamquam eo munere, aut alia re excellant, nonnisi necessitate observamus: De Archagato, qui primus Medicorum A. V. 535. Peloponneso Romam venit, hæc subdit Plin. l. l. *Ulnarium eum tradunt fuisse vocatum, mirèque gratum adventum ejus initio; mox a sevitia secandi, urendique, transisse nomen in Carnificem, & in tedium artem, omnesque Medicos: Ex quibus discis sublimioris partis decus omne amitti ab eo, qui cum illa simul Chirurgicam profleret; servatum vero, si diuturni contentus ab inferioribus abstineret.*

At præter diversas Medicinæ partes, spectanda quoque erit, ut dixi, temporum ratio; a qua, si incerta spatia, ac plane fabulosa, ut par est, secludamus, illius nempe originem, quam ab Diis, Apolline nempe, ejusque filio Æsculapio Ethnici repetebant, ut docet Macrob. (a), si Heroica etiam tempora amputemus, in quibus ab Heroibus ipsis Medicinam excultam affirmat Servius (b), totamque rem ad certam ætatem, Urbemque jam conditam deducamus, jam plura excurrissè dabitur Romanorum sæcula, in quibus nullus Medicinæ honos, imo neque nomen, neque usus: *Sexcentis fere annis (ita ex Catone Plinius c) Populus Romanus solus brassicam pro Medicina adhibuit, nondum enim in Urbem commeaverant Medici, qui in artem redegerunt, quemadmodum magno sanitas constet, & peregrina rerum pigmenta attulerunt, ut illis imponerent pretia quæ vellens; Ceterum militares viri gloriosas cicatrices gratuito olere curabant, eodem horto usi ad salutem, dum illos pascis, & sanat: At quæ Archagati adventu gratanter excepta fuit, jure Quiritium, ac Taberna de publico ipsi Archagato concessis, mox Romanis ita viluit Medicina, ut beneficii poeniteret, artemque ejusque professores vix tolerandos putaret: Nec tamen omnino veram, aut saltem solam ejus rei causam fuisse putaverim, quàm a sevitia secandi, urendique Plinius affert; nam quæ non nocendi studio, sed potius sanitatis querendæ causa adhibebatur, vix sevitia dici, nullo vero modo videri poterat: causam ego verosimilius dixerim, vel quod Romani vilissima, ac fæda quælibet, quæ ad Chirurgiam pertinent, ejus artis munera abhorrerent, vel quod de Medicina, cui nunquam antea assueti, haud probè judicantes, nihil, nisi quod oculis spectarent, in ea contineri arbitrantur: Ita ad ea usque tempora ejus Populi ingenium erat comparatum, ut non Medicinam solum, sed cæteras etiam liberales artes tanquam Reip. parum utiles, negligendas putaret: quid autem Medicinæ, cæterisque liberalibus disciplinis præstarent Romani, qui nec rectè loqui necessarium duxerint (d). Sed & illud postremò ad augendam Medicinæ invidiam accedebat, quod peregrini soli, iique fere omnes servi ad eam ætatem Medicinam factitarent, ut vel ex ipsa Professorum conditione sordidior ea ars apud Romanos evaderet.*

Atque hæc quidem stante Republica; Quum vero unius nutu rerum summa regi cœpisset, honestius de Medicina apud Principes viros, mox eorum exemplo apud reliquos judicari cœpit; itaut mutata regiminis forma, novam demum, qua hæctenus caruit, faciem induit Medicina, aut potius pristino nitore restitutam exuivisse visa est: Causas levi animadversione promptas habebimus: Satis enim experientia compertum fuit, eximia in Remp. emolumenta ex ea arte manare, quæ ad tuendam, restituendamve hominum sanitatem, Deorum munere instituta, vim suam non omninò incertam, ac fallacem probasset: Præterea id quoque manifestum esse cœpit, non solâ Chirurgiâ, aut Empiricâ universam Medicinæ artem contineri, sed multa ipsam ex ratione, multa ex Philosophicis scientiis, ad Physicam præsertim pertinentibus, non ut ascititia, sed sibi omnino propria vindicare, quæ excellentiorem ejus partem constituerent. Hinc (ut agebat Celsus) nonnulli clari viri Medicinam exercuerunt, primòque mendi scientia sapientia pars habebatur, ut & morborum curatio, & rerum naturæ contemplatio sub iisdem auctoribus nata sit. Ex hisce igitur causis suis a Principatus initio, Medicinæ restitutus honos; qui simul ac haberi cœpit, perpetuò deinceps servatus, ut ex indubiis sequentium temporum monumentis manifestè patet. Nam, præterquamquod Amicorum titulo Medici apud Principes fruebantur, ut ex Plutarcho, Tacito, Seneca, aliisque satis notum, eosdemque *Σαῦρας* aliquando appellatos, eodem quidem titulo, quo Dii, ac plerique Reges appellari solerent, observat Spanhemius (e), jam primùm constat eos a Cæsare Civitate donatos (f), ac mox universo ipsorum ordini immunitatem ab Augusto datam (g); propterea quod is Antonii Mulsæ

D d

liberti,

[a] Saturnal. l. i. c. 17.

[b] Æneid. xii. v. 397.

[c] l. xvix. l.

[d] Ita Svetonius de Illust. Gramm.: *Grammatica olim Romæ ne in usu quidem, nedum in honore ullo erat,**rudi scilicet, & bellicosa etiam tum Civitate, nondum magnopere liberalibus disciplinis vacante.*

[e] De Præstant. Numismis. Dissert. v.

[f] Sveton. in Jul. cap. 42.

[g] Id. in Octav. cap. 59

liberti, atque medici operâ ex periculoso morbo convaluerit, tributo etiam ipsi Musæ præter magnam auri vim, aureorum annulorum jure: Certè Alexander Imp. Medicis annonas addidit, teste Lampridio cap. 42. Plura adhuc pro medicis constituit Imp. Constantinus, ejusque, ac priorum Principum constitutiones, quibus Medici a publicis oneribus immunes, honorum vero quorumcunque capaces habiti fuere, confirmarunt Imp. Honor. & Theodos. pluribus datis legibus, quæ adhuc extant in Cod. Theod. lib. 17. tit. De Medicis, & Professoribus.

Hinc illud sponte sua quodammodo effluxit, ut de Medicina, quam olim Servi, plerumque Chirurgiæ operam dantes, servili nota maculaverant, mox vero ingenui, atque ex ingenuis honestissimi quique, (ut ex nostris lapidibus etiam apparet) passim, ac publicè profiteri cœperant, non aliter, quam de liberali arte judicium ferretur. Locuples hujus rei testis Ulpianus (a) cujus verba afferre libet: *Preses Provinciae* (inquit) *de mercedibus jus dicere solet, sed Præceptoribus tantum studiorum Liberalium: Liberalia autem studia accipimus, quæ Græci ἐλευθέρια appellant: Rhetores continebantur, Grammatici, Geometra: Medicorum quoque eadem causa est, quæ Professorum, nisi quod justior, quum hi salutis hominum, illi studiorum curam agant: Inter liberales egregiam artem Medicinam passim deinde commendarunt Imperatores latis constitutionibus, quæ in dicto titulo Cod. Theod. habentur collectæ, ex quibus unam hæc afferam in lege XIV. relata, quam ejus Codicis auctor ex longiori Juliani Imperatoris Epistola desumpsit; quæ quidem Epistola quum adhuc extet, præstabit ejus integrum caput, quod ad rem maximè facit, ex Brissonii versione (b) hæc describere: *Artem Medicam hominibus salutarem esse usus ipse demonstrat; quare eam e celo delapsam non immerito Philosophi prædicant: Etenim natura nostra infirmitas, & valetudinis offensiones, quæ quotidie incidunt, per hanc corriguntur. Quamobrem sicut equitatis ratio postulat, nos superiorum Imperatorum auctoritatem, & vocem secuti, pro nostra humanitate jubemus, vos Senatoris muneribus liberos in posterum vivere: Hinc, ut dixi, non ingenui modo, verum etiam præclari in Rep. loci homines Medicinæ operam dabant: In luculento elogio, quem Aufonio Patri Aufonius filius lucubravit, inter cæteras animi virtutes, ac ingenii facultates, quibus is insignis erat, etiam Medicinæ arte illustris commendatur:**

*Præditus & vitas hominum ratione medendi*

*Porrigere, & satis amplificare moras.*

Idemque Aufonius inter præclaros, qui re literaria excellere, sui ævi viros, Medicos quoque recenset,

*Valete manes inclytorum Rhetorum*

*Valete Doctores probi,*

*Historia si quos, vel Poeticus stylus,*

*Forumque fecit nobiles,*

*Medica vel artis, dogma vel Platicum*

*Dedit perenni gloria.*

at cum Romana sæcula haud prætergredi mihi propositum sit, hæc observasse sufficiat, ut, quale de Medicina judicium sine partium studio, ex bono & æquo ferri possit, jam demum post tot Clarissimorum Virorum concertationes statuatur; spectandæ enim sunt, ut initio monebam, Medicinæ partes, spectanda quoque temporum ratio, itaut si perpetuò Chirurgicam a Medicina, si stantis Reip. tempora in universæ Medicinæ usu exceperis, optimo jure pro Medicina inter liberales artes præcipuè recensenda, ex qua etiam in Remp. utilitas, in professores ornamentum, ac decus promanet, sententiam tuleris.

Plura fortasse, quam par erat, Medicinæ dedimus, adhuc tamen est aliquid, quod ad eandem rem uberius illustrandam, nobis suppeditat noster lapis, qui inter alios ad Medicos pertinentes superius allatum fuit num. 1.: Igitur L. Stajus inter cætera suorum honorum, quibus functus fuit, suæque liberalitatis præclara monumenta, hoc etiam eo lapide memoriæ proditum voluit, se nempe Equitis Romani Archiatri Beneventani filium fuisse: qui igitur fuerint Archiatri, quidque de eorum nomine, ac munere censendum sit, modo videamus. Archiatros (ut ab aliorum sententiis ordiar) eos esse putat Fabrettus (c), qui in universum ad omnes

[a] In l. 1. D. De extraord. cognit.

[b] Antiq. Rom. lib. 2. cap. 3.

[c] Inscript. antiq. cap. 4. pag. 301. Duos dumtaxat Archiatros exhibet Gruterus pag. 632. 4. & 5. Tertium

dat Reinesius Claf. 20. 207. quem Theodosii ævo vixisse arbitrat; Quartum nuper habuimus ex lapide Pisaurensi num. 64. ad quem eruditæ notas addit Oliverius pag. 152.



omnes morbos curandos idonei essent, talemque ritè appellandum censet Claudium Agathemerum Medicum, qui in Græco Epigrammate sepulchrali ita de se canit,

*Claudius Agathemerus Medicus hic jaceo*

*Omnigeni qui cognoveram præsentissimum remedium morbi.*

ex laudabili alioquin veterum more, quo singulis pene morbis singulares Medicos statutos ex lapidibus constat, conjiciebat primùm Fabrettus, eum qui omnium morborum curandorum arte calleret, nonnisi Archiatrum vocari debere, quod cæteros Medicos præstare videretur: Nullum (inquit) inter Medicos principatum, aut cæteris Medicis præstendendi auctoritatem hanc vocem indicare monent lexicographi, & optime animadvertit Gothofredus ad l. 4. Cod. Theodof. tit. de Medicis, & Profess. qui Archiatros vocatos vult eos tantum, qui in Principibus Urbibus Roma scilicet, & Constantinopoli Medicinam facitabant, vel operam dabant Principi; quod tamen ultimum ex nostris Inscriptionibus incertum redditur: Fabretti sententiam respuit V. C. Oliverius in marmor Pislaurense 64. ubi occurrit C. Tettius C. L. Archiater peritissimus, & Obsequis suis omnibus amantissimus; hocque inter Medicos, & Archiatros discrimen fuisse putat, ut illi propriè dicerentur, qui Medicinam suo periculo exercebant, qui hodie Medici ventriculi appellantur, hi vero, qui a Decurionibus electi salario publico honorabantur: Suam opinionem satis probari posse credit Vir doctus ex verbis leg. 9. & 10. Cod. De Archiatis, ubi non alio nomine eos vocari patet, qui ex Medicorum ordine a Decurionibus legebantur: Atque optime quidem se haberet Oliverius, nisi in his solis Medicis publicè conductis propriam Archiatrorum appellationem dumtaxat contineri decrevisset. Ut igitur res isthæc paullo accuratiùs demonstretur, nihil ego verius putaverim, quàm Archiatri vocabulo non professoris excellentiam indicari, sed certum illius munus dignitatemque omnino demonstrari. Idque primùm probari potest ex ipsis antiquis lapidibus; in iis enim dum Medici ocularii occurrunt, sæpius vero Medici sine ulla alia adjectione, nonnumquam etiam Archiatri, sequitur, fuisse aliquando inter hos omnes discrimen; itaut Medici genericè appellati, jam omnigeni morbi (ut superius agebat Agathemerus) curam suscipere valerent, alioquin particularis morbi, ut puta ocularii (ex Fabretti regula, lapidumque consuetudine) expressa mentio iis fuisset adjecta; quod si Medici nomen, ac professio ad morbos omnes referenda est, jam erit quod amplius in Archiatis agnosci debeat; id vero quum de sola universæ artis præstantia, quam cum Medicis communem habebant, ex recepto utriusque vocabuli discrimine intelligi rectè nequeat, ad certum proinde ipsorum munus, quo supra Medicos extollebantur, referri debet.

Lexicographorum, quos Fabrettus generatim laudat, neminem inveni, qui Archiatri vocabulo hanc significationem accommodet, ut Medici Synonymum sit; Certe Brissonius (a) non alios eo vocabulo significatos docet, quàm eos, quorum fides, & peritiæ Imperatorum salus tuenda committebatur, quique in eorum comitatu Medicinam facitabant. Ita passim in pluribus legibus Codicis Theodosiani (b): neque aliter Archiatrum intelligit Galenus ipse, quum memorat in lib. 1. de Antidot. cap. 1. 4. & de locis affect. cap. 1. & sera ætate eandem ei vocabulo significationem servatam præclare ostendit Cassiodorus Var. lib. 6. cap. 19. in formula comitis Archiatrorum ita illum præcipuè affatus: *Apræsenti tempore Comitiva Archiatrorum honore decorare, ut inter salutis Magistros solus habearis eximius: esto arbiter artis egregia, eorumque distigue conficiendus, quos judicare solus solebat affectus; In ipsis, ægros curas, si contentiones noxias prudenter abscindis: magnum munus est subditos habere prudentes, & inter illos honorabilem fieri, quos reverentur ceteri. Indulge te quoque Palatio nostro: [ex persona Theodorici Regis loquentem Cassiodorum nemo nescit] habeto fiduciam ingrediendi, quæ magnis solet pretiis comparari: fas est tibi Nos fatigare jejuniis, fas est contra nostrum sentire desiderium, & in locum beneficii distare, quod nos ad gaudia salutis exerceas: Talem tibi denique licentiam nostri esse cognoscis, qualem nos habere non probamus in cæteros: Hactenus Cassiodorus, ex quo plura, quæ rem mox conficient, descripsisse opus fuit.*

Nam, ut ad Gothofredum deveniam, cujus suffragium frustra sibi extorquet Fabrettus, Archiatros dumtaxat vult esse Gothofredus, vel qui in Principibus Urbibus Romæ, & Constantinopoli Medicinam facitabant, vel qui Principi operam dabant, & rectè quidem (c): dum

D d 2

eo vo-

[a] De verb. signific. verb. Archiater.

[b] In quo præter alios titulos adest quoque Rubrica de Comitibus, & Archiatis Sacri Palatii, quibus ob mendi curam a Comitatu Principis discedere non licebat

ostendit lex. 2. Cod. quibus non obicitur longi temporis præscriptio, quam adederunt Imp. Diocl. & Max. ad Aurelium Archiatrum.

[c] Quamquam enim Fabretto posterior res incert

eo vocabulo non eos solum, qui Principis salutem ad id munus delecti curarent, demonstrat Gothofredus, verum etiam eos accipiendos rectè monet, qui in aliis Urbibus, quæ *μετρόπολεις* essent ad id statuti essent, ut collegio Medicorum (uti etiamnum mos obtinet) præessent. Id quod ex Calliodori formula rectè pater, & satis colligitur ex Photio, qui cum Galeni Medici, Oribasii Medici, Aetii Medici opera recenset, inter hos, aliosque Medicos Theonis Archiatri Alexandrini (a) librum, qui *Homo* inscribatur, commemorat; ut inde certum omnino sit, alios ab ipsis Medicis fuisse omnino Archiatros, qui licet ex Medicorum ordine essent, eandemque artem profiterentur, ex eo tamen quod Principi operam darent, vel in Principibus Urbibus universo Medicorum ordini præessent, tum demum, peculiari Dignitatis nomine, Archiatri vocabantur: Principes autem Urbes non Romam tantum, aut Constantinopolim cum Gothofredo accipere debemus, sed eas quoque, quæ in singulis Provinciis *μετρόπολεις* jure potiebantur. In iis enim Archiatros constitui solitos jam modo ex Photio audivimus, qui Theonis Archiatri Alexandrini meminit: Archiatrum Beneventi fuisse, Samnii utique Principis Urbe, eumque Equestri quoque dignitate illustrem, ex nostro lapide manifestum est.

Plura, quam fortasse par erat, Medicis dedimus, sed non omnino injucunda, neque supervacaneo opere disputata: Ut igitur Beneventanorum Litteratorum censum repetamus, licebit jam Advocatos Fisci in eorum numerum suo jure referre: Certè talem Fisci Advocatum requirebat Constantinus Imperator, ut non integris tantum ille moribus, sed etiam cæteros *Litteratura* præcelleret: & si potior (inquit (b)) apud nos privatorum causa est, quam Fisci tutela, præcipimus tamen, si a nobis plures defensoracula Fisci meruerint, eum præponi cæteris, qui melior, innocentia potior, literis pollentior reliquis, examinata fide esse noscitur: & quidem præter absolutam juris scientiam, quæ summæ literaturæ loco haberi debet, ejusmodi munera (ut rectè impleri queant) aliarum scientiarum, seu doctrinarum subsidio indigere videntur: Tales autem eos fuisse omnino credendum est, qui ea de causa etiam publicis Elogiis ad posterorum memoriam in lapidibus consignatis, decorari meruerunt. De ipso igitur Advocati Fisci munere extar noster lapis, quem Vefedii Rufini Beneventani Civis memoriam summa cum laude commendantem jam superius pag. 168. allatum, heic repetere non abs re erit.

## VESEDIO RVFINO

V. P. ADVOCATO FISCII  
SVMMAE REI IUDICIO  
SACRO PROMOTO PATRO  
NO SPLEND. CIVITATIS  
BENEVENTI ET PVTE  
OLANORVM PATRO  
NO STVDIORVM IIII  
MARTENSIVM VERZO  
BIANVM ET MARTEN  
SIVM PALLADIANVM  
ET . . . . .  
. . . . .

Hunc Vefedius Rufinus Beneventanum Civem fuisse ex Vefedia familia inter Civitatis primores, optime docet alter lapis in Platea publica.

NEBVLI

ta videatur ex quibusdam, quos affert, lapidibus, in quibus Cæsarum Medici, nunquam Archiatri memorantur, animadvertendum tamen sibi erat, eos lapides non ultra L. Aruntium Imp. Domitianum Medicum ætatem ferre, tum quum Archiatri vocabulum nondum in Latium re-

ceptum erat: quod quarti sæculi initio, ac tum maxime, quum Constantinopolim Imperialis Aula translata demum fuit, invaluisse jam constat.

[a] In Biblioth. Cod. ccxx.

[b] Leg. 2. Cod. Theod. De Advocato Fisci.



## NEBVLI

C. VESEDIORVFINO PERF.  
ET PRAESTANTISSIMO VIRO  
FILIO VESEDIIVSTI INLVSTRIS  
ET PRINCIPALIS VIRI BENE  
VENTANAE CIVITATIS . . . .

PR.

D. . . . . O PATRONO  
STVDIVM PALLADIANVM

Notanda autem in antecedenti lapide primò sunt verba illa tertiæ, quartæque lineæ, ubi Vefedius Rufinus dicitur *Summa Rei* (a) *iudicio sacro* (b) *promotus*, idest Principis mandato, aut, ut tunc aiebant, *codicillis*, id munus assequutus, quod Fisci Advocacione (quippe quæ prior in lapide tanquam ad alterum gradus memoratur) præstantius fuisse videtur: Sed quod Fisci Advocatum, de quo nunc agimus, attinet, licet orto Principatu præter publicum *Ærarium*, quod ad Senatum, Populumque Romanum, ut antea, pertinebat, Fiscus quoque esse coepisset, quo nomine quicquid solius Principalis juris erat, ejusque publicæ dignitatis proprium continebatur, serò tamen ejus Advocati munus in Aula receptum fuit; Primus enim Imperator Hadrianus Fisci Advocatum instituit, ut Spartianus testatur: Ejus munus erat omnino a *Delatoribus* diversum, ut ostendit Paulus I. C. (c): non enim *deserebat*, quod munus summæ invidiæ obnoxium erat, sed quum de jure Fisci quæri oporteret, ut ad bona vacantia, vel caduca vocaretur, illius causas Advocatus agebat, ut loquitur idem Paulus in *leg. 10. D. De Possulando*. Pulcherrimum exemplum iudicii in cognitione Principis facti nobis exhibet I. C. Marcellus (d), quod heic describere lubet: *Sententia Imperatoris Antonini Augusti, Pudente, & Politione Consulibus: Cum Valerius Nepos mutata voluntate, & inciderit testamentum suum, & heredum nomina induxerit, hereditas ejus secundum Divi Patris mei constitutionem ad eos, qui scripti fuerint, pertinere non videtur, & Advocatis Fisci dixit: Vos habetis Iudices vestros: Viroius Zeno dixit: Rogo Domine Imperator, audias me patienter, de Legatis quid statues? Antoninus Cesar dixit: Videtur tibi, veluisse testamentum valere, qui nomina heredum induxit? Cornelius Priscianus, Advocatus Leonis dixit: nomina heredum tantum induxit: Calphurnius Longinus Advocatus Fisci dixit: non potest ullum testamentum valere, quod heredem non habet: Priscianus dixit: manifesti quosdam, & legata dedit; Antoninus Cesar remotis omnibus quum deliberasset, & admitti rursus eosdem jussisset, dixit: Causa præfens admittere videtur humaniorem interpretationem, ut ea dumtaxat existimemus, Nepotem irritare voluisse, quæ induxit: In quo sane iudicio in Cognitione [ut ait Marcellus] Principis facto præter*

[a] De officio *Summæ Rei* mentionem facit Constantius imp. in l. 2. Cod. Theodof. De Distrat. Pignor., ubi idem esse, ac Rationalem summæ Rei probare nittur Gothofredus: idest qui Res Augusti, seu ipsius Fiscum procurabat, de quo est lapis apud Grut. pag. 282. num. 6. quem Constantino dedicavit *Val. Honoratus V. P. RAT. S. R. D. N. M. Q. EIVS* quæ rectè Reinefius explicat. *Vir Perfectissimus Rationalis Summæ Rei Devotus Nymini, Majestatiq; Elias*: de hoc lapide, ac munere agit etiam Cujac. *obferv. l. 8. c. 32 & Gutber. de Off. Dom. Aug. l. 3. c. 18.* Dicitur autem Rationalis *Summæ Rei*, ut alius sit a Procuratore *Reum Privatarum*, qui privatum Principis patrimonium administrabat.

[b] Iudicium Sacrum, pro solius Principis decreto,

aut constitutione intelligendum est, itaque, cum Vefedius noster *Summæ Rei iudicio sacro promotus* dicatur, rectè accepimus eundem ab ipso Principe ad id muneris fuisse delectum: notissimum namque illud est, ut quicquid ad Principes quoque modo pertineret, *Sacri* epitheto fuerit appellatum, sic *sacræ constitutiones*, *sacri assatus*, *sacræ scrinia*, *sacræ largitiones*, *sacræ domus*, & sexcenta ejusmodi sequiori ævo usurpata in juris libris passim occurrunt. Quid quod ad Principis *stabula* epitheton descendit, quæ *Sacræ* etiam dicebantur: Juris locos habebis apud *Erison. de Verb. signif.*

[c] Lib. 1. De Jur. Fisci relatus in l. 5. §. 13. D. De His, quæ ut indignis &c.

[d] In l. 3. D. De his, quæ in testamento delentur.

præter disceptationem, inter Fiscī, adversæque partis Advocatos de ea re, breviter, dilucidèque (quod nostra ætate optandum esset) expositis juribus habitam, aliasque plures antiquorum Judiciorum formulas, illud notatu dignum discimus, auditis partium juribus, omnes a Tribunalis loco abscedere jussos, revocatos tandem, ut audirent sententiam, quam Princeps, vel solus, vel cum suis comitibus deliberaverat.

At quum in præfato priori lapide Vefedius Rufinus V. P. dicatur, vix dubitari potest, quin sigla illa *Virum Perfectissimum* designent, suffragante etiam posteriore lapide, ubi extensè *Viri Perfectissimi* titulo idem Rufinus honoratur: Et sane congruens videri potest Rufino ob ejus munera *Perfectissimus* dignitas, quæ ab Imperatore Constantino primum inventa, (si fides Eusebio (a)) haud summa munera, sed Magistros scriniorum, Tribunos Notariorum, Advocatos Fiscī, vix autem Præsides, Proconsulesque attigisse constat: Frustra igitur siglis illis, *Viri Prudentissimi* interpretationem accomodari posse fortasse quispiam opinabatur; Etenim ipsorum Jurisconsultorum is dumtaxat est titulus, quos *Viros Prudentes*, *Viros Prudentissimos* haud unquam communi aliis titulo passim appellatos scimus ex libris juris; quamvis autem ex Jurisconsultorum ordine Advocatos Fiscī sumi solitos observasset Gravina (b), quos etiam (nulla tamen Auctore laudato) insigniori vestitu a cæteris fuisse distinctos asserit, adhuc tamen arbitraria ejusmodi interpretatio admitti nequit, proptereaquod vel teste Fabretto (c) *Viri Prudentis*, sive *Prudentissimi* titulus antiquis lapidibus est omnino insuetus. Sed ne plura de hoc titulo; quandoquidem si ex Jurisconsultorum ordine Advocati Fiscī deligebantur, jam de Jurisconsultis agendum erit, totaque res ad celeberrimum ipsius Jurisprudentiæ Antilitem, ac Jurisconsultorum omnium Principem Papinianum deducetur.

Ex recentioribus Scriptoribus non indigenis tantum, sed etiam exoticis, neque hujus dumtaxat, sed anteaetæ ætatis plerique sunt, qui Papinianum Beneventi natum affirmant, quorum quum auctoritas non tanti sit, ut rem certam statuere possit, nomina libenter prætereo: Eos ita credendi, affirmandique rationem, non aliunde accepisse manifestum est, quam ex ipsius Papiniani verbis relatis in *L. heredes mei D. ad Trebellianum*: Silent enim de Papiniani Patria aliorum veterum monumenta; De ejus cum Severo Imperatore affinitate per secundam uxorem varias etiam incertasque suo ævo opiniones extitisse testatur Spartianus, ut proinde non satis probabilis conjectura sit, si, dum Julia ipsius Severi posterior uxor ex Syria originem duxit, Syrum quoque origine Papinianum putare libeat; At quod Beneventum attinet, scriptoresque eos supra memoratos, qui Beneventum Papiniani Patriam certo asserunt, quamquam verba ipsius Papiniani clarissima esse videantur, animadvertendum tamen omnino nobis erit, an ibi Papinianus de se ipso loquutus videatur: Atque utinam postquam rem ipsam paulo diligentius fuerim exequutus, dubitationi saltem locus relinquatur: quid enim? quum nulla sit civitas, quæ Papinianum sibi civem vindicet, melior certè omnibus videri posset Beneventanæ Civitatis conditio Papinianum possidentis: Veniam autem dabit mihi Patria, dum potius veritati inquirendæ studere, quam ejus possessioni haud iusto titulo fortasse comparatæ blandiri videar.

Fateor itaque non illud novum esse, ut veteres Jurisconsulti, quum aliquid de jure quærent, aut responderent, de sua Patria obiter mentionem injecisse: Exemplum habetur ex Ulpiano ipsius Papiniani æquali, cujus hæc sunt verba in leg. 1. *D. De Censibus*: *Sciendum est esse quasdam Colonias Juris Italici, ut est in Syria Phoenice splendidissima Tyrionum Colonia, unde mihi origo est: Quid vero Papinianus noster? Heredes mei (inquit) quicquid ad eos ex hereditate, bonisve meis pervenerit, id omne post mortem suam restituant Patria mea Colonia Beneventanorum: Nihil de fructibus pendente condicione perceptis petitem videri constituit*: Hæc Papiniani verba ex lib. 8. ejus responsorum desumfit Tribonianus Digestorum Collector, ut ostendit plane titulus ejusdem *L. heredes mei D. ad Trebellianum*.

Præter quamplures alios juris libros a Papiniano elucubratos duo maxime eminent, ex quibus Corpus Juris Civilis, quod modo obtinemus, magna ex parte conflatum est; Alter liber est diversarum Quæstionum, in alios libros xvi r. distinctus, alter vero Responsum, qui xix. aliis libris continetur; ad rem præsentem pertinet, quid inter Responsa, Quæstionesque intersit, omnino novisse; quod ex doctissimo Cujacio (d) libenter præstabo: Diversam igitur in Quæ-

[a] In vit. Const. l. 4. c. 1. cui adspiculator titulus Cod. Theod. De Perfectissimatus Dignitate, qui unicam ejusdem Imp. legem exhibet.

[b] De orig. jur. lib. 1. cap. 128.

[c] Inscript. Antiq. cap. 4. pag. 334.

[d] In Proemiis ad Lib. 1. Quæstionum Papiniani, atque ejusdem Responsum.



in Quæstionibus, ac Responsis rationem observavit Papinianus; siquidem in Quæstionibus tractat, seu disputat, in Responsis vero non disputat, sed præcidit de jure quid sentiat, hoc est, respondet, vel rescribit absens; Respondet præsentem, Rescribit absentem, quam differentiam servat Seneca epist. 9. dum ait: *Si quando interveniunt Epistolæ tuæ, tecum mihi esse videor, & sic afficior animo, non tanquam rescribas, sed respondeas*: Quæstiones itaque, ut clarius res explicetur, sunt uberes quidem diffusivæ tractatus juris: Responsa sunt tanquam oracula admodum brevia: In Quæstionibus Papinianus Doctoris, in Responsis Jurisconsulti munere fungitur: Responsa redduntur consultoribus; Quæstiones proponuntur auctoris arbitratu: Denique in Quæstionibus electio est juris auctoris, in responsis electio est ejus, qui rogat, aut consultit juris auctores.

Quid igitur? Papinianus in eo responso, quod habemus in dicta *l. heredes mei*, nonnisi verba alieni testatoris, qui Beneventanorum Coloniam Patriam suam post hæredum primo loco institutorum mortem in bonorum suorum successiōnem vocaverat, referre voluisse videri potest; qui mos tum ipsi Papiniano, tum aliis omnibus Jurisconsultis familiaris est, atque optima ratione servatus, ut propositis verbis, in quibus dubia videtur esse juris dispositio, quicquid subinde ab ipsis Jurisconsultis de jure respondentibus subjiceretur, non tam intelligeretur facilius, quàm rectius probaretur. An vero casus dictæ legis de facto eveniret, ut Papinianus ipse quid de jure sentiret, revera consultus fuerit, itaut Beneventanorum Coloniam non Papiniani Patriam, sed ejus, qui testamentum condidit fuisse censendum sit, an autem ejusdem legis casum implemet Papinianus arbitratu suo sibi decidendum proposuerit, itaut obiter Beneventanorum Coloniam, quod sibi Patria esset, mentionem injicere sibi placuerit, ex iis, quæ in antecessum observavimus, intelligi potest: quamquam & illud verisimile, ut quod de Responsorum ratione ex Cujacii observatum fuit, non ita strictim, ac veluti religiose Jurisconsulti servare tenerentur, ut in suis responsis nihil nisi de quo ab aliis rogati essent, contineri vellent: Certè ex juris libris exempla non desunt, ubi non raro ex responsis Prudentum id habetur, quod non ex aliena consultatione, sed proprio ipsius Jurisconsulti ingenio scriptum fuit; nec ratio deest, qua facile suademur Jurisconsultos ipsos, quum aliquid de jure respondissent, occasione ex particulari eo casu acceptâ, unde aliæ juris conclusiones emanare poterant, aliquid aliud subnotasse, & quorundam casuum ex proprio ingenio propositorum adjunctione materiam eandem uberius, ac luculentius illustrasse: Integrum autem cuique sit, hanc conjecturam probare; satis enim mihi fuit, quæ in utramque partem disputari possent, attulisse, ut quoquo possem modo Patriæ meæ Papinianum Civem jactantis haud omnino injustam possessionem ostenderem: Cæterum quum de hac re bona fide superius egerim, malim, ut quod æquum, verumque sit alieno potius [quod detrectaturus haud ero], quàm meo statuatur judicio.

Quum autem de Papiniani Patria hæc egisse instituta res postularit; jam, si mihi vacaret, liberetque, de Papiniano ipso, quicquid antiquis celebratur monumentis, hæc pro re nata subnectere haud supervacaneum videretur. At hanc mihi suscipere provinciam consilium haud fuit, quam longe antea obivere summi viri, qui fusè de Papiniano scripserunt (a): quos omnes, ac quosvis alios etiam non haberemus, unus tamen nobis sufficeret Spartianus, qui inter res gestas Severi, & Caracallæ, egregia quæque de Papiniano collegit; cujus præterea [quod omnium laudum loco erit] illud omnino proprium, atque singulare admirabimur semper, quod nullus hæc hominum est assequutus, in ejus observantiam collatis passim, splendidissimis honorum, ac virtutum titulis, omnium ætatum, atque omnium ordinum homines, si ab Augustis ipsis incipias, certatim profiluissè.

Hoc tamen unum mihi reliquum faciam, nimirum ut de duobus illis sepulchralibus Papiniani titulis judicium feram, quorum alterum in Urna argentea incisum, Romæ sua ætate repertum narrat Soccinus, alterum Romæ in marmore insculptum subinde in lucem erutum alii affirmant: Prioris hæc referuntur verba: *Æmilii Papiniani I. C. & Præfecti Prætorio requiescunt hic ossa, cui infelix Pater, & Mater sacrum fecerunt mortuo anno suæ ætatis trigésimo sexto*: Alter vero hæc habet apud Gruterum p. 348. n. 8.

AEMI-

[a] Multa de Papiniani laudibus congesti Cujacius | vulgavit Jac. Lessius, quam habes in Thesuro Ontion  
1.1. Plura etiam Vinc. Gravina De orig. Jur. l. 1. c. 22. | tom. 1. cap. 3. legendus etiam ipse Otto in Papinian.  
De ejus vita, & scriptis luculentam Dissertationem |

AEMILIO. PAVLO. PAPINIANO  
 PRAE. PRAET. IVR. CONS  
 QVI. VIX. ANN. XXXVI. M. IIII. D. X  
 HOSTILIUS. PAPINIANVS  
 EVGENIA. GRACILIS  
 TVRBATO. ORDINE. IN. SENIO  
 HEV. PARENTES. INFELICISS  
 FILIO. OPTIMO. B. M  
 FECERVNT.

At utramque inscriptionem uno verbo commentitiam esse censeo; nam primò inverisimile omnino est Caracallam, qui Papiniano vitam ademir, ejus memoriam publicis monumentis inscribi, aut insculptam servari voluisse, cum, inquam, Caracallam, qui in Getam Fratrem jam ab se interfectum, (cujus causa Papinianus ipse, quod Parricidium excusare noluisset, etiam obtruncatus fuit) ita sevisse traditur, ut illius memoriam, comminutis simulacris, abralesque ubique nomine abolere numquam destiterit; Illud etiam accedit, quod plura in dictis inscriptionibus sint, quae nullatenus Papiniani aeo convenient. Ac primùm illud est, quod nullo prænominis ambo Papiniani Pater, & Filius appellentur, sed Hostilii tantum appellatione Pater distinguitur, si id vere cognomen dici queat, nam quum ex Emilia familia, seu gente fuerint, commune utrique Papiniani cognomen fuisse dicendum foret, quod insolens omnino videri debet, tum magis, cum Papiniani cognomen, quod Patronimici naturam praefert a Papinio, seu Papio (nam Papinianus ipse aliquando ab antiquis Papianus scribitur maxime a Graecis Novell. 1. & 118.) deductam, ipsius Jurisconsulti dumtaxat peculiare, propriumque videtur fuisse: Insueti etiam, ac prorsus importuna censi debet illa dolentis interfectio HEV septima linea a Papiniani parentibus usurpata, quam in aliis ejus Aevi sepulcralibus titulis invenire haud facile est. Quid tandem dicemus de formula illa in eadem inscriptione adhibita: TVRBATO ORDINE: ejus elegantiam sane fateor, ipso Papiniano dignam; a quo aliquando usurpata fuit in lib. 14. Quaest. cujus haec sunt verba in lib. xv. D. De inoff. testam.: *Nam etsi Parentibus non debetur filiorum hereditas propter votum Parentum, & naturalem erga liberos caritatem. TVRBATO tamen ORDINE mortalitatis, non minus parentibus, quam liberis pie relinqui debet:* Ex quorum verborum consensu cum iis, quae in praefato lapide leguntur, non modo non suspicabatur Cujacius quidpiam commenti, sed potius alterum ab altero ob eandem loquendi formulam verum confirmabat: At verò, quae causa fuit, ut de ejus tituli fide, in quo consimilis formula legebatur, nullimode suspicaretur Cujacius, eadem plane ipsa commentitium eum titulum declarat, cui, ut aliquam conciliaret fidem, fucumque faceret legentibus is, qui ex proprio ingenio confinxit, ejusmodi formulam, sepulcralibus titulis alioqui insuetam, ab Papiniano ipso mutuatus videtur.

Sed jam demum de Poetis agendum erit, quorum si non agmen ducit, de Re tamen Litteraria veterum Beneventanorum, ut opportunè differerem, occasionem dedit C. Concordius, cujus insignem Lapidem praefixum huic Dissertationi titulum esse malui.

C. igitur Concordius, cui Syriaci cognomen non ulla ex Syria origo, sed fortasse emensa ibidem equestri militia stipendia, aut quicumque alius eventus effecit, Munerarius Biddii (a) dicitur, ac POETA LATINVS CORONATVS IN MVNERE PATRIAE SVAE: Pluri-

[a] C. Concordius Munerarius dicitur novo quidem, sed jam inde ab Augusti Aeo recepto vocabulo, quod ab ipso Augusto primùm in Latium inventum docet Quintilianus l. 8. c. 3. *Quae vetera non sunt [ait] fuerunt olim nova, & quadam in usu perquam recentia, ut Messala primus Reatum, Munerarium Augustus primus dixerunt:* Quod si a munere munerarium primus Augustus usurpavit, jam constat gladiatoria spectacula diu antea munera fuisse vocata, cujus antiquam vocis originem erudite explicat Tertullianus De Spectaculis cap. 17. *Munus* (inquit) dictum est ab officio, quoniam

officium etiam muneris nomen est: Officium autem mortuis hoc spectaculo facere se veteres arbitrabantur, postquam illum humaniore atrocitate temperaverunt; nam olim, quoniam animae defunctorum humano sanguine propitiari creditum erat, captivos, vel malo ingenio servos mercati in exequiis immolabant; Postea placuit impietatem voluptate adunbrare: Itaque quos paraverant armis, quibus tunc, & qualibet poterant eruditos, tantum ut occidi discerent, mox edito die inferiarum apud sumulos erogabant; ita mortem homicidio consolabantur: Haec muneris origo: At a funeribus mox ad ipsa splendidi-



Plurimum itaque, præter ingenii eximiam vim, opibus valuisse videtur C. Concordius, qui *Munera*, seu ludos gladiatorios *Bidui* spatio suis sumptibus edidisse potuit: sed non heic laudes illas moramur, quarum insana cupidine olim affecti *muneris editores* [ ut inquit Lactantius (a) ] *populari levitate ducti opes vel magnis urbibus suffecturas impendebant*. Ingenii potius gloriam attendamus, quæ marcescente licet corona, qua semel redimitus fuit C. Concordius, vigere adhuc ex superstitie lapide ad posteritatis memoriam potuit, vigebitque deinceps, dum Patriæ suæ monumenta stabunt: Absit enim, ut C. Concordii coronam liberalitatis potius, quam ingenii præmium suspicemur, dum is munere per biduum edito voluit populum

. . . . . *ad versus sibi factos ducere plenum*  
*Latitæ* . . . . .

atque tunc illud, quod sæpe fit, evenisse potuit:

. . . . . *clamabit enim pulcrè, benè, rectè:*  
*Pallefecit super his, etiam stillabit amicis*  
*Ex oculis rorem, saliet, tundet pede terram,*  
*Ut qui conducti plorant in funere* . . .

Sed potius iustos ingenii æstimatores habuisse putandus est, eos, inquam, qui

*Æquis accipiunt animis, donantque corona.*

Quandoquidem vero nullum superest ingenii monumentum, quod C. Concordius edidit, ut de eo posteri judicare queant, illud jam observare licebit, num is inito cum aliis Poetis certamine, an verò solus Poemate aliquo publice recitato coronam promeruerit: Utrumque enim morem apud veteres servatum constat; ac posterior quidem crebrius obtinebat; Hinc Plinius (b) *magnum proventum Poetarum annus hic attulit: Toto mense Aprili nullus fere dies, quo non recitaret aliquis*: Asinius Pollionem primum publicè recitandi sub Augusto fuisse inventorem testatur Seneca Rhetor (c); quod sane institutum excolendis scientiis, ingeniiisque perpoliendis maxime utile non probavit solum, sed etiam fovit Augustus, qui Svetonio teste (d) *Recitantes & benigne, & patienter audivit*; cuius exemplo, sequuti Principes recitantibus adesse non fuerunt dedignati, ut de Claudio idem Plinius refert (e): Recitationes autem aut in privatorum ædibus fiebant, quæ vel a Dominis gratuito commodabantur, vel etiam conducebantur (f), easque amplissimas ac subelliis instructas pro confluentium auditorum numero, parari oportebat; aut in publicis locis, idest, Foro, Theatro, Templis, Thermis, Porticibus (g), donec Hadrianus Athenæum construxit, liberalibus studiis, atque ingenuarum

E e artium

dus celebranda convivia, festosque dies passim agitando gladiatorii ludi adhiberi consueverunt: mirum enim, quantum populus iis oblectaretur, adeo ut ad ejus favorem captandum, abolendamque alicujus sceleris invidiam, quo eum improbi Principes offendissent, ejusmodi spectaculis uterentur; quæ si umquam de more edenda omisissent, querelis, & obtestationibus obnoxii reddebantur: Res eò pervenit, ut ea spectacula, quasi amissæ libertatis pretium sola sibi Populus exolvenda vindicaret, neque ipsorum Principum Magistratibus parcebat, ut Prætoribus, Quæstoribus, a quibus dum honor iniretur, munus gladiatorium edi oportebat; quod si detestassent, aut absentiam affectassent, Fiscus edebat, cui postea quicquid erogatum fuisset, solve tenebantur, ac præterea quingena millia modiorum tritici Urbis Romæ horreis inferre multæ nomine compellebantur, ut Imp. Constantius sanxit an. 339. & 353. in lege 6. & 7. Cod. Theod. De Prætor. & Quæst.: Pulchrum omnino exemplum de Populi erga hos ludos studio refert Svetonius in Tiber. cap. 37. nam *Pollentina Plebs Funus cusuam Primipilaris non prius e foro misit, quam extoris pecunia per vin hereditibus ad gladiatorium munus*: At quorsum hæc? Quam privati Cives locupletes ea spectacula tam anxie a populo optari scirent, ut ejus gratiam, aut etiam honorem aliquem capterent, proprio sumptu edebant, ejusque editionis, tanquam magni operis, ac rei, quam pro Patria, ac civibus

gessissent, publicum ad posterorū memoriam elogium plerumque reportabant.

[a] Div. Inst. l. vi. c. 2.

[b] Epist. lib. i. 13.

[c] Cap. 89. num. 7.

[d] l. l. *At hercule memoria parentum Claudium Cæsarem ferunt, cum in Palatio spaciaretur, audissetque clamorem, causam requisisse: Cumque dictum esset, recitare Nonianum, subito inopinantemque recitanti venisse.*

[e] Plin. epist. 8. 12. *Recitaturus est Titinius Capito, quem ego audire nescio magis debeam, an cupiam: Domum suam recitantibus præbet.* Quintilianus, aut quisquis est Auctor de caus. corr. eloq. c. 5. n. 5.: *Bassus cum toto anno unum libellum excudit, & elucubrat, rogare ultro, & ambire cogitur, ut sint qui dignentur audire; & nec id quidem gratis; nam & domum mutuatur, & subsellia conducit, & libellos mittit.* Id. c. 19. n. 6. *Domum mutuatur, & auditorium extruit, & subsellia conducit.*

[f] Horat. Sat. c. 4. 73.

*Non recito cuiquam, nisi amicis, idque coactus,*

*Non ubivis, coramque quibuslibet: in medio qui*

*Scripta foro recitent sunt multi, quique lavantes.*

Petronius Satyr. c. 51. *Religioque Eumolpo, nam in Balneo carmen recitabat &c.*

artium exercitationibus constitutum (a) : ibi enim deinceps recitationes habebantur, quas ipse Hadrianus frequens audire consuebat (b) : Uti etiam Athenæum audiendorum & Latino- rum, & Græcorum Rhetorum, vel Poetarum causa Imp. Alexander adibat, quod de Pertinace quoque refert Capitolinus (c) : Recitantium autem, postquam dignum aliquid prodidissent, præmia erant gratulationes, plausus, atque etiam oscula, quæ ab auditoribus excipiebant ; qua in re Virgilii exemplo contenti erimus, cujus non illam moramur recitationem, quam is, si fides Donato (d) atque Servio (e) coram Augusto, & Octavia privatim peregit, a qua etiam ob Marcelli laudes *Ære gravi donatus* ; sed publicam alteram non satis vulgatam, at fortasse verio- rem attulisse libet ex Auctore de causis corruptæ eloquentiæ, dum scilicet *Populus auditis in Theatro versibus Virgilii surrexit universus, & sorte præsentem, spectantemque Virgilium veneratus est* sic QUASI AUGUSTUM.

Quod vero ad Poetarum certamina attinet, seriùs in Rom. Rep. receptum morem fuisse constat ; ejus namque rei auctorem Domitianum nobis indicare videtur Svetonius, dum ab illo triplex Jovi Capitolino certamen institutum commemorat, musicum, equestre, gymnicum, & aliquanto plurimum [ inquit ], quàm nunc est coronatorum, ubi etiam & prola oratione græcè, latinèque certabatur (f) ; quibus non contentus Domitianus quotannis etiam in Albano Quin- quatria Minervæ celebravit, cui Collegium instituerat, ex quo sorte ducti Magisterio fungeren- tur, redderentque eximias venationes, & scænicos ludos, superque Oratorum, & Poetarum certamina : atque exinde etiam mos ille manasse videtur, ut Poetæ, Rhetores, aliorumque professionum homines contra omnes alios [ quæ formula in ejus ævi lapide legitur (g) ] quum vi- ctiores procederent, ab Imperatore, aut alio, qui ludis præerat, publice coronarentur : In eo Agone Statius post incredibilem totius Urbis expectationem, quum tandem Thebaidem suam recitasset, nedum ullum non exceperit plausum, sed iniquam illam passus est contumeliam, ut contra eum Poetæ alii coronarentur, quod ipse non semel conqueritur (h).

At quorsum, inquis, ante Domitiani ævum, coronas, uti propria sui insignia, me- minerunt Poetæ ? Fateor id sane, quamplures aureæ ætatis Poetas crebram suis veribus coro- næ mentionem fecisse, nam & Pastores Virgilius excitabat, ut crescentem Poetam corona- rent (i), coronamque sibi passim Horatius (k) atque Nalo (l) tribuebant : At hæc ab ipsis arbitratu suo, nec nisi vel jactanter, vel metaphoricè scribebantur ; eorum enim neminem legimus publica auctoritate coronam aut accepisse, aut gestasse : A Domitiano itaque, atque a Poeta- rum

[a] Aur. Viét. de Cæsar. c. 14. n. 2. Cæremonias, le- ges, Gymnasia, doctoresque curare occupit, adeo quidem, ut etiam ludum ingenuarum artium, quod Athenæum vo- cant, constitueret.

[b] Philostr. in Hadriano : Simul atque in scena vi- sus erat auscultationis nuntius, universus continuò Sena- tus assurgebat, assurgebatque equester ordo, atque in A- thenæi auditorium cursu concitato ferebantur.

[c] Cap. xi. [d] In Virgil. vita.

[e] Æneid. vi. v. 862.

[f] Sveton. Domit. cap. 4. : atque ad exemplum O- lympicorum ludos hocce Domitianus instituit, itaut non solum viatores publica corona donarentur, sed, ut in illis, supputandi temporis publica ratio haberetur ; itaut Romæ non per lustra, ut antea, annum, quem magnum vocabant, sed per Capitolinos ludos ab Do- mitiani ævo ad sua usque tempora supputatum testetur Cenforin. de die natal. cap. 17.

[g] Lapis est apud Cruter. pag. 331. num. 4.

Ibid. n. 6. habetur etiam M. Ulpius Aug. Lib. maximus Pantomimorum, coronatus adversus Histriones, & omnes Scænicos.

[h] In Sylvis lib. 3. v. 31.

. . . . tu cum Capitolia nostræ  
Inficiata Lyra sævum ingratumque dolebas  
Mecum villa Jovem

& lib. 5. v. 231.

Nam quod me mixta quercus non pressit oliva  
Et fugit speratus honor, cum dulce parentis  
Invida Tarpeis caneres te nostra magistro  
Thebais . . . .

[i] Virgil. Eclog. vi. v. 25

Pastores Hedera crescentem orante Poetam

[k] Horat. od. 3. 30. 14.

. . . . fume superbiam  
Quæstiam meritis, & mihi Delphica  
Lauro cinge volens Melpomene comam.

[l] Ovid. Trist. 1. 6.

Si quis habet nostri similes in imagine vultus  
Deme meis bederas, Baccica ferta comis.  
Ista decent lætos felicia signa Poetas ;  
Temporibus non est apta corona meis.

L. SVRREDI L. F. CLV  
FELICIS  
PROCVRATORI AB  
SCAEN. THEAT. IMP  
CAESAR. DOMITIAN  
PRINCIPI  
CORONATO CONTRA  
OMNES SCAENICOS &c.



rum certamine tum instituto morem illum Poetas coronandi apud Romanos obtinuisse verisimile satis putabimus, unde ejus, qui tunc floruit, Auctoris *de caus. corrupt. eloq.* propriè verba libenter accipimus, dum Poetam affert suum funus ita mulcentem: *Quandocumque fatalis dies meus veniet, statuarque tumulo non moestus, & atrox, sed hilaris, & coronatus*: Coeptus itaque Romæ laudabilis mos, [quippe qui ea publica laude, atque gloriâ, cujus cupiditate hominum animi quam maxime flagrant, eosdem ad liberalium artium studia vehementius excitaret] mox ad alias Urbes, ac præsertim Romanas Colonias pervasit, quæ Principis Urbis instituta omnia æmulari curabant; Hinc in iis non frequentes modo Poetarum recitationes, sed statuta etiam certis temporibus Poetarum certamina; Utraque vero in publico loco. Populique, ac Magistratum frequentia; quorum judicio qui probatus, aut victor exstitisset, vel *contra*, alios sibi partam, vel *suis questam meritis* coronam ferebat. Utro C. Concordius modo in munere Beneventanæ Colonix Patriæ suæ coronatus fuerit, non liquet ex lapide: Cum aliis Poetis tum concertasse vix puto, non enim, [quod majoris virtutis, atque laudis argumentum fuerit] lapis siluisset; Restat igitur, ut poemate aliquo, publicè eo die recitato, se dignum Poetam Latinum omnino probaverit, qui auditorum omnium suffragiis coronam promeruerit, & acceperit.

Hæc habui, quæ solâ antiquorum Lapidum, adhuc extantium ope, atque fide de certis Viris differerem, quos in Re Litteraria præclaros, Romanorum ætatibus, Beneventum edidit; majorem certe numerum, monumentorum veterum, rerumque edax tempus invidit; quem tamen proclive omnino erit ex iis conjectare, quæ ad rem Beneventanorum litterariam generatim illustrandam proferenda modo erunt: Multa enim sunt, quibus in vetere Benevento artium liberalium studia non solum summo in honore habita, verum etiam publica auctoritate instituta, ac civibus familiaria fuisse, probantur. Id profecto indicare videntur binii illi Vespesii Rufini lapides superius recitati, in quorum altero is dicitur PATRONVS STVDIORVM IIII., alterum vero Rufino eidem dedicavit STVDIVM PALLADIANVM: De hujusmodi *Studiis* extat etiam hoc insigne nostri lapidis fragmentum sub Arcu Pontis Leprosi.

..... ESTERTI  
..... PRIMVS .....  
..... BENEVENTI  
STVDIORVM OR  
CHESTO PALES .....  
INSTITVISTI .....  
.....  
.....

Hos lapides quum nunc primum edimus, rem eruditis fortasse novam, aut non satis observatam ostendimus, ut scilicet, quæ veteribus *Gymnasia*, aut *Schola* pro ludis litterariis dicerentur (a), jamdemum *Studia* [quam vocem nos Itali nunc obtinemus] ipsis quoque veteribus appellari solerent: Haud ipsi inæpte quidem, nam cum *Studium* ex Cicerone (b), non aliud sit, quam assidua animi, vehementisque ad scientiam aliquam magna cum voluptate occupatio, quidni locum, quò scientiis comparandis conveniretur, *Studium* appellarent; quo quidem vocabulo suus Latio quoque honos accedebat, quòd non è Græcia *Gymnasia*, aut *Schola* nomina mutuari indigeret: neque ego quidem aut temere, aut ex proprio ingenio: *Studit* enim ad eam rem significandam vocabulum non omnino vetustis latinorum monumentis ignotum; nam de M. Antonino hæc in Capitolino legimus: *Apud Ægyptios civem se egit, & Philosophum in omnibus*

E e 2

[a] *Gymnasia*, quæ pro solis corporis exercitationibus instituta primum fuerunt, ad ludum litterarium significandum transtulit Cicero de orat. l. 13. qui eodem loco *Scholas* etiam eadem significatione donavit, quam hæc pro iis locis etiam sequiore ævo dicerentur, in quibus omnis generis artium, imò & munerum, & professionum institutiones haberentur; nam fuisse militares *Scholas* variis nominibus distinctas, ac præterea

variorum officiorum, quæ in Aula exercebantur, nota res est ex pluribus utriusque Codicis titulis, atque legibus, quas vide apud Brissonium, & Cangium: Cum *Scholas* autem sine alio adjecto dicebant veteres, ludos litterarios intelligebant; Sic Festus: *Schola dicta, sunt non ab otio, & vacatione, sed quod ceteris rebus omissis vacare liberalibus studiis Pueri debent*.

[b] De Invent. l. 1.

bus studiis, templis, locis: Imperatores etiam Theodosius, & Valentinianus in titulo Codicis Theodosiani *De studiis liberalibus Urbis Romæ, & Constantinopolis* idem vocabulum usurpassè videntur ad earum quoque ædium significationem, quæ docendis scientiis adhiberentur, nam in lege III. hæc habent: *Sin autem ex eodem numero fuerint, qui videntur intra Capitolii Auditorium* [i. e. Athenæum, quod superius ab Hadriano ædificatum observavimus] *constituti, hi omnibus modis privatarum ædium studia sibi interdicta esse cognoscant*; Quum vero sequioris hæc ævi monumenta de nova ejus vocabuli significatione fidem faciant, non novum tamen nobis vocabulum inavexerunt, sed probam ipsam optimæ latinitatis vocem satis apte ex ipsa animi ad scientias comparandas contentione, ad publicas sive privatas ædes, locosque alios, quò Auditores confluere solerent, *Studiorum* nomine nuncupandos transtulisse videntur; itaut de ea vocabuli significatione, quam dumtaxat ex dictis monumentis eruere datum fuit, adhuc dubitare nefas fuerit, postquam nostri lapides in lucem prodire, in quibus *Studia* eandem omnino significationem manifestè ostendunt (a). An vero, quum innumera prope singularum artium, professionumque Collegia Beneventi fuisse jam constet, de quibus etiam peculiari Dissertatione alias actum à nobis est, neglecta scientiarum, aliarumque omnium honestissimarum disciplinarum studia putabimus? Immo publica litterarum Gymnasia *Studiorum* nomine pro diversis scientiis sigillatim constituta locupletes ejus rei testes laudati lapides jam satis probant; ut exinde non eos solos, quorum nomina professionesque, superstites adhuc lapides superius illustrati nobis servarunt, sed plures omnino alios, per omnes Romani Imperii in Italia vigentis ætates, in Re Litteraria præclaros extitisse, conjectare jam liceat.

Id, quod ex sæpius laudato Symmachi testimonio adhuc certum videri debet; Is enim inter alias egregias laudes, quibus Beneventanos affecit, hanc etiam cæteris illustriorem adiecit: *Urbs* [inquit] *cum maxima sit, singuli ejus optimates visi sunt mihi Urbe majores, amantes litterarum, morumque mirabiles*: Pauca quidem verba, sed proluxa laudatio: satis enim ad indicandam Rei Litterariæ præstantiam fuisset, dum ii tantum *Litterarum amantes* audissent, hoc enim uno contentus olim sapientissimus ipse Pythagoras Philosophi sibi nomen invenit, quod deinde omnibus Posteritatis Sapientibus proprium tradidit: Adhuc tamen ipsi præstantissimi omnium litterati (absit verbo invidia) Beneventani celebrabantur, qui *Morum* quoque integritate *mirabiles*, Philosophiam omnem, cujus pars summa, ac præcipua ad bene vivendum perducit, optime profiteri viderentur: Viderint itaque hæc recentes Beneventani, Majorumque suorum exempla sectantes, ita ingenia sua liberalibus disciplinis excolere satagant, ut summam, atque immortalem scientiarum laudem non tam labore, ac vigiliis, quam sanctissimorum societate morum partam, sibi contendant comparandam: Illa enim vera, ac sola laudabilis Sapientia est, quæ ad perfectam honestissimarum disciplinarum cognitionem, honestissimæ etiam vitæ rationes conjungit.

## DISSER-


[a] Rem etiam confirmat *Palladiani* Epitheton, quo *Studiorum* aliud in secundo lapide decoratur: De ejus modi Epitheto alias egi, quum de Collegiis dissererem, deducebamque ad Deam Palladem, quæ eo nomine Bel-lo, militibusque præesse putabatur. At verisimilius il-

lud nunc mihi fit, eam hæc, utpote Sapientiæ Deam, ingeniorum, ac disciplinarum Præsidem, quam Ethnici vulgò credebant, *Studio Beneventanæ Urbis* aptissimum cognomen fecisse.





## DISSERTATIO IX.

De Re Militari  
Veterum Beneventanorum.

XIMIAM Veteris Beneventi militarem fuisse gloriam plurima Antiquitatis monumenta adhuc testantur: Non heic majores nostros Samnites appello, quorum bellicam virtutem satis fuerit initio hujus Operis attigisse: Sinamus enim tum aliis pluribus vetustis auctoribus, tum Livio præfertim, ut ejus Gentis res bello præclare gestas, militiæque decora, distinctè, luculenterque exequatur, cujus quum arma primùm cum Romanis exerceri cœpta, narranda fulciperet, *majora jam hinc bella* [ inquit lib. 7. ] *et viribus hostium, et longinquitate regionum, vel temporum spatio, quibus bellatum est, dicentur, namque eo anno*

[ V.C. 411. ] *adversus Samnites gentem opibus, armisque validam mota arma: quo magnificentissimo usuf exordio singularem bellipotentium Samnitium laudem complexus est. Non heic, inquam, Pontios, Herennios, ceterosque Samnii fortissimos Duces recensere mens est, sed ad Patrios Lares dumtaxat me recipiens, unius Beneventi, ejusque Civium, ut superiori dissertatione in Litteris, ita modo in Armis præstantiam in medium proferre instituo. Ad ea igitur tempora me vertam, quibus everfo jam Samnitium Imperio, atque nomine, Beneventana Urbs Colonorum deductione in Romanorum jus, potestatemque translata fuit; atque illud primùm rei ratio postulat inquirendum, (quod, quum de variis Coloniarum deductionibus Beneventum factis serio agerem, vix attigisse memini) quænam scilicet ex pluribus illis prior eò fuerit militaris deducta Colonia. Et sane constat, serò admodum in Rep. milites Colonos deductos, non enim ante sextum Marii Consulatum militaris ulla Colonia, sed civiles omnes ad id tempus deductæ, sicuti ex eo tempore nulla deinceps, nisi militum Colonia deduci cœpit; Hinc Vellejus (a), quum antea Coloniarum omnium nomina, & natales speciatim contexeret, quæ post Romam a Gallis captam ad illud usque Mariani Consulatus tempus fuerunt iussu Senatus deductæ, a militarium recensione se abstinere propterea subdit, quod illarum utpote suo ævo recentiorum & causæ, & auctores, & ipsarum nomina jam præfulgerent; Prior itaque Sylla militarium Coloniarum Auctor statuendus est, qui sublato Mario, ejusque factione deleta, plurimas hostium Urbes bello captas, earumque agros, ejectis antiquis civibus, suis militibus possidenda distribuit: In ea tamen Syllana militarium Coloniarum deductione, nihil detrimenti Beneventanæ Urbi contigisse ex Strabonis loco jam alibi probavi, causamque etiam attuli ex Cicerone, qui Beneventanos Syllæ amicissimos memoravit: Post Syllam autem novas militares Colonias deduxit Julius Cæsar, quod nedum ex Svetonio constat, verum etiam ex Livio, qui Veteranos a Cæsare in Colonias deductos adversus succrescentem M. Antonii impotentiam ab Octaviano excitatos refert; Atque in hac posteriori militari deductione a Cæsare factâ milites primùm Colonos Beneventum accepit, quos paullo post in Triumviratu iterum eò deductos pluribus a me Diss. 1. c. 2. ostensum fuit.*

At quænam, inquires, ex militaribus hisce deductionibus militaris gloria Benevento continget, quæ sola *sedes fuit Emeritis*, deditque tantum *rura, quæ Veteranus araret*? Sed juvat profecto alicubi perpetuam sedem Fortibus haberi, quorum virtus sanguine, exemplo, institutione Fortes creare solet. Certe ante annos ducentos, quibus Civilis primùm Colonia Beneventum deducta, subsecutam Militarem prævertit, illustria tum Fidei, tum Bellicæ virtutis argumenta Beneventani dedere, quibus, aliisque Colonis, quas Livius memorat (b), Romana Respublica aliquando debuit, ut non solum extremo fato, quod victoris Poeni arma minabantur, subduceretur, sed etiam victrix ipsa de suis hostibus triumpharet; quam igitur post militares deductiones militaris rei præstantiam Beneventanis fuisse putabimus? Summam equidem, quam, ne cui concedere, aut invidere queat, ingens probat numerus illustrium virorum, qui Romano florante Imperio, in re militari immortale nomen sunt assequuti. Locupletissimos hu-

[a] Lib. 1. cap. 15.

[b] Lib. 27.

jusce rei testes habemus vetustos lapides, quorum fides ceteris monumentis omnibus præstat, copia vero [quam tamen ex fœta temporis injuria, aliisque eventis vix militarium nostrorum lapidum partem superstitem putabis] adeo exuberat, ut velut in amplissima messe leviores manipulos mihi negligendos duxerim; nihil itaque heic de manipulariis, seu legionariis militibus Beneventanis; quos satius erit in nostro Thesauro lapidum propriâ classe relatos, ac levi calamo illustratos prodidisse; sed principes dumtaxat viros recenseam, qui sublimioribus militiæ muneribus insignes, eximium militaris gloriæ decus sibi, ac Patriæ pepererunt:

## CAPUT PRIMUM.

L. LAETICIO L. F.

STEL. RVFO

TRIB. MIL. LEG. XII

DON. HASTA PVRA

CORONA VALLARI

AEDILI QVAES. IIVIRO

I. D. PRAEF. FABRVM

ATTEIA Q. F. PRISCA

VXOR B. M. F.

**T**ribuni vox, quam initio Romulus, teste Varrone (a), quod ternos è tribus Tribubus in exercitum mitteret, in Latium inexit, non militaribus modo, sed civilibus quoque muneribus adhærere consuevit; nam inter posteriora isthæc, Tribunos *Plebis*, *Fabricæ*, *Voluptatum*, *Stabuli* passim apud veteres legere est; quod tamen Militiam spectat, neque unos in ipsa Tribunos fuisse constat, nam præter *Tribunum Castrorum* Vellejo memoratum (b), alii certe a Tribunis *Legionum*, *Cohortium* fuere Tribuni, eo solo nomine *κατ' ἐξουίαν*, ita appellati (c), ac, uti Legio singulis, quibus constabat cohortibus, veluti totum parti præstabat, ita illius Tribuni, cæteros, qui cohortibus præerant, munere, atque honore antecedeabant. Latandum itaque nostro Læticio fuit cum Horatio (d),

*Quod sibi paruerit Legio Romana Tribuno*

quo quidem munere nondum amplissima belli gerendi, sed etiam Jurisdictionis, ac Coercitionis inter milites exercendæ potestas ei fuit, qua unius summi Ducis, seu Imperatoris dignitati concederet (e); unde etiam in Castris post Ducis Prætorium Tribunorum Tabernacula locari consueisse testatur Vegetius l. 3. c. 8. At non heic munus, de quo satis fuit in notis fontes indicasse, sed personam morari præstat, cui non omnis ex munere honos, quod nonnisi sua virtute fuit comparandum: Nota illa Hadriani lex [teste Spartiano c. x.] ut *Tribunum nonnisi plena barba faceret, aut ejus ætatis, quæ prudentia, & annis Tribunatus robur impleret, & quem non favor militum, sed justitia commendaret*: quamquam vero de nostri lapidis anno non conitet, ad priora tamen Imperii tempora eum pertinere satis patet, quibus militaris disciplina maxime viguit; quid vero conjecturis opus quandoquidem locupletem bellicæ virtutis, qua Læticius enituit, nostrum lapidem testem habemus, ubi is semel, atque iterum militiæ donis auctus memoratur.

Jure itaque, ac merito Tribunatus munus obivit Læticius, qui etiam militaribus præmiis donari promeruit: Fuisse autem in militia præmia, quibus probata militum virtus ornatur,

[a] De ling. lat. l. xv.

[b] De quo recte ambigit Lipsius De Rom. Milit. l. 2. Dial. 2. dum ita a Vellejo appellatum velit, ut a Plebejo, & Urbis distinguat, nisi forte Præfecturam Castrorum intellexerit.

[c] Præter Cæsaïrem, Plinium, aliosque Scriptores Ethnicos, itemque nostrum lapidem mox afferendum, qui Tribunorum Cohortium passim meminere, occurrunt etiam hi tum in Evangelio Joannis c. 18. 12. *Cohors*

ergo, & Tribunos: tum in Act. Apost. c. 27. 31. *Quærentibus autem eum occidere, nuntiatum est Tribuno Cohortis, qui statim assumtis Centurionibus, & militibus decurrit ad illos.*

[d] Sat. 1. 6. 48.

[e] Munera, officia, insignia Tribunorum ex instituto exequitur Lips. l. l. cui addendus J. C. Macer in l. 12. D. De Re Militar., ubi plura, quæ ob ignoratum J. C. locum, Lipsium fugerunt.



retur, aliorum verò, eo exemplo, excitaretur, contra verò supplicia ad improborum militum scelera coercenda, alioque a flagitiis deterrendos, explorata satis res est: atque utraque sane re Romanorum Exercitus adeo valere, ut certa victoriæ spes, quodcumque arma ferrent, nunquam eos falleret; hac enim cura, & diligentia (ut inquit Polybius) cum circa præmia, tum circa poenas in castris, merito etiam successus militia apud eos felices, & illustres existerent: Bina præmia Læticio tributa noster lapis commemorat, Hastam nempe Puram, & Coronam Vallarem: quod igitur primum attinet, Romani (inquit Festus) fortes viros sepe hasta donarunt; quam proinde donaticam a Catone in Orat. quam habuit apud Equites, appellatam alibi notat idem Festus; & sane præcipuum erat præmium, militi dari consuetum, quod tamen non ut virtutis præmium, sed summæ gratiæ argumentum dedit Claudius Cæsar Pôdi Spadoni, quem etiam Britannico triumpho inter militares viros hasta pura donavit (a): Præcipuum, inquam, præmium, cum & Hasta potissimum, & antiquissimum fuisset armorum genus, quo veteres in bello uterentur, quin & Regiæ potestatis insigne olim fuisse, & Diis sacrum & aliquando pro ipso Numine habitam constat: Ea autem, quæ in militis præmium cedebat, pura dicebatur propterea quod, cum non belli usui, sed viri ornamento esset, nullâ ferreâ cuspide muniretur (b): quò verò de re, egregie gesta, eo præmio miles donari dignus haberetur, veteres non omnino sibi constare videntur; ac Varronis quidem sententiam habemus ex Servio, qui in illud Æn. 6. 760.

Ille, vides? pura Juvenis, qui nititur hasta

Pura, inquit, ideo sine ferro, nam hoc fuit præmium, apud Majores, ejus, qui tunc primum viceret in prælio, sicut ait Varro in libris de Gente Pop. Rom.: At hæc fortasse rei initia; nam non eam ejusmodi præmii fuisse causam manifestè convincit pluries Hasta ipsa uni militi donata, ut tum de aliis, tum de L. Siccio Dentato plane constat, qui (teste Gellio 2. xi.) quum pugnasset in hostem cxx. præliis, inter alia præmia, hastis duodeviginti donatus fuit: Itaque potius erit, ut Polybio assentiamur, qui eum quidem hasta ab Imperatore donari testatur, qui hostem percusserit, non quidem iustâ acie, sed qui in excursionem, aut velitationem, aut tali tempore, in quo nulla necessitas fuerit viritum periclitandi: Hinc hastam promeruit Læticius, non quod in communi, & legitima pugna hostem cæserit, non enim ibi singulorum militum manus torpere debebant, quod proinde hastis donari infinitum fuisset, sed quod extra ordinem, aut in singulari pugna præclarum quodpiam facinus edidisset.

Sed præter Hastam puram, Corona quoque Vallari Læticius donatus: quod quidem priore præstantius præmium habebatur, præclariorisque argumentum facinoris: non una tamen, eademque, sed plures merentium militum fuere Coronæ, variâ formâ, diversâque materiâ contextæ pro quaque re gesta, a qua nomen recipientes inter se distinguebantur, ut præter Otialem, ac Triumphalem, Corona Civica, Obsidionalis, Muralis, Navalis, seu Classica, Rostrata, eaque, de qua heic agitur, Vallaris: Hanc, quam cum Castrensi rectè confundas, primum frondeam fuisse testatur Plin. l. 16. 4.; Romuli tamen ætate, qui eam Hostilio, quod Fidenas primus irrupisset, impertitus fuit, tum scilicet, quum, conjunctâ simplicitati morum vitæ frugalitate, solius honoris præmio virtus contenta erat; at deinde cum ipsis Reip. finibus, prolatis etiam, ac veluti effusus in cupiditatem animis ex auro fabricata donari cœpit: Formam habes ex Festo: Castrensis corona donabatur, qui primus hostium castra pugnando introisset, cui insigne erat ex auro vallum: Unde merendi causam quoque discis; merebatur enim miles, qui prior Vallum, quo Castra hostium muniebantur, conscendisset, aut perrupisset; hinc Val. Max. l. 18. loquens de Castris Lucanorum, & Brutiorum a C. Fabritio Cos. expugnatis, Postero, inquit, die cum Consul inter honorandos, quorum strenua opera fuerat usus Vallarem Coronam ei se servare dixisset, a quo castra essent oppressa &c. Ejusmodi Coronæ meminit quoque Tertullianus, quam Christiano militi gestari nefas esse contendit (c): Sed nobis satis fuerit Vallari coronæ

[a] Sveton. in Claud. cap. 28.

[b] Pura Hasta, quia solo ligno sine ferro constabat: Sic purum dicebatur argentum, quod non erat signatum, ut in nummis, vel cælatum, ut in vasis, quæ vasa argenti puri non ad indicandam argenti præstantiam, sed quod nulla in iis esset cæatura, vocantur a Plin. Epist. l. 3. 1. & Juvenal. Sat. 9. v. 141.: Sic etiam purum solum a Livio l. dicitur spatium illud, quo Pomærium constabat: quod (scilicet) neque habitari, neque arari fas

erat, ac demum Pura dicebatur Toga illa, quæ tota alba virum cum ætate faciebat, abjectâ illâ, quam purâ prætextam puer gesserat: Sic Cic. Att. 9. 6. Ciceroni meo cum Togam puram Aspinii dare vellem &c.

[c] De Corona cap. xi. 1. Est & alia militia regiarum familiarum: nam & castrenses appellantur, munificæ & ipsæ solennium Cæsarianorum. Et postquam coronas omnes enumerasset, earumque formas, causas, ritus, & in omnibus (inquit) istis idololatriæ in solo quoque sensu coro-

rona Laticium donatum ostendisse, quo illustriora ejus bellicæ virtutis argumenta haberentur, quibus ad Tribunatum usque pervenire dignus fuerit; neque enim vulgare id, ut dixi, militiæ præmium olim fuit, dum Augustus [Svetonio teste] dona militaria aliquanto facilius phaleras, & torques quicquid auro, argentoque constabat, quàm Vallares, & Murales Coronas, quæ honore præcellerent dabat (a).

Haud vero militiæ tantum Laticius claruit, sed domi etiam, ubi plures Magistratus obivit, nam Ædilis, Quæstor, Ilvir Juridicundo, Præfectus Fabrum in eodem lapide inscribitur: Municipales eos omnes Magistratus fuisse satis constat, ut proinde certò liqueat Beneventanum Civem Laticium fuisse, atque a Patriæ suæ Magistratibus inferioribus gradatim ad Duumviratum pervenisse; indeque [quod mihi probabile magis sit] civilibus muneribus jam illustris, militiam sequutus, fortissimi viri præmia, ac demum Tribunatum Legionis obtinuit.

Age nunc, de altero Beneventano Tribuno videamus, cujus Tribunatus nova honoris accessione auctus fuit: Lapis ita se habet.

CN. MARCIO CN. F. RVSTIO RVFINO PRAEF. CO  
HORTIVM VIGILVM IMP. L. SEPTIMI  
SEVERI PII PERTINACIS PRAEFECTO  
CLASSIVM PRÆTOIARVM TRIBVNO CO  
HORTIVM PRIMAE PRAETORIAE ET SEXTAE  
VIGILVM TRIBVNO LATICLAVI LEGI  
ONVM III CYRENAICAE III GALLICAE ET  
. . . . . P. F. SALINATORIA AVGVSTINA  
C. . . . .

In hac postrema linea omnes detritæ sunt litteræ sola C. initio superflite, ex qua ita illam suppleendam censeo: CONIVGI B. M. F., sic etiam monente *Salinatoria Augustina*, quæ (uti ex altero lapide paullo inferius afferendo mox videbimus) ejusdem Rustii fuit uxor: Sed, quod rem attinet, vides heic, non, ut antea Laticium municipalibus Magistratibus, mox militaribus donis insignem, ad Tribunatum evectum, sed hominem ab inferioribus militiæ ordinibus gradatim ad Tribuni Laticlavii officium conscendisse: atque hæc quidem præcipua Romanæ militiæ disciplina; qua bellica virtus tum maxime vigeret, cum altiora iis tantum paterent, quorum virtus minoribus in officiis probata, paulatim adolescens veluti in maturitatem pertingebat: Sic C. Marius a *Caliga ad Consulatum perductum* dixit Seneca (b): Itaque Cn. Marcius Restius Rufinus non ex gregario quidem (quem tamen initio fuisse non inepte putabimus), sed ex inferioribus muneribus ad superiora pervenit: Primum enim Præfectus Cohortium Vigilum Imp. Septimii; dein Præfectus Classium Prætoriarum, postea Tribunus Cohortium, primæ Præ-

coronarum, quibus omnia ista redimita sunt: Operi occasionem dedit summa Christiani Militis religio, qui ceteris commilitonibus Christianis laureato capite Imperatorem adeuntibus solus libero capite, coronamento in manu otioso accessit, unde Christianum sese prodens in vincula coniectus fuit, martyrio servatus. Fidei sinceritatem constantiamque dignis laudibus effert Tertullianus, aliorum vero, qui coronas gesserunt, ac universum omnium coronarum usum Christianis singulis, omnino damnat: At quæ fuerit Ecclesiæ disciplina de Christianis, qui castra sequebantur, quidque iis tandem liceret, eruditè explicat V. C. Mamachius Orig. Christ. l. 2. c. 7. §. 1.

[a] At nonne Vallares coronæ item ex auro? Jam diximus: Hinc Lipsius l. l. Svetonii in Aug. c. 25. Lectionem emendat, ut illud quàm post coronas transferendum putet, ut sit: *facillus phaleras, torques, quicquid auro, argentoque constaret, Vallares, ac murales coronas quam quæ honore præcellerent dabat*: Sed nihil ego mutaverim: non enim solam materiam spectavit ibi Sveto-

nus, sed honorem; qui quantus ejusmodi coronis præceteris militaribus donis fuerit, ipse Lipsius late docet: unde non quia aureæ, idè inter minora præmia detruendæ, nam in iis non aurum, sed honos præcipuè spectabatur: hinc coronam Vallarem ab ea, quæ solum aurea esset, distinctam invenio in lapide apud Gadium p. 186. n. 7. ubi Sex. Vibius Gallus dicitur donatus ab Imperatorib. Honoris. Virtutisq. causa Torquibus Armillis. Phaleris. Coronis. Muralib. III. Vallaribus II. Aurea I. Hastis. Paris. V. Vexillis. II.

[b] Seneca De Benefic. lib. v. c. xv. Idèst a gregario milite, & ab imis ordinibus gradatim ad Consulatum usque pervenit: Caliga enim gregariorum, seu manipulariorum militum propria; unde Imp. Cajo, Caligulæ nomen factum, quod (ut ait Sveton. c. 9.) *castris loco traxit, quia manipulario habitu inter milites educatus fuit*: Satis igitur ex his intelligimus veterem lapidem apud Cruter. pag. 445. n. 9. ubi C. Oppius Bassus dicitur OMNIBVS OFFICIIS IN CALIGA FVNCTVS.



torix, mox sextæ Vigilum, denique Tribunus Latitavius Legionis III. Cyrenaicæ, III. Gallicæ, & Claudiæ Piæ Fidelis, uti Legionem tertio loco memoratam suppleo: at singula breviter percurramus.

Bis Vigilum militiæ Cn. Marcius præfuit, nam Præfect. Vigilum Imp. Severi, dein Tribunus Cohortis III. Vigilum dicitur; atque illud quidem mirum, aut etiam obscurum (dum servatam velimus legem ex inferioribus ad superiora officia conscendendi), quod Præfecturam Vigilum unius eorumdem Vigilum Cohortis Tribunatus subsequeretur: At quum non ea dicatur tantum Præfectura Vigilum, sed *Vigilum Imp. L. Septimii Severi*, diversum aliquid, quam quod vulgares Vigiles spectet, adjectio hæc videtur significare. Puto igitur, eam Præfecturam primo loco positam ad eam militum manum commodè referri posse, quos Imperator ad sui corporis custodiam adhibebat, quique novo, sed haud improprio vocabulo Vigiles fuerunt in lapide appellati: nota autem res est, ac cum ipsis, ut credere par est, Regum initiis exorta, ut circa se Princeps tum ad sui custodiam, tum, ut ad sua jussa statim exequenda paratos haberet, certâ selectorum militum manu assiduò stiparetur: Romano Imperio auctor ipse Romulus ejus rei exemplum reliquit, nam trecentos armatos ad custodiam corporis, quos Celeres appellavit, non solum in bello, sed & in pace habuit, qui in Urbe sibi quasi corporis custodes armati apparerent, & ministratorum vice mandata ejus exequerentur, in bello autem protectorum munus, & propugnatorum sustinerent (a): Hinc Cæsar qui prior Reip. libertatem oppræsserat, eum Regium morem restituit, institutis circa se Hispanorum militum cum gladiis inspectantium custodiis (b); servavit autem Augustus (c), retinueruntque successores Cæsares, quin etiam Augustus Fœminis concessum, nam Nero excubias militares, quæ Agrippinæ, ut conjugii Imperatoris olim, tum & ut Matri servabantur, & Germanos super eundem honorem custodes additos digredi jussit (d): De hoc itaque militiæ ordine Præfectura Vigilum primo loco memorata intelligi potest; siquidem qui custodes Urbis, de quibus mox dicam, Vigiles sunt appellati, nonne iidem Custodes Cæsaris, Vigiles quoque audire potuerint? Quum enim Vigilum, qui ad Urbis custodiam pertinebant, jamdiu auctor Augustus, jam nil de iis ad Severum, cujus peculiare Vigiles haud alios fuisse conjectabimus, quàm qui custodiendi ejus corporis munere fungerentur. Neque demum obstat, Prætorianos milites ad eam rem institutos; hi enim licet ex reliquis militum ordinibus selecti, proximioresque Imperatori assisterent, ita ut stationem in Urbe soli haberent, eumque ad Bella prodeuntem sequerentur, falsum tamen est, peculiare, ac proprium custodiendi corporis munus apud ipsosmet Prætorianos fuisse, nam Augustus, qui Prætorianam militiam instituit, præter eam, alios sibi custodes adlegit, idque servatum ab aliis Imperii successoribus, ut paullo ante ex optimis auctoribus manifestum fuit, ac certum quoque de ipso Imperatore Severo dicendum videtur; Is enim, ut ait Spartianus, quum Romam venisset, *Prætorianos cum Subarmalibus inermes sibi jussit occurrere, eosdem sic ad Tribunal vocavit, armatis undique circumdatus, ingressus deinde Romam armatus cum armatis militibus Capitolium ascendit: Quo Spartiani loco nedum id confirmatur, alios a Prætorianis fuisse Cæsaris Custodes, verum etiam lux nostro lapidi affunditur, ut qui fuerint Vigiles L. Septimii Severi in eo memorati, verosimiliter intelligatur; ii nempe milites, quorum ingentem copiam potius ad sui nutum, tutelamque, quàm ad Urbis custodiam primus instituit Severus; quod certum omnino videri potest, dum eundem Severum filios ad concordiam hortantem ita apud Herodianum lib. 3. loquentem audiamus: *Possent eos securè agere, si velint, pecunia multa a se parata, & copiis iis, quæ Romæ sunt, in quadruplum auctis, tantoque exercitu ad Urbem sedente, ut nulla externa vis par esse possit, sive multitudinem spectes, sive corporum magnitudinem, sive cultum, & abundantiam.**

Sed missis Vigilibus hisce, notissimos alios Vigiles inspicimus, quorum sextæ Cohortis Cn. Rustius Tribuni munere præfuit: De his præstat audire J. C. Paulum (e): *Apud vetustiores [inquit] incendiis arcentis Triumviri præerant, qui ab eo, quod excubias agebant, nocturni dicti sunt. Fuerunt & privata familia, quæ incendia vel mercede, vel gratia extinguerent; Deinde Divus Augustus maluit huic rei per se consuli, nam salutem Reip. tueri nulli magis credidit convenire, nec alium sufficere ei rei, quàm Cæsarem: itaque septem Cohortes opportunis locis instituit, ut binas Regiones Urbis unaquaque Cohors tueatur, præpositis eis Tribunis, & super omnes spectabili viro, qui Præfectus Vigilum appellatur. Ex hoc itaque Pauli loco Vigilum Auctorem, causamque perfectam*

F f

[a] Livius l. 1. 16. &amp; Dionys. l. 2. pag. 86.

[b] Svetonius in Jul. cap. 86.

[c] Id. in Aug. cap. 49.

[d] Tacit. *Annal.* lib. 13.

[e] In lib. singul. De Offic. Præfeti Vigilum quem habes in leg. 1. &amp; 3. Dig. cod. tit.

habemus; quòd vero incendia alterius culpâ, aut certe dolo evenire possent, atque insuper quum ex ejusmodi excubiis, ea de causa institutis, optime etiam consuli posse videretur contra nocturnos fures, atque effractores, paulatim Præfecturæ Vigilum munus ampliatum, ac tributa jurisdictio, itaut contra eos, qui incendio causam dedissent, Præfectus cognoscere, poenamque sancire, furesque nocturnos inquirere, vinculis mancipare, ac punire quoque posset, ac de cæteris aliis jurisditionem exercere, quæ Paulus citato loco recenset, gravioribus duntaxat criminibus, quorum capitale esset judicium, ad Præfecti Urbi Tribunal servatis (a), Pauli autem testimonium mirè confirmat Romanus lapis apud Fabretum (b),

IMP. CAES. M. AVRELIO  
ANTONINO . AVG. SEVERI  
AVG. N. FILIO . PARTH. MAX  
TRIB. POT. VIII. COS. II  
COH. I. VIC  
ANTONI  
NIANA  
CN. RVSTIUS RVFINVS PRAEF. VIG  
TI. CLAVDIVS MARCELLINVS  
TRIB  
C. IVLLIVS INGENVVS 7  
C. VALERIVS VICTOR 7  
C. IVLLIVS QVINTINVS 7  
C. MANGILIUS IVVENIS 7  
C. CAECILIUS SEVERVS 7  
T. FLAVIVS INGENVVS 7  
M. AVRELIVS FLORIANVS 7  
CVM COMMANVCVLIS SVIS

quem

[a] Ex constitutione Imp. Severi, & Antonini in Iult. Dig. cod. tit. nec non Arcadii, & Honorii in Iun. Cod. eod. tit. : unde intelligimus, non satis amplam ejus muneris fuisse aut dignitatem, aut existimationem, quod recte Cassiodorus expressit in formula Digoitatis Præfecti Vigilum lib. 7. cap. 7. *Parlar.* eundem sic alloquens : *Mediocrem Dignitatem regis, & in summa opinione versaris : Custos Romanæ Civitatis diceris, quando eam ab intestino bosse defendis* : Neque etiam Vigiles ipsi ad reliquæ militiæ decus pertinebant, sive personas ipsæ, quas libertinæ conditionis ab ipso Augusto delictas notavit Suetonius c. 25; sive demum institutionis, quam superius audivimus, causam; unde, quum potius ministerii, quàm militiæ causa Vigiles haberentur, facile fuit, ut a reliqua militia spernerentur, ac *Sparteoli* per contemptum vocarentur, quo vocabulo ipsi Vigiles etiam apud Scriptores intelliguntur, sic enim eos dixit Scholiastes Juvenalis Satyr. 14. v. 305. & Tertullian. Apolog. cap. 39. ajens : *Ad summum cænæ Serapicæ Sparteoli excitabantur* : Satis autem acutè de more Scriptor Afer Serapicæ illius cænæ apparatus expressit, nam cum magnum convivium non sine magno igne paratur, inde incendii metus, ad quod restringendum Sparteolos dixit excitari.

[b] Inscript. cap. 4. pag. 260. Ad insignem hunc lapidem nihil Fabretus, quem Pauli testimonio de numero, ac variis muneribus in Vigilum militia olim ab Augusto institutis mirè respondere jam dixi : Habetur enim noster Rustius *Spessabilis Præfectus Vigilum* nullâ Cohortis adjecta mentione, propterea quod omnibus ipse præfess; deinde sequitur Ti. Claudius Marcellinus Tribunus, intellige Coh. I. Vig. quam initio memoratam habes; mox Centuriones sequuntur propriis nominibus

inscripti cum *Commanuculis suis*, quo raro, sed non absurdo vocabulo *Commanipuli* heic appellantur, non a Fœni manipulis, quos pro Centuriarum signis Romulum adhibuisse plerique asserunt, sed a manu; manum autem vix crediderim voci originem dedisse ex eo, quod *junctis manibus manipulares dimicarent*, ut docet Vegetius l. 2. c. 13. sed potius, quod manus ipsa multitudinem significaret, ut *Æneid. vi. 5. Juvenum manus emicat ardens* : Hinc optime Varro l. 4. de l. l. *manipulos*, inquit, *exercitus minimæ manus, quæ unum sequuntur signum* : quæ autem minimæ manus essent, idest ipsius manus, seu universæ multitudinis partes, recte diminutivo nomine *manucule*, atque in lapide *commanuculi* pro *commanipulis* dicuntur; *Commanuculorum* autem nomina omnia per singulas centurias distributa in utroque ejusdem lapidis latere inscripta leguntur, assertque Fabretus, in quibus duo notatu digna sunt, quod nempe cujusque Centuriæ initio suis quique muneribus per notas præsignantur *Questores, Aquiliferi, Options, Tesserarii, Statores, Vexilliferi, Signiferi* &c. ac præterea iidem, reliquique omnes *Commanuculi vocandi* casu inscripti leguntur : qua in re (non enim vocativus casus ullo modo lapidi congruit, cui primus inscribi debuit, vel saltem ultimus, ut militum nomina cum *commanuculis suis* concordarent) quadratarum oscitantiam suspicari licet, qui fortasse cum eorum militum nomina, ut in censu agendo singuli a Tribuno, vel Præfecto vocari solebant, tradita habuissent in eo lapide inscribenda, quod duntaxat pro ipsorum nominum notitia datum fuerat, nimis fida descriptione in ipsum lapidem retulit : Sed pauca hæc ad hunc & mole, & pretio insignem lapidem observasse sufficiat, quod Cn. Rustii Rufini Popularis nostri memoria, atque dignitas postulat.



quem sane lapidem haud otiosum fuit huc asferre, dum in eo ipsiusmet, de quo modo agimus, Cn. Rustii Rufini memoria occurrit: neque enim alium a nostro, quem Romanus lapis memorat, dubitare sinunt eadem, ac in nostro lapide nomina, eademque temporis nota; quum enim in nostro lapide Cn. Rustius Rufinus Præfectus Cohortium Vigilum Imp. Severi dicitur, jam in Romano Cn. idem Rustius Rufinus eadem Præfecturâ Vigilum insignis monumentum ipsum Antonino, seu Caracallæ, ejusdem Severi filio, ac anno cccv. etiamdum viventis Patris in Imperio consorti dedicavit. Sed jam ex inferioribus hisce muneribus ad superiora cum ipso Cn. Rustio conscendamus; eique demum de Legionis Tribunatu gratulandum erit: Trium ipse Legionum, nempe III. *Cyrenaica*, III. *Gallica*, ac *Claudia* P. F. non modo Tribunus fuit, sed etiam Tribunus *Laticlavius*: quod vero ternis legionibus ipse præfuerit, non id uno simul tempore factum fuit, dum scimus a Trajani, imo & Domitiani ævo Tribunatum semestrem fuisse, ut ex Juvenale Satyr. 7. & Plinio Ep. 1.4. aliisque passim discere est; Postquam igitur Cn. Rustius Legionis III. *Cyrenaica*, ac dein III. *Gallicæ* Tribunatu functus fuit, ad tertiæ demum Tribunatum promoveri meruit; unde & *Tribuni Laticlavii* honorem fuit assequutus: Latumclavum Senatorii Ordinis insigne fuisse nemo nescit, ad militiam vero translatus non nihil honoris castrensibus muneribus addebat; Hinc inter Tribunos legionum ortum discrimen, ut alii *Laticlavii*, qui ex Senatorio ordine, alii *Angusticlavii*, qui ex Equestri essent; Posteriorum meminit Svetonius (a), dum Svetonii Lenis sui Patris decus exequitur, quod Vellianio bello tertiædecimæ Legionis Tribunus Angusticlavius fuisset; Priores ex Svetonio eodem (b) habemus, dum tradit, Augustum Senatorum liberis protinus a virili toga Latum Clavum induere permisisse, militiamque auspiciantibus non Tribunatum modo legionum, sed & Præfecturas alarum dedisse. An vero Cn. Rustius ex Senatoria familia? vel in Romanum Senatum, cui Laticlavi insigne, seu censu, seu Principis gratiâ adlectus? vix puto: Sola militia hunc honorem ei peperit, ut in amplissimum ordinem jure cooptaretur; Sic eos, quos Variana Clades consumpsit, *Senatorium per militiam auspiciantes gradum* dixit Seneca ep. 7., cui addendus Epictetus (c) *tertiam militiam* ad Senatorii ordinis assequenda jura emerendam commemorans, id est Tribunatum cuique tertio, ut Senator fieret, ex instituto Augusti agendum; quod Cn. Rustium feliciter implexisse ex nostro lapide satis constat.

Restat modo, ut, si qua sint alia Cn. Rustii monumenta huc asferamus: Extat quidem Beneventi antiquus de nostro Rustio lapis in hæc verba (d)

RVSTIAE SA  
BINA E QVAE  
VIXIT AN. VII  
MENSIBVS XI  
DIEBVS II  
CN. MARCIVS  
RVSTIVS RVFIN  
PATER TR. COH  
VL VIGIL. ET  
SALINATORIA  
AVGVSTINA  
MATER FILIAE  
DVLCISSIMAE

F f 2

Titu-

[a] In Ottone c. x. [b] In August. c. 38.

[c] Lib. 3. Dissert. 26.: Si militaverit, inquit, liberabor malis omnibus: militat igitur, fert ea, quæ servus aliquis verbero: ac nibilo secius alteram, tertiamque militiam postulat; deinde cum ipsum Colophonem imposue-

rit, &amp; factus fuerit Ordinis Senatorii, eunc incipit Servus esse; cum in curiam ingreditur, pulcherrimam servitutem servit.

[d] Afferit quoque hunc lapidem Gruterus pag. 559. num. 1. ubi lineâ undecimâ pro *Salinatoria*, ut certè habet

Titulum hunc sepulcralem filiae suae Rustiae Sabinae dedicavit Cn. Rustius cum Salinatoria Augustina Coniuge, eadem nempe ipsa, quae in primo nostro lapide memoratur: In hoc verò lapide Cn. Rustius dicitur dumtaxat Tribunus Coh. vi. Vigilum, nam eo anno, quo ejus filia septennis decessit, nondum ad Tribunatum pervenerat: Ex hoc autem sepulcrali titulo satis liquet, Cn. Rustium domo Beneventanum fuisse, cujus filia Beneventi obiit, Coniux ibidem confedit, quae tandem eidem Rustio viro suo insigni monumentum illud, de quo hactenus differui, superstes dedicavit.

Sequitur modo Tribunus alter Laticlavius, qui non modo tempore, sed etiam dignitate, ut videtur, Cn. Rustium praecessit. En lapidem.

C. VMBRIO PRATORIO  
CANDIDATO LEGATO  
PROVINCIAE AFRICAE DIOE  
CESEOS HIPONENSIS  
ADLECTO INTER PRAET. A  
DIVO COMMODO ET IN  
TER PATRICIOS TRIB  
LATI CL. LEG. V. MACED  
XVIRO STLITIB. IVDIC  
OB SINGVLAREM ERGA PA  
TRIAM CIVISQVE ADFEC  
TIONEM P. D. D.

De hoc insigni lapide plura me differuisse memini, quum de Magistratibus agerem Dissert. IV. ubi viri nomen a mendis expurgatum restitui, ac praeterea Dioecesis vocabulum pluribus observationibus illustravi: quod huc attinet, praeter Tribunatum Laticlavium, quo Pratorius in Legione quinta Macedonica functus est, de quo munere superius egi, Legatum etiam Provinciae Africae fuisse constat: Legati autem in militia Romana supra Tribunos fuerunt, quippe qui in Provincia vicariam operam Imperatori, seu Proconsuli praestantes, jurisdictionem, ac Imperii insignia obtinebant. Sub Principibus quidem duo erant Legatorum genera, *Consulares*, & *Pretorii*; quod primus invenit Augustus, qui quum unus ipse Imperator jam esset, rem per Legatos administrabat: Consularis Legatus toti exercitui, Praetorius legioni uni praesidebat (a). At cum Pratorium nostrum *Candidatum Legatum* audis, Principis *Candidatum* intellige, qui illum ad *Legationem* promovendum curavit. Notum illud Taciti de Tiberio (b), ut *Legionum Legati*, qui ante *Praturam* ea militia fungebantur, jam tum *Pratores* destinarentur; *Princeps duodecim Candidatos in annos singulos nominaret*: quod tamen haud Tiberius initio sibi arripuit, neque etiam ipse Commodus, itaut Legatio ad Praturam gradus maneret; hinc postquam Pratorius Legatione defunctus fuisset, tunc demum a Commode inter Praetorios, ac mox inter Patricios fuit adlectus: Jure igitur, meritoque Civi adeo illustri, cui etiam *singularis erga Patriam*, *civesque suos adfectio* fuit, monumentum hoc P. D. D. idest Publicè Dedicatum, vel Positum Decurionum fuerit.

Non unus autem fuit Pratorius, qui Legati munere, Praetoriaeque subsecutæ Dignitatis se ipsum, Patriamque suam illustravit; Alterum enim Clarissimum Virum pari munere, Dignitateque praeclarum ex hoc nostri lapidis fragmento prodire jam videbimus.

....F.

bet lapis, mendosè scriptum fuit: *Sabina Toci F.* quamquam ex Codice Redii inferius notatum sit: *Salinatoria*; quae vera est lectio, quam noster principalis lapis confirmat, ubi *Salinatoria Augustina* Cn. Rustii conjux dicitur habetur.

[a] Videfis Lipsium de Rom. Milit. l.2. Dial. 12. ubi latè de Legatis militaribus.

[b] Annal. lib.2.



..... F. CLASSETIVS  
 ..... RATVS  
 C. V. NATVS <sup>IIII</sup> IDVS .....  
 VALERIO LARGO ET MES  
 SALLINO COS. VITA FVNC  
 IDVS APRIL. IMP. ANTONI  
 NO <sup>III</sup> COS  
 VIXIT ANNIS LXI. MEN  
 SIBVS VI. D. XXIII  
 IMP. SEPTIMIO SEVERO  
 COS. ADLECTVS inter  
 PRAETORIOS A Divo Commодо  
 .....

Commodi nomen supplendum censui, haud quidem superioris lapidis exemplum, sed omnino hujusce Inscriptionis tempus sequutus; Constat enim hunc nostrum Classetium natum M. Valerio Largo, & M. Valerio Messalino Cos. idest ann. 147., mortuum vero Imp. Antonino Cos. III. idest an. 208. (quod rari quidem erit exempli, ut annus natalis, ac emortualis in sepulchralibus titulis notetur, quos cum heic supputabis, jam annos vitae LXX. in lapide dein inscriptos integros habebis); Antoninum autem non alium, quàm Bassianum, seu Caracallam intelligendum disertè monent, tum priorum Consulum, quo Classetius natus est, annus, tum posterior Imp. Septimii Severi ejusdem Caracallæ Patris Consulatus, qui sine ullius numeri adjectione notatus, ejusdem primus statui debet (a): Quem igitur, (dum temporis ratio, quo Classetius floruit, habenda erit) Divum hunc putabimus, nisi Commodum? quem Severus in Imperio mox est sequutus, ac, teste Spartiano, non dum in Senatu, & concione laudavit, verum etiam *Deum appellavit*: At nihil in lapide de Legatione Classetii, qui tantum inter Prætorios a Commодо adlectus memoratur: Extremas lapidis lineas tempore detritas desideramus, in quibus Legationis munus fortasse erat, quod tamen recte conjicimus antea gestum, dum Prætorium habemus Virum, cui, ut diximus, ad eam dignitatem rite assequendam, Legatio debuit esse gradus.

Age nunc, dum semel Legionis munera recensere instituimus, postquam de Legatis, Tribunisque actum est, haud quidem laude sua fraudandi erunt Beneventani *Primopili*, *Centuriones*, *Signiferi*. De Primopilo extat hic lapis

L. FVLIONIO L. F. STEL. SEVERO  
 PRIM. PIL. LEG. X. GEM. ....  
 .....

Ubi primùm vides quam bellè a nostro lapide, Ciceronis exemplo, transactam litem de Primopili, aut Primopili scriptione servandà, nam ut ille, teste Tirone apud Gellium (b), orta quæstione an *Tertio*, vel *Tertium* Consul scribendum, Pompejo, de cujus tertio Consulatu inscribendo in titulo *Ædis Victoriæ* agebatur, auctor fuit, ut TERT. scriberetur, ita sane noster lapis cum PRIM. PIL. adhibuisset, inter veteres ipsos, qui alterutro modo scribendum vocabulum contendebant, quæstionem sustulisse visus est: Primopilus autem, (a quorum militari munere, omnino diversum ministeriale illud *Primopilorum*, qui sequiore ævo militibus

[a] De anno primo Septimii Severi Consulatus, quem is adhuc privatus gessit, ex Fastis non constat; Certum vero est, vivente Commодо Consulem primùm fuisse: Sic enim de ipso Severo Spartianus: *Consulatum cum Apulejo Rustico primum egit, Comodo se inter plurimos de-*

*signante*. Nec refert, quod in lapide Severus ipse Imperatoris titulo donatur, neque enim aliter dicendus erat, quando lapis dedicatus fuit, quamquam Consulatum privatus antea gesserat.

[b] Lib. X. cap. I.





## SEX. PILONIUS

SEX. F. . . . . STE. MODE

STVS BENEVENTO

7. LEG. IIII. F. F. III. HAS

POST. ANN. XXX. H. OR

DINE ACCEPIT EX

EQVITE ROMANO

MILITAVIT IN LEG

VII. C. P. F. ET. VIII. AVG

XI. C. P. F. MINER. P. F.

STIPENDIO CENTVRIO

NI CI. . . . . XVIII

H. S. E. S. T. T. L.

Hujus lapidis explicatio adverſæ paginæ ſubnotata eſt; illud autem heic obſervare præſtabit, quæ nempe fuerit ratio illius notæ, quâ Centuriones in antiquis lapidibus paſſim ſculptos, ſignificatoſque videmus: Rarè enim Centuriones ſuo vocabulo ſcriptos invenies, ut in noſtro prior lapide, nam in poſteriore, de quo agitur, licet Pilonius *Centurio* in XI I. linea dicatur, certis autem lineâ quartâ, ubi ejus muneris præcipua mentio, ſueta n. notam ex ſolenni more fuiſſe adhibitam: Ac Lipſius quidem (a) ex Vite, quæ Centurionum inſigne erat, ortam notam illam arbitratur, quæ in *modum Vitei flagelli curvatur*: non omnino ſpernenda ſummi Viri conjectura; ſed adhuc major lux ex Vegetio (b), qui *Centuriones tranſverſis Caſſidum criſtis literas habuiſſe* ſcribit, ut *facilius noſcerentur*; quid vero ibi ſcriptum? Fortaſſe, (quæ Sponii conjectura eſt) ſignum illud, quod Centurionis nota erat, addito Cohortis, ſeu Centuriæ ordine, ac numero: veriſimile id quidem; adhuc tamen ejus notæ, quæ ad Centurionem ſignificandum adhibebatur, origo, atque cauſa in obſcuro eſt; Mihi quidem eam notam, ut in lapidibus ſculpta eſt, nondum oculis ſpectare contigit, quam tamen lapidum omnium exemplaria ita exhibent, ut noſtro numero ſeptenario 7. a Barbaris ſera ætate invecſto reſpondere videatur: Nihil itaque de eodem numero in ea nota expreſſo cogitandum, ſed potius litteræ C. inverſæ formam agnoſcendam putaverim, qua ipſum Centurionis vocabulum exprimeretur; Notiffimus eſt in antiquis lapidibus ejuldem litteræ inverſæ uſus, ut mulieres, quæ Caji prænomine gauderent, intelligerentur, nam qui Caji erant viri per conſuetum C., mulieres vero per C. ſcribebantur: An igitur nota illa Centurionis, quæ ad ipſam C. accedebat, vel etiam præferebat (c), ad ſervandum diſcrimen aliquod, aut ad eos, ut inquit Vegetius, *facilius noſcendos* in morem recepta? At de Centurionibus ſatis: De Signiferis autem poſtremo capite hujus Diſſertationis opportunior ſermo erit.

Præſtat modo, ex Legionaria militia, quæ tota Civium Romanorum erat, ad Auxiliares,

[a] De milit. Rom. l. 2. dial. 8. & rurſus l. v. dial. 18. *Centurionum dignitas* (inquit) *notatur bifurcata, aut incurva vite*: Vitem autem Centurionis inſigne fuiſſe ſextcenti Scriptores teſtantur, unde paſſim *Vitis* vocabulum pro ipſo *Centurionatu* abſolute uſurpabatur; Ut Faſces majoribus Magiſtratibus adhibebantur, quibus ſupremi Imperii jus erat, ita Vitem Centurionibus geſtaram puto, qua mediocre aliquod Imperium iis quoque eſſe designaretur: certe, ut Magiſtratus Bacillis, & Securibus, ita Centuriones Vite jus coercendi habebant: Pulcrum illud Taciti Ann. 1. *Centurio Lucillus interficitur, cui militariſ facietis vocabulum cedo alteram, indiderant*; quia *fracta vite* in tergo militis alteram, & alteram *puſcebat*: Summam ejulmodi Viti reverentiam milites præſtare tenebantur, nam (ut ait J. C. Macer. l. 13.

§. 4. *De Re militari*) miles, qui Centurioni caſtigare ſe volenti reſiſtit, ſi vitem tenuit, militiam mutat, ſi ex induſtria fregit, vel manum Centurioni intulit, capite puniatur.

[b] De Re Milit. 11. 13.

[c] Certe Centuria per inverſum C. notatur in lapide apud Grut. pag. 561. num. 11. & altero apud Fabrett. pag. 568. niſi & heic ſit ipſe Centurio: Contra vero Caji per 7. occurrit apud Gudium pag. 353. n. 14. & eund. Grut. pag. 170. num. 4. quamquam in eodem lapide apud Fabrett. pag. 406. ipſum 7. ad C. propius accedat: ut videas rem tum marmorariorum, tum deſcriptorum arbitrio ſæpe mutatam, itaut planior æque, ac veriſimilior mea interpretatio videri poſſit.

liares, sive Sociales copias gradum facere, quæ etsi *Extraordinaria*, perpetuam tamen, neque numero, neque viribus contempnam, Romani exercitus portionem constituebant; In iis enim Beneventani non defuere, qui militaribus muneribus claruerunt: Ex hoc insigni lapide res satis constat.

C. OCTAVIO C. F. PAL. MODESTO  
 AVG. II VIR. I. D. QVAEST. II  
 PRAEF. FABR. ROMAE. PRAEF  
 COH. II. PANNONIOR. PRAEF  
 COH. III. ITYRAEOR. TRIB. MIL  
 LEG. IIII. SCYTHIC. CVRAT. REI  
 P. AECANOR. ITEM. HONORA  
 TO. AD. CVRAM. CALENDARI  
 REIP. CANVSINOR. A. DIVO TRA  
 IANO. PARTHICO. ET. AB. IMP. HA  
 DRIANO. AVG. HIC OPVS QVADRI  
 GAE CVM EFFIGIE IMP. HADRI  
 ANI AVG. CITRA VLLIVS POSTV  
 LATION. CVM. MVNICIPIBVS  
 SVIS. OBTVLISSET. EX. ARGENTI  
 LIBRIS. ∞. ADIECTIS AMPLIVS  
 LIBRIS. DIVII. VIRITIM. PO  
 PVLO ∞ SING. DISTRIBVTIS  
 DEDICARI. CAVIT sic

P. D. D.

Mitto heic de sacro Auguratus, aliisque civilibus C. Octavii Modesti muneribus dicere, ut quoque ejus Tribunatum in Legione IIII. Scythica gestum haud moror, satis enim de hisce rebus alibi a me tractatio instituta fuit: Ad Praefecturas quod attinet, quas is tum in Cohorte II. Pannoniorum, tum in Cohorte III. Iyreorum administravit, jam tandem de Auxiliariis militiæ munere agi noscitur: Praefecti enim audiebant, qui Sociis praeerant, sicut Tribuni, qui Legionariis; Par enim utriusque muneris in suos potestas, nisi quod, ut Auxilia Legionibus honore concedebant, ita Tribuni Praefectos dignitate praestabant, quos, (ubi de utrisque mentio) posteriori loco memoratos (a), ad ipsum etiam Tribunatum (ut de nostro Modesto palam est) gradum sibi fecisse constat (b). Ad Auxilia autem Modesti Praefecturas pertinere comprobant etiam Cohortium nomina, subditarum Provinciarum propria, quibus milites a Romanis Ducibus de more imperari solebant; ac Cohors quidem II. Pannoniorum (quem numerum ad plures ejusdem Gentis Cohortes haud referas, sed ad aliarum ex aliis Provinciis Cohortium auxilium numerum, quo ambæ Alæ constabant) ex Pannoniæ Provinciæ indigenis delecta erat, quæ semel in nostro lapide, atque iterum apud Grut. p. MXXVII. 6. occurrit: At de Cohorte III. Ityræorum haud æquè res clara: non alibi enim eam invenies, quàm in nostro lapide, quem adhuc difficiliorem reddiderat mendum apud eundem Grut. pag. 444. num. 5. & Manut. Orthog. v. *Kalendarium*; utrobique enim corruptè legitur ITYREOS. dempto etiam diphthongo, quum tamen ITYRAEOR. disertè in lapide scriptum sit: Ityræi itaque, seu Ityræi (nam utroque modo scribuntur, more illo, quo V pro græco Y latini passim usur-

[a] Cæsar. de Bell. Gall. 1. 19. Hic primum ortus est a Tribunis militum legionariorum, ac Praefectis Auxiliarium, reliquisque.

[b] Svetonius de Claudio cap. 25. *Equestres milicias*

ita ordinavit, ut post Cohortem Alam, post Alam Tribunatum legionis daret: Alam autem Praefecturam Auxiliarium intellige, qui, uti Alæ in avibus, ita corpus Legionum utrinque tegebant.



usurpabant) a Plinio, & Strabone (a) Syriae attribuantur, quorum Reges Sacris Litteris etiam memorantur (b): eos autem plurimum arcu, & sagittis valuisse constare, eoque nomine, nec sine sui capitis periculo Cicero ab suo usque ævo insignes celebravit (c); indeque factum, ut Arcum quemlibet, sagittis mittendis satis validum, Ityræi epitheto donarit Virgilius Georg. 2. 448., Ityræasque sagittas appellarit Lucanus L. 7. 230.: Ex hac igitur gente, quæ cum universa Syriae Provincia Romanis subdebatur, Cohortem tertiam Auxiliarium Romani Duces deligebant, cui Modestus Præfectus aliquando fuit: At cur non ex sua gente regendæ Cohorti Præfectus? non deerant certe in Auxiliis, qui bellica virtute præstantes, militaribus muneribus saltem inter suos optimè fungi poterant; Romanorum tamen prudentiam noscitis, qui nedum auxiliares copias in duas Alas, veluti duo corpora dividebant, mediis legionibus divulsæ, ne simul junctæ visu, & æstimatione sui fiduciam caperent, & animos fortasse novandi, sed etiam solos Romanos Cives quò magis in fide, disciplinaque militari continerentur, iis præficiabant.

Sed ad nostrum Modestum redeamus, qui OPVS QVADRIGAE CVM EFFIGIE IMP. HADRIANI AVG. CITRA VLLIVS POSTVLATIONEM CVM MVNICIPIBVS SVIS OBTVLISSET (d) EX ARGENTI LIBRIS ∞ (i. e. m.) ADIECTIS AMPLIVS LIBRIS XVII. VIRITIM POPVLO X (i. e. denariis) SINGVLIS DISTRIBUTIS DEDICARI CVRAVIT. Res quidem digna, ut a militia paululum divertentes, spectemus, miremurque: Spectemus, inquam, in lapide rei memoriam, nam rei ipsi suum obfuit pretium, fecitque inter alias causas omnium potissima avaritia, ne præclarissimum hoc monumentum ad feros nepotes pervaderet: Miramur itaque non tam Beneventanorum Veterum opes, liberalitatemque, qui in illud opus argenti libras mille contulerunt, quàm unius Civis magnificentiam, qui eidem Operi septem supra quingentas alias libras amplius adjecit, in ejusque dedicatione singulos denarios universo Populo viritim distribuit. Mos dedicandi Diis Quadrigas cum eorum effigie ab ipso Romulo manasse videtur, si Dionysio fides, qui l. 2. quadrigas aureas Vulcano cum sua effigie, ex manubiis ab illo dedicatas scribit: At non eæ tunc Romanorum opes, quibus, primis temporibus, nonnisi ex Argilla (ut ex Plinio, ac Felto discimus (e)) fictiles quadrigas effingere, ac dedicare sat fuit; mox Areas a Cn., &

G g

Q. Ogul-

[a] Hist. Nat. l. v. c. 23. Strabo Geogr. l. xvi l. At Parthorum genus Ityræos fuisse tradit Servius in dictum locum Virgilii Georg. 2. v. 448.: Ityræos taxi curvantur in arcus: Hoc est [inquit] in arcum Ityræorum similitudinem: Ityræos autem dicit Parthicos: Sed fallit Servius, qui, quòd Parthi ea re quoque famosi, ad eorum gentem Ityræos oſcitantur reulit: Apud Donium clas. v. n. 50. occurrit Præpositus Numeri Syrorum Sagittariorum, qui fortasse iidem nostri Ityræi. Stat igitur sua Plinio, Strabonique fides, quam etiam divini Codices, ut mox videbimus, præclare confirmant.

[b] In Luca Evangelio cap. 3. n. 1. dicitur Philippus Tetrarcha Iturææ, & Trachonitidis Regionis: nota est Judaici Regni divisio post Herodis magni obitum ab Augusto facta, nam quum inter ejus filios Archelaum, & Herodem Antipam de successione lis esset, Romæ causam dicere jussi sunt coram Cajo Augusti nepote, aliisque ab eodem Augusto designatis, qui Tetrarchiam insistentem Regnum in quatuor partes dissecuerunt: Et Archelao quidem Judæa proprie sumpta concessit, Antipæ Galilæa; Philippus vero eorum frater [sed ex alia Matre] Ituræam obtinuit, regionem nempe illam, ad radicem montis Libani a Paneade, seu Cæsariæ Philippi usque ad montem Tyri in longum porrectam: Lysanias tandem [cui nulla cum Herode sanguinis necessitas, quippe qui ex genere Dynallorum Chalcidis traditur a Josepho Antiq. lxx. c. 7.] Abilnam adeptus fuit: Ita Romani de Regnis decidebant.

[c] Semel atque iterum Cicero Ituræorum meminit Philipp II., dum eos Antonius in media Urbe ad sui custodiam, & inimicorum terrorem adhiberet. Accusa [inquit cap. 8.] omnes ordines, omnes Cives, dum conf-

teare, hunc ordinem hoc ipso tempore ab Ityræis circumferre, & cap. 44. Cur homines omnium gentium maxime barbaros Ityræos cum sagittis deducit in forum? Præsidii sui causam se facere dicit: quibus locis miror nihil a doctis viris notatum, quibus non adhuc notum vocabulum, cujus neque Orthographia rectè constat in Ciceronis editionibus; quæ etiam in MSS. corruptior, ubi Ityrædii. & Sityrei.

[d] Ita habet Lapis cum sequentibus, quæ scede mendosa exhibuit Grut. dicta pag. 444. n. 5. in quo sic legitur: Cum a municipibus suis oblatum ex argenti libris DXXVII. libris ∞ adjectis. Ubi illud Cum delendum censet Gronovius De Pec. Vet. l. 1. c. 7. sed perperam, quum verius sequens a præpositio delenda fuit, ac illud oblatum in obtulisset vertendum, sicque sensus lapidis rectè constat, ut nos summa fide descripsimus, exhibuitque Manutius in Orthographia, cujus exemplar [si Ityræos excipias] cum ipso lapide conscriptum, ut mirum sit Manutianum exemplar haud fuisse Grutero perpeſtum: Fateor tamen tertium cum ante obtulisset, quod regere deberet, subintelligendum, quod quum promptum esset cuique legenti, facillè Quadratarius prætermisit.

[e] Hist. nat. l. 28. 2.

Cum in fastigium ejusdem Delubri præparata quadrigæ fictiles in fornace crevissent &c. Festus in Ratumena: Fictiles quadrigas commemorat, quæ in fastigio Jovis templi, quas faciendas locaverant Romani Vejenti cuidam artis figulionæ prudenti, quæ bello sunt recuperatæ, quæ in fornace aded creverant, ut eximi nequirent; idque prodigium portendere videbatur, in qua civitate eæ fuissent, omnium eam futuram potentissimam; Fictus hæc prosequitur Plutarch. in Publicola.

Q. Ogulnius Aedilibus Curulibus ex multatitia pecunia Jovi in Capitolio dedicatas refert Livius l. x. 23. Aureas demum A. V. 521. [cum res Romana ad fastigium pervenisset] in eodem Capitolio positas idem Livius testatur l. 39. : At ex argento Beneventani dedicarunt, non solido quidem corpore, quod nec in vetustis æreis statuis invenies, sed quæ ad naturalem effigiem statuarum exurgentes, ingentem sumptum, qualem in MDVII. argenti libris agnoscere licet, absumperunt: Operis autem magnificentiam non solum materia commendat, verum etiam singulare exemplum; Diis enim (a), ut dixi, quadrigæ dedicari solebant, nec dum Augustis [non enim alibi inveni] ejusmodi decus adulatio præbuit, solis eos statuis pedestribus, equestribusque, marmoreis, aut æreis, auro aliquando illustribus, vel superfusus honorasse contenta: Beneventani tandem, ut Hadriani numini, majestatique devotissimos omnium se probarent, eundem quadrijugis vectum effingendum curarunt, quo tamen opere nullimode de divinis honoribus per nimiam assentionem communicandis cogitasse videntur, sed potius eundem Augustum Triumphantis specie repræsentatum voluere; quadrigis enim Triumphantem in Capitolium invehì consuevit satis constat; ac digna quidem, si non bellica virtus, Hadriani tamen moderatio, ut eo monumento a Beneventanis celebraretur, nam teste Spartiano c. 6., Cum ei Triumphum Senatus, qui Trajano debitus erat, detulisset, recusavit ipse, atque imaginem Trajani (b) curru Triumphali venit, ut optimus Imperator, ne post mortem quidem, Triumphum amitteret dignitatem.

## CAPUT

[a] Jovi præcipuè Quadrigæ dedicari solebant, proptereaquod cum tonaret, aut fulguraret, albis Quadrigis per cælum vehi ab Ethnicis credebatur: Hinc Horatius Od. l. 12. 58. *Tu gravi curru quaties Olympum*, Plautus etiam Aſin. 11. 2. 13.

*Nam si huic occasione tempus se subterduxerit*

*Nunquam pol. indeperiet quadrigis albis postea.*

Albas autem Quadrigas, non nisi quæ Jovis esset, significavit Plautus, optimus summet interpret in Amphitr. l. 1. 294.

*Quadrigas si inscendas Jovis nunquam effugies infortunium.*

Mirum autem quantum in priore Plauti loco explicando se torqueant Eruditi, quorum quinque diversas sententias recentet doctus Facciolatus; at nemo adhuc rem acu tetigit; quæ tamen (nisi & ego fallar) utroque loco collato, facili explicatu erit, si ad illam Ethnicorum Theologia partem deducatur, quæ Fatum non solum a Jove separatim colendum docebat, sed etiam ab Jovis imperio subtrahebat: De ea plura habet Servius ex Arulpicinæ libris, & sacris Acherontis AEn. VIII. 398. & passim alibi: Hinc si cui secundæ res, quas certo temporis momento Fatum obtulisset, neglectæ essent, nunquam, etsi in ipso Jovis curru confidenti, i. e. neque Jove favente jubente, revocandi potestas erat; Contra verò (quod posteriore loco agebat Plautus), si quid adversi infortunatque in alterius perniciem Fatum idem subeundum statuisset, non is, in Jovis Quadrigis licet positus, effugere valebat: Vides, quàm exiguus Imperii fines ipse omnipotens Deum Pater, atque Hominum Rex a suis cultoribus obtineret: At recta Religio Habacuc verbis 3.8. ita verum Deum alloquitur: *Qui ascendes super equos tuos: & Quadrigæ tuæ Salvatio: Qua verborum translatione Prophetæ illi eo loco familiari, quum Charitas nos Deo conjungat, incolumitas nostra monstratur; non enim est Fatum præter Dei voluntatem, potestatemque, humanis rebus impendens, cum quæ-*

cumque eveniant per quoscumque eveniant, certis ubique assidue vigilantis Divinæ Providentiæ legibus samulantur.

[b] Sed jam vivens Trajanus eundem, de quo hec agimus, Quadrigæ honorem acceperat; nam Romani Arcus Trajano extructi Ichnographia, vetusto numismate (quod a me, quum de Beneventano Arcu mox agam, proferetur) repræsentata, eundem Trajanum in ejusdem Arcus vertice inter duo Trophæa quadrijugo curru vectum exhibet: quæ tamen simulacra an è marmore fuerint, vel ex ære, omnino ignoramus. Hinc ante Hadrianum res in more jam posita; ad quam etiam referendos arbitror nummos illos *Quadrigatos*, antiquiores sanè, ac frequentissimos, quorum formam non è Ludis Circensibus, sed potius ex æstis aliorum Triumphis acceptam putaverim: Sed res, ut dixi, eò jam processit, ut quadrigarum effigies ex solida materia dedicarentur; atque ex quo Principibus ejusmodi monumenta dicari cœpta, paulatim ad alios summos viros eximie honorandos deducta sunt, servata tamen (ut videtur) gradus dignitate, itaut privatis personis Bigæ duntaxat statuerentur: Harum mentio bis occurrit apud Græc. p. 352. n. 1. ubi T. Ancherio Prisco Biga posita dicitur *ob eximias liberalitates, & abundantissimas sine exemplo largitiones* pag. vero 447. 6. adest lapis alter Pisarenſis P. Alfio Semniano iisdem conceptis verbis inscriptus, quem tamen sædè mendosum, sinceriores vulgare Fa-breſſus cap. X. n. 207. dein emendatorem Donius cl. v. n. 16., sed tandem ad Egipti fidem ære incisum eruditius observationibus illustravit V. C. Olierius inter Mar-mora Pisarenſia n. xxxi: In hisce autem Bigis positum quoque simulacrum illorum, qui eximio eo honore ornabantur, ex nostris, quem hætenus illustravimus, Beneventani lapidis exemplo, ubi quadrigæ cum effigie Imp. Hadriani dedicatæ dicuntur, jamdudum collegit V. C. Valerius Chimentellus in De honore Biselli c. 41., notatque ad dictum Donianum lapidem Gorius.



## CAPUT SECUNDUM.

*De Legionibus, in quibus Beneventani  
Milites censi fuere.*

**H**Actenus de Beneventanis Viris bellica virtute, militiæque muneribus illustribus dictum fuit; Ad Legionarios quod attinet, id tantum heic (nam eorum nomina, ætatem, numerum in Lapidum Thesauro novisse satis cuique erit) observare modo libet, qua ii in legione censi solerent: qua in re (si quid video) majus quoddam Beneventanorum militum decus positum videtur, dum in ipsa Legionaria militia, quæ generatim Civium Romanorum delectu constituebatur, Legiones aliquas aliis honore sui quæ æstimatione præcelluisse satis declarant vocabula ipsa, quibus *Victrices*, *Adjutrices*, *Valens*, *Fulminatrix*, *Ferrata* dicebantur; Quæ quidem cognomina nunquam dixeris ambitiose parta, aut fortuito comparata; id enim in aliarum legionum injuriæ omnino cessisset, quæ speciosis ejusmodi cognominibus haud utebantur, quibus etiam illud proclive fuisset, ut pro libito magnificentiora sibi vocabula certatim arripere æmulerentur: quod tamen nullo modo factum fuisse novimus; Imo & ipsa honoris cognomina, quæ aliquando virtutis causa promeruisent, re ipsa probare assidue tenebantur, quod si degeneres esse coepissent, ejus appellationis indignæ judicabantur, ut ab Augusto factum refert Dio L. LIV, qui Legionem totam *Augustam*, vetitam tradit hoc cognomine uti, quod ignaviter se gessisset.

Atque hæc quidem res, de qua institutus est sermo, jam denuo in memoriam revocat vetustissimam Majorum nostrorum Samnitium militarem disciplinam, qua post habitum ex universo Samnio militum delectum, adhuc ex delectis militibus, qui præstantiores robore essent, bellicaque virtute, ac generis nobilitate præclari, in peculiari Legione censebantur, iisque arma insignia data, & critiæ galeæ, ut inter cæteros emerent. Huic Legioni *Linteata* cognomen fuit; instituendi, sicque appellandi causam fuisse, eleganterque exequitur Livius (a), cujus locum, si cui percurrere lubeat, ne fortè quærat, infernè descriptum habebit: Hæc autem obiter de Samnitibus, quæ ad institutam rem pertinebant.

De Beneventanis militibus, qui Romana castra sequuti fuere, illud primò a me observatum fuit, eos generatim non nisi in Sextam, aut etiam Trigessimam Legionem censi consuetos: ac in priorem quidem ex nostris Lapidibus sex Beneventanos milites adhuc memoriæ superstitis numeramus, posteriori vero totidem adscriptos habemus: De utriusque Legionis præstantia modo videamus.

Binas Legiones senarium numerum prætulisse, [ut lapides præteream] locuples testis est

G g 2

Dio,

[a] Lib. x. cap. „Sequitur hunc annum & Consul  
„ insignis L. Papirius Curfor quæ paterna gloria, quæ  
„ sua, & bellum ingens, victoriæque, quantum de  
„ Samnitibus nemo ad eam diem præter L. Papirium  
„ patrem Cos pepererat: & fortè eodem conatu appa-  
„ ratuque, omni opulentiæ insignium, bellum ador-  
„ naverant, & opus Deorum etiam adhibuerant, ritu  
„ quodam vetusto veluti initiatis militibus, delectu  
„ per omne Samnium habito, nova lege, ut qui ju-  
„ niorum non convenisset ad Imperatorum edictum,  
„ quique injussu abisset, caput Jovi sacratum erat:  
„ Tum exercitus omnis ad Aquiloniam est inductus ad  
„ XL. millia, quod roboris in Samnio erat, convene-  
„ runt. Ibi mediis ferè castris locus est conceptus cra-  
„ tibus, pluteisque, & linteis contextus, patens du-  
„ centos maxime pedes in omnes pariter partes: Ibi  
„ ex libro vetere linteo læsto sacrificatum Sacerdote  
„ Ovio Iaccho quodam homine magno natu, qui se id  
„ sacrum petere affirmabat ex vetusta Samnitium reli-  
„ gione, qua quondam usi majores eorum fuissent,  
„ cum adimendæ Hetruscis Capuæ clandestinum cœ-  
„ pissent consilium: Sacrificio perfecto per Viatorem  
„ Imperator acciri jubet nobilissimum quemque gene-  
„ re, fastique: Singuli introducebantur: Erat tum

„ alius apparatus sacri, qui perfundere religione ani-  
„ mum posset: Tum in loco circa omni contexto addi-  
„ tæ Aræ in medio, victimæque circa cæle, & cir-  
„ cumstantes Centuriones strictis gladiis: Admoveba-  
„ tur altaribus miles magis ut victima, quam ut sacri  
„ particeps, adigebaturque jurejurando, quæ visa, au-  
„ ditæque eo loco essent, non enunciatum: Dein  
„ jurare cogebatur diro quodam carmine in execratio-  
„ nem capitis, familiaeque, & stirpis composito, nisi  
„ isset in prælium, quo Imperatores duxissent, aut  
„ si & ipse ex acie fugisset, aut si quem fugientem vi-  
„ disse, extemplo non occidisset; Id primo quidem  
„ abnuptes juraturos se, obtruncati circa altaria sunt;  
„ Jacentes d. inde inter strages victimarum documento  
„ cæteris fuere, ne abnuerent: Primoribus Samnitium  
„ ea detestatione obstrictis, decem nominatis ab Impe-  
„ ratore, eis dictum, ut vir virum legeret, donec  
„ sexdecim millium numerum confecissent: Ea Legio  
„ Linteata ab integumento concepti, quo sacra nobili-  
„ tas erat, appellata est: His arma insignia data, &  
„ critiæ galeæ, ut inter cæteros emerent; Paulo  
„ plus XX. millium alius exercitus fuit, nec corporum  
„ specie, nec gloria belli, nec apparatu Linteatæ Le-  
„ gioni dispar.





Ac de *Ferrata* quidem probè affirmare sinit nostrorum militarium Lapidum ad vi. legionem pertinentium unus, ubi *FERRATAS* cognomen adjectum legitur; quod licet in aliis desit, facilis tamen ex eo uno conjectura est, eandem *Ferratam* Legionem in reliquis, quæ sola numerali nota vi. memorantur, esse intelligendam: *Ferrata* autem (quamquam & vi. Victrici sua quoque in ipso nomine flet laus,) singulare illud videtur fuisse decus, ut irruentibus hostibus constans esset, atque impenetrabilis; quæ quum ferri natura esset, eidem *Ferrate* cognomen peperit. Scio *Ferrata* agmina apud Horatium (a), *Ferratos* milites Gallos apud Tacitum (b) pro *Cataphractis* usurpari; Hinc etiam Lipsius (c) Legionem *Ferratam*, de qua agimus, dictam arbitratur, ab armorum præstantia, & qua tota e ferro: Quod quum verisimile fatear, malim tamen non e solis armis suum fuisse legioni cognomen, & decus, sed bellicam virtutem utrumque indidisse: quamquam si ex armis cognominis ratio petenda esset, ut qui in ea legione censerentur, toti e ferro muniti, contextique essent, robore hos excelluisse jam rectè consequatur ex eo, quod ex Romanorum disciplina (quod Samnitium moris etiam fuisse superius dictum fuit) validioribus præstantiora arma, quique strenuè bello usuri essent, dari solebant: quod vero, iniquis, armorum hoc genus unde *Ferrati* milites dicti? ego sic existimo, non ea tegmina fuisse e ferro ita fabrefracta, ut singulis membris accommodata totum corpus protegerent; inane enim corporis præsidium, cujus vires vix promptæ, expeditæque ad pugnandum: Ad scutum itaque refero, quod aliis e ligno, corio contexto, ac margine tantum ferreo, *Ferratis* tamen totum e ferro fuisse videtur: Certè ex Taciti loco, ubi *Ferrati* memorantur, nonnisi Laminæ, & Tegmina, muri instar, describuntur: addo etiam hæc ferrea scuta aliis longiora fuisse, ad corporis prope altitudinem, itaut qui ea gessissent, quum se protegerent, toti e ferro apparentes, rectè *Ferrati* dicebantur. An autem e Gallis Romani accepere? Haud quidem; nam ad Tiberii ævum locus Taciti pertinet, & jam antea apud Romanos Legio *Ferrata*: Quid si majoribus nostris Samnitibus Romani id debeant? Saltem hoc armorum genus e Samnitibus ad Romanos: nec mirum; bellicosissima omnium per eam ætatem Gens præstantioribus quoque armis studere debuit: Samniticum scutum ita describit Livius (d). *Forma erat ejus, summum latius, qua pectus, atque humeri teguntur, fastigio equali, ad imum cuneatior, mobilitatis causa.* Inter ea autem, quæ Romani a variis gentibus hausere, a Samnitibus quidem scuti usum didicisse testatur Athenæus; locupletior testis etiam C. Cæsar in oratione apud Salustium de bello *Cavillario*: *Majores nostri, inquit, arma, atque tela militaria ab Samnitibus sumpserunt* (e): Qua in re illustre militaris Samnitum præstantia monumentum obiter observare licuit, neque minus mirari subest Romanorum solertiam, qui, [ut ejusdem Cæsaris verbis utar] quod ubique apud socios, aut hostes idoneum videbatur, cum summo studio domi exequabantur: Imitari, quàm invidere bonis malebant.

Ad xxx. Legionem nunc progrediar, quæ altera, ut dixi, fuit, in qua Beneventani milites censi solebant: Recentiora huic Legioni initia fuisse ex Dionis loco satis constat, qui tum il. *Ægyptiacæ*, tum xxx. *Germanicæ* Trajanum auctorem facit, quas etiam ambas a se ipso cognominasse subdit: De *Germanicæ* appellatione antiqui lapides omnino silent, ut facile possem antiquis lapidibus, qui in indice Gruteri, Gudii, Donii præsto sunt: Ac satis profecto fuerit Auctorem prodidisse, Trajanum scilicet, cujus bellica virtute Romani Imperii, quod post Augustum defensum magis fuerat, quàm ampliatus, fines longè, latèque prolatus fuere, ut exinde in Legionem ipsam, quæ cæteras præcelleret, omnia militaris gloriæ præconia jure conferamus: At hoc uno argumento virtutem suam comprobari haud contentam video

[a] Lib. 4. od. 14. v. 30.

[b] Annal. III. cap. 45. ubi Sacerdotis Gallorum Dux adversus Romanos in fronte statuerat *Ferratos*, in cornibus Cohortes, a tergo Semerones, & mox commissa pugna paullum moræ attulere *Ferrati*, resistentibus laminis adversus pila, & gladios; sed miles (Romanus) correptis securibus, & dolabris, ut sumum perrumperet, eadeque tegmina, & corpora.

[c] Analect. ad milit. Rom. tom. 3. opp. edit. 1675. pag. 422.

[d] Lib. ix. cap.

[e] Hanc laudem a Samnitibus abjungere satagit

Lipsius de mil. Rom. 1. 3. dial. 2. Plutarchi fidem sequutus, qui Romani scuti exemplum Romulum a Sabinis accepisse ait: Adjicit etiam, Samnites serò a Romanis notos, atque utriusque scuti diversam fuisse formam: At Athenæo, & Cæsari vix ego Plutarchum anteculerim: quamquam & Plutarchum verum dicere potuit: Sabinorum scuta accepit primum Romulus, quia sola exemplo tum fuere; at quum præstantiora apud Samnites comperta dein fuissent, cur non hæc alia accepissent Romani; quod quidem viro summo animadvertendum fuit.

deo eandem Legionem: Siquidem & *Fortis*, & *Fortis Fidelis*, & *Valentis Victricis* cognominibus decorari gaudebat, ut eosdem Indices percurrenti jam patet; Sicque amplius non modo auctore suo non indignam, verum etiam fortitudinis exempla eximie sequutam, magnificentissimis ejusmodi appellationibus ab eò insignitam fuisse constat.

Utriusque tum vi. tum xxv. Legionis decora exequuti sumus; quorum præstantiâ Beneventanorum militum, qui in eis dumtaxat cenferi solebant, bellicam virtutem probari, quis neget? Quæ fuerit in habendo delectu Romanorum disciplina, omnes norunt; nequaquam eum ferrent commilitones, qui Legioni, veteri gloria insigni, parem animum, viresque conferre nequiret; an etiam Trajanus in Legionem, quam ipse primùm instituisset, fortissimos viros non delegisset; sed adhuc Beneventanorum militum virtutem luculentius arguere fas erit ex viris illis, quos primis militiæ muneribus illustres superiori capite sigillatim recensuimus: non enim Centuriones, Primipilos, Tribunos, Legatos Romanæ militiæ Beneventum jactaret, nisi prius fortissimos Legionarios dedisset.

Sed antequam manum de tabula, liceat nunc ad Legionem xxx. regredi, ejusque occasione Romanorum Legionum numerum accuratius observare. Sane de Legione xxx. aliisque, quæ infra eum numerum fuere, innumera occurrunt Lapidum, Scriptorumque testimonia; dum vero ultra eum numerum progredi velis, rarissima reperies monumenta; De Legione xxxv. tres dumtaxat lapides a Grutero exhibentur; Legionem xxx. unicus docet lapis apud Fabretum cap. ix. num. 169., quem tamen eruditi mendosum recte arbitantes, Gruteri lapidum fide nixi Romanas Legiones quintam, & trigessimam non excessisse decernunt: At non ego facile huic sententiæ acquieverim, quam nullus a xxx. ad xxxv. medius Legionum numerus hactenus in lucem erutus confirmat, quam præterea manifestum mendum (ut inferius dicam) in numerali nota xxxv. explodit, quam demum falsam declarant indubiæ fidei monumenta alia, quibus jam demum de vero Legionum numero certiores efficiamur.

Primum itaque certum illud statuo, quod Augusti ævo xxv. dumtaxat Legiones in Rep. alerentur. Eum numerum definit Tacitus (a) sub Tiberio, dum vires, & copias Imperii recenseret. Nec secus Dio, adhuc incertus ex aliorum sententia, qui ad tres, & viginti numerarunt: Ex his vides, quæ sit Hirtii fides, aut quicumque is sit, Belli Alexandrini Scriptoris, qui cap. 3. Legionis xxxvii. meminit, quasi ante Augustum numerosior fuerit Romana militiæ, dum scimus civili Bello xli. Legiones Cæsari, xi. Pompejo adhæsisse (b): non est etiam, cur Appiano credamus, qui Bello altero Civili, xliii. Legiones nobis obtrudit, quas deinde ad xxviii. ab Augusto redactas affirmat (c): quamquam in Hirtii, Appiani exemplaribus non eorum fidem, sed potius Amanuensium oscitantiam, quæ in describendis numeralibus notis maxime depræhenditur, redarguendam crediderim: Interim verò Tacitum, ac Dionem tutissime sequimur, inquisitionis, ac fidei notæ Scriptores, qui etiam in eo legionum recensu, ad numerum universim traditum, [quod omnem mendi suspensionem tollit] pro diversis earum stationibus particulatim dispertientes, iterum redeunt, atque omnino confirmant.

Hæ Imperii vires, ut dixi, copiarumque ab Augusto, sequentisque Principibus ad Trajanum usque, quo imperante, quum Romana res domi, militiæque quammaxime florisset, jam demum in Romanis Castris triginta Legiones numerari coeperunt: Rem satis exploratam jam superius ex Dione, ac Capitolina Columella probavimus, confirmatque *Ulpia* cognomen, quo ipsa Legio Trigesima vetustis aliis monumentis passim celebratur; Hunc numerum post Trajanum veluti solennem, Romanique Imperii ordinarium etiam Favorinus joco usurpat apud Spartianum, nam arguentibus amicis, male eum cedere Hadriano de verbo, quod idonei auctores non usupassent, non recte, inquit, suaderis amici, qui non patimini illum me doctiorem omnibus credere, qui habet triginta Legiones.

At quid dicendum de vetustis illis Lapidibus, ubi Legiones statutum modo numerum excessisse probantur? Primùm ajo, eos lapides admodum raros occurrere, atque ex eorum raritate justam mendi suboriri suspensionem: Dein non aliam ipsi, nisi aut xxxv. aut xxx. Legionem nobis exhibent: an igitur de cæteris legionibus, quæ tricenarios numeros ad quadragesimum impleant, quotquot fuerint lapides disperiere omnes? haud ita quidem a prima ad trigessimam Legionem res se habet, quarum innumera adhuc nobis supersunt monumenta, quæ tamen supra eum Legionum numerum desiderantur; neque enim, si aliæ ultra trigessimam fuissent, commune studium, proprium nomen publicis consignandi monumentis omnino neglexissent; neque saltem gregarius quispiam miles in aliqua ex iis Legionibus conscriptus, un-

quam

(a) Annal. lib. iv. cap. 3.

(b) Cæsar. De Bell. Civil. l. 3. c. 1. & 2.

(c) Lib. v.



quam inventus, qui pro omnium Romanorum etiam de sœce Plebis more, nomen suum posteritati commemorare non sategisset: Sed jam demum de Legione *xxxx.* commentum innotuit: Eundem lapidem, quem affert Fabrettus, iterum edidit Donius cl. vi. num. 15. ubi pro legione *xxxx.* legitur *xxx.* (a): Ediderat etiam alterum de eadem *xxxx.* Lippius, qui tamen apud Gruterum ipse idem lapis numerum *xxix.* omnino præfert (b); ut jam videas, incerta omnia, immo commentitia de eadem Legione circumferri, jamque numeralis nota *xxxx.* eidem adjecta, quin mendosa sit, non est cur amplius dubitemus: Superest de *xxxv.* dicere: Trium, quatuorve lapidum, qui cum eo numero hætenus prodire, exemplaria invenio, adest tamen, ut & ipsos quoque mendosos pronunciem optimâ conjecturâ, quam sic habes: Inter alia, Legionis *xxx.* cognomina *Ulpia* illud excellebat, quo suum auctorem præferret; illa etiam quam frequenter usurpabantur *Valentis*, *Victricis*, atque hæc quidem siglis expressa sæpissime in lapidibus occurrunt; Sic apud Grut. pag. 482. 8. LECTIO *xxx.* v. pag. 72. 8. 535. 1. 1025. 2. LECTIO *xxx.* v. v. idest *Ulpia*, aut *Ulpia Victorix*, seu *Valens Victorix* (c); quàm facile itaque illud fuerit, ut singularis litera *v.*, quæ alterutrum eorum cognominum significabat, pro numerali nota accepta, cum antecedentibus *xxx.* coaluerit; nihil hoc ipso verisimilius, quod & sueta descriptorum oscitantia, & aliarum transrigitimarum Legionum silentium, satis comprobare videntur.

Restat, ut Columnæ Massæjorum satisfaciam, quæ, [ut in adnotationibus dixi] legionum numerum in Capitolina Columnella descriptum tribus novis aliis legionibus auctiorem nobis exhibet, adeout quæ triginta olim fuerint, jam ad tres, & triginta numerandæ legiones videantur. De hujus monumenti fide quæstionem facere haud æquum erit; Liceat tamen dicere, eo monumento, quom ex commemorata *xxx.* *Ulpia* legione Trajani ævo recentius conjicitur, nihil fieri posse, ut a statuto triginta legionum numero, qui ordinarius esset, recedamus: Sanè post Trajani ævum vix equidem stantis, sed potius labentis Imperii initia rectè consignabimus: Tres Provincias, Assyriam, Mesopotamiam, & Armeniam, quas Trajanus addiderat, Hadrianus a Romano Orbe, graviore, in quam succreverat, moli haud ipse sufficiens, abiecit, revocatisque exercitibus finem Imperii esse voluit Euphratem: Inde omnia in pejus ruere, deservescere Principum, militumque bellica virtute, quam a Septimio Severo belli studiosissimo paulisper instauratam, mox Caracallæ filii ignaviâ, qui vel aliis titulis inter pessimos jure numeratur, denuo labefactatam novimus: An itaque ad Severi ævum Trigintatres Legiones referamus? Sed vide, ne, quum numerales notæ, quæ in eodem monumento cuique Legioni præscribuntur, *xxx.* Legionem *Ulpiam* non excedant, de trigintatribus postea legionibus in eo descriptis tuta esse fides jam possit; At fuerit utique is Severianarum Legionum numerus; Severum namque superiore Capite ex Herodiano jactantem audivimus, copias, quæ Romæ essent, in quadruplum auctas filiis relinquere; nulla certè erit ratio, ut quod brevi intervallo vix, aut vix obtinuit, ordinarium, quem tamdiu viguisse jam constat, Triginta Legionum numerum incertum efficere nobis queat.

At nonne ex amplificato, quem asserere fortasse debuimus, Legionum numero, amplius, & tutelæ Imperii, & majestati consultum fuerit? non is quidem ego sum, qui vel Severi jactantiam mihi arripuerim, vel etiam Agathæ magniloquentiam græca fide dignam: atque is quidem (d) sub Justiniano copiarum paucitate, quas tum Imperium aleret, Barbarorum irruptiones

[a] Ubi doctissimus Gorius, apud Fabrettum (inquit) descriptum est Centurio Legion. *xxxx.*: mendum irrepsisse suspicor in hoc numero, nam apud Gruterum ex Scaligeri indice Legiones numerum *xxxv.* non excedunt; An vero stabit fides Lapidis Doniani pro num. *xxvi.*? Pronum est ut affirmem, hunc quoque numerum, in quem Fræbettiæ legiones contrastræ sunt, æquè mendosum videri, ut ex supradictis patebit.

[b] Lippius in Analectis ad Dialog. v. præfatum lapidem affert; L. SERGIUS L. P. LEPIDVS AED. TR. MIL. LEG. *xxxx.* Ubi (inquit) quadragesima legio exprimitur non sine mendis suspicione, nisi per bella civilia sic fuit: Sed jam mendum sustulit Gruter. in eod. lapide p. 468. n. 1. ubi non *xxxx.* sed *xxix.* ea Legio fuisse scribitur, tertio x. in 1. mutato.

[c] Manifestum mendum haud secus deprehenditur in binis inscriptionibus Donii cl. vi. n. 57. & 144. in

quorum altero Legio *xxxvi.* altero vero legio *xxxv.* occurrunt: In priore enim rite postremas notas *vi.* ab antecedentibus separabis, ac pro cognomine *Victricis* accipies, in posteriore etiam extremo *v.* a *xxx.* divulso in *Valentis* significationem rectè mutabis, ut sit *Valens Victorix*, quæ familiaria fuere Trigintæ Legionis cognomina.

[d] Hist. lib. v. ubi Lippii [De Magnit. Rom. lib. x. c. 5.] versionem sequi malui, nam in editione Basileensi an. 1576. quam curavit Leunclajus ad quinque & quadriginta millia, sexcentaque bellicosissimorum hominum veteres copias recensentur, quæ licet pro tertia parte jam decreverant, adhuc tamen ingentem numerum falsò amplificatum nobis referunt: sed, ut dixi, Lippii lectio retinenda est, quæ Græco exemplari magis fida respondet.

ptiones attribuens, non tanta [inquit] jam permanferant, quanta sub prioribus olim Principibus fuerant, sed ad minimam quandam partem redacta, non jam ultra magnitudini Imperii sufficiebant; quum ad sexcenta, & quadraginta quinque millia virorum militarium universas copias colligere oporteret, vix tunc in centum quinquaginta millibus constabant: . . . Sic itaque ad perexiguam partem redacta tot hominum copia sunt, & Principum negligentia intercessit: Quando enim id fuit, ut tot centena militum millia, quæ Agathias comminiscitur in Caltris Romanis alerentur? Falsi certè redarguunt vetera monumenta omnia, quæ ad nos pervenerunt: Succenserent etiam, si modo adessent, Romani ipsi, qui de eo immenso numero nunquam sibi gratulandum paterentur: quid enim? Ex ordinariis xxx. Legionibus, quas statuimus, [dum de militum numero, an quatuor, aut quinque, vel sex millia essent, qui in singulis legionibus conscriberentur, non convenit] cl. circiter ingenuorum, fortiumque virorum millia habebant, totidemque ad minus ex Auxiliaribus Copiis de more sibi adjungebant: An trecena hominum millia iis non suffecissent, quorum regiones, ac provincias semel quæsitæ nemo hostium aggredi auderet? Qui etiam nonnisi ad proferendos Imperii fines iis uterentur? Adde demum, ingentem adhuc eum numerum apud Romanos videri posse, qui non magis numero, quàm militum virtute delectabantur, proque diligentissimo virorum delectu, exactissimæque rei militaris disciplinæ, insignes, quibus assueti erant, victorias non copiarum multitudini, sed probatissimæ militum virtuti acceptas referre gloriabantur: atque hæc quidem de binis illis legionibus, in quibus Beneventanos milites conscribi solenne fuit, observasse libuit.

Ad eas modo legiones pergendum mihi esset, in quibus Beneventani [quos superiore capite recensui] Tribunatum, aliaque insignia munera administrarunt; at neutiquam de singulis prope legionibus tractandum mihi institui, quod longum sane fuerit, ac omnino otiosum; Selegeram quidem Legionem xli. in qua L. Leticus primo loco memoratus Tribunus militum fuit, eam inquam, Legionem Fulminatricis cognomine illustrem, qua Res Christiana illustrari maxime posset: Miraculi fidem, quo Christiani milites in eadem Legione conscripti, Marcommannico Bello, sub M. Aurelio, pluviam impetrarunt, acrids, quàm hactenus alii, assereram adversus quosdam intemperantioris Critices studiosos, aliosque recentiores Heterodoxos: Sed satius fuit, antequam nostra ederentur, præreptam mihi palmam concessisse V.C. Mammachio, qui Orig. Christ. lib. i. cap. 7. §. 1. quum summam manum huic rei pro ejus dignitate dedisset, illud dumtaxat mihi reliquum fecit, ut eruditissimi auctoris summa cum laude heic meminerim, ac præterea lectorem ad eum ablegarem.

CAPUT





## CAPUT TERTIUM.

*In militarem Lapidem C. Luccii Beneventani  
Commentarius.*

• C. LVCCIVS C. F.  
STEL. SABINVS  
BENEVENTI DECVRIO  
VIVVS SIBI ET OFILLIAE  
PARATAE VXORI ET LVCCIO  
VERECVNDIO FRATRI POSTERISQ  
SVIS FECIT. MILITAVIT. IN. COH  
OR. VRB. ADIVT. TRIBVN. ORFIT  
SECVTOR. OPTIO. VALETVDI. OPTIO  
ARCAI. SINGVLARIS. BENEFIC  
TRIBVN. A. QVAESTIONIB. FACTVS. PER  
ANNIVM. VERVM. PRAEF. VRBIS. ET  
TESSERARIVS. OPTIO. SIGNIF. FISC  
CV RAT. OPTIO. AB. ACT. CORNICVL  
TRIB. BENEF. VLTERI. ASIATIC. PRAEF  
VRB. MISSVS. AB. IMP. HADRIANO. AVG  
SERVIANO. III. ET VIBIO VARO COS...  
..... CIO. CLARO. II. COS. IN FR  
P. XX. IN AGRO P. XX

JAM postremo loco ad Luccii lapidem accedamus, quo militarem Veterum Beneventanorum rem, quam hactenus in Castris, atque in ipsa acie praecelaram celebravimus, intra Urbis modo moenia florentem inspiciemus. Insignem hunc nostrum lapidem in Platea Aedis majoris adhuc extantem, asperiores tamen temporis injurias ad hunc diem expertum, multi antea in lucem edidere, sed vel mutilum, vel foedis scatentem mendis (a), quae aliorum vel incerti, vel oscitantium invectione, ita nunc mea diligentia deterfa habes, ut in exemplari superius edito sua tandem lapidi fides sit restituta. Intererat autem, ut, quod in aliis accuratè a me praestitum fuit, in hoc maxime monumento diligentior operam adhiberem, qua munera omnia militaria, quibus omnino verbis inscripta essent, legerentur, novaque multa exinde nobis paterent, quae vix hactenus ex antiquitatis latebris eruta, unius nostri lapidis beneficio in lucem prodeunt.

C. igitur Luccius Beneventanus Decurio in eo titulo monumenti, quod vivus sibi, suisque fecit, pro recepto more, quo suum quisque nomen, dignitates, honores singulos posterorum memoriae commendare gestiebat, munera omnia, quotquot in Urbana militia ipse gesserat, longissima serie enumerare pergit; atque ab ipsa Militia Urbana orsus, in Cohorte Urbana primum se militasse ait; numerum Cohortis non tamen, ut mos erat, expressit: plures enim in Urbana Militia fuisse Cohortes, satis constat, & quidem tum a Vigiliis, tum a

H h

Præ-

[a] Guther. de Off. D. A. esp. 37. Panvin. in Fast. pag. 221. labrett. Column. Traj. cap. 7. pag. 197. sed quæ sunt apud Gruterum menda indicare tantum praestat: nam pag. 431. num. 9. hunc lapidem exhibet, ubi lin. 10. pro Arcarii habet Arcaris: lin. 11. omittit A. ante Quaestionibus: lin. 14. pro AB. ACT. habet ABACT. lin. 15. pro Asiatic. legit Asiatic. Nomina Consulium per-

sine corrumpit, quæ suo loco restituta dabimus. Mirabimur tandem Cl. Muratorii oscitantiam, qui hunc lapidem, solum ex Rhedii codice excepisse contentus ita pag. 1032. num. 7. exhibeat, ut pro LVCCII nomine Tuccium nobis primâ lineâ obtrudat, ac post dictionem Fecit septimæ lineæ, statim obmutescat, ita ut quæ reliqua sunt in lapide, in ejus exemplari prorsus desiderenter.

Prætoriorum Cohortibus distinctas, quas sub Augusto ad xv. numerat Tacitus (a); ad xiv. postea auctas antiqui lapides manifeste docent: Proprius hic Urbis miles habebatur, eandem licet Urbem insidentibus *Vigilibus*, *Prætorisque*, novo proinde vocabulo *Urbanicianus* appellatus a J. C. Paulo (b) & semel apud Gruterum (c), nulla re Legionario minor (d), quippe qui Urbis tutelam habebat, cujus ille imperium foris proferebat. At cum in Urbe, & pro Urbe semper hæ Cohortes adessent, præter Tribunos, aliaque minora militiæ munera, quibus regeretur, ipsum Urbis Præfectum supremum sibi caput, aut Ducem habebant; Hinc in Vitelliana Conjuratone Primores Civitatis Hævium Sabinum Præfectum Urbis secretis sermonibus incitabant, victoriæ famæque partem capefferet; esse illi proprium militem Cohortium Urbanarum (e): ex quo summa lux nostro lapidi, a quo vicissim res ipsa comprobatur; patet enim ratio, cur Luccius bis per beneficia Præfecti Urbis [ejus scilicet, qui Urbanæ militiæ præerat] ad altiora munera promotus dicatur.

In ipsa autem Urbana Militia dum stipendia facere coepisset Luccius, (neque enim permilitasse (f), sed tantum militasse se affirmat) primo loco ADJUTOR Tribuni Orfii fuit (g): Adjutoris munus in militia rarè admodum occurrit, nam præter nostrum lapidem, semel, atque iterum legitur in Gruteriano Thesaurò (h); at non insuetum, vel extraordinarium putari debet, quippe quod *Optioni* (de quo mox dicam) respondet, immo & illius synonymum fuisse non inepte colligo ex Cæsare, qui Lentulo Quæstori legionis ix, quod valetudine minus bona utebatur, Fulvium Posthumum Adjutorem summisit (i): Mox etiam SECUTOR fuit, ejusdem, ut videtur, Tribuni: De *Secutoribus*, qui eo proprio nomine Gladiatores erant, in vetustis monumentis, & Scriptoribus frequentissima mentio: Cave tamen, ne ad hos *Secutores* Luccium nostrum pertinere putes; Fuit enim in militia *Secutoris* munus, ut antiqua saxa nos docent (k), in quibus dignoscendis diligentia adhibenda est, ne cum his Militaribus Gladiatores *Secutores* confundamus; Reperio enim Lipsium (l) inter militares retulisse Taurum *Secutorem*, de quo hic lapis apud Grut. pag. 334. 2.

D. M.

TAVRO SECVTO

RI CAESARIS

(m) B. ANNIS XXIII

CALLISTE COIVX sc

R. M. F

ubi Taurus hicce nullo prænomine, ac cognomine insignis, suo etiam, ac conjugis nomine servilis conditionis se prodens, nullimode ad militiam pertinet, sed inter Cæsaris gladiatores *Secu-*

[a] Annal. lib. iv.

[b] In lib. 35. §. 4. D. Ex quib. caus. major 25. ann. in integr. restituantur ubi sic ait: In Urbanicianis militibus idem D. Pius constituit &amp;c.

[c] Gruter. pag. 1109. 15, ubi Q. Titius Rufus dicitur Miles Urbanicianus Coh. xi. Stip. v.

[d] In delectu militiæ Urbanæ nemo nisi ingenuus Civis Romanus censebatur, immo qui intra Italiam natus, ut ex Tacito colligitur, qui Cohortes Urbanas, *Esvurna fermè, Umbriaque, aut Vetere Latio, & Coloniis antiquis Romanis delectas* affirmat l. l. Hinc in vetustis saxis, quæ Urbanicianos milites passim nobis exhibent, nullum libertinum legere est, ut in Vigilibus sæpe occurrit: Pari itaque Legionariorum jure Urbaniciani fruebantur in peculio, testamento, & licet in Urbe præsentis, absentium tamen causa Reip. beneficio gaudebant, ut docet Ulpianus in l. 13. §. 1. D. ad L. Jul. de Adult. & Paulus l. l.

[e] Tacitus Histor. l. 111.

[f] Per militandi verbo optime utitur Ulpianus in l. 9. D. De Excusation. (ut notat Ant. Augustinus in lib. singulari ad Modestinum) pro eo, qui integra militiæ stipendia confecit. Sic *pernumerare* apud eund. in l. 1. §. 24. D. De Ventr. in posses. miss. *Pernocare* (idem Ulpianus docet in l. 166. D. De V. S.) extra Urbem

intelligendus est, qui nulla parte noctis in Urbe est: Per enim totam noctem significat.

[g] Orfii cognomen Gentis Memmiiæ peculiare fuit, ut in lapidibus apud Gruter. pag. 38. 6. & 284. 8. ubi Memmius Vitrasius Orfius bis Præf. Urbi: In fastis etiam Orfii Consules recentetur. Capitolin. in Pio: *Sucessorem viventi bono Judici nulli dedit, nisi Orfio Præfetto Urbi, sed petenti*: Ex tot Orficiis aliquis Tribunus Cohortium Urbanarum fuit.

[h] Pag. 526. ubi Aur. Briarius EQ CAST PRIOR TVR. MAXIMI ADIVTOR PRAE. i. e. EQues CASTIorum PRAET. (sic emendo illud PRIOR) TVRMæ MAXIMI Adjutor Prætoris: &amp; pag. 561. n. 11. M. Romulianus dicitur ADIVTOR CORNICVL. i. e. Cornicularii.

[i] Bell. Civil. lib. 111. cap. 19.

[k] Idem Romulianus, qui supra dictus fuit Adjutor Cornicularii, in eodem lapide dicitur Mil. Coh. viii. Secutor Trib. &amp; pag. 521. num. 8. M. Antonius M. F. Fab. Phæbus Mil. Coh. xiv. Urb. dicitur etiam Secutor Tribuni; ut jam de militari Secutoris munere nulla dubitatio super sit.

[l] Saturnal. lib. 11. Dissert. 7.

[m] Idem Bixie, pro Vixie usurpata B. pro V., de qua re sexcenta exempla habentur; notandum tamen fuit, ne quem solitarium illud B. deciperet.



Secutorum Classi additus fuit: Sed quod militares Secutores attinet, neque eos Tribunis Apparitorum loco fuisse cum eodem Lipsio existimes: quid enim? Postquam Luccius Adjutoris satis honesto munere apud Tribunum functus, ei deinde Apparituram, vilissimum munus, fecisse debuit? Immo potius ex *Adjutore* jam *Comes*: Hanc enim Secutoris vocabulo significationem in militia recte damus ex loco S. Paulini Nolani in Epist. ad Militem: *In militia* (inquit) *seculari socius, & Secutor contubernii sui fuit*: quid? quod Marti eadem *Comitis* significatione, Secutoris nomen fuit? Ita certe Apulejus (a): *Prælectum, grandem hircum, annosum, horricomem, Marti Secutori, Comitique victimant*: ubi Comitem adjecit, velut Secutoris interpretamentum.

Sed jam *Optionis* munere Luccius fungi coepit; coepisse dixi, dum per diversos gradus, ac in diversis muneribus quater *Optionem* fuisse se commemorat; unde & diversam, pro ejus ævi ratione, *Optionis* significationem accipiendam discimus: Sanè *Optiones* vetus Romana militia dixit, qui a dignioribus, & cum gradu militibus adoptati vicem eorum subibant (b): Sed paulatim eò res devenit, ut ordinarium esset munus, itaut *Optio* certæ rei, aut operi constitutus, suo proprio jure, atque nomine præfesset: Sic *Optio Fabricæ* dicebatur, qui Imperialem Fabricam, seu Armifactorium curabat: atque *Optio Valetudinarij*, quod munus noster Luccius administravit, nostramque, ut accuratius inquiremus, operam modo postulat.

Nullibi in universa antiquitate [nec enim mihi diù quærenti occurrit] *Optionem Valetudinarij* invenire erit; ut exinde etiam pretium nostro lapidi accedat: Vix in l. ult. D. De Jure Immunitatis ejus muneris vestigia aliqua mihi dignoscere licuit, ita tamen mendosè expressa, ut peculiare munus, quod ibi haberetur, viros doctissimos hæcenus latuerit. Itaque T. Arruntenus Paternus (c) in lib. 1. De Re Milit. relatus in laudata lege sic loquitur: *Quibusdam aliquam vacationem munerum graviorum conditio tribuit, ut sunt Mensores, Optio, Valetudinarii, Medici, Casarii &c.* Vulgatam retuli ejus legis lectionem, ad quam ita Gothofredus: *Valetudinarii Medici* (Budæus ita conjunctim legere videtur) *sunt, qui valetudine affectos curant oī voronquos.* Ad officium Prædis Castrorum pertinebat expensas dare Medicis. Veget. l. xi. 10. Ferrand. 1. explicat. 52. *Valetudi narios interpretatur ipsos infirmos ut l. 12. de re milit. ut Celsus lib. 3., unde Valetudinarius locus, in quo infirmi.* Columell. 11. 12. Tacit. de Orat.: Briffonius etiam in De V. S. *Optionem*, in ea lege memoratum, a *Valetudinarii* vocabulo disjunctim legens, separato loco de utriusque agit, nam lib. 13. *Optionem* in ea lege significatum ait, qualem in re militari Vegetius definit, *Valetudinarii vero* (inquit lib. 10.) *qui circa agrotos perpetuo sunt occupati in Valetudinariis* l. ult. D. De Jur. Immun. Neque secus habet doctissimus Facciolatus, quem miror etiam in ejusdem legis verbis, quæ pro statuenda Valetudinariorum activa significatione recitat, *Optionem* prætermisisse (d): At non equidem prætermittendus fuit *Optio*, cui sequens *Valetudinarii* vocabulum omnino conjungendum crediderim, quod non recte ad subsequens *Medici*

H h 2

con-

[a] Metam. l. 7. pag. 216.

[b] Vegetius l. 2. c. 7. *Optiones ab optando appellati, quod antecedentibus ægritudine impeditis, bi tanquam adoptati eorum, & Vicarii solent curare*: Festus idem: *Optio qui nunc dicitur, antea dicebatur accensus; is ad jutor dabatur Centurioni a Tribuno militum; qui ex quo tempore quam velint, Centurionibus permittum est optare, & nomen ex falso sortitus est.*

[c] T. Arruntenu scribere malui, quam Tarruntenu, ut junctim apud omnes scriptum ioveni; facile enim ad mini persuasi, in eo nomine, ut in Catullo Plinii pro C. Atinio, Cælio, &amp; Cæcilio Macrobi, pro C. Acilio, Metello Flori pro M. Atejo &amp;c. Singularem litteram, qua prænomen notabatur, cum ipso nomine coadunasse: Sunt quidem bini lapides apud Grut. p. 421. n. 3. &amp; 471. a. 8. in quibus Tarruntenu Marcianus, seu Maximilianus occurrit, qui tamen sequioris ævi tempora spectant: Aruntejæ autem, seu Aruntejæ, Aruntijæ quoque Gentis prisco ævo frequentior in eodem Grutero mentio, ex qua postrema Aruntia est forte Aruntina Ampiana p. 743. 7., indeque etiam per adoptionem noster Arruntenus, quem etiam Tarruntinum dictum lego in Lampridio edit. Basilæ Froben. 1533. De

pluribus autem Paternis, qui Cæsarum ætate summis Magistratibus in Rep. florere, Catalogum texit Reines. ad 16. Claf. 1., quem auctiorem fecit eruditiss. P. Lupus in Epit. Severæ § 3., atque inter eos noster hic Paternus recensetur. quem Tarruntenu cognomine haud recte (nam nomen id fuit) vocat Gravin. de Orig. Jur. l. 1. c. 86. Eum autem non sub Alexandro Severo, ut falsò putat Guid. Pancirol. Var. lect. 1. 79. sed sub Commodò floruisse recte statuit doctiss. Heinecc. Hist. Civ. l. 7. c. 4. §. 309. ex Lampridio, qui Præfectum Prætorio Tarruntenu Paternum, Conjuracionis in Commodum confcium, ab eo neci traditum tradit; eumque esse ipsum, de quo agimus, satis docet Vegetius, quo l. 1. c. 8. diligentissimum Juris militaris assertorem appellat, quippe qui libros 17. de Re Militari conscripserit.

[d] Lexic. v. *Valetudinarius: Valetudinarius Medicus est, qui valetudine affectos curat, vel potius, qui ministerio fungitur in Valetudinario* l. ult. Dig. De Jur. Immun. *Quibusdam aliquam vacationem munerum graviorum tribuit conditio, ut sunt Mensores, Valetudinarii Medici, Casarii &c.* Hæc Facciolatus.





berriima fuit *Arca Populi Romani*, quo tamen nomine ipsum Populi Romani significabatur *Ærarium*, de quo passim loquuntur veteres Scriptores. Stetit illud stante Republica, idemque fatum una subiisse videtur; nam Julius Cæsar in Civili Bello suo Urbem pene vacuum metu ingressus, illud, quia tardius aperiebant Tribuni, iussit effringi; ex eo autem laterum aureorum viginti sex millia, & in numerato pondo trecenta protulisse memorat Plin. l. 33. 3., subdens, non fuisse aliis temporibus locupletiozem Rempubliam. At licet exinde, imminuta Senatus, Populique auctoritate, omnia sub Principe essent, mansit tamen eodem loco, quod etiam populi, sive publicum dicebatur, *Ærarium*; diversum quidem ab eo, quod instituit Augustus pro militum stipendio, militare proinde appellatum, atque ex novis vestigaliis constitutum (a): In summa, constans mihi sententia est, aliam fuisse a Principis *Ærario* Senatus, Populique Arcam publicam, cujus pecunia in alios communes, publicosque usus ejusdem Senatus, Populique decreto erogabatur, quod ex Aureliani Cæsar's Epistola ad Senatum apud *Vopiscum* cap. 20. satis compertum habeo; cum enim Sybillini libri inspiciendi essent, eaque de re sacra, aliaque plura de more celebrari oporteret, *Si quid est sumptuum* [subdit Aurelianus] *dati ad Præfectum Ærarii literis decerni jussi; est præterea vestra auctoritatis Arca publica, quam magis esse referam reperio, quam cupio*: Ubi jam manifestè vides, discretam a Principis *Ærario* illam Arcam publicam, cujus auctoritas apud solum erat Senatum, & quæ nullimode cum Fiscali confundi debet. Atque hæc quidem Arca publica, non solius Urbis Principis erat, sed etiam Municipiorum, quorum nullum [ut hodieum quoque obtinet] hujusmodi Arcæ carebat, quæ licet Calendarii nomine in vetustis monumentis maximè celebretur, sua tamen appellatione non semel occurrit, ut apud Gruter. pag. 1091. 7. *Secundus Ark. Reip. Amerinorum monumentum dicavit T. Arico Curatori Calendarii Amerinorum*: ex quo intelligitur diversum *Arcarii* a Curatoris fuisse munus, quod nempe amplissima in Calendario administrando Curatoris fuerit potestas, cujus *Arcarius* administer dumtaxat adlegebatur, qui publicas pecunias in Arca receptas custodiebat, ac Curatoris jussu depromebat, expendebatque: Huc etiam referri potest *Erastus* ille, quem *Apost. Paulus* ad Rom. c. 16. n. 23. vocat *Arcarium* *Croñatis Corinthiorum*, qui græcè in textu *Οικονόμος* *Oeconomus* scribitur.

Quod vero ad Principis Arcam pertinet, Fiscalis illa dicebatur, de qua ita *Imppp. Gratianus*, *Valentinianus*, & *Theodosius* (b). In Provinciis singulis duo Tabularii collocantur, quo ad unum Fiscalis Arca ratiocinium, ad alterum largitionales pertinere tituli videantur: *Arcarios* vero [si fides *Lampridio* cap. 43.] primus *Alexander Severus* instituisse videtur, vel potius ita appellasse: *Arcarios* vero [ita inquit] instituit, qui de Arca Fisci ederent munera, eademque paratiora. In veteri Calendario Constantio Imperatore scripto, quod *Heruvartus*, dein *Bucherius*, ad denique *Lambecius* notis illustratum evulgarunt, pridie nonas Decembris legitur: *Munus Arca*, seu *munus Archa*, quod munus *Arcadicum* ibidem designari putavit *Lambecius*, sed rectius, ac omnino verè eorum verborum explicationem ex laudato *Lampridii* loco petendam esse docuit doctissimus *Card. Norisius* (c), ut eo die nempe munus ab *Arcariis* edi solet: Cæterum frequens in eodem Codice est *Arcariorum* mentio, adeoque peculiaris titulus *De Susceptoribus*, *Præpositis*, & *Arcariis*: Sed præter hanc Arcam Fiscalem, alias etiam Princeps habebat, quarum præcipua, quæ penes Præfectum Prætorio constituta erat, in utroque Codice sæpius commemorata, ubi etiam Arca amplissima Præfectura, & Arca Prætoriana nuncupatur; In eam Canones, seu tributa quædam inferebantur, tum in armorum fabricis, ac militum de uno ad alium locum transitu ejusdem Præfecti jussu eroganda (d), tum etiam, ut ex ea Equites, Peditesque, qui in Aula ad Principis custodiam excubarent, nempe Prætoriani milites ordinaria acciperent stipendia. Hinc ipsorum querelæ apud *Cassiodorum* (e): *Quod ab Arcario Præfectorum* [qui etiam Arbiter Arcæ appellatur] *pro emolumentis solennibus, non integriponderis solidos perciperent, & in numero gravia dispendia sustinerent*: Fuit pariter alia penes Præfectum

sunt: *Præsident* (inquit) probati quique seniores bonorem ipsum non pretio, sed testimoniis adepti, neque enim pretio ulla rei Dei constat; etiam si quod Arca genus est, non de oneraria summa redemptæ Religionis congregat, modicam unusquisque stipem, mensura die, vel cum velis, & si modo possit, apponit, nam nemo compellitur, sed sponte confert; Hæc quasi deposita pietatis sunt, nam inde non epulis, non potaculis, nec ingratis voratrinis dispensatur, sed egenis alendis, humanisque pueris, ac

puellis, re, ac parentibus destitutis, erateque domitis senibus, item naufragis, & si qui in metallis, & si qui in insulis, vel in custodiis, dumtaxat Dei sectæ causâ Alumni confessionis sue sunt: Sed hæc obiter.

[a] Dio lib. LV. *Sveton. August. c. 42. n. 6.*

[b] *Cod. Theodof. lib. 8. tit. 1. leg. 9.*

[c] *Cenotaph. Pican. Dissert. 3. c. 3.*

[d] l. ult. *Cod. de Cursu publico.*

[e] *Var. 1. 10.*

fectum Urbi Arca ad ejusdem Principis jus, rationemque posita, de qua loquitur lex 7. *Cod. De Advocat. Diversorum Judicum*; nam ex eadem Præfecti Urbani Arcæ annuum sexcentorum aureorum salarium Fisci Patronis solvendum jubetur (a); Quum igitur Luccius in Urbani Militia meruit, cui Præfectum Urbi summum fuisse Ducem, aut Caput jam vidimus, jam demum, quum eundem Optionem Arcarii in lapide legimus, satis intelligimus, Arcarii vices fecisse, qui Arcæ ejusdem Præfecti Urbi præpositus erat: quod tamen non inter vilia munera reputabis, neque enim eundem Luccium memorasse pudit. Scimus autem summæ virtutis, atque honoris argumentum, si ex infimis ad summa gradatim quis conscendat, ipsumque Luccium jam miramur ex Optione Arcarii, deinde FISCO CURATOREM fuisse, ut in nostro lapide lin. 13. & 14. habemus, itaut qui soli Arcario vicariam operam aliquando præstiterit, Fiscum demum ipsum [quod munus inter sublimiora censebatur] curare fuerit dignus.

Sed jam reliquis Optiones a Luccio gestas persequamur: Fuit enim (ut lin. 13. habetur) OPTIO SIGNIF. i. e. Optio Signifer, sive Optio Signiferi. Signiferum ab Aquilifero planè diversum fuisse propterea res est, quam etiam è Cæsare colligimus, qui Prælio Pharsalico relata ad se scribit centum octoginta signa militaria, Aquilas ix. (b); nam cuique Legioni Aquila, singulis manipulis Signum, unde præstantior omnibus Aquilifer, qui idem ac primus Centurio, seu Primipilus, de quo superius egimus; sed & egregii quoque Signiferi ipsi, quos *vigore animi, & corporis præstantes eligi* consuetos testatur Vegetius (c), quales Signorum custodia, ne in hostium munus venirent, postulat, quod maximum erat Romanæ militiæ dedecus, ipsorum Signiferorum capite luendum (d). Vestibus præterea insignis erat Signifer unusquisque, nam

*Ipse pedes tegmen torquens immane Leonis*

*Terribili impexum seta cum dentibus albis*

*Indutus capiti . . . . .*

*Horridus, Herculeoque humeros innexus amictu (e)*

qualem in nostro Triumphali Arcu Trajani etiamnum spectamus. ubi etiam præter Aquilas, aliam signa conspicere est; sed de his alias, *sursum*, uberius. Legionarium Signiferum domo Beneventanum exhibet hic noster lapis.

A . S I L A N V S  
C O H . I . V I G I L  
S I G N I F E R S I B I  
I D . S I L A N O  
F R A T R I S V O I N  
F R . P . X I I . I N A G . P . X I I

Quem lapidem in militarium Magistratum censu Cap. 1. ex industria prætermissem, heic servavi, ubi opportunior ejus muneris tractatio instituenda fuit: Atque illud quidem satis egregium, ut dixi, cui Optio daretur, qualem in nostro lapide Luccius se prodit: Optio Signiferi, præter nostrum lapidem, semel atque iterum in Grutero occurrit p. 80. 4. & 445. 10. atque, ignoratis etiam hisce testibus, ejusmodi munus conjectaverat jam Lipius ex Polybio, qui cum binos Vexillarios in singulis manipulis itatuat, non ideo inquit *consequi de duobus vexillis, binis enim esse poterant, ut alter alterius vicem obiret in defatigatione (gravia enim hæc signa), aut etiam* in mor-

[a] Scriptam ad P. V. i. e. Præfectum Urbi eam legem jamdiu observavit Cujacius l. 13. observ. 1. nam in vulgatis editionibus mendose in titulo habentur sigla PP.

[b] Cæsar. Bell. Civ. l. 11 l. cap. 30.

[c] Apud Lipf. mil. Rom. l. 2. dial. 8.

[d] Dionys. lib. 9.: *Quidam e Ducibus signa e suis erepta in hostes jecerunt, ut languidiore ex necessitate robur imprimerent, scientibus, quod iis, qui non retulissent signa, cum ignominia esset moriendum.* Livius l. 2. c. 59.: *Inermes milites signo amisso, signiferos, duplicariisque, qui reliquerant ordines, virgis caesos secu-*

*ri percussit:* Nec miram, quum etiam Numinum loco essent, atque ipsi omnino Dii Castrenses, quibus soli milites cultum, religionemque exhiberent, ut ex Tacito, & Tertulliano alibi notavi.

[e] Sic Aventinum Regem describit Virgil. *Æn.* 7. v. 666. Non solum autem in nostro Arcu, sed etiam in Columna Trajana Signiferi hoc habitu, nempe cum pelle Leonis, quæ caput, humerum, dorsum tegat, & caudâ pedes flagellet. Vid. Fabret. ad Col. Traj. c. 7. pag. 202.



in morbo; quæ ipsa causa in Centurionibus duobus a Polybio expressa (a); Intererat etiam, ut Centurioni, ita pariter suum Signifero Adjutorem attribui, ut eo deficiente, præsto esset, qui Signum servaret, in quo summum militiæ decus, nec minor religio continebatur, ut superius observavimus.

Postremò tandem OPTIO AB ACTIS lin. 14. se offert, quod item munus Luccius gessit: Jam monui, ita disjunctim in lapide scriptum, quod mendose *Abactis* in Grutero legitur. Quid autem illud sit, facile quis intelliget, dum vim, & elegantiam præpositionum A vel AB in munere alicui mandato exprimendo paullum animadvertat: De his plura habet Koolius in not. ad fin. op. Gudiani p. v.: Apud omnes Scriptores hæc præpositiones hoc sensu obviæ sunt, & in vetustis Inscriptionibus satis frequentes, atque in una hac nostra pluries adhibita: AB ACTIS igitur erant, qui curandorum Actorum munere fungebantur: *Ab Actis Fori* semel occurrit apud Gruterum (b), frequens autem apud eundem *Ab Actis Senatus* mentio (c). In lapide Antiæ resosso an. 1733. inter alia munera C. Julii Proculi Cos. recensetur illud: ABACTIS IMP. TRAJANI, quod Cl. Lupus in Epit. Sev. eundem lapidem primum edens pag. 120. recte explicat *Ab Actis Imperatoris Trajani* (d). At *Ab Actis*, quod militiam spectat, si nostrum excipias, frustra in aliis saxis quæres: Alibi igitur vetustatis monumenta quærenda sunt, quæ comprobent, nam & ipsum Viris doctis nondum observatum: Fuit igitur in Militia munus *Ab Actis*, quod sequiori ævo Actuatorum nomine maxime innotuit. Est adhuc titulus Cod. Theod. De Numerariis, Actuariis, Scriniariis, & Exceptoribus, ubi Constantinus in l. v. data ad Taurum Præf. Præt. hæc mandat: Actuarii Conditionales sollicitè proprio fungantur officio, nec ad quasdam inrepant dignitates, quibus perfrui divalia Statuta prohibent: Hi autem non Actorum, seu Commentariorum custodes recte dici poterant, ut putavit Gothofredus (e): sed potius, ut ex eadem lege, quæ in utroque Codice extat, ii erant, qui Ratiocinia (ut verba legis sunt) pertractabant; scilicet rationis militum librum conficiebant, eorumque nomina, & gradus, & quantum cuique annonæ erogandum esset, idque, quod suis Pittaciis, idest mandatis, scripto traditis, & ab unoquoque milite Susceptori annonam distribuenti exhibendis, erogatum esset, in eo distinctè notabant: Hinc Impp. Valentin. & Valens in l. xi. Cod. Theod. eod. tit.: Susceptor antequam diurnum Pittacium authenticum ab Actuariis susceperit, non erogat; quod si absque Pittacio fuerit erogatio, id quod expressum est, damnis ejus potius subputetur: Hac occasione, quod Actuarii [quorum genus describit Aur. Victor. (f)] antea facere instituisse, eisdem postea ab Imp. Anastasio in l. 16. Eod. Tit. sub certis regulis cum militibus negotiari permissum, de iis nempe rebus, quarum milites egent in expeditione, puta pro emendis sagis, equis, victu, & hujusmodi necessariis, non prius tamen, quam debitum stipendium, seu annonam militibus præstitissent, quibus, cum adhuc indigerent, peterentque, tum demum vendere res necessarias, mutuatque pecuniam sub usuris legitimis dare poterant: Ex his jam patet, qui in Militia sequioris ævi Actuarii fuerint, quos tamen ab iis, qui veteri nomine etiamdum *Ab Actis* dicebantur, discernendos facile crediderim. Et quidem Justinianæ Constitutio in leg. 1. Cod. de Off. Præf. Præt. Africa, ubi §. 8. officia omnia ad eandem Præfecturam spectantia recensentur, ac emolumenta, quæ unusquisque pro suo officio de publico conse-

qui

[a] De Mil. Rom. l. l. Vid. etiam Fabrett. in Col. Traj. c. 3. p. 67. ubi de Optione Signiferi plura habet.

[b] Pag. 445. 10. ubi C. Oppius dicitur: AB ACTIS FORI D. PR. PR. sed in eadem inscriptione notam illam D corrumpit Fabrett. Col. Traj. pag. 67. ac b substituens obliquoem efficit: Forum in hoc lapide memoratum non aliud fortasse, quam quod in Castris (nam de milite est sermo); ipsi quoque apud Prætorium, non solum venalibus, sed etiam Conventibus, & legationibus audiendis, ut ex Polybio, ac præterea Suida notavit Lips. de Mil. Rom. l. v. dial. 3. quæ omnia in commentarios referri par erat, ut proinde esset qui *Ab Actis Fori Decuria Prætorii*, (ut explicio) munere fungeretur.

[c] Pag. 389. 6. 446. 3. 457. 2. & 458. 6. De hujusmodi munere, ac præterea de Actis Senatus, ac Populi, seu Publicis, videlicet Lipsium in excursu ad l. v. Annal. Tacit. lit. A; ubi etiam de Actuariis, qui privato quæstu alienas orationes, quæ recitabantur, per-

notas, & sigla excipiebant; omnia eruditè; sed de militariis Actuariis vix indicatum.

[d] Sed quid muneri illuc fuerit frustra ab Viro docto quæres: Fuit itaque Proculus Curator Actorum, quæ in Cognitione Principis, sive ejus Consistorio conficiebantur; diversa a Commentariis, quæ ipsius Principis res gestas omnes continebant, non vero Iudicia, quæ in Acta referebantur: Ita apud Briss. de V. S. Acta Præsidis, seu Præsidialia, Procuratoris Cæsaris, Magistratus &c. Fugerunt tamen Virum summum, ac perspicacissimum Acta Principis, quæ nunquam meminit.

[e] In l. Actuarii Cod. De Erogat. milit. annon.

[f] In Gallieno cap. 33. n. 13.: Actuarii (inquit) genus hominum nequam, venale, callidum, feditiosum, habendi cupidum, atque ad patrandas fraudes, velandasque quasi ab natura factum, annonæ dominans; eoque utilia curantibus, & fortunis aratorum infestum; prudens in tempore his largiendi, quorum recordia, damnoque opes contraxerit.

qui debeat, decernuntur, atque officium *Ab Actis* cum suis emolumentis memoratur ita: *In Scrinio Ab Actis hominibus 10. an. 14. cap. 12. fol. 118. i. e. In Scrinio Ab Actis, cui muneris XViri delecti sunt, dantur annonæ XIV. capitaciones XI. solidi cxviii. (a):* Sed quod rem attinet, in notitia Imperii inter officia Præfecti Urbi, hoc ipsum etiam *Ab Actis* numeratur, ut, quemadmodum in Castrensi, ita quoque in Urbana Militia non deesset, qui res omnes ad eam militiam pertinentes in Commentarios referret; Certe in Præfectura Urbana non solum *Ab Actis*, sed etiam ejus *Adjutorem* extitisse reperio in dicta leg. vii. Cod. de Advoc. divers. Judic.; hæc enim ibi sanctio legitur §. 3.: *Quorum omnium si quid fuerit violatum, qui pro tempore sollicitudinem Ab Actis in Ampliudinis tue gerent officio, Adjutores etiam eorum denis singuli libris auri ferientur:* Hinc tandem jam habes, non solum in Præfectura Urbis officium *Ab Actis*, sed etiam ejus Officii *Adjutores*, quorum unus noster Luccius fuit, qui proinde *Optio Ab Actis* in nostro lapide quam rectissime dicitur, ut ejus munus significaretur, quo aliquando illius, qui *Ab Actis* Præfecti Urbi erat, Adjutor fuit adoptatus.

Hactenus de Optionibus, aliisque vicariis Muneribus, quibus Luccius perfunctus est. Age nunc, quæ ipse proprio nomine, suoque jure gesserit, inspiciamus, non omnia tamen, ne longum faciam in iis, quæ satis sunt pervulgata, ut sunt *Cornicularii*, *Tesserarii*, *Curatorii*, *Fisci*: Ad lin. x. me recipiam, ubi is *singularem Beneficiarium Tribuni a Questionibus factum per Annium Verum Præfectum Urbis* se dicit: Verba etiam sequentis lineæ conjungenda duxi, propterea quod ad unum, idemque munus pertinere videntur, nisi illud *A Questionibus* cum aliis, quæ sequuntur diversum munus designent, ut inferius dicam; Interim in *Singularis* munere paulisper morari libet: *Plurima Equitum Singularium in inscriptionibus mentio reperitur; atqui inter Scriptores magna de iis, eorumque institutione, ac munere varietas.* Verba sunt Cl. Fabretti (b); qui, quum de ea re agere instituat, jam bellum contra omnes Scriptores, quos de eadem re loquentes invenit, indicit, imo etiam (quod jam mireris) contra silentes, nam Justum Lipsium, & Hermannum Hugonem, propterea quod de *Militia* ex instituto agentes, *Singulares* hosce non meminissent, corripiendos, ac *Censura* nostræ suo de hoc militia genere silentio se subtraxisse ait: Aggreditur itaque primo loco Donatum, prostermitque; quod is *Singulare* pro excellenti accipiat, ac præterea cum Augustanis, seu Augustalibus confundat; mox in Salmasium insurgit, ejusdemque simul sententiæ importunum arripit Sponium, quod *Singularium* originem ad vetustos *Celeres* referens cum Prætorianis, & successive cum Domesticis, & Protectores perperam etiam commisceat; Cum Reinesio tandem congressus, seminecem (quis credat?) veterem sibi hostem reliquisse satis habuit; lapsus enim pronunciat, quod is *Singulares* hosce Imperatoris, Magistratum, Præfectorum Adparitores constituit; at recte forsitan ita dictos affirmantem fatetur, quod uno equo mererentur, ut hi *Singulares* *Duplicarii*, & *Sesquiarii* opponerentur. Expectabis nunc Fabretti sententiam? Nullam ipse subdit, plurimos de hisce *Singularibus* lapides congestisse contentus, in quibus nullum de Apparitura indicium; hac enim re una Reinesii sententiam reprobare satis habuit, nihil ipse de *Singularibus* pronuncians: Ad alios igitur recentiores eruditos quum me verterem, adfuit mihi tantum (non enim alios adhuc scivi) doctissimus Gorius, qui ad lapidem Donianum Claf. vi. n. 18. ubi C. Arrius Clemens lin. 2. dicitur *Eques Singul.* & lin. 6. *Singularis Præfectorum Prætor.* hæc habet: *Qui fuerit Singularis Præfectorum Prætorio superius jam indicavi (sed diu me quærentem locus adhuc latet): Verum id ex vetustis lapidibus didici, quod tum Præfectus Prætorio, tum Præfectus Urbi certum numerum auxiliarium hominum vel sibi, vel aliis titulo Singularium eligeant.* In Gruteriano lapide ccccxix. 9. (is est noster lapis, quem modo illustramus) fit mentio C. Lucci Sabini, *Singularis Beneficarii Tribuni, facti per Annium Verum Præfectum Urbis* . . . Imperatores quoque *Singulares Equites pro Turmis Exercitus* eligeant, itemque *Singulares, qui in Legionibus militarent, ex alto Gruteriano Saxo 529. 5.* Hæc Gorius satis aptè, eruditèque, ut brevis notæ ratio ex instituto ferebat; sed adhuc certiorum *Singularium* notionem, explicationemque desiderabis, de quibus, postquam pauca observata fuerint, dicam tandem ipse, quod sentiam.

Ac quoniam ex antiquioris ævi monumentis, nulla, nisi solius *Singularium* nominis memoria superest, itaut inter sexcentos *Singulares* passim occurrentes, qui fuerint *Singulares* adhuc lis sit, sequioris ævi monumenta percurrere libuit; Itaque *Scholam Singularium* jam antea didici ex laudata leg. prima §. Et est notitia Cod. De Off. Præf. Prætor. Afric.: ibi enim sic legitur:

In Schola

[a] De Annonis, & Capitatione Officialium est titulus LII. lib. 1. ejusdem Codicis, ad quem videndus

Cujacius observ. lib. 16. cap. 13.

[b] Inscript. cap. v. a pag. 354. ad 360.



In Schola Singularium hominibus 50. an. 3. cap. 1. fol. 473. (a): Qui fuerint hi Singulares, Gothofredus præeunte Cujacio (b) explicare nititur, ut nempe sint, qui singula, seu singla, idest abbreviaturas scribebant: A Siglis Singulariis, ut a Notis Notarii: Sed in Singularibus hiæ explicandis neque egregium hocce doctissimorum Virorum par rem acu tetigisse video: quantumvis enim in Singulariis hiæ, quod ipsi per Sigla, ut in Notariis, quod per Notas scribebant, civile munus aliquod agnosci possit, de quo tamen nullibi, quod sciam, constat, nulla tamen est ratio, cur a Militia discedamus, in qua eadem Lex Singulares ipsos difertè recenset: & quidem quum Scholam Singularium in dicta lege audimus, Militiam manifeste significatam discimus ex Justiniano, cujus verba recitare præstat (c) Milites nos appellamus eos, tam qui sub excelsis Magistris militum tolerare nescuntur militiam, quam qui in undecim devotissimis Scholis taxati sunt. In quo Scholarum numero illam Singularium ex ejusdem Justiniani ore fuisse satis constat: Cui autem bono fuerint in Militia Singulares hi, si ad eos, qui per Sigla scriberent, referamus: Satis militiæ per Actuarios, vel qui Ab Actis (de quibus superius jam diximus), consultum erat; itaut Singulares non qui Siglis, sed qui armis mererentur, accipiendi videantur.

Hos autem (donec alii meliora afferant) non alios, quam Excubitores fuisse arbitror, qui tamen excubias non ut gregarii, sed cum honestiore gradu milites ex proprio munere, & cum Singularium titulo exercerent: Id primum a Cassiodoro conjicere, aut etiam colligere est (d), qui suum Singulariis Primicerium attribuit, eoque munere perfunctum militariis excubiis liberatum affirmat: Haud igitur laboribus, quod promptum fuisset, sed excubiis, quod peculiare militiæ munus, onusque, solum inquit: Ex excubiis itaque, quas Primicerius Singulariorum subire debebat, jam Singulares ipsos iidem excubiis omnino delectos credere par est: eaque muneris conditio satis Singularium nomine probari videtur; nam, quum assidue excubandum esset, non simul omnes, sed Singuli per vices excubias præstabant, ut ad hanc Singularium Cohortem recte referre possis illud Virgilii Æn. 9. 174.

Omnis per murum legio sortita periculum

Excubat, exercetque vices, quod cuique tuendum est.

Verisimiliorem adhuc rem efficit Tesserarii munus, Excubitoribus, cui Tesserae dabantur, omnino proximum, quod fundè etiam Luccius in lapide gessisse memoratur: At Singulares pro Excubitoribus sic accipio, ut non ordinarias militares excubias in Castris, Stationibus, Palatio, Prætorio, sed interiores exercerent, ac Imperatoris, Præfectorumque cubiculis propinquius adfarent, digni propterea, ut peculiare Militiæ nomine, honestioreque ordine decorarentur, quorum fidei, ac fortitudini, illorum custodia propius committebatur: Atque hæc de Singularibus conjectasse habui, quæ eruditorum judicio volens libens subijcio.

Sequitur in lapide A QVAESTIONIBVS, quod ad præcedens verbum Tribuni aliquando pertinere arbitrabar, ut nempe Luccius fuerit Singularis Beneficiarius Tribuni a Quæstionibus: Sed aliter rem se habere animadverti, quum enim mox sequatur factus per Annium Verum &c. si Luccius munus Singularis, Tribuni beneficio assequutus foret, nullo modo diceretur postea factus per Annium Verum Præfectum Urbi; Adde etiam, quod nullum adhuc, qui a Quæstionibus fuerit, Tribunalum invenerim; itaut satis congrue munus Singularis ab illo a Quæstionibus disjungi possit in lapide, ut alterum Luccius beneficio Tribuni, qui militiæ Urbanæ præerat, alterum beneficio ipsius Præfecti Urbi fuerit assequutus. Munus itaque a Quæstionibus semel in Grutero occurrit [nam in ejus Indice noster lapis, quod ejusmodi munus spectat, omnino reticetur] pag. 543. n. 6. ubi Q. Gavius dicitur EVOK i. e. Evocatus AVG. A QVESTIONIBVS: quod Gruterus sic explicat: Idem qui alibi inter officia Quæstionarius dicitur: At inter officia frustra invenisse erit Quæstionarios, quos posterior tantum ætas eo nomine Carnifices, Tortoresve appellavit: De his Quæstionariis videndus Cangius in Glossario med. latin., qui Scriptorum loca, & plurima martyrum Acta profert. Interim si Luccii nostri ætas spectetur, si ejus etiam dignitas, qui tot honestissima Urbanæ Militiæ munera obivit, fallum omnino id fuerit, ut eum ipsum Quæstionarium ea significatione fuisse dicamus: Ad Quæstio-

I i

nes

[a] Has notas ut superius in munere Ab Actis, ita etiam explico; ut nempe in Schola Singularium essent homines 50., cui taxentur Annonæ tres, Capitatio una, Solidi 473.

[b] Observat. l. 12. observ. ult. & in lib. 41. Pauli Ad Edictum, seu l. 6. §. notis Dig. De Bon. Possess.: atque utrobique inter Notas, & Sigla quod sit discrimen,

fusè eruditèque docet: quod tamen idem absolutissimè præstitit I. Lipsius in cent. 1. Epitolarum ad Belgas epist. 27. ad P. Leonardum Lessium.

[c] In leg. ult. Cod. De Locat: De Scholis militariibus meminit etiam Veget. l. 2. c. 11. & alii passim.

[d] Variar. lib. xi. cap. 31.

nes (nam vocabulum monet) rem libenter deducimus, in quibus tamen munus eo homine dignum reperisse promptum erit; nam constat præter ipsum Quæstoris munus (a), Iudices etiam Quæstionum fuisse ab eodem Quæstore datos, qui Quæstionibus præessent, tabulasque assignarent (b): quid ni igitur ejusmodi munere auctus fuerit Luccius, qui *A Quæstionibus* fuisse dicitur? Nihil eo certius, dum a Præfecto Urbis factus etiam dicitur, cui ad centesimum ulque lapidem amplissima potestas erat, non civilia tantum, sed criminalia judicia exercendi (c).

Post innumera prope, quæ jam vidimus, Militiæ Urbanæ munera, quæ Luccius administravit, jam demum ad ejusdem Militiæ Tribunatum, ut par erat, pervenit, quod lineâ xv. manifestum habetur, ubi is TRIB. BENEF. VLTERI ASIATIC. PRAEF. VRB. scribitur. De hoc munere non est cur heic agam; aliqua enim superius jam delibavimus, quæ in re satis per-vulgata satis esse debeant. Dicitur autem *Tribunus Beneficiarius*, quo epitheto non ejus virtuti detractum, quasi alieno Beneficio munus obtinuerit, sed Castrense vocabulum agnoscere debet; nam cum *Promotiones* in Militia apud plures Magistratus esse cœpissent, qui miles ab Magistratu aliquo ad altiores Ordines promoveri mereretur, ejusdem *Beneficiarius* dicebatur, quod etiam his siglis lapides vetusti passim nobis exhibent BF. COS. BF. PR. BF. PR. PR. i. e. *Beneficiarius Consulis, Prætoris, Præfecti Prætorio, aut Pro Præfecti &c.* Sed de re, ubique obviâ, longius loqui supervacuum erit: Illud potius observandum nobis erit, quinam fuerint bini illi Præfecti Urbi in nostro lapide memorati: ac quod posteriorem attinet, inusitato *Uleri*, aut etiam *Vul-teri* (ut Schedæ M. M. S. habent) nomine appellatum, obscura omnino res est: Mendum in hoc vocabulum irrepsisse facile suspicor; nihil enim Romanum sonat, sed in lapide ita omnino evanuit, ut nulla restituendi spes supererit; *Asiatici* cognomen, non *Asiatin.*, ut Gruterus habet, lucem aliquam asferre poterit, dum Hadriani Avo Cornelium Scipionem Asiaticum in Fastis lego, qui cum Q. Vettio Aquilino Consul processit an. Ær. vulg. 125., an is igitur aliquando Præfectus Urbi fuerit, quem in nostro lapide habemus? Sed quod de Præfecto hoc divinare tantum licuit, de altero meliore conjecturâ affirmare jam possumus, ut is non solum ad Anniam Gentem Romanorum clarissimam pertinere debeat, verum etiam is ipse sit, quem postea in Imperialem familiam per adoptionem Hadrianus evexit.

Sed jam Tribunatu perfunctus honestam missionem Luccius tandem obtinuit, quod is lineâ xvi. memoratum voluit: MISSVS. AB. IMP. HADRIANO AVG. SERVIANO III. ET VIBIO VARO COS. Quamquam militaris professio plurimum gloriæ, digipatistque, opes etiam asferre soleat, hæc ipsa tamen omnia non tanti fuisse videntur, ut civilis vitæ quies militum animo omnino excideret, interroganti enim responderent cum Horatio (d).

*Hac mente laborem*

*Se se ferre, senes ut in otia tuta recedant.*

Quàm optata igitur militibus *Missio honesta* fuerit (e) declarant vetusti passim lapides, quibus illam posteritati omni testatam voluerunt; vota etiam ob eam rem suscipere consuetos docet lapis apud Fabrett. cap. v. pag. 359.

SOLI INVICTO DEO  
EX VOTO SVSCEPTO  
ACCEPTA MISSIONE  
HONESTA EX NVME  
RO EQ. SING. AVG. P  
AELIVS AMANDVS  
DD. TERTVLLIO ET  
SACERDOTI COS

Ubi vides perpetuum illud quoque fuisse, ut velut maximæ rei monumentum Consulium nomine signaretur: Præstitit id quidem noster Luccius, sed descriptorum injuria factum fuit, ut posterio-

[a] De Quæstorum variis muneribus agit Lipsius de *Magistr. Vet. Pop. Rom.* cap. 16. *Post. in Etymolog.* alii-que: Quæstura enim late patet, ut qui eâ fangeretur, suo quoque Jure de delictis cognosceret, ac publicas Quæstiones exerceret.

[b] De Judiciis Quæstionum plenè agit Sigonius in *De Judiciis* lib. 2. cap. 5. *Briffon. de Formulis* l. v. cap. 211.

[c] Vide Tit. Digest. De Offic. Præf. Urbi.

[d] Serm. lib. 1. 1.

[e] Missionum tria fuisse genera nemo nescit: breviter adhuc docebit I. C. Macer in leg. 13. D. De Re Militari. *Missionum* (inquit) generales causse sunt tres: *Honesta*, *Causaria*, *Ignominiosa*. *Honesta* est quæ tempore militiæ impleto datur: *Causaria*, quum quis vitio animi, vel corporis minus idoneus militiæ renunciatur. *Ignominiosa* causa, quum quis propter delictum Sacramento solvitur.



sterioris Consulis nomen foedissime corruptum fuerit, itaut pro VIBIO VARO, jam VI. BIOVARO COS. apud Gruterum legeretur. Sed emendati hac parte lapidis laudem non inuidebo, quin etiam ultro tribuam doctissimo Fabretto (a), qui ex vetusto Figlinae signo, ubi *Serviano III. & Varo Cos.* notatur, non solum in nostra Inscriptione cuius fidem, auctoritatemque ad eorum Consulatum par statuendum adhibet, Vibium Varum restituit, sed Panvini etiam *substantiam* [ut ait] fidem prodit, qui in eodem nostro lapide *Verum* legebat, atque in Fastis signaverat. Intererat autem Vibium Varum agnoscere, ut de tertio Serviani Consulatu probe constaret; nam quum de eo dubitari haud sineret Spartianus (b), de ejus anno tamen non dum sciebamus: quum itaque Vibius Varus Collega ei fuerit, jam in annum Ær. vulg. 134. tertium hunc Serviani Consulatum incidisse liquet; At hæc fortasse levia.

Illam nobis negotium videntur facessere, quæ post eos Consules in Gruteriano exemplari subsequuntur, ita exarata: BR. VIA MAIERVTIO CLARO II. COS.: Panvinius cum antecedentibus ita legit: *Serviano III. & Vibio Varo Cos. Brava. M. Erucio Claro II. Cos.* Scaliger vero ita emendat: *Serviano III. Vibio Varo Cos. B. R. VI. K. Maji*: At si monstrum in *Brava* Panvinius protulit, certè ænigma Scaliger in notis B. R. sibi etiam ignoratis, nobis exhibuit: medicam manum ut apponerem, Lapis ea parte oblitteratus omnino vetuit; Satis tamen rei consultum iri video ex reliquis penultimæ lineæ verbis, quæ commodè ita leguntur . . . . . CIO CLARO. II. COS., ut certo is ipse sit Sex. Erucius Clarus, qui cum Cn. Claudio Severo secundum Consulatum iniiit an. Ch. 146., itaut hujus Collegæ nomine lacuna ipsa commodè impleri possit.

At quid, inquires, Consulibus hisce cum Serviano, & Varo, dum inter utrumque Consulatum par duodecim annorum [quot ab ann. 134. ad 146. effluxere] spatium interfuit? Illud etiam prope absurdum, quod prioribus Cos. jam signatis, mox posteriores nulla rerum, aut temporum interjecta serie, adjecti in lapide habeantur: Sed rem, uti est, exemplo aperiam; Lapis est apud Grut. pag. 108. n. 7. in hæc verba

GALLICANO ET VETERE COS  
VII. ID. IAN. COH. I. PR. 7  
SATRI. GENIO. 7. MISSI  
HONESTA MISSIONE VII  
HIBERO COS  
FL. L. CENSORIVS IVSTVS VIRONO  
L. VOLCEIVS SEVERVS SESTINO  
Q. SEXTILIVS RVEVS FLANONA  
C. VALERIVS VERANIVS TRIDENTE  
SERVIANO III. COS  
T. ANNIVS CRISPINVS CVPRAMAR  
T. ANTONIVS PRIMVS PERINTHO

quem lapidem sic explico: Septem hi milites [nam illa numeralis nota VII. in fine quartæ lineæ inscripta ad eorundem militum numerum pertinet, quorum bini primo loco, eademque lineæ duplici illo prænomine FL. L. non insuetè notantur (c), omnes honesta missione, sed

I i 2

non

[a] In Column. Trajan. cap. 7. pag. 197. etiam in fragmento lapidis costi apud Gudium pag. 97. n. 8. hæc leguntur. SERVIANO III. SAL. EXPRICIVVEN, i. e. Ex Prædio Lucii Juventii.

[b] De Hadriano hæc sunt apud Spartianum: *Serviano Severi viro (cui tantum detulit, ut ei venienti de cubiculo semper occurreret) tertium Consulatum, nec secum tamen, quum ille bis ante Hadrianum fuisset, ne esset secunda sententia, non petenti, ac sine precatione concessit.* In Petavianis Fastis an. 134. signantur C. Julius Servil. Ursus Severianus, & C. Vibius Juventius Verus; at in posteriore, ut in Panviniis, & Cassiodori idem error occurrit, ut Verus pro Varus scriberetur; in priore vero ipsum Servianum agnoscere licet, in Severianum mendose mutatum.

[c] Duplex Prænomen (quod nunquam unum, sed binos homines designat) manifestè agnoscitur Sigillis illis FL. L. quarum prima FLAVIVM, posterior vero Singularis litera LVCIVM præfert: Pro FL. non solum Ursini Schedæ, sed etiam Manutius, qui Gruterum latuit *Ortobogr. v. Arretium n. 2.* habent sp. quod usitatus ejus ævi, quo nondum Flavii florebant, Spurius prænomen: sequitur nomen & cognomen Singulari numero, itaut eosdem duos Fratres fuisse solo prænomine distinctos rectè observaverit sive Gadius, sive Pighius ab eodem Grutero laudati: morem autem hunc non satis notum in nostrorum Lapidum notariunculis uberius illustrabimus class. IX. n. 103. Illud autem ex hoc eodem lapide observabimus, notam 7. non solum ad Centurionem, ut superius dictum fuit, sed etiam ad ipsam Centuriam significandam,

non eodem anno missi, suis nominibus, adjectâ cujusque Patriâ recitantur; nam priores quinque *Hibero Cos.* i. e. an. 133., reliqui duo *Serviano III. Cos.* i. e. sequuto anno missionem acceperunt; ipsi autem simul omnes Gallicano, & Vetere Cos. idest anno 150. hoc monumentum dedicarunt GENIO 7. i. e. *Genio Centuria*, quæ Centuria Satri [ id Centurioni nomen ] erat ex Cohorte I. Prætoria, in qua ipsi sua stipendia impleverunt. Itaque unde hi milites exordium faciunt, temporis notam præfigentes, quo lapidem diu post missionem acceptam dedicarunt, eò desinere Luccio nostro placuit, nam primò Consulatam Serviani, ac Vari, quo missus fuit, inscripsit, deinde Erucii Clari Consulatam adjecit, ut mox de anno, quo monumentum illud vivus sibi, suisque fecit, probe constaret, itaut priores ad missionis impetrationem, posteriores vero Consules ad monumenti extructionem referantur.

At jam demum suâ missione, quâ militaribus laboribus solutus Luccius noster in *oria tuta* se recepit, nos quoque ipse monet, ut a Re militari Veterum Beneventanorum [ an honesta etiam missione? ] tandem quiescamus.

## DISSER-

ficandam, usurpari consuevit: nam lineam 2. & 3. ita explicio: *Cohors 1. Prætoria Centuria Satri* ( ejus scilicet, qui Centuriæ præerat ) *Genio Centuriæ*, cui Numini septem hi Milites obtenta missione lapidem dedicarunt.





Back of  
Foldout  
Not Imaged



Joan. Baptist. Natale sculpsit

Scala

Scala

Canthius sculpsit

# Arceum Triumphalem Trajani

*Benvenuti exstantem*  
*Portam Auream vulgo appellatam*  
*Juanas De Vita S. M. E. Canonicus*  
*Ad exactissimam Archetypum fidem*  
*Esse invidendum curavit*  
*A. D. M. DCC. LII*



## DISSERTATIO X.

De Operibus publicis  
Veteris Beneventi.

ULLAM olim Urbem fuisse scimus, neque aliquam etiamnum spectamus, quæ aut Imperii majestate, aut Civium nobilitate, aut aliarum rerum felicitate præclara, non illud sibi decus comparare sategerit, ut publicis quoque Operibus præfulgeret: Magnum certè ea de re, ac planè luculentum adesse putabatur propriæ Dignitatis argumentum, quam cum alia plura, tum ipse etiam Edificiorum nitor, magnificentia, multitudo commendare videbantur: Non equidem hanc gloriæ partem neglexere Veteres Beneventani, quorum genus, fortuna, conditio ad suam ornandam Urbem studium incendebant, vires etiam addebant: Accedebat Principis Urbis exemplum, cujus, ut civilium rerum omnium gravitate, atque præstantia, ita ædificiorum splendore, imaginem quandam, simulacrumque præferre enitebantur: Hinc non immerito inter illustriores eas Colonias, quas Triumviri Antonius, Lepidus, Octavius suis militibus distribuendas desponderunt, Beneventum cum primis recenset Appianus, eam scilicet Urbem, quæ tum cæteris rebus floureret, tum Operum publicorum, privatorumque elegantia præstaret; *Promissa* (inquit lib. v.) *etiam sunt eis Colonia xviii. Italicarum Urbium tam opibus, tam agri bonitate, & ædificiorum pulchritudine præcellentium, quarum Urbana, & Rustica prædia non secus, quàm bello capta dividerentur: Inter has eminebant Capua, Rhegium, Venusia, BENEVENTVM, Nuceria, Ariminum, Vibona: atque ita pulcherrima Italia pars militibus adscripta est.* At non conjecturis, atque argumentis, non etiam aliorum fide, testimoniisque pertractanda res est, cujus etiamnum non exiguam, imo excellentiorem spectare partem, præsentemque oculis probare jam liceat. Sunt enim Operum publicorum stantes adhuc moles, quæ vel incolumes, vel semirutæ Veteris Beneventi augustam faciem nobis exhibent: Sunt quæ temporis injuria, Terræque motuum vi disjectæ, suis saltem titulis ad posterorum memoriam evasisse videntur. De præclarioribus, priore, ac posteriore hujus Dissertationis Capite sigillatim agam: reliqua omnia postremo Capite, uno veluti spectaculo servata depromam.

## CAPUT PRIMUM.

## De Arcu Triumphali Trajani.

Supervacuum fortasse laborem me suscepisse non nemo existimaverit, quod Trajani Arcum, Beneventi extantem, illustrare contendam, quasi ejus Ichnographia, quam heic exhibeo, summa quidem fide, elegantiaque ex Archetypo descripta, non sibi sola sufficiat, ut citra operas alienas, sui pretium prodjat, suoque aspectu admirationem sibi quærat. Præposterus saltem de eodem Arcu sermo a me institutus videbitur, qui in Præloquio hujus Voluminis posthac peculiare opus, quod rei dignitas, materiæque amplitudo postularet, me exhibiturum sponderam: At ubi ejus Ichnographiæ exemplaria aliquot, quæ ad opus probandum excudi curaveram, pervulgari cœpta; jucundissima summis viris res visa, eademque satis digna, ut adjectis Tabularum commentariis distincto quidem volumine celebraretur, sed quum eandem Ichnographiam in promptu haberem, huic Volumini adtexendam monebant, non tam eruditorum oculos oblectaturam, quam consueturi operis vadem simul, atque expectationem futuram. Placuit consilium, sed non illud mihi committendum censeui, ut nullum de ea verbum mihi excideret; tum maxime, cum si aliqua generatim differerem, nihil posteriori volumini præreptum videretur, cui constando satis amplam materiam singularum Tabularum seorsim edendarum commentationes præstarent. Pauca igitur de nostri Arcus præstantia in ante-

in antecessum delibasse satis erit: Extructionis præterea tum annus, tum causa heic demonstrabuntur; In inscriptum denique Titulum opportuna observationes subsequuntur; quæ quidem omnia eadem Ichnographia, quam huic volumini adserere libuit, jure suo differenda postulavit.

Quod igitur Arcus præstantiam attinet, duo illa, quæ in publicis Operibus extruendis sibi proponebant Romani, Majestatem scilicet, ac Perpetuitatem, ambas in nostrum Arcum collatas miramur: Totus enim is è pario marmore exurgit, solidus inquam è marmore, tum superficie, tum ipsis visceribus, quibus nihil vacui inesse suprema exterioris aspectus Tabula ostendit, cujus pars, suo loco disjecta, ingentium post se marmorum interiores substructiones aptissime connexas prodidit. Adde, quod marmora ipsa exteriorem aspectum componentia fortuito quodam promiscuoque, sed ad Operis perpetuitatem maxime opportuno inter se nexu ita cohereant, ut nullum simulacrum, nulla tabula, non ipsæ Columnæ operi separatim adstructæ, affixæque, sed singulis marmoribus ipsis pro varia, sed ingenti semper cujusque mole, ad implendam superficiem comparatis, atque æquatis, variæ quoque ejusdem superficiæ partes repræsentandæ contingant: Peritioribus ipsis externis animadversa res pro miraculo fuit; nam quid stabilius, quàm mutuas inter se partes perpetuo alterius in alteram nexu coagmentari; quid vero difficilius, marmor quodlibet, non quid suo spatium, sed quid suo loco congrueret, insculptum simul exhibere; velut si in brevi ex plurimis lignis compactâ primum, complanatâque tabulâ, quod repræsentandum sibi proponat, sculptor effingat. Eam igitur Arcus extructionem Romani curarunt, quæ [ si verba Ciceronis usurpare fas sit ] *esset ad memoriam æternitatis*. Stetit certè post octo super decem sæcula, stabitque incolumis Arcus; Huic Tempus [ cujus injuriis, superposito cœmentitio opere Majorum nostrorum providentia statim obstitit ] coronas ex utraque fronte pene integras, ademittit quidem, sed inter Beneventanas, Romanasque Antiquitates Principis Monumenti decus auferre non potuit.

Sunt quidem [ ne ab hoc monumentorum genere discedam ] Arcus alii (a), qui Romanorum magnificentiam adhuc ostentant, ut Titi, ut Septimii, ut Constantini, qui veteris Romæ imaginem nobis servarunt; eos tamen uni Beneventano Arcui concedere multorum hæcenus fuit judicium, omnium fortasse nunc erit, qui in edita Ichnographia rem suis oculis probare poterunt: Sed quid Arcum Constantini commemoravi? Opus inquam illud sequioris ætatis, ex quo uno, quantum Trajani ævo bonæ artes florent, quantos vero sub Constantino earum interitus fuerit, statim novisse erit; utriusque enim temporis Opus illud fœtus dici potest, cui extruendo ipse Trajani Arcus, qui Romæ extabat, plurima suppeditavit, quæ mirâ arte insculpta adjectas Constantiniani ævi operas rudiores demonstrat. Floruit certe sub Trajano (ne quid Optimi Principis felicitati deesset) Apollodorus insignis Architectus, qui illius jussu celeberrimum Forum, Gymnasiumque fabricavit (b); atque hunc quidem nostri Arcus Architectum fuisse ex ipsis Operis præstantia facile conjectabimus; cui etiam accedit Senatus, Populique Romani tum dignitas, tum auctoritas, quibus omnino Apollodorus, aut Apollodoro melior adhibendus fuit, ut Opus ipsum, & eorum, qui juberent, & Principis, cui dicandum esset, dignitatem æquaret. De Anconitano Arcu, qui eorundem jussu, ejusdemque *Providentissimi* Principis honori extructus fuit, mentio quidem faciendâ heic fuerit, sed non eo, quo noster, splendore insignis, cum eodem comparari meretur; nam præter Trajani, ac præterea Plotinæ conjugis, Marcianæque sororis simulacra, quæ jam disperi-

riere,

[a] Inter alios Segusinus Arcus Augusto dicatus non immerito recenseri potest, non mediocriter quidem Opus, cui tamen pretium accessisse videtur. Cl. Viri Marchionis Maffei opéra, qui pro suo in Antiquitatem omnem eruditissimè illustrandam studio, illius titulum restituit, atque Ichnographiam vulgavit tum in Hist. Diplom. pag. 14., tum in collectione Inscriptionum Taurinensium: quanti ejusmodi monumentum habeatur, tum aliorum, tum suo confirmat judicio Maffejus, qui Serenissimo Sardinæ Regi auctorem se præbet, ut suo loco, quo pene ignoratus, neglectusque jacet, motum Arcum (quod ex modo illo, quem in construendis marmoribus operibus Romani adhibebant, facile sibi spondet) in maximum Taurinensis Urbis ornatum transferendum curet: Nobis ejusmodi generis monumentum

domi habere jam licet, immo omnium oculis spectandum exhibemus, ut quum ex aliorum comparatione de ejus præstantia gratulemur, ritè id a nobis factum, alii judicare possint.

[b] De hoc Apollodoro Architecto hæc habet Dio Cassius in Vit. Hadr. edit. Froben. pag. 162. *Apollodorum Architectum, qui Trajani Forum Methodæum, & Gymnasium, illo jubente, Romæ fabricaverat primò Urbe expulsi, postea interfecit, quasi criminis reum, re autem vera, quod quum olim cum eo Trajanus de Operibus communicaret, Hadrianus rei nescius, quadam etiam non vocatus locutus est; Cui Architectus: abi obsecro, & cucurbitas depinge, nihil enim horum rectè nosti: forte tunc ille hujusmodi quadam pittura commendabatur: Hadrianus vero imperium adeptus, injuriæ recordatus est.*



riere, non aliis anaglyphicis tabulis, non aliis ornamentis, quibus noster undique prædres effulget, sola vix forma, qua universa moles exurgit, quandam nostri similitudinem præfert: De Romano ejusdem Trajani Arcu, nihil præter ejus nudum nomen, memoriamque sciremus, nisi illius Ichographiam adhuc nobis spectandam servasset, antiquum ipsum, rarissimumque Trajani numisma, quod heic exhibeo.



Edidit prior Spanhemius (a) ac subinde Angelonius (b), frustra ejus nummi fidem reprobante Fabretto (c), qui ex nota Cos. III. ac solo Germanici titulo suppositum putat, ac ejus loco alium indicasse tantum contentus, ita describit: *Ex una parte caput Trajani: ΤΡΑΙΑΝ ΣΕΒ ΤΕΡ ΔΑC. ex altera. Arcus cum triplici fornice, supernè quadriga inter duo trophæa.* At quicquid alii judicent de Fabrettiano nummo, nemini hæcenus agnito, in quo importunum illud, nec prorsus verisimile, quod in Græcia percussus fuerit, nihil certe in nostro nummo intempestivum videri potest, quod Tertium dumtaxat Trajani Consulatum, ac solum ipsum Germanici titulum præferat; erat enim (quod Fabrettum latuit) jam Arcus Trajano dicatus, quum ipse Germanicus tantum appellaretur, atque ante Dacicum Bellum, Tertium Consulatum gessisset; Optimus ejus rei testis sit Plinius, qui non ultra id tempus Trajani res persequutus hæc habet Panegyrr. cap. 69. *Quum Arcus, quum Trophæa, quum statuas deprecari, tribuenda est verecundia tua venia; illa enim sanè tibi dicantur. Quod si Romani Arcus Trajano dicati certior temporis nota aliunde quaerenda esset, speret, ut par est, Fabrettiani nummi fide, ad Dionis potius testimonium confugere deberemus, qui post insignes Trajani victorias postremo ejus Imperii tempore relatas, Triumphalis (inquit) tunc Arcus, præter alia multa, que in honorem ejus & decreta, & facta fuerant, in illius Foro substructus est (d).* Sed in statuendo Romani Arcus tempore tutiores nos efficiet nostri Nummi fides, Plinii loco satis comprobata, in quo etiam nummo ejusdem Romani Arcus formam [quæ mihi illum obiter exhibendi fuit causa] spectare jam licet, cum nostro Arcu comparandam; Dionem vero non omnino rejicimus, qui vera de Triumphali Arcu sub ejus Imperii extremum tradidit, falsus tamen in loco, ubi addit extractum, nam hunc ipsum, qui Beneventi nunc extat, fuisse Arcum Dioni memoratum facile mox patebit, quum de nostri Arcus anno modo dicere jam incipiam.

Plures in inscripto nostri Arcus titulo sunt temporis notæ, quas tum Tribunitia Potestas, tum Imperatoris Titulus, tum denique Trajani Consulatus, adjectis cuique numeralibus notis, designant. Imperatorum titulum, qui numerali nota VII. distinguitur, haud morari debemus, incertam scilicet, ut alibi observavi, temporis notam, quæ non annum per se demonstrat,

[a] Diss. ix. pag. 857. edit. Elsevir. 1671.

[b] Hist. Aug. Franc. Angeloni cum emendationibus Jo. Perri Bellorii. Romæ 1685.

[c] Notæ sunt Fabretti cum Bellorio decertationes ob Columnæ Trajanæ explicationes; Ciaconii, qui prior in eandem Columnam breves commentarios ediderat, causam acriter suscepit Fabrettum, edito de eadem re libro adversus Bellorium, *Neotericis polioris litteraturæ Viri solo nomine memoratum, qui, inquit, Ciaconium emendasse, operique summam manum imposuisse sibi visus est:* Sed de Romani Arcus nummo Fabrettum audiamus ita differentem cap. IX. p. 300. *Conscius etiam esse debuit Neotericus, qui nummum ipsum præclarum Arcus Trajani Spanhemio suppeditavit, Epigraphen alterius partis circa Trajani effigiem titulo Dacici minime insignitam fuisse: Alium mediæ magnitudinis cum Arcu bicinnum, quem non adeo ineptè ad expeditionem, & trium-*

*phum Dacicum quis referat; legitur enim in eo titulus Dacici, & annus Imperii decimus tertius. Etque in hoc alio melior, quod ille fornices omnes æquali altitudine, iste græcus medium ampliorem, laterales angustiores, & humiliores, ut convenit, & omnes Arcus etiamnum in Urbe supersint, ac nummus quoque Braccensis, ostendunt, habere cernitur.* Sed de Fabrettiani nummi græcæ fide superius dictum, ubi etiam Belloriano nummo nihil obesse diximus vel æqualem Fornicum altitudinem, vel Temporis notam; neutrum enim obstat, quin Cl. Vaillantius in De Romanis Aëreis hunc ipsum nummum describens, primæ formæ, Cimelii Em. Card. Maximi, eundem pronuntiaverit omnes Trajani nummos raritate, & elegantia superare, utpote historicum, & unicum.

[d] Inter Scriptores Hist. Aug. edit. Froben. p. 159.

strat, sed potius quoto illa anno consignanda sit, aliunde confirmari indigeat; neque etiam rarum illud fuit, binas, aut plures eodem anno Imperatorias acclamationes uni Duci fuisse delatas, qui pluries eodem ipso anno insignem victoriam ex hostibus retulisset (a), itaut ex inscripto Imperatorij tituli numero nihil tutum nobis præstetur, ut certum aliquem annorum numerum statuamus.

De memorato Trajani Consulatu idem dicendum est. Ac primum ex Grutero, qui nostrum Arcus titulum edidit pag. 247. num. 5. mendum abstulisse præstabit, quod in ejusdem Consulatus numeralem notam irrepsit: ea enim per VII., ut etiam Tribunitia Potestas per XVIII. signantur, unoque singula anno seu numero augentur contra fidem lapidis; ubi Trib. Potest. XVIII. Cos. VI. inscripta sunt: quamquam non lapidis fidem heic advocari opus fuerit, quum ex ipsis Fastis non tam mendii certitudo, quam editoris oscitantia convincatur, qui seipsum, ad quem nunquam pervenit, Trajano Consulatum attribuit (b); Sextus igitur Consulatus in nostro Arcu notatus, Trajani postremus fuit, qui, cum in *Ær. Ch.* 112. incidisset, haud tamen (qui nostratis Scriptoris fuit error) ejusdem Arcus annum designat; Frustra enim in commemorato Consulatus numero certam temporis notam quæsisse erit, dum is non ad annum demonstrandum [quod in aliis lapidibus Consulibus nomine plerumque in fine, aut etiam initio solitariè, atque auferendi casu inscripto passim occurrit], sed ad recensendos quotquot Trajanus usque gesserat, Magistratus, aliosque honores, interjectus fuit.

Ad Tribunitiæ igitur Potestatis annos deducenda res est; quam quum Augusti Principatus Auctoris exemplo sequuti omnes Principes cum ipso simul Imperio suscipere, ac ex veteri muneris instituto sibi quotannis renovare pro perpetuo more habuissent, tutiorem, expeditionemque temporis notam evasisse constat, quæ cujusque Principis annos tum nostri Chronologi, tum Veteres ipsi numerare solent: Veteres sane ex Tribunitiæ Potestatis annis annorum Imperii rationem inisisse testatur Dio l. LIII. *Gerere quidem* (inquit) *Tribunatum Plebis nefas ducunt Imperatores, quum ipsi Patricii sint, omnem vero Tribunitiam Potestatem, quanta unquam maxima fuit, accipiunt, & quæ quotannis renovant, annorum Imperii ipsorum hinc summa concipi solet*: quod licet verum esse videatur, caute tamen ejusmodi regulâ utendum erit, ne in eorum errorem labamur, qui in omnium Romanorum Imperatorum annis numerandis eam indiscriminatim adhibuerunt (c). Plures enim, priusquam imperare, seu Augusti esse cœpissent, Tribunitiâ Potestate potiti sunt, quos inter Trajanus recensendus, qui a Nerva adoptatus, simul filius, simul Cæsar, throni Imperator, & consortis Tribunitiæ Potestatis effectus a Plinio dicitur (d): Imperii autem administrationem, atque Augusti titulum non Nervæ abdicatione (ut Galerius comminisceretur, eodem exemplo Imperii dimissionem Diocletiano suadere studens (e)) sed Nervæ morte suscepit.

Neque

[a] Tum de aliis, tum de ipso Trajano id certum constat, quem eodem Belli Parthici anno Imperator VII. VIII. & VIII. ab exercitu fuisse acclamatum, ex Onufrio, & Goltzio notavit Tillemontius ad an. Ch. 115. ejusdem Trajani 18.

[b] A quo quidem mendo (diminuto contra Consulatus numero) neque etiam sibi cavet Donius, sive illustis ejus editor Gorius Cl. l. n. 97. ubi lapidem Trajani assert. TRIB. POT. XVIII. IMP. VIII. COS. V.: qui enim convenire potest cum Trib. Pot. XVIII. Consulatus Quintus eo tempore, quo jamdiu Trajanus anno 112. Sexto Consulatu perfundus fuerat. Ex quibus monemur, quam male tuta plerumque sit in editis lapidibus numeralium notarum fides, quantæque nobis in iis ad rem nostram adhibendis diligentia sit utendum.

[c] Quod ex annis Tribunitiæ Potestatis anni colligantur Imperii, indistincte affirmavit Scaliger, quem refellit Card. Noris in Diss. 2. de Numism. Licinianis; sed post Scaligerum ad hunc scopulum impiegit etiam Vinc. Gravina de Rom. Imp. cap. 8., quæ etiam Pighii, Pagii, Spanhemii, atque aliorum fuit sententia, falsa quidem, ut optime ostendit Christianus Gottlieb Schwartzius in Exercitatione de numeranda Tribunitiæ Potestate Augustorum, Cæsarumque Romanorum;

Vera enim dumtaxat ea erit regula, si in eos Imperatores incidimus, qui in vita privata Imperium adepti, cum ipso simul Tribunitiam Potestatem inchoaverint, secus vero in aliis statuendum, quos ante Imperium eandem Potestatem assequutos fuisse constat, quales Tiberium, Titum, Trajanum, Marcum, Lucium Verum, Commodum, aliosque jam novimus.

[d] Panegyri. cap. 8.

[e] Apud Lactantium, seu quicumque is est auctor lib. de Morte Persecutorum cap. 18.: Nervæ exemplo usum Galerium legimus, qui Imperium Trajano tradidisset, itaut post unius anni Imperium, quum pondus, & curam tantarum rerum vel ætate, vel insolentia ferre nequivisset, abjecerit gubernaculum Reip., atque in privatam vitam rediit, in qua consenuit. Sunt, qui Galerium vera loquutum putant, ac multis conjecturis rem confirmare conantur, quos tamen rectè refellit Card. Noris. ep. conf. pag. 55. P. Pagi ad an. Cr. 97. §. 3. ad 9. Tillemont. not. v. in Nervam; sed omnium loco satis sit rem, uti fuerit, ex optimo teste Plinio didicisse. Quum enim Trajanus Bello Germanico tum intentus accepto adoptionis nuncio, suscipiendi Imperii anceps, neque Adoptantis flagitatione, neque Senatus consensu, neque militum acclamatione, sed audito tandem Nervæ obitu,



# DISSERTATIO DECIMA. 257

Neque exiguum illud turbare debet aliquot mensum spatium, quod ab adoptione ad Nervæ mortem effluxit, quum adoptio in mensem Septembrem ann 97. consignetur, mors vero in Ianuarium sequentis an. 98. incidit; adeo pauci illi Tribunitiæ Potestatis menses, qui Imperii initium anteverunt, contemnendi videantur; id quod impune a Tillemontio factum video, qui initium anni 98. simul ac Trajani Imperii statuens, ab eodem pariter anno Tribunitiam ejusdem Potestatem æquo semper numero procedentem exhibuit.

Sed præstabit veterum monumentorum fidem, quàm Tillemontium ducem sectari: non enim paucos illos, quos observavimus Tribunitiæ Potestatis menses, qui Imperii initium prævertebant, tunc temporis neglectos reperio, imo eos in causâ omnino fuisse, ut Tribunitia Potestas anno semper numero, quàm Imperii anni essent, inscriberetur. En binos lapides ex Cl. Fabretto, alterum in Col. Traj. cap. 9. p. 273. alterum Inscript. Domest. cap. v. pag. 400.

LARIIVS AVGVSTIS ET GENIS CAESARVM  
IMP. CAESARI DIVI NERVÆ FILIO  
NERVÆ TRAIANO AVG. GERM. PONTIFICI  
MAXIMO TRIB. POT. IIII. COS. III. DESIG. &c.

IMP. CAES. DIVI NERVÆ F  
NERVA TRAIANVS AVG. GERMAN  
DACICVS PONTIFEX MAXIMVS TRIB  
POTESTATE XV. IMP. VI. COS. V. P. P.  
SVBSTRVCTIONEM  
CONTRA LABEM MONTIS FECIT (a)

Si igitur prior lapis Tribunitiam Potestatem IIII. cum Consulatu III. conjungit, quem quidem Consulatum in annum Ch. 100. conjiciendum apud omnes convenit, tertium nempe annum Trajani Imperii a Ianuario anni 98. inchoati, jam vides Tribunitiam Potestatem I. ad an. 97. pertinere, cujus licet paucos menses a Septembri ad Ianuarium Potestas ipsa occupaverit, satius tamen fuit pro integro anno, qui Imperium anteverterat, numerari, quàm eos omnino negligi, aut novam, quam Fabrettus importune excogitavit (b), numerandi rationem inire, ejusque causâ ipsius anni exordium quod Romanis Magistratibus, atque ejusdem Trajani Imperio commune fuit, mutare atque etiam perturbare.

Certius id ex posteriore lapide patebit, ubi Tribunitia Potestas xv. Consulatu v. adhuc adjecta legitur, hoc est uno anno, Imperii annum xv. anteverit, qui ær. Ch. fuit 112; in quo demum Trajanus Consulatum vi. suscepit: Ex quo sane lapide, quod in numeranda Tribunitia Potestate cum priore consentiat, utriusque fides comprobatur; atque illud præterea constat, non ipso tantum Imperii exordio, sed ordinariam deinceps Tribunitiæ Potestatis numerationem Trajani Imperii tempore constanter mansisse, quâ Imperium ipsum anno minus uno eandem Tribunitiam Potestatem subsequeretur; Quod etiam rite factum videri debet: quum enim Ianuario mense anni 98. Imperii administrationem Trajanus suscepit, eodem quidem mense, more majorum, atque ex Dionis testimonio Tribunitiam Potestatem, quam Septembri mense antecedentis anni receperat, renovare sibi debuit; quo factum fuit, ut Trib. Potestas I. per paucos licet menses ejusdem anni 97. termino concluderetur, sicuti qui aliâ quâ tantum anni parte Consul fuisset, (quod sæpiissime accidit) non ex integro anni spatio

K k

sed

obitu, capeſſendum deliberaſſet, hanc equidem Trajani moderationem ſummis laudibus extollit Plinius cap. x. cujus inter alia hæc ſunt ad eundem Trajanum: *Jam Te Providentia Deorum primum in locum provexerat; Tu adhuc in ſecundo reſiſtere, atque etiam ſenſere oportebat; Privatus tibi videbatur, quandiu Imperator & alius eſſet; Audita ſunt vota tua, ſed in quantum illi optimo & ſanctiſſimo ſeni utile fuit, quem Dii Cælo vindicaverunt &c.*

[a] Extat etiam hic lapis apud Danium Cl. II. n. 79. ubi tamen TRIB. POT. XVI. legitur, ſed Fabrettiano exemplari fidem habendam malim, eo magis, quò nihil ego minus accuratè ſcriptum inveniam, ut Fabretto Gorius exprobat, quanquam eodem lapide non recte ibi utatur Fabrettus aditum Columnæ Trajanæ locum confirmandum.

[b] In Columnæ Trajan. cap. IX. pag. 282. Synopſim Chronologicam ab initio Imperii Trajani uſque ad Sextum ejus Conſulatum exhibet Fabrettus, qua ab an.

Ch. 98. ad 117. Tribunitiæ Potestates, Acclamations Imperatoriæ, Conſulatus, ſuis quæque annis conſignantur: Sed quod Trib. Potestatem attinet, hoc inſuper, quod in Synopſi jam præſtiterat, ſubmonitum voluit Fabrettus, ejusdem videlicet numerationem incipere ab adoptione Trajani, quæ præceſſit obitu Nervæ, & Imperii Trajani tribus circiter menſibus ex ſententia Eutropii, quam amplectimur, & ſic a Kal. Novembris plus minus ejus anni, qui antecceſſit primum Imperii, & Synopſi ſupraſcriptæ; unde, Panvinii imitatione, primo Imperii anno Trib. Potestatem tam I. per decem menſes, quam II. per duos reliquos (immo juxta novam rationem inſtitutam, Primam per duos menſes, Secundam per reliquos decem. vir doctus dicere debuit) & ſic deinceps assignavimus: Sed quam implicata atque omnino inſolens ſit hæc numerandæ Tribunitiæ Potestatis ratio, ut eadem Potestas bis in ſingulos Imperii annos recenſeatur, jam quiſque videt; ac ſuperius a me demonſtratum.

sed ex gesto Magistratu ejus anni Consul dicebatur; atque ex bimestribus quandoque Consulatus (ut de eodem Trajano jam constat) Consulatum numerus rectissime statuebatur.

Quæ quum ita sint, ex Tribunitia Potestate XVIII., quæ in nostro Arcu inscripta fuit, ex iis etiam omnibus, quæ superius observata sunt, de anno jam liquet, quo Arcus ipse extructus fuit, decimo septimo scilicet anno, quo Trajanus imperare cœpit, qui idem Æræ Chr. An. cxiv. fuit.

Age nunc, quæ extruendi Arcus causa fuerit, observare jam licet; atque quum de Via Trajana differerem, quam Trajanus Benevento Brundisum pecunia sua fecit, fuit mihi tunc conjectura, quod Senatus P. Q. R. Opus illud tum Principis magnificentia, tum publica utilitate commendatum, eodem Arcu, præclarissimo æque monumento, celebrandum curaverit: qua in re etiam morem illum servatum animadvertēbam, quo Arcus consimiles earum Viarum initio dedicari consueverint, quas Principes sternendas, aut etiam muniendas jussissent: At nonnulla esse nunc video, gravissima profecto momenta, quibus in nostri Arcus extructione nihil de Via cogitatum appareat, aliòque causa referenda omnino esse videatur; qui enim fieri poterat, ut, quum Via illa in Trib. Potestate XIII., quam Milliaria Columna inscriptam habet, perfecta jam fuerit, quinquennio post, idest Trib. Potestate XVIII. quæ nostro Arcui tribuitur, ipso demum Arcu eandem Viam jamdiu stratum decorandi, celebrandique consilium subierit: Cur etiam Viam illam Romani ejusmodi monumento illustrandam maluissent, præclariore Viâ alterâ neglectâ, quam (teste Dione) Trajanus Urbi propinquo-rem, ac præterea magnificentissimis Pontibus, atque ædificiis mire exornatam, in Pomptinis Paludibus per eadem tempora stravit; Adde, quod nihil in nostri Arcus titulo, quod Viam commemoret, aut saltem ad Viæ opus referri possit; quod sane contra morem fuisse constat, quem cætera Trajani monumenta declarant: Erectæ Columnæ causam ejusdem titulus prodit, hoc est: AD DECLARANDVM QVANTAE ALTITVDINIS MONS TANTIS OPERIBVS SIT EGBVS. De Anconitani Arcus causa neque Titulus silet, immo magnificè, ac disertissime loquitur: QVOD ACCESSVM ITALIÆ HOC ETIAM ADDITO EX PECVNIA SVÆ PORTV TVTIOREM NAVIGANTIBVS REDDIDERIT. Unde & PROVIDENTISSIMI PRINCIPIS Epitheton satis opportunè Trajano tribuitur: Secus vero in nostri Arcus Titulo factum videtur, ubi non solum de Via nihil scriptum, indicatumve, sed FORTISSIMI PRINCIPIS, quo uno Trajanus decoratur cognomine, nullimode Arcus ad Viæ opus pertinere videtur, quam etiam conjiciendam cognomen ipsum omninò vetat, tum rei incongruens, tum etiam aliarum maximarum rerum manifestum argumentum.

Ad hoc igitur unum Fortissimi cognomen extructi nostri Arcus omnis referenda erit causa; ut scilicet eo monumento Bellicam imprimis Trajani Virtutem Senatus P. Q. R. honorandam decreverit. Eximie Fortitudinis laudem jamdiu Trajanus promeruerat; Binis enim in Daciam factis expeditionibus. Romanorum gloriam non restituit modo, verum etiam cum Imperii finibus ampliavit; sub Oppio Sabino Consulari, dein sub Cornelio Fulco Præfecto Cohortium Prætoriarum, Domitiani Ducibus, adversa semper Belli fortuna Romani cum Dacis pugnabant (a): Deteriora indies veriti, Hostium foedus, imagine quadam servitutis, ac turpiori præteritis cladibus pretio redemerunt Romani Dacorum vectigales effecti; Is erat Romani Imperii status, hæc Romanorum nomini infixa adhuc macula manebat, dum Trajanus Principatum suscepit, qui priore Bello Dacorum res in extremum discrimen adducens, quibuscumque ipse voluit conditionibus, Decebalò Regi humi procumbenti, adorantique Vitam, ac Regnum dimisit (b); posteriore vero bello ob ejusdem Regis res novas molientis perfidiam instaurato, Dacia omnis a Trajano ita subacta est, ut Decebalus, desperatis rebus omnibus, sese voluntaria morte Victoris triumpho subduxerit. Atque ita Romano Imperio, quod [ut recte animadvertit Eutropius] post Augustum ad ea usque tempora defensum magis fuerat, quam nobiliter ampliatum, Trajani Fortitudine factum est, ut Dacia Provincia adjiceretur, in quam ipse etiam, Barbararum Gentium olim natale solum, atque horridam sedem, deductis Romanorum Coloniis, Romanos mores, institutaque invexit. Jamdiu itaque, ut dixi, Trajanus Fortitudinis laude commendari dignissimus, quam etiam præteritorum temporum infelicitas quammaxime augere videbatur; sed quod Dacicas Victorias spectat, quas binis Trajani Triumphis, Nummisque percussis, aliisque publicis honorum monumentis celebratas novimus, ne primam, atque omnem extruendi Arcus causam putare debemus. Sunt equidem in nostri Arcus tabulis plura elegantissime expressa Belli Dacici monumenta, ut Decebalì ad pedes

[a] Svetonius in Domitian. cap. vi. Eutropius lib. v.

[b] Dio Cassius in vita Trajani.



des Trajani provoluti adoratio, obsidum traditio, aliaque egregia plura ad militarem rem pertinentia, quæ exteriorem Arcus aspectum exornant; sed vix credi potest, tam serò Romanis in mentem venisse Monumentum illud excitare, quod Dacico Bello ab An. Ch. cv. omnino absoluto, novem fere annis posterius fuit; ubi etiam non Militares tantum, sed Civiles quoque Trajani res egregie gestæ, ut *Adoptio*, *Alimentarii Pueri*, aliaque *Liberalitatis*, ac Magnificentiae exempla in interiori, quem modo ære incisum exhibuimus, ejusdem Arcus aspectu, repræsentata conspiciuntur; atque ad Civiles quidem pertinent quoque Tabulæ ex utroque interioris fornici latere appositæ, quarum altera solennem Sacrificii operam, altera vero Congiarii largitionem, præsentem effingit. Fuit igitur consilium, Trajani res omnes Domi, Forisq; gestas, quæ ad id tempus maxime enituisse, in unum ipsum Monumentum conjicere, quò major Operi splendor accederet, sed peculiari *Fortissimi* Cognomine præsentem rem, quâ novam sibi gloriam Trajanus per id tempus comparasse cœpit, Arcus ipse plane præmonebat.

Idem Annus cxiv., quo noster Arcus extractus fuit, Parthico Bello initium jam dederat. Parthis, Armeniisque Bellum intulit Trajanus, proptereaquod Armeniorum Rex diadema, & cætera Regni insignia, atque jura non ab se, sed a Parthorum Rege, velut illi obnoxius sumpserat. Hinc Parthorum; & Armeniorum fines ingressus, Parthamafrem, qui in Armeniis regnabat, graviter multavit; Reges alios, qui contumaces obsequium abnuissent, parereque reculassent, parvo negotio subegit, alios vero, qui sponte deditionem fecissent, aut in fidem venissent, ut amicos benigne habuit; offensis demum armis, ac sine certamine, Regnis omnibus in suum Imperium receptis, suoque arbitrio iterum *adsignatis* (a), multis muneribus auctus est, inter quæ speciosissimum illud, quod meminit Dio, expressumque in exteriori nostri Arcus aspectu spectare adhuc licet; equum nempe *ita edoctum*, ut Regem adoraret, quem ante Trajanum ductum, pedes anteriores in morem supplicantis flexisse, caputque pedibus ejus subjecisse narratur: Hæc primo Belli Parthici anno a Trajano gesta sunt, *Felicitate* potius, quàm *Fortiter*; unde nondum Parthici Cognomen eidem peperere, quod demum sequenti anno, hoc est Trib. Potestate xix., collatum non solum probat nostri Arcus silentium, qui anno antecedenti extractus eo Cognomine caret, verum etiam docent sequentis anni monumenta, quibus eadem Trib. Potestate xix. signatis Parthici Cognomen perpetuò inscriptum testatur Fabrettus (b), quamvis Dio ejusmodi Cognomen, quod antea Trajano tributum fuerat, tunc confirmatum commemoret.

Quantæ vero, & quàm magnæ eæ res fuerint, uno eo anno a Trajano gestæ, summatim jam diximus, quæ quum Imperatoris Felicitati tribuenda videantur, ipsa tamen Felicitas ad Fortitudinem redit, quâ sola ob Dacicas expeditiones longè latèque probatâ, novos hostes sine armis vincere Trajanus jam dixerat: Harum igitur rerum nunciis Romam perlatis, quid nî, eodemmet anno tam uberem Imperatoris operâ, tamque singularem Romano Imperio gloriam ferente, publicis Honorum Monumentis *Fortissimum* Principem Senatus P. Q. R. celebrandum curaverit? Ad hunc certe annum Dionis verba referenda esse arbitror: *Triumphalium Arcus* (inquit) *præter alia multa, quæ in honorem ejus & decreta, & facta fuerant, in illius Foro substructus est; Jamque ita Civis se ornabant, ut illi in Patriam revertenti lati, & plaudentes occurrerent.* Quanquam enim sub Trajani obitum hæc rejecerit Dio, quem biennio circiter post nostrum Arcum mortuum fuisse constat, quin ad ann. 114. ac Trajani Trib. Potestatem xviii., ea omnia pertinere debeant: nam si Romanum Arcum excipias, de quo initio meminimus, ipso etiam Trajani Imperii initio dicatum, non alterum Romæ Arcum fuisse novimus, quem Dio ait sub Trajani obitum in ejus Foro substructum: Facile autem Dioni fuit, extremum triennium, quo Trajanus Româ absens eidem Bello Parthico operam dedit, res omnes sine ullo temporis discrimine, prout narrandi opportunitas fecisset, ita persequi, ut post res ipsas, quicquid honoris non uno tempore promeruit Trajanus, tunc demum summatim narrare institueret: verisimillimum quoque illud putaverim, ut posterioris Beneventani Arcus fortasse ignarus, priorem Arcum, quem suo ævo adhuc Romæ extantem Dio aspiceret, hunc ipsum fuisse crediderit, quem Parthico vertente Bello, novo Senatus, Populi-que Romani decreto, Trajano dicatum fuisse scribit. Noster igitur Arcus Trib. Potesta-

K k 2

te xviii.,

[a] Bina numismata Trajani satis celebrantur apud Rei Nummarie Scriptores, in quorum altero hæc adest Epigraphes: REGNA ADSIGNATA. Cum Consulatu vi., in altero vero sic inscribitur: REX PARTHIS

DATUS cum eadem Consulatus nota. Vid. Angelonium, Erizzum, &c.

[b] In Colum. Traj. cap. 9. pag. 292. & seq.

te XVIIIT., hoc est Primo Belli Parthici Anno extructus, maturius quidem, ac præterea Beneventi, non vero Romæ, atque tam serò, ut Dioni videbatur, suo etiamnum aspectu sese dicatum ostendit.

Quod etiam postrema, quæ modo junctim recitavimus Dionis verba magis certum suadent: Dum enim Romani substructo Triumphali Arcu, aliisque comparatis ornamentis Trajano in Patriam revertenti lati, ac plaudentes occurrere satagebant, non equidem in ipsa Roma jam reversum excipere, sed longius ire obviam, lætitiæque suam honorificentissimo aliquo, ac perpetuo Opere testari debuissent: Scimus autem [quod multis exemplis, quum de Augustis Viris egerim Dissert. VII., jam probavi] Beneventum, communem veluti statutumque terminum iis fuisse, qui Principes fere omnes tum in Orientem proficiscentes, tum illinc revertentes, aut dimittere, aut excipere honoris causâ consueverunt. Arcum igitur Triumphalem Dioni memoratum Beneventi potius, quam alibi extruere Senatui, Populoque Romano placuit, qui tamen frustra Trajanum expectarunt, in ipso reditu apud Selinuntem Ciliciæ Urbem Augusto mense Ann. cxvii. defunctum (a): Atque ex his demum omnibus non solum, quæ nostri Arcus extruendi causâ extiterit, verum etiam cur Beneventi extructus fuerit, luculenter jam probatum arbitror.

Restat modo, ut [quod mihi postremo loco propositum fuit] ipsius Arcus Titulum illustrandum suscipiam; non is solum in interiori, quem exhibemus, ejusdem Arcus aspectu inscriptus fuit, sed in exteriori etiam, eodem ipso loco, iisdemque dictionibus, ac literarum formis, insculptus habetur; neque enim inter utriusque aspectus Ichnographiam discrimen ullum est, nisi quod singulis utriusque Tabulis, diversæ variarum rerum effigies exhibeantur. Pauca quidem in eum titulum mihi suppetunt, dum alia superius pro re nata explicuisse jam libuit, alia vero ita præclare se habent, ut nulla explicatione indigere videantur. Ad *Optimi* itaque cognomen tantummodo conferendus est sermo, protritum illud quidem, sed de quo, an ante alios Trajano primùm, quo etiam tempore Ei fuerit delatum, nondum satis constat. Ac quod primùm attinet, si Plinium audimus, nemo ante Trajanum *Optimi* cognomine publicè decoratus unquam fuit. *Iustisne de causis* [ita Plinius ad Trajanum (b)] *Senatus, Populusque Romanus Optimi tibi cognomen adiecit? Paratum id quidem, & in medio positum, novum tamen: Scias neminem ante meruisse . . . hoc tibi tam proprium, quàm paternum, nec magis definite, distincteque designat, qui Trajanum, quam qui Optimum appellat . . . quod licet omnes postea usurpent, semper tamen agnosceretur, ut tuum; etenim ut nomine Augusti admonemur ejus, cui primùm dicatum est: ita hæc Optimi appellatio nunquam memoria hominum sine te recurret, quotiesque posteris nostri Optimum aliquem vocare cogentur, toties recordabuntur, quis meruerit vocari: ac de sequutis Principibus nota res est, quibus Imperium capeissentibus solenne illud, teste Eutropio, acclamari solebat FELICIOR AVGUSTO, MELIOR TRAIANO, & quidem Hadrianum mox sibi Optimi, aut etiam Optimi Maximi appellationem arripuisse constat ex Juris Civilis libris (c); ac deinde cæteros omnes de more, quanquam non pro Trajani moribus, Optimi cognomen affectasse antiqui lapides passim docent; at de iis, qui Trajanum antecessere, dubium videri potest: Certe Optimi elogium Imp. Claudio tribuitur in eo S. C. quod ab eodem Plinio refertur Ep. vi. l. viii. qui illum eodem loco Optimi Principis titulo iterum designat: Caligulam etiam inter cætera, quæ assumpsit cognomina, Optimum Maximumque vocatum testatur Svetonius (d): At quamvis hæc omnia negare nemo auit, adhuc tamen vera Plinium de Trajano loquutum censebimus, dum Pessimorum Principum exempla, qui Optimi dici voluerunt, novum usque ad id tempus cognomen reddebant, quod non adulatione, aut fastu, sed virtutibus prior Trajanus meruisset: Illud potius turbat, quod ante Principatus initia*

[a] Apud Selinuntem Ciliciæ Urbem, quæ deinde Trajanopolis appellata est, *intercuse aqua repleta* Trajanum obisse tradit Dio; Eutropius vero l. viii. optimæ editionis Basileæ per Antonium Schonovium anno 1545. Apud Seleuciam Mæturæ *profluvio ventris* extinctum refert: Fortasse ex utriusque dictionis affinitate factum fuit, ut pro Selinunte Seleucia in antiquis Eutropii exemplaribus legi ceperit, quod etiam deinde Paulus Diaconus in interpolata Eutropii historia retinuit, ut in binis vetustis Diaconi editionibus, quas ad manus habeo, scriptum invenio.

[b] Panegyric. cap. 88.

[c] *Optimus Princeps* Hadrianus vocatur in leg. 2. §. 47. D. De Orig. Jur. Idemque *Optimus Maximusque* in S. C. de Petitione Hæreditatis l. 20. D. De Hæred. petit. Solenne etiam Papiniano nostro fuit, ut nunquam Severi sine *Optimi*, aut *Optimi Maximi* titulo meminisset; ut in l. 67. §. Si omnia D. De leg. 2. l. 7. D. De vacat. & excusat. & alibi passim.

[d] Sveton. in Calig. cap. 22.: *Compluribus cognominibus assumptis, non & Pius, & Cæsarum Filius, & Pater Exercituum, & Optimus Maximus Cæsar* vocabatur &c.



tia (quum nempe libertatis, quâ Resp. fruebatur, vis illa major in præmiis, honoribusque virtuti largiendis agnosceretur) fuerint plerique, quos *Optimos* Senatus vocari decreverit: *Ego semper* [ita de se ipso ait Cicero (a)] *Civis eram, & tum maximè, cum meam salutem Senatus exteris nationibus, ut CIVIS OPTIMI, commendabat.* Scimus etiam Scipionem Nasicam eodem cognomine Senatus Consulto decoratum, de quo ita J. C. Pomponius (b): *Gajus Scipio Nafica, qui OPTIMVS a Senatu appellatus est, cui etiam publica Domus in Sacra via data est, quò facilius consuli posset.* At vel hæc non maximarum virtutum maxima præmia, vel hominum memoriæ ob temporum diuturnitatem oblitterata: Dubia quoque videri queunt, si quod Ciceronis fuit, *Optimi Civis* cognomen, ejus jactantiæ, aut saltem non solenni de ea re S. C. tribuas; Nasicæ vero non magni habitum, neque usu receptum *Optimi* cognomen ex eodem Cicerone intelligas (c); Hinc nihil inepti, aut assentationis Plinio tribuimus, si ejusmodi Cognominis pretium ex eo magnificandum sibi sumperit, quod novum quidem esset, sed paratum, & in medio positum, quasi solum Trajanum omni virtutum genere promeriturum expectaret.

At quo præsertim tempore *Optimi* cognomine appellatus Trajanus? Res clara ex Plinio, ut in ipsius Trajani Imperii initio res consignetur; nam, quum de eodem Cognomine tam copiosè, ac præclarè in Trajani laudem Plinius differuisset, illud etiam certum constat, Panegyricum mense Septembri an. 100. fuisse ab eodem recitatum (d), quum nempe Trajanus nondum Imperii triennium expleisset: Sed diversus a Plinio abire videtur Dio, qui serò admodum, nec nisi post subactam Armeniam [idest anno x. Imperii circiter] id evenisse statuit; Tum (inquit) in honorem ejus multa Senatus decrevit, atque illud in primis, ut *Optimus* appellaretur (e). Serius etiam rem statuendam putat Fabrettus (f), qui nonnisi post sextum Consulatum *Optimi* cognomen receptum invenisse ait in omnibus lapidibus, & nummis sibi adhuc inspectis, itaut excusandos velit Xiphilinum, & Zonaram, si post Armeniam captam, Trajanum hoc cognomento honoratum a Senatu dixerunt, propterea quod de Senatus decreto erraverint, de usu tamen cognominis vera loquuti videantur; Res isthæc certe magni nominis Viros vexasse videtur, Norisium (g) & Tillemontium (h), qui servata, ut par est, Plinio fide, nisi ad Trajani moderationem res deducatur, quam novo de ea re Senatus Consulto devictam conjiciunt, causam ignorare fatentur, cur demum *Optimi* cognomen nonnisi post Ann. Ch. c., frequentius autem post An. cxv. in Trajani nummis inscriptum habeatur.

Sed cum de Plinii fide dubitare nefas sit, quam neque in suspicionem vocandam Norisius, ac Tillemontius censuerunt, non equidem utriusque conjecturas probaverim; De novo enim S. C. commentitia omnino res videri debet, dum de Trajani moderatione in eo cognomine abnuendo nullimodo constat; quid enim? Siluissetne Plinius, qui Trajani secundum, & tertium Consulatum recusantis moderationem pluribus deprædicare non omisit; neque, quod Patris Patriæ cognomen Trajanus eadem moderatione distulerit, intactum voluit (i): Quum igitur ex nummorum silentio omnis dubitandi oriatur occasio, miror profecto tantum momenti ea in re a summis Viris positum, ut nihil certum definire ausi fuerint.

Quod enim Nummi, aut etiam Lapides ante Ann. c. *Optimi* cognomen fileant, num de delato longe ante eundem annum *Optimi* cognomine dubitare fas erit? Etiam si Dionis testimonium Plinio anteferamus, dum ille post devictam Armeniam, S. C. de ea re factum commemorat,

[a] Cicero Paradox. iv. cap. i.

[b] In l. 2. §. 37. D. De Orig. Jur. sed falsum in Nasicæ prænomine fuisse Pomponium jam alii notarunt, non enim Gaii, sed Publii prænomen Nasicæ fuisse præclarè habetur ex Cicerone in Bruto cap. 20. & confirmat Livius l. 49.

[c] Tuscul. l. 1. c. 9. ubi hæc legimus: *Nafica ille prudens, bis Consul, Corculum*: quibus verbis, quum omnia, quæ ad Nasicæ virtutem, dignitatemque spectarent, concluderet Cicero, addito etiam *Corculi* cognomine, vix credi potest *Optimi* cognomen, S. C. delatum; Ciceronem præterire voluisse, aut forte ignorasse; ut proinde de ejusmodi Nasicæ cognomine, ipsius Ciceronis Aëvo, haud celebris extaret memoria.

[d] Tum Plinii suffectus Consulatus eodem mense, & anno susceptus id demonstrat, nam ejus Magistratus initio Panegyricum recitavit, tum quoque probant res, quæ eodem Panegyrico celebratæ Trajani triennium

non excedunt, ac priorem Dacicam expeditionem omnino antecedunt: Ipsemet Plinius necdum de triennio loqui testatur cap. 46.: verum quidem est eadem illa deinde Plinium (ut ipsemet scribit lib. 3. ep. 18.) *spatiofusus, & uberius volumine amplexum* (quale legimus) *primum ut Imperatori nostro virtutes suæ veris laudibus commendarentur, deinde ut futuri Principes sub exemplo præmonerentur, quæ possimim via possent ad eandem gloriam niti*: haud tamen posterioris temporis res gestas attingere ausus fuit, ut de *Optimi* cognomine ad id tempus jam publice delato nulla nobis dubitatio esse possit.

[e] Dio Cassius l. 68. & inter Scriptores Hist. Aug. edit. Basilæ pag. 157.

[f] In Col. Traj. cap. ix. pag. 296.

[g] In Epoc. Syromaced. pag. 247.

[h] In Trajano art. 8. & not. 8.

[i] Panegyric. cap. 46. & seq.

morat, jam annum CVII., quo Armenia in potestatem recepta fuit, rem deduxisse licebit: Sed quæ, inquires, causâ fuerit, ut Nummi silerent? Nullam sane ego video causam excogitandam, dum præsertim in Nummis non illud solenne fuisse conitat, ut omnia cuiusque Principis inscriberentur Cognomina: vel, quod brevi Nummorum orbe inscribenda epigraphes singula explicare non posset, vel, quod, quæ nullimode ad Principatus jura, maiestatemque pertinerent, sed tantummodo honoris essent, atque laudis assumpta cognomina, pro eorum, qui monumentum dedicassent arbitrio, inscribi solerent: Certissimum id teneo ex ipso Columnæ Trajanæ titulo, in quo magnificentissimo Opere, in media Urbe, a Senatu Populoque Romano, serò licet dedicato, scilicet Trib. Pot. XVII., adhuc tamen *Optimi* cognomen desideratur (a): ut videas frustra nobis laborandum in ea causâ querenda, cur priore Imperii tempore *Optimi* cognomen monumenta non præferant, quod posteriore neglectum pariter fuisse liquet.

At non illud omnino verum, quod nulli extent vel Nummi, vel lapides ad Trajani Imperii initia pertinentes, in quibus *Optimi* cognomen appareat. Improbis quidem Fabretto labor susceptus fuit, sed an recte processerit, jure dubitabimus, dum is pro sua sententia decertans nummos omnes Imperii initia, atque ejusmodi simul Cognomen præferentes vel falsos, vel suppositos vel ex editorum oscitantia in temporis nota mendosos convincere negotium sibi sumpsit (b); satis nobis erit, rem hanc præter Nummos, etiam Lapidum fide confecisse; atque ut alios omittam, eos dumtaxat indicasse placet, quos Fabretto alibi probatos, eidem objicimus; Extat enim sub TRIB. POT. VI. lapis Trajano dicatus ab omnibus Tribubus xxxv. quod *Liberalitate OPTIMI PRINCIPIS commoda earum, etiam locorum adjectione cumulata sint*. Alterum etiam sub TRIB. POTEST. VIII. Trajano OPTIMO PRINCIPICI Cultores Domus Augustæ dedicarunt: ut jam recte constet, non initio dumtaxat, sed [ ut ex Columnæ titulo demonstratum fuit ] toto Trajani Imperii tempore eodem prorsus modo rem se habuisse, ut nempe *Optimi* cognomen, neque in omnibus monumentis desideretur, neque in omnibus inscriptum legatur; ac proinde tam Fabretti sententia respuenda sit, quam Norisio, ac Tillemontio nulla fuisse ratio videatur, ut de Nummorum silentio mirarentur, atque illud denique certissimum statui possit, de delato Trajani Imperii initio, susceptoque *Optimi* cognomine, *Optimæ* fidei testem Plinium esse agnoscendum.

Præstat modo de Tituli Orthographia, litterarumque formâ pauca observasse: atque primum, non solum [ ut vides ] singulæ dictiones interpunctionibus distinguuntur juxta Augusti sæculi morem (quem in omnibus Gruteriani Thesauri Inscriptionibus pro editoris arbitrio potius, quàm ad Archetyporum fidem, perpetuum esse aspicio), verum etiam illud divi tibi præsto est, ubi aliæ aliis longiores litteræ insculptæ sunt: Si veteres Grammaticos audiamus, peccatum in hujus dictionis Orthographia dicemus, vix enim Poetis metri causâ permisissimum volebant, ut neutrum nomen, cujus rectus casus ante *um* habet I, ac juxta eorum Canones in patrio casu per duplex II efferendum, unico I terminaretur, ut apud Virgilium *LavinI, TugurI, PecullI &c.*, tumque ipsum I pro duplici II usurpatum, longiusculum esse deberet (c): quid igitur de nostra dictione censendum erit, quæ litteram I semel iterumque accipiens, in neutra duplex II continere videtur? At recte quidem se habet, dum non Grammaticorum morositates, sed Antiquitatis exempla, auctoritatemque spectemus. Aureæ quidem ætatis sunt Tabulæ Ancyranæ, in quibus cum I longiore leguntur verba *Consullbus, Omnlum, Curslam, Municipla*, imo & duo longiora elementa II simul juncta, *Sripendls, Colonlls, Municiplls*, & in Lucii Cenotaphio habetur *Elll*, omnino contra statutam Orthographiæ legem, quæ primum I breve, secundum vero longiusculum, utpote genitivum duplici II terminandum representans, postulabat (d): Ut plane constet, meliore ævo haud ullam fuisse de ea re certam, definitamque regulam, promiscueque litteram I in dictionibus quibusque modo brevioram, modo longioram pro libito fuisse usurpatam.

Sed & notatu dignissima est Litterarum forma, quibus inscriptus est ipse Titulus. Sessquipalmares sunt Litteræ omnes, atque elegantissimè insculptæ, in quarum rimis profundius, quàm assolet, incisus, bina, aut etiam terna, & quaterna profundiora foramina, pro majori, minorive cuiusque litteræ ductu, distributa adfunt. Rem mihi curiosius animadvertenti

[a] Gruterus pag. 247. num. 4.

[b] Gruterus pag. 246. num. 8. & 9. ex quo eosdem lapides excepit Fabrett. in Column. c. 9. p. 288. & 290.

[c] Priscian. lib. 7. Dausquius sect. 2. pag. 93. Vols.

de Art. Gram. l. 1. c. 29.

[d] Videtis Card. Noris. in Cenotaph. Pis. Diss. IV. cap. 2. §. 3.



tenti illud conjectare subiit, non eas nobis modo offerri Litteras, quales primùm in ipso Opere extarent, sed rimas tantummodo Litterarum superesse, quas olim litteræ aliæ ex ære, aut alia digniore materia extructæ, immisseeque, ad lapideæ areæ superficiem implerent; His vero clavi retro adessent annexi, foraminibus illis respondentes, injectique, quibus veluti retinaculis suæ quæque littera rimæ tenaciùs hæreret: atque meâ me haud falli conjecturâ, non re tantum ipsa, de qua oculi judicarent, sed simili, quod forte occurrit Antiquitatis exemplo compertum habui; nam idem in Constantiniani Arcus Titulo factum olim fuisse testatur Cl. Ficoronus (a), ubi Litteræ omnes, quæ nunc videntur in marmore incisæ, æneis, auratisque totidem litteris conficiebantur; quod etiam is ita esse confirmat ex littera M sesquipalmaris magnitudinis ad Forum Trajani refossâ, quæ ænea tota, ac suâ superficie aurata, solo, quo superfundebatur auro, *florini* pondo æstimata fuit. At si ea Littera ad Forum Trajani refossa sit, jam & Romanum Trajani Arcum hoc etiam pretii Constantini addidisse verisimile mihi fit, ut præter egregia quæque omnia, etiam hæc litteras ad ejus titulum magnificentius construendum suppeditarit. Sed hæc obiter; Illud mihi probasse satis, quod ejusmodi æneis, auratisque literis noster Arcus illustris fuerit, quas frequentes olim Barbarorum depopulationes, aut etiam Veterum popularium nostrorum avaritia posteris spectandas inviderunt: Sed licet ipsæ defecerint, supersunt tamen manifesta, quæ jam diximus, indicia, quod olim extiterint: nec amissas querimur, dum ipse nobis superstes sit Arcus, qui sine *auratis* sui tituli litteris, auro contra æstimandus, jamdiù *Porta Aurea* nomen promeruit.

Quo autem tempore *Portæ Aureæ* nomen nostro Arcui inditum fuerit, non satis constat; Primùm (quod sciam) occurrit in liberalissima Donatione Principis Arechis facta celeberrimo Monasterio S. Sophiæ Ann. 774., ubi Monasterii S. Johannis de *Porta Aurea* mentio fit (b); Jamdiù igitur ante sæculum VII. vigere id nomen debebat, cujus initium ad Romana sæcula non ineptè referri potest; atque eo quidem magnificentissimo nomine (quod de egregiis aliis Antiquitatis monumentis nunquam usu venisse constat) ubique recepto, atque in propriam appellationem translato, non posterorum modo, sed quale etiam fuerit Veterum judicium, satis patet, qui Triumphalem Arcum Trajani Beneventi extantem, eo nomine decoratum, cæteris Monumentis omnibus, quæ ad suam magnitudinem seris Nepotibus ostendendam Romani extruxerint, præstantiorem censuerunt.

## CAPUT

[a] In Vestigiis Rom. Antiq. I. 1. c. 9.

[b] Apud Ughellum Ital. Sacr. tom. VIII. pag. 33. edit. Rom. 1662.



P. VEIDIVS P. POLLIO  
CÆSAREVM CÆSARI AVGVSTO  
ET COLONIÆ BENEVENTANÆ

QUAE ad sinceram hujus Lapidis lectionem pertinebant, in præsentis Voluminis prælo-quo observasse in antecessum libuit, ubi Lipsii olim, ac Pratilli nuper oscitantia fuit redarguenda, qui lineâ secundâ CAESAREM obtrudebant, proque CAESAREO, magnificentiissimâ nempe Curiâ a P. Veidio Pollione Beneventi exâdificata, *Cæsaris* Lipsius, *Augusti* (quod oscitantius) Pratillus Statuam comminiscabantur. De hoc igitur Cæsareo agendum mihi erit, cujus Titulum (quod rei quoque dignitas postulare videbatur), qualis nunc superstes legitur, propriâque, quam habet, Litterarum formâ, exactissimè descriptum, pari fide, diligentiaque buxo (ut vides) effingendum curavi (a).

Quid *Cæsarei* vocabulo significatum in nostro lapide sit, audire primùm præstat ex eruditissimo Card. Norisio, qui in *Cenotaph. Pis. Diss. 1. cap. 4.* P. Veidium Pollionem inquit, *Curiam Augusti honori, ac Colonia Beneventana ornameto aequè ac commodo extructam, Romano quidem, sed novo nomine Cæsareum nuncupasse*; atque hoc quidem vocabulo Vir Summus nedum *Augusti* (quod in laudatis Cenotaphiis legitur) significationem, verum etiam auream latinatam tue-  
tur contra Cl. Chimentellum, qui *Augusteum* esse Forum, aut Pretorium ratus, *vix dignam eam vocem sæculo Augusteo* declaravit.

Ac rectè fortasse Norisius se habet, ut, quæ Pisis Curia *Augusteum* dicebatur, *Cæsarei* no-  
mine eadem Beneventi vocaretur; Locus scilicet is fuerit, quò Coloniae Senatus, seu Decu-  
riones ad consulta facienda de more conveniebat, quæ Aedes, quum Beneventi satis illustri  
Coloniâ jamdiù, ac magnifica sane extare debuisset, vel magnificentius a P. Veidio Pollione  
tunc restituta fuit, vel potius præter veterem Curiam, recens altera ab eodem fuit extructa:  
neque

[a] In limine Januæ majoris Ecclesiæ S. Dominici proliat hic Lapis, ut alibi dixi, longitudineque sua ad palmos x. toto eodem limine extenditur. Hunc locum ut tandem haberet, lapidi contigit, tum quum ejus-  
modi pretiosa Cinnelia non orandis, sed construendis ædificiis temerè adhibebantur: hinc major, quàm olim, litterarum numerus evanuit transeuntium fre-  
quentiâ, quorum pedibus litterata facies assidue prote-  
ritur; Duo autem in hoc titulo, quæ ad Orthogra-  
phiam spectant, notanda erunt: Ac primum nota il-  
la λ, quæ pro omni A constanter usurpatur, Græ-  
cum Lambda præformasse videtur, dum ipsi græco A, quod tum vigeat, apex appositus videtur, qui pos-  
tea in barbaris græcis elementis obtinuit: Hoc au-  
tem græcum λ pro suo L passim Latini usurparunt,  
ut constat ex Indice Gruteri cap. XIX. in lit. L; sed &  
pro latino A passim λ adhibitum plura veterum monu-  
menta ostendunt, ut constat in lapide Pisarenfi LX.  
apud Oliverium, & ex eodem Indice Gruteriano lit. A

fatis constat: etiam in Appendice nostrarum Inscriptionum Columellam habes Claf. IX. num. 38., ubi inscri-  
ptus titulus perpetuò idem servat: quod quam sequio-  
ris ætatis Orthographiam sapiat, mirum profecto erit,  
Augusteo Avo, atque in magnificentissimi Operis ti-  
tulo elegantissimè insculpto Barbarissimum hunc irrepsis-  
se; Notandus præterea erit ejusdem Diphthongi usus;  
non enim postremâ lineâ est COLONIÆ BENEVENTANÆ  
(ut præter Gruterum pag. 227. 3. Norisius ipse edidit,  
quorum fidem alibi sequutus sum, antequam lapidem  
ipsum diligentius perlustrassem, descripsissemque), sed  
prior dictio in latium AE [ut etiam CAESAREVM, &  
CAESARI lineâ secundâ], posterior in græcum AI definit;  
ut videas pro arbitrio alterutrum diphthongum in more  
fuisse etiam Augusti ætate, in qua scribendi rationem  
multum diversam fuisse, & sæpe sui dissimilem rectè no-  
tat Fleetwoodus in Sylloge Antiq. Inscr. Epistol. De-  
dicator.



neque enim id mirum in amplissima Urbe, florentissimaque Colonia, in qua sicut plures ex-  
tabant Basilicæ, ut mox videbimus cap. III., ita & geminæ saltem Curia haberentur, ut quan-  
dam dominantis Urbis imaginem referret, quæ plurimas, ubi Senatus iuste haberi solebat,  
Curias numerabat.

At non illud Viro Summo concesserim, ut in Beneventano *Cæsareo* ædificando P. Veidius  
Pollio non aliud, nisi *Augusti honorem*, ac Beneventanæ Coloniam *ornamentum aque*, ac *commo-  
dum* cogitarit: Plurima quidem eo loco sunt eruditè satis a Norisio congesta, ut non solum  
viventi adhuc Augusto Tempia, Aras, aliosque divinos honores tributos ostenderet, verum  
etiam illud communi omnium instituto servatum probaret, ut eadem, ac Tempia fuerint,  
propterea quod nefas putaretur aliò, quàm in loca sacra Senatum legitimè convenire posse,  
ita ut nisi in loco per Augures constituto, quod Templum appellaretur, Senatus Consultum  
factum esset, iustum id non fuisset: Quum igitur Pollio *Cæsareum* ab se extructum *Cæsari Au-  
gusto*, & *Colonia Beneventana* æque simulque dicatum voluerit, quid ni præter ornamentum,  
ac commodum ipsius Coloniam, Coloniam eandem cum Augusto conjunctam pari cultus, re-  
ligionisque jure exornandam curavit? Certe id Titulus probat, qui utrique communis planè  
est; Opus ipsum confirmat, quod sacrum esse debuit; & quidem Augusto, cui divinos ho-  
nores passim adepti, quum Colonia Beneventana omnino consocietur, nihil est, ut ex eodem  
communi Titulo alterius cultum, ac religionem, alterius vero ornamentum, & commo-  
dum distinguamus.

Absurdam fortasse rem in medium asferre videbor, quam tamen non solius Tituli fide,  
quæ satis aliqui habenda foret, verum etiam pluribus verisimillimam, aut etiam certam  
probare promptum est. Urbes olim, dum Idololatria vigeret (quasi non domibus, & tectis,  
& congestu lapidum constarent, vel etiam viris ipsis, qui Urbem constituerent) esse *aliquid*  
Ethnici putabant, cui sua species, atque forma humanæ similis, sed major humanâ mens,  
genus, conditio, divinis honoribus adeo digna, ut paulatim Deæ Urbes coli cœperint:  
notum id de Urbe omnium Principe, *Terrarum Dea Gentiumque Roma* (a), quæ, uti suâ præ-  
stantiâ eam insanam Religionem sibi peperit, ita suo exemplo alijs plerisque Urbibus, ut sibi  
Divinitatem affectantes eundem errorem adoptarent, Magistra fuisse videtur: e Græcis, ut  
videtur, in assentationem satis pronis, res cœpta, qui A. V. C. 558., Romanis nondum re-  
rum omnium potitis, Romæ Templum Smyrnæ statuerunt (b); ac paulo post Smyrneos Ala-  
bandenses imitati (c): Hinc etiam cusi nummi, quos adhuc spectare licet, cum hac epigra-  
phe: *ΘΕΑ ΡΩΜΗ*, quò ex veriore Spanhemii sententia (d) referendum putaverim illud *nomen*  
*blasphemum*, quod septem suis capitibus inscriptum gestabat Bestia illa, seu mulier Romam re-  
presentans apud Divinum Scriptorem Apocalypseos XIII. 1. & XVII. 3.: Ex Romana autem  
Urbe, (ut dicebam) ad alias plerasque Urbes hæc vesania mansisse videtur: Hinc *Deus Ne-  
mausus* in Nemausensi lapide apud Gruterum (e), & altero apud Bimardum (f) pro ipsa Ne-  
mausi Urbe habitus, cultusque occurrit: Apud eundem Gruterum (g) legitur lapis *Cacilia*

L 1

D. F.

[a] Martialis ita appellatur XII. 8. 1.

[b] Smyrnei ipsi apud Tacitum Ann. IV. cap. 56. *Se-  
primos Templum Urbis Romæ statuisse*, inquit, *M. Por-  
cio Consule*, magnis quidem jam Rom. Populi Rebus,  
nondum tamen ad summum elatis, stante adhuc Punica  
Urbe, & validis per Asiam Regibus.

[c] Livius lib. 43. 5. *Alabandenses Templum Urbis  
Romæ se fecisse commemoraverunt*, ludosque *Anniversa-  
rios ei Divæ instituisse*. Quod etiam Ephesi, & Nicææ  
Augustum permisisse refert Dio l. LI. sed & plura ipsi  
Romæ in sua Urbe Tempia ædificata fuisse constat, quo-  
rum unum in Monte Palatino Claudianus collocat l. II.  
de Laud. Sicilie. ubi Provincias facit Romæ supplicantes:  
*Conveniunt ad tecta Deæ, quæ candida lucent  
Monte Palatino.*

alterum cum Venere commune fuisse refert Prudentius  
contra Symmach. II. 219.

.... Colitur nam sanguine, & ipsa

Mors Deæ, nomenque loci, ceu Numen habetur.  
Atque Urbis, Venerisque pari se culmine tollunt  
Tempia, simul geminis adolentur ibura Deabus.

sed magnificentissimum omnium extruxit Antoninus  
Pius cum hoc titulo: *ROMÆ AETERNÆ*, ut etiam nunc  
ejus Augusti numismata produunt.

[d] De usu, & Præf. Numism. Diss. v. pag. 415.  
edit. Esse vir., nam SS. Hieronymus, & Prosper nomen  
Blasphemiam pro AETERNÆ, quam sibi Roma passim tri-  
buebat, epitheto intelligendum censuere, hinc illud  
Iovis apud Virg. *Æn.* I.

*His ego nec metas rerum, nec tempora pono:  
Imperium sine fine dabo.*

quod tamen minus verisimile videri potest, non solum,  
quia minus impium, sed etiam serò usurparum, nempe  
Antonini ævo, quo *Roma Aeterna* appellari cœpit;  
quam antea, *DEA ROMA*, (quod verum Blasphemiam  
nomen) jamdiu vocaretur, divinosque honores, ac  
Templa accepisset.

[e] Pag. MLXXIV. num. 9.

[f] In Diatriba De Diis Ignotis §. v. tom. I. Thef.  
Vet. Lap. Mûratorii.

[g] Pag. CCCXXIII. n. 2. alteram dat Sponius Miscell.  
pag. 164.

D. F. Aprullæ FLAM. DESIGNATAE COL. DEÆ. AVG. VOC. dicatus, idest *Flaminice Designata Colonia Dea Augustæ Vocontiorum*; quæ etiam Dia Vocontiorum, & Dia Augusta fuit dicta (a): quod Beneventum attinet, non inepte quidem huc referri possent, quæ de *De Deo Benevento* copiosè dixi in Dissert. I. cap. I. in fine; ut qui de ejus Numinis nomine Urbem Beneventum antea Maleventum appellatam, fecere Romani, inditam etiam Urbi cum eo novo vocabulo religionem putarint; Hinc etiam GENIO COLONIAE BENEVENTANAE cultus adhiberi consuevit, de qua re peculiarem Diatribam habui in Dissert. de Reb. Sac. cap. IV.

Sed redeo ad Titulum, ubi quum demum P. Veidius Pollio Augusto simul, & Coloniae Beneventanæ *Cæsareum* ab se extructum dicaverit, institutum illud servasse videtur, quo Augustus (ut refert Svetonius (b)) Templum quamvis sciret etiam Proconsulibus decerni solere, in nulla tamen Provincia, nisi communi suo, Romæque nomine recepit: Hinc in nummis Epigraphes: COM. ASIAE ROM. ET AVG. id est *Commune Asiae Romæ, & Augusto*, vel ROMAE ET AVG. (c) In faxis autem sæpe occurrit apud Gruterum (d): Notum etiam ex Josepho (e), Herodem magnum, postquam Urbem, *Stratonis Turrim* ante appellatam reparavit, non solum novo *Cæsarea* nomine donasse, verum etiam Templum ibi *Augusto sacrum* extruxisse, & in eo statuas, alteram Romæ, *Cæsaris* alteram collocasse. Pari igitur, quod dixi exemplo *Cæsareum Cæsari Augusto*, & *Colonia Beneventana* P. Veidius dedicasse videtur.

Confirmat denique conjecturam ipsum *Cæsarei* nomen (f), quo nonnisi Sacra Ædes significatur. Sic in lapide Hispaniensi apud Cl. Muratorium pag. cxxxiv. n. I.

DIVI. AVG. N. DIVI IVLI

..... N. TRIBVNICIA. POTESTATE I

COS. II. PONTVE

CORNELIVS. BASSVS. PONTVFEF

CAESAREVM. D. S. F

Ad quem lapidem hæc inter alia Vir doctus: *Bassus iste Cæsareum, idest Ædem Cæsari sacram de suo fecit An. Ch. 39. imperante Cajo Caligula Augusto, cujus nomen, uti in aliis lapidibus, ita in isto abrasum fuit.* Haud tamen *Cæsareum* istud Hispaniense ad Augustum pertinet, sed ad ejus Nepotem Cajum Caligulam, quem eò dementiæ processisse narrat Svetonius cap. 22., ut divinam sibi asserens majestatem in ipsa Urbe Templum Numini suo proprium, & Sacerdotes, & excogitatissimas victimas instituerit: CAESAREVM autem dictum, tum quia is adhuc è Cæsarium familia, Principatusque, cui id nomen jam proprium, successionem teneret, tum etiam nostri *Cæsarei* exemplo, quo quidem nomine sacra Ædes Augusto a P. Veidio Beneventi jamdudum dedicata fuerat: quæ duo dumtaxat *Cæsarea*, Beneventanum antea, dein Hispaniense hæctenus ex Antiquitatis latebris prodire; *Cæsareum* autem in Ædis sacrae nomen, & significationem vulgo evasisse satis constat, quod scilicet eidem vocabulo Templum subaudiatur, uti Serapidis Templum ΣΕΡΑΠΕΙΟΝ *Serapeum* appellatur in græca Inscriptione penes Donnum Claf. II. n. 10. & ΗΡΑΚΛΕΙΟΝ *Heracleum* dicitur Templum Herculi sacrum, in altera penes

[a] Cl. Baro Bimardus l. I. §. IX. a Templo *Andartæ*, quam *Deam Augustam* vocabant Vocontii, nomen factum putat Coloniae *Deæ Augustæ Vocontiorum*, contra quam Maffeo, & Valesio visum fuerit, quorum prior *Deam Vocontiorum* Augustæ nomine nunquam donatam fuisse asserit, posterior vero ita dictam arbitratur a Livia Augusta inter Deas relata. At neque Bimardus ipse rem acu tetigit, nam ex *Flaminica Coloniae Deæ Augustæ Vocontiorum*, quæ in d. lapide habetur, optime deducitur, nullatenus de *Dea Andarta* agi, sed de ipsa Vocontiorum Urbe, quæ proprio jam nomine *Dea*, divinum etiam cultum statuto sibi Flamine obtinebat.

[b] In August. cap. 52. Tacitus Ann. IV. *Quam Divus Augustus sibi, atque Urbi Romæ Templum apud Pergamum sibi non prohibuisset* &c.

[c] Apud Angelonium in Aug. n. 26.

[d] Pag. cv. n. 7. & 8. uti etiam SACERDOS ROMÆ ET AVG. pag. 13. n. 15. p. 58. n. 5. & c.

[e] Antiq. Jud. I. xv. c. 13.

[f] Romanum quidem, sed novum nomen fatetur Card. Norisius, cujus verba initio recitavi; sed neque novum dixerim, si a Cæsaris nomine, quod satis vetustum apud Romanos erat, jamdiu latinè *Cæsareus* derivari poterat, ut jam derivavit Ovidius Fast. I. & de Pont. 2. eleg. 8.: Novum dumtaxat fuerit, si tamen novitas illa dici possit, quæ ejus penultimam Syllabam productam pronunciamus, quod de *Herodis Cæsarea* Urbe superius indicata jam obtinuit, quamvis ab ipso *Cæsare* derivata fuerit.



penes Gruterum pag. ccccv. Cur vero non *Augusteum*, uti in suis Cenotaphiis Pisana Colonia, sed potius *Cæsareum*, ædem hanc Augusto, Coloniaeque Beneventanae sacram appellatam voluerit P. Veidius, dictu haud facile est; at quum non id omnino temere a P. Veidio factum, dicam quid sentiam. Venerabile quidem erat Augusti nomen, quod Octavianus Cæsar sibi assumpserat, ipso etiam Romuli nomine præstantius, quod oblatum non tanti, ut Augusti alterum, æstimandum visum fuit; Augustus igitur ita vocatus non tantum novo [ut inquit Svetonius cap. 7.] sed etiam ampliore cognomine, quod loca quæque Religiosa, & in quibus augurato quid consecratur, *Augusta* dicantur ab auctu, vel ab avium gestu, *gusturæ*: hinc etiam Ovidius Fast. 1. 609.

*Sancta vocant Augusta Patres: Augusta vocantur*

*Templa Sacerdotum rite dicata manu.*

Patet igitur *Augusti* cognominis causa, quo Cæsar appellari maluit; sed ex eadem omnino causa liquet etiam (ni fallor), quale fuerit P. Veidii consilium, ut ædem ab se extructam non *Augusteum*, sed *Cæsareum* appellare maluerit: Commune enim tum erat, ac quodammodo vulgare Templis quibusque, sacrisque ædibus omnibus *Augusti* epitheton, ut ipsamet scilicet *Augusta vocarentur*: necdum vero cognomen ipsum ita Augusto cesserat, ut Tempia ipsa non etiam illud sibi proprium retinerent: quum igitur P. Veidius divinitatem Augusti manifestius asserere vellet, ædem non communi aliis religiosis locis vocabulo, sed peculiari Familiae nomine, distinctiore nempe *Cæsarei* appellatione decoravit.

Quæ quum ita sint, prope jam fuit, ut a principali ipsa Norisii sententia discederem, quæ is *Cæsareum*, non aliud quam *Curiam* fuisse affirmat; si enim eo nomine vel Templum, vel quempiam aliam Sacram Ædem omnino significatam, demonstratamque habemus ex lapide Hispaniensi, atque ex his omnibus superius observatis, jam quod ipsa Augusto simul, & Coloniae Beneventanae dedicata legatur, nihil profecto adesse videtur, neque illud recte consequitur, ut pro Curia accipiatur, in quam Decuriones ad consulta facienda convenirent; veri enim similis erit, Ædem Sacram dumtaxat agnoscere, quam, uti alibi Tempia Romæ, & Augusto ædificari mos erat, ita Augusto eidem, ac Coloniae Beneventanae ad communem utriusque honorem, Religionemque testandam P. Veidius dedicavit: Sed Curiam fuisse, Norisio permitamus, quam etiam (ut initio dixi) Ædem Sacram esse oportebat, dummodo non in ipso Titulo discretas dedicandi causas ex proprio ingenio commentetur, Augusti nempe honorem, Coloniae vero Beneventanae commodum aequè, ac ornamentum; sed ex Loci conditione, communique Titulo, insanum quidem, superstitiosumque, at vero communem cum Augusto honorem Beneventanae Coloniae habere sinat.

De nostro *Cæsareo* jam factum actum; nunc de ejus Auctore Titulus ipse agendum commonet; quod licet in hominis gratiam honoremque non omnino cessurum sit, sibi tamen præstandum is voluit, qui eodem Titulo sui Nominis, Operisque memoriam adeo magnifice posteritati commendavit. P. igitur Veidius Pollio (a) Eques Romanus, Augusti amicitia clarus, cui etiam moriens domum suam, & Villam Pausylipum vocatam ad Neapolim reliquit (b), suo luxu vero, ac sævitiâ celebriorem famam apud præsentis, posterisque sibi peperit: Hinc inter alia, quibus prudentes viri apud Tacitum (c) defuncti Augusti vitam arguebant, Veidii luxuriam recenscebatur, quasi, qui perpetuam cum illo consuetudinem, eundem quoque animum fovisset, vel saltem amicorum connivens, aut indulgens incorrectos illorum mores, ejus potentia fretos, ad deteriora perduceret. At ab ejusmodi reprehensione Augustum vindicasse postea videtur Svetonius (d), qui eum neque facile amicitias admisisse tradit, admissas vero constantissime retinuisse, & non tantum virtutes, ac merita cujusque digni prosequutum, sed vitia quoque, & delicta dumtaxat modica fuisse perpeffum; quinimo, quod nostrum Veidium attinet, Augusti causam opportunè egisse videtur Seneca, Ejus apud Veidium cenantis factum, scitu dignissimum narrans (e). Fregerat unus ex servis Veidii Crystallinum; rapi eum Veidius jussit, nec vulgari quidem periturum morte: murænis objici imperat, quas ingens piscina continebat. Quis non hoc illum putare luxuriæ causâ facere? Sævicia erat.

L 1 2

Evafit

[a] Veidius idem, ac Vedius, ut mox Plinius, & Tertullianus te docebunt; Diphthongum EI pro simplici E, (ut etiam pro simplici I) Veteres usurpasse, præter nostrum lapidem, discas heic ex Tacito, Seneca &c. in ejusdem Veidii nomine; resque ita protrita est, ut explicare uberius supervacuum fuerit.

[b] Ex Dione lib. LIV. qui eum mortuum tradit A. V. DCCCXXXIX.

[c] Annal. lib. I.

[d] In Aug. cap. 66.

[e] De Ira lib. III. cap. 40.

Evasis e manibus puer, & confugit ad Cæsaris pedes, nihil aliud petiturus, quàm ut aliter periret, nec esca fieret; motus est novitate crudelitatis Cæsar, & illum quidem mitti, crystallina autem omnia coram se frangi iussit, complerique piscinam (a): Fuit Cæsari sic castigandus amicus; bene usus est viribus suis. Leviores igitur amicorum labes tantummodo tolerabat Augustus, & Veidii non tam sævitiam redarguit, quàm sæviendi occasionem ademit; quinimo ipsa Veidii sævitia eandem Augusti auctoritatem excitavit, ut in amicum semel animadvertisse non contentus. Juris veteris rigorem, quo jus vitæ, ac necis in servos Dominis dabatur, generatim temperandum sibi duceret, itaut, eo auctore imminutum deinceps fuerit domesticum in servos Imperium, data his facultate apud Præfectum Urbis de Dominorum sævitiâ conquerendi (b).

Atque Augusti quidem ob Veidii amicitiam salva fortasse existimatio erit: Veidio verò nihil reliqui suppetit, ut ab ejus nomine infamiæ notam amoliamur. Frustra enim Imperio illo usum dicemus, quo [ut inquit Cajus (c)] ex Jure Gentium legitima Dominis in servos vitæ, necisque potestas tribuebatur: nam, præterquamquod ex certissimis ejusdem Juris principis Imperium hoc rationi subdebatur, itaut eo abuti viderentur, qui sine iustis causis exercerent, quid istud monstri fuerit, in iusta etiam sæviendi causa, ac potestate, inhumanioribus sæviendi modis adinventis, non crimen ulcisci, sed sævitie suæ oblectamentum comparare? Novimus jam, quas levissimas ob causas, Veidius in servos sævire solebat. Crystallinum quippe vasculum tanti, quanti ipsa unius servi vita; Imo pluris; dum ad illius pretium æquandum vita taliter impendenda erat, ut non pro morte, sed pro mortis genere commutando servus supplicaret: Hinc, si audisse jam libuit Senecam Augusti factum commendantem, quod is in Veidium bene viribus suis fuerit usus, audire modo præstat eundem, Veidii sævitiam eloquentius exprobrantem: quis non [inquit (d)] Veidium Pollionem pejus oderat, quàm servi sui, quod murænas sanguine humano saginabat, & eos, qui se aliquid offenderant, in vivarium, quid aliud, quàm serpentibus objici jubebat? O hominem mille mortibus dignum! Sive devorandos servos objiciebat murænis, quas esurus erat, sive in hoc tantum illas alebat, ut sic aleret. Paullo post Senecam Plinius de murænis agens, Invenit (ait (e)) in hoc animali documenta sævitie Veidii Pollio Eques Romanus ex amicis D. Augusti, vivariis earum immergens damnata mancipia: non tanquam ad hoc feris terrarum non sufficientibus, sed quia in alio genere totum hominem pariter distrahi spectare non poterat. Stylum denique suum adversus Pollionem de more acuit Tertullianus, cuius hæc sunt (f): Immergo scapellum acerbisati ei, qua Vedius Pollio servos murænis invadendos ob-

gestabat:

[a] Non fragmentis ipsis Crystallinorum completa fuit Piscina (ut recte notat Lipsius), unde enim tam multa? Et ingens Piscina erat, ut præmisit, sed simpliciter compleri, terrâ aliisque aggere: Hanc Piscinam in Pausilipo Veidii fuisse verisimile est; meminit Plin. l. ix. c. 53. Pausilipum Villa est Campaniæ baud procul Neapoli: in ea in Cæsaris Piscinis a Pollione Veidio (quo tempore Dominus Villæ fuit, quam, ut diximus, moriens Augusto reliquit) conjectum piscem Senecam post annum expirasse scribit Annaeus Seneca. Duobus aliis equalibus ejus ex eodem genere tunc viventibus: An igitur post Augusti factum restituta Piscina illa? vel potius aliam (nam multitudinis numero utitur Plinius) fuisse intellegemus.

[b] Augusti hanc primum fuisse legem de coercenda Dominorum sævitia in servos, ejusque rei cognitione apud Præfectum Urbis, novum ab eo institutum Magistratum, habenda, fuit Lipsii opinio ad Senec. de Benef. l. 3. c. 21. n. 135., quam comprobavit Heinkeius Aniq. Rom. l. 1. cap. 4. §. 174.: non diu tamen servatum, Dominis vetera inhumanitatis jura sibi iterum vindicantibus; nam Hadrianus, teste Spartiano, servos a Dominis vetuit occidi, eosque iussit damnari per Judices, si digni essent; Severus quoque Epistola ad Cilonem Præf. Urbis missa, inter alia sanxit, ut servos de Dominis querentes Præfectus audiat: quod fuscè persequitur Ulpianus in l. i. D. De off. Præf. Urb.

[c] L. i. D. De His qui sui vel alieni juris sunt.

[d] De Clementia l. i. c. 18.

[e] Hist. Nat. lib. ix. cap. 23.

[f] De Pallio cap. v.: Immergere scapellum proverbialis est formula; nam sœvent Chirurgi immerio scapello venam incidere, & humorem redundantem elicere, qualem plus nimio cholicum in Vedii acerbitate Septimius jam indicat: Jam paullo antea is dixerat, solitum se de qualibet margine, vel ara medicinas moribus dicere: Hinc ibidem & se aliis adigere Causerem, & Catharticum dare aliis &c. dicit. Obscurus tamen Tertulliani locus, itaut Terrena Bestia, nonnisi in primo casu plurali accipiantur a Rigaltio, adeoque sequentia sic legenda censent: exungues, & excornes. Sed nihil mutandum; nam si terrena bestia singularis genitivus erit, ut certe est, plana erat lectio, quam sic explico: Vedio delectato nova sævitia (non sui ipsius, sed) terrena bestia, & edentula & exunguis, & excornis (qualis erat muræna, quæ sine dentibus, sine unguibus, sine cornibus nusquam antea novit in homines sævire) delectato, inquam, placuit de piscibus feras esse cogere, id est ad hoc murænas noviter instituit, ut more ferarum homines devorare jam scirent, sive (ut loquitur Plinius) invenit Pollio in murænis documenta sævitie: Non abs re autem eas terrenas bestias vocat Tertullianus, quæ in vivariis reclusæ novis omnino modis alebantur. Audi Senecam Quæst. Nat. l. 3. cap. 17.: Non cum



jeſtabat : nova ſcilicet ſævitia delectato terrena beſtiæ. & edentule. & exunguis. & excornis, de piſcibus placuit ſeras cogere, utique ſtatim coquendis, ut in viſceribus earum aliquid de ſervorum ſuorum corporibus & ipſe guſtaret : Libuit omnium locos in medium afferre, ut monſtruofiſſimum omnium Veidum intelligamus, cujus ſævitiam Seneca, Plinius, Tertullianus tanto, ac tam vario ſententiarum delectu, ſed pari quiſque vehementia inſectari ſtuderunt.

Pudet igitur conjecturam meam heic afferre; ſed tamen dicam. Beneventanum fuiſſe hunc Veidium verifiſimile mihi ſit; nam id primo probare videtur *Cæſareum* ipſum Beneventi exſtructum. Cur enim Auguſtum *Æde Sacra* honorandum ratus Veidius, non ſolum Beneventi hoc præſtitit, ſed amplius eandem *Ædem* communi titulo Beneventanæ Coloniae dedicatam voluit? Præterea Veidiam familiam Beneventi floruiſſe oſtendunt alii noſtri lapides, quos exhibeo.

Ad S. Franciſci.

Q. VEIDIVS Q. L. ....  
CLODIA .....  
.....

Ad S. Petri extra moenia. (a)

D. M.  
VEIDIAE  
FORTVNATAE  
CONIVGI MVNII  
VITALIS QVAE  
VIXIT ANN. CVM  
EO XII. MEN.....  
QVAE SVPRAVI  
XIT DIEB.....  
MVNIVS PROCVLE  
IANVS COGNATAE  
B. M. F.

Apud

cum retibus aliquis; aut cum hamis, ſed cum dolabra ituram, aut mentitur, aut vincit: In cubili natant piſces, & ſub ipſa menſa capitur, qui ſtatim transferatur ad menſam &c.  
[a] De hoc lapide plura a me diſſa habebis in Theſauro noſtrarum Inſcriptionum Claſſ. ix. n. 80.

Apud Manutium in Orthogr. v. *Caussa*. n. 4.

P. VEIDIVS. P. L. PHI  
LOCLES. AVGVSTAL. BE  
NEVENTI. GLADIATOR. D  
HOC. MONVMENTVM.....  
...CAVSSA, SIBI. ET. SVIS  
FACIVNDVM. CVR  
P. VEIDIO. P. L. PHILO  
DAMO. FRATRI. ET. VA  
RIAE. PRIMAE. VXORI  
ET. P. VEIDIO. P. L  
PHILOTIMO. FRATRI. ET  
VEIDIAE. P. L. MATRI

Ex postremo hoc dumtaxat Manutiano lapide (a) (nam priores duos nunc primum edimus), ac præterea ex *Cæsarei* Titulo hætenus Veidia Gens apud Gruterum innotuit: nusquam vero, aut rarissimè apud alios (b); itaut nullibi frequentior ejus Gentis mentio, quam ex Beneventanis lapidibus, quos superius recitavimus: An igitur ex Veidia Gente Beneventana Veidius hic Pollio? Si ita res erit, Veidium cum Vatinio (c) conjugabimus, atque egregium hoc monstrorum par Beneventi editum non diffitebimur, si illud saltem ex Vedio laudandum didicerimus, virtutibus nos prodesse debere Patriæ, quam ille, ut se gratum, munificumque Civem ostenderet, *Cæsareo* extructo adèd religiose, obsequenterque celebrandam curavit.

## CAPUT

[a] Ex Manutio retulit in suum Thesaurum Gruterus p. CCCXXXIII. n. 7. sine loci mentione: at Beneventi extitisse hunc lapidem, tum ejusdem Urbis in eo mentio, tum Veidiæ familiæ in aliis nostris lapidibus frequentia monumenta declarant: Tertia linea illud GLADIATOR. D. fortasse erit: *Gladiatores DEDIT*; nam BENEVENTI eadem lineâ, vel stat pro demonstratione loci, ubi Gladiatores dati, seu editi, vel eodem gignendi casu ad *Augustalem* præcedentis lineæ pertinet, ut scilicet P. Veidius fuerit AVGVSTALIS BENEVENTI: Certè quum *Augustalis* munere jam fuogeretur, nullimode *Gladiator* & ipse dici potest, nisi ad Neroniana tempora perveneris, quando Viri illustres, matronæque ipsæ, ut

Principis genio blandirentur, in arenam sese abjiciebant. Sed ab Augusti ævo discedere verat lapis, ex quo hunc Libertum, aliosque simul memoratos ad nostrum P. Veidium Pollionem pertinere non levis mihi est conjectura.

[b] Vix semel Gadius pag. 334. n. 13. ex lapide Ferrariensi *M. Veidium M. F. Homuncionem prodidit*: Semel, atque iterum Muratorius pag. 1762. n. 3. & 5.: Apud alios Archeologos, quos mihi hætenus evolvere contigit, non alius Veidius occurrit.

[c] De Vatinio Beneventano, Neronianæ Aulæ ostento, latè egi in *Dis.* vi. pag. 189.





# DISSERTATIO DECIMA. 271

## CAPUT TERTIUM.

*De reliquis Operibus publicis, quæ olim  
Beneventi extabant.*

.....  
.....  
IVSTITIA ADMIRABILI CASTITATE CONSPICVO  
...ATORI FORI PRO....PARTE CONLAPSI IN RVIN  
CONDITORI MOENIVM RESTITVTORI BASILICAE  
.....M PORTICIBVS RESTAVRATORI REGIONIS  
VIAE NOVAE REPARATORI THERMARVM COMMODIA  
NARVM RESTITVTORI COLLEGIORVM REPARATORI  
PORTICVS DIANAE REPARATORI BASILICAE LON  
GINI AC TOTIVS PROPE CIVITATIS .....  
HOSTILE INCENDIVM CONDITORI .....  
INSIGNIA EIVS IN OMNEM PRO ... IN .....  
PRAECIPVAQVE IN SE ET PATRIAM ..... ERITA  
POPVLVS BENEVEN  
AD AETERNAM MEMORIAM  
STATVAM CONLOCAVIT.

**P**ost illustratum generatim (ut hoc volumine propositum mihi fuit) Triumphalem Arcum Trajani, Caesareum quoque a P. Veidio Pollione Beneventi extractum peculiari dissertatio-  
re exornatum, reliquum modo est, ut cætera, quæ olim Beneventanæ Urbis magnificen-  
tiam augebant, Opera publica percurramus: Horum non exiguam partem superiore lapide  
collectam habemus, cui, ne illorum memoria omnino perierit, quum debemus, optandum  
quoque fuisset, ut quæ tandem solis ruderibus, aut vix eti am nominibus superstitibus, tem-  
poris injuriam haud evaserint, eorum pariter Restitutor em acceptum haberemus; sed detritis  
prioribus hujus nostri lapidis lineis quum Viri illius nomen interciderit, illud nos, postquam  
de Operibus ipsis actum erit, negotium subibit, ut Qui olim Opera publica Beneventanæ Ur-  
bis tam præclaro beneficio restituenda curavit; Ejus Nos nomen, gratum majorum nostro-  
rum animum æmulantes, quibus possumus conjecturis, restituendum curemus.

A Foro igitur ordiar, quod *pro magna parte conlapsum in ruinam* primo loco reparatum no-  
ster lapis commemorat: Fuisse Beneventi Forum jam antea probavimus, quum de Collegio  
Martensium *Infrasorano* disseruimus; amplius vero ex hoc lapide manifesta res est, de qua ta-  
men, silentibus licet vetustis monumentis, dubitare haud sineret ipsa Beneventanæ Urbis no-  
bilitas; cur enim sine Foro fuerit, quod reliquis omnibus exigui nominis Urbibus, Colo-  
niisque numquam defuisse constat? Forum autem, cui vocabulo plures insunt (a) significa-  
tiones

(a) Forum (inquit Festus) primo modo negotiationis  
locus, ut Forum Flaminium, Forum Julium ab eorum no-  
minibus, qui ea loca construenda curarunt, quod etiam  
locus privatis, & in viis, & in agris fieri solet; alio  
in quo judicia fieri, cum populo agi, conciones haberi so-  
lent; tertio, cum Is qui Provinciae præest Forum agere

dicitur, cum civitates vocat, & de controversiis earum  
cognoscit: Postremam hanc Fori significationem usurpa-  
vit Cic. ad Att. lib. 5. iniquens; Id. Februarii Forum  
institueram agere Laodiceæ: & alibi, Forum se jam egis-  
se ex Id. Februarii Laodiceæ ad Kal. Maji omnium Dica-  
ceum præter Ciliciz affirmat, nam in ea cum per an-  
num

tiones, non aliud heic accipimus, quàm? certum, destinatumque in aliqua Urbis regione locum, ubi res, & lites agebantur, ac præterea merces, aut species certæ venales exponebantur, unde ipsius Fori divisio manavit, ut alterum *civile*, alterum *venale* diceretur, quod & re ipsa in præclarioribus saltem Urbibus servabatur, ubi sua pro quaque re Fora habebantur, quæ in ipsa Roma pro ejus Urbis amplitudine ad XVI. numerabantur (a). Cum vero appellamus Forum, haud ipsam simplicem planitiem intelligere fas erit, sive ipsam Aream, quam locum sine edificio in Urbe definit J.C. Florentinus (b), elegantius verò locum in Urbe purum dixit Varro (c); quid enim miri area sola præstare poterit, dum alioqui scimus Augusti Forum a Plinio inter maxima operum collocari; Forum autem Trajani Ammianus singularem sub omni Cælo structuram prædicasse non contentus, etiam Numinum assensione mirabilem exclamavit; de quo etiam illud Cassiodori est: Trajani Forum vel sub assiduitate videre miraculum est: Romanum etiam, quod prisca potentia Forum Ammianus appellat, adeo ipse idem extollit, ut Constantini oculos in eo, miraculorum densitate, perstrictos commemoret; Fuit profecto, quum Fora solis areis, quæ rebus venalibus, judiciisque agendis paterent, continerentur, ut de ipso veteri Romano Foro plane constat, quod Romulo auctore, ejusque ævo pro nascentis tum Romanæ potentiaë exiguis viribus simplici planicie inter Capitolinum, & Palatinum colles constitutum fuit, at postea L. Tarquinius Priscus exornavit, & Tabernis, ac Porticibus cinxit, cujus exemplo mox eidem Foro, aliisque deinceps extractis, ædificiorum in ipsam Fori faciem seu aream circumjacentium magnificentia, ea majestas accessit, ut miraculi instar haberentur; quæ quidem omnia eò observanda nobis fuere, ut quid in Beneventano Foro, nostri lapidis testimonio præstitum tum fuerit, facile intelligeremus; Illud enim, quod pro magna parte in ruinam conlapsum dicatur, subindeque reparatum, in pristinam certè ædificiorum, quibus circumquaque cingeretur, magnificentiam restitutum censeri debet; ex hac enim ædificiorum corona tota Fori majestas pendebat; Hinc illud Strabonis, Urbem, quam primùm quis viderit, describentis: at idem si in Forum vetus deinde progressus alia aliis hærentia, & consequentia viderit, Basilicas, Porticus, Tempia &c. is facile priorum obliviscetur; neque solis Porticibus, Basilicisque, aut Templis, sed statuis, signis, eximisque aliis ornamentorum generibus (d), ut augustiora, quæ deinceps nova excitari libuit, Fora essent, ipsi inter se Augusti decertasse visi sunt: non ego tamen similem, quæ Romana Fora excellebant, Beneventano Foro magnificentiam tribuerim, cui satius fuerit, ac pro magno etiam, quo florentissimas quasque Urbes sibi secundas, aut vix pares haberet, Dignitatis argumento, si Basilicis, Porticibusque quaquaversus ipsa Fori area pateret, cingeretur; atque hæc saltem nostro Foro publica circumfuerint ædificia [nam de privatis ædibus nihil est, quod ex nostro lapide cogitare liceat] lapis ipse docet, qui reparandi Fori pro magna parte in ruinam conlapsi præcipuam eandemque publicam fuisse curam testatur.

Quid vero vetat Basilicis, Porticibusque Beneventanum Forum exornatum affirmasse? certe præter lapidis fidem ipsa Fori conditio, atque usus Basilicas omnino Porticusque sibi circumjacentes postulabat: Confluenti enim ad nundinationes, atque ad judicia populo, hisce profecto ædificiis opus erat, in quibus non una ornatus inerat ratio, sed ipsius populi, qui se adversus cæli injurias tueri posset, paratus secessus, Jusdicentibus verò, ne sub dio essent, pro sui dignitate, judiciorumque serietate, secreta a populi fæce, Plebisque clamoribus se-

num fuisset, se in singulis fere conventibus jus dixisse scribit: Ita etiam Forum accepit Virgil. Æn. V. 758. cum ait: Indicitque Forum, & Patribus dat jura vocatis: ubi Servius: id est tempus, & locum designat agendorum negotiorum, qui conventus vocatur; indicit autem verbum juris est; atque ex his recte patet, non omnia, quæ Fori nomine appellata sunt oppida negotiationis, seu nundinationis causa fuisse instituta, pleraque enim ejusmodi nomen nata videri possunt, propterea quod in iis locis Magistratus Romani Jurisdictionem exercere solerent.

[a] Vulgata omnibus sunt Romana Fora venalia, quæ a certis speciebus propria nomina sibi peperere, ut Suarium, Boarium, Holitorium, Piscatorium &c. Civilia vero fora Augusti ævo tria habebantur, Romanum

namque, quod & vetus, & magnum, & laetium dicebatur, ab ipso Romulo institutum, Julium, qui Cæsarem auctorem habuit, & Augustum, quod (ut inquit Sveton. cap. 29.) ipse Augustus cum Æde Martis ultoris struxit; causa extruendi hominum, & Judiciorum multitudo, quæ videbatur, non sufficientibus duobus, etiam tertio indigere: Duo altera deinde addita, nempe Nervæ, qui quartum a Domitiano inchoatum perfecit, & Trajani, qui aliis magnificentius postremum excitavit.

[b] L. 211. D. De V. S.

[c] De ling. lat. xv. 4.

[d] De his videnda, quæ late congerit Lipsius de Magnit. Rom. l. 3. c. 7.



des maneret : quamquam & usum alium horum ædificiorum hominum otia invenerunt, nam in utrisque & coetus, & circuli, & sermones fiebant, quò Martialis alludens inquit :

*Atque eris in triplici par mihi nemo Foro.*

Celebratus nempe sermonibus omnium civium, qui in tribus illis foris civilibus, *Vetere, Julio, & Augusto* ad Poetæ ævum extantibus, aliorum nomen extollere, aut carpere consuebant : notavit etiam Seneca (a) : *quæris forte [inquit] quos occupatos vocem ? non est, quod me solos putas dicere, quos a Basilica immissi demum canes ejiciunt* : At quum Beneventano Foro suas Basilicas, suosque fuisse Porticus jam constet, geminumne, alterum nempe *venale, civile* alterum, an vero utrique rei unum fuisse Beneventi Forum, quod solum præsentī lapide memoratum habemus, nihil certi habeo, quod asseram.

Sed præter Basilicas, ac Porticus, quæ Beneventano Foro circumjacentia satis firmâ conjecturâ modo dedimus, alias quoque certis Urbis locis Basilicas, ac Porticus alios extitisse manifestum est. Binas enim, præter ipsum Forum, Basilicas restitutas commemorat lapis, ac prioris quidem nomen temporis injuriâ detritum desideratur, posteriorem verò LONGINI nomine appellatam legimus. Quod ipsum *Basilicæ* nomen spectat, a Græcis cum ipsa magnificentissima ædificii formâ, *Regia* domus intar, serò in Urbem advenit, nam omnium primam L. Porcius Cato Cof. an. V. C. 566. Porciam deinde ex auctoris nomine appellatam ædificasse creditur, ejus exemplo aliæ postea ad unum & viginti in Urbe ab aliis extructæ, ex eaque paulatim Basilicarum ædificandarum mos in nobiliores, frequentioresque Colonias promanavit : Hinc ubi plures essent Basilicæ, suo quæque cognomine distinguebantur, quod plerumque ex Auctore sibi addebant, ut de Basilica Porcia jam dictum fuit, & de Basilicis *Julia, Pompeji, Trajani, Pauli*, quam græcum vocabulum abhorrens *Regiam* vocavit Stat. Sylv. l. i. 30. ut Pompeii quoque latinâ voce *Regiam* dicere maluit Svet. Aug. 31. Quare promptum illud erit, nostrarum Basilicarum alteram, quæ *Longini* cognomine memoratur, a Longino aliquo, qui eam extruxerit, ita appellatam affirmare : Longinorum cognomen Romanæ Gentis Cassiæ peculiare fuit, pluresque ejus gentis eodem cognomine publicis Magistratibus in Rep. floruerunt : An ea Gens, ut de aliis certo liquet, Beneventum sese effuderit, fueritque ejusmodi Longinorum aliquis, qui hanc Basilicam ædificavit, ex solo hoc lapide conjectisse non auserim. Hinc satius mihi fuerit reliquas Basilicas persequi, quarum numero nostræ Urbis præstantiæ optime prospectum erit : aliam igitur Basilicam Beneventi olim extantem præclare didicimus ex insignis nostri lapidis fragmento sub Arcu Pontis Leprosi, in quo hæc hodieum legenda supersunt.

IDEM BASILICAM IN QVA TABVLAE MVNERIS AB EO EDITI POSITAE SVNT CONSVMMAVIT LVDO PALMARES (b) OE DEDICATIO NEM EARVM NOMINE EVPLOEAE SVAE EXHIBVIT PORTICVM OMNI ORNATV ELEGANTIAE IN QVA EDITIO PRIMI LVSTRI MVNERIS QVINQVENNAL MVNIFICENTIA PRINCIPALI CONTINETVR EX VOLVNTATE EVPLOEAE SVAE FECIT.

M m

Alia

[a] De Brevitate vitæ cap. xi. ubi Lipsius significatos ait quosdam ita aduolos, & in causis deditos, ut ultimi egredierentur, & vix cum claudendæ Basilicæ essent, canesque jam soluti immitterentur : ac verius nonnisi otiosos homines, qui, ut solet, in vacuis dies integros in alienis factis carpendis terunt intellexit Seneca, qui eo loci plerique occupati otii, seu *desidiolæ* occupationis exempla taxat : notandus autem ex eodem loco antiquus mos, qui hodieum obtinet, canes tum in privatorum, tum etiam publicorum ædificiorum tutelam adhibendi, qui etiam ita edocebantur ab Ædificiis, ut non solum ingressum vetarent, sed, cum opus esset, morantes expellerent : Catenis hi canes prætoribus vineiebantur, unde *Catenarii canes* apud eund. Senec. de Ira l. 3. c. 37. Petronius Satyr. de Trimalcionis domo hæc ait : *Ad sinistram iurantibus non longe ab ostiis cella canis degens catena vinculus in pariete*

*erat pictus, superque scriptum : cave, cave canem* : Sveton. in Vitellio cap. xvi. : *Confugit in cellulam Janitoris religato pro foribus cane.*

[b] Qui sint Ludi Palmares cum diu quæsissem, nondum legisse occurrit : Fortasse primum ex nostro lapide in lucem prodibunt : Afferit hunc lapidem Gudius p. cxi. n. 5. Sed in undecim lineas distributum, in quarum secunda pro *Editi*, mendosè est *Ædifi*. Ad eum vero hæc notat Koelius : *Palmares Ludi, quorum hoc meminit fragmentum, a nemine quod sciam observati. Nihil itaque mirum, si etiam ignoremus quales hi fuerint. Sed in re tam obscura conjecturis locum facere si liceat, conjecturem ludos Palmares posterioribus temporibus fuisse celebratos, discessisse a loco [ab eo enim plerique ludi nomen acceperunt] in quo exhibiti sunt, a Palma nimirum, loco præterioribus temporibus celeberrimo, a quo, si credere velimus Baronio, Synodus Palmaris A. mxi. habita Romæ*

ROMÆ

Alia fortasse ædificia prioribus lineis cum Auctoris sui nomine memorata interciderunt, ejus vero in lapide superest Basilicæ memoria, ejusdem magnificentia præclare commendatur, nam muneris ab extractore antea editi Tabulæ in illa positæ dicuntur, ob earumque dedicationem Ludi Palmares exhibiti, quibus utriusque rei, tum scilicet Basilicæ, tum earumdem Tabularum elegantia, eâ ludorum pompâ celebrata comprobatur; quæ fuerint verò eæ Tabulæ muneris in Basilica positæ, citò aperiæ domesticæ altero monumento edoctus, quod habetur ex Livio l. 24., ubi postquam Romanis militibus e prælio in agro Beneventi cum Poenis commissio redeuntibus paratas a Beneventanis epulas, lætissimumque actum convivium retulisset, *Digna* [subdit] *res visa, ut simulacrum ejus diei Gracchus, postquam Romam rediit, pingi juberet in Æde Libertatis, quam Pater ejus in Aventino ex multatitia pecunia faciendum curavit*: Pari igitur modo qui Basilicam, de qua agimus, consummavit, gladiatorios ludos antea edidisse non contentus, eorum imagines haud pingi, ut Gracchus, sed marmoreis, ut puto, tabulis anaglyptico opere representandas, Basilicæque ipsi, quò splendidiùs ornaretur, affigendas curavit: quod cum & is in Porticu præstitisset, ubi editio primi lustris muneris quinquennalis munificentia principali, [idest sumptuosa, quæ Principem deceret] continebatur, jam ad Porticus ipsas gradum faciam.

Frequentissimas, ut par erat, in vetere Benevento fuisse Porticus tum ex præfato lapide constat, ubi idem Basilicæ Auctor Porticum quoque *omni ornatu elegantia fecit*, tum ex principali lapide huic Dissertationi præfixo, in quo binæ memorantur Porticus, altera scilicet, quæ priori Basilicæ conjungebatur, ipsamque, utpote plurali numero scripta non a fronte solum, verum etiam ab utroque latere fortasse muniebat, altera vero, quæ *Diana* nomine nuncupabatur: quum autem proprium vulgatumque Numinis nomen id fuisse constet, jam quod Porticui accessit, ejusdem nominis causam, proximam fortasse Dianæ Ædem fecisse verisimile est: Id quod de Porticu *Boneventi* nomine Romæ olim extante testatur Marcellinus l. 29. c. 6., nam ita cognominatam docet, *quod hujus Numinis prope visitur Templum*: neque ejusdem nominis, quam dedimus conjecturam Temporum ratio evertere poterit, nam ad Christianum ævum longe etiam progressum licet lapis, de quo agitur, referendus sit, ut inferiùs ostendam, non id certe contendam, superstitem tunc temporis eam Dianæ Ædem Beneventi fuisse, sed satis omnino sit, quum Idololatria vigeret, prope eandem Porticum aliquando existisse, indeque nomen semel acceptum deinceps quoque perpetuum Porticui mansisse: Locorum enim, ædificiorumque vocabulis, quæ olim superstitio invexit, Posteris etiam Christianis persæpe utendum fuit, non quò superstitionem ipsam probarent, sed illorum certos situs, veteri nomine servato, notiores efficerent; Hinc hodieum quum plures in Urbe sint S. Mariæ

nomen accepit ..... conclusis Synodum Palmarem a Palmaribus, quæ erat Porticus Basilicæ S. Petri dictam fuisse. Utrique & hæc nostra inscriptio Basilicæ, ut & Porticus meminit, quare fere dixerim Palmares ludos accipiendos de iis, qui in loco Palmaria dicto exhibitii sunt: Palmaris Porticus Basilicæ S. Petri describit Ciampinus de Sac. Edif. c. 4. Lubens tamen doctiori hæc enucleanda relinquo, meque sagaciori critico submitto, maxime cum hæc inscriptio non Romæ, sed extra Beneventum fueris reperta: Haud certe id mihi tribuam ut doctior Koolio videar; At ejus nugis verisimiliora oppono: sic igitur de ea re ego conjiciebam: Victoriæ Deam veteres Ethnicos coluisse quis nesciat: Huic delubra, signa, ludos fecisse antiqua monumenta passim docent: Signum certè Victoriæ Augustæ Beneventi fuisse ex nostro lapide constat.

VICTORIAE AVGVSTAE  
M. NVMERIVS M. F. FABIA  
NVS IIIIVIR QVINQVENN  
VIVIR AVG. PATRONVS MV  
NIC. SVA PECVN. FECIT.

Præterea LVDOS VICTORIAE memorat lapis apud Donium Cl. 1. n. 122. Victoriæ autem symbolum *Palmarum*

fuisse ex Plutarcho docet Gellius l. 3. c. 6. unde & ipsa *Palmaris* Dea vocatur Apulejo met. xi. pag. 39. an igitur *Palmares ludi*, qui in ejus numinis honorem celebrarentur? Sed verosimilius mihi sit, nihil in ejusmodi ludis de ejus Numinis peculiari religione cogitatum, sed potius de Victoris præmio, quod in iis certis ludis *Palman* vel manu gestandam, vel capiti circum ligandam constitui placuerit: Plures nummos pro variorum ludorum solenni memoria cum palmæ effigie inculptos commemorat Spanhem. de Præst. num. Diss. 4. p. 299. In gladiatorii ludis victoriæ pretium *Palman* fuisse quoque constat. Cic. pro Rosc. c. 6. *Alter plurimarum Palmarum vetus, ac nobilis gladiator habetur*: Calligulam, mirmillone in ludo confosso, *more victorum* cum Palma discurrebat tradit Sveton. c. 32. Commodum vero tantum *Palmarum gladiatoriarum* confecisse, vel victis retiaris, vel occisis, ut mille contingeret, testis est Lamprid. c. 12.: Hinc *Palmares ludos* nostro lapidi memoratos a gladiatoris parum, aut nihil abfuisse verisimile mihi sit, quamquam & ita dici potuerint, quod vel ab ipsis gladiatoribus, vel aliis, *folis palmis*, idest manibus hi ludi committerentur; Atque hæc de *Palmaribus ludis*, donec alii meliora afferant, observasse sufficiat.



riæ *Ædes*, eam quæ *Minervæ* Templo a Pompejo in Circo Flaminio extructo adhæret, *S. Mariam supra Minervam* appellari nemo sanæ mentis absurdum, aut irreligiosum putaverit.

Præter autem memoratas has Porticus, quarto recensenda loco nunc erit, quæ a M. Nasellio Vitale Patre, & M. Nasellio Vitale filio in Beneventi suburbis cum aliis ædificiis extructa fuit; Lapidem, de quo heic p. 167. copiosè disserui, heic integrum recitare omittam, verba tantum, quæ huc attinent, retulisse contentus, quæ sic habent: *Paganis Communib. Pagi Lucul. Porticum cum Apparitorio, & Comitum a solo Pec. sua Fec.*: Pagum, & ab eo Paganos, non ut posterior Christiana ætas accepit, eos nempe, qui adhuc Idololatriæ studebant, a Christianis tum religione, tum loco secreti (a), sed illos omnino in lapide significari certum, qui

M m 2

juxta

[a] Cur sequiori ætate Pagani vulgò il appellarentur, qui a Christiana fide abhorrentes Idolorum cultui addicti essent, explicare conatus Isidorus l. 8. c. x. *Pagani* (inquit) ex *Pago Atheniensium disti*, ubi exortii sunt, ibi enim in locis agrestibus, & pagis Gentiles lucos, idolaque stauerunt, & e tali initio vocabulum *Paganorum* sortiti sunt: Ubertius, sed sane ineptius de vocabuli origine agit Philastrius Brixienfis, qui sive a *Pago*, hoc est, loco, sive a *Provincia* una, sive (quod ex Hesiodo græco Poeta didicisse ait) a *Pagano Rege* dictos affirmans, trium harum originum causas explicare persequitur: Utriusque Etymologias pro nugis, commentitaneas habendas statuunt Voss. in *Lex. Etym.* & Briffon. de *Verb. signif.*: quorum prior non absurde eos dixisse ait, qui *pagani* Paganos ita dictos existimant, quod non militarent sub capite Iesu Christo; eorum vero sententiam omnino sibi probari concludit, qui tum demum Paganorum nomen inolevisse putant, eum passim in Urbibus vigeret Christiana Religio, ac illa Gentilium in solis pagis servaretur (nempe quod agrestes, imperitici homines moris sui solerent esse retinentissimi), adeo ut quum Gentilis religionis homines tantummodo in pagis, sive ruri morarentur, quod solius loci derivatum olim erat, professionis quoque nomen paulatim esse cepit: Novam etiam rationem, ut in hanc sententiam concederent, viri docti sibi invenisse visi sunt, quod quum Constantini Magni, & filiorum edictis proscriptus esset ab Urbibus profanus Deorum cultus, eorumque Fana passim in iis clauderentur, Idolorum cultores in pagos sese recipere, ibique Idololatriæ operam darent, & clandestina sacra peragerent, quæ quidem est Baronii, & aliorum vulgaris sententia, quam Du Fresnoius aliis etiam, quas alii comminiscuntur, indicatis, veritorem affirmat. At non ita facile (ut doctissimorum virorum pace id dixerim) in ejusmodi sententiam concedendum video, quam utriusque Codicis pleræque leges *cod. tit. de Paganis* falsam omnino ostendunt: nam præterquam quod nullum in iis ejusmodi originis apparet vestigium, nam de Hierofantis agrorum l. 14. Cod. Theod. memoratis, ita agit, ut vetustissimum inter sacrorum ministros, munus censeretur debet; manifestè etiam de Paganis, deque Paganica superstitione ea mentio occurrit, quæ palam in Urbibus viguisse adhuc demonstrat; quamquam enim pluribus Augustulorum sanctionibus capitali supplicio in perennes Idololatrias animadvertendum juberetur, militibus tamen cum ipsis reipia agebatur: Hinc in propriis Urbibus Idololatriæ degere sinebantur, ut aperte docet l. xx. Cod. Theod. de Paganis lata anno 415., qua Honorius, & Theodosius *Sacerdotes* (id est sacrorum ministros) *Paganæ superstitionis* competens coactioni subjacere

præcipiunt, nisi intra diem Kalend. Novembrium de *Kartagine* decedentes ad civitates redierint gentiles, itaut simili quoque censura per totam Africam Sacerdotes obnoxii teneantur, nisi de *Metropolitanis Urbibus* discesserint, & remeant ad proprias civitates: Ex quo vides tantum hos ministros, qui per summam impudentiam in Metropoles Urbes ad sacra peragenda confluebant, in suas quoque Urbes detrudi, in quibus impune constitisse poterant novæ eorumdem Augustulorum lege lata anno 423., quæ est 24. ejusdem tit., ubi inter alia Christianis demandatum fuit, ut *Judeis*, ac *Paganis* in quiete degentibus, nihilque sentantibus turbulentum, legibusque contrarium, non audeant manus inferre religionis auctoritate abusi: quid quod in ipsa Christianorum Principum Aula viri passim plurimi Idololatriæ palam munera ministrarent? Quantum verò ut Idololatriæ professio honesteque publicis ubique restitueretur, operam, auctoritatemque suam impie contulit Iulianus Augustus? Mirum etiam quantum pro ea re in media Urbe Roma, & apud Aulam Constantinopolitanam Senator Symmachus laboraverit: adeo ut vix illud verisimile videri possit Idololatrias omnes post Constantini ævum penarum metu, utque superstitionibus clam vacarent, in Pagos aufugisse, indeque Paganorum nomen sibi peperisse: quid igitur de ea restatuendum? Dicam ipse, quod sentiam: Si enim Paganorum significatio eodem *Ævo* apud Ethnicos usurpata, quo apud Christianos, ad ipsos Ethnicos in universum significandos adhiberi cepit. spectetur, fortasse rem, uti fuerit, compertam habebimus. Et sane qui militiam non sequerentur, olim *Pagani* dicebantur, quod in juris passim libris non solum occurrit, quorum loca congestit Briffonius, qui peculii Pagani a Castrensi expressam quoque differentiationem ex legum verbis adducit, verum etiam in aliis antiquitatis Scriptoribus sæpè legimus: Sic miles ab Apiano *fratitius*, *Paganus* verò *ἀλλοτρίος* vocatur l. 1. De Bell. Civ. & homines *cultu Pagano* cunctis *Armatis* diversos faciens Plin. l. 7. ep. 25. *Sunt* (inquit) *ut in castris*, sic etiam in literis nostris plures *cultu Pagano*, quos *cinctos*, & *armatos*, & quidem ardentissimo ingenio invenies: Juvenal. Satyr. ult.

. . . . . *citius falsum producere testes*  
Contra *Paganum* possis, quam vera loquentem  
Contra fortunam *Armatis* . . . . .

Svetonius denique c. 25. Augustum admittit turbam Paganorum apud milites concionantem referens, atque in Galba c. 19. Equites in Urbe dimotam Paganorum turbam equos adegisse scribens, universam præter milites, civium multitudinem uno *Paganorum* vocabulo appellavit:

juxta primævam vocabuli vim non in Urbe ipsa, sed in agro suos lares statuebant (a) : atque his quidem, qui sibi *Communes* erant, idest è quorum ipsi numero, cœtuque erant, Porticu cum Apparitorio, & Compito excitatis, beneficentiam suam Nasellii præclare probarunt : De Porticu clara res est ; quod *Compitum* vero attinet, ædem heic planè intelligi datur, quæ simul cum Porticu a Naselliis extracta fuit : fuere enim sine tectis aliquando Compita, ut recte observat Philargyrius (b) : *Compitum* [ inquit ] *ut Trebasio placet, est locus ex pluribus partibus in se, vel in easdem partes ex se via, atque itinere dirigens ; sive is cum ara, sive sine ara, sive sub tecto, sive sub dio sit, ubi Pagani agrestes buccina convocati solent inire consilia ; Hinc & lares Compitalitii, & Ferie Compitalitie* : Edificii formam nobis exhibet vetus interpret Persii in illud Satyr. 1v. *Pertusa ad Compita ; nam Compita* [ inquit ] *sunt loca in quatriviis, quasi Turres, ubi Sacrificia finita agricultura rustici celebrabant ; merito pertusa, quia per omnes quatuor partes pateant* (c) : At nostro Compito Porticum adiecisse Naselliis haud satis fuit, qui, ut omnimodæ Paganorum communium commoditati consulerent, Apparitorium quoque construendum curarunt : Apparitorii significationem ad Ustrinum transtulit Reinesius Claf. 17. n. 14., quod *adparatus mortuorum funus* appelleretur a Servio : at Reinesio, ut de aliis pluribus, de hac re litem intentavit Fabretus cap. 3. pag. 232., palmamque tulisse videtur subsidio hujusmet nostri lapidis, quem integrum affert, Reinesique sententiæ opponit ; *per hanc enim, inquit, epigraphen Apparitorium, adificium aliquod sepulcro annexum, porticoque junctum, ad lustrationem sepulcri, & cenas sociales paratum videtur* : at recte quidem, nisi quod ad sepulcrum rem omnem deducens, a lapidis fide parumper abscedit, qui non sepulcri, sed Pagi lustrationem memorans ipsum Apparitorium, ac Porticum non cum sepulcro aliquo, sed Compito adjungit, ubi Paganica lustratione nominis Junii peractâ, celebratisque sequentibus diebus ab ipsis Paganis ex consuetudine sua cenis, tunc demum vi. Id. Junii (d) statutis annuis denariis cxxv. adhuc ut ibidem Pagani epulari pergerent, Nasellii jusserunt.

Sed ex agro in Urbem iterum redire præstat, ubi magnificentior omnibus, quas hactenus spectavimus, Porticus occurrit : ejus magnificentiam tum titulus, tum auctor, tum demum Edes, cujus gratia excitari debuit, præclare ostendunt. Lapis igitur elegantibus insculptus literis sic se habet.

## BENE-

vît : atque quum certam vocabuli significationem habeamus, non æque illius ratio constare videtur, nisi quod ab iis, qui ipsa Pagos incolerent, ad eos appellatio translata fuerit, qui militiam Romanis Civibus universis statutis stipendiis obeundam detestantes, quietam, inertemque rusticorum, seu Paganorum vitam, morefque in media Urbe æmulerentur : quæ quum ita sint, jam illud intelligimus, cur posteriore Ævo, Christi lege ubique recepta, Paganorum vocabulum ad Idololatrias significandos usurpari cœperit, qui quum Christi militiam (ut Christiana religio vulgò audiebat) abnuerent, Christianis ipsis Christo militantibus, veteri more opponerentur, quod quum contra rectam rationem, ac Principum edicta facerent, hinc fuit, ut quæ prius huic vocabulo aberat, accessit quoque invidia, itaut jam Pagani ipsi pro dæmonum cultoribus, ac Christi hostibus acciperentur : id autem omne, quod de hujus vocabuli ratione diximus, non metaphoricè tantum probari videtur, sed ipsa verum quodammodo astruit Lex 21. Cod. Theod. De Pagan., ubi Imp. Honorius, & Theodosius an. 416. hæc publica sanctione mandasse leguntur : *Qui profano Pagani ritus errore, seu crimine polluantur, hoc est Gentiles, nec ad militiam admittantur, nec administratores, vel iudicis honore decorentur* : Ubi primum vides Paganos (quorum veteri significatione spectata, dubia videri poterat significatio) ad ipsos Gentiles, (quorum, ut

Idololatrias significaret, jamdiu obtinebat appellatio) indicandos in ea lege transferri ; nuperimè siquidem, exeunte videlicet quarto sæculo, Gentiles, ipsi Paganorum nomine vocari cœperant, ut ex ejusdem Codicis legibus rectè patet : quum vero hi a muneribus tum militariis, tum civilibus, latâ ea Lege, omnino arcerentur, cum ipso nomine vetus etiam Paganorum significatio eisdem adhæret, ut a Christianis, quibus solis militaria munera ; honoresque omnes patebant, diversi haberentur.

[a] Festus : Pagi dicti a fontibus, quod eadem aquâ uterentur ; aquæ enim dorica lingua *πάγος* appellantur : neque aliter Servius Georg. 2. v. 382. Villas, quæ Pagi *ἀγὸς τῶν πηγῶν* appellantur, idest a fontibus, circa quos villæ consueverant condi ; unde & Pagani dicti sunt, quasi ex uno fonte potantes : Vid. Vols. in lex. Etymol. v. Pagus.

[a] In Georgic. 1.2. v. 382.

[a] Unde etiam *ramosa compita* dixit idem Persius Satyr. v. pulcro sane, & satis proprio epitheto : nam si quis in Compito consistens oculos circumvolvât, plures ex eo vias, quasi ramos effundi statim cernit.

[a] Mendum in hac numerali nota adesse videtur, nam quum inter nonas Junias, & diem vi. Idus unum tantummodo interfuit dies, qui erunt *ii seqq. dies*, quibus a Paganis ex consuetudine sua cœnandum esset ?



BENEVENTI  
PORTICVM SVA PECVNIA F  
OMNE CVLTV EXORNATVM  
COMMODVS PIVS FELIX ET  
PRAETORIO DEDICAVIT

Ac quod Auctorem spectat, nolim profecto, importunam Malvasiae (a) admirationem, meam facere, quod Commodi monumentum ad seros nepotes evaserit, ejus, inquam, Principis, in cujus memoriam dirissimis, quas conceptis verbis refert Lampridius, imprecationibus, universo Populo Romano conclamante, adhuc abolendas ejus statuas, nomenque ex omnibus publicis privatisque monumentis eradendum censuit Senatus, Pontificumque Collegium confirmavit: An enim extra Urbem huic Senatus Consulto illico obtemperandum fuit, itaut toto Orbe Romano Commodi monumenta comminuta, aut deleta? Haud ita quidem probant etiamnum superstites, ubique locorum, lapides, quos apud Gruterum, & Gudium, aliosque legimus; nonne etiam huic Senatus Consulto statim intercessit Imp. Severus, a quo amplius ipse Commodus inter Deos fuit relatus? itaut praeter alios lapides viventi Commodi, honoris causa, inscriptos, incolumem adhuc sepulcri titulum, quod Commodus illatus fuit, Romae extantem afferat Gruter, pag. 262. num. 6.: Illud potius mirari subit, Principem nunc primum intueri, quem nequidem [quod Nero, aliique pessimi Principes sibi cavere visi sunt] sollicitudo ulla tetigit, publicorum operum magnificentia scelerum invidiam velut i obtegere, non Porticum modo, sed etiam Thermas Beneventi exaedificasse: Certe in publicis operibus excitis Commodi negligentiam eo pervenisse refert Lampridius, ut ne is quidem (inquit) *Patris sui opera perfecisse curavit*, nam de *Lavacro*, quod solum *Commodi nomine* (ut idem Lampridius refert) Cleander ejus Libertus Romae construxit, nihil est, quod ipsi Commodi praeter inscriptum nomen tribuamus, sed ad Liberti ambitum, qui ad Imperii usque spem processerat, opus ipsum omnino referendum, qui (ut tradit Herodianus) *Gymnasium maximum quoque exaedificavit, publicatis etiam balneis, ut eo modo populum inescaret*: Singulare igitur illud censeferi debet, quod neque olim Lampridio, neque aliis hactenus observatum, ut sola Beneventana Urbs ejus Principis beneficentiam publicis exaedificatis Operibus jactare potuerit: Cur autem, quod neque alibi, neque in ipsa Urbe Roma praestitit, unam Beneventum sibi demerendam curaverit Commodus, qui praeter Thermas, de quibus mox agemus, haud satis fuit Porticum excitasse, sed amplius *omni cultu exornatum* esse voluit, itaut splendidissimum Opus auctore Principe dignum probaretur? ac quod ad ejus operis magnificentiam, ipso titulo testatam, attinet, promptum erit eam Romanarum Porticuum exemplo quodammodo demonstrasse; inter quas Apollinis Porticum, Ovidio, Propertio, aliisque passim celebratam, marmoris suffultam columnis, quas alterae marmoreae statuae internectebant, sibi fortasse aemulandam suscepit Commodus, qui in una Beneventana Porticu, quam *omni cultu exornatam* ipse titulus praedicabat, aliarum omnium magnificentiam contineri curavit; sed ut de hujus rei causa, quam inquirere incepimus, aliquid dicamus, nihil est, quod certum affirmem; conjectare tantum erit, peculiari Beneventanorum erga se studio permotum Commodum (in cujus assentationem Beneventanos effusos plura monumenta satis probant) hisce publicis operibus eorum Urbem exornasse: verisimile illud quoque erit, eandem Urbem a Commodi frequentatam, quod ex eodem lapide non obscure colligimus, in quo Porticum ab se factam, *Pratorio dedicasse* commemorat.

Prætorium sanè (quod inter publica Beneventanae Urbis Opera ex eodem lapide obiter se prodit) haudquaquam heic pro Castræni Tabernaculo accipiemus, quod, ubi Exercitibus certo loco consistendum erat, in Castrorum medio Imperatorum mansioni parabatur, sed Aedes illa in nostro lapide omnino significatur, quæ in illustrioribus Provinciarum Urbibus Romanorum Magistratuum habitationi patebat; Hinc inter Opera publica Prætorium erat, quod in privato usus, privatorumque habitationem convertere nefas fuit, ac si quando id factum esset, *publico juri, atque usui vindicari* oportere mandarunt Constanti, & Constantino Augusti:

[a] Marmor. Felsin. sect. 4. c. 4. ubi de superflite eidem Augusto inscripto lapide agit, quem titulum, aut reliquiam esse putat illius Arcus, quem Bononienses Commodi dedicarunt.

gusti (a): Harum Ædium magnificentiam tum Romani Magistratus conditio probat, cuius majestas Ædium quoque amplitudine enitere debuit, tum illud maxime, quod plerumque ejusmodi Ædes, ipsæ olim Regum Aulae fuerint, quæ unâ cum Regnis in populi Romani potestatem redactæ, ejusdem Populi Magistratibus, qui in eadem Regna, Romanis Provinciis adjecta, cum Imperio mittebantur, ordinariam habitationem, Prætorii nomine appellatam, præbebant: Hinc Acta Apostolorum [23. 35.] *Prætorium Herodis* vocant Aulam illam, ab eo Rege Cæsareæ constructam, ubi tum Felix Romanus Præses confidebat; sic etiam Cicero (b) Syracusis adjectam Insulam refert, in qua domus Regis Hieronis fuit, qua Prætores uti solebant, Prætorium paulo ante ab eodem Cicerone appellata: Has autem publicas supremorum Magistratum Ædes, sive Prætoria, nequaquam eadem cum iis fuisse, quæ Palatii nomine insignes Augustorum mansioni constructæ erant, ex binis Auggg. Arcadii, Honorii, & Theodosii legibus discere est (c), in quarum altera quibuscumque etiam magni nominis, summæque dignitatis viris ejusmodi Palatiorum, quæ alterno vocabulo *Sacra Domus* ibi quoque cognominantur, xx. librarum auri multâ sanctâ, interdicta fuit habitatio, quam postea solis Judicibus ordinariis patere voluerunt, quibus si Prætoria non adessent, metu legis adempto, quæ de Palatiis lata est, in Ædibus, etiam si Palatii nomine nuncuparentur, commanere fas erat. Nunc, quod rem nostram attinet, constat jam Beneventi fuisse Prætorium, quo Romani Magistratus uterentur, de Palatio vero, ubi Principes confidere solerent [nam & Neronem ex Taciti testimonio Beneventi confedissee, & alios plerisque Augustos, peculiari dissertatione latè probavimus] incerta omnino res est; adeo, velut olim, ubi Prætoria non essent, manere in Palatio Magistratibus licebat, ita quum nullum Beneventi fortasse fuerit Palatium, unum ipsum idemque Prætorium, & Magistratibus, qui assidue præessent, & Augustis, qui aliquando adventarent, communem habitationem præbuisse videatur; Hinc igitur singulare illud Commodi Imperatoris studium, qui Beneventi aliquandò moratus, Prætorium ipsum, quod Palatii loco sibi esset, magnificentissimâ excitatâ Porticû, exornandum curavit: *Dedicasse* autem se *Prætorio Porticum* dixit Commodus eadem significatione, qua Constantius, & Maximianus apud Gruter. pag. 178. num. 4. *Thermas ornaverunt, & Romanis suis dedicaverunt*; nam in utraque dedicatio nihil sacri, aut religiosi invenire est, sed utriusque Operis inchoatus tum primùm usus, *dedicationis* vocabulo ab antiquis scriptoribus passim expressus.

Sed ex Romanis, quas obiter memoravimus, ad Beneventanas Thermas gradum faciamus, quarum etiam auctorem Commodum disertè facit noster principalis Lapis huic Dissertationi præfixus; Inter alia enim Beneventanæ Urbis opera publica, quæ tum fuerunt restituta, inter alias quoque, quas mox videbimus Thermas, etiam *Therma Commedianæ reparata* dicuntur; ac ex adjecto Commedianarum cognomine nihil erit, ut opus ipsum ad ejusdem nominis Augustum referendum dubitemus; nam ex Porticu illa, quam Beneventi ab eo factam jam liquet, ubi semel Beneventanis insuetam in publicis Operibus excitandis Principis liberalitatem demeruisse contigit, optimè comprobatur Thermas pariter ibidem ab eodem Commodio fuisse ædificatas: neque Thermis jucundius opus aliud Principis genio esse poterat, quem septies, aut octies per diem lavare, & in ipsis Balneis edere consuevit tradit Lampriidius: Illud tamen mirabimur, quod tam fera ætate, quæ eæ Thermæ reparatæ fuerunt, *Commedianæ* adhuc, ex auctoris sui nomine appellarentur; non huc invidiam refero, quam ut antea observatum fuit, Commodi nomini nefarii mores invexerunt, potior enim Beneventanis beneficii memoria esse debuit, qua Thermis auctoris sui nomen etiam post obitum servatum voluit: Sed ne ipsa quidem aut rerum vicissitudine, aut temporum intervallo cognomen amissum? Certè nullo adjecto cognomine novæ Beneventi Thermæ in hoc lapide habentur.

SATIRVS

[a] In l. 8. Cod. Theod. De Oper. Pub.  
[b] In Verr. iv. n. 28. & 53.

[c] L. 1. Cod. Theod. Ne quis in Palatiis maneat:  
& l. 2. cod. tit.



SATRIVS CRESCENS  
V. C. CVR. R. P. BN. EX  
LOCIS ABDITIS  
VSVI ADQVE SPLEN  
DORI THERMARVM  
DEDIT

Atque hæc quidem Thermæ a *Commodianis* distinctæ omnino videntur; quumque alias præterea hoc alterius lapidis fragmento demonstratas habeamus.

BALNEVM VIRIL . . .  
ET MVLIEMBRE . . .  
TABERNAM . . .

jam de servato ad extremam ætatem *Commodianarum* Thermarum cognomine certa patet causa, quod nempe a reliquis, quæ Beneventi extarent, Thermis, eo cognomine nosci, distinguere possent.

Plures autem Beneventi extitisse Thermas explorata res est, tum ex allatis nostris lapidibus, tum ex ejus Urbis situ, conditioneque, quorum alter perpetuis fontibus irriguus, binis etiam fluviis utroque moenium latere prope alluitur, altera vero ornamentis omnibus floruisse planè constat: Cur vero plures Beneventi non essent Thermæ, quarum numero, magnificentiaque sanè quàm delectabatur Antiquitas? Adde illud, quod antiquis familiarissimus, quotidianusque fuerit Balneorum usus, quibus corporis, animique vires non sine voluptate refici, experientiâ ipsâ persuasum erat (a). *Infinium* Romæ Thermarum fuisse numerum, ait Plin. Senior. IV. 8., easque in modum *Provinciarum extructas* dicit Ammian. XVI. 6.: Satis audax, elatumque utriusque dictum, sed quod facile extorquere poterant, tum octingentarum, quas P. Victor recenset, Thermarum numerus in sola Urbe, tum earum laxitas, quæ, teste Olympiodoro, in Antonianis *fellas ad usum lavantium e polito marmore mille sexcentas continebat*, in Diocletiani autem *Bis tantum*, idest ter mille ducentas; His adde Cellas, Solla, Piscinas, Porticus, Xistos, Nemora, Sphæristeria, Bibliothecas, cæterasque partes, quas quum enumerasse nos tædeat, construxisse tamen, amplioresque in dies effecisse peculiari studio Romani Principes decertabant; quæ vero fuerit Thermarum elegantia, in quibus exornandis tum ipsorum Principum, tum Privatorum studium tantopere exardebat, ut ejusmodi luxum descriptione solâ satis increpasse, Senecæ visum fuerit (b): Privatas dixi personas ad Ther-

[a] Ituri ad cenam veteres de more lavabant, unde Artemidorus Balneum nihil aliud suo ævo fuisse scribit, quàm *transitum ad Cenam*: Itaque qui sæpius etiam cibum capiebant, sæpius lavabant: De Commodo jam observavimus, quod *sepius, aut odies in die laverit*; etiam inter Christianos Sifinnius quidam Episcopus bis in die non sine suspitione intemperantiæ, & voluptatum lavabat: Sed ille diserto culpantes illudit, rogatusque, *cur Episcopus cum esset, bis lavaret? Quia, ter, inquit, non possum*: Significabat bis se comedere, bis igitur lavare, tertio non ferre valetudinem. Quid quod apud ipsas Ecclesias Balnea quoque constituta essent, quibus Sacrorum Ministri, antequam sacra ipsa operarentur, ex instituto lavare consuebant? At rem hanc egregiè illustravit V. C. de me, ac universa Rep. litteraria optime meritis Paulus Maria Paciaudius præclaro edito libello *De Sacris Christianorum Balneis Venet.* 1750. Spicilegii loco illud etiam observasse fas erit, usque ad XIIII.

seculum eum morem obtinuisse apud Græcos, nam sub Michaelis Palæologo Azatinus Sultanus Constantinopolim veniens cum Arsenio Patriarcha summam inuit consuetudinem, ut propterea ipsi, ac comitibus permiserit sæpius lavare in Balneo Ecclesiæ, quod quum inter alia Arsenio crimini verteretur, non una ratione se defendit, subdens in profanis etiam Balneis Crucis Signa, sacrasque imagines effingi: *Si autem (inquit) id non obstat, quominus iis quantumvis vitæ Religionis expertibus usus permittatur aliorum Balneorum, quid est, quod repellantur ab Ecclesiæ Balneo?* Ita Georg. Pachymerus, & Niceph. Gregoras l. 4. c. 3.

[b] Seneca ep. 86. Balneum, quo olim Scipio in sua villa utebatur, describens, sequuntæ ætatis de ea re mores taxandos suscipit: *Balneolum (inquit) angustum, tenebrosum, ex consuetudine antiqua . . . magna ergo me voluptas subit contemplantem mores Scipionis, ac non sors: In hoc angulo ille Carthaginis horror, cui Roma debet*

ad Thermas ornandas studium quoque suum contulisse, nam id certe discimus ex nostro lapide, quem paullo ante exhibuimus, ubi *Satrius Crescens ex locis abditis* usui, atque splendori Thermarum novum opus dedisse dicitur: Sic etiam Romæ in statuarum basi titulus hic apud Gruter. est pag. 177. num. 6.

IVLIVS FELIX CAMPANIA  
NVS VC PRAEFECTVS VRBI  
AD AVGENDAM THERMA  
RVM TRAIANARVM GRATIAM  
CONLOCAVIT.

Neque aliò pertinere hunc alterum nostrum lapidem arbitror, quem etiam Gruterus habet pag. 193. num. 2.

CLODIVS  
OCTAVIANVS  
V. C. DE PROPRIO  
ORNATVI DEDIT

Quid vero a tribus hisce clarissimis viris Thermarum usui, splendori, gratia, atque ornatui datum fuerit, silent nunc lapides, qui olim, quum Basis, ac Titulorum vice fungerentur, rem ipsam, cui affixi, vel subjacentes erant, manifestè loqui videbantur; solebant enim veteres, qui verborum brevitate in publicis inscriptionibus utebantur, supervacaneam ejus rei mentionem reiicere, quam titulus ipse manifestam demonstrabat, quod sexcentis exemplis probari potest: ac de Romano lapide, quandoquidem Basis formam prætulisse dicitur, primum illud est, ut statuam a Campaniano Praefecto Urbi ad augendam Thermarum Trajanarum gratiam in ea collocatam credamus; obscurior vero in nostris lapidibus res erit: nam neutrius formam spectare licuit, quodque Satrium Crescentem attinet, non splendori tantum, sed Thermarum quoque usui prospexisse eum legimus; unde omnis de statua aliqua conjectura corruit, quæ nullo usui Thermis esse potuit; De quapiam igitur re alia cogitabimus, sive Vas, sive Balneorum instrumentum aliquod fuerit, quo simul & lavantibus commodior usus, & Thermis splendidior ornatus accederet; Octavianus autem de proprio, Crescens vero ex abditis locis dedisse dicuntur; ac de priore quidem facile intelligimus, ere suo [nam id de proprio fuisse jam patet] ornamentum aliquod, ut statuam, vel signum, vel etiam ædificium Thermis addidisse: De posteriore vero quid illud sit, ut ex abditis locis dedisse memoret, intellexisse se palam negat Fabrettus pag. 280. num. 173. ubi plures eandem, vel fere eandem formulam præferentes lapides (a) congerens in ejus perquirenda significatione *Crucem* curiosi se figere fatetur: quam vero

debet, quod tantum semel capta est, abluebat corpus laboribus rusticis fessum... at nunc quis est, qui sic lavari sustineat? Pauper sibi videtur, & sordidus, nisi parietes magni, & pretiosi orbibus resulserint: nisi Alexandrina marmora Numidicis crustis distincta sint: nisi illis undique, & in Picuræ modum variata circumlitio prætexatur: nisi Vitro condatur Camera: nisi Varius, & Thasius lapis, quondam rarum in aliquo Templo spectaculum, Discinus nostras circumdederit: nisi aquam argentea epistomia fuderint: & ad huc plebeas fistulas loquor: quid cum ad balnea libertinorum pervenero? Quantum statuarum, quantum columnarum est nihil sustentium, sed in ornamentum positarum, & impense caussa? Quantum aquarum per gradus cum fragore labentium? Ed deliciarum pervenimus, ut nisi gemmas calcare nolumus.

[a] Lapidēs a Fabretto relati, sive eorum verba huc pertinentia hæc sunt: Signa translata ex abditis locis &c. Translata ex obscuro loco &c. Præter Fabretti

lapides, nostrumque, de quo tamdiu egimus, Satrii Crescentis lapidem, adeit etiam insignis alterius nostri lapidis aliqua parte detriti exemplum, ubi eadem formula occurrit sic.

... INVICTISSIMI  
... THEODOSII  
... DVS RVFINVS  
... ERRIMI ORD  
SATVAM  
IN ABDITIS LO  
CIS REPERTAM AD PRIVATVM ET  
PVBLICVM . . . . . CELEBER  
RIMO CONSTITVENDAM  
CVRAVIT INSISTENTE VL  
FIRMO.

De hoc lapide agetur alias: nunc quod attinet; quæ sint abditæ loca, intelligere promptum est; Triphoninus in l. 63.



vero Crucem? ficulneam, aut etiam sambuceam irridet V. C. Mazochius, qui in *Addit. ad Amph. Camp.* pag. 170. *Legisse* [inquit] *memini in Cod. Theod., quem nunc ad manus non habeo, titulum unum, [an plures?] De signis, aliisque id genus publicorum adificiorum ornamentis non transferendis: ne contra eas leges peccatum videretur, additum expresse fuit ex abditis locis, aut ex obscuro loco: Leges autem non Titulos in eodem Codice reperire est, quarum in Tit. de Oper. publ. Constantini altera est n. 1. altera vero n. 14. a Valentiniano de ea re lata; At leve hoc; neque enim ad hæc leges Mazochio confugiendum erat, ut Crucem a Fabretto fixam refingeret; quid enim? nego primum, hisce adjectis in titulo formulis, legis pœnas de transferendis signis vitare voluisse homines illos, sed, quod ab aliqua loci injuria eadem signa vindicaverint, atque ad publicum ornatum restituerint, peculiarem gratiam omnino promereri fategisse: Uno verbo dicam: nihil olim frequentius [an hodie] , quàm ædificiorum ruinis, hostium incurfionibus, hominum etiam negligentia, dolo demum malo, aliisque, quas in subjecta nota observavimus, causis, ut statuae, signa, aliæque id genus publicorum operum ornamenta, humi, aut inter rudera, aut in abditis, obscurisque locis neglecta delitescerent, quæ, quum quis in loca publica transtulisset, ibique collocanda curasset, id, quod laude dignum videbatur, testatum in lapide, expresseque commemoratum volebat.*

Antea verò quam a Beneventanis Thermis discedamus, postremum, quod ad eam rem protulimus lapidis fragmentum observatione dignissimum censebimus: In eo siquidem, etsi *Balneum virile*, ac *Muliebre* tantùm legantur, exiguum hocce, quod verborum superest, magnæ laudis monumentum veteri Beneventano adhuc servat, ubi propria pro alterutro sexu, diversæque inter se fuisse lavacra jam constat. Veterum Bononiensium suorum justas laudes extollit Caponius apud Malvasiam (a), dum ex Bononiensis Balnei marmoreo titulo (ubi T. Aviasius HS CCCC testamento legasse dicitur, ut ex reditu ejus summa in perpetuum viri, & impuberes utriusque sexus gratis laventur) promiscuas apud Bononienses lavationes nusquam permissas probat, eique optimo mori servando amplius Aviasii legato consultum addit, qui, ne impudentissimo Romanæ Urbis exemplo cives sui corrumpere, solos viros, ac præterea utriusque sexus impuberes, ob quorum ætatem nullum fuisset pudoris periculum, gratuita lavationis beneficio cumulavit: Sed quod Romanorum ea de re morem spectat, non tam cito impudentiæ damnandos crediderim, ut nusquam in ea re pudoris leges servaverint: Fuit enim aliquando (quod per omnem stantis Reip. ætatem pro certo affirmaverim), ut alia pro viris, alia pro feminis lavacra adhiberentur, nefasque omnino esset utriusque sexui communibus Balneis uti: Innumeras monumentis res isthæc probari posset, quorum selectiora tantum proferam; ac primum lapis est apud Fabretum pag. 242., quem is ex cognominis defectu ad antiquiora Reip. tempora omnino refert, ubi M. Valerius M. F. *Ad. Dict. Pref. Juventutis*. . . . *Balnea Virilia utraque, & Muliebre de sua pecunia refecisse dicitur*: Sic etiam Varro de l. l. 8. 42. *Ibi confedit* (inquit) *ubi bina essent conjuncta ædificia lavandi causa, unum ubi viri, alterum ubi mulieres lavarentur*: Insignem quoque Gracchanæ orationis de legibus promulgatis servavit nobis A. Gellius (b). *Nuper* (ait C. Gracchus) *Theanum Sidicinum Consul venit, uxorem dixit in Balneis virilibus lavari velle; quaestori Sidicino a Manlio datum est negotium, uti Balneis exigerentur qui lavabantur &c.* En igitur virilia

N n

Balnea,

in l. 63. D. De acq. rer. dom. agens de Thesaurò invento a servo, in quo ususfructus alienus est: *Finge* (inquit) *terram fodientem invenisse, ut hoc dicatur usufructuarii esse; quod vero subito in abdito loco positum nihil agens, sed obiter ambulans invenit, proprietatis Domini sit*: De debitore speciei loquens Ulp. in l. xi. D. ad exhiben.: *Si forte* (inquit) *proponas data opera eum in locum abditum res contulisse, ut auctori incommodior esset exhibitio &c.* In locorum igitur abditorum intellectu ab ipsa verbi significatione non recedemus; quò vero fieri poterit, ut ex hisce locis statuas transferri contingeret? Ad rem facere videtur illud Plinii H. N. 34. 8. qui Herculis tunicati statuae tres hosce inscriptos titulos refert: *Unus L. Luculli Imp. de Manubiiis: alter: Pupilius Luculli filius ex S. C. dedicasse: Tertius: T. Septimium Sabinum Ætilem Curulem ex privato in publicum restituisse*: Herculis igitur statuam publico primum loco positam, dein in privatæ ædis ornatam per nefas fortasse adhibitam, in publicum denuò restitutam habemus: ad hæc, Ciceronem audire præstat, qui inter alia

ita in Verrem loquitur. 111. *Simulacra Deorum, quæ non modo ex suis Templis ablata sunt, sed etiam jacent in tenebris ab isto reclusa, atque abditæ, consistere ejus animi sine furore, atque amentia non possunt: Quid plura? notissimum est ejusmodi insignium monumentorum fatum, quum sequiori ætate ejusmodi Cimeliorum haud æqui æstimatores homines eadem passim perire, atque suo loco disiecta vel imâ terrâ abscondi, vel inter rudera sordescere, vel cuique impune rapi pro minimo habebant: Hinc sollennis eadem ætate formula, ut Viri Clarissimi iisdem Cimeliis (ut par erat) pretium facturi, se ex abditis, obscuris, privatisque locis, in publicis, ac celeberrimis collocanda curantes, egregiam, quam ea de re præstitissent operam, jure, meritoque commemorare consuebant.*

[a] Marm. Felsin. sect. 3. c. 4.

[b] Lib. x. cap. 3.

Balnea, en Muliebria, cuique sexui seorsim parata; quumque Consul uxori in Balneis virilibus lavari aliquando libuisset, abire statim, qui lavabantur, viri a quaestore jussi sunt: non solum autem utriusque sexus promiscua lavatio olim vetabatur, verum etiam (quæ antiquis moribus sanctitas inerat) non omnes virilis sexus, inter quos sanguinis, aut affinitatis necessitudo vigeat, lavari unâ sinebantur: *Mos vetus* [inquit S. Ambrosius (a)] *in Urbe Roma, & plerisque civitatibus fuit, ut filii puberes cum parentibus, vel Generi cum soceris non lavarent, ne paterna reverentia auctoritas minueretur: At hæc, uti dixi, moribus antiquis.*

Quum vero Romana Resp. Principum Imperio, atque nutu administrari coepisset, amissâ veteri illa libertate, qua civium animis sola virtus dominari olim videbatur, nova tum libertas, servitute ipsa deterior, civium moribus in præceptis jam ruentibus penitus fræna laxavit: Hinc inter alias pudoris pestes, promiscuus etiam Balneorum usus sensim obtinuit, quem Bonorum Principum cura summotum, mox malorum exemplo, ac permisso, alternante veluti pro Cæsaris moribus ejus rei licentia, denuo invaluisse legimus: ac prior quidem Hadrianus, virtutibus æquè ac vitiis insignis plane Imperator, pluribus aliis, quæ Censuram spectabant, egregiè constitutis, id etiam præcipuè curavit, ut *lavacra pro sexibus separarentur*, teste Spartiano (b), ut jam illud constet, saltem post Cæsaris, Augustique ævum, qui inter alios Principatus titulos, etiam *Præfetti morum* dici, viderique voluerunt (c), sensim promiscuorum Balneorum sub sequentis primi sæculi Augustis, usum fuisse invecum, quem *separatis lavacris* abolere Hadrianus conatus est; sed & post Hadrianum, vel eo adhuc vivo rursus ejusmodi malum viguisse, vel grassari denuo coepisse videtur, nam paulo post, M. Antoninum Philosophum, compositis diffluentibus matronarum moribus, *lavacra mixta submovisse* memorie prodidit Capitolinus (d), quod neque diù servatum; nam rursus imperante Heliogabalo impudentissimam rem haud carptim, furtimque inoluisse solum, sed planè permissam, deinde ab Alexandro Severo sublatam scimus ex Lampridio (e). Post Alexandri vero ætatem haud melior fuit temporum, morumque continentia, qui inter flagrantis adhuc persecutionum fauces (ut ex Ecclesiasticis monumentis aliquid huc quoque afferamus) Christianorum animos eam quoque invasisse labem locuples est medii tertii sæculi testis Cyprianus, qui in *de Habitu Virginum* hoc ab hisce, quod pro more haberent, malum amoliri studens luculenta oratione ita infectatur: *Quid vero, quæ promiscuas Balneas aduenit, quæ oculis ad libidinem curiosi pudori, ac pudicitie corpora dicata prostitunt, quæ cum viros, atque a viris nude vident turpiter, ac videntur, nonne ipse illecebram vitiis præstant? Nonne ad corruptelam, & injuriam suam desideria præsentium sollicitant, & invitant? Viderit (inquit) qua illic mente quis veniat, mihi tantum reficiendi corporis cura est, & lavandi: non te purgat ista defensio, nec lascivia, & perulantia crimen excusant: Sordidat lavatio ista non abluit, nec emundat membra, sed maculat. Impudice tu neminem conspicias, sed ipsa conspiceris impudice: oculos tuos turpi oblectatione non polluis, sed dum oblectas alios, ipsa pollueris: spectaculum de lavacro facis: Theatra sunt foediora, quod convenis; verecundia illic omnis exiit, simul cum amictu vestis honor corporis, ac pudor ponitur, denotanda, & contractanda virginitas revelatur; Jam nunc considera, an cum vestita est, verecundia sit inter viros talis, quæ ad inverecundiam proficit audacia nuditatis: sic ergo Ecclesia frequenter Virgines suas plangit &c. Hactenus Cyprianus, qui pari elegantie splendore, Christianique pudoris servandi zelo rei turpitudinem depingit: quid quod florentibus Christianorum rebus, adhuc inter Græcos, inque ipsis Ecclesiasticis viris nefarium promiscuorum Balneorum mos obtinuisse videatur? Certè acrioribus poenis, quæ gravitatem æquè, ac frequentiam criminis docere possunt, reos perstringendos sancivit Conventus Trullanus Can. LXVI, cuius verba audire præstat: *Non oportet sacris initiatos, vel Clericos, vel Ascetas lavari cum mulieribus, nec omnem Christianum, aut Laicum: Hæc enim prima condemnatio apud Gentes: Si quis autem in hoc deprehensus fuerit, si sit quidem Clericus deponatur, si autem Laicus segegetur*. Primam autem apud gentes eam fuisse condemnationem dixerunt Trullani Patres, qui quantum in promiscuorum Balneorum abolendo more Ethnicis Principes adlaboraverint, non ignorabant: nobis itaque satis erit eo lapidis fragmento, quo Balnei virilis, & muliebris mentio superest, certum attulisse monumentum, quo lavacra pro sexibus separata Beneventi olim haberentur, ut exinde corruptissimos aliarum gentium mores, qui sequiori ætate adeo invaluerant, nunquam Beneventanos pervasisse affirmemus, qui tot Thermarum,*

quas

[a] De Offic. lib. 1. cap. 18.

[b] Cap. 19.

[c] Cic. Epist. l. 9. 15. Sveton. c. 76. n. 2.

[d] Cap. 23.

[e] In Alex. Sev. c. 24. Balnea mixta Romæ prohibuit, quod quidem jam ante prohibitum Heliogabalus fieri permiserat.



quas hæcenus recensuimus, numerum non solius voluptatis causa, sed quò expedita magis sua cuique sexui Balnea præsto essent, habuisse existimandi sunt.

Nunc de Regionibus, in quas vetus Beneventana Urbs distribuebatur, opportunè agendum monet principalis Lapis huic Dissertationi præfixus, in quo *Regio Via nova* dicitur *restaurata*; quo illud sanè intelligimus, immaniorem in ea regione hostium vim, furoremque fuisse, quibus omnino vastata, mox in pristinum ædificiorum splendorem fuit restituta: Quod itaque Regiones spectat, haud diu laborandum nobis erit, ut rem notissimam illustremus; nihil enim præclaris Urbibus usitatus, quod in parvis etiam oppidis fieri solet, ut ex pluribus distinguerentur Regionibus, quæ proprio nomine appellatæ propriis etiam Curatoribus, ac Vicomagistris gubernarentur. Tres initio Romæ fuisse constat a Romulo institutas, quibus quartam Servius adiecit, postremo ad quatuordecim, aucto cum Civium numero etiam Urbis spatio, divisit Augustus: Regionum, quas olim Beneventana Urbs complecteretur, numerum ignoramus, quem tamen pro ejus Urbis amplitudine haud exiguum fuisse conicimus: Duarum tantum nomina ex antiquis monumentis hæcenus prodire, quarum altera *Via nova*, ut modo diximus, appellatione gaudebat, altera autem *Esquilinam* vocatam discimus ex inscripto statuæ titulo, quam *Anicio Basso* REGIO ESQVILINA *recte factorum omnium memor locavit*. De Albana quoque Regione, quæ Beneventi ita appellaretur, non levis conjectura est ex alio insigni nostro lapide sepulchrali, quem M. Ennius Enniæ Jucundillæ filia elegantibus sanè versibus dedicavit (a): Ex quibus etiam animadvertisse subit Veterum Beneventanorum studium, qui ex Principe Urbe, cujus instituta, magnificentiam, cæteraque quæ possent omnia æmulari curabant, nomina etiam vel locorum, vel Regionum in suam Coloniam derivabant: Sed de hac re haud plura; nam quum de Operibus publicis heic differere propositum fuerit, ad eadem redibit sermo, quæ tandem ex Beneventano Amphitheatro satis dignam Coronidem sibi præstabunt.

Amphitheatris, si de perpetuo ædificio agatur, seram fuisse originem satis constat: Vetus tamen ludorum, venationumque mos, quibus celebrandis, edendisque temporaneum opus, & è ligno parari consuebat. Primum e lapide Amphitheatrum, Augusti suasu, Statilii Tauri opibus, & sumtu in Urbe extructum, mox exemplo, imo incitamento fuit, ut passim Urbes aliæ in extruendis Amphitheatris nulli secundæ videri vellent, imo ejus publici Operis magnificentia inter se quodammodo decertasse, ægreque ferre, si vincerentur, satis docet Placentini Amphitheatri conflantis fatum, cujus inter alias causas, illam etiam addit Tacitus (b): *Municipale vulgus prorum ad suspiciones, fraude illata ignis alimenta credidisse a quibusdam vicinis Coloniarum invidia emulatione, quo nulla in Italia moles tam capax esset*: Haud temere igitur affirmavit Lipsius (c) raram aliquam in Italia (nam de Græciæ, Africæ, Asiæ, Hispaniæ, Galliæ Provinciis nemo distaverit) sive Coloniam, sive Municipium fuisse, in quæ jamdiu receptæ ludorum voluptati perpetua dein sedes accesserit: itaut pleræque etiam nunc Italiæ Urbes inveniantur, in quibus Amphitheatrorum vestigia, quædam obscura, & fugientia longo ævo, quædam clarius stantia, & viva in parte conspiciere est, ac mirari: In eorum indice, quem texit Lipsius Beneventanum Amphitheatrum desideramus, neque enim id a Viro doctissimo expectandum erat, qui in eo indice non accuratè se egisse, paucorumque tantum memoriam subjecisse fatetur: Illud potius nobis permolestum, frustra in vetustis monumentis, aut Scriptoribus Beneventani Amphitheatri mentionem quæsisse: sed quod de præclarissimo opere Arcus Trajani accidit, qui nullius, ullo ævo, memoriæ celebratus, mole tamen ipse ejus aliquando præsentiam digito ostendere, oculisque comprobare possumus. Reliquias igitur ejus operis, quæ insigniores adhuc extant, æreâ tabulâ exprimendas curavi, ut ita saltem servari possent, neque aliarum partium extremum fatum subire, quæ non tam temporis injuriâ, quàm civium in ea Urbis Regione degentium operâ, vel in privatarum ædium usum mutatæ, vel solo æquatæ, ipsam fugientem saltem operis faciem inviderunt: mirum autem, quantum ruderum eo loci, quantum lapidum, præter immanes Columnarum Bases, earumdemque Columnarum fragmenta, atque ea omnia vix aliquid putaveris, si alia compares, quæ in privatarum ædium extructiones hæcenus absumpta, quæque pro maxima parte superjecta humo jacent conspulta: Hæc tamen ipsa ruta, & cæsa spirant etiam Beneventum vetus,

N n 2

tus,

[a] Hunc lapidem in nostro Thesauro habes, etiam a me suppletum Class. ix. n. 139.

[b] Hist. 2.

[c] De Amphith. extr. Rom. c. 1.

tus, & velut scintillas emittunt prisci splendoris: Ex parietinis autem istis, & ex lapideis fornicibus, quos superior Tabula tibi exhibet, vides jam, quæ Amphitheatri magnificentia fuerit, cujus superior pars lateritio, ut nunc apparet, opere, sed marmorea, ut planè indicat, superficie olim adstructa, sublimis exurgit, inferior verò integra e marmore substat, nam fornices ipsi, quorum summitas tantum e solo emergit, ex ingentibus lapidibus solidi, partem ipsam inferiorem, quæ humi nunc penè delitescit, marmoream totam manifestè demonstrent: Per hos marmoreos fornices ad consimiles alios interiores, qui æque marmorei succedunt, aditus etiam nunc patet, hique (ut in ærea tabula videre est, sed spectantibus rem ipsam oculis manifestius constat) longe ex utraque parte in ambitus formam excurrunt, ipsamque interiorem Amphitheatri partem, quæ aream seu arenam spectabat, in ovati circuli formam præferunt: Ad hæc, quantum cavearum eo loci sub ima terra in plures ramos effusarum inveniatur, quæ lapideis strætæ pavementis, ac latericiis fornicibus substructæ ad summam Dominorum commoditatem in vinaria receptacula verti solent: quibus etiam sit, ut præter insignes ædificii reliquias humo sese attollentes, hæc ipsæ subterraneæ substructiones in cavearum amphitheatralium formam extantes, ipsius Amphitheatri adhuc testes, atque manifesti indices habeantur: His enim caveis Amphitheatro opus erat, quæ partim ad Cloacarum usum adhibebantur, partim ad receptum, & custodiam ferarum, partim denique ad servandam aquarum copiam, quæ in arenam occultò, & subito emitti solebat ad Naumachias; Hinc ex hujusmodi cavearum numero quæ per omne Amphitheatri superius exurgentis spatium infernè subtruebantur, Amphitheatro ipsi *Caveæ* nomen sequiori ætate esse coepit, ut ex Tertulliano, aliisque discimus (a). Sed ecce Beneventani Amphitheatri reliquias, quas ex informioribus aliis selectas, hæc ærea tabula adamussim incidendas curavi.

Atque ex hac tabula luculentius sese prodit nostri Amphitheatri tum amplitudo, tum magnificentia, quam ut de utraque verba faciam: Illud porius mihi erit exequendum, quo scilicet tempore, quoque auctore hæc moles Beneventi extructa fuerit: Gladiatorios ludos veteribus Beneventanis familiares fuisse docet non modo ejus ævi mos, quo homines præcipuam voluptatis partem in ejusmodi spectaculis ponebant, verum etiam Taciti de ea re testimonium, qui (b) narrat, Neronem Beneventi confedisse, ubi gladiatorum munus a Vatinius celebre edebatur: At ne illud sibi Beneventani blandiantur, ut vel ex hac conjectura eorum Amphitheatrum, quod antiquitatem attinet, cum Romano certet, Italica alia vincat. Scimus enim omnes, Amphitheatra è lapide serò constructa, primumque omnium, ut diximus, Statilium Taurum celebrari, qui, Augusti suasa, suis vero opibus ac sumptu ejusmodi Amphitheatrum in Campo Martio ædificavit, cujus conflagratio, quæ sub Nerone accidit, Vespasiano novum in media Urbe magnificentius extruendi occasionem dedit, quod Titus postea dedicavit, hodieque Romæ semirutum licet, magnificentia suâ satis se commendat: Itaque ante id tempus nullibi Amphitheatra nisi temporaria, atque e ligno, ubi ludi, venationesque ederentur: *Venatorium quoddam theatrum e lignis structum Cæsari adtribuit Dio l. 43.*, ac post Augustum, cujus ævo Taurianum Amphitheatrum excitatum fuit, quod Caligula struere coeperat apud Septa, Claudius omitti voluit, Svetonio narrante in Calig. 21., & quod Nero ipse postea in eodem Campo Martio fecit, e ligno fuisse testatur id. Sveton. c. 12. *Munere* [inquit] *quod in Amphitheatro ligneo in Regione Martii Campi intra anni spatium fabricato dedit, neminem occidit.* Quod si Romæ in suo munere ligneum Amphitheatrum adhibuit Nero, haud aliud certè Beneventi esse potuit tum, cum eo præsentè gladiatorii ludi a Vatinius ederentur: Itaque ad Vespasiani, seu Titi ævum deducenda res erit; Postquam enim magnificentissimum illud opus Romæ excitatum fuit, mox ejus exemplo excitatæ quoque celebriores Italix Urbes, ut in celebrandis spectaculis, quorum jamdiu receptus usus tunc maximè fervebat, Amphitheatra è lapide sibi ædificarent: Perpetuam enim ita haberent ludorum sedem, quam prius multis impensis temporariè comparatam una dies cum ludorum sine absumebat; extructum autem opus æque civium voluptati, ac Urbis ornatui futurum viderent: Sed post dictum ævum quis Beneventanum Amphitheatrum condiderit, latet adhuc, nisi quod ex hisce literatis fragmentis, quæ inter ejusdem Amphitheatri rudera non multos ante annos reperta sunt, domique Canonici Riccii, in eodem Amphitheatro superstructæ affixa sunt, aliquid elucet, quod conjecturis quibudam locum dare videatur.

Lite.

[a] Contra Marc. t. 27. *Non frequentas voluptates* | *tis*: Alios dat Lipsius De Amphit. c. 2, quem vide. *Circiurentis, & Caveæ sævientis, & scenæ lascivientis.* [b] Annal. xv.



RELIQVIAE AMPHITHEATRI BENEVENTANI.

D. X. 1008. 18.

PARS SEPTENTRIONALIS.



Joan Bapt Natale delin.

Gauthier scul.

PARS OCCIDENTALIS.



Back of  
Foldout  
Not Imaged





Literata hæc fragmenta, [quæ præter locum, ubi simul reperta sunt, ob idem marmoris genus, simillimamque sculptoris manum, unius Inscriptionis reliquiæ, seu frustra manifestè dignoscuntur] nullimode ad privatum opus pertinuisse videntur; etenim illa S. C., quorum forma cæteras literas sequentis lineæ duplo excedit, malim pro *Senatus Consulto* explicanda, quàm ut dictionis in S desinentis, alteriusque in C incipientis conjecturam ullam faciant; quod enim majoris dignitatis nomen fuerit, cui major literarum forma deberetur, quàm quæ longe minores in exprimendis Augustorum nominibus fuerunt adhibita? Et quidem illud VGGG N, quod in sequente linea reliquum est, nemo profecto dubitaverit, quin *tres Augustos* ibi inscriptos ostendat, sequensque litera N *Nostros*, sequioris ætatis receptâ formulâ, appeller: Igitur si hæc fragmenta Amphitheatri fuisse titulum, suspicari liceat, *Senatus Consultum* pro Decurionum decreto de ædificando, aut instaurando Amphitheatro, intelligendum velim, *Augustorum* vero auctoritatem, munificentiamque accessisse, *Populum* tandem [quod altero fragmento legitur] Amphitheatrum demum *dedicasse*, hoc est, editis post extructionem, aut instauracionem ludis, ejus usum solenniter inchoasse: At quinam hi tres Augusti? Sanè, postquam Rom. Resp. duobus Antoninis æquo jure Imperium administrantibus parere coepit, plures exinde eodem tempore Augusti rerum summam aliquando obtinuisse leguntur, nam Pupienum, Balbinum, & Gordianum simul Augustos fuisse tradit Eutropius l. 9.; Septimium quoque Severum Bassianum, & Getæ filius cum Augustorum titulo, atque insignibus *Imperium participasse* refert Herodianus; In Diocletiano Imperio, si Constantium Constantini Patrem excipias, quot Augustorum monstra in Remp. simul eruperunt? quæ tandem, quum Constantino cessisset, mox tres ejus Augustos filios, inter quos Imperium obiens partitus fuit, dominantes accepit: De Theodosiano ævo clara denique res est, quam noster quoque lapis testatam facit:

DDD NNN THEO  
DOSII ARCADII  
ET HONORII

Atque ad hos quidem Augustos, quandoquidem huic lapidi fragmenta illa & locutione, & literarum formâ manifestè respondent, rem deducendam esse conjectabam; suadebatque haud omnino eodem ævo neglecta operum publicorum cura, quam Augusti, Constantinopoli licet degentes, Romæ, atque alibi in Italia gessisse probantur in l. 50. Cod. Theod. *De oper. publ.*; sed quum hæc verisimilia videri possint, ad posteriorem tamen Beneventani Amphitheatri instauracionem pertinebunt, nunquam vero ad primævam illius extructionem, de cujus tempore, atque auctore licet nihil certi hætenus compertum habeamus, tutò tamen originem ipsam tum Theodosiano, tum etiam Constantiniano ævo antiquiorem affirmare fas erit.

Hætenus Beneventano Amphitheatro dedimus, ut ejus memoria, quæ nedum ex veterum silentio, qui nihil de eo scriptis mandarunt, sed ex posterorum etiam negligentia, qui propè in cineres abire passi sunt, disperierat, ex ipsis suis rudieribus, quoad fieri potuit, illustrior revivisceret; at infeliciores omnino Beneventani Capitolii fors fuit, cujus quum nihil sit reliquum spectandum oculis, locum etiam, ubi fuerit, indicasse negatur: uni dumtaxat Svetonio debemus, ne perpetuam omnimodamque oblivionem subierit: Hæc itaque de Beneventano Capitolio Svetonius, cum de Orbilio Beneventano Grammatico agit (a): *Statua ejus Beneventi ostenditur in Capitolio ad sinistrum latus marmorea*: Atque ex luculenta hujus locupletis testis fide de Beneventano Capitolio egisse sufficiat, nam quum illud Beneventi fuisse nemo jure dubitare queat, de ejus quoque magnificentia pro ædificii conditione, Urbisque dignitate, quam cæteris publicis operibus adeo excelluisse probatum fuit, facili conjectura quisque poterit judicare.

Ad

[a] De Illustr. Gramm. cap. 9.

Ad Lapidem modo redeam, quem huic Dissertationi præfixum exhibui, fidemque liberare meam enitar, ut summi Viri in publicis Beneventanæ Urbis operibus reituen-dis præclarè meriti nomen, quod posterorum memoriæ tempus invidit, prioribus lineis detritis tandem restituam: non alium itaque, quam Narsetem eo lapide celebratum ajo; itaut eadem lineæ tam verè, quam facile suppleri possint ex Inscriptione Romana Pontis Salarii ab eodem Narsete restituti apud Grut. p. 161. n. 1.

NARSETI . VIRO , GLORIOSISSIMO . EX . PRAEPOSITO . SACRI  
PALATII . EX , CONS. ATQVE . PATRITIO .

Conjecturam hanc meam, aut potius de restituendo Narsete iudicium omnibus probatum iri confido, qui, quæ mihi præsto fuerint argumenta, seriò perpendant: Ac primùm ipsa locutionis, literarumque ruditas eum lapidem sequioris ævi factum nobis manifestum exhibet, Justinianæ ætatis faciem, ac Gruterianæ, quam indicavimus, Inscriptionis stilum referentem: Adest præterea in ipso lapide præclara ejuldem temporis nota, ob Urbis moenia, quæ tum condita memorantur, ipsamque totam prope civitatem vastatam per hostile incendium, quæ tum etiam condita dicitur: quæ quidem omnia nonnisi ad Gothicam incurfionem referenda sunt, qua præsertim Beneventanorum res furentis Totilæ inmauitate maximis calamitatibus obnoxix fuerunt; Is enim [ ut refert Procopius (a) ] amne Tiberino transmissio ad Campanos, & Samnites divertit, Beneventum inde munitissimum oppidum facile in potestatem redegit, ejusque muros ad solium mox diruit, ne forte exercitus aliquis ex Byzantio eo se conferens, ut e loco munito in Gothos impetu facto negotium his exhiberet: Quum igitur nulla ante id tempus ætas ( nam olim Beneventanorum res maximè floruisse constat ) tam miseram Beneventanæ Urbis, ut in lapide spectavimus, faciem habuerit, quam mox in veterem splendorem revocatam lapis ipse testatur, jam certum illud videri potest, soli Gothico furori vastationem, uni vero Narseti restitutionem esse tribuendam: Habemus enim in lapide moenium ruinam Procopii testimonio comprobata; cui id tantum retulisse sat fuit, ex quo tristitia alia in lapide commemorata evenisse nemo dubitaverit, dum, Urbe moenibus spoliata, hostes jam videat in eam ruere, hostes inquam, qui, quum Gothi essent, tum primum e patrio solo erumpentes, ipsius barbariæ nomine appellari queunt. Scimus autem eam Narsetis laudem fuisse, ut post ejectos, profligatosque nefandissimos hostes, in id etiam incubuisse, ut operum publicorum, in quæ illi sævissent, splendor restitueretur; quod ex laudata Pontis Salarii Inscriptione satis constat; nihil autem mirum, quod is præsertim erga Beneventanam Urbem munificentiam suam ea de re tam præclarè probaverit, nam quæ majores subierat calamitates, æquum fuit, ut ampliora etiam beneficia sentiret; quæ quidem ut Narsetis præstaret, aliæ quoque causæ fuerunt; fidissimam enim Romano Imperio Urbem, eamque in Italia Romani Imperii propugnaculum, Beneventum tum fuisse ex recitatis Procopii verbis satis colligitur, addamus etiam Narseti acceptissimam, quippe qui Beneventum non semel invisit, imo & ibi moram traxisse indicant vetusta Acta S. Arthelaidis ejus Neptis (b), quæ Constantinopoli Beneventum, ubi Narsetis morabatur, adveniens, eandem Urbem, reliquæ suæ vitæ sedem delegit.

Sunt demum in lapide alia, quæ soli Narseti convenient: quum enim vir ille, cujus nomen in eodem lapide desideratur, Justitia admirabilis, ac castitate conspicuus celebretur, virtutes hæ nonnisi Narsetem ipsum nobis repræsentant, qui quantum utrâque excelluerit, Procopii, Agathiæ, Evagrii testimoniis satis constat (c): Ad has etiam, quæ maxima ad Deum esset

[a] De Bell. Gothic. lib. II.

[b] Acta Sanctæ Arthelaidis habentur penes Bollandistas ad diem 3. Martii, sed breviora iis, quæ adhuc servantur in MSS. Codice caractere Longobardico exarato IX. sæculi ætatem præferente, cui titulus, *Acta Sanctiorum*, extante in Bibliotheca Beneventana: Græca primùm a cœvo auctore eadem acta fuisse scripta constat ex his, quæ in ejus fine habentur: *Ego Ylarius indignus Diaconus servus Christi non sum passus regi silentio quæ audiui, & vidi oculis meis de Beata Virgine, sed scripsi ea, & posui libellum scriptum græco famine super Altare S. Io. Baptiste in Civitate Thessalonica:*

Obiit autem Beata Arthellais in Civitate Beneventana tempore Narfi Patru sui XII. die Mensis Martii: Sanctæ Arthelaidis celebris Beneventi fuit olim memoria, dicatâ etiam in ejus honorem sacra æde ad Portam Rufinam, ubi ejus exuvix quiescebant: quâ tandem ex Terræmotu diruta, ac Lyptanis in eadem majorem translatis, Ecclesiastico tantum Officio ad prædictam diem ejus memoria ab universo Clero recolitur.

[c] De Narsete hæc primùm deprædicat Agathias I. I. Fuit nimirum Narsetis sui admodum compos, industriaque pollebat, ac fortis, & incidenti fortunæ æquare se percelleret, tamen non magnam haberet literarum per-



esset virtus, Pietatem præcipuè Narſes adjunxit, nam licet militaribus copiis, ſuique animi robore ſat eſſet inſtructus, adeo tamen [ ut Agathias inquit l. 2. ] *divino præſidio confidebat, ut in committendis præliis, aliisque belli rebus gerendis ad eas procederet longe ante præcognitas: precibus etiam, & aliis pietatis officiis Divinum Numen placare ſolitus, itaut Sanctam Virginem Dei Matrem ei apparuiſſe teſtetur Evagrius (a), planèque tempus præſcripſiſſe, quo bellum cum hoſtibus gereret, atque ut non prius ad bellum committendum ſe accingeret, quam celitus ſignum acciperet: Hinc factum, ut Gothicum bellum, quod ad decimum octavum annum exarſit, haud ſatis felici ſucceſſu per Belifarium antea adminiſtratum, biennio ſolo Narſes ipſe confecerit, Totilâ prius, mox Tejâ, in ejus locum Rege a Gothis ſuffecto, cæſis, Gothiſque ipliſ in Italia omnino deletis.*

Mirabimur certè virum Cælo charum, atque hominum bono verè natum, cui Italia debet, ne diutius barbarico jugo premeretur, ſuæque tandem libertati, dignitati, ſplendori reſtitueretur: at, quis credit? adeo valuit aliquando apud poſteros unius Scriptoris fides, ut ingentem viri gloriam, tot virtutibus partam, binæ faces, Avaritia, & Proditio non maculaviſſe ſolum, ſed etiam extinxiſſe crederentur; Quod primam igitur attinet, Paulus Diaconus ingentem auri argenteique vim in cisterna a Narſete reconditam reſert, viris omnibus, quorum opera ad id uſus fuerat, mox interfectis, uno tantum ſervato ſene, qui ne cui diceret, ſacramento obſtrictus, poſt Narſetis obitum Tiberio Auguſto rem manifeſtavit (b): Diaconi narrationem inter fabulas recenſendam ipſa Diaconi lectio, quam in ſubjectam notam retuli, manifeſtè oſtendit, quæ enim de cauſſa ſenem illum Narſes ſervaviſſet, qui rem aliorum morte omnino latere volebat, aut ſi Senex ille tum fuerit, putabimur poſt annos ferè triginta, quæ a Belli Gothici exitu ad Tiberium effluere, adhuc illum in vivis egiſſe? Quibus etiam addi

peritiam, aut eloquentiæ ſtudiſſet, ſed naturæ dextérité in his tam claris evaſerat, ut vel confirmare cum ratione ſat poſſet, quæ in conſultationem veniſſent, etſi apud Principes fuiſſet per delicias enutritus: erat autem ſtatura iſ corporis brevis, exiliſque, ſed alioquin eam fuerat ſtrenuitatem, & in rebus gerendis magnitudinem animi jam conſecutus, ut credi vix poſſet: Cæterum (ita Procopius Bel. Goth. l. 3.) in largiendo profuſior erat, ad beneficiaque in indigentes conferenda promptiſſimus, & ad ea intrepidè exequenda, in quæ ante hoc ſorte animum intenderat, mira ſtudio utebatur: quæ ex innata liberalitate plerique Principum beneficio hujus erga ſe uſi fuerant: unde adverſus Totilam, Gothoſque Narſes ubi Imperator eſt declaratus, libenter omnes ſub hoc militare jam velle, idque enixè ſatagere. Paulus demum Diaconus in hiſtoria Eutropii, quæ Miſcella vocatur edit. Romæ 1471. hoc Narſeti textit elegium: Hic Narſis quidem primum Chartularius fuit, deinde propter virtutem merito Patriatus honorem meruit: erat autem vir piſſimus in Religione Catholica, in pauperes munificus, in reparandis Baſilicis ſtudioſus ſatis, vigiliis, & orationibus intantum ſtuduens, ut plus ſupplicationibus ad Deum perſuſi, quàm armis bellicis viſtoriam obtineret.

[a] L. 4. cap. 23.

[b] Binas habeo Pauli Diaconi editiones ejus operis, cui Hiſtoriæ Miſcellæ eſt titulus, quam ejus genuinum ſortem eſſe teſtatur Leo Oſtienſ. in Chr. l. i. c. 15., unam Romanam antiquiſſimam an. 1471. ubi poſt cap. 8. libri x. hæc notatur: Hucusque hiſtoriam Eutropius compoſuit, cui tamen aliqua Paulus Diaconus addidit jubente Domina Adilberga Chriſtianiſſima Beneventi Duſſice conjuge Domini Arechi (Arechi) ſapientiſſimi Principis, & idæ quæ ſequuntur idem Paulus ex diverſis auſtoribus proprio ſtylo connexuit: Alteram Baſilæ an. 1569. In poſteriori hac, quæ integrior, ac correctior eſt, lib. xvii. quem a Tiberii effuſa in pauperes liberalitate orditur, rem ita narrat Diaconus: Narſis

quoque Patricius Italiæ cum multis Theſauris ab Italia ad ſupramemoratam Urbem advenit, & ibi in domo ſua occulte Ciſternam fodit magnam, in qua multa millia centenariorum auri, argenteique depoſuit: Interfectis autem omnibus conſciis uno tantummodo ſeni hæc pro jramento ab eo exigens commendavit. Deſuncto quoque Narſete ſupradictus ſenex ad Tiberium Caſarem veniens . . . . Theſaurum [ inquit ] Narſetis reconditum habeo, quem in extremo viæ poſitus celare non poſſum: Tunc Tiberius gaviſus mittit uſque ad locum pueros ſuos, præcedente vero ſene, bi ſequuntur ætoniti, perveniſſeſque ad ciſternam, deopertam ingrediuntur, in qua tantum auri, argenteique repertum eſt, ut per multos dies vix a deportantibus poſſet evacuari: quæ ille pene omnia ſecundum ſuum morem erogatione largiſſua diſpenſavit egenis: Romana editio a Baſileenſi initio ſic diſcrepat: Narſes quoque Patricius Italiæ cum in quadam civitate intra Italiam domum magnam haberet, ad ſupramemoratam Urbem advenit, ibique in domum ſuam occultè ciſternam magnam fodit &c.: Sed cum utrobique narratio ipſa fabuloſa ſit, nemo tamen non videt verifiſſimiorẽ eſſe Baſileenſem lectionem; unde importunè ſatis doctus P. Manſi Pagium repræhendit (in Ann. Baron. edit. Lucen. tom. x. pag. 278.) quod iſ falſi arguat Diaconum, quaſi ſcripſerit, Narſetem Conſtantiſpoli ciſternam effodiſſe: nam præterquamquod Baſileenſis editio Pagio favet, ſi alias lectiones, quas P. Manſi aſſert, attendamus, commenta commentis addemus; quæ enim iſta fuerit Italiæ Urbs, in qua Narſes domum magnam haberet? aut quomodo Tiberius ad effodiendum Theſaurum in eam Italiæ Urbem ſuos miſiſſet, qui, ut in utraque editione habetur, nullum iter dicuntur aggreſſi, ſed vicinũ plane Ciſternæ locus, atque in ipſa Urbe Conſtantiſpoli indicatus videtur. At Diaconus, inquit, Narſetem in Italia deſunctum diſſertè alibi narrat; ac proinde in alterutra re falſus eſſe debet: Ita quidem; ac, quod nunc attinet, Theſauri narratiõnem pro commento habere jam licebit.

addi potest ipsiusmet Pauli testimonium in superiore nota pro Narsete recitatum, quem is *virum piissimum, in pauperes munificum, in reparandis Basilicis studiosum satis depradicat*: Audi etiam Evagrium [l. 4. c. 29.]: *Erat porro tam largus in pecunia eroganda, ut multa sancta, & magnifica Tempia in multis locis extrueret, aliæque sacra ædificia, quibus tum viri, tum mulieres, & atate tenera, & exacta, tum qui variis morbis vexabantur sedulo accurarentur, edificaret, magnamque seorsum colligeret a suis pecuniarum vim, unde ista perficerentur, alia denique infinita exequeretur opera*: En igitur Cisternam illam humano sanguine obignatam, in qua Thesauros suos Narfes condiderit, seu potius vides Narsetis opes, in cælestes Thesauros Pauperum manibus, aliisque pietatis operibus deportatas.

De Proditione autem, qua Longobardicæ irruptionis auctor Narfes insimulari solet, idem Diaconus testis habetur: Quum enim Narfes ab Romanis apud Iustinum in crimen adductus, Imperatricis Sophiæ contumeliosis literis ad lanarum pensã, ut Eunuchum decebat, redire iussus esset, talem se illi telam ordiri respondit, quam nec ipsa, neque vir ejus unquam retexerent, atque ita Longobardos missis nunciis, qui etiam multimoda pomorum genera, aliarumque rerum species, quarum Italia ferax est simul ferrent, ad eam invadendam excivit; inde Romam regressus ibidem non post multum tempus ex hac luce subtractus est; *cujus corpus positum in Locello plumbeo cum omnibus ejus divitiis Constantinopolim est perlatum* (a). Summi hujus criminis invidiam prior a Narsete amoliri studuit doctissimus Baronius (b), contra quem tamen Pagius pro sua sibi contradicendi libidine stetit (c): Baronii momenta hæc sunt; quod omnium Græcorum, qui res ejus ævi gestas scriptis mandarunt, adsit silentium, imo Chorippi (d) ejusdem Narsetis Constantinopoli adhuc sub Iustino vivi mentionem laudesque exequentis, auctoritas patræ antea proditionis scelus omnino falsum ostendit; ad hæc, Diaconus ipse Narsetis Romæ mortui cadaver Constantinopolim perlatum asserens, alibi vero vivum Constantinopolim reducem faciens, ubi Thesauros in cisterna recondendos curavit, alterutrâ re ipse falsus, utraq; tamen criminis falsitatem detegere videtur; sive enim vivus, sive mortuus Constantinopolim redierit Narfes, quis sibi persuaserit aut viventis præsentia, aut mortui cineribus post immane facinus honores delatos? Pagius verò Græcorum silentium nihil moratur, sed Latinorum, apud quos res gesta, sequendam fidem ratus, quasi Italia nihil ad Græcum Imperium pertineret, cujus legibus, ducibus, armis jam tum regebatur, Diaconi narrationem ab Anastasio, Fredegario, Sigeberto, Mariano Scotto, Hermanno Contracto, aliisque Scriptoribus latinis comprobata, veram affirmat: De Narsete, qui Iustini tempore florebat, ac Chorippi carminibus celebratus fuit, alium fuisse pronunciat a nostro Narsete, cujus ductu Gothicæ in Italia res fuerunt eversæ: ac Pagio quidem prævit Petavius (e), qui plures per ea tempora Narsetes in Constantinopolitana Aula floruisse ex Procopio, Theophane, & S. Gregorii PP. epistolis probat, quorum postremus ab Imperatore Phoca ob proditionis crimen an. 605. vivus fuit concrematus: Hanc sanè de pluribus Narsetibus sententiam haud ego invitus amplector, ac Chorippi Narsetem a nostro diversum non abnuerim: at nullo pacto latinorum scriptorum, sive potius unius Diaconi fidem de Narsetis nostri proditione admitterim; unum itaque Diaconum refellendum mihi video, nam posteriorum Scriptorum non me movet auctoritas, qui ab uno Diacono: rem oscitanter, uti fit, exceperunt.

Ac primum, testis rei gestæ is est, qui eandem duobus, & amplius sæculis suo ævo anteriorem, non ex veterum scriptis, aliisque indubiæ fidei monumentis, sed potius levi fama ductus, verbis illis, fertur, & dicitur, narrandam suscepit: mitto ejus antilogiam a Baronio animadversam de Narsetis obitu, quem Romæ prius, dein Constantinopoli desertum asserit: Notabimus potius ipsius Pauli silentium, qui quum omnia, quæ in de Rebus Longobar-

[a] Paul. Diac. de Gest. Longob. l. 2. c. v. & xi.

[b] Ad ann. 567. n. v. & 568. n. ix. ad xv.

[c] Ad an. 567. n. iv. & seqq.

[d] De Laud. Iustini l. 3. & 4.

[e] In Rationar. Temp. Part. 1. lib. vii. cap. x. edit. Colon. 1720. Sed mirum illud quidem, nihil de Narsetis proditione in Miscellam suam Diaconum retulisse, qui in eodem opere, non secus ac de Gestis Longobardorum præstiterat, omnia quæ ad Narsetis laudem pertinent iisdem verbis iteravit, quin etiam de Longobardorum irruptione mire sibi constans, quum eo priore opere de Pannonia egressos narret *Menſe Aprilis per Indictionem*

primam alio die post Pascha, cujus festivitas eo anno juxta calculi rationem, ipsis Kal. Aprilibus fuit, cum jam a Domini Incarnatione anni quingenti sexaginta octo essent evoluti; in Miscella quoque totidem ferè verbis eandem rem narrat, nam Iustini, inquit, Imperii an. xi. qui est annus divine Incarnationis dLXVII. Indictione prima in ipsis Kal. April. egressi sunt Longobardi de Pannonia, & secunda Indictione cæpere prædixi in Italia: De eisdem vero Longobardis ad Italiam invadendam invitatis nullum omnino verbum invenire est in dicta Miscella editionis Basilensis.



gobardorum de ea re conscripserat, in Miscellam postea contulerit, a Narsetis tamen recensenda prodicione omnino abstinuit, quam propterea ipsemet, re melius animadversa, commenti loco habuisse censendus est: & sane manifesta facie in narratione ipsa commentum se prodit, dum Narfes Legatos ad Longobardorum gentem direxisse dicitur, mandans ut paupertina Pannoniæ rura deferrent, & ad Italiam cunctis resertam divitiis possidendam venirent; simulque multinoda pomorum genera, aliarumque rerum species, quarum Italia ferax est, mittit, quatenus ad veniendum eorum animos posset illicere. Quid enim? Non his opus erat, ut felicissimas Italiæ regiones Longobardi tum primum argumentari possent, qui diuturno antea tempore in Italia morati ejus felicitatem jam noverant: Rem ex ipsiusmet Diaconi verbis probare juvat: Igitur cum circumquaque frequentes Longobardorum victoriæ personarent, Narfis Chartularius Imperialis, qui tum præerat Italiæ, bellum adversus Totilam Gothorum Regem præparans, cum jampridem Longobardos federatos haberet, Legatos ad Alboin dirigit, quatenus ei pugnatum cum Gothis, auxilium ministraret. Tunc Alboin electam e suis manum direxit, qui Romanis adversus Gothos suffragium ferrent, qui per Maris Adriatici sinum in Italiam transvecti, sociatique Romanis pugnam inierunt cum Gothis; quibus usque ad internecionem deletis pariter cum Totila suo Rege, honorati multis muneribus victores ad propria remearunt: Hactenus Paulus in de Gest. Long. l. 2. c. 1. qui iisdem verbis rem ipsam narrat in Miscell. l. xvi. p. 478. Interest autem Diaconi locum recitasse, in quo uno, præter ea, quæ superius dicta sunt, perspicuam sanè, sed nondum aliis observatam, commenti causam reperio, quâ facile vulgo deinceps fuerit, Narseti Proditionis crimen affingere.

Primum igitur constat, priore hoc in Italiam Longobardorum adventu, nedum cognitam Longobardis Italiam, sed longâ morâ Regionis felicitatem expertos, omnibus ejus bonis, ut socios belli decebat, qui pro Rep. strenuè dimicarent, ad delicias usque frui permisos; quæ etiam beatiora secum recordabantur tum, quum ad Pannoniæ sedes regressis patrii soli infelicitas horridior, quam olim, apparere cœpisset; Hinc nullimode Narsetis famis, & speciebus, nullo etiam Narsetis suasu, aut legatione opus fuit, ut ipsi in Italiam redirent, quos patrii soli omnium asperissimi pertæsos, felix, quam nuper incoluerant, ac dulcis Italia ipsa revocabat. Fateor quidem posterioris hujus adventus, seu irruptionis causam priori adventui tribuendam, neque omnino Narsetis consilium probaverim, qui ad delendos in Italia Gothos, alios æquè barbaros sibi socios adjunxerit: Sui enim consilii ipsummet Narsetem poenituissè animadverto, qui post Gothicam victoriam, ut Procopius inquit (a), Longobardorum in primis nefanda facinorosa in expeditionem sequentium vindicare primum, & expiare curavit; Illi nanque ad ceteram vitam, factorumque impietatem, & scelus vel adificia ipsa, in quæ forte diverterent, injussu cremabant, suprumque feminis, & vim inferebant sacras in ades refugientibus: unde magna pecunia hos primum donatos ad proprios redire penates permisit, Valeriano, Damianoque suis cum copiis ducibus traditis, qui eos tandiù deducerent, quod in Romanorum confinia pervenissent: Quum igitur prioris hujus Longobardorum in Italiam adventus Narfes auctor fuerit, ex eoque, si victoriam Gothicam excipias collatis illorum viribus comparatam, haud fortasse minores, quàm Gothi intulissent, calamitates etiam tum perpessa fuerit Italia, majorum etiam præsagia, quæ ex posteriore irruptione proprio consilio in notas regiones factâ paullo post accepit, nihil tam facile posteris, ut, qui Longobardos a Narsete in Italiam aliquando perductos scirent, posterioris illorum adventus, qui sequutarum calamitatum mole celebrior fuit, eundem Narsetem auctorem putarent, cui prior dumtaxat erat tribuendus; atque ita factum fuit, ut Narfes, qui haud optimo, at verò necessario consilio Longobardos in Italiam defendendam, atque a Gothis expurgandam olim exciverat, indistinctâ rerum gestarum serie, ad eandem invadendam invitasse creditus sit.

Atque his, dum nostro lapidi Narsetem restituimus, restituendum quoque Narseti decus, vindicandamque ab immanis criminis invidia ejus memoriam curavimus, ut qui Beneventanis propriam Urbem, Gothico furore vastatam, in pristinum splendorem restituit, eisdem etiam nunc beneficii memores, ejusque tuendæ famæ studiosos haberet.

[a] De Bell. Goth. l. 3. prope fin.

## DISSERTATIO XI.

De Monumentis Veterum Christianorum  
Beneventi extantibus.

† HIC REQUIESCIT MAMER-  
CIVS MARCELLINVS VI<sup>S</sup> CVRA  
TOR QVI<sup>S</sup> VIXIT<sup>S</sup> ANN<sup>S</sup> PM XXX  
DEPOSITVS SD<sup>S</sup> J<sup>III</sup> NONAS NOVEMBR<sup>S</sup>  
FLAVIIS S<sup>V</sup>MMACHO ET BOETIO VV  
CONSS



D Res Christianorum me tandem recipio funestas licet, sed quæ nihil triste de fidelibus dormientibus, monente Apostolo, afferunt, immo verò longo itinere jam defessum ea voluptate me afficiunt, ut alacrius, quàm unquam postremam hanc Operis partem percurram, cui ingens ex Ecclesiastica Antiquitate inest pretium, maximumque ex sacra eruditione accedit emolumentum. Lapidem itaque Christianorum veterum huic Dissertationi veluti titulum inscripsi, qui titulus & ipse fuit illustris Viri sepulcro inscriptus; Prodiit is ante sex annos ex ima terra refoffus, dum ampliandis Domini Principis Morræ

Ædibus fundamenta jacerentur: Tripalmaris quòquo versus e candidissimo pario marmore Tabula erat, quæ lateritio sepulcro operculum præbebat, ubi & humana ossa inventa sunt: Pavimenti vestigia eidem subjacenti sepulcro ita adhærebant, ut nihil altioris operis in eo fuisse indicaretur, sed pavimento affixa tabula omninò æquaretur. Rem oculis spectanti suspicari mihi subiit, Sacram ibi olim fuisse veterum Christianorum ædem; quod & ingentes ruderum, qui undique ex ea loci parte egerebantur, acervi commonebant: Tum ejusdem sepulcri inscriptionem dictæ Tabulæ inscriptam seriò animadvertens, ac diligenter describens, dignam censui, quæ peculiari commentario illustraretur, atque sui forma, situ, locique conditione, de vetusto Ecclesiæ more, quo defuncti fideles apud ædes sacras tumularentur, differendi occasionem pro re nata suppeditaret: quod, post sepulcralem titulum prius explicatum, mox sequenti capite mihi erit exequendum.

## CAPUT PRIMUM.

*Mamercii Marcellini vi<sup>s</sup> Curatoris Sepulcralis  
Titulus explicatur.*

D E Mamercii Marcellini munere, quod lineâ secundâ sic legitur VI<sup>S</sup>. CURATOR, omnia, quæ mihi præsto erat, jamdiù heic in *Dissert. de Ver. Magistrat. Benev. p. 147.*, ubi loci, & materiæ opportunitas tum postulabat, fuere observata; nihil igitur de ea re, quam longa exercitatione semel explicuisse satis est, sed reliqua dumtaxat illustranda suscipiens, a Crucis signo, quæ felix, faustumque lapidi principium præbet, exordium etiam sermoni meo faciam.

Nihil



Nihil antiquius ab Ecclesiæ primordiis Christianis fuit, quam religiosam erga Crucis signum venerationem exhibere, quippe quæ præcipuum fuerit instrumentum, ex quo Dei Homini morte consecrato, vita, atque salus in humanum genus promanavit: Hoc itaque quum probe scirent, spectarentque Christiani, nequicquam eos ab colenda Cruce retrahebat vel ejus infamia, quæ vulgo omnium mentibus plane infidebat (a), vel Ethnicorum calumniæ deterrebat (b): Augebat autem, ac plane eorum religionem confirmabat non semel probata salutaris signi virtus, qua non modo præsentem sibi tutelam assidue comparari, verum etiam hostium conatus, falsæque Religionis mytheria everti conspicerent (c).

Hinc non ille fuit, non solum in sacris ædibus, aut cryptis, & coemeteriis, quò Persecutionum tempore, Christiani Religionis ergo conveniebant, Crucis effigies imprimis extollere, aut parietibus pingere, aut saxis insculpere, ut maximum propriæ religionis mysterium meritò veneratione prosequerentur, verum etiam privatis suis ædibus, personisque servandum, imponendumque curabant: *Impositas suis frontibus Cruces Christianos gestasse* locuples testis est Lactantius, cujus verba inferius recitavimus, huncque morem, quum demum nullum esset Christianæ Religionis discrimen, amplius inolevisse colligitur ex S. Augustino, qui inter Catechumenorum insignia Crucem recenset, quam illi fronte portarent: *Si dixerit (inquit (d)) Catechumeno: Credis in Christum? Respondet: Credo, & signat se Cruce Christi: portat in fronte, nec erubescit de Cruce Domini sui.* Cur verò erubesceret, quando jam [ut idem Augustinus vulgo audiebat:] *Cruce ipsa de locis suppliciorum transit ad frontes Imperatorum;* quum scilicet in eorum coronis affurgens, splendidiore, glorioresque coronas ipsas efficeret: unde etiam intelligimus, Christianos quoscunque, qui suis frontibus de more imponent, non fronte ipsa depictam, aut stigmate impressam Crucem prætulisse, sed interiore pilei, aut galeri parte quæ fronti insideret, effectam, assutamve gestasse.

Partâ itaque Ecclesiæ pace, sanctissimo quidem ipsius Crucis Imperatori Constantino, non naturæ vi, ut Heterodoxorum aliqui contendunt (e), sed prodigiosè apparentis auspicio, O o 2 quan-

[a] Omnium acerbissimum, ac proboissimum supplicium Crucem fuisse jam constat; *Summum supplicium* *κατ' ἐξῆς* appellatur a I. C. Paulo lib. v. sentent. & ab aliis passim. Hinc Crux ipsa *Infelix Arbor, Infamis stipes* vulgo audiebat; liberâ Reg. Iouis servis servatum ejusmodi supplicium præclare docet (ut alios mittam) Ciceronis locus, dum C. Rabirium Perduellionis reum defendens, postquam majorem, ac sua, quum Consul esset, operâ, Carnificem de foro, Crucem de campo sublatam, omniaque in libero populo Crudelitatis Regiæ vestigia deleta affirmasset, mox T. Labienum Trib. Pleb. (qui Rabirio diem dixerat) ira infectatur: *Hæc vero sunt, quæ te hominem clementem, popularemque delectant: LICTOR COLLIGA MANUS: Quæ non modo hujus libertatis, mansuetudinisque non sunt, sed ne Romuli quidem, aut Nume, sed Tarquinii superbissimi, atque crudelissimi ista sunt cruciatus carmina, quæ tu homo levis, ac popularis libentissime commemoras: CAPUT OBNUBITO. ARBORI INELICI SUSPENDITO: Quam eandem formulam, sive Horrendum carmen ab Hostilio Rege iisdem conceptis verbis in Horatium fororis interfectorem, proclamatum refert Livius l. 1. sed legendus idem Cicero Verr. v. c. 64. ubi Verri exprobat, quod P. Gavius, qui se civem Romanum esse clamabat, Cruci affigendum iussisset in Messanæ portu e conspectu Italiæ, quæ Alumnum suum servituti extremo, summoque supplicio affixum videret: Meminit hujus Ciceroniani loci Lactantius, qui lib. iv. c. 18. post narratam Christi Cruci affixi mortem, quid ergo heic [inquit] in tanto facinore deplem? Aut quibus rebus tantum nefas conqueri? Non enim Gavianam Crucem describimus, quem M. Tullius universæ eloquentiæ sue nervus, ac viribus, velut effusus totius ingenii fontibus prosequutus est, facinus indignum esse proclamans, civem Romanum contra omnes leges in Crucem esse subla-*

tum. Atque hæc haud Lipsio observata in De Cruce l. i. c. 17. ubi alia de servili hoc supplicio, quo liberos etiam homines aliquando affectos docet cap. seq.

[b] Accusabant Ethnici Christianos passim de Crucis divino cultu, quasi ipsas Cruces peculiares sibi Deos adoptassent. Sed ignorabant profecto Ethnici, quo quidem modo, quasque ratione Cruces adorarentur, quorum cultus non in ipsum lignum, sed in Christum, qui eidem affixus fuit, referebatur; Horum igitur calumnias jamdiu propulsarunt Justinus, Tertullianus, Minucius Felix. Videbis de hac re Cl. Mamachium Orig. Christ. lib. i. cap. 3. §. 8.

[c] Præclare hoc argumentum prosequitur Lactantius l. iv. c. 27. cujus hæc inter alia sunt: *Quanto terrori sit Dæmonibus hoc signum sciet, qui viderit . . . cujus rei non difficilis est probatio; nam quum Diis suis immolant, si assidet aliquis signatam frontem gerens, sacra nullo modo litant: nec responsa potest consiliis reddere vates: & hæc sepe causa præcipua iustitiam persequendi malis regibus fuit; quum enim quidam n. i. n. i. s. r. o. r. u. m. n. o. s. t. r. o. r. u. m. s. a. c. r. i. f. i. c. a. n. t. i. b. u. s. Diis assiderent, imposito frontibus signo Deos illos fugaverunt, ne possent in visceribus bestiarum futura depingere . . . sed quoniam neque accedere ad eos possunt, in quibus calescem notam viderint, nec iis nocere, quos signum immortale munierit tanquam inexpugnabilis murus, laceffunt eos per homines, & manibus persequuntur alienis . . . necesse est enim veram esse hanc Religionem, quæ & rationem Dæmonum novit, & astutiam intelligit, & vim retundit, & eos spiritalibus armis domitos, ac subactos, cedere sibi cogit.*

[d] Traët. xi. in Evangl. Johann.

[e] Io. Alb. Fabric. tom. v. i. Bibl. Græc. lib. v. c. 3. Kettnerus Dissert. de reliquiis miraculorum &c. p. 227. Miscell. Lips. tom. v. i. i. sed Pharisaica perfidiæ genus est,

quantus eidem Signo, ejusdem Augusti operâ, honos accesserit, planè constat; nam sublati ab suo Exercitu superstitiosis signis, quæ *Legionum numina*, *Bellorumque Deos* appellavit Tacitus (a), præcipuum castrorum signum Cruce ipsa constitutum voluit, quam & militum galeis supernè imponi jussit: præterea hoc supplicii genus ex Orbe Romano sustulit, nolens salutare Signum subservire ad perniciem, & colendum illud, atque eximium poenis vilescere damnatorum (b). Hinc illud eruditioribus Juris Interpretibus (c) jamdiu observatum, nullibi in Libris Legum Crucis supplicium memorari, non quod, dum leges illæ conderentur, illud in usu non fuisset, sed quum in unum corpus a Triboniano digererentur, non modo desueverat, sed planè Constantini lege, imo ipsius Christianæ Religionis suadente reverentia nefas haberetur, itaut, etiamnum leges eadem, quæ olim, pro *Crucis* tamen vocabulo, ubi occurreret, *Furca* nomen a Triboniano usurpatum fuerit, substitutumque supplicium.

Atque ex hac ubique recepta, ferventiùsque adhibita Crucis veneratione (quod aliis non satis observatum invenio) illud posteriore ævo passim obtinuit, ut ubicumque libuisset, Crucem ipsam Christianifideles aut sculperent, aut extollerent, quasi, uti nullum sine Genio locum olim Ethnici superstitiosè putabant, hanc saniore ipsi consilio tutelam locis quibuslibet substituere satagerent, quod cum pie admodum, religioleque gestum videretur, ipsa tamen [ut asselet] immoderata veneratio, Crucis honori quodammodo detrahebat, cujus dignitati ex quorundam locorum, ubi apposita esset, conditione, non satis confulebatur: Hinc in Trullana Synodo sanctio illa constituta legitur cap. 73. *Crucis figuras, quæ a nonnullis in solo, ac pavimento sunt, omnino deleri jubemus, ne incedentium concalcatione, victoria nobis trophæum injuria afficiatur: Eos igitur, qui deinceps Crucis signum in solo construunt, segregari mandamus: quod etiam jamdiu ab Imp. Theodosio vetitum, cujus lex illa adhuc legitur (d), ut nemini liceret signum Salvatoris Christi vel in solo, vel in silice, vel in marmoribus humi positis insculpere, vel pingere, insculptum autem, pictumve tolleretur. Leonis etiam Imperatoris adeit constitutio (e), qua vetatur, in ædes publicas, vel in quæcumque loca populi voluptatibus fabricata venerabilem Crucem inferri: Exemplo etiam suo Imp. Tiberius confirmavit, qui cum Crucem pavimento insculptam tolli jussisset, ingens consilii sui, quo illius honori prospectum voluit, præmium retulisse traditur (f).*

Sed

est, cujus, quum illud consuetum manifesta signa alia inficiari, hæc etiam (ut ajebat Beta) promptum est calumniari, & dicere ex occultis, & variis aeris passionibus accidisse.

[a] Annal. II. ubi Lips. n. 47.

[b] De his selecta omnia late congeffit Lipsius in De Cruce l. 3. c. 14. 15. & 16.

[c] In l. 38. §. 2. D. De Poenis hæc modo leguntur: *Auctores seditionis, & tumultus populo concitato pro qualitate dignitatis, aut in Furcam tolluntur, aut bestis obijciuntur, aut in Insulam deportantur. Quæ quidem ex lib. v. sententiarum Iulii Pauli desumpta sunt, ubi tit. 22. De seditionis adhuc legitur, in Crucem tolluntur: quam quidem Crucem in Furcam commutavit Iustinianus, five Tribonianus, qui sola ejus vocabuli commutatione contentus, nihil de verbo tolluntur sollicitus fuit, quod ut Cruci olim, non ita recte Furcæ deinde conveniebat. Sic in l. 28. §. 15. ubi ex Callistrato hæc leguntur: *Famosos Latrones in his locis, ubi grassati sunt Furca figendos compluribus placuit: jam ex Iuriconsulti manu Crux non Furca illic erat, cui postea figendi verbum remansit appositum, quod Crucis proprium, inepte omnino Furcæ adhæsit, ad quam appendi, adstringive damnati dumtaxat: Isidor. l. 7. c. ult. Furca dicta, quasi ferens caput. Patibulum vulgo Furca appellatur: Sed patibuli minor pena, quam Crucis, nam patibulum appensus statim exanimat, Crux autem suffixos diu cruciat: Vide Brisson. de V.S. v. Crux. Antonium Contium Lestion. subseciv. l. 1. c. 13. Cujacium observ. l. 16. c. 1.**

[d] In Codic. Justin. Leg. r. tit. vii. r. Dat. xii. Kal. Jun. Hierio, & Ardaburio Cof. i. e. an. 427.

[e] In leg. 26. Cof. Justin. De Episc. & Cleric. in qua tamen ferenda non omnis, sed qualicumque Crucis honos in causa fuit. Etenim mos illo ævo fuit, quem discimus ex lege Theodosii Imp. 25 Cod. Theod. de Pagan. Sacrific. Paganorum fana, Tempia, Delubra conlocatione venerandæ Christianæ Religionis signi expiari; Si igitur in ædes publicas, vel in loca populi voluptatibus fabricata Crux inferretur, ea quodammodo consecrari, ac fieri religiosa videbantur, itaut non ibi deinceps spectacula, aut profanum aliquid exerceri fas esset: Id autem respexit Leo, dum addidit, *religiosas ædes non deesse, ubi Crux possit collocari, neque occupari ea loca opus esse, quæ vel ad publicas causas, vel ad populi oblectamenta constructa essent.* Quod si non id Leo intellexerit, mansissentque adhuc loca illa post Crucis collocationem profanis rebus, ut olim parata, jam illarum conspectu præsentis Crucis honori detractum noluisse videtur: Non enim, nisi alterutrum stare posse, illustrè Ethnici Imperatoris exemplum monebat apud Lamprium in Alexandro, qui, quum Christiani quendam locum, qui publicus fuerat, usurpassent, contra Popinarii dicerent sibi eum deberi, rescriptis: *melius esse, ut quomodocumque illic Deus coleretur, quam popinarii dederetur.*

[f] De Imp. Tiberio II. hæc tradit Paulus Diaconus Hist. Miscell. l. 17. *Quadam die deambulans per palatium vidit in pavimento domus tabulam marmoream, in qua erat Crux Domini sculpta, & ait: Cruce Domini nostri*



Sed veteribus Christianis, ne contra ejusmodi leges commississe viderentur, facile concedendum erit, quandoquidem fas sibi ducebant titulis sepulcralibus, quibus eorum corpora humi condita tegebantur, Crucem insculpere; nihil enim eo signo manifestius, quo se se in Christianæ Religionis professione, societateque defunctos declararent; quamque illius virtute animæ comparandam sperarent, corpori etiam quietem tutelamque quodammodo constitutam recte arbitrarentur (a): Hinc præter Christi monogramma, aliaque quamplura symbola ex Divinis Libris in pium Veterum Christianorum usum derivata, quibus suos tumulos ornarent, ac veluti consecrarent, præcipuum omnium Crucis signum usurpabant, ut in nostro lapide aspiciamus, cujus initio Crux adest insculpta, quod etiam in alio apud Cl. Lupum (b) iidem penes conceptis verbis inscripto, itemque apud Cl. Oliverium (c) in sepulcrali latina Inscriptioe literis græcis exarata, ubi bini utriusque Angeli frondeam coronam manibus sustinent, in cujus medio Crucis signum effulget, atque in aliis innumeris Veterum Christianorum monumentis apud Aringhium, & Boldettum (d) passim spectare licet, quæ utpote in re trita, ac satis obvia, huc referre, ac commemorare non est opus.

Ex quo quidem signo certa mihi, atque constans insedit sententia, ubi sepulcrali cui-piam titulo, suæ suæ formæ, indubiæ effigie insculptum occurreret (e), promptum esse, atque omnino tutum videri, ut idem titulus ad Christianos pertinere judicaretur. Est enim ejusmodi signum alicubi ab ipsis Ethnicis usurpatum sciamus (f), ita ut etiam a Volusio Mæciano pro nota dimidia sexule hoc signum representatum inveniatur (g) atque ex literis T & I, vel I & T eum nexum efficere veteres consueverant, ut conspicua nota etiam in sepulcralibus titulis Ethnicorum etiamnum insculpta cernatur, teste Pierio Valeriano (h); nullimode tamen in eorumdem Ethnicorum mentem unquam venit, ejusmodi signum ad propriam ipsius Crucis significationem, indiciumque referre, quippe quæ apud eos universos infamiæ erat, atque horrore, ut jam superius observavimus; Summo certe probro ii duxissent teterimi sup-

nostri frontem nostram, & pectora munire debemus, & ecce eam sub pedibus calcamus: & hoc dicto citius iussit ipsam tabulam auferri, deossaque tabula, atque erecta, inveniunt sub terra aliam hoc signum habentem; qui & ipsam iussit auferri; qua amota, inveniunt & tertiam; iussitque ejus cum hæc fuisset ablata, inveniunt magnum thesaurum, balentem supra mille auri centenaria; sublatumque aurum pauperibus adhibere abundantius, quam consueverat, largitur.

[a] Atque huc faciunt carmina S. Paulini Nolani Episcopi, quæ ipse in tumulo B. Felicii inscripisse refert in epist. 2. ad Severum edit. Colon. pag. 173. quæ sic clauduntur.

Quam bene junguntur signo Crucis ossa piorum:

Pro Cruce ut occisi in Cruce sit requies.

[b] In epist. S. Sever. p. 147.

[c] Marimor. Pifaur. n. CLXXI.

[d] Osservazioni sopra i sacri Cimiteri lib. II. cap. II. ubi pluribus rem illustrat, variasque Crucis formas in Christianorum sepulcris appositas exhibet.

[e] Nam si aliqua formæ diversitas appareat, prudens adhibendum erit judicium, quod adminicula alia, aut conjecturæ confirmet; sic in sepulcrali lapide Vesonienensi Afcæ effigies quatuor in locis apposita, quod ad Crucis signum propius accederet, eamque referre videretur, de Christiano homine ibi condito, ejusque propterea ossibus in locum sacrum transferendis temere judicari cepit; quæ res celebri illi Cl. Mabillonii Epistolæ de Cultu Sanctorum Ignotorum occasione dedit; qui rem narrat §. 22. ejusque Afcæ formam exhibet edit. Venet. p. 573.

[f] Inter Hieroglyphicas Ægyptiorum literas Crucem habuisse locum testatur Rufinus Hist. Eccl. l. 2. c. 29. & Sozomenus l. 2. c. 15. Huc alludit Tertullianus Apolog. c. 16. Dicimus origines Deorum a platis de Cruce induci; sed & Venerias adoratis, cum in Tropæis

Cruces intestina sint Tropæorum; Religio tota Castrensis signa veneratur, signa jurat, signa omnibus Diis præponit: omnes illi imaginum suggestus in signis monitis Crucum sunt.

[g] In libello de Affe post Cod. Theod. edit. Paris. 1796. & in Græzii Thesaur. tom. XI. cujus libelli lectionem juris studiosis vehementer commendat Jac. Cujacius ad l. 21. §. 2. D. De Ann. Legat.

[h] In Ecloga 1. Virgilii v. 69. ubi hæc notat: Ita etiam in T litera sive T præcederet, sive subsequeretur animadversum inferi solitam hoc passio. Id enim signum tam TI, quam etiam IT significat; cujus rei, etsi alibi etiam exempla inveniuntur, id unum ponam quod ab Urbano Valeriano Patro meo barum Antiquitatum indagatore diligentissimo exscriptum accepi: id quod Tolæ etiamnum inspicitur.

D. M

AVRELIA

CRESCEN

† NA CONIV

GI VE . . . .

PRODITO

CON QVO VI

XIT ANNIS

XI. DE. SVO

POSV † . B. M

In quo monumento non pigeat tria notata digna designare CRESCEN † NA pro CRESCENTINA, verso vero modo POSV † pro POSVIT &c. Affert etiam hunc lapidem Gruterus pag. 760. n. 8. & quidem ex Pierio, ita subscribens: E Pierii Vergilianæ, qui habuit a Patro suo: Sed binos eos nexos non habet, ut mirum videatur tantum officiantia fuisse, ut nondum exemplum ipsum, quod Pierius suppedibat, verum etiam Pierii observationes non fuerint animadvertæ.

plicii simulacrum suis rebus intermiscere, quod nonnisi raro, atque etiam fortuito quodam consilio ad diversas longe res significandas aliquando adhibuisse jam videntur. Sola igitur, ac satis perspicua Christianorum illa fuit nota, qui non modo Crucem non erubescerent, imo vero gloriantur sibi planè existimarent, si Crucem ipsam, qua humanæ salutis pretium exolutum, veræque religionis mytheria dedicata fuerant, vivis sibi, mortuisque sociatam ostentarent.

Certissimum igitur de nostro Lapide erit iudicium, etsi alia argumenta deessent, ex solo Crucis signo, quod initio insculptum habet, ad Christianum hominem pertinuisse; Id quod etiam plura alia manifeste confirmant, nempe *Requiescendi* verbum cum adiectione *Nonarum*, præterea *Depositionis* vocabulum, ac demum temporis nota, quæ *Consilium* nominibus designatur: quæ omnia, eodem nostro Lapide duce, sigillatim percurramus.

Ad priora duo quod attinet, haud longum faciam, quandoquidem de posteriori re, idest de diei e mortualis enunciatione in Christianorum tumulis de more adhibita, fusè, eruditèque actum invenio a Cl Lupo (a), qui de eadem re eruditorum sententias expendens, morem quidem ipsum Christianis receptum, sed Ethnicis quoque in suis sepulcralibus titulis (quorum plurima exempla affert) non omnino ignotum probans, ita rem definire videtur, ut inde nos conjecturam potius, quæ alio argumento confirmari egeat, quàm certam Christianismi notam habeamus; Idem ego de priorè re, idest de *Requiescendi* verbo iudicandum crediderim, quæ pro solenni veluti formula in Christianorum tumulis usurpata inter eas notas a Mabilonio recensetur (b), quæ Paganorum tumulos distinguat: Nihil enim verius, quàm ad perpetuum Christianorum usum ejusmodi vocabulum referre, qui Divinis Libris præeuntibus, (c) suos defunctos *requiescere* dicebant, itaut nullus fere sepulcralis veterum Christianorum titulus sine eo vocabulo occurrat, quod barbarè aliquando inscriptum (d), rarissime tamen consideratur: At non illud Ethnicis omnino insolens, qui suis sepulcralibus titulis pari modo adhibebant; mitto heic de iis formulis dicere, quibus defuncti diras imprecationes in suis tumulis inscribebant adversus eos, qui sepulcrum violare, ossaque perturbare ausi fuissent, (e) ipsis quoque Christianis aliquando usurpatis (f), quæ quidem re nihil aliud, quàm suæ requieti prospectum volebant; Certe familiare ipsis Ethnicis *Requiescendi* vocabulum fuisse liquet, tum ex lapidibus (g), in quibus non semel sepulcrum ipsum *Requiescitur* appellatur (h), tum etiam ex frequentibus Scriptorum, Poetarumque locis (i), quibus insignem nostrum lapidem adhuc ineditum addimus, quem habes in Clafs. IX. num. 139. ubi elegantibus versibus Puella præcoce fato extincta suas querelas sic claudit

NVNC ITA IN AETERNA REQUIESCO sede sepulta  
ET FINEM FATI CONQVEROR IPSA MEI.

Ad *Depositionis* igitur vocabulum gradum citò faciam, quandoquidem in nostro lapide Marcellinus dicitur DEPOSITVS SD J' NONAS NOVEMBR; in quo quidem vocabulo certissimam omnium Christianismi notam, nunquam Ethnicis in Re Funerea usurpatam, sed solis Christianis peculiarem agnoscendam censeo. Scio, ex Heterodoxorum numero

[a] In Epitaph. S. Sev. §. x1.

[b] De Cultu SS. Ignor. §. vi. & x.

[c] Psal. iv. 9. xv. 9. Eccles. xxxviii. 24. Apocalyp. vii. 11. & passim alibi.

[d] Nam *Requisito* pro *Requie*tiō: *Quiesce ac Cesque* pro *Quiesce*, & alii consimiles Idiotismi sætus, seu monstra passim occurrunt, apud Aringhium, Boldettum, Lupum, aliosque Christianorum monumentorum Collectores, atque illustratores.

[e] Sic apud Gruterum pag. 825. 7. *Illi Deos iratos, quos omnes colunt, si quis de eo sepulcro violarit; & pag. 794. 3. Rego per Deos superos, Inferosque ne velitis ossa mea violare: & alia id genus, quæ habebis in Indicis Gruteriani cap. 17. in fin.*

[f] De his vide lapides apud Fabretum c. 11. p. 110. & seq.

[g] Quos plurimos tibi dabit Index Gruter. cap. xvi.

[h] Gruterus p. 954. & vid. Kirchmannum De Funer. Rom. l. 111. c. x.

[i] Meretur primum locum Poeta ille vetus, cujus carmina refert Cicero Tulcul. 1. in hæc verba.

*Neque sepulcrum, quod recipias habeat portum corporis*

*Obi remisso vita corpus requiescat a malis*  
Tibullus lib. 11. eleg. 4. v. 49.

*Et bene, discedens dicet, placidèque quiescas.*  
Cui Poetæ jam defuncto eadem formulà cecinit Ovidius

Amor. l. 111. Eleg. 9. v. 67.

*Ossa quæta, precor, tuta requiescite in urna.*  
Virgilius Eglor. ult. v. 33. . . mibi tum quam molliter

*ossa quiescant.* Tacitus in vit. Agricol. c. 46. : *Si quis priorum Manibus locus, si, ut sapientibus placet, non cum corpore extinguantur magna anima, placidè quiescas etc.*



## DISSERTATIO UNDECIMA. 295

non defuisse quempiam (a), qui communem quoque Ethnicis eandem vocabuli significationem fuisse contenderit, quasi id quoque pigeat, ut suæ itent Christianis peculiare loquendi formulæ, Pietatis ac mysteriorum plenæ, nihilque iis per summam calumniam impune relinquatur, quod non ex profanis Ethnicorum moribus, ac sermone in se derivasse dicantur: Locum itaque Ovidii affertur ex Tristium lib. 1. 11. eleg. 3. quem audire præstat:

Non mea consuetudo languescent corpora læto,  
Depositorum nec me qui flet, ullus erit.  
Nec Domina lacrymis in nostra cadentibus ora  
Accedent animæ tempora parva mea.  
Nec mandata dabo, nec cum clamore supremo  
Labentes oculos condet amica manus.

At *Depositi* vocabulo, quod versu secundo legitur, *Mortui* significationem perperam attribuit Heterodoxus Interpret, cujus hallucinationem imprimis redarguit Ovidius ipse sequentibus versibus, in quibus adhuc optat Naso Uxoris lacrymis vitalem suum spiritum in corpore jam jam morituro aliquantisper retineri, prætereaque abesse queritur, quibus suprema mandata daret; quæ quidem inania vota essent, posteaquam *depositorum* i. e. mortuorum se dixisset; nec ob ambiguum vocabuli significationem præposteræ loquutionis Poetam damnabimus, qui tandem, servata totius rei serie, post eadem morientis, non vero mortui vota, jam suum obitum subsequenter adnectens sic pergit

Jam sine funeribus caput hoc sine honore sepulcri  
Indeploratum barbara terra teget.

Sed non ambiguum vocabuli significationem ex integro Ovidii animadverso loco appellare debuimus, quandoquidem Poeta ipse jamdiu usu receptam, probatamque vetustis Scriptoris ejusdem vocabuli significationem omnino servans (b) certissimam nobis exhibuit. *Depositorum* enim eosdem ac *Desperatos* dicebat Antiquitas; Ita plane S. Isidorus Etymol. l. x. *Desperatus* vulgo vocatur malus, & perditus, nec jam ullius prosperæ spei: dicitur autem per similitudinem agrorum, qui affecti, & sine spe deponuntur: Consuetudo autem erat apud veteres, ut desperati ante januas collocarentur, vel ut extremum spiritum redderent terræ, vel ut possent a transeuntibus forte curari, qui aliquando simili laboraverant morbo (c): In hanc posteriorem significationem, quam Ovidio vindicavimus, disertissime *depositorum* usurpavit ejusdem avi, sed præstantioris ingenii Poeta alter Virgilius, qui de Japyge, medicinam ab Apolline edocto, sic canit Æn. xii. v. 395.

Ille ut depositi proferret fata Parentis,  
Scire potestates barbarum, usumque medendi  
Maluit . . . . .

ubi jam vides *depositorum* Parentem appellari, idest extremo fato jam proximum, cui *proferendo*, seu diutius, ne accideret, repellendo, avertendove Natus medicinæ vim adhibebat: Sed Servium audire libet: *Ut Depositi, idest Desperati; nam apud veteres consuetudo erat, ut desperati ante januas suas collocarentur, velut extremum spiritum redderent terræ, vel ut possent a transeuntibus forte curari, qui aliquando simili laboraverant morbo: Cicero: Agram, & prope Depositam Reip. partem suscepisse (d): Statius in Thebaid. Ferte Depositis opem. Hactenus Servius, cui illud quoque debemus,*

[a] Jacobus Basnagius in Hist. Judaica . . . : quem obiter refellit V. C. Dominicus Georgius in Dissert. de Monogrammate Christi edit. Rom. an. 1738., cui plura, quæ Basnagium omnino conficerent, modo adstruximus.

[b] Ita locum hunc Ovidii rectè interpretatur Jo. Hartungus. Locorum memorabilium ex optimis quibusque Scriptoris excerptorum Decuria 111. c. 8. §. 29. immo præter superius dicta seipsum profecto interpretatur Ovidius in l. 2. De Tristia eleg. 2. v. 47. ubi Messalinum rogans de concilianda sibi Augusti gratia suas ærummas sic exponit:

Jam prope depositus, certe jam frigidus æger  
Servatus per te, si modo servor, ero.

Non enim mortuo proiussit Augusti indulgentia, sed cui vitæ licet desperatæ aliquid tamen adhuc superesset.

[c] Huic mori medicinæ (ei scilicet, quæ Empirice nuncupatur) initium attribuit Max. Tyrius orat. 11. ubi hæc sunt: *Medicinæ vetustissimum inventum his initiis ortum constans fama est. Eum, qui vexaretur a morbo, domestici exportantes in frequentissimo vico deponebant, ut transeuntibus visus de qualitatibus morbi rogaretur: Itaque qui tulerat, depulcrasque similem morbum, aut tolerantia suis, aut cauteriis, aut medicamentis sumptis, prodito remedio laborantem juvabat: Similitudo igitur morbi remedium colligens memoriam, summam ejus, quam ex iis hominum congressibus acceperat, scientiam fecit.*

[d] Verba Ciceronis a Servio relata, habentur in Verrina 11., seu in Verrem lib. 1. cap. 2. ubi hæc ad rem nostram notat Asconius: *Et prope depositam: Desperatæ salutis. Sic & Virgilius &c.* Vetus etiam Scholastes

mus, ut Ciceronis locum nobis patefaceret, atque etiam Statii, quorum aliorumque (a) auctoritate vocabuli significationem exploratissimam habemus; quid, quod ex vetustiore Latio in sequenti florentis ævi Auctores, quos jam numeravimus, idem vocabulum eademmet prorsus significatione manavit? En Lucilii versus, quibus rem conficiam, ex lib. 111. Satyr. (b)

*Symmachu' præterea jam tum depositu' bubulcus*

*Expirans animam pulmonibus ager agebat.*

Placuit rem hanc pluribus confirmare, ut in meridiano veluti lumine collocata alienum errorem, seu perpetuam Christiana quævis susque deque vellicandi libidinem detegat.

Itaque *Depositum* vocabulum, probum ipsum quidem, ex Gentili Latio in Christianismum manavit, sed a Christianis in suis sepulchralibus titulis usurpatum diversam ipsique Ethnicis omnino alienam, ignoratamque significationem recepit. Non enim, qui morbi vi longioris vitæ spem amisissent, ac veluti inter mortis fauces mox extinguendi versarentur, sed vitâ jam defunctos, ac morte consumptos, *depositos* ita appellabant Christiani, neque tamen quum illi extremum diem obiissent, sed quum demum in sepulcrum inferrentur, *depositi* dicebantur: Animadvertendum mihi discrimen hoc fuit, nam video de hac re a Scaligero erratum, qui in Indice Gruteriano cap. xxiv. *Depositionem* in monumentis Christianorum, eandem, ac *Diem mortis* explicavit, veterum lapidum auctoritate manifestè repugnante, dum [ut Eduardus Holteus notat] apud ipsum Gruter. pag. 1054. num. 8. mulier nomine *Marona* dicitur recessisse *Die Mercurii ora viii. & Deposita die Jovis Iduum Majorum*: Cui etiam addo lapidem apud Mabilonium (c) *Puer Victorinus decessit de seculum vii. Idus Junies DP.* [i. e. *Depositus*] v. *Idus Junias*: in quo Epitaphio vir doctissimus rectè notat, *Victorini obitum distinguere ab ejus depositione, qua post biduum successit*: Qua in re luculentius confirmanda binos alios lapides ex Cl. Boldetto in subiecta nota exhibemus (d). Neque aliter *Depositionem* accepisse videtur S. Ambrosius, dum ait (e): *quid est depositio, non illa utique, qua sepeliendis in terra membrorum reliquit Clericorum manibus procuratur; sed illa, qua homo vinculis carnalibus absolutus, liber iturus ad Cælum terrenum corpus exponit: Ipsa planè est depositio, in qua concupiscere abjicimus, cessamus delinquere, peccare desinimus, & totum quicquid salutis est grave, quasi abjecta sarcina oneris, exponimus: novam enim Depositionis vocabulo significationem tribuere cogitans S. Ambrosius, receptam ipsam, vulgatam-*

stias ibidem audiendus est: *Et prope depositam, inquit; in ultimo positam, desperatam, ut recreari non possit; Sic & Virgilius* &c. nam uterque eodem, quem superius retulimus, Virgilii versu, traditam *Depositæ* explicationem confirmat: ut jam mirari jubeat Manutium in notis ibidem paulo aliter sentiisse, dum inquit: *Prope non addidit sine causa, sed ut spem tamen aliquam ostenderet servandæ Resp., nam si depositam simpliciter dixisset, interitum demonstrasset: quasi parva res fuisset, in statu depositæ i. e. desperatæ (ut uno ore gravissimi Scriptores, adhibita etiam Virgilii auctoritate, declaraverant) versari Remp., nisi jam ipsa interiisse debuerit: quod etiam contra Ciceronis est mentem, atque verba, cui, si Resp. jam interiisset, nullæ adhuc partes suscipiendæ superessent, quæ reliquæ dumtaxat erant, illâ ægrâ, ac prope depositâ, i. e. ad extremum vitæ redactâ, nondum tamen mortuâ, vel extinctâ.*

[a] Senecæ locum ex Epist. xii. rectè huc referre possumus, qui sic habet: *quis est iste decrepitus, & merito ad ostium admotus; foras enim spectat: Unde istunc natus es? Quid te delectavit alienum mortuum tollere? At ille, non cognoscis me? inquit; ego sum Felicio, cui solebas sigillaria offerre.* Scio, Liptium tum ad hunc locum, tum uberrimè *Electorum* l. i. c. 6. in hisce Senecæ verbis ritum illum agnoscere, quo veteres mortui cadaver ad ostium collocabant facie pedibusque in publicum versis: Sed vir summus omnino falsus; Vivebat adhuc hic Felicio ad ostium admotus, qui Senecæ interroganti, quis esset, proprio ore reposuit: sed mox ita locandus & offerendus inquit Vir summus: Fateor; sed nondum tamen; itaque altero ritu qui Liptium fugit, ad ostium admotus, nempe ut *depositus, & desperatus*; Ita certe Senecam intellexit Fran-

ciscus Doufa in notis Lucilianis, probavitque Kirchmannus de Funerib. l. i. c. 12.

[b] Ex C. Lucilii Satyrarum, quæ supersunt reliquiis a Francisco Doufa collectis Lugd. Bat. 1743. post Censorinum de die nat. pag. 281. ubi Nonii verba Lucilianis verbis adjecta sunt, qui ita Lucilium interpretatur: *Deponere est desperare, unde & Depositii desperati dicuntur.* Ex Doufæ autem notis hæc sunt: *Conjungebat cum his Lucilii versibus Paullus Merula alium versum, a Nonio item ex tertio Satyrarum Lucilii citatum Non, ut opinor, is a leto jam longiter errat.*

*Sed imposuit viro doctissimo corrupta Nonii editio, non enim Lucilii, verum Lucetii versus est iste, apud quem l. iii. ita legitur:*

*Non, ut opinor, ea ab leto jam longiter errat.*

[c] De Cultu SS. Ignor §. 6. ex quo in suum Theaurum retulit Cl. Muratorius p. 384. n. 2. lapis Turo-nis extat, quod ex Cæmeterio Callisti cum S. Victorini corpore translatus fuit.

[d] Hi sunt Lapidés Christianorum apud Cl. Boldetum l. i. p. 396. & 398.

DOMINO FILIO DVLCISSIMO CHALLOTI  
VIXIT IN PACE ANN. N. III. M. VIII. D. I  
DEFVNCTVS PRIIDVS IAN DEPOSITVS XVIII.  
KAL. FEBR. SALVIANV PATER

ASVRIO VICTORI FILIO DVLCISSIMO BENE  
MERENTI QVI VIXIT ANNIS IIII MESES  
II. DIES XXV. DORMIT IN PACE DECESSIT  
XI. KAL. APR. DEPOSSONE X. KAL. APR.

[e] Sermon. 11. De S. Eusebio.



gatumque significationem præmisit, non utique illam esse ajens, quæ jam habebatur in cada-  
veris tumulatione, sed quæ ipsi animæ feliciter contingere videbatur tum, quum carnis ne-  
xibus exoluta, corpus ipsum, in quo vitiorum semina, peccandique pericula aderant, læ-  
ta deposuit: atque inde fuit, ut disertissimus Ecclesiæ Doctor, qui probè vim ejus vocabuli  
norat, novam, quam tradere instituerat, significationem non constanter retinuit, sed eodem  
loco, quam *Depositionem* appellavit, etiam *Natalem* promiscuè dixit, quo præcipuè vocabulo  
jamdiù in eandem rem recepto illud ipsum significabatur, nempe ipsius animæ morte corpo-  
ris liberatæ, in novam melioremque vitam immortalis, atque æterna nativitas (a): Verissi-  
mam, quam S. Ambrosii verbis hæcenus dedi interpretationem synchronus ipse Ambrosii  
auditor, mox sanctitate, doctrinâ, munere æqualis tuetur S. Augustinus, qui de funere  
piæ Matris Monicæ agens, quum corpus [inquit] elatum est, imus, & redimus sine lacrimis;  
nam neque in eis precibus, quas fudimus, quum offerretur pro ea sacrificium pretii nostri, juxta se-  
pulcrum posito cadavere, priusquam deponeretur, sicut illic fieri solet (b): Deponi igitur cadaver  
duntaxat dicebatur, illaque propriè *Deposito* erat, quæ sepeliendis in terra membrorum re-  
liquiis Clericorum manibus curabatur (c).

Sed quid interest, inquis, utrum ad ipsam corporis mortem, vel tumulationem potius,  
P p Depo-

[a] Ex hoc Ambrosii loco rectè colligit Florentinus in Martyrol. Occid. Admonit. ix. *Depositionis* vocem, quamvis frequentius Confessoribus tribuatur, Marty-  
ribus etiam non incongrue accommodari posse, uti con-  
tra, *Natalis* vocem, quæ Martyrum usitior est, pari-  
ratione ad Confessores pertinere. Idem plane probari  
potest ex libro Sacramentorum S. Gregorii Papæ, ubi,  
præter S. Eusebium, de quo S. Ambrosius agit, duo-  
rum tantum Confessorum orationes in Missa recitandæ  
habentur, nempe S. Leonis Papæ, & S. Augustini E-  
piscopi, atque utrobique inscribitur: NAT. S. Leonis  
Papæ, & NAT. S. Augustini Episcopi. Tom. 3. part. 1.  
opp. S. Greg. ed. Ven. p. 111. & p. 125. Sed diversam  
in utriusque vocis significatione statutam a. V. C. Ma-  
zochio in luculentissimis commentariis ad Kalend. Mar-  
mor. Neapolitanum invenio regulam, ut inter *Deposi-  
tionem*, & *Passionem*, & *Natalem* [quæ voces passim in  
eodem Calendario Sanctorum nominibus præcunt] di-  
scrimen perpetuum illud sit, quo *Deposito* ad Confes-  
sorum, *Passio* ad Martyrum diem hæreticæ [emortuale]  
indicandum, distinguendumque adhibeatur, *Natalis*  
vero tunc demum utrique conveniat, atque attribua-  
tur, quum in alium diem tum Confessorum *deposi-  
tionem*, tum Martyrum *Passionem* anniversario festo cele-  
brandam, transferri contingerit. De *Natalis* signifi-  
catione rectè se habent Viri doctissimi observationes, mo-  
do iseram ejusdem Calendarii ætatem respiciat, nam  
qui prioribus Christianismi sæculis *Natalis* de vero obi-  
tus die dicebatur, postea de die non suo usurpari cepit;  
qua de re factum est, ut de eodem Sancto bis eodem an-  
no *Natalis* aliquando signetur, alter de Festi transla-  
tione, alter de obitu, aut etiam de nativitate, qui na-  
talis genuinus appellabatur, quod ad diem XXI. Janu-  
arii de Festo S. Agnetis secundò fuscè, eruditeque Vir  
summus notat. Cur vero posteriori tempore in alium,  
quam obitus diem rejicerentur Sanctorum festa, hanc in-  
ter alias præcipuam fuisse causam arbitror, quod quum  
Sanctorum, quos publica veneratione rite donatos, so-  
lenni quoque celebratæ coli placuisset, numerus ex-  
creverit, facile in eundem diem plurimum Sanctorum na-  
tales incidebant, quorum aliqui proinde die suo moti,  
quem dignioribus concedebant, in alium transferendi  
erant: sed & de *Natali* id quoque statuo, ideo de Mar-  
tyribus frequentius dictum inveniri, quod de fo lis Mar-  
tyribus primitus solennes agerentur memoriæ, ut li-  
quet ex Canone Missæ, ubi illorum duntaxat nomina

recensentur; dam vero post redditam Ecclesiæ pacem  
martyria non amplius essent, idem Sanctitatis, cultus-  
que honos [inveitè etiam Martyrum, & Confessorum  
differentiâ, quæ vocabula ad eosdem ipsos, qui Fidem  
sanguine confessi essent, pertinebant] ad solos Confes-  
sore, qui in Christiana Pace virtutibus inclaruissent, de-  
rivari cepit, quorum, ut olim Martyrum, *Natalis* pa-  
ri, ut dixi, ratione, appellabatur. De *Depositione* au-  
tem quæ habet Mazochius, non omnino certa conitare  
video; ac primum eandem notam DEP. quam in ante-  
cessum satis prompte certissimam ad diem ipsum emor-  
tualem demonstrandum, invito fortasse Calendariogra-  
pho, fuisse regulam statuit, mox ad diem 11. Januarii  
fallam agnoscit, & tum alibi passim, tum præsertim ad  
diem XXVII. ejusdem mensis, ubi, quod bis in Calendario  
depositionem S. Jo. Chrysostomi animadvertat, alter-  
ram ad diem obitus, alteram ad injustam illius exau-  
thorationem, Ecclesiastico *Depositionis* vocabulo expres-  
sam, referendam arbitrat, ingeniosâ quidem explica-  
tione, qua tamen verisimilior altera fortasse erit, ibi-  
dem prænotata, ut si quando verum obitus diem majori  
aliquo festo occupari contingeret, tum vero illud ipsum  
*Depositionis* festum diei alteri firmiter affigebatur. Id ubi  
accidit, illic non *Depositionis* diem, sed *Depositionis*  
festum docet intelligere: quod perinde est, ac *Depositi-  
onem* cum *Natali* jam demum æquiparari. Sed neque  
illud omnino verum, quod *Deposito* ad ipsum emor-  
tualem diem demonstrandum usurpari solet, quando-  
quidem veterum lapidum, quos superius attulimus,  
testimonio, Ambrosii etiam, atque Augustini auctori-  
tate satis constat, non ipsam corporis, animæque dissolu-  
tionem, sed corporis duntaxat in sepulcrum illationem,  
*Depositionem* propriè signanterque fuisse appellatam.

[b] Confess. lib. ix. cap. 12.

[c] Ad hanc rem omnino pertinere videntur, quæ  
Guiliel. Durandus in Rationali Divin. Offic. lib. vii.  
c. 1. n. 19. de Joannis Apostoli depositione notavit: *De-  
positio* [inquit] propriè dicitur *depositio* B. Joannis E-  
vangelistæ, qui, ut præmissum est, locum sepulcræ vi-  
vus intravit, & ita seipsum deposuit: quamquam enim  
haud tuta sit fides ejus legendæ, cujus ipse Durandus  
meminist ibidem n. 10. quæ refert Joannem Dominica  
die post Missarum solennia descendisse in fossam sepulcræ  
sue locum, juvabit tamen, quæ propriè sit *depositio*,  
ex Durandi etiam sententia confirmasse.

*Depositionis* vocabulum pertineat? Magni quidem; magnum enim Christianæ Religionis mysterium in ejusmodi vocabulo, quo, veluti solenni formulâ, suorum defunctorum corpora sepelientes veteres Christiani utebantur, contineri animadverto: norunt omnes quantum ii mortuorum Resurrectionem, quam ex veræ Religionis dogmatis certa fide jam didicissent, testatam voluerint: *Hinc* (Prudentius is est, qui quum alia, tum hæc pulcherrima, ac præclara cecinit in Hymn. 10. De Exeq. Defunct.

*Hinc maxima cura sepulcris  
Impenditur, hinc resolutos  
Honor ultimus accipit Artus,  
Et funeris ambitus ornat . . . .*

*Quid nam sibi saxa cavata?  
Quid pulcra volunt monumenta?  
Res, quod nisi creditur illis  
Non mortua, sed data somno:  
Hoc provida Christicolarum  
Pietas studet, utpote credens  
Fore protinus omnia viva  
Quæ nunc gelidus sopor urget.*

Hinc mos ille, atque perpetuum ferè studium, signa illa ex sacris literis, vel aliundè, uti etiam symbola, & argumenta in faxis sepulcralibus effingendi, quæ Resurrectione n repræsentarent: qua in re illustre nuper detectum mihi fuit Sacræ Antiquitatis monumentum, quod inter alia marmorei Sarcophagi fragmenta domi Leonardi Carapellesii affixum, mox ab eodem Carapellesio, cujus opera in aliis id genus pluribus usus sum, describendum, ac demum ligno incidendum curavi.



Jonam heic repræsentatum vides, Resurrectionis (ut inquit Tertullianus) *documentum idoneum, quum incorruptus utraque substantia, carne, atque anima, de alvo Piscis evoluitur* (a). At

[a] Vir enim ille nudus, quem Piscis inculptus subsequitur, omnino Jonam demonstrat, qui (ut rursus ait Tertullianus in de Resurrectione cap. 32. & 37.) *devoratus a Bellua maris, triduo post incolam is expuitur*: hancque explicationem suadent etiam alia ejusdem Sarcophagi fragmenta, quæ Christianum hominem ibi sepultum comprobant. Placuit sanè veteribus Christianis hoc præ ceteris symbolum Resurrectionis in suorum monumentis frequentius adhibere, utpote ipsius Christi

præter sti Domini ore consecratum, tum quum poscentibus Phariseis ab se signum videre, nonnisi Jonæ signum eis dandum respondit, *nam sicut* [inquit Matth. xxi.] *fuit Jonas in ventre Ceti tribus diebus, & tribus noctibus, sic erit Filius hominis in corde terræ*: quare non solum, sed aliis etiam pluribus Jonas Christi figuram gessit, ut egregiè demonstrat doctissimus Huetius *Demonstr. Evang. Propos. ix. cap. 170. num. 29.* e Piscis tamen prodeuntis Jonæ exemplum, uti Christus triduo post



præter symbola placuit vocabula etiam in inscriptis titulis adhibere, illud idem confirmantia, inter quæ defunctos suos dormire aiebant, vel in *ſomno pacis quieſcere*, a quo tandem reſurrecturi excitari deberent, dum hæc [ut ſuperius aiebat Prudentius] non mortua ſed data ſomno ſepulcris creditur: Huc itaque vocabulum quoque illud retuliſſe omnino videntur Chriſtiani, qui Defunctorum ſuorum humationem *Depoſitionem*, humatoſque ipſos *Depoſitos* de more appellabant.

Atque Cl. P. Aringhius [quem adhuc ſcio (a)] rem longe, obiterque aſpexit; nam poſt aſſertam, pluribuſque exemplis comprobata, quam priſci Fideles oſtendere ſatagebant, Reſurrectionis Fidem, jure igitur merito [inquit] *Fidelium ſepulcra defunctorum, haud domus, ac manſiones æterna, ſed conſono potius ipſimet rei vocabulo Depoſita nuncupari conſueverunt*: Recte quidem; niſi ad eam rem ejus vocabuli exemplo uti maluiſſet, quod nunquam veteribus Chriſtianiſ, immo neque ſequiori Latio uſurpatum (b), ſed plane novitium eſſe conſtat, quo nos Itali non ſine idiotiſmi vitio ſepulcra quæpiam ſingularia appellare ſolemus *gli depoſiti*; & mirum proſecto ad id vocabulum, quo rem confirmaret, Virum doctum conſuſiſſe, cui ex ſextentis, de quibus ex inſtituto agebat, lapidibus promptum erat, recepta Chriſtianiſ *Depoſitionis*, *Depoſiti*que adjectivo nomine uſurpati vocabula illuc afferre; ex quibus ſuam Reſurrectionis Fidem [ut modo dicebam] amplius teſtabantur Chriſtiani.

Quod adeo mihi certum videtur, ut ad eam rem non congrue ſolum, verum etiam proprie ſignificandam ſatis probis iſſidem vocabulis uterentur: *Depoſitionem* appellavit Ulpianus (c) actum illum, quo quis rem aliquam alterius fidei cuſtodiendi cauſſa committit: quid? quod ad rem, de qua agimus, Chriſtianorum more quodammodo loquutum J. C. Paulum invenio? Certe ſi de temporaria cadaveris aliò transferendi humatione diſſerens, *Si quis* [inquit] *è vivo corpus inſulerit, quod cogitaret inde aliò poſtea transferre, magiſque temporis gratia DEPONERE, quam quod ibi ſepelire mortuum, & quaſi æterna ſede dare deſtinaverit, manebit locus prophanus* (d):

P p 2

quod

poſt reſurreſturus ſibi palam aſſumpſit, pari modo Chriſtiani poſthac luculentiffimum omniu Reſurrectionis quoque ſuæ teſtimonium eſſe maluerunt: quod non ex Tertulliano ſolum, aliſque Patribus diſcere eſt, verum etiam ex aliis Veterum Chriſtianorum Sarcophagiſ, ac Piſturis Cœmeterialibuſ apud Aringhium, Boldettum, Bottarium &c. quibuſ noſtri Sarcophagi fragmentum modo addimus, ac præterea Veterum Chriſtianorum lapidem apud Muratorium p. 182. n. 7., ex cujuſ dextero latere cœtum extat inſculptum, hominem voientis: quæ quum rectè conſent, non abſimile etiam veri putabimus, eodem ipſo Piſciſ ſymbolo, quod noſtrum Toreum exhibet, aut ipſummet Chriſtum, aut quæpiam Chriſtianum hominem repræſentatum videri: Ac de Chriſto quidem, quod Iſ paſſim apud Veteres Chriſtianos IXORS, audiret teſtes inter alioſ ſunt S. Auguſtinuſ de Civit. Dei lib. 18. c. 23. & S. Proſper de Promiſſ. par. 2. c. 39.; in quo nomine myſticè Chriſtum intelligi docet Auguſtinuſ, *ed quæ in bujuſ mortalitatis abyſſo, velut in aquarum profunditate vivuſ, hoc eſt ſine peccato eſſe potuerit, vel potius, uti S. Proſper inquit, quod ICRIS [quem latine Piſcem dicimus] ex initialibuſ græciſ litteriſ, quæ ſybillina Carmina præſerunt [quibuſ IHCOE XICTOſ BEOT TICO EOTHO, id eſt Ieſuſ Chriſtuſ Dei Filiuſ Servator celebrantur] a Majoribuſ noſtriſ collectuſ fuerit: Certe S. Hieronymuſ in epiſt. ad Chromatium [lib. 1. ep. 37. ed. Rom. 1731.] Bonofum laudat, quod *quaſi filium IXORUſ, id eſt Piſciſ ſe gereret*: Piſcemque, uti Anchoram, inter alia ſymbola, in anuliſ ſignatoriſ ad Chriſtianiſm expremenda monet S. Clementeſ Alex. Pedag. lib. 11., uti in oniche anulari Chriſtianiſ ſpectare eſt, quem ex Muleo Kircheriano exhibet Cl. P. Lupuſ in epiſt. S. Severæ p. 64., ac binis aliis anularibuſ gemmiſ: quæ inter ſua cymelia recenſuit Cl. Fabreſt p. 568. Ad Chriſtianiſ verò quod attinet, & ipſoſ quoque *Piſceſ* ſcù *Piſciſcuſ* ap-*

pellatoſ docet Tertullianuſ in de Baptiſm. cap. 1. Sed noſ (inquit) *Piſciſcuſ ſecundum iſtæ noſtruſ Ieſum Chriſtum in aqua naſcitur, nec aliter, quàm in aqua permanendo ſalvi ſumus*. Sed hanc rem poſt Fabreſtium, Bonarotium, Boldettum, uberiuſ illuſtratam habes ab eruditiffimo Mamachio Orig. Chriſt. lib. 1. c. 1. §. 6.; uti etiam quibuſ aliſ de cauſſiſ Piſcem pro ſuo peculiari ſymbolo adhiberent Chriſtianiſ, latè obſervat Aringhiuſ l. v. 19. & lib. vi. c. 38. quumque hæc, ut diximus, veriſimilia videri poſſint, congruentior tamen illa, quam ex Jonæ o Piſce prodeuntis, Reſurrectioneque repræſentantiſ exemplo primo loco dedimus, noſtri Toreumatiſ erit interpretatio.

[a] Rom. Subterr. l. 1. c. 1. n. 4. De Depoſitioniſ voce obiter diſſeruiſſe quoque audio Jac. Gutherium de Jure Manium l. 1. c. 18. & Juſtuſ Fontaniuſ in Comment. Italico S. Columbæ c. 29. quos ad manuſ non habeo.

[b] Certe Kirchmannuſ de Funer. Rom. l. 111. c. 10. ubi ex inſtituto de pluribuſ noviſque ſepulchri ſynonymiſ ſuſe agit, *Depoſitum* omnino ſilet, & merito, nam neque apud Cangium in Gloſſario mediæ, & infimæ Latinitatiſ occurrit, ubi *Depoſitum* adjectivè, ac *Depoſitio* eadè, de qua agimus, ſignificatione [quam tamen alterutri rei, nempe obituſ Diei, aut humationiſ ipſe Cangiuſ attribuit] tantummodo legitur, nunquam vero *Depoſitum* ſubſtantivè pro ipſo ſepulcro invenire eſt: *Depoſitum* etiam inter ſepulchri ſynonyma, quæ congeſſit, non agnoſcit Boldettuſ l. l. pag. 584. & ſeq.

[c] In ſeg. 1. §. 1. Dig. Depoſiti.

[d] In Leg. 40. D. de Religioſ. & ſumpt. Funer. ubi notanda illa formula eſt *Sediſ æternæ*, qua, Ethnicorum more, Jurifconſultuſ ſepulcrum appellat: At nonne Chriſtianiſ quoque uſurpata? Ita quidem: atque ſi Cl. Mabilloniuſ audiuim in Itin. Ital. p. 73. vel 141. hæc apud Chriſtianiſ *Domuſ æternæ* pro ſepulcro uſurpata appellatio, uti etiam *Deorum Manium* enunciatio ad pri-

quod igitur, aliud profecto cogitantes, desinientesque Jurisconsulti loquebantur, iidem vocabulis, eademque quidem significatione, sibi veriùs, explicatiùsque vindicabant Christiani; nam quum propriè *deponi* corpus illud dixerit Paullus, quod ad tempus, ac veluti precarià custodià certo loco conditum, mox in destinatam sedem transferri oporteret, meliori sensu *deponere* aiebant Christiani suorum corpora defunctorum, quæ aliquando resurrectura, suis sepulcris, *Depositi* veluti jure mandabantur, inde, Divino nutu, eadem ipsa, & non alia, [quæ Depositionis, seu Depositi natura est] in pristinam vitam revocanda (a). Sed de his jam satis.

Supereft nunc de postrema Christianismi nota dicere, quæ *Temporis* est, sepulcrali titulo adjecti; in qua quidem discrimen statuendum videtur inter Dierum seu Nonarum, Iduum &c. enunciationem, ac Anni per Consules expressionem; Priorem enim, ut superiùs observavimus, etiam Ethnicis familiarem fuisse constat; de posteriore autem secus judicandum video; quamvis enim in sepulcralibus Ethnicorum titulis Consules etiam aliquando notari inveniantur (b); non tamen ex sola Consulatus expressione rei ratio repetenda erit, sed quod ex ipso Consulm signatis nominibus certa annorum series nobis liqueat, tempusque illud planè innotescat, quo, excisis Idololatriæ viribus, res Christiana ubique floreret; hinc quum raro Ethnicorum monumenta posteriori ætate dicari fas effet, neque enim, quæ adhuc sciam, modo legere sit, non levis illa erit conjectura, ut ex Consulm notatis nominibus, qui ad Christiana tempora pertineant, de Christianorum monumento certò dijudicare jam liceat.

Id vero haud Christianorum vitio verti debet, quod, quum celeberrimam, faustissimamque sacræ Religionis Epocham non solum haberent, sed reddidit Ecclesiæ pace tutò adhibere possent, adhuc tamen signandorum temporum morem ex Ethnicorum instituto retinebant; nam nihil ea in re, quod Pietati, aut Religioni obesset, continebatur, quam etiam, præeunte

ad prima illa tempora referenda videntur, quum cruda adhuc quorundam in cordibus Christiana religio aliquid de paganici ritus superstitione retinebat; contra vero Cl. Fabrettus Inscr. cap. 11. p. 112. & cap. VII. quam facile tunc fuisse fatetur ex inextinctæ gentilitatis phrasibus, poetico præsertim stilo aliqua imitari inconsideratè potius, quàm impudè, quæ ad ulte jam verè Religionis temporibus rescata sunt, hanc tamen Domus æternæ commemorationem non a gentilitate, sed a sacra potius pagina desumptam censet allato tum Ecclesiastici loco 12. 5. *Ibi homo in domum æternitatis suæ*, tum Psalmi 48. 12. *Sepulcra eorum, domus illorum in æternum*; quamquam & illud recte addat, diversam ab Ethnicis Resurrectionis ignaris hanc loquendi formulam accipere potuisse Christianos ex Sanctorum Patrum sententia, qua P. Cornelius A' lapide Ecclesiastici locum explicavit: Atque ita quidem se res habet; non solum ex Patribus, quorum unus sufficiat Augustinus, qui in ejus Psalmi explanationem non *æternum* strictè, ac propriè, sed quasi *æternum* interpretatur, verum etiam ex ipso Hebraico textu, quem Franciscus Vatablus ita vertit: *Domus illorum in perpetuum*. Sed illud mihi verisimile haud fit, ad utramque rem Christianos advertisse, aut si animadvertissent, tam faciliè eos dubium admittere voluisse vocabulum, quo Resurrectionis fides quammaxime læderetur, vel rudibus, & idiotis incerta efficeretur: Porius igitur illud erit, ac plane consultius, ad Ethnicismi reliquias in Christianorum aliquot ore, aut etiam animo adhuc manentes rem deduxisse, ut ille scilicet, [pauci admodum, nam pauca Christianorum monumenta cum Domus æternæ expressione numerare licet] eam formulam si non Ethnicorum religione, quam repossent, saltem consueto sermone usurparint: Id quod de *Deorum Manium* enunciatione in sepulcralibus titulis a Christianis usurpata judicandum censet: Vera enim contra Fabrettum sensisse Mabillonius observavit. P. Lupus in Epit. S. Sev. p. 107. & seq. qui ex Museo Kircheriano lapidem Christianum exhibet, ubi integris

verbis, atque uncialibus notis inscriptum est: *D'IS MANIBUS*: ac ne exempla omnia ex vetustis tantum lapidibus repetamus, addam quoque testimonia ex Juris libris, ubi non moror Latini legem, quæ est V. Cod. Theod. De Sepulcr. violat., ubi *pœnam Manium vindicem* contra sepulcrorum violatores is sancivit, neque enim mirum, eo vocabulo usum impiissimum Cæsarem Idololatriæ insauratorem, sed plane idem vocabulum usurpasse legimus tum Imp. Constantium, qui in l. 4. cod. tit. sepulcra ipsa *Manium adificia* appellat tum Imp. Theodosium, & Valentinianum in Novell. de Sepulcris post Cod. Theodof. p. 591. qui inter alia hæc habent: *Quis nescit quietos sollicitari funestis ausibus Manes?* ut jam frustra sit, sigla illa D. M. vel D. MA. quæ in Christianorum monumentis aliquando occurrunt, *Deo Magno* vel *Deo Maximo* cum Fabretto interpretari, sed potius ad paganici ritus reliquias nondum a recentium Christianorum maxime idiotarum ore revulgas, deducenda videri: quod si supersticiosum aliquid in iis siglis probè animadvertissent Christiani, inverisimile prius est, ut diversâ significatione adhuc utentes, Deo Magno injuriosi fierent, quem iidem, quibus suos Deos Manes Ethnicis siglis indicatum vellent.

[a] Huc referri potest Lapis Pisanensis apud Clar. Oliverium n. CLXVII characteribus partim græcis, partim latinis, utriusque vero horridam barbariem exhibentibus

ROMANA DVLCISSIMA  
HIC REQVIESCIT IN DIEM IVD  
DEP. III. KAL. MAR. VAR. TERTV

[i. e. Varrone, seu Varari, & Tertullo Cos. A. D. cccc., ut rectè interpretatur Oliverius] ubi secundæ lineæ illud: *IN DIEM IVDICII*, non tam ad præcedens *REQVIESCIT*, quam ad sequens *DEPOSITA* referri videtur; itaut ad diem usque iudicii *deposita* ibi Romana dicatur.

[a] Horum exempla plura affert Cl. Lupus in Epit. S. Sev. p. 84. & seq.



præunte Evangelista ex Imperii Tiberii Cæsaris annis Christi vitam, resque gestas metiente, servandam duxit Ecclesia, tum in Pontificum Sanctionibus, tum in Conciliorum Actis, ne de gravioribus quibusque rebus, quarum tempus intererat certò sciri, novà temporum inventà supputatione dubitatio suboriri posset; Atque hoc profecto [nisi mea me fallit opinio] in causa fuit, ut serò admodum Christianæ Æræ anni in publicis monumentis signari tandem cœperint; nam mirum certè illud videri potest, posteaquam extinctà jam a sæculo VI. Consulari Dignitate, vetusta illa, ac communi more recepta annorum numeratio defecerat, haud statim Christianæ Religionis Æram [uti opportunum, atque omnino æquum tum fuisset] exordium habuisse: Sed quare id factum fuerit, quis etiam facti auctor [rem enim aliis, quod sciam, indictam reperio] paucis observasse jam libet.

Facti itaque auctorem Justinianum deprehendo ex ipsius Novella XLVII., in qua primus omnium in Judiciis, publicis actis aliis, documentisque omnibus per Tabelliones conscribendis, Imperii annos commemorari, eosque consuetis aliis temporum notis præscribi sancivit: *Sequatur vero* (inquit) *Consul, & Indictio, atque Mensis & Dies, secundum quam geruntur, & conscribuntur, que adduntur; . . . . nos enim auferimus quidem priorum nihil, Imperiali vero additamento causam augemus; & inchoetur mox auctore Deo a præcedente prima Indictione: ita quodammodo eis scribentibus: Imperii Justiniani sacratissimi Augusti, & Imperatoris an. XI. post Consulatum Fl. Belisarii V. C. ann. XI. die tot. & tot. Kal.: Æquissimam putabimus hanc Justiniani Constitutionem, nisi quod iniquæ rei, quam is mente agitaret, subservitutam prænerit; notissimum quippe est, orto Principatu, quantum imminuta fuerit Consulatum auctoritas; sublatis enim paulatim Comitibus, deligendorum Consulatum arbitrium penes Augustos esse cœpit, quibus etiam rerum potitis, nullam Reip. administrandæ partem obire Consules permittebantur: nulla itaque tanti olim Magistratus nisi umbra & inane nomen superesse videbatur, ac honorarium quoddam dignitatis simulacrum: Vigebat illud quidem, non tam ut veteris Reip. imaginem præferret, quam ut ex annuorum Consulatum nominibus numerandi temporis mos servaretur, quem, eadem manente Rep., in Principatum tamen translata, sine publico incommodo, temporumque perturbatione mutari nefas esset: Hinc sunt illa Theodorici apud Senatorem (a): *Admonet nos consuetudo solennis dare Fastis nomen, ut per annorum numerum decurrat gratia dignitatum: Felix a Consule sumat annus auspicium, portamque dierum tali nomine dicatus annus, tempus introeat* (b): At, quum annua Consulatum creatio in potestate Principis esset, ut jam dixi, placuissetque ad servandam utriusque Imperii Occidentalis, & Orientalis parem dignitatem alterum Consulatum in Occidente, alterum in Oriente designari (c); Res vero Occidentis, præsertim in Italia, Barbarorum tyrannide in maxima perturbatione posita, veterum institutorum omnium observantiam paulatim amisissent, ille ipse Justinianus, qui nihil veterum auferre velle inquebat, abolendi omnino Consulatus occasionem statim arripuit, idque non constitutione, seu verbis, ne invidiam sibi crearet, sed facto, reque ipsa exequi maluit. Res clara est; Satis enim Justiniano fuit, post Basilii Consulatum, qui postremus omnium Consul fuit An. Ch. 542. haud alium (quæ res in sua potestate esset) Consulatum delegisse; atque ita nullo deinceps Consule annum aperiante, jam demum Annos Imperii (quod is antea statuerat) pro sola, ac præcipua temporis nota adhibendos reliquit.*

Verum

[a] Variar. lib. I. l. ubi agitur de Consulatu Felicis an. Ch. DXI. a Rege Theodorico tradito.

[b] De eadem re licet proterita, adhuc testem dabo Salvianum in De Gubern. Dei lib. VI. cap. II. *Nunquid non Consulibus, & pullis adhuc gentiliū sacrilegiorum more pascuntur, & volantis pennæ auguria quæuntur, ac pene omnia sunt, quæ etiam illi quondam pagani veres frivola, atque irridenda duxerunt? & cum hæc omnia ipsi agant, qui annis nomina tribuunt, & a quibus anni ipsi exordium sumunt, credimus nobis bene annos posse procedere, qui a rebus talibus ordiuntur? Atque hæc quidem eo etiam retulisse libuit, ut superstitionis reliquias in formulis sepulchralibus adhuc ab iis Christianis retentas non miremur, qui solennes olim superstitionis ritus non omnino in Consulibus inaugurandis abiecerint.*

[c] Haud tamen licebat iis, qui in Imperio Orientalis debebant, Occidentalis Consulis nomen publicis monumentis inscribere, nisi ab eodem Orientalis Impe-

ratore publicatus fuisset; eo autem non publicato post nomen Orientalis Consulis ita scribebant: *& qui fuerit nunciatus:* Hæc signandi formula primum occurrit in Leg. un. Cod. Theod. De Lusor. quæ dicitur *Dat. v. Kal. Febr. Constantinop. D. N. Theod. Aug. v. & qui fuerit nunciatus.* Initio Actorum Synodi Chalcedonenfis dicitur: *Consulatus piissimi, & amatoris Christiani Imp. Fl. Marciani PP. Aug. & ejus qui fuerit nunciatus.* Item Novell. 3. ejusdem Marciani de Prædiis Civitatum scribitur: *Marciano Aug. I. Cos. prætermisso Adelphio Consule Orientali, quem ejusdem Marciani Collegam in dicto primo Consulatu, nempe anno 451. Fasti recensent:* At Epistolæ S. Leonis eod. anno scriptæ signantur: *Adelphio V. C. Consule, Imp. Marciani Consulis Orientalis nomine omisso.* quamvis plures earund. Epistolarum ad ipsum Marcianum scriptæ sint: ex quo facillè illud conjiciemus, in utroque Imperio utrumque Consulatum, ut in publicis monumentis signari posset, solenni publicatione indiguisse.

Verum quidem est, Justinum Justiniani successorem de initauranda Consulari Dignitate, quæ per quinque, & viginti annos eo, quod jam aperui, Justiniani consilio, defecerat, de-liberasse; idque sibi laudi imprimis ducebat Justinus ipse, quem sic loquentem facit Chorip-pus lib. 11.

*Ditabo plebes opibus, nomenque negatum  
Consulibus Consul post tempora multa novabo,  
Gaudeat, ut totus Iustini munere mundus;  
Dona Kalendarum properant vicina mearum,  
Vos vestris adstate locis, properate, parate.  
Promissaque die nostros sperate Curules;  
Expavit gaudens inopino nomine vulgus  
Consulis audito . . . . .*

At hæc Poetarum somnia facile censebimus, dum post primum Consulatum, quem solus gessit Justinus, nihil ipse idem neglectius habuit, quàm seipsum deinceps, vel alios in posterum Consules creare: Hinc post ejusdem Iustini Consulatum, qui occurrit in sepulcralibus aliquot lapidibus (a), mox publica monumenta ejusdem *Postconsulatus* annis per solum biennium, aut triennium signari cœperunt, ut præter vetustos lapides promptum est ex ejusdem Iustini constitutione (b) didicisse, quæ legitur *Dat. Kal. Mart. C. P. Imp. D. N. Iustino PP. August.* anno 5. *post consulatum ejusdem D. N. anno 2.* Lulisse propterea Justinum tam nobis certum videri debet, quàm tunc omnibus persuasum fuit, qui eo spreto Consulatu, iterum *Postconsulatum* Basilii pro nota temporis usurpare passim cœperunt; de qua re hùc nostrum lapidem Christianum opportunè referam (c).

HIC REQUIESCIT  
IN PACE AMPELIUS  
QVI VIXIT ANNVS sic  
X. INDICTIONE SEXTA  
P. C. BASILI. V. C. †

Et mirum quidem, tandiù servatum morem per Basilii *Postconsulatum* annos signandi, ut ad annum usque 587. i. e. sex & quadraginta annis postquam Basilii Consul omnium postremus fuerat, adhuc ejus *Postconsulatus* pro nota temporis adhiberi consueisset: id scimus ex insigni lapide Arelatenſi apud Card. Baronium, Petavium, Gudium, & Muratorium extante:

[a] Muratorius pag. CDXXVIII. & seq.

[b] Post Novellas Justiniani edit. Gothofredi sub tit. De Filiis Liberarum. Secundi Consulatus Iustini etiam meminit Diploma Ann. 572. apud V. C. Marchionem Maffejum in Hist. Diplom. p. 163 cui nota temporis hoc facit exordium: *Imp. d. n. Iustino pp. Augusto an. septimo, & p. ejus secundo &c.* Adest etiam in eodem opere p. 165. Diploma alterum an. 591. cum mentione *Post Consulatus* Mauricii Augusti, sic: *Imp. d. n. Mauricio Tiberio pp. Aug. anno nono p. c. ejusdem anno octavo.* At hi ephimeri Consulatus, nullo etiam Collega adlecto, per tam longa, & rara intervalla temporum, pro signmentis haberi debent, habuitque certè illa eadem ætas, quæ passim, ut divi superius *Post Consulatum* Basilii in monumentis usurpabat.

[c] Nullus in hoc lapide notatur annorum numerus, qui *Post Consulatum* Basilii sequatur, sed ex adjecta Indictione sexta rectè deducitur, fuisse annum secundum post dictum Consulatum, qui incidit in an. chr. 543. quod nedum ex Indictionum supputatione probatur, sed etiam liquet ex antecedentis, ac sequentis anni monumentis, nam lapis apud Murator. p. 425. n. 6. relatus ad an. 542. signatur P. C. BAS. L. V. C. IND. V. At Annus 544. apud Card. Baronium signatur per Indictionem septimam in Cod. MMS. Bibl. Vatic. Actum Apostolorum, quæ ab Aratore R. E. Subdiacono carmine lucubrata, in Ecclesia S. Petri ad Vincula, jubente Vigilio Papa, publicè, omnibus plaudentibus, recitata memorantur Anno 3. *post Consulatum Basilii V. C. Indiction. VII.*



# DISSERTATIO UNDECIMA. 303

te (d): At quoniam post ea longissima annorum intervalla nulli amplius Consules essent, immo Consulatus ipse interisse jam probaretur, Basilii autem Consulatum pro certa epocha perpetuò duratura adhibere neque commodum, neque dignum videretur. obtinuit tandem Justiniani consilium, ut Anni Imperii, qui simul cum Consulibus signari deberent, soli deinceps in publicis monumentis certam, legitimamque temporis notam constituerent.

Sed quàm æquum tum fuisset, extincta jam Consulari Dignitate, quæ, more majorum, anni numerari solebant, Æram ipsam Christianam subitueri, quæ per eadem tempora, Dionysio exiguo auctore statuta fuerat; quod a Beda (b), atque aliquot aliis Ecclesiasticis Scriptoribus factum invenio; in publicis vero monumentis satis raro legere est, nam præter lapidem a Cl. Oliverio nuper editum (c), non alibi fortasse occurrit: Sed Justiniani Constitutio, sive potius exemplum in causa fuit, ut nihil de Christiana Æra cogitatum tunc fuerit, non solum in Imperio ipso, sed in aliis mox Principatibus, qui ab Imperio divulsi in aliorum dominium pervenire: Res satis nota, ac protrita ex inferioris Ævi Diplomatis, quæ ad fastidium usque exhibet Muratorius in *Antiquitatibus Medii Ævi*: aliunde mihi domesticum ex Beneventanis Longobardorum sæculis exemplum suppetit, quod solum proferam: Siquidem ab Arechi I. qui post Zottonem An. Ch. 591. Beneventanum Principatum adeptus est usque ad An. 1077. quo Landolphus VI. cum ipso simul Principatu extinctus est, perpetua hæc fuit, ac solennis tum in eorum Diplomatis, tum in aliis publicis monumentis signandi temporis nota: *Datum, vel Actum Beneventi in sacratissimo Palatio Ann. Domini Archiep. Gloriosissimi Principis mense Novemb. Ind. XIII. (d)* Manifestum id, præter alia, argumentum supremi Beneventanorum Principum juris, qui nullum superiùs sibi dominium neque in Imperatoribus, neque etiam in ipsis Longobardis Italiæ Regibus agnoscebant; id quod ex aliis Beneventanorum Archiepiscoporum Diplomatis æquè constat, ubi nullius, nisi sui Principis anni signabantur. Sic in Diplomate Landolphi Archiepiscopi an. 975. *Anno XXXIX. Principatus Domini Pandolphi eximii Principis, & XVI. anno Domini Landolphi Gloriosi Principis Filii, Martio III. Indicti. nec non & VI. Anno Domini Landolphi Ven. Episcopi, quo Domino favente Beneventana, & S. Pontina Ecclesia Archiepiscopus ordinatus est (e).*

Atque

[a] Lapis superiori parte detritus est, ut hæc, quæ nunc habet, verba satis monent,

MENSIVS ET GEMINIS CONCLVDENS TEMPORA VITAE  
VIVIT IN AETERNVM NVLLVM MORITVRA PER AEVVM  
ISTA VALENS FIERI FLETV MANANTE ROGAVIT  
IVRA SACERDOTII SERVANS NOMENQVE IVGALIS  
ORIT BONAE MEMORIAE CAESARIA MEDIVM NOCTIS  
DIE DOMINICA INLYCESCENTE VI. ID. DECEMBERIS  
QVADRAGES ET VI. P. C. BASILII IVNIORIS V. C. C.  
ANNO XII. REGNI DOMNI CHELDEBERTI REGIS

Hunc itaque lapidem Card. Baron. refert ad an. ch. 587. sed Muratorius p. 431. n. 2. ad annum præcedentem 586. pertinere contendit, quo decurrere jam cæperat Septembri mense Indictio quinta, & dies VI. Idus Decembris Dominicus fuit: At Petavius, qui de Chronologica disciplina magis sapit, annum 587. cum Baronio retinet in *Rat. Temp. par. 3. p. 121. edit. Colon. 1720* atque ex hac Inscriptione Avelate reperta lucem aliquam Franciæ Historiæ afferri posse fatetur, sequuturque videtur in gestis dicti Regis Childeberti I. l. part. 1. p. 418., sed quod lapidem spectat omisit Petavius superiora carmina, uti etiam Gudius p. 366. n. 5. qui tamen Authographum accuratius descripsisse videtur; nam l. 5. pro Bone habet BN. lin. 7. in fine pro c. c. habet cc. ut videtur legendum.

[b] In Rebus Britannicis sæc. VI. I. Æra Christiana usum Bedam observavit Cl. Mabillonius Præf. ad sæc. XI. Benedic. t. 9. §. 57.

[c] In marm. Pisaur. n. CLXV. ubi habetur insculpta ERA CCCCLXI. ad quem lapidem Cl. editor recte

notat, singulares censendas esse illius ævi Inscriptiones, quæ Christiana, seu vulgari Æra signantur: ac proinde ex binis Gruterianis lapidibus, quorum alter p. 1049. 5. Æram VIII. alter p. 1054. n. 4. Æram DCLVIII. exhibet, priorem mendosum existimat, propterea quod eo tempore nondum Dionysius vulgarem æram instituit: sed vir doctus non animadvertit, haud in Gruterianis lapidibus de Æra Christiana agi, sed de Æra Hispaniensis, nam Hispanienses hi lapides sunt, ut ex eorum titulo liquet, in quibus peculiaris Hispanorum Æra insculpi solebat, ut ex aliis Hispaniensibus Saxi mox patebit: Hinc singularem omnino Pisaurensem lapidem dicemus, in quo Æra, nullo licet adjecto nomine, Christiana intelligi possit.

[d] Apud Ughellum Ital. Sac. to. VIII. edit. Rom. tum in Archiepiscopis Beneventanis, tum ex Chronico MSS. S. Sophiæ in Bibl. Vaticana asservato, quod ad calcem dicti Tomi exhibetur.

[e] Apud eundem Ughell. l. I. pag. 98.

Atque in hac quidem signandi temporis ratione supremi dominii, suæque majestatis jura comprobari recte norant Principes, haud proinde de instituenda Æra Christi una solliciti; Hinc illud facile intelligimus, cur Carolus Magnus [ne a domesticis exemplis discedam] eam duntaxat conditionem a Grimoaldo Beneventano Principe, integris aliis omnibus Principatus juribus, accepisse satius habuit, ut nempe in illius aureis nummis, ac publicis præterea monumentis, ac diplomatibus suum nomen inscriberetur (a): Sed de his alias: Illud interim monuisse præstabit, quod summos Romanos Pontifices spectat, illorum Nomen, ac Pontificatus annos, serò quidem in publicis monumentis, ac Diplomatum signari cœptos, nullimode tamen ejus rei eandem, quam aliorum fuisse probatum est, solam causam agnoscere debere: non enim audiendus est Cl. Petrus de Marca (b), qui Justiniani constitutionem a Romanis Pontificibus usque ad Caroli Magni inaugurationem servatam dicit, ac subinde Orientalibus Occidentalium Imperatorum annos substituisse, non adhibita sui Pontificatus annorum computatione, quâ tandem, utpote jure Regio, post sæculum nonum uti cœperunt; *Etsi enim* [inquit] *Judæorum Pontifices ea prerogativa fruerentur, ut eorum nomina in actis publicis adnotarentur, idemque jus obtinerent olim Sacerdotes Nicopoleos, ut docet Arrianus, attamen penes Christianos solis Imperatoribus hoc dabatur, donec Pontifices Romani hoc quoque jus sibi vindicarent, postquam soli supremo Romana Urbis dominio potiti sunt*: De quæsti dominii tempore non est hujus loci differere; sed quod rem attinet, falsum illud est, solis Imperatoribus penes Christianos datum, ut eorum nomina, atque anni in publicis monumentis adhiberentur: nullam profecto de hac re habemus Christiani populi legem, qui potius Romanorum morem sequutus per sæcula fere vi., uti in aliis rebus pluribus politicis, quæ Christianæ Religioni non obessent, ita solam Consulum mentionem, nunquam vero Imperatorum pro nota temporis usurpavit: quum igitur a Justiniani Novella Imperatorii Nominis, ejusque temporis signandi certum initium repetatur, serò admodum penes Christianos res obtinuit, quam non ubique, neque semper servatam jam probavimus, etiam in ipso Romano Orbe, ubi varii mox Principatus exorti suorum Principum nomina, atque annos, neglectis Imperatoribus, adhibuerunt; quod ex nostrorum Principum Longobardorum diplomatibus jam docuimus, manifestumque habemus ex relato superius Arelateni lapide anni 587., ubi tantum abest, ut Imperatoris nomen, atque anni inscriberentur, quin potius, præter Cheldeberti Francorum Regis nomen, ejusque Regni signatos annos, dum veterum Romanorum institutum simul servari placuisset, potius Basilii Postconsulatum, quam Imperatoris nomen, annosque adnotatos legimus: quid? quod apud Hispanienses nonnisi per propriæ Æræ annos publica monumenta omnia signarentur: Habemus apud Gruterum (c) tres lapides Christianorum, binos apud Boldettum (d) eadem duntaxat signatos, quam falsò Viri doctissimi (ut superius in notis animadvertēbam) pro Christiana Æra acceperunt; sed & falsissimum illud est, quod a dominii jure signandi nominis, annorumque ratio pendere omnino debeat: Licuit certe Landolfo Beneventano Archiepiscopo Annos sui Archiepiscopatus in Diplomatum inscribere; Fas non fuerit ipsi Maximo Pontifici, citra ullius dominii rationem, tum nomen, tum Pontificatus annos adhibere? Id quod ipse Marca, nisi præsumpta opinio prævaluisset, ex Judæorum, atque etiam Gentilium

Pon-

[a] Vid. Erembertum in Chron. pag. 27. *In aureis ejus nomen [i. e. Caroli] aliquandiu figurari placuit, fœdatis similiter aliquando jussit tempore* (i. e. ejusdem Caroli annis) *exarari*: quod tamen Grimoaldus mox neglexit, vindicata sibi ejusmodi juris, ut olim, potestate.

[b] De Concord. Sacerd. & Imp. Lib. II. cap. XI.

[c] Pag. MXLIX. n. 5. Lapis est Nebrisse Beticæ Urbe cum Æra DIII. Pag. MLIV. n. 4. Lapis est Ebore cum Æra DXLVIII. Ibid. n. 5. Lapis est Majoronæ in Bætica cum Æra DCXIII. Jam norunt eruditi Æram

Hispaniensem, Solidis ann. XXXVIII. Æram Christianam antecedere: itaut prior lapis Gruterianus, qui præfert Æram DIII. ad an. Ch. 457. referri debeat, quæ etiam de aliis, si ad Æram Christianam deduci velint, computatio statuenda erit. De Hispaniensi Æra vid. Petavium in Rationar. Temp. II. lib. III. cap. XIV.

[d] Osservazioni sopra i cimiteri. Lib. II. c. 20. pag. 639. ex Hispanensi Cœmeterio binos hos lapides repositos testatur an. 1566. ut videas, Hispanis id solenne jam fuisse, ut propriâ Ærâ annos signarent.

PAVLA CLSA FAEMINA FAMVLA XPI  
VIXIT ANNOS XXIIII. MENSES DVOS  
RECESSIT IN PACE DIE XVI. KAL. FEBRV  
ERA DLXXXII.

CERVELA CLA FAEMINA FAMVLA XPI  
VIXIT PLVS MINVS ANNOS XXXV. RECESSIT  
IN PACE COR. 6. TRANSFIXIT III KALEN  
FBVS. ERA. DC.

In priore lapide illud CLSA linea primæ fortasse est CLA-  
RISSIMA; uti CLARA erit illud CLA posterioris lapidis; sed in hujus linea tertia quid sit, COR. 6. TRANSFIXIT  
nondum capio.



# DISSERTATIO UNDECIMA. 305

Pontificum exemplis, quæ ultrò memoravit, rectè novisse poterat; neque enim his deterioribus censendi fuerint Romani Pontifices, quorum dignitas, seposito etiam temporalium rerum dominio, tantum alios omnes munere, jurisdictione, majestate præstat, quantum præ ceteris omnibus optimo jure sibi vindicat collata divinitus auctoritas illa, quæ non unius Gentis, aut Regionis, sed universi Christiani Orbis finibus continetur.

Sed redeo ad nostrum lapidem, ubi Symmachi, ac Boethii inscriptus Consulatus in longum diverticulum nos sensim abduxerat. De eo Consulatu, qui in Ann. Ær. Chr. DXXI. incidit, nihil superest observandum, neque etiam de Consulibus ipsis dicere opus erit, quorum res, ac nomina frequentissimis monumentis celebrantur: quid sit in nostro lapide nota illa VV eorundem Consulum nominibus adjecta, paucis observare libet; numeralem esse, quæ utriusque quintum Consulatum indicet, opinari ineptum est, vetantque omnino Fasti, ubi neutri tam numerosi Consulatus attribuuntur: extitisse aliquid post eam notam, haud ostendit lapis, qui ea parte nihil prorsus detritum ostendit: Hinc ad Quadratariorum oscitantiam referendam rem arbitror, qui post ipsum VV. i. e. *Viris* omisit sigla CC, i. e. *Clarissimis*: quod ejus ætatis, quam Barbaries undique obruerat, non erat tam grave peccatum, dum in ipso Boethii nomine præter H aspirationis defectum graviora occurrunt, itaut VOETIVS apud Gudium pag. 373. A. BOITHIVS, ut etiam SEMMACHVS apud Murator. pag. 419. n. 1. insculpta legantur. De communi autem Flavii prænomine (a), quo uterque Consul nuncupatur, quamquam nullum Boethii prænomen libri præferant, ut notavit Bertius (b), de eo tamen dubitari non sinunt, præter Acta Ecclesiastica ab eodem Bertio recitata, tum noster Lapis, tum Gudianus alter superius relatus, & quidem tum Boethii, tum etiam Symmachi commune id prænomen fuit, itaut ignorare fatear, unde V. C. Gorius in Indice Doniano cap. XXI. Q. Aur. Anicium Symmachum & Boethium habeat, nam in lapide Donii n. 20. Claf. XX., quem citat, nihil ejusmodi occurrit, sed brevis tantum ante Symmachi, & Boethii nomina lacuna extat.

Sed antequam manum de hac nostra marmorea Tabula; voluptas incescit, velut pro coronide formulam illam PM, i. e. *Plus Minus*, quæ vitæ annis nostri Mamercii adjecta legitur, paucis illustrasse; qua in re nequaquam me deterruit Cassianum illud *cui Bono*? aut quod rem obrudam antiquiorem *Cabo*, & *Chao*; quæ olim V. C. Mazochius Cl. Sabatino objecit, dum de eadem formula in Romana Inscriptione Hilari aliter explicata, ingeniosè potius, quàm verè decertavit (c), quid enim? nihil frequentius eâ formulâ in sequioris ævi, ac præsertim Christianorum monumentis occurrit: quod etiam Viris doctis animadversum; at neminem invenio, qui rei causam [quod alicui fortasse bono fuerit] quærendam sibi duceret. Hæc ergo causâ ut pateat, statuenda primùm erunt ejusmodi formulæ initia: atque ea quidem in quartum Christi sæculum conjecit Sponius (d), sed falli, ut sæpe, Sponium, clamat Fabretus (e), quia in ipso (ait) primo sæculo invaluisse videmus in Grutero pag. 590. 2. ac mox Gruteriano lapidi aliquot alios accumulât: quibus ego non ineptè locum Evangelistæ adderem, qui in ætate Christi indicanda eadem formulâ usus videtur, dum ait (f): *Ipse erat, quasi annorum triginta incipiens*. Certè Justinus Martyr locum Evangelistæ eadem omnino formulâ, *Plus minus*, interpretatur in Dial. cum Tryph. n. 88.: *ἡ τριάκοντα ἔτη ἢ πλεονα, ἢ ἢ ἐλάσσονα μέγας*, idest ex versione Monach. S. Mauri: *Sicque annos plus minus triginta permanens*: Græcis enim eadem formulâ haud fuit ignota, quam per ΠΛΕΟΝ ΕΛΑΤΤΟΝ exprimebant, ut in græco titulo apud eund. Fabretum l. l. n. CI. II. At licet verum id videri queat, eandem formulam ante ipsum sæculum IV. fuisse aliquando usurpatam, quam nempe certi nihil de exacta alicujus defuncti vitâ haberetur, id tamen per quam rarò factum docent tum Gruterianus lapis, tum

Q 9

Fabret-

[a] Flavii prænomen serò admodum apud Romanos obtinuit, non a Constantini, sed multo ante a Vespasiani ævo, qui ex Gente Flavia Reatini Municipii, obsecrâ sanè [ut tradit Sveton. c.] ac sine ullis Majorum Imaginibus, ad Imperium pervenit: Frequentatam exinde honoris causâ prænomen; Augusti prius exemplo, æ mox Antonini, quæ olim cognomina Principibus adhiere, sed Antoninos vicere Flavii, qui diutius permanere, immo & eodem prænomine ornari non Augusti tantum, sed etiam Principes Barbari gaudebant. Nam Autharim Regem, Longobardi ob dignitatem Flavianum appellarunt, quo prænomine omnes, qui

postea fuerunt Longobardorum Reges, feliciter usi sunt: Ita Paul. Diaconus de Gest. Longob. lib. III. cap. 16. Affecerunt etiam id prænomen Privati Homines, sed qui summo loco in Rep. essent, ut de Symmacho, & Boethio, aliisque pluribus satis constat.

[b] In Præfat. ad Lib. de consol. Philos. edit. Patav.

[c] Actorum Recensio in causâ Hilari Fide constituti &c. ed. Neap. 1745.

[d] In lib. inscripto Recher de Lion. p. 150.

[e] Inscript. cap. VIII. p. 588.

[f] S. Luc. cap. III. v. 23.

Fabrettiani alii, quorum incertam ætatem Fabrettus ipse non diffitetur, itaut ex iis paucis monumentis, immo ex uno Gruteriano lapide audacter is eandem formulam a primo sæculo invaluisse ajat: invaluisse autem post quartum sæculum [quæ Sponio fuit causâ, tum primum ortam formulam opinandi] omnia fere illius, ac posterioris temporis monumenta probant; cur verò tum invaluerit, jam mihi causâ erit ostendenda.

Antiquissimum sane fuit Romanorum institutum, ut natalis singulorum civium dies in Publica Acta referri deberet: neque audiendus Capitolinus rei hujus initium M. Aurelio attribuens, quem *Liberales causas ita munisse*, ait, ut *primus juberet apud Prefectos Ærarii Saturni unumquemque civium natos liberos profiteri, intra tertium diem nomine imposto, ad hæc per Provincias Tabulariorum publicorum usum instituisse, apud quos idem de originibus fieret, quod Roma apud Prefectos Ærarii*. At, ut dicebam, longe antiquiora fuere ejusdem instituti initia, ad ipsum usque Romanorum Regem Servium Tullium referenda, qui, ut civium numerum, atque ætatem in promptu haberet, primus omnium jussit, ut Parentes, Propinque, natâ prole, certum nummum in Ærarium Junonis Lucinæ, in *Juventutis* vero, dum virilis Toga sumeretur, ac tandem, sequuta morte, in Veneris Libitinæ inferrent (a): exoletum postea morem lata lege Julia, & Papia in pueris natis revocavit Augustus; post quem plura ejus rei exempla in Svetonii Cæsaribus legere est, qui Tiberii (b), & Caligulæ (c) natales dies, immo natalium dierum horas ex publicis Actis didicisse testatur: Sic idem Capitolinus in Gordianis, *Filium*, inquit, *Gordianum Antonini nomine, & signo illustravit, cum apud Prefectum Ærarii, more Romano, professus filium, publicis actis ejus nomen inderet*: Ac ne id in Principum gratiam dumtaxat factum, quorum natales dies etiam solennibus ludis, aliisque publicis lætitiis celebrari mos erat; sed apud privatos quosque, singulosque, ut dixi, cives Romanos eandem legem viguisse, præter Apulejum (d), & Juvenalem (e), locuples testis est Virgilius (f); neque id in Urbe tantum, sed in universo Romano Orbe obtinuisse liquet tum ex aliis, tum præsertim ex M. Aurelii lege, qui, ut ex Capitolino jam audivimus, per Provincias Tabulariorum publicorum usum instituit, apud quos idem de originibus fieret, quod Roma apud Prefectos Ærarii: notissima autem res est ex Juris libris, non ipsis tantum Jussitæ, sed fidissimis etiam Antiquitatis fontibus, ubi Professionum duæ species occurrunt, quarum altera natalis, altera censualis: De natali, quæ huc attinet, sic Scævola (g): *Mulier gravida repudiata, absente marito, filium enixa, ut spurium in actis professâ est*. Imp. etiam Diocletianus, & Maximianus ad Lucidum, qui amissis natalibus Actis de sua libertate timebat, ita ajunt (h): *Statum tuum, natali professione perditâ, mutilatum non esse, certi juris est*. Quæ quum ita sint, jam illud constat, cur tam exacte prioribus illis sæculis vitæ tempus describatur, quod defunctus transgessisset: Sat enim erat publica Acta, seu Tabularia consulere, ex quibus promptum erat, nondum annos, menses, atque dies, sed etiam horas vitæ ad calculum revocare, ut de horis testatur Svetonius l. l., ac plures docent vetusti lapides apud Fabrettum p. 181.

At neglecta paulatim posteriore ævo ejusmodi publicorum Tabulariorum cura, quam neque urgerent præsentis Augusti, jamdiù Constantinopoli degentes, factum inde fuit, ut facile natalis cujusque dies memoriâ dilaberetur, ejusque incertitudine, vitæ spatia haud certo tempore supputari valerent; tunc fere fuit, ut cuique illud Juvenalis aptari posset:

*Facies tua computat annos;*

Jamque demum ea formula *Plus Minus annis vitæ* fuit adjicienda, vel earum dictionum alterutra,

[a] Dionysius lib. iv.

[b] Sveton. in Tiber. cap. v.

[c] Id. in Caligul. cap. viii.

[d] Apolog. i. Pater (inquit) natum sibi filium ceterorum more professus est.

[e] Satyr. ix.

Tollis enim, & Titulis Actorum aspergere gaudes  
Argumenta Viri....

[f] Georg. ii. vers. 501.

..... nec Perrea Jura

Insanumque Forum, aut Populi Tabularia vidit.

Ubi Servius: Populi Tabularia: ubi Actus publici conrineretur: significat autem Testum Saturni, in quo & Ærarium fuerat, & ubi reponebantur Acta, quæ suscepti liberis, faciebant Parentes: Juvenalis &c.

[g] In leg. 28. §. 1. D. De Probation.

[h] In leg. 6. Cod. De Fide Instrumentorum; unde conicere licet, quare ante sæc. iv. aliquando dicta Clausula *Plus minus* in sepulchrali aliquo titulo occurrat: De Tabulariis perditis nedum d. lex testatur, sed etiam Cicero pro Archia cap. iv. ubi incensa Heraclien-sium publica Tabularia affirmat, in quibus Archias inter cives Romanos censebatur: sed & negligentiores aliqui esse poterant, qui in perquirendis Defuncti annis, mensibus, diebus publica Tabularia consulere o-mittebant, quod tamen ante dictum sæculum perarum est, ut superius dixi; postea vero ipsorum Tabulario-rum defectus in causâ fuit, ut post sæc. iv. incertæ Civium ætates redderentur.



tra, quæ sola expressi numeri dubietatem offendeat; Sic apud Murator. pag. 1869. n. r. Exumens Christianus dicitur *Vixisse* PLVS ANNOS Q. At nonne, inquis, & annos, & menses, & dies ejusdem posterioris ævi monumenta habent? Privatorum quorundam diligentia fortasse id fiebat; qui in domesticis commentarios natales suorum dies referebant; quibus tamen monumentis crebriora illa sunt, quæ eandem formulam *Plus Minus* passim nobis exhibent, itaut ad Publicorum Tabulariorum defectum rem ipsam omnino deducendam suadeant.

Fuit etiam in Christianis causa altera, quam ex constanti fere apud illos dictæ formulæ usu percipio. Etiam si publica adfuissent Tabularia, haud magni tamen apud eos natalis ille dies ducebatur, quo in hanc mortalem vitam editi essent, sed contra, celebrior dies alter habebatur, quo in æternam ingrederentur; ille enim peregrinationis initium, hic ad Patriam accessus; ille laborum, ac certaminis, hic quietis, & coronæ: unde & Christianorum solus hic natalis erat, ac dicebatur: Atque hinc patet, cur solum diem Mortis, & Depositionis certo *Consule & die*, tuam diligenter, ac ex solenni more signarent Christiani, qui contra in defuncti ætatis certo tempore indicando negligentiores sese haberent; dum merito ejus natalis diei monumentum sperneretur, qui non Cælo, sed Terris genuisset.

## CAPUT SECUNDUM.

*Vera, atque constans Ecclesiæ Disciplina  
ostenditur de sepeliendis apud Ædes Sacras  
Christianis defunctis.*

REM aggredior pertractandam, quam ex Heterodoxis plerique pro piaculo nobis exprobant: Ex nostris etiam nonnulli veteri Ecclesiæ mori contrariam, ac vix tolerandam contendunt. Diversa utrique mens, ac dispar ratio, sed studium idem, quo cadaverum humatio in S. Ædibus Christianorum damnanda decernitur. Jam exinde rei gravitas oritur, cui satis neque olim Cl. Muratorius, secundis licet curis, fecisse videtur (a), minus ego consuluisset viderer, si nostrum dumtaxat Mamercii tumulum, olim ædis sacræ pavimento substructum, Muratorii *Disquisitioni* testem ineuntis sæculi VI. adderem, ac quoddam veluti adminiculum adstruerem. Plura mihi [ut fere contigit] ex antiquitatis latebris accuratius perlustratis præsto fuere, eademque tanti, ut posteaquam suis momentis Muratorius animi adhuc hærens, tot tumulus in Domo Dei non commendat, quum non Templum, sed Cœmeteria ingredi sibi videatur, modumque in re, quam improbare non audeat, optare se dicat; meis ego observationibus fretus, quibus meliori, ac verè suo nativo in lumine res collocabitur, id maxime enitar, ut nihil in ea immoderationis licentiæ, nihil, quod Ædium sacrarum aut honestatem, aut religionem lædat, sed plena Pietatis omnia, ac Christianis digna facile ostendam.

Primum itaque certum illud statuo, prioribus illis Ecclesiæ sæculis, quibus dominatrix Idololatria in Christianos admodum insensa sceptrum teneret, eorundem Christianorum sepulcra extra Urbem constituisse; Faciendum ita fuit ab iis hominibus, qui vel ex Gentilibus, vel ex Hebræis ad Christianismi professionem vocati, inter suos vivebant, quorum mores, leges, instituta, quæ πολιτείας spectarent, neque impiè, neque omnino invitè servabant: constant autem nihil antiquius apud utramque Gentem fuisse, quàm sepulcra ab Urbibus arceri, mortuosque in suburbanis agris sepelire: De Hebræis divini libri passim docent (b). De Græcis autem, mitto legem XII. Tab. ab iis ad Romanos derivatam, qua mortuum in Urbe sepeliri, urive verabatur; libet tantum Platonis legem recitare, qua is, Cicerone interprete,

Qq 2

vetat

[a] De Antiquis Christianorum sepulcris Disquisitione III. inter Anecdota Græca edit. Patav. 1709.

[b] Longum esset, ac omnino otiosum testimonia è sacris libris huc asserre: Ex uno vel altero res satis liquere poterit; nam neque viris Sanctitate præclaris intra Urbem sepulcrum datum, ut de Eliæ constat, cujus ossium contactu projectum in eandem sepulturam cadaver revixisse dicitur Reg. IV. 13. 21. neque viris Principibus id permixtum usque ad Regem Davidem, qui prior in Urbe Regia cognomine, ab se ædificata,

sibi, suisque successoribus sepulcrum construxit, quod tamen non omnes defuncti Reges illati, sed qui probè regnassent; ut colligo ex *Paralipom.* II. cap. 21. 20. ubi de Rege Jora hæc sunt: *Ambulavitque non velle, & sepelierunt eum in civitate David; verum tamen non in sepulcro Regum*: Ex Evangelii tandem illustre est Josephi sepulcrum in horto extructum, quod Servator noster illatus fuit; quodque satis aptè *Cepotaphium* dixeris, quo nomine sepulcra in hortis posita appellavit antiquitas, de quo vid. Fabrett. *Inscr.* cap. II. p. 114.

vetat (a) ex agro culto, eoque qui coli possit, ullam partem sumi sepulcro; sed quæ natura agri tantummodo efficere possit, ut mortuorum corpora sine detrimento vivorum recipiat, ea potissimum compleatur; quæ autem terra fruges ferre, & ut mater, cibos suppeditare possit, eam ne quis nebis nimia, neve vivis, neve mortuis. Adeo parca, atque avara erga mortuos, sibi uni consulens vivorum providentia! De Romanis demum nihil dicam, quorum exemplis, uti olim agri omnes, viæque publicæ, sic modo nobis Litteratorum trivialis redundat. Inter has igitur Gentes cognatum ipsum Christianorum Genus morem eundem servasse oportuit, moris tamen causas, rationesque, quæ Idololatriam olerent, respuisse dicendum est (b).

Quum vero extra Urbem suorum cadavera sepelirent Christiani, cum Ethnicorum tumulis ea commisceri nolebant, recte ab eorum societate abhorrentes, quorum mors impiam vitam sequuta omnem æternæ salutis spem præcidebat. Inter alia Martialis Episcopi crimina, quæ a S. Cypriano recensentur, illud animadversione dignum visum fuit, quod præter gentilium turpia, & lutulenta convivia, in Collegio frequentata, filios in eodem Collegio exterarum gentium more, apud profana sepulcra depositos, & alienigenis conspectos voluerit (c). Hinc illud consilium, ut sibi subterraneas caveas vindicaret, quas in Agro Romano ex lapidum, arenarumque, ad Edificiorum extructiones adhibendarum, egestionibus Gentiles olim ipsi excavassent; Hæc quidem verisimillima censi debet Christianorum Cœmeteriorum origo (d), quo nomine caveæ illæ ab initio donatæ, dum illic defunctorum Christianorum corpora conderentur, magnum illud Christianæ Fidei dogma præferebant, quæ mortuos aliquando resurrecturos, jam tum in somno pacis dormientes docebat: Sed non mortuorum tantum ibi requies, sed viventium quoque Christianorum, sive Asylum, sive domicilium: nam eò convenire, aut verius abdere se consuebat, non tam ut Ethnicorum furorem, mortisque periculum declinarent, quam ut ibi, procul a profanis, quibus arcana suæ religionis mysteria esse volebant, sua sacra peragerent; quæ res occasionem Ethnicis præbuit Christianos Latebrosam, & Lucifugam nationem appellandi (e), iisque Thyestæas cœnas, OEdipodeos concubitus, aliaque id genus nefaria, quæ clam sub terra agerent, exprobandi (f): quæ calumnias quum Christiani ejus ævi Patres quamplures præclare propulsassent, id simul nobis certum tradidere, eundem locum ipsum tum fuisse, qui Christianis mortuis sepulcrum, viventibus vero

facros

[a] De Legibus lib. 11.

[b] Nam non solum civilis aderat causa, ne fetore ipso corpora viventium contacta consecrarentur, ut ait S. Isidor. Orig. l. 14. cap. 11., sed etiam superstitiosa, de qua audire præstat J. C. Paulum Recept. sentent. lib. 1. Tit. 23. Corpus in civitatem inferri non licet, ne funestetur sacra civitatis, & qui contra ea fecerit extra ordinem punitur; & mox: neque juxta monumentum, neque supra monumentum habitandi jus est; aditum enim conversationis humanæ piaculum admittitur: quibus duplex explicatur superstitio, altera nempe, qua viventes cadaverum contactu, aspectu, vel etiam associatione pollutos se credentes, aquâ, expiationis gratia, abluebantur; altera, quod Sacrorum publicorum Religio contaminari putaretur, si mortui intra Urbis mœnia sepulti essent; quam districtius vetandi intra Urbem sepulcri rationem attulerunt Imp. Diocletianus, & Maximianus in l. 12. Cod. De Relig. & sumpt. Fun. Ne Sanctum municipiorum jus polluat. Addam & tertiam; nam quum Sanctus & religiosus sepulcri locus cum area ex Ethnicorum religione efficeretur, ac proinde extra hominum commercium constitueretur, si sepulcra intra Urbem locarentur, paulatim totam Urbem occuparent, vivisque secedentibus fierent mortuorum potius Urbes, quam vivorum: atque ex his quidem absurdam Ethnicorum superstitionem videbimus, qui quam rem Sacram, & religiosam colerent, adeo Diis, sibi que infestam, invisamque haberent, ut non sine illorum ira, sacra contaminari, seque pollui credebant, horrebantque. Longe igitur a nostris primævis Christianis rationes hæc fuisse dicendæ sunt, quibus suos mortuos extra Urbem tumulantibus facile fuit a communi eorum

more superstitiosas ejusmodi rationes secernere.

[c] Lib. 1. Epist. 3. edit. Lugd. 1537.

[d] Haud veri profecto simile videri potest, Christianos tantum opus, spectantibus Gentilibus, moliri potuisse: caveis igitur, quas Gentiles excavassent, primum uti coeperunt, quas tamen aucto fidelium numero [nam non pro tumulandis tantum defunctis, sed in sacris conventibus celebrandis cœmeteria adhibuerunt, ut superius dixi] paulatim amplificare, ac perpetuo opere munire deinde aggressi sunt; quod facile, atque impudenter iis fuit, qui in ima terra tacitum opus prolequebantur: qua in re etiam sceleratam, ne eorum molitiones proderentur, adhibebant, dum eadem terrâ, quam in novis construendis cuniculis egerebant, alios cadaveribus refertos opplebant; ut observavit Cl. Boldettus, qui de hac re pie eruditeque agit in Opere, cui Titulus: Osservazioni sopra i Sag. Cimiteri Lib. 1. cap. 11.

[e] Minucius in Octavio. Edit. Cellar. p. 8. Huc refertur solet lapis Alexandri martyris, quem post Armingham, Boldettum, Mabillonium vulgavit etiam Cl. Mamachius Orig. Ch. l. 1. §. 14. ubi inter alia: Genus enim stertens, vero Deo sacrificaturus ad supplicia ducitur. O tempora infamula! quibus inter sacra, & vota, ne in cavernis quidem salvari possumus &c. Verum non Martyrem, sed ejus Martyris suppositum hunc titulum non leviter suspicabimur; in eo enim alterutram rem omnino desideraveris, aut gravitatem, & elegantiam, aut, si mavis, simplicitatem, & idiotismum.

[f] Id. Minucius ibid. pag. 9. S. Justinus Dial. cum Triph. num. x. Apolog. l. n. 21. & Apolog. l. n. 12. Athenagoras, Tertullianus in suis Apolog. &c.



sacros suæ Religionis conventus præstitisset (a) : Sed supervacua erunt aliorum testimonia, dum res ipsa adhuc loquitur : spectantur namque in ipsis Cœmeteriis etiamnum *Cubacula*, seu *Ædiculæ* quadam certis locis distributa, in quibus Divina Mytheria a sacrorum ministris peragebantur (b), itidemque Altaria supra alicujus Martyris tumulum statuebantur ; quod ex uno Prudentii loco, quum de S. Hyppolito Martyre in viâ Tiburtinæ Cœmeterio sepulto piè canit, confirmasse sufficiat (c).

*Talibus Hyppoliti corpus mandatur opertis  
Propter ubi apposita est Ara dicata Deo :  
Illa Sacramenti donatrix, mensa eademque  
Custos fida sui Martyris apposita :  
Servat ad æterni spem vindicis ossa sepulcro  
Pascit item Sanctis Tibricolas Dapibus.*

Atque hanc rem probè animadvertissent, velim, non Heterodoxi modo, verum etiam nostrates quidam, qui id pro piaculo habent, ut in Christianorum Ecclesiis sint Christianorum sepulcra, & querentes adhuc audies de Laicorum ambitione, & Clericorum cupiditate, quibus factum est, ut disciplina antiquitus religiosè observata de non sepeliendis mortuis in Ecclesiis, quasi ad interitum descenderit (d) : De legibus illis Ecclesiasticis posterioris ævi, quibus temerè Ecclesiasticam Disciplinam probari contenditur, mox viderimus ; Interim illud mihi satis probatum arbitror, ad sæculum usque iv. haud sibi Christianos nefas duxisse eodem loco pro Ecclesia, & Cœmeterio uti : quæ in re non modo ab Ethnorum erroribus discedebant, qui cadaverum contactu, aspectu, aut etiam associatione se pollui existimabant, quorum etiam leges ex communi viventium cum mortuis conversatione piaculum coercitione dignum admitti statuebant (e) ; verum etiam, quæ tum fuerit Ecclesiæ disciplina, Christianæ Posteritati manifestam tradidisse videntur ; quam quidem disciplinam, alienissimis illis Reip. Christianæ temporibus, non ulla necessitas, sed potius mortuorum æque, ac vivorum fidelium favor invexit ; itaut fovendæ pietati, immo Christianæ Religioni apprime consentanea, uti inferius demonstrabimus, sequutis postea sæculis jure merito servata fuerit.

Et sane, reddita tandem Ecclesiæ pace, quæ factum est, ut sacræ Ædes publicè ædificari cœpissent, quod ipsa Cœmeteria spectat, nihil reperio de pristina disciplina mutatum, adeo ut eadem ipsa & pro fidelium sepultura, & pro ipsis, ut olim, sacris Ædibus haberentur : Sæculo vi. Johannes PP. III. posteaquam illa restaurasset, multisque redditibus atque oblationibus ad sacra mysteria peragenda locupletasset, habitavit ibi multum temporis, ut Episcopos consecraret ibidem : Sæculo autem vii. Sergius Papa impigrè per Cœmeteria diversa Missarum solemniam celebrabat : quæ duo ex pluribus ab Anastasio passim memoratis, exempla satis sint ; nam missis Cœmeteriis, ex quibus veræ disciplinæ primordia satis certa statuta sunt, jactaque solidissima fundamenta, ad novas Ædes, seu Ecclesias Christianorum progredior, quæ sæculo iv. publicè, ac satis magnificè ædificari cœperunt.

Ab ipso Constantino exordiar, a quo felix Christianæ Pacis exordium, Ecclesiarumque ædificandarum permissus, atque exemplum. Atque is quidem sano consilio, & provida dispensatione [ ut inquit Eusebius (f) ] in Basilica Sanctorum Apostolorum, quam ædificavit, sepulcrum sibi constituit, eò quod speraret fore, ut defunctus quoque precationum, quæ ibi essent ad Apostolorum gloriam offerendæ, particeps efficere, sicque quamplurimum utilitatis illorum memoriam animæ suæ conciliaturam. Quamquam vero non in ipsa Ecclesia, seu interiori Templo id sepulcrum constiterit, sed in ejus limine, seu vestibulo, ut quoque de sequutis mox Principibus servatum legimus, haud tamen novo jure aliquo Ecclesiastico vetari

[a] Audire præstat Johannem Kirchmannum de Funer. Rom. lib. II. cap. 27. : Non possum (inquit) hic de Christianorum Cœmeteriis silere, quæ nescio annon & ipsa pluribus originem dederint, nam præterquam quod in iis corpora suorum sepeliebant, cerio Persecutionum tempore ibi omnes sacras caeremonias, quæ, quidem in Templis solent, celebratas, passim hic pluribus monstrare, nisi ab Onuphrio in Appendice ad Platinam ea res jampridem esse explicata.

[b] Vid. Boldetti, l. I. cap. IV. & VIII.

[c] Aur. Prudentius Peristeph. Hymn. XI.

[d] Bernardus Van Espen Juris Ecclesiastici Part. I. l.

Tit. XXXVIII. De sepulturis n. 34. & pergit ad huc n. 35. his verbis : Verum Ecclesia eodem semper spiritu animata, licet pro temporum, & circumstantiarum conditione nonnumquam de externa Disciplina aliquid remittat, pro ut indubie in hoc puncto multum remissit ; satis tamen ostendit, quod & in hoc articulo disciplinæ eodem spiritu agatur ; neque a pristina disciplina recedat : neque de ea remittat, nisi necessitate, & conditione temporis quodammodo cogente.

[e] Ex J. C. Paulo Recept. Sent. lib. I. Tit. 23. cujus verba superius recitavi.

[f] In Vit. Constant. lib. IV. cap. 60.

vetari fortasse coepit, ne intra Ecclesiam sepelirentur, immo vetus mos, de quo superius egimus, rem planè probabat; neque etiam novæ disciplinæ jure institutum id censeretur, quod Christianæ Humilitatis causa gestum fuisse constat: unde præclara illa sunt S. Chrysostomi: *Imperatores pro magno habuere, si juxta Apostolorum saltem vestibula ipsorum corpora sepelirentur, fierentque Reges janitores Apostolorum* (a). Dum itaque reliqui omnes inferioris ordinis homines passim intra Ecclesiam sepelirentur, hunc tamen invenio morem a viris Principibus serà etiam ætate frequentatum, ut in Ecclesiis Atriis sibi tumulos locari vellent; Exempla hùc non addam, quæ apud singulorum Regnorum Chronographos passim invenies, sed domestica meminisse tantum præstabit, dum ipsum idem ab omnibus fere nostris Longobardis Principibus factum constat (b); ut & ipsi hac etiam re Regium morem servarent: Isthæ corporis demissio, dum non amplius animo, & corpore elatos esse liceret, Summis Viris placuit, quo tandem fiebat, ut qui viventes Dignitatis fastigio supra alios extollerentur, tum demum, cum mortui jam essent, post alios omnes, loci humilitate, consistere gloriarentur.

Eandem Humilitatis rationem sæpissimè etiam tenuere Ecclesiastici ordinis Antistites, ut non intra Ecclesiam, sed in ejus atrio tumulari vellent: De Romanis Pontificibus pluries testatur Anastasius; quorum exemplum nonnullis in locis Episcopi alii ad seram usque ætatem æmulari studebant. Episcopus Dunhelmensis [ut Willelmus Malmesburiensis narrat] auditio Præbyterorum secreto consilio, qui eum in Ecclesia tumulare statuerant, humiliter de se sentiens, intercessit, ne id fieret: non placeat Deo, inquit, ut pro me mutetur, vel minuat Dominus mei S. Cuthberti reverentia, pro cujus honore nullus Antecessorum meorum in Ecclesia unquam humatus est: Sed in Capitulo me ponite. Ab Ottone Episcopo Frisingensi, cui par nobilitati virtus, atque doctrina, cautum testatur Radevicus non alibi tumulari se voluisse, quam extra Ecclesiam in loco humili, ubi ab hominibus fratribus calcari debuisset. Sed post ejus mortem hanc ejus jussionem servari non placuit. Pluribus haud opus erit, ut quæ ejus rei vera fuerit causa, jam demum liqueret: Animi nempe demissio, quàm in mortui corporis sepultura adhuc profiteri Viri illi verè Ecclesiastici avebant: Præstat S. Ephremum Syrum audire, qui a sæculo iv. luculentum ejus humilitatis exemplum reliquens, hisce verbis in suo testamento usus est: *ne finatis me in domo Dei poni, aut sub Altari; si quis vero fallacibus rationibus nefas fecerit sub Altari me collocare, supernum ac celeste Altare talis non videat*: atque post alia, ejus rei causam mox reddit: *nam peccator ego sum, & minimus, & propter insipientiam, ac stultitiam meam ipsis Sanctis appropinquare metuo &c. non quidem ista dico, quod societatem, & conjunctionem illorum respiciam, sed infinitam, atque immensam peccatorum meorum multitudinem inspiciens exhorresco, & contremisco*. Verùm neque aliorum vulgaris virtus habenda, qui intra Ecclesiam sibi mortuis sepulturam mandabant; scimus enim, S. Remigium Remensem Episcopum, & Hadoinum Cenomanensem in suis testamentis [quorum integra exemplaria doctissimus Brissonius exhibet (c)] id sibi speciatim prospexisse: *Basilica* [inquit Hadoinus] *Domni Victorii, ubi ipse Dominus requiescere dignoscitur, & si meruero, inibi sepulturam habere desidero &c.*: quam exemplorum intra earundem Galliarum fines diversitatem si accuratius advertisset Cl. Thomassinus (d), haud certè ad vetustissimam, & pluribus sæculis jam religiosissimè observatam consuetudinem tam promptè rem retulisset, cujus causam ex una humilitate repetendam contraria aliorum æquè gravissimorum, & Sanctissimorum Virorum exempla, qui in Ecclesiis sepeliri maluerunt, manifestè docebant: Quid enim? Exprobabimus ne hisce Viris, quod vetustissimam, & pluribus sæculis jam religiosissimè observatam consuetudinem confregissent, auctoresque

luo

[a] S. Jo. Chryf. Hom. 26. in Ep. 11. ad Corinth.

[b] Ante Portam Ædis majoris, id est, in illius Atrio tum Sico, tum Radelchis, tum alii plures Beneventani Principes sepulti fuerunt, quorum tumuli ad sæculi XIII. initium usque, ibidem consisterunt, donec Card. Rogerius Archiepiscopus eandem Ædem magnificentius instauraturus, tumulos prædictos temporis injuriâ non nihil labefactos omnino disjecit, ac titulos omnes in exterioris aspectus marmorei, ut modo videntur, extructionem potius, quàm ornatum adhibuit, nam pluribus hisce titulis litterata facies pro parte dissoluta fuit, vel etiam deleta: Integros ex antiquis MSS. edidit Camillus Peregrinus, quos ex authographis, qui supersunt, emendatos, ac commentariis il-

lustratos dabimus, quum de Longobardicis rebus agemus; Ad rem quod attinet, jam dixi, haud omnes Longobardos Principes in Atrio sepultos, uti neque alios Imperatores, aut Reges omnes: nam a Constantini ævo sequutorum Augustorum corpora intra Urbanas Basilicas sepeliri consueisse passim probant certissima monumenta apud Du-Fresnium in Constantinopoli Christiana lib. iv. p. 108. & seq.

[c] De Formul. lib. vii. cap. 160. & seq.

[d] De Benef. Part. III. lib. 1. c. 68. n. xi. qui jam antea l. l. cap. 65. n. 3. plurima Regum, & Episcoporum Galliarum exempla retulit, qui intra Ecclesias suæ sepulti; ut mirum sit contrariis tantum exemplis postea rem definire voluisse.



# DISSERTATIO UNDECIMA. 311

suo exemplo facti essent, ut ab aliis passim violaretur? Sed de vetustissima hac, religiosissimeque observata consuetudine nugæ sunt: quandoquidem res, ut dixi, ita se habuit, ut alii sepulcrum in Ecclesia parari sibi nollent, proptereaquod eo loco se indignos reputarent; cuius rei tota ratio Humilitas fuit: alii verò diversa, sed æque piâ ratione sepeliri se in Ecclesia curabant, ut ex ipsa loci conditione amplius suæ animæ salutis consulere, atque id demum faciebant, quod non solum jure facere sibi liceret, sed etiam ex antiquo tum alibi, tum præsertim in Galliarum Regionibus in Ecclesiis sepeliendorum mortuorum usu, quem Capitula Hincmari Episcopi Remensis disertissimis verbis testantur: At quid jure sancitum, mox dicam: quid facti fuerit, in antecessum observasse libuit, ut eos refelleremus, qui summorum Viro- rum extra Ecclesias tumulorum exemplis Disciplinam probare contendunt: Frustra enim ad Disciplinam id revocant, quod peculiari, privataque humilitatis ratione fieri aliquando contigit; quod si exemplis res transigenda foret, plura certè præsto sunt, quæ contrà ex om- nium ordinum, omniumque ætatum fidelibus passim intra Ecclesias sepultis, hanc ipsam quam modo vindicamus, fuisse Ecclesiæ Disciplinam manifestius probarent.

Venio itaque ad Ecclesiasticas Sanctiones: ac primum sæculi IV. initio S. Marcellus I. vi- gintiquinque titulos, idest Ecclesias in ipsa Urbe instituit, propter Baptismum, & Poenitentiam, nec non sepulturam Martyrum (a), ubi recte notat Cardinalis Baronius (b), tunc primum intra Urbem Martyrum corpora sepeliri coepisse; quod mirum videri debet eo tempore, quo Ur- bana sepulcra non solum civilibus legibus vetabantur, verum etiam Christiani, quos nuper dira Diocletiani persecutio divexarat, publico adhuc odio apud Idololatrias non carerent. Sed illud potius ex S. Marcelli instituto præcipuè observandum erit, non intra Urbem tantum, verum etiam intra ipsas Urbanas Ecclesias Martyres sepeliri tum coeptos, qui olim extra Ur- bem in Cœmeteriis, quæ Ecclesiarum loco essent, tumulari solebant; neque dicas S. Mar- celli institutum ad solos Martyres pertinere, qui non solum digni, ut in Ecclesiis sepeliren- tur, sed etiam ex sua sepultura ipsis Ecclesiis Martyriorum nomen fecere, unde mos ille san- ctissimus rite obtinuit, ut nullam deinceps Ecclesiam sine eorum reliquiis dedicari liceret; nam dum Fideles apud memorias Martyrum [ ut aiebant ] sepeliri pergerent, non equidem illorum honori detrahebant, sed propriæ salutis consulebant, immo vetustum morem recte sibi retinen- dum censebant, ut in Urbanis Ecclesiis æquo jure sepelirentur apud ipsos Martyres, quorum extra Urbem communis semper fuerat sepulcri locus. Id itaque, quod in Cœmeteriis olim licebat, deinceps in Urbanis Ecclesiis servari placuit ex ipso majorum instituto, cujus locu- pletissimum sæculi IV. & incunctis V. testem, haud aliis observatum, invenio S. Maximum Tau- rinensem Episcopum, cujus locum longiusculum licet, ut qui tamen rem in aperto lumine ponat, ac planè definiat, audire præstat (c): Ideo hoc a Majoribus provisum est, ut Sanctorum os- sibus nostra corpora sociemus, ut dum illos Christus illuminat, a nobis tenebrarum caligo diffugiat: cum Sanctis ergo Martyribus quiescentes evadimus inferi tenebras, eorum propriis meritis, attamen conso- cii sanctitate . . . & in fine: & ideo fratres veneremur eos in sæculo, quos defensores habere possumus in futuro: & sicut eis ossibus parentem nostrorum jungimur, ita & eis fidei imitatione jungamur: In nullo enim ab ipsis separari poterimus, si sociemur illis tam religione, quàm corpore. Vides igitur, quæ fuerit sæculi IV. ac progredientis sæculi V. Ecclesiastica Disciplina, certa illa quidem, atque omnino manifesta, ac perspicua, quæ a prioribus sæculis derivata, mansit deinceps, itaut a Majoribus provisum id fuerit, ut in iisdem Ecclesiis, ubi Martyrum corpora essent, re- liqui etiam fideles omnes sepelirentur: quod & sub ejusdem sæc. IV. exitum Concilii Cartha- ginensis IV. Canone 81. confirmatum constat his verbis: Mortuos Poenitentes Ecclesie asserant, & sepeliant (d). Quo ex canone illud etiam certum evincitur, universos fideles indiscrimina- tim, dummodo in Pace Ecclesiæ obiiissent, intra Ecclesias tumulari consuevisse, non ipsis etiam Poenitentibus exceptis, nam quos viventes, saluberrimo rigore utens Ecclesia, nonnisi post varios, ac diuturnos Poenitentiae gradus intra Sacrarum Ædium adyta revocabat, mor- tuos tamen Poenitentes, mox in illarum penetralibus sepeliri permittebat.

Hanc

[a] Ex Libro Pontificali S. Damasi Papæ.

[b] Ad Ann. 309. n. 44.

[c] Inter Homilias De Sanctis. Homil. XIX. quæ inscribitur: In natali SS. Tauricorum Martyrum Octavii. Adventitii, & Salvatoris: edit. Venet. an. 1741. post opp. S. Leonis PP. pag. 361.

[d] Conc. Carthag. IV. a. 398. apud Labbeum tom. II.

p. 1444. edit. Venet. 1730. ubi ad oram ejus Canonis ad verbum asserant, notatum est fort. asserant. Et quidem asserri propriè dicebantur defuncti, cum ad locum se- pulcri ducerentur; Vid. nostrum Thesaurum Cl. IX. n. 1. sed asserri non omnino improprie fuerit, si sequiorem ætatem Concilii attendamus.

Hanc præterea sæculi iv. disciplinam maxime illustrat egregium sanctitatis, & sapientiæ par, Ambrosius, & Augustinus, quorum prior præter propria, quæ nobis suppeditat ejus disciplinæ exempla (a), rem adhuc ipsam cum Christiana Religione ortam, suoque ævo communi more receptam testatur, dum de veteri Hebræorum, aliarumque gentium more agens, nondum [inquit (b)] erant hujusmodi Dei Tempia, in quibus fidelium Domino reliquiæ conduntur; Augustinus vero eandem rem præclariùs probat; nam interpellatus a S. Paulino Nolano Episcopo (qui Viduæ precibus hujus filium in Basilica S. Felicis sepelierat) utrum prosit alicui post mortem, quod corpus ejus apud Sancti alicujus memoriam sepeliatur, non tam rescripsisse, quàm insignem librum *De Cura pro mortuis agenda*, lucubrassè voluit, ubi de propòita quæstione uberrime agens, totus in eo est, ut demonstret, an prosit, plurimumque prodesse ostendit; nihil verò tangit, an liceat; nam licere neque Paulinus dubitabat, qui Viduæ jam permiserat: ipseque Augustinus æquè certum habebat, qui inter alia, supremum hunc honorem Christianorum corporibus rectè exhiberi censuit, quibus tanquam organis, & vasis ad omnia bona opera Sanctus usus est Spiritus; non mediocria verò esse bona affirmat, quæ illorum Spiritibus ex Ecclesiastica sepultura comparari videbantur.

Sed ad posteriora sæcula jam erit progrediendum; atque ex Magno Gregorio, qui a sæculi v. exitu exorsus, septimi quoque initia incomparabili sanctitate, ac sapientiâ illustravit, continuâ adhuc ætatum omnium successione servatam sepeliendi in Ecclesiis disciplinam didicisse jam licet. Non autem heic moror argumenta illa, quæ ad ejusmodi disciplinam probandam piissimus Pontifex in suis Dialogis suppeditat (c), ubi ex pluribus exemplis, quæ narrat, eorum, qui ob sua peccata, nullâ poenitentia ante mortem diluta, ab sepulcro, quod in Ecclesiis obtinuerant, divinitus sunt exturbati, mos ille palam evincitur, quod defunctos fideles in Ecclesiis sepeliri passim permitteretur; Potius illud erit, quod sapientissimus Pontifex statuisse probatur: quum enim Joannes Episcopus Urbevitanus inter alia gravamina, quæ Abbati S. Georgii inferebat, in ejus monasterio Missas celebrari, sepeliri etiam ibidem mortuos prohiberet, Pontificia Gregorius auctoritate usus, si ita est [inquit ad Episcopum (d)] a tali vos hortamur inhumanitate suspendi, & sepeliri ibidem mortuos, vel celebrari Missas nulla ulterius habita contradictione, permittas: Quibus verbis quum Missarum celebratio, & mortuorum sepultura simul conjungantur, hæc utique in illius Monasterii Ecclesia, ubi solum Missas celebrari fas esset, fieri quoque debuit, factamque ostendit mos ille, quem Gregorii ævo servatum, ex ejus Dialogis jam observavimus: sed & alibi (e) Januario Episcopo Calaritano Gregorius ipse districte prohibet, ne pro sepultura intra Ecclesiam concedenda pretium exigere audeat: Sed si quando (inquit) aliquem in Ecclesia vestra sepeliri conceditis, siquidem parentes ipsius, proximi, vel heredes pro luminaribus sponte quid offerre voluerint, accipere non vetamus: peti vero, aut aliquid exigi omnino prohibemus. Sepeliri in Ecclesia non vetat Gregorius, sed omnino probare videtur; Pretium pro ea sepultura peti, aut exigi tantummodo damnat & prohibet.

Liceat nunc mihi, antequam ad posteriora sæcula descendam, hæc ipsa simul omnia, quæ ab Christianæ Religionis exordio usque ad sæculum vii. tam fidè, ac dilucidè exposui, doctissimo viro objicere, qui a Gregorii ævo ortam sepeliendi in Ecclesiis consuetudinem, seu, ut vocat, *perversitatem* contendit: His (inquit) Gregorii verbis (si quando aliquem in Ecclesia vestra sepeliri conceditis) aperte innuitur origo hujus *perversitatis*; Cum necdum usus invaluisset, ut in Ecclesiis sepeliretur quisquam: qui ejus privilegii cupidiores fuere, ut participes fierent precum, & hostiarum a proximis ibi suis offerendarum, oblata ingenti pecunia id emercari cœpere (f). Jam dixi id, quod Gregorii verba dicere nos cogunt, non damnatam a Gregorio Ecclesiasticam sepul-

[a] Epist. 55. hæc de seipso scribit: Succedant Villima Triumphales in locum, ubi Christus hostia est, sed ille super Altare, qui pro omnibus passus est; isti (Martyres) sub Altari, qui illius redempti sunt passione: Hunc ergo locum prædestinaveram tibi: Dignum est enim, ut ibi requiescat Sacerdos, ubi offerre consuevit: sed cedo sacris villimis deceteram portionem; locus iste martyribus debebatur: Sed & Marcellina ejusdem Ambrosii soror juxta ipsum inhumari voluit, qui antea fratrem ipse suum Satyrum juxta Victorem martyrem sepeliens, ejus quoque memoriam his verbis celebravit.

Oratio Satyro supremum Frater honorem Martyris ad lævum detulit Ambrosius:

Hæc meriti merces, ut Sacri Sanguinis humor Finitimas penetrans adluat exuvias.

Hic Hieronymi de Paula, Nazianzeni de Cæsario fratre, Nysseni de Macrina Matre, aliaque plura referre possem, sed ab accumulandis exemplis superesteco, in quibus etsi optimis disciplinæ testibus, haud primum tamen propòitæ rei momentum collocandum volui.

[b] Lib. 1. De Abraham cap. 9. n. 80.

[c] Lib. iv. cap. 2. & seq. tom. II. opp. edit. Patrum S. Mauri.

[d] Epistol. lib. 1. epist. xxi. d. edition.

[e] Lib. ix. epist. 111.

[f] Thomassinus dista Part. III. lib. 1. cap. 65. n. 2.



sepulturam, sed vetitum dumtaxat, ne illius occasione pretium solveretur. Quid autem facilius Gregorio fuerit, sepulturæ locum, si novi instituti res esset, aut tum perversus usus invalescere cœpisset, ad antiquum morem revocare, quandoquidem sacrorum ministrorum avaritiæ occasionem jam præstare videretur; sed, quod ex veteri disciplina, imo à Christiana Rep. erat, ut mortui in Ecclesia sepelirentur, retinendum voluit Gregorius; satius vero habuit, ne quid pro ea penderetur, dumtaxat prohibere.

Potius illud fuerit pro adversa sententia [cui rationes omnes etiam adversariis indictas adstruere non piget] ex Gregorio observasse; quod nempe is numquam novas Ecclesias ædificari permiserit, nisi adjecta conditione, si ibidem nullum corpus constet humanum, quam conditionem iisdem conceptis verbis pluries usurpatam legimus (a), ut jam pro solenni formula, certaque lege in novarum Ecclesiarum constructione servandâ adhibita videatur: quod si ita est, mortuorum in Ecclesia sepulturam haud permisisse videtur Gregorius; Si enim locus, ubi quis sepultus antea haberetur, impedimento erat, ne ibidem Ecclesia ædificaretur, eò magis vetandum fuit, ne intra Ecclesiam jam ædificatam mortuus inferretur. Adde quod ex his recte constat, alibi quàm in Ecclesia sepeliri corpora tum consuevisse, & planè profanis in locis, quibus ex cadaverum illatione major adhuc profanitas, quæ Ecclesiæ ædificationem impediret. At non istam fuisse Gregorii mentem, qui hanc in Ecclesiis ædificandis conditionem postulabat, jampridem observavit Cl. Guffanvilleus (b); qui enim (inquit) fieri potuisset, ut nulla hic jacerent corpora, cum alium ad sepeliendos fratres suos locum Monachi non haberent: Imo ipsi in Ecclesiis, sive Oratoriis, quæ sine Reliquiarum sacris pignoribus non consecrabantur, nihil vetabat, quominus fidelium mortuorum corpora humarentur, ut constat ex lib. IV. Dialogorum. Cur vero in ædificandis Ecclesiis cautionem hanc adhibuerit Sanctissimus Pontifex, quærit Guffanvilleus, ac duplicem a docto Monacho S. Mauri rationem datam invenio: Primò, quòd humana corpora loco moveri non erant miscenda Martyrum Lysana, sine quibus Ecclesia, vel Oratorium non consecratur: Sed potior illa demum causa censei debet, quòd scilicet manifestum adesse videbatur periculum, ne cultus Sanctis Martyribus debitus corporibus jampridem illo in loco sepultis reddi putaretur. Jamdiu enim, ut superius memini, novæ sacræ Aedes supra Martyrum tumulos extrui solebant, ut inter alios Ammianus Marcellinus tamen profanus Scriptor præclare testatur (d). Jure igitur, atque merito Gregorius expressè cautum voluit, ne in loco, ubi corpus humanum constaret, Ecclesia ædificaretur, qui etiam, cujus esset illud corpus non adjiciens, vel ex ipsa loci conditione aut infidelis, aut ejus, de cujus religione non omnino liqueret, corpus intellexisse videtur; itaut non ibi certè ædificanda Ecclesia fuit (e), quæ etiam, posteaquam ædificata esset, ob sequutam hujusmodi corporis illationem, pollui, ac violari censebatur.

Age nunc, quid Juris, seu Disciplinæ fuerit post Gregorii ævum, in re, de qua agimus, persequamur; Novum fuis novamque disciplinam tunc primum inventam; pari sententia, sed diversa ratione arbitrantur viri doctissimi Hugo Menardus (f), & Emanuel Gonzalez (g). Nam usque ad sæculum VI. constans utriusque sententia est, fas, jusque ubique fuisse, ut Christiani intra Ecclesias sepelirentur: Ante Concilium I. Bracarense [inquit Menardus] liberum fuit Christianis intra septa Ecclesiarum sepeliri. Haud secus Gonzalez, qui etiam novam ejus

R

rei

[a] Lib. I. epist. 54. lib. II. epist. 5. & epist. 12.

[b] In Not. ad epist. 54. lib. I.

[c] Julianus Aug. 1.6. Cod. Justin. De Sepulcr. viol. Tergit nudacia ad busta defunctorum, & aggeres consecratos: cum & lapidem huic movere, & terram sollicitare, & celsitatem vellere, proximum sacrilegio majores semper habuerint: sed hanc causam ineptè opinabimur a sanctissimo Pontifice cogitatam.

[d] Lib. XXII. cap. 11. Dilaniata (inquit) cadavera peremptorum camelis imposita vexis ad litus [gentilium turba], iisdemque subsidio igne crematis, cineres projectis in mare [nempe Dracontii, & Theodori] admittens, ut clamabat, ne collectis supremis Aedes eis construerentur, ut reliquias (nempe Martyribus). Hinc apud eundem Auctorem ibidem Basilicæ Christianorum a Gentilibus sepulcra appellabantur. Vidi Mabillon. in Præfat. ad Iac. v. Benedicti. n. 98.

[e] Hanc Disciplinam adhuc post S. Gregorii tempora servatam docet decretum Concilii Agrippinensis, relatum a Gratiano Dist. I. De Consecrat. cap. XXVIII. in hæc verba: Ecclesiam, in qua mortuorum cadavera infidelium sepeliuntur, sanctificare non licet; sed si apta videtur ad consecrandum, inde evulsis corporibus, & vas parietibus, vel lignis ejus loci reedificetur: sed si hæc consecrata ante fuerit, missa in ea celebrare licet; si tamen fideles fuerint, qui in ea sepulti sunt: quibus potestem verbis etiam disciplinam, quam superius tantopere asserere laboramus, de sepeliendis in Ecclesia fidelibus confirmasse licebit.

[f] In notis, & observationibus ad Lib. Sacramentorum S. Gregorii not. 680. in fin. edit. Venet. Monachorum S. Mauri tom. III. pag. 484.

[g] In lib. III. Decretal. cap. 1. De Sepulturis n. 8.

rei causam, rationemque afferre nititur. *Sed postea* (inquit) *ob miros casus a D. Gregorio relatos, quorundam pravorum hominum in Ecclesiis sepulchrorum, qui inde divinitus eiectioni sunt, Ecclesiasticis legibus cautum fuit, ne quis in Ecclesia sepeliretur.* Teneo interim gravissimorum, atque eruditissimorum virorum sententiam, de ubique recepta Christianorum intra Ecclesiam sepultura usque ad sæculum VII. id, quod superius probandum mihi proposui, probatumque jam certissimis monumentis extitisse arbitror contra Van Espen, ac Thomassinum, quibus adhuc laudatos Menardum, ac Gonzalez opponere licet. At horum quoque momenta modo expendamus, ut quid post sæculum VI. statuendum sit, pari, qua de antea ætate demonstravimus, fide, diligentiaque dispiciamus.

Primum autem falsam esse ajo, vel saltem ineptam causam, quam novis de Ecclesiastica sepultura ferendis legibus mihi casus a Gregorio relati præstitissent: non solus Gonzalez ex proprio ingenio id observavit, sed plane Concilium Triburiense anni 895. can. 17. hanc definitionis suæ causam indicavit: *Secundum statuta Sanctorum Patrum, & experimenta miraculorum prohibemus, & precipimus, ut deinceps nullus Laicus in Ecclesia sepeliatur; ac in fine ejusdem Canonis, posteaquam casus a Gregorio relati propriis ejus verbis recitati fuissent, ita concludit: Sancta Synodus dixit: Mira res, & multis exarvenda: Ideoque per futura temporum curricula ab omnibus observanda.* Sed falli omnino eos ostendit Gregorius ipse, qui, quum eisdem casus non solum probè sciret, verum etiam suis ipse literis vulgandos curasset, haud tamen [quod primus omnium opportunius, atque efficacius etiam fecisse potuit] sepulchras in Ecclesiis unquam vetuit, immo etiam sua auctoritate permisit, ut superius demonstravimus; & sane in utraque re Sanctissimi Pontificis sapientia æque enituit: nam docere iis casibus voluit, nullam Christianis peccatoribus spem superesse, ut sibi in peccato morientibus opem aliquam, aut quoddam veluti asylum Ecclesiastica sepultura esset allatura, quasi Christianos omnes moneret, ut viventes Justorum mortem obire satagerent, si demum mortui Justorum sedem promereri, sibi que illam prodesse cuperent; nemini tamen eam sepulchram deinceps interdiciendam censuit: nam ineptum, aut etiam iniquum putavit, propter aliquorum improbitatem divinitus manifestatam, reliquos omnes ab Ecclesiastica sepultura arcere, de quorum salute nihil certi constabat, immo spes omnis esse debebat: An enim sepulchram (quod minus est) his omnibus negare poterat Ecclesia, quibus ad extremum usque vite tempus Sacramentorum perceptionem permisit? An etiam, quos dignos censet, ut pro iis jam mortuis oret, alios, que orare permittat, ac mandet Ecclesia, indigno existimabit, ut in suis adytis sepulcri locum obtineant. *Quamvis* (inquit S. Augustinus l. l.) *orationes non pro quibus sunt omnibus proficiunt, sed iis tantum, quibus dum vivunt comparatur, ut proficiunt: Sed quia non discernimus, qui sint, oportet ea pro regeneratis omnibus facere, ut nullus eorum pratermittatur, ad quos hæc beneficia possint, & debeant pervenire:* Eadem de sepulcri loco, ac de orationum suffragio ratio esse debet; dum etiam ferventius, atque utilius ex ipso loco orandi studium excitatur; Etenim (sunt ejusdem Augustini verba) *provisus sepeliendis corporibus apud memorias Sanctorum locus bonæ affectionis humane est erga funera suorum, quoniam si nonnulla religio est, ut sepeliantur, non potest nulla esse, quando, ubi sepeliant, attenditur: ut dum recolunt, ubi sunt posita eorum, quos diligunt corpora, eisdem Sanctis illos tanquam patronis susceptos apud Dominum adjuvandos orando commendent.*

Sed de iis tandem Sanctionibus videamus, quæ posterioribus sæculis, ne deinceps mortui intra Ecclesias sepelirentur, statuerunt: atque in eam rem utriusque Potestatis tum Ecclesiasticæ, tum Sæcularis constitutiones afferuntur, quas seorsim observabimus.

Ad Ecclesiasticas sanctiones quod attinet, Pelagii II. decretum, quod de ea re ab aliquibus circumferebatur, apocryphum esse jamdiu Viri docti observarunt (a), itaut illud ipsum non Pelagii, sed Concilii Bracarenfis Canon videri debeat: Ab hoc itaque Concilio an. 563. in Hispaniis celebrato Christianorum intra Ecclesiam sepultura prohiberi cœpta videri potest. id quod cuique facile persuasum esse debet, tum quod nullæ ante idem Concilium antiquiores Ecclesiæ Leges reperiantur, tum quod in ipsius Concilii verbis rei initia statui videantur:

Placuit

[a] Placet heic Muratorii verba deleribere, ut sua cuique integra sint: *Loaysa in notis ad Concilium Bracarense, decretum MS. Pelagii II. P. M. an. 580. promulgatum, se vidisse in S. Laurentii Bibliotheca restatur, in quo cautum, ut corpora defunctorum nullo modo intra Basilicam, sed si necesse est, foris circa murum Basilicæ sepelirentur: quantum a veritate hæc absint, Gregorii Ma-*

*gni, qui Pelagio in Pontificatus munere proximo successit, lucubrationes luculenter produnt: Sanctissimus enim Vir priorum sepulchram intra Basilicam omnino probat, facile non fallitur, si contra hujusmodi ritum pronuntiasset illius decessor. Itaque Loaysam vitiatum codice, aut apocrypho monumento usum merito suspicamus.*



Placuit (hæc sunt Concilii verba), ut corpora defunctorum nullo modo in Basilica Sanctorum sepeliantur; sed si necesse est, de foris circa murum Basilicæ, usque adeo non abhorret; nam si firmissimum hoc privilegium usque nunc retinent Civitates, ut nullo modo intra ambitum murorum, cujuslibet defuncti corpus humetur, quanto magis hoc venerabilem Martyrum debet reverentia obtinere? Nonnullas Ecclesiasticas leges de ea re vigentes memorat Concilium, non morem affert, quem quum tollere studet, contrarium apud Christianos tum obtinere satis ostendit; sed tota decernendi ratio non tam Martyrum reverentiâ, quàm Civiliū Jurium sanctionibus nititur, quibus firmissimum privilegium usque tunc retinebant Civitate, ut nullo modo intra ambitum murorum cujuslibet defuncti corpus humetur.

Non equidem sapientissimos ejusdem nationalis Concilii Patres refellere auferim: Mirari tamen subit, eos Leges XII. Tabularum, aliasque Ethnicorum Principum (a) appellasse in ea re, quam juxta veterem Ecclesiæ disciplinam hætenus servatam, receptumque Christianorum morem, SS. Patrum judicio confirmatum, definire, aut accuratius disquirere debuissent: Certe haud Martyrum reverentiæ detrahebatur, quibus potius honorem comparabat Christianorum Religio, atque fides, qui eos tanti apud Deum meriti rectè putabant, ut

. . . . . Sacri Sanguinis humor  
Finitimas penetrans adluat exuvias (b)

Atque ad hoc quidem Concilium Statuta Sanctorum Patrum, aut Majorum instituta, aut ab antiquis Patribus constituta referenda sunt, quæ subinde tum Concilium Arelatense VI. anni 813. tum Triburiense anni 895., tum demum Nannetenſe ejusdem circiter temporis sectari contentur, ut de non sepeliendis intra Ecclesiam mortuis decretum instaurarent; unius inquam Bracarenſis Concilii Sanctionem Arelatenſis, ac præterea Bracarenſis, & Arelatenſis Triburiense, horum vero omnium Nannetenſe reſpexiſſe tantum dicendi sunt; alioqui falsò Augustini, Ambrosii, Gregorii, Maximi, aliorumque SS. Patrum auctoritatem generatim, adhibuiſſent, quos omnes Ecclesiasticam sepulturam non solum non prohibuiſſe, sed potius probasse jam certo novimus: quod sane Triburiensibus ipsis, ac simul Nannetenſibus Patribus haud omnino ignoratum videtur, dum Concilii Bracarenſis Sanctionem temperaſſe potius, quam renovaſſe probantur. Etenim Triburiense can. xv. suadet, ut juxta Cathedralē Ecclesiam sepeliri se curent; quod si deterreat locorum distantia, monet, ut eligant Collegium aliquod Canonicorum, vel Monachorum, vel Sanctimonialium, ut eorum orationibus ludici suo commendatus occurrat, & remissionem delictorum, quam meritis non obtinet, illorum intercessionibus percipiat: quod si & hoc ineptum, & difficile æstimetur, uti decimas persolvebat vivus, sepeliatur mortuus: Rursus vero can. 17. post interdictam laicis in Ecclesia sepulturam ob experimenta miraculorum, permittit tamen, si forte talis sit persona Sacerdotis, aut cujuslibet justii hominis, qui per vite meritum talem vivendo suo corpori defuncto locum acquiſiſſet: quæ verba ex Capitulis Theodulphi Episcopi Aurelianensis an. 797. editis descripta fuerunt. Amplius vero Nannetenſe indulgere voluit, ut ex ejus verbis planè noscitur: Prohibendum etiam secundum majorum instituta, ut in Ecclesia nullatenus sepeliantur, sed in atrio, aut in porticu, aut extra Ecclesiam. Infra Ecclesiam vero, aut prope Altare, ubi corpus Domini, & sanguis conficitur, nullatenus habeat licentiam sepeliendi: ubi vides, non tam sepulturas intra Ecclesias, quàm easdem infra, aut prope Altare prohiberi, licentiamque, quam posteriore casu omnino interdicunt, priori non omnino adimunt, alioquin satis fuisset, sepulturas ab ipsis Ecclesiis generatim arcere: adeo ut Nannetenſis Concilii decretum relatum a Gratiano (c) li-

R r 2 benter

[a] Lex 12. Tab. apud Ciceronem lib. II. de Leg. Hominem mortuum in Urbe ne sepelito, neve urito: Servius Æneid. XI. Senatus Consultum memorat Duillio Coli. circa an. Urb. 490. quo cautum fuit, ne quis in Urbe sepeliſſetur. Principum ævo Imp. Hadrianus pœnam 40. aureorum in eos statuit, qui in Urbe sepeliſſent, quod & in Municipiis omnibus vim habere ait Ulpianus in leg. 3. §. 5. D. de sepulcr. viol. De Imp. Antonino testatur Capitolinus; Diocletiani tandem, & Maximiani vulgata Lex est in Cod. Justin. De Religioſ. & ſumpt. Funer.

[b] Carmina sunt S. Ambrosii, quæ integra in superioribus notis recitavimus, ab eo lucubrata in obitu Satyri fratris, quem juxta S. Viſtorem Martyrem tu-

mulavit: etiam id egit, ac cecinisse voluit S. Paulinus in carmine de obitu Celsi pueri, quem ait curasse se inferri Basilicæ SS. Martyrum Complutensium:

Ut de vicino Sanctorum sanguine ducat

Quo nostras illo purget in igne animas.

Huc etiam pertinet insignis locus S. Maximi, quem superius jam recitavimus.

[c] Caus. XIII. quæst. II. can. xv. falsò tamen sub nomine Concilii Varenſis, seu Vafenſis, nam hoc decretum in duobus Conciliis Vafenſibus desiderari jamdiu observavit Cl. Menardus I. I. Decretum autem a Gratiano relatum iisdem conceptis verbis legitur in dicto Concilio Nannetenſe can. VI.

benter admittamus, probemusque, juxta veram disciplinam, seu ritum Ecclesiæ, quo cada- vera prope Altaria sepeliri vetantur, ut ex Rituali Romano Pauli PP. V., & Concilio Medio- lan. iv. S. Caroli, id quod reverentiæ ratio postulat, præcipue vero causa illa ita faciendum monet, quam superius observavimus in decretis S. Gregorii Papæ, qui nullam Ecclesiam ædi- ficandam eo loco permittit, ubi cadaver humatum fuisset.

Eodem temperamento circa personas, quas deinceps in Ecclesiis sepeliri fas esset, ubi sunt, tum Theodulphus Episcopus Aurelianensis in Capitulis suæ Ecclesiæ editis ann. 797. (a) tum Hincmarus Archiepiscopus Remensis in aliis suæ Ecclesiæ Capitulis ann. 852. (b) Prioris verba ex Concilio Triburienſe paullo ante audivimus; Posterioris vero hæc sunt cap. xii. *Ut nemo Presbyterorum quemquam in Ecclesia sepeliat sine consensu Episcopi, exceptis dumtaxat perso- nis, quas singillatim, & privatim in Synodo significavimus: Remissus se habuit Concilium Mogun- tinum sub Carolo Magno hisce verbis: nullus mortuus infra Ecclesiam sepeliatur, nisi Episcopi, aut Abbates, aut digni Presbyteri, vel fideles Laici; a quo quidem decreto interpretationem recipiunt ejusdem Caroli Capitularia eodem anno publicata, in quibus hæc leguntur: ut mortui non sepe- liantur in Ecclesia, nisi Episcopi, & Abbates, vel fideles, & boni Presbyteri: ut scilicet laici etiam modo fideles essent, ut loquitur Concilium Moguntinum, quia non expresse memorati, non censerentur exclusi a dictis Capitularibus, quæ a dicto Concilio majoris fidei, auctoritatis- que digno, interpretationem, aut certe veram lectionem recipere debent.*

Habes igitur omnia, vel certe celebriora, ac graviora particularium Ecclesiarum decre- ta a sæculi octavi exitu ad noni finem de non sepeliendis intra Ecclesiam mortuis promulgata. Atque si eorum tempus inspiciamus, serò quidem ad veterem, ac communem totius Ecclesiæ disciplinam abolendam, aut aliquantum immutandam prodierunt; si vero auctoritate non con- sideremus, quod in una, vel altera Ecclesia constituendum placuit, hæc novam Ecclesiæ disciplinam inexistisse potuit, quam Romana Ecclesia veteris disciplinæ adhuc retinens non ad- misit: ex Gregorii loco Cl. Thomassinus parum sibi constans (c) colligi affirmat, liberum Lai- cis in Italia fuisse, ut sepulturam sibi in Ecclesia deligerent, cum in Gallia non alii in ea sepelirentur, quam quorum Episcopus mores, vel Parochus ad examen vocasset. Itaque in Italia Laici suo judicio sin- guli permittebantur, ut ipsimet dignoscerent, an tumulo sibi in Ecclesia designato novas sibi damnationis penas accumularent: In Gallia eas judicandi partes Episcopi, & Presbyteri sustinebant: Id etiam mox repetit post relatum Nicolai I. de eadem re responsum ad Bulgarorum consulta: Fatetur itaque Vir doctus, quid omni ævo in Italia servaretur, id est, quæ fuerit Romanæ Ecclesiæ discipli- na, quam sanctissimi, sapientissimi tum Pontifices, tum Patres omni ævo probarunt, at non video, quid in ejus mentem venerit, dum Gallicanam Ecclesiam ex eo præcipue com- mendandam putarit, quod noluerit morientium arbitrio Ecclesiasticam sepulturam permitti, atque hoc discrimine dissensisse Italos a Gallis, quod in Italia utiliter sepeliri in Ecclesia eos omnes confide- rent, qui Christianæ pietatis sectatores fidei fuissent, nec ab ea prorsus descivissent; cum in Galliis nefas esset quemquam a Parochis, & Episcopis permitti in Ecclesia humari, nisi singulari quadam sanctitate præcelluisset: quasi de fidelibus quibuslibet mortuis in Sanctorum album referendis agendum esset, non vero de iisdem Ecclesiastica sepultura dumtaxat donandis, quam singuli Christiani in pace Ecclesiæ defuncti, nisi publica graviorum criminum, quorum poenitentiam obstinate detrectassent, infamiâ notarentur, suo sibi jure vindicabant; ita ut quibus communicabatur vi- ventibus, communicandum esset jam defunctis, ut Innocentius III. agebat (d). Quid etiam fuerit, aliorum examen, ac judicium requiri, nisi illorum avaritiam fovere, qui quum de permissa omnibus sepultura pretium accipere per sæpe ausi fuerint (e), amplius ex permittendi auctori- tate sibi tradita, extorquendæ pecuniæ occasionem arripissent?

Sed præter temporis rationem, auctoritatisque vim, quæ tandem verior earundem san- ctionum fuerit causa, paullo diligentius observemus. Dum igitur liberum cuique semper fuit, mortuos in Aedibus sacris sepelire, non nihil apud Christianos prisca illa majorum suo- rum religio deferbuit, quâ illi, ut superius a me probatum est, pro piaculo sibi ducebant communem cum Ethnicis sepulcrum habere; hinc post redditam Ecclesiæ pacem, ædifica- tasque

[a] Habes apud Labbeum tom. ix. pag. 187. atque item sub nomine *Incerii Auctoris* tom. xi. pag. 1378. edit. Venet. an. 1730.

[b] Apud eundem Labbeum tom. x. p. 3.

[c] l. l. cap. 67. n. 12.

[d] In Cap. ex parte. De Sepulturis.

[e] Quod vitium in hac re maxime invaluisse apud Episcopos, & Presbyteros satis constat ex pluribus Epi- stolis S. Gregorii, ex S. Hieronymo, & Decretis Con- cillii Triburienſis, & Nannetenſis, relatis a Gratiano dicta Caus. xlii. quæst. ii. can. 12. 13. 14. & 15.



tasque ubique Christianorum sacras Aedes, abusus irrepsit, ut simul cum Christianis ipsis in eorum sepulcra etiam Gentilium, seu profanorum cadavera aliquando inferrentur: Id initio ex eo factum putaverim, quod, quum ejusdem familiæ, vel etiam loci homines non simul omnes Christianæ Fidei nomen dedissent, qui inter paganorum errores adhuc versarentur, ex sanguinis, civilisque vitæ conjunctione etiam commune sepulcrum facile obtinebant; sicque apud Christianos potior erat necessitudinis ratio, quam religionis: certe circa sæculi IV. finem hunc errorem inter Christianos plurimum inolevisse discimus ex græci anonymi cujusdam Poetæ carmine, apud Cl. Mabillonium, ex cujus versione ita Poeta adversus eos Christianos invehitur:

*Ter morte digni, primum quidem miscuistis corpora profanorum*

*Sanctis; & sepulcra profanorum*

*Sacerdotum Christianorum in medio stantem habent (a)*

quod jam antea S. Hilarius Pictaviensis Episcopus contra Christi Domini monitum esse affirmavit (b), illudque addidit, non solum eos infideles esse, qui Idololatriam sectarentur, verum etiam eos, qui extra Deum vivant, i. e. improbos, ac solo nomine Christianos, qui ipsis infidelibus deteriores, dum extra Deum, ejusque Ecclesiæ communionem vixissent, mortui demum, haud commune piorum fidelium sepulcrum mereri poterant: At ita res se habuit, quam sequuta Ætas vitiosiorum progeniem ferens inter suos pravos mores retinuisse videtur: Quæ fuerit eorum temporum infelicitas, ex Sanctionibus eisdem, quæ mortuos intra Ecclesias sepeliendos vetabant, intelligere satis erit; certè in Galliis eadem Capitula Theodulphi, quæ cap. IX. defunctos intra Ecclesiam sepeliendos prohibuere, antecedente cap. VIII., quò Ecclesiarum contemptus vulgo processerit, palam faciunt hisce verbis: *Videmus crebrò in Ecclesiis messes, & fœnum congeri; unde volumus, ut hoc penitus observetur, ut nihil in Ecclesia præter vestimenta Ecclesiastica, & vasa Sancta, & libri recondantur: ne forte audiamus a Domino: Domus mea domus orationis vocabitur, vos autem fecistis eam speluncam latronum.* Quam autem speluncam latronum? Sequenti capitulo Theodolphus explicasse videtur, nam quum prius Ecclesias pro horreis, stabulisque haberi doliisset, mox easdem Ecclesias quibuslibet sepeliendis mortuis patere conqueritur, idest illis etiam, qui Infideles, aut Hæretici, aut Excommunicati, aut demum publici peccatores essent, quibus omnibus ea tempora redundabant; Hos itaque solos intelligit, hosque solos ab Ecclesiastica sepultura arcet, dum eadem Sanctione mox quoslibet alios justos homines intra Ecclesiam ex antiquo usu sepeliendos permittit; nisi forte [inquit] talis sit persona Sacerdotis, aut cujuslibet justi hominis, qui per vitæ meritum talem vivendo suo corpori defuncto locum acquisivit: eisdem etiam aut Religione, aut moribus a Christiana Fide alienos plane intellexit Concilium Moguntinum, dum a prohibita in Ecclesiis mortuorum sepultura excipit non solum Episcopos, Abbates, aut dignos Presbyteros, verum etiam Fideles laicos (c): Si enim præter sacros ministros omnes generatim Fides laici in ejusdem Ecclesiasticæ sepulture jure, ac possessione servantur; nulli alii erant, qui a Concilio sepeliri vetabantur, nisi ab Ecclesiæ corpore extranei, aut divulsi. Habes igitur causam (ni fallor), cur tot Ecclesiasticæ Sanctiones per sæculum IX. mortuos in Ecclesiis sepeliendos interdixerint: non de defunctis quibuslibet latæ eæ leges cenferi debent, ut plerique hæctenus inconsultò atque temerè affirmarunt, sed, uti ea temporum conditio postulabat, indignos dumtaxat, quos passim in Ecclesiis humari mos erat, prohibendos sanxerunt; ita ut nihil de veteri disciplina mutatum, sed ea potius instaurata tum videatur, ut nempe Fidelibus laicis Ecclesiastica, ut semper olim, sepultura permitteretur, quæ tamen infidelibus aut Religione, aut moribus, ex majorem instituto perpetuò ab Ecclesia servato, omnino esset deneganda.

Observatis jam, explicatisque Ecclesiasticis Sanctionibus, oriosum fortasse videbitur Civilium Constitutionum disquisitionem exequi, quippe quæ nullum nobis negotium facessere valeant ea in re, quam ad Ecclesiasticam disciplinam pertinentem, ex ipsius Ecclesiæ auctoritate

[a] Anonymum Poetam dicit Mabillonius de cultu SS. Ignotorum §. IX. Sed inter carmina S. Gregorii Nazianzeni retulit Muratorius in Anecd. Græc. n. 137. pag. 138., quem vide.

[b] In illa verba Christi: *Dimitte mortuos sepelire mortuos suos:* Matthæi VIII. quæ sic explicat: *Ostendit Dominus, inter fidelem filium, patremque infidelem jus paterni nominis non relinquere: non igitur obsequium humani patris negavit, sed admonuit, non admisceri*

*memoriis Sanctorum mortuos infideles; mortuos autem etiam eos esse, qui extra Deum vivunt.*

[c] Post ea verba *Fideles laicos* plerique etiam hæc addunt: *qui per vitæ meritum talem vivendo suis corporibus locum acquisierint:* Sed Cl. Menardus posteriora hæc verba in tom. 2. Conciliorum Galliæ non extare affirmat, quæ proinde a posteriori manu ex Theodulphi capitulis ad dictum Concilium prius adnotata, dein pro ejusdem Concilii verbis falsò accepta videntur.

cloritate satis probatam, definitamque obtinemus: at quoniam maximum in iis momentum fieri video, præstabit disquirere. Celebris in eam rem assertur Imppp. Gratiani, Valentini, & Theodosii Lex; quam pluribus, ut affolet, decurtatam, immo veriùs interpolatam Tribonianus in Justiniani Codicem retulit in l. 6. Tit. De Sacr. Eccl. his verbis: *Nemo Apostolorum, vel Martyrum sedem humanis corporibus existimet esse concessam: integram vero nobis servavit, exhibetque Codex Theodosianus in leg. 6. Tit. De Sepulcr. violat. sic: Omnia, quæ supra terram Urnis clausa, vel Sarcophagis corpora detinentur, extra Urbem delata ponantur, ut & humanitatis instar exhibeant, & relinquunt incolarum domicilio sanctitatem. . . . Ac ne alicujus fallax, & arguta solertia ab hujus se præcepti intentione subducatur, atque Apostolorum, vel Martyrum sedem humanis corporibus existimet esse concessam, ab his quoque, itaut a reliquo Civitatis, noverint se, atque intelligant esse submotos. Dat. 11. Kal. Aug. Heracleæ, Eucherio, & Syagrio Cof. i. e. an. 381. Ambas utriusque Codicis Leges recitasse opus fuit, ut non quid Tribonianus obtrudebat (a), sed quid tandem Theodosiana Lex diceret, penitus sciremus. Demus autem Viris doctis plerisque (b), quod falsum mox demonstrabimus, ex postrema hujus Legis parte mortuorum sepulturam in Apostolorum, vel Martyrum Basilicis omnino interdictam videri, nonne tamen particularis fuit hæc Lex, quæ pro sola Constantinopoli lata, non ejus Urbis mœnia prætergrederetur? Legis titulus, quæ data legitur ad Pancratium Urbi (utique Constantinopolitanæ) Præfectum, præclarius etiam legis verba id demonstrant. Quidni igitur Imperatores privatorum sepultura a Constantinopolitana Apostolorum Basilica arcendas voluerint, quæ non tam in ejusdem loci, quàm in suimet injuriam frequentari cœperant, propterea quod jamdiù illa erat defunctorum Augustorum sedes constituta (c) æ ac, ne violandæ Legis occasio ulla superesset, eadem de causa neminem intra Urbem ipsam deinceps sepeliendum edixerunt. Sic eorum opinioni commodè satisfieret, qui utriusque Legis haud ignari, Theodosianam tamen oscitantius attendentes, Justinianeam imprimis pro suæ opinionis fundamento sibi arripunt, quasi Justinianus Theodosianam legem non solum innovaverit, sed etiam ex Urbe Constantinopolitana omnibus Imperii Urbibus servandam proposuerit; quum tamen animadvertendum iis fuisset, posteriorem legem non Justiniani, sed Triboniani opus censerì debere, qui pro suo munere, [utinam non eadem sublehtë fide, ut in aliis pluribus] Justiniano Codici, servato Auctorum nomine, inseruit: Siluisse ne Justinianus ipse, si unquam nosset, ac probasset, hanc legem, qui in Novellis XLII. & LIX. tam multa de mortuorum exequiis, earumque impensis de publico erogandis in Constantinopolitana Urbe constituit?*

Sed quam ferendæ Theodosianæ legis causam conjeci, nonnisi ex admissa, quæ viris doctis infederat, sententiâ probari tantum licebit: Cæterum falsum eorum esse judicium ajo; nam [quod ii certum, manifestumque statuunt] neque ex verbis, neque ex mente Imperatorum illud apparet, ut nempe mortuorum sepultura in Ecclesiis eâ Lege fuerit interdicta: id unum præcipue ab Imperatoribus cautum fuit, ut ex majorum instituto sepulcra extra Urbem essent. Omnia (sic edicere incipiunt) *quæ supra terram urnis clausa, vel sarcophagis corpora detinentur, extra Urbem delata ponantur*. Idem deinceps servandum mandant, ac ne Constantinopolitani cives fraudem legi facerent, dum se in Urbanis Basilicis, sepeliri fecissent, *ab his quoque (subdunt Imperatores), itaut a reliquo civitatis, noverint se, atque intelligant esse submotos*; Urbana igitur, non Ecclesiastica prohibetur sepultura, quæ ad illius prohibitionem omnimodè servandam nonnisi consequenter vetari debuit. Res clara satis; nam si de Ecclesiis præci-

[a] Mirum, quantum negotii, imo nugarum occasionem Tribonianus fecerit quibusdam obelæ naris interpretibus, qui Justiniani Codicis Legem, ignorato ejus fonte, explicare conati sunt: adde novam inepioris intellectus causam in signi ex mendo, quod in illam irreperat, dum pro *humanis corporibus* legebatur *humanis*.

[b] Hæc fuit sententia Gretseri de Funer. Christian. 1. 2. cap. 8. ac præter Gonzalez, & Thomassinum probata fuit Spondano de Cœmeter. Sacr. lib. 1. p. 3. c. 14., qui etiam censet, latam ab Imperatoribus in omnes Christianos legem hortatu Sacrorum Antistitum, qui effrænem populorum licentiam in sepeliendis omnibus intra Ædes Sacras coercendam existimabant; quod ut facilius obtinerent, nullos excipi placuit, etiam di-

gnitate, aut pietate præstantes, qui æquo jure cum reliquis omnibus censendi deinceps essent: sed hoc comminisci potius est, quàm conjectari; nihil enim tale ex ea lege consequitur, quæ etiam principalem sententiam omnino respuit, ut superius ostensum fuit.

[c] Sepulcra Constantinopolitanorum Imperatorum in Porticu Basilicæ Apostolorum fuisse præclare testatur Nicephorus Hist. l. 14. cap. 58. qui de Theodosio juniore jam defuncto sic habet: *Theodosius in paterno monumento repositus est, in dextera sublimi SS. Apostolorum Porticu, in qua Porticu, eodemque lapide Pater quoque Arcadius, & Mater Eudoxia, necnon avus Theodosius sui sunt: in sinistra autem, quæ ex adverso porticu sacri ejus Templi, Jovinnianus jacet.*



præcipuè actum fuisset, quum eadem ratio de iis, quæ intra Urbem, quam quæ extra Urbem essent, vigeret, idem de utrisque jus statuendum fuisset; nihil tamen de Ecclesiis extra Urbem sancitum: De Urbanis vero dictum est, non ut sepulcra extra Ecclesias, sed ut extra Urbem omnino essent: atque ad eam rem dumtaxat tradita ab Imperatoribus legis ratio refertur, dum ideo sepulcra extra Urbem ponenda volunt, ut & humanitatis instar exhibeant, & relinquunt incolarum domicilio sanctitatem. Nullam vero de prohibita subinde Ecclesiastica sepultura rationem adjungunt, quæ quidem nulla suppetere poterat, dum ipsamet Urbanorum sepulcrorum prohibitio, prohibendæ etiam in Urbanis Ecclesiis sepulturæ sola fuit ratio.

Non aliud igitur Imperatores ea lege sanxerunt, quam ut nulla mortuorum sepulcra in Urbe essent, sed ii tandem extra Urbem sepeliri deberent: Ipsam idem, inquam, constitutum ab iis est, quod Legibus xii. Tab., Senatus Consulto, Hadriani, Antonini Pii, ac demum Diocletiani, & Maximiani sanctionibus cautum olim fuerat. Res patet ex horum omnium consentientibus legibus cum eorundem Imperatorum Constitutione, patet amplius (quod piget dicere) ex tradita ejusdem Constitutionis posteriore, ac potissima ratione (a), ut relinquunt incolarum domicilio sanctitatem, quod ex Diocletiani, & Maximiani lege mutuati videntur, cujus hæc sunt: *Mortuorum reliquias, ne Sanctum Municipiorum jus polluantur, intra civitatem condi jam pridem vetitum est.* Fateor, ejusmodi rationem non modo ab Ethnicis Augustis usurpatam, sed planè superstitionis, ac paganici ritus plenam, Christianæ Fidei contrariam videri, quam proinde nostri Imperatores jam tum Christiani ejus legis conditores abhorrere debuissent; Hinc Cl. Muratorio in mentem venit, ut pro *Sanctitatem* verosimilius *sanitatem* in textu legendum opinaretur, ut nempe civium *sanitati* consulisse Legislatores voluerint, cui pestiferæ cadaverum exhalationes, quibus Urbs inficiebatur, manifesto detrimento esse videbatur: Sed non temere solum, ut ipse Muratorius non abnuit, verum etiam ineptè id conjecisse fuerit, dum nullibi ex Urbanis sepulcris funesti aliquid viventium sanitati unquam contigit. (b) Non erit igitur ejus vocabuli lectio sollicitanda, quod revera Imperatores scripserunt. Præstabit melius excusationem parare: non, quod ii, diverso a Gentilibus sensu, *sanctitatem* Civitatum violari credebant per corpora mortuorum, quod nimio suo fectore Civitates inficerent, quæ incongrua fuit Viri docti explicatio (c); sed quod inconsultò eam rationem, quæ Ethnicorum propria fuit, suæ quoque Legi verbo tenus adjecerint; id quod toto sæculo iv. in aliis Christianorum Principum legibus, atque in pluribus Christianorum monumentis sæpe factum superiore Capite docui, tum cum vel c. ruda adhuc (ut ait Cl. Mabillonius) Christianorum Religio aliquid de Paganici ritus superstitione retineret, vel abjectæ superstitionis vocabula a recentium Christianorum ore nondum abcessissent.

Consultius fortasse se habuit Ostrogothorum Rex Theodoricus, qui initio sæculi vi. in suo Edicto (d), (quod a Viris doctis non invenio observatum) idem pro Urbe Roma servandum voluit, quod pro Constantinopoli laudati Imperatores constituerant, adjectâ identidem poenâ, ut ab illis factum fuit, omniâ tamen, quæ utrorumque temporibus importuna erat, ferendæ

[a] Nam prior, ut *humanitatis instar exhibeant*, inepta erat ratio, dum sepulcra extra Urbem posita, non ita civium oculis, uti in Urbe obvia fuissent, ubi assidue præsentem mortalitatis imaginem spectantibus incolis exhibentia, humanæ conditionis eos admonerent. Unde nec probari possunt illa Varrois lib. v. De L. L. *Sepulcra ideo secundum viam sunt, quod prætereuntes admonerent, & se fuisse, & illos esse mortales*: Scimus enim, quid omnino causæ fuerit, & sepulcra extra Urbem essent, quod ex posteriore Theodosianæ legis ratione satis constat.

[b] Solius enim Mezentii fuit, qui inter alia *Mortua quin etiam jungebat corpora vivis*  
*Componentes manibusque manus, atque oribus ora*  
*Tormenti genus: & sanie taboque fluentes*  
*Complexu in misero longa sic morte necabat,*  
neque etiam ullibi inhumata putrescere corpora permittebantur, sed vel humo altè desossa, vel Sarcophagis condebantur; quæ cura semper fuit, hodieque obtinet in Sacris Edibus, ubi ex sepulcris nihil putidi, nihil indecori (quæ frustra sibi plerique comminiscun-

tur) oriri videntur: unde nec causâ inter alias admitti potest, cur sepulcra extra Urbem arcerentur, quam attulit S. Isidorus lib. 14. orig. cap. 12., *ne scilicet fectore ipso corpora viventium cantuâ inficerentur*: neque enim veteres animadvertendam voluerunt eam causam, quam nullam esse experimento probabant, aliam causam sepeliendorum extra Urbem mortuorum asserentes, quam superius tam sæpe commemoravimus.

[c] Hæc fuit explicatio Bernardi Van-Elpen l. l. n. 4. & 5. sed falsa, ut dixi; quid enim mortuorum fectore sanctitati viventium obesse poterat? nihil utrique rei commune, nisi quod mortuorum præsentia optima vivorum magistra, ac consiliatrix morum sanctitatem potius fovere videatur.

[d] Edictum Theodorici Regis continens capitula cl. quæ salva juris publici reverentia, Barbari, Romani que sequi debeant super expressis articulis ex vetulo exemplari prior in lucem edidit Petrus Pitheous, habenturque post Opp. Cassiodori edit. Colon. an. 1656. pag. 650.

ferendæ Legis ratione : Sic enim habet Theodoricus cap. cxi. *Qui intra Urbem Romam cadauera sepelierit, quartam partem patrimonii sui fisco sociare cogatur, si nihil habuerit, casus fustibus civitate pellatur.* Unde vero in Theodorici mentem venerit, ut ejusmodi Legem pro sola Urbe Roma condiderit, non satis constat, nec refert novisse : nisi quod notari fortasse intererit, sepulcrorum effusiones, destructionesque sibi licere voluisse, qui ipsum idem capitale aliis edixerat (a).

Sed civilium harum Sanctionum scrupulos jam demum sustulit Imp. Leo sapiens, qui antiquis juribus abrogatis, generali edita Constitutione (b) non indulgit solum, sed planè mandavit, ut cuique tam intra Civitates, quàm extra, mortuos sepelire liceret : non Theodosianam legem, quæ ab una Constantinopoli mortuos expellebat, sed dumtaxat Hadriani legem (c), quæ in universis Imperii Urbibus id mandaverat, Leoni improbatam Muratorius ex eo arbitratur, quod is legem singulariter memoret, Civitates verò, aut Urbes multitudinis numero. An igitur, quod pro cæteris omnibus statuendum censuit, in una Constantinopoli adhuc fieri pateretur Leo, dumque Legem iniquam, atque humane nature indecoram clamaret, affirmaretque a consuetudine rectè contemplam, adhuc tamen in ea Urbe, atque ob oculos, justam, ac sacrosanctam suo silentio probaret? Cur vero Hadriani potius, quàm vel Antonini, vel Diocletiani, & Maximiani legem, respexisse debuit? Immo potius horum omnium, ac in primis recentissimam omnium, in ipsa Urbe Constantinopoli, atque ab ipsis Constantinopolitanis Augustis ortam Theodosianam Constitutionem indicavit; quas Sanctiones omnes, idem jus variis temporibus, variisque auctoribus statuentes, Legem generatim rectè appellavit, Urbemque Constantinopolitanam Theodosiana lege contentam cum reliquis Urbibus, quæ aliis legibus tenerentur, omnino comprehendit. Abfurdior autem Thomassini opinio, qui ex hac Leonis Constitutione, *indulxisse eum ait, ut sepeliri fas esset in Urbibus, hoc est, in Ecclesiis, ita enim (subdit) promptum est de ejus mente conjectari* : nam non id ex Leonis mente, sed ex præsumpta Thomassini opinione conjectatum erit, qui, quum Theodosiana lege proscripta ab Ecclesiis sepulcra falsò crediderit, ut jam vidimus, restituta Leonis Constitutione sibi persuasit; sed nihil de Ecclesiis in Leonis Constitutione, qui de Urbanis tantum sepulcris loquutus, dum vetusta, quæ de ea re hæc fuerint jura reprobavit, amplius nos docet, Theodosianam Legem nullo modo de prohibendis intra Ecclesias, sed intra Urbem dumtaxat interdicendis sepulcris fuisse latam; quod jam antèa luce clarius a me probatum fuit.

Civilibus juriis, quæ hæcenus observavimus, addam quoque, quæ heic omnino pertinent, ex patriis antiquitatibus illustre monumentum : In Capitulari Beneventani Longobardorum Principis Arechis II. sæculi VII. sic statuitur cap. XVII. : *Si quis hominum causa temeraria (d) absque permisso Pontificis, vel custodum Ecclesiasticorum, mortuum in Basilica sepelierit, hac ratione perpendimus, componat sol. quadraginta ejusdem venerabili loci Rectoribus; de sepulcro quidem supradictis personis, ut libeat, conveniatur.* Plura autem in hac lege notari possunt; ac primo quidem, haud illam pro omnibus generatim Ecclesiis, sed tantum pro Urbis Basilica, i. e. Æde majori latam videri : in qua quidem, vel ob sui excellentiam, vel quod in ejus Porta, seu Atrio ipsi Longobardi Principes, ut superius dictum est, tumulari solerent, haud aliorum sepulcra esse deceret; fas tamen id fuisse dicitur, si Pontificis, i. e. Episcopi, vel custodum Ecclesiasticorum permisso accederet. Esto autem, quod Basilicæ nomine, non unam Ædem majorem, sed Basilicas quaslibet, omnes nempe Ecclesias intellexerit Arechis, non juxta Basilicam, aut in ejus atrio, sed in Basilica sepeliri mortuos tunc temporis fas fuisse satis constat : Id unum Lex postulabat, ac sancitâ solidorum XL. poenâ servandum volebat, ut ejusdem Ecclesiæ ministrorum, in qua quis sepeliendus esset, adhibe-

[a] Sæculo IV. ac deinceps nimium grassari cœperunt effodiendi, destruendique sepulcra, in quibus aurum cum defunctis reconditum credebatur : Hinc tot leges in Cod. Theod. tit. De Sepulcr. viol. quibus id crimen gravissime coerceretur. Extant etiam Gregorii Nazianzeni plura carmina in sepulcrorum effosores : quibus accedit Theodoricus Editum cap. CX. in hæc verba : *qui sepulcrum destruxerit occidatur*. Idem Theodoricus apud Cassiodorum Variar. IV. 18. mandat inquiri contra Presbyterum, qui aurum quærebat inter cadavera mortuorum, atque aurum sibi vindicabat Theodoricus, scelus pro Sacerdotali honore relinquit impunitum. Sed quod aliorum videbatur scelus, etiam capite luentum, fas sibi esse duxit, ut pro inveniendis thesauris sepulcra effoderentur, hæc rationes mandato prætexens :

*Talenta (inquit) non teneant, qui vivendi commercia relinquerunt. Aurum enim sepulcris iuste detrahitur, ubi Dominus non habetur, inno culpa genus est, inutiliter abditis relinquere mortuorum, unde se vita potest sustentare viventium.* Eod. lib. IV. 34.

[b] Quam habes inter Novellas ejusdem Augusti Constitutiones Const. LIII.

[c] Quæ relata est ab Ulpiano in l. 3. §. Divus Hadrianus D. De Sepulcr. viol.

[d] Legendum videtur : *ausu temerario* : quod miror a Cl. Peregrino in Hist. Long. ad hunc locum non fuisse animadversum : Sed de his furo loci latius, quum Deo favente, Longobardica sæcula peculiari volumine illustrabimus.



## DISSERTATIO UNDECIMA. 321

adhiberetur permiffus; quod tamen, an jure faciendum juberetur, atque e re Christiana factum videretur, fuperius obfervavimus.

Atque hæc funt utriufque Potestatis tum Ecclefiafticæ, tum Civilis Sanctiones, quas fere ætare, a feculo VIII. ad IX. circiter, latas invenio: ex quibus, quàm infirma, ac male tuta, imo falfa, atque erronea eorum opinio fit, qui Ecclefiafticis fepulturis bellum indicare conati funt, fatis probatum arbitror; Res autem omnino confecta erit, fi poft agnitas (quod interim faciendum fuit), perpenfasque feculi VIII. ac IX. Sanctiones, quæ veterem ad feculum VII. fervatam Ecclefiafticæ difciplinam labefactaffe videbantur, coeptam femitam profequamur, in qua, ut de laudatæ Sanctionibus videremus, paullulum fubftitiffe opus fuit; itaque poft feculum VII. (quouſque ab Christianæ Religionis primordiis, legibus, exemplis, auctoritatibus Ecclefiafticam de mortuis in Ecclefia tumulandis difciplinam luculenter probaſſe cœpimus) probatam adhuc fequuto tempore ex optimæ tum fidei, tum auctoritatis monumentis pergamus oftendere.

Eodem feculo IX., quo tam variæ particularium Ecclefiafticarum Sanctiones prodire, contigit etiam, ut Apoftolicæ Sedis judicium de eadem re perquireretur: Percontantibus enim Bulgaris, an Christianis in Ecclefia fepeliri fas eſſet, Nicolaus I. Papa ita reſpondit: *Si eſt Christianus intra Eccleſiam fepeliendus, inquiritis? Hanc Sanctus Papa Gregorius quæſtionem abſolvit, dicens: cum gravia peccata non deprimunt, hoc prodeſt mortuis, ſi in Eccleſia fepeliantur, quod eorum proximi quoties ad eadem ſacra loca conveniunt, ſuorum, quorum ſepulcra aſpiciunt, recordantur, & pro eis Domino preces fundunt: nam quos peccata gravia deprimunt, non ad abſolutionem potius, quàm ad majorem damnationis cumulum, eorum corpora in Eccleſiis ponuntur.* Vides igitur, rem non ſolum ex veteri difciplina licitam a Nicolao probari, Bulgarique recens ad fidem converſis ſectandam proponi, verum etiam in maximam mortuorum utilitatem ceſſuram affirmari; monendos tamen Bulgaros voluit Sapientiſſimus Pontifex, haud iis Christianis Ecclefiafticam ſepulturam prodeſſe, qui dignam gravium peccatorum poenam jam ſubiſſent, ne in eum errorem facile inducerentur, ut merito ſepulturæ, in qua corpus quieſceret, æternam, quam anima meruiſſet, poenam, aut vitari, aut minui poſſe ſperarent.

Poſt ſeculum X. paſſim occurrunt Summorum Pontificum Decretales Epistolæ, quas omnium manibus teri ſolitas, otioſum erit huc referre: omnium loco Innocentium III. audiſſe fatiſ fit (a): *Qui reliſtis (inquit) antiquis Eccleſiis, & patrum, aliorumque parentum ſuorum ſepulcris, contra conſuetudinem Patrum veteris Teſtamenti, qui cum patribus ſuis ſepulcri eſſe leguntur, ad nova, & minus religioſa loca ſe tranſferunt, irrationabiliter, & contra antiquam conſuetudinem facere videntur, unde hoc non præjudicat rationi, & viribus carere debet.* Ubi primum antiquæ conſuetudinis, ſeu difciplinæ, ut fideles mortui in Eccleſiis fepelirentur, locupletiffimum teſtem, aſſertoremque habemus Innocentium; præterea conſuetudo eadem adeo rationi conſona dicitur, ut privatæ morientium leges, qui ſe in loco minus religioſo fepeliri mandaffent, irrationabiles, ac proinde irritæ declarantur: Hinc licet jura omnia morientium voluntates pro Legibus haberi velint, liberumque fit cuique ſepulturæ locum, quem libeat, eligere (b), ea tamen libertas ad locum quemlibet, modo religioſus fit, dumtaxat extenditur, in loco autem minus religioſo fepeliri neſas judicatur (c); quod quidem judicium non unius Innocentii, aut unius ætatis, ſed conſtans ac perpetuum ipſius Eccleſiæ fuit, vigebitque cum Eccleſia ipſa, ut nemo Christianus in communionem fidelium defunctus, extra Eccleſiam, aut Cœmeterium rite benediſtum fepeliri debeas (d): itaut eodem ſinu, quo vivos fovit, mortuos eadem Mater cuſtodiat; & quos ad certam ſpem reſurrectionis depoſitos ſervat, unâ ſimul e ſinu ſuo reſurgentes exhibeat.

At, inquit, nonne fatiſ rei conſultum ex Cœmeteriis, quæ & Christiano ritu ſacrata eſſe debent, &, ut plurimum, Eccleſiis continentia? Abſit, ut de Cœmeteriis indignum quid ſentiam:

S s

[a] In cap. Fraternitatem. De Sepulturis; quod tamen Innocentio II. attribuentum optimis rationibus Gonzalez arbitrat. dum ita edicit: Si quis antiqua dimiſſa, novam etiam in loco minus religioſo elegerit ſepulturam, electionem hujusmodi (licet jura ſuper hoc videantur eſſe diverſa) nequaquam volumus impugnari: Apparet enim, quod Bonifacius per locum minus religioſum intellexerit Oratorium, vel Sacellum, ad Miſſarum ſolemnia, & ſepulcras dedicatum, in quo tamen non eſt Religioſorum fratrum conventus, nec frequenter Miſſarum ſolemnia tam pro vivis, quàm defunctis celebrantur, qualem locum deſideraſſe videtur Innocentius in diſto cap. 3.

[b] Cap. Cum liberum. Eodem Titulo.

[c] Conveniunt Canonica (teſte Gonzalez in diſta decretali Innocentii, ac Van-Eſpen Part. II. tit. 38. cap. 3. n. 23.) prohibitam fidelibus fuiſſe ſepulturam in loco profano, quem loci minus religioſi vocabulo intellexit Innocentius, itaut illud minus negativè, ſeu privativè potius, quàm diminutivè appoſitum fit: hinc Innocentii decretalem haud correxiſſe, ſed potius declaraſſe videtur Bonifacius VIII. in cap. 1. De ſepulturis in 6.

[d] Sunt verba Ritualis Romani.

tiam : Probo siquidem , atque ubi viget antiqua consuetudo sepeliendi mortuos in illis , retinendam , & ubi fieri potest , restituendam non abnuo (a) . At qui pro mortuorum in Ecclesia sepultura haec tenus decertans , Coemeteria non improbo , eodem modo velim , ut ii , qui Coemeteriis favent , adhuc consuetas in Ecclesiis penetralibus sepulturas non ægro animo ferant , amarique verbis infectari jam desinant .

Novit sanè Dominus , qui sunt ejus , eorumque ossa non solum in Ecclesiis , aut Coemeteriis , sed etiam ubique custodit , non ideo tamen ( ut agebat Augustinus ) contemnenda , & abjicienda sunt corpora Defunctorum , maximeque justorum , ac fidelium , quibus tanquam organis , & vasis ad omnia bona opera Sanctus usus est Spiritus . Sinamus ergo , ut in Ecclesia mortui fideles sepeliantur , ubi plurimum interest sepeliri . Interest mortuorum , interest etiam vivorum (b) : Illis celerior requietis possessio , his frequentius impensæ pietatis meritum comparatur . Non dedignantur Sancti mortuorum contubernium , qui etiam adjuvant , ut mortuis profit ; nam quos communione sepulcri propinquos sibi vident , eodem quoque gloriæ confortio citius sociandos sibi curant . Dabimus itaque operam , ( quod S. Maximus paullo ante nos monebat ) ut sicuti eis , ossibus parentum nostrorum jungimur , ita & eis fidei imitatione jungamur ; in nullo enim ab ipsis separari poterimus , si sociemur illis tam religione , quam corpore .

[a] Ex eodem Rituali .

[b] Quam magna , atque multiplex sit utilitas , ut mortui in Ecclesiis sepeliantur , passim hoc capite ex multis Sanctorum Patrum locis superius recitatis , aliis-

que rationibus dictum jam fuit ; plura ad id videri possunt apud Spondanum De Sacr. Coemet. part. 3. cap. 14. aliosque , quos rem late illustrans refert Gonzalez in dicto cap. 111. De Sepulturis .

#### ADMONITIO

DUM huic Operi adlaborarem , deque veteris Anaglyphi Beneventi evanidis explicatione suborta mihi dubitatio fuisset , res ad doctissimi , & Antiquitatis Consultissimi Jo. Baptistæ Passerii iudicium delata est , cuius , quum sententia , pro Veteris Juris Conditorum more , vera quidem , atque certa , sed brevi , dilucidaque Oratione concepta expectaretur , satis spissa advenit , ac selecta eruditione referta epistolaris Dissertatio , qua Is Anaglyphum ipsum non explicat modo , sed præclare etiam , atque uberrimè illustrat . Sed jam ecce Beneventanum Anaglyphum alterum , seu Toreuma V. C. Paciaudius , qui a me habuit ex Archetypo descriptum , luculento Commentario satis copiosè illustratum , in publicam lucem edens mihi inscripsit : qua in re sua Is erga me humanitati sane nimium indulgens , summo cum honore , tum etiam gaudio me affecit propterea , quod tanti me , patriæque Antiquitates fecisse , eo præclaro , atque immortalis ræ amoris , tum eruditionis monumento demonstravit . Quum itaque utramque Dissertationem ad manus haberem , gratularerque mihi , quod Summi Viri ad Beneventanas Antiquitates illustrandas ingenii sui vim ræmseria lucubratione contulissent , consilium subiit , easdem Dissertationes heic attexendi ; quod & materia conditio , & Auctorum præstantia postulabat , qua etiam huic Volumini pretium accedet . Ad Dissertationem Passerii pauculas observationes subjeci : Nihil verò ad alteram Paciaudii ; nam de posteriore Anaglypho scriptum dictum a me perbreve quid reperies in Appendice hujusmodi Voluminis Claf. 111. n. 17. , ubi ejus simulacrum ære expressum , uti apud me erat , iterum exhibuisse libuit .

JOHAN-





# JOHANNIS BAPTISTÆ PASSERII

NOB. EUGUBINI, PROTHONOT. APOSTOLICI, ET REGIARUM ACADEMIARUM  
LONDINENSIS, BLOMUCENSIS, ITALICARUMQUE FURFURATORUM,  
PISAURENSIS, CORTONENSIS, ET COLUMBARIÆ SOCIJ.

## DISSERTATIO

### De Anaglypho Beneventano.

*Ad Doctissimum, & Religiosissimum Virum*

PAULUM MARIAM PACIAUDIUM

CLERICORUM REGULARIUM PRESBYTERUM.



CEPERI nuper humanissimas literas tuas, Amicorum Sapientissimæ, quibus antiqui Anaglyphi Beneventani imaginem mihi oblatam commentariolo illustrare jussisti, ita præsertim postulante Clarissimo De Vita Sanctæ illius Ecclesiæ Canonico, ut Patriarum Antiquitatum Thesaurum, qui in lucem prodire festinat, nova hac accessione cumlaret. Quis vero ex vobis id officium non præstitisset luculentiùs, atque uberius, quum in omnigena eruditione versati obscurissima quæque, doctis Viris undique plaudentibus, in dies panditis, atque adornatis. At quantuluscumque

sim, imperio tuo obsequar, & quid de hoc monumento sentiam in medium proferam.

Audio esse, qui nihil ultra funebres coereimonias in eo deprehendant, muliebrem luctum, dolentem Genium, Canem de Domini morte moerentem, Decursiones, ac Venationem, superborum funerum ornamenta, Equum ad animæ transvectionem dispositum, Urnulam denique cine-

§ 2

res

De hujus Anaglyphi usu anceps aliquando eram: quum enim proptum mihi, ante V. C. Passerii judicium, jam fuerit, Sarcophagum cogitare, non omnino tamen id mihi persuasum habui, tum ex Parii marmoris reliquis ejusdem generis candidioris, & lucidioris, atque sculpturæ elegantia, qualem in aliis sanè multis Sarcophagis apud nos extantibus, & variis etiam non spernendis sculpturis ornatis nunquam adhibitam fuisse constat; tum ex ejusdem Anaglyphi forma, quæ Tabulæ instar par-

ti affixa præter ipsam frontem haud reliquas Urnæ partes ostendit, quæ si unquam fuissent, vix intra parietem ipsum abdi passus fuisset justus ille hujus monumenti æstimator (quicumque is fuerit), qui ejus incolumitati consuluit: At doctissimi Viri judicium libens amplector, qui rei causam ad ævi, hominumque injuriam refert, quæ monumento perfracta, frons tantum ob insigne artificium fuerit præservata.

rese busto expectantem; quæ quidem interpretatio, tanquam multiplici sculptorum marmorum auctoritati innixa, facile confirmari posset, & si quæ unquam alia locupletissime expoliri.

Mihi vero aliquid ultra communes cæremonias in hoc marmore videre videor, tabulam nempe, si qua alia umquam famigeratissima; quamvis enim non diffitear antiquissimos Italos marmoribus aliquando consignasse sacras, civiles, & funebres cæremonias, quæ neminem respicerent, & nil nisi communes mores exprimerent, video tamen præ ceteris probasse tabulas, quæ moribus simul alluderent, & gentis primordia non obscure testarentur (a). Hoc vero præcipuè in sepulcralibus urnis præstiterunt, quarum jam tantam copiam ob oculos habemus, ut veterum Itatorum, Tuscorum præsertim, & Campanorum indolem, atque mentem compertam habeamus. Omnium uno frequentiores in hisce cinerariis funestæ fabulæ observantur, per quas sapientissimæ gentes, vel superstitum tristitiam exprimebant, vel naturam animarum, quas corpore functas sanguine, & cædibus delectari, immo & compesci reputabant. Quapropter cum in hisce urnis signa apta concurrant, quæ peculiarem historiam expriment, illis libenter acquiescimus, atque ita nobis videmur sentire cum antiquissimis sculptoribus, qui hæc marmora exornarunt, & sepulcris commendarunt, inter quæ id nostrum accensere non dubito, quum ejus forma, & moles, & quod caput est, fabulæ allusio ceteris sepulcralibus respondeat, quorum plurima ævo, & hominum injuriâ perfracta, & fronte tantum ob artificium præservata, sæpe nos in dubium suspendunt, in quem usum facta sint.

Sed jam propozita sculptura ad se nos vocat, in qua triste Meleagri fatum in duas veluti actiones distributum nobis videmur intueri. Utraque interposito muro, seu arcu discreta. In prima Apri Calidonii venationem deprehendimus; In postrema fatalem illius reditum, quem mors de proximo excepit. Hanc vero fabulam vulgarem fuisse oportet apud antiquos Italos, quum illam iterum iterumque expressam videamus in Etruscorum urnis, præsertim vero Musæi Etrusc. tom. I. Tab. 140. & tom. II. Claf. 4. Tab. 4. & elegantiori itylo exculpta in altera jam æri incisa, sed nondum publicata, quam cum aliis plurimis litterariis Orbis expectat a Viro doctissimo, & nostri amantissimo Antonio Francisco Gorio.

I. Ut vero per partes Anaglyphum nostrum excurramus, videas in primis ingentem Aprum a Diana excitatum ex imo erumpentem, qualem Metamorph. VII I. delineatum intuemur.

*Concava Vallis erat, quò se dimittere rivus  
Assuerant pluvialis aqua; tenet ima lacuna  
Lenta salix, ulveque leves, junctique palustres,  
Viminaque, & longæ parva sub arundine Cannæ;  
Hinc Aper excitus medius violentus in hostes  
Fertur, ut excussis elisis nubibus ignis.*

Hunc vero immensæ magnitudinis fuisse passim obijciunt nobis Scriptores. Hygin. fab. CLXXIV. Oeneus, quia sacra annua Diana non fecerat, Aprum mira magnitudine, qui agrum Calydonium vastaret, misit: Et Philostratus in Iconib.: Cernis ut latitudo (apri) incessui proportionem respondeat. quem certe incessum etiam vestigia ostendunt nihil a taurorum vestigiis deficientia: Quam similitudinem ab Ovid. loco citato mutuatus est.

*Inquit, & Oenejos ultorem sprete per agros  
Misit aprum quanto majores herbida tauros  
Non habet Epirus, sed habent Sicula arva minores.*

Quantus vero fueris hic agri Calydonii Vastator dignoscendum nobis indigitat a dentium magnitudine. Chil. 7. 102.

*Hujus autem unusquisque dens cubito habuit amplius.*

& huic descriptioni famulatur opinio, quæ Romæ invaluerat, alterum ex ejus dentibus in hortis Cæsaris ostentari haud minorem unius pedis, & quadrantis mensura, ut refert Natal. Comes Mythol.

[a] Et sane apud Veteres Beneventanos nihil antiquius esse debuit, quàm Apri Calydonii venationem monumentis omnibus quoquo modo celebrare: ex eo enim suas origines repetebant, quippe qui Diomedem Ætolia Regem Meleagri patruelem suum conditorem

jaſtantes, apud se etiam ejusdem Apri dentes a Diomede monumenti causa relictos, quinto adhuc sæculo servari affirmabant: At de hac re in Dissert. I. fusè a me actum fuit.



Mythol. lib. VII. cap. 3. At nimis facilis erat bona illa gens in fabulis, atque historiis simul commiscendis. Quapropter & ossa Ceti a Perseo confecti, & alia hujusmodi portentosa demonstrabantur, quæ multam ferme partem cum fabulis, quæ minime extiterunt, habuere. Puto equidem Apri alicujus ferocissimi venationem aliquando in Calydone solemnitus exercitam; in qua enim Græciæ parte tantundem gestum non fuit? Cetera, quæ de ejus mole, atque origine decantantur, Poetis condonamus, & ne Romanos omnino falsitatis arguamus, suppetias feret Plinius, qui lib. VII. cap. 52. hæc habet: *In India (Apris) cubitales dentium flexus gemini, & rostro soridem a fronte, seu vituli corna exeunt.* Et forsan ex his unus Meleagri fabulam benigne excepit. Sed ad marmor nostrum redeamus, in quo sculpsit, ne tam grandis Apri mole aream occuparet, quam universæ historiæ destinaverat, industriâ occurrit initio, & caput tantum expresse veluti e lacuna prodeuntis, cetera præmittens.

2. Contra adlatrat canis, qui etiam Meleagro domum reduci adfuit, sed ibi veluti labore confectus, & virium expertus humi cubat; hic vero monstrum obvium ferociter impetit. Canes vero adhibitos in ea expeditione testatur Homerus Iliad. I. vers. 538.

*Hunc autem (Aprum) occidit Filius OEneï Meleager,  
Multis e civitatibus Venatores Viros congregans  
Et canes.*

Ovidius quoque citato loco illos circa Aprum descripsit.

*Ille ruit, spargitque canes, ut quisque furenti  
Obstat, & obliquo latrantes dissipat ictu.*

quin etiam in hac sculptura utroque in loco collare ornatus est, quo loro transjecto a Custode moderaretur, quod etiam notavis modo laudatus Poeta.

*Vincula pars adimunt canibus, pars pressa sequuntur  
Signa pedum.*

3. Meleager cum altero ex heroibus adversus immanem belluam ex equo pugnat; Credibile enim fit universos equites processisse, cum tales nobis describat Castorem, & Pollucem idem Sulmonensis Poeta.

*At gemini, nondum Cælestia Sidera, fratres  
Ambo conspicui nive, candidioribus ambo  
Vectabantur equis.*

Sic Dido, & Aeneas venatum procefferunt equitum caterva subsequente,

*Massylque ruunt equites, & odora canum vis;  
Reginam in thalamo cunctantem ad limina primi  
Pœnorum expectant, ostroque insignis, & auro  
Stat Sonipes.*

Quapropter Oppianus de Venatione lib. I. monet in ea adhibendos equos, & qua ratione de illis delectus habendus sit, permultis tradit.

*Equos autem venatum valde generosos ducant,  
Et mares, non solum quia deteriores sunt pedibus  
Femine ad conficiendum prolixum cursum in sylvis,  
Sed quia declinare necesse est cœtus appetentes  
Equorum.*

Ex nostris vero Equitibus generosior distento brachio Aprum ferit, qui, ut ait Statius Thebaid. II.

*Te Meleagre subit, tibi demum cuspide lato  
Hæsit, & obnixo ferrum laxavit in armo.*

Ejus vero lanceam tanti facinoris monumentum in templo Suadæ apud Sycionios dedicatam fuisse tradit Pausanias lib. II.

4. Comes, qui unus ex tot heroibus cum Meleagro conjungitur, facile Peleus est, qui facinoris gloriam cum illo communem habuit. Itaque in Philostrate pictura hic unus Meleagro conjungitur: *Hi porro adolescentes sunt Meleager, & Peleus, nam hosce fuisse, qui aprum interfecerunt scriptum dicit. At ceteri, qui*

*Immanem feram multa tellure jacentem  
Mirantes spectant, neque adhuc contingere tutum  
Esse putant,*

inglorii penitus prætermittuntur.

5. Meleagrum sequitur Atalanta, quæ dextro brachio elato, veluti emisso telo, arcum stringit sinistrâ post Clypeum (a), quos etiam in venatione gestatos exemplis ostendimus in notis ad antiquas lucernas lib. I. I. Ipsa vero sub hac imagine exprimitur, nam omnium prima Feram vulneravit. Ovidius loco citato,

*Fixa sub aure feri, summum distinxit arundo  
Corpus, & exiguo rubescit sanguine setas.*

Ceterum illa subsistit, ut ait Philostratus, veluti Oculorum radios ad eorum, quæ patrabantur, cognitionem intenderet: Hanc vero contra votum ceterorum, qui femineam societatem vitabant, Meleager amore captus, in venationem ire compulsi: Verba Apollodori Bibl. lib. I. Ejus vero cultum ita describit præcitatus Philostratus, ut si cum icone hoc nostro conferatur, apprimere sentire fatearis. Sic ille: *Atalanta* (hanc enim puellam esse putandum est) cum sagittam nervo paratam apposuisse, jaculari cogitat. Accincta vero est veste supra genu, solis pedibus annexis, ac manus ad brachia, & humerum usque nuda, quod sit ad agendum prompta, veste ibi ad fibulas contracta. Et Ovid. loc. cit.

*Basilis huic summam mordebat fibula vestem.*

6. Discriminant utramque historiæ partem Urbis moenia cum porta, nec enim adeo longe venatio habita est, quin a muris prospectari non posset. Statius loco cit.

*. . . . . Attonita tectorum ex culmine summo  
Prospectant Matres . . . . .*

7. Sed Regiam Sedem adeamus, quam quisque pro re bene gesta festivam fore sibi promississet. En in primis Æneus fenex scepro insignis, qui ad ostendendam lætitiâ ferocientem adhuc Meleagri equum, & exultantem blande continet, & palpat, & illi quodammodo gratulatur.

8. Sequitur Meleager eodem fere corporis cultu, & habitu expressus, quo supra pugnantem vidimus, at non eodem animo, atque mente, quæ supra dimicarat. Cum enim avunculos Alteæ Matris fratres Ideum, Plexippum, atque Linæum, qui Apri Spolium Atalantæ attributum præripere attentarant, confodisset, id Alteæ Matris iracundiam concitavit in tantum, ut Matrem oblita filii necem sibi proposuerit. Ita Hyginus fab. 74. *Atalanta cum Meleagri fidem implorasset, ille intervenit, & amorem cognationi anteposuit, avunculosque suos occidit: Id Altea Mater audivit, Filium suum tantum facinus esse ausum, memor Parcharum præcepti titionem ex arca prolatum in ignem conjecit.* Ita dum fratrum poenas vult exequi, filium intertecit.

9. Hujus furiale modium nobis Homerus citato loco ob oculos ponit.

Non

[a] Anaglyphi fidem in Atalantæ effigie describenda non exactè sequitur eruditissimus Passerius: Etsi enim corporis cultus Atalantæ respondet, gestus tamen ab ea omnino dissentit; nam sinistrâ quidem Clypeum gestat, dextrâ tamen non specie vulnerantis Aprum, sed potius Meleagrum, ne Aprum interficeret, retinens se habet; quin ut Meleagrum moretur, ejus dextro brachio apprehenso enixissimum conatum ostendit: at-

que ita profecto se res habet, ut in ærea tabula ad exactissimam Archetypi fidem expressa jam cernis: quid igitur? Potuit Atalanta fortasse Meleagrum remorari, non ut Aprum inultum abire sineret, sed ut ejus cædis gloriam sibi præriperet: Quæ quidem nisi probetur conjectura, de Anaglyphi interpretatione jam dubitari contingeret.



..... quæ Diis  
 Multum dolens supplicabat propter fratris cadem  
 Invocans Plutonem, & gravem Proserpinam  
 In genua confidens, rigabatur autem lacrymis sinus  
 Ut filio darent mortem. Hanc autem Æriwaga Erymnys  
 Exaudivit ex Erebo .....

Et Ovidius loco citato

Ante sepulcrales infelix adstivit Aras,  
 Poenarumque Deæ triplices furialibus, inquit  
 Eumenides sacris vultus advertite vestros:  
 Ulcisor facioque nefas, mors morte pianda est,  
 In scelus addendum scelus est, in funera funus  
 Per concervatos pereat domus impia luctus;  
 An felix Oeneus nato victore fruatur,  
 Tertius orbis erit? Melius lugebitis ambo.

At contrâ Meleagrum, veluti facinoris pœniteret, blandum observamus, & manu materno capiti admota illud veluti obtestatur, & facinus dolens excusat, quod illa manu protenta vehementer objurgat, & facinus objicit.

10. Altera interim ex Meleagri fororibus dolens solatur cognatam in thalamo sedentem. Ovid. loc. cit.

Non mihi si centum Deus ora sonantia linguis  
 Ingeniumque capax, totumque Heliconâ dedisset  
 Tristitia prosequar miserarum vota fororum.

nempe omnes mœrore confectas fingit, & in aves, quas Meleagridas vocant, conversas.

11. Interim miserabilis Alcione geniali thalamo innixa, qui Conopæo superne adornatur, extremum dolorem exprimit, & fabulam claudit; Ipsa enim quum, charum sibi caput, Meleagrum paulatim absumi videret, dum fatalis stipes combureretur, paulatim deficiens e vita excessit. Hyginus: *Alcione mœrens in luctu decessit*: Hanc tamen Apollodorus Cleopatram nuncupat lib. 1. bibl.: *At Meleager Cleopatram Ideæ, & Marpessæ filius; & paucis interjectis: post Meleagri interitum Althea, & Cleopatra se se dilaniarunt*.

12. Ad ejus pedes lagenæ duo panniculis incumbentes jacent, quæ, ni valde fallor, ad futurum Meleagri funus, & sepulturam alludunt; solebant enim ingeniosi sculptores, ut tria fabulæ tempora exprimerent, parerga quædam addere, per quæ non ambiguo judicio futura etiam designarent. Itaque in Thuscorum urnis, in quibus aliqua lugubris actio, sed nondum completa designatur, sæpe cinerariæ urnæ interponuntur, ita exprimentes quod actio tenderet. Quapropter Mus. Etrusc. tom. 1. tab. 84. sub pueri equitantis imagine, atque ad tres Deas fortasse Inferas intendentis (quo typo facile animæ illius transvectio indicatur) urna cineribus continendis adparata observatur. Eandem cæremoniam pari urna subiecta iterum videas tab. 169. In altera tab. 103. Eteocles, & Polynices mutuis vulneribus procumbentes fauciati, sed nondum extincti cernuntur, quorum alter cinerariam hydriam futurum sepulcrum complectitur. Iterum tab. 146. Elpenoris funus nobis prodit, qui nondum exanimis in terram declinat, cui gemini vernulæ adstantes totidem urnas extollunt, unam ad cineres concipiendos, alterum vero ad lustrales aquas, ut nostri amantissimus, ac doctissimus Illustrator opportunè demonstrat; & revera Campanorum, & Etruscorum sepulcra, quæ in dies eruuntur, multiplicem hunc vacuum lagenarum apparatus ostendunt, quo non modo Gorianæ opinio fulcitur, sed multiplicitas urnarum hujus nostri marmoris explicatur. Forma etiam illarum apprimè respondet innumeris illis, quas nuper erutas, vel contrectavimus, vel immenso opere delineatas in lucem proferre contendimus, nam angusto, & procero collo sæpissime constant. Vestes quoque quibus vasa hæc insistant, non sine significatione abeunt, nam cineribus oppletæ velis circumdabantur. Sic Homer. Iliad.

Flentes autem socii pii ossa alba  
 Collegerunt in auream phialam, & duplicem adipem  
 In tentorii autem ponentes velo subtili operuerunt.

& in Hectoris funere Iliad.

*Ossa autem collegerunt fratres, sociique,  
Et hac auream in urnam posuerunt accipientes  
Purpureis velis cooperientes mollibus,  
Statim autem in concavam fossam posuerunt.*

13. Unus restat Genius, qui mœrens, & lugens Alcionem, cui ille præsidebat, præ dolore deficientem plangit. Quid vero hoc symbolo mortis frequentius in veterum Italarum urnis, in Romanis, immo & in Christianis, Nam vario gestu, semper tamen aptissimo, vitæ finem, compressis facibus, & quæ ultra sunt, funera perbelle significant, ut luculenter in notis ad tom. I II. Lucernarum, in quibus multiplices horum imagines occurrunt, ostendimus, inter quas libenter & tuam, Optime Paciaudi, adjecissem, in qua Genius dolens cernebatur adjecto lemmate LUGEO, quod quidem sphragisma inter rarissima computandum subtractum tibi & ipse lugeo.

Hæc sunt, Vir Ornatissime, quæ circa id monumentum in maxima temporis angustia notare datum est. Ut vero exercitatiuncula hæc mea dignitati collectionis, in quam festinat, quodammodo respondeat, ingenio tuo eam expolire, & exornare non abhorreas.

PAVLLI





PAVLLI M. PACIAVDI  
CL. REG. PRESBYTERI  
HISTORICI OB DINIS HIEROSOLYMITANI  
D E  
BENEVENTANO  
CERERIS AVGVSTAE  
MENSORE  
ΕΞΗΓΗΣΙΣ.

TOTIVS DIATRIBES CONSPECTVS.

§. I.

PRAELOQVIVM.

- §. II. De Mensoribus Operum Publicorum.  
§. III. De Mensoribus Agrariis.  
§. IV. De Mensore Ripariensi.  
§. V. De Mensoribus Domus Augustae in Vtroque Imperio.  
§. VI. De Mensore Castrensi.  
§. VII. De Mensore Machinario.  
§. VIII. De Mensoribus Cereris Augustae.  
§. IX. Cur dicatur Anaglyptum Beneventanum Mensorem Frumentarium referre.  
§. X. Mensorem illum manu arrigere Modium Italicum. Quid cautum ne ejus mensura violaretur.  
§. XI. Modii publici Frumentarii capacitas, & pondus, ubi non nihil de Mensore Oleario, & Vinario; itemque de Multura.  
§. XII. Quid Modiario, seu *μωδιῶριον*, & Beneventanum Modiaticum, ac Modiolus.  
§. XIII. Quae Mensorum Frumentariorum Conditio, & Divisio.  
§. XIV. Frumentum Numeratum, Numerorum, Numeratorum quodnam fuerit.  
§. XV. Domicilium ubi nam sibi constituerent ejusmodi Mensores.  
§. XVI. Quae Numina singulari religione colerent!  
§. XVII. Quae Jura his attributa, quaeve Actio adversus illos a Praetore data.  
§. XVIII. Mensoris, & Modii Symbola apud Veteres Christianos. Diatribes Conclusio.


V. CL. JOHANNI DE VITA

PAVLLVS M. PACIAVDIVS

Καίρειν καὶ ὁ πρῶτον.

§. I.

PRAELOQVIVM.



AM dudum optabam vehementer, VIR ORNATISSIME, ut quoniam tanta in me es benevolentia, is mihi felix dies illucesceret, quo meum erga Te studium patefacere, gratumque pectus, aliqua significatione probarem. At quod multum, diuque expetiveram, hodierna luce, aventi animo gratulor accidisse. Nimirum id mandas atque a me curari jubes, ut Toreuma, cui istic vulgus *Santo Panaro* nomen fecit, interpreter, brevique aliqua commentatione explicem. Dicto lubentissime, atque impigre pareo, quo intelligas nullam per me moram esse, quin voluntati tuae, pro virili parte mea, obtemperem, officiorumque vicissitudine, ἀντίσθρον προσφιλῶς exsolvam. Quamquam unum esset, quod abs suscepto consilio distraheret, atque avocaret, nempe quod scribis, epistolarem hanc Diatriben in THE

T t

SAVRO

SAVRO ANTIQVITATVM BENEVENTANARVM fore copulandam egregiis tuis lucubrationibus, in quibus ubique demiratus sum doctrinae politiorisque litteraturae producta vestigia, non pressa leviter ad exigui temporis praedicationem, sed duratura, dum litterae vigeant, litterarumque studiosi in pretio sunt futuri; a quo aditu laudis me longissime distitum sentio. Verum, ut ut res cesserit, Tibi petenti, aut potius imperanti, periculo meo, obsequi deliberavi. Conspectienti igitur mihi marmoris istius speciem, atque descriptionem, quam haud dudum per Tabellarium misisti, statim subit cogitare, nil aliud referre praeter MENSOREM FRUMENTARIUM. Plures, ut probe nosti, fuere apud veteres, qui hoc uno nomine designabantur; utque ea, quae in scriptoribus sparsa, & vage disiecta sunt, in pauca contraham, inde exordium capiendum censeo, unde cumulatissima disputatio exhibeatur, animadversionesque, τὰς προτάσεις praemittam varias, quibus etsi ab aliis tradita retractare videor, ea tamen emendatius, & verius legenti proponam; hoc enim perpetuum consuevi, ut mihi ex Cicerone exemplum habeam, qui agebat, se in singulis libris, quo essent descriptiores, uti semper prooemio, & argumentum scribendi, in universum, explicare solere. Porro quae duae res in eruditissimis litterarum studiis libera quadam oblectatione animos recreant, atque sustentant, novitas, & copia, ambae, ut haec a nobis scribantur, excitulant: scilicet aut nova, indicataque curiose hic expenduntur, aut ex variis ingeniis excellentissima quaeque libabimus, uberiusque oratione instaurata, explicataque traduntur.



S. II.

## De Mensuris Operum Publicorum.

Primo itaque quum caeca, ac temeraria animi dominatrix cupiditas Fabros Murarios ad turpem quaestum quandoque traduceret, Architecti constituti sunt, qui opera publica, ac aedificia ab illis excitata, aut resecta ad mensuram exigentes, pretium aestimarent, & debitam pecuniae summam structoribus solvendam, jure quodam aequabili, imperarent; dicebantur autem MENSORES, vel MESORES (utrumque enim, forsitan Lapidarum officiantia, in antiquis litteratis marmoribus legitur) AEDIFICIORVM. Insigne est de illis apud Plinium testimonium in epistola ex Provincia Bithyniae ad Trajanum Augustum data. Verba apponam: *Dispice, Domine, an necessarium putes mittere huc MENSOREM; videntur enim non mediocres pecuniae posse revocari a Curatoribus operum, si mensurae fideliter agantur* (a). Cui respondens Imperator, MENSORES vix etiam inquit, his operibus, quae aut Romae, aut in proximo sunt, sufficienter habeo; sed in omni provincia inue-

[a] Epistolarum l. x. ep. xx. Lugduni Batavorum 1669.



inveniantur (d). Gruterus (b), Reinesius (c), Donius (d), Muratorius (e), marmora jandiu protulere ad rem confirmandam aptissima. Hi etiam de pretio, & censu soli, quod aedificiis excitandis concedebantur, definebant. Hinc Martialis quidam AVG. LIB. testatur accepisse a Chresto, pro podismo structionis scalariae Sestertios nummos centum secundum renunciationem MENSORVM pro Aræ paedatura (f).

## §. III.

## De Mensuris Agrariis.

Deinde quamvis homines, Urbibus constitutis, fidem colere, & justitiam retinere didicissent, & legibus sua voluntate parere jam consuevissent, fieri minime potuit, quin inter finitimos agrorum possessores controversiae contraherentur, & alter alterum in jus vocaret; ferunt enim primas inter homines lites de limitibus exstitisse. Tum judex, qui de limitibus cognoscebat, MENSOREM AGRARIUM, seu AGRIMENSOREM mittebat, qui Fundum decempeda metaretur, finesque constitueret, quare Ciceroni FINITOR dicitur (g), vel DECEMPEDATOR (h), qui pronuntiabat etiam de servitutibus immittendis vel repellendis (i). Exstat Constantini constitutio in libr. de Limitib. Agror. in L. III. C. Finium regund. in haec verba: Si quis super invasis sui juris locis prior detulerit querimoniam, quae fundi cohaeret cum proprietate controversiae, prius super possessione quaestio finiatur, & tunc AGRIMENSOR ire praecipitur ad loca, ut patefacta veritate litigium terminetur (k). Quamobrem sub Aelio Hadriano Antonino reperitur sententia lata a Blebio Taurino MENSORE Agtario, qui & LAPIDES TERMINALES posuit (l). Cautum id etiam Gothorum aetate a Theodorico Rege ad dirimendam de Limitibus controversiam, quae oborta erat inter viros spectabiles Leontium, & Palchasium (m). Sed Tullii locus, quem paullo antea recitavimus, indicio est duplicem fuisse horum Mensorum classem; alii scilicet privatorum agros, finium regundorum causa, metebantur; alii adhibebantur a P. R. dimetiendis agris, qui devictis hostibus adepti fuerant, & subinde, aut plebi Romanae, aut militibus, aut sociis Latini nominis dividebantur (n). Ad primum genus puto pertinere eas inscriptiones, in quibus MENSORIS officium nullo addito verbo, legendum objicitur, quemadmodum penes Fabretum (o), Doniumque (p). Mensor vero agri publici, adjecta nota MENSORIS PUBLICI, definebatur (q).

## T t 2

## §. IV.

[a] l. c. ep. xx.

[b] DCXXIII. 8. Amstelodami 1707.

[c] Classe IX. 85. Lipsiae 1682.

[d] Classe VIII. 86. Florentiae 1731.

[e] In Novo Thesaur. Classe XII. Mediolani 1740.

[f] Reines. Classe VII. 16.

[g] Orat. II. de lege Agraria. XIII. Verburgii. Amstelod. 1724.

[h] Philippica XIII. 18. Cavebat etiam L. Antonio, qui fuit acerrimus agri privati, &amp; publici Decempedator. De agro publico mox dicam.

[i] Aggen. Urbibus de limit. Agrorum Amstelodami 1657. V. Cujacium observationum lib. x. cap. II. Parisiis 1658. Hercules Dandini epistolae de servit. Praediorum. Veronae 1741.

[k] Adeat qui plura volet Brissonium de Formulis, &amp; solem. P. R. verbis lib. v. Parisiis 1583.

[l] Excellens illud ingenium Plato libro de Legibus Dialog. VIII. Parisiis 1778. aiebat, Deum ipsum lapides terminales firmasse ad jurgia terminanda, &amp; inimicitias averruncandas; hinc Deus Terminus pacis praefes, &amp; arbiter justitiae ab ipso appellatur. Romulum quidem Imperii Rom. fundatorem terminos agro Rom. nullos posuisse, ut cuilibet advenarum in nova Urbe condenda discedere liceret, auctor est Plutarchus, quaestio.

Rom. XIV. Paris. 1724. quod antea, Saturno Rege, factitatum fuerat. Quamdiu enim Italiam Saturnus incoluit, nihil privati juris fuerat, Macrobio teste, Saturnal lib I cap. 8. Lugduni Batav. 1670. utque Virgilius Aeneid. I. accinit, aureo illo saeculo, Nec signare solum, aut partiri limite campum Fas erat.

Numa vero Pompilius Secundus Rom. Rex suos agros a vicinis, signis interpositis, distinxit ac separavit. Dionys. Halicarnass. Antiq. Rom. lib II. Oxonii 1704. qui etiam Deo Termino aedem in monte Tarpejo excitavit, eamque Jovi Terminali dedicavit. Quae causae effecerunt, ut antiqui lapides illos Sacros, idest inviolabiles, esse voluerint. De horum lapidum inuentione, dedicatione, ac cultu, consule M. Andream Christianum Eichenbachium de Vinditionibus Gentilium Rotterodami 1700.

[m] Cassiod. Variar. lib. III. ep. LIII. Rotomagi 1679.

[n] Sigonius de Antiq. Jur. Italiae lib. II. cap. 2. Hannoveriae 1609. Manutius in epist. ad Atticum lib. I. ep. XXV. Veneris 1582.

[o] Inscip. Domestic. cap. v. num. 193. Romae 1699.

[p] Classe VII. 180.

[q] Gruter. MXXXV. 1.

## §. IV.

## De Menfore Ripariensi.

Neque nobis, quoniam id agitur hoc tempore, reticendus videtur vetus lapis, nondum quantum memoriae succurrit editus, quemque, quarto ab hinc anno, legimus in Agro Vicetino. Loquitur ille de quodam MENSORE RIP. ut ipsi interpretati sumus, RIPARVM vel RIPARIENSI (a). At quaenam erant hujus artificis partes? Dicam quod sentio. Erat is Architectus Hydraulicus, qui doceret, atque praescriberet, qua ratione RIPAE, & fluviatiles substructiones essent aggerendae, ne amnis extra alveum procurreret, ac lateralem Fluminis impulsione. & ripae renixum geometricae comparans, huic maximam tribueret stabilitatem, ad agrorum, finitimorumque incolarum tuitionem. Vulgari nomine *Giudici d'Argine* dicuntur. Viget etiamnum itorum Collegium apud Ferrarienses, quorum agri circumfluentium fluminum alluvionibus obnoxii, quam qui maxime. Priscis temporibus, ut arbitror, iussa facere tenebantur, quae CVRATORES RIPARVM edixissent, quorum mentio non raro injicitur in antiquis epigrammatis (b). Est apud me opus manu auctoris exaratum, *Marci Milefii Sarazani I. C. Romani de Tiberis Inundationibus*; quo uno in codice plures afferuntur lapides oculis subicientes quid praestiterit, quid restaurarit, quid terminarit, ejusmodi Magistratus, penes quem universa Tiberidis Procuratio (c). Vel ad Menforem Riparum spectabat quaestiones perolvere, quae facile oriri poterant, sive flumen alveum mutaret, sive aliquid in Ripa aedificaretur, sive ex flumine aqua deduceretur; quibus litibus provisum in Digesto lib. LXIII. Tit. XI. de fluminibus (d). Verum haec ita praetereamus, ut tamen intuentes, & spectantes relinquamus.

## §. V.

## De Menforibus Domus Augustae in Viroque Imperio.

Fuere praeterea MENSORES alii, nempe, qui Principem iter arrepturum praeibant, ejusque hospitium, mansionemve parabant, & quasi metebantur, ceterisque Domus Augustae familiaribus assignabant, singulorum nomina aedium postibus inscribendo. Paucula de hujusmodi MENSORIBVS AVGVSTORVM J. Gutherus (e). Fuisse autem inter Caesarum Libertos quam plures, qui hoc fungerentur munere, testimonii locum obtinet inscriptio Columbarii Servorum Liviae, & Caesarum, quae DIADYMENI LIVIAE MENSORVM DECURIONIS meminit (f). At ubi Imperii summa, atque sedes in Orientem deversa est, Menforibus ejusmodi praeerat *Magister Officiorum*: quicquid vero ab ipsis praescriptum, atque enotatum, sancte inviolateque custodiendum sanxere Valentinianus, Theodosius, & Arcadius in Rescripto ad Theodotum M. O. *Si quis Menforum nostrorum manu, qua deputatas singulis quisque domus enotant, & postibus hospitaturi nomen adscribunt, delere non dubitaverit, ad instar falsi reus ex hac auctoritate teneatur* (g).

## §. VI.

[a] Milites, qui Fluminum Ripas per cuneos distributi tuebantur, & per certa intervalla extructis munitiunculis, hostium aggressionibus propulsandis excubabant, RIPARENSES, & RIPARIENSES dicti sunt. In limitibus maxime Rom. Imperii constituebantur; ut in ripis Danubii ad tuendas Pannonias adversus Sarmatas, in ripis Euphratis adversus Parthos. Horum ope Aurelianus, teste Vopisco, rebelles compressit. Calaubonus in not. ad Script. Hist. Augustae Lugdun. Batav. 1671. multa de his disputat. Item mentio fit in Corpore Juris C. de re militari, L. de Castris Ripariensibus. Adeundus Alciatus lib. XII. Oper. tom. IV. Lugdun. 1560.

[b] Vignolius ad calcem libri De Columna Antonini Tit. Romae 1705.

[c] De operibus pilarum, aliisque in Tiberis ripis extruendis consule Cornelium Meyer Batavum libro de Romulei Fluminis Navigatione edit. Romae fol. majori 1685.

[d] Multae quidem ex fluminum mutationibus suboriuntur controversiae. Harum promptuarium habes in libro de Jure Alluvionum Jobannis Aymi Jenae 1675.

[e] De Offic. Domus Aug. lib. I. cap. XV. Paris. 1628.

[f] In editione Italica Blanchinii num. LVI. Romae 1727. In Latina Gorii titulo XXVIII. Florent. 1732.

[g] In Cod. Theodosiano lib. VII. tit. VII. De metatis. Lugduni 1665.



## §. VI.

## De Menfore Caſtrenſi.

His proximi MENSORES CASTRENSES, seu Militares, προπαρουδασαι, de quibus Vegetius: *Menſores, qui ad pedisimum dimentiuntur loca, in quibus milites tentoria ſignant* (a). In Theſauro Novo Inſcriptionum legimus:

D. M.

CONDATI

ATTONIVS

QVINTIANVS

MEN. EX. CC. IMP.

Rectene, an pro libito ſuo notas illas C. C. in hunc modum interpretatus ſit Muratorius, *Menſor ex Caſtris aut Caſtrenſibus Imperatoris* (b), tuo iudicio permittam. Horum certe in numerum cooptandos cenſeo binos illos Menſores DONACHEM, & HERMETEM, quorum alter BELLONAE (c), alter VICTORIAE (d) aram dedicaverat. Qui autem ex Menſoribus in bellica expeditione Ducem agebat, inferiori aevo, dictus eſt *Primicerius*, ut eſt videre in C. T. lege ab Arcadio, Honorio, & Theodoſio lata X. Kal. Aug. Ancyrae, Stilicone II., & Anthemio Coſs. *Primicerius MENSORVM, ad inſtar Scriniorum, biennio expleto, agentis in rebus ultimi militiam ſortitur* (e). Quid dicam iſtis opus eſſe doctrina? ſine qua, etiamſi quid bene agitur adjuvante natura, tamen id, quia fortuito ſit, ſemper paratum, & utile, & conſtans eſſe non poteſt. Praecepta a Menſoribus tenenda in caſtris movendis, in viis deligendis, in locis anticipandis, memoriae prodita ſunt ab Imperatore Leone Sapiente Baſilii Filio in Breviario Conſtitutionum militarium τῶν ἐς πολέμους τακτικῶν σύντομος παράδοσις, ſive ut vertit Joannes Checus de *Bellico Apparatu* (f): quo in libro imitatus Mauritium domi, militiaeque ſtrenuum Imperatorem, vocat illos ANTECESSORES (g). Scripſit iſte, quemadmodum & Leo de diſciplina Caſtrenſi; ſed ſi Gabrieli Naudaco (h) fides, uterque praeceptorum ſuccum traxit ex Onoſiandri *Strategetico*.

## §. VII.

## De Menfore Machinario.

Sed quoniam omnis hic ſermo noſter ſingulorum enumerationem deſiderat, addendus MENSOR MACHINARIUS (i), cujus meminit vetus inſcriptio Saturnino, & Gallo Coſs. itemque praeclarus Papiniani auditor Domitius Vlpianus lib. xxiv. ad edictum L. *vel cujus 7. ff. ſi menſor falſum modum dixerit: Et, ſi Menſor Machinarius ſefellerit, haec actio dabitur*. Hac una voce Machinarius decepti ſcriptores aliquot, edictum Praetoris mox relatum aptant, atque accomodant homini Machinis Bellicis tractandis occupato. Valde mihi videntur errare, & in hoc omnis eſt error, quod Juriconſultos non adierint, a quibus perſacile doceri poterant, Menſorem Machinarium non eſſe diverſum a Menſore agrorum, vel operum publicorum, ſed τὸν ἐπιθετον ad alterutrum revocari oportere. Apertum omnibus id fiet legentibus Guillelmum Budaeum in adnotationibus ad Pandectas (k), quem ſequutus eſt pereruditus Gerardus Noodt, hoc titulo (l), Menſorem ſcilicet Machinarium dici, qui machinula, ſeu Norma, Gnomone, Catheto utitur, ſive ad probanda

[a] De Arte Militar. lib. I. cap. vii. Adi Godeſcalchi Stewechii adnotata in hunc locum *Vefaliae Clivorum* 1670.

[b] In *Novo Theſauro tom. II. Clafſ. XII. DCCCCXCV. Mediolani* 1740.

[c] Goriuſ inſcrip. Etruſc. tom. II. Volater.

[d] Gruſerus CCLXIII. f.

[e] C. Theod. lib. vi. cap. XXXIV. de Menſoribus.

[f] Cap. III. num. 23. cap. IX. num. 57. Lugduni Batav. 1612.

[g] V. Berger *Hiſtoire des grands Chemins de l'Em-*

*pire Paris* 1622. Franceſco Patrizio della *Milizia Romana. Ferrara* 1583.

[h] De ſtudio militari lib. II. Romae 1637.

[i] CONLEGIVM MENSORVM MACHINARIORVM invenies in *Novo Theſauro Inſcrip. Muratorii Clafſ. VII. Mediol.* 1739.

[k] *Commentar. in Pandectas ad num. L. ubi plura de machinula, qua Menſores utebantur, de modo eam conſtruendi, adhibendique, Baſileae* 1548.

[l] *Comment. in Pandectas Coloniae Agrippinae* 1732.





REIS AVG. Itaque fidenter ajo, atque contendo, hominem, quem Toreuma Beneventanum exhibet, horum ex numero fuisse (a).

§. IX.

*Cur dicatur Anaglyptum Beneventanum Menforem Frumentarium referre.*

Vsitatum id ac in more positum apud veteres, ut in sepulchralibus anaglyptis ea insculperentur symbola, quae de arte commune facerent, quam mortuus aliquando factitarat, sive illa liberalis fuerit, sive mechanica & servilis. Eam ob causam Normam, & Libellam referunt monumenta *Architecti*; Librum, & Stylum *Tabularii*; Serram, & Asciam *Fabri lignarii*; Incudem, & Maleum *Ferrarii*; Calceos *Sutoris*; Spatulam, & Vas unguentarium *Medici*; Tibias & Lyram *Musici*; Lituum viri collegii *Auguralis*; quemadmodum etiam observat Philostratus in eorum sepulchris Navem exprimi, qui *ναυπηγας*, id est navium structuram exercuissent. Liqueat id legenti Boissardum, Gruterum, Reinesium, Fabretum, Gudium, Donium, Sponnium, Muratorium, aliosque huius generis scriptores. Jam vero nostro in marmore quid arripit, apprehenso funiculo, vir ille, nisi modium, cavae scilicet mensurae genus? Licet ergo huic monumento desit epigraphe, quae vel injuria temporum oblitterata est, vel exacta ea aetate, qua gentes natione barbarae exitialibus bellis Italiam divexantes, bonas artes exulare jusservunt; Modii symbolum de hominis officio certiores nos facit. Modium esse, quod iste Calathus, vel Cista creditur, ipsius inspecta forma nulli dubitamus. Quamvis enim Modius nunc superne, nunc inferne, vel ore, vel ima sui parte paululum lateat, vel a subiecta basi circulari ad parallelam, & aequalem in modum columnae, assurgat, facile internoscitur, si anaglypha, & nummismata oculis iustremus. Ubique tribus fulcris incumbit, ubique eandem crassitiem, rotunditatemque praefert, ubique uno, vel duplici circulo in orbem constringitur, extra unum illum Mediceum, de quo paullo inferius. Habes quin multa accumulem veterum Modiorum formam apud Gruterum (b), & Donium (c); in Monumento Gentis *PHILOMYSAE*, quod nos ipsi, undecimo ab hinc retro anno, evulgavimus inter *Antiquitates Cuprenses* (d); in nummis L. Livinei Reguli, Nervae cum lemmate *PLEBEI VRBANAEE FRUMENTO CONSTITVTO*, Antonini Pii *ANNOA AVG. &c.*

At inquires fortasse ex tot cruditae vetustatis reliquiis nullum haecenus in lucem prodixisse monumentum, in quo Modius hujusmodi manubrio instruat. Ita plane; sed nec Mensor Frumentarius in ullo haecenus effigiatus prodit. Sane quot quot in toreumatis, nummisque videmus Modios, hi annonam, ubertatem, alimenta populo data, aliaque id genus indicant, quae satis facile in mentem veniunt conspecto Modio, utcumque illic adposito. Sed in Beneventano anaglypho ob rei ambiguitatem, aliquid profecto addendum erat, ut Mensor, non alius Rei Frumentariae administrator sculptus crederetur, neve alio Modium spectare dubitaretur. Quo autem gestu aptius id exprimi poterat, quam si homo effingeretur Modium reapse manu arripiens? Quo nam modo expeditius pro re nata, officiique sui ratione huc illuc deferre poterat, nisi immixta utrinque fuit? Ergo manubrium consulte, optimaque cum causa additum est, operisque proposito consentaneum videtur, ut nihil supra; alioquin qua ratione moles illa teres, & gravis attolli a Mensore, asportarique commodum posset non intelligo. Nec ullum Tibi injiciat scrupulum manubrium impedimento fuisse, quominus frumentum, frugesque aliae in Modio positae regula peraequarentur. Enim vero non ansulam ferream immotam, perpetuoque erectam hic sculptor apposuit; quae utique molestiam & fastidium attulisset; sed, vide quae V. Cl., quam sciens & prudens existerit; neque ansam plicatilem effinxit, sed puram putamque funem (ut cuius contemplanti certissime apparebit), quae vix manu dimissa, infra Modii labrum sponte sua prolabitur, nec ullum negotium homini exhibere potest, dum frumentum admetitur. Nonne hac ipsa aetate Vicanos conspiciamus Modios hac fune constrictos ad nundinas deferre, libereque tractare?

§. X.

[a] Frumentariorum nomine veniebant nedum, qui Annona merendae operam dabant, sed & milites, qui ad iussa Principis facienda mittebantur, Sicarii, Exploratoresque. S. Cyprianus Epistolam ultimam sic orditur: Cum perlatum ad nos fuisset, Fratres charissimi, Frumentarios esse missos, qui me Vicam deduxerent, Orosii 1682. Lampridius in Commodio narrat, Antero, instigante Praefecto Praetorii, per Frumentarios vicam

ademptam. Demum Spartianus in Hadriano: Et erat curiosus non solum domus suae, sed etiam amicorum, ita ut per Frumentarios occulta omnia exploraret. Adeundus unus Salmastius ad hunc Spartiani locum. Vide Scriptores Historiae Augustae Lugduni Batav. 1671.

[b] CCLV. [c] Clasi. 1. Tab. VII.

[d] Dissertazione delle Antichità di Ripatransona Venezia 1742.

*Mensuram illum manu arrigere Modium Italicum. Quid cautum ne ejus mensura violaretur.*

At quemnam revera esse dicemus Modium Beneventano Marmore insculptum? Siculum ne, vel Macedonicum, Cyprium, Ponticum, Aegyptium, Syriacum, Babylonium, Arabicum, aut Romanum? Modium Italicum p. r. prae ceteris Beneventanos elegisse mihi ne in dubium quidem venit. & Beneventi, Coloniae Juliae, Augustae, Felicis usufenisse ea omnia, quae Romae obtinuerant, argumentis bene multis ad credendum ducor, tum maxime, quod videam ea in Vrbe, Romano more institutoque Pondera publico loco, AEdilis juri dicundo auctoritate & & impensa, constituta, ut privati mercatores, & venditores ad illorum normam, atque praescriptionem annonam universam penderent. Debet vel hoc unum Tibi, VIR ERVDITE, Patria tua summo honore modo a Te augenda, exterisque Thesauro Tuo splendidior futura, in quo videlicet nunc primum in lucem eductum legent marmor illud litteratum.

M. TANONIVS  
FIRMIANVS. AED.  
I. D. BASEM. CVM  
STATERA. ET. PON  
DER. AENEIS  
DE. SVO. FECIT.

Romanum itaque Modium esse ajo parem atque conformem illi Archetypo, qui in Capitolio adfervabatur, atque curante Praefecto Urbis ad civitates Italicas p. r. subjectas mittebatur, ut ad illius exemplum Modii omnes exigerentur (a). Quod vero de Modio dico, id de reliquis mensuris accipi volo. CONCIVM in Capitolio Vespasiano Imperante constitutum describit Lucas Pae-  
tus (b): de AMPHORA vero Rhemnii Fannius, quem Romani adeo honestarunt, inquit (c);

..... quam ne violare liceret,  
*Sacravere Jovi Tarpejo in monte Quirites.*

Quam in rem, ita cogitationes, & diligentiam contulere, ut ad fraudatorum malitiam explo-  
dendam, & Tribunitiae rogationes, & Imperatorum leges consentiant, atque conspirent (d). Referam de multis pauca. Est apud Festum vetus Plebiscitum, Silis duobus Tribunis, in hunc modum. Si quis magistratus adversus haec d. m. pondera. MODIOSQUE VASAQUE publica. mi-  
nora. majorave. faxit, jussitve. re. fieri. dolumve. adduxit. quod. ea. fiant. eum. quis. volet. ma-  
gistratus. multare. utei. dum. minore. patris. familias. taxat. liceto. siue. quis. in. sacrum. ju-  
dicare. . . . voluerit. liceto. (e). Neque id solum in Vrbe illa aeterna, rerumque domina factum le-  
gimus, sed per singulas civitates Modios aeneos, aut lapideos, cum sextariis collocandos edi-  
xere Valentinianus, Theodosius, & Arcadius lege Constantinopoli lata (f), ne quis dolus adhi-  
beretur,

[a] Et si J. C. Scaliger, Montacutius, alique cri-  
tici Suidam male accipiant, & velut hominem aliorum  
lacinias, fabulisque nestendis saepe occupatum tradu-  
cant, hoc tamen non ausim negare, quod ab illo scri-  
bitur in voce ἄπυρ, fuisse nempe Constantinopoli, prope  
ad Romanorum consuetudinem, ante horreum publ.  
columnnam, cui impositus ῥόδιος χαλκός Modius aereus,  
quo ceterorum desumendum exemplar. Suid. Lexicon  
Cantabrigiae 1705.

[b] De Mensuris lib. II. Venetiis 1573. Iterum pro-  
tulit Jo. Baptista Villalpandus in Apparatu de Templo,  
de Mensuris Romae 1604. Bernardus Lamy de Tabernacu-  
lo Foederis in apparatu Templi Parisiis 1720., alique.

[c] Gyraldus Histor. Poetar. IV. Leid. 1696. Vossius

de Poetis latinis cap. IV. Amstelodami 1699.

[d] Fuerat Athenis Magistratus Μετρηταίης. Hicce  
mensurarum inspectoribus & moderat. tribus curae erat  
ἐπὶ τῶν μέτρων τῶν κοινῶν ut justae essent vendita-  
rum mensurae. Porro ex his praefectis quindecim in Pi-  
raeo, novem in Vrbe, teste Suida, ἡ μὲν οὖν Πύραϊος ἔστι  
ἑπτὰ. ὁ μετρηταίης. Cantabrigiae 1705. De hoc magistratu  
vide Poterum in Archaeologia Graeca lib. I. cap. XV.  
Venetiis 1734.

[e] Festus Verb. Publica Pondera. Amstelod. 1700.

[f] Cod. Theod. I. XVI. Tit. VI. De susceptoribus l. XXXI.  
Andreas Alciatus Dispositionum lib. VI. Oper. Lugdu-  
ni 1660. multa Idorum responsa de vasis mensurisque  
declarat.



beretur, poenasque imponere unde improbi homines ab flagitiosa licentia compescerentur. AENEUM prototypum Modii eiusmodi oculis perspicui libet Florentiae in Museo Mediceo. Commemorant Reinelius (a), Fabrettus (b), Mabillonius (c), ediditque illius schema una cum inscriptione viriculo caelata, vir veterum monumentorum in primis sciens & gnarus A. Franciscus Gorius (d). Quae quidem inscriptio perspicuis litteris ostendit MENSURAS ESSE ad exemplum earum, quae in Capitolio sunt, PER REGIONES MISSAS. Mensuras vero istiusmodi in Municipiis, Colonisive decernere, probare, improbare, constat AEDILII munus fuisse, cum ex multis, tum ex Doniano Marmore, ab eodem Cl. Gorio feliciter restituto (e), in quibus legimus MENSURAS ET INIQUA PONDERA ab AEDILI P. AELIO de medio sublata. Quamquam non dubito Tibi esse perspecta prima moris hujus primordia, & continuata exempla, quae poni possent. Illud igitur tantummodo exponam summam, quod si tacitus omnino praeterirem, Tu ipse vituperares. Porro cautum id a Deo o. m., qui in Levitico, ac Deuteronomio diris devovet malis mensuras iniquas, Modium aequalem ac verum adhiberi iussit, & per Prophetas suos multa ac metuenda minatur ei, qui legi obtemperavit. Quam sane ob causam mensuras in Templo collocatas apud Hebraeos narrat Lightfootus (f), alique rerum Judaicarum scriptores. Haec forte intuebatur Imperator Justinianus, qui novella constitutione edixit, mensuras, & pondera in sanctissima cuiusvis civitatis Ecclesia servari (g) oportere; idque, ut ait Conradus Rittershusius, majoris procul dubio religionis ergo, & ut tanto magis avertatur omnis suspicio, & metus corruptelae, ac falsationis (h). Justinianum imitati sunt Theodoricus Gothorum Rex, & optimus Imperator Karolus Magnus. Ex epistolis Aurelii Cassiodorii (i), atque Apollinaris Sidonii (k) mensuras publico loco, aut in aede sacra Theodorici temporibus positae sine controversia cognosci docet Johannes Savaro (l). Capitularia autem Regum Francorum a Baluzio collecta, verbis minime dubiis commonefaciunt Karolum M. sanxisse, ut mensurae Modiique suis in aedibus, veluti tutissimo, ac sacro loco adservarentur (m). Mitto exempla alia percernere, quibus evincitur, Reges omnes sapientissimos id ipsum diligenter cavisse, quod primum AEDILES Curules, deinde, immutata Reipub. forma, Praefectus Urbis, ne Modii pub. mensura violaretur. Apparatissima de his tractatio est in libro Nicolai Myleri ab Ehrenbach, qui inscribitur *Metrologia* (n).

## §. X I.

*Modii publici Frumentarii capacitas, & pondus. Vbi nonnihil de Mensore Oleario, & Vinario; itemque de Mulctra.*

Duo hic exquirenda videntur; de quibus si pauca dixero, ut arbitror, neque ab utilitate eorum, qui legent, neque ab instituta disputatione abhorrebit oratio mea; duo inquam exquirenda videntur de MODIO FRUMENTARIO (nam de Oleario, quem memorat Cato, dicam deinceps;) nempe, quae fuerit ipsius capacitas, quodve pondus? At quorsum exscribenda, atque iteranda, quae jam Volusius Maetianus Antoninorum temporibus diligenter, enucleateque litteris mandavit? Si quid tamen proferendum, illud in memoriam revocato, V. Cl., Modium Rom. quodcumque in universum sui capacitae aequasse (o);

## V v

## CHOE-

- [a] Classe vi. 16.  
 [b] Cap. vii. num. 18.  
 [c] *Iter Italicum*, pag. 185. Parisiis 1724.  
 [d] *Inscrip. Etruriae* Tom. III. Flor. 1743.  
 [e] Classe v. num. 26.  
 [f] *Horae Hebraeae* in *Lucam Oper.* tom. II. Rotterodami 1686.  
 [g] *Ambrosii coll. ix. Tit. xi. Novell.* 128. Lipsiae 1740.  
 [h] *Jus Justinian.* part. III. cap. xv. Argentorati 1629.  
 [i] *Lib. I. Ep. 10. lib. XI. Ep. 16.* Rothomagi 1679.  
 V. Goldastum *Constit. Imperialium* Tom. III. Offenbachii 1610.  
 [k] *Lib. v. Ep. vii. cum Notis Savaronis* Parisiis 1609.  
 [l] Adnot. ad hunc locum.  
 [m] *Baluzius Capit. Reg. Franc.* tom. I. Parisiis 1677.  
*Capit. de Mensuris, & Ponderibus ad Ann. DCCLXXXIX.*  
 & *Capit. de villis, Capit. Noviomagense* &c.  
 [n] Hoc est de *Jure statuendi de Mensuris, & Pon-*

*deribus* cap. I. II. III. VII. &c. *Tobingae* 1668. Ne quid populis incommode accideret in Annonae commercio ne dum bonos Principes, sed Ecclesiam ipsam providisse, non uno constat testimonio. Injustos Modios esse tollendos, Mensuras aequas retinendas nonne jussere Concilium Calchutenfe Anno DCCLXXXVI. can. XVII. Concilium Turonense An. DCCCLIII. can. XLV. Concilium Parisiense VI. an. DCCCXXIX. cap. III. Concilium Aenhamense an. MIX. can. XXII. ? Praeclarum etiam illud, quod est in Concilio Francfordiensi an. DCCXCIV. can. IV. Stauit piissimus noster (Karolus M.) consentient e sancta Synodo, ut nullus homo unquam carius vendat annonam, sive tempore abundantiae, sive caritatis, quam Modium publicum noviter statutum, Labbe *Concil.* to. VII. Parisiis 1671.  
 [o] Tabellam paullo absumilem dedit Michael Neander, *SYNOPIZ Mensurarum.* Basilae 1555.

CHOENICES . . . . .	VIII.
SEXTARIOS . . . . .	XVI.
HEMINAS . . . . .	XXXII.
ACETABVLA . . . . .	CXXVIII.
GYATHOS . . . . .	CXCII.
LIGVLAS . . . . .	DCCLXVIII.

In libro de Ponderibus, & Mensuris (a), qui Galeno falso adscribitur (b), Augustino Galdino Mutinensi interprete, ὁ δὲ μόδιος ὁ ἀργυπτιος καὶ ἰταλικὸς ἔχει χοῖνικας ἡ. Modius vero Aegyptius, & Italicus habet Choenices octo. Si vero cum Graecorum mensuris adamussim comparatur, Medimni Georgici (quod distat a Medimno Attico proportionem sesquialtera) sexta pars est (c). Testem do Suidam, qui sic ait: μέδιμον ἐν μόδιον 5'· ὡς εἶναι μέτρον ἑξαῶν οβ, πρὸς λιτρῶν πρ'. Medimnus autem est Modiorum sex; ita ut sit mensura Sextariorum LXXII. sive librarum CVII. (d). Tradita haec sunt copiose ab Eduardo Bernardo (e), a Matthaeo Hoito (f), & Calpurnio Eilenschmidio (g). Sed si quis a me petat quanti singillatim ponderaret, libere respondeo, id tuto haud posse affirmari, quum Triticum aliud alio facile sit ponderosius (h). Si tamen de liquidis sermo esset, lux aliqua affulgeret quaestioni exsolvendae ex jam recitato Plebiscito. Ex ponderibus . publicis . quibus . hac . tempestate . populus . oetier . solet . uti . coaequetur . sedolo . M. quadrantal . vinei . octoginta . P. fiet . Congius . vinei . decem . P. fiet . sex . Sextarius . Congius . fiet . vinei . duo . dequingaginta . sextarii quadrantal . fiet . vinei . sextarius . aequus . cum . librario . sexdemquingue . libras . in . Modio . fient (i). In quo . ut quemadmodum sentio loquar, vituperatione minime caret homo, ceteroqui doctus, Caelius Calcagninus, qui in epistola ad Bernardinum Barbulejum (k) totus in eo est,

[a] Georgius Agricola de Mensuris lib. 1. pag. 73. Parisiis 1533. Perottum reprehendit, qui affirmat, Modium capere Sextarios XXII., Modiolos vero IV. At eam licebat Perotto asserere exultationem, S. Epiphanium antecessorem se habere: nam libro de Mensuris & Ponderibus §. XXIII. disertis verbis ait: μέτρον ἡμῶν ἐστὶν ὁ μόδιος ὁ ἰταλικὸς ὅστις ἐστὶν ἑξαῶν οβ, πρὸς λιτρῶν πρ'. Modius mensura nobis est Sextariorum viginti duorum. Operum tom. II. Parisiis 1622. Nihilominus minus, quia Modii pro variis regionibus inter sese dissimiles fuere, comprobari forte poterat ea supputato de Modio aliquo, ad quem Epiphanius scribendo respiceret, numquam vero de Romano, de quo sermo est. Quod ad Modiolos attinet, incerta profecto eorum capacitas, atque inconstans: quare labans quavis comparatio a Perotto instituta. Ceterum, qui hoc sibi sumit, ut alium in quopiam corrigat, legem sibi ipsi indicit, ut eodem careat crimine; at Agricola mensurarum initia ignorasse persuasum omnino fuit Latino Latino, homini in hac re supramodum diligentissimo. Latini Latini Viterbiensis Ep. & Observationes tom. 1. pag. 385. Romae 1659.

[b] Lutetiae 1639.

[c] Conradus de Portis Ic. Vicetinus de Mensuris lib. II. Romae 1724, sic scribit: Cicero mihi sufficit in Verrina quarta: in qua pluribus locis computando, demonstrat Modium esse sextam partem Medimni. Nec ignoro in vita Pomponii Attici legi fuisse septimam, sed ibi locum esse corruptum auctoritate aliorum convincitur.

[d] In Lexico voce μέδιμον.

[e] De Ponderibus & Mensuris antiquis lib. III. Oxoniae 1688.

[f] De Veter. Mensuris Lipsiae 1692.

[g] De Pond. & Mens. Argentorati 1738.

[h] Nihil ad me attinet, aut veterem Modii capacitatem, subdullis rationibus, cum novis mensuris conferre; quandoquidem id praestitere plerique scriptorum,

quos partim indici cavi, partim tacitus praeterii: aut eorumdem supputationes extricare, atque corrigere: sed aequi bonique facient, ut credo, ἀρχαίολογοι, si ex Latino Latino experimentum Romae capum deprimam, inque lucem nunc primum proferam. Scilicet ad calcem libri Lucae Paeti, huius nostrae Bibliothecae S. Silvestri additi consuta, atque compacta est chartula, manu Latini Viterbiensis exarata, ex qua rem scitu dignam licet cognoscere. Sic habet:

Anno Domini 1561. die XIII. Febr. Cum ex forma pedis Romani ex basi quae est in hortis Vaticanis accepti; & ex XI, qui prolati a diversis sunt; cum VIII congruentes, quadrantal ex pedibus ligneis quadros excitassent; compertum est ejusmodi vas aquae fluvialis defecatae libras octoginta Rom. ponderibus quibus civitas publice signatis utitur, omnino capere. Atque cum octo congiis antiquis ita congruere, ut neque minus quicquam, neque amplius inter utraque esset. Idem autem quadrantal tritico plenum, ita ut qua maxima potuit diligentia, levissime impleretur, quadraginta octo libras non excesse, aequatum tantum laborum tenuis, & radio erasum. Quare ea ratione Modius, qui tertia quadrantal pars est, non integras viginti libras, sed paullo minus continet: si vero succutiat quadrantal capit libras 64  $\frac{1}{2}$ , ita ut singuli Modii libras viginti unam semis capiant. Huic experimento adfuerunt R. D. Antonius Augustinus, nunc Episcopus Herden., Jo. Baptista Sigbicellus Episcopus Faventinus, P. Ollavius Pacarus, Achilles Mafsejus, Achilles Statius, Benedicteus Aegius, Fulvius Ursinus, Latinus Latinus. Quos omnes Antonius Augustinus invitavit ad coenam.

Latinus Latinus.

[i] Febr. ubi supra.

[k] Inter Opera ejusdem Basileae 1544.



est, ut probet, MODIUM antiquis in usu *Aridorum*, nusquam vero *Liquidorum* fuisse (a). Recitat ille scriptorum testimonia bene multa, quibus Modium a Latinis, Triticum, Hordeum, Nucibus, Oleis, Leguminibus, metiendis, pendendisque usurpatum dicitur, quod ad Graccorum consuetudinem factum existimat ex eo Suidae loco, μέδιμνος μέτρον ἐστὶ ξυρῶν, *Medimnus est mensura rerum siccarum* (b). Verum quod Barbulejo exprobat Calcagninus, id ei omnino vitio vertendum, nempe totam ejus argumentationem ἀμφισβολία laborare. Scriptores, quos denuntiat, verba faciunt de Modio Frumentario, aut Oleario, sive quovis alio, pro aridis agrorum frugibus: numquid pernegant liquidis pensandis non adhibitum? Nihil hujusmodi. Quare perperam a Calcagnino translati sunt ad alterum negandum testes, qui nonnisi genus unum dicendo insequabantur. Quid Plebiscito respondet? Quid veteri mensurarum laterculo, quem paullo ante consulto retulimus? Quumque in ea Modius in minores mensuras tum aridorum, cum liquidorum indiscriminatim dividatur, nonne argumento est, Modium utrisque interfuisse? Quod si id sibi dari postulat Calcagninus aridis prius, quam liquidis mensuras fuisse adjudicatas, facile concedimus, quod tenuiter, & nugatorie dicitur. Contra vero sunt, qui animis opinionem imbiberunt, *Vas anatum*, quod in veterrimis Graccorum nummis visitur, mensuras liquidorum inventas, aut restauratas significare; quapropter fluidis primum, deinde siccis rebus adaptatas existimant. Sed nunquam in eam sententiam traduci patiar, quum hodie nulli sit ambiguum plerumque vasa illa praemia agonistica denotare, sive, ut Homerus ait, ἀγλαῖα ἀεθλα splendida certaminis munera, quibus donabantur athletae, qui ludendo victores evasisent. Sane inter haec recenset Athenaeus πυλίσκα (c). Pindarus vero οὐνύρας φιάδας (d). Atque haec quidem de Modio Frumentario (e). Quid jam Olearius? De eo scriptum legimus a Catone de R. R. cap. CXLIII. *Omnem Oleam puram metietur Modio Oleario*; & cap. CXLVI. *Modio Oleario mensum dato unguinis pondo 7, ponderibus Moditisque Domini dato iri colytas duas*. Nihil ad hosce M. Catonis canones, qui difficiles explicatus habere videntur, attulere viri eruditi, quorum adnotationes collegit perdoctus Matthias Gesnerus (f). Verum id unum, mea sententia, elicitur Oleae dividundae, aut vendendae certum, ac peculiarem Modium existisse, qui etiam vindemiae pendenti pretio mutandae adhibebatur (g). Maximum apud Romanos Olei Vinique mercimonium, & emporium; quae duo Romam ex finitimis, aut longinquis regionibus, prout opus erat, advehebantur (h). Exinde factum, ut in antiquis marmoribus NEGOTIATORES OLEARIJ (i) & VINARIJ alique (k) celebrentur. Fuisse haec in Portibus, in Emporiis, in Foris nundinariis diligenter admensa nemo ambiget, nisi qui plane ignoret Romanos Annonae publicae supra fidem studiosiores fuisse: quapropter creditu etiam proclive est, certos homines eos addixisse, qui in iis dimetiendis operam suam collocarent. Nunc quoniam e re frumentaria ad ceteras agrestes gazas delapsa est oratio, mihi persuadeo,

V v 2

VIR

[a] Bartholomaeus Beverinus in Syntagmate de Pond. & Mens. Lipsiae 1711. MODIVS mensura Romana, erat tertia pars amphorae, sexta medimni: continebat Sextarios 16. Heminas 32. aquae, ac vini libras 26.  $\frac{2}{3}$ . Frumenti 20.

[b] Si quid in hoc minus acute vidit Calcagninus, in eandem culpam vocandus Lucas Paetus, qui loc. cit. ait, *Modium esse tantum mensuram aridorum*. At si ita res est, ecur illam dividit in minores mensuras, quas pro liquidis certissimo scimus usurpatas? Quid calices Modiales illos esse affirmat, qui Modio vini essent capaces? Nihil a Paeti sententia distat opinio Petri Ciacconii de Mensuris Romae 1608, aliorumque: sed rationes, non splendida nomina quaerimus. Modia aquae duo memorat Commentarius de gestis Aldrici Cenomanensis in Miscellaneis Baluzii tom. III. Parisiis 1670.

[c] Lib. II. Lugduni 1657.

[d] Nem. Ode x. Salmurii 1620.

[e] Non in id sane incumbito, ut libros omnes enumerem, in quibus argumentum hoc pertractatum; de Codicibus tamen Miss., quos nobis contigit vidisse, aliquid admovebo. Primus est libellus oppido elegans de Ponderibus, & Mensuris, in nostro S. Silvestri Archivo adservatus, quem saeculo XVI. elucubravere Ordinis mei Monnus graece, & hebraice doctus, maximulque re-

rum Biblicarum interpres Antonius Agellius Episcopus Acernenfis. Alter, qui etiam inscribitur de Ponderibus, & Mensuris, exstat inter Cod. Vatic. num. 3906. fol. 23., studio Colotii Episcopi Nucerni. Operam omnem illum posuisse, ut plenissime de hoc disputaret, ex schedis ipsius constat; ac de eo Fridericus Ubaldinus discrete narrat: Latine, praeter epigrammata, occasione Pedis, & Sextarii, quos apud se habebat, Angelus scripti opusculum de ponderibus, & mensuris, a Luca Paeto, & aliis laudatum. (Vita Angeli Colotii pag. 74. Romae 1673.) Sed quod superest Opusculum pro adversariis potius habendum, quum nulla ex parte absolutum, perfectumque videatur. Alius demum in Pluteis Vaticanis delitescit Codex num. 3896. Miscellanea de Ponder., & Mensur., quae Fabio Calvo, & Jucundo, ut creditur, Veronenfi maxime tribuuntur.

[f] Scriptores de R. R. cum not. varior. Lipsiae 1735.

[g] Cato CXLVII. Hac lege vinum pendens venire oportet.

[h] Consule etiam Huetium: Histoire du Commerce des Anciens a Paris 1716.

[i] V. Monumentum T. SENTI NEGOT. OLIIARIJ editum a nobis inter Antiquit. Cuprenf.

[k] Egit de his Blasius Caryophilus in eleganti Dissertat. De Mercaturis Antiquorum Romae 1718.

VIR CL. quod non modo facile patiare, sed gaudeas eruditam a me exhiberi descriptionem aenei signi antiqui operis, quod huc praeclare facit; hocque mihi libentius assumo, quod monumentum hactenus non fuerit prolatum, & quae scribo ab aliis non sunt disputata.



Cernis itaque Pecuarium vepreto insidentem, caprina pelle corpori injecta, & ad dexterum humerum nodo religata, quae a tergo defluit, laevumque corporis latus partim obtegit. Extrema pellis pars, bifidusque pes, & cauda inferne elegantissime decidunt, ut omnia concinne, & ad artis praecepta statuarius effinxerit. Pastor exertis brachiis vas Cylindricum circulis paululum prominentibus revinctum complectitur, quod decussatis cruribus etiam sustentat, atque suffulcit. Contuendum mihi humanissime obtulit P. Contucius S. J. in Romano Collegio Museo Praefectus, quem merito appellabo, quemadmodum Cicero L. Aelium, antiquitatis, veterumque Scriptorum litterate eruditum. Equidem ea primo animum subiti cogitatio, Vas *Modium* esse, hominem vero *rusticum Mensorem*, qui sederet, operam locaturus Colonis, si ad oleam, ceterasque fruges metiendas acciretur. Verum frontis capillitium, & vestis pastoritia, planeque montana admonuerunt de Mulctra potius, ac de Pecuario esse cogitandum. Igitur verosimilius autumo vas esse *Mulctrale*, in quo nempe Vaccae, Capreaeque mulgerentur, & lac exciperetur; de quo Virgilius (a):

. . . . . implebunt Mulctralia vaccae.

& Horatius (b):

*Illic in iussae veniunt ad Mulctra capellae.*

Graecis vas istiusmodi dicebatur *πέλλα*, *πέλλη*, & *πέλλης*, accurateque describitur ab Athenaeo in haec verba: *πέλλα ἀγγεῖον σκιφοειδὲς πυθμὲνα ἔχων πλατύτερον, εἰς ὃ ἡμελγον τὰ γάλα. Οὐμός*

. . . . . ὥς ὅτε μυῖαι

*Σταθμὸν ἐνὶ βρομέασι περιλαγνάς κατὰ πέλλας* (c),

*τὸτο Ἰππῶναξ λίγυι πελλίδα*, Pella idest Mulctra, Vas est scypho simile lasiore fundo, in quo lac mulgebant. Homerus

. . . . . veluti muscae

Cum in pecorum stabulis murmurant ad Mulctras lacte plenas (d). Sed veterrimus Homeri Scholiastes Gaulum appellat; *γαυλοὶ ἀγγεῖα ποιμενικὰ σκαφοειδῆ εἰς ὃ ποιμένες ἀμέλγοντες δέχοντ' ὃ γάλα*, Gauli vasa pastoritia excavata, in quae pastores mulgentes, lac excipiebant (e). Neque molestiam hoc loco creat, quod Mulctrale *πυθμὲνα ἔχων πλατύτερον* latius fundum haberet; nam praeter quam quod in nostro monumento Mulctrae epibasim aliquanto capaciorem video, accidit profecto de ejusmodi vasis, quod de Modiis, quos non semper eadem, constantique figura existitisse, jam inter nos liquet. Sed quid, amabo, gestu conficit Pecuarium? Num Mulctram ita aptat, ut inde hau-

[a] Georgic. III. Venetijs 1549.

[b] Epodo XVI. Basileae 1595.

[c] Homeri carm., quae Iliados β leguntur, praeter mox ab Athenaeo recensita, haec sunt:

Ἡδὲ τε μυῖαι καὶ ἀνθρώπων ὄνεια πολλὰ,  
ἅτι κατὰ σταθμοὺς ποιμενίων λάσκουσιν  
ἅττη τε ἱερὴ, ἅτι τε γάλας ἄρρη σίτη.

Veluti muscarum frequentium gentes multae,  
Quaeque in stabulo pastorali errant,  
Tempore in verno, quando lac vasa madefacit.

[d] Deipnosoph. lib. XI. edit. Casaubonii Lugd. 1657.

[e] Basileae 1551.



haustum faciat? Ad vivum expressus mihi obicitur unus e numero Pastorum, quos describit Hipponax, eo quod poculis carerent,

Ἐκ πολλῶν ποίνωντος

Ex multa bibentes (a).

Non ergo in postremis habendum antiquum hoc signum, in quod Poetae narratio aptissime quadrare videtur. Haec dixi brevius equidem, quam res fortasse peteret, sed ad id quod agimus, non fuit dicendum pluribus.

§. XII.

*Quid Modiatio, μωδιωμον, & Beneventanum Modiatricum ac Modiolus.*

Antequam ab nacti sermonis materia abscedo, pauca etiam libet asserere de MODIATIONE; sunt enim haec ea, in quibus cum summa utilitas existit ad res ponderandas, tum maxime ingenia delectatio, digna sapiente. Codex Justinianaeus (b), itemque Theodosianus (c) Modiationem commemorant, quam nihil aliud fuisse, nisi mensuram, quae per Modios fiebat, liquido apparet: cujus causa certa frumenti quantitas civibus, aut militibus distribuenda, hoc nomine, quasi compendii gratia, appellabatur. Ita etiam *Ius Navale Rhodiorum*, evulgatum a Marquardo Frehero (d). μωδιωμον vocat: δει εἶναι τὴν χιλιὰν τῷ μωδιωμῷ χρυσίων πέντηκοντα, μετὰ πάσης τῆς ἐξαρτίας αὐτῆς. Oportet Chiliadem Modiationis esse solidum quinquaginta cum omnibus armamentis suis. Quae quidem formulae non solum remotissimis a nostra memoria temporibus communi sermone usurpatae reperiuntur, sed in Chartis, aliisque Medii aevi monumentis apud Du-Fresnium in Glossario. Sed in isthac tua praeclara Urbe Langobardorum aetate vocabulum diverse efferebatur, & MODIATICVM dicebatur. Quorsum tamen haec oratione attingam? An virum alloquor, cui non cognitum perspectumque Capitulare Sicardi Beneventani? Dum Urbem summo cum imperio ille obtineret an. MCCXXVI, notissimasque conderet leges ad hominum rationes, fortunaeque tuendas, praescripta sua, per summa capita digessit, quorum XXXIV. de Modiatrico, XXXV. de Responfatico, & Modiatrico (e). Postremo, quia qui singula diligenter non enodant, vera falsis quandoque confundunt, hoc certe vitio non carent Scriptores, qui vocis analogiae fidentes, MODIOLVM ad fruges minutas metiendas deputatum credidere, quum revera sit Vas Mensurarium potui paratum, ut phiala, & trulla; unde actor apud Plautum Vini Modiolum dare promittit (f). Hoc item nomen Vitruvius indidit vasculis quadratis organo hydraulico aptatis ad hauriendam efferendamque aquam e puteo, vel lacu, vel flumine, eamque in castellum infundendam (g).

§. XIII.

*Quae Mensurae Frumentariorum Condicio, & Divisio.*

Sed revertor ad illud, quod est in hac omni mihi disputatione propositum, deque Mensurae Frumentariorum Conditione, Varietate, Domicilio, Religione, Immunitatibus, & Actionibus inquiramus. In duos autem ordines, ut mihi quidem videtur, tribuebantur; alii enim artem faciebant singulis vicibus mercede conducti a privatis personis, alii Sacro AErario P. R. inserviebant, addictique erant annua stipe, ad frumentum metiendum, quod ex provinciis convehebatur, & in publica Horrea importabatur. Praefecto Annonae, ut Cujacio placet (h), vel alteri ex Curatoribus Frumenti dividendi morigerabantur: delato autem ad Orientem Imperio, sub cura erant Comitibus Sacrarum Largitionum (i). Imperatores Valentinianus, & Valens ad Volusianum, dum ea constituunt, quae in erogatione Annonae, & Frumenti jam horreis inlati, erant praestanda, haec addunt: Ad istud autem negotium, arbitratus, ac iudicio tuo, nobilis, prudens,

[a] loc. cit. [b] Lib. VI. de Naviculariis.

[c] Lib. XII. Tit. eodem.

[d] Tom. II. Jur. Graec. Leunclavii cap. XXV. Francosurti 1596.

[e] Camilli Pellegrini Historia Langobardorum Principum Neap. 1751. Muratori Rev. Ital. Script. tom. II. Mediolani 1723. Per ea tempora jus Ponderum & Mensurarum, quod inter Principatus jura recensendum, aliquando ad privatos homines Principum munificentia

translatum. V. Moratorium Antiq. Ital. Medii Aevi Dissert. XIX. tom. II. Mediolani 1739.

[f] Cistellaria VI. Lugdun. Batav. 1664.

[g] Architekt. lib. X. cap. IX. Amstelred. 1649.

[h] In lib. IV. Priores Cod. Justin. XLII. de Offic. Praef. Annon. V. etiam Pancirolium in Comment. Notit. Dignit. Imper. Occident. cap. V.

[i] Traité des Finances des Romains Paris 1740.

*dens, fidelis, optime sibi conscius, pro integritatis meritis adponatur custos ac MENSOR, qui vel Frumenta Modio metiatur, vel iustis aestimationibus colligat, quanta habeantur in condito (a). Quibus verbis in difficilem nos incidisse nodum tortasse videbitur. Mensores Frumentarios libertos ac servos existisse (b) palam est ex iis, quae paulo antea diximus. Monet id etiam vestimenti genus, quo Menfor Beneventanus induitur in hoc veteri marmore, nempe quod artificii maxime conveniens est. Qua causa ergo Nobilem esse oportere edixit Valentinianus? Sed haec facile ad concordiam adducuntur a Jurisconsultissimo Jacobo Gothofredo (c); scilicet referenda Imperatoris verba non ad generis nobilitatem, sed ad mores, quos integros, praeclaros, fraudisque puros in Menfore publico requirit. Licet enim is nobilis maxime dicatur, qui clarissimo patre est natus, hoc etiam vocabulo apud Latinos appellatur, qui in arte aliqua praestans, & excellens est, vel qui probitatis commendatione boni viri denominationem tuetur. Ab iis tamen excipio, libenterque secerno MENSORES operum publicorum, quos eruditus, & artium liberalium professoribus accensendos legibus erudimur. Nam quum crederent veteres inter tales personas locationem, & conductionem non intercedere, sed (quemadmodum loquitur Dionysius Gothofredus (d) in Julium Paullum) magis operam beneficii loco praebere, hinc, quod illis datum, ad remunerandum dabatur, nec *Mercēs*, sed *Honorarium* dicebatur. Cujacius vero erudite sapienterque *Pulveraticum* appellat (e). Non clam me est, Ictum Germanum Christianum Thomashum, in scholiis ad Vtricum Huberum, scribere Mensores Agrarios non tantae dignitatis homines fuisse, ut ex locato conveniri non possent. Discrepat tamen sententia Huberi, qui mediam inter artium eruditum professores, & mercenarios artifices conditionem illos obtinuisse rebatur (f). In qua opinionum varietate Hubero potius, quam Thomasio, me iudice, adiungenda fides, si de Mensoribus, quos initio hujus commentationis enumeravimus, sermo sit; verum si de FRUMENTARIIS quaestio erit, illos & infimo genere editos, & humillimae fortis homines semper habitos affirmo.*

## §. XIV.

*Frumentum Numeratum, Numerorum, Numeratorum, quodnam fuerit.*

Aliud praeterea fuisse Menforum Frumentariorum genus maximo est argumento inscriptio, quae prostat in veteribus Apiani Collectaneis (g):

D. M.  
PRIMVLAE. COMITILLAE  
QVAE. VIXIT. ANNIS. XX.  
CIVES. MEDIOMATRIX  
A. MATERNIVS. NEAMVSVS  
STRATOR. COS. ET  
L. LVCINVS. MENSOR  
FRUMENTI. NVMER.

Cujus extremum verbum, vel NVMERATI, vel NVMERORVM, vel NVMERATORVM suppleendum ostendam. Causas cur ita decernam, habe. Erat Frumentum Numeratum idem ac Stipendiarium, Decumanum, & Imperatum (h); quod scilicet ex agris vestigialibus exigebatur; nam ut a Plu-

[a] Cod. Theod. lib. XI. Tit. XIV. de conditis in publicis horreis. Lex desumpta ex C. Justin. l. x. Tit. eodem.

[b] Hinc illud in lib. de Nominibus propriis τοῦ Πρωτοκρυ Florentini cap. V. Divus Marcus & Lucius Imperatores Flaviae Tertullae per Mensorem Libertum rescripsere. V. Everardi Ottonis Thesaur. tom. I. Basileae 1741.

[c] Adnot. in C. T. ad hunc Tit. Nihil ego Gothofredi auctoritati detractum volo; quid tamen si proprietates in nobilitate non Menfori, sed Custodi fuerat tribuenda?

[d] In Corpore juris ad hanc L. Amstelod. 1663.

[e] Lib. IV. Observationum cap. XXVIII. Paris. 1658.

[f] Schol. ad Hub. Praeclad. ad L. Si Menfor. Lipsiae 1735.

[g] Ingolstadtii 1534.

[h] Vix ullum eruditorum esse credo, cui non manifestum planius haec a Cicerone esse disputata lib. III. contra Verrem, ubi explicat varia agrorum vestigialium genera. Erat vestigial Stipendiarium, quasi victoriae praemium, bellique poena. Aliud erat, quod ex agris veniebat, qui populis reddebantur, sed *Censoriae locationi* subiciebantur &c. Tullius Verrem carpit, quod haec omnia iniquissime perturbaret, injuriamque Siculis intulerit, lege Hieronica sublata.



a Plutarcho scriptum legimus: Ρωμαῖοι δὲ τῷ ἀσυγκρότων χάρας, δούλῳ ἐπιτέμνοντο πολέμῳ, τῷ μὲν ἐπίπρασκον, τὴν δὲ ποιήμενοι δημόσιαν ἐδίδσαν νέμειν τοῖς ἀκρήμοσι καὶ ἀπείροις τῷ πολιτῶν ἀποφορὰν δὲ πάλῳ εἰς τὸ δημόσιον πέλουσιν. Romani populorum vicinorum agros, quos bello acquisiverant, partim vendebant, partim publicos faciebant, & dabant inopibus, & tenuibus civibus, exiguo imposto vectigali (a). Plura de varia agrorum vectigalium conditione scripta invenies apud Appianum (b), Livium (c), Aggenum Urbicum (d), & Hygenum (e). Vectigal autem erat ejusmodi, ut Coloni pro mensura jugerum, quae accipiebant, Decumas aerario p. r. inferrent, quae perpetuo Annonam Urbis suppeditarent. Porro eae Decumae non pecunia, sed Frumento pendebantur. Summa autem totius Frumenti, quod ex Decumis colligebatur, in Tabulis Pub. describi consueverat, itemque Aratorum numerus annotabatur, nec licebat Praetori, aut Quaestori quicquam immutare. Quare Frumentum illud vere, proprieque Numeratum communi sermone dicebatur. Cumulatissime de his Burmannus in egregia Dissertatione *De Vectigalibus P. R.* (f). Hoc igitur cognito, ajo L. LVCINVM Mensorem fortasse fuisse, qui Frumento Numerato, & Decumano metiendo erat praefectus, Praeterea neminem latere arbitror, Militum Cohortes, Legionefve, Romana lingua, NUMEROS fuisse appellatos. Plinius, *Sacramento militari nondum distributi in Numeros erant* (g), h. e. in Cohortes; quo uno vocabulo ita delectabatur Tacitus, ut tum in Annalibus, cum in Historia, atque etiam in Agricolaevi vita, militum turmas Numeros jugiter dicat. Quod quam late deinceps patuerit, facile percipi potest ex Theodosii rescriptis Vicario Asiae Romuliano P. V. & Stiliconi Magistro Militum de costringendis, multandisque Militibus, qui *relictis propriis Numeris vagari* deprehenderentur, *de revocandis ad suos Numeros*, *de uno Numero in alterum Numerum transferendis* (h). Hisce autem Numeris, Legionibusque nedum Panis, sed omnes Annonariae species, aliquando etiam in singulos dies, distribuebantur; Frumentum nempe, Vinum, Oleum, Laridum &c. quae omnia Diaria, vel Commoda vocabantur; hinc Ovidius:

Romule Militibus scisti dare Commoda solus,

Haec mihi si dederis Commoda, Miles ero (i).

Quid autem est hoc evidenti vix legenti Titulum de *Erogatione Militaris Annonae* (k)? Ex quibus intellectum puto dubitari etiam posse LVCINVM FRUMENTI NUMERORVM erogandi praepositum existisse. Postremo fac Tibi in mentem veniat id moris Romae ceterisque Urbibus, quae Romanis legibus vivebant, ut essent Gradus quidam publici, non amphitheatrales, sed alii per Regiones constituti, e quibus populo, pro Annona civica panis confectus coctusque distribuere-tur, dictus ea de causa Gradilis; unde Prudentius:

... quem panis alit Gradibus dispensus ab altis (l).

idque, ne Frumentum, summo familiarum incommodo, in alios usus disperderetur. Nihilominus Frumentum ipsum persaepe erogabatur, quod quisque oblata Tessera (signis nempe eburneis, vel ligneis, vel etiam plumbeis (m), in quibus Grani quantitas, nomenque accipientis descripta erant) poterant adipisci. Adilis Pancirolum (n), Tomasinum (o), & Vincentium Contarenum de *Frumentaria Romanorum Largitione* (p). Hoc etiam Constantinopoli factum docet Socrates Constantini iram in Urbis illius incolas describens: Ἐξήμισι δὲ τῷ πόλιν, ἀφελῶν τῷ σιτηρεσίῳ τὰ παρασχεθέντος παρὰ τὸ πατὴρ ἀπὸ ἡμερησίου, ὑπὲρ πωταρὰς μυριάδας, ὅτῳ ἑγγυὺς δὲ μυριάδας ἑχορηνήντο πρότερον τῷ σίτῳ ἐν δὲ Ἀλεξανδρείῳ πόλει. Civitatem multavit ex an-

[a] In Graccho Paris. 1624.

[b] De Bello Civil. lib. 1. Henrici Steph. 1592.

[c] Lib. 1v. Amstelod. 1664.

[d] Ad Frontin. Amstelod.

[e] De Cond. Agror. Amstelod 1674.

[f] Cap. 1. 11. 111. edit. Poleni in Thesaur. Antiquit. Tom. 1. Veneris 1737. Consule in utroque Codice Canonem Frumentarium Urbis Romae. Jusin. lib. xi. Tit. xxii. Theod. lib. xiv. Tit. xv.

[g] Epistol. lib. 11. ep. viii.

[h] C. T. lib. vii. de Re Milit.

[i] De Aris 1. Amstel. 1674.

[k] C. T. lib. vii. Tit. 1v.

[l] Advers. Symmach. Parisiis 1687.

[m] Franciscus Ficorinus de Plumbeis Antiquorum Numismatibus part. 1. Romae 1750. et si dubia cogita-

tione distrabi affirmit, cui nam potissimum usui a veteribus addita fuerint frustula illa plumbea; id tamen ei verosimilius videtur existisse Tesseras, quas ferebant, qui Ludos Scenicos vel Athleticos spectatum veniebant, quum in hortis, privatique locis ederentur. At si quid in re adeo obscura conjectando licet divinare, ecur non dicas fuisse etiam Tesseras Frumentarias, eos potissimum nummulos, quibus Ceres, Isis, Fortuna, Spicae, Cornucopiae, notae numerales, nomina quaedam insculpta sunt? Hujus certe generis, ut ego quidem sentio, hi minimus sunt, qui Modium cum tribus Ipicis triticeis referunt, quemadmodum TAB. IX. num. 20. TAB. XIX. num. 6. TAB. XXXI. num. 3.

[n] Not. Dignit. Imper. cap. 1v. ubi supra.

[o] De Tessera cap. xvi. Amstelod. 1670.

[p] In Thesaur. Graevii Tom. viii.

# 344 PAVLLI MARIAE PACIAVDI.

ex annona diurna, quam Pater ejus Constantinopolitanis donaverat, adimens plusquam quadraginta millia Modiorum: antea enim octoginta fere millia Modiorum Frumenti ab Vrbe Alexandria advecti civibus erogabatur (a). Quibus erogationibus, sive P. R. largitate, sive Augustorum munificentia fierent, dispensatores addicebantur. Huc adducam marmor Cimeliothecae Lapidariae Viri Principis, praeclara eruditione atque doctrina, artiumque elegantiorum fautoris CARD. PASSIONEI, quod cum sexcentis aliis exscripti.

LYSIMACHO  
AVG. DISP.  
FRUMENTI  
MANCIP. FEC.  
FL. CORINTIAS

Ad hanc autem Frumentationem, maxime post L. Semproniam, non admittebantur nisi qui Cives Romanos se probassent, quique in suam Tribum essent relati. Accedit testis Persius, qui Satyra V. sic inquit:

*Libertate opus est, non hac ut quisque Velina  
Publius emeruit, scabiosum Tesserula far  
Possidet: heu steriles veri! quibus una Quiritem  
Vertigo facit.*

Vbi vetus scholiastes: Romae erat consuetudo, ut omnes, qui ex manumissione Cives Romani fiebant, in NUMERO Civium Romanorum Frumentum publicum acciperent. Igitur NUMERATI erant quot quot eo beneficio utebantur (b); quae quidem largitio, ut ex ordine, & iuste concederetur, probabile est, Mensores delectum fuisse, qui in id potissimum incumbere. Quid jam si L. LVCIVM huic muneris praepositum dixerō? Potestatem, optionemque Tibi lubens facio, ut ex his tribus Marmoris explanationibus commodissimam eligas, & Menfori peropportune adaptes.

§. X V.

*Domicilium ubi nam sibi constituerent ejusmodi Mensores.*

Sequitur jam, ut quaeramus, quonam potissimum loco domicilium, tectumque haberent MENSORES FRUMENTARIUM. Hoc quidem a me facile constitui posse intelligo iis conjecturis, quibus veritas illustrari solet. Ad Portum Urbis Romae sedem fixisse eos, qui Frumentum ex Provinciis subvectum, & in Horrea pub. condendum admiciebantur, indicio est inscriptio V. C. Ragonii Vincentii Celsi, quae memorat MENSORES PORTVENSES (c), quos suos Patronos, quemadmodum cetera corpora Annonae Urbicae inservientia, habuisse ostendit apertissime lex ab Honorio, & Theodolio lata, Titulo de Suariis & Pecuariis (d). In ipsa autem Vrbe, in qua certum corpus Mensorum Frumentariorum existisse apparet ex lib. x. §. i. ff. de vacatione & excusatione munerum, ubicumque liberet, domos, aras, focos, Deos Penates habere poterant; et si credibile sit, Horreis, Gradibus, Foro Nundinario proximiores elegisse. In Provinciis autem stativa, si ita fas est loqui, habebant in locis tum maritimis, cum mediterraneis, ubi major agrorum fertilitas Frumenti copiam abunde suppeditabat. Et quia Beneventum in ea Samnii parte situm,

[a] H. E. lib. II. cap. XIII. Moguntiae 1677.

[b] Seneca de Benefic. lib. IV. cap. XXVIII. Frumentum publicum tam fur, quam perjuris & adulter accipiunt, & sine delectu morum, quisque incensus (in Tabulis) est. Antuerpiae 1652. Puerorum, ac Puellarum, quibus ex Trajani instituto alimenta dabantur, nomina in Tabulis aereis incisa, descriptaque fuerant. V. Plinium in Panegyrico. Plura sane de Pueris Alimentariis, deque in eos Trajani liberalitate per haec tempora sunt scri-

pta, sed ex Anaglyphis Arcus Beneventani forte opportunitatem nanciscetur V. Cl. JOH. DE VILIA, ut de iis agat accurate. Molis illius, vulgo Porta aurea, & prospectus delineatio ad fidem archetypae, aeri elegantissime caelata prodiit ante paucos menses studio & impensa ejusdem eruditi hominis.

[c] Gruenerus MCCCCLXIII.

[d] C. Tb. lib. XIV. Tit. VI.



situm, quae Campaniae Felici apposita, quaeque ob mirabilem ubertatem commendatur a Strabone, Mela, Dionysio, Livio, Polybio, Virgilio, Propertio, Martiali &c., par est credere inibi Mensores publicos existitisse. Ad haec, quod quum Vrbs illa fortunis, frugibus, rerum opulenta floreret, omnium artium collegia habuisse, verisimillimum est.

## §. XVI.

*Quae Numina singulari religione colerent.*

Esse Deos, & eorum providentia mundum administrari, eosdemque consulere rebus humanis, nec solum universis, sed singulis, ita persuasum habuere Ethnici, teste Cicerone, ut Diacarchum repudiarent, qui putabat id esse alienum a maiestate Deorum; quasi si *minor* negligant, neque agellos singulorum, neque viticulas prosequantur: *Et si uredo, aut grando quidpiam nocuit, non sit Iovi animadvertendum* (a). Imo quia omnia eorum geri iudicio, ac numine gubernari existimabant, Deorum turbam congregarunt, quorum singuli singularum rerum procurationem haberent. Hinc si Indigites, Populares, Rusticani, Topici, Tutanei, Averrunci, Ignoti &c., ut quisque eos potissimum coleret, quos officio suo propitios futuros esse aspicabatur. At quanam singillatim Numina MENSORES FRUMENTARIOS precari, & venerari dicemus (b)? Cererem Frugiferam, matremque agrorum veluti sui ordini Solpitam, ac Patronam imprimis singulari religione esse prosequutos, non obscure colligo ex lapide litterato, in quo notatum L. MEMIVM GALBIVM MENSOREM monumentum CERERI dicasse (c). Eorum sane θεολογικῶς consentaneum, ut honorem haberent Deae, quam agrorum, frugumque Conservatricis nomen adeptam occinebant Poetae omnes, ac testabantur mythologi. ΣΩΤΕΡΙΑΝ dictam in nummo ΑΠΑΜΕΩΝ reperit Spanhemius, qui illum protulit in adnotationibus ad Hymnos Callimachi (d); etsi contendat cognomen illi tributum, non quidem ob Rei Frumentariae tutelam, sed ob servatam Civium concordiam. Praeteriens haec attingo, nam splendidius differuntur a viro officiosissima mihi necessitudine conjuncto, & eruditione cum paucis conferendo Julio Carolo Schlaegero, eximio libro, DE DIS, HOMINIBVSQVE SERVATORIBVS (e). Deinde quia ea omnia, e quibus tutelam, praesidiumque opperiebantur, inter Deos referebant, ANNONAM coelitis divique annumerarunt, ut frugum copiam ubertatemque largiretur, atque servaret. Idcirco in nummo Caracallae lemma: ANNONAE AETERNAE, & in alio Severi Caracallae Patris: ANNONAE AVG. Hanc igitur revereri consuevisse nostros Mensores mihi non modo confirmavit, sed persuasit vetus Marmor Gruterianum (f):

ANNONAE. SANCTAE  
AELIVS. VITALIO  
MENSOR. PERPETVVS. &c.

Eadem de causa reor coluisse summopere DEAM SIRONAM (g), VBERTATEM, ETERNIAN, FERTILITATEM, ABUNDANTIAM, FELICITATEM, GENIVM HORREORVM, PROVIDENTIAM, FORTVNAM, atque SPEM, quas in Deorum Minorum Collegium cooptarant, quasque Frumenti spicis insignitas atque conjunctas conspiciamus in nummis Vespasiani, Trajani, Hadriani, Antonini Pii, Severi Alexandri, Constantini junioris, aliorumque. Quod si Isim Reginam, quamvis peregrinum numen, jamdiu tamen in Romana templa receptam, sancte colere, venerarique consuevisse affirmavero, assensu tuo, ut puto, comprobabis. Huic etiam Frugum inventionem tributam, totiusque rei Frumentariae curam concreditam, nulli obscurum; qua de causa MODIVS ejus capiti impositus in nummis ac simulacris reliquis apparet: quod quidem symbolum, ut ait

X x

Pigno-

[a] Nat. Deor. III.

[b] Hebraei, quemadmodum narrat Novarinus Scheidafmata sacro-prophe. lib. v. cap. XII., antequam Fruges mensurarent, inque horrea conderent, hac religiola formula utebantur: *Placitum sit tibi, Domine, ut mittas benedictionem in opera manuum nostrarum.* Lugduni 1635.

[c] Gruter. XXVI. 10.

[d] In Hymn. Cereris. Ultrajecti 1697.

[e] Commentatio de DIS Hominibusque Servatoribus ex Numis atque Marmoribus Vetustis. Helmstadtii 1737.

[f] LXXXI. 10.

[g] V. Eximiam Gorii Cl. Diatriben de Deo ETERNOTIA, Molarum Praefidi. Memoria della Società Colombaria Tom. II. Livorno 1752.

Pignorius, veluti Frugum parenti assignarunt (a), Hinc etiam Modium tritico, hordeoque re-  
fertum in sacris Ifiacis apud nonnullos circumgestari scilicet Diodorus: παρ' ἱσίων ἢ τῶν πόλεων  
καὶ τοῖς ἱσίοις ἐν τῇ πομπῇ μετὰ τῶν ἀλλων φέρεται πυρμαίνας πυρῶν καὶ χειρῶν, ἀπομνημόνευμα  
τῶν ἐξ ἀρχῆς τῇ θεῇ φιλοτίχῳ δρεθίσαν. Apud nonnullas quoque Urbes cum Isea (Festa Isidis)  
celebrantur, in pompa tritici & hordei vascula circumferri ad primitus Deae industria repertarum (Fru-  
gum) memoriam (b): qua in pompa non ultimum certe agminis locum occupare debebant Men-  
tores, Denique quia Laeva Numina verebantur, ea scilicet, quae nocendi vim habebant, iis-  
demque litabant, valde suspicor Mensores Frumentarios Deum RVBIGVM quoque coluisse. In  
ipsis autem Dis, ait Gellius (c), quos placari oportet, uti mala a nobis, vel frugibus natis amovean-  
tur, Avernuncus quoque habetur ROBIGVS. Cl. Iustus Fontaninus in libello Delle Masnade (d), pri-  
mus omnium dedit lapidem huic Numini dictum.

DEO. RVBIGO  
SACRVM.

Ligoriana vero inscriptio quaedam apud Vulpium in Veteri Latio (e), Deum hunc aliorum con-  
tubernalem facit.

ROBIGO. ET. CERERI. ET. FLORAE  
SAC.

Ei quidem a rusticis sacrificabatur, ne segetes arroderet. Varro de R. R. Quarto Robigum ac Flo-  
ram (Deos enumerat Agricoliarum praesides) quibus propitiis, neque rubigo Frumenta, neque ar-  
bores corrumpit, neque non tempestive florent (f). Item Columella de cultu hortorum:

Hinc mala Rubigo virides ne torreat herbas,  
Sanguine lactentis catuli placatur, & extis (g).

Praetereo quae Plinius l. XXIX. cap. IV. & ad eum locum Johannes Harduinus (h), recensere, ut  
adhibeatur a me certa ratio, moderatioque dicendi. Igitur quamvis ab agricolis hunc Deum,  
five Deam (i) coli, & in ejus honorem Robigalia Festa Kal. Majis celebrari probe teneam, ni-  
hilominus, quia tineae quadam, seu rubigine Frumenta etiam quum in navibus subveherentur,  
vel jam horreis condita exedi contingat; id mihi suspicionem efficit aliquam, ut credam nostros  
Mensores huic Numini vota praecipuo quodam cultu nuncupasse. Fortasse etiam observantiam  
praestabant Numinibus, quae invocabat Flamen sacrum Cereale faciens, quaeque enumerat spu-  
rius Fabius Pictor apud Servium (k), idest, Messorem, Convectorem, Conditorem, qui scilicet prae-  
sidio veniebant, dum Segetes falce refecarentur, subveherentur, inque Granaria conderentur.  
Horum opem implorare, eosque auxiliares exoptare Mensores maxime decebat. Exstat in An-  
tiquitatibus Hortanis Epigramma, quod litteratissimus Fontaninus explicat ad hunc modum (l):

D ♥ M

[a] Explicatio Mensae Isiacae. Venet. 1605. V. In-  
fer Pauli Ernesti Jablonski Pantheon Aegyptiorum, sive  
de Dis eorum Commentar. part. 1. Francofurti 1752.  
Per multa adhuc esse in Ethnicorum Theologia obscura,  
atque incognita norunt, atque etiam profitentur ii ma-  
xime, qui eruditae vetustatis reliquias studiosius con-  
templantur, atque in istis explicandis sunt exercitati.  
Deum Terminum peculiariter coluisse Messores, nullo  
hactenus, nisi me fallo, monumento comprobari pote-  
rat. At ita vere fuisse, perspicuum fit ex veteri pictu-  
ra recens in agro Romano e ruderibus antiqui aedificii  
educta, & opera P. Contucci, harum elegantiarum  
peritissimi, in Museo S. J. inlata. Vistuz in hac ve-  
nutissima Tabella signum Dei Termini, more veteri,  
ex lapide impolito, & sub dio positum. Ante illud Hie-  
rophantes sacrificia veste amictus, velatoque capite, qui  
dextera manu Thuribulum attollit, nostris simillimum,  
vasculum videlicet aeneum tribus catenulis aequidistan-  
tibus dependens, eoque Thus Numini ingerit: ad lae-  
vam Arae, seu ἀρπαγῆς τοιαύτη, manipuli albescentium

spicarum, voti, & obsequii pignus: non longe Messores  
saltatorium orbem versantes, choreisque plaudentes.

[b] Bibliothecae lib. 1. Amstelodami 1745. Curante  
Wesselingio.

[c] Lib. v. cap. XII. Parisiis 1681.

[d] Pag. 76. Venezia 1698.

[e] Tom. v. lib. VIII. c. VII. Tomo vero III. lib. IV.  
cap. III. Patavii 1732. & 1726. ex eodem Ligorio pro-  
fert ROBIGVMVM SIGNVM MARMOREVM. Heu nimis  
Auxa Ligorii fides, & auditoritas, qua iple tuto nititur!  
Sed nolo manes pientissimos insectari acerbius.

[f] Lib. 1. cap. 1. Lipsiae 1735.

[g] Lib. x. Lipsiae e. a.

[h] Parisiis 1723.

[i] S. Augustinus de Civ. Dei lib. IV. c. XXI. Cur  
invocandus Deus spinensis, ut spinas ex agris eradicet?  
Deu Rubigo, ut non accederet? Parisiis 1700

[k] Maurus Servius Honoratus, ad Georgic. lib. 1.  
vers. 21. Parisiis 1600.

[l] Lib. 1. cap. IX. Romae 1707.



D M  
MESSORI  
MYSTAE  
BATHYLIANENSES.

Ex litteris autem D. M. circulo intermedio, quod est signum gementis, suspicor hoc epitaphium exstructum a Bathylianensibus, quicumque ii fuerint, non Deo Messori, sed Mystae alicui Messori, licet hic offeratur in dandi casu. Atqui nullis arbitror indulgendum conjecturis in re, ut mihi quidem videtur, omnino perspicua. Cur non dicas Bathylianenses Mystas, aut Fratres Arvales Messori cuidam vi aestus absumpto monumentum posuisse? Neque enim homini, cujus memoriae a Mystis hic Titulus excitatus, MESSORIS nomen fuisse crediderim.

## §. XVII.

*Quae Jura his attributa, quaeve Actio adversus illos a Praetore data.*

Nunc venio ad beneficia, quibus Romani operam, atque industriam Menforum Frumentariorum rependendam censuerunt, & quanti fecerint illorum Corpus, irrogatis eidem privilegiis, patefaciam. Optimus legum interpretes Julius Paullus, idemque forensi & judiciali dicendi genere clarus, multisque honoribus Romae auctus, libro singulari de Excusationibus l. Menfores 36. ff. de Excusatione ita scribit: *Menfores Frumentarios habere jus excusationis apparet ex rescripto Divorum Marci, & Commodi, quod rescripserunt Praefecto Annonae (a).* Sed a quo munere vacare eis concessum hac lege? Ab injuncto eis quandoque Tutelae gerendae onere, quod praeclarae Immunitatis loco tum temporis habebatur. Munus enim Tutelae, quum implicatum molestis operosisque negotiis saepenumero esset, ideo plerique detrectabant, ac defugiebant. Hinc factum cur tam anxie de causis excusationum quaeratur, ut etiam sex integros libros Herennius J.C. ea de re graeco sermone conscripserit, ex quibus varia capita in Jus Romanum translata. Et quia maxime frequens hujus muneris necessitas, idcirco qui alias a muneribus publicis habent vacationem, ab hoc non censentur immunes, nisi illud privilegium conceptis verbis sit indultum (b). Tanti autem olim fuit, ut Romanus Senatus, amplissimisque P. C. ordo, summi privilegii instar Familiae Gordiani Imperatoris concesserit, ejus posteros a Tutela vacare posse. Audiendus omnino Capitolinus: *Familiae Gordiani hoc Senatus decrevit, ut a Tutelis, atque legationibus, & publicis necessitatibus, nisi vellent, posterius ejus semper vacarent (c).* Hanc vero immunitatem Menforibus Frumentariis datam in Vrbe tantum se deprehendere ait Cujacius (d), ex eo quod Imperator rescripserit Praefecto Annonae. Sed res conjectore non indigebat, quum ipse met Paullus *Sententiarum Receptarum lib. 1. Tit. de vacatione, & excusatione munerum, id jamdiu dilucide, ac plane docuerit hisce verbis §. 2. Corpus Mensurarum Frumenti juxta Annonam Urbis habet vacationem, in Provinciis non item: quo quidem loco praetermittenda mihi minime videtur Schultingii animadversio in Jurisprudentia Antijustiniana: Mensurarum, alii Menforum, quod sensus exigit. Mensuras pro Menforibus sumi posse, ut Operas pro Operariis, Curas pro Curatoribus, non nega vero quidem: sed Jurisconsulti res propriis nominibus magis solent appellare, & maxime in nominando Corpore hominum, certum nomen habent (e). Quodnam autem fuerit rescriptum Marci & Commodi,*

X x 2

[a] V. Simonem Leewium de Orig. Jur. Lugduni Batav. 1672. [b] l. xv. Spadonem §. x. l. de Excus.

[c] In Gord. 11 l. edit. Bozbornii Lugd. Batav. 1632.

[d] Observationum lib. x. cap. viii.

[e] Jurisprudens. Vetus Anti-Justiniana Tom. 1. Lipsiae an. 1738. Si conditae ab Imperatoribus leges Menfores R. P. immunes esse a ceteris officiis facile patiebantur, quod id cum publica causa conjunctum crederent; idem Privilegium opinor Principes contulisse iis Servis, quorum opera in aula utebantur, quamque saepenumero prolixa liberalitate remunerabant. Facilius hoc adipisci potuisse Augustorum Menfores inteligo, quum illos in primis munerum gradibus positos atque locatos video. Non incelebris Tabula Antiatina, qua Caesareae domus Servi describuntur, in aedibus Amplissimi CARD. ALEX. ALBANI adservata. Primum,

quod in ea ad oculos occurrit officium, tale est:

CAESARIS

MENSOR.

Hunc quidem ex iis servis fuisse, de quibus plurimum sermonis habui §. v. non ambigo. Praesignatores autem illos etiam fuisse dictos, me nuper edocuit vetustum epigramma Musei Kircheriani, quod e re nostra duco hoc loco proferre.

DIS . MANIBVS  
SEXTAE . PROCVLAE  
SATVRNINVS . CAESARIS  
PRAESIGNATOR  
FECIT . CONTVBERNALI  
SVAE . CARISSIMAE . ET  
SIBI . ET . SVIS .

quod Paullus commemorat, haud satis liquet, neque ex lioris manifesto delucitur: in quo culpandus videtur Trebonianus, cui hoc unum vitio vertunt doctiores, quod veterum scriptorum fragmenta, & Imperatorum Constitutiones crebro interpolavit, dum Iustiniani iussu Decemviris legibus in ordinem redigendis praeesset. De Commodo quidem habetur in lib. vi. hujus Tit. de Excusat. ff. §. 8. Est autem Imperatoris Commodi constitutionibus inscriptum capitulum ex epistola Antonini Pii, in qua manifestatur, & Philosophos habere immunitatem Tutelarum; sunt autem haec verba. Confiniliter autem his omnibus divus Pater meus, mox ingreditur Principatum, constitutione existentes honores & immunitates firmavit, scribens Philosophos, Rhetores, Grammaticos, Medicos immunes esse Gymnasiis, Sacerdotii stantes, & neque ad FRUMENTI, & vini, & olei emptiones, & praepositiones, & neque judicare, neque legatos esse, neque in militia numerari nolentes, neque ad alium famulatum illos cogi. Hisce autem verbis contineri edictum pro Mensoribus, libere inficiabor. Marcum Aurelium vero, quamquam is Imperium pessime administravit, per crudelitatem, libidinem, summamque negligentiam, multa tamen edixisse, pro Rei Frumentariae procuratore, perhibet idem Capitolinus. Sed rescriptum, quo Imperator sui excusationis Mensoribus largitur, difficile arbitror posse deprehendi ex his, qui supersunt, libris. Ut ut sit, Privilegium nonnisi Mensoribus, qui apud publicae rei Procuratores erant in famulatu, irrogatum existimaverim. Verum enim vero ceteri Mensores ex illorum numero fuerint, qui oneribus vacabant, expertesque erant ceterorum munerum publicorum, numquid non in crimen quandoque vocati? ab accusatoribus numquam exagitati? Te ipsum, DOCTE VIR, quaestionis arbitrum decernam, qui quum apud Amplissimum Beneventanae Metropoleos Antistitem causis cognoscendis, & stilitibus judicandis sis praepositus, merito cum Horatio appellabo:

*Insigne praesidium consulenti Curiae.*

Equidem lex indulgebat, ut adversus Mensores operum publicorum, atque agrorum, dolo patetfacto, actio a Praetore peteretur, qua iudicium subire compellerentur: liquet ex Edicto, quod recitavimus §. VII. Si Mensor Machinarius falsum modum dixerit, haec actio dabitur. Quae nam vero fuerit haec actio, quam Praetor dabat adversus Menforem fallentem, ex claris Juris interpretibus colligitur. Cujacius autumat hunc Titulum, alterum Finium Regundorum supplere (a); Heineccius asserit ad doctrinam de damnis pertinere; ait enim, damnum dat Mensor falsum modum renuncians, si ingenuus; noxiam nocet, si servus sit (b). Gerardus Noodt vero Edictum sic concinnat: Si Mensor agri falsum modum dixerit, aut cuiusvis alterius rei mensuram falsam dolo malo renunciasse dicitur, ei, cujus intererit, id non fieri, adversus eum actionem in factum dabo (c). Non semper tamen Praetor hanc actionem dabat, si Mensor falsum modum renunciaserat, sed quum id praestiterat dolo malo. Actionem autem fuisse necessariam scribit Vlpianus; quod ejusmodi Mensor non erat civiliter obligatus ex locato, aut conducto, exemplo ceterarum artium liberalium (d). Sed haec non de nostro Frumentariorum Corpore. Quibus ex rebus breviter disputatis perspicue emergit, quod si Mensores Frumentarii callido ingenio quempiam fraudassent, & falsam Mensuram dolose renunciascent, dies eis indici liceret, neque a Praetore adversus eos actio esset petenda, quia de damno rependendo per legem cautum erat, tum quia homines mercede conducti in jus, nulla impetrata venia, vocari poterant, & ni ierent, antestari. Quamvis autem vacatio munerum ob publicam commoditatem in Urbe tantum illis tributa; tamen fori iudicium evadere nusquam concessum (e). Scripta sunt haec apposite ab ipso Noodt, qui statuit dandam esse a Praetore actionem adversus cuiusvis generis Menforem, sive de latitudine itineris, sive de servitute immittendi, projiciendique quaeratur, sive aream, vel tignum, vel lapidem metiendo mentitus fuerit, sive tesellerit in aedificii, aut FRUMENTI, aut vini mensura. Nec interest (verba sunt Johannis Voet in hac causa commodissima) utrum Mensor Machinarius sit, qui machinula mathematica utitur, an alius, qui alio mensurae genere interveniente modum denunciat (f).

§. XVIII.

[a] Observ. lib. IV. cap. XVIII. Argent. 1732.

[b] L. III. §. ultimo hoc Tit.

[c] In Pandectas lib. XI. Tit. VI. Operum T. I. Coloniae Agrippinae 1732.

[d] Lib. II. hoc Tit.

[e] Scribenti mihi de servanda a Mensoribus fide, in mentem venit, quod olim in Statutis Pirani (quod est Histriae oppidulum in sinu Tergestino) memineram

legisse lib. I. cap. 20. Ad eligendos duos Mensuratores Frumenti, more aliorum extraordinariorum officialium modus observetur, . . . . qui jurare debeant ad sancta Dei Evangelia bona fide mensurare recte, & legaliter totum Frumentum &c. Venetiis 1582.

[f] Commentar. in Pandectas Tit. eod. Oper. Tom. I. Hagae Comitum. 1736.



Extremum nunc illud est, v. sp., ut sermonem paulisper convertam ad primævos Christianos, quorum facta, admiratione commotus, mihi semper ob oculos libens propono, quorum monumentis mirifice recreor ac delector. Etsi summae ignorationis postulat, quanta in eorum gestis pia sagacitas & prudentia! Liqueat id intuenti sacras ætatis illius antiquitates, in quibus universa Religionis nostræ doctrina *συμβολικῶς*, & per quaedam aenigmatica signa sub aspectu posita videtur. Non quaero an id ex instituto *Disciplinae Arcanæ*, an aliis de causis præstiterint; illud modo persequor, quod ad propositum pertinet. Inter vetera Christianorum symbola Menforem quoque, & Modium, & Frumentum reperio. Scilicet existat Romæ in Museo Kircheriano Toreuma Marmoreum, in quo Modius insculptus est spicarum refertus & cumulatus; juxta Modium Menfor pellicea indutus veste, qui dextera virgam, seu potius regulam gerit ad præequandum in Modio Triticum, cum inscriptione *MAXIMVS AMICVS OMNIVM* (a). Edidit Antonius M. Lupus (b), iterumque illius meminit Nicolaus Galeottus (c), nobilissimum par cruditorum; quæ autem hæc emblematicis significatio subiciatur, nunc inquirendum. Quatuor ex his percipi poterant documenta. I. Admonebantur hinc Christicolæ se esse genus electum, quod Deus a ceteris gentibus disjunxerat, ut sibi populum acceptabilem constitueret, sicut bonus Agricola Triticum a paleis segregat, illud quidem in horreum sepeliens, has vero tradens igni comburendas: quod unum mente contrectantes, se summo beneficio affectos intelligerent, summaque lætitia perfunderentur (d). II. Hoc symbolo admonebantur in summa temporum improbitate, & malorum colluvie versari, in quibus Ethnicus Christianos oppugnabant, quam poterant acerrime, & advenisse diem, qua Satanas, totus ad perniciem incumbens, Christi sectatores sicut Triticum versare satagebat; proinde vigilarent atque obfisterent (e). III. Modius ille fortasse præmium designabat, quod Servator Jesus nostris laboribus aliquando deferendum sponderat, illa utens allegoria, se famulis suis fidelibus Triticum mensuram, eamque plenam & confertam daturum, ut hac expectatione recreati, interituras voluptates despicerent (f). IV. Quia Frumentum terræ abditum putrescit, sed inde tellure erumpens, attollitur, iterumque virefcit, fructus, spicasque edit; ita velut nostræ Resurrectionis indicium haberi poterat (g). Modius Triticeus igitur etiam ea de causa adjectus in Christianorum Monumentis, ut hi animum advertentes Grani vicissitudinibus, repositam spem haberent, se a mortuis ad vitam iri revocatum. Quæ omnia esse recogitanda ipse met Jesus Christus, hoc uno in marmore Menforis personam induens, præcipere videtur, Modium & Frumentum indigens. Quare si Magnus Augustinus aiebat prudentiam Christianorum ad pios usus traduxisse, quæ ab Idololatriæ fuerant usurpata (h); perspicis sane, ut ethnicum Marmor Beneventanum rerum divinarum imagines in memoriam commodissime revocet: quatuor enim istas interpretationes ex Patrum sententia, atque iudicio protuli, qui Evangelii loca, & testimonia ad eumdem ferme modum explanant.

Vt ergo ad id me recipiam, unde orta est disputatio, operam bene collocatam, laboremque non frustra impensum arbitror, si quicquid diligentiae huic tuo anaglypho interpretando contuli, Tibi probari intellexero. Ea siquidem me causa ad scribendum impulit, ut quantum liceret, observantiae in te meae, memorisque animi monumentum aliquod exstaret. Quid ni Tibi, VIR PRÆSTANTISSIME, patriæ amplitudini augendæ flagrantissimo, morem gererem, quandoquidem de me, studiisque meis adeo liberaliter sentiebas, ut Antiquitatibus Beneventanis lucem aliquam a me affundi posse putares? Nihil tamen in hoc mihi arroganter sumam; semper enim illud Pythagoræ mentem subit, quod quamvis homo πάντων χρημάτων μέτρον sit, primum tamen, ut se ac sua metiatur oportet (i); & an feliciter, accurateque conjectorem egerim, facile

[a] Hoc sibi maxime in laude ponebant veteres illi Christiani, quod neminem læssissent, de omnibus bene essent meriti. Innumerae Inscriptiones a Boldetto, Marangonio, aliisque editæ, testantur.

[b] In Epitaphio S. Severæ §. VIII. pag. 51. Panormi 1734.

[c] In Museo Odesenlebo Tom. II. Tabul. LI. Romæ 1752.

[d] Matth. XIII.

[e] Lucæ XXII.

[f] Lucæ XII.

[g] Iohannis XII.

[h] Contra Faustum xx. cap. 23. edit. Paris.

[i] Apud Sext. Empiricum lib. 1. Coloniae Allobrog. 1621.

cile Tu aestimare poteris, qui & maxima vi ingenii, & exquisita eruditione omnium laudem undique collegisti. Itaque gratum acceptumque habeas nostri amoris *καταύγου* officii plenissimum, idque in animum inducas velim me summo honore prosequi Te;

*Curantem quidquid dignum sapiente, bonoque est. Vale.*

ROMÆ. Ex AEd. S. Silvestri in Monte Quirinali Prid. Id. Aprilis cIdIcccLxII.

F I N I S.



ANTIQUÆ



ANTIQUÆ  
INSCRIPTIONES  
BENEVENTANÆ

IN DECEM CLASSES DISTRIBUTÆ

A C

NOTIS ILLUSTRATÆ

CUM VIII INDICIBUS.





## P R Æ F A T I O.

**P**ATRIIS Antiquitatibus, in Romana, ac Langobardica secula distributis, quarum priorrem partem hoc Volumine complexus sum, hanc Appendicem subtexo, vel potius ingentis THESAURI, quem hactenus patefeci, illustriorem fortasse Gazam nunc tandem profero. In Operis præloquio me ad ejus finem, veluti coronidis loco, Veteres Inscriptiones omnes ad Beneventum pertinentes, ac in proprias Classes discretas exhibiturum sponderam, ac profecto, ut fidem meam liberarem, præstandum id mihi fuit, sed non eo facili, quod putabam, negotio: Quum enim annotatiunculis paucis, vel levibus notis quibusdam satis ejusmodi rei expedienda consultum iri crederem, simul ac manus admovi, difficiliorem certe, atque accuratorem mihi operam navandam inveni. Habes igitur, erudite Lector, Beneventanos lapides omnes simul collectos, quorum nullus est, aut eruditione, aut pretio, vel ipsa etiam obscuritate præclarus, quem non vel in Opere illustraverim, quò indicata heic illius pagina te ablegabit, vel adhuc intactum heic illustrare pergam: Hinc non, ut labori parcerem (quod plerisque peccatum fuit), aut nihil, aut quod in buccam veniret, loquendum mihi statui: neque verò multa congerere, aut (quod facillimum fuerit) convasare mens fuit, sed in amplissima materia, quam cccc. prope lapidum numerus offert, ubi quispiam ab ingenti lucubrando volumine haud facile sibi temperasset, paucis ipse, ac plerumque necessariis contentus, illorum judicium vitare studui, qui (ut aiebat Cicero *Tusc. 2. 11.*) quum obruantur copia sententiarum, atque verborum, jejunitatem, & famem se malle, quam ubertatem, & copiam dicunt. Quod ipsorum lapidum fidem spectat, quid in ea vindicanda, restituendaque præstiterim, jamdiu in hoc Volumine præfatus, heic haud recinam: Sed quis unquam in ejusmodi re ita blandiri sibi ausit, ut perspicua omnia, atq; emaculata exhibuisse despondeat: Sunt enim (quod eruditi omnes norunt), quæ nulla diligentia, nulloque quovis improbo labore vitari queant: ita ut frustra Cl. Gorius ad Donii Clas. vi. n. 130. etiam atque etiam hortetur viros doctos, ut omnes Patriæ suæ lapides in publicam lucem proferant, oculata manu descriptos, ut in manus eruditorum eat accuratior editarum Inscriptionum Thesaurus: Optanda quidem res semper fuerit, quam nunquam assequemur: nam neque Gorius ipse præstitisse valuit, cui nonnulla in eadem ipsa Doniani Thesauri editione furtim, imprudenterque exciderunt, ut quum in Cl. II. num. 97. sub Trajani Tribunicia Potestate XVIII. adhuc Consulatum v. inscriptum retineat, & alia ejusmodi, quæ in hoc volumine, dum res postularavit, jam distinte, speciatimque observasse opus fuit: mihi quidem non solum cum temporis injuria decertandum fuit, quæ, qui etatem hactenus tulere lapides, fugientes plerumque literas habent, verum etiam qui perierunt, in supplenda aliena oscitantia nonnullum mihi faceffivere negotium: Præterea editio Operis me absente curata novos aliquos admittere potuit, quos etiam præsens frustra cavere satagissem: quæ omnia non eò attuli, ut omnem aut ingenii, aut industriæ culpam à me amoliar: Inter accuratissimas eruditionum operas est, quod generatim commendamus, suspiciamusque, nunquam vero deest, quod veniam, aliquando etiam reprehensionem promereat: Summam tum perspicaciæ, tum diligentie laudem cl. Fabretto nemo est, qui non tribuat, in iis præsertim lapidibus describendis, qui in Romanorum Cineliis extantes ob ejus oculos assidue versabantur: Ex Museo Carpineo lapidem protulit cap. III. n. 132. cujus initium sic legit: TI. PERI. CL. PASTORIS &c. sed falsus omnino; quum lapis habeat: TIBER. CL. PASTORIS &c. teste Gudius p. 161. n. 6. teste etiam Koolio in not. Gud. p. x., testibus, inquam, utriusque oculatis: nec certè lapis aliter loqui posse Fabretto ipsi suadere debebat. Mirum etiam illud, quod de Campanis Camilli Peregrini Inscriptionibus idem Gudius conqueritur: Non satis perspicio (inquit in ep. ad eund. edit. Burmanni) quædam verba in collectione illa Inscriptionum tuarum, nescio an oculi me fallant: Exemplum subiicit, quæ nimiam Peregrini oscitantiam in describendo ostendunt: neque, si Koolio credimus, ullæ in Gudiano opere, quàm Peregrini Inscriptiones, æque præve descriptæ, quas Gudius, medica manu indigentes, ab sua Inscriptionum

## P R Æ F A T I O.

*pennu sepultas servabat: Hic itaque ille est Marquardus Gudius, qui vix titulo libri visus, Cl. Muratorii stomachum ita movit, ut, qui blattis tantum, tineisque epulas praeberet, dignus censeretur: Ad Gudianas inscriptiones quod attinet (Hec ille in Praefat. sui Thesauri) eas quidem teneo, verum ubi animadverti, potiorum illarum partem ex Pyrrhi Ligorii scriniis fuisse depromptam, cujus fides dubia, & sublesta est apud eruditorum non paucos .... eam infalutam dimisi, ac si ignota mihi fuisset. Plaudat Muratorio cl. Baro Bimardus Diff. 1. c. 7. Tom. I. Muratoriani Thesauri: Bonus ille Gudius, inquit, magis augendae congeriei, quam purgandae studuit: Hem, quid ais Bimarde? Oblitus ne Gudium illum, quem nulla ferè est Gruteriani Corporis pagina, quae Gudium non meminit ingentis illius Thesauri purgatorem, atque illustratorem: Pergit deinde Bimardus, & Muratorio auctor est, ne in aliorum collectionibus quasumque notas, commentationesque ab editoribus adjectas prius adoptet, quam eas diligenti examini subjecerit: Generale, atque asperrimum de omnibus iudicium duobus duntaxat exemplis satis probari, ac cummuniri existimavit: quorum alterum Cl. Fontaninio objecit, qui in Antiquitatibus Hortanis Copiam pro Familia, & Comitatu intellexerit, alterum doctissimo Gorio, qui in Antiquitatibus Erruriae Peculiarem, quod in lapide videtur esse proprium nomen, pro cognomine acceperit: sed supervacua suasio, ubi res ipsa doctis, emuntque naris viris ita faciendum suadet: importunum etiam illud, ut leviuscula quadam magnis nominibus ultrò exprobrarentur, quibus, ut Gudio ipsi, atque omnibus Horatii iudicium satis erit.*

Namque ubi plura nitent in Carmine, non ego paucis

Offendar maculis, quas aut incuria fudit

Aut humana parum cavit natura .....

*At ab omni liberali disciplina instructum, eundemque peracri iudicio virum, uti appellat Spanhemius Gudium (cujus posthumum opus, ut illud Cl. Donii, eodem anno, sed non iisdem, quas pares merebatur, obstetriciis manibus in lucem prodire) non probavit praesumpta Muratorii opinio, cui illud etiam contra votum esse potuit, ob Gudii editionem praereptam sibi quodammodo laudem, aut non integram suo Thesauro servatam, quem jamdiu vulgare cogitavit: Sed redeo ad nostras Inscriptiones: De numero fortasse miraris? ecqua enim non dicam Urbs, si Romam excipias, verum etiam Regio, aut Provincia tot lapides nostro aëro in lucem prodidit, quot una Beneventana Urbs heic simul collectos ostentat? Sed Urbis praestantiam (de qua longo Opere jam actum est) qui novit, exiguum hanc plane fatebitur fuisse partem publicorum monumentorum, literatorumque lapidum, quibus reliqua ejus decora olim augebantur: Ante duos annos in Suburbano S. Petri extra mœnia, dum veterum aedificiorum rudera evolverentur, novem Inscriptiones fuere refoesse; alia jampridem alibi erute; alias quoque ex abditis locis futura proferet atas, partemque aliquam, ut fit, posterorum eruditioni reservat: Utinam vero ejusmodi Cimentorum probi aestimatores nunquam desiderandi sint: De lapidum clade jamdudum eruditorum querela, ac satis ille vera, justaque. Laude autem sua non sunt fraudandi populares nostri Marinus Verusius, & Job. Viglionus, qui de patriis antiquitatibus pro suo ingenio benemeriti, ante Terramotum an. 1688., quo Urbs pæne tota solo aequata fuit, plurimos literatos lapides in suas schedas retulere. Plures ex his lapidibus in Gruteri, aliorumque Collectionibus habentur, quos tamen earundem Schedarum beneficio emendatiores vulgamus, sed longe plures adhuc ineditos ex eisdem Schedis proferimus, quibus non mediocris illorum accedit numerus, quos subinde ex ima terra, vel ex abditis locis erutos descripsimus, comparata etiam cum Autographis, qui inco-lumes adhuc essent, illorum omnium fide, qui in laudatis schedis continebantur. Pauca hæc tibi praloquenda volui, quisquis es, Erudite Lector, cui si nostra hæc tenent sapiere, sapidiora hæc ad absolutam cæne lautitiam fortasse contingunt; aut si illa intacta, neglectaque, saltem ista, nunc primum advenienti veluti in adventoria æquo animo excipientur.*



# CLASSIS PRIMA

## Dis Sacra

Prope Aedes olim de Vipera nunc Cardone : De Iove Tonante vid. heic pag. 63.

1.

LIMEN. AD. HOC. POPVLI. PERSOLVITE. VOTA. TONANTI

Gudius p. 7. n. 7. ex Ligorio [a]

2. IOVI. VICTORI. PACIFERO

SACRVM

M. SVTORIO. M. F. MEN. VERO

VETERANO. VOT. VOV

BELL. GERMANIC. DAC

SVTORIA. VLPIANA. ET. TITVS

SVTORIVS. M. F. MEN. HONORATVS

FAC. CVR

V. S. L. M

In Pago S. Nicolai prope Beneventum  
a me descripta. vid. heic p. 67.

5. SACERDOTI

sic IVNONI REG

LICINIAE

LICINIANAE

LICINIANI TRIB

FILIAE

LIA MEIANE

MATER

In Basi prope Ulpios

3.

IOVI TVTATORI MAR. . . . .

. . . . .

. . . . .

. . . . .

. . . . .

In opp. Montis Herculis prope Beneventum.

4. IOVI TONANTI

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

. . . . .

In Porticu prope DD. Rotondi ex Verusii schedis.

8. IVNONEI. QVIRITEI. SACRA (b)

C. FALCIDIVS. L. F. CONSOL

DEDICAVIT

In

[a] De Iove Victore Pacifero egi pag. 63. : Lapidem autem sic legendum puto : *Iovi Victori Pacifero Sacrum*. M. Sutorio Marci Filio Menenia (Tribu) Vero Veterana Votum Vovente Bello Germanico Dacico; Sutoria Vlpiana, & T. Sutorius Marci Filius Menenia Honoratus (i.e. Coniux, & Filius) Faciendum Curarunt Votum Solventes Libentes Merito : Itaque Votum, quod M. Sutorius voverat, eo fortasse praemortuo, aut alia re praepedito, eiusdem Coniux, & Filius solverunt. Votum Vovere Hebraicam sapit phrasim, sed & latinis melioribus aliquando usurpatam. Ovid. Met. ix. 793. *Vota puer solvit, quae summa voverat* Iphit : Sic *servire servitute* apud Plaut. in Mil. i. l. 6. & Cic. pro Muræna.

[b] Quiritis cognomen Iunoni datum explicavi p. 68., ubi tum ex eo, tum ex Orthographia, ac demum cognominis defectu summam huic lapidi vetustatem vindicavi, quam etiam probare suppetit ex binis lapidibus

apud Gruter. p. 56. 7.

MARTEI

M. CLAUDIVS M. F.

CONSOL DEDIT

&amp; apud Donium Cla. v. n. 31.

M. CLAUDIVS M. F

CONSOL

M. N. ADCEPIT

At non binos, sed unum lapidem dixeris cum Grutero, qui Donianum notæ loco sibi adiecit, nisi quod extrema linea sic habet . . . INAD. CEPIT. Quod doctissimo Gori non fuit animadversum : Quod si Donius rectè legerit, signa illa M. N. potius ad primæ lin. finem, vel secundæ initium pertinere videntur, ut sit Marci Filius Marci Nepos. Sex autem Marcos Claudios eodem quoque cognomine Marcellos ab a. v. 423. ad 558. Consulares Fasti exhibent : etiamsi postremo Claudio lapis attribueretur, multa vetustate (quam simillima locutione noster lapis præferre videtur) insignis erit. De nostro autem Falcidio Fasti silent, itaut vel suffectum, vel, si cum vv. cc. Fabretto, & Norisio sentire malis, Municipalem agnoscere jam possis. De Consulibus Municipalibus haud nova quidem post alios sane plures in diversam sententiam abeuntes, sed omnino noviter, fuscæque dedit Everardus Otto in De Aedil. Colon. cap. 1. §. v. & seqq.

## II INSCRIPTION. BENEVENTANÆ.

In antiquis Æd. PP. Carmelitarum  
è schedis Veruffii. [a]

Ad SS. Annunciatæ nunc primum editus.

### 9. ATTINI SACRVM

ET MINERVAE BERECINT  
CONCORDIA COLLIB. IANVARI  
CIMBALIOCO SECVNDO OB  
CRIOBOLIVM FACTVM M. D  
M. L. TRADENTIB. SEPTIMIO  
PRIMITIVO AVGVRE ET SAC  
SERVILIA VARIA ET TERENCE  
FLAVIANA. SACERD. XV VIR  
PRAEVNTE MAMIO SECVNDO  
HAEC IVSSV MATRIS DEVM  
IN ARA TAVROBOLICA DVO  
DENA CVM VITVLA CREM  
SVB DIE V. IDVS APRILIS  
MODESTO II. ET PROBO COS

### 10. ATTINI SACRVM

ET MINERVAE PARACENTIAE  
L. SONTIVS PANCIVS IVSTI  
NVS. EQ. ROMANVS PRINCI  
PALIS DVVMVIR ET MVNERA  
RIVS NATALIS COLONIAE OM  
NIEVS HONORIBVS PERFVNCT  
ET SACERDOS MATRI DEVM M. I  
IN PRIMORDIO SVO TAVROBO  
LIVM A SE FACTVM TRADEN  
TE SIMVL COSINIA CELSINA  
CONSACERDOTE SVA  
PRAEVNTE FLAVIO LIBE  
RALI HAR. PVBL. PRIMARIO

In Atrio DD. Rosiorum hactenus ineditus.

Ex Gudio p. 22. n. 4. & Donio p. 8. n. 26.

II. ATTINI SACRVM  
ET MINERVAE  
PARACENTIAE  
TERENTIA FLAVIANA  
SACERDOS SECVNDO LOCO XV  
VIR. OB TAVROBOL. TRA  
DITVM A SERVILIA  
VAR. SAC. PRIMA

12. ATTINI SAC  
ET MINERVAE  
PARACENTIAE  
TREBVLANA IVS  
TINA EVMANIS  
OB TAVROBOL  
TRADITVM A SER  
VILIA VARIA SAC  
..... XI. K. AVG.

Ex

[a] Ex Cl. v. Dominico Georgio exhibuit nuper hunc lapidem Muratorius in Thes. nov. pag. 1980. num. 7. Eundem, ut etiam alios hujus paginæ, latè explicavi in Dissert. de Reb. Sac. cap. 2., ubi etiam plura de Taurobolii, Criobolique Sacris post aliorum observationes præstantiora differui: Iuvabit modo, menda illa, quæ in Muratorianum exemplar irrepere, paucis animadvertere. Itaque lin. 4. pro *Cimbaliaco* Muratorius habet *Cimbaliuco*; at etiam in nostro mendum cubare jam alias notavi; ut sit potius *Cimbaliaca* corruptè pro *Cymbalistria*, i. e. *Cymbalorum pulsatrice*, quæ in Sacris Matris Deum adhiberi solebant: vel tandem ea dictio ex duabus coaluisse censenda erit; nempe *Cimbu* Concordiæ cognomine, & *loco*, quæ sequentem dictionem spectat, i. e. *Secundo*: Sic in altero lapide Taurobolico heic n. 11. *Terentia Flaviana* dicitur *Sacerdos secundo loco*, ibidemq; *Servilia Varia Sacerdos Prima*. Præterea Muratorius lin. 10. habet *PRAEVNTE*: sed ex fide lapidis omnino *PRAEVNTE* legendum est, ut etiam docet alter Taurobolicus lapis heic n. 10.; quam quidem Orthographiam satis probat vetustissimus lapis apud Grut. p. 506. v. 31. ubi *PRAESSE* pro *PRAEESSE* scribitur, quod etiam legimus in Cenotaphiis Pisani (ut titulum fecit eruditiss.

Card. Norisius) seu Senatus Consultis Pisani (ut passim eruditione prægnis vocat Marchio Maffejus Hist. Dipl. p. 22.): Ad hæc Horatius l. 1. Satyr. 9. *Dero pro Deero* usurpavit, nec secus Virgilius, ad ejus Georg. l. 11. v. 233. hæc notat Pierius: *In Mediceo, & antiquis aliis deerunt, & derunt falsa Synæresi ex duobus EE in unum*. In ead. lin. 10. Muratorius habet ridiculè *MOMIO* pro *MAMIO*; in qua sanè dictione prænomen cum nomine coaluisse suspicor (de qua re alibi dicam), ut is fuerit *M. AMIVS*: Certe *M. Amius* Sacerdos (licet diversus a nostro) occurrit apud Spanhemium De Præst. Numism. Diss. 2. Notanda demum in hoc lapide erit lin. 3. quæ sic habet: *CONCORDIA COLLIB. IANVARI*. i. e. *Colliberta Januari*: Non igitur Ianuarius Concordiæ Patronus, sed Collibertus, is nempe, qui eandem servitutem cum Concordia servivit, cum eaque simul ab eodem Domino libertate donatus: Adhæret autem generandi casu ejus nomen (non enim quidpiam est, cur in lapide memoretur) Concordiæ Collibertæ, ut quæ olim Conserva, dein Colliberta, Conjux tandem ejusdem Ianuari demonstretur: De quo more latè a me actum fuit in lapide Iuliæ Augustæ Septimii Severi Diss. 1. cap. 4.



# CLASSIS PRIMA.

III

Ex Jo. Baptista Ferrario Soc. Jesu lib. *De Malorum aureorum Cultura* pag. 27. ex Donio, seu Gorio Tab. vii. n. 2. & Muratorio p. 65. n. 8. [a]

13.



Ex Grutero pag. 44. n. 11. qui tamen solam Inscriptionem affert, additque post primam lineam sculptam esse *Suem*, sed *Ovem* potius lapis repræsentat, ut heic exhibeo. Quæ ad hunc lapidem dixi, vide pag. 71.

14.



E schedis Viglioni

Lapis prope ripam Caloris, sed in frusta, & rudera penè abiit.

15. HERCVLI SERVATORI SACRVM PRO SALVT  
IMP. M. AVREL. COMMODI PII AVG. COLON. BENEVENTAN

Ex Muratorio V. Cl. pag. 116. num. 4. qui è schedis Ambrosianis primùm edidit. [b]

16.

TEMPLVM HOC SACRATVM HER. . . . .  
. . . . . VOE. . . . . CE. . . . . AVGSTI NOMEN FELIX  
REMANEAT STIRPIS SVÆ LAETATV V. . . . .  
PARENS NAM QVOM TE CAESAR TEM. . . . .  
EXPOSCET DEVM CAELOQVE REPETES SEL. . . . .  
MYNDVM REGES SINT HEIC TVA QVEI SORTE  
HVIC IMPERENT REGNENTQVE NOS FELICIBVS  
VOTEIS SVEIS  
L. AVRELIVS L. F. PAL. RV. . . . . PRIMOPILARIS  
XVI. MILITANS ST. . . . .  
IMP. CAESARIS . . . . .

Sub

[a] Hoc insigne Anaglyphum uberrimo Commentario illustravi in Dissert. De Reb. Sac. cap. 1. pag. 72. & seqq. Ejus Titulum ex vv. cc. Muratorio, & Maffeo ita sum interpretatus: *Herculi Servatori Publius Junius Januarius Augur Dedicavit*: Sustuli etiam ex Doniano exemplari Calcographi lapsum, qui pro ΗΡΑΚΛΙ sculpsit ΗΡΑΚΑΙ. At vero de Januarii munere discrepantem invenio doctissimum Gorium, qui illud ΑΥΤΟΥ lineæ quintæ haud quidem *Augurem*, sed *Augustalem* interpretatur: atque Augustalis (sane sacrorum ministrum æquè nobis exhibet, nec non ditione ipsa non obscure

indicatus videtur: Sed de Augustalibus mox videbimus.

[b] Ad hunc lapidem hæc habet Muratorius: *Agitur heic videtur de Templo Herculi sacro ob incolumitatem Cesaris Augusti, ejusque Proles. Dipthongus EI antiquitatem elogii indicat*: Sed de quo Augusto heic agatur, quæque fuerit dedicandi lapidis occasio, latè a me dictum fuit, nam lapidem illustrari dignissimum ne dum supplevi, verum etiam luculentis observationibus locupletandum curavi pag. 72. ad 86.: quod satis fuit heic indicasse.

# IV INSCRIPTION. BENEVENTANÆ.

Sub Arcu Pontis Caloris, & apud Gudium  
p.42. n.10. & Donium p. 555. n. 11. [a]

17. SILVANO STAIANO  
PLAVTIA FELICITAS  
PRO FILIO CRESCENTINO  
VOTVM LIBENS SOLVIT

19. E schedis Vigiloni  
SILVANO  
SIGNVM CVM  
BASTHEM COSHIVS  
RIMITIVS VOT. LIB.  
S O L

Videtur mendosè descripta, nam lin. 3. sic legerem.  
CVM BASI M. COSINIUS PRIMITIVS. Sic inter Marm.  
Pisaur. Cl. Oliverii n.v. SILVANI SIGNVM CVM BAS.&c.

Apud Reinesium p. 104. n. 56. [b]  
20. DIANAE CELESTI  
SACRVM  
CRESCENTINA  
CVM SV. LIBER

In Aedibus DD. Pedicini

22. GENIO  
LOCI ET  
NVMINI  
CAERERIS  
CONCOR  
DIVS COZ  
H O R R

In pago S. Angeli  
prope Beneventum

23. PIETATI  
SACRVM

Ruri disto Covante prope Beneventum nuper  
refossa. Vide eand. not. (a) heic.

18

PRO SALVTE  
ET REDITY  
L. TVRSELIA MAX  
IMIL. TVRSEL  
IVS RESTIVS L  
SILVANO CA  
SANICO VOT  
LIB. SOLVIT

Basis ante tres annos refossa prope DD. Mustos, ibi-  
demque extat, a me descripta. Vide me pag. 66.

21. DEAE VENERI  
C. ENETRI C. L.  
SACRVM

In mœnibus Civitatis

24. . . . .  
. . . . .  
. . . . . CORNE  
LI VS PRISCVS  
VOT. SOL

[a] Notandum est in hoc lapide STAIANI cognomen, quo Silvanus decoratur, qui etiam in altero heic sequenti lapide n.18. CASANICVS appellatur: Inaudita hæc, quod sciam, Silvani cognomina; Ad primum igitur quod attinet, *Stajanum* Silvanum dictum ajo a Gente STATA, quam Beneventi inter primores floruisse docent nostri lapides heic Cl.vi. n.13. & Cl.ix. n.52. Deorum enim cognomina plerumque ex ea Gente, Familiave manasse, quæ peculiari ritu eos colere instituisse, præclare probavi Dissert. II. cap. 1. ubi *Jovem Carvilianum* ex Plinio, *Dianam Resianam* ex lapide Spanhemiano, *Mesium* & *Setiam Compitianam* ex nostro lapide hujus Classis n.28. opportuè explicavi, sed eo loco Silvanus hic *Stajanus* me fugit, cujus cognominis haud fortasse meliorem, verisimilioremque rationem aliam invenire poterimus. In opere Gudiano integris pag. XVII. & XVIII. variis cognominibus Ceres inscribitur, sed singula ab iis, qui lapidem eidem Cereri dedicant. At CASANICI cognomen, quod in altero nostro lapide legitur, a CASIS ortum, quæ Ruricolarum, Pastorumque eo nomine tuguria vocantur, nullus dubito: Agrestem enim Deum nonnisi ejuscemodi cognominibus, quæ suam conditionem præferrent, donari solitum jam observavit Cl. Gorius ad Cl.I. n.114. Thesauri Doniani, docentque Indices Gruteri, Gudii, & aliorum, in quibus dum *Stajani*, *Casanici*que cognomina desiderantur, anne Capripedi huic Numini gratulandum erit, quod novis hæc cognominibus modo augeatur? Sed præstat potius in eo-

dem lapide heic n.18.lin.3. distionem illam litterarum nexu insignem observare: Ibi itaque L. TVRSELIAE MAXIMILLAE a me legitur, græco diphthongo AI adhibito, sed postremum I ita coalescit cum sequenti A, ut trium litterarum nexum efficiat, litteramque M. mediam indicare videatur, sicquæ in L. *Turseliam Maximillam* evadat: Rarè quidem, haud vero nunquam prænominibus usas fœminas jam satis constat: *Prænominibus* (inquit Festus) *fœminas esse appellatas* testimonio sunt *Recilia*, & *Tarsia*, quæ amba *Cajæ* solita sunt appellari, pari modo *Lucia*, & *Titia*: Sed de hac re fortasse alibi.

[b] Restè Dianam *Cælestem* appellavit Crescentina, ut ab Dianis alteris secerneret. Lapis apud Grut. p.28. n. 6. TRIPLICIS CVLTOR VENERANDE DIANAE, nam præter Cælestem, ut heic, fuit etiam Diana *Nemorensis*, ut apud eund. Grut. p. 41. n.7. & 8., atque etiam *Inferna*, cui hæc ipsa Crescentina in hac Classe n.6. *Juno-nis Stygie* nomine lapidem dedicasse videtur. Cælum, an Cælum scribendum sit, Grammatici certant, & adhuc sub Judice lis est, quam tamen dirimere videtur noster lapis, ubi *Cælestis* sine diphthongo usurpatur; quod si non ex Orthographia, saltem ex more veterum, quibus multa verba *ἀσφαγῆα* ut heic, multa etiam *ἀσφαγῆα* ut in altero lapide heic n. 22. ubi CAERES pro CERES. Gorius tom. I. Infer. quæ in Etruria p.116. ex aliis morem observavit, eundemque etiam in MSS. optimæ notæ tum Latinis, tum Græcis servatum subnotavit Cl. Ant. Salvinus.

Ariani



# CLASSIS PRIMA.

V

Ariani in Basi Statuaria.  
Gudius p. 66. n. 6. Beneventi extantem ait, & lin. 3.  
pro SEPEA habet CESTIA. De Geniis adest in hoc Vo-  
luminiae Dissertatio in De Reb. Sac. cap. 3. pag. 99.

26. E Schedis Verusii. (a)

25. GENIO  
COLONIAE BENEVENTANAE  
SEPEA C. L. FIDELIS  
SVA PECVNIA FECIT  
L. D. D. D



In Oppido Montis Herculis propè Beneventum. De Nymphis duo egregia Anaglypha exhibet  
Cl. Gorius in Opere Doniano Tab. VII. n. 3. & 4. quæ ab ipso eruditè illustrantur.

27.

NYMPHIS SACRA . . . . .

In Basi reperta apud Samnites propè Furcas Caudinas ex Gudio pag. 77. num. 1.  
De hoc lapide vid. heic pag. 66.

28.

MESIAE SACRVM  
M. COMPITIVS VALENS  
M. F. STEL. EQ. ROM  
CVRATOR VIARVM

Ex latere ejusdem Bafis

METIAE ET  
SETIAE  
COMPITIANAE  
D. D

b

In limi-

[a] Sigla illa, in hujus Bafis area inculpta, facillè  
interpnetramur: Mithræ Soli Sacrum: Prope simile  
exemplum dat lapis apud Murator. p. 196. num. 5. ubi  
S. I. M. FI. CLAVDIUS TI. F. ROM. PANSIENVS VI. VIR. AV-  
GVSTALIS V. S. I. e. Soli Inuicito Mithræ Tiberius Claudius  
Tiberii Filius Romilia (Tribu) Pansienus Sevir Augu-  
stalis Votum Soluit? Sed traditam nostræ Bafis interpe-  
trationem satis comprobant symbola, seu instrumenta  
illa in ejus fronte eleganter inculpta, quæ quidem uni  
Mithræ Soli, qui idem ac Apollo, conveniant. Præter  
enim Pateram, adest ex uno latere Lauri ramus, quæ  
arbor imprimis Apollini grata, atque sacra: Sequitur  
mox Tripus, celeberrimum Pythii Apollinis instrumen-  
tum, adstat demum ex altero latere Lituus, qui Au-  
gurum proprius, Vaticiniorum (ut putabatur) præfidi  
Apollini rectè congruit: de Lituo autem Ciceronis lo-  
cum huc afferre libet ex l. 1. c. 17. De Divin. Romuli li-  
tuus (id est incurvum, & leviter a summo inflexum  
bacillum, quod ab ejus Litui, quo canitur, similitudine  
nomen invenit) cum situs esset in Curia Saliorum, quæ  
est in Palatio, eaque deflagravisset, inventus est integer.  
Lipius lib. 1. Var. cap. 20. ea verba, quæ parenthesi in-  
clusa a me sunt, pro glossamata damnat, propterea quod


non modo Cicero, sed vulgus, & ipsi pueri, quid esset  
Lituus, tam temporis probe nossent: At contra Li-  
psium esse MSS. omnia testatur Gruterus; Davius et-  
iam nihil importunum in ea explicatione agnoscit, quod  
liber in omnium tum præsentium, tum posterorum gra-  
tiam a Cicerone ederetur, & Livius Lituum descri-  
bendum putavit lib. 1. c. 18. Baculum sine nodo aduncum,  
quem lituum appellant: Ita sane res se habet: non  
enim Cicero uni Lipsio sua cogitabat perlegendam, aut  
aliis sane paucis, qui, quum de quaque re, quam agunt,  
penitus sciant, pares sibi lectores effingunt, quod de  
Scaligero rectè notavit Barthius (inter epist. Reines. ed.  
Jenæ 1670. pag. 308.) cui summo viro, quum scriberet,  
hoc solum deerat, quod doctis juxta sese scribere crede-  
ret; omnia enim longe amplius animo habebat, & ipsa  
intelligebat, quam doceret; otium suum sibi semper impu-  
tans, & designans, quæ indicata sufficere posse arbitra-  
batur, longis ambagibus docere: Sed ut ad Ciceronis  
locum redeam, si ea, de quibus disceptatum est, è Ci-  
ceronis manu sunt, frustra Cellius l. v. c. 8. & Macro-  
bius Saturn. vi. 8. querendum putarunt, utrum a Tu-  
ba Lituus Auguralis, an iste ab illa ita appellatus sit;  
jam enim antea a Cicerone fuerat definitum.

## VI INSCRIPTION. BENEVENTANÆ.

In limine Ecclesiæ S. Dominici

Eidem Sacram Cæsarej nomine vocatam, Cæsari Augusto, & Coloniam Beneventanæ P. Veidium Pollionem dedicasse ostendit hic Lapis, de quo est hæc peculiaris Dissert. in de Operibus Publicis cap. II. p. 264.

29



Reinesius p. 155. n. 15. [a]

30. AESCVLAPIO PERGA  
MENO SACRVM  
L. ANTONIVS  
..... RVS CVM  
..... L. POLLA  
..... RE ET  
..... ANO  
COSS. L. D. D. D.

Gudius pag. 61. n. 4. [b]

31. VICTORIAE AVGVSTAE  
M. NVMERIVS. M. F. MEN. FABIA  
NVS. IIII. VIR. QVINQVENN  
VI. VIR. AVG. PATRONVS MV  
NIC. SVA. PEGVN. RESTIT

Ex

[a] Ex Ligorio, & Langermanno Beneventi in minori Ecclesia di Cerresari extantem hunc lapidem ait Reinesius, qui lacunas supplere conatus, Consules lin. 6. & 7. memoratos statuit Sex. Nonium Celerem, & Junium Quintilianum, qui ex Frontino De Aqueduct. Consulatum fuffectum gesserunt post M. Aquilium Iulianum, & L. Nonium Asprenatem, A. Chr. 40. : At nequaquam ad fuffectos Consules confugisse opus fuerit; quandoquidem promptius sit, immò verius videatur in lapide fuisse scriptum: VeteRE ET AeliANO, qui Ordinarii Consules processere A. Chr. cxvi., vel potius VeteRE ET GallicANO, qui eundem Magistratum gesserunt A. Chr. cl. Et sanè littera S geminata in ditione COSS, nonnisi sequioris ætatis Consules petendos omnino monebat, dum ita scribendi mos ex Galli, & Volusiani ævo (ut Cl. Fabrettus observavit p. 540.) medio tertio sæculo obtinere cæpit. Pergament cognomen, quod in hac nostra Inscriptione Æsculapio tribuitur, silent alii omnes; quos vidi, lapides: In re autem Æsculapio inditum, quum Pergami medicinam exercuisse, ibique ejus artis officinam posuisse, tradit Lucianus in Dial. Icaromenippus: meminit & Martialis lib. ix. epigr. 16.

Pergameo posuit dona sacra Deo.

Sed de Æsculapio, & Donariis, quæ ob restitutam valetudinem eidem dicari solebant, plura eruditè habet Cl. Gorius in Opere Doniano ad n. 91. Claf. 1.

[b] Victoriam Imaginem Augustus in Curia Julia (quam in honorem Patris sui sacram dedicavit a. v. 725.) posuit teste Dione lib. LI. : Hanc Victoriam Imaginem cum sua Ara in Curia Romana restituendam tantopere curabat Symmachus Præf. Urbi, ita ad Imperatorem scribens: Illa concordiam tenet omnium, neque aliud magis auctoritatem facit sententiis nostris, quam, quod omnia juratus noster Ordo decernit: At contra Symmachum strenuè, feliciterque Christianæ Religionis causam egit S. Ambrosius. Hujus autem numinis cultum ad captandam gratiam Augusti institutoris, post Victoriam Aetiam jam rerum potiti, ex Urbe mox in Colonias manasse testes sunt, præter nostrum lapidem, sexcenti alii Victoriam Augustæ inscripti. M. Numerius dicitur hæc Patronus Municipii, quo nomine Beneventanam Coloniam significatam haud dubites: Iamdiu enim in Dis. 1. cap. rrl. pag. 48. ex Gellii, & Ulpiani locis Municipium abfvisse pro Colonia dici consueisse probavi; ac quod Beneventanos attinet, attuli Gelassii Pontificis Epistolam, ac vetustum alterum nostrum lapidem, cui præfens hic addendus est.



Ex Marquardo Gudio pag. xi. n. 7. Allifis Samnitum Oppido.

32

## DEO AETERNO

PRO RESTITVTA. VALITVDINE. EX. VOTO  
 AEDICVLAM. T. ANTONIVS. FELICIANVS. D  
 ADDICIT. ET CONIVNCTVM. FVNDVM. TRI  
 NVM. ET TRICENVM. IVGERVM. CVM. OLE  
 TO. PATET. QVOQVO. VERSVS. P. LXXX. EX  
 ANNVO. VECTIGALI. HERES. DIE NATALI  
 EIVS. III. KAL. SEPT. PERACTIS. SACRIS. DA  
 TO. EPYLVN. CAPVLATIS. SACERDOTIB  
 AVGV. CVM. HIS. ET SAMNIIS. CAETERO. PO  
 PVLO. NOSTRO. ALLIE. CRVSTA. ET. MVL  
 SVM. EX. XXV. SI. NEGLEXERIT. DOLOVE  
 MALO. SVMPTVI. PEPERCERIT. FRVCTVS  
 ET. MVNICIPIVM. CAPVLATI. SACERDOTES  
 FVNDI. ADEVNTI.

b 2

CLASSIS

In nostrum Thesaurum hunc referre lapidem monuit cognata Samnitica Urbis Allifana locus, ac præterea Samnitum mentio, quorum vix alibi, quod sciam, vetusta saxa meminere: Notanda autem heic erit ejusdem vocabuli inflexio, nam a SAMNII plurali auferendi casu rectum Samnius pro Samnis usurpatum demonstrat: quod singulare profecto videri potest Augustæ ætate, quam, tum verborum elegantia, tum *Capulatis Sacerdotibus Augusti* memoratis, lapis præfert. Sed quum semel hunc lapidem, quem prior edidit Gudius, nulli hætenus explicatum, nostro Thesauro vindicasse placuit, paucis etiam illustrasse jam licet. *Deo Aeterno* pro restituta valetudine ex voto Aediculam T. Antonius Felicianus Dat: Huic *Deo Aeterno* inscribitur etiam lapis apud Gruter. p. 17. 8. & apud Murator. p. 106. n. 7. Denique *Deum magnum Aeternum* exhibet Fabrett. p. 564. Quid in ethnici Homini (qualem T. Ant. Felicianus se omnino prodit) mentem venerit, ut hujusce dumtaxat *Dei Aeterni* meminisse contentus fuerit, non satis constat: Iovem intellexisse certè potuit, haud tamen cum vulgo, sed eà fortasse Platoniorum, aliorumque sapientiorum disciplina, quâ, Polytheismo contempto, unius summi Dei existentia, religioque statuebatur: quæ tamen quum paucorum esset, atque in vulgo se effundere pertimesceret, ideo paucis, quos numeravimus, lapidibus legitur consignata. Aediculæ autem Felicianus addidit & *Fundum Trinum* & *Tricenum Jugerum cum oleo* i. e. agro olivis consito) patet quoquo versus *Pedes DLXXX*. Si ex hac numerali notamendum ab sit, certum tandem habebimus Iugeri spatium, sive mensuram, nam dum *Pedes DLXXX* quoquo versus patent, intraque eos tres, & triginta Jugeres continentur, jam singulos Jugeres pedibus quoquo versus LXXX. constare liquebit: Ac ex Quintiliani dimensione l. i. c. 10. Jugeri mensura CCXL. pedibus in longitudine, dimidio in latitudine definitur: nec fecus statuit Plinius, Columella, Varro, Iliodor apud Vossium in Lex. Etymol.: Sed in hac re peculiaris cujusque regionis mos inspectandus erit, ut monet Frontinus de Colon. p. 102. & Hyginus de Limit. p. 210., nec tamen si pe-

ribus LXXX. singuli nostri lapidis Jugeres fuerint, angustus ager ille fuit Trinum, & Tricenum Iugerum (i. e. Trium, & Triginta, numerali nomine distributivo extra distributionem, ut fit, usurpato, ac plurali genitivo Tricenum, pro Tricenorum, de quo Auctor ad Herenn. l. 3. c. 19. *Intervalla locorum mediocria placet esse fere plus & minus pedum tricenum*): Haud minus vero agri spatium debebatur, ut ex ejus vestigiali præter epulum *Capulatis Sacerdotibus Augusti* exhibendum, crusta etiam, & mulsum his, & Samniis, & cætero Populo Allifano præstari possent. Qui fuerint Sacerdotes *Capulati*, diu, sed frustra quæsit Muratorius p. 512. n. 1. ad lapidem Donii cl. IX. n. 19. ubi habetur *Collegium Capulatorum Sacerdotum Diana*; ac primum *Capulatores* legendum putat, quorum munus, oleum populo admetiri; dein a Capi, vel *Capula Capulatos* dictos opinatur ex Varronis loco de L. L. IV. qui ita habet: *Capis, & minores Capule a capiendo; barum figuras in Vasis Sacris lineas (emendo ligneas) & stiles antiquas etiam nunc videmus*: At de Capulatoribus falsum ostendit tum noster lapis, tum alter apud Fabrett. p. 90. n. 175. ubi habetur *M. Nemeicius Sal. Martialis Capulatus*, i. e. *Salius Martialis Capulatus*, ut id. Fabrettus explicat p. 115. ubi hæc subdit: *Capulatus autem, non quod scipulus (quam ridiculam Sponii explicationem fugillat, qui scilicet v. p. 179. Capulatnam a Capulo, i. e. Feretro deduxit), sed quia Capulum, sive manubrium, aut apicem Saliaris Pilei in hanc formam (quam exhibet) pro gestamine habuerit, ut marmos Capitolinum, & Medicum ostendunt*: Atque hi quidem docti III Viri *Capuli, Capule*, ac verbi *Capula* significationes singulas pro suo quique ingenio ad rem deduxere: Veri tamen similes Fabretti sententia mihi probatur. Illud DATO lin. 8. ad heredem antea memoratum Testatorum more imperatitve dirigitur; nam ita locutionis sensus, ut probe constet, omnino postulat, confirmatque simili modo altera dictio ADEVNTI, quam postremo loco scriptam legimus: sed jam plura fortasse, quam præsentis instituti fuerit, huic lapidi dedimus.

# VIII INSCRIPTION. BENEVENTANÆ. CLASSIS SECUNDA Sacrorum Ministri.

Gruterus p. 309. n. 3. Fleetywoodus p. 131. n. 31. Manutius Orthog. v. Paulus n. 6. Malvasia Marm. Felsin. p. 278., aliique plures Beneventi extantem ajunt: At Malvasia postremam lineam non habet, ex lib. Antiq. Europ. Infer. pag. 153. num. 5. De hoc lapide plenè dixi in Dissert. 11. cap. 11. a pag. 95.

I.

FABIAE. ACONIAE. PAVLLINAE. C. F  
FILIAE. ACONIS. GATVLLINI. V. C  
EX. PRAEF. ET. CONSVLIS. ORDIN  
VXORI. VETTI. PRAETEXTATI. V. C  
PRAEF. ET. CONSVLIS. DESIGNATI  
SACRATAE. APVD. ELEVSINAM  
DEO. BACCHO. CERERI. ET. CORAE  
SACRATAE. APVD. LAERNAM. DEO  
LIBERO. ET. CERERI. ET. CORAE  
SACRATAE. APVD. AEGYNAM  
DEABVS. TAVROBOLITAE. ISIIACAE  
HIEROPHANTRIAE. DEAE. HECATAE  
GRAECO. SACRATAE. DEAE. CERERIS.

E schedis Verulsi.

Sub Ponte Caloris.

2. . . . . VIVS  
. . . . . PONT. . . .  
. . . . . A. F.

3. . . . . PVLLIO AVGVRI TR. MILITVM  
. . . . . VIRO  
C. FIRMILIO C. F. PVP. RVFO  
L. TERENTIO L. F. STEL. RVFO FIRMILIANO

Gruterus pag. 304. num. 7. (a)  
D. M.

Prope Aedes DD. Cardone (b)

4. L. CESENNI. SOSPITIANI  
EX. ORDINE. HARVSPIC. LX  
VIX. ANN. XXX  
PARENTES  
FILIO. OPTIMO

5. . . . . ELITEAE . . . . .  
. . . . . VESTAL . . . . .

[a] Post Gruterum recudit hunc lapidem Fabrettus c. X. pag. 713. atque ex schedis Chifis, *Vinea Pullen* locans, ætatis annos ad XXV. diminuit. Miratur præterea non sine mendi suspitione, de ingenti illo Haruspicum numero, qui ad LX pertingerent, quum vix Decem Augures teste Cicerone, constitui solerent, laudatque Reinesii modestiam, qui ad cl. v. n. 13. ubi idem Haruspicum numerus legitur, *plura de talibus scire non datum fatetur*. Sed nihil turba debet Augurum numerus, quorum Collegium neque cum Haruspicum Ordine commune, neque ejusdem muneris: De sexagenario Haruspicum numero non unum nostrum lapidem, sed alterum apud eund. Gruter. ead. pag. n. 8. nec non Reinesianum, locupletissimos testes habemus; His, si placet, addendus alter apud Pitisc. v. *Aruspex*: neque aliter se habere debet fragmentum lapidis apud Donium Cl. IV. n. 41. ubi legitur HARVSPEX DEI X. I. I. HARVSP. AVGG: quis unquam fuerit *Haruspex Dei* nemo divinaverit; quovis pignore contendam, ibi scriptum HARVSP. DE LX. ET HARVSPEX AVGVSTORVM. quod cuique animadvertenti satis certum videbitur: Utinam res antiquitatis omnes tam præclare docere possemus; supervacua nanque de Haruspicum numero videtur dubitatio, à qua etiam abstinere nos cogit ejus Artis frequentia, quæ adeo ethnici decipi gaudebant: Præter eos qui privato quæstu Haruspicinam facerent, erant Haruspices Imperatorum, ut ex Doniano lapide auditum fuit, Haruspices Pontificum, Haruspices Castrorum, quibus nihil à militibus dari jussit Aurelianus in epist. ap. Voßicum. Inter Professores, qui de publico salaria acci-

perent, Haruspices recenset Alex. Severus apud Lamprid. c. 44. *Rhetoribus, Grammaticis, Medicis, Aruspici-bus, Mathematicis, Mechanicis, Architectis salaria ins-tituit, & auditoria decrevit, & discipulos cum annonis pauperum filios, modo ingenuos dari jussit*. Vbi demum, apud quos, quæve in publica re non Haruspices adhibebantur? Qui etiam de Sacrorum jure respondebant, ut liquet ex Orat. Cic. *De Haruspicum responsis*: Tanti eam disciplinam apud Romanos habitam constat, ut Principum Filios, qui eam addiscerent, in Etruriam mitti solitos testatur Cic. de Div. 1. 41. & Val. Max. 1. 1. c. 1. Importuna itaq. erit vel suspicio, vel admiratio, quod Haruspicum Ordo sexagenarium numerum impleverit. Inter eos autem erat qui reliquis præfesset, qui in dicto lapide Grut. n. 8. dicitur HARVSPEX PVBLICVS DE LX. qui etiam in nostro lapide Taurobolico Cl. I. n. 10. etiam occurrit sic: PRAEVNTE FLAVIO LIBERALI HAR. PVBL. PRIMARIO.

[b] Proclive heic esset de Virgine Vestali conjectare: An igitur Beneventi Vestæ cultus, & Vestales? Negat omnino Lipsius, qui in *De Vestæ, & Vestalibus* c. 15. extra Romam, nulliter nisi simulacrum quoddam Vestalium, non Vestales ipsas unquam fuisse probat: Imo neque usquam Urbem egressas Vestales reperio, nisi cum missæ à Vitellio ad Antonium Vespasiani Ducem, sed supervacua legatione functæ, statim [ut inquit Tacitus Hist. 3.] *cum honore dimissæ*. Sed fuerit fortasse [quid enim vetat?] ut Vestali Romanæ cuiuspiam publi-cum aliquod honoris monumentum hoc lapide fuerit dedicatum.

Prope



# CLASSIS SECUNDA.

IX

Prope Turrim S. Panari elegantibus, magnisque  
litteris insculptus cum ornamentis hinc inde (a)

6.	Q. VIRGINIO . EROTI . AV . . . . .
	HELENVS . L. AVGVSTAL. FECI . . . .
	Q. VIRGINIO . ALBANO . FRA . . . . .

Intra Monasterium S. Petri.

8.	P. MARCIO ALBANO
	AVGVSTALI
	ETRILIA SP. F. CLEMENS
	VIRO ET SIBI ET
	P. MARCIO PHILARI
	SECUNDO ET MODESTO

Prope Aedes olim De Marco.

10.	Q. OPIMIVS . Q. L. CELADVS	II.
	AVGVSTALIS	
	SIBI . . . . . ET	
	Q. OPIMIO . Q. F. RVFO . VIX. A.X	
	TAPINIAE . ANTHIDI . VXORI	
	L. RVFRIO . PAMPHILO . PATRI	
	RVFRIAE . LAIDI . MATRI	

In aed. DD. Santamariae Am de Abbate.

12.	D. M
	N. AFINIO TACITO
	CLAVD. AVG. AFIN. . . . .
	. . . . .

In S. Aede Majori

7.	LISIDIA C. L. PRIMA
	SIBI
	C. LEPIDIO RVFIONI
	AVGVSTALI . . . . .
	SOPHOMENE . . . . .

In diruta Ecclesia S. Lupi.

9.	C. CALPHVRNIO PANCARPO
	AVGVSTALI
	CALPHVRNIAE C. L. FAVSTAE
	L. VISELLIO L. L. LYGDAMO ET
	CALPHVRNIAE NOMADI F
	ET SVIS

In Claustro Monasterij S. Sophiae (b)

T. VEDIANVS T. L. AVGVST. FRVCTVS
HOC FECIT SIBI ET
MYNATIAE FRISCAE VXORI
BENEMERITAE DE ME
MONIMENTVM ANIMO
LIBENS ET ANNIAE C. L. TARENTINAE
PRIMIGENIAE
HAMINTAE SATVRNINO
EX DEXTRO
IN AGRO P. XIII

Manu-

[a] Augustalis munus, seu Augustalitas inter sacrorum ministeria recensetur: non enim huc pertinent Augustales illi, sive Augustani, quos teste Tacito Ann. 14. Imp. Nero instituit, ut suas laudes publice celebrarent, seu dies noctesque plausibus personarent. Augustales igitur recepto vocabulo ii sunt, qui Augusti inter Divos relati Sacra curabant: sic id. Tacit. Ann. 1. a. v. 767. qui Augusti postremus fuit, idem annus [inquit] novas Ceremonias accepit addito sodalium Augustalium sacerdotio . . . forte duhi ex primoribus Civitatis unus, & viginti, Tiberius, Drususque, & Claudius, & Germanicus adiciuntur: Sed Tacitum de sola Vrbe loquentem accipio, nam in Coloniae non expectato Augusti obitu (qui adhuc in terris agens per sedam adulationem divinis honoribus jamdiu coli ceperat) longe antea Augustales fuisse locupletissimos omnium testis est Cenotaphium Pitianum Cal, ubi legitur T. Statulenus Juncus Flamen Augustalis: Sequuta autem Augusti morte latius per Colonias, Urbis exemplo, digressum Augustalium Sacerdotium, non eodem tamen, quo in Urbe numero, sed VIVORVM, seu SEVIORVM dumtaxat, sexcenti lapides docent. Hos tamen cum Flamine Augustali confusos ab Archiep. De Marca, reprehensio ejus errore, rectius distinguit Card. Norisius Cenot. Pif. Diss. 1. c. 4., ubi singulis Diis singulos Flamines attributos constanti ritu probat. Ut autem Augusti nomen, tamquam praecipua Principatus, majestatisque

nota, sequentis Principibus mansit, ita qui aliorum Principum inter Divos rite consecratorum sacra curabant, Augustales quoque dicti, nisi quod peculiare Principis nomen adjiceretur, ut in nostro lapide haec n. 12. & aliis sequentis pag., ubi plures Augustales Claudiani occurrunt.

[b] Fecit hunc lapidem Gadius pag. 287. n. 1. sed lin. 2. omittit Hoc fecit, quod transfert ad quintam, lin. 7. habet: Et Primigenio: Sed quum uxori Monumentum animo libens fecisse, dicatur Vedianus, an de uxoris obitu laetatus videri potest? Minime: sed id eadem formula usurpatum fuit, qua apud Grut. p. 597. 7. Bojonia Antulia supremum munus libenti animo sibi posterisque suis fecit: Sic igitur ea verba accipimus, ut omnino diligenter curata dicerentur, quae ad funus, ac sepulcrum pertinerent, nam laus fuerit, ea libenter implexisse, quae ad Defunctorum curam, honoremque praestantur: Ceterum aegre quidem Vedianus mortem uxoris tulerat, quam Benemeritam de se deprædicat, ita ut quod ipsam mortem spectat potuit is pulcherrimam illam formulam usurpare apud Grut. pag. 763. 7. FECIT NON LUBENS SED FATUM FECIT. Notanda etiam in hoc lapide nova lex Religionis, quae A DEXTRO monumenti P. XIII. sancivit: Nullibi enim A Dextro, sed in Pronae & in Agro religiosus monumenti locus statutus legitur, ut sepulcrales tituli passim testantur.

# X INSCRIPTION. BENEVENTANÆ.

Manutius in Orthogr. v. *casuffa* n. 4. & apud Grut.  
pag. 333. 7.

In Porticu Ædium de Ænea, & apud Reinef.  
pag. 394. n. 28. (x)

13. P. VEIDIVS . P. L. PHI  
LOCLES. AVGVSTAL. BE  
NEVENTI. GLADIATOR. D  
HOC. MONVMENTVM....  
...CAVSSA. SIBI. ET SVIS  
FACIVNDVM . CVR  
P. VEIDIO. P. L. PHILO  
DAMO. FRATRI. ET VA  
RIAE. PRIMAE. VXORI  
ET . P. VEIDIO. P. L.  
PHILOTIMO . ET  
VEIDIAE . P. L. MATRI

In Turri Campanaria Ædis Majoris.  
Tertium L in lin. 3. & 5. accipi debet  
pro prænominē *Lucii* pertinentis ad  
nomen sequentis linæ.

E Schedis Verusii.

16. L. CAECIO . L. L.	17. C. VALER. . . . .
HILARO AVGVST	AVG. . . . .
L. CAECIO L. L. L.	CONL. . . . .
HERMEROTI AVGVST	L. LOLLIO L. L. PRIMI
L. CAECIO L. L. L.	GENIO CAESIAE PRI
FELICI AVGVST.	SCAE ACONTIQ APRO

14. D. M.  
A. VIBBIO IANVARIO  
CLAVDIALI AVGVSTALI  
CVR. MVNERIS DIEI VVS  
AVLIS VIBBIIS IVSTINVS  
LVSTRIANVS IANVARIVS  
PILIS PATRE BEMEM. P.

Prope dirutam Ecclesiam S. Mariz Paternò .  
15. . . . . VS T. L. ANTEROS  
. . . . . STALIS  
. . . . . VS Q. L. PHILIPP  
. . . . . Q. L. MATRI OCTIMAE sic

In Æd. DD. de Simone (b).

18. D. M. S  
M. SERVENI  
ALEXANDRI  
AVG. CLAVD  
BENEVENTI  
VIX. AN. XCVII  
M. II. D. XII. IVNIA  
CAPREOLA CON  
IVGI BENEMER

## CLASSIS

[a] Mirari certè fubit, tot sphalmata in hoc lapide è quadratarii manu prodissè, mirandum, inquam, in lapide, qui a sequiore ævo abesse videtur, dicatufque legitur a Gente Januaria summi in Beneventana Colonia loci, ut tituli honorum indicant: Lin 3. DIEI VVS pro VNIVS, quod de Ludis Gladiatoriis intellige, quos per unum diem curavit A. Vibbii Januarius: Sic in altero nostro lapide Cl. VIII. n. 1. C. Concordius dicitur *Munerarius Bidui*: quod scilicet *biduo* munera, seu gladiatos ludos ediderit: Lin. 4. *Aulis Vibbiis* pro *Aulus Vibbii*. Lin. ult. *Pilis* pro *Filiis*, ac præterea *Patre* pro *Patri*: Sed plura, ac sædiora apud Reinefium sunt sphalmata, quæ heic recensere, piget. Quod *Claudiam Augustalem* spectat, quod munus Januarius noster gessit, notari illud debet, quid sibi velint tot Augustales Claudiales, seu Claudiani apud Beneventanos. Adest Senecæ Ludus de morte Claudii Cæsaris, festivissimus quidem, sed non sine felleo sale eruditis leporibus condito, cui ΑΠΟΚΟΛΟΥΤΗΣ nomen fuit teste Dione lib. 58. Sed nihil olim Sapientibus cum vulgi, atque Aulæ Religione: Hæc enim defunctum Claudium *Appia*, ut alios Cæsares, ad Cælum isse distitans, inter Divos relatum additis Sacerdotibus venerabatur, nam funeratum solenni Principum pompa, & in numerum Deorum relatum, buncque honorem a Nerone defli-

utum, abolitumque mox Claudium recepisse per Vespasianum testatur Svetonius Claud. c. 45. ; eum, inquam, Claudium, quem Seneca, Senatusconsulto ab Diis facto Cælo excedere, atque a Cyllenio ad Inferos collo oborto tractum, ibique ab Æaco, ut *perusto fristillo alea semper luderet*, damnatum jocatur: Sed præter Augustos Claudiales hujus Classis, vide alium Clat. II. n. 3.

[b] Longævitas hujus Augustalis Claudialis observationem meretur, nam is mensis XI. & dies XII. vitæ supra septimum, & nonagesimum annum numerasse scribitur: atque huic sanè inter veteres Beneventanos omnes, qui ex vetustis literatis faxis in lucem prodeunt, longissimæ omnium vitæ principatum tribuimus, iisque sanè perpaucis accensimus, quos ex universa Antiquitate vivendi longævitate insignes collegit V. C. Fabrettus cap. VII. p. 560. & seqq. : Ex iis enim vix quatuor numerantur, qui nostrum Augustalem ætate præcedant: non invidendam nostro Ævo Veterum longævitate rectè notavit Malvasia Marm. Fel. sin. p. 76. : quanquam si longæviores antiqui, ut primis mundi ætatibus, haud tamen diuturniora, quæ olim vitæ spatia invidenda sunt nobis, qui in æternæ mox confecturæ certam spem vocati, præsentem non annis, sed virtutibus metiri debemus.



# CLASSIS TERTIA

## Magistratus maiores minoresque

In Atrio Ædis Publicæ literis pereleganter  
infulptis.

Prope DD. de Simone (a).

1. BENEVENTVM FELIX  
M. FLAVIVS MARCELLVS  
RVTILIVS  
PROHONORE IIVIRATVS  
L. D. D. D.

2. ROM. IIVIR. BEN  
VIX. AN. XXX. ....  
MAGIA APP. ....  
infeliciSSIM. ....

Prope Portam Reſtoris.

In Turri S. Sofiæ.

In Arce Civitatis (b).

3. ....CANIVS M....  
...TRIB. PL. ... A....  
...BIAL. .... P....

4. P. CINC. ....  
IIIVIR. ....  
P. CINCIO. ....  
SEPIPIAE N. ....  
CINCIAE P. ....  
5. C. ENNIVS M. F.  
C. BERGONIVS Q. F.  
AED  
VIAMSTRAVERVNT  
ET LACVVS FECERVNT

Muratorius p. 758. n. 1. ē schedis Ambrosianis:  
Beneventi prope S. Sophiæ.

Sub Porticu novi Conventus PP. Theresianorum Lapis  
elegantibus literis, atque utroque latere  
ornamentis infculptus.

6. A. VIBBIO  
A. F. PAL. PROculo  
AED. PRAEF.  
FABR. IIVIR.  
I. D. PONTIF.  
..... SABINA  
L. P. P. M.

7.

L. AVIDIO. L. F. STE  
IIIVIRO. AED  
L. AVIDIO. L. F. FRATRI  
CATIAE. VIBI. F.  
MATRI

[a] Beneventani huius IIViri intercidit nomen: Il-  
lud ROM. a quo linea orditur ad antecedentem lineam  
pertinet, quæ procul dubio in eq. definire debuit, ut  
scilicet Beneventanus hic IIVIR fuerit etiam *Eques Ro-*  
*manus*. De IIViris, eo nempe supremo Coloniarum  
Magistratu, qui Romanorum Consulum imaginem,  
auctoritatemque præferebat [quorum tres heic n. 1. 2. 6.  
alterum in Classe Militarium n. 1. habebis] nihil mihi  
observandum, nam de huiusmodi Magistratu omnia per-  
vulgata sunt, ac propterea: Selecta quædam dixi heic  
pag. 129.

[b] Edidit etiam quam fidelissimè hunc lapidem Mar-  
quardus Gudius p. 72. n. 5. An etiam Muratorius? Hic  
certè alterum non absumilem Beneventi extantem in muro  
Claustri S. Modesti ē schedis Ambrosianis exhibet p. 611.  
n. 4. sic

P. CERRINIVS  
L. GRASSICIVS  
II VIR. I. D.  
VIAM STRAVER  
ET LACVS FECER  
PRO LVDIS

Ad  
cui hæc subdit: LACVS heic fortasse loca profunda, in  
quibus Fere ad ludos nutritæ stabulabantur: An idem,  
vel diversus alter ab altero censendus sit, parum refert,  
dum uterque ad Beneventum pertinet: Quod vero Mu-  
ratorii observationem spectat, frustra utrobique tradi-  
tam ab eo Lacus significationem habemus: Eo enim vo-  
cabulo non nisi receptacula illa, foveas, seu Claustra,  
quæ aquæ per vias decurrentes confluerent, optimorum  
Scrip torum auctoritate latè docui p. 133. An vero Mu-  
ratorius ipsum secundum V ab eadem ditione tanquam  
supervacuum abiecerit, vel ita descriptam acceperit,  
non quæro: Certè geminum VV. est ex fide lapidis, in  
quo nihil peccatum a quadratario, dum satis constat,  
veteres pro V longo geminum VV. adhibere solitos, ut  
plurima exempla ostendunt cap. XIX. Ind. Gruter. ubi  
Conventus, Domus, Juvv, & alia multa pro Conven-  
tus, Domus, Juvv &c. legere est.

# XII INSCRIPTION. BENEVENTANÆ.

Ad SS. Annuniatæ.

Gruterus pag. 439. n. 7. (a)

8. L. LOLLIO L. F. SVAVI  
AEDILI PRAEF. FABR  
L. LOLLIVS ORIO PATER  
AVG. CLAVD. SIBI ET  
HIRRIAE TERTVLLIAE  
VXORI

In Aedibus DD. de Capasso (b).

10. M. TANNONIUS  
FIRMIANVS AED  
I. D. BASEM CVM  
STATERA ET PON  
DER. AENEIS  
DE SVO FEC

Ibidem. (c)

12.

D. M.  
C. VIBBIUS  
STEPHANVS  
AED. BENEVEN  
TI VIV. SIBI  
FECIT  
AMICI VALERE

13.

. . . . . AED. SIBI. ET  
. . . . . AE. VXORI. ET  
. . . . . FRATRI. ET  
. . . . .

9. C. MVNATIO. MOALI  
AVGVSTALI  
PISMATIAE. RVFINAE. FILIAE  
HERENNIAE. TI. F. BASSAE. VXORI  
M. GAVIO. M. F. STE. BASSO. AEDILI

In muro Aedis Majoris, & apud Panvin. de Civ. Rom. c. 44. sed fœdè corruptus, ut apud Gruter. p. 415. n. 9.

II. M. GAVIUS  
M. F. PALAT.  
SABINVS  
SCRIBA AED  
I. D. PRAEF. FABR  
SIBI ET  
NASENNIAE M. F.  
IVSTAE VXORI  
B. M.

In fragmento ingentis marmoris magnis, & elegantibus literis. In suburbano S. Petri da Fora.

[a] De Munatii hujus cognomine dubitavit Reine-  
sius, qui MORALEM pro MOALI legendum mavult; sed  
opportuniùs mihi fuerit, de inaudito adhuc Pismatia  
nomine suspicari, quod ex binis dumtaxat Beneventanis  
lapidibus Gruterus prodit, quorum alterum modo teri-  
mus, alterum dabimus in Claf. IX. Mendosum nomen  
me monuit ipse lapis, ubi Pismatia isthac disertis-  
sime dicitur Filia C. Munatii; si igitur Filia, certe ipsa  
quoque Munatia dici debuit, nunquam vero Pismatia;  
Fœminis enim omnibus nomen Familiae hâc usitatissi-  
mum olim, uti nunc vulgatissimum; Ipsae verò præ-  
nomina rarè, per hæc verò cognomina assumebant, qui-  
bus ejusdem Familiae fœminae inter se distinguerentur, ut  
in nostra Munatia factum est, cui Rufina cognomen.

[b] Ad Aedilium munus præcipuè pertinebat, ut  
pondera, & mensuræ justæ in Commercio haberentur;  
unde non mediocri laudis loco fuit etiam publico monu-  
mento [ut heic] consignata, si Romanae Urbis exem-  
plo, in ejus Capitolio publica pondera, & mensuræ  
exactæ, ut rectè de privatorum ponderibus, mensuris-  
que constaret, omnique fraus his abesset, id quoque Muni-  
cipales Aediles in suis Urbibus fecissent. At de his latè à  
me dictum in De Vet. Magistr. Benev. pag. 134. An  
verò in Colonia Beneventana pondera, & mensuræ ad  
Romanam normam fuerint? Affirmat Cl. Paciaudius in  
Exegesi Sancti Panari heic pag., validisq. momentis pro-

In  
bat, quibus addam Majorani Aug. Novellam De Curia-  
libus, in qua præcipitur, ut à Prætoriana sede ad singu-  
las non solum Provincias, sed etiam Civitates pondera  
examnata mittantur, quibus tam omnis exactior, quam  
negotiator utatur. Verum in diversam sententiam Everar-  
dum Ottonem ivisse comperio in De Aedil. Col. cap. x.  
§. v.; & quidem tum ob rei difficultatem, tum ob mi-  
ram antiquarum mensurarum varietatem, quæ in Cime-  
liarchiis hodie spectantur, tum demum ex verbis  
Aristotelis lib. v. ethic. c. 7. Hygini de Limit. p. 210.  
Frontini de Colon. p. 109. & Symmachi l. x. ep. 26.  
Rem ita transigemus, ut saltem in Italia idem, ac Ro-  
mæ obtineret. Favet Hygini locus: Ubicunq. [inquit]  
extra fines, legesque Romanorum, id est, ut sollicitius  
perferam, ubicunque extra Italiam quid agitur, inqui-  
rendum de hac re diligenter: Variatum igitur plerumque  
in Provinciis, quæ longè ab Urbe positæ, non verò in  
Italia, nec proinde Beneventi, ubi pondera, & mensu-  
ræ Romanis pares fuisse videntur, ut hac quoque re Prin-  
cipis Urbis simulacrum Beneventana Colonia referret.

[c] Habet Gruterus pag. 487., sed lin. 4. omittit  
BENEVEN. frustra monente Cl. Fabretto, qui, dum no-  
va editio Gruteri curaretur, hanc inter alias plures  
emendationem suppeditavit in Gruterianis emendationibus  
pag. III. post opus Infer. Domest. De Formula AMICI VA-  
LETE suo loco dicemus ad sepulcrales titulos Claf. IX.



# CLASSIS TERTIA.

XIII


In Aedibus Domini Comitis Capasso. [a]

In Porticu Conventus S. Theresiæ. [b]

## 14. L. STAIO L. F STEL. SCRATEIO

MANILIANO PRIMO  
CER. I. D. Q. Q.  
FILIO EQ. ROMANI  
ARCHIATRI BENEV  
HIC PRIMVS OB HONO  
REM CEREAL. TESSERIS  
SPARSIS IN QVIBVS AVRVM  
ARGENTVM AES VESTEM  
CAETERA Q. POPVL  
DIVISIT  
L. STAIVS  
RVILIVS MANILIVS

15.



In Platea, qua itur ad DD. Perrostos. [c]

## 16. VERZOBIO C. CAELIO

C. F. STE. BASSAEO  
DONATO  
PR. CER. I. D. Q. Q.  
ADLECT. IN ORD  
DEC. EQ. ROM.  
C. CAELIVS DONATVS  
P. BASSAEA TANNARIA  
MATER

In Turri

[a] Hanc semel de hoc insigni nostro lapide in The-  
sauro differendum mihi fuit; nam de *Archiatr* mune-  
re, seu professione non vulgaria dixi in *De Re Littera-  
ria* pag. 211.; sed quod præcipuum erat, *CERealis Juri  
Dicundo Quinquennalis*. Magistratum [ob cuius ho-  
norem magnificentissimam, ac penè Regiam liberalita-  
tem exhibuit L. STAIVS] latè illustravi in *De Peter. Ma-  
gistr. Benev.* pag. 137., ubi etiam de ejusdem *Staii* sin-  
gulari munificentia multa notata a me fuerunt: atque  
ex hac quidem munificentia Magistratus præstantiam o-  
ptime arguebam, cui accedit *jurisdicundi* potestas cum  
*PRætoris*, seu *PRæfeti* titulo eidem Magistratui tri-  
buita, ut ex binis aliis lapidibus in hac ipsa paginâ ad-  
jectis: quod ideo notandum mihi fuit, ne quem Cl.  
Everardus Otto decipiat, qui in *De Edil. Col. c. viii.*  
§. vi. in inferiorum *Edilium* Classem hos *Cereales* reje-  
cit, dum ait, *Minores Ediles in Municipiis quibusdam  
Cereales dici, eosque alibi Ailes Annonæ vocari consue-  
se*, quos proinde a prima *Edilium* Classe distinguit;  
Sed quanti in omnibus Rebus p. fuerit, eritque semper  
*Annonæ Procuratio*, eruditum Virum latere non de-  
buit, ut mirum sit inter *Edilicia* munera secundum  
locum huic fuisse, quod cætera prælat, præsertim  
quum ad Beneventanos *Cereales* etiam *Jurisdicito* per-  
tinebat.

[b] Exhibet etiam Gruterus pag. 344. num. 14. sed  
lin. 3. legit PR. CER. IVR. D. leviusculum id quidem,  
nisi quod ibidem Reinefius pro CER. quæ secunda dictio

est ejusdem lineæ, legendum notat C. R. exemplo alte-  
rius lapidis Gruteriani pag. MC. num. 1., in cuius frag-  
mento habetur PRAETOR C. R. . . . sed nugæ sunt: In  
nostro enim lapide omnino habetur PR. CER. IVR. D. i. e.  
*PRæfetus*, aut *PRætor CERealis JURIDicundo*, ut  
ex ipso Autographo, qui elegantissimis litteris inscul-  
ptus adhuc extat incolumis, accuratè descripti; confir-  
mant verò eandem lectionem reliqui hujus paginæ lapi-  
des eundem Magistratum præferentes. In lin. 7. CEIA  
habetur in Gruteri exemplo, ac rectè quidem, nam  
ita est in lapide; quod monendum fuit, ne quis CAIA  
aut scriptum, aut scribendum suspicaretur: Gens *Ceia*  
Grutero quidem ignota, si hunc nostrum lapidem exci-  
pias; sed præsto erit apud Gudium pag. 284. num. 1,  
& apud Muratorium pag. 1597. ex qua Gens *Ceia* al-  
teram deinde *Cejoniam*, profluxisse non ineptè conje-  
ctabimus.

[c] Cælius hic Bassæus fuit *PRæfetus*, seu *PRætor  
CERealis Juri Dicundo Quinquennalis*, ADLECTUS IN  
ORDinem DECurionum EQVES ROMANUS. Notandum  
etiam in hoc lapide *Publia* prænomen, quo *Bassæa Tan-  
naria* decoratur: De *Mulierum* Prænominibus, uti  
olim Veterum, ita variæ hodie sunt eruditiorum  
sententiæ, immo & decertationes. Vide Fabretum  
pag. 30. & seq. At de *Publie* prænomine nemo dubita-  
verit, dum veteres lapides passim exhibent apud eun-  
dem Fabretum, & in cap. XIX. Indicis Gruteriani,  
quibus nostrum modo addimus.

# XIV INSCRIPTION. BENEVENTANÆ.

In Turri Campanaria Ædis Majoris. (a)

In pariete ejusdem Ædis Majoris.

17.

N. AFINIO N. F.  
PAL. HIERACI  
DECVRIONI  
BENEVENTANO  
QVI VIXIT AN  
XVIII. DIEB. XXXI  
N. AFINIVS APVLVS  
ET AFINIA ACTE  
PARENT INFELIC.

18. C. VMBRIO

SERVILIO IVSTO  
IVSTISS. ARNEPOT  
DECVRION. BEN  
VIXIT AN. XXX  
SERVILIA VARIA  
MATER

In diruto Monasterio S. Lupi.

19. Q. PAUCIVS . . . . .  
PVP. . . . .  
DECVRIO . . . . .

20.

lin. 2. lege PVPiniam Tribunal

Prope Ædem SS. Annunciatæ literis semipal-  
maribus eleganter insculptus.

AVIDIENO T. F. STE. LEG.  
CENTVRIONI . . . . .  
DECVRIONI . . . . .

Sub Ponte Leproso.

In Porticu ad S. Donati.

21.

L. LOLLIVS . . . . .  
LOLLIVS SVAVIS . . . . .  
LIBERTVS SVAVIS PR. . . . .  
AVGVSTALIS ITERVM IN ORDINE  
DEC. . . . .

22.

CVRAT. . . . .  
NVMISIO . . . . .  
CVRATORE V. . . . .  
BENEVEN . . . . .

Muratorius pag. 1172, num. 7. (b)

23. HIC SITV. . . . .  
MV. . . . .  
PRIMA INVENTA FVIT . . . . .  
DVM VARIAS CVRIT SPEC. . . . .  
MVSEO FIGERE IN ALTO  
DECIDIT ET HERMAS HOC NVNC EST PONDERE CLAVSVS  
AETERNASQVE LACRIMAS RELQVIT CARPO PARENTI  
QVI VIXIT ANNIS XXI. M. VIII I  
DIERVS XX. CARPVS COLONIAE  
PATER INFELICISSIMVS FECIT


Mira-

[a] Nisi a quadratario in numerali ætatis nota peccatum sit, mirum certè videri debet, hunc Afnium ætatis anno XIX. Decurionatu perfunctum. Ulpian, in l. 8. D. De Mun. & Hon.: *Ad Remp. administrandam ante XXV. annum admissi minores non oportet, denique nec Decuriones creantur, vel creati suffragium in Curia ferunt.* Paulò amplius ætatis Polybius statuit l. vi. 17. *Urbanum Magistratum non ante capere cuiquam licitum est, quam X. annos militando exegerit; ut propterea XXVII. opus esset, dum militaris ætas an. XVI. incipiebat: Sed non idem ea de re juxta Urbem: Hinc Plin. x. ep. 83. ex edicto Augusti Bithynis permissum refert minores magistratus ab annis duobus, & vixini capere.* Callistratus in l. xi. D. De Decur. *Nonnunquam (inquit) longa consuetudo in ea re observata, respicienda erit, quod etiam custodiendum Principes nostri consulti de allegendis in Ordine Nicomedensium hujus ætatis hominibus rescripserunt.*

[b] Ut lapidem hunc in Magistratum Classsem referrem, in causa fuit Muratorius, qui ad illum sic breviter habet: *Colonia Pater illustre munus: Sed de Muratorii explicatione vid. heic pag. 141.* Interio hujus lapidis exemplar etiam sic detritum magni æstimabimus: Filio defuncto *Hermas*, quem *Mercurium* dixeris, nomen fuit; Patri vero *Carpus* i. e. *Frustrus*. Hos Domo Græcos vocabula produnt, etiam quia solitaria contra Latii morem, ubi quisque *ædificatus*. Extremum sacum (ut ex epitaphio conjicitur) *Hermas* subiit præceps ex summo Museo, ubi ornamenta figere satagebat: atque ex ejus nominis, obituque occasione in mentem jam mihi veniant *Hermathenæ* illæ, & *Hermeracles*, quibus tantopere Tusculanam Academiam suam exornare auebat Cicero ad Att. l. i. ep. 1. & 10.



IN MOENIBVS VRBIS IN TVRRI VVLGO  
SANTO PANARO.



Goulier sc.

Miraberis fortasse, erudite Lector, iterum Toreuma hoc, rudiore quidem aspectu, ac commentariolo hoc meo, quodam veluti centone contextum, in scenam prodire, istud ipsum Toreuma, quod, si bene nosti, aut delectatus meministi, ad tuas manus secundis Typis, ac curis dedit hoc ipsum Volumen, elegantiore formâ, elegantissima vero, atque amplissima Dissertatione exornatum a V.C. Paulo M. Paciaudio: Nova etiam mirandi causa; quod MENSOREM CERERIS AVGVSTAE, quem ille satis aptè heic agnoscit, in Magistratum Beneventanorum Classem adhuc ego referre instituerim. Sed rursus exhibendi duplex mihi ratio praesto fuit: Aeri incidendum Toreuma jam antea cura veram, quam Vir Antiquitatis consultissimus & suam Dissertationem. & sui Mensoris effigiem in lucem ederet: Sed ex ipsa Paciaudiana Tabulae elegantia novum mihi consilium incescit, ut hanc meam quoque proderem, rudem profecto, sed quæ ad rudis Marmoris Fidem amissum expressa, diligentiam hoc saltem nomine probaret meam; Fuit etiam causa altera, ut (quum semel rei ex laudata Viri doctissimi Dissertatione non mediocriter pretium factum fuerit) quid mihi de

eadem re cogitare subisset, in medium proferrem. Itaque, quum nullus in saxo inscriptus titulus appareat, proptereaque ex effigie sola interpretatio petenda sit, verisimillimum id profecto existimaverim, ut nempe ex Modio illo adjacente, quem apprehenso funiculo Vir iste arrigit, ad *Mensorem Cereris Augustae* Imago ipsa referenda sit; sed tamen Modius ipse diversa æquè Viri munera representasse adhuc videri potest; utque ab inferioribus ordiatur, *Modium* peculiare sibi symbolum *Pistores* adhibuisse satis liquet ex *Gruteriano Lapide* pag. 255. n. 2. quem *CORPVS PISTORVM* Antonino Pio dedicavit, in cuius dextro latere *Modius* insculptus adest (speciem refertus (non vero *Canister*, uti falso ibi vocat *Gruterus*, sive *Scaliger*, qui nec ad fidem lapidis eum *Modium* exhibuit, uti postea exprimendum curavit *Cl. Fabrettus* in *Tabula Iliaca* pag. 238. nostro *Modio* quàm simillimum) ut jam in nostro *Toreumate* aliquis ex *Pistorum Corpore* representatus videatur: *Pistorum Corpus* inter frequentissima Veterum Collegia satis præstabat, non Romæ solum, ubi ex pluribus *Pistorum* Classibus, seu Officiis plura Corpora constituta erant, sed etiam alibi, & præsertim in *Coloniis Romanis*,

## XVI INSCRIPTION. BENEVENTANÆ.

manis, ut latè dixi in Dissertat. *De Vet. Benev. Collegiis*. Pistorum autem Collegium tunc primum institutum, quum distributio frumenti exoleverit, ac in commodum Plebis, & Militum panes pro frumento dividi cœperint, censet Petr. Burmannus in *de Veditigal. Pop. Rom.* cap. 111. edit. *Leidæ* 1734. sed nulla id auctoritate confirmat, neque heic expendere otium est; nam neque certò Pistorum ex nostro Toreumate conjicere est,

ubi nobilior fortasse, quàm *Pistoris*, aut etiam *Mensoris frumentarii*, Viri conditio ex eodem Modii symbolo erui potest: Sane Fabrettus idem Inscr. Ant. c. 14. n. 157. p. 274. dum morem illum illustrat, quo sub officiorum titulis res ipse, quæ Officiis, aut artis instrumenta erant, exprimebantur, Modium Ædilitii muneris symbolum statuit, idque sequenti inscriptione satis certum confirmat.

T. VETTIVS L. F.  
POL. AEDILIS  
VETTIA T. F. SECUNDA  
VXOR FECIT



Exhibet etiam hunc lapidem Gruterus p. 486. n. 2. atque extare dicit, *Augustæ Taur.* in angulo Ædium Pensioniarum ingenti Marmore, quo Vir equitans jubentis ad modum, inferius verò mensura est, sine Modius duabus manibus apprehensus, radio superaddito: Sed modii formam Fabrettus, a quo descripti, spectandam dedit, ubi qui Radius superadditus Grutero dicitur, nihil aliud est, quàm lignea illa Regula ipsius Modii ori superposita, eidem quidem Modio conjunctum instrumentum, quo injectum triticum ad ejus oris superficiem æquari solet. Ædilis autem vocabulum in eo lapide expressum non pro Vettii cognomine, sed munere accipiendum omnino docet adjectus Modius ipse, cui accedit præclarum ejusdem Fabrettii judicium, immo & Gruteri, qui in Classsem Magistratum eum lapidem retulit; Certam etiam rem habet Everardus Otto in *De Ædil. Colon.* cap. x. §. 14., ubi ejusdem, quem etiam recitat, lapidis exemplo, atque auctoritate Modium Ædilitii Muneris symbolum esse confirmat. Id quod amplius manifestum sit ex Nummo Ædilitio Gentis Livinejæ apud Spanhemium *Disi.* vi. p. 545. seu *Disi.* x. p. 151. postrema editionis, in quo Modius frumento refertus representatur, unde id (eodem doctissimo Spanhemio præmon-

strante) facillè assequimur, cur apud Livium lib. 31. cap. 50. dicantur Ædiles Curules frumenti vim magnam ex Africa adveham binis aris in MODIOS populo divisisse: Sed quum semel cœperim, magnificèntiora adhuc de hoc Toreumate addam: Quid enim, si ethnicæ superstitionis aliquid in eo lateat, Numenque quoddam ibidem effusum dicere liceat? Non heic perdidiculi nostrorum Popularium judicium moror, qui nescio ex qua causa, ex antiquitus tamen recepto vocabulo, saxum *Santi Panari* nomine appellant. Nihil etiam dicam de Modio illo, quem pinguis spicis refertum exhibet Basis titulus *Gratæ Fortune* inscriptus, quem edidit Cl. Gorius in *Opere Doniano* Tab. vii. n. 1. Certè apud Gadium pag. 59. n. 9 & 11. binos lapides invenio, quorum alter SEMONI MODIO SANCO, alter vero MODIO FIDIO SEMONI, inscripti leguntur: An igitur Deus iste MODIVS Romanis, Sabinisque cultus, ad veteres quoque Beneventanos pervasit, istaque, quam Toreuma extendit, effigie ab iis donatus? Sed ne plura de hoc saxo, quod Paclaudiana messe apprime locuples, vix est, ut tenui hoc spicilegio meo locupletius videri possit,

CLASSIS





# CLASSIS QUARTA Augustis, Consulibus, Virisque illustribus dicata.

In Arcu Triumphali, vulgo Porta Aurea. Hunc Titulum habes a me illustratum  
in De Operibus Publicis cap. 1. pag. 253.

1. IMP. CAESARI . DIVI . NERVAE . FILIO  
NERVAE . TRAIANO . OPTIMO . AVG  
GERMANICO . DACICO . PONT. MAX. TRIB  
POTEST. XVIII. IMP. VII. COS. VI. P. P  
FORTISSIMO . PRINCIPI . S. P. Q. R

In Oppido Arpadii ad Furcas Caudinas. De hoc lapide latissimè egi Diss. 1. cap. iv. pag. 53.

2. IVLIAE AVG. IMP. CAESARIS  
SEPTIMI SEVERI PII PERTINACIS  
AVG. ARAB. ADIAB. PART. MAX  
MATRI AVGVSTI . . . . .  
ET CASTRORVM COLONIA IVLIA  
CONCORDIA AVG. FELIX BENE  
VENTVM DEVOTA MAIESTATI  
AVGG...IN TERRITORIO SVO QVOD  
CINGIT ETIAM CAVDINORVM  
CIVITATEM MVRO TENVS

Sub Arcu Pontis Caloris. Vid. p. 27. & 192.

3. BONO EVENTO  
PROFECTIONIS ORIENTALIS ET  
REDITVS AVGVSTORVM L. SEPTIMI  
ET M. AVR. ANTONINI COL. IVLIA  
AVG. COMCORDIA FELIX BENEVEN  
TVM DEVOTA MAIESTATI AVGG

In Aedibus olim Antonii Cardone. (a)

4. MAGNO ET INVICTO  
GALLIENO  
AVG. XI. COS. VI  
DESIGNATO VII  
PACIS R. . . . .  
. . . . .

Reine-

[4] Gruterus p. 274. n. 6. postremâ lineâ legit PAG. nihilque exinde detritum indicat; quod si ita esset, PACANI dictione illâ exprimerentur; i.e. si omnes, qui Militiam non sequerentur, sed Civilis vitæ otium sectarentur: Sed ex fide lapidis PACIS illic est, atque exinde singularis R superstes legitur, post quam reliqua ejusdem, ac sequentis lineæ omnino detrita sunt: unde PACIS Restitutorem ibidem scriptum conjicio, quod elogium ad alios honoris titulos Gallieno tributos accessit: Quæ omnia per foedissimam adulationem erga Gallienum gesta distaque cenfebimus, Principem nempe illum, quem scimus domi turpissimè sedentem de Orbis

Romani calamitatibus, vastationibus, servitute nihil negotii sibi dedisse, immò & verbis jocandi sibi materiam fecisse, uti pag. 196. a me observatum latè fuit: An vero (quod modo animadvertendam mihi est) illi honorum tituli ironice Gallieno delati? Certè Cl. Vailantius in Nummo *Saloninae Gallieni*, ubi legitur AVG. IN PACE, & in altero ejusdem Gallieni cum epigraphe GALLIENAE AVGVSTAE quo muliebris Gallieni animus taxatur, & in postica VBIQVE PAX, tum cum inter plures Tyrannos Imperium discerpebatur, ironiam agnoscat, cuosque arbitratu quoquam ex ipsis Tyrannis, qui acerbissimis hisce sarcasmis Gallieno illudebat.

# XVIII INSCRIPTION. BENEVENTANÆ.

Reinesius pag. 323. num. 55. è Schedis Langermanni. (a)

5. HELENÆ AVGVSTAE  
GENITRICI D. N. CONSTANTINI MAX  
VICTORIS ET TRIVMPHAT. SEMPER AV  
ELPISTICVS V. P. P. P. RER. PRIVATAR  
PIETATI EORVM SEMPER DEVOTISSIMVS

In Aedibus Jacobi Gioja.

In Columna ante Aedes Horatii Leone. (b)

6. FL. CLAVDIO  
IVLIANO NOB  
AC BEATISSIMO  
CAESARI  
CVRANTE TOCIO  
MAXIMO V. C. CVR  
REIP. BENEVENTI

7. D. N. FL  
CLAVDIO  
IVLIANO AV  
PIO FELICI IN  
VICTO BONO REIP  
.....  
.....

Sub

[a] Ex hoc nostro lapide, ubi Helena Augusta dicitur Genitrix Constantini, iussus ejusdem Helenæ cum Imp. Constantino Constantini Magni Patre ab initio nuptias (quod pro re nata erat) afferui in Dissert. VII. pag. 107. In Elpidio nomine Reinesius mendam agnoscit, paratque in lapide aut *Ælium Pisticum*, aut *ELPIDIVM* fuisse scriptum: Melius *Elpidium*, nam eo nomine plures Viri variis Magistratibus insignes, qui Constantiniano Ævo florebant, nobis exhibet Chronologia Codicis Theodosiani. In Sigillis illis, V. P. P. P. RER. PRIVATAR., quæ Elpidii nomen consequuntur, habetur, hunc fuisse *Virum Perfectissimum Procuratorem Rerum Privatarum*, i. e. *Privati Patrimonii*, quod Princeps habebat, diversum a *Publico*, seu *Fiscali*. institutum quidem ab Imp. Severo, qui (ut refert Spartianus) *Filiis suis tantum reliquit, quantum nullus Imperatorum, tuncque primum Privatarum Rerum Procuratio constituta est.*

[b] Quid causæ fuerit, ut duos hosce lapides Juliano prius Casari, dein Augusto Beneventani dicaverint, jam dixi in Dissert. VI. I. pag. 201, ubi postreimas hujus Inscriptionis lineas ita suppletas dedi: BONO REIP. N. A. O. ORDO ET POP. BENEVENT. Formulam hanc (de qua nihil ibi) serò, ut arbitror, in Aulam adulatio in-

vexit, ac publicis monumentis consignavit: neque enim ante Constantini ævum in lapidibus occurrit, ut reprobata duorum primi, & secundi sæculi lapidum fide recte notavit Cl. Oliverius in *Marm. Pisaur.* pag. 54., at mox in sequutorum Principum monumentis frequentissime adhiberi consuevit, & penè apud omnes solennis habebatur, quum Principem honoris causâ meminisse vellet: Sic *ad Bonum publicum natum Imperatorem ait Synmachus lib. 3. ep. 42. & ad bonum publicum natos liberos lib. 10. ep. 22.* Sed quod Scriptores attinet, non dubito, quin a Principatus initio eadem formula recepta usu fuerit, cujus rei quamquam modo mihi exempla non suppetant, habeo tamen, ut contrariis exemplis probare possim: Seneca fanè in *De Clementia* l. 1. c. 18 *Regum* (inquirit) *injuria latius patet, & infamia, atque odium seculis dabitur: quanto autem non nasci melius fuit, quàm numerari inter PVBLICO MALO NATOS.* De Nerone Svetonius cap. VI. *Præfatio fuit Domitii Patris vox, negantis quicquam ex se, & Agrippina nisi desestabile, & MALO PVBLICO NASCI potuisse.* Et Scriptorum quidem fidem pluris faciemus, quàm lapidum, qui frustra Julianum *Bono Reip. natum* per fumam adulationem deprædicant, cui potius Senecæ, quæ superius recitavimus, dicta quadrare possunt.



Sub Ponte Leproso in ingenti marmore.

## 8. VALENTIS ET GRATIANI AVGVSTOR.

Gudius pag. 95. num. 3. (a)

E schedis Verusii. (b)

## 9. DIVO. VALERIANO. PARENTI, REIP

PIO. FELICI. VICTORI

SEMPER. AVG.

NERATIVS. SCOPI. V. C

CONS. CAMP

NVMINI. EIVS. MAIESTATIO. DEVOT

In Columna prope Aedes DD. Lucarelli.

II. DDD. NNN. THEO  
DOSII ARCADII  
ET HONORII

IO.

..... INVICTISSIM  
..... THEODOSII  
..... AVINIANO  
..... DVS RVFINVS  
..... ERRIMI ORD  
STATVAM  
IN ABDITIS LO  
CIS REPERTAM AD PRIVATVM  
ET PVBLICVM..... CELEBER  
RIMO CONSTITVENDAM  
CVRAVIT INSISTENTE VL FIRMO

Ex Gudio pag. 86. num. 1. In Fucis Caudinis prope Arpadium Columna. (c)  
In una parte.

In altera parte.

12.

IMP. CAESAR. DIVI. F  
AVGVSTVS. COS. X  
TRIB. POTEST. VII  
EX. S. C

DN. FL. CLAVDIO  
IVLIANO PIO FELICI  
INVICTO AVG  
DDD. NNN. THEODOSIO  
ARCADIO. HONORIO  
BONO REIP. NATIS  
XVI  
DDD. NNN. VALENTI  
NIANO. TH.....  
ET ARCADIO

Manu-

[a] Ex Codice Redij lapidem hunc Beneventi sub quadam Arcu extantem refert Gudius, in cuius tamen exemplo scdissimum Mendum ex Typographi olicitantia irrepsit, qui Valerio pro Valeriano excudit, quæ mihi causa fuit, Archetypo non adhuc invento, ut Valentem scribendum conicerem pag. 148, ubi de Divi titulo Augustis viventibus tradito plura dixi.

[b] Exactiores Verusii operas in hoc lapide describendo desideramus, cuius initium non tam lacunis, quam mutila illa dictione AVINIANO lin. 3 non satis constat. Valentinianum ibi scriptum dicerem, nisi lapidis sensus repugnaret, quem ita restituendum, aut explicandum censo. Invictissimi Theodosii statuam Secundus Rufinus integerrimi Ordinis (i. e. Senatorii, aut potius Iudicum ordinariorum) in abditis locis repertam ad privatum, & publicum ornatum Loco Celeberrimo constituendam curavit. Quid sit in abditis locis, nescire fatetur Fabrettus, explicare conatur Mazochius, sed veriora fortasse a me dicta sunt p. 280. Celeberrimum autem Locum intelligo, qui in nobiliori, conspectuissimæ Urbis parte, veluti Foro, Thermis, Capitolio &c. haberetur, ubi Illustrium Virorum Statuæ alia

que honoris monumenta collocari solebant: Sic apud Gruter. p. 285. n. 2. Statuam in Capitolio diu iacentem in celeberrimo Fori loco constitui iussit. Sequitur demum in nostro Lapide. Theodosianam Statuam a Rufino fuisse constitutam INS STENIE VL FIRMO i. e. urgente, sollicitante, qua significatione ejusmodi verbum Plinio usurpatur; qui vero id agerent plerumque in monumentis ipsis honoris causa inscribebantur. Illud VL aut Ulpium Firmi nomen demonstrat, aut inendosè scriptum, descriptumve pro V.C. erit, i. e. Viro Clarissimo.

[c] Quater diverso tempore, diversisque Augustis unam eandemque Columnam inscriptam vides: Quid igitur causæ fuerit, ut eodem lapide Posterius uterentur ad sui xvi Principes publico monumento celebrandos? Sed id sequioris ætatis inter alia fuit, post bonarum artium interitum, vetusta marmora adhibere, quibus recentiori, rudique scalpulo aliquid consignaretur: Causa altera in hac Columna esse potuit, quod quum miliaria fortasse fuerit, eidem uni omnes Augustos illos continenter inscribi fatuus fuerit, qui eandem deinceps viam refecissent.

# XX INSCRIPTION. BENEVENTANÆ.

13. Manutius Orthogr. V. *Reti* n. 1. & Gruter. p. 439.  
n. 8. qui post cos. lin. 2. addit AGEſſ. (a)

L. MVNATIVS . L. F. L. N. L. PRON  
PLANCVS . COS. IMP. ITER. VII. VIR  
EPVLON. TRIUMPH. EX. RAETIS . AED. SATVRNI  
FECIT. DE. MANYBIIS. AGROS. DIVISIT. IN. ITALIA  
BENEVENTI. IN. GALLIA . COLONIAS . DEBVXIT  
LVGDVNVM . ET . RAVRICVM

Panvicius in Fastis ad A. 982. & Grut. p. 45. n. 9.

15. HERCVLI CONSERVATORI 16.  
PRO SALVTE  
L. RAGONI L. F. PAP. VRINATI  
LARTI QVINCTIANI VIR. COS  
SODAL. HADRIANAL. LEG. LEG  
XIII. GEM. DONIS MILIT. DONAT  
AE. IMP. COMMODO ANTONINO  
AVG. PRO COS. PROV. SARDINIAE  
IVRIDIC. PER APVLIAM PRAEE  
I. D. PRAET. AED. PL. Q. PR. AFRIC  
VI. VIR. AVG. EX TESTAMENTO  
M. ANTIVS ENNIVS SERGIANVS  
AMICO V. CVR

In Oppido Montis Herculis prope Beneventum. (b)

14. L. SCRIBONIVS . L. F. LIBO . PATER  
L. SCRIBONIVS . L. F. LIBO . FILIVS  
PATRONEI . TYRREIS . EX . D. D  
..... AC .....  
.....

Gudius p. 137. n. 11. ex Redio. [c]

L. RAGONIO L. F. PAP. VINATIO  
LARTIO QVINTIANO COS  
SODAL. HADRIANAL. LEG. LEG. XIII. GEM  
DONIS MILITAR. DONAT. AB. IMP. COMMODO  
ANTONINO AVG  
PROCOS. PROV. SARDINIAE IVRIDICO  
PER APVLIAM PRAET. AED. PL. Q. PR. PR  
PROV. AFRIC. SEVIR  
M. AGCIVS ENNIVS SERGIANVS  
AMICO

In Aedi-

[a] De hoc lapide plura a me dista invenies in Dis-  
sert. 1. cap. 11. p. 35. quo loco Agrorum divisionem Bene-  
venti a Munatio fustam ad eam retuli Colonorum  
deductionem, quos C. Caesar Benevento adscripsit; unde  
Beneventana Colonia inter alia cognomina etiam  
Julia dista est. Atque hoc quidem insignis rei ad Bene-  
ventanos veteres pertinentis monumentum, quamquam  
alibi lapis extet, jure sibi inter nostras antiquas Inscr-  
ptiones locum vindicavit. De Munatio etiam praeter  
ea, quae lapis memorat, praecleariora alia ibidem obser-  
vasse libuit, quibus modo addam, non de Raetis solis,  
quos lapis meminit, sed ex Galis quoque Munatium  
triumphasse: quod ita certum habeo, ut nullae mihi Di-  
vinatoris partes obeunda sint. quas offert Muratorius  
pag. 724. n. 4. ubi ex Taulero hunc lapidem recitat, tan-  
quam Atinae extantem.

L. MVNATIVS L. F. L. N. PROCONSUL  
EX GALLIA. IIII. KAL. IANVAR.

ad quem sic ipse: Quid sibi velis Inscriptio haec exotica  
forma, Divinatoribus explicandum offero: Immo vero  
neque exoticam formam, sed Romanis familiarissimam,  
ac probatissimam, neque in explicando lapide divinatione  
opus esse, facili, aut etiam nullo negotio, planè  
didicisse poterat Muratorius ex vulgatissimis Roma-  
nis Columnis illis in Capitolio asservatis, in quibus  
Triumph, Ovationesque Ducum Romanorum descri-  
ptae sunt, quarum exemplar, praeter alios, exhibet  
Gruterus p. 296. & 297., in quarum tertia sic inter  
alia legitur:

L. MVNATIVS L. F. L. N. PRO. COS. AN  
EX GALLIA IIII. K. IAN

Proconsulem Galliae Munatium egisse A. V. C. 711.  
jam probavi d. p. 35., quo tempore Gallis devictis Lug-  
dunum, & Rauricum Colonias deduxit Munatius, post

factam scilicet agrorum Beneventi divisionem, ac pro-  
inde quum adhuc C. Caesar rerum potiebatur.

[b] Juxta Beneventum extantem refert Gudius, non  
indicato loco; sed in Oppido Montis Herculis a me in-  
venitus, descriptusque est hic lapis An igitur e loco Tur-  
ris olim nomen? Nullos enim Turribus propria signifi-  
catione acceptis Patronos fuisse scio: adde illustrem ho-  
rum Patronorum conditionem, ex qua, uti etiam ex la-  
pidis Orthographia ejusdem vetustatem accipimus. De  
Scriboniis dixi p. 28. Eorum arborem vide apud Lipsium  
Excurs. ad 11. Annal. Tacit. lit. E.

[c] Tam hunc lapidem, quam alterum haec n. 15.  
Beneventi extantes dicit Gudius, cujus haec sunt: Haec  
Inscriptio non videtur eadem cum illa, quae est apud Grut.  
p. 45. n. 9. (haec d. n. 15.) nam etsi eadem utrobique vo-  
mina occurrunt, tamen eo praecipue differunt, quod Gru-  
teriana illa votum concipiat: Herculi Conservatori pro  
salute Ragoni &c.: Haec vero nostra nihil istiusmodi con-  
tinent loco monumenti posita sit Ragonio mortuo. Sed illa  
apud Gruterum, quam Onuphrius dedit, admodum mihi  
suspecta est &c. Onuphrius non dicit, ubi lapis extet, ta-  
men ex hac Inscriptioe apparet, etiam illam Onuphria-  
nam Beneventi extitisse. Haec enim Gudius, cujus (quod  
posteriolem lapidem inspicat) non tanti sunt argumen-  
ta, ut Panvinium subleat fidei arguamus: Illud potius  
verisimilius putabimus, tum Gruterianam, tum Panvi-  
niam non diversas, sed unam, eandemque Inscriptio-  
nem esse, quam sic accipio: Ragonius lethali morbo cor-  
ruptus condito testamento Accium Amicum heredem  
scripsit, legavitque, ut, si convalesceret, signum Hercu-  
li Conservatori pro restituta salute dedicaretur: Res  
pro voto fuit; sicque Lapidem Accius, Amico Vivo,  
(ut lineam ultimam auferendi casu explicio) dedican-  
dum curavit. L. Ragonius Quintianus Consul fuit A.  
Chr. 235. sed & L. alter Ragonius Quintianus adhuc  
Consul occurrit A. 289. prioris fortasse filius.



In *Ædibus* DD. Capasso sex prioribus lineis modo detritis; Integrum dedit Manutius Orthogr. v. *Kalendarium* n. 44. & singularem dicit, quod dictum vocabulum scribat initiali C pro K, sed falsò descriptum habuit, nam in *Authographo* scriptum est *Kalendar*, ut etiam in *Grutero*, qui eundem exhibet p. 444, n. 5. De hoc lapide plurima dixi pag. 232. & seq.

## 17. C. OCTAVIO C. F

PAL. MODESTO

AVGV. II VIR. I. D. QVAEST. II  
PRAEF. FABR. ROMAE. PRAEF  
COH. II. PANNONIORYM. PRAEF  
COH. III. ITYREOR. TRIB. MIL  
LEG. III. SCITHIC. CVRAT. REI  
P. AECANORYM. ITEM. HONORA  
TO. AD. CVRAM. KALENDARI  
REIP. CANVSINOR. A. DIVO. TRA  
IANO. PARTHICO. ET. AB. IMP. HA  
DRIANO. AVG. HIC. OPVS. QVADRI  
GAE. CVM. EFFIGIE. IMP. HADRI  
ANI. AVG. CITRA. VLLIVS. POSTV  
LATION. CVM. MVNICIPIBVS  
SVIS. OBTVLISSET. EX. ARGENTI  
LIBRIS. ∞. ADIECTIS. AMPLIVS  
LIBRIS. XVII. VIRITIM. POPV  
LO. CC. SING. DISTRIBVTIS

DEDICARI CAVIT sic

P. D. D

[a] Ad hunc lapidem hæc sunt apud *Gruterum*: *Fal-*  
*litur Reinesius, qui suspicatur huius Nepotem, vel Pro*  
*nepotem fuisse Marium Maximum Calvisianum, de quo*  
*supra in LXX. 2. Capitolinus in M. Antonino Philof.*  
*Marium Sevrum Turmis Romanorum Equitum jam Cos*  
*designatum creavit*: De *Reinesii* divinatione parvi re-  
fert: quæ tamen reliqua in eadem nota subduntur, tur-  
pissimam scribentis hallucinationem ostendunt; nam  
*Marium* pro *Marco* in *Capitolino* legisse convincitur,  
quem quidem *Marcum* adducit *Quæstorem*, & *Consulem*  
*secum Pius designavit*, & *Cæsaris* appellatione donavit,  
& *Sevrum Turmis Equitum Romanorum jam Consulem*  
*designatum creavit*: ita *Capitolinus* inter *Scriptores*  
*Hist.* Aug. edit. Basil. Froben. an. 1533. Præterea hunc  
nostrum *M. Marium Rufinum* cum *Ap. Claudio Latera*  
*no Consulem processisse* constat anno Ch. 197. quem an-  
num *Antonini Imperium* longe ante præcessit, dum is  
an. 138. imperare cepit: Miror autem hunc nostrum  
lapidem in *Gruteriano* corpore jamdiu editum *Cl. Mu-*  
*rautorium* fuisse, qui in sua *Classe Consulum* ad an. 197.  
pag. 347. præter unum *Kufini* reliqua omnia ejusdem  
*Consulis* nomina ignorata nobis voluit, sic

AP. CLAUDIVS LATERANVS  
..... RVFINVS

In penult. linea huius lapidis mendum cubare videtur;  
an enim *Rufini* filius (nam *Parenti B. M. Fecerunt*)

*Gruterus* p. 436. n. 7. *Beneventi in Horreo*  
*Templi Annuntiatae in Basi. (a)*

18.

## M. MARIO M. F

STEL. TITIO RVFINO  
COSCVR. COL. CLAVD. AVG  
AGRIPPINENSIVM

PROCOS. PROV. SICILIAE  
CVRAT. AMERINOR. PRAET  
TR. PL. Q. PROV. MACEDON  
SEVIR. TVRMAR. EQ. ROM  
TRIB. LATIOL. LEG. I. ADI. P. F  
IIII. VIRO STILITIB. IVDIC  
FIDFS CVM HELLADE ET  
TERTIO PARENTI B. M. F

Prope *Ædes* olim *Caroli Tancredi*. (b)

## 19. CLAVDIO IVLIO

PACATO V. C. CONS  
CAMP. OB AEQVITA  
TEM IVDICIS ET  
PATROCINIA IAM  
PRIVATI ORDO  
BENEVENTANVS  
PATRONO POST  
FASCES DEPOSITOS  
CENSUIT CONLOCANDAM

d  
Fideri, *Helladls*, *Tertili*que nomina fuisse putabimus?  
ab his certe *Romana* *Consularis* *Familia* abhorrere vi-  
detur: Quod vero *Rufinus* monumentum hoc a *Filiis*  
suis *Beneventi* acceperit, coniciebam aliquando *Gen-*  
*tem* *Rufinam* *Beneventi* coniecidisse, de qua re vide  
heic pag. 130.

[b] Bis edidit *Muratorius*, ac primùm pag. 376.  
num. 1. admodum mendosum, nam lineas turbans, pro  
*Judicis* lin. 4. habet *Judicii*, lin. 5. ad illud jam impor-  
tunè notat: Fort *JVRIS*: quum rectè scriptum sit *JAM*  
i. e. olim, quum ipse *Pacatus* nondum *Judex*, sed *Pri-*  
*vatius*: Sed & pag. 1032. num. 6. iterum exhibet, sub-  
ditque mendis deformarum legi in *Gruter.* pag. 390. n. 1.  
Sed & idem *Gruterus* (quod *Muratorius* fugit) emen-  
datam omnino recudit pag. 424. n. 1., notatque, *Fasces*  
etiam aliis summis *Magistratibus* datos, ac præsertim de  
*Consulari* *Campaniae* (quo de *Magistratu* noster lapis  
agit) confirmat verbis *Julii Firmi*, in *Præf. Astron.* ad  
*Mavortium Lollianum*: Quum esses in *Provincia* *Cam-*  
*paniae* *Fascibus* *constitutus* &c. Sed præter summos *Rom-*  
*anorum* *Magistratus* *Provinciales*, *Municipales* et-  
iam, seu *Colonicos* *Fascibus* usos probavi heic p. 129.  
quum de *Beneventanis* *Duumviris* agerem: quibus meis  
observationibus libenter modo addo, quæ in eandem  
rem longa, & erudita exercitatione congesta invenio  
ab *Everar. Ottone* in *De Ædil. Col.* c. XIII. §. 8. & 9.

Resossa

# XXII INSCRIPTION. BENEVENTANÆ.

Refossa an. 1702. ad S. Mariæ Constantinopolitanæ. (a) In Ædibus olim de Sanctis nunc Cardone. (c)

20. AMANTI OMNIVM ET AMATO OMNIBVS  
NOBILI PARITER ET IVSTO VALERIO PVBLI  
COLAE C. V. CONS. CAMPANIAE AB ATAVIS  
PATRONO SPL. ORDO BENEVENTANVS  
ET HONESTISS. POPVLVS STATVENDAM  
DECREVIT

In Pariete laterali dirutæ Ecclesiæ S. Jo. de Fraola. (b)

22. ADELFI CLODIO CELSINO  
INSIGNI ET C. V. PRAESTANTI BENIVO  
LENTIA AVCTORITATE IVSTITIA  
CORR. REGIONVM DVARVM  
MEMORABILI ET PRAETERITORVM  
IVDICVM EXEMPLA VIRTVTIVS  
OMNIBVS SVPERGRESSO ORDO SPLEN  
DIDISSIMVS BENEVENTANAE CIVITATIS  
PATRONO DIGNISSIMO

Telefæ prope Beneventum ex Murator. p. 1034. n. 3.

23. D. M. S  
L. ANNAEO TRANQVILLO L. F  
PRAEF. EQVIT. IN PROV. PANNON  
ET PRAEF. IVR. DIC. BOVIAN. ET  
BENEVEN. II. VIR. TELESIAE  
ANNIA SABINA TRANQVILLA  
MAR. INCOMP. Q. V. AN. LVII. M. II  
M. H. N. S  
IN FR. P. XII  
IN AGR. P. XII

21.

M. CAECILIO  
NOVATILLIANO C. V  
ORATORI ET POET  
AE INLVSTRI ALLE  
CTO INTER CONSV  
LARES PRAESIDI  
PROV. MAES. SV  
IVRIDIC. APVL. ET. CA  
LAE. PRAET. TRIB. PL  
Q. PROV. AFRIC  
SPLENDIDISSIMVS  
ORDO  
BENEVENTANORVM  
PRIVATIM ET PVBLIC  
PATROCINIO EIVS  
SAEPE DEFENSI P. DD

E schedis Verusii.

24.

MARCELLINVS  
FL. CORNELIO MARCELLINO  
V. C. corr. Apulia ET CALA  
BRIÆ  
OB INSIGNIA ejus beneficia  
ET AMOREM erga patriam  
VRBS BENEVENT. locandam  
decrevit

[a] Muratorius pag. 1032. num. 8. in fine legit STATVENDVM, subditque: Pro Statuendum scriptum reor Statuam aut Statuam ponendam: At primum mendosè, posterius importunè; nam lapis præclare Statuendam habet, subintellige Statuam, quam rectè silet Titulus, dum præfens eadem Titulo imposita aderat: sic in altero nostro lapide heic pag. seq. num. 25. censuit ponendam, nulla Statuæ mentione adjecta. Notanda in hoc lapide sunt Senatus Populique Beneventani epitheta, ille enim Splendissimus, hic Honestissimus audit: Prius passim in vetustis monumentis occurrit, eoque epitheto Coloniam Phœnicem Patriam suam ornauit Ulpianus in leg. 1. D. De Cenf. Posterius perrarum est.

[b] Apud Muratorium quoque invenies ead. p. 1032. n. 5. ubi Regiones Duas rectè explicat Apuliam, & Calabriam, uti ex aliis lapidibus hujus Classis confirmari potest. Vox græca Adelphi (sive tamen scripta) inter Clodii Celsini nomina an sit referenda, non satis liquet: quod si ita est, inusitatissimi prænominis loco fungetur, ac si diceretur FRATRI CLODIO CELSINO: vix apud eundem Murator. pag. 303. num. 3. occurrit Adelpus Proc. & apud Grut. pag. 992. n. 7. Salustia Q. L. Adelphi. Plures epistolæ S. Leonis PP. I. nempe 117. & seqq. signantur: Adelpio Viro Clarissimo Consule, quem Falsi statuunt ad an. Chr. CDLI.; unde non infrequens ejus

ævi (ad quod noster lapis accedit) nomen, quo summi Viri vocari gaudebant. At si vim significationemque vocabuli attendamus, verisimilius illud fortasse erit, non ibi Nomen aliquod personæ contineri, sed illam potius BENIVOLENTIAM indicatam videri, qua Beneventanos Clodius hic Celsinus prosequutus prædicatur.

[c] Fædè corruptum hunc lapidem exhibent Spohnius fœd. IV. pag. 174. & ex eo Fleetwood p. 162. n. 1., nam lin. 3. (quæ ipsis est 2.) scribunt CVR. pro C. V. i. e. Curatori pro Clarissimo Viro: lin. 6. & deinde omnia turbant sic. Praefidi Prov. Massie Quæst. Africa, Praef. Jurisd. Hispan. cit. & Calabrie: quod quidem commentitium Jurisdicundo Hispanie Citerionis munus observatione dignum Fleetwood notat: ad hæc, uterque reliqua munera, quæ in lapide leguntur, omittit, nempe Prætoris, & Tribuni Plebis, quibus etiam M. Cæcilius Novatillianus perfunctus fuit: Quisnam fuerit hic Vir tum publicis muneribus, tum Oratoria facultate, Poetice illustris, hæcenus mihi incomperitum: nec mirum; sub exitum sæculi I. I., aut etiam sæculo II. I. floruisse indicat Juridici Munus, & lapidis phrasis: an igitur pro ea sequiore ætate illustris Poeta, & Orator, cujus scripta perisse haud magnopere posteri doleant? Hinc Viri superstitem famam & nomen satius fuerit, ut soli Beneventani hoc insigni honoris monumento servarint.

In of-



In officina ante S. Aedem Majorem, (a)

25. T. ANONIO MARCELLINO  
V. C. CONS. CAMP. PATRO  
NO DIGNISSIMO OR IN  
SIGNIA BENEFICIA QVI  
BVS LONGA POPVLI TAE  
DIA SEDAVIT VNIVER  
SA PLEBS BENEVENTA  
NA CENSUIT PONENDAM

Basis refossa inter rudera Capitolii Beneventani.

ANICI BASSI

27. ANICIO AVCHENIO BASSO V. C.  
PROCONS. CAMP. PANIAE  
VICE SACRA IVDICANTI . . .  
. . . . . RESTITV  
TORI PATRIAE IAM INDE  
AB ORIGINE PATRONO QVI  
OMNIBVS IN COMMUNI  
EST DECORI BENEVENT. PLEBS

E schedis Verusii, sed initio mendosam correxi  
& amplius illustravi pag. 130.

26. . . . . VNDIS PRATORI  
CANDIDAT. LEGATO  
PROV. AFRIC. DIOE  
CESEOS HIPPONENSIS  
ADLECT. INTER PRAET  
A DIVO COMMODO ET IN  
TER PATRICIOS TRIB  
LATICL. LEG. V. MACED  
XVIRO STLITIB. IVDIC  
OE SINGVLAREM ERGA PA  
TRIAM CIVISQ. ADFEC  
TIONEM P. DD.

Basis altera ad eundem Anicium pertinens, refossa  
in fundamentis Ecclesiae PP. Scholarum Piarum.

ANICI BASSI (b)

28. ANICIO AVCHENIO BASSO V. C.  
PROCONS. CAMP. SVP. IVD. . . .  
PRAESTANTISSIMO VIRO . . .  
. . . . . NOMINI CIVIS SINGULARI  
EXIMIVM MVNVS ET PECVLIA  
RE PRAETER ALTEROS HONO  
RES INSIGNE REGIO EXQVILI  
NA RECTE FACTORYM OMNIA  
VM MEMOR LOCAVIT

Retrò Aedes olim de Moscarelli Basis inscripta facie muro immissa, & solo latere ad muri  
superficiem exposita, in cuius ima parte haec leguntur a me descripta.

## 29. POSITAE PRAESENIE HIRIRINO COS. XVI. KAL. DEC (c)

d 2

Bene-

[a] Est apud Donium Cl. v. n. 218. diversa tamen li-  
nearum distributione, qui etiam initio pro ANONIO le-  
gitur NONIO: Notat ibi Cl. Goriis aliquibus mendis cor-  
ruptam haberi in Gruteri p. 357. n. 5, sed rursus Gru-  
terus edidit pag. 371. n. 1, atque in prima pro ANONIO  
legit ANTONIO, in secunda vero AVONIO. Quod unum  
duplaxat mendum in utrumque Gruterianum examplar  
irrepsit; Haud melior tamen Donius NONIVM nobis ob-  
trudens, qui ad fidem lapidis omnino ANONIVS est; quod  
si de fide lapidis non constaret, potior erit ANTONIVS  
Gruteri, nam, ut ibi notat Gudius ad *Antonium Mar-  
cellinum* data legitur Lex 1. Tit. 1 II. lib. 11. Cod. Theo-  
dof: Ceterum, nisi marmorarius *Anonium*, pro *an-  
tonio* sculpsit, *Anonia*, sive *Annonia* Gens haud pro-  
fus ignota apud eundem Gudium p. 228. n. 5. & in Indi-  
ce Muratorii Cl. XVII. p. 2226. Quae fuerint *longa* Bene-  
ventanorum *Tadia*, quae Anonius *sedavit*, dum conji-  
cere haud promptum sit, neque etiam divinare fas erit.  
Illud notandum, quod *Tadia sedata* scribit Lapis, quae  
potius *securata* dicenda fuissent; unde ad Civiles, inte-  
stinalque Beneventanarum Plebis dissensiones, quas An-  
onius *sedavit*, referenda esse *Tadia* putaverim, quae pro  
quocumque malo, quod illorum causa esset, sequiori  
aetate usurpata docet Cangius.

[b] In huius lapidis lin. 2. illud svp. IVD. vel expli-  
cari potest sic: *Superiorum Iudicum Praestantissimo*, uti

pag. anteced. n. 22. Clodius Celsinus dicitur Praeterito-  
rum Iudicum Exempla Virtutibus supergressus: vel sic  
*Sacra Vice Publicè Iudicanti*, uti in altera ejusdem Ani-  
ci Basis haec n. 27. ; ita ut omisus vel à quadratario, vel à  
descriptore punctis, ea sigla coalescerint. Quid sit *Vice  
Sacra Iudicare*, explicat Fabretus p. 208. Aniciorum  
Arborem vide apud Reinesium pag. 67., qui hunc no-  
strum cum Fl. Philippo Consulatum sequenti tempore  
gessisse arbitrat A. Chr. 408.

[c] Ex hac laterali linea adeò barbarè litteratam Ba-  
sis huius faciem inscriptam fuisse conjicimus, ut omnis  
in eam Barbaries sese effuderit: Incertum vero, an no-  
stri homines eandem barbariem horrentes intra murum  
abdendam maluerint, vel potius barbariores ipsi, qui  
ejusmodi Cimelia nihili facientes, ut structoribus com-  
modius accidebat, vel parietibus (ut plura in nostra  
Urbe videre est) lateribus, facie immitenda aversa,  
vel etiam ad opplendas fundamentorum scrobes impune  
projicienda sinebant. Sed quod eandem lateralem li-  
neam spectat, interceptus in ea *Dies*, & *Consul* manifestè  
legitur, quibus Basis ipsa cum Statua cuiuspiam Viro  
Principi, aut Clarissimo dedicata fuit: At quis unquam  
Consul eo nomine, seu monstro HIRIRINO? Si rectè ac-  
cipio, Severinorum alteruter fortasse is fuerit, quorum  
alter Cos. An. Chr. 461. alter vero An. 482.: Duplex  
II pro E scribi solitum inferius observabimus.

# XXIV INSCRIPTION. BENEVENTANÆ.

Beneventi in Basi. Gruterus p. 460. n. 2. (a)

30. PVBLCIAE M. F  
FIRMILLAE  
LOCO, DAT. D. D  
M. PVBLCIVS. QVARINIVS  
CIVVS. DEDICATIONE. DATI. SVNT  
AB, EA. DECVRIONIBVS. SING  
H-S. VIII. N. MVNICIPIBVS. ET  
INCOLIS. SING. H-S. IIII. N

Beneventi ex Muratorio p. 1104. n. 1. (b)

31. A. OCTAVIO ERONI  
MAIORI  
COLONI  
ET  
INQVILINI

## CLASSIS

[a] Classẽ Illustriũ claudunt bini hi lapides Beneventani, quorum neuter præclarum aliquid aut Munere, aut Virtute, aut Beneficiã, de iis, quibus dedicatio facta fuit, deprædicat: Ad primum quod attinet, Statuam Publicæ Firmillæ à M. Publicio Quarinio dedicatam fuisse satis declarant ea inscripti Tituli verba: Cujus Dedicatione Dati sunt ab ea Decurionibus singulis sextertia octo numero, Municipibus, & Incolis singulis sextertia quatuor numero: ut jam miremur privatæ Fæminæ (M. Publicii Quarinii fortasse filia) eximium Statuæ publico loco Dato Decreto Decurionum honorem tributum: eo sanè processit ambitiosa honorum cupiditas: hæc Viros quidem tenuit, quos a suo ævo perstrin-gebat Horatius lib. 1. l. ode 24.

Si quæret PATER VRBIVM  
Subscribi Statuis, indomitam audeat  
Refrænare licentiam.

Sed & Fæminas (ambitiosius fortasse genus) mox pervasit, frustra vociferante Catone, cujus (ut refert Plinius lib. 34. cap. 6.) in Censura vociferationes fuerunt, Mulieribus Romanis in Provinciis Statuas poni: Quid vero Cato, si etiam Mulieribus Municipalibus, ac nulla ex causa, ut heic, id permisum vidisset: At ejusmodi honores faciliè tum pretio comparabantur, nam & hæc nostra Publicia splendidissimâ munificentia usa est; non enim Decurionibus solis, sed Municipibus etiam universis, immo & Incolis quoque viritum ingentem pecuniæ vim elargita fuit: Municipes autem ab Incolis rectè Publicia distinxit; diversos enim fuisse docet Ulpianus in L. 4. D. De Muner. & Honor. ac etiam Lapis apud Donium Claf. v. n. 62. ubi Municipes, & Incolæ ære collato monumentum dicarunt C. Avidio, ad quem lapidem V. C. Gortius hæc sublit: Inter utroque aliquod discrimen interfuisse non dubito; nam Municipibus ad Magistratum, & Honorum gradus tum in Municipio, tum Romæ, utpotè Civibus, aditus patebat: Incolæ vero, etsi in Municipio degerent, quasi Cives, tamen sine jure Civitatis, & suffragiorum erant, nec honorum gradus consequi poterant: Vid. Festum V. Municeps. Sed clarius rem nos docebit laudatus Ulpianus in L. 4. D. Ad Municipal. Municipem (inquit) aut Nativitas facit, aut

Manumisso, aut Adoptio, & propriè quidem Municipes appellantur Muneris participes, recepti in Civitate, ut munera nobiscum caperent, sed nunc abusosè Municipes dicimus suæ cujusque Civitatis Cives: Incolæ vero est, qui in aliquam regionem domicilium suum contulit, quem Græci *κατοικοι* appellant, ut ait Pomponius in l. 239. ff. Incola. D. De Verb. Signific. adeoque Mulier, quandiù nupta est, incola ejusdem Civitatis efficitur, cujus Maritus est, l. ult. ff. Rescripserunt. D. Ad Municipal. Itaque Municipes Origo, Incolas Domicilium facit, utroque autem, diversâ licet ex causa æquè Cives fuisse constat, omnium Munerum, & Honorum æquo jure participes, ut probatur ex Leg. 39. D. Ad Municipal. Leg. 3. Cod. De Municipibus, & Originariis, Leg. 1. & 3. Cod. De Incolis &c.

[b] Posteriorẽ hunc lapidem postquam Beneventi extantem attulisset Muratorius, rursus iisdem conceptis verbis recudit p. 112. n. 3. cum hac epigraphæ: In ruinis Lunensibus d. Schedis Cyriaci: Sed ad Beneventanum, quem antea edidit, hæc habet: A Vellejo deducta Beneventum Colonia dicitur. . . . Colonorum nomen in hoc marmore idem refatur: Inquilini sunt veteres habitatores, sive Municipes: Sed neutrum probari potest. Certè apud Gruter. p. 602. n. 5. C. Virgilius Martanus Colonos Agri Cali Eneæ monumentum posuit Anulena Certæ Colonæ Agri SS. i. e. supra scripti: etiam apud Gudium p. 76. n. 2. C. Arunceius Colonis, Incolis, Hospitibus, Adventoribus, servisque eorum lavationem gratuitam dedit: Hinc jam vides, qui propriè sint Coloni in nostro lapide memorati, ii nempe, qui non pro publico Colonæ jure, sed pro sua conditione, seu professione rustica prædia colebant: Id quod certum omnino facit Inquilinorum vocabulum, quod Colonos subiequitur; quandoquidem (ut Marcianus utriusque nominis differentiam explicat in l. 37. D. De acquiren. p. 105) pro Colono in agro, ædibus autem pro Inquilino fit: itaut illi rusticis, hi urbanis prædiis adscripti demonstrentur: Ejusmodi igitur Coloni, Inquilinique A. Octavio, qui pari eos Beneficio fortasse affecerat, hoc honoris monumentum dedicasse censendi sunt.



# CLASSIS QUINTA

## Operum Publicorum.

Apud Appianum, sed, ut videtur, ἀντὶ τοῦ lapidis, cujus initio deest IMP.  
sed & post DIVI desideratur P. id est FILIVS.

1. CAESAR. DIVI. AVG. PONT. MAX  
EX. S. C. REFECIT  
Prope Aedes DD. De Nicastro


2.

BENEVENTI  
PORTICVM SVA PECVNIA F  
OMNE CVLTV EXORNATVM  
COMMODVS PIVS FELIX ET  
PRAETORIO DEDICAVIT

Ad S. Deodati. De Via Trajana peculiari  
Dissertatione egi heic pag. 175.

Ante Aedes D. Marchionis Pacca. In duplici  
fragmento Columnae Milliariae.

3.



4.

VIII  
IMP. CAESAR  
DIVI TRAIANI  
PARTHICI F. DIVI  
NERVAE NEPOS  
.....  
MILLIA PASSV  
VM XVI. LONGA  
VETVSTATE AMISSAM  
ADIECTIS . . . . C  
. . . . OSSESSORES  
AGRORVM CONTVLE  
RVNT FECIT

Gruterus pag. 1020. num. 2. Prope Beneventum in Via Appia, i. e. in Ponte Leproso,  
quem eundem esse in hac Inscriptione memoratum jam dixi pag. 181. (a)

5. IMP. CAESAR. L. SEPTIMIUS. SEVERVS. PIVS  
PERTINAX. PONT. MAXIMVS. TRIB. POT. VI  
IMP. CAES. M. AVRELIVS. ANTONINVS  
AVG. IMP. SEVERI. AVG. F. TRIB. POT.  
PROCOS. PONTEM. VETVSTATE. DILAPSVM  
A. SOLO. SVA. PECVNIA. RESTITVERVNT

Murator.

[a] In hac, ac sequenti constanter Severus Procon-  
sulit titulum sibi usurpat. Jos. Scaliger epist. LXVI. ad  
Casaubonum doceri ab eo cupit, cur Severus, aliquis eum  
sequeuti Imperatores Proconsules vocentur in Inscriptio-  
nibus, additque: Hoc non mediocriter mirari soleo,  
quia causam ignoro: Casaubonus vero mirabatur aequae  
nummorum, aliorumque silentium, causamque sibi  
etiam latere fatebatur, cur Trib. Potestate, aliisque  
numeratis dignitatibus, solus praeteritus sit Proconsula-  
tus. Utriusque admirationem, seu ignoranciam dis-  
pellere conatur Spanhemius De Praest. Nam. Diss. 8.  
p. 709. ac primam rei causam putavit, quod non semper,  
aut in Urbe, sed extra Pomarium dumtaxat eum titu-  
lum susceperent Imperatores: In quo tamen falsus is fuit  
ex iis, quae Archiep. de Marca De Conc. Sac. & Imp.

l. v. c. i. recte observavit, majus nempe jus, quam in  
ceteris Proconsulibus, in Caesaribus confedisse, quibus  
id datum, teste Dione, ut etiam in Urbe Proconsulare  
Imperium retinerent; hinc contra Eruditos retinendam  
Capitolini lectionem docet, qui Antoninum M. Aure-  
lio Trib. Potestatem, & Proconsulis Imperium extra  
Urbe[m] contulisse scribit, non enim [ut eruditi cen-  
sebant] supervacua adjectio extra Urbe[m], eum de Prin-  
cipe agatur: Sed causam alteram Spanhemius ex eo re-  
cepit, quod Proconsularis potestas infra aliarum fastigium  
conferretur; ideoque ab Augustis inter alios titulos ne-  
glecta; sed neque posterior causa haec probari meretur,  
si eundem Spanhemium audiamus ita obiter eodem loco  
differentem: Totam nempe, aut certe praecipuam vero  
hujus Proconsularis Potestatis in Imperatoris vocabulo  
jam

# XXVI INSCRIPTION. BENEVENTANÆ.

Muratorius p.457. n.1. sic citat: *Apud Pileam* (vulgò Appellofa tertio ab Urbe lapide) euntibus Beneventum; è schedis Cyriaci apud Phil. Stofck. (u)

6. IMP. CAESA L. SEPTIMIUS SEVERUS PIVS PERTINAX AVG  
ARABICVS PARTHICVS MAXIMVS PONTIF. P. P  
TRIB. POTES. XI. IMP. XI. COS. IIL. PROCOS. ET  
IMP. CAES. M. AVRELIVS L. F. ANTONINVS PIVS FELIX AVG  
TRIB. POTES. VI. IMP. VI. PROCOS  
INCENDIO CONSVMPVTVM RESTITVERVNT

E schedis Verufii ante dirutam Ecclesiam S. Spiritus: Supplevi, & latè illustravi in  
De Oper. Public. Dissert. x. cap.4. pag.271.

7.

IVSTITIA ADMIRABILI CASTITATE CONSPICVO  
... ATORI FORI PRO... PARTE CONLAPSI IN RVIN  
CONDITORI MOENVM RESTITVTORI REGIONIS  
VIAE NOVAE REPARATORI THERMARVM COMMODIA  
NARVM RESTITVTORI COLLEGIORVM REPARATORI  
PORTICVS DIANA REPARATORI BASILICAE LON  
GINI AC TOTIVS PROPE CIVITATIS  
HOSTILE INCENDIVM CONDITORI  
INSIGNIA EIVS IN OMNEM PRO... IN  
PRAECIPVAQVE IN SE ET PATRIAM... MERITA  
POPVLVS BENEVENT  
AD AETERNAM MEMORIAM  
STATVAM CONLOCAVIT

In Arcu Pontis Leprosi Fragmentum ingentis lapidis eleganter insculpti. Vide p.273.  
ubi de Ludis Palmaribus hætenus ignoratis plura dixi.

8. IDEM. BASILICAM. IN. QVA. TABVL. MVNERIS. AB. EO. EDITI  
POSITAE. SVNT. CONSVMMAVIT. LVDS. PALMARES. OB. DEDICATIO  
NEM. EARVM. NOMINE. EVPLOEAE. SVAE. EXHIBVIT. PORTICVM  
OMNI. ORNATV. ELEGANTIAE. IN. QVA. EDITIO. PRIMI. LVSTRI  
MVNERIS. QVINQVENNAL. MVNIFICENTIA. PRINCIPALI  
CONTINETVR. EX. VOLVNTATE. EVPLOEAE. SVAE. FECIT

In Aedibus olim Lutorum. [b]

9. SATIRVS CRESCENS  
V. C. CVR. R. P. BN EX  
LOCIS ADDITIS  
VSVI ADQVE SPLEN  
DORI THERMARVM  
DEDIT

Gruter. p.193. n.2.

10. CLODIVS  
OCTAVIANVS  
V.C. DE PROPRIO  
ORNATVI DEDIT

Prope dirutam Aedem S. Spiritus.

11. BALNEVM VIRIL  
ET MVLIBRE  
TABERNAM

## CLASSIS

jam esse repositam, cujus auspiciis reliqui Praefides bella  
suscipiebant, & quo uno nomine supremum rerum arbi  
trium, omniaque Magistratum iura in Caesares translata  
aperte docet Dio: Atque hæc quidem verior rei causa  
videri potest, quam nescius ipsemet Spanhemius docuit.  
haud Spanhemii vero nescius fortasse, pluribus inculcat  
Vinc. Gravina De Rom. Imp. c. x. qui hæc demum sub  
dit: Proconsularem Imperium sæpius omittitur, quia  
omnium opinione cum jure Imperatoris coherebat, ut  
opus eo expresso non esset.

[a] Ad hunc lapidem hæc habet cl. Muratorius: Ean  
dem Inscriptionem, sed mancam protulerat etiam Grut.  
p. 172. n. 5. post Sinesium: Ipsa autem pertinet ad an.  
Cb. 203. aut 204. Dicitur hic M. Aurelius Antoninus,  
Sc. Caracalla 188 p. vi. sed numismata repugnant. Nume  
rus vi. ex Trib. Potestate hic etiam irrepisse mihi credi  
tur. At fallitur primo Muratorius, qui hanc eandem,  
quæ in Grutero, esse censet: nam illa Romæ extat,

nec verborum consensus Viri docti iudicium tueretur,  
quandoquidem dum de operibus publicis restitutis agi  
tur, omnes pene tituli iisdem conceptis verbis inscribi  
solent, nulla [ut sæpe, ac recte fit] ejusdem operis  
adjecta mentione, quod eodem titulo ob oculos demon  
stratur. De Imperatoris numerali nota, haud hic lon  
gum faciam, cum non ipsa constanti annorum serie, sed  
a partæ Victoriz eventu, quoties accidisset, militum  
acclamatione deferri consuebat. In annos Trib. Pote  
statis nullum video irrepisse mendum, sed exactissimam  
ejus constare rationem: nam si cum annis Imperii [ut  
sæpissime factum fuit] ea sit numeranda, certe ab an  
no 198., quo Severus Caracallam filium sub M. Antoni  
ni nomine in Imperii confortium adiecit, ut Chrono  
logi statuunt, jam in an.203. nonnisi Trib. Potestas vi.  
haberi debuit, quam fidè satis refert Inscriptio.

[b] Lin. 2. sic explic. Vir Clarissimus Curator Rei Pu  
blicæ Beneventi.



# CLASSIS SEXTA

## Spectantia ad Collegia.

In atrio Aedium mearum

In angulo viae mediae, qua divertitur ad S. Francisci.

I. VE SEDIO RVFINO  
V. P. ADVOCATO FISCO  
SUMMAE REI IUDICIO  
SACRO PROMOTO PATRO  
NO SPLEND. CIVITATIS  
BENEVENTI ET PVTEO  
LANORVM PATRONO STV  
DIORVM IIII. MARTENSIVM  
VERZOBIANVM ET MARTEN  
SIVM PALLADIANVM ET...

2. C. VE SEDIO RVFINO PERF  
ET PRAESTANTISSIMO VIRO  
FILIO VESEDI IVSTI INLVSTR  
ET PRINCIPALIS VIRI BENE  
VENTANAE CIVITATIS.....  
.....  
..... D. .... P. R. ....  
..... PATRONO  
STVDIVM PALLADIANVM

Prope Aedes D. Principis Morrae ad D. Dominici.

In Porticu vocato Pontile e schedis Verusii, sed nunc  
literata facies intra murum latet.

3. C. VMBRIO EVDRASTO C. F  
STEL. PATRONO COLONIAE  
BENEVENTANORVM IAR  
GISSIMO ADQVE HONORIFI  
CENTISSIMO VIRO  
QVOD IS A SOLO CANOPVM PRO  
PRIIS SVMPTIBVS PERFECERIT  
COLLEGIVM MARTENSIVM  
INFRAFORANVM MEMOR  
LIBERALITATIS ET HONORIFICENT

4. TVLLIDIO ARGOLICO  
..... DICIO  
.....  
SAC. .... SIMO ET  
COMITI FABRICARVM  
TOTIVS CIVITATIS  
BEN. VRBIS OB INSIG  
NIA MERITA EIVSDEM  
PATRONO VNIVERSI  
LFONTIANI STATVAM  
PONENDAM DVXERVNT.

E schedis Verusii.

In Aedibus DD. Terragnoli via recta. [b]

5. .... ILARO MERCVR  
..... OSIMAE VXORI  
.....

6. CN. RVSTIVS CN. L  
FESTIVOS MERCVRIA  
ET MERCATOR SIBI ET  
RVSTIAE CN. L. MA. CONLIB  
FECIT. H. M. H. N. S

Prope

[a] Univerfos hujus Classis lapides ex instituto illustravi in Dissertatione de Collegiis, quam habes p. 159. Restat, ut heic aliqua breviter observemus, quae non illis oportuna, aut memoriae obvia: Itaque quaerendum videtur, quid sit in hujus lapidis fronte solitarium illud *Verzobi*, & in altero heic. n. 2. illud *Nebuli*. Saepe occurrunt lapides saeculi IV. ac deinceps, nomen aliquod solitarium gignendi casu in fascia coronali Basis inscriptum habentes. Morem hunc [de quo nihil haecenus legisse memini] donec meliora alii afferant, in ampliore illius Viri honorem referendum putaverim, qui lapidis dedicationem aut accepisset, aut fecisset; propterea quod cum hi lapides in Foro, Capitolio, Thermis, vel celeberrimo alio Urbis loco, ut in omnium conspectu essent, poni tollerent, in tanta lapidum segete oculis occurrente, satis cuiusque honori consultum videbatur, dum ejus nomen summa lapidis parte inscriptum praetereuntem oculis nullo labore se offerret, atque ad titulum legendum deinde alliceret. Atque haec quidem veri satis similia videri queunt, dum Nomen illud soli-

tarium ad alterutrum pertinet, qui lapidem, vel promeruit, vel dedicavit, sic pag. seq. n. 7. lapis *Pubio Crespino* dicatus, *CRESPINI* habet in fronte: quid vero de aliis, ubi nomina sibi non respondent? Certe neque *Verzobi*, neque *Nebuli* quae heic occurrunt, iterum in inscriptione leguntur: Doceri malo, quam ineptum quid dicere.

[b] Habet Gruterus p. 645. n. 7. qui lin. 1. mendose habet *RVSTIGVS*. Sed Gens *RVSTIA*, uti ex aliis lapidibus constat, Beneventi summo loco floruit. Lin. 2. *FESTIVOS* pro *FESTIVVS*, more veterum, qui eandem vocalem in eadem ditione geminare abhorrebant, ut alibi notavi. ead. lin. *MERCVRIA*. i. e. *MERCVRIALIS*. De Mercurialium Collegio dixi p. 165. lin. 4. lege: *RVSTIAE CNAEI LIBERTAE MATRI CONLIBERTAE*; quae nempe cum eodem Rustio filio eandem servitutem servavit, & ab eodem Domino ambo libertate donati. Postrema sigla sic explicantur: *Hoc monumentum Rustedem non sequitur*. Quod saepe in nostris; ac semel docuisse sufficiat.

# XXVIII INSCRIPTION. BENEVENTANÆ.

Prope Ædes Marchionis Pacca.

CRESPINI (a)

7.

C. VIBIO CRES  
PINO AR AVO  
ET MAIORIBVS  
COLLEGIÛM CIVI  
TATIS PATRONO  
COLLEGIVM MAR  
TENSE VERZO  
BIANVM

Sub Arcu  
Pontis Ieprosi.

8.

....ESTERTI...  
....PRIMVS....  
...BENEVENTI..  
STVDIORVM OR  
CHESTO PALES..  
INSTITVTI.....  
.....  
.....

Prope Æd DD. De Aquila. Gudius  
p.207. n.4. Donius p.351. n.34.  
Muratorius p.525. n.1. [b]

9.

C. VMBRIO VIBIO  
NVMISIO DRVSO  
PATRONO REIP  
GLOSSIMO CIR  
CA OMNES CIVES  
ET LIBERALISSI  
MO SEMPER CIR  
CASE COLLEGIVM  
MARTENSE  
VERZOBIANVM

Sub Arcu Pontis Coloris, & apud Fabrett. p.232. n.610. & Mazoch. in Amphith. c.8. p.154.

10.

M. NASELLIVS M. F. PAL. SABINVS (c)

PRAEF. COH. I. DALMATAR. ET NASELLIVS VITALIS  
PATER AVG. QVINQ. PAGANIS COMMVNIB. PAGI LVCVL  
PORTICVM CVM APPARATORIO ET COMPITVM A SOLO PECV  
SVA FECERVNT ET IN PERPETVVM VI. ID. IVN. NATALI SABINI  
EPVLANTIBVS HIC PAGANIS ANNVS X CCXXV. DARI  
IVSSERVNT EA CONDITIONE VT NON. IVN. PAGVM LVSTRENT  
ET SEQVENTIBVS DIEBVS EX CONSVEVDINE SVA CENENT  
ITEM VI. ID. IVN. DIE NATALI SABINI EPVLENTVR QVOD SI  
FACTVM NON ERIT TVM HIC LOCVS VT SVpra SCRIPTVM  
EST CVM ANNVIS X CCXXV. IN PERPETVVM AD COLLE  
GIVM MEDICORVM ET AD LIBERTOS N. PERTINEAT VT  
II. VI. ID. IVN. DIE NATALI HIC EPVLENTVR

Classis

[a] De Crespini nomine in fronte hujus lapidis posito dixi pag. antecedenti. C. Vibius Crespinus dicitur Patronus Collegium i. e. Collegiorum ab Avo & Majoribus Duvm generum Patronos fuisse constar; aliis enim Patronatus concedebatur ad tempus, aut ad ipsius Patroni vitam; aliis vero, ut in eorum familia perpetuo maneret: Priorum exemplum dabit M. Tullius Cicero, qui ut saepius ipsemet testatur, Patronus a Capuensibus fuit delectus, quod quidem jus, honosque Ciceronis personae adhæsit. Posteriorum præbent Bononienses, quos antiquitus in Antoniorum clientela fuisse tradit Svetonius in Aug. c. 16. In posteriorum ejusmodi Patronorum numero fuit C. Vibius Crespinus, qui propterea ab Avo, & Majoribus Patronus appellatur: Huc etiam pertinet formula illa ab origine Patronus, quam exhibet lapis, apud Fabrett. p.101. n.232., vel longe a majoribus originalis apud Gruterum p.459. 1.; ejusmodi autem originalium Patronorum cooptationis formulam discimus ex Tabula ænea apud eund. Fabrett. p. 364. cui binas alias etiam æneas respondentes ad Archetyporum fidem re-præsentatas edidit V. C. Scipio Maffejus Hist. Diplom. p. 38. in quarum altera Civitas Themetra ex Africa, in altera Senatus Populusque Thimiligenfis C. Silius Avio-lam, cum, Liberos, posterosque ejus sibi liberis posterisque suis Patronum cooptaverunt: ac vicissim C. Silius Civitatem Themetrensem, & Teimiligenfes universos, liberos, posterosque eorum sibi liberis, posterisque suis,

suorumque in fidem, clientelamque suam suorumque recepit. Quid sit Collegium Martensium, jam explicavi pag. 169

[b] Mirum, quot mendis hic lapis hætenus sædatus prodierit. Gudius, & Donius n. 1. habent VMBRIO. contra fidem hujus, aliorumque nostrorum lapidum, qui Vmbriam gentem satis illatrem Beneventi floruisse docent. lin. 2. PRIMVSIO. lin. 3. omittunt REIP. lin. 4. legunt RELIGIOSISSIMO; sed lapis vel mendose, vel contraRo vocabul, ob lineæ angustiam habet GLOSSIMO i. e. GLORIOSISSIMO. in. ult. Gudius habet ET BOBIANVM. Donius, ac Muratorius ET BOIANVM. quod Muratorius ad celebrem olim Samnitium urbem Bovianum importune referendum notat: sed noster lapis habet Verzobianum notissimum Beneventanorum Collegium, de quo saepius in hac Classe.

[c] In varias Classes referri potuit hic lapis, tum ob militarem Nasellii filii professionem, qui etiam Præfector Cohortis 1. Dalmatarum perfunctus fuit, tum ob Sacrum Nasellii Patris ministerium, qui lin. 3. dicitur AVGUSTALIS II. i. e. Iterum XVIIIennalis: sed placuit ob Medicorum Collegium ibidem memoratum hæc locare. De Medicis fuse egi in Dissert. de Re Literar. p. 208. Hujus vero lapidis, cujus testimonio non semel usus sum partes omnes illustravi pag. 167. & 277. ubi etiam menda, quæ in VV. CC. Fabretti, & Mazochii exemplaria irreperant, notavi.



# CLASSIS SEPTIMA

## Ad rem Militarem pertinentia.

Ad S. Viſtorini. (a)

Prope Aedes DD. Marchionis Pacca. (b)

I. L. LAETICIO L. F.  
STEL. RVFO  
TRIB. MIL. LEG. XII  
DON. HASTA PVRA  
CORONA VALLARI  
AEDILI QVAES. TVIRO  
I. D. PRAEF. FABRVM  
ATTEIA Q. F. PRISCA  
VXOR E. M. F.

2. CN. MARCIO CN. F. RVSTIO RVFINO PRAEF  
COHORTIVM VIGILVM IMP. L. SEPTIMI  
SEVERI PII PERTINACIS PRAEFECTO  
CLASSIVM PRAETORIARVM TRIBVNO CO  
HORTIVM PRIMAE PRAETOR. ET. VI. VIGIL  
TRIBVNO LATICLAVI LEGIONVM  
III. CYRENAICAE III. GALLIC. ET....  
..... P. F. SALINATORIA AVGVSTINA  
.....

In Oppido Oſſroc Comitatus *Hadzseg*  
in Tranſilvania. Murator. p. 843. n. 4. (c)

Prope Roſcios, &amp; apud Gruter. p. 559. n. 1.

## 4. SEX PILONIVS

SEX F. .... STE. MODE  
STVS BENEVENTO  
7. LEG. I. III. F. F. III. HAS  
POST. ANN. XXX. H. OR  
DINE ACCEPIT EX  
EQVITE ROMANO  
MILITAVIT IN LEG  
VII. C. P. F. ET. VIII. AVG  
XI. C. P. F. MINER. P. F  
STIPENDIO CENTVRIO  
NI CI. .... XVIII  
H. S. E. S. T. T. L.

3. RVSTIAE SA  
BINAE QVAE  
VIXIT AN. VII  
MENSIBVS XI  
DIEBVS II  
CN. MARCIVS  
RVSTIVS RVFIN  
PATER TR. COH  
VI. VIGIL. ET  
SALINATORIA  
AVGVSTINA  
MATER FILIAE  
DVLCISSIMAE

[a] Inter militaria dona, quibus strenui milites decorari solebant, praecipua fuisse *Hastae pura*, & *Coronae Vallares*; de quibus ad hunc lapidem disserui in *De Re Milit.* pag. 223. Civilia, & Militaria munera ab eodem uno, sed diverso tempore administrata censeri debent; cum scilicet cuipiam post civilem vitam, militarem deinceps agere placuit, vel potius militiam perfuncto civilia munera, atque honores patebant: quod sane ex Romanorum instituto erat, qui Civium nullum ad Magistratus capeſſendos admittabant, nisi dena prius militaria stipendia perfecisset, ut ex Polybio lib. vi. §. 17. aliisque satis notum.

[b] Rustium hunc summis militariae muneribus praclarum inter Beneventanos Cives retuli pag. 224. ubi hunc lapidem explicavi. Propterea lapidem alterum haec n. 3. adieci, ubi is nondum majora assequutus, sed Tribunatu tantum Cohortis vi. Vigilium tum potitus cum *Salinatoria Augustina* Uxore tumulum posuit Rustii filiae defunctae: ex quo etiam huius lapidis postrema linea intelligi, ac satis apte suppleri potest, nam *Salinatoria Augustina* (quam alii ad Legionis nomen pertinere arbitrabantur) nonnisi ejusdem Rustii Uxor

accipienda erit, ut jam lacunam sic impleam. Vxor VIRO B. M. F.

[c] Plura dixi ad hunc lapidem in *Dissert. De Re Militar.* pag. 231. Ad Muratorium misit Apostolus Zenno; edidit quoque Cl. Marchio Maffei. In postrema linea P. Duellius [ut Muratorius notat] sic legit: P. S. B. ST. TI.; sed retinendam omnino Zeni lectionem sigla ipsa suadent, quae aliarum Inscriptionum exemplo comprobata, sic congruè explicari queunt. NIG SITVS EST. SIT TIBI TERRA LEVIS. De tribus primis siglis protrita res est, nec in nostris lapidibus exemplum deest. De posterioribus quatuor, quibus superstites defuncto *Terram Levem* esse adprecantur, plura ex optimis Scriptoribus selecta dat Brissionius de *Formul. Antiq.* l. 1. c. 146. Quid sit lin. 2. lacuna illa non video: ex descriptoris certè oscitantia inveniā credo, nisi ibi FILIVS extense, aut SEX. N. i. e. Sexti Nepos. Notandum etiam lin. 3. Patriae vocabulum post Piloni cognomen de more adjectum, ad Tribus differentiam, quae semper cognomen praecedit. De 7. consueta Centurionis significandi nota dixi pag. 231.

Prope

Prope Æd. DD. De Nicaſtro . Vid. p. 229.

Prope Ædes D. Principis Morra . (a)

5. . . . . F. CLASSETIVS  
 . . . . . RATVS  
 ..C.V. NATVS IIII. IDVS...  
 VALERIO LARGO ET MES  
 SALLINO COS. VITA FVNC  
 IDIB. APRIL. IMP. ANTONI  
 NO III. COS  
 VIXIT ANNIS LXI. MEN  
 SIBVS VI. D. XXIII  
 IMP. SEPTIMIO SEVERO  
 COS. ADLECTVS *inter*  
 PRAETORIOS A *Divo Com*  
*modo* . . . . .

6. M  
 . . . . . F. VLP. FLORVS  
 . . . . . EVOCATVS MIL. FEC...  
 . . . . . HIC IMP. SEVER...  
 . . . . . O TRANSLATVS IN...  
 . . . . . ANTONINO II. COS...  
 . . . . . *principalis* IN COH. SS...  
*Antonino* COS. PROMOTVS...  
 . . . . . COH. SS. ANTONIN...  
 . . . . . TVS OPTIO IN COH. SS...  
*Antonino* COS. FACTVM STL...  
 . . . . . *Lae*TO ET CERIALE COS...  
 . . . . . ADIVTOR QVAESTORIS...  
 . . . . . *Extr*ICATO COS. FACTVS...  
 . . . . . ONTIA *Coniugi*  
*b. m. f.*

E schedis Viglioui .

In Ædibus D. Marchionis Pacca .

7. A. SILANVS  
 COH. I. VIGIL.  
 SIGNIFER SIBI  
 I D. SILANO  
 FRATRI SVO IN  
 FR. P. XII. IN A. P. XII

8. M. ALBIO M. F. STE. LEG  
 XXX. SIGNIFERO  
 ALBIAE M. L. HILARAE  
 CVRTIAI P. L. CHILAE  
 EPAPHRODITVS ET CELER  
 LIBERTI F. C

In muro SS. Annunciatae .

9. L. FVLIONIO L. F. STE. SEVERO  
 PRIM. PIL. LEG. X. GEM. . . . .

In Pla-

[a] Detritum huius lapidis utrumque latus in ipſo exemplari ſuppletum, ſed non omnino reſtitutum exhibeo; neque enim ariolari fas erit, ubi propriorum nominum vocabula nullis literarum veſtigiiſ indicantur. Sed inter alia plura non mediocri lapidi pretium facere videtur Tribus VLPia, quæ lin. 1. occurrit: Scimus ex Panyinio de Civit. Rom. pag. 552. aliſque Archeologiſ Tribum Vlpiani in Trajani honorem fuiſſe inſtitutam, ut etiam *Juliam*, *Flaviam*, *Æliam* in eorundem Auguſtorum honorem; quæ quidem haud novæ Tribus ad veterum xxxv. numerum additæ, ſed veterum aliquas eo recenti nomine decorarunt. De Tri-

bu autem Vlpia, ſi Cruteri lapidem excipias pag. 532. num. 9. cui modo noſtrum adſcriimus, non alibi legiſſe memini: Recenſentur in hoc lapide plura militiæ munera, quibus diverſo tempore *Florus* fuit *promotus*; temporis autem notæ ſuis Conſulibus designantur: Sic lin. 5. ſcribitur *Antonino* [i. e. Caracalla] 11. *Cof. a. 205*. *Principalis* in 11. COH. SS i. e. in Secunda Cohorte Supra ſcripta. lin. 7. & 10. iterum Antoninus Conſul memoratur, i. e. an. 208. & an. 213. lin. 11. *Læto* & *Cerialis* Conſules ſignantur, qui an. 215. eum Magiſtratum geſſerunt. *Extrictatus* demum lin. 13. occurrit, qui an. 217. in Faſtis recenſetur.



# CLASSIS SEPTIMA.

XXXI

In Platea S. Ædis Majoris.

10.

C LVCCIVS C F  
S TEL. S ABINVS  
BENEVENTI<sup>i</sup> DECVRIO  
VIVVS SIBI ET OFILLIAE  
PARATAE VXORI ET LVCCIO  
VERECVNDQ FRATRI POSTERISQVE  
SVIS FECIT  
MILITAVIT. IN. COHOR. VRB. ADIVT  
TRIBVN. ORFIT. SECVTOR. OPTIO  
VALETVDI. OPTIO. ARGARI. SINGV  
LARIS. BENEFIC. TRIBVN. A. QVAESTI  
ONIB. FACTVS. PER. ANNIVM. VERVM  
PRAEF. VRBIS. ET. TESSERAR. OPTIO. SI  
GNIF. FISGL. CVRAT. OPTIO. AB. ACT. COR  
NICVL. TRIB. BENEF. VLTERI. ASIATIC  
PRAEF. VRB. MISSVS. AB. IMP. HADRIANO  
AVG. SERVIANO. III. ET. VIBIO. VARO. COS  
.....CIO CLARO COS  
IN F. P. XX. IN AGRO P. XX

C 2

Gr-

Insigni huic lapidi non modo ex ejus Authographo sinceram lectionem restitui, sed uberimum etiam Commentarium adjecti in *De Re Militari* cap. 3. pag. 241. sed adhuc pauca heic addam non ibi accuratius observata. Lin. 1. r. in nomine VLTERI ASIATICI PRAEF. VRB. emendavi exemplar Gruterianum, ubi legitur ASIATIC. In *Uterio* tamen mendum, quod suspicabar, detritis parumper ejus dictionis literis, auferre tunc non licuit: Sed nunc VALERII ibi scriptum omnino cenleo, sic monente literarum affinitate, nec non Romani nominis [a quo *Uterus* abhorrebat] certitudine ex *Gente Valeria* satis nota, ac denique Factorum fide, qui ad A.C. 46. C. Valerium Asiaticum Cos. habent, uti etiam Vaerium alterum Asiaticum Cos. Domitiani ævo exhibet Tabula ænea apud Gruter pag. 574. num. 6., ex quibus nostrum Valerium Asiaticum, qui Hadriani ævo floruit Praefecturâ Urbis insignis, satum nemo jure negaverit. Sed de hac re haftenus. Duo paria Consulum, quæ in hujus lapidis sine inscribuntur; nempe SERVIANO III. ET VIBIO VARO COS. .... CIO CLARO II. COS. i. e. *Severo*, & *Erucio Claro* II. Cos. ita explicanda esse censui, ut priores Consules ad Missionis annum indicandum, posteriores vero Consules ad monumenti dedicationem pertinerent: Cujus quidem explicationis pluribus argumentis probata: haud penitendum mihi video: Præstat modo, quod res isthæc amplius explicetur, moris illius causam perferunt, cur denuo paria Consulum aliquando in uno eodemque monumento signarentur: Exemplum dat Ulpianus in S. C. Hadriani tempore factum, ac relato in L. 20. ff. 6. D. *De Hered. Presit.* in hæc verba: *Pridie Idus Martias Q. Julius Balbus*, & *P. Juventius Celsus*, *Titius Aufidius*, *OEnus* [seu *Arrius*] *Severianus* Consules verba fecerunt &c. & quidem Wesfelingius lib. 11. observ. 21. existimat duos modo Consules memorari, quorum unus P. Juventius Celsus fuerit ordinarius, & toto anno Consulatu functus, sed alteri Q. Julio Balbo fuisse suffectum Neraetium Marcellum, qui ideo ordinario junctus ad Senatum resultit, & ordinarius illum habuisse plura nomina, ut diceretur *P. Juventius Celsus Titius Aufidius OEnus Severianus*: At non video, quare a Viro docto in hanc sententiam vocetur Marcellus Cos., quem etsi eodem anno Balbo suffectum constet, nullam tamen rei, de qua agebatur, partem ei tribuit Ulpianus, neque is habere poterat, qui post ejus Senatus Consultum tempus suffectum Consulatum inisse debuit. Satis igitur Wesfelingio fuisse duos tantum ibi Consules statuisse, non felici tamen conjecturâ, quam excludit tanta nominum seges, quibus alterum Consulem locupletasse voluit, quæ, etsi ille habuisset, haud tantum certè otii Ulpiano fuerit, ut singula tam accuratè enumerare satageret: Plures igitur, quàm duos ibi Consules memorari certum est, ac præter *Celsum*, & *Balbum*, reliqua nomina tertio tantum Consuli tribuit Trifstanus T. I. Comment. pag. 539. sed quare duobus tertius contra morem additus sit, prorsus silet: Rem majori luce adhuc illustrandam relinquit Cl. Burmannus de *Vestigal. P. R. cap. 6. pag. 86.* sed jamdiu Alcinius V. Parerg. & ex eo Gothofredus ad d. L. putavit in hoc S. C. electos Consules cum iis, qui jam fungebantur officio, connumerari: Quod licet difficultate non careat, Designatis, vel Suffectis Consulibus, dum Ordinariorum potestas nondum expirasset, in æquam potestatem admittis, veri tamen satis simile id crediderim sub Hadriano, qui [ut Spartianus refert] tertio Consules, quum ipse ter fuisset, plurimos fecit, infinitos autem secundi Consulatus honore cumulavit. Sed huic S. C., de quo satis egimus, alia exempla addam ex Grutero, qui Domitiani ævo Tabulam æneam exhibet d. p. 574. n. 6. sic: M. LOLLIO. FAVLINO. VALERIO. ASIATICO. SATVRNINO. C. ANTIO IVLIO QVADRATO COS. ubi tres saltem Consules agnoscendi debent, quum Valerius Asiaticus Saturninus diversus sit a Lollio Paulino, ad quem designatum Consullem est Plinii epistola ix. 37., cujus etiam ad Saturninum, & Quadratum diversæ sunt epistolæ: Sed & lapis extat pag. 607. num. 1. qui sic habet: III. NON. NOEMB. ANTIO POLIONE ET OPIMIANO COS. ORDINARIIS. SEVERO ET SABINIANO COS.: Uno verbo dicam, si laudati S. C. exemplum excipias, cujus peculiarem reddidimus causam, dum alibi plures, quam bini Consules pro nota temporis inscripti occurrunt, alteros quidem ordinarios, suffectos alteros accipere debemus, quorum alterutros pro temporis nota adhiberi solitos sexcenta monumenta docent; omnes autem ideo simul memorati videntur, ut, quum in eundem annum ipsorum omnium Magistratus inclidisset, omnium etiam nominibus inscriptis, atque adjectis, de eo anno certò certius constaret.

# xxxii INSCRIPTION. BENEVENTANÆ.

Gruterus pag. 454. num. 10. Romæ in Palatio Capranicensi, Applanus Beneventi fuisse dicit. (a)

II. D. M. S.  
Q. PLOTIVS. Q. F. QVIR  
ROMANVS  
EXORNATVS. EQVO. PVBL  
HONORIBVS FVNCTVS  
IN COLONIA. HOSTIENSI  
DECESSIT  
SVPERSTITIBVS. PARENTIBVS

Ad S. Francisci.  
13. VALERIANO  
VETERANO

sc CAORTIS VII  
FLAVIVS VALERIANVS  
ET VALERIA IVSTA  
PATRI B. M. F

In mœnibus Urbis prope Portam Rectoris Ingens  
marmoris fragmentum variis scalpulis in vertice  
ornatum, ac satis anguste inscriptum.

16. . . . . O. C. F. STEL. LEG. VI. ET  
. . . . . O. C. L. PHILOMVSO ET  
. . . . . O. C. L. EDONIONI ET  
. . . . . AE CN. L. SATVRNINAE  
. . . . . VM M SEMMIVS M. F  
. . . . . ET P. SEXTIVS O. . . . .  
. . . . . SVA PARTE FACERE NO  
. . . . .

Ad S. Sophiæ, & apud Gruter. pag. 541. num. 3.

19. C. FIGILIO. L. F. STEL. LEG. VI  
MANLIAI. P. F. H. F. C

i. e. Manliæ Publii Filiæ Hæres Fieri Curavit.

Ad S. Sophiæ.

12. C. VMBRIO. C. F  
STELL. ADIVTORI  
MIL. COH. III. PRAETO  
C. VMBRIVS MANSVET  
ET VMBRIA LVCARIA  
FRATRI PISSIMO  
C. VMBRIO MANSVETO  
ET VMBRIÆ LVCAR  
PIÆ PARENTIBVS

Refossa prope Aed. de Lutiis in mœnibus Urbis.

14. Q. TETAFRENO L. F. STE  
LEG. VI  
C. TETAFRENVS L. F. FR  
FACIVNDVM C  
i. e. FRatri Faciendum Curavit.

Gruterus pag. 549. num. 6.

15. L. LABICIO L. F. STE. CELERO  
LEG. VI. FERRATAE

Apud Reinesium pag. 509.

17. L. ACILIO A. F. STE. LEG. VI  
MARCIA TERTIA  
VXOR FECIT

In Arce Civitatis. (b)

18. . . . . STEL. LEG. VI  
. . . . . AED. . . . .  
. . . . . F. VXORI. ET  
. . . . . O. L. QVARTAE

In Aedi-

[a] Non illud eruditil ignoratum antiquos lapides è patriis sedibus aliò tranfvehi solitos: tanti enim ejusmodi Cimelia æstimantur, quæ a suis popularibus neglecta, ac pessumdada, externis hominibus, nulla viâ, aut impensæ molestia deterritis, quin suam domum asportent, plerumque cedunt: Hinc non mirum esse debet, si unus, idemque lapis diversis extare locis dicatur: Sic de hoc nostro lapide factum videtur, quem Beneventi Appianus, Romæ vero ad Palatii Capranicensis ornatum Gruterus extantem affirmant: Sic de nostro insigni lapide Juliæ Severi dicato alibi notavi, quum Harpadii prope Beneventum multorum testimonio refossum, Tusculi in Tredio D. Equitis Sylvæ locat Fa-

brettus, cap. 2. pag. 105. De Equo Publico omnia sunt fuscè, eruditèque dicta a Justo Lipsio De Milit. Rom. L. i. Dial. v.

[b] In hujus sepulchralis tituli fragmento illud AED. non AEDilem, sed AEDificium denotare videtur, quod Miles iste Legionis sextæ cum sepulcro fecit Uxori, & Quartæ Libertæ Caje. Sic in Grutero p. 399. i. & p. 809. num. 2. & alibi sæpe sepulchrorum Aedificia memorantur. Beneventani milites omnes aut in Legionem v. i. ut heic, aut in xxx., ut in aliis hujus Classis, stipendia fecerunt: quare id factum fuerit, discas in Dissert. De Re Milit. cap. 11. pag. 235.



# CLASSIS SEPTIMA.

XXXIII

In Aedibus DD. Rosciorum.

20.

FVPIA C. L. LYCHNIS SIBI ET  
M. GRASSICIO M. F. STEL. CASTELLO  
VIRO LEG. XXX.  
TESTAMENTO SVO FIERI IVSSIT

. Ad Monialium S. Petri.

21.

C. CLOELIO

RESTIT. LEG. XXX  
ET VALERIAE SEX. L  
D I O D O R A E  
H. F

Idest: *Heres Fecit*

In Aedibus DD. Orisolepti.

23.

. . . . INIO T. F. STE  
LEG. XXX  
TESTAMENTO  
H. F. C

In Aed. olim Petri Pauli Roscii

Habet Gruterus p. 542. n. 5. qui sic citat: *Beneventi*  
*apud Marcum Ciffion juxta Arcem*: sed mendosè  
habet Leg. xx.

22. T. FLAVIO T. F. STE  
TITVULO LEG. XXX  
T. FLAVIUS T. L. FAVSTVS  
SIBI ET PATRONO

E schedis Viglioni.

24. POMPEIVS T. F. STE  
LEG. XXX  
. . . . .

Gudius pag. 147. num. 2. sic citat.

*Arpadii in Furcis Caudinis in lapide grandi, sed scisso, (a)*

25.

SEX. AEQVANIVS SEX. F  
STEL. LEG. XXX

CLASSIS

[a] Quid sint notæ illæ, aut signa in lapide insculpta, non adhuc capio: neque enim, an eadem, quam Gudius exhibet, formâ, spectare licuit: Instrumenta certè militaria esse debent, quæ, ni fallor, ad galearum effigiem accedunt, nisi quod nullis ornentur cristis, quales gregiorum militum, ut hic noster; quæ vero ex iis pendent bina singulis vincula, seu lora satis aptè expressa videntur: Ab imis enim galearum bucculis lo-

ra erant, quibus stringerentur ad guttur, & firmarentur. De his Silius l. xiv.

*Cassidis a mento malefidæ vincula rupit.*  
Sidonius lib. 3. epist. 3. *Alii de concavo tibi Cassidis exi-  
turo, flexilium laminarum vincula diffibulant.* Quæ &  
Suidas intelligit, & ὀξύς vocat. *Ocheus* [inquit] *Lo-  
rum Galeæ, quo adstringitur circa collum ferentis.* Vid.  
Lipf. de Mil. Rom. Lib. III. Dial. v.

Apud Malvasiam in Marmor. Felsin. scd. v. cap. 8. pag. 245. in ingenti Basii fragmento, ubi militum nomina recententur, bini Beneventani milites occurrunt,

sed alterius nomen intercidit superflite tantum patria sic: .. ENEV. . . , alter vero suo adhuc servato nomine gaudet lin. 22. sic

26. L. SATRIVS PROCVLVS BENEVENT

Muratorius pag. 881. num. 6. ex Cl. Blanchinio exhibet alterum lapidis fragmentum (quod idem sequentis paginæ videtur) Londini extantem, ubi etiam inter

plurimorum militum nomina Beneventanus alter miles inscriptus legitur lin. 13. sic

27. . . . REIVS OPTATVS BENEVENT

## CLASSIS OCTAVA

## Professiones, &amp; Artes.

Sub Arcu Pontis Leprosi. (a)

In Ædibus DD. Compare.

I.

C. CONCORDIVS SYRIA  
CVS EQ. R. COMM. REIP  
BENEVENT. MVNERARIVS  
BIDVI POETA LATINVS CO  
RONATVS IN MVNERE PA  
TRIAE SVÆ ET VIBVS  
SIBI FECIT QVI VIXIT  
ANN. LVIII. M. VI. D. XII  
HOR. III

2.

D	M
M. RVTILIO	
AELIANO	
DECVRIONI BE	
NEVENTANO	
GRAMMATIC	
O V. A. LXXV	
PVTILLA PRIMA	
CONIVGI CVM QVO	
VIX. AN. X... M...	

Apud Gruter. pag. 633. num. 8.

3.

A. CLODIO A. F. MEDICO  
DEMETRIVS LIB. SIBEI ET  
CLODIAI A. L. ALEXAND. ET  
CLODIAI A. L. GLYCERAI  
H. M. H. N. S.

4.

Prope Æd. Rosciorum, & apud Gruteri  
pag. 633. num. 3. (b)

D. M

M. CASINEIO  
PAETO  
MEDICO CASI  
NEIA ARTEMISIA  
CONIVX CVM QVO  
VIXIT ANN. XXV  
ET MENSEM I

Apud Appianum. (c)

5.

TITVS CLAVDIVS LENIVS  
DIVI CLAVDII AVGVSTI LI  
BERTVS A STVDIIIS

In Turri

[a] De hoc lapide fusi a me actum fuit in *Dissert. De Re Literar.* pag. 217. Notanda heic tantum erit distinctio *Vibus* mutata *V.* in *B.*, quam mutationem sexcenta exempla etiam melioris ævi usu receptam satis probant. Horas etiam vitæ, quam quis transegeret post annos, menses, & dies apponi consuevit in titulis sepulchralibus docent passim antiqui lapides, quos congegit Cl. Fabrettus a pag. 181. ad 185. ubi alios quoque, qui Matrimonii inscriptas horas habent, titulos exhibere pergit: Sed in horis vitæ notandus profectò lapis apud Gruter. pag. 554. num. 9. ubi C. Julius Longinus vixisse dicitur ANOS XLII. MESS. III. DIES XIII. HOR. NVL., i. e. *Horam nullam*: itaut postremo, qui diei omnino finis erat, horæ scrupulo obierit: De divisione partium horæ in triginta, (ut etiam nunc obtinet) scrupulos apud Romanos, quidque ea de re ab aliis gentibus servaretur, eruditè disserit id. Fabrett. cap. 11. pag. 96. & seqq.

[b] Habet Gruterus, ut dixi, sed mendosum, nam lin. 6. pro *Coniux* legit *Cojux*, & postremâ pro *Mensem* I. quod omittit, habet B. M. F., quæ omnino delunt. Hæc autem (quæ me fugerunt in *Dissert. De Re Liter.* quum de Medicis agerem, inter quos hunc recensui pag. 208.) pauca, sed notatu digna de hoc Pæto observat: *Pæti Medici sub M. Antonino Philosopho meminisse Lucianus in Pseudomanti, ut sibi notum.*

[c] Appiani idem, ut inter nostros hunc lapidem referam, satis trepidè sequor: Eundem habet Grute-

rus pag. 584. num. 3. & quidem emendatorem, nam linea 1. pro *TITVS* legit *TI.* idest *Tiberius*, quod rectè cum Augusto Patrono concordat. lin. 2. *Lemnus* pro *Lenius*: sed *Romæ in Templo Saturni, nunc D. Martine sacro ad Forum Romanum extare* dicit: Confirmat Gudianus, qui postea in eadem Urbe in Ædibus, quæ fuere Fulvii Ursini servatum notat; Affert etiam Muratorius in nov. Thesaur. pag. 395. num. 3. ibidemque extantem affirmat in *Musæo Cardinalis Carpenfis ex Ligorio*, ut jam hisce tantis Testibus Appianum objicere non ausim: nisi verisimile illud opinari liceat, lapidem Benevento Romam asportatum; vel utrobique positum, dedicatumque, ut in Aconia Paulina lapide iisdem conceptis verbis tum Romæ, tum Beneventi extante alibi observavimus: Utut res se habeat, quantivis pretii æstimandus lapis, cum inter officia Domus Augustæ unicuique hæc prodierit *Libertus a Studiis*, dignior quidem, quam qui a *Bibliotheca*: Hic enim Bibliothecam ordinare, publicare, à sordibus custodire, libros, quibus opus esset, Cæsari paratos exhibere, & alia ejusmodi, quæ medicum ingenium postularent, curare solebat; qui vero à *Studiis*, horum comes, atque adjutor Cæsari aderat, ut proinde multa ingenii vi pollere deberet: Scimus autem ex Suetonio cap. 41. & 42. Claudium Imperatorem liberalibus disciplinis enixius vacasse, novisque tres literas Latine invehisse, de quibus videndus Lipsius in Tacit. Ann. xi. n. 52.



# CLASSIS OCTAVA.

XXXV

In Turri S. Sophiæ.

6.

Q. CAESSELLIVS Q. L. SVRVS MERCATOR DOMATIA Q. L. FAVSTA C. DOMATIVS Q. L. PHYLAX MERCATOR Q. CAESSELLIVS SVRVVS ET DOMATIA TALIA VIVI SIBI ET SVEIS FECERVNT	Q. CAESSELLIVS D. L. PAMPHILVS PATRONVS DOMATIA Q. L. TALIA PATRONA ALBANVS DELICIA
---	---

In Æde rustica vulgo Pace Vecchia.

7.

L. HELVIO L. L. HILARO NYMMVLARIO (a) MERCVRIALI MESSIAE Q. L. DIODORAE L. HELVIO L. L. PAETO NYMMVLARIO
---

Prope Forum Venale Via inferiori.

8.

D. M ET MEMORI AB EPIGONI ACTORIS (b) FIDELISSIMI
---

In di.

[a] Extat apud Grut. pag. 638. num. 1. ubi sic locus inferibitur: Beneventi extra Civitatem ad Ædem D. Angeli, qui locus cum nostro convenit; nam ruralis Ædes S. Angeli a Sassone Ruri della Pace Vecchia, ubi modo lapis extat, contermina est. De Mercatoribus, & Mercutialibus, eorumque Collegio fusè a me actum est in Dissert. v. De Collegiis a pag. 155. Sed Nummulariorum quoque Mercutialium fuisse Collegium ab ipsis Mercutialibus ditiosum (quod ibi non mihi animadvertum) indicare videtur hic lapis planèque docet lex v. Cod. Theod. De His qui super religione contendunt, ubi Imppp. Arcad. Honor. & Theod. à Nummulariis, & ceterisque hujus almae Urbis (Constantinopolis) Corporibus illicitos Conventus celebrari vetant. Nummularii autem, qui Græcis κολλυβιστῆς, κολλυβιστῆς, manus sic J. C. Paulus describit in l. 9. §. Nummularios D. De Edendo. Nummularii, sive Argentarii rationes conficiunt, quia & accipiunt pecuniam, & erogant, per partes, quarum probatio scriptura, & codicibusque eorum maxime continetur, & frequentissime ad fidem eorum decurritur: Eorum enim, sicut Argentariorum officium publicam habere causam, hancque eorum principalem operam fuisse, ut Actus sui rationes diligenter conficerent, testatur Cajus in l. 10. D. Eodem tit.: Hinc si fidem fallerent, gravioribus pœnis afficiebantur: Galba Imperator, dum Provinciam regeret Nummulario non ex fide versanti pecunias manus amputavit, mensaque ejus affixit, teste Sveton. c. 11. Hos autem Nummularios in Basilicis, aliisque celebrioribus locis negotia sua exercere solitos discimus ex lapide apud Grut. pag. 340. n. 1. ubi occurrit T. Flavius Nummularius de Basilica Julia: Apud Murator. pag. 975. n. 8. habetur Nummularius de Circo Flaminio: In urnula, quam affert Fabrett. c. 9. pag. 649. n. 420. L. Suetilius Clarus Argentarius ab Sex Aris monumentum posuit sibi, & L. Suetilio Læto Nummulario ab Sex Aris: ubi illud Ab Sex Aris locum ita appellatum indicare videtur; ex quo etiam lapide inter Argentarios, Nummulariosque discrimen fuisse constat. Veterum denique Nummulariorum munus,

præ se ferre videntur Campfores, vulgò Mercatores rationum hodie appellati, qui Collybisticum Commertium exercent; de quibus videtur doctum Heinæcium de Elementis Juris Cambialis, ac Georgii Henrici Ayreri Diatribam De Cambialis Instituti vestigiis apud Romanos.

[b] Actores Servi (heic enim servile nomen Epigoni) rationes Domini agebant, Actumque aliquem gerebant: qui igitur Servi frugi erant, à Dominis in fundos, & prædia mittebantur, ut iis præessent, familiæ imperarent, reique Rusticæ rationes administrarent, ut colligitur ex Plinio lib. 3. epist. 19.: quo in munere ita probè, & solerter se gessit Epigonus, ut à Domino (cujus nomen lapis flet) monumentum, ac præterea Fidelissimi encomium promeruerit: Non uni autem Servi Actores, sed etiam Ingenui, nec privatorum duntaxat, sed Domus Augustæ, de quibus agit Reines. ep. 35. ad Rupertum. Erant etiam Municipiorum, Societatum, & Corporum Actores, ac præterea qui à Tutoribus, Curatoribusve litium causa decreto Prætoris constituiebantur, quorum inter alios meminit Appollonius ad Galat. iv. Sed Actorum genera omnia, atque munera egregiè exequitur Brissonius de V. S. lib. 1. Mihi ad Servos Actores redire lubet, quorum frequentissima in lapidibus mentio: Ex his unum heic afferam ex Murator. p. 952. n. 12. in hæc verba: D. M. Felici Actori, qui cecit annis XIII. Postumi, & Vapia C. F. Felicitas conserva posuit caro conjugi cum qua vixit anni XVI. qui V. A. XL.: ubi Vir doctissimus restitit emendat illud Postumi in Postumi; ad illud vero qui cecit an. XIV. obscurum [inquit] nisi velis, qui cecit è vita an. XIII. Sed nihil obscurum, sed potius oscitant, ut in opere longo ocus currenti evenire solet, nam Felicem an. XL. vixisse lapis jam dicit, qui etiam an. XVI. Conjugii numerat, ut proinde promptum sit annos etiam muneris notari placuisse: Hinc sic legendum puto: Felici Actori qui gessit (pro cecit) an. XIII. (subintellege Actorem jam supra dictum) Postumi, & Vapia.

# xxxvi INSCRIPTION. BENEVENTANÆ.

In diruta Æde S. Petri extra mœnia .

In clauistro S. Sophiæ .

9. L. HERENNI FVSCI  
VETERANI (a)  
MESORIS AEDIFICIOR  
IVNIA RVFINA CONIVGI INCOM  
PARABILI ET  
HERENNIUS FVSCVS PATRI  
RARA EA DEFECTIO....

Ante Ædes Marchionis Pacea .

II. T. ASINIO T. L. AN  
OCHO VESTIAR (b)  
SIBI ET SVIS  
ERONI ET STEPHAN LIB  
IN AGR. P. XII. IN F. P. XII

Tribus Litterarum nexibus Lapis hic insignis est :  
Posteriores facillè patent ; Prior verò in fine lin. 1. ad  
sequentem dictionem lineæ 2. pertinet , ut integra di-  
ctio sit ANTIOCHO , litterâ I in ipsâ T latente .

10. P. MARCIUS P. L  
PHILODAMVS  
TECTOR SIBI (c)  
SVISQVE HIC  
IVCVNDA SEPVLTA  
EST DELICIA EIVS

Prope dirutam Ecclesiam S. Arthelaidis è schedis  
Verusii , sed aut eadem cum antecedenti ,  
aut ex illa suppleri potest .

12. . . . MARCI . . .  
. . . . PHILOD. . .  
. . . . TECTOR. . .  
. . . . EXO. . . . .

Prope Ædes DD. Annubba .

13. T. SCANIANIVS ERO....  
AERARIVS SIB..... (d)  
T. SCANIANIO SAM....  
PATRONO

In atrio

[a] Nihil heic de Mesore , seu Menfore Ædificio-  
rum , quem inter alios Menfores egregiè illustravit  
V. C. Paciaudius in Dissert. De Beneventano Menfore  
Cereris Augustæ , quam habes in hoc volumine p. 330.

[b] Vestiarii erant , qui Vestes conficiebant , aut  
mercabantur . Ab diverso earum genere etiam adjectum  
accipiebant ; uti Vestiarii Centonarii apud Murator.  
pag. 946. n. 1. Vestiarii Tenujarii apud Donium Cl. VIII.  
n. 35. quos V. C. Gorius eruditè ibi explicat .

[c] Præter hunc nostrum Tectorem , quem etiam  
exhibet Gruterus pag. 642. num. 10. , non alium in ejus-  
dem Thesaurò invenire erit , & mirum , adhuc Tecto-  
res desiderari apud Gudium , Fabrettum , Donium &c. :  
Vix in novo Thesaurò Muratorii pag. 305. lineæ 30. Mar-  
moreæ Tabulæ legitur *Agathopus* TEC : at in Veteribus  
Scriptoribus ejusmodi opificum satis obvium , quia fre-  
quentissima Tectorum Ars , quam præstabit inter alios  
ex Tertulliano addiscere in lib. De Idolatr. cap. 8. edit.  
Venet. 1744 Scit ( inquit ) *Albarius* Tector & *testa* sar-  
cire , & *Tectoria* inducere , & *Cisternam* liare , & *Cy-  
maria* dispendere , & multa alia ornamenta præter simula-  
cra parietibus inserispare : Ubi pro *liare* Pamelius legen-  
dum proflus existimat *ligare* ; in *Cymatiis* vero , quæ  
Arcus Templorum interpretatur , rectè reprehenditur  
a Lacerda , qui ex Helychio , & Vitruvio prominen-  
tias esse explicat , quæ in ædificiis in modum undæ si-  
nuantur ; Græcum vocabulum ad ejusmodi ornamenta  
significanda etiamnum nos Itali retinemus , vernaculo  
sermone *Cimase* appellantes . Sed neque *liandi* vocabu-  
lum in *ligandi* mutaverim cum Pamelio : proinde enim  
*liandi* verbum se habet à *liaculo* , instrumenti genere ,

cujus meminit Vitruvius l. 2. c. 4. & l. 7. c. 3. quo levi-  
gantur interiora in parietibus à græco *λίαι* i. e. planus ,  
levigatus , optimeque convenit cisternarum testoriis ,  
ut eorum duritie , planitieque diutius aqua ibi fervetur .  
Tectores itaque iidem ac *Dealbatores* , *Albarii* , qui  
etiam *Albini* vocantur à Constantino in l. 1. Cod. De  
Excusationibus Artificum , ubi græcis *νοβίητας* appella-  
tos commemorat : Tectorio autem opere apud Veteres  
incrustabantur parietes ita , ut splendorem transmitten-  
rent . Plin. l. 36. c. 23. *Tectorium* nist ter arenato , & bis  
marmorato inductum est , non satis splendoris habet : At  
hæc in Divitum Ædibus , nam Tectoria *vulgaria* oc-  
currunt in l. 3. D. De Servit. Urban. , quæ item *gregalia*  
*testoria* appellat Seneca epist. 86. edit. Paris. 1613. , ea-  
que solum è Calce , non marmore , aut crustis , ut  
optimè observat ibi Lipsius . Ha stenus de nostro Tecto-  
re , nunc de *Jucunda* , quæ *Delicia* ejus in lapide dicitur :  
Satis erit rem explicasse Svetonii verbis in Vespasiano  
c. 3. qui *Flaviam Domitillam duxit uxorem , Deliciatam*  
*olim* : & quidem quæ , vocabulo frequentius usurpato ,  
Delicata Svetonio , in nostro lapide *Delicia* dicitur ;  
quæ vox æquè accommodatur feminæ , ac Viro nam  
pag. superiori num. 6. occurrit *Albanus Delicia* ; quan-  
quam apud Donium Cl. r. num. 1 32. *Apricius* raro qui-  
dem exemplo *Delicius* scribatur . At de Deliciatis Vid.  
Fabrett. Insér. Dom. cap. v. pag. 362.

[d] *Ærarium* heic accipio *Æa* brum , qui *Ærea* opera  
conficeret : Sic *Ærarii* accipiuntur in laudata lege Con-  
stantini Cod. De Excusat. Artific. Plin. l. 16. c. 6. *Æra-  
riorum* tantum officinis compendio . &c.



In atrio Ædium DD. Terragnoli.

Muratorius pag. 953. num. 2. sic citat:  
*Benvenuti apud Sanctimoniales S. Petri e schedis meis.*

14.

M. LVCILIO . M. L  
DIOCLI . TIBICIN  
ARTIFIC. ORGÂN (a)  
LIBERTIS . ET . LIBERTAB  
EIVS. ARBIT<sup>rati</sup> . . .  
M. OFILLI . TERTI..

15.

T. FELICIS OMNI  
VM ARTIFICIORVM  
STVDIOSISSIMI Q. V  
ANN. XVII. M. XI. D. VIII  
PARENTES PERQVAM INFELI  
CISS. LVXVRI

f

CLASSIS

[a] Artifex Organorum nunc primum ex nostro lapide in lucem prodit, omnibus aliis, quod sciam, vetustis monumentis ignotus; sed non ignota Veteribus organa, quorum originem suo ævo tribuere videtur Lucretius lib. v. dum in dies Artes perfici inquit, &

*Modo organici melicos peperere sonore.*

sed falsum Lucretium planè constat tum ex aliis exoticis Scriptoribus, tum præclare ex Sacra Historia, ubi Organa ante Diluvium obtinuisse locuples testis est Moyses Gen. iv. 21. Postdiluvianis familiaria Musices instrumenta ea fuisse ex eadem S. Scriptura passim probatur, ubi Hæbræum Huggab, quod Septuaginta modo Cytharam, modo Psalium, modo Organum interpretantur, in Vulgata perpetuò organum reddi solet: Frustra tamen in iis organis vetustioris ævi eandem, quæ posteriore ævo, atque modo obtinet, formam quæsisse erit: Ea enim instrumenta erant pluribus fistulis simul glutino quodam coherentibus constructa, quæ ori applicitæ emissio statu sonum edebant. De his Virgilius Ecl. 2. v. 32.

*Pan primus calamos cæra conjungere plures  
Instituit ....*

sed Marciæ Athenæus l. 4. Minervæ Pindarus Pythod. 12. hanc laudem præstare videntur: at S. Historiæ ignorantio, atque hujus instrumenti vetustas hanc opinionem, seu fabularum varietatem peperit: In designando autem instrumentum rectè se habet Virgilius, cuius locum confirmant vetustæ plures marmoreæ Fabulæ, ubi ejusmodi organa in Satyrorum manibus gestari spectamus, exhibetque V. C. Gorius in Tab. iv. num. 3. Operis Doniani, ubi Pan insculptus est, cujus dextro lateri hoc instrumentum pendet, ut is dicere jam possit, *Est mihi disparibus septem compasæ cicutis  
Fistula.*

ex qua demum instrumenti forma rectè intelligimus illud Psalmi 136. *In Salicibus suspendimus organa nostra:* Posteriore ævo, quamvis excellentiora organa inventa

essent, isthæc tamen; quæ modo diximus, simul servata, atque in usu fuisse constat ex Seneca Ep. 84. *Cavea* (inquit) *æneatoribus cincla est, & ex pulpo omne Tibiarum genus, Organorumque consonuit:* Sed alia jam organa esse cœperunt, Hydraulica appellata. Svetonius in Neron cap. 41. *Diei partem reliquam per organa hydraulica novi ignotique operis circumduxit;* at falsò novum, & ignotum Neroniano ævo: Vitruvius hoc instrumentum describens l. x. c. 12. Ctesibio illustri Alexandriæ Mathematico, qui sub Ptolemæo Physcone annis cxx. circiter ante æram Christi. floruit, inventi laudem tribuit, Archimedem vero auctorem Tertullianus affirmat lib. *De Anim.* c. 14., atque horum organorum fistulæ vento à lapsu, & pondere aquæ [ unde hinc organis nomen ] inflatæ sonum edebant, uti hodie Romæ, atque alibi in Principum Virorum Viliis mirari est: Cum vero difficile admodum esset hæc organa hydraulica ubique comparare ob necessariæ aquæ defectum, alia inveniri cœperunt, quæ per folles inflata hydraulicis æquiparentur. Horum hodie in Ecclesiis frequentissimus est, atque honestissimus usus, nec ipsa recens, uti aliqui putant, origo; nam eorum meminit ante Casiodorum in Psal. 150. etiam S. Augustinus in Psal. 56.: Omnia organorum genera heic breviter explicuisse opus fuit, ne quis Antiquitatis ignarus, aut Tyro, Lucilium nostrum tertii Organorum generis, quod nunc obtinet, artificem putaret, quam neque illud omnino liqueat, an Hydraulicorum, vel potius vetustiorum, quæ ori admovebantur, Artifex fuerit.

[b] Ad hunc lapidem ita Muratorius: *LVXVRI;* num participialis vox deducta à verbo *LVGEO*, pro *LVCTURI*: Dignus quidem Parentum lacrimis filius, qui adhuc adolescens eo pollebat ingenio, ut omnium artificiorum studiosissimus esset; unde hi illius amissione non infelicitissimi tantum, sed maxime infelicitati magis aliquid addentes, non improbo loquendi more perquam infelicitissimi dici voluerunt.

XXXVIII INSCRIPTION. BENEVENTANÆ.  
CLASSIS NONA  
Elogia Defunctorum, & Affectus Superstitum.

Ad S. Modesti.

I.

C. CATIO. C. F. MEN. BALBO  
O. PETREIIAE. C. F. PAVLAE

HOS. DECVRIONES. FVNERE  
PVBLICO. DE. FORO. E. TRIBVNALI  
EFFERENDOS. ET. HIC. HVMANDOS  
CENS

FVFISIAE. A. I. VIOLAE  
C. CATIVS. C. F. MEN. GALLVS  
PARENTIBVS. ET. VXORI

In Ædi-

De hoc insigni lapide obiter in Præloquio hujus Voluminis egi, sphalmata, quæ apud Manutium, Panvinium, & Gruterum irreperant, indicasse contentus, quæ etiam apud Fleetwoodum eadem inveni pag. 269. n.3. Sed quis credat in ipso adhuc meo exemplari maculam quoque à me nunc detectam, quæ Tipographi, aut ejus potius, qui, me absente, correctiones curavit oscitantia adhuc manet; nam lin. 7. Fufisia Viola primo casu scripta est, quæ tertium (ut heic) ad lapidis fidem habere debet: Sed jam satis de lapidis lectione. Dabimus modo aliqua iis, quæ lapis observanda monet: ac primum ejusdem sensum explicuisse præstabit. C. itaque Catius Gallus titulum dedicavit Parentibus simul, & Uxori. Parentes autem C. Catius Balbus, & C. Petreia Paula. Fufisia verò Viola Auli Liberta ipsius Galli uxor fuit, ut mirum sit hominem præclaris Parentibus etiam publico funere dignis ortum Libertinam mulierem sibi matrimonio copulasse, cui etiam publicè cum ipsis suis Parentibus commune monumentum dicare non abstinuit: Unde post Augusti ævum [quo auctore Romanis omnibus, exceptis Senatoribus, eorumque liberis, Libertinas ducere permissum] lapis dedicatus videtur. Sed missa libertina uxore, Parentes potius attendamus, ac primum in Petreia Matre Catiæ prænomen, inverso O demonstratum observare licebit, ipsum inquam prænomen Matribus familias solenne, ac perhonorificum, quod Dignitatis, communisque cum viro potestatis insignie fuisse constat. Horum Conjugum egregiam virtutem Fanus Publicum, quo eos dignos Decuriones censuerunt, satis probat; non enim nisi præclaris Viris dabatur, raro autem feminis quantumvis illustribus, ut Attiæ Cæsaris matri teste Dione lib. 47. ac præterea Livix, cui Tiberius [ut refert Xiphilinus] nullos honores tribuit, præter funus publicum, & imagines, aliaque nonnulla non magni momenti. Viris tamen eum honorem tributum in lapidibus passim legimus; per sepe etiam id Scriptores testantur; itaut etiam Peregrini illustres publico funere aliquando honorarentur: Siphacem quondam Numidiæ opulentissimum Regem (ut refert Val. Max. l.7. c.1.) Captivum Tiburi

mortuum publico funere Senatus censuit efferendum, ut vitæ dono honorem sepulture adjiceret: De Funere Publico vide Kirchmannum De Fun. Rom. l. 1. c. 4. Sed plura hæcenus inobservata ex nostro lapide discere erit: De Foro & Tribunali hos Conjuges efferendos Decuriones censuerunt. Funus publicum per Forum efferendos quidem fuit: Apulejus Metam. 2. Ritu patrio unus de optimatibus pompa funeris publici ducebatur per Forum: At heic non per Forum, sed de Foro à Tribunali funebri pompa instituta fuit; ut jam non ex privatis Ædibus defunctorum Conjugum, ut mos erat, sed quò magnificentius funus esset, eorum Corpora in Forum antea translata, ac in Tribunali collocata, inde ad locum sepulcri elata fuerant. Tribunal autem heic propria significatione usurpatum reor [nam de alio funerario Tribunali in sequenti lapide mox videbimus], ut is locus fuerit in celebriori Fori parte perpetuo opere constructus, nempe suggestus editor, in quo sedens Magistratus ab omnibus conspici, ab eoque jus reddere solebat: Non solum autem locum unde efferentur [quod singulare videri debet], verum etiam quò inferrentur hi Conjuges, à Decurionibus datum esse constat, quod in lapide illis verbis exprimitur: HIC. HVMANDOS CENSERVNT. Locum sepulture à Decurionibus dari honestissimum fuit, nec satis obvium, propterea quod publicarum arearum pars in eam sepulturam cessura extra commercium esse decernebatur, quod tam in Agro, tum præsertim in Urbe vivencium Civium commodaminuebat: Gruter. p.455. n.1. : C. Publicio L. F. Bibulo Æd. Pl. Honoris Viriutisque causa Senatus Consulto Populique Jussu Locus monumenti, quò Ipse Posterique Ejus inferrentur, Publice Datus Est. Quo ex lapide Gadius rectè notat Dionysii errorem, qui lib. v. soli Publicolæ ad suum usque ævum sepulcrum in Urbe datum scribit: nam Publiciæ Gentis ex hoc lapide, Fabriciæ vero ex Plutarcho eundem honorem datum probat. An vero nostris quoque Catio, & Petreix honor idem? Verisimile id probat lapidis locus intra Urbem positus, ubi ex privilegio hi Conjuges humati fuisse videntur,



2.

P. AELIVS. VENERIANVS

HOC. VAS. DISOMVM, SIBI. ET  
FELICITATI. SVAE. POSVIT. ET  
TRIBVNAL. EX. PERMISSV. PONTIFF  
PERFECIT

f 2

In Aedi-

Afert hunc lapidem Gruterus pag. 751. num. 11., & locum indicat sic: Beneventi in D. Eustachii aede sacra: ac inferius notat: Ex lateribus sculptae sunt Villo-riae alatae, Tridentes piscibus dentatis, quos Gallos marinos vocamus, impositos manu contingentes: D. Eustachii Aedes omnino perit, ac cum ea simul hoc insigne monumentum, quod in Aedibus Seminarii extare nostrae Veteres Schedae ajunt, frustra etiam ibi conquisitum, ut ejus formam [nam Vasis nomine appellatur] conspiceremus. Afferunt etiam Fleetwoodus pag. 272. num. 3. alique, sed in omnibus verba tantum, non item Vas, quod omnino desideramus. Hybridam vocem Bisomum ex latino Bis & graeco ΣΩΜΑ notavit Cl. Lupus in epit. Sever. pag. 122.: at omnino graecam eam vocem latinis licet literis exarata in nostro lapide legimus; ubi vas DISOMVM dicitur. Apud Christianos aequè ac Ethnicos [ut heic] locus significabatur, ubi duo corpora simul sepeliri possent. P. itaque Aelius Venerianus ejusmodi sepulcrum sibi paravit, quod simul cum Felicitate sua (Conjuge an Concubina?) inferri deberet. In lapide apud Donium Claf. x. num. 2. Hoc in Sarcophago Genetrix duo corpora natos condidit: ubi Sarcophagum ipsum Bisomum fuisse patet, non quod Corpus Corpori fuerit superpositum, ut Cl. Gorius ibi censet: Cæterum non Bisomum, aut Disomum duntaxat locum, verum etiam Trisomum, Quatrisomum tribus, quatuorve corporibus continendis aptum appellari, proterita res est: In lapide apud Aringhium, quem post Reinertum, Fabretum, Donium, iterum vulgavit Cl. P. Mamachius Orig. Christ. lib. 3. pag. 39. legitur sic

CALEVIVS BENDIDIT AVIN TRISOMV  
VBI POSITI ERANT VINI ET CALVI  
LIIVS ET LVCIIVS IN PA. COS. STIL

De quo V. Fabretum p. 552. Reinesii audacissimas emendationes, explicationesque cum risu notantem: At de Bisomo omnia clara: De Tribunali, quod idem Venerianus ex permissu Pontificum perfecit non aequè constat: Haud enim vulgata ejus vocis significatio, de qua in præcedenti lapide actum est, huc pertinere videtur. Doctissimus Cangius haud quidem in Glossario, sed in ejus prolata, eruditae Dissert. de Inferioris ævumismis [quæ habetur separatim edita post tom. 3. Glossarii editionis Francofurti 1683.] binos lapides affert, in quorum altero Apollini, & Verjagodano [Gal-lorum Numini] Tribunalia Dua dedicata dicuntur, in altero Deo Volieno Tribunal cum Lo: i: ubi Tribunalia

(inquit) videntur esse stylobatae, in quibus Deorum Statuæ consistebant: quod mox nostro lapide confirmat, ac sic pergit: Hic etiam fortè spectat alia: P. Aelius Venerianus Gr. [omittitque lin. 3. SVAE. & geminam FF. lin. 7.] in qua quidem postrema inscriptione Tribunal perfectum ex permissu Pontificis, sive Pontificum dicitur, quod è re sacra esset, Diis Tribunalia erigere: At Vir summus sepulcralem esse nostram inscriptionem non advertisse videtur, in qua tamen explicanda, quod Tribunalis in ea memorati vocabulum spectat, ab ejus sententia non omnino discedo: Pro stylobata enim, sive Basi Tribunal heic accipiendum videtur, quæ tamen non sub-stituentur alicujus Numinis Statuæ, sed, ut Vasis illius Disomi sublimius à solo erigendi, sustentaculum esset, locata fuit. Lucem dat Tacitus Ann. 11. 83. ubi inter funebres defuncti Germanici honores Arcus [inquit] additi Romæ: Sepulcrum Antioebia, ubi fuit crematus: Tribunal Epidaphna, quo in loco vitam finierat: At quid opus Pontificum permissu? Inerat [ut notum] sepulcris Religio: præterea certus is ædificandis modus fuisse videtur. Plato de Rep. l. 12. ex Ciceronis versione in l. 2. De Leg. extrui vetat sepulcrum altius, quam quod quinque homines quinque diebus absolverint, nec è lapide excitari plus, nec imponi, quam quod capiat laudem mortui incisum: Antea vero ex Demetrio idem Cicero dixerat, non licere super terræ tumulum quid etiam statui, nisi Columellam tribus cubitis non altiore, aut Mensam, aut Labellum: Scio apud Romanos nimiam (ut loquitur Tertullianus de Test. Anim. c. 4.) Sepulcorum ambitionem fuisse: Legatum cccc. aureorum ad sepulcrum extruendum memorat Scævola in l. 42. D. De Leg. 3.: Quid ni ob Operis Religionem atque excessum Pontificum permissu opus esset? Omnia enim ad eam rem pertinentia ad eorum jurisdictionem spectabant. Apud Gruter. pag. 518. num. 4. L. Aelius Sentinianus PETIT A PONTIFICES VT SIBI PERMITTERENT PERFICERE N. [fortasse Novum] MONVMENTVM IVRIS SVI. De Translatione Reliquiarum Plinius Bithyniae Proconsul Trajanum ut Pontificem Maximum consuluit lib. x. ep. 73. cui Trajanus relescript: Durum est injungere necessitatem Provincialibus Pontificum adeundorum, si reliquias suarum ob aliquas iustas causas trans-ferre ex loco in alium locum velint: quod tamen de Pontificibus Romæ degentibus intelligere Trajanus debuit: non item de Municipilibus, quorum adeundorum morem præter lapidem Gruterianum, offendit nostra Inscriptio, ut quod quisque de ea re petisset, ipsi fieri permitterent.

In Ædibus DD. Feuli.

3. D. M  
M. COSINI  
PRIMITIVI  
M. COSINIUS  
PRIMITIVVS ET  
COSINIA FORTV  
NATA PATRI  
OPTIMO

Ad S. Angeli Portæ Summæ.  
5. IVLIO VICTORI  
HOMINI BONO QVI  
VIXIT ANN. L. M. VI  
IVLIUS LVCRILIUS  
PATRI PISSIMO

Ad S. Petri extra mœnia vulgi de Fora.

6. IO HOMINI BONO  
Qui vix. an. . . I. MENSES VIII. D. V  
Con IVX CVM QVEM  
Vix. ann. . . . . DIES XXV. SINE  
Vlla querela B. M. F

In Claustro Collegii PP. Jesuitarum.



Inscripta tranſverſim Columnæ ad Ædem SS. Annunciatæ, viâ, qua itur ad Arcem,  
& apud Gudium p. 273. n. 6. qui lin. 12. Tullonialea mendosè conjungit.

7. E FVIO . IVSTINO . HOMINI . BONO  
TVLLONIA . LEA . CONIVGI . INCOMPARABILI  
QVI . SIMVL . VIXIMVS  
sic ANNS . SEXAGINTA

In Ædi-

Optimi cognomen, dum Virtuti, non Amori, aut Adulationi detur, præclarissimum omnium elogium: Honefissimum etiam illud, ac magnæ Virtuti satis, dum Bonus quis dici mereat: Utraque ex nostris hisce lapidibus simul exhibeo; Quod Boni titulum spectat, Præclaram laudem [inquit Cl. Oliverius ad Marm. Pisaur. 87.] quam adeo probavit Lipsius, obscurare, & ad turpem sensum convertere, nescio quam ob causam Viri doctissimi conati sunt, quos refellere haudquaquam videtur operæ pretium; Satis enim celebris est J. Consultorum regula, qua docemur, neminem præsumi turpitudinem suam profiteri: At quavis ad J. Consultorum regulas non confugiamus, ignorasse certe videntur Viri illi doctissimi (quos nondum ego novi) Græcorum morem, qui suos defunctos quoscunque passim Bonos appellabant: Ex Theophrasto id docet Antiquitatis consultissimus Marchio Scipio Masseyus ad Tab. III. num. 1. Musei Veronenſis, ac nuper observavit Clariss. Paciaudius in Græci Anaglyphi interpretatione, edita Romæ 1751. pag. 21. Græcus lapis in Bibliotheca Cafaatenſi servatus editus fuit a V. C. Mamachio Orig. Christ. lib. 3. pag. 454. not. 2., ubi de more occurrit ΗΕCΤΗΛΗ ΓΑΛΑΤΟΤΙΛΑΚΚΗ ΑΓΑΘΗΝΙ ΤΥΜΒΗΝΙ: Εἰς τὴν Γαλατῆσιαν Βοῶν Conjugi; E Græcis ad Romanos morem hunc manasse satis docent frequentes lapides, quos in Gruteri, Fabretti, Reinesii, Gudii, aliorumque indicibus obvios habemus: non itaque, nisi importunum, atque insanæ mentis illud erit, eum titulum, qui pro solenni

penè sepulchrali formula olim adhiberi soleret, in turpem sensum detorquere: Quid, quod non solis Viris uxores, sed Parentes quoque a Filiis Bonorum elogio celebrabantur, ut heic num. 5. Julius Lucrilius Julio Victori Patri suo piissimo adhuc Hominis Boni laudem adjecit: Ego certè cum Horatio ep. 1. 16.

Vir Bonus, & prudens dici delector, si tamen nomini res responderet; etenim si eundem Horatium audimus

Vir Bonus est quis?

Qui consulta Patrum, qui leges juraque servat,  
Quo multæ magnæque secantur Judice causæ,  
Quo Responſore, & quo causæ Teste tenentur.  
Oderunt peccare Boni virtutis amore.

Præterea Virum bonum ex Juris Consultis agnoscere adhuc libet: Vir itaque Bonus est quilibet integræ vitæ, & existimationis, idoneusque, & diligens Pater fam. l. 9 §. Sed si lapidicinas l. 13. §. ult. l. 15. §. Etsi. D. De Usury. l. 20. §. 1. D. De Oper. libert. l. 13. D. De Ann. Leg. Bonus Vir, & Innocens conjunguntur in l. ult. Cod. De Alim. pupil. præstand. Ab ignoto, & tranſeunte emisse se dicere non convenit volenti evitare alienam Bono Viro suspicionem: Sunt verba l. 5. Cod. de Furt. Ad hæc Viris Bonis metum stupri majorem esse, quam mortis ait l. 8. D. Quod metus causa l. 1. ut jam ex his, aliisque pluribus, quos prætereo, Juris locis, quantus titulo sit honos, quanta ex titulo honoratis virtus, manifestum esse arbitror.



In *Ædibus* DD. de Simone

8. VIBIA A. F. CYPRI  
SIBI ET  
A. TITRIO A. F. RVFO  
VIRO OPTIMO

Effossa in Viridario novi Collegii  
PP. Jesuitarum.

- II. T. VATINIO SE  
CVNDO  
VIX. ANN. XXI  
MENS. II. DIE *sc*  
VIII  
RVTLIA ARSI  
NOE CONIVGI  
PIENTISSIMO

Propè Ecclesiam PP. Jesuitarum.

12. D. M (b)  
OCTAVIAE CRES  
CENTINAE QVAE  
ANTIQA VITA VI  
XIT FIDEI AC DILI  
GENTIAE CLARISS  
C. VALERIVS IANVARIVS  
CONIVX C. F. B. M. F

In Viridario Alexii  
Macchia propè  
S. Sophiam.

9. D. M  
MARIVS  
IVSTVS  
HO MO  
PLVSQVAM  
BENIGNIS  
SIMVS  
HIC

In *Ædibus* olim de  
Bilotta & apud Grut.  
P. 744. n. 2.

13. D. M. S  
Q. TITVLIO  
FIDO  
PATRI PIISS  
TITVLEIA  
RVFINA  
FILIA

Grut. p. 878. n. 11.

- 15 M. POSTVM. D. F  
CHLORVS  
VIVVS SIBI ET  
TORANIAE SPEI  
CONIVGI  
SANCTISSIMAE

E schedis Verusii.

- IO. D. M. S  
TVRRANIVS APER (a)  
HOMO DVLCISSIMVS  
QVI VIXIT ANN. XL  
TADIA VRSA  
CONIVGI CVM QVO  
VIXIT ANN. XVII

Ad S. Petri extra mœnia & apud  
Grut. pag. 850. num. 8.

14. D. M  
M. MVNIO VI  
TALI QVI VIXIT  
ANN. XXXVIII. M  
III. DIEBVS XXII  
M. MVNIVS PRO  
CVLEIANVS FRA  
TRI INNOCENTIS  
SIMO B. M. F

In *Ædibus* DD. Nicastr.

16. MVNATIAE PRIS  
CAE RARAE CASTI  
TATIS FEMINAE *sc*  
.....  
.....

Infra

[a] Exhibet etiam hunc lapidem Muratorius p. 1411. n. 17. è Schedis Ambrosianis, sed l. n. 1. omittit D. M. S. l. n. 6. legit CON. DVLC., sed rectius Verusius descripserat CONIVGI sine alio adjecto, jam enim *Dulcissimi* epitheto l. n. 3. donatus fuerat hic APER, quem etiam cum VRSA convenisse miramur, an ridemus: sed de speciosis Virorum, Foeminarumque cognominibus inferius videbimus.

[b] Eximia laus hoc elogio continetur, qua nulla fortasse apud ipsos Veteres major excogitari poterat,

quum quis *Antiqua Vita*, aut *Antiquis Moribus* vixisse diceretur: Hanc sibi a C. Valerio Januario Viro suo Octavia Crescentina promeruit, dum *Fide*, ac *Diligentia clarissimam* se probavit, idest Thori fide religiosè servata, Domus etiam [ quæ duæ optimæ Matris Fam. præcipuæ sunt dotes ] curam præclare gessit: Fidei autem, & Diligentia laus ea omnia complectitur, quæ speciosissimus Sarcophagi titulus explicat, & enumerat apud Donium Cl. xv. n. 49.

HIC. SITA. EST. AMYMON. MARCI. OPTIMA. ET. PVLCHERRIMA  
LANIFICA. PIA. PVDICA. FRVGI. CASTA. DOMISEDA.

Ubi *Amymonem* Libertinam, & Conjugem, non Servam Marci intelligo, de qua re Vid. Dis. l. c. 4. *Domisidam* verò explico, quæ domi federe, idest in publicum nunquam prodire amabat: Sic in Epitaphio Claudiae apud Grut. pag. 769. n. 9. DOMVM SERVAVIT LANAM FECIT, ubi illud *Domum servare* non aliud est, quàm *Domum se servare*, seu *Domum abditam manere*. Sed ad principalem laudem redeo, quâ in nostro lapide Octavia Crescentina *antiqua vita vixisse* dicitur: Simile elogium exhibet lapis apud Manutium Ortogr. p. 591. *Memoria Cla. Fem. L. Peducaæ. Julianæ. Morib. Natal. Ac Pud.* [ i. e. moribus, natalibus, ac pudicitia ] *Trifidis. Inlustribusque. Fem. Comparandæ. Erc. Textu* it etiam Uxori Macrini Plinius l. viii. ep. 5. *Grave vulnus* [ inquit ] *Macrinus noster accepit: Amisit Uxorem*

*singularis exempli, etiamsi olim fuisset: Vixit cum hac annis XXXIX. sine jurgio, sine offensa: Antiquis autem moribus enitere, sive antiquâ vitâ vivere is proprie dicitur, qui animi candore simplicitateque ita excellit, ut nocere ipse nescius, sui instar alios omnes innocentibus arbitrat. Cicero ad Attic. l. 9. 15. Vide ( inquit ) quam sim antiquorum hominum, ubi Victorius: idest simplices ingenii, & minime callidi, quales antiqui homines erant. Græci æquales: Sed & ipse Cicero pro Sex. Roscio eodem rem deduxerat, nam cap. 9. refert revocatos Legatos Amerinos, qui Sullam adibant contra spoliatores bonorum Roscii eo quod hi callidè promitterent, se bona restitutos, quorum promissis fidem præstitere Legati Homines antiqui, qui ex sua natura ceteros comfingent.*

Infra Forum Venale Viâ recta .

Propè Ædem Vestigalium vulgè Doganam .

17. C. MODIVS FELIX  
ET C. MODIO FELICI  
FIL. ET COCCEIO  
SILVINO FIL. NA <sup>(a)</sup>  
TVR. ET MODIO  
RENATO LIB. ET  
SATTIAE SILVIAE  
VXORI VV. SS. F  
CAESIAE VENERI

18. D. M. S  
L. TREBONIO  
BENEVENTANO  
QVI VIXIT. AN. XXXVI  
ME. VII. DIEB. QVINQVE  
LOLLIA EVFROSINE  
MATER ET PATER <sup>(b)</sup>  
B. M. F

In Porticu DD. Sellatoli.

Propè Domum Verusiorum .

Propè Ædes DD. Rotondi .

19. PONTIA AVRURA CONCVBINA

In S. Sophiæ, &amp; ap. Grut. p. 725. n. 3.

20. A. CASTRICIO  
ACHILLEO . PATRI  
CALCIAE . ISIDORAE  
MATRI  
CASTRICIA . FELICISSIM  
PARENTIBVS  
DYLICISSIMIS ET INCOM  
PARABILIBVS

21. D. M  
M. FVFIO  
RESTITVTO  
QVI VIXIT AN  
NOS X. DIES VIII  
FVFIVS RESTI  
TVTVS PATER  
FECIT

22. Q. QVINTIVS  
SATVRNINVS  
QVINTIO SVO  
PATRI

Gruterus p. 693. n. 6.

23. D. M  
C. LICONIO  
FELICI VIXIT  
ANNIS XII. DIES  
VI. PARENTES  
FIL. FEC

Grut.

[a] Habet etiam hunc lapidem Gruterus pag. 696. num. 3. postremâ tamen lineâ deminutum, quam in subiecta sibi nota ex Cod. Redii sic affert: CAES. IA. . EVNERIT. At jam in nostro exemplari ad Autographi fide integrum emendatumque modo habes. Ex hoc lapide eruditus Heineccius in Comm. ad L. Jul. & Pap. l. 2. c. 4. illud maxime comprobare conatur, filios naturales (qualem Coccejus Silvius lin. 4. se prodit) nunquam Patris nomine appellatos, sed duntaxat Matris, cujus omnes liberi tam naturales quam legitimi ejusdem sunt juris: Itaque C. Modius Felix cum ex Silvia & legitimus, & naturalem filium habuisset, illum suo, hunc matris nomine Silvium appellat. Sed Vir doctus Gruterianum exemplum sequutus frustra ex nostro lapide [an etiam ex aliis?] rem suam tuetur: qui enim fieri potuit, ut ex eadem Silvia, quæ Uxor expressè dicitur, duos equè filios, alterum legitimum, i. e. Modium Felicem, alterum naturalem, i. e. Coccejum Silvium susceperet? Nam etsi posterior hic ante iustas nuptias editus fuerit, ex subsequenti deinde matrimonio jure Civili aequè legitimus evasisset. Sed nunc jam solvit lapis, ex cujus postrema linea *Cesiam Veneyem* Heineccio ignoratam prodire nunc videmus: atque hæc quidem C. Modii concubina eidem Coccejum filium naturalem peperit, postremo loco ideo memorata, quod Sattia Uxori, Matrisfam. prærogativâ gau-

denti, concedere deberet: Non autem sibi illa, quod Concubina declararetur, aut Coccejus, quod filius naturalis diceretur, ullam infamiae notam accipiebant, quandoquidem jure Ethnicorum non turpe erat Concubinæ nomen ut heic n. 19. videtis eund. Heinecc. l. 1. Singla penultimæ lineæ VV. SS. F. (quæ male Gruterus sejunxit sic V. V. S. S. F.) ita explicanda censeo: *Vivi Sibi Fecerunt* geminatis de more primis literis singularibus ad multitudinis numerum indicandum.

[b] Extat etiam apud Gruter. p. 710. n. 2. qui lin. 4. habet xxxvi. lin. 7. pro *Pater* legit *Frater*, ac postrema sigla B. M. F. omittit: omnia contra lapidis fidem, qui (ut dixi) lin. 7. *Patris* non *Fratri* vocabulum inscriptum planè exhibet, in quo [quum solius Matris nulum vero Patris certum nomen expressum sit] notandum aliquid nobis omnino offert, quid enim? quum Matris nomen duntaxat inscriptum legatur, cui mox *Mater* & *Pater* adjectum est, an fortasse Lollia Evfrosina utrumque sibi attribuere voluit? Verisimile id videri poterit, si Trebonius ejus filius vulgò, aut ex damnato coitu susceptus *Patrem* demonstrare non poterat, vel poterat quidem, sed eum habebat, quem habere non licebat, ut loquitur *Modestinus* in l. 23. *D. De Statu Hominum*: Itaque Lollia, quæ Mater ei fuit, etiam educatione, adfectione, aliisque Paternis officiis *Pater* simul dici fortasse voluit.



# CLASSIS NONA.

XLIII

Grut. p. 705. n. 11. FleetWood p. 252. n. 4.

Ruri DD. de Pascale.

24. D. M (a)  
L. SCERINI. ANNAEI. AFRICANI 25  
FIL. DVLCISSIM

QVI. VIXIT. ANN. XII. M. VIII  
DIES. X  
PARENTES. INFELICISSIMI. AMISSIONE  
EIVS. PERPETVIS. TENEBRIS. ET. QVOTI  
DIANA. MISERABILI. VLVATIONE. DAMNATI

Viâ Soricea, & apud Gudium p. 248. n. 2.

26. D. M. S  
C. VMBRI  
PRIMI QVI  
VIXIT ANNIS  
X X. MENS. VII  
VMBRIA FELICITAS  
MATER FILIO DVLC  
B. M. F

Ad Aed. Sacram PP. Jesuitarum.

28. D. M. S  
DVNLIO CRESINIO  
OPPIA SECVNDI  
NA CONIVGI INC  
CVM QVO VIXIT  
ANNIS XV. S. V. Q  
B. M. F.

i. e. Sine Ulla Querela  
Benevolentia Fecit.

Propè DD. Rotondi.

29. D. M  
C. HELVIVS PRI  
MILLVS... D. V  
C. HELVIO PRI  
MILLO  
B. M. F

Ad dirutam Aedem Parochialem S. Petri.

30. D. M  
C. LVCCIO  
RVFINO  
LVCCIVS  
DEDEMPVVS  
AEPIDIA SE  
CVNDINA F  
RATRES FIEC  
CERVNT Q. V  
AN. VI. M. VIII. D. X

Notanda heic *Fratri*  
appellatio etiam So-  
rori communis, nec  
non barbara illa vox  
lin. 8. & 9. *Fiecerunt*

In Turri

[a] Habes heic loquentissimè, an etiam eloquentif-  
simè expressum Parentum dolorem ob præcox filii fa-  
tum: Damnos sese perpetuis tenebris querunt tan-  
quam *Orbi*: & sane ex orbitate oculorum desumpta est  
Orbita illa, quam Parentes amissis filiis subire dicun-  
tur. Festus: *Orba* est, quæ *Patrem*, aut *Filios* quasi  
lumen amissit: & Isidorus etym. x. *Orbus*, quod *liberos*  
non habet, quasi oculis amissis. Oculorum enim loco  
filii æstimantur, ac cariore haberi solent; Libeat ex  
S. Historia simillimum exemplum huc deducere, ubi  
Tobias X. Annam audimus erga absentem filium hæc  
tristia verba fundentem: *Heu heu me, filii mi, ut quid*  
*te misimus peregrinari, lumen oculorum nostrorum*: at-  
que ex his, cur perpetuis tenebris, L. Scerino mor-  
tuo, ejus Parentes damnatos se dicant, jam rectè intelli-  
gimus: ob eandem quoque causam *quotidianam* se age-  
re ululationem subdunt: Ea enim Parentum amoris er-  
ga filios vis est, utiis præsentibus summo gaudio, ac  
voluptate, amissis verò, perpetuo afficiantur mærore,  
quem nulla dies delere, aut etiam levare potest, ut de  
eadem Anna Tobias Matre, ac præterea de Jacobo Jo-  
sephi Patre eadem Sacra Historia commemorat. Ulula-  
tionis autem vocabulum satis aptè, eleganterque adhi-  
betur ad significandum inconditum illum clamorem,  
qui in summo animi dolore ob funeris acerbiteriam edi-  
olet: Hinc ad eam rem familiare Virgilio *ululandi* vo-

cabulum fuit, ut *Æn.* 2. 488. 9. 477. 11. 190. & ali-  
bi sæpe.

[b] Cascellia Gens in Grutero satis nota: Hanc Be-  
neventi etiam consedisse præfens monumentum testatur,  
in quo plures Cascellii nobis exhibentur, quorum arbor  
sic explicandus videtur: M. Cascellus Secundus, qui  
in fine lapidis memoratur, monumentum fecit tum suis  
parentibus M. Cascellio Secundo, & C. Cascellæ Ero-  
ne, tum M. Cascellio Crescenti fratri: Adhuc ipse  
tribus suis filiis idem monumentum posuit, nempe  
M. Cascellio Secundo, M. Cascellio Crescenti, M. Ca-  
scellio Secundo, quorum unus Patruus, reliqui Avito,  
Paternoque cognomine æque appellantur: At quomo-  
do, inquires, in una familia, atque domo tot M. Ca-  
scellii Secundi inter se distingui poterant? De filiis jam  
mos obtinuit, ut omnes prænomen paternum, nomen-  
que familiæ comune acciperent, cognomen etiam pa-  
ternum eorum primus, ut Patrem undequaque referre  
videretur: Duo autem filii heic eodem Patris cogno-  
mine ideo appellati fuisse videntur, quod eorum alter  
præmortuus nascenti alteri paternum cognomen rursus  
assumendum reliquerit: Certè qui M. Cascellii Secun-  
di filii in hoc lapide habentur, ambo præcoce fato su-  
blati Patrem superstitem reliquerunt; alterius autem  
obitus alterius nativitatem præcessisse censendus est.

# XLIV INSCRIPTION. BENEVENTANÆ.

In Turri marmorea S. Sophie.

31. MARONI ALVMNO (a)

C. CALPHVRNIVS LAVSVS  
DOMINO DILECTVS  
QVOQVO IRET SEMPER COMES  
POCVLI MINISTER  
DOCTVS PALESTRÆ PVER  
sic. AEQVES  
SEPVLTVS HIC SVM

NATVS ANNOS OCTO ET DECEM

Fabrettus p. 349. è schedis Barberinis.

35. ZMARAGDO

IVLIA C. F  
TREBONIA  
ALVMNO  
PIENTISSIMORVM  
PIISSIMO  
ET DVLCISSIMO

In Sarcophago Marmoreo  
è schedis Verafilii.

VIXIT ANN. XIII  
M. VIII. D. II. A. IGNIVS  
FELIX DOMATIA QVIN  
TILLA QVI AMARVNT  
ALVMNVVM SVVM

34

Ad S. Lupi. Murator. p. 861. n. 7.  
VALERIO HELIODORO Q. V. A  
XXX. M. VII. D. XI. IVVENI PROBISSIMO  
AC FIDELISSIMO VALERIVS CLAVDIVS  
EVOK. ALVMNO DIGNISSIMO B. M. F  
Grut. pag. 658. num. 1.

M. COSINIO CRISPINO  
COSINIA MAXIMINA  
FILIO INCOMPARABILI FECIT  
ET Q. MAELIO MODERATO COIVGI  
ET M. COSINIO OECOGENI ALVMNO  
ET SIBI

Gruter. p. 656. n. 11.

33. AELIAE  
RHODINE  
AELII. PAN  
THIA. ET. PIS  
MATIVS. ALVM  
NAE. B. M. F

Id. Murator. p. 1538. n. 4.

37. FVRNIA PRIMA  
AEMILIO ZANVARI  
O ALVMNO ET LIBERTO  
PIISSIMO BENEMEREN  
VIXIT ANNIS XVIII. M. II

In Ælib.

[a] V. C. Fabrettus cap. v. pag. 349. num. 21. duas hujus lapidis priores lineas tantum habet, atque extra-  
re Romæ Hortis Justinianæ, ut proinde Fabrettia-  
nus lapis alius à nostro censendus sit. Qui propriè apud  
Veteres dicerentur Alumni non dum constat: Alii enim  
ingenuam, alii servilem conditionem suis nominibus  
præ se ferunt, ut ex hisce nostris lapidibus satis probari  
potest: Utroque in suas Classes, pluribus allatis in-  
scriptionibus distribuit Fabrettus: Mediæ conditionis  
Classis erit quoque constituenda, eorum nempe Alu-  
mnorum, de quorum statu dubia erat juris dispositio:  
Plinius, dum Pro-Conf. Lithyniæ esset, hæc ad Tra-  
janum scribit lib. x. ep. 71. *Magna Domine, & ad totam  
Provinciam pertinens questio est, de conditione, & ali-  
mentis eorum, quos vocant hyrri.* & is respondet: *Que-  
stio ista, quæ pertinet ad eos, qui liberi nati expositi,  
deinde sublatis à quibusdam in servitute educati sunt, sæ-  
pe tractata est: & ambigens ipse quid respondeat, ideo  
(subdit) nec ad servitorem denegandam iis, qui ex ejus-  
modi causa in libertatem vendicabuntur puto, neque ip-  
sam libertatem redimendam pretio alimentorum:* Hos  
propriè Alumnos appellatos decernit Lipsius, erudite-  
que probat epist. 85. cent. 1. ad Belg., eos nempe, qui re-  
cens nati a parentibus publico loco expositi, ab aliquo  
piè sublatis alebantur. Quarto loco Alumnos vocari fi-  
lios ex Concubinis susceptos multorum sententiam esse  
affirmat Brissotius De Verb. Signif. lib. 1., atque ita ac-  
cipiendam notat sententiam memoratam in l. 16. §. 1.  
D. De his, quæ ut indignis &c. Sed nulla apparet ratio,  
cur filii naturales Alumnorum vocabulo aliquando ap-  
pellari possent, nam quod iis alimenta præstarentur, ge-  
neralis ea causa est, quæ aliis æquè convenit, qui in  
eadem domo ab eodem Patrefamilias aluntur: Cæte-  
rum servilem conditionem Alumnæ tribuit Justinianus,  
qui illam libertate donatam iustas cum suo Altore nu-


ptias contrahere posse declarat in l. 26. Cod. De Nu-  
ptiis: *Si quis (inquit) Alumnæ suam libertate dona-  
verit, & in matrimonio suo collocaverit . . . nos vetu-  
stam ambiguitatem decedentes non esse vestrum matrimo-  
nium censemus . . . nec enim homo sic impius invenitur,  
ut quam ab initio loco filie habuit, eam postea in suo col-  
locet matrimonio, sed ei credendum est, qui eam & ab  
initio non uti filiam educavit, & libertate donavit:* Ex  
qua Justiniani lege amplius mihi probatur, ac omnino  
verior videtur Lipsii sententia, ut Alumni ii propriè  
fiant, qui a Parentibus expositi, ab aliis suscepti edu-  
centur: Educatorum, autem, seu Altorum arbitrio  
(ut præclarè ex eadem lege colligitur) fiebat, ut Alu-  
mni modo tanquam servi, modo velut liberi educaren-  
tur; unde fuit, ut modo servitutis, modo libertatis  
nomina ferrent: hinc etiam tam frequentes quæstiones  
inter hos Alumnos, suosque Altiores de eorum statu, ut  
ex Plinio, ac ipso Justiniano discimus: Cum autem  
Altoribus eos in libertate educare libuisset, loco filio-  
rum ipsis fuisse per anonymam quandam adoptionem  
(nullo tamen quæsito legitimæ adoptionis jure) decla-  
rat Justinianus, probatque nostrorum temporum mos,  
quandocumque ejusmodi expositi, Alumnique ab Alto-  
ribus veluti in filios suscipi, filiorumque nomine passim  
vocari solent.

[b] Literam Z pro S usurpatam centies probant an-  
tiqui lapides, præsertim in hoc met vocabulo *Zmarag-  
dus* incausum reclamante Prisciano, qui vitium eos face-  
re docet, qui Z. ante M. scribunt, nunquam enim du-  
plex in Capite syllabæ posita potest cum alia jungi conso-  
nante. Seb Z. pro I. adhibitam rarissimi est exempli,  
nam præter nostrum lapidem heic n. 37. ubi ZANVARIUS  
pro IANVARIUS, vix ZESV pro IESV invenire est in In-  
dice Gruteriano eorum, quæ ad rem Grammaticam per-  
tinent.



In *Ædib. Medici Iosephi Buonanni. (a)*In *Ædibus Seminarii, olim Parziale.*

38.



Prope Collegium PP. Jesuitarum.

44. (b) M. TREBVLANI GAGILI. TESES FORIANI. F. DVL QVI. V. A. XIII. M VI. D. XII. TREBV LANVS. TELES FOR. ET. MATRIA GAGILIA. PAR. INF

39.

L. TVRSELLI. PRISCI. VIXIT ANN. XIII. M. XI. C. L. MAXIMA

MATER FECIT

*Sigla C. L. in lin. 3. explico Cai Liberta quæ contra morem sibi Maxima præcedere voluit, nisi veriùs omisso nomine Maxima cognominis loco sit.*

Gruter. pag. 686. n. 5.

Domi Horatii Cardone.

40.

HAVIO APRO QVI VIXIT ANN XII. M. VII. D. V HAVIVS VMBRIVS FORTVNATVS PATER FEC

In *Ædibus Seminarii.*

42. Q. CONCORDI O PRIMO QVI VIXIT ANNIS V. MEN. VII. D. XX MATER FILIO CARISSIMO FEC

41.

D. M MANLIO APRI CVLO MAEVIA SA BINA CONIVGI B. M. F

Prope *Æd. DD. de Aquila.*

43. A. CVRTI PRIMI ANI QVI VIXIT AN. XXXIII M. VI NAIIVIA OPTATA MATER

*Naiivia pro Nævia adhibito græco Diph. AI.*

In Arce Civitatis.

46. D. M M. METILIO E MINEO VALE RIA PRIMA CO IVCI CVM QVE sic VIXIT AN. XV. M III. DIE XX. B. MF

In Di-

E

(a) Mirum adeo rudibus, æque inconditis characteribus inscriptam esse hanc Partii marmoris columellam satis eleganter elaboratam: Verum non ejusdem fortasse ætatis (ut observavit quoque cl. Lupus in epit. S. Sev. p. 139. ad Urnulam octogonam) est epitaphium, & sculptura, aut sane, non idem est grammaticæ scribere, & affabre sculptere. Igitur in lin. 1. litera M. anteriori ductu caret, ut etiam litera N penultimæ lineæ eodem defectu in V. evadit, nam pro SECUNDVS scriptum est SECVDVS: Item græcum λ pro omni pene latine A usurpatur, quod frequenter in aliis faxis factum occurrit, eumque scribendi morem illustrat Fq. Sertorius Ursinus in marin. erud. ep. 7. linea 4. habetur CONIVCI cum C. quæ sane distinctio in nostris lapidibus mirum est, quam varia barbarie fere semper scribatur in titulis sepulchralibus, ut in hac classe vides. Negotium tamen nobis facessit Mariti nomen post Cai prænomen lin. penult. incriptum. VIBIVS legi potest adhibita primo loco B. pro V. scribendi more veteribus passim recepto, ac gemino I. pro simplici I. usurpato: Sed verius fortasse BEBIVM legerim: Bebia Gens in Gruteri thesauro notissima est: præterea ut ex ejusd. Gruteri Indice Grammaticali constat, nihil usitatus in antiquis faxis, quam duplicem I loco E scribi: Exemplum heic habes clas. 3. n. aliorum loco sufficit lapis Aquilejensis apud doctum Bartholium p. 337. n. 488. PALATINO FL. ANTIO CONIVGI BIANI MIRENTI. Vide alios apud Manut. de not. explan. lit. B. p. 19. Miror itaque eruditum Oliverium in Miram Præaur. p. 142. ad lapidem Tudertinum ubi legitur: C. SVRIIVS L. F. &c. clariss. Passerio, qui

eum ex Archetypo descripserat, non omnino fidem suam accommodasse, quod is ob litterarum corruptionem veram lectionem agnoscere nequiverit, unde C. Severinum ibi legendum Oliverius censet: Sed quovis pignore contenderem Suriinum ibi sculptum, recteque a Passerio descriptum: itaut duplex I loco E. adhibuit (quod promptum fuerat Oliverio animadvertisse ex altero lapide, quem offert n. 90. ubi est VIXIT pro FECIT) jam tandem C. SVRENVN nobis omnino exhibeat. Certe C. SVRIIVS in eodemmet lapide legitur apud Murat. p. 525. n. 2, qui tandem Inscriptionem ex Comite Francisco Campello emendatè descriptam habuit, nam quæ apud Oliverium sic legitur: C. SVRIIVS L. F. ANISIME CAARI MEM. ubi vir doctus Tribum Antensem recte suboluerat jam demum apud Muratorium sic legitur: C. SVRIIVS. F. F. ANI. SENECA. ARIMINI &c. Sed pro Surenus nihil vetat, ut ibi Surinus legi queat: Vocales geminare veteres nonnunquam solitos satis constat: Suriina autem Gens apud Gruterum, & Muratorium nota.

(b) Deorum appellatione multati sunt in hoc lapide Manes, quod haud temporis injuriæ, aut Quædæarii consilio. sed fortasse oscitantæ tribuendum est: non enim solitarios Manes initio titulorum sepulchralium adhuc legisse contigit: Lapidem autem sic accipio: Manibus M. Trebulani Gaglii Telesforiani Filii Dulcissimi qui vixit an. XIII. Mens. vi. Dieb. xii. Trebulanus Telesforianus, & Maria Gaglii Parentes Infelicissimi: Itaque M. Trebulanus Gaglius Telesforianus præter paterna nomina, etiam maternum Gaglii assumpsisse videtur.

# XLVI INSCRIPTION. BENEVENTANÆ.

In Diverforio è regione S. Francisci, & apud  
Muratorium pag. 1139. num. 6.

47. D. M (a)  
AVRELIO  
HERCVLANO  
QVI VIX. ANN  
VII. M. V. D. XVII  
M. AVRELIVS  
ALEXANDER  
FILIO DVLICIS  
SIMO CVI MORS  
ACERVA  
CESSIT

Ad S. Petri extra moenia.


49. D. M  
CONCORDI  
FORTVNATI  
LOLLIVS FILIVS  
PATRI B. M. F

Ibidem in ingenti marmore tres tituli separatim inscripti.

33	D. M	Heic sculpta sunt ornamenta	D. M
TREBELLIV			
S AVRELIV			
S P. . . . .			
QVI VIC X			
IT AN. X. M			
III. . . VRA			
... MAT. . .			

In atrio Aedium mearum. Vid. in Præloquio pag. 9.

48



In Via vulgo Pontile, qua itur ad  
Portam Auream.

51. AGATHOBO FILIO  
MODESTVS  
PATER

In Aed. Petri Pauli Roscii. Vid. Cl. IV. n. 11.

52. L. STAIO HE  
RODATO  
QVI VIXIT ANNIS  
V. MENSIB. VIII  
DIEB. XV  
L. STAIVS L. B. RV  
TILIVS MANILI  
FRATRI DVL  
CISSIMO

Apud Gruterum pag. 679. num. 9.

54. D. M (b)  
M. CRASSO SATVRNINO  
M. CRASSVS FORTVNATVS  
FILIO CARISSIMO  
QVI VIXIT ANN. XIII  
M. X. DIEB. III  
DVCI FECIT ITV AMBITV  
DO

Sub

(a) Notanda sunt postrema lapidis verba: cui Mors  
acerba [ pro acerba more illo, quo veteres literas V.  
& B. promiscue in dictionibus commutabant ] cessit pro  
contigit; & vere ac recte acerba mors, quæ septennem  
filium e vivis sustulit.

(b) Præter nostrum lapidem pluries occurrit apud  
Gruter. hæc formula sepulchralis: sic p. 593. n. 5. IN  
FR. P. XXXV. IN AG. P. XXXV. ITV. AMBITV. ACVAE.  
PRAESTANDV. . . Item p. 798. n. 6. FECERVNT. ITV.  
AMBITV. POSSIDERE LICEAT. Pomponius in l. v. d.  
De Sepulch. viol. Urimur [ inquit ] eo iure, ut Dominis  
fundorum, in quibus Sepulchra fuerint, etiam post vendi-  
tos fundos adeundorum Sepulchrorum sit jus; legibus nan-  
que prædiorum vendendorum cavetur, ut ad sepulchra,  
quæ in fundis sunt, iter ejus, aditus, ambitus funeris  
facienti sit. Videtur enim [ ita ad eandem rem Ulpian.  
l. 10. D. De Religiof. ] hoc exceptum inter clementem, &  
vendentem, ut ei per fundum sepulturae causa ire liceat:  
Pulchre Cicero in Orat. Pro Sex. Roscio: Mors [ ait ] flo-  
rentissimi hominis Sex. Roscii crudelissima, filii autem  
egestas indignissima, cui de tanto patrimonio prædo iste ne-  
farius ne iter quidem ad sepulchrum patrum reliquit. i. e.  
illud quoque abstulit, quod alicui semel quaesitum nullo  
modo deinceps auferri potest, sed ipse quoque emptor

præstare tenetur: Hinc Gruteri lapidem emendo, ubi  
illud: ITV AMBITV ACVAE PRAESTANDV. . . quod Sca-  
liger in Indice Historico ITV AMBITV ACVAE PRAESTAN-  
DAE perperam explicat, ita legendum, & supplendum  
censeo: ITV AMBITV A QVO PRAESTANDVM ERIT, siue  
idem sit fundi ac sepulchri dominus, siue fundus in alie-  
num dominium aliquando pervenerit. De Itu, seu iti-  
nere ad sepulchrum clara res est, quam etiam illustrat  
Kirchmannus De Fun. lib. 3. c. 22. De Ambitu vero  
frustra apud eum quaeras. Ambitus igitur docente Varr.  
de l. l. xv. iter est quod circumuehendo teritur, quam vo-  
cem eod. sensu adhibet L. xli. Tab. Ambitus Parietis sex-  
certius pes esto: i. e. duo pedes, & semis cuique ædi  
quaqua versus liberi sint, ut circumire eas quis possit,  
quod avertendorum incendiolorum causa cautum fuit:  
Vid. Brisson. Antiq. l. i. c. 1. & 3. & Cujac. observ.  
l. 13. c. 36. Non Itus itaque solus, reditusque, verum  
etiam Ambitus sepulchris debebatur, ut ea scilicet sa-  
crificii, vel alterius rei causa circumire quis posset:  
Ita apud Donium, cl. vi. n. 188. H. M. N. ITV AMBITV  
SACRIFICIV FACIENDV i. e. Huic monumento nostro Itu  
Ambitu Sacrificium Faciendum. & apud Muratorium  
p. 1345. n. 12. ITVM ADI TVM AMBITVM VSTRINAE SA-  
CRIFICII CAUSSA.



Sub Arcu Pontis Caloris, &amp; apud Reinefium.

Reinefius pag. 754. num. 114.

55

C. IETVELLIVS Q. F. FAB (a)  
LEVIVS MONVMENTVM FACEIV  
CVRAVIT SEIBI ET VXORI SVAE  
EPIDIAE P. F. NERIAE  
EIDEQVE PROBAVIT

56

D. M (b)  
C. OFILI MODESTI  
QVI IDEM ET ASYARAGIVS  
CVM QVO VIXI AN. XVII  
CAESIA MONTANA  
CONIVGI B. M. F

Gruterus pag. 804. n. 2.

Idem pag. 986. num. 12.

Ruri vulgo Pantano ad ædem  
Rusticam de Gentile.

57. D. M  
C. MANIO  
PRIMIGENIO  
MARIA IANVARIA  
CVM QVO VIX  
ANN. XXXVI. M. III  
CONIVGI B. M. F

58. C. NONIVS C. L. CHILO SIBI ET  
M. POSTVMIO M. L. DASIO FRATRI SVO  
ARBITRATV  
C. LVCCII C. F. MAXIMI  
Prope Cloacam della Fragola.

59. D. M. S  
SPEDIAE SIVE  
CERRINIAE  
CELERINAE  
C. LICONIVS  
CELER CON  
IVCI BENEME  
RENTI CVM

fic QA VIXI ANOS fic  
XXXXVII. M. VIII  
SINE VLLA QVERELA  
Prope Æd. DD. Rendina, nunc Recupito.

64.

D. M  
Q. TITVLEIO  
MARCELLINO  
CONIVG. QVI  
VIXIT AETATI fic  
ANN. XLV. ET  
MECVM AN  
NIS XVIIIS i. e. an. XVIII & Semis  
MVNATIA FEL  
ICITAS CONI i. e. Coniugi  
BENEMEREN  
FEC

E Schedis Viglioni.

60. M. MAMIDIO  
MODESTO AFI  
NIA LIBERALIS  
CVM QVO VIXI A  
X. D. VII. COIVCI  
INCOMPA. B. M. F

61.

D. M  
IVSSIDI PRIMI  
.....  
.....  
.....  
MANDA  
COGI CVM QVO  
V. A. XVII. M. III  
ET IVSSIDIA  
i. e. Filia.

Prope Æd. olim de Abate.

62. L. EGNATIO  
P. F. VARANO  
IN F. P. XII  
IN A. P. XII

63.

In horto PP. Augustinianorum.  
D. M  
D. VETTIO PRIMO  
VIBIA QVETA  
SOROR FRATRI  
B. M. F

In exteriori gradu Ædis de Gentile ad D. Petri.

65. M. SASSIVS. F. Q. SASSIVS. M....

g 2

Domi

(a) Importunior quam umquam Reinefius in corrigendo hoc lapide fuisse videtur: nam lin. 1. pro *Ietvellius* legit *Lentuellius*, ac mox ex postremo *FAB* ejusdem lineæ, & *LEVIVS* sequentis confingit *FALENIVS*, fugitque illum plane ipsa, & vera interpretatio utriusque distinctæ distinctionis, ut in prima præclare exprimitur *Tribus FABIA*, in secunda *LEVII* cognomen. Fastidio siue adhuc in postrema distinctione lin. 2 ubi pro *FACEIV* emendat *FIERI*, quasi illud *FACEIV* non sit optime scriptum in lapide, i. e. *FACIIVNDVM* addita *E* ante *I* veterum more, qui huic lapidi familiaris est, ut in *SEIBI* pro *SEIPSI* lin. 3. & *EIDEQ* lin. 5. pro *IDEMQ*. In hac autem lapide multæ adfunt *Archaisini* notæ, nam præter ipsum et pro *I*. ter adhibitum, & *Tribus Fabia* occurrit, & solennis illa formula *eidemque probavit* in posterioris ævi *faxis* nunquam usurpata, de qua videndus *doctus*. *Briffon*. de *Formul*. lib. 8. c. 46.

(b) Divinat etiam in hoc nostro lapide Reinefius qui lin. 2. pro *Asyragio Afranium* substituit: sed misso Reinefio præstat potius superadditum ipsum Cognomen animadvertere, quo *C. Ofilius Modestus* appellatus fuit: etiam veteres (ut modo non raro fit) additiis huius cognominibus, quæ nos *Soprannomi* dicimus, notari solitos constat, nec viros tantum, verum etiam

feminas, quarum unam etiam hæc ipsa pagina exhibet n. 59. nempe *SPEDIA* SIVE *CERRINIA*. Sic etiam apud *Donium* cl. x. n. 16. *Creperaja* L. F. *Epistefis* quæ & *Oloferica*, & apud *P. Lupum* in epit. Sev. p. 117. *Aurelia Secundina* quæ & *Luticuria*: Rem jam olim observavit cl. *Fabretus* cap. 3. n. 21. p. 145. Num vero cognomina isthæc sibi met quis imponderet, valde dubito: nonnunquam ex aliqua animi, aut corporis virtute, vitiæ, vel quapiam alia de causa a suis popularibus cuique affixa potius crediderim: Sic *Luticuria* *Lupi* (ut doctus Auctor opinatur) a *velocitate currendi per lutum* sive verius, quod neque lutulentis viis in publicum prodire, vagarique prohiberetur, hoc sibi novum cognomen peperisse potuit. Sic etiam *Creperajam* *Donii*, quod *Holofericis* vestibus vanitate muliebri plus æquo delectaretur, *Olofericam* vocitatum crediderim: quæ quidem cognomina semel affixa, vulgique ore jam frequentata, ita illius, cui attributa erant, propria evadebant, ut ad illum certo certius indicandum, etiam publicis monumentis inscribi opus esset. Vid. *Malval*. *Marm.* *Felsin.* p. 460. Hos vero, quibus duo nomina, seu cognomina æque propria erant, *Binomines*, aut *Binomius* recte dixeris.

# XLVIII INSCRIPTION. BENEVENTANÆ.

Domus Iosephi de Marco.  
66. VESVELLIA HILARA  
SIBI ET  
C. PVLLIO PAMPHILO  
VIRO SVO ET  
VESVELLIAE EVROPÆ

Prope Æd. olim de  
Moscarellis.  
68. HISPANIAE  
POMPONIAE  
Q. V. A. XXVIII. M. X  
D. XI  
CONIVGI INCOM  
PARABILI  
PONTIVS PRISCVS  
MARITVS B. M. F


Ibidem,  
69. D. M.  
ALEXANDRIA  
V. A. IIII. M. II. D. III  
D. M  
PRIMI  
D. M  
CELERINI

Videbatur in Sepul-  
cro Archiepiscopi  
Capoferri.

70 AVRELIAE  
HAMMONI  
AE CONIVGI  
KARISSIMAE  
TYRSELIVS  
MAXIMVS  
BENEMEREN  
TI FECIT

In plano Curiae.  
74. D. M.  
TITVLEIAE CAPRE  
OLAE  
TITVLEIVS VRSVLVS  
FECIT  
Murator. pag. 1191. num. 11.  
Ad Portam Auream in Via sinistra.  
76. D. M.  
M. MVNATI  
FELCISSIMI  
QVI. V. A. XV. M. VI  
D. X. MVNATIVS  
AEMILIANVS. ET EPVRIA  
CAPREOLA. PARENT

67. In atrio Ædis DD. De Compare, (2)



In plano Curiae.

D. M.  
HERENNIAE  
VRANIAE  
M. CAECIVS  
TINTINNABOLVS  
CONIVGI  
BENEMERENTI  
FECIT

Idem p. 1147. n. 11. apud Sanctimoniales S. Petri.

77. BETTIDIAE  
PLOTINAE i. e. Caj Plotini  
C. P. FILIAE filia

In limine Portæ Arcis, & apud  
Grat. pag. 829. num. 6.

71. D. M.  
SPEDIAE ADVLAE QVAE  
VIX ANN. XXXII. M. VI  
D. VI

C. VMBRIVS. PRIMVS  
CONIVGI. INCOPARA  
BILI. FEMINAE. CVM  
QVA VIX. ANN. VII. M  
VII. D. VII. B. M. F  
In Ædib. DD. De Cillis.

72. AFINIA  
ATTICAE BE  
NEMERENTI  
Appianus pag. 124.

73. VESONIA C. L  
ATTICE  
LOCY SVO  
ET L. VESONIO  
INGENVO V. SVO i. e. Viro Svo  
IN F. P. XII  
IN A. P. VII

In Æd. DD. de Sabarianis,  
& apud Murator. p. 1351. n. 8.  
qui sic habet: Beneventi in  
tertia via e schedis meis.

In averfa parte.

D. M.  
TINTINNABOLVS  
VRANIAE  
BENEMEREN  
TI FECIT

In Turri

(a) Quid sit nota illa in huius lapidis fronte insculpta, ignorare me fateor: non enim alibi exemplum occurrit: Nexus videtur duarum literarum C. & F., quæ sigla Caj Filium sonare solent; at quid opus M. Furio, ut eo loco, atque adeo latenter se Caj Filium proderet, quod post suum nomen commodè ac de more præstare poterat? An vero Cenotaphii, aut Cepotaphii vox ibi expressa? Certe Cepotaphium pro Cepotaphio aliquando scriptum docent lapides apud Vignol. p. 330. & apud Donium cl. 11. n. 178, idque sepulcrum erat in Horto conditum a *seu* Hortus, & *seu* sepulcrum, quale Domini Nostri Jesu Christi fuisse recte observat cl. Gorius: hinc M. Furius ejusmodi generis sepulcrum ab se conditum ea nota fortasse indicare voluit; sed meliores conjecturas, aut divinationes expectabimus: notandum interim M. Furii cognomen IERAX, quo olim Antiochum selenci Callinici Regis Syriæ fratrem appellatum scimus ex Justino l. 27. c. 3. propterea quod oblata Regni parte non contentus, totum Fratri eripere cupiens non hominis, sed Accipitris indolem in alienis eripiendis præferret. Sed cum de cognominibus jam

sermo sit, eorum aliqua notatu digna in hac pagina conjeci, ut illud pateat, quantum in hac re humanum ingenium curiose se habuerit; *Scrutabimur* [inquit Quintilianus l. 4.] *Præceptor acer origines nominum, ut quæ ex habitu corporis Cicerones, Rufos, Longosque fuerunt* [nisi erit aliud Secretius Sylla, Burrus, Galba, Planci, Pansa, Scauri, Calpurnia] *ex casu nascentium, hinc Agrippa, Opiter, ex Cordus, ex Postumus erunt, ex his, quæ post natos eveniunt, unde Vopiscus; Jam Cora, Scipiones, Lænat. Sereni sunt, ex variis causis; inter quas muliebris ingenii vanitatem nunc accensibimus, quæ ex Provinciis, Nationibus, illustribusque Urbibus propria sibi cognomina adscisciebant: M. Furii Ieratis uxor Provincia cognomine decoratur; Europa, Hispania, Astica, Apulia, Alexandria cognominæ aliæ heic effulgent. Ad hæc Armenia, & Prania aliquid amplius majestatis sibi vindicare studebant. Vidimus p. XL. n. 10. Aprum, & Vrsam conjuges, nunc vero magis ridebimus heic n. 74. Capriolam, & Vrsulum matrimonio conjunctos.*



In Turri Ecclesiae Majoris.

78 L. VESONIVS ALEXAND  
SIBI ET  
CASSIAE M. F. PRIMAE  
sic BENEMERITIS EIVS

In Collegio PP. Jesuitarum.

81 TVRELLIA Q. L. FELIX DE SVO  
FECIT SIBI ET SVIS  
M. CAPRELIO M. L. CORCEO  
VIRO SVO  
M. TVLLIDIO M. AVCTO  
FILIUS SVO VIVA FECIT

Gruterus p. 328. n. 1.

83 D. M.  
SESTIDIAE  
FELICISSIMAE  
SESTIDIUS. PRI  
MVS. CON. BEN  
EMER. FEC.

In sede Cathedrali, &amp; apud Gu-

87 DIDIAE PROCV  
LAE C. TITI EUPORI  
ANIVXORIS (b)  
C. TITIVS VRBICVS  
HERES BENEMAE sic  
RENTI

Prope Portam, quae vocatur  
Gloriosa Ecclesiae Majoris.

79

M. AVRELIO  
FAVSTINO

E Schedis Viglioni.

82 L. FVLVI  
A VIVIT sic  
IN FR. P. XII  
IN AG. P. XV

Prope Aed. olim de Luti.

84 C. VMBRIO  
VMENTI COIV  
BENEMERENT  
VIBBIA MARCELLA  
FECIT.

Ante novam Eccles. Carmelitarum.

88 AMARFIAE SECVNDI  
NAE MULIERIS IN HOC  
.....  
QVAE VIXIT ANNOS  
XXV. MENSES VI. D. V.  
G. NAEVIVS HAER  
ES BENEMER. F

Ad S. Petri extra mœnia.

89

D. M. [a]  
VEIDIAE  
FORTVNATAE  
CONIVGI. MVNII  
VITALIS. QVAE  
VIXIT. ANN. CVM  
EO XII. MENS. ....  
QVAE SVPRAVI  
XIT DIEB. ....  
MVNIVS PROCV  
LEIANVS COGNATAE  
B. M. F.

Gudius p. 316. n. 11. sub stemmate mulieris.

85 CAECILIA  
SECVNDA

Idem p. 317. n. 21.

86 CLEPIANAE AVGVSTINE sic  
QVAE VIXIT ANNIS LV  
CLEPIANA SECVNDINA

Maratorius p. 1723. n. 5. Beneventi ex-  
tare ait & Schedis Farnesii, Pisauri ve-  
ro ex Schedis Jac. Valerii; non est inter  
marmora Pisaurensia Cl. Oliverii, un-  
de iure Benevento attribuetur.

89 Q. PASSERIVS ANTHIMVS  
ET PASSERIA VICTORINA  
SE. VIVI. FEC. SIBI. ET. SVIS  
LIB. POST. EOR.

IN FR. P. X. IN AGR. P. X.

lin. 4. leg. L. Liberti postestque coru

IN MOE-

(a) Non erit amplius dubitandum, Cognati, aut  
Cognatae nomen ad *Levirum*, aut *Glorem* significantes  
[ut modo apud nos Italos obtinet] Veteres etiam abusi-  
ve usurpasse: Jam id olim animadversum a Cl. Fabretto  
c. 3. p. 222. Comprobavit quoque doctissimus Mazo-  
chius in luculentis commentariis Kalend. Neap. ad x. iii.  
Aprilis ex aetate Ss. Tiburtii, & Valeriani, in quibus  
S. Caecilia Valeriani Sponsa huius fratrem Tiburtium  
suum *Cognatum* vocat: Res tandem ex nostro lapide non  
hactenus edito plane conficitur, ubi Munius Procule-  
janus Veidiam Fortunatam Conjugem Munii Vitalis  
(qui suus frater omnino fuisse videtur) cognatam appel-  
lat: Vocabuli [de cuius vera significatione late, eru-  
diteque de more agit Brisson. de V. S. l. i.] abusum  
etiam melioris seu vetustioris latinitatis aetate [secus ac pu-  
tat Fabrettus] capisse offendit noster lapis, ubi in Ve-  
diae nomine diphthongus et adhibitus fuit: Alios lapides,  
qui hanc Cognatae significationem tribuit, videmus apud  
Ill. Fabrettum, & Mazochium. Abellinatem dumtaxat  
Inscriptionem haec recoquere libet, quae sic habet.

G. MAMERCIO SP. F  
IANVARIO. Q. AED. PRAET  
II VIR. Q. ET  
P. PACCIUS. IANVARIUS  
FILIO NATURALI. ET  
MAMERCIA GRAPTE  
MATER INFELICISS. FILIO  
ET COGNATAE PISSIMIS  
FECERVNT

Ubi cum illud COGNATAE non sit quod referatur, diffi-  
cilem ejus lapidis explicationem fatetur Mazochius,  
quam ita procedere putat, si nomen ejusdem Cognatae,  
quod initio inscriptum erat, intercidisse statuatur. At


jam olim eruditus Heineccius ad L. Jul. Pap. l. 2. c. 4.  
§ 4. ad hunc lapidem observaverat Cognatae nomen non  
ibi appellativum, sed proprium fœminae fuisse, uxoris  
Korlan C. Mamercii, nam & alibi (inquit) L. Cognata  
& Trimmigenius Cognatus in lapidibus occurrunt: Sed  
Mazochii sententiam magis probaverim, nisi quod  
ejusdem Cognatae proprium nomen non initio quidem,  
ut is putat, sed post tertiam lineam inscriptum omnino  
censeam, id profecto manifeste indicante illo et ejus-  
dem lineae, cui sequens linea non respondet, quodque  
ipse Mazochius, sive potius Gudius apud Gruter.  
p. 434. n. 4. importune satis in r. correxit, ut esset  
*Quellor iterum*, quam & praecedens Q. Duumvirum  
Quinquennale exhibere recte queat. Sic profecto res  
se habet, quam plerique animadvertere negligunt, ut  
nempe descriptorum oscitantia aut perperam legat, aut  
quae legere desperat, non indicet interjectis lacunis,  
quibus animadversis eruditorum ingenia non adeo tor-  
querentur.

(b) Ediderat hunc lapidem Fabrettus c. i. n. 318.  
sed tertia linea mutilum, quae etsi non haberetur [est  
tamen in lapide] Eupori tantum pro Euporiani demi-  
nutum cognomen legeremus, sed ejusdem generandi  
casu positi Didiam sine alia adjectione Vxorem fuisse jam  
satis intelligeremus, ut alibi a me notatum: Cave ta-  
men, ne Titi, quod lin. 2. legitur nomen a Tito de-  
ducas; est enim a Titio, cuius genitivus casus uno I,  
ut cetera nomina in ius, offerri solet: Huius autem  
C. Titi Euporiani C. Titius Vrbicus frater fortasse fuit,  
ac proinde Didiae Cognatus, sed utiliore Heredis titulo  
contentus eidem Didiae Benemerenti (quem diphthongum  
exclusit Fabrettus) monumentum posuit.

# L INSCRIPTION. BENEVENTANÆ.

IN MOENIIS VRBIS AD PORTAM RECTORIS (a)

Gruterus pag. 999. num. 4.



91. T. VALERIUS T. L.  
PAMPHILVS  
SIBI. ET. SVIS  
IN FRON. P. XIII. IN AG. P. XIII  
H. M. H. N. S

Sub Foro venali Via recta.

92. C. PETILIUS CHRISER  
SIBI ET  
CVRTIAE Q. L. RESTITVTAE ET  
L. CVRTIO Z. L. ZMARAGDO ET  
CRVSTIDIAE REPETAE

In muro Ecclesie è regione  
Collegii PP. Jesuitarum.

Effossa in novo Viridario  
eiusdem Collegii.

93. L. NAEVIUS L. L. HERMA SIBI  
ET COMINIAE LALAVGE (b)  
94. OVANIUS Q. L. AVCTVS SIBI  
ET PATRONAE INF. P. XII

Prope Fornaces.

In Aedib. Medici Pacca,

95. L. CORNELIO L. L. EVPOLI  
ANNOS NATO VII  
96. L. MOLVI L. L. FLACI.....  
CALENI PATRONI

Via Soricea.

Ibitem.

Prope Aed. DD. De Majo.

98. CAERIA Q. L. ERA....  
SIBI ET  
CAESIO Q. L. MODESTO  
ET  
.....AITIO FELICI ET  
CAESIO Q. L. AVCTO ET  
..... COMMVNI

97. T. MARIO T. L. CHRESTO  
SEXTILIAI G. L. CHRESTAI  
LIBERTIS LIBERTABVS  
VIVI FECERE

99. L. FREGANIVS  
L. L. SATVRNINVS  
SIBI ET FREGANIAE  
L. L. HELENAE  
FREGANIAE C. L.  
DIODORAE  
SIBI ET SVEIS  
IN F. P. XII. IN A. P. XII

In Turri Ducis Castripoli (c)

Gruter. p. 892. n. 17.

100. D. M. VIBBIAE PRIMA  
E VIBBIA SAE sic  
CVNDA PA  
TRONAE B. M. F  
101. VALERIA. POLYNI  
CE. ET. VETTIVS. PV  
TEOLANVS. VIVI  
SIBI. LIBERTIS. LI  
BERTABVSQ. FEC

In mœnibus Urbis prope Nicastrum.

102. SOCELLIAE Q. L.  
OPTATAE

Extra

(a) Habet etiam Gruterus p. 987. n. 9. Sed hæc-  
nus desiderabatur simulacri exemplum, quod modo heic  
vides. Epigraphes nihil sepulchrale refert, ita ut potius  
honoris monumentum aliquod publice dedicatum non  
inepte opinari liceat; neque enim longius titulum pro-  
gressum plane ostendit ipsum opus, quod omnino ad hanc  
formam undequaque absolutum conspicitur: Sicigitur  
titulum ipsum lego. *Publius Oppius Auli Libertus PAM-  
philus*: ut jam mireris diverso, quam Patroni Oppii  
prænomine Libertum Pamphilum contra morem vocari  
voluisse.

(b) Nomen, seu Cognomen huius Libertæ Comi-  
niæ scriptum quidem est LALAVGE adhibito nexu literæ  
V cum A secundæ syllabæ, uti diserte habet Autho-  
graphus; sed [si quid aliquando audacter liceat] non

dubito, quin ibi GLAVGE scribendum fuisset, quod  
inter Servilia muliebria nomina occurrit in *Leg. 37. §. 1.*  
*D. De Legatis 11.* ubi etiam *Tichen* legitur, quam hæc  
habet heic p. LVI. n. 169.

(c) Vibia duæ, nempe Patrona, & Liberta *Prima*  
& *Secunda* cognominibus distinguebantur; atque hæc  
quidem numeralia cognomina fœminis satis consueta;  
cum enim omnes communi familiæ nomine æquè voca-  
rentur [ut de Libertis quoque jam constat] neque eæ,  
nisi raro admodum prænomine uterentur, ex ordine na-  
scendi cognomina plerumque accipiebant: Heic vero  
non ad nativitatem, sed dignitatem indicandam, *Prima*  
cognomen Patronæ, *Secunda* vero Libertæ, ad  
utriusque Vibia discrimina usurpatum videtur.



# CLASSIS NONA.

LI

Extra Portam Auream, & apud Donium Cl. XI. n. 47.

In mœnibus Urbis prope Turrin S. Panari.

103

MEMORIAE (a)  
IVLIAE. PRIMAE. FIDELISSIMAE  
ET. INCOMPARABILIS. FEMINAE  
N. BLAESIVS. IVLIVS. DEXTER. ET. TIBERI  
IVLI. CONCORDIVS. LVPVLVS. ET  
MARCIVS. FILII. MATRI. DVLCISSIMAE

104

C. CALPENVS (b)

C. L. EVTICHVS  
SIBI ET SVIS ET  
SERVEIAE Q. L  
SPECVLAE  
IN FR. P. XII  
IN AG. P. XII

Ante Aed. de Cardone olim Bibotæ.

In Aed. olim de Lella.

105

MEMORIAE  
TOELI  
SVCCESST  
AELII  
MODESTINA ET  
PARVVS  
B. M. F

106

HIS SEDIVS  
ADIVNCTVS  
ET LOCVS  
SEPVLTVRAE  
IN FRONTE P. XII  
IN AGRO P. XII

107

In agro Aed. Marci Bologna.

C. BADIUS C. L  
IVCVNDVS  
ET ARRIAE Q. L  
RVFAE ET  
P. CORNELIO P. L  
DIOCLI ET (c)

Ante Aed. DD. Rotondi.

108

..... ESIAMENTO .....  
Heic sculptæ tres statuae, quibus nomina respondent  
C. LATINIO C. LATINIO C. L VERGINIAE  
SYNERONI STEFANO REC. ....

109

CAELI L. F. Q  
IN F. P. XII  
IN A. P. X  
S. T. S

Sibi Testamenti Statuit

Prope Roscios via recta fragmentum.

Gruter. p. 890. n. 3.

In Aed. DD. Cardone prope Arcem.

110

FIRMVS VIVI  
SIBI ET SVIS  
FECIT  
In mœnibus Urbis prope  
Portam Rectoris.

111

SVCCESSTVS  
Q. VIX. ANN. L  
COL. LEGIVS  
B. M. F  
Idem p. 906. n. 9.

112

PHILEMAE .....  
C. CATIO ANG. ....  
Q. CATIO OB. ....  
OVANIA Q. ....  
FRVCTILIA .....  
SIBI SVISQ  
IN FR. P. XI  
IN AG. P. XI

113

L. TANNONIVS  
BASSVS .....  
HEIC SITVS est

114

L. CAVPONIVS C. F  
Idem p. 995. n. 13.

115

STRABO L. HERES FECIT

Prope

(a) Morem illum non satis notum, quo duorum, aut plurium fratrum eadem prænomena ac nomina unica plurali dictione conjungerentur, ex hoc nostro lapide præclare discimus, ubi *Tiberii Julii* tres nempe Concordius, Lupulus, & Marcianus Matri monumentum posuerunt: Cum enim singuli idem prænomen, nomenque præferrent, ac simul omnes memorari in eodem lapide deberent, semel plurali numero ipsum idem prænomen, nomenque ante propria cuiusque Cognomina inscripsisse sat fuit. Sic heic Clafs. x. n. 2. *Flavii Symmacho* & *Boetio Conf.* ubi illud *Flavii* commune utrique prænomen demonstrat, de quo dixi pag. 305. Hoc perspecto more difficilem fane lapidem interpretabimur apud Malvasiam in marm. Felsin. sect. 7. c. 9. p. 435. qui sic habet

D. M.  
D. OCTACILII. PAULINI  
DVO. QVI. VIX. MEN  
V. D. VIII. ALIVS. M  
V. D. VIII  
D. OCTACILIVS PRONIMVS  
ET MEZAEA IVLIA FCEK

ubi illud: *D. Octacili Paulini*, quod secunda linea legitur minime pro singulari generandi calu accipi debet, sed pro plurali nominativo, ut sit: *Decimi Octacilii Paulini Duo*, qui [i. e. quorum alter] *Vixit* *Menf. v. Dieb.*

VIII. *Alius Menf. v. Dieb. VIII.*: Itaque Decimus Octacilius Pronimus Pater suscepto priore filio, eoque defuncto, suscepto deinde altero, cui in prioris memoriam idem prænomen, nomen, ac cognomen inposuit, postquam amobus post eandem fere ætatem orbatus fuit hunc lapidem utrique simul communem ipse, & Mezaea Iulia, [nempe Mater] fecerunt.


(b) In tres lineas contrahit hunc lapidem Gudius p. 354. n. 1. & præter omisam *Haspirationem* in *Eutici* nomine, injectam vero in *Speculæ* contra orthographiam, fidemque lapidis, ultimam etiam lineam omittit. Calpena Gens primum in lucem prodit ex hoc nostro lapide, ut jamdiu observavit cl. Oliverius qui eandem iterum prodidit in marmore Pisaurensi LXII.

(c) Plures in nostris lapidibus Liberti occurrunt, quibus *DIOCLIS* cognomen, seu nomen fuit; quod enim in *Servitute* proprium eorum nomen, quæsitâ libertate post assumptum Patroni prænomen, ac nomen, postremo illud loco sibi adjiciebant. Eos autem, qui sic appellarentur [si ex nomine nationem arguere licet] *Dioeletiani*, qui *Dalmata* domo fuit, *conterraneos* fuisse verisimile est. Scimus enim hunc teterrimum Imperii monstrum ante eam dignitatem *Dioelem* appellatum, exinde cum Romani Imperii jure Romanum etiam nomen sibi accommodasse, ut testatur *Laëtantius*, seu alius Auctor lib. de Mort. Persecutor. cap. 9.

# LII INSCRIPTION. BENEVENTANÆ.

Prope dirutam Ædem S. Lupi.

116



Prope Æd. DD. Mauroni.

117. CARILLIO ONESIMO COIVGI INC. cum  
QVO VIXIT ANNIS XXX. AVILLIA QVaria

Juxta S. Jacobi de Malfcambrunis  
Murator. p. 1453. n. 9. ē schedis  
Peolomeis.

119 C. CLODION. F. PVP (a)  
N. CLODIVS N. F. PVP  
CAPITO VEIVOS

Murator. pag. 1537. num. 1. (b)

122 L. CORNELIVS SATORINVS  
VIXIT A. LX. CORNELIA  
SYMIPRVIA PATRONO SVO  
IDEM CONIVGI BENEMERENTI

Murator. pag. 1769. n. 9.

125 DIS MANIB  
NVNNIAE BRYSAE  
C. NVNNIVS  
FESTVS F  
ET Q. IANVARIVS  
NVNNI CAELI  
CONIVG. OPTIM

Ad Portam Auream  
eadem cum n. 103.

120 SOCELLIAE 2. L  
OPTATAE  
Murat. p. 1677. mendose legit  
Focelliae

Idem p. 1746. n. 4.

123 SEXTIO  
CORNELI  
ANN. VI  
H. S  
ideft: Hic Situs

Idem p. 1553. n. 9.

126 D. M  
C. PETRONI  
AMPLIATI  
C. PETRONIVS  
FELICIANVS  
PATRONO  
ET AQVILIAE  
CERIALI

Extra Portam Rufinam, & ap. Murat. p. 1590. n. 16.

127 ST. NVMIS  
NICEPOR. SIBI  
ET SERGIAE L. L  
ARBVSCVLAE  
ET L. SERGIO L. L  
NICEPORO ET  
L. SERGIO L. L. EROTI

Muratorius prima linea legit ST. NVM. S. atque ita vocat:  
Forasse Stygis Numinibus Sacrum: sed mendum jam fu-  
tillimus, itaut ibi non aliud sit, quam STATVS NVMLISIVS  
Niceporus. De Statu praeonomine Vid. Fabrett. p. 27.

Nuper

(a) Manifestas plures Archaismi notas praefert hic lapis: Illud PVP., quod utriusque Clodii nomen subsequitur Pupiniam Tribum exhibet, in qua ambo censebantur, quae etiam Porinia scribi solet; At eam Tribum nullum eorumdem Clodiorum cognomen consequitur, cujus defectus [ut jam diu eruditii observarunt] summam vetustatem arguit, quam amplius ostendit di-  
dio VEIVOS, ubi duplicem Archaismum agnoscere li-  
cet; non solum enim et pro simplici prima Syllaba adhi-  
betur, verum etiam geminam vv in secunda refugisse  
voluit epitaphiographus: Trilicianus l. 1. ex Papiniano  
tradit Romanorum vetustissimos literam O loco V usur-  
passe; additque: maxime digamma antecedente hoc fa-  
ciebant, ut Servos pro Servus, vulgus pro vulgus:  
aut etiam si diversae forent Syllabae, si V priorem termi-  
nabat, ac altera V sequentem inchoabat, loco alteru-  
trius ponebant O, ut Flouium, Confluunt pro Fluvium  
Confluunt &c. in lapide apud Grut. p. 204. At de his vi-  
de eruditiss. Noril. in Cenot. Pil. diss. 4. c. 4.

(b) Ad hunc lapidem Sympherusam pro Symiprusia  
legendum monet cl. Muratorius, ut etiam Item pro  
Idem, quod tamen importunum est, ut mox dicam.  
Haec igitur Symiprusia, seu Sympherusa Liberta eadem,  
ac Coniux Cornelii Satorini. Prisci Romani probro sibi  
maxime ducebant, si libertinam uxorem acciperent.  
Hinc an. v. 166. Hispaniae Fecenniae Libertinae id pecu-  
liari S. C. concessum refert Liv. l. 39. c. 19. uti ei inge-  
nuo nubere liceret, neu quid ei, qui eam duxisset, ob id  
fraudi, aut ignominiae esset: quia licet ex Libertinis

orti ingenui essent, ab iis tamen abhorrere quoque vi-  
debantur Romani, quod ex paterna conditione aliquid  
maculae referre putarentur: quare idipsum, Antonio  
inter alia exprobat Cicero Ph. 2. c. 11. quod omnes eum  
recordarentur Libertini Generum: At ex Augusti aeo  
aliter res se habere cepit: Primus enim is ingenuorum  
numero permotus, qui [ut refert Dio. l. 54.] ingenuas  
longe superabat, ut augendo Civium numero consu-  
leret, Plebeiis Romanis Libertinas ducere permisit,  
non autem Senatoribus, eorumque liberis, ne amplissi-  
mus ordo libertini sanguinis commixtione foederetur.  
Ita post Dionem Celsus in l. 33. D. De Rit. Nupt. Lege  
Papia [inquit] cavetur omnibus ingenuis, praeter Sena-  
tores eorumque liberos, Libertinam uxorem habere licere:  
Quod non de aliena tantum liberta receptum fuit, sed  
etiam de ea quam quis manumiserit, ut Patronus ipse eam  
ducere posset; Quod ex nostro lapide, aliisque pluri-  
bus constat, in quibus laudantur Liberta, & conjuges  
optime apud Reinf. p. 759. Fidelissime apud Gruter.  
p. 567. n. 8. Dulcissime p. 943. n. 12. Amantissime p. 915.  
n. 4. Incomparabilis p. 940. n. 3. Plures alias praeclaris  
aut amoris, aut virtutis epithetis decoratas Libertas si-  
mul conjugisque tibi dabit cl. Fabrettus Infer. Ant.  
cap. 1v. p. 291. & seq. in quibus faxis [ne cum Murat-  
torio erratum fabrilis, aut descriptoris suspiceris] pro  
Patrono EIDEM Coniugi pluries legitur, Patrono IDEM  
Coniugi, ut jam commune fere illud idiotissimum fuisse  
intelligas, quod & Fabrettus ipse observavit.



Nuper reperta in Opp. Molinaria Ben. Dicec. (a)

Prope Aedes DD. De Majo.

128

D. J.	J. M
PLATIAE RVFIN	
AE QVAE VIX. ANN. XX	
M. VIII. PLATIVS SECV	
NDVS ET IVLIA RVFI	
FILIAE DVL CISSIM	
ET PISSIMAE FECE	
RVNT	

129

BASSVS BENE <sup>b</sup> BENTANVS (b)
VIXIT ANNOS .....
HOSPES RESISTE ET TVMVLVM
LEGE ET MORARIS IAM SO.....
VIXI QVA POTVI KARVS RA.....
HIC SVM SEPVLTVS HIC OS <sup>a</sup> <i>sunt</i>
VALETE ET BENEFACITE VOBIS

Prope Aed. SS. Annunciatæ.

Prope DD. Vastalegna,

In Turri S. Sophiæ, &amp; apud Grut.

130 C. VINCVIVS C. .... 131

ZMYRN.....

PVLISIVS C.....

PHILOM.....

ENNIA C. L. ELENA

L. CALEIVS

SIBI ET VARIAE

132 M. SEPPIVS M. F. MACEDO

VIBBIAE L. F. MATRI

Gruterus omittit lin. r. M. F. & pro

Macedo mendoſe ſcribit MACERO.

Prope Aed. DD. Schinofi.

Ad S. Petri extra mœnia.

E ſchedis Viglioni.

135 IVLIAE

FELICVLAE

TREBELLIVS...

VRNIVS CONIVG

INCOMPARABIL

CVM QVA VIX

AN. XX. M. II. D. V

B. M. F

134 NAEVIA M. L. VITICVLA

SIBI ET

C. PONTIO C. L

MARCO

Grut. p. 986. n. 5. pro Nævia

mendoſe ſcribit NAEVIA

Prope Aed. olim D. del Re.

137 D. M

NERIAE AETIAE <sup>Gud. p. 387.</sup>

C. MVTIVS SABI <sup>num. 3. legit</sup>

NIANVS COIVGI <sup>AMIAE.</sup>

B. M. F

Ad dirutam Aed. S. Jacobi.

Prope Valetudinarium S. Deodati.

136 SATIRIAE VERT....

BETITVS CAL

LIVS ISENA

NORICVLAE (c)

B. M. F

137 SATTIAE IANVA

RIAE CAST. FEMI

QVAE VI. AN. XXXVII

M. VII. D. VIII. SEX

MARIVS HILAR

V S COI INCOMP

ARA. CVM QVA V

AN. XXIII. M. VII. D

XI. B. M. F

138 D M

L. SERVIDIVS FEL...

SIBI SVEISQVE FEC

ET COCL.....

FAVSTO.....

ET FAVSTE.....

TRITAE VIB.....

VIBIAE IANVARIAE

TROPHIMAE SVBLI

AE FELICITATI

POSTERISQVE SVIS

FECIT

h

Ad Aedem

(a) Sigla illa D. J. J. M. quæ huius lapidis fronti insculpta sunt [donec meliora afferantur] sic explicaverim *Dis Inferis Iniquis, sive Invidis Manibus*: Deos Inferos Manes per hæc sigla D. I. M. expressas habet Gruter. p. 938. 8. & Fabrett. p. 86. n. 160. Dubium de posterioris I interpretatione esse potest, quam tamen tueri recte posset exemplum lapidis apud eund. Fabrett. p. 88. n. 165. ubi ita legitur: *Si eum iniqua Fata rebus humanis non invidissent*: His autem epithetis Deos tum Superos, tum Inferos vocare solebant Ethnici, ex quorum Theologiæ præscripto licebat Numina sua diis precationibus deſigere, si mors acerba, & præmatura homines illis propinquitate conſuſos communi lege privaret, ut nuper observavit cl. Paciaudius in Græci Anaglyphi interpretat. Romæ 1751. Jure autem queri poterant in nostro lapide Parentes hi, qui Filiam luventæ flore, ac Pietatis præſtantia insignem amiferunt.

(b) Apotophras in literatis laxis quam frequenter occurrunt. Qui sepulchrales titulos ponebant passim ad ipsos Defunctos sermonem convertere leguntur: non raro etiam, ut heic, Defuncti ipsi viatores alloquuntur, quod non sine aliquo monito fieri solet, ut statim occurrit percurrenti Indicem Gruteri cap. xvi. p. 72. ubi *Dilla, Sententia, loci*, aliaque notata digna tumulis incisa congeruntur: Inter ejusmodi tumulos hic noster merito accenseri potest, quem aliqua parte detritum

supplevi. Notanda in BENEVENTANVS mutatio V. in B. quæ alibi in eadem diſtione occurrit. *Valere* solenne verbum, quo mortuis suprema officia perſolvuntur: In Græcis epitaphiis æqui pollet ΧΑΙΡΕ, ΕΡΑΙΟ, quæ habes apud cl. Lupum in epitaph. Sev. p. 172.: sic in pag. seq. n. 140. Maritus Uxori defunctæ: VADE VALE DVLCTIS. Heic tamen ipse mortuus vivos superstites *Valere* jubet, uti in altera nostra Claſſ. III. n. 12. AMICI VALETE, idque eo ſenſu accipiendum est, quo Servius in ſunere hoc verbum explicat *Æn. xi. 97.*, ut non etymologia conſideranda ſit, ſed conſuetudo, quod nullis *vale* dicimus, niſi a quibus recedamus. *Benefacere* autem ſibiſſis Viatores-vult Baſſus, nihil ſciſpum curans, aut cogitans, ut propterea ex eorum grege fuiſſe videatur, qui nihil ſibi extinſtis reliquum eſſe putabant.

(c) Quid ſit in hoc lapide illud NORICVLAE, promp-  
te, ni fallor, explicaverim. *Nurus* hæc Sattia fuit Betitti Calliſti, ex eoque appellativo nomine NORICVLAM fecit more illo, quo veteres mulierum nomina, ac cognomina, quo melius ſonarent, amorique argumentum oſtenderent, diminutive eſſe ſolebant, uti LIVILLA pro LIVIA, Quintilla, Lucundilla, quæ mox prodiit, Maximilla &c. *Noricula* autem ſcribitur pro *Nuricula*: Nuribus inſcriptos lapides dat Gruter. p. 417. 1. 767. 3. 493. 5. ut etiam *optimo Genere* inſcribitur lapis apud Donium cl. vi. n. 104.

Ad Ædem SS. Annuntiatae Via, qua itur ad Arcem; lapis ingens, qui modo medius humi latet. (a)

139	<p>M. ENNIVS M. F. MACEDO SIBI ET POLLIAE SYNTICHENI ENNIAE IVCVNDILLAE QVICVMQVE ALBANA TENDIS PROPE <i>Parte Viator</i> PAVLISPER CELERES TE ROGO SISTE PEDES NEV GRAVE SIT TENERAE COGNOSCERE FATA PVELLAE NEV GRAVE SIT NOSTRA MORTE DOLERE SINI BIS MIHI IAM SENOS AETAS COMPLEVERAT ANNOS SPEMQUE DABAT TALAMI CONIVGIUMQUE VIRI CVM MORS FESTINANS CRESCENTIS <i>Suffulit annos</i> FLEVIT ET ASSIDVO MAESTVS VTERQVE PARENS NVNC ITA IN AETERNA REQVIESCO <i>Sede Sepultra</i> ET FINEM FATI CONQUEROR IPSA MEI ... ET MAXSIM ...</p>	<p>II N S</p>
	<p>In Ædibus DD. De Aquila. (b)</p>	<p>Gruter. p. 697. n. 13.      Prope Æd. SS. Annunc. D. M.      SICONIVS</p>
140	<p>TARQUINIAE MO DESTAE Q. V. A. XV. M. VI D. VI. MODESTVS ET LA CIVA PARENTES LVCENI VS MAR. C. Q. V. M. VI. D. VII NAM FVIT EXIMIA SPECIE MIROQVE DECORE MENS INERAT VERE CORPO RE DIGNA SVO BADE. VALE. DVLCIS</p>	<p>142      SECVNDINVS CO IVGI INCOMPARA BILI BENEMER. PLAE</p> <p>Sub Porticu PP. Carmel. Excalc. &amp; apud Fleetwood p. 214. n. 4. (c)</p> <p>143      VIBIA. L. L. CHRESTA. MON FECIT. SIBI. ET. SVIS. ET. CRVSTIO C. L. TALASSO. FILIO. ET. VIBIAE C. L. CALYBENI. LIBERTAE. LENAE ABS. ASSE. QVAESITVM. LVCRO. SVO. SINE FRAVDE. ALIORVM. H. M. H. N. S</p>

Ad S. Mar-

(a) Egregium hoc monumentum inter ea locum sibi vindicat, quæ verisus sane elegantibus exhibent Gruterus, Fabrettus, alique. Enniam Iucundillam filiam duodennum amisit M. Ennius, qui una sibi, & Pollia Synticheni, nempe uxori, ex qua ipsam Enniam suscepit, monumentum posuit. Tribus exametris, nempe 1. 7. & 9. extremæ, quæ interciderant verba, restituenda curavi. Quarto versu illud SINI videtur infinite positum a verbo Sivo passive usurpato. *Æternam Sedem* aut *Domum* suam sepulcrum passim vocabant Ethnici, quibus nulla Resurrectionis Fides, quamquam & in pluribus titulis Christianorum, nullo Christianæ Fidei detrimento, *Æternæ Domus* appellationem sepulcro datam tueatur contra Mabilionium Fabrettus Inscr. p. 113. Ab utroque latere huius monumenti hinc inde divisa sunt sigla H. M. H. N. S. i. e. *Hoc Monumentum Hæc dem Non Sequitur*: quæ iterum in hac pagina n. 143. & sæpe in hac Classe occurrunt. Illud ET. MAXSIM. . quod lin. ult. legitur, lapis eo loco jam olim detritus, ac modo in fundamentis latens scire, aut iterum perspicere non fuit: fortasse ætatis Anni, Menses, & Dies ibi inscripti erant: sed literæ superflites, tum oscitanter exceptæ, tum postea coeuntes illud ET MAXSIM ineptè effecerunt, quod etiam ab ætate lapidis abhorre-re videtur.

(b) Affert etiam hunc lapidem Gudius p. 245. n. 5. sed pluribus mendis scatentem. lin. 1. legit *Tertinie*. lin. 3. habet *Jartue*. lin. 4. *Lucenius*. lin. 5. post *Dies VII*. addit AN. . lin. penult. omittit SVO; itaut pulcherrimus lapis deformis hætenus haberetur: nam missis nominum erroribus, illud AN. . lin. 5. post *Dies* appositum satis importunum, ac contra fidem lapidis, non enim post dies anni numerari poterant, neque ullo annorum spa-

tio verisimile est matrimonium Tarquinia cum Lucenio constituisse, quæ solos xv. vitæ annos numerat: Illud tandem SVO, quod Gudius omisit, carmini tum finem, tum elegantiam adimebat. Itaque huic Tarquinia tum Modestus, & Laciva Parentes, tum Lucenius Maritus, cum quo vivit. *Menses vii. Dies vii.* [ut sigla lin. 5. explicanda sunt] hoc monumentum posuere. Illud BADE postremæ linæ, aut VADE legendum erit, consueta mutatione literæ V. in B., quo verbo *Discessit* Defunctæ significabatur, aut potius VALE, quod mox repetitum solennem etiam illum morem probat, cujus præter alios lapides meminit Virgilius *Æn.* xi. 97. ubi *Æneas* Palantem mortuum ita affatur

..... Salve æternum mihi maxime Palla  
*Æternumque vale*.....

Imo ter proferri solitum docet Servius *Æn.* i. l. 644.

(c) Extat etiam apud Grut. p. 652. n. 1. ubi sphalmata, quæ in Quodii Codicem irreperant recte emendat: Lapis iterum a me recognitus lin. 5. habet ABS ASSE: quid vero sit *abs Asse querere*, non ita facile intellexi est: Dicam, quod sentio. Nihil hæc, quod certum pecuniæ quantitatem designet, expressum crediderim, sed potius *Assen* genericè usurpatum pro integro eo pretio [quicquid tandem illud fuerit] quo Vibia sibi monumentum quæsit, seu comparavit, lata illa significatione, qua quicquid solidum est, nulla parte dempta, *Assis* nomine dici solet; Itaque quicquid in eo monumento querendo Vibia erogavit, *lucro suo* i. e. stipe suis operis comparata partum afferit *sine fraude aliorum*: quæ quidem verba formulæ illi respondere videntur in sepulcralibus titulis inferibi solitæ H. M. D. M. A. i. e. *Huic Monumento Dolus Malus Absit*.



Ad S. Marciani extra moenia. (a)

D	M
M. SEPTICIO FE LICISSIMO LICERIA SEMME HOSPITI B. M. F	

In pradio vulgò Francavilla in  
Sarcophago Marmoreo.

C. PETRONIO PRI MO Q. V. A. XXXIX CERRINIA IVLIA
--

Domi Jo. Jacobi Vitelli.

150 C. VMBRIVS C. E..... TACITIA L. L. PHL..... C. VMBRIVS T. F.....
--

Domi Petri Gasparro olim de Lutiis. (b)

145	MEMORIAE C. HERENNI MODESTI A. VIBBIVS EQVATIANVS CONTVBERNALI DVLCISSIMO In Collegio PP. Jesuitarum. Prope AEd. S. Jo. Hierosolymitani.
-----	---

146	MVMMMEIE MVMMIA NENI Q. V. A. XXIII. M. VII D. XXV. TITIVS IANVAR
-----	---

In Porticu prope Verusios.

149	L. RVERIVS..... CVRAVIT SIBI..... FRATRI RVERIO..... Ad S. Mariz Angelorum.
-----	--

151	VOLVMN..... EX TESTAMEN....
-----	--------------------------------

147	IVNIAE RVTLI AE IVNIANENI QVAE VIXIT AN NIS XXXXII. M. I RVFINVS CONTVBER NALI KARISSIMAE INFELICISSIMVS FECIT
-----	---

In AEd. olim de Tiscione sub statua.

152	.....IAE PATRONAE SVAE .....BI ET SVES FECIT
-----	---

(a) Nihil antiquius apud veteres Romanos Graecusque, nihil sanctius Hospitii iure, quod nedum publice, quum nempe Populus Populo, aut singulari Homini Populus S. C. Hospitium decerneret, cujus exempla habes apud Liv. l. v. 28. & XXVII. 1. 54., & Cicero pro Balbo. c. 14. & Verri. IV., sed etiam inter Privatos constituebatur: Posterius hoc spectat noster lapis, quem defuncto Septicio Hospiti Benevolentis Liceria posuit. Cl. Oliverius in Marm. Pis. LIV. ubi sic legitur: *Severinae Hospitiae Sanctissimae P. Aelius Tertius 7. Leg. 11. Cyr.* postquam Hospitiae vocabulum, vel ad cognomen, vel ad privati, vel ad militaris hospitii ius referri posse notaverit, in eo tandem sinit, ut in illo Conjugis nomen lateret, aut etiam contineri contendat: Viri docti conjecturam, vel potius suspicionem, quam ex eo solo lapide, nullo alio adminiculo sibi efficit, non facile admitterim, nam quod militibus veritate Uxores essent, non recte deducitur Hospitarum nomine earum Conjugium milites praetexisse, quas proprio, ac jamdiu recepto vocabulo *Contubernales* appellasse satis constat, ut in sequenti nota mox dicam: eoque magis, quo, si de militibus agatur, habet *Hospitae* nomen, quo verissimiliori significatione referri possit; dum milites in hiberna deductus Privati hospitari teneantur, ut ipse quoque animadvertit ex l. un. Cod. de Salg. mil. non praest.; clarius autem habetur ex l. 3. §. eos milites. D. De muner. & honor. ubi (nisi muneris huius immunitas indulta esset) Provinciales omnes hospitio milites suscipere jubebantur; sed neque ejusmodi militare hospitium hic pertinere puto: Itaque a communi Hospitii, sive Hospitiae significatione nullum modo tum in nostro lapide, tum in aliis quibusque recedere fas erit; dum frequentissime ejusmodi Hospitia apud antiquos obtinuisse invento; Hi enim teste Gellio v. 13. post Parentes, Pupillos, Clientesque locum in officiis dabant Hospitibus, quos Cognatis, Affinibusque anteferebant; imo ex Masserio Sabino Jur. Civ. l. 3. apud eund. Gellium statim post pupillos Hospites veniebant: Ejusmodi privati Hospitii meminit saepe Cicero, ut in ep. fam. 11. 19. & 26., meminit etiam lapis apud Gruter. p. 564. 5. Est Graeca Inscriptio Tefserae eburnae Hospitali dexteris commissas referenti graphio caelata, quam ex Panormitano Cimeliarcho Monacorum Cassinensium exhibet cl. Paciaudius in Anagl. Graec. Interp. p. 9 sic latine versam: *Imilebon Imilebonis [ Alius ] Inidalis [ nepos ] Chlorus Hospitium fecit cum Lyfione Diogneti, & posteris*; ut inde jam constet, vel Tabulis initum, confirmatumque Hospitium, vel etiam Tesseris hisce, quas similitimae formae uterque Hospes apud se servaret: Utrumque dixi Hospitem,

h 2 Donus  
tum qui Hospitium exhiberet, tum qui praestitum sibi haberet, nam in alterutram significationem id vocabulum etiam apud probos Scriptores usurpatum invenio: sicque accipiendum censeo lapidem apud Donium cl. VI. n. 17. ubi M. Maenius dicitur HOSPE DIVI HADRIANI PATRIS SENATORIS [ non Trajani, ut mendose legitur in Indicium cap. v ], quem Hadriani Augusti Patrem fuisse recte notat cl. Gorius, eumque a M. Maenio Hospitio receptum dicimus; id quod M. ipse Maenius summo honori sibi ducens, eo publico monumento consignandum voluit.

(b) Contubernii vox, etsi una ex causa derivetur, pluribus tamen diverso jure convenit: nam primo Milites *Contubernales* dicebantur, si duntaxat, qui in eodem contubernio degebant. Hygin. de Castram. p. 1. Centuria [ inquit ] habet Milites viginti, Papilionis tendit decem, Papilio regit homines octo: sed Veget. l. 2. c. 13. Decem Homines, in singulis Papilionibus, seu, ut rectius vocat, Tabernaculis locat, ut Centuriae numerum implerent: singula Contubernia [ inquit ] idest undecim homines deputantur: Undecimus, autem erat is, qui aliis praerant: Decani [ subdit ] decem militibus praesunt qui nunc Caput Contubernii vocantur. Hinc inter hos unius Contubernii milites familiaritas quaedam, ac necessitudo contrahabatur, quam viventes mutuo fovebant, colebantque, quum vero quis contubernalis obisset, posito titulo publice testabantur: An huc spectet noster lapis, non satis video: nulla enim ibi militum mentio, quam praetereisse superfluum, haud verisimile erit: hinc verissimilius illud, ut ad aliud contubernium res deducatur, quod quisque privatus haberet: Mitto heic Contubernales Magistratum in Provinciis degentium, de quibus Cicero pro Caecilio c. 30. & pro Plancio c. 11. Sueton. in Jul. c. 42. & alii passim: Tiberius certe Throtyllum Mathematicum, & Seleucum Grammaticum domi suae Contubernales habuit referente eod. Sueton. c. 14. & 56. Potuit igitur A. Vibbii C. Herennium aliqua ex causa sibi devinctum domi suae Contubernalem habuisse. Sed cum semel Contubernales attigerimus, praestat alterum nostrum lapidem heic n. 147. eodem vocabulo insignem illustrare, ut Contubernium omnium singula genera absolvamus. Contubernium igitur etiam Servilem conjunctionem significat, nam inter serviles personas non matrimonium, sed contubernium constitui dicebatur. Vid. Briffonum De V.S. qui non fuisse, eruditeque excoquitur: An igitur servilis conditionis tum Iunia Rutilia Iuniane, tum Rufinus, qui illam Contubernalem Carissimam appellat? Nomina certe, mulieris saltem, ab servili conditione abhor.

Donius Cl. xv. n. 47. Beneventi in S. Feslo.

E schedis Viglioni.

153

CALHEMERAE VIX. ANN. XXVI  
HVIC DOMINVS OB MERITA  
EIVS ET PROBITATEM QVOD  
EVM PLENO ADPECTV  
DILEXERIT FECIT

154

ANTONIA C. L. EVECHE (a)  
FECIT SIBI ET  
MORIO C. L. COMMVNI  
C. ADINIO C. L. SVAVI  
C. ANTONIO C. L. RESTITVTO  
MORIO M. L. AVENTINO

Gruterus p. 995. n. 16.

Ad S. Modesti Grut. p. 959. n. 10.

Idem p. 997. n. 10.

155

SVELLIAB. > . L  
SABINAE  
D. M. S (b)

156

ALFIA C. L. FAVSTA  
SIBI ET  
C. RVBELLIO  
IVCVNDO

157

TIGIAE  
GN. L  
FIDELI

In Fornace DD. Rendina.  
ad Arbores Morrae.

158 FVFIA PIGRATILLA  
SIBI ET RVFRIO ONESIM  
P. FVFIO FVSCO  
ENNIAE RECILLAE  
FVFIAE SECVNDAE  
FVFIAE ATIATYCHERI  
P. FVFIO FRVCTO  
IN FR. P. XII IN A. P. XII

In Vinea DD. Rendina.

159 L. PVPIVS PRIMIGENIVS  
RESTIO SIBI ET TREBV  
LANAE MODESTAE  
..... CARPO  
L. PVPIO ..... HERMETI  
..... EXPECTATO

Apud Appianum.

160 D. M  
TEGEDIAE FORTVNATAE ET L  
CORNELI FIRMI VIVI SIBI FECE  
RVNT QVEM EMERVNT CXXX

idest Denarius centum viginti.

Prope Arinas.

161 D. VALERIVS  
MENEGRATES  
OPPIA C. L. FLO  
AEBVTIAE HELI

Prope DD. Pacea.

162 TVRPILIA C. L. QVARTA  
VOLVMNIA C. L. ....  
IVCVNDA .....  
L. F. C.

idest Locum Fieri Curarunt.

E schedis Viglioni.

163 TVRSELLIO C. L.  
MIRIME  
SIBI ET SVIS  
IN FR. P. XII  
IN AG. P. XII

Prope Alferios.

164 C. SENTIVS  
C. L. HECTOR  
HERENNIA C. L.  
QVARTA IN  
FRONTE P. XII

Prope Colleg. Scholarum Piarum.

165 PACCIA C. L. VITALIS  
SIBI ET  
M. VALERIO IVTORI ET  
PIETATI

Prope Portam Reftoris.

166 L. LOLLIVS L. L.  
HILARVS  
LOLLIA L. L. ELEVT

Gudius pag. 357. num. 3.

167 FVFICIA C. L. CLEOPATR  
VIVA SIBI FECIT

Prope

abhorrent: Sed & Contubernii nomine ea conjunctio appellari solebat, quæ inter liberas, & serviles personas, aut etiam ambas liberas intercedebat, ut ex Juris locis probat id. Brissonius, planeque præter nostrum lapidem alii plures confirmant apud Fabrett. c. 4. p. 315. sed jam satis de Contubernialibus: Hanc autem Iulian Rutilian Junianenem recto casu Iuniane appellavi, ut etiam Mummiane eodem casu dici debet, quæ Mummianeni dicitur heic n. 146., sic Thybeni a Thibe, Tycheni a Tyche inferius habebis n. 163. & 169. de quorum nominum declinatione, aut sæculi vitio, aut muliebri vanitate in Latium in vestra plura erudite festiveque observavit P. Lupus in epitaph. Sever. p. 160.

(a) Cum de Centurionum nota in De Re Militari egissem p. 231., illud 7., quo ii passim in vetustis faxis notari solent, non ad Vitæ suæ dignitatis insignie, sed potius ad ipsum Centurionis nomen referendum putavi, cujus princeps littera C in O pro certiori ejus muneris nota inversa, paulatim aut marmorariorum, aut descriptorum arbitrio in 7. efformari cœpisset: Id mihi satis verisimile tum fiebat ex inversa eadem O, quæ ad Cajæ prænomen significandum adhiberi solebat; sed en tibi nostrum lapidem, qui ejusdem Cajæ prænomen eadem profecto Centurionis nota expressum habet; nam [ ut in Grutero videre quoque est ] non 7. sed omnino prostratum > . repræsentat: quo sicuti Cajæ prænominis princeps littera C, ita Centurionis vocabulum significari re-

de potuit. Notanda denique in hoc lapide sigla illa in fine sculpta D. M. S. nam Dis Manibus Sacrum nusquam in fine, sed initio sepulcralium lapidum scribi solitum milleni tituli docent: Hinc si quis singulare nostri lapidis exemplum ægre excipiet, vel Dedicavit Monumentum Sibi, vel Dolo Malo Sine, interpretari poterit.

(b) Extat etiam hic lapis apud Gudium p. 352. n. 8. sed lin. 3. pro Morio legit M. Ovio. & pro O. habet M. idest Marci prænomen. lin. 4. Cadinio pro C. Adinio, post quem amittit O. Non dubito, quin in nostro Morio Marci cognomen agnoscendum sit, cujus singularis littera M. cum nomine coeuit, five marmorarii, five descriptoris arbitrio, five demum ætatis more, itaut quod Gudio distinxisse placuit in Morio [ pro quo M. Ovium maluit ] tamen contra fidem lapidis admissum in C. Adinio videmus, pro quo Cadinium nobis exhibet. Itaque morem vetustæ ætatis fuisse constat, ex prænominis nomineque unicum efformare vocabulum, junctis scilicet [ si commode id fieri posset ] una, aut pluribus, quibus ipsum notaretur literis cum sequenti nomine: Sic in hac Classe n. 117. Carillium pro C. Arillio scriptum suspicabimur, ut Taurclium pro T. Aurelio notat Reinf. cl. 1. n. 6. ubi alia ex Grutero exempla congerens fabriliter putavit erratum: sed mori potius, ut dixi, tribuenda res erit, quem eruditi nostrorum temporum satis probasse videntur, dum pro A. Gellio Agellium satis commode, eleganterque usurpare voluerunt.



Prope Æd. DD. Cofcia, & ap. Grut.  
pag. 978. num. 3.

In atrio Balnearum sub  
simulacris Maris,  
& fœminæ.

Sub Columna prope Ædes  
Palancini.

168 C. HERENNIUS  
C. L. PYRAMVS FE (a)  
CIT SIBI ET  
HERENNIÆ THISBE  
NI CONIVGI SVÆ ET  
HERENNIÆ FAVENTINÆ  
LAVRO  
ET QVINTAE SVIS

169 LATINIAE  
THYCHEN

Sub Ponte Caloris.

171 OPIPIO  
CAPITON.  
Q. PRINC.  
CENS.

170 C. OPIPIO

In Ædibus DD. Pacca.

172 RIVS  
TVS SIBI  
HELPEDI  
POSTERISQVE  
VS FEÇIT

Ad S. Lupi.

176 LIVS SVAVIS L  
MIGENIVS SIBI  
OLLIAE PRIMILIAE  
OLLIO CAELMIN.

Via Soricea.

Prope Æd. de Limatola.

Ad SS. Annunciatæ.

173 APINEIA  
TALI EX  
VOT  
T. VIAE  
RAM  
CR

174 Q. FLVRI  
Q. FLVRI  
L. LVCCIO  
MARIAE

175 AVFILLIA D.  
SIBI  
AVFIL.

In Porticu S. Januarii.

177 A. IGN.  
PA.  
A. IGN.  
H. V.

Prope Rotundos.

180 OCTAVIO  
IVCVNDO  
Q. V.

Prope Æd. De Lutiis.

178 D. M.  
Q. LOLLIVS  
CHRYSEB.

In gradu majoris Aræ S. Francisci.

181 Q. VEIDIVS Q. L.  
CLODIA

Gruter. pag. 665. num. 3.

179 AE. L. F. POLLAE. FILIAE  
IO. QVINTIONI  
PHILVMINAE. MALLIAE. L. L.  
INVENTA

In Porticu S. Catherinæ.

182 C. PAPIR.  
NEVEN.

Prope Verofias.

186 A. F. PVP. IGN.  
In S. Lupi.

490 BASSAE LASTVR. E.  
Prope Portam Recloris.

191 CARIVS MA.  
RIMVS. A. DEC.  
IONE. NEP.

In Monasterio S. Modesti.

193 L. VIBBIVS L. F. STE  
VIBBIA L. L. HILAR

In Caupona DD. Ter-  
ragnoli.

196 AVIO C. GALLO  
TOM. F. MARCIONI  
O VIRO FECIT

In Æd. Cardone nunc Simone.

183 LAROMERCVRIO  
OSIMAE VXORI

Prope S. Andream.

187 C. LORIO Q. F.  
STE.

In Porticu Cathedralis.

193 CONCORDIVS  
VAVIS SIBI  
VRIAE OPTATAE  
QVINTO

In Porta majori Cathedralis.

194 IVS AMARANTHVS  
ST. REFECTVS. PECTEN. SIBI ET  
LYSIMACHO PATRI ET  
Q. L. HEV. MI CONC.  
IO M. L. AGILI  
STO CONSTATI SECVNDO  
sic

In Æd. DD. Morræ.

184 C. PONTIVS P.  
ET P. PONTIVS

In Cathedrali Æde.

188 SVELLI  
NTI  
AT HVIVS  
N. QVI VIXIT  
D'EBVS VIII  
EVENTVS ET  
NDE PAREN. INF.

E schedis Verufii.

185 EX III  
DIO MED  
IN F.P. XLIII A.P. XII

Prope DD. de Lutiis.

189 ARCONIA  
L. HILARA  
HIC SITA EST  
FR. P. XII  
AG. P. XII

Prope Portam Auream.

195 OBIDEIO Q. F. STER.  
OBIDEIO Q. F. STER.  
AESSIA RVFA. E.  
IDEIAI Q. F. POLL.

ideft: Didia Q. F. Pollia.

h 3

In atrio

[a] Notanda sunt horum Conjugum cognomina  
Pyramus, & Thisbe: Anigitur propria olim nomina,  
quæ post receptam a communi Domino libertatem co-  
gnominis loco [ut moris erat] retinuerunt; vel potius  
quum conjugium inirent, sibi consulto imposuerunt?  
Certe a male ominosis nominibus Veteres abhorrebant,  
tristissimumque Pyrami, & Thisbes fatum jamdiu cele-  
bratum ab Ovidio Metam. iv Sed missis Libertinorum  
cognominibus, eorum conditionem paucis observare  
præstat, atque heic egregium lapidem asserre, quem  
ante quatuor annos in Agro Capuano refoffum nuperri-  
me edidit V. C. Franciscus Granata Capuanæ Ecclesiæ  
Archidiaconus in T. I. Hist. Capuan. p. 188. in hæc  
verba.

Q. CANIO Q. L. ZETHO  
Q. CANIVS Q. L. PROTVS  
FRATER ZETHO PATRONO  
Q. CANIO Q. L. AMPHION  
FRATRI

Haud novum esse Vir ornatissimus ait, ex antiquis faxis,

atque ex Sacra Hebræorum Historia, ut Frater Fratrís  
servus extiterit: quæ si non excidissent, probanda un-  
dequaque, ac laudanda foret ejus interpretatio, qua  
Q. Canius Protus sui Fratrís Zethi [non Zethonis] Li-  
bertus rectissime statuitur: Cæterum non illam Hebræi  
inter se, atque in propriis familiis servitutem agnosce-  
bant, quæ a jure Gentium inter alios Populos, ac præ-  
sertim Romanos inveicta deinceps fuit, in qua præterea  
Iuris Gentium servitute illud potius novum, atque  
prorsus rarum, Fratrem Fratrís Servum, ac dein Li-  
bertum extitisse, uti jamdiu animadvertit doctissimus  
Fabrettus, qui unum ea de re saxum exhibere potuit  
p. 7. n. XLV. cui modo ex universa Antiquitate Ca-  
puanum nuperrius editum addere duntaxat poterimus:  
Causam autem, cur Frater Fratrís Servus, Libertusve  
aliquando fieret, ex eodem Fabretto didicisse satis erit,  
qui tunc factum arbitratur, quum in Liberti gratiam,  
Domino manumittenti Fratrem olim Conseruum eidem do-  
no dare, tanquam auxilium libertatis placuit, quo ipse  
a Fratre Domino deinde manumissus ætiori beneficii nexu  
devinciri posset.

# LVIII INSCRIPTION. BENEVENTANÆ.

In atrio Seminarii .

Sub Ponte Caloris .

Trans Pontem Leprosum .

196

DOMITIAE CY  
PARIDI CASTISSIM  
FEMINAE OPTATVS  
C. L. ADIVTOR ET APVL  
CEFCII ARMOALANAE  
CVM QVA VIX. AN. XVIII  
M. V. D. XXII

197

DIDIAI D. F. MATRI  
C. HERENNIVS C. F  
STE. RVFVS SIBI  
ET SVIS FECIT

Lin. 1. Didiai pro Di-  
diaz, sed Reinesf. pag. 705.  
mendosè legit : DIDIAII.

198

D. M  
BASSEAE  
STVDIOSAE  
KARISSIMAE FILI  
AE MEAE QVAE VI  
XIT ANN. XII. M. III  
D. IIII. TITLIVS STVDI  
OSVS PATER

Pacichellus tom. 1. Famil. pag. 59.

199 AEMILIAE INGENVAE ADOLESCENTVLAE  
DVLCESSIMAE SILANVS FRVITVRA  
PATER PISSIMVS ET INFELICISSIMVS  
DEDIT

Effossa in fundamentis novæ  
Ecclesiæ Scholarum Piarum .

201 TANNOENIAE PATERNAE  
FILIAE DVLCESSIMAE  
VIXIT ANN. XII  
MENS IIII. FLAVIVS  
SVCCESSVS ET TERENCEIA  
HERMIONE PARENTES  
MISERRIMI FEC

Gruter. p. 754. n. 5.

204

AMARFIO CL  
EMENTI. IVNIA  
SABINA . CON  
IVGI . INCVM sic  
PARABILI  
B. M. F

In pariete exteriori Aedis maioris .

200 AFINIAE N. F  
CALLISTAE C. F  
N. AFINIVS FOR  
TVNATVS PATER

In Aed. DD. Pifani prope ruinas  
Amphitheatri .

D. M  
LICINIAE  
HARMONAE  
LVCI . FI. MATRI

Prope DD. Simone .

205

D. M  
VERECVNDAE  
FILIAE  
DVLCESSIMAE  
QVAE VIX. AN  
VIII. M. II  
VERECVNDVS  
ET CHRYSIS  
PARENTES FECER

Prope Seminarium. (a)

206 LICINIAE  
COVIAE DAPHEN  
LICINIVS ERO  
TION PATER FI  
LIAE DVLCESSIM  
Q. V. A. XXX. M. XI  
D. XIIII. B. M. F  
HVNC MONVMEN  
TVM MACERIA  
CLV. . . . .

In Viri-

[a] Tertium nomen hujus Mulieris puto DAPHNEN, seu DAPHNENI fuisse, pro quo DAPHEN sculptum fuit, quod vel indeclinabile, vel ut in *Daphneni* inflexum more illo, quem superius notavi. Monumentum masculini generis in vetustis faxis non semel occurrit, nam præter nostrum lapidem, legitur etiam apud Grut. *Hunc monumentum* p. 608. 4. & p. 1133. 3. at tunc rectus casus *Monumentus* erit, sic apud eund. p. 776. 6. *Hic monumentus heredem non sequitur*: & apud Murator. p. 1527. n. 4. Sed noster lapis dicit hunc monumentum *Maceria clusum* [ uti supplenda postrema distinctio videtur ] quod etiam legitur apud Grut. in Indice eorum, quæ ad Monumentorum jura, & leges pertineat [ omissa pagina ] cap. 17. : *Hujus monumenti jus, qua maceria clusum est cum Taberna, & Cenaculo hæred. non sequetur, neque intra Maceriam humari quemquam licet*: clusum autem scriptum est pro *Clausum*, ut in celebri lapide Emeritensi Augusto dedicato p. 149. n. 2. *Orbe mari, & terra pacato, Templo Iani cluso*. Sed quod *Maceriam* pertinet Papinianus in L. 73. D. De Contrahen. empt. *Intra maceriam sepulcrorum* [ ait ] *hortiis, vel ceteris culturis loca pura servata, si nihil venditur nominatim exceptit, ad emptorem pertinent*: quod quidem Papiniani responsum haud ita adversariar, quæ de sepulcri in ambitu paullo ante ex Iuris libris observavimus; diversa

enim heic ratio patet ex eo, quod *Loca pura* juxta sepulcrum relicta non sunt ad sepulcri usum necessaria, ut *Itus, & Ambitus*: imo nec *Religiosa*, nisi Testator designaret monumentum, quantum terræ spatium Religioni cederet: id quod siglis illis pro solenni sepulerali formula cavebatur: IN FR. P. X. IN AG P. X. id est, *In Fronte Pedes Decem, In Agro Pedes x. vel minus, ampliusve spatii, quo monumenti locus patere debebat*: quare etiam si monumentum *maceria clusum* sit, intraque eandem *Loca pura* hortiis, vel culturis servata, si Testator nominatim non expressit, ad sepulcri Religionem non pertinent, proptereaque emptori quæruntur. *Maceria* autem paries est, sicuti murus, quem tamen ab illa distinguit. C. in l. 157. D. De V. S. *Isidorus* Orig. 15. 9. *Maceria sunt parietes longi, quibus vineæ clauduntur*: Apud Terent Adelph. v. 8. *Donati* locus in hujus vocis interpretatione mutilus, & corruptus est: sed plane docet Varro de R. R. 1. 14. ubi *maceriarum* quatuor species statuit: quædam enim fieri ait ex lapide, quædam ex lateribus coctilibus, alias ex lateribus rudis, postremas vero ex terra & lapidibus compositis: *Cassiodorus* in Pfal. 61. *Maceria* [ inquit ] est saxorum sicca constructio, quæ sine aliquo ligamine [ i. e. calce, aut arenato ] imperperse in altum ducta componitur.



# CLASSIS NONA.

LIX

In Viridario DD. Capasso.

Prope atrium Cerviorum.

Ad dirutam Æd. S. Mariæ Martyrum  
& apud Gruter, p. 987. n. 3.

207 FONTEIAE  
CELERINAE  
C. F. Vxor  
SANCTISSI  
MAE

208 T. GAELIO CRES  
CENTI CON  
IVGI INCOMPA  
RABILI VALERIA SE  
CVNDINA CVM QVO  
VIX. AN. IIII. M. VII  
Gruterus p. 667. n. 3.

209 OCTAVIA. L. L. AMPELIO  
SIBI. ET  
L. OCTAVIO. L. L. ALBANO  
FILIO. ET  
OCTAVIAE. ALBANAÆ. FILIAE

Ad Pontem Leprosam.

In muro Urbis ad Portam SS. Aununciat.

210 D. M  
ARGENTILLAE  
CONIVGI QVAE VIX  
IT ANN. XXX. MENS  
VIII. XXX. INCOMP  
AR. FEM. SIBIQ. AMA  
NTISS. ALEXANDER  
B. M. R

211 ALLIAE. FE  
LICITATI. Q. V  
AN. VI. M. III. D. XX  
ALLIA. IVSTINA  
MATER. INFELICISS  
FEC  
Idem p. 747. n. 4.  
D. M

212 AELIAE T. F. PROCVLAE  
VIXIT ANN. XVI  
AELIVS INCLVTVS ET  
AVOLEIA SP. F. RESTITVTA  
MISERRIMI PARENTES  
FILIAE (a)

213 VICIRIAE M. F  
TROCILLAE  
FILII. MATRI. PIEN  
TISSIMAE. FECERVNT

Juxta Æd. olim Jos. Abbati.

214 MARIA C. L  
ALETIA

Domi olim Caroli Musti.

In Turri Cathedralis.

In Æde Cathedrali, & apud Gud. p. 282. n. 11.

215 STATIA P. R. POSSILL  
EX TESTAMENT  
SIBI ET C. EVFIO...

216 D. M  
AVDEIAE SA  
BINAE VIX. AN  
XXXI. M. VIII  
DIEB. VI. ISTIA  
NVS AVG. LIB  
MARITVS

217 D. M. S  
A. PLAVTIVS Cudius  
RESTITVTVS Refusus  
EVREILLIAE  
CLEMENTI  
CONIVGI SVAE  
B. M. F

[a] Notanda est in hoc lapide disio INCLVTVS mutata Y in V., de quo speciatim agit Cicero Orat. I. 48. Earum autem literarum mutationem familiarem fuisse antiquis satis constat: hinc Sulla pro Sylla, Illuricum pro Myrico, Suria pro Syria, & alia plura, quæ notantur in Gruteriani Indicis cap. XIX.; quod autem ad nos pertinet, *inclutissimam claritudinem* dixit Cato apud Gellium 3. 7. Linea 4. Avoleja dicitur Spurii Filia: An illud Spurii prænomen Patris designat, vel eundem potius Notbum h. e. Sine Patre Filium demonstret, si eruditorum sententias animadvertamus, non satis liquet. Reprehendit Scaligerum Heineccius ad L. Iul. Pap. l. 2. c. 4. §. 4. quod sigla SP. F. spurii Filium interpretetur, *Spuriumque* pro prænominis accipiat, dum in illis habeatur [ait] antiqua formula Sine Patre Filius, quam liberorum extra matrimonium questorum nominibus subijci consuevit docet Plutarchus. Haud secus V. C. Mazochius in Ksl. Neap. t. 1. p. 208. SP. F. non Spurii filium, sed sine Patre filium interpretare: at vulgus, eam notam pro prænominis accipiens tandem in causam fuit, ut filii naturales, iidem ac Spurii jam olim dicerentur: At Fabrettus cap. 1. p. 46. Spurii prænomen omnibus, qui extra legitimum connubium nascebantur, communem fuisse contendit, quod ex lapidibus probare conatur, ac simul Plutarchi loco in *quæst. Rom.* 103. sive 101. Sed [si quid video] nemo sibi constat: Primum enim illud statendum fuerit, an unquam fuerit Spurii prænomen quod nunquam ad Notbos Spuriosque, aut, si mavis

Sub  
Sine Patre Filios pertineret; Sed audiamus Plutarchum cuius hæc sunt: *Spurius prænomen Romanum duabus litteris indicatur S. P.; iisdem litteris etiam Notbos significant, S. P. nimirum sine Patre; quæ res errori ansam dedit, cum Spurius [id est prænomen], & incerto patre [id est qui vulgo, aut damnato coitu natus] iisdem elementis notaretur, ut hi quoque Spurii usurparentur.* Vides jam ex Plutarchi verbis falso illud consequi, ut ex sola vulgi sententia Spurii vox Prænominis significationem adepti sit, quam ad solos Notbos i. e. Sine Patre Filios demonstrandos adhibitam Viri docti contendunt. Nam si peculiare Spurii prænomen aliquando fuisse constat, quod ex Plutarcho satis clare colligitur, docentque Isidorus etym. l. 4. & Lipsius de Nom. Rom. c. 1., a Sabina voce Spurium illud rectissime derivantes, jam non est, cur ex eadem sive vocabuli, sive notarum similitudine, omnes Spurius, quotquot passim in vetustis faxis occurrant, ad Notbos, naturalesque indiscriminatim referamus, ita ut sigla illa S. P. seu SP. cum eruditorum choro Sine Patre omnino reddi debeant; malim ego hæc in re cum vulgo scire, seu potius Scaligerum, ipsamque rationem sequi; neque enim unam habeo ex certo Spurii prænominis usu petitam, sed altera quoque præstio est, optimæ illi præsumptioni innixa, quæ propriam turpitudinem [quam in hisce Notbis, secus, ac in naturalibus, veteres agnoscebant] præsentibus, posterisque suis implemet manibus, publice posito monumento, prodere voluisse putandus sit nemo.

Sub Porticu S. Catharinæ.

In Æd. DD. Capasio.

218 C. PAPIRIO.....(a)  
 STATIA M.....  
 VIRO SVO.....  
 QVOD FORE MORTE MEA.....  
 ID CINERI INFELIX

219

L. LATINIO L. F.  
 STABILIONI  
 L. LATINIO L. F. FRATRI  
 MARIAE C. F. MATRI  
 C. LATINIO L. F. SECVND

Domi olim Jos. Abbati.

In Turri Cathedralis.

Prope Portam Auream &amp; ap. Gr. p. 997. n. 11.

220 D. M

221 VESVEDIA Q. L. TRYPHANE

222 TITAGIA O. L. IVCVND

Q. IVLIAE

FECIT SIBI ET

SIBI ET C. FALTONIO C. F. STE

BASSEAE

Q. VESVEDIO Q. F. GAL. PATRONO

RVFO VIRO SVO FECIT ET

IRENINI (b)

H. M. H. N. S

SATVRNINO

MATER VA

Ex Appiano, &amp; nostris antiquis schedis.

LERIA INFELI

223

PONTIA. T. PONTII. FILIA. HIC. SVM. QVAE. DVOBVS  
 NATIS. A. ME. AVARITIAE. OPVS. VENENO. CONSVMPITS  
 MISERAE. MIHI. MORTEM. CONSCIVI  
 TV. QVI. HAC. TRANSIS. SI. PIVS. ES QVAESO (c)  
 A. ME. OCVLOS. AVERTE

CISSIMA

MATER

B. M. F

Reinesf. pag. 714. num. 55.

Gudius pag. 336. num. 7. ex MS. Redii.

224 L. VELLEIVS L. F. VERINVS  
 ET LEVICIOR L. VELLEIO VERO

225

ZOTICVS. HIC. NOMEN. NVDVM  
 VANVMQ. RELIQVIT  
 IN. CINERES. CORPVS. ET. IN. AETERA  
 VITA SOLVTA EST

PATRI ET MATRI

SEXTIAE MAIORI

In 2. lin. Reinesius putat legen.  
 dum Felicio.

Lite-

[a] Mutillum hunc lapidem ad nos pervenisse piget, nam carmina, quibus concluderetur, satis elegantia fuisse videntur, quæ tamen ita suppleri possent:

QVOD FORE MORTE MEA NON IMPIA FATA DEDISSENT:  
 ID CINERI INFELIX CONJVGIS IPSA DEDI.

fuera quidem adfectus, & doloris formula: sic apud Gudium p. 290. 3. Quæ prior hoc titulo debuit Ipsa legi, & alibi passim.

[b] Illud IRENINI lin. 3. dandi casu est a diminutivo Irenine primi casus pro Irene more illo apud veteres, hodieque satis familiari mulierum nomina mollius effrenari pronuntiandique: MATER semel, atque iterum scribitur in hoc lapide sic: Mater Valeria Infelicissima Mater: quod consulto, eleganterque admissum putaverim, ut repetito vocabulo ejus, quæ naturâ majorem præ cæteris doloris vim in amissione filiae sentiebat, adhuc ejusdem doloris vividius exprimeretur.

[c] Extitisse hunc lapidem in Ponte S. Mariæ Angelorum ad Portam Rufinam antiquæ Schedæ Verusii & Viglionii testantur: edidit quoque Appianus: quod ipse etiam præferam, notum exinde illius fidem me probasse videri. Crudelis Impia Mater occurrit apud Fabrett. p. 236. ut etiam Scelerata pag. seq: sed [ ut is recte explicat ] hæc voces infortunium significant, quod nullo suo crimine, sed crudeli Factorum lege, in filiorum amissione arentes tulissent: Extant post præclarum opus Dilectationum ad Sæc. Benedicti. Cl. Mabillonii reculum

Venetis 1740. excerpta quædam ex primo volumine Inscriptionum antiquarum Sebastiani Maccii, in quibus Camertem lapidem nostro pene similem ita lego: 414AM QVAE ME HOC CONDO MONIMENTO. NE OBRUTIS. DOMUS. LAPSV. FILII. IN. DESOLATA ORBITATE. SVPER. M & c. i. e. Virum, quæ me hoc condo monumento, ne obrutis Domus lapsu filius tunc. Similem nostro hunc lapidem appellavi, eadem quoque falsitate notandum; Sed harum potius nugarum, quam laboris ad longi operis finem jam properantis pertæsus, satis habui nugas appellasse, quas lapis nobis ostendit: exhibuisse tamen operæ pretium existimavi, ne Beneventanos aliquot lapides aut præterisse, aut neglexisse expostularer; qua re factum est, ut eidem lapidi alterum statim subjicerem heic n. 225. non ineleganti quidem carmine lucubratum, sed quo Lucretiano stylo sublimius quid, Lucretianam vero Religionem eandem agnoscas; probavit post Redium Gudius, sed recentiorum manum subolere sentio, qua lapidem suspectæ fidei non invitum judicaverim: Recudendi etiam heic fuissent alii lapides, quorum alter ad Sullam pertinet, alter ad singulares Deos quosdam: Sed satis erit alterum in hujus voluminis p. 7. alterum p. 32., cui fortasse lubeat, perlegisse. Fuere quondam, eruntque, nec fortasse desunt, qui obestis nariibus omnino ex titulo probant, parique ex ingenio ejusmodi res æstimare solent: Sint igitur [ ut Crassius ridens apud Lucilium ajebat ] talibus labris suæ lætitiæ; nos merito ejusmodi Epigraphes aut damnamus falsi, aut certe supposititias, spuriasque suspicamur.



ΒΥΖΟΛΔΕΙΕ  
ΤΑ ΜΙΝΝΥΛΔΕΡ

Litteris lapideis ad Ethnicos Beneventanos pertinentibus finem dabit hæc marmorea Tabula, quæ præire fortasse debuisset: Ante duos annos refoffa in Oppido *Machie* Beneventanæ Diocesis, ac summa fide diligentique descripta [ut heic exhibetur] ad nos delata fuit. Archetypum mihi facile impetrassem, nisi Neapolim statim adveffus fuiffet, haud quidem ad Antiquitatis, sed Juris, Forique studiosos, dum pro Religione Equitum Hierofolymitanorum, in cujus prædio inventa fuit, aliquod ejusdem prædii controversiam dirimeret, continere putaretur. Initurum me apud Eruditos gratiam existimavi, si publici juris feciffem: quandoquidem inter Antiquitatis Reliquias, quæ nostro ævo eruta sunt, atque vulgata, novi aliquid in ea fortasse obfervare continget. Itaque non quid ea loquatur, significetque, explicare ullum mihi confilium, quod fupervacui laboris effe, immo conatum omnem frustrari poffe animadverterem: id quod de celeberrimis Eugubinis Tabulis jam constat, in quas quicquid divinare contenderit Bernardinus Baldus pro variis ariolationibus Viri docti habent; quod de aliis monumentis Etruscis hætenus explicatis non temere judicari poffit, ut faltem temere id fuerit a Viri aliqui doctiffimo depradicatum, sibi ejusmodi monumentorum subsidio lucubrandæ Historiæ Etruscæ & confilium effe, & vires fuppetere: non inquam quid nostra Tabula, sed qui potius ibi loquantur, ex litterarum forma conjeftare fatius mihi fuerit. Primum igitur earundem litterarum formam cum aliis monumentis comparandam cenfui, quæ hætenus ex antiquitatis latebris eruta diverfos a communibus græcis latinisque caracteres præferant. Primam Eugubinam Tabulam apud Grut. p. 142. [nam reliquæ Latii quidem litteras non vero sermonem habent] ad Etrufcos pertinere Eruditi pene omnes conveniunt; atque huic omnino Genti monumenta omnia vetusta, intra transyberinæ Italiæ fines detecta, infuetamque vetustis latinis litteris formam exhibentia attribui folent. Sic altera, quæ Clusii ab eod. Grut. exhibentur p. 145. n. 2. & 3., quibus addenda sunt monumenta alia cum Etrufcorum sepulchris editis a Petro Sanctio Bartolio Fig. xci. ad xcvi. in Thef. Gronoviano vol. xi. p. 74. Ad hæc, Vrina tum Etruscis, tum Latinis fœorifi litteris infculpta habetur apud Donium cl. xv. n. 44. Utroque etiam sermone propriisque cujusque litteris infcriptus lapis extat inter Mar. Pisaur. n. xxvii., quibus addendus quoque erit infcriptus Vrinæ labilis titulus folis Etruscis apud cl. Maffejum *Regionamento degli Itali primitivi poff. Hift. Diplom.* p. 240. Confultenda etiam mihi fuerunt vetustiffima Græcorum monumenta, præcipue vero Alphabetum illud a doctiffimo Chishull ex vetustiffima Infcriptione Sigæa efformatum, quod extat tom. iv. Thefauri Muratoriani p. MMCIV., in quo quidem præter græcum ipsum, etiam Etruscum inverfis litteris, ac vetus latinum Alphabetum exhibetur. Duo præterea mihi hætenus occurrerunt vetustiffima monumenta, quorum alterum Punicis lite-

ris apud eundem Muratorium p. 1982. n. 3. alterum Phœniciis apud P. Lupum in Epit. S. Sev. p. 86. confcripta putantur. His autem omnibus si nostræ Tabulæ Alphabetum comparaveris, aliquas, in ea Græciæ, Latique litteras satis paucas inveniffe erit, reliquæ omnes longe ab illis difcedere cernuntur: vix una, vel altera ad Etrufcorum formam accedit, quin, si ex latinis græcisque litteris nostræ Tabulæ admiffis judicare liceat, læva ad dexteram diffiones videntur excurrere, quod de Etrusca lingua adhuc se dubitare aiebant viri doctiffimi Scalliger, Bochartus, & Salmafius, ut Maffejus animadvertit l. 1. Cui itaque hoc monumentum attribuendum erit? Cito dicam, quod non inepte fortasse conjecerim: Aliquid certe hæc Tabula Samnitici spirat, redivivique majorum nostrarum litteras oftentat. Favet certe locus ubi ea reperta fuit intra veteres Samnii fines constitutus, confirmatque ab cæteris omnibus Latinis, Græcis, Etruscisque diverfa litterarum forma: De Samnitibus Nummis Dissertationem a se lucubratam memorat ad diffum marmor Pisaur. xxvii. doctiffimus Oliverius, mox tom. i. Acad. Cortonen. edendam: An, si qui sunt in hisce nummis caracteres, nostræ Tabulæ respondeant, adhuc mihi ignoratur, neque enim eam Dissertationem ad manus habere licuit. Cæterum Samniticæ Gentis nobilitas dubitare non fuit, quin propriæ, quam teneret linguæ ab aliis quoque diverfam fcribendi formam colere debuerit, quæ frequentes litterarum nexus habuiffe videtur ex fecunda nostræ Tabulæ linea, quæ gemino nexu incipit, clauditurque. Oscam autem linguam [si fides Livio lib. x.] vernaculam Samnitibus fuiffe constat; dum Consul Volumnius ex fuo Exercitu delegit oscæ linguæ gnaros, ut clam Samnitum castra adeuntes eorum res, sermonesque explorarent: Sabinarum vero linguam Samnitibus attribuit Varro lib. xix. *Rev. Haman.* docens, *Multæ vocabulum non latinum, sed Sabinum effe, idque ad fuam memoriam maniffi in lingua Samnitium, qui funt a Sabinis orti.* Vid. Voffium in *Etymol.* Sabinas, Oscasque plures diffiones meminere veteres Scriptores, earumque fignificationes, sed quæ latinis litteris, ab illis redditæ, fuus modo heic occurrentes nullo negotio explicari queant: Non autem turbare debet, quod aut græcarum, aut latinarum litterarum aliquæ in nostrâ Tabula adhibeantur: quanquam enim non is ego fim, qui cum doctiffimo Marchione Maffejo decernere audeam litterarum latinarum formam Græcis fuiffe antiquiorem, quam veteres Pelasgi posteriorum Tabularum Eugubinarum auctores ufurparent, fic tamen fentio, incerta videri omnia, quæ de latinarum, græcarumque litterarum inventoribus tradidit Tacitus *Annal.* xi. atque ad ejusdem locum obfervavit Lipfius: tum pariter, nihil tam fimilis veri, quam ut quarundam litterarum formam altera gens ab altera mutuaretur, aut etiam quæ apud unam jamdiu obtineret, fortuito (quod in vario exigue literæ duffu evenire facillimum) ab altera fimilis omnino, vel prope fimilis forma infitueretur.

CLAS-

INSCRIPTION. BENEVENTANÆ.  
CLASSIS DECIMA  
Monumenta Veterum Christianorum.

Prope DD. Alferios.



Tabula

[2] Dignissimum lapidum Christianorum initium ab ipso Christianæ salutis initio CRUCE, quam lapis hic inter sigla C. R. mediam repræsentat. De Cruce plura post Lipsum, quàm ex Lipfio, dixi in Dissert. XI. cap. 1. At præter Crucem, hujus nostri lapidis ad Christianos pertinentis argumentum LVPVS ostendit, cui nullum prænomen, aut cognomen; Nomen etiam confirmat ipsum, quo posterioris ævi homines vocitari delectabantur. Veterum lapidum, qui solis plerumque notis, aut siglis constant, non rara nobis exempla etiamnum supeditat Antiquitas: Vid. Fabrett. cap. I. p. 22. In ejusmodi vero explicandis inscriptionibus interprete, aut etiam divinstore opus fuerit, qualem me agere noster lapis compellit. Itaque priora sigla, inter quæ Crux media assurgit, si Crucis ipsius effigies pro vocabulo adhibita fuerit, sic interpretor. CVM CRUCE REQUIESCO. & sane non infuetum, ut vocabuli loco Crucis imago fungatur. Sic apud Gruter. p. 1054. n. 3.

EX BENEFICIO S. PER  
IOANNEM EPISCOPVM ET  
PER ALBERIVM S.  
CASATVM. FACTVS EST  
LIBER LEMBERTVS  
TESTE HAC SANCTA  
ECCLESIA

Idem quoque de Christi vocabulo usureceptum, qui solo monogrammate exprimitur apud Gudium pag. 367. n. 12. & Murator. p. 1854. n. 1. VIXIT IN. vel CANDIDATO IN. QUI VIXIT XC. Si igitur Cum Cruce Requiescit Lupus, jam posterioribus siglis dicere potuit: RESVRGERE SPERO. quod etiam Nolani lapidis exemplo probatur apud eundem Gruter. d. pag. n. 6. ubi sic legitur.

LEO III. CREDO  
RESVRGERE

Sic etiam p. 1050. n. 3. Abrelius Balbus dicitur

IN SPE RESVRRECTIONIS QUIESCERE.

Et sane Resurrectionis certam Spem, aut Fidem, quæ Christiano cuique propria erat, in eorum monumentis, tum Symbolis, ut puta Lazari, Ionæ, aliisque id genus, quæ apud Aringhium, Boldettum, aliosque Sacræ Antiquitatis explicatores occurrunt, nosque ex patris Antiquitatibus illud Ionæ, & Piscis ex ejus Archetypo protulimus in Dissertat. XI. pag. 208, tum etiam verbis testatam ipsi volebant, unde *Depositionis* vocabulo, qua corporum tumulatio iis vocari solebat, peculiarem significationem tribuendam observavi eadem Dissert. XI. pag. 296. & seqq. Atque hanc quidem lapidis explicationem primum excogitasse licuit; si cui vero non omnino probatur, alteram jam præstabo: Ac nummis potius, quam lapidibus præeuntibus, priora illa sigla Crucis lateribus insculpta CHRISTI RELIGIO satis apte reddi possunt: Enim vero Nummi sequioris Ævi, quos Muratorius passim exhibet in De lure condendi nummos Tom. II. *Ant. med. Ævi Dissert. 17.* cum Crucis effigie hisce siglis utrinque insculptis plerumque conspiciuntur, quibus eadem, quæ dixi, vocabula significantur, ad Crucem revera pertinentia: Atque eidem profecto Crucis aptissime quoque posteriora sigla R. S. respondebant, quibus REIP. SALVS expresse videntur; quod nulli verius, atque opportunius, quam salutari ipsi signo convenire jam patet. At quid LVPVS ante ea sigla? Illius corte nomen agnosco, qui lapidem in eam formam inscribendum, faciundumque curavit: quum vero posteriora sigla antecederat, verisimile illud quoque erit, eadem sigla non ad superiorem Crucem, sed ad eundem Lupum pertinere, virum aliquem fortasse præstantem, qui de Re Beneventanorum publica optime meritis eo præclarissimo titulo decorari fuerit dignus.



Tabula e lapide pario tripalmaris ante sex annos refoffa in novis Aedibus D. Principis Morrae,  
a me descripta. Vide d. Dissert. xi. cap. i.

2 \* HIC REQUIESCIT MA  
MERCIVS MARCELLINVS  
VI<sup>s</sup> CVRATOR QVI<sup>s</sup> VIXIT ANN<sup>s</sup>  
PM XXX DEPOSITVS S D<sup>s</sup> J III  
NONAS NOVEMBR<sup>s</sup> FLAVIIS  
SYMMACHO ET BOETIO VV  
CONSS

Pzope Portam Rusinam. [a]

3 HIC REQUIESCIT  
IN PACE AMPELIVS  
QVI VIXIT ANNVS *sic*  
X. INDICTIONE SEXTA  
P. C. BASILI V. C. \*

Gruterus pag. 1050. num. 5:  
In Domo Joh. Pantafaz.

4 AVRELIVS  
MVNNVS  
QVI VIXIT AN. II  
DEP. IIII. K. IVL  
DIE MERC

In Janua

[a] Ad temporis notas, nempe Indictionem Sextam, & Post Consulatum Basili, quæ in hoc lapide habentur, plura dixi in d. Dissert. xi. cap. i. Formulam IN PACE in Christianorum sepulchralibus titulis passim inscriptam, eorum duntaxat propriam, ac peculiarem rectè agnoscit Cl. Mabillonius *De Cult. SS. Ignor. §. vi. & Cl. Lupus Ep. S. Sev. pag. 104.* Hac autem Formula (in qua explicanda suæ quoque inter Mazochium, & Sabacium concertationes non desuere in Epigrammatis Hilari Commentationibus) Mazochii sententiam partim admisserim, uti ea nempe in *Communione Ecclesie* defunctum demonstraret: Id quod multis confirmari potest: Pacem enim, quam Christus Terras ingressus hominibus bonæ voluntatis, idest futuris fidelibus suis annunciatam voluit, è Terris demum discedens Ecclesie suæ veluti testamento reliquit, Apostolis inquitens, *Pacem relinquo vobis, pacem meam do vobis*, in suorum duntaxat fidelium communione præcipue positam semper custodivit, & servat Ecclesia: Hinc ad Ecclesiasticam Pacem non modo Infideles non pertinebant, sed neque ii, qui Christi Fidem professi gravioribus inquinatis delictis, velut membra putrida a fidelium corpore absceiderentur; quibus demum legitimis penitentiae spatii expletis denuo *Pacem dari*, idest ad Communionem admitti mos erat, ut præter alios ex S. Cypriani ep. 2. lib. 1. & ep. 15. lib. 3. satis constat: Adeo autem ejusmodi Pax veræ Ecclesie propria, ut certam ejus notam agnoverit Tertullianus, qui in *De Præscript. cap. 41.* Hæreticos vel ex eo tales deprehendat, damnetque, quod *Pacem cum omnibus possim miscere*. Atque hæc quidem satis liquet, dum *Defunctus in Pace*, vel tantum in *Pace* scriptum sit. Quid vero, si IN PACEM dicatur? En satis celebrem lapidem Fabretianum pag. 574. num. LXI. LEOPARDUM IN PACEM CUM SPIRITU SANCIA ACCEPITVM &c. Similimam reperio Tertulliani loquutionem, qua is Librum de *Exhort. Ca.* sic orditur: *Non dubito, Frater, te post Uxorem IN PACEM præmissam &c. idest post Uxorem præmorsuam,*

*cui superstes fuisti: Habes igitur alteram Pacem Christianorum monumentis etiam usurpari consuetam, non aliam certè, nisi solius Animæ Pacem, quæ in Patria fruatur, Pacem, inquam, æternam perfectam, non Militantis, sed Triumphantis Ecclesie propriam, ad quam profecto pertinent consimiles formulæ illæ in Ind. Grut. cap. 24. Requiescit in Pace Domini, vel In Refrigerio, & in Pace, & alia ejusmodi passim, quæ ad solam Animam Corpore jam solutam pertinere videntur. Sed & tertio loco suam Corpori Pacem agnoscere licebit, in sepulchralibus titulis itidem expressam: Huic enim, licet ob Animæ discessionem omnis sensus experti, requietem tamen, ac imperturbatam mansuetudinem non modo Christiani sollicitè curabant, sed etiam inscriptis monumento, quibus Violatores detererentur, diris, sibi cavere satagebant: Exempla plurima dabunt Christiani lapides apud Fabretium pag. 110. apud Muratorium pag. 1842. aliosque: quas quidem diras licet pietati, & mansuetudini Christianæ difformes Reinesio permittemus ad 440. Claf. xx., nullo tamen pacto hancmet Corporis Pacem apud Christianos, qui usurparunt, aut apud nos, qui usurpatam affirmamus, & gentilium schola [ut Vir summus aiebat] peritam profano sensu damnabimus: Certè non Animæ, sed Corporis Pacem memoratam legimus in libro Ecclesiastici cap. 44. 14. Corpora eorum IN PACE sepulta sunt. Atque ex hoc loco non modo Christianis, qui tantopere hanc Pacem curabant, Divinus Scriptor præisse videtur, sed suam etiam mortuo Corpori Pacem querendam docuisse, quæritamque commendasse probatur: Cur vero Pax votis, reque ipsa non dabitur Corpori, qui licet tunc inanimò, adhuc summa dignitas inest, quippe quod instrumentum olim fuerit, [ut ait S. Augustinus in lib. De Cur. pro mort. agen.] quo ad bona omnia Sanctus usus est spiritus: Cui demum resurgenti, ac denuò cum ipsa Anima copulando, ejusdem gloriæ consortium debetur. Vide a me dicta Dissert. xi. cap. 11.*

# LXIV INSCRIPT. BENEVENT. CLASSIS DECIMA.

In Janua Conventus PP. Carmelitarum . (a)  
 5 ISPIRITO SANCTO SEX  
 TILIO LEONI LVCRE  
 TIA PRIMA CVM QVO  
 VICXIT ANNIS XXXIII  
 M. VIII. D. XII. CON  
 IVCI INCOMPARABILI  
 B. M. F

In ingressu Monasterii P. Lupi videbatur .  
 6 AVRELIAE SEVERINAE  
 NEOFATAE QVAE VIXIT MECVM...  
 EGO AVRELIVS SABINIANVS ME  
 RENTI FECI

Prope dirutam Ecclesiam S. Arthelaidis .

7 C. L. LEPID. QVI VIXIT MECVM SINE ALIOVA VITE sc  
 ANN. X. M. VIII. D. XIII. C. DISCOLIVS  
 ART. B. M. F. D. PRID. NON. AVG

E schedis Verusii ,

8 ..... MEMORIAE VENERANDAE QUIESCIT  
 ..... DEP. IN PACE NONAS OCTOBR  
 ..... ELLA V. C. CONS

Memum in derruncato licet Consulibz nomine admissum puto : aut enim MefsALLA is fuit , cujus nomi-  
 nis Consul signatur cum an-880. cum etiam an. 506. , itaut superstitium literarum prima non E, sed A extierit;  
 vel potius Hellus hic fuerit , qui solus Consul processit an. 478. sicque postremum A mendose pro O aut inci-  
 sum , aut descriptum sit . Venerande Memoriae encomion , seu titulum non alibi legisse memini : Etatem sa-  
 tis posteriorem redoler . Viroque cu piam Ecclesiastica Dignitate praestanti , ( cujus nomen desideratur ) tri-  
 butus viderur , nam & Bona Memoria titulum tantummodo promeruisse legitur Sanctulus Subdiaconus apud  
 Gudium pag. 372. num. 1.

## INDEX

[a] De hoc vocabulo ISPIRITO SANCTO non reco-  
 quam , quæ V. C. P. Lupus in Epit. S. Sev. §. 17. plea  
 eruditaque manus observavit : illud certum cum Vi-  
 ro docto statuimus , ejusmodi nomen a quarta declina-  
 tione , atque à masculino genere , quibus antiquo , opti-  
 moque Latii jure potiebatur , barbarie Romanum vul-  
 gus invadente , ad secundam declinationem , arbitra-  
 riumque genus descivisse : Mirum deinde , ac penè hor-  
 rendum , quot modis in vocabuli Orthographiam Bar-  
 baries eadem debacchari perrexerit ; hinc monstrofa illa  
 ISPIRITO . ISPIRITO . HISPIRITO . & ISSP. RITO passim  
 occurrunt . Dubium tamen mihi jam fuerit , quid vo-  
 cabulo ipso Christiani significarint ; an , inquam , de  
 ipsius defuncti anima , vel de SPIRITU ΠΑΡΑΚΛΗΤΗ  
 dicere consueverint . Posteriori P. Lupus omnino ab-  
 judicandum censet ; atque VV. CC. Mabillonii , & Fa-  
 bretti disidium in Leopardi Epitaphii verbis [quæ pag.  
 anteced. recitavi] explicandis , quæ alter ad Confirma-  
 tionem , alter ad Baptisum pertinere aiebat , sic diri-  
 mit , ut neutrum ibi Sacramentum habeatur expressum ,  
 sed acceptionem , seu admissionem Leopardi cum Spiritus  
 Sancti ( quarto casu pro sexto præpositioni Cum , ut il-  
 lius ævi fuit , attributo , ac Spiritus Spirituum inflex-  
 ione usurpata ) idest in Ecclesia , seu cætu Sanctorum  
 memoratam definit : De Lupi explicatione mox dicam :  
 interim graviter Reinesium peccasse scimus , qui ejusmo-  
 di vocabulum Spiritus Sanctus non adjectum , sed pro-  
 prii nominis loco positum putavit , jure proinde , ac  
 merito à Fabretto reprehensus : Sed Fabrettus ipse ,  
 dum idem vocabulum ad ΠΑΡΑΚΛΗΤΗΝ quandoque per-  
 tinere censet , ut in laudato Epigrammate Leopardi ,  
 æquè tamen cujusque Animam Sanctam , Animam Inno-  
 centem significatam statuit . At si mihi dicere fas sit ,  
 aut nunquam , aut rarò Veteres Christianos communi  
 eodem usos vocabulo crediderim , quo & Tertium Divi-  
 nitatis Nomen , & humanam Animam indicarent ; Fa-  
 teor quidem Divinorum Codicum auctoritate , & Ec-  
 clesiastico more Animam Spiritus nomine appellari solit-  
 am , quod etiam Ciceroni , Vellejo , aliisque ethnicis ,  
 sed optimæ latinæ scriptoribus usu invenio rece-  
 ptum : At si Sancti epitheton adjeceris , remque ipsam  
 ad Christianos deduxeris , nunquam mihi ipse persuase-  
 rim , ut , quod notionale Dei nomen evaserat , vetustissi-

mo , ab ipsis primordiis , Ecclesiæ usu consecratum  
 ( Dei inquam , ipsius , cujus fides ab Christianismi na-  
 talibus , visibili ejus illapsu , in recentes Fideles , te-  
 statissima omnibus , ac pervulgatissima habebatur ) pro-  
 missæ adeò suis animis Christiani mutarentur , ut  
 jam nomine ipso nihil inter Deum hominesque interesse  
 amplius videretur . Accedit , quod præter ipsam reve-  
 rentiam ei nomini debitam , nulla ejusdem usurpandi  
 apud Christianos necessitas fuerit , qui vel Animam  
 Sanctam dicere poterant , ut passim dixere , vel Spi-  
 ritum dicentes non Sancti epitheton , sed Innocentis , Di-  
 gni , Merentis , Incomparabilis adjicere in promptu ha-  
 bebant , ac revera adjectisse plurimi sunt , qui doceant  
 lapides Fabretto , & Lupo haud ignorati . Quam dixi  
 sententiam nostro ipso lapide mirè confirmatam habeo ;  
 non enim ibi legitur Spiritus Sancto Sextilii Leonis , quod  
 idem esse videretur , ac Anime Sanctæ Sextilii Leonis ,  
 bene verò Spiritus Sancto Sextilio Leoni , itaut posteriora  
 nomina à prioribus non gignantur , sed utraque diverso  
 casu posita , diversam significationem præferre videan-  
 tur . Itaque illud ISPIRITO SANCTO non aliud esse con-  
 stat , quàm In Spiritu Sancto , ac deinde sequatur . Sexti-  
 lio Leoni , cui nempe Lucretia Uxor monumentum po-  
 suit : Quod autem in nostro lapide jam observatum , in  
 aliis etiam facile animadvertere est , perpetuum serè ac  
 constans , ut ejusmodi vocabulum aut ipso statim exor-  
 dio , aut etiam in fine apponatur , eodem quidem modo ,  
 similique formula , quæ in CHRISTO . IN DEO . IN DO-  
 MINO JESU . IN PACE . & alia id genus plurima Veteres  
 Christiani in suis monumentis inscribere solebant : quod  
 si vocabulum , de quo tandiù agimus , ita adhibeatur ,  
 ut nonnisi cum aliis verbis cohareat , illorumque sensum  
 compleat , nunquam tamen propriâ , quam ei vindica-  
 vimus , significatione defecisse videri debet , quin signi-  
 ficationem eandem satis aptè congruenterque servasse  
 omnino videatur . Sic ad Lapidem Boldetti p.87. Conjuca  
 innocentissima refrigerata cum Spiritu Sancto [quod idem  
 esse , ac refrigereris cum Spiritibus Sanctis , ingeniose ex-  
 plicat Lupus ] si cum Spiritu Sancto legerimus , ne etiam  
 in Leopardi epitaphio eandem cum Spiritu Sancto acce-  
 ptum dixerimus , planior quidem , nec non Divini No-  
 minis reverentiæ , ac Veterum Christianorum Religio-  
 ni magis consentanea erit interpretatio .



## INDEX

## IN ANTIQVAS INSCRIPTIONES BENEVENTANAS.

PRIOR NUMERUS PAGINAM, POSTERIOR EJUSDEM PAGINÆ INSCRIPTIONEM INDICAT.

## S. I.

DEORVM NOMINA, EPITHETA, AEDES,  
SACRA, SACERDOTES.

Æsculapius Pergamenus.	VI. 30.
Attini.	II. 9. 10. 11.
Baccho.	VIII. 1.
Cæteri.	IV. 22.
Cereri, & Coræ,	VIII. 1.
Deo Æterno.	VII. 32.
Dianæ Celesti.	IV. 20.
Genio Coloniz Beneventanæ.	V. 25.
— Loci.	IV. 22.
Hecatz.	VIII. 1.
Herculi.	III. 14. 16.
HPAKAH.	III. 13. 4.
— Servatori.	III. 15.
— Conservatori.	XX. 15.
Jovi Tonanti.	I. 1. 4.
— Tutatori.	I. 3.
— Victori Pacifero.	I. 2.
Junoni Quiriti.	I. 8.
— Reginz.	I. 5.
— Stygiæ.	I. 6.
— Veridicæ.	I. 7.
Libero.	VIII. 1.
Matri Deum.	II. 9. 10.
Mefiz.	V. 28.
— & Setiz.	V. 28.
Minervæ Berecintiz.	II. 9.
— Paracintiz.	II. 10. II. 12.
Mithræ Soli.	V. 26.
Nymphis.	V. 27.
Pietati.	IV. 23.
Silvanz.	IV. 19.
— Cafanico.	IV. 18.
— Stajano.	IV. 17.
Veneri.	IV. 21.
Victoriæ Auguſtæ.	VI. 31.
Ædes Saturni.	XX. 13.
Ara Taurobolica.	II. 9.
Cæſareum.	VI. 29.
Signum cum Baſe.	IV. 19.
Templum.	III. 16.
Tribunal ex permiſſu Pontiff.	XXXIX. 2.
Auguſtalis.	IX. 6. & ſeqq.
— Claudialis.	X. 14. 18. XII. 8.
Aug. II. Quinq. i. c. <i>Auguſtalis iterum</i>	
— <i>Quinquennalis</i> .	XXVIII. 10.
Augur.	II. 9. VIII. 3. XXI. 17.
Iſtaca.	VIII. 1.
Harufpex Publicus Primarius.	II. 10.
— Ex Ordine LX.	VIII. 4.
Hierophantia.	VIII. 1.
Pontifex.	VIII. 2. XI. 6.
Sacerdos XV. VIR.	II. 9.
— Prima.	II. 11.

Sacerdos Secundo loco.  
Soclis Hadrianalis.  
VII. Vir Epulonum.  
Confacerdos.  
Sacerdotes Capulati.  
Veſtalis.  
Taurobolia.  
Criobolium.  
Taurobolium.

II. 11.  
XX. 15. & 16.  
XX. 13.  
II. 10.  
VII. 32.  
VIII. 5.  
VIII. 1.  
II. 9.  
II. 10. II. 12.

## S. II.

AUGUSTI, AUGUSTÆQUE CUM SUI EPITHETIS.  
Imp. Cæſar Divi Filius Auguſtus.  
Cæſar Divi Auguſti.  
Divus Claudius Auguſtus.  
Commodus Pius AUG.  
— Pius Felix.  
Trajanus Fortiſſimus Princeps.  
Hadrianus.  
Septimius Severus.  
M. Aur. Antoninus, i. e. Caracallus Seve-  
ri Filius ibidem cum Severo Patre.  
Gallienus Magnus, & Inviſtus.  
Conſtantinus Max. Victor, & Triumpha-  
tor.  
Julianus Nob. ac Beatiſſimus Cæſar.  
Julianus Aug. Pius Felix Inviſtus Bono  
Reip. Natus.  
Julia Aug. Mater Aug. & Caſtrorum.  
Helena Aug. Mater D. N. Conſtantini.  
Valerianus Divus Parens Reip.  
Valens, & Gratianus.  
Theodoſius Inviſtiſſimus.  
DDD. NNN. Theodoſius, Arcadius, & Ho-  
norius.

XVII. 1. XXV. 3.  
XXI. 17. XXV. 4. XXXI. 10.  
XVII. 2. 3. XXV. 5. XXVI. 6.  
XXV. 2.  
XVII. 1. XXV. 3.  
XXI. 17. XXV. 4. XXXI. 10.  
XVII. 2. 3. XXV. 5. XXVI. 6.  
XVII. 4.  
XVIII. 5.  
XVIII. 6.  
XVII. 7. XIX. 12.  
XVII. 2.  
XVIII. 5.  
XIX. 9.  
XIX. 8.  
XIX. 10.  
XIX. II. & 13.

## S. III.

MAG'STRATUS MAJORES MINORESQUE.

Advocatus Fiſci.  
Ædiſ i. d. i. e. *Juri Dicundo*. XI. 5. 6. XII. per tot. XXI. X. 1.  
Ædiſ III. V. R.  
Adleſtus in Ordinem Decurionum.  
Adleſtus inter Conſulares.  
— inter Prætorios.  
Comes Fabricarum.  
CER. I. D. Q. Q. i. e. *Cerealis Juri Dicundo*  
*Quinquennalis*.  
PR. CER. IUR. D. i. e. Prætor, ſeu Præfe-  
tus Cerealis Juridicundo.  
PR. CER. I. D. Q. Q. *ſupra*.  
Corrector Regionum Duarum.  
— Apuliz, & Calabriz.  
Curator.  
Curator Fiſci.  
Curator Rei P. Benev.  
CUR. R. B. BN.  
Curator Muneris Diei Unius.  
Conf. Campaniz.

XXVII. 4.  
XI. 5. 6. XII. per tot. XXI. X. 1.  
XI. 7.  
XIII. 16.  
XXII. 21.  
XXIII. 26. XXX. 5.  
XXVII. 4.  
XIII. 142.  
XIII. 15.  
XIII. 16.  
XXII. 22.  
XXII. 24.  
XIV. 22.  
XXXI. 10.  
XVIII. 6.  
XXVI. 9.  
X. 14.  
XIX. 9. XXI. 19. XXII. 20. XXIII. 25.  
Cura-

Curator Reip. Æcanorum .	XXI. 17.	Adjutor Tribunum .	XXXI. 10.
— Amerinorum .	XXI. 18.	Aclestus inter Prætorios .	XXXIII. 26. XXX. 7.
II. Vir Juri Dicundo .	XXI. 1. 2. 6. XXI. 17. XXIX. 1.	Centurio .	XIV. 20. XXXIX. 4.
Decurio .	XIV. per tot. XXXI. 10.	7. Leg. IIII. F. F. III. Hast.	XXXIX. 4.
Honoribus functus in Colonia .	XXXII. 11.	Cornicularius .	XXXI. 10.
Juridicus per Apuliam .	XX. 15. 16.	Donatus Hasta Para, Corona Vallari .	XXIX. 1.
Juridicus Apuliz, & Calabriaz .	XXII. 21.	Donis Militaribus Donatus .	XX. 15.
Honoratus ad Curam Reip. Canusinor.	XXII. 17.	Eques Romanus .	V. 28. XI. 2. XIII. 14. 16. XXXIX. 4.
Munerarius Bidui .	XXXIV. 1.	Exornatus Equo publico .	XXXII. 11.
Præfex Prov. Mæfiz Superioris .	XXII. 21.	Legatus Leg. XIII. Gem.	XX. 15. 16.
Patronus Municipii .	VI. 31.	Legatus Candidatus .	XXIII. 26.
Patroni Turreis .	XX. 14.	Miles Leg. VI. Ferratæ .	XXXII. 15.
Patronus Coloniaz Beneventanorum lar-		Leg. VI.	XXXII. 14. 16. 17. 18. 19.
gissimus, atque honorificentissimus .	XXVII. 3.	Leg. XXX.	XXXIII. 20. 21. 22. segg.
Patronus ab Origine .	XXII. 27.	Optio in Coh. SS. .	XXX. 6.
— Ab Atavis .	XXII. 20.	Optio ab Adis .	
— Ab Avo & Majoribus .	XXVIII. 7.	Signiferi .	
— Dignissimus .	XXIII. 25.	Arcarii .	XXXI. 10.
Pro Coh. Campaniz .	XXIII. 27. 28.	Valetudinari .	
— Provinciaz Sardiniz .	XX. 15. 16.	Præf. Classium Prætoriarum .	XXIX. 2.
— Provinciaz Siciliz .	XXI. 18.	Coh. VI. Vigulum .	XXIX. 3.
Præfæctus Fabrum .	XXI. 17. XXXVIII. 1.	Coh. I. Dalmatarum .	XXVIII. 10.
Præf. Jur. Dic. Boviani, & Beneventi .	XXII. 23.	Equitum in Prov. Pannonia .	XXII. 23.
Præfex Prov. Mæfiz Sup.	XXII. 21.	Iyreorum .	XXI. 17.
Quæstor .	XXI. 17. XXIX. 1.	Coh. II. Pannoniorum .	XXI. 17.
— Provinciaz Macedoniz .	XXI. 18.	Primopilaris .	III. 16.
III. VIR. Quinquennalis .	VI. 31.	Prim. Pil. Leg. X. Gem.	XXX. 9.
IIIVir Scitibus Judicandis .	XXI. 18.	Secutor .	XXXI. 10.
VI. Curator .	LXI. 1.	Sevir Turmar. Eq. Rom.	XXI. 18.
Summæ Rei Judicio Sacro Promotus .	XXXVII. 1.	Signifer Leg. XXX.	XXX. 8.
Scriba Ædificiorum .	XII. 11.	Signifer Coh. I. Vigil.	XXX. 7.
Tribunus Plebis .	XXI. 18. XXII. 21.	Tesserarius .	XXXI. 10.
XVIR Scitibus Judicandis .	XXIII. 26.	Tribunus Militum .	VIII. 3.
Vice Sacra Judicans .	XXXIII. 27.	Tribunus Coh. VI. Vigulum .	XXXIX. 3.
	§. IV.	Tribunus Mil. Leg. XII.	XXXIX. 1.
		Tribunus Cohortium Primæ Prætoriz, &	
PROFESSIONES, ARTES, COLLEGIA, OFFICIA .		VI. Vigulum .	XXXIX. 2.
Ædor .	XXXV. 8.	Tribunus Beneficiarius .	XXXI. 10.
Ærarius .	XXXVI. 13.	Trib. Leg. IIII. Scithic.	XXI. 17.
Archilater Beneventi .	XIII. 14.	Trib. Laticlav. Leg. V. Maced.	XXIII. 26.
Artifex Organorum .	XXXVII. 14.	Legionum III. Cyrenaicæ III. Gallicæ .	XXXIX. 2.
Artificiorum omnium studiosissimus .	XXXVII. 15.	— Leg. I. Adi. P. F.	XXI. 18.
A Studiis .	XXXIV. 5.	Veteranus Cohortis VII.	XXXII. 13.
Grammaticus .	XXXIV. 2.		
Medicus .	XXXIV. 3. 4.		
Mercator .	XXVII. 6. XXXV. 6.	§. VI.	
Mercurialis .	XXVII. 5. 6.	OPERA PUBLICA .	
Mesor Ædificiorum .	XXXVI. 9.	Apparatorium .	XXVIII. 10.
Nummularius Mercurialis .	XXXV. 7.	Balneum Virile, & Muliebre .	XXVI. 11.
Orator, & Poeta inlustris .	XXII. 21.	Basilica Longini .	XXVI. 7.
Poeta Latinus Coronatus .	XXXIV. 1.	Basilica, in qua Tabulæ Muneris positæ	
Testor .	XXXVI. 10. 12.	sunt .	XXVI. 8.
Vestiarium .	XXXVI. 11.	Canopus propriis sumptibus perfectus .	XXVII. 5.
Studia IIII.		Compitum .	XXVIII. 10.
— Martensium Verzobianum .	XXVII. 1.	Porticus Dianæ .	XXVI. 7.
— Martensium Palladianum .	XXVII. 2.	Porticus cum Apparatorio .	XXVIII. 10.
Studium Palladianum .	XXVII. 3.	Porticus omni ornatu elegantiz .	XXVI. 8.
Collegium Martensium Infraforanum .	XXVIII. 7. 9.	Porticus omni cultu exornatus .	XXV. 2.
Collegium Martensium Verzobianum .	XXVIII. 10.	Pons Vetustate dilapsus .	XXV. 5.
Collegium Medicorum .		Prætorium .	XXV. 2.
	§. V.	Taberna .	XXVI. 11.
	MILITARIA .	Thermæ .	XXVI. 9.
Ab Adis .	XXXI. 10.	Thermæ Commodianæ .	XXVI. 7.
A Quæstionibus .	XXXI. 10.	Via Benevento Brundisium .	XXV. 3.
Adjutor Mil. Coh. III. Prætor.	XXXII. 12.	Opus Quadrigæ cum effigie Imp. Hadriani	
Adjutor Quæstoris .	XX. 6.	Aug. ex Argenti Libris MDVII.	XXI. 17.



# INSCRIPTION. BENEVENT.

LXVII

S. VII.

ELOGIA DEFUNCTORUM CUM AFFECTIBUS  
SUPERSTITUM, ET AD IUS SEPULCRI  
PERTINENTIA.

Filiæ Optimæ . XL. 4.  
Bassæ Studiozæ Karissimæ Filiæ Mez . LVIII. 198.  
Filio Dulcissimo, cui Mors acervæ cessit . XLVI. 47.  
Patri Optimo . XL. 3.  
— Pissimo . XL. 5.  
Parentibus Dulcissimis, atque Incomparabilibus . XLII. 20.  
Viro Optimo . XLII. 8.  
Conjugi Pientissimo . XLII. 11.  
Conjugi Incomparabili, Benem. Piz . LIV. 142.  
— Sanctissimæ . XLII. 15.  
Uxori Sanctissimæ . LIX. 207.  
Antiquâ Vitâ vixit, Fidei, ac Diligentiz Clarissimæ . XLII. 12.  
Raræ Castitatis Fœminæ . XLII. 16.  
Castissimæ Fœminæ . LIII. 137. LVII. 196.  
Fœminæ Incomparabili sibiq. amantiss. LIX. 210.  
Nam fuit eximia specie miroque decore Membra incrant vere corpore digna suo.  
Bade Vale Dulcis . LIV. 140.  
Mater Valeria Infelicissima Mater . LIX. 210.  
Parentes miserissimi . LVIII. 201. LIX. 212.  
Parentes per quam infelicissimi Luxuri . XXXVII. 15.  
Parentes infelicissimi amissione ejus per-  
petuis tenebris, & quotidiana misera-  
bili ululatione damnati . XLIII. 24.  
Nepti dulcissimæ . LIII. 141.  
Cognatæ i. e. Glori, seu Fratri Uxori . XLIX. 80.  
Noriculæ i. e. parvæ Nurui . LIII. 136.  
Animæ Innocentissimæ, cum qua vixit  
sine ulla Querela . LII. 116.  
Fœminæ Fidelissimæ, & incomparabili . LI. 103.  
Alumnus Pientissimorum Pissimus . XLIV. 35.  
Alumnus, & Libertus Pissimus . XLIV. 37.  
Alumnus Domino Dilectus, quoquo iret  
Semper Comes, Poculi Minister, do-  
ctus Palestræ Puer . XLIV. 31.  
Frater innocentissimus . XII. 14.  
Soror Fratri Benemerenti . XLVII. 63.  
Filia Dulcissima, & Pissima . LIII. 128.  
Qui amarunt Alumnus suum . XLIV. 32.  
Infelix Fatum prior debuit mori Ma-  
ter . XLVI. 48.  
Decessit Superstitibus Parentibus . XXXII. 11.  
Ingenua Adolescentula . LVIII. 199.  
Adolescentula Dulcissima . LVIII. 199.  
Hic Jucunda sepulta est Delicia ejus . XXXVI. 10.  
Homini Pono . XL. 6. 7.  
— Dulcissimo . XLII. 10.  
— Plurimum Benignissimo . XII. 9.  
Juvenis probissimus, ac fidelissimus . XLIV. 34.  
Huic Dominus ob merita ejus, & probita-  
tem, quod cum pleno affectu dilexerit,  
fecit . LVI. 153.  
Quod fore morte . . . . )  
Id Cineri infelix . . . . ) LX. 218.  
Contubernali Dulcissimo . LV. 145.  
Contubernali Karissimæ . LV. 147.  
Hospiti Bene Merenti . . . . LV. 144.  
Patrono suo idem Conjugi Benemerenti . LII. 122.  
Hoc nunc est pondere clausus, æternasque

lacrimas reliquit Carpo Parenti . XIV. 23.  
Conjugi qui vixit ætati An. XLV. & me-  
cum An. XVIII. . XLVII. 64.  
Memoria Adoris Fidelissimi . XXXV. 8.  
Benemeritis ejus . XL. 78.  
Hos Decuriones Funere publico de Foro  
è Tribunali efferendos, & hic human-  
dos censuerunt . XXXVIII. 1.  
In perpetuum VI. Idus Junii Natali Sa-  
bini epulantibus hic Paganis annuos  
Æ CCXXV. dari jussuerunt, ea condi-  
tione, ut Non. Jun. Pagum lustrant,  
& ex consuetudine sua cœnent . XXXVIII. 10.  
Vas Disomum, & Tribunal ex permissu  
Pontiff. perfecit . XXXIX. 2.  
Duci fecit Itu Ambitu . XLVI. 54.  
Abs Absc. quæstrum Lucro suo sive Fraude  
aliorum H. M. H. N. S. . LIV. 143.  
Vivi sibi fecerunt, quem emerunt C  
C XX. . LV. 160.  
Hunc Monumentum Maceria clusum . LVIII. 206.  
Monumentum FACEIV curavit, Eideque  
probavit . XLVII. 55.  
Arbitratu C. Luccei . XLVII. 58.  
Hic sum sepultus, Hic Ossa sita, Valetæ,  
& Benefacite Vobis . LIII. 129.  
Amici Valetæ . XII. 12.  
His Sedibus adjunctus est Locus Sepultu-  
ræ . LI. 106.  
Memoriæ Venerandæ . LXIV. 8.  
Neofata . LXIV. 6.

S. VIII.

NOMINA, ET COGNOMINA.

A

Abutius Tertius . LII. 116.  
M. Accius Ennius Sergianus . XX. 15. 16.  
L. Acilius . XXXII. 17.  
Acon Catullinus . VIII. 1.  
Aconia Paulina . VIII. 1.  
Acontius Aper . X. 17.  
C. Adjectius Macedo . )  
— Narcissus . ) XIII. 15.  
Adelfi Clodius Celsinus . XXII. 22.  
C. Adinius Snavis . LVI. 154.  
Æbutia Heli . LV. 161.  
Ælia Rhodine . XLV. 33.  
— Procula . LIX. 212.  
Ælius Indutus . LIX. 212.  
P. Ælius Venerianus . XXXIX. 2.  
M. Ælius Cresimus . LI. 121.  
Æmilius Zanuaris . XLIV. 37.  
Æmilia . LVIII. 192.  
Sex. Æquanius . XXXIII. 25.  
Æpidia Secundina . XLIII. 30.  
Afinia Ade . XIV. 17.  
— Liberalis . XLVI. 60.  
— Callista . LVIII. 200.  
N. Afinius Hierax . XIV. 17.  
— Apulus . XIV. 17.  
— Fortunatus . LVIII. 200.  
— Tacitus . IX. 12.  
— Anteros . X. 15.  
Agathobus Paulinus . XLVI. 51.  
Albanus . XXXV. 6.  
Albia Hilara . XXX. 8.

- M. Albius .  
Alexander .  
Alexandria .  
Alfia Fausta .  
Alfia Felicitas .  
— Justina .  
Amarfia Secundina .  
Amarfius Clemens .  
Ampelius .  
Amaranthus .  
Annia Tarentina Primigenia .  
— Sabina Tranquilla .  
L. Annæus Tranquillus .  
Anicius Aucheniuss Bassus .  
T. Anonius Marcellinus .  
Antonia Euche .  
C. Antonius Restitutus .  
L. Antonius . . . . . rus .  
T. Antonius Felicianus .  
Apineja .  
Aquila Cerialis .  
Argentaria .  
Argentilla .  
Arconia Hilara .  
Arria Rufa .  
Asstemisa .  
T. Abinius Antiochus .  
Atteja Prisca .  
Attica .  
Austilia .  
Audeja Sabina .  
Avoleja Restituta .  
Avidienus .  
L. Avidius .  
Aurelia Hammonia .  
Aurelius Munus .  
— Sabinianus .  
Aurelia Severina .  
L. Aurelius Rufus .  
M. Aurelius Herculanus .
- B  
C. Badius Jucundus .  
P. Bassia Tannaria .  
Bassia Studiofa .  
Betitrus Callistus Ifena .  
Betidia Plotina .  
C. Bergonius .  
Bassus Benebentanus .  
C. Bibius Secundus .  
N. Blazius .
- C  
Cæcilia Secunda .  
L. Cæcius Hilarus .  
— Hermeros .  
— Felix .  
M. Cæcius Tincinnabulus .  
M. Cæcilius Novatillianus .  
C. Cælius Bassus .  
T. Cælius Crescens .  
Cælia Prisca .  
— Venus .  
Cæsius Modestus .  
Q. Cæsellius Surus .  
Cælia Ifidora .  
L. Calejus .
- XXX. 8.  
LIX. 210.  
XLVII. 69.  
LVI. 156.  
LIX. 211.  
LIX. 211.  
XLVIII. 88.  
LVIII. 204.  
LXIII. 3.  
LVII. 194.  
IX. 11.  
XXII. 23.  
XXII. 23.  
XXIII. 27. 28.  
XXIII. 25.  
LVI. 154.  
LVI. 154.  
VI. 30.  
VII. 32.  
LVII. 173.  
LII. 126.  
XL. 4.  
LIX. 210.  
LVI. 189.  
LI. 107.  
XXXIV. 4.  
XXXVI. 11.  
XXIX. 1.  
XLVIII. 72.  
LVII. 175.  
LIX. 216.  
LIX. 212.  
XIV. 20.  
XI. 7.  
XLVIII. 70.  
LXIII. 4.  
LXIV. 6.  
LXIV. 6.  
III. 16.  
XLVI. 47.  
LI. 107.  
XIII. 16.  
LVIII. 198.  
LIII. 136.  
XLVIII. 77.  
XI. 5.  
LIII. 129.  
XLIV. 38.  
LI. 103.  
XLIX. 85.  
X. 16.  
X. 16.  
X. 16.  
XLVIII. 75.  
XXII. 21.  
XIII. 16.  
LIX. 208.  
X. 17.  
XLII. 17.  
L. 98.  
XXXV. 6.  
XLII. 20.  
LIII. 131.
- Calenus .  
C. Calpenus Eutichus .  
Calphurnia Fausta . )  
— Nomas . )  
Calhemera .  
C. Calphurnius Lausus .  
— Pancarpus .  
M. Calventius Ausus .  
M. Caprelius Corceus .  
Carillius Onesimus .  
Carpus .  
M. Castejus Pætus .  
Castricia Felicissima .  
A. Castrius Achilles .  
M. Calcellius Secundus .  
Catia .  
C. Catius Balbus .  
— Gallus .  
L. Cauponius .  
Cerrinia Julia .  
Ceja Lucilla .  
Chrysis .  
L. Cænnius Sospitianus .  
P. Cincius .  
C. Clastetius .  
Claudius Julius Pacatus .  
T. Claudius Lenius .  
Clepiana Angustina .  
Clodius Celsinus .  
— Octavianus .  
A. Clodius Demetrius .  
C. Clodius Capito .  
Clodia Alexandra . )  
— Clyceria . )  
C. Cloelius Restitutus .  
Cocceus Silvius .  
Cominia Lelaug .  
M. Compitius Valens .  
Concordia .  
Concordius Suavis .  
— Fortunatus .  
C. Concordius Syriacus .  
Q. Concordius Primus .  
Q. Cornelia Symprusia .  
Cornelius Priscus .  
Fl. Cornelius Marcellinus .  
L. Cornelius Saturinus .  
Firmus .  
P. Cornelius Diodorus .  
— Eupoles .  
M. Cofinius Primitivus .  
— Crispinus .  
Cofinia Celsina .  
— Fortunata .  
Crescentina . )  
Crescentinus . )  
Crescentina Matrisia .  
M. Crassicius Castellus .  
M. Crassus Saturninus .  
Crustidia Reperta .  
Crustius Talafius .  
A. Curtius Primianus .  
Curtia Ecloge .
- L. 96.  
LI. 104.  
IX. 9.  
LVI. 153.  
XLIV. 31.  
IX. 9.  
LII. 118.  
XLIX. 81.  
LII. 117.  
XIV. 23.  
XXXIV. 4.  
XLII. 20.  
XLII. 20.  
XLIII. 25.  
XI. 7.  
XXXVIII. 1.  
XXXVIII. 1. LI. 112.  
LI. 114.  
LV. 148.  
XIII. 15.  
LVIII. 205.  
VIII. 4.  
XI. 4.  
XXX. 5.  
XXI. 19.  
XXXIV. 5.  
XLIX. 86.  
XXII. 22.  
XXVI. 10.  
XXXIV. 3.  
LII. 119.  
XXXIV. 3.  
XXXIII. 21.  
XLII. 17.  
L. 93.  
V. 28.  
II. 9.  
LVII. 192.  
XLVI. 49.  
XXXIV. 1.  
XLV. 42.  
LII. 122.  
IV. 24.  
XXII. 24.  
LII. 122.  
LVI. 160.  
LI. 107.  
L. 95.  
IV. 19. XL. 3.  
XLIV. 36.  
II. 10.  
XL. 3.  
IV. 17. 20.  
I. 6.  
XXXIII. 20.  
XLVI. 54.  
L. 92.  
LIV. 153.  
XLV. 43.  
L. 92.



# INSCRIPTION. BENEVENT.

LXIX

D

Demetrius .  
Didia .  
Didia Procula .  
— Pollia .  
C. Discolius .  
Domatia Quintilla .  
— Cyparis .  
Domatia Fausta . )  
— Talia . )  
C. Domatius Phylax .  
Dunlius Crefinius .

E

Edonion .  
L. Egnatius Varanus .  
Elitea Vestalis .  
Elpisticus .  
C. Enetrus .  
Ennia Recilla .  
— Elena .  
— Jucundilla .  
M. Ennius Macedo .  
C. Ennius .  
Epidia Neria .  
Epaphroditus .  
Epigonus .  
Eron .  
Erullia Primula .  
Eerilia Clemens .  
Euploca .  
Earecilia Clemens .

F

Fabia Aconia Paullina .  
C. Falconius C. F. Stel. Rufus .  
C. Falcidius .  
Fauftus .  
Felicitas .  
T. Felix .  
Fides .  
C. Firmilius Rufus .  
C. Figilius .  
M. Flavius Marcellus Rutilius .  
Flavius Liberalis .  
— Succesius .  
T. Flavius Titullus )  
— Faustus . )  
Q. Flarius .  
Fontaja Celerina .  
Fregania Helena . )  
— Diodora . )  
L. Freganius Saturninus .  
Fructilia .  
Fufia Pigratilla . )  
— Secunda . )  
— Lychnis .  
Fufcia Cleopatrá .  
Fufcia Viola .  
M. Fufius Reftitutus .  
Fufius Iuftinus .  
P. Fufius Fufcus . )  
— Fructus . )  
L. Fulvia .  
L. Fulionus Severus .  
M. Furius Jerax .  
Furna Prima .

XXXIV. 3.  
LVIII. 197.  
XLIX. 87.  
LVII. 195.  
XLIV. 7.  
XLIV. 32.  
LVIII. 196.  
XXXV. 6.  
XXXV. 6.  
XLIII. 28.

XXXII. 16.  
XLVII. 62.  
VIII. 5.  
XVIII. 5.  
IV. 21.  
LVI. 158.  
LIII. 130.  
LIV. 139.  
LIV. 139.  
XI. 5.  
XLVII. 55.  
XXX. 8.  
XXXV. 8.  
XXXVI. 11.  
LVIII. 202.  
IX. 8.  
XXVI. 8.  
LIX. 217.

VIII. 1.  
LX. 222.  
1. 8.  
LIII. 138.  
XXXIX. 2.  
XXXVII. 15.  
XXI. 18.  
VIII. 3.  
XXXII. 19.  
XI. 1.  
II. 10.  
LVIII. 201.  
XXXIII. 22.

LVII. 174.  
LIX. 207.  
L. 99.  
L. 99.  
LI. 112.  
LVI. 158.  
XXXIII. 20.  
LVI. 167.  
XXXVIII. 1.  
XLII. 21.  
XL. 7.  
LVI. 158.  
XLIX. 82.  
XXX. 9.  
XLVIII. 67.  
XLIV. 37.

G

M. Gavius Bassus .  
— Sabinus .

H

Hamintas Saturninus .  
Havius Aper . )  
— Umbrius . )  
Hellas .  
Helenus .  
L. Helvius Hilarus . )  
— Pætus . )  
C. Helvius Primillus .  
Herennia Bassa .  
— Quarta .  
— Thisbe . )  
— Faventina . )  
— Urania .  
C. Herennius Modestus .  
— Pyramus .  
— Rufus .  
L. Herennius Fuscus .  
Hermas .  
Hirria Tertullia .  
Hispania Pomponia .

I

Januarius , & Januaria . X. 14. XLI. 12. XLIV. 37.  
( XLVII. 57. LIII. 137. 138. LV. 146.

Q. Januarius .  
C. Jettuclius Levius .  
A. Ignius Felix .

Jucunda .  
Julia Trebonia .  
— Felicula .  
— Prima .  
— Rufina .  
Q. Julia Bassa Irenino .  
Julius Viſor . )  
— Lucilius . )

Tib. Julii Concordius , Lupulus , & Mar-

cianus .  
Junia Rufina .  
— Capreola .  
— Rutilia Juniano .  
— Sabina .  
Juſſidius Primus .

L

L. Labiclus Celer .  
Laciva .  
L. Læticius Rufus .  
C. Latinus Synero . )  
— Stephanus . )  
L. Latinus Stabilio .  
Latinita Tychen .  
Laurus .  
C. Lepidius Ruſio .  
Liceria Semme .  
Licinia Liciniaue .  
— Armone .  
— Covia Daſphen .  
Licinianus .  
Licinius Erotion .  
C. Licinius Felix .  
— Celer .  
Liſidia Prima .  
Lollia Euphroſine .

XVI. 9.  
XII. 11.

IX. 11.  
XLV. 40.  
XXI. 18.  
IX. 6.

XXXV. 7.  
XLIII. 29.  
XII. 9.  
LVI. 164.

LVII. 168.  
XLVIII. 75.  
LV. 145.  
LVII. 168.

LVIII. 197.  
XXXVI. 9.  
XIV. 23.  
XII. 8.  
XLVIII. 68.

X. 14. XLI. 12. XLIV. 37.  
( XLVII. 57. LIII. 137. 138. LV. 146.

LII. 125.  
XLVI. 55.  
XLIV. 32. LVII. 177.

XXXVI. 10.  
XLIV. 35.  
LIII. 135.  
LI. 103.  
LIII. 128.

LX. 220.  
XL. 5.

LI. 103.  
XXXVI. 9.  
X. 18.  
LV. 147.

LVIII. 204.  
XLVII. 61.

XXXII. 15.  
LIV. 140.  
XXIX. 1.

LI. 108.  
LX. 219.  
LVII. 169.  
LVII. 168.

IX. 7.  
LV. 144.  
I. 5.  
LVIII. 203.  
LVIII. 206.

I. 5.  
LVIII. 206.  
XLII. 23.  
XLVII. 59.  
IX. 7.  
XLII. 18.

— Eleu-

- Eleuteria .  
 Lollius .  
 L. Lollius Primigenius .  
 — Hilarus .  
 — Orio .  
 — Suavis .  
 Q. Lollius Chryseb. ....  
 C. Lorus .  
 C. Luccius Sabinus .  
 — Rufinus , & Redemptus .  
 C. Luccejus Maximus .  
 Lucenius .  
 M. Lucilius Diocles .  
 Lucretia Prima .  
 Lupus .  
 Lyfimachus .
- M
- Q. Maelius Moderatus .  
 Magia .  
 Mamercius Marcellinus .  
 M. Mamidius Modestus .  
 Manius Secundus .  
 Manlia .  
 C. Manius Primigenitus .  
 Manlius Apriculus .  
 Marcia Tertia .  
 Cn. Marcus Rufinus Rufinus .  
 P. Marcus Albanus . )  
 — Philaris . )  
 — Philodamus .  
 Maria Alexia .  
 — Januaria .  
 Sex. Marius Hilarus .  
 Marius Iustus .  
 M. Marius Titius Rufinus .  
 T. Marius Chrestus .  
 Maro .  
 Matria Gacilia .  
 Maxima .  
 Maximilla .  
 Messia Diodora .  
 Metiane .  
 M. Metilius Eminens .  
 C. Modius Felix . )  
 Renatus . )  
 Modestus .  
 Modestina .  
 L. Moluius .  
 Morius Aventinus .  
 Mummeja Mummiane .  
 Munatia Prisca .  
 — Felicitas .  
 C. Munatius Moalis .  
 L. Munatius Plancus .  
 M. Munatius Felicissimus .  
 M. Munius Vitalis . )  
 — Proculejanus . )  
 C. Mutius Sabinianus .
- N
- Nævia Sabina .  
 — Viticula .  
 L. Nævius Herma .  
 G. Nævius .  
 Nævia Optata .
- LVI. 166.  
 XLVI. 49.  
 X. 17.  
 LVI. 166.  
 XII. 8.  
 XII. 8. XIV. 21.  
 LVI. 178.  
 LVI. 187.  
 XXXI. 10.  
 XLIII. 30.  
 XLVII. 58.  
 LV. 140.  
 XXXVII. 14.  
 LXIV. 5.  
 LXII. 1.  
 LVII. 124.  
 XLIV. 36.  
 XI. 2.  
 LXIII. 2.  
 XLVII. 60.  
 II. 9.  
 XXXII. 19.  
 XLVII. 57.  
 XLV. 41.  
 XXXII. 17.  
 XXIX. 2. 3.  
 IX. 8.  
 XXXVI. 10.  
 LIX. 214.  
 XLVII. 57.  
 LIII. 137.  
 XLI. 9.  
 XXI. 18.  
 L. 27.  
 XLIV. 31.  
 XLV. 44.  
 XLV. 39.  
 XL. 4.  
 XXXV. 7.  
 I. 5.  
 XLV. 46.  
 XLII. 17.  
 XLVI. 51. LIV. 140.  
 LI. 105.  
 L. 96.  
 LVI. 154.  
 LV. 156.  
 IX. 11. XLI. 16.  
 XLVII. 64.  
 XII. 9.  
 XX. 13.  
 XLVIII. 76.  
 XLI. 14. XLIX. 80.  
 LIII. 135.  
 XLV. 41.  
 LIII. 134.  
 L. 93.  
 XLIX. 88.  
 XLV. 43.  
 M. Nafellius Sabinus . )  
 — Vitalis . )  
 Nafennia Iusta .  
 Neria Ætia .  
 Neratia Iucunda .  
 Neratius Scopi .  
 C. Nonius Chilo .  
 M. Numerius Fabianus .  
 Numia Quadratilla .  
 Numifius .  
 St. Numifius Niceporus .  
 Nunnus Festus .  
 Nunnia Bryia .
- O
- Obidejus .  
 D. Oñacilius Paulinus .  
 Oñavia Crescentina .  
 — Ampelio .  
 A. Oñavius Eros .  
 C. Oñavius Modestus .  
 Oñavius Iucundus .  
 I. Oñavius Albanus .  
 M. Oñilius Tertius .  
 C. Oñilius Modestus .  
 Oñilia Parata .  
 Q. Opimius Celadus . )  
 — Rufus . )  
 Oppia Flora .  
 — Secundina .  
 C. Oppius .  
 P. Oppius Pamphilus .  
 Optatus Adjutor .  
 Ovanus Anctus .  
 Paccia Vitalis .  
 Pamphilus Patronus .  
 Papinia Anthis .  
 C. Papirius .  
 Pardus .  
 Q. Paucius .  
 Q. Passerius Anthimus .  
 C. Petilius Chrifer .  
 C. Petreia Paula .  
 C. Petronius Ampliatius .  
 — Primus .  
 Philema .  
 Philumina Mallia .  
 Philippus .  
 Philomufus .  
 Pietas .  
 Sex. Pilonius Modestus .  
 Pifmatia Rufina .  
 Pifmatius .  
 Placia Rufina .  
 Platus Secundus .  
 Plautia Felicitas .  
 A. Plautius Restitutus .  
 Q. Plotius Romanus .  
 Pollia .  
 Pollia Synthichene .  
 Pompejus .  
 Pontia .  
 — Aurura .  
 C. Pontius .  
 — Marcus .
- P
- LVII. 125.  
 LI.  
 XLI. 12.  
 LIX. 209.  
 XXIV. 31.  
 XXI. 17.  
 LVII. 180.  
 LIX. 209.  
 XXXVII. 14.  
 XLVII. 56.  
 XXXI. 10.  
 IX. 10.  
 LVI. 161.  
 XLII. 28. LI. 121.  
 LVII. 170.  
 L. 90.  
 LVIII. 196.  
 L. 94.  
 LVI. 161.  
 XXXV. 6.  
 IX. 10.  
 LVII. 182. LIX. 218.  
 LI. 105.  
 XIV. 19.  
 XLIX. 89.  
 L. 22.  
 XXXVIII. 1.  
 LI. 126.  
 LV. 148.  
 LI. 112.  
 LVII. 179.  
 X. 15.  
 XXXII. 16.  
 LVI. 161.  
 XXIX. 4.  
 XII. 9.  
 XLIV. 33.  
 LIII. 128.  
 LIII. 128.  
 IV. 17.  
 LIX. 217.  
 XXXII. 11.  
 LVII. 179.  
 LIV. 139.  
 XXXIII. 24.  
 LII. 223.  
 XLII. 19.  
 LVII. 184.  
 LIII. 134.



# INSCRIPTION. BENEVENT.

LXXI

— Priscus .	XLVIII. 68.	L. Stejus Scratejus .	XIII. 14.
M. Posthamius Dagius .	XLVII. 58.	— Rutilius Manilius .	XIII. 14. XLVI. 52.
Publicia Firmilla .	XXIV. 30.	— Herodatus .	XLVI. 52.
M. Publicius Quarinius .	XXIV. 30.	Stephanus ,	XXXVI. 11.
C. Pulidius Asclepiodotus .	XLVI. 50.	Strabo ,	LI. 115.
C. Pullius Pamphilus .	XLVIII. 66.	Succellus ,	LI. III. LVII. 201.
L. Pupius Primigenius .	LVI. 159.	Suellia Sabina .	LVI. 155.
— Hermes .	LVI. 159.	M. Sutorius Verus . )	I. 2.
Patilla Prima .	XXXIV. 2.	— Honoratus . )	LI. 122.
Quarta J. L.	XXXII. 18.	Symprusia ,	
Quintia Grata .	XLV. 45.		
Q. Quintius Saturninus .	XLII. 22.	T	
		Tacitia L. L. Phi. . .	LV. 150.
I. Ragonius Lartius Quintianus .	XX. 15. 16.	Tadia Urfa ,	XL. 10.
C. Rubellius Iucundus .	LVI. 156.	Tannoena Paterna .	LVIII. 201.
Rufinus .	XIX. 10. LV. 147.	M. Tannoenus Firmianus .	XII. 10.
Rufria Lais .	IX. 10.	— Bassus .	LI. 113.
L. Rufrius .	LV. 149.	Tarquinia Modesta .	LIV. 140.
— Pamphilus .	IX. 10.	L. Tautonius Erchasinus . )	XLV. 45.
Rufia Sabina .	XXIX. 3.	— Proculus . )	
Cn. Rustius Festivos .	XXVII. 6.	Tegedia Fortunata .	LVI. 160.
Rutilia Arsinoe .	XL. 11.	Terentia Valentina .	LI. 116.
M. Rutilius Aelianus .	XXXIV. 2.	— Hermione .	LVIII. 201.
		L. Terentius Rufus Firmilianus .	VIII. 3.
		Terentia .	LVIII. 201.
S		— Flaviana .	II. 9.
Sabina .	XI. 6.	— Valentina .	LI. 116.
Salinatoria Augulina .	XXIX. 2. 3.	Q. Tetafrenus .	XXXII. 14.
M. Saffius .	XLVII. 65.	Tigidia Fidelis .	LVI. 157.
Satrius Crescens .	XXVI. 9.	A. Titrius Rufus .	XL. 8.
L. Satrius Proculus .	XXXIII. 26.	Titigia Iucunda .	LX. 222.
Satria .	LIII. 136.	Q. Tilius Studiofus .	LVIII. 198.
Satcia Silvia .	XLII. 17.	Q. Titulejus Marcellinus .	XLVII. 64.
— Ianuaria .	LIII. 137.	— Ursulus .	XLVIII. 74.
Saturnina .	XXXII. 16.	— Fides .	XL. 13.
T. Scanianus Ero .	XXXVI. 13.	Tituleja Capreola .	XLVIII. 74.
L. Scerinus Annæus L. Scribonius Libo. xx. 14. XLIII. 24.	XXXVI. 13.	— Rufina .	XL. 13.
M. Semmius .	XXXII. 16.	C. Titius Euporianus .	XLIX. 87.
C. Sentius Hektor .	LVI. 164.	— Urbicus .	XLIX. 87.
Sepea Fidelis .	V. 25.	— Ianuarius .	LV. 146.
Seppia .	XI. 4.	Tocius Maximus .	XVIII. 6.
M. Seppius Macedo .	LIII. 132.	Toelus Succellus .	LI. 105.
Seprimius Primitivus .	II. 9.	Torania Spes .	XL. 15.
M. Septicius Felicissimus .	LV. 144.	Trebulana Iustina .	II. 12.
Sergia Arbuscula .	LII. 127.	— Modesta .	LVI. 159.
Serveja Specula .	LI. 104.	Trebellius .	LIII. 135.
M. Servenus Alexander .	X. 18.	— Aurelius .	XLVI. 53.
L. Servidius .	LIII. 138.	L. Trebonius Beneventanus .	XLII. 18.
Servilia Varia .	II. 9. II. 12. XIV. 18.	Trebulana Modesta .	LVI. 159.
Sestidia Provincia .	XLVIII. 67.	M. Trebulanus Gacilius Tolephorianus .	XLV. 44.
— Felicissima .	XLIX. 83.	Trophima Sublia Felicitas .	LII. 138.
Sestidius Primus .	XLIX. 83.	Tullidius Argolicus .	XXVII. 4.
Sextilia Chresta .	L. 97.	M. Tullidius Auctus .	XLIX. 81.
Sextia Major .	LX. 224.	Tullonia Lea .	XL. 7.
Sextilius Leo .	LXIV. 5.	Turellia Felix .	XLIX. 81.
Sextius Cornelius .	LII. 123.	Turpidia Quarta .	LVI. 162.
P. Sextius .	XXXII. 16.	Turranus Aper .	XL. 10.
Siconius Secundinus .	LIV. 142.	L. Turfellia Maximilla .	IV. 18.
A. Silanus .	XXX. 7.	Turfellia Mirime .	LVI. 163.
Silanus Fruitura .	LVIII. 199.	L. Turfellius Priscus .	XLV. 39.
Socellia Optata .	L. 102.	Maximus .	XLVIII. 70.
L. Sontius Pantius Iustinus .	III. 10.		
Sophomene .	IX. 7.	V	
Spedia five Cerrinia .	XLVII. 59.	Valeria Prima .	XLV. 46.
Spedia Apula .	XLVIII. 71.	— Iusta .	XXXII. 13.
Stacia Pofilla .	LIX. 215.	— Secundina .	XIX. 208.
		— Diodora .	XXXIII. 21.

-- Poly -

# LXXII INDEX IN ANTIQUAS INSCRIPT.

— Polynice .	I. 101.	— Puteolanus .	L. 101.
C. Valerius .	X. 17.	A. Vibbii Januarius ,	X. 14.
— Publicola .	XXII. 20.	— Æquatianus .	LV. 145.
— Januarius .	XLIV. 12.	— Iustinus .	X. 14.
— Heliodorus .	XLIV. 34.	— Optatus .	XLIII. 27.
— Claudius .	L. 91.	— Proculus .	XI. 6.
T. Valerius Pamphilus .	LVI. 161.	C. Vibbii Stephanus ,	XII. 12.
D. Valerius Menecrates .	LVI. 161.	— Crespinus ,	XXVIII. 7.
M. Valerius Tutor .	LVI. 165.	L. Vibbii .	LVII. 193.
Valerianus .	XXXII. 13.	Vibbia Chresta ,	LIV. 143.
Varia .	LIII. 131.	— Calybene .	LIV. 143.
Varia Prima .	X. 13.	— Cypris .	KL. 8.
T. Vatinius Secundus .	XLII. II.	— Januaria .	LIII. 138.
Veidia .	X. 13.	— Marcella .	XLIX. 84.
— Fortunata .	XLIX. 80.	— Prima .	L. 100.
P. Veidius Pollio .	VI. 29.	— Queta .	XLVII. 63.
— Philocles . )	X. 13.	Viciria Trocilla .	LIX. 213.
— Philodamus . )		C. Vinucius .	LIII. 130.
— Philotimus . )		Q. Virginius Eros . )	IX. 6.
Q. Veidius .	LVII. 181.	— Albanus . )	
T. Vedianus Fructus .	IX. II.	L. Visellius Lygdamus ,	IX. 9.
Q. Veidius .	LV. 181.	M. Ulpius Lucilianus .	LII. 124.
L. Vellejus Verinus .	LX. 224.	Umbria Felicitas .	XLIII. 26.
Verecunda .	LVIII. 205.	— Lucaria .	XXXII. 12.
Verginia .	LI. 108.	Umbrius Pratorius .	XXXIII. 26.
C. Vefedius Rufinus .	XXVII. 1. 2.	C. Umbrius Eudrastus .	XXVII. 3.
Vesuedia Tryphane .	LX. 221.	C. Umbrius Servilius Iustus .	XIV. 18.
Q. Vesuedius .	LIX. 221.	— Primus .	XLIII. 26. XLVIII. 71.
Vesonia Attice .	XLVIII. 73.	— Umens .	XLIX. 84.
L. Vesonius Alexander .	XLIX. 78.	C. Umbrius Vibius Numisius Drusus .	XXVIII. 9.
— Ingenuus .	XLVIII. 73.	— Adjutor .	XXXII. II.
Vesuellia Hilara . )	XLVIII. 66.	Volumnia Lucunda .	LVI. 162.
— Europa . )			
T. Vettius Ædilis .	XVI.		
Vettius Prætextatus .	VIII. 1.	Z	
— Primus .	XLVII. 63.	Zanuarius .	XLIV. 37.
		Zmaragdus .	XLIV. 35. L. 92.
		Zoticus .	LX. 225.



# INDEX

## RERUM PRÆCLARIORUM

Quæ rùm in Dissertationum Volumine, tùm in Antiquis  
Inscriptionibus, earumque Notis continentur.

*Numerus Barbarus ad Dissertationum Volumen pertinet; Romanus verò ad  
Antiquas Inscriptiones, earumque Notas.*

## A

- A** B Adis quid muneris . p.247.  
*A* Questionibus . p.249.  
 Abdira Loca quid significant in Inscriptionibus sequioris *Ævi* . p.280.  
 Acores Servi qui . p.335v. *not. b.*  
 Aduarii qui . p.247.  
 Accensus qui . p.176. *not. d.*  
 Adeptio adimebat Tribum, & alia jura Familiæ in qua Adoptivus natus esset . p.50.  
 Adelpis an Nomen proprium . p.331. *not. b.*  
 Adjutor Munus Militiæ . p.242.  
 Advocatus Fisci . p.212.  
 Ediles Coloniae Jurisdictionem, & Coercitionem habebant . p.129. Eorum munera ex Cicerone . p.131.  
 Primus gradus ad alios Magistratus . p.132. Quot Ediles olim Beneventi . p.135. Scribam habebant . *ibid.* Eorum Symbolum Modius . p.15.  
 S. *Æmilius* Episcopus Beneventanus à S. Paulino vocatur Pater, & Frater Memorii Episcopi Eclanensis quare . p.155.  
 Æra Christiana cur serò in publicis Monumentis inscribi cepit . p.303.  
 Æra Hispaniensis in Antiquis Inscriptionibus falsò pro Christiana accipitur . *ibid.* *not. e.* & p.304.  
 Ærarii qui . p.335vi. *not. d.*  
 Æsculapius Pergamenus . p.vi. *not. a.*  
 Ætas ad Magistratus Municipales . p.xiv. *not. a.*  
 Ætas quorundam hominum longæva . p.x. *not. b.*  
 Alumni qui . p.xlv. *not. a.*  
 Ambius in Sepulchris quid . p.xlvi. *not. b.*  
 Amphitheatra lignea ante Augusti Ævum, sed deinceps Lapidea Romæ, & alibi . p.283.  
 Amphitheatri Beneventani reliquiæ describuntur, & exhibentur . p.284. Ejus Tituli fragmentum . p.285. Quando ædificatum, restitutumve . *ibid.*  
 Annaria Lex pro Magistratuum delectu in Coloniae, & Municipiis . p.132.  
 Anni Imperii ex annis Tribunitiæ Potestatis colligebantur . p.256. In publicis Aëtis, & Monumentis ex Imp. Justiniani Lege inscribi ceperunt . p.301.  
 Anni per Consules in Aëtis Ecclesiasticis usque ad vi. Sæculum . p.301.  
 Annus Emortualis sub Consulum nominibus in Tumulis Christianorum passim signatus . p.300.  
 Annona Menforum Frumentarium Numen . p.345.  
 Annonæ cura perhonorifica . p.138. Summis Viris mandabatur . *ibid.*
- Antiqua Virà vivere quid . p.xli. *not. b.*  
 Apollinis Tripus, Laurus, Lituus . p.v. *not. a.*  
 Apollodorus Imp. Trajani Architectus . p.254.  
 Apparitorium quid . p.276.  
 Appia Via Capuam usque . p.177. Cur deinceps eodem nomine Brundisium usque *ibid.* & p.178. Qua Beneventani Agri parte in Urbem ducebat . p.180. & seq.  
 Apri Calydonii effigies Beneventanæ Urbis Stemma . p.16. Dentes Beneventi servati ex Procopio . p.15. Cujus magnitudinis . *ibid.* & p.324. Eiusdem effigies marmore expressa . *Vid. in Titulo cujus Operis: Venatio a Meleagro gesta in Sarcophago marmoreo.* p.323.  
 Ara Taurobolica quæ . p.94.  
 Arbor *Nycea* nunquam Beneventi Sagarum coitionibus famosa . p.109.  
 Arbores antiquorum Germanorum, & Longobardorum Numina . p.122.  
 Archiatri qui . p.210. & seq.  
 Arcus Viis publicis stratis imponebatur . p.175.  
 Arcus Triumphalis Imp. Trajani Beneventi . pag. 253. Cur, & quando *Porta Aurea* dictus . p.263. Ejus Materia, & Structura . p.354. Ejus Architectus . *ibid.* Annus, quo fuit extructus . p.258. Extruendi caussa . *ibid.* Dioni memoratus . p.259. Cur Beneventi extructus . p.260.  
 Arcus Romanus Trajani in Nummo expressus . p.255.  
 Arcus Anconitanus Trajani . p.254. Romanus Constantinianus, *ibid.* Segusinus Augusti . *ibid.* *not. a.*  
 Arca unde dicta, multiplex . p.244. *not. f.*  
 Arcarius Civitatis . p.245. Præfetti Urbis . *ibid.*  
 Arechis II. Beneventani Principis Capitulare de Sepulchris . p.320.  
 S. Arthelais Narsæti Neptis Beneventi confedit, ibique obiit . p.286. & *not. b.*  
 As generatim pro quocumque pretio . p.lv. *not. c.*  
 Astynomi qui . p.139. *not. a.*  
 Attis, seu Atty . p.88.  
 Augusta Colonia Beneventum . p.36.  
 Augusta Loca quæ . p.267.  
 Augustales qui, & quando instituti . p.1X. *not. a.*  
 Augustales Claudiani . p.x. *not. a.*  
 Augusti tres quando primum . p.285.  
 Augustus ita vocatus ex Munatii sententia, & quare . p.35.83. Præter Legem Triumviralem nunquam Coloniam Beneventum deduxit . p.36. Beneventi Præturam gessit . p.123. & seq. . . Pluries Beneventum advenit, & paulo ante obitum . p.189.

S. Augustinus nob dixit, cuiusque hominis animum esse Genium .p.101.  
 Aufones qui, & ubi consisterunt .p.18.  
 Aufonia ab Aufone Ulyssis Filio Beneventum continebat .p.16.  
 Auxiliares copie in Militia Romana unde .p.232.

## B

B. littera pro V. p. XXXIV. not. a.  
 Bacchus Cereri tum Sacris, tum Templis conjunctus .p.97. 98.  
 Balnea Antiquis familiarissima .p.279. Eorum magnificentia, & luxus .ibid. Ecclesiastica .ibid. not. a.  
 Balnea pro alterutro sexu Beneventi distincta .p.281.  
 Alibi nonnunquam promiscua, & legibus Civilibus, & Ecclesiasticis vetita .p.282.  
 Balneum Scipionis .p.279. not. b.  
 S. Barbatas Beneventi Civis, & Episcopus Langobardicæ superstitionis reliquias sustulit .p.121.  
 Basilicæ quæ .p.273. Ubi plures, cognomine distinguebantur .ibid.  
 Bassianus, seu Caracallus Iulæ Augustæ Privignus. 56.  
 Beneficiarius in Militia qui .p.250  
 Beneventum a Diomede Rege Ætoliz conditum .p.14.  
 Semper intra fines Samnii .p.19. Falso a Plinio Hirpinis accensetur .p.19. & seq. An Samnii Urbs Princeps .p.21. Opibus, Agri bonitate, & Edificiorum pulcritudine præcellens .p.253. Cur ita appellatum: & quando .p.25. 39. Nunquam intra fines Campaniæ .p.151. Consularibus Campaniæ nunquam paruit .p.150. & seq. Cur ejusmodi Consularium monumenta Beneventi .ibid. Metropolis Ecclesiastica totius Samnii a primis sæculis .p.156. Duplex Beneventum erroneè à Stephano statuitur .p.3. 153.  
 Beneventani ante Coloniz deductionem jus Connubii cum Romanis habuere .p.18.  
 Beneventani Syllæ amicissimi .p.32.  
 Beneventani Milites in VI. & XXX. Romanas Legiones censebantur .p.235.  
 Beneventani Apollolorum ævo Christi Fidem acceperunt .p.111.  
 Beneventana Colonia cur Felix cognominata .32. seq.  
 Biga Privatis Honoris causa posita .p.234. not. b.  
 Binomines, seu Binomii .p. XLVII. not. b.  
 Bisomum, Trisomum, Quatrifomum .p. XXXIX.  
 Bonus Eventus Ethnicorum Deus .p.25. Ejus effigies .ibid. not. a. Templum, & Porticus Romæ .p.25.  
 Bonevent. in Nummo argenteo Putealis Scribonii cur inscriptum .p.28 in not.  
 Boneventum in antiqua Inscriptione Beneventana .p.27.  
 Bonus Homo, aut Vir, qui .p. XL.  
 Bono Reip. natus: Formula Honoris Principibus data .p. XVIII. n. b. A quo tempore invaluit .ibid. Contraria formula erat: *Malo publico natus* .ibid.  
 Bovianum Samnitium *Pentrorum* caput .p.22.

## C

Cæsar adventus Beneventum .p.188.  
 Cæsarum pro Curia .p.264. Beneventanum .ibid. Hispaniense .p.266. Cur ita dictum .p.267.  
 Caliga pro Militia Gregaria .p.224.  
 Campaniæ pars antiquis Samnitibus paruit .p.157.

Campaniæ fines nunquam Caudium egressi .p.151. seqq.  
 Cancellarius Provinciæ Samnii .p.156.  
 Canes in Basilicis, aliisque locis cur .p.273. not. a.  
 Canes in Venationibus .p.325.  
 Canopus Beneventi ædificatus quid fuerit .p.171.  
 Capitolium Beneventi .p.285.  
 Capua in Samnitium potestatem redacta .p.157.  
 Capulati Sacerdotes qui .p. VII.  
 Carmen evocationis Deorum in expugnatione Urbium .p.105. not. d.  
 Caracalla, seu Bassianus Iulæ Aug. Privignus .p. 56.  
 Antoninus eum appellatus .p. 193. Antonini nomine in publicis monumentis .ibid. Christiano lacte dicitur enutritus cur .p.195. in not.  
 Caudium Beneventanæ Coloniz ab Augusto adjudicatum .p. 36. Terminus, & limen perpetuum inter Campaniam, & Samnium .p.152. & seq.  
 Censores in Colonis .p.52. not. c & p. 130.  
 Censui in singulis Civium Ordinibus, & Magistratibus spectatus .p.127. Qui auctor .ibid. An Bono Reip. institutus .ibid. not. b.  
 Centuriones .p.231. Cur id vocabulum per notam 7 scriberetur .ibid.  
 Cenotaphium quid .p.81. not. b.  
 Cepotaphium quid .p.307. not. b.  
 Cereales luridicundo Quinquennales Beneventi qui fuerint .p.137.  
 CER. in vetusta Inscriptione Fabretti non CERomatiiles, sed CERealites .p.136.  
 Corealiatus Corealium munus .p.137.  
 Ceres Græco ritu à Romanis culta .p.97. Mensuram Frumentarium Numen .p.345.  
 Certamina Artium Liberalium .p.218.  
 Christiana Religio Judaica Superstitio ab Ethnicis vocabatur .p.194. not. c.  
 Christianorum Sacra in Cæmeteriis etiam post Ecclesiæ pacem .p.309.  
 Christianorum Codices in Diocletiani persecutione præcipue absunt .p.112.  
 Ciceronis erga Augustum fœda adulatio .p.83. Locus post aliorum judicium explicatus .p.187. Ejus adventus Beneventum .ibid. Iter Brundisium, Civili Bello, institutum, cum priore itinere Proconsulati confusum .p.184.  
 Cives Romani in Colonias Latinas deducti amittebant Jus Civitatis, cur .p.43. not. a.  
 Cives Romani qui essent, in Tribus censebantur .p.47.  
 Civitas Romana omnibus, qui in Orbe Romano essent, generatim data .p.45. Ejus Legis auctor Antoninus Caracallus, quam ad Libertinos Justinianus extendit .ibid.  
 Civitatum duarum nemo Civis esse poterat, quare .p.51.  
 Cybeles .p.88.  
 Cymbala Veterum quæ .p.94. Cybeli attributa .ibid.  
 Claudii Imp. mors à Seneca festivè celebrata .p. x. not. a.  
 Cognatus, & Cognata pro Leviro, & Glorie etiam prioribus Latinis .p. XLIX. not. a.  
 Cognomina speciosa .p. XLVIII. not. a.  
 Colonia Romanorum Beneventum quando primum deducta .p.29. nunquam deducta à Sylla .p.31. 32. deducta à Iulio Cæsare .p.34. quando .p.35. ideo Julia ab eo appellata .ibid. deducta Lege Triumviri ab Octaviano Triumviro, unde Augustæ cognomen .p.36.



p. 36. deducta postremò à Nerone . p. 36. Beneventana fuit Civium Romanorum , non Latina contra Sigonium . p. 45.  
 Colonia Beneventana una ex XVIII. quæ Bello Carthaginense Romanis auxilio fuere . p. 30.  
 Colonia Beneventanæ Templum dedicatum . p. 266.  
 Coloniae an jus eudendi nummos haberent . p. 124.  
 Coloniae à Romanis idoneis in locis collocatae , ut essent Reip. propugnacula . p. 29. Earum duo genera duntaxat , aut Latina , aut Civium Rom. p. 41.  
 Colonos inter , & Municipales discrimen quale . p. 43.  
 Collegia Artium , & Professionum à quo instituta . p. 160. Eorum pecuniaria Sacra , & Leges . p. 161.  
 Arca . *ibid.* Magistri . p. 162. Epochæ . *ibid.* Sine publica auctoritate institui nequebant . *ibid.* Plura ejusdem Artis . p. 163. Convivia . *ibid.* Principes nunquam nova permittebant , & quare . p. 164. Patronos habebant . p. 165.  
 Cœmeteria unde cepta , cur sic dicta , & quis eorum usus . p. 308. excipiebant Christianos tum mortuos tum vivos . p. 309.  
 Comes Fabricarum Beneventi . p. 172. Comites , & Comitvæ . *ibid.*  
 Communuculi qui , an rectè dicti . p. 226. *not. b.*  
 Compita quæ . p. 276.  
 Concordia nomen Beneventanæ Coloniae cur . p. 39. *et seqq.*  
 Consecrationis Ritus nuptialis , ejusque effectus . p. 55.  
 Conjunctio in Nerone Beneventi constata . p. 190.  
 Constantinus Imp. ex iustis nuptiis natus . p. 197. Ejus constitutio in L. i. Cod. De Natural. Liberis . explicatur . p. 199.  
 Consulares Quatuor Italiae regendæ ab Hadriano instituti . p. 145.  
 Consules in Christianorum tumulis passim inscripti , & cur . p. 300.  
 Consulium alter Orientalis , alter Occidentalis post divum Imperium . p. 301. *not. c.*  
 Consulium plura paria in eodem lapide cur inscriberentur . p. 251. & p. XXXI. Varia exempla . *ibid.*  
 Consules abolere Iustinianus calidè curavit . p. 301.  
 Consules Municipales . p. 126. & p. 1. *not. b.*  
 Consulium aliquot nomina , paria , & Consulatum numeri in antiquis Inscriptionibus suppleri , emendati , illustrati . p. 90. 251. VI. *not. a.* *et passim.*  
 Contubernium , & Contubernialium diversa genera . p. LV. *not. b.*  
 Coronæ præmia certantium Professorum a Domitiano instituta . p. 218.  
 Corona Vallaris præmium Militiæ quid . p. 223. Eadem cum Cætreus , ejusque forma . *ibid.* Quare data . *ibid.* An ex auro . p. 224. *not. a.*  
 Coronæ Poetarum post Domitiani ævum adhiberi ceperunt . p. 218.  
 Corredtores . p. 149. Provinciae Samnii . p. 156.  
 Cora eadem ac Proserpina cur sic dicta . p. 97.  
 COZ. in Antiqua Inscriptione quid . p. 104. *not. b.*  
 Criobolium Ethnicarum sacrum , quod . p. 91.  
 Crux infamis apud Ethnicos . p. 291. *not. a.* Ethnicorum Calumnæ in Christianis de Crucis cultu . *ibid.* *not. b.* Christiani ethigiem Crucis ubique ponebant . *ibid.* Portabant in fronte , & quomodo . *ibid.* Ejus ysis . *ibid.* Supplicium sustulit Constantinus . p. 292.  
 Cur in Ethnicorum legibus civilibus nunquam me-

moretur . *ibid.* *et not. c.* Leges Christianæ Civiles , & Ecclesiasticæ , ne humi extet Crux , aut in locis obstitis . p. 292. Frequens in Christianorum sepulcris . p. 293. Ethnici aliquando idem signum adhibebant , & quomodo . *ibid.* *not. f. g. h.*  
 Curia non nisi Aedes Sacrae . p. 265.  
 Curitis Iuno quæ . p. 69.  
 Custodes Corporis Augustorum . p. 225.  
 Curatorum varia genera . p. 139.  
 Curatores Reip. Municipales qui . p. 139. *et seq.* Curatores Seviri Beneventi postremâ ætate . p. 143.  
 Cymatia in ædificiis quæ . p. XXXVI. *not. c.*

## D

Dæmonis vocabulo quæ vis , & significatio aut Ethnicis , aut Christianis . p. 100. *not. f.*  
 Δαίμωνες qui . p. 100.  
 Dea Augusta , seu Dia Vocontiorum . p. 266.  
 Decurionum Ordo , Censui , Potestas . p. 127.  
 Decem Viri Stitibus judicandis qui . p. 130.  
 Decempedator . p. 331.  
 Defensores Civitatum . p. 142.  
 Delicia , Delicatus , Delicatus , qui . p. XXXVI. *not. c.*  
 Denariorum haud Sacrorum Ministri . p. 162. *not. d.*  
 Depositio in tumulis Christianorum non diem Mortis , sed Sepulturæ indicat . p. 296. Peculiaris ejus vocabuli significatio illati in sepulcrum Corporis Resurrectionem demonstrat . p. 299. Inter Depositionem Natalem , & Passionem quid intersit . p. 297. *not. a.*  
 Depositus apud Ethnicos Scriptores qui propriè dicebatur . p. 295.  
 Deus Tutæ aris Urbis Romæ ignoratus , cur . p. 106.  
 — Nemausus . p. 265.  
 — Eternus Ethnicorum quis . p. VII.  
 Deorum varia nomina , figuras , gesta , fabulas Philosophi ad naturales causas detorquebant . p. 64. Cognomina a privatis eorum cultoribus indita . p. 66. *et p. IV.*  
 Diana Triplex . p. IV. *not. b.*  
 — Cælestis . p. 70.  
 Dies emortualis in Titulis Sepulchralibus inscribatur . p. 300.  
 Dii Manes in Christianorum Sepulcris cur . p. 300.  
 Diocles olim Imp. Diocletiani nomen . p. LI. *not. c.*  
 Diœceses apud profanos Scriptores quæ . p. 131.  
 Diphthongus AI Augusti ævo arbitrarius . p. 264. *not. a.*  
 Disomum Vas quid . p. XXXIX.  
 Divi titulus an vivis Augustis datus . p. 148.  
 Dominorum potestas in Servos correctæ . p. 268.  
 Domifeda quæ . p. XLI. *not. b.*  
 Domus Aeterna in Christianorum monumentis quare . p. 299. *not. d.*  
 Domna an nomen proprium . p. 60.  
 Draconibus cultus divinus exhibitus passim apud varias gentes . p. 107.  
 Duumviri Summus Coloniarum Magistratus Consules Romanos pluribus æmulabatur . p. 128. Ejus potestas . p. 129.

## E

Ecclesiæ ædificari vetabantur, ubi Corpus humatum esset, cur. p. 313. Super tumulos Martyrum ædificabantur. *ibid.* & *not. d.*  
 Elysi qui, & an iidem cum Hesperidum hortis. p. 74.  
 Episcopi ad sæc. v. ex propriæ Civitatis Clero electi. p. 117. Ecclesiæ Leges, & Disciplina. *ibid.* Quando, & quo pacto ab ex lege recessum. p. 118.  
 Epitalamium S. Paullini in nuptiis Filizæ Emilii Episcopi Beneventani. p. 155.  
 Equestris Censui. p. 127.  
 Equi in Venationibus. p. 323.  
 Equites equo publico. p. 230. *not. c.*  
 Equites Singulares. p. 248: Qui fuerint, variz eruditorum sententiz à Fabretto reprobatz. *ibid.*  
 Equum Tuticum, Oppidum Apuliz initium. p. 152. & 182.  
 Excubitores iidem ac Singulares. p. 249.  
 Era *vid. Æra.*

## F

Fati Vis supra Jovem. p. 234. *not. a.*  
 Fata iniqua Ethnicis vocata. p. LIII. *not. a.*  
 Fabricæ Militares publicæ Beneventi. p. 172.  
 Fabricenses. p. 173. Stigmate inurebantur: Eorum Confortium, seu Corpus. *ibid.*  
 Facere Verbum Sacrorum. p. 95.  
 Fases metaphorice pro Honoribus. p. 129. *not. a.* Dumviri Colonici propriè gestabant. *ibid.* & p. x.  
 Faustus commentum S. Januarii M. Nomen. p. 115.  
 Felix Beneventana Colonia cur Cognominata. p. 32. & 33.  
 Festus Diac. & Desiderius Lector Beneventani, Martyrii Confortes cum S. Ianuario. p. 119.  
 Fidores qui. p. 164. Eorum Collegium. p. 164. *not. c.*  
 Filii Naturales nomen Matris, non Patris fumebant. p. XLII. *not. a.*  
 Finitor. p. 331.  
 Flavii prænomen commune Symmacho, & Boethio Cos. p. 305. quando, & à quibus usurpatum. *ibid.* *not. a.*  
 Forum Civile, & Venale. p. 272. Ejus magnificentia. *ibid.* Otioforum statio. p. 273.  
 Forum agere. p. 271. *not. a.*  
 Frater libertus Fratris quomodo. p. LVII. *not. a.*  
 Frumentarii. p. 335. *not. a.*  
 Frumentariæ largitiones. p. 343. Solis Civibus Romanis. p. 344.  
 Frumentum Numeratum, Numerorum, Numeratorum. p. 342.  
 Funus publicum. p. XXXVIII. Varius ejus ritus. *ibid.* Quibus datum. *ibid.*

## G

Galeæ cum Loris; seu vinculis. p. XXXIII. *not. a.*  
 Gallieni Imp. Tituli adulatorii. p. 196. Ironici. p. XVII. *a.*  
 Ejus joci, quum Provincias Imperii amitteret. p. 196.  
 Genii alii aliis præstantiores pro dignitate personæ, cui ad hærebant. p. 101.  
 — Singulis Locis attributi. p. 104.  
 — Tutelares Urbium. p. 105. Ab Hostibus in oppugnatione evocati. *ibid.* Expugnatis Urbibus aliò discedebant. *ibid.*

Genii vocabulum quâ significatione à S. Gregorio M. usurpatum. p. 102. *not. k.* & p. 104. *not. e.*  
 Geniorum effigies specie Humana, vel Serpentis, cur. p. 106.  
 — Natura ab aliquot Christianis Patribus non rectè explicata. p. 108.  
 Genitales Dii qui. p. 99.  
 Genius Infernus. p. 74.  
 — Principis, an ejusdem Animus; vel Numen assistens. p. 101.  
 — Nullus ipsis Diis assistens. p. 103.  
 Neque Rebus solo intellectu notis. p. 104. Non idem ac Numen. *ibid.*  
 Genius Coloniz Beneventanz. p. 99.  
 — Pueri alati, ac lugentis formâ in Urnis Sepulcralibus. p. 328.  
 Gentiles Christianorum mysteria aliquot suis similia esse contendebant. p. 77.  
 Germaniz Populi Arbores Deorum loco colebant. p. 122.  
 Gladiatorii Ludi Beneventi à Vatinio Neroni editi. p. 189.  
 Grammatici, & Grammatizæ. p. 205.  
 Gradus publici pro Frumentariis largitionibus. p. 343.  
 Gratidia Venefica Neapolitana Horatio celebrata. p. 108.

## H

Haruspices frequentissimi. p. VIII. Eorum Ordo ad LX. numerabatur. *ibid.* *not. a.*  
 Hasta pura militizæ præmium. p. 223. qua de causa datur. *ibid.*  
 Hebræorum Sepulcra Regia improbis Regibus non patebant. p. 307. *not. b.*  
 Hecate. p. VIII.  
 Hæteriz. p. 165.  
 Helena Constantini Imp. legitima Mater. p. 197.  
 Hercules CæTHR Serrator p. 72. quæ ejus cognominis vis, atque ratio. p. 73.  
 Hercules Templum Beneventi. p. 78. Ejus reliquiez adhuc spectantur. p. 85.  
 Hercules fabula de pomis Hesperidum, & Dracone ex Adami, & Evæ historia orta. p. 75.  
 Herculi Ovis sacra quare. p. 72.  
 Hesperides quæ; earumque mala, seu poma. p. 74. Earum horti an diversi ab Elysiis. *ibid.*  
 Hic Situs Est. H.S.E. formula Sepulcralis. p. 81. *not. b.* & p. XXIX. *not. c.*  
 Hierosolymorum Numen in Titi expugnatione Templo excedere auditum. p. 105.  
 Hispania demum ab Augusto devicta. p. 81. Tres Legiones ibi locatz, quæ sequuto ævo defecerunt. *ibid.*  
 Hirpini proles Samnitium propriâ regione constituerunt. p. 19. Beneventum ad eos nunquam pertinuit. *ibid.* Plinius de ea re notatus. p. 20.  
 Homerum Cives cur plures Urbes contendebant. p. 51. *not. b.*  
 Homo Bonus. p. XL. Antiquus. p. XLI. *not. b.*  
 Horatii Poetæ iter Benevento Brundisium ab ipso descriptum illustratur. p. 82.  
 Horæ Vitæ, & Matrimonii post dies numeratz in Titulis Sepulcralibus. p. XXXIV. *not. a.*

Flora



Hora nulla in titulo Sepulchrali cur adjecta . p. XXXIV. *not. a.*

Hospites qui , & Hospitii jura . p. LV. *not. a.*

I

II. duplex pro E. p. XXIII. *not. c.* & p. XLV. *n. a.*

Ianuaria Gens Beneventi maxime floruit . p. 114. Ejus monumenta habes in Indice Inscriptionum §. VIII. *lit. I.*

S. Ianuarius I. Martyr , Beneventi Episcopus , & Civis . p. 114. Non habuit cognomen Fauti . p. 116. *in not.* Cur à Campaniæ Præsidè martyrio affectus . p. 154.

S. Ianuarius II. Beneventi Episcopus eodem sæc. IV. ex eadem Gente Ianuaria . p. 116. Ejus præsentia , Canon , & Subscriptio in Concilio Sardicensi . p. 155.

Imperium Merum , & Mixtum . p. 129.

Incolæ qui . p. XXIV. *n. a.*

Inferis Diis cur sacrificabatur . p. 71.

Infrascriptorum Collegium Beneventi cur ita dictum . p. 170.

Inquillini qui . p. XXIV. *n. b.*

Inscriptiones emendatæ in Grutero . p. 593. *n. 5.* [ heic p. XLVI. *not. b.* ] p. 309. *n. 2.* & 943. [ heic p. 98. ] p. 346. *n. 1.* [ heic p. 115. ] In Donio ex Claf. II. *n. 97.* [ heic p. 256. *not. b.* ] ex Claf. IV. *n. 41.* [ heic p. VIII. *not. a.* ] ex Claf. V. *n. 31.* [ heic p. I. *not. b.* ] ex Cl. VI. *n. 15.* [ heic p. 239. ] Ex Muratorio p. 952. *n. 12.* [ heic p. XXXV. *not. b.* ]

Inscriptiones Beneventanæ ab aliis hætenus editæ passim emendantur .

Inflitere quid . p. XIX. *not. b.*

Ionas Resurrectionis Symbolum in Monumentis Christianorum . p. 298.

Iris frugum Dea . p. 346.

Isiaci qui . p. 96.

Ityrei qui . p. 232. Inter Romanæ militiæ auxilia . *ibid.*

Ityrea , seu Iturea Teirarchia Syriæ . p. 233. *not. b.*

Itus , aut Iter in Sepulchris quid . p. XLVI. *not. b.*

Italia inter Romanas Provincias , nunquam numerabatur . p. 144. In XI. Regiones ab Augusto divisa . *ibid.* Ejus nova divisio ab Hadriano , dein à Constantino . p. 150.

Itinerarium Antonini Beneventum extra limites Campaniæ locat . p. 152.

Judæi , & Iudæica Superstitio pro Christiana , ab Ethnicis accepta . 194.

Jugerum , & ejus mensura . p. VII.

Julia Augusta Geræ Mater . Caracallæ Noverca . p. 56. Julæ nomen Augusti Fœminis plerumque Honoris , non originis . p. 59.

Julæ Coloniz à Cæsare earum deductore appellatæ . p. 34. An etiam ab Augusto sic dictæ . *ibid.*

Julianus Cæsar à Constantio declaratus eidem in Imperio successit . p. 201. à Beneventanis pluries publicis monumentis celebratus . *ibid.* Ijus Mors divinitus à S. Mercurio Martyre illata . p. 202.

Julius Cæsar ter Colonias deduxit . p. 34. Ejus consilium in ejusmodi re . *ibid.* *not. c.* An Beneventum Coloniam deduxit , & quando . p. 34. & 35. Ejus adventus Beneventum . p. 188.

Juno Veridica cur sic dicta . p. 68.

Curitis , quæ . p. 68. & seq.

Quiritis cur sic dicta . p. 69.

Stygia . *ibid.* & p. 70.

Genius Tutelaris Mulierum . p. 101.

Iupiter Tonans , unde , & quando cœpit ejus cultus . p. 64. Ejus Templum Beneventi . p. 65.

Pacifer , cur dictus . p. 63.

Cœlestinus , qui . p. 70.

Carvillianus , qui . p. 66.

Iuramentum per Genium Principis Christiani vitabant . p. 102.

Per salutem Principis licitum . p. 103. Sed à Carolo Magno vetitum . *ibid.*

De re improba ab Alexandro Imp. irritum declaratur . p. 103.

Juridici in locum Consularium ab Antonino per Italiam instituti . p. 146.

Jus Italicum post Legem Iuliam viguit in Provinciis . p. 42.

Jus Quiritium universum jus Romanorum etiam publicum continebat . p. 42.

Justinianus Consules abolere curavit , quomodo . p. 301. Annos Imperit in publicis Artibus , & Monumentis inscribendis mandavit . *ibid.*

L

Lacus ab Ædilibus facti quinam snot . p. 133.

Lapides antiqui emendati . *Id.* Inscriptiones .

Laticlavii Tribuni qui . p. 227.

Latina Coloniz quid juris habebant . p. 43.

Latini Coloni Socii dicebantur , neque in Legionibus , sed in Auxiliis militabant . p. 43.

Laurus Apollinis Sacer . p. v. *not. a.*

Legati Militares qui . p. 228.

Legio Lineata Samnitium quando , & cur ita dicta . p. 235. & *not. a.*

Legio VI. Ferrata cur ita dicta . p. 237.

Legio XXX. Germanica pluribus cognominibus decorata . p. 238.

Legiones aliæ aliis præstantiores . p. 235.

Legiones Romanorum quot . p. 236. *not. a.* & p. 238.

Ultra Legiones XXX. non aliæ , nisi ex mendosis lapidibus . p. 239.

Leontiani Beneventi qui . p. 172.

Lex Julia post Bellum Italicum de æquando jure Civitatis Romanæ à quo lata . p. 44.

Lex ult. D. De Jure Immunit. doctos Viros in errorem egit , nunc demum emendata . p. 243.

Lex 6. Cod. Inst. De Sacros. Eccl. à Triboniano interpolata . p. 318. Ejus genuina lectio in Cod. Theodosiano servata . *ibid.*

Liare verbum , & Liaculum . p. XXXVI. *not. c.*

Libertæ suorum Patronorum conjuges . p. LII. *not. b.* Earum nuptiæ cum Ingenuis ante Augustum ignominiosæ . *ibid.*

Libertus à Studiis qui . p. XXXIV. *not. c.*

Libertus aliquando Frater alterius Fratris . p. LVII. *not. a.*

Listorum Collegium nunquam fuit . p. 164.

Limina Templorum Sacra . p. 65.

Littera I cur longiuscula in ditionibus . p. 262.

Littera x passim pro Latina A. etiam Augusti ævo . p. 264. *not. a.*

Littera B. pro V. p. XXXIV. *not. a.*

Litteræ Æneæ auratæque in Titulo Arcus Trajani Beneventi . p. 263.

Litterarii Philosophi qui . p. 170. *not. d.*  
 Litterati, & Litteratores . p. 205.  
 Livii locus de Beneventana Colonia explicatus . p. 45.  
 Lituus qui . p. v. *not. a.*  
 Loca *abdit*a in Inscriptionibus Sequioris ævi quæ fuerint . p. 280. *not. a* & p. 281.  
 Longobardi Superstitionis Reliquias aliquot diu retinuerunt . p. 108. & 121. Bis in Italiam venerunt: primum Auxiliares Narsetis contra Gothos, dein proprio Consilio ad occupandam Italiam regressi . p. 289.  
 S. Lucas falso servilis conditionis creditus, quia Medicus . p. 208. *not. c.*  
 Lugdunum Colonia à L. Munatio deducta cum ejus Urbis origine à Petavio confusum . p. 35.  
 Luitprandi Lex contra Arborum cultores . p. 122.  
 Ludi Capitolini singulis Iustis à Domitiano instituti . p. 218. Ab his tempora diu supputata instar Olympiadum . p. 218. *not. f.*  
 Ludi Palmares qui . p. 273. *not. b.*  
 Illustrationes piculares ethnicorum . p. 91.

## M

Maceria quæ . p. LVIII. Eâ sepulcra claudabantur . *ibid.*  
 Magistratus pro Sacerdotio . p. 97.  
 Magistratus Coloniarum à Principibus gesti . p. 125.  
 Magni Cognomen quibus datum . p. 196.  
 Maletia commentitium olim Beneventi nomen . p. 23.  
 Maleventum vetustis Scriptoribus memoratum . p. 17.  
 Unde dictum . p. 24. De Maleventi etymologia Procopii fabula, Salmastii conjectura rejicitur . *ibid.*  
 Quando, & quare Beneventum dici cæpit . p. 19.  
 Maleventani ante Coloniam deductam jus connubii cum Romanis habuere . p. 18.  
 S. Marciani Aedes Suburbana, olim Herculis Templum . p. 85. Ejusdem Templi Reliquiæ exhibentur . *ibid.*  
 Mariti Domini ab uxoribus vocabantur . p. 55. & 56.  
 Maritorum Legitimum dominium in uxores ex Iure Gentium . p. 55.  
 Martyres plurimi Beneventani in Diocletiani Persecutione . p. 119.  
 Martenses qui . p. 168. Plura eorum Collegia Beneventi variis cognominibus . *ibid.* & p. 169.  
 Mater Deum . p. 88. Unde, & quando ejus Religio Romam venit . *ibid.* In Inscriptionibus Taurobolicis per hæc Sigla expressa M. D. M. I. c. *Mater Deum Magna Idea*; Sigla eadem perperam aliis explicantur: Magna Deum Mater Isis . p. 92.  
 Mater Castrorum, Titulus Augustis Fœminis datus, quibus, & qua de causa . p. 59.  
 Medicina an inter serviles artes . p. 208. De ea re Eruditorum concertationes . *ibid.* Sed ex varia ejus artis natura, & temporum ratione compositæ . p. 209. & seq.  
 Medicorum Collegium Beneventi . p. 167.  
 Melesagri Venatio, & fatum in Sarcophago expressum . p. 324.  
 Memorius Episcopus Eclanensis . 155.  
 Mensores Operum publicorum . p. 330. Agrarii privati, & publici . p. 331. Riparienses . p. 332. Domus Augustæ . *ibid.* Castrenses . p. 333. Machinaril . *ibid.* Cereris Augustæ . p. 334. Olsarii, & Vinarii . p. 339.

Mensores conditio quæ . p. 341. Executio legitima à Tutelis . p. 347. Numina pecuniaria . p. 345.  
 Mensuræ a quo inventæ . p. 334. *not. a.* Publicæ, ad quarum exemplum privati uterentur . p. 336. An ex Urbe principe ad Urbes subditas servandæ mitterentur . p. XII. *not. b.* Publicæ ex ære . p. 134. Iniquæ non sollebantur, sed omnino frangebantur ab Ædilibus . *ibid.*  
 Mercatorum an honesta professio . p. 166. & *not. a.*  
 Mercuriales qui . p. 160. Eorum Collegium Beneventi . p. 166. & seq.  
 S. Mercurius Martyr Julianum Augustum divinitus interfecit . p. 201. & seq. Ejus lyplana Beneventi aservantur . *ibid.*  
 Metia Dea quæ . p. 66.  
 Militares Coloniz abusive dictæ . p. 42.  
 Milites Beneventani . Vid. Dissert. IX. & §. v. anteced. Indicis.  
 Militiæ Romanæ numerus . p. 239. & seq.  
 Milliariæ Columnæ Viæ Trajanæ . p. 185. *not. a.*  
 — Nervæ mendosa . p. 179.  
 — Viæ ab Hadriano resectæ juxta Beneventum . p. 185.  
 Minerva Bercynthia . p. 88.  
 — Cur Pallas dicta . p. 170.  
 Minervæ Quinquatria à Domitiano instituta . p. 218.  
 Missio in Militia triplex . p. 270. Publico monumento mandabatur cum die, & Consule . *ibid.*  
 Mithra idem ac Apollo . p. v. *not. a.*  
 Modiatio, Modiaticum . p. 341.  
 Modius Symbolum Mensores frumentarii . p. 335. Item Pistoris . p. xv. Item Ædilis . p. xvi. In Christianorum monumentis insculptum cujus rei symbolum . p. 349.  
 Modius Deus . p. xvi.  
 Modius Romanus in Beneventana Colonia receptus . p. 336. Æneus, aut lapideus publicè constitutus . *ibid.* Ejus capacitas, & pondus . p. 337. Mensura tum aridorum, tum liquidorum . p. 339.  
 Mons Taburnus Samnitiū Olivifer . p. 153.  
 Mulstra, & Mulstralia . p. 340.  
 L. Munatius Plancus sub Julio Cæsare Agros Beneventi divisit . p. 35. Pro Cos. Galliæ A.V. 711. Coloniam Lugdunum deduxit . *ibid.* Ejus lapis Triumphalis vindicatus, & explicatus . p. xx. *not. a.*  
 Munera pro Gladiatorum Ludis, cur ita dicta . p. 216. *not. a.*  
 Munerarius qui . p. 216. *not. a.* Munerarius Diei unius qui . p. xx. *not. a.* Munerarius Bidui qui . p. xxxiv. n. i.  
 Municipis abusive dicti Coloni . p. 48. Quid discriminis inter Municipis, & Colonos . p. 43.  
 Municipii jure an aliquando donatum Beneventum . p. 48.

## N

Narsetes Beneventanam Urbem a Totila vastatam inflau-ravit . p. 286. Ejus mora Beneventi . *ibid.* Ejus eximie virtutes . p. 287. Ab Avaritiæ, & Proditionis in famia vindicatur . *ibid.* *not. b.* & p. 288. Unde orrus rumor de accitis ab eo in Italiam Longobardis . p. 289.  
 Natalis Coloniz Beneventanæ solenniter celebratus . p. 31.  
 Natalis dies defuncti solenniter celebrari legato annuo mandabatur, & cur . p. 167. *not. a.*

Natalis



Natalis annus simul cum anno emortuali memoratus . p. 229.  
Natalis Dies, & Hora omnium Civium in publicis Tabulariis consignata . p. 306. Qui mos ea de re Romæ . *ibid.* in aliis Urbibus . *ibid.*  
Neapolis Urbs *Religio*a a Symmacho appellata cur . p. 118.

Nero Imp. Coloniam Beneventum deduxit . p. 38. Ejus frequens adventus Beneventum . p. 180. Cædes ibi factæ . *ibid.* Conjuratio in eum ibi constata, & detecta . p. 190.

Nerva Imp. nihil, aut parum in munienda Appia præstitit . p. 179. Ejus Tribunitia potestas x. mendosè numerata . *ibid.*

Nomen duplex æquè proprium vulgò *Sopranome*, etiam veteribus consuetum . p. XLVII. *not. b.*

Nothi qui . p. XLII. *not. b.* p. LX. *not. a.*

Nucea Arbor Beneventi nocturnis Sagaram conventibus extare falsò credita . p. 108. Unde ejus rei fama, p. 109. & 122.

Numen diversum a Genio . p. 104.

Numeri vocabulum Militiæ . p. 343.

Numerii Maleventani Filia Superstiti Fabiorum nupta ingentes divitias, & prænomen Numerii in Fabiam Romanorum familiam advenit . p. 17.

Nummi Principum Longobardum exhibentur . p. 11.

Nummularii qui . p. XXXV. *not. a.*

Nummorum cudendorum jus Colonis sæpe ab Augustis permisum . p. 124.

Nummus Argenteus Putealis Scribonii exhibetur, & explicatur . p. 26. & 27.

Nummus æreus Augusti ob ejus Præturam Beneventi gestam exhibetur, & vindicatur . p. 123.

Nummus aureus Grimoaldi Principis Beneventani ex ejus Edicto emendatur . p. 16.

Nummus æreus Arcus Trajani Romæ olim extantis exhibetur, & vindicatur . p. 255.

Nuptiæ nullæ erant Magistratibus Romanis cum foemina Provinciæ . p. 197. Leges de ea re paulatim obsoleverunt . *ibid.*

Nuptiæ Ingenuorum cum Libertinis ante Augustum ignominiosæ . p. LII. *not. b.* Altoris cum Alumna a quo permixtæ . p. XLI. *not. b.*

Nurus diminutivè *Noricula* . p. LIII. *not. c.*

O

Ophitæ Hæretici Serpentem vivum colebant . p. 106.

Optio quid . p. 243. *not. b.*

Optio Valetudinari quod munus . p. 243. & seq.

Optio Signiferi . p. 246.

Optio ab Adis quis . p. 247.

Optimi cognomen an prior Trajanus obtinuit . p. 260.

Plinii fides de ea re vindicata . *ibid.* Quo anno delatum . p. 261. In publicis monumentis non semper inscriptum . p. 262. Ante Trajanum qui obtinuerint . p. 260. Post Trajanum a sequentis Augustis passim usurpatum . *ibid.*

Orbi qui, & cur ita dicti . p. XLIII. *not. a.*

Ordo pro Senatu, aut Decurionibus . p. 127.

Ordinatio quid significet in Leg. 7. §. 2. D. De Decurionibus . p. 127.

Orbellii Beneventani Grammatici statua in Beneventano Capitolio . p. 205. Ejus forma, & ornatus . *ibid.* Ipse Orbellii ingenium, res gestæ &c. p. 207.

Organa Mufices Instrumenta; eorum inventores, & varia genera explicantur . p. XXXVII. *not. a.*  
Osrhoene, seu Odroene Romanorum Provincia in Syria, mendosè in Gruteriano lapide in Coldroem Regem Persarum mutata alios egit in errorem . p. 115. *in not.*

P

Pagus quid, ejusque Lustratio . p. 276.

Pagani qui . p. 275. Idololatæ eo vocabulo appellati cur . *ibid.* *not. a.*

Palatium Principum quod . p. 278.

Pallium qui gestarent . p. 206. Ejus vestis color varius pro diversitate professorum . *ibid.* Inter Romanos antiquissimè usurpatum . *ibid.*

Palladianum Collegium Beneventi . p. 170.

Palmares Ludi qui . p. 273. *not. b.*

Papinianus IC. an Beneventanus . p. 214. & seq. Ejus Titulus Sepulchralis commentitius probatur . p. 216.

Parochi . p. 184.

Pater Coloniarum . p. 141.

Patres Civitatum qui . p. 141. Urbium . p. XXIV. *not. u.* An Coloniarum . p. 141. & XIV. *not. b.*

Patres vocabantur Metropolitani Episcopi suorum Suffraganeorum, qui vicissim filii . p. 155. Ejusmodi appellatio vetustissima a sæc. V. contra Mabillonium . *ibid.* *not. c.*

Patria duplex cuique esse potest, altera Naturæ, altera Civitatis . p. 51.

Patronus perpetuè in Familia aliquando erat . p. XXVIII. *not. a.*

Patronorum Matrimonia cum suis Libertis . p. LII. *not. b.*

Patroni ab *Avo*, & *Majoribus*, seu *Originalibus*, qui . p. XXVIII. *not. a.*

Pax in Christianorum veterum tumulis inscripta triplicis significatione . p. LXIII. *not. a.*

Pergamenus cur dictus Æsculapius . p. VI. *not. a.*

Perjuri per *Genium Principis* certa poena in Jure . p. 103.

Per militare quid . p. 242. *not. f.*

Perfèctissimi titulus quorum . p. 214.

S. Photinus Discipulus S. Petri primus Beneventi Episcopus . p. 110.

S. Piatas Martyr Beneventanus Civis, S. Dionysii Areopagitæ in Gallias socius . p. 113.

Piscis tum Christi, tum Christianorum symbolum . p. 292. Cum Jona Resurrectionis symbolum . p. 298. *not. a.*

Pistorum Corpus . p. 163. Eorum symbolum Modius . p. XV.

Plancellæ Agri Beneventani nomen falsò pro oppidis *Chianche* & *Chiancherelle* creditur . p. 180.

Plato quid de Geniis senserit, quid postea Platonici . p. 100. Ejus Leges de Sepulchris . p. 308. & p. XXXIX.

Plautus explicatus . p. 170. & p. 234. *not. a.*

PLVS MINVS formula Sepulchralis Annis Defunctorum quando apponi cœpit . p. 305. Cur frequens post IV. sæc. p. 306.

Pœtæ sua carmina passim recitare soliti . p. 217. Eorum certamina . p. 218. Coronati a Domitiani ævo . p. 219.

Pondera, & Mensuræ publicæ ex ære . p. 134.

Pons Leprosus Beneventi . p. 181. Ab Imp. Septimio Severo resecus . *ibid.* *not. a.* Cur ita dictus . *ibid.*

Ponti-

Pontifices Summi Romani quo jure annos Pontificatus in suis Diplomatis inscribunt . p.304.  
 Porta Aurea dictus Arcus Trajani Beneventi cur , & quando . p.263.  
 Porticus Dianæ Beneventi . p.274. Imp. Commodi . p.277.  
 Præfectus Vigiliæ , ejusque Jurisdicção . p.226.  
 — Urbi ab Augusto institutus . p.145. Ejus Iurisdicção intra C. lapidem . *ibid.*  
 Præfectus Beneventi ab Augusto ejus Urbis Prætor constitutus . p.126.  
 Præire in Sacris quid . p.92.  
 Prænomena an , & quæ feminarum . p.XIII. not. c.  
 Prænomena aliquando cum Nominibus uno vocabulo coalescebant . p.243. not. c. & p. LVI. not. b.  
 Prænomen, aut Nomen plurali numero quo modo . p.LI. not. a.  
 Præfides Provinciæ Samnii post Hadrianum , & Constantinum mansuerunt . p.150.  
 Prætoriani Milites non soli Corporis Augustorum custodes . p.225.  
 Prætorium Castræse , & Urbanum . p.277. Ædes summi Magistratus tum Militaris , tum Civilis . p.278.  
 Primipilus qui . p.230. Novitia vox veteris muneris . *ibid.* not. b.  
 Principes in Colonis Magistratus ordinarios honoris causa gerere solebant . p.125.  
 Privatum Patrimonium Principis . p. XVIII. not. a.  
 Pro Consulæ cur raro dicerentur Imperatores . p.XXV. not. a.  
 Procurator Vicefimæ Hereditatæ . p.115.  
 Professionum altera *Natalis* , altera *Censualis* . p.306.  
 Prudentis , aut Prudentissimi titulus in saxis nusquam obviæ . p.214.  
 Pura Loca quæ . p.223. not. b. & p.272. & p. LVIII. not. a.  
 Puteal Scribonii quid . p.27. Ejusdem nummus argenteus explicatus in not. p.26. & 27.

## Q

Q. litera Sabini , & Etrusci carebant . p.69.  
 Quadrigæ Diis dedicatæ . p.233. Ex qua materia . *ibid.*  
 Argenteæ Hadriano Imp. a Beneventanis dicatæ . p.234. Triumphantium propriæ . *ibid.*  
 Quadrigæ Jovis albæ , cur . p.234. not. a. Vero Deo tributæ a Propheta Habacuc quo sensu . *ibid.*  
 Quadrigati Nummi . p.234. not. b.  
 Quercus Marii in Agro Arpinatæ . p.109.  
 Quæstionarii qui . p.249.  
 Quiritis Junoni Cognomen cur . p.68.

## R

Recitationes Poetarum . p.217.  
 Regiones Urbis Romæ , ejusque Curatores . p.140.  
 Regiones antiquæ Urbis Beneventanæ . p.283.  
 Requiescendi verbum peculiare Christianis defunctis . p.294. Ethnicis etiam usurpatum . *ibid.* not. i.  
 Res privatæ Principis , eorumque Procurator . p. XVIII. not. a.  
 Resurrectionis Fides pluribus verbis , & symbolis in veterum Christianorum sepulcris testata . p.298.  
 Riparienses Milites qui . p.332. not. a.  
 Roma Dea . p.265. Æterna . *ibid.* not. d. Utrum ho-

rum pro *Blasphemie nomine* in Apocalypsi notatum . *ibid.* Ejus Urbis amplitudo . p.145. not. b.  
 Romani sua sacra cæteris Gentibus nominis cum ipsa Civitate communicabant , Peregrinas verò Religiones facillè ipsi recipiebant . p.89. Non militum numerum , sed virtutem curabant . p.240.  
 Romanorum pugna cum Pœnis ad Beneventum . p.29.  
 Romanis Vidoribus Beneventani convivium in propatulo suarum ædium appararunt . p.30.  
 Rubigus Deus qui . p.346.

## S

Sacerdotes Capulati qui . p.VII.  
 Sagæ quæ . p.108.  
 Samniæ nomen Benevento olim commentitium . p.22.  
 Samnii fines aliquando prolati , nunquam deminuti . p.157.  
 Samnites unde orti , ac ita dicti . p.18. Eorum Lex , Laudes . p.19. & 29. Alii *Pentri* , alii *Caudini* , quorum caput Beneventum . p.22. Eorum bellica virtus . p.221. Legio dicta *Lintea* . p.235. not. a. Scutum quæ formâ . p.237. A Romanis usurpatum . *ibid.* Oseorum , aut Sabinorum linguâ loquebantur . p.LXI.  
 Samniticarum literarum forma , ex veteri monumento exhibetur . *ibid.*  
 Scholæ quæ . p.219. not. a. Scholæ militares Beneventi . p.169. Scholæ Singularium quæ . p.249.  
 Scriba Ædilicis . p.135.  
 Scrinia quæ . p.206. Grammaticis attributa . p.208.  
 Secutor munus militare , a Gladiatoribus ejusdem nominis distinctum . p.242.  
 Severi Imp. profectio , & reditus Orientalis quo anno . p.192. & seq. A Beneventanis publico monumento celebratus . p.193. Is Libros Sacrorum Ægyptiis abstulit . p.194. Ejus persecutio in Christianos quo anno . *ibid.* Pontem Beneventi restituit . p.195.  
 Seviri Curatores Beneventi infimo ævo . p.143.  
 Sepulcra Ethnicorum extra Urbem , cur . p.308. not. b. & p.315. not. a. Christianorum Principum Leges in eam rem . p.318.  
 Sepulcra Christianorum ab Ethnicis separatæ . p.308. Intra Ædes Sacras ex veteri , ac perpetua Ecclesiæ disciplina . p.311. & seq. Constitutiones contrariæ expendantur . p.315. SS. Patrum sententiæ , & Canones Ecclesiastici eadem sepulcra probantes illustrantur . p.312.  
 Sepulcra Principum in Atriis Ecclesiarum , cur . p.310. & p.318. not. c.  
 Sepulcrorum ambitio , & luxus . p. XXXIX. Efflores , & destructores capitali pœna tenebantur . p.320.  
 Sepulcrum commune cum Ethnicis Christiani pro crimine ducebant . p.308. & 317.  
 Serpens a Gentilibus , ab Hebræis , a Christianis Hæreticis adoratus . p.106.  
 Setia Dea quæ . p.66.  
 Signifer , munus militiæ quod . p.246. Ejus insignia , & amictus ex Ferarum exuviis . *ibid.*  
 Sylla Beneventanorum amicitissimus . p.32. Militarum Coloniarum Auctor . p.221. Nunquam Beneventum Coloniam deduxit . p.32.  
 Silvanus *Casanicus* . p.IV. *Strajanus* . *ibid.* Cur iis cognominibus dictus . *ibid.* not. a.  
 Symmachi Senatoris laudes erga Beneventanos . p.120. An de



An de vero Deo intellexerit, quam Beneventani venerarentur . p. 121.  
 Singulares, munus militiæ quod . p. 249. Eruditorum sententiæ a Fabretto intemperanter refutatæ . p. 248.  
 Socratis Deus qui . p. 100.  
 Somniis Deorum iussa, & oracula Ethnici captare credebant . p. 68.  
 Sparteoli qui . p. 226. *not. a.*  
 Spiritus Sanctus in Christianorum tumulis inscriptus, qua inflexione, quo genere, & qua significatione . p. LXIV. *not. a.*  
 Spurius qui . LIX. *not. a.* Fuit verum prænomen seclufa alia significatione . *ibid.*  
 Statuæ Fœminis sœtate dicatæ . p. XXIV. *not. a.*  
 Stellatina Tribus, an propria, & unica Beneventanorum . p. 49. *in seq.*  
 Stigmata Fabricensibus inurebantur . p. 173.  
 Stoicorum doctrina de Geniis . p. 101.  
 Studia pro Gymnasiis, seu Ludis Literarum . p. 219.  
 Summæ Rei promotus qui . p. 213. *not. a.*  
 Superindicare quid in L. 3. §. ult. D. De Jurejuran. p. 103. *not. i.*  
 Superstitio Judaica sic ab Ethnicis appellabatur Christiana Religio . p. 194. *not. c.*

T

Tabularia publica quæ . p. 306. Populi quæ . *ibid. not. f.*  
 Tarruntenus pro T. Arruntenus . p. 243. *not. c.* Qui fuerit . *ibid.*  
 Taurabolium quid . p. 87. *in seq.* In eo Gentium Sacro plura Christianæ Fidei mysteria Diabolus æmulabatur, & cur . p. 91. A fumis Viris plerumque celebrabatur . p. 91. *not. a.* Ad sœc. IV. exitum perseveravit . *ibid.* & p. 92.  
 Tectores qui . p. XXXVI. *not. c.* Testoria vulgaris, *grecalia. ibid.*  
 Tempia eadem Romæ, & Augusto . p. 266.  
 Territorium Beneventanæ Colonie Caudium muro tennus cingebat . p. 40. Ejus fines . *ibid.*  
 Territorium Urbis Romæ ad centesimum lapidem protendebatur . p. 146.  
 Terminus Deus . p. 331. & *not. i.*  
 Terram Levem Defunctis precabantur . p. XXIX. *not. c.*  
 Tertulliani locus explicatus . p. 165. item p. 206. *not. b.*  
 Viadicatus, & explicatus . p. 268. *not. f.* item p. XXXVI. *not. c.*  
 Tesseræ Largitionales quid continerent, & earum forma, ac materia . p. 138. *not. b. & c.*  
 Tesseræ Hospitales . p. LV. *not. a.*  
 Theodoricus Rex Gothorum legem tulit de sepulcris extra Roman. . p. 320. Capitale sanxit Sepulcrorum effossionem, quam postea pro inveniendi auro ibidem condito sibi servavit . *ibid. not. a.*  
 S. Theophilus Beneventi Episcopus S. Januarii Martyris successor . p. 114.  
 Thermæ Commodianæ Beneventi . p. 278.  
 Thermarum magnificentia, & luxus . p. 279.  
 Toga Romanorum propria vestis . p. 41.  
 Togatæ Colonie perperam dictæ . p. 41.  
 Tonans Juppiter a Beneventanis cultus, & quando ea superstitio orta . p. 64.  
 Totila Rex in Samnium irrumpens Beneventum cepit, ejusque muros diruit . p. 157. *in seq.*

Traditores Christiani qui . p. 112.  
 Trajanus Imp. Beneventum Coloniam nunquam deduxit . p. 38. Zernemsem Coloniam in Daciam deduxit : Ulpiani de ea re testimonium : sed antiqui lapidis dubia fides . *ibid.*  
 Trajanus quot Vias fecerit . p. 176. Nonnisi mortuo Nerva Imperium administrare cepit . p. 256. Ejus Tribunitia Potestas uno anno Imperium anteverit . p. 257. Fortissimi Principis Titulo appellatus in Beneventano Arcu, quare . p. 258. Parthici cognomen non ante Trib. Pot. XIX. obtinuit . p. 259.  
 Tribunal Forense, quid . p. XXXVIII.  
 Tribunal Sepulcrale . quid . p. XXXIX.  
 Tribuni Militiæ qui . p. 222.  
 — Laticlavi qui . p. 224.  
 — Angusticlavi, qui . p. 227.  
 Tribunatus Militiæ Semestris . p. 227.  
 Tribunitia Potestas pares Imperii annos demonstrabat . p. 256. Ea numerandi ratio non semper certa nonnullos in errorem egit . *ibid. not. c.*  
 Tribus Romanæ quot initio, & a quo institutæ. Earum nomina, & constants deiæps numerus . p. 47. Novum nomen ab Augustis sibi aliquando assuebant . p. 50. Tribus Ulpia . p. XXX. *not. a.* Tribubus duabus nemo ritè adscriptus : Id unus Augusti privilegium : Alia exempla suspensæ fidei . p. 50. Tribubus diversis unius loci cives plerumque adscripti, atque ejus rei causæ plures . p. 52. *in seq.*  
 Tribus in qua Beneventani censebantur, quæ fuerit, & an una, vel plures . p. 49.  
 Tripos Apollinis . p. V. *not. a.*  
 Triumphans Quadrigis vehebatur . p. 234.  
 Turbato ordine naturæ : an formula sepulcralis in monumentis Filiorum a Parentibus factis . p. 216.  
 Tutelæ exculatio summo ex privilegio concessa . p. 347.

V

V. consonans mutabatur in O . p. XXVII. *not. b.*  
 Vacatio munerum quibus data . p. 243.  
 Valere verbum in Titulis Sepulcralibus commune tum mortuorum, tum superstitum . p. LIII. *not. b.* Ter repetebatur . p. LIV. *not. b.*  
 Valetudinarii qui . p. 243.  
 Valetudinarius in Urbe pro militibus . p. 244. In domo divitum pro servorum familia . *ibid.*  
 Vatinius Beneventanus Neronis familiarissimus . p. 183.  
 Ejus professio, & mores . *ibid.* & *not. d.*  
 Vatinii Calices qui . p. 189. *not. d.*  
 P. Veidius Pollio Casareum Beneventi edificavit . p. 264.  
 Ejus crudelitas in servos quæ . p. 267. Quomodo ab Augusto correpta . p. 268. Dure exagitata apud veteres Scriptores . *ibid.* An domo Beneventanus . p. 269.  
 Vespasianus Imp. Beneventum advenit . p. 192. Domitianum filium ibidem obvium increpat . *ibid.*  
 Vestales Virgines an alibi præter Urbem . p. VIII. *not. b.*  
 Vestiarum Centonarii, Tenuarii &c. p. XXXVI. *not. b.*  
 Via Trajana Benevento Brundisium . p. 175. *in seq.*  
 Quo anno Trajani facta . p. 180.  
 Via per Pontinas Paludes a Trajano magnificè constructa . p. 179.  
 Via Numici Horatio memorata quæ . p. 182.  
 Viæ a Trajano factæ, quot . p. 176.

- Via binæ Brundisio Beneventum colabant . p. 182. Utram earum Trajanus stravit . p. 183.
- Victoria Augusta . p. vi. not. b. Ejus Atam restituendam Symmachus contendeat . *ibid.*
- Viniciana Conjuratio in Neronem Beneventi conflata . p. 190. Quis ejus Auditor . *ibid.* Quomodo detecta . p. 191. Quo Neronis anno contigit . *ibid.*
- Vigiles, milites Urbani . p. 225. Etiam custodes Augustorum . *ibid.* Quid muneris haberent . p. 226. A quo instituti, quæ eorum dignitas, & cur *Spartecoli* dicti . *ibid.* not. a.
- Vipera Langobardorum Beneventi Principum pecuniare numen . p. 108. Unde orta ea superstitio . *ibid.*
- Vitulatio, quid . p. 95.
- Vitis Centurionum Insigne . p. 231. not. a. Eadem milites pro modo culpæ a Centurionibus verberati . *ibid.* Eorum, qui tenerent, aut frangerent, pœna . *ibid.*
- Vlulare, & Vlulatio . p. XLIII. not. a.
- Vocales literæ sponte geminatae . p. 133. & p. XI. not. b.
- Vota publica pro Reditu Augustorum . p. 28. etiam privatorum . p. iv. num. 18.
- Votum vovere . p. 1. not. a.
- Urbana Militia . p. 243.
- Urbaniciani Milites . p. 243.
- Urbes divinis honoribus colebantur . p. 265.
- Urnæ Cinerariæ, earumque forma . p. 227.
- Uxores Maritorum nomen sibi adjungebant, & quæ ejus moris causa . p. 55. Servire Maritis dicebantur, quos *Dominos* vocabant . *ibid.* & p. seq. Vxores Ducum Romanorum per sæpe *Comites* in Castris . p. 59.

Z.

Z. litera sæpe pro S., raro pro I. p. XLIV. not. b.

Zosimi in Imp. Constantinum calumniæ confutatae . p. 91. & p. 198.



Pag. 114. post lin. 10. ubi §. desinit, hæc sunt addenda. Fuisse autem Duodecim inter S. Photinum, & S. Januarium, sacros Antistites, qui prioribus illis tribus Ecclesiæ Saculis Beneventanam Ecclesiam administrarint, constans est Scriptorum omnium nostrarum opinio, non spernenda illa quidem, quippe quæ non solum ex S. Januarii Actis, ubi is haud primus, ut diximus, Beneventi Episcopus statuitur, verisimilitudinem obtinet, verum etiam, ut eum S. Januarii decessorum certum numerum desinit, optimam conjecturam sibi arcessit ex loco præclarissimi nostri Chronographi Falconis, qui ad an. 1119. hæc habet: *Prædictus Anstiles* (i.e. Landolphus Beneventanus Archiepiscopus) *die videlicet decimo sancte Mensis Maji cum Episcopo Frequentino, & de Monte Marano, & Aranenſi Corpora Sanctorum collocavit; inter quæ Corpus associavit B. Joannis xxi. Beneventani Archiepiscopi* (ita Falco appellat sui temporis spectata ratione, nondum enim hujus Joannis ævo Beneventana Ecclesia Archiepiscopatus nomen obtinuerat), *qui triginta, & tres annos, sicut titulus refertatur, in Episcopatu advenit.* Constat autem ex certis Beneventanæ Ecclesiæ monumentis, hunc Joannem, qui medio Sæculo v. floruit, non nisi nomen a S. Januario fuisse Episcopum, uti apud Ughellum comperta res est; qua re certo fit, ut, si is, monene fortasse eodem sepulchrali titulo, xxi fuerit in perpetua ab initio Episcoporum serie numeratus, jam xxi altis S. Januarii decessoribus suis omnino locus esse debeat.

Sed ad eandem rem uberius &c.

Pag. 104. in fine not. (c) hæc adde

Haud vitio nobis Christianis verri debet, quod die-rum nomina ab ethnicis mutuari videamur; non enim hoc factum eorum substitutionem probamus, dum nudum vocabulorum usum retinere debemus, quem non religionis consensio, sed politica hominum societas retinendum

monebat: Hæc facit Tertulliani locus Apolog. xvi. : *Æ-quæ si diem Solis lætitiæ indulgemus, alia longè ratione, quàm de Religione Solis secundo loco ab eis sumus, qui diem Saturni otto, & quibus decernunt: ubi sic Haver-campas: Non vero gravati sunt Christiani hoc nomen mutatum licet ab ethnicis, in istius diei appellatione retinere, quoniam, ut Ambrosius scribit Serm. 61. in ea die Salvator velut Sol oriens, discussus infernorum tenebris, lucere resurrectionis emicuit.*

Pag. 245. Petrus Burmannus in de Vestigal. P. R. cap. 7. p. 99. edit. Leidæ 1734. eodem jure, quo Municipia, postea illam Urbem æternam, Gentium, & Orbis dominam, Romam ab Imp. habitam fuisse censet, nam (subdit) *imminuta Senatus auctoritate, sublato Erario, & Fiscis discrimine omnia Vestigalia in Principis usum, & rationes sunt relata: Rome ut Oppido alicui minori quædam minuta Vestigalia ad Opera publica, & cæteras necessitates relicta, & deputata, quin & Erarium deinde ipsum ablatum Rome, & ut cæteris oppidis Arca aliqua assignata, quam omnibus Municipiis, imo, & privatis Societatibus habere permittitur: Reinc idem Aurelianus apud Vopisc. c. xx. scribit Senatui: Est præterea vestro auctoritatis Arca publica, quam magis refertam esse reperio, quam cupio: ubi fortè (minus) legendum: Hæc Burmannus: qui quum semel cepit Populi Rom. Erarium ad nihilum, vel minimum redigere, sat s importunam manum Vopisci loco adhibuit; ex quo potius, si verba, mentemque Aureliani advertisset, rectè eam Lectionem se habere novisset: & mirum quidem adeo suæ sententiæ indulgisse Burmannum, qui eodem loco, ab eisdem Vopisco. & Aureliano edoctus faceret, eum Augustum Vestigal ex Egypto Vitri, charre, lini, stupæ, atque analogicas species Urbis Romæ constituisse.*

## R E G I S T R O.


Frontespizj, e Dedic. \*. 2. 3. fogli trè. A. B. C. D. E. F. G. H. I. K. L. M. N. O. P. Q. R. S. T. V. X. Y. Z. Aa. Bb. Cc. Dd. Ee. Ff. Gg. Hh. Ii. Kk. Ll. Mm. Nn. Oo. Pp. Qq. Rr. Sf. Tt. Vv. Duerni. Xx. un foglio e mezzo. a. b. c. d. e. f. g. Duerni h. h 2. h 3. fogli trè. i. Duerno. k. k 2. k 3. fogli trè. Arcus Triumphalis Trajani. Figura I. alla pag. 253. Reliquiæ Amphitheatri Beneventani. Figura II. alla pag. 284.

## ERRATA

## CORRIGENDA.

<i>Pag.</i> 2. in not. in cit. Basilicographiæ pro lib. III.	lege cap. XLI.
3. v. 17. postquam	postque
14. v. 7. Petavii	Patauii
15. v. 6. Agrippam	Argyrippam
15. v. 31. regionum	regionum
16. v. 6. effigendum	effigendum
16. v. 17. Victime	Victimæ
16. v. 20. rectæ	recte
16. v. 25. oculis	oculis
16. v. ult. abstinissem	abstinissem
18. v. 2. <i>post</i> divitiarum <i>adde</i> vi.	
20. v. 24. necessarium	necessarium
21. v. 9. præclarissimum	præclarissimum
24. v. 3. ad eo	adeo
24. v. 15. <i>partum</i>	<i>partem</i>
24. v. 19. protius	potius
27. v. 15. <i>post</i> Principes <i>adde</i> mos	
29. v. 14. ab Roma	ab Urbe Roma
32. v. 8. <i>post</i> testantur <i>adde</i> probare	
39. v. 15. ita	ita ut
41. v. 16. Caslininum	Casilinum
44. v. 41. deducta	deductæ
46. v. 42. nondum	nedum
49. v. 15. cuiusque	cuiusque
57. v. 42. Antonino	Antonini
58. v. 7. abraçtum	abrafum
70. not. (e) v. 3. <i>completa</i>	<i>complexa</i>
<i>ibid.</i> not. (i) <i>ramos</i>	<i>ramus</i>
72. v. 4. pag. 4.	pag. 48.
74. v. 1. Fabula	Tabula
79. v. 1. postquam	post quam
84. v. 17. inferit	inferi
86. v. 27. igitur ea	igitur ad ea
90. not. (b) v. 14. erigendi	eripiendi
92. not. (f) v. 1. <i>Ædibis</i>	<i>Ædilis</i>
95. v. 4. lætitiã	lætitiã
v. 6. lætitiã	lætitiã
101. v. 1. illud	illum
106. not. (e) v. 2. confringes	confringens
107. not. (c) v. 8. Hyscæ	Hygiæ
113. v. 7. shedis	schedis
v. 8. longo	longe
v. 19. Religionem	Religionem
125. v. 15. interpretatione	interpretationem
132. v. 28. loca	loca
135. v. 3. FRATRI	FRATRI
144. v. 36. Tyrannidis	Tyrannidis
v. 48. Ar	At
153. v. 1. <i>Claudium</i>	<i>Caudium</i>
156. v. 1. diversa	diversa
164. v. 10. fuerunt	fuerint
173. v. 6. <i>infinul</i> <i>esset</i>	<i>infinulassset</i>
178. v. 1. sibi	sibi
180. v. 22. titulum	titulus
194. v. 28. Ulpini	Ulpiani
197. v. 29. meminuit	meminerit
199. v. 22. pindignus	indignus
202. v. 19. in temperantioris	intemperantioris
204. v. 28. & 29. is . . . numerus	eum . . . numerum
222. v. 27. <i>paraverit</i>	<i>parevet</i>
224. v. 32. Restius	Rustius
238. v. 5. XXV.	XXX.
255. v. 24. Thiamphali	Thriumphali
279. secunda nota corrigenda sic :	(b)
307. tuam	tam .
315. nonnullas	non ullas .
<i>ibid.</i> v. 32. uti	ubi
320. v. 29. heic	huc
XVI. col. 2. inferiori v. 19. extendit	ostendit .
XXII. r. Toedia pro Tædia : quas diphthongos mendosè scriptas , seu bi in hoc Volumine occurrant , uti etiam leviores , aut fortasse graviore alias maculas , quas vel incuria fudit , vel humana parum cavit natura , quæque ex unica absentis Auctoris castigatione deleri omnino nequiverit , æquus Lector ignoret .	











SPECIAL 88-B  
OVERSIZE 3469  
V.1



